


Marĩp̃ya Kerere
Wereri Turi



New Testament in Siriano

Marĩpaya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 22 Feb 2024 from source files dated 29 Jan 2022
1a0774e8-d152-5929-891b-95e0d2238786

Contents

SAN MATEO	1
SAN MARCOS	64
SAN LUCAS	102
SAN JUAN	167
LOS HECHOS	214
ROMANOS	270
1 CORINTIOS	296
2 CORINTIOS	321
GÁLATAS	337
EFESIOS	348
FILIPENSES	357
COLOSENSES	363
1 TESALONICENSES	369
2 TESALONICENSES	374
1 TIMOTEO	377
2 TIMOTEO	384
TITO	389
FILEMÓN	392
HEBREOS	394
SANTIAGO	415
1 SAN PEDRO	422
2 SAN PEDRO	430
1 SAN JUAN	435
2 SAN JUAN	441
3 SAN JUAN	442
SAN JUDAS	443
EL APOCALIPSIS	446

SAN MATEO

Jesucristo ñekūsāmarā āārīturiāmūrīdea
(Lc 3.23-38)

¹ Jesucristo ñekūsāmarā iripoegue marā āsū āārīnerā āārīmá. Jesucristo, David parāmi āārīturiagu āārīdi āārīmí. David, Abraham parāmi āārīturiagu āārīdi āārīmí.

² Abraham Isaac pagu, Isaac Jacob pagu,
Jacob Judásā pagu āārīdi āārīmí.

³ Judá pūrā Fares, Zara wāikurā āārīnerā āārīmá. Īgūsā pago Tamar wāikudeo āārīmó.

Fares Esrom pagu, Esrom Aram pagu,

⁴ Aram Aminadab pagu, Aminadab Naasón pagu,

Naasón Salmón pagu, ⁵ Salmón Booz pagu āārīdi āārīmí. Īgū pago Rahab wāikudeo āārīmó.

Booz, Obed pagu āārīdi āārīmí. Īgū pago Rut wāikudeo āārīmó.

Obed Isaí pagu āārīdi āārīmí.

⁶ Isaí Israel bumarā opu David pagu āārīdi āārīmí.

David, Urías marāpo āārīdeo merā Salomón wāikugure pūrākudi āārīmí.

⁷ Salomón Roboam pagu, Roboam Abías pagu,

Abías Asa pagu, ⁸ Asa Josafat pagu,

Josafat Joram pagu, Joram Uzías pagu,

⁹ Uzías Jotam pagu, Jotam Acáz pagu,

Acáz Ezequías pagu, ¹⁰ Ezequías Manasés pagu,

Manasés Amón pagu, Amón Josías pagu,

¹¹ Josías, Jeconíasā pagu āārīdi āārīmí. Īgūsā āārīpoere Israel bumarārē Babilonia marā gapu ñeā, Īgūsāya nikūgue āārīnerā āārīmá.

¹² Irasirigu, Jeconías Babilonia nikūgue Salatiel wāikugure pūrākudi āārīmí.

Salatiel Zorobabel pagu, ¹³ Zorobabel Abiud pagu,

Abiud Eliaquim pagu, Eliaquim Azor pagu,

¹⁴ Azor Zadoc pagu, Zadoc Aquim pagu,

Aquim Eliud pagu, ¹⁵ Eliud Eleazar pagu,

Eleazar Matán pagu, Matán Jacob pagu,

¹⁶ Jacob, José pagu āārīdi āārīmí.

José, María marāpu āārīdi āārīmí. María, Jesús masakare taubu “Cristo” wāikugure pago āārīdeo āārīmó.

¹⁷ Abraham merā keopurori, Daviguere marī keotūnumakū, āārīpererā Abraham parāmerā āārīturiarā catorce burigora masāporewāgānerā āārīmá. David merā Īgū parāmerā āārīturiarārē keomakū, Babiloniague Israel bumarārē Īgūsā āāburo dupuyuro keotūnumakū, catorce burigora masāporewāgānerā āārīmá. Dupaturi Babiloniague Īgūsā ejadero puru, Īgūsā parāmerā āārīturiarārē keopurorimakū, Cristo deyoadero puru keotūnumakū, catorce burigora masāporewāgānerā āārīmá doja.

Jesucristo deyoadea
(Lc 2.1-7)

¹⁸ Jesucristo deyoaburi āsū waayuro. Īgū pago María, José merā marāpukabo iriyupo. Īgūsā suro merā āārīrikuburo dupuyuro Ōāgū deyoamarīgū turari merā nijīpo āārīnugāsiayupo. ¹⁹ José igo merā mojjōsiabu diayemarē irigu āārīyupu. Irasirigu, igo nijīpo āārīrērē masīgū, masaka iūrōgue

igore: “Ñerō irideo ããrĩmó”, ãrĩ weresãduabi, ïgũsã masĩbirimakũta igore béobu iriadiyupũ. ²⁰ Irire ïgũ gũñaripoe Marĩpũre wereboegũ, kërõgue ïgũrẽ deyoa, ãsũ ãrĩyupũ:

—José, David parãmi ããrĩturiagu, Maríare ñerō gũñabirikõãka! Igo, Õãgũ deyomarĩgũ turari merã nijĩpo ããrĩnugãsiamo. Irasirigu gũiro marĩrõ igo merã mojõsiaka! ²¹ Igo majĩgũrẽ pũrãkugokumo. ïgũ ïgũyarã masakare ïgũsã ñerĩ iridea wajare taubu ããrĩgukumi. Irasirigu ïgũrẽ “Jesús”* wãiyegũkoa, ãrĩyupũ Marĩpũre wereboegu Josére.

²² I ããrĩpereri Marĩpũ ïgũya kerere weredupuyudire gojadorederosũta waayuro. ãsũ ãrĩ gojasũdero ããrĩbũ:

²³ Sugo nomeõ ãmũũ merã ããrĩbirikerego, sugũ majĩgũ pũrãkugokumo. ïgũ “Emanuel” wãikugukumi, ãrĩ gojasũdero ããrĩbũ.*

“Emanuel”, ãrĩrõ: “Marĩpũ marĩ merãta ããrĩmi”, ãrĩduaro yáa.

²⁴ José kãrĩadi yobeja, pũrũ Marĩpũre wereboegu ïgũrẽ doreaderosũta María merã mojõsiayupũ. ²⁵ Irasirikeregu, igo magũrẽ pũrãkuburo dupuyuro igore marãpokũbi irirosũ ããrĩkõãyupũ. Igo pũrãkũadero pũrũ, majĩgũrẽ “Jesús” wãiyeyupũ.

2

Masĩrĩmasã Jesúre ïarã waadea

¹ Herodes wãikũgu, Judea nikũ marã opũ ããrĩripoe Jesús iri nikũma makã Belẽgue deyoayupũ. ïgũ deyoadero pũrũ, abe mũrĩriro gapũ marã neñukãrẽ õãrõ masĩrĩmasã Jerusalẽgue ejañurã. ² Irogu eja, iri makã marãrẽ sërẽñañurã:

—Sugũ majĩgũ deyoadi judío masaka opũ ããrĩbu, ¿noógue ããrĩrĩ? Gũaya nikũgue gũã ããrĩmakũ, abe mũrĩriro gapũ neñukãmũ ïgũ deyoarire ïmugũ boyopũrorimakũ ïãbũ. Irasirirã ïgũrẽ bũremurã aarirã iriabu, ãrĩñurã.

³ Opũ Herodes ïgũsã irasũ ãrãdeare pébokagu, bũro gũñarikũyupũ. ããrĩpererã Jerusalén marãde gũñarikũñurã. ⁴ Irasirigu Herodes ããrĩpererã paía oparãrẽ, Moisés doredeare buerimasãdere siiu neeõ, ïgũsãrẽ sërẽñayupũ:

—Cristo, Marĩpũ iriubu, ¿noógue deyoabu ããrãyuri? ãrĩyupũ. ⁵ ïgũ irasũ ãrĩmakũ, ãsũ ãrĩ yũjũñurã:

—Judea nikũma makã Belẽgue deyoagukumi. Iripoegue Marĩpũya kerere weredupuyudi ãsũ ãrĩ gojadi ããrĩmĩ:

⁶ Belén wãikũri makãgue sugũ Opũ deyoagukumi. ïgũ Marĩpũyarã Israel bumarãrẽ korebu ããrĩgukumi.

Irasiriro Belén Judea nikũ ããrĩrĩ makãrĩ watope ubu ããrĩrĩ makã ããrĩkerero, gaji makãrĩ nemorõ ããrĩrokoa, ãrĩ gojadi ããrĩmĩ, ãrĩ wereñurã Herodere.*

⁷ ïgũsã irasũ ãrĩmakũ pégu, Herodes masĩrĩmasãrẽ siiu, masaka péberogue sërẽñayupũ:

—¿Naásũ ããrĩmakũ neñukãmũ deyoari? ãrĩyupũ. ⁸ “Irinugue deyoami”, ãrĩ yũjũmakũ pégu, ïgũsãrẽ Belẽgue ãsũ ãrĩ iriuyupũ:

—Iro marãrẽ: “¿Noógue ããrĩrĩ, majĩgũ deyoadi?” ãrĩ sërẽñarã waaka! ïgũrẽ bokajarã, õõta goedujarika, yũre ïgũ ããrĩrõrẽ weremurã! Yũde ïgũrẽ bũremugũ waaduakoa, ãrĩyupũ ïgũsãrẽ.

⁹⁻¹⁰ ïgũ irasũ ãrĩmakũ pé, Belẽgue waakõãñurã. Maague waamakũ, neñukãmũ, abe mũrĩriro gapũ boyoadi ïgũsã dupuyuro waadupuyuyupũ, ïgũsã

* **1:21** “Jesús”, ãrĩrõ: “Marĩ Opũ marĩrẽ taumi”, ãrĩduaro yáa. ✦ **1:23** Is 7.14 ✦ **2:6** Mi 5.2

waarí maaré ĩmugũ. Ĩgũsã neñukãmurẽ ĩãrã, buro usuyañurã. Neñukãmu ĩgũsã dupuyuro waa, majĩgũ ĩgũ ããrĩrĩ wii weka dujanugãjayupu.

¹¹ Irasirirã iri wiigue ñajãrã, majĩgũrẽ, ĩgũ pago María merã ããrĩgũrẽ bokajañurã. Ĩgũrẽ ĩã, ĩgũ puo ñadukupuri merã ejamejã: “Ōãtarimi”, ãrĩ buremuñurã. Ĩgũsã ããideã kũmarĩrẽ tũpã: oro, incienso, mirra wãĩkuri sũrõrĩ wajaparire ĩgũrẽ sĩñurã. ¹² Pũru ĩgũsã kãrĩripoe Marĩpu kërõgue wereyupu:

—Musãya makãgue goedujáarã, Herodes puo waarí maaré dujáabirikõãka! Gaji maa gapu dujáaka! ãrĩ wereyupu. Irasirirã gaji maa gapu goedujáañurã.

José, María merã majĩgũrẽ Egiptogue ãĩduriadeã

¹³ Masĩrĩmasã goedujáadero puu, Marĩpure wereboegu Josere kërõgue deyoa, ãsũ ãrĩ wereyupu:

—Yobeka! Majĩgũrẽ, ĩgũ pago merã Egipto nikũgue ãĩduriwãgãka! Yu murẽ: “Dujarika!” ãrĩ weremakũgue dujarika! Herodes majĩgũrẽ ãmabu yãmi ĩgũrẽ wẽjẽbu, ãrĩ wereyupu.

¹⁴ Ĩgũ irasũ ãrĩmakũ pẽgu, José yobe, majĩgũrẽ ãĩ, pago merã ñamita Egiptogue waakõãyupu. ¹⁵ Herodes okaropã irogue ããrĩñurã. Irasiriro Marĩpuya kerere weredupuyudi Marĩpu magũrẽ ĩgũ ãrĩdeare gojaderosũta waayuro. Marĩpu ãsũ ãrĩdi ããrĩmĩ: “Yu magũrẽ Egiptogue ããrĩgũrẽ siubu”.

Herodes ãma pũrãrẽ wẽjẽbéodoredea

¹⁶ Herodes, masĩrĩmasã ĩgũ puo goedujáabirimakũ ĩãgũ, guatariakõãyupu. Irasirigu Belén marãrẽ, iri makã tuo ããrĩrãdere ãma pũrãgãrẽ wẽjẽpeokõãdoreyupu. Masĩrĩmasã ãrĩdeare gũñagũ: “Ōõpãta majĩgũ masãkumi”, ãrĩ gũñayupu. Irasirigu pe bojori oparãrẽ, pe bojori doka oparãrẽ wẽjẽbéodoreyupu. ¹⁷ Ĩgũ irasiriri Jeremías Marĩpuya kerere weredupuyudi gojaderosũta waayuro. ãsũ ãrĩ gojadi ããrĩmĩ:

¹⁸ Ramã wãĩkurogue buro bujawereri merã dujaritua, orerãkuma. Raquel parãmerã ããrĩturiarã Israel bumarã nome ĩgũsã pũrãrẽ buro orerãkuma. Ĩgũsã pũrãrẽ wẽjẽmakũ ĩãrã, bujawereduúbirimakũ, gajerã ĩgũsãrẽ gũñaturamakũ irimasĩbirikuma, ãrĩ gojadi ããrĩmĩ.*

¹⁹ Herodes boadero puu, Marĩpure wereboegu Josere Egiptogue ããrĩgũrẽ kërõgue deyoa, ãsũ ãrĩyupu doja:

²⁰ —Majĩgũrẽ wẽjẽduanerã boapereakõãma. Irasirigu majĩgũrẽ, pago merã Israel bumarãya nikũgue ãĩ dujáaka doja! ãrĩyupu.

²¹ Ĩgũ irasũ ãrĩmakũ pẽgu, José yobe, majĩgũrẽ, pago merãta Israel bumarãya nikũgue ãĩãkõãyupu. ²² José gapu Judea nikũgue ejagu, Herodes magũ Arquelao wãĩkugu ĩgũ pagu dagure gorawayudi ããrĩmĩ, ãrĩrĩ kerere pẽgu, gũiyupu. Irasirigu, kërõgue Marĩpu ĩgũrẽ werederosũta Judea nikũrẽ taria, Galilea nikũgue waakõãyupu. ²³ Iri nikũguere Nazaret wãĩkuri makãgue eja, ããrĩyupu. Irasiriro Marĩpuya kerere weredupuyunerã gojaderosũta waayuro. ãsũ ãrĩ gojanerã ããrĩmã: “‘Cristo, Marĩpu iriudi Nazaretmũta ããrĩmĩ’, ãrĩrãkuma masaka”, ãrĩ gojanerã ããrĩmã.

3

Juan masakare wãiyerimasũ buedea

(Mr 1.1-8; Lc 3.1-9, 15-17; Jn 1.19-28)

¹ Iripoere Juan masakare wãiyerimasũ Judea nikũ masakã marĩrõgue ĩgũ puo ejarãrẽ Marĩpuya buenugãyupu. ² ãsũ ãrĩ werenayupu:

* 2:18 Jer 31.15

—Musã ñerõ iririre bujawereka! Musã gũñarĩrẽ gorawayuka! Mérõ duyáa, Marĩpu ãgũyarãrẽ doreri ejaburo, ãrĩ werenayupu.

³ Iripoeguema Isaiás Marĩpuya kerere weredupuyudi, Juan iriburire ãsũ ãrĩ gojadi ããrĩmĩ:

Sugu, masaka marĩrõgue buro gainĩrĩ merã: “Marĩ Opu aariburi dupuyuro ãgũ aariburi maarẽ diayema maa õãrĩ maa ãmurã irirosũ diayemarẽ irika!” ãrĩ weregukumi, ãrĩ gojadi ããrĩmĩ.*

⁴ Juãya surĩro camellu poari merã suadea surĩro ããrĩyuro. ãgũya yujũwẽñarĩdade waibu gasiro merã irideada ããrĩyuro. Poreroa, mume makãnúu marãyare baarikuyupu. ⁵ Jerusalén marã, ããrĩperero Judea nikũ marã, dia Jordán wãikũdiya turo marãde ãgũrẽ pãrã ejañurã. ⁶ ãgũsã ñerõ irideare bujawere, Marĩpura weretarimakũ ããgũ, ãgũsarẽ deko merã wãiyeyupu dia Jordán wãikũdiyague.

⁷ Juan, wãrã fariseo bumarã, saduceo bumarã ãgũrẽ wãiyedorerã ejamakũ ããgũ, ãsũ ãrĩyupu:

—Musã ãña irirosũ ñerã ããrã. ¿Noã musãrẽ õõguere aaridoreari? “Marĩpu, gũa ñerõ iriri waja gũare wajamoãbirikõãburo”, ãrĩrã, ¿yare wãiyedorerã aarari? ⁸ Musã: “Gũa ñerõ irideare bujawere, gũñarĩrẽ gorawayuabu”, ãrĩrã, musã ñerõ irideare piri, õãrĩ gapure irika! Musã irasirimakũ, Marĩpu musãrẽ wajamoãbirikumĩ. ⁹ Musã: “Gũa Abraham parãmerã ããrĩturiarã ããrĩmakũ, Marĩpu gũare wajamoãbirikumĩ”, ãrĩ gũñabirikõãka! Yu musãrẽ ãsũ ãrã: “Musã gũñarĩrẽ gorawayubirimakũ, musã Abraham parãmerã ããrĩturiari wajamãa. Marĩpu i ãtãyeri merã Abraham parãmerã ããrĩturiarã waamakũ irimasĩmĩ”. ¹⁰ Musã ñerĩ iririre piribirimakũ ããgũ, Marĩpu musãrẽ béogukumi. Sugu yuku ñerĩ dukakũdire ãã, kõme merã nugũrĩgue merãta diti, peamegue soebéorosũ musãrẽ béogukumi. ¹¹ Musã ñerõ irideare bujawere, musã gũñarĩrẽ gorawayumakũ ããgũ, yu musãrẽ deko merã wãiyegukoa. Yu puru aarigũ, yu nemorõ turagu ããrĩmĩ. Yu gapu ubu ããrĩgũ, ãgũrẽ neõ sãropebirikoa. ãgũ musãrẽ Õãgũ deyomarĩgũ merã, peame merã wãiyegukumi. Irasirigu Õãgũ deyomarĩgũrẽ musã merã ããrĩnimakũ irigukumi, ñerĩrẽ soebéorosũ musãrẽ ñerĩrẽ béoburo, ããrĩgũ. ¹² Trigo gasirire korobéogu irirosũ ããrĩmĩ. Gasirire koro odo, iri yerire baari duripiri wiigue duripĩgu irirosũ õãrõ irirãrẽ ãgũ purogue ããagukumi. Gasiri gapure peamegue soebéogu irirosũ ñerõ irirãrẽ peamegue béogukumi. Iri peame neõ yaribirikoa, ãrĩ werenayupu Juan masakare.

Juan Jesúre deko merã wãiyedeã
(Mr 1.9-11; Lc 3.21-22)

¹³ Juan masakare dia Jordán wãikũdiyague deko merã wãiyeripoe Jesús Galileague ããrãdi ãgũrẽ wãiyedoregu waayupu. ¹⁴ Irogu ejamakũ, Juan ãgũrẽ wãiyedubiradiyupu:

—¿Mu gapu yure wãiyerono irigu yure wãiyedoregu aarĩri? ãrĩyupu.

¹⁵⁻¹⁶ Jesús gapu ãgũrẽ yujuyupu:

—Yure wãiyeka! Marĩrẽ ããrĩpereri Marĩpu dorederosũta iriro gããmea.

ãgũ irasũ ãrĩmakũ pãgu: “Jãu”, ãrĩ, Jesúre wãiyeyupu. Wãye odomakũ, Jesús diague níadi majãngãmakũta, ãmugasi tũpãkõãyuro. Õãgũ deyomarĩgũ buja irirosũ deyogu dijari, ãgũ weka ejabejamakũ ããyupu. ¹⁷ Marĩpu ãmugasiguge ããrĩgũ ãsũ ãrĩyupu Jesúre:

—Ĩ yu magũ, yu maĩgũ ããrĩmĩ. ãgũ merã buro usuyãa, ãrĩyupu.

* 3:3 Is 40.3

4

Wātī Jesúre ārīmesādidea
(Mr 1.12-13; Lc 4.1-13)

¹ Pura Ōāgū deyomarīgū Jesúre masaka marĩrōgue āñayupa, wātī ĩgūrē ārīmesāburo, ārīgū.

² Iroguere Jesús cuarenta nuri, cuarenta ñamĩrĩgora baabiriyupa. Pura uaboakōāyupa. ³ ĩgū uaboamakū ĩāgū, wātī ĩgū puro eja, āsū ārīyupa:

–Diayeta Marĩpa magū āārīgú, ma turaro merā i ũtāyerire pā duparu waamakū irika! ārīyupa.

⁴ Jesús gapu ĩgūrē yujyupa:

–Yupya werenĩrĩ gojadea pūgue: “Baari dita masakare okamakū iribea. Āārĩpereri Marĩpaya werenĩrĩ gapu ĩgūsārē okamakū yāa”, ārĩ gojasūdero āārībú, ārĩ wereyupa Jesús wātĩrē.

⁵ Pura wātī Marĩpaya makā Jerusalēgue Jesúre āña, Marĩpaya wii wekague āĩmurĩa, ⁶ ĩgūrē āsū ārīyupa:

–Diayeta Marĩpa magū āārīgú, yebague parimadijaka! ĩgūya werenĩrĩ gojadea pūgue:

Marĩpa ĩgūrē wereboerārē murē koredoregukumi, neō ũtāyegue meébejabirikōāburo, ārīgū, ārĩ gojasūdero āārībú, ārĩ wereyupa wātī Jesúre.*

⁷ Jesús ĩgūrē yujyupa:

–Yupya werenĩrĩ gojadea pūgue: “Buremurĩ marĩrō Marĩpae: ‘Ma turari merā yure gajino iri ĩmuka!’ ārĩbirikōāka!” ārĩ gojasūdero āārībú, ārĩ wereyupa Jesús wātĩrē.

⁸ Pura wātī Jesúre ũmarĩ buúru wekague āĩmurĩayupa doja. Iroguere āārĩpereri i ũmuma makārĩrē, masaka oparidere ĩmupeokōāyupa. ⁹ Irire ĩmupeo, Jesúre āsū ārīyupa:

–Ma ñadukupuri merā ejamejāya, yure: “Ma, ya Opu āārā”, ārĩ buremumakū, i āārĩpererire murē sígura, ārīyupa.

¹⁰ ĩgū irasū ārĩmakū, Jesús āsū ārīyupa:

–Satanás, ya purore wirika! Yupya werenĩrĩ gojadea pūgue: “Marĩpa direta buremuka! ĩgū doreri direta irika!” ārĩ gojasūdero āārībú, ārĩ wereyupa Jesús wātĩrē.

¹¹ ĩgū irasū ārĩmakū pégu, wātī waakōāyupa. ĩgū waadero pura, Marĩpae wereboerā Jesúre iritamurā ejañurā.

Jesús Galilea nikūgue masakare buenagādea
(Mr 1.14-15; Lc 4.14-15)

¹² Juārē peresu iridea kerere pégu, Jesús Galilea nikūgue waakōāyupa.

¹³ Iro āārĩrĩ makā Nazarere tariwāgā, Capernaum wāĩkuri makāgue ejayupa. Galilea wāĩkuri ditaru turo āārībú Capernaum. Iri makā Zabulón bumarāya nikū, Neftalí bumarāya nikū āārĩunadero āārībú. ¹⁴ Jesús iroguere ejagu, iripoeguema Marĩpaya kerere weredupuyudi Isaías gojaderosūta iriyupa. Āsū ārĩ gojadi āārĩmĩ:

¹⁵ Zabulón bumarāya nikū, Neftalí bumarāya nikū āārĩunadero, judío masaka āārĩmerāya nikū āārā. Ditaru turo, dia Jordán wāĩkuriya abe ñajārōgue Galilea wāĩkuri nikū āārā.

¹⁶ Iro marā, naĩtĩārōgue āārĩrā irirosū Marĩpaya masĩbema. ĩgūsā masĩbiri waja peamegue waabonerā āārĩma. Irasū āārĩkererā, síāgorire ĩārā irirosū ĩgūsārē taubure ĩārākuma. ĩgūta ĩgūsārē Marĩpae masĩmakū

* 4:6 Sal 91.11-12

irigu aarigukumi. Irasirirã boyorogue ããrĩrã irirosũ ããrĩrãkuma, ãrĩ gojadi ããrĩmĩ.✠

17 Jesús iroque ããrĩgũ, masakare ãsũ ãrĩ buenugãyupũ:

–Musã ñerĩ iririre bujawereka! Musã gũñarĩrẽ gorawayuka! Mérõ duyáa, Marĩpu ãgũyarãrẽ doreri ejaburo, ãrĩyupũ.

Jesús wapikũrã waaĩ wẽjẽrĩmasãrẽ siiudea
(Mr 1.16-20; Lc 5.1-11)

18 Jesús Galilea wãikũri ditaru tarogue ejagu, Simõrẽ, ãgũ pagũmũ Andrére bokajayupũ. Simõta “Pedro” wãikũyupũ. ãgũsã waaĩ wẽjẽrĩmasã ããrĩñurã. Ditarugue ãgũsãya buidire meýorã iriñurã. 19 Jesús ãgũsãrẽ:

–Nãka, yũ merã! Daporare musãrẽ waaĩ wẽjẽrĩmasã ããrĩrĩrẽ piri, Marĩpũya kerere wererimasã ããrĩmakũ irigukoa, ãrĩyupũ.

20 ãgũ irasũ ãrĩmakũ pérã, mata ãgũsãya buiriyukure píkõã, Jesús merã waakõãñurã.

21 Pũrũ Jesús yoaweyaro waa, Santiagore, ãgũ pagũmũ Juãrẽ bokajayupũ. ãgũsã Zebedeo wãikũgu pũrã ããrĩñurã. ãgũsãya doódirugue ãgũsã pagũ merã ãgũsãya buiriyukure ãmurã iriñurã. Jesús ãgũsãrẽ: “Nãka, yũ merã!” ãrĩ siiuyupũ. 22 ãgũ irasũ ãrĩmakũ pérã: “Jãũ”, ãrĩ, ãgũsãya doódirure, pagũre píkõã, Jesús merã waakõãñurã.

Jesús wãrã masakare buedea
(Lc 6.17-19)

23 Jesús ããrĩperero Galilea nikũrẽ judío masaka nerẽrĩ wiirigue buegore-nayupũ. Oãrĩ kerere, Marĩpũ ãgũyarãrẽ doregu ããrĩrĩrẽ bueyupũ. Irasũ ããrĩmakũ pũrĩrikũrãrẽ ããrĩpereri ãgũsã pũrĩrĩrẽ tauyupũ. 24 ãgũ irasiriri kerere ããrĩperero Siria nikũ marã masĩpereakõãñurã. Irasirirã gajerosũperi sĩrĩrĩ oparãrẽ, pũrĩrikũrãrẽ, wãtẽa ñajãsũnerãrẽ, ñamasĩrĩrĩ oparãrẽ, waa-masĩmerãdere Jesús pũroque ããñurã. Irasirigũ ããrĩpererãrẽ tauyupũ Jesús.

25 ãgũ irasirimakũ ããrã, wãrã Galilea nikũ marã, Decápolis wãikũri nikũma makãrĩ marã, Jerusalén marã, Judea nikũ marã, dia Jordán wãikũdiya abe mũrĩro gapũ marã ãgũ merã waañurã.

5

Jesús buúrugue masakare buedea

1 Jesús, masaka wãrã ãgũ pũro ejamakũ ããgũ, buúrugue mũrĩa, eja doayupũ. ãgũ iroque doamakũ, ãgũ buerã ãgũ pũro nerẽnugãjañurã. 2 ãgũsã nerẽnugãjamakũ ããgũ, Jesús ãgũsãrẽ ãsũ ãrĩ buepũroriyupũ:

“Ãsũ irirãno usũyama”, ãrĩ buedea
(Lc 6.20-23)

3 –“Marĩpũ iritamubirimakũ, ãgũ gããmerĩrẽ irimasĩña marĩbokoã”, ãrĩ gũñarãno, ãmũgasigue Marĩpũ ãgũyarãrẽ dorerogue waarãkuma. Iroguema ãgũsãya ããrã. Irasirirã usũyama.

4 ‘Bujawereri merã ããrĩrãrẽ Marĩpũ ãgũsãrẽ gũñaturamakũ irigukumi. Irasirirã usũyama.

5 “Gajerã nemorõ ããrã”, ãrĩ gũñamerã, Marĩpũ ãgũsãrẽ: “I nikũrẽ sĩgũra”, ãrĩdeare oparãkuma. Irasirirã usũyama.

6 ‘Marĩpũ gããmerĩrẽ iridũarã, usũboarã baadũarã, ñemesiburã iiridũarã irirosũ ããrĩma. Marĩpũ ãgũsãrẽ iritamugukumi, ãgũ gããmerĩrẽ iriburo, ãrĩgũ.

Īgūsārē iritamugū, iirí, baayapianerā irirosū āārīmakū irigukumi. Irasirirā usuyama.

⁷ 'Gajerārē bopoñarī merā ĩārārē Marīpu ĩgūsārē bopoñarī merā ĩagukumi. Irasirirā usuyama.

⁸ 'Ñerī opamerā Marīpure ĩārākuma. Irasirirā usuyama.

⁹ 'Gajerārē òārō siuñajārī merā āārīmakū iriduarārē Marīpu ĩgūsārē: “Yu pūrā āārīma”, ārīgukumi. Irasirirā usuyama.

¹⁰ 'Marīpu gāāmerīrē iriri waja, gajerā ĩgūsārē ñerō tarimakū irisūrā ũmugasigue Marīpu ĩgūyarārē dorerogue waarākuma. Iroguema ĩgūsāya āārā. Irasirirā usuyama.

¹¹ 'Yure musā buremurī waja gajerā musārē ñerō wereníkerepuru, musārē ñerō irikerepuru, āārīpereri gajerosūperi ñerī kere ārīkerepuru, usuyaka!

¹² Marīpuya kerere weredupuyunerārē musā dupuyuro āārīnerārē āsūta ñerō irinerā āārīmá. Irasirirā musārē ñerō irikerepuru, òārō usuyari merā āārīrikuka! Puruquere wáro òārī oparākoa ũmugasiguere, ārīyupu Jesús.

I ũmuguere Marīpuyare irirā moā, sīāgori irirosū āārīma, ārī buedea (Mr 9.50; Lc 14.34-35)

¹³ Irasū ārī odo, Jesús āsū ārī buenemoyupu:

–Musā i ũmuguere Marīpuyare irirā moā okari irirosū āārā. Moā okadea okabirimakū, dupaturi okamakū irimasībirikoa. Béokōākoa. Béoadero puru, masaka kurawasiribéokōākuma. Irasirirā musā moā okari irirosū Marīpuyare irinikōāka!

¹⁴ 'Musā i ũmu marārē sīāgori irirosū āārā. Irasirirā Marīpuyare musā irimakū ĩārā, ĩgūrē masīrākuma. Buúru wekague āārīrī makārē duúmasīña máa. ¹⁵ Masaka sīāgodirure sīāgorā, dupa kūma dokague pībirikuma. Sīāgo, wii dekogue siukuma, iri wii marā āārīpererā òārō boyorogue āārīburo, ārīrā. ¹⁶ I irirosū musāde Marīpuyare òārō iriri merā masakare musā ĩgūyarā āārīrīrē masīmakū irika, ĩgūrē ũmugasigue āārīgūrē: “Ōātarigu āārīmi”, ārī buremuburo, ārīrā!

Jesús Moisés doredeare buedea

¹⁷ 'Musā yure āsū ārī gūñabirikōāka: “Marīpu Moisére doreri pīdeare, irasū āārīmakū Marīpuya kerere weredupuyunerā gojadeare béogu aarigú irikumi”, ārī gūñabirikōāka! Irire béogu aarigú meta iribu. Iri āārīpererire keoro iriyuwarikugu aarigú iribu. ¹⁸ Diayeta musārē werea. ũmugasi, i nikū āārīrōpāta Marīpu neō mérōgā su wāi ĩgū doreri pīdeare béobirikumi. Āārīpereri ĩgū: “Āsū irigura”, ārīdeare keoro iriyuwarikugukumi. ¹⁹ Iri dorerire su wāirē tarinugārāno, gajerārē: “Gua irirosū irika!” ārī buerā, ũmugasigue Marīpu ĩgūyarārē dorerogue ĩgū ĩāmakū ubu āārīrā āārīrākuma. Gajerā gapu iri dorerire òārō irirā, gajerārē ĩgūsā irirosū iridorerā, ũmugasigue ĩgūyarārē dorerogue ĩgū ĩāmakū oparā irirosū āārīrākuma. ²⁰ Ire musārē werea. Musā, Moisés doredeare buerimasā, fariseo bumarā nemorō Marīpu gāāmerīrē iribirikererā, Marīpu ĩgūyarārē dorerogue neō waabirikoa.

Jesús masaka guarimarē buedea (Lc 12.57-59)

²¹ 'Marīpu musā ñekūsāmarārē doredeare musā pénerā āārībú. ĩgūsārē āsū ārīdi āārīmí: “Masakare wējēbirikōāka! Gajigure wējēdinorē wajamoāka, ĩgū wējēdea waja!” ²² Yu gapu musārē werea. Sugu ĩgūyagu merā guagu, wajamoāsūgukumi. ĩgūyagure: “Mu wajamāa”, ārī buridagunorē marī oparā wajamoārākuma. ĩgūyagure: “Waibu irirosū pémasīrī opabea mu”, ārīgūnorē peamegue waamagoegorāa.

²³ 'Irasirirā Marīpuya wiima soepeorogue ĩgūrē buremurā gajino pírā waa-murā: “Yaagu yu merā guami”, āri gūñabokarā, ²⁴ Marīpure sīburire píkōā, mūsāyagu pūroque waa: “Yu mūrē ñerō irideare kātika!” āri sērēka ĩgūrē! Mūsā gāme āmuadero pūrū, dupaturi Marīpuya wiigue mūsā sīdūadeare ĩgūrē sīrā waaka!

²⁵ 'Sugu mūsārē weresādūagu, weresārīrē beyerimasū pūroque mūsārē āidūamakū, mata maague ĩgū merā waarā, ĩgū mūsārē weresārīrē āmuka! ĩgū merā oārō āmubirimakū, beyerimasūguere mūsārē weresāgukumi. ĩgū mūsārē weresāmakū pégu, beyerimasū mūsārē suraraguere wia, peresu iridoregukumi. ²⁶ Diayeta mūsārē werea. Beyerimasū mūsārē wajaridoredeare wajaripeobirimakū, neō mūsārē wiubirikumi.

Jesús: “Gajigu marāpo merā ñerō iribirikōāka!” āri buedea

²⁷ 'Iripoegue marā weredeare mūsā pénerā āārībú. Āsū ārīnerā āārīmá: “Gajigu marāpo merā ñerō iribirikōāka!” ²⁸ Yu gapu mūsārē werea. Sugu nomeōrē ñerō iridūari merā ĩāgū, ĩgū gūñarīgue igo merā ñerō irisiami.

²⁹ 'Irasirirā mūsāya koyeru diaye gapumarū merā ĩā, ñerō irirā, irirure goreweabéorosū iri ñerō iririre pirika! Mūsā koyerure béomakū, iriru dita dediria. Ñerō iririre pirimerā āārīpereri mūsāya dupu merā peamegue béosūrākoa. ³⁰ Mūsāya diayema mojō merā ñerō irirā, iri mojōrē dititá béorosū iri ñerō iririre pirika! Mūsāya mojōrē béomakū, iri mojō dita dediria. Ñerō iririre pirimerā āārīpereri mūsāya dupu merā peamegue béosūrākoa.

*Jesús masakare: “Mūsā marāposā nomerē béobirikōāka!” āri buedea
(Mt 19.1-12; Mr 10.11-12; Lc 16.18)*

³¹ 'Iripoegue marā idere ārīnerā āārīmá: “Sugu ĩgū marāpore béodūagu: ‘I waja merā mūrē béoa’, āri gojari pūrē sīrō gāamea”, ārīnerā āārīmá. ³² Yu gapu mūsārē werea. Sugu, ĩgū marāpo gajigu merā ñerō iribirikerepuru igore béogu, igore gajigu merā marāpukumakū irigu, igore ñerō irimakū irikumi. Irasū āārīmakū, ĩgū béodeo merā marāpokugude ñerō irigu irikumi.

Jesús: “Āsū irigura”, ārīrīmarē buedea

³³ 'Iripoegue marārē weredeare mūsā pénerā āārībú. Āsū āri werenerā āārīmá ĩgūsārē: “ ‘Marīpu wāi merā āsū irigura’, ārīderosūta marī Opu ĩūrō keoro irika!” ³⁴ Yu gapu mūsārē werea. Mūsā gajerārē: “Āsū irigura”, ārīrā, Marīpure wāipeobirikōāka! “Īmugasima merā āsū irigura”, ārībirikōāka! Īmugasi, Marīpu doaro ubu āārīrō meta āārā. ³⁵ I nikūma merādere wāipeobirikōāka! I nikū Marīpuya nikū āārā. Irasirio ĩgū kuraña doanírō irirosū āārā. Jerusalén merādere wāipeobirikōāka! Jerusalén marī Opu turratariguya makā āārā. ³⁶ “Yaa dipuru merā āsū irigura”, āri wāipeobirikōāka! Mūsā irasū ārīrī merā neō mūsāya dipuruma poarire nīrīda, o borerida waamakū irimasībirikoa. ³⁷ “Āsū irigura”, o “Āsū iribirikoa”, ārīrā, wāipeoro marīrō su diayeta wereka! Wāipeori merā: “Āsū irigura”, ārīrā, wātī gāamerīrē irirā yāa.

*Jesús masaka ñerō iri gāmirīmarē buedea
(Lc 6.29-30)*

³⁸ 'Iripoegue marā weredeare mūsā pénerā āārībú. Āsū ārīnerā āārīmá: “Mūrē gajigu mūya koyerure pātīāderosūta mūde ĩgūya koyerure pātīā gāmika! Mūya guikarure ĩgū pānuaderosūta mūde ĩgūya guikarure pānuā gāmika!” ārīnerā āārīmá. ³⁹ Yu gapu mūsārē werea. Mūsārē ñerō iridire irasū ĩākōāka! ĩgūrē ñerō iri gāmibirikōāka! Sugu mūsāya wayupārā diaye gapure pámakū, kúgapuma wayupārādere pádoreka! ⁴⁰ Sugu mūrē weresārīrē beyerimasū pūro

ãña: “Ígũya surírore sídoreka, Ígũ yũre ñerõ iridea waja”, ãrĩ weresãmakũ, iriñerẽ síka! Irasũ ããrĩmakũ, mũya wekamañedere sñemoka Ígũrẽ! ⁴¹ Sugũ surara gajinorẽ su kilómetro mũrẽ ãñwãgãdoremakũ, gaji kilómetro ãñwãgãnemobosaka doja! ⁴² Sugũ mũrẽ gajinorẽ sërẽmakũ, síka Ígũrẽ! Gajino mũrẽ wayumakũ síka Ígũrẽ! “Wayubirikoa”, ãrĩbirikõãka!

*Jesús: “Mũsãrẽ ãaturirãrẽ maĩka!” ãrĩ buedea
(Lc 6.27-28, 32-36)*

⁴³ Gaji iripoegue marã weredeare mũsã pénerã ããrĩbũ. Æsũ ãrĩnerã ããrĩmã: “Mũsã merãmarãrẽ maĩka! Mũsãrẽ ãaturirã gapũre ãaturi doo, gãmika!” ãrĩnerã ããrĩmã. ⁴⁴ Yũ gapũ mũsãrẽ werea. Mũsãrẽ ãaturirãrẽ maĩka! Mũsãrẽ ñerõ werenĩrãrẽ: “Õãrõ ããrĩburo”, ãrĩka! Mũsãrẽ ãaturi doorãrẽ õãrõ irika! Mũsãrẽ ñerõ ãrĩ buridamakũ, mũsãrẽ ñerõ irimakũ, Ígũsãya ããrĩburire Marĩpũre sërẽbosaka! ⁴⁵ Irasirirã Marĩpũ ãmũgasigue ããrĩgũ pũrã ããrĩrãkoa. Marĩpũ ñerãrẽ, õãrãdere abe asimakũ yãmi. Ígũ dorerire irirã pũro, irimerã pũrodere deko merẽmakũ yãmi. Irasirirã mũsãde Ígũ irirosũta masakare sũrosũ õãrõ irika! ⁴⁶ Mũsãrẽ maĩrã direta maĩrã, ¿ñeénorẽ ãmũgasigue wajatabokuri? Romano marã opũre niyeru wajaseabosarimasãde ñerã ããrĩkererã, Ígũsãrẽ maĩrãrẽ maĩma. ⁴⁷ Mũsãyarã direta õãrõ bokatĩrĩñeãrã, ¿ñeéno õãrĩrẽ gajerã nemorõ iribokuri? Marĩpũre masĩmerãde Ígũsãyarãrẽ õãrõ bokatĩrĩñeãma. ⁴⁸ Irasirirã, Marĩpũ ãmũgasigue ããrĩgũ neõ ñerĩ marĩgũ ããrĩrõsũta mũsãde neõ ñerĩ marĩrã ããrĩka! ãrĩ wereyupũ Jesús.

6

Jesús õãrõ iririkũrimarẽ buedea

¹ Jesús ãsũ ãrĩ werenemoyupũ:

–“Õãrĩrẽ irirã ããrã”, ãrĩrã, masaka ãũrõ mũsã iririre iri ãmubirikõãka! Mũsã irire irasirimakũ, Marĩpũ ãmũgasigue ããrĩgũ mũsã irasiridea wajare síbirikumi. ² Irasirirã boporãrẽ iritamurã, ããrĩpererãrẽ werebirikõãka! Irigatorimasã irirosũ iribirikõãka! Ígũsã boporãrẽ iritamurã, marĩ nerẽrĩ wiirigue nerẽanerã, makã dekogue ããrĩrã ãũrõ: “Õãrã ããrĩma”, ãrĩburo, ãrĩrã, iri ãmuma. Diayeta mũsãrẽ werea. Masaka Ígũsãrẽ õãrõ ãrĩrĩ merã wajatari opasiama. ³ Mũsã gapũ boporãrẽ gajino sírã, masaka ããberogue síka! ⁴ Marĩpũ, mũsã irasirimakũ ããgũ, mũsãrẽ õãrõ wajatamakũ irigũkumi.

*Jesús Marĩpũre sërẽrĩrẽ buedea
(Lc 11.2-4)*

⁵ Marĩpũre sërẽrã, irigatorimasã irirosũ iribirikõãka! Ígũsã marĩ nerẽrĩ wiirigue, makã dekogue masaka ããburo, ãrĩrã, sërẽ ãmuma. Diayeta mũsãrẽ werea. Masaka Ígũsãrẽ ããrĩ merã wajatari opasiama. ⁶ Mũsã gapũ Marĩpũre sërẽrã, mũsãya taribugue ñajãa, disipũro bia, gajerã ããberogue Ígũrẽ sërẽka! Ígũ deyomarĩgũ ããrĩkeregũ, mũsã merã ããrĩgũkumi. Irasirigũ, gajerã ããberogue mũsã Ígũrẽ sërẽmakũ ããgũ, mũsãrẽ õãrõ wajatamakũ irigũkumi.

⁷ Marĩpũre sërẽrã, ubu ããrĩrĩ werenĩrĩ merã dupaturi sërẽdujabirikõãka! Marĩpũre masĩmerã irasũ yãma. “Wãri werenĩrĩ merã gũa sërẽmakũ, gũare pégũkumi”, ãrĩ gũñama. ⁸ Ígũsã irirosũ iribirikõãka! Mũsã sërẽburo dupuyuro Marĩpũ mũsã gããmerĩrẽ masĩsiami. ⁹ Irasirirã ãsũ ãrĩ sërẽrõ gããmea Marĩpũre: Gũapũ ãmũgasigue ããrĩgũ, ããrĩpererã mũrẽ goepeyari merã burẽmuburo.

¹⁰ Mũ ããrĩpererãrẽ doreri aariburo. Æmũgasigue marã mũ gããmerõ irirosũta i nikũ marãde iriburo.

¹¹ Æmũrikũ gũare baari síka!

- 12 Gajerã guare ñerõ irideare gua kãtirosũta mude gua ñerõ irideare kãtika!
 13 Gua ñerõ iridũamakũ kãmutaka! Ñegũ guare ñerĩ ãrĩmesãrĩrẽ tau kãmutaka!
 Mu suguta guare doregu, turatarigu, gua bremugũ ããrĩnĩgukoa, ãrĩ sãrẽka Marĩpure!
 14 'Gajerã musãrẽ ñerõ irideare musã kãtimakũ iãgũ, Marĩpu ãmugasigue ããrĩgũ musã ñerõ irideare kãtigukumi. 15 Gajerã musãrẽ ñerõ irideare musã kãtibirimakũ, Marĩpu musã ñerõ irideare kãtibirikumi.

Jesús bererimarẽ buedea

- 16 'Marĩpure bremurã bererã, irigatorimasã irirosũ iribirikõãka! Ñgũsã bererã, ñgũsãya diapure bujawererã irirosũ iri ñmuma, masaka ñgũsã bererire iãmasĩburo, ãrĩrã. Diayeta musãrẽ werea. Masaka ñgũsãrẽ iãrĩ merã wajatari opasiana. 17 Musã gapu bererã, musã irinarõsũta irika! Musãya diapure waakoe, õãrõ wũapukõãka! 18 Musã irasirimakũ, gajerã musã bererire masĩbirikuma. Marĩpu gapu deyomarĩgũ ããrĩkeregũ, musã merã ããrĩmi. Ñgũ dita musã gajerã iãberogue iririre iãgũ, musãrẽ õãrõ wajatamakũ irigukumi.

Jesús marĩ ãmugasigue wajataburire buedea

(Lc 12.33-34)

- 19 'Wãri i nikũmarẽ sea neõ duripĩbirikõãka! I nikũma borewiji boakõãrokoa. Boabirimakũ, burua baadediukõãrãkuma. Baadediubirimakũ, yajarimasã ñajãa, yajakõãrãkuma. 20 Irasirirã musã ãmugasima opaburi gapure gũñaka! ãmugasima neõ borewiji boabirikoã. Iroguere burua musã opaburire neõ baadediubirikuma. Yajarimasãde neõ ñajãa, yajabirikuma. 21 Musã i ãmuma direta: "Opadũakoa", ãrĩ gũñarã, irire bũro maĩrãkoa. ãmugasima gapure: "Opadũakoa", ãrĩ gũñarã, irire bũro maĩrãkoa.

Jesús masakaya koye sããgodiru irirosũ ããrĩrẽ buedea

(Lc 11.34-36)

- 22 'Musãya koye musãya gũñarĩguere sããgodiru irirosũ ããrã. Musã õãrĩ koye oparã irirosũ ããrĩmakũ, musãya gũñarĩguere õãrõ sããgoro irirosũ ããrã. Irasirirã Marĩpureyare masã. 23 Musã ñerĩ koye oparã irirosũ ããrĩmakũ, musãya gũñarĩguere naĩtĩãrõ irirosũ ããrã. Marĩpureyare masĩbea. I naĩtĩãrĩ, ñetaria. Irire masĩbirimakũ ñegorãa.

Jesús: "Niyerure maĩrã, Marĩpure maĩbema", ãrĩ buedea

(Lc 16.13)

- 24 'Neõ sugũ moãboerimasũ pãrã oparãrẽ moãboemasĩbirikumi. Sugũ opure maĩgũ, gajigu gapure maĩbirikumi, o sugũ opure bremugũ, gajigu gapure yajubirikumi. Niyerudere maĩtarigu, Marĩpu gapure maĩbemi.

Jesús, Marĩpu ñgũ pũrãrẽ korerimarẽ buedea

(Lc 12.22-31)

- 25 'Irasirigu musãrẽ ire weregũra. Musã ããrĩrikurire gũñarã, "¿Ñeãnorẽ baarãkuri, ñeãnorẽ iirĩrãkuri, ñeãnorẽ sãñarãkuri?" ãrĩ gũñarĩkubirikõãka! Marĩ okari gapu, baari nemorõ wajakũa. Marĩya dupu, surĩ nemorõ wajakũa. 26 Mirãrẽ ãmarõgue wũrãrẽ iãka! Ñgũsã baadũarã, otebema. Otedea dukare seabema. Baari duripĩri wiiridere opabema. Marĩpu ãmugasigue ããrĩgũ gapu ñgũsãrẽ baari sĩmi. Musã gapu, mirã nemorõ wajakũtarinũgãa. 27 Musã bũro gũñarĩkuri merã neõ mẽrõgã masãnemobirikoa. Musã irasũ gũñarĩkuri wajamãa.

- 28 'Irire masĩkererã, ¿nasirirã musã surĩ sãñaburire gũñarĩkuri? Makãñũuma goori masãrĩrẽ gũñaka! Iri moãbirikerero, suabirikerero õãrĩ surĩ sãñarõ irirosũ deyoa. 29 Musãrẽ werea. Opũ Salomõn surĩ õãrĩ sãñadero nemorõ iri

goori gapu òãrĩ deyoa. ³⁰ Iri goorire Marĩpu òãrĩ goori deyomakũ irikerepuru, mérõgã puru ñaĩdija pereakõãa. Gajĩnu gapu peamegue soebéokõãsũa. Iri mata pereburi ããrĩkerepuru, Marĩpu iri goorire òãrĩ deyomakũ yámi. Iri goorire òãrĩ ããrĩmakũ irirosũ nemorõ musãrẽ òãrõ irigukumi. Surĩre sīgukumi. Musã gapu ĩgũrẽ mérõgã buremurĩ opáa. ³¹ Irasirirã: “¿Ñeénorẽ baarākuri, ñeénorẽ iirĩrākuri, ñeénorẽ sãñarākuri?” ãrĩ gũñarikũbirikõãka! ³² Marĩpure masĩmerã buro gũñarikũri merã irire ãmanĩkõãma. Marĩpu ãmugasigue ããrĩgũ gapu ããrĩpereri musã gããmerĩrẽ masĩsiami. Irire musãrẽ sīgukumi. ³³ Irasirirã, Marĩpu musã Opũ ããrĩrĩrẽ, ĩgũ gããmerĩrẽ, ĩgũ dorerire, ããrĩpereri nemorõ gããmerũrorika! Musã irasirimakũ, ããrĩpereri musã baa, iirĩburire, musã surĩ sãñaburidere sĩwekapeogukumi. ³⁴ Irasirirã: “¿Naásũ waarokuri ñamigãrẽ?” ãrĩ gũñarikũbirikõãka! Gajĩnumarẽ musã ñerõ tariburire gũñarikũdupuyubirikõãka! Dapagãma direta gũñaka! Dapagãrẽ musã ñerõ tariburi ããrĩsĩáa, ãrĩ wereyupu Jesús.

7

Jesús, gajerãrẽ: “Ñerã ããrĩma”, ãrĩ werewũabirikõãka! ãrĩ buedea
(Lc 6.37-38, 41-42)

¹ Jesús irire ãrĩ odo, ãrĩnemoyupu doja:

—Gajerãrẽ: “Ñerã ããrĩma”, ãrĩ werewũabirikõãka! Musã werewũabirimakũ ĩãgũ, Marĩpu musãrẽ: “Ñerã ããrĩma”, ãrĩ ĩãbirikumi. ² Gajerãrẽ: “Òãrõ iribema”, ãrĩ ĩãrõsũta Marĩpu musãrẽ ĩãgukumi. Gajerãrẽ: “Ásũ ããrĩma”, ãrĩ ĩãrõsũta Marĩpu musãrẽ ĩãgukumi. ³ Musã ñerõ iridea, koyerugue wári turu oparosũ ñetariri ããrĩrĩrẽ gũñabirikererã, musãyagu ñerõ iridea, koyerugue nikũyegã oparosũ ããrĩrĩrẽ: “Ñegorãa”, ãrĩ gũñãa. ⁴ Irasirirã musã ñerõ iridea, koyerugue wári turu oparosũ ããrĩrã, musãyagure ĩgũya koyerugue ããrĩrĩ nikũyegãrẽ: “¿Áĩbéosi?” ãrĩmasĩbea. ⁵ Musã ñerõ iririkurã, irigatorikurã ããrã. Musãya koyerugue ããrĩrĩ turu gapure ãĩbéopũroriro irirosũ musã ñerõ iririre piripũrorika! Irasiri odo, musãyagure: “Mu ñerõ iririre pirikõãka!” ãrĩ masĩa.

⁶ Marĩpure ñerõ ãrĩ buridarãrẽ ĩgũya kerere werebirikõãka! ĩgũsãrẽ wererã, diayéare òãrĩrẽ sĩrã, o yeseare ñaguĩda wajaparidare sĩrã irirosũ iribokoa. Diayéa guarã, òãrĩ sĩkerepuru, gãmenugã kũrĩkõãkuma. Yesea iridare noó gããmerõ kũrawasiribéokuma. ĩgũsã irirosũ ããrĩrãrẽ, ubugorata Marĩpuya kerere werebirikõãka!

Jesús: “Marĩpure sērẽrã, ãsũ ãrĩ sērẽka!” ãrĩdea
(Lc 11.9-13; 6.31)

⁷ Marĩpure sērẽka! ĩgũrẽ sērẽmakũ, sīgukumi. Òãrĩrẽ ãmarã, bokarãkoa. Wiigũ ñajãduarã oemakũ, Marĩpu disĩpũro tũpã ñajãdoregu irirosũ musã sērẽrĩrẽ pégukumi. ⁸ ĩgũrẽ sērẽãnorẽ sīgukumi. ãmarãno, bokarãkuma. Wiigũ ñajãduarã oerã irirosũ ĩgũrẽ sērẽmakũ ĩãgũ, ĩgũsãrẽ ñajãdoregu irirosũ ĩgũsã sērẽrĩrẽ òãrõ pégukumi.

⁹ Musã pũrã pãrẽ sērẽmakũ, ãtãyere sĩbirikoa. ¹⁰ Waaĩ sērẽmakũdere, ãñarẽ sĩbirikoa. ¹¹ Ñerã ããrĩkererã, musã pũrãrẽ òãrĩrẽ sĩmasĩa. Marĩpu ãmugasigue ããrĩgũ gapu, musã nemorõ òãrĩrẽ sĩmasĩmi. Irasirigu ĩgũrẽ sērẽrãrẽ irire sīgukumi.

¹² Musã, gajerã musãrẽ òãrõ irimakũ gããmerõsũta musãde ĩgũsãrẽ òãrõ irika! Moisés gojadea pũgue, Marĩpuya kerere weredupuyunerã gojadea pũguedere irasũta iridoredero ããrĩbũ.

Jesús eyabiri disipurore ñajãri keori merã buedea
(Lc 13.24)

¹³ 'Marĩpu purogue ñajãduarã ãgũyare irika! Irogue ñajãmakũ diasagorãa. Eyabiri disipuro ñajãrõ irirosũ ããrã. Peamegue waaró gapu eyari disipuro ñajãrõ, eyari maarẽ waaró irirosũ ããrã. Iri maarẽ waamakũ diasabea. Irasirirã wãrã masaka irogue waarã yãma. ¹⁴ Marĩpu puro gapure waamakũ diasagorãa. Irasirirã mérãgãta masaka, eyabiri disipuro ñajãrõrẽ, irogue eyabiri maarẽ bokama. Irogue waarã, Marĩpu merã õãrõ ããrĩrãkuma.

Jesús yukure dukã merã ããmasĩsũa, ãrĩ buedea
(Lc 6.43-44)

¹⁵ 'Õãrõ pémasĩka! "Marĩpuya kerere weredupuyurimasã ããrã", ãrĩgatorãrẽ pébirikõãka! ãgũsã oveja guamerã, õãrĩrẽ irirã irirosũ musã purogue ejarãkuma. Irasirikererã, ãgũsã gũñarĩguere diayéa makãnúu marã guarã irirosũ, ñerã ããrĩma. ¹⁶ ãgũsã ñerõ irimakũ musã ãgũsãrẽ: "Ñerã ããrĩma", ãrĩ ããmasĩrãkoa. Poragu iguire dukakubirikoa. Ñaagũde higo wãikurire dukakubirikoa. ¹⁷ Õãdi yukũ õãrĩrẽ dukakua. Ñedi gapu ñerĩrẽ dukakua. ¹⁸ Yukũ õãdi ñerĩrẽ dukakubirikoa. Ñedide õãrĩrẽ dukakubirikoa. ¹⁹ Õãrĩ dukakubiridire pábéo, peamegue soekõãma. ²⁰ Irasirirã: "Marĩpuya kerere weredupuyurimasã ããrã", ãrĩgatorãrẽ ãgũsã iriri merã: "Ãrĩgatorikurã ããrĩma", ãrĩ ããmasĩrãkoa musã.

Jesús ããrĩpererã masaka Marĩpu purogue waabirikuma, ãrĩ buedea
(Lc 13.25-27)

²¹ 'Wãrã yure: "Muta ããrã gua Opu", ãrĩkererã, ããrĩpererã ãmugasigue Yuru ãgũyarãrẽ dorerogue ñajãbirikuma. Yuru ãmugasigue ããrĩgũ gããmerĩrẽ irirã dita ãgũ ããrĩrõguere ñajãrãkuma. ²² Yuru ããrĩpererã ñerãrẽ wajamoãrĩnu ejamakũ, wãrã yure: "Gua Opu, muyare masakare buebu. Mu wãrĩ merã wãtẽãrẽ béowiu, wãri õãrĩrẽ iri ãmubu", ãrĩrãkuma. ²³ ãgũsã irasũ ãrĩkererũ: "Musãrẽ neõ masĩbiribu. Ñerĩrẽ irirã ããrã musã. Irasirirã yu purore wirika!" ãrĩgũkoa.

Jesús pe wii keori merã buedea
(Mr 1.22; Lc 6.47-49)

²⁴ 'Yu werenĩrĩrẽ péduripũgũno, yu dorerire irigũno, õãrõ pémasĩgũ ããrĩmi. Sugũ ãtãyegue ãkũãrĩ goberĩ máñajãa, wii õãrõ núdi irirosũ ããrĩmi. ²⁵ Puru deko merẽ, dia wãro yura, mirũ burõ wẽjẽpukerepuru, iri wii ãkũãrõ núdea wii ããrĩsĩã, neõ mirũabirikoa. ²⁶ Yu werenĩrĩrẽ pékeregu, yu dorerire iribi gapu sugũ ãmparogue wii iridi irirosũ ããrĩmi. ²⁷ Puru deko merẽ, dia wãro yura, mirũ burõ wẽjẽpumakũ, mata õjẽdija, kõmopereakõãkoa, ãrĩ wereyuru Jesús.

²⁸ ãgũ bue odomakũ, masaka ãgũ buerire pégũkari merã: "Õãtarĩro buemi", ãrĩ gũñañurã. ²⁹ Moisés gojadeare buerimasã irirosũ buebiriyuru. Sugũ doregu irirosũ bueyuru Jesús.

8

Jesús kãmi boagure taudea
(Mr 1.40-45; Lc 5.12-16)

¹ Jesús buúrũgue ããrãdi dijarimakũ ããrã, wãrã masaka ãgũrẽ tũyañurã. ² Sugũ kãmi boagu Jesũre ããgũ, ãgũ puro ñadukũpuri merã ejamejã, ãgũrẽ sãrẽyuru:

–Yu Opu, mu yu pũrĩrikurire tauduagu taumasĩa, ãrĩyuru.

³ ãgũ irasũ ãrĩmakũ pégu, Jesús ãgũya mojõ merã ãgũrẽ moãñayuru.

–Murẽ taugura. Kãmi marĩgũ dujaka! ãrĩyuru.

Īgũ irasũ āřĩmakũta, kãmi yariakõãyuro. ⁴ Irasirigũ Jesús Īgũrẽ āřĩyurũ:
 –Gajerã masakare mũ tariadeare werebirikõãka! Paĩ pũrogue mũrẽ kãmi yariadeare Īgũrẽ ĩmugũ waaka, ĩgũ mũrẽ: “Kãmi marĩgũ āārĩmi”, āřĩburo, āřĩgũ. Īgũ irasũ ārãdero pũrũ, Moisés gojadea pũgue sĩdoredeare sika! Mũ irire irimakũ ĩārã, masaka mũrẽ kãmi yariadeare masĩrãkuma, āřĩyurũ Jesús Īgũrẽ.

Jesús surara opũre moãboegũre taudea
 (Lc 7.1-10)

⁵ Pũrũ Jesús Capernaugue ejamakũ, romano marã surara opũ ĩgũ pũro ejanũgã, ĩgũrẽ iritamurĩ sērēyurũ:

⁶ –Gũa Opũ, yũre moãboegũ bũro pũřĩrikũgũ yaa wiigũe oyami. Bũari merã bũro pũřĩsũgũ iriami, āřĩyurũ.

⁷ Jesús Īgũrẽ āřĩyurũ:

–Īgũrẽ taugũ waagũra.

⁸ Surara opũ ĩgũrẽ yũjũyurũ:

–Yũ Opũ, yaa wiire mũrẽ: “Ñajãrika!” āřĩ masĩbirikoa. Yũ ubu āārĩgũ āārã. Irasirigũ mũ õõgueta doreri merã yũre moãboegũ tarigũkumi. ⁹ Gajerã oparã yũre dorema. Yũde gajerã surarare dorea. Yũ sugũre: “Waaka!” āřĩmakũ, waami. Gajĩgũre: “Aarika!” āřĩmakũ, aarĩmi. Yũ, yũre moãboegũre: “Ire irika!” āřĩmakũ, irire yãmi, āřĩyurũ.

¹⁰ Jesús surara opũ irasũ āřĩrĩrẽ pégũ, pégũkakõãyurũ. Īgũrẽ tũyarãrẽ āsũ āřĩyurũ:

–Diayeta mũsãrẽ werea. ĩĩ surara opũ Israel bumũ āārĩbirikeregũ, yũre bũremumi. ĩĩ irirosũ yũre bũremugũ neõ sugũ Israel bumũrẽ bokajabiribũ.

¹¹ Mũsãrẽ werea. Wãrã masaka ĩĩ irirosũ yũre bũremurãkuma. Īgũsã āārĩperero marã judío masaka āārĩmerã āārĩkererã, ãmũgasigue Marĩpũ ĩgũyarãrẽ dorerogue eja, marĩ ñekũsãmarã Abraham, Isaac, Jacob merã doa, baarãkuma.

¹² Gajerã judío masaka: “Gũa Opũ āārĩrõgue waamurã āārã”, āřĩkererũ, ĩgũsã bũremubiri waja Marĩpũ ĩgũsãrẽ naĩtĩrõgue béodediugũkumi. Irogũere pũřĩsũrã bũro ore, bũjawererĩ merã ĩgũsãya guikare kũřĩduútũrãkuma, āřĩyurũ Jesús.

¹³ Irasũ āřĩ odo, surara opũre āřĩyurũ:

–Dujãaka mũya wiigũe! Mũ bũremurõsũta waarokoa mũrẽ moãboegũre, āřĩyurũ.

Īgũ irasũ āřĩripoeta, ĩgũrẽ moãboegũre pũřĩrĩ tariakõãyuro.

Jesús, Pedro mũñekõrẽ taudea
 (Mr 1.29-31; Lc 4.38-39)

¹⁴ Pũrũ Jesús Pedroya wiigũe waayurũ. Iri wiigũe ñajãgũ, Pedro mũñekõrẽ peyarogue bũro nimakũrikũgo oyagore bokajayurũ. ¹⁵ Irasirigũ igoya mojõrẽ moãñayurũ. Īgũ moãñamakũta, nimakũri tariakõãyuro. Iri tarimakũ wãgãnũgã, ĩgũsãrẽ baari ejoyupo.

Jesús wãrã pũřĩrikũrãrẽ taudea
 (Mr 1.32-34; Lc 4.40-41)

¹⁶ Naĩmejãripoe āārĩmakũ, masaka wãrã wãtẽa ñajãsũnerãrẽ Jesús pũrogue āĩjañũrã. Īgũ werenĩrĩ merã wãtẽa ĩgũsãguere ñajãnerãrẽ béowiuyurũ. Irasũ āārĩmakũ, āārĩpererã pũřĩrikũrãrẽ tauyurũ. ¹⁷ Irire irigũ, iripoegũemũ Marĩpũya kerere weredupuyudi Isaiás gojaderosũta iriyurũ. Āsũ āřĩ gojadi āārĩmĩ: “Marĩ turabirire, marĩ sĩřĩrĩrẽ marĩrẽ taubosami”, āřĩ gojadi āārĩmĩ.

*Gajerã Jesúre: “Mũrẽ tũyadũakoa”, ãrĩdea
(Lc 9.57-62)*

- ¹⁸ Jesús wárã masaka ãgũ pũro nerẽmakũ ããgũ, ãgũ buerãrẽ:
—Náka, ditaru sikoepũgue taribujarã! ãrĩyupũ. ¹⁹ ãgũ irasũ ãrĩmakũ, sugu Moisés gojadeare buerimasũ Jesús pũro eja, ãrĩyupũ:
—Buegũ, mũ noó waaró mũrẽ tũyagũra, ãrĩyupũ.
²⁰ Jesús ãgũrẽ yũjũyupũ:
—Makãnúũ marã diayéa ãgũsã kãrĩrĩ toteri opama. Mirãde ãgũsã kãrĩrõ opama. Yũ ããrĩpererã tĩgũ gapũ kãrĩrõ opabea, ãrĩyupũ.
²¹ Gajigũ ãgũ buerire tũyagũ ãgũrẽ ãrĩyupũ:
—Yũ Opũ, yũpũ boamakũ ãgũrẽ yáa odo, mũrẽ tũyagũra, ãrĩyupũ.
²² Jesús ãgũrẽ yũjũyupũ:
—Yũre tũyadũagũ, daporata yũ merã aarika! Yũre bũremumerã, boanerã irirosũ ããrĩrãta boanerãrẽ yáaburo, ãrĩyupũ.

*Jesús mirũ, makũrĩrẽ toemakã iridea
(Mr 4.35-41; Lc 8.22-25)*

- ²³ Irasũ ãrĩ odo, doódirugue ãgũ buerã merã mũrĩñajãyupũ. ²⁴ ãgũsã mũrĩñajãa, taribujaripoe ditarure mirũ bũro waayuro. Makũrĩ doódirure pãñajãmiũkõãdiyuro. Irasũ waaripoere Jesús gapũ kãrĩgũ iriyupũ. ²⁵ Irasirirã ãgũrẽ yobeñurã:
—Gũa Opũ, gũare tauka! Marĩ mirĩmurã yáa, ãrĩñurã.
²⁶ ãgũsã irasũ ãrĩmakũ, Jesús yũjũyupũ:
—¿Nasirirã bũro gũiri mũsã? Yũre mérõgã bũremurĩ opáa mũsã, ãrĩyupũ.
Irasũ ãrĩgũta wãgãñugã: “Mirũ, makũrĩ iropãta, toeaka!” ãrĩyupũ. ãgũ irasũ ãrĩmakũ, mirũ, makũrĩde toedijapereakõãyuro. ²⁷ ãgũ irasirimakũ ããgũka, ãsũ ãrĩ gãme werenĩñurã:
—¿Ñeémũno masakũ ããrĩrĩ ñĩ? Mirũ, makũrĩde ãgũrẽ tarinũgãbea, ãrĩñurã.

*Jesús Gadara marãrẽ wãtẽa ñajãnerãrẽ béowiudea
(Mr 5.1-20; Lc 8.26-39)*

- ²⁸ Pũrũ Jesús ditarure taribuja, Gadara marãya nikũgue ejayupũ. Iroguere ejamakũ, pẽrã ãma masãgoberi watopegue ããrãnerã ãgũrẽ bokatĩrĩñurã. ãgũsã wãtẽa ñajãñurã goerã ããrĩñurã. Irasirirã iro waarĩ maarẽ masaka neõ waabirĩñurã. ²⁹ ãgũrẽ bokatĩrĩ, ãsũ ãrĩ gainĩñurã:
—Jesús, ãmũgasigũ marã Opũ magũ, ¿nasirigũ aarigũ yári mũ gũa pũroguere? ¿ãgũ ããrĩpererã ñerãrẽ wajamoãrĩnũ ejabirikerepũrũ, gũare poyarikamakũ irigũ aarĩri mũ? ãrĩñurã.
³⁰ ãgũsã koregue wárã yesea ãma baarã irĩñurã. ³¹ Irasirirã wãtẽa Jesúre ãsũ ãrĩ sãrẽñurã:
—Gũare béowiugũ, sĩĩsã yeseaguere ñajãdoreka! ãrĩñurã.
³² —Jãũ, ãgũsãrẽta ñajãrã waaka! ãrĩyupũ Jesús.
ãgũ irasũ ãrĩmakũ, ãgũsã pẽrã ãmaguere ããrãnerã yeseaguere ñajãñurã. ãgũsã ñajãmakũta, yesea dupatũrũgue ãma mirẽbuáa, ditarugue meébia dijãa, mirĩ boapereakõãñurã.
³³ Irasũ waamakũ ããrã, yeseare korerimasã gũkari merã makãgue ãmadujãa, ããrĩpereri ãgũsã ããdeare, irasũ ããrĩmakũ wãtẽa ñajãñurãrẽ waadeare wereñurã. ³⁴ Irire pãrã, iri makã marã ããrĩpererã Jesús pũroguere waa, ãgũrẽ ããrã, turaro merã ãgũsãya nikũrẽ wiridoreñurã.

9

*Jesús dupu buadire taudea**(Mr 2.1-12; Lc 5.17-26)*

¹ Irasirigu Jesús doódirugue mārīñajāa, ditarure taribuja, ĩgūya makāgue ejayupu. ² Iroguere sugu dupu buadire ĩgū peyaro merā Jesús puro āijañurā. Jesús, ĩgūsā ĩgūrē buremumakū ĩāgū, dupu buadire āsū āriyupu:

—Gūñaturaka! Yu, mu ñerō irideare kātia, āriyupu.

³ ĩgū irasū ārimakū pérā, surāyeri Moisés gojadeare buerimasā āsū āri gūñañurā: “ĩgū werenīri merā Marīpure ñerō werenīmi”. ⁴ Jesús gapu ĩgūsā gūñarīrē ĩāmasī, āsū āriyupu:

—¿Nasirirā yure ñerō gūñarī musā? ⁵ ¿Naāsū āriri gapu diasaberi ĩi buadire: “Yu, mu ñerō irideare kātia”, āriri, o “Wāgānugā, waaka!” āriri gapu diasaberi?

⁶ Yu āārīpererā tīgū i ũmugue āārīrārē ĩgūsā ñerō irideare Marīpu dorero merā kātimasā. Irasirigu ĩi buadire taugara, musārē irire masīdoregu, āriyupu. Irasū āri odo, buadire āriyupu:

—Wāgānugā, mu oyaderore āi, muya wiigue waaka! āriyupu.

⁷ ĩgū irasū ārimakū pégu, buadi āārādi wāgānugā, ĩgūya wiigue waakōāyupu.

⁸ Masaka, ĩgū irasū waarīre ĩārā, ĩāgukakōāñurā. Marīpure: “Ōātaria, mu turari masakare sīri”, āri, usuyari sīñurā.

*Jesús Mateore siiudea**(Mr 2.13-17; Lc 5.27-32)*

⁹ Puru Jesús iro merā waa, yure ĩābokami. Yu Mateo*, romano marā opure niyeru wajaseabosagu āārībú. Jesús, yu moārī taribugue doagure ĩā, yure: “Nāka, yu merā!” ārimi. ĩgū irasū ārimakū pégu, wāgānugā, ĩgū merā waakōābu.

¹⁰ Puru yaa wiigue Jesús ĩgū buerā merā baaripoe wārā niyeru wajaseabosarimasā, gajerā ñerō irirāde baarā ejama. ¹¹ ĩgūsā merā ĩgū baamakū ĩārā, fariseo bumarā gapu ĩgū buerārē sērēñama:

—¿Nasirigu musārē buegu niyeru wajaseabosarimasā, ñerō irirā merā baari? ārima.

¹² ĩgūsā irasū ārimakū pégu, Jesús ārimi:

—Pūrīri marīrā kúririmasūrē āmabema. Pūrīrikurā gapu ĩgūrē āmama.

¹³ Marīpuya werenīri gojadea pūgue ĩgūsā gojadeare buerā waaka! Āsū āri gojasūdero āārībú iri pūguere: “Yure buremurā, waimurārē wējē soepeomakū gāāmebea. Gajerārē musā bopoñarī merā ĩāmakū gāāmea”, ārimi Marīpu, āri gojasūdero āārībú. “Ōārā āārā”, āri gūñarārē siiugu aaribiribu. “Ñerō irirā āārā”, āri gūñarā direta siiugu aarigú iribu, ĩgūsā ñerō irideare bujawere, gūñarīrē gorawayuburo, āriĭgū, ārimi Jesús fariseo bumarārē.

*Jesúre bererimarē sērēñadea**(Mr 2.18-22; Lc 5.33-39)*

¹⁴ Puru Juan masakare wāiyegu buerire tayarā Jesúre sērēñarā ejama:

—Gua Marīpure buremurā berea. Irasū āārīmakū fariseo bumarāde berema. ¿Nasirirā mu buerā gapu gua irirosū iriberi? ārima.

¹⁵ Jesús ĩgūsārē yujumi:

—Sugu mojōsiadi bosenu irimakū, ĩgū siiuanerā ĩgū merā āārīrā bujawerebirikuma. Puru ĩgūrē gajerā āāmakū, bujawereri merā bererākuma†.

* **9:9** Mateo pe wāi opayupu. ĩgūta Levī wāikuyupu. † **9:15** Jesús irire irasū āriĭgū: “Yu sugu mojōsiadi bosenu irigu irirosū āārā. Yu buerā, mojōsiadi siiuanerā irirosū āārīma. Irasirirā, purugue yu ĩgūsā merā āārībirimakū ĩārā, bujawereri merā bererākuma”, āriĭgū irimi.

16 'Masaka maama suríro gasiro merã buguñerẽ seretúbirikuma. Irasũ seretúmakũ, maama gasiro ìgũsã koeadero puru, tũãneeõ, buguñerẽ wári gobe yeguenemomakũ irikoa. 17 Waimurã gasiri merã iridea ajuri bugu ajurigue maama igui dekore diribirikuma. Irasũ dirimakũ, maama igui deko pâmu, bugu ajuro sêraturabiri ooreakõãkoa. Irasiriro igui deko, ajurode kômokoa. Irasirirã maama igui dekore maama ajurogue diriro gããmea, ārĩmi Jesús ìgũsãrẽ‡.

Jesús Jairo magõrẽ, gajego nomeõ ìgũya surírore moãñagõrẽ taudea
(Mr 5.21-43; Lc 8.40-56)

18 Jesús ìgũsãrẽ wereripoe judío masaka nerẽrĩ wii opu Jesús puro eja, ñadukupuri merã ejamejã, ìgũrẽ ārĩmi:

–Yu magõ daporata kõmoakõãmo. Igore muya mojõ merã ñapeogu aarika! Irasirimakũ, dupaturi okagokumo, ārĩmi.

19 Ìgũ irasũ ārĩmakũ pé, Jesús wãgãnugã, ìgũ merã waami. Gua ìgũ buerãde ìgũ merã waabu. 20 Gua maague waaripoe sugo nomeõ Jesús purupu gapu eja, ìgũya suríro yuware moãñayupo. Igo pe mojõma pere su gubu peru pẽrẽbejari bojorigora dí wiriri merã pũrĩrikugo ããrĩyupo. 21 Æsũ ārĩ gũñayupo: “Ìgũya surírore yu moãñarĩ merã dita yu pũrĩrikuri tarirokoa”, ārĩ gũñayupo. 22 Igo moãñamakũ péña, Jesús gãmenugã, igore ìã, ārĩmi:

–Gũñaturaka! Mu yure buremurĩ opáa. Irasirigo mu pũrĩrikurire tausũa, ārĩmi. Ìgũ irasũ ārĩmakũta, pũrĩrĩ marĩgõ dujamo.

23 Puru Jesús Jairoya wiigüe ejami. Irogue ñajãjagu, majĩgõ boadeore yáaburo dupuyuro bayapeorimasãrẽ, gajerã buro ore, gainĩrãrẽ bokaja,

24 ìgũsãrẽ ãsũ ārĩmi:

–Wiriaka musã! Majĩgõ boabemo. Kãrĩgõ yámo.

Ìgũ irasũ ārĩmakũ pẽrã, ìgũrẽ burima. 25 Jesús ìgũsãrẽ wiriadore, boadeo ããrĩrĩ taribugue ñajãa, igoya mojõrẽ ñeãyupu. Ìgũ ñeãmakũta masãbeja, wãgãnugãyupo. 26 Masaka ããrĩperero iro ããrĩrã Jesús iriadea kerere pẽperekõãñurã.

Jesús pẽrã koye ìãmerãrẽ taudea

27 Jesús iro ããrãdi wiriamakũ, pẽrã koye ìãmerã ìgũrẽ gainí tuyama:

–David parãmi ããrĩturiagu, guare bopoñaka! ārĩma.

28 Jesús, wiigüe ñajãmakũ, koye ìãmerãde ñajãa, ìgũ purogue ejanugãma. Irasirigu Jesús ìgũsãrẽ sêrẽñami:

–¿Yu musãrẽ koye ìãmakũ irimasĩrĩrẽ buremurĩ? ārĩmi.

–Gua Opu, buremua, ārĩ yujuma.

29 Ìgũsã irasũ ārĩmakũ pégu, ìgũsãya koyere ñapeomi:

–Musã buremurõsũta musãrẽ ìãmakũ irigura, ārĩmi.

30 Ìgũ irasũ ārĩmakũ, ìgũsã õãrõ ìãkõãma. Irasirigu Jesús ìgũsãrẽ ārĩmi:

–Yu musãrẽ taurire gajerãrẽ werebirikõãka! ārĩmi.

31 Ìgũ irasũ ārĩkereruru, ããrĩperero iro marãrẽ Jesús ìgũsãrẽ iriadeare were-wasiripeokõãñurã.

Jesús werenĩbire werenĩmakũ iridea

32 Koye ìãmerã ããrãnerã iri wiire wiriaripoeta, gajerã sugu werenĩbi wãtĩ ñajãsũdire Jesús puro ãĩjama. 33 Jesús ìgũrẽ ìã, wãtĩ ìgũguere ñajãdire béowiumi. Ìgũ wãtĩrẽ béowiumakũta, werenĩbiradi werenĩnugãmi. Ìgũ irasirimakũ ìãrã, ããrĩpererã ìãguka:

‡ 9:17 Masaka, iripogüe iririkudeama, maama bueri merã buemorẽduamakũ ìãgũ, Jesús irasũ ārĩmi.

—Marĩ õõ Israel nikũrẽ àsũ iririnorẽ neõ ããbiribũ, ãrĩma.

³⁴ Fariseo bumarã gapũ Jesúre:

—Ĩĩ, wãtẽa opũ turari merã wãtẽãrẽ béowiumi, ãrĩ werewũama.

Jesús masakare bopoñarĩ merã ããdea

³⁵ Jesús ããrĩpereri makãrĩrẽ judío masaka nerẽrĩ wiirigue masakare buegorenagũ waami. Õãrĩ kerere, Marĩpũ ããrĩmarẽ doregũ ããrĩrĩmarẽ bue-nami. Irasũ ããrĩmakũ, pũrĩrikũrãrẽ ããrĩpereri gajerosũperi sĩrĩrĩ oparãrẽ tau-nami. ³⁶ Masakare ããgũ, bopoñarĩ merã ããsãrẽ ããmi. “ããsã bũjawererã, gũñaturamerã, oveja sugũ ããsãrẽ korerimasũ opamerã irirosũ ããrĩma”, ãrĩ gũñayupũ. ³⁷ Irasirigũ àsũ ããrĩma gũare ããgũ buerãrẽ:

—Marĩpũyare neõ pémerã, poeague oteri dũka bũribejadea irirosũ wãrã ããrĩma. ããsãrẽ ããgũyare weremurã gapũ iri pooere moãrĩmasã irirosũ méréãgã ããrĩma. ³⁸ Irasirirã marĩ Opũre iri pooe opũ irirosũ ããrĩgũrẽ: “Gajerã mũyare weremurãrẽ iriuka!” ãrĩ sêrêka! ããrĩmi Jesús gũare.

10

Jesús pe mojõma pere su gubu peru pẽrẽbejarã ããgũ buedoregũ pĩmurãrẽ beyedeã (Mr 3.13-19; Lc 6.12-16)

¹ Pũrũ Jesús gũare pe mojõma pere su gubu peru pẽrẽbejarã ããgũ buerã ããrĩmurãrẽ siiu, gũare ããgũ turarire sĩmi, ããrĩpereri pũrĩrĩrẽ tau, wãtẽa masakare ñajãnerãdere béowiuburo, ããrĩgũ.

² Àsũ wãĩkũrã ããrĩbũ gũa Jesús beyenerã: Simón wãĩkũgũ ããrĩmĩ. ããgũrẽta “Pedro” wãĩyemi Jesús. Simón pagũmũ Andrés wãĩkũmi. Gajigũ Santiago ããrĩmĩ. ããgũ pagũmũ Juan wãĩkũmi. ããgũsã Zebedeo pũrã ããrĩmã. ³ Gajerã Felipe, Bartolomé, Tomás ããrĩmã. Yũ Mateo, romano marã opũre niyeru wajaseabosarimasũ ããrĩdi ããrĩbũ. Gajigũ Santiago, Alfeo magũ ããrĩmĩ. Gajigũ Tadeo ããrĩmĩ. ããgũta Lebeo wãĩkũmi. ⁴ Gajigũ Simón, celote wãĩkũari bumũ ããrĩmĩ. Gajigũ Judas Iscariote wãĩkũgũ ããrĩmĩ. ããgũta Jesúre wẽjẽduarãguere ããgũrẽ ããmubu ããrĩmĩ.

Jesús ããgũ buerãrẽ buedoregũ iriudeã

(Mr 6.7-13; Lc 9.1-6)

⁵ Jesús gũare ããgũ buerã pe mojõma pere su gubu peru pẽrẽbejarãrẽ turarire sĩi odo, àsũ ããrĩ were iriumi:

—Judío masaka ããrĩmerã pũroguere waabirikõãka! Irasũ ããrĩmakũ, Samaria nikũma makãrĩguedere waabirikõãka! ⁶ Israel bumarã Marĩpũyare masĩmerã, oveja dedirinerã irirosũ ããrĩrã pũro gapũ waaka! ⁷ ããgũsãrẽ àsũ ããrĩ wererã waaka: “Mérõ dũyãã, Marĩpũ ããgũyarãrẽ doreri ejaburo”, ããrĩka! ⁸ Pũrĩrikũrãrẽ tauka! Boanerãrẽ masũka! Kãmi boarãdere tauka! Wãtẽa masakare ñajãnerãrẽ béowiuka! Yũ turarire mũsãrẽ wajamarĩõ sĩa. Irasirirã, yũ mũsãrẽ wajamarĩõ sĩrõsũta wajamarĩõ ããgũsãrẽ tauka!

⁹ Waarã, neõ niyeru oro, plata, cobrere, ¹⁰ mũsãya aju ããbirikõãka! Surĩ, sapatu mũsã sãñarĩ merã dita waaka! Tuariyukure ããbirikõãka! Moãrĩmasã ããgũsã moãrĩ waja merã wajata baama. Irasirirã mũsã masakare bueri waja baari mũsãrẽ sĩrãkuma.

¹¹ Makãrẽ ejarã, iri makã marã: “ããrĩta ããrĩ õãrõ irigũ ããrĩmĩ”, ããgũsã ããrĩgũ pũro dujaka! Mũsã iro ããrĩrõpã ããgũya wiire ããrĩka! Waarãgũ iri wiire wirika!

¹² Iri wiire ñajãrã, wii marãrẽ: “Marĩpũ mũsãrẽ siuñajãrĩ sĩburo”, ããrĩ õãdoreka!

¹³ Mũsãrẽ õãrõ bokatĩrĩñeãmakũ, ããgũsãrẽ: “Marĩpũ siuñajãrĩ sĩrĩ merã õãrõ ããrĩrikũka!” ããrĩka! Mũsãrẽ gããmemerã, i siuñajãrĩ merã ããrĩbirikuma. ¹⁴ Mũsãrẽ ããgũsã ñeãbirimakũ, mũsã buerire péduabirimakũ ããrã, ããgũsãya wiire, o ããgũsãya

makārē wiriarā, nikūwera musāya guburigue tuadeare mojēbéoka, ĩgūsārē wajamoāburire ĩmurā! ¹⁵ Diayeta musārē werea. Marīpū āārīpererā ñerārē wajamoārīnū ejamakū Sodoma, Gomorra marārē wajamoārō nemorō musārē gāāmemerārē wajamoāgukumi.

Jesúre b̄remurārē gajerā ñerō iriburire werede

¹⁶ 'Yure ōārō péka! Ovejare makānūū marā diayéa guarā watopegue iriuosū ñerā masaka watopegue musārē iriua. Irasirirā ōārō pémasīka! ĩgūsā watopegue ñerō iriro marīrō āārīrikuka! ¹⁷ Pémasīka! Masaka musārē ĩgūsā oparārē wiarākuma, musārē wajamoādorerā. Judío masaka ĩgūsā nerērī wiiriguedere musārē tārārākuma. ¹⁸ Irasū āārīmakū, musā yure b̄remurī waja, ĩgūsāya makārī marā oparā p̄rogue, ĩgūsāya nikū marā oparā p̄rogue āārākuma musārē wajamoādoremurā. Irasirirā musārē irogue āāmakū, oparārē, judío masaka āārīmerādere yaa kerere wererākoa musā. ¹⁹ Musārē oparā p̄rogue āāmakū: “¿Naásū āārīrākuri ĩgūsārē?” ārī gūñarikūbirikōāka! Oparā musārē sērēñamakū, Marīpū gūñarī sīrī merā wererākoa. ²⁰ Irasirirā musā gūñarī merā werebirikoa. Marīpū, Ōāgū deyomarīgū merā musārē masīrī sīrī merā werenīrākoa.

²¹ 'Iripoere masaka, ĩgūsāyarā yure b̄remumakū ĩārā, ĩgūsārē oparāguere wējedorerā wiarākuma. Pagūsāmarā ĩgūsā pūrārē oparāguere wējedorerā wiarākuma. Gajerā, ĩgūsā pagūsāmarārē ĩāturi, oparāguere wējedorerā wiarākuma. ²² Irasirirā masaka āārīperero i ūmū marā yure musā b̄remurī waja musārē ĩāturi doorākuma. Marīpū gapū yure piriro marīrō b̄remugārē taugukumi. ²³ Su makā marā musārē ñerō irimakū, gaji makāgue duriwāgāka! Diayeta musārē werea. Āārīpereri Israel nikūma makārīrē musā buegorena odoburo dupuyuro, yū āārīpererā tīgū Marīpū iriudi i ūmūgue dupaturi aarīgukoa doja.

²⁴ 'Neō sugū buegū, ĩgūrē buegū nemorō āārībemi. Moāboerimasūde ĩgū opu nemorō āārībemi. ²⁵ Sugū buegū ĩgūrē buedi irirosū dujadūamakū ōāgorāa. Moāboerimasūde ĩgū opu irirosū dujadūamakū ōāgorāa. Masaka yure musā Opure: “Ī Beelzebú, wātēa opu āārīmi”, ārīrā, musā yaarādere ñerō ārī werenīrākuma.

Jesús: “¿Noārē güiri merā b̄remurō gāāmerī?” ārī werede
(Lc 12.2-7)

²⁶ 'Irasirirā musārē ñerō iriduarārē güibirikōāka! Āārīpereri gajerā ĩāberogue irideare, durirogue irideadere p̄rūgue masīsūrokoa. ²⁷ Yū musārē masaka péberogue weredeare ĩgūsā pérogue wereka! Yū musārē gajerā ĩāberogue werenideare makā dekogue b̄ro b̄suro merā wereka! ²⁸ Musārē wējērā musāya dupū direta boamakū irirākuma. Musāya yujpūrārī gapure boamakū irimasībirikuma. Irasirirā güibirikōāka! Marīpū gapure güika! ĩgū gapū musāya dupū, musāya yujpūrārīrē peamegue béomasīmi. Irasirirā ĩgūrē güiri merā b̄remuka!

²⁹ 'Masaka pērā mirā wajarirā, su niyeru tigā, mérōgā wajakuri tigārē sīkuma. ĩgūsā mérōgā wajakukerepū, Marīpū gapū ĩgūsārē ōārō koremi. ĩgūsārē: “Boaburo”, ārībirikerepū, neō sugūgā yebague yuridija, boabemi. ³⁰ Marīpū āārīpereri musā āārīrikurire masīgū, musāya poarire: “Irikū āārā”, ārī masīpeokōāmi. ³¹ Irasirirā güibirikōāka! Musā, mirā nemorō wajakū. Irasirigū Marīpū mirārē korero nemorō musārē koregukumi.

Jesús: “Masakare yure b̄remurīrē wereka!” ārīdea
(Lc 12.8-9)

³² 'Sugũ, masaka péuro: “Jesúyagu aãrã”, ãrĩ weremakũ, yũde Yũpũ ãmũgasigue aãrĩgũ péuro ãgũrẽ: “Yaagu aãrĩmi ãrĩ”, ãrĩ weregũra. ³³ Sugũ yũre masĩkeregũ, masaka péuro: “ãgũrẽ masĩbea”, ãrĩ weremakũ, yũde Yũpũ ãmũgasigue aãrĩgũ péuro: “Yũde ãgũrẽ masĩbea”, ãrĩ weregũra, ãrĩmi Jesús.

Jesús: “Masakare gãme dukawarirãkuma”, ãrĩ werede
(Lc 12.51-53; 14.26-27)

³⁴ Irasũ ãrĩ odo, masakare ãsũ werenemomi:

—Musã yũre: “ãgũ i ãmũguere aarigũ, masakare siuñajãrĩ merã aãrĩmakũ irigũ aarimĩ”, ãrĩ gũñabirikõãka! Irasirigũ aarigũ meta iribũ. Yũ ejarita, masakare ãgũsã basi gãme dukawarimakũ yãa. Irasirirã surãyeri yũre bũremurãkuma. Gajerã yũre bũremumerã gapũ ãgũsãrẽ ãaturirãkuma. ³⁵ Sugũ yũre bũremurĩ waja, ãgũ magũ ãgũrẽ ãaturigũkumi. Sugo yũre bũremurĩ waja, ãgo magõ ãgore ãaturigũkumo. Sugo mãnekõ yũre bũremurĩ waja, ãgo bepo ãgore ãaturigũkumo. ³⁶ Irasirirã su wii marã ãgũsãyagu yũre bũremumakũ ããrã, ãgũrẽ ãaturirãkuma.

³⁷ 'Sugũ yũre mãrõ nemorõ ãgũ pagũsãmarã gapũre mãtarinũgãgũ, yaagu aãrĩmasĩbirikumi. Yũre mãrõ nemorõ ãgũ pũrã gapũre mãtarinũgãgũde, yaagu aãrĩmasĩbirikumi. ³⁸ Sugũ yũre tũyadũari waja curusague pábiatũ wẽjẽsũbu irirosũ aãrĩkeregũ, neõ piriro mãrõ yũre tũyanĩkõãburo. Yũre tũyadũabi, yaagu aãrĩmasĩbirikumi. ³⁹ Sugũ i ãmũgue ãgũ okarire mãĩgũ, peamegue beosũgũkumi. Gajigũ yũre tũyari waja gajerã ãgũrẽ wẽjekerepũrũ, Mãrĩpũ gapũ ãgũrẽ taugũkumi, ãgũ pũroguẽ ãgũ merã aãrĩburo, ãrĩgũ.

Jesús mãrĩ ãmũgasigue wajataburire werede
(Mr 9.41)

⁴⁰ 'Sugũ mãsãrẽ yaarãrẽ õãrõ bokatĩrĩneãgũ, yũdere bokatĩrĩneãmi. Yũre bokatĩrĩneãgũ, yũre iriudidere bokatĩrĩneãgũkumi. ⁴¹ Mãrĩpũ ãgũya kerere weregũre õãrĩ wajatamakũ irigũkumi. Sugũ Mãrĩpũya kerere weregũ aãrĩrĩrẽ ããmasĩ, ãgũrẽ õãrõ bokatĩrĩneãgũ, ãgũ irirosũ õãrĩ wajatagũkumi. Sugũ gajigũ ãgũ õãgũ aãrĩrĩrẽ ããmasĩ, ãgũrẽ õãrõ bokatĩrĩneãgũ, ãgũ irirosũ ãgũde õãrĩ wajatagũkumi. ⁴² Sugũ ubu aãrĩgũ yũre tũyagũre gajigũ ãgũrẽ iritamudũagu deko yũsari tĩãmakũ ããgũ, Mãrĩpũ ãgũdere õãrõ irigũkumi, ãrĩ weremi Jesús.

11

Juan masakare wãiyerimasũ ãgũ buerire tũyarãrẽ Jesús pũro iriudea
(Lc 1.17; 7.18-35)

¹ Jesús guare pe mojõma pere su gubu peru pẽrẽbejarã ãgũ buerãrẽ irasũ ããdero pũrũ, Galilea nikũgue aãrĩrĩ makãrĩ marãrẽ buegorenagũ waakõãmi.

² Juan masakare wãiyerimasũ peresugue aãrĩyũpũ. Iroguẽ aãrĩgũ, Cristo iriri kerere pẽgũ, ãgũ buerire tũyarãrẽ Jesũre ãsũ ãrĩ sãrẽñarã waaka:

³ —“¿Mũta aãrĩrĩ, Cristo masakare taugũ aaribu iriayũpũ, ãgũsã ãrĩdi, o gajigũre yũrãkuri gũa?” ãrĩ sãrẽñarã waaka! ãrĩ iriuyũpũ.

⁴ Irasirirã, Jesús pũroguẽ ejarã, Juan sãrẽñadoredere ãgũrẽ sãrẽñama. Jesús ãgũsãrẽ yũjũmi:

—Musã pãrĩre, mãsã ããrĩrẽ Juãrẽ wererã waaka! ⁵ Koye ããbiranerã õãrõ ããma. Waamasĩbiranerã waamasĩãkõãma. Kãmi boanerã yaripereãkõãsũama. Gãmipũ pãbiranerã pããkõãma. Boanerãde mããkõãma. Boporã, Mãrĩpũ masakare tauri kerere weremakũ pãma. ⁶ “Yũre bũremurĩrẽ piribi, usũyari opagũkumi”, ãrĩ wererã waaka Juãrẽ! ãrĩmi Jesús.

⁷ ãgũsã waadero pũrũ, Jesús Juãyamarẽ masakare ãsũ ãrĩ werenũgãmi:

—Musā masaka marīrōgue Juārē ĩārā waarā, güigüre güñaturabire ĩārā waarā meta irikuyo. Ĩgū turabi, mirū taborere wējēpubéorosū āārībemi. ⁸ Irasū āārīmakū, musā ĩgūrē iroque ĩārā waarā, ōārī surī sāñagūrē ĩārā waarā meta irikuyo. Ōārī surī sāñarāno oparāya wiirigue āārīkuma. Juan ĩgūsā irirosū āārībemi. ⁹ Musā iroque ĩgūrē ĩārā waarā, Marīpuya kerere weredupuyurimasūrē ĩārā waarā iriyo. Musārē werea. Diayeta Juan Marīpuya kerere weredupuyunerā nemorō āārīmi. ¹⁰ Marīpuya werenīrī gojadea pūgue gojasūdero āārībú Juan iriburire. Irasirigu Marīpu ĩgū magūrē āsū ārīdi āārīmi: Mu waaburo dupuyuro yaa kerere weredupuyurimasūrē iriugura mu waaburore āmuyudoregu, ārī gojasūdero āārībú.✧

¹¹ 'Musārē diayeta werea. Juan aariburi dupuyuro neō sugū ĩgū nemorō yaamarē masīgū marīdi āārīmi. Irasū āārīkererū, sugū Marīpu ũmugasigue āārīgūyagu gapu Juan nemorō yaamarē masīgū āārīgukumi. Āārīpererā nemorō ubu āārīgū āārīkereru, masīgū āārīgukumi.

¹² 'Juan masakare wāiyedi buenugādeapoegueta, daporaguedere masaka ũmugasigue Marīpu ĩgūyarārē dorerogue ñajāduarārē buro ñerō tarimakū yāma. ĩgūsā turari merā ĩgūsārē peremakū iriduarā iriadima. ¹³ Juan aariburo dupuyuro āārīpererā Marīpuya kerere weredupuyunerā ĩgūsā gojadea merā, Moisés gojadea merā Marīpu ĩgūyarārē doreri kerere werenerā āārīmā. ¹⁴ Iripoegue Marīpu ĩgūya gojadea pūgue: “Yaa kerere weredupuyurimasūrē Elías irirosū āārībure iriugura”, ārīdi āārīmi. Juan irasū ārīsūdita āārīmi. Irire buremurō gāāmea. ¹⁵ Gāmpūrī oparā, yu wererire ōārō péka!

¹⁶ 'Masaka datora marā, ¿ñeēmarāno irirosū āārīrī? Majīrā makā dekogue ĩgūsā merāmarā merā bira gainí doanīrā irirosū āārīma. Āsū ārī gainīma: ¹⁷ “Gua tērediru purimakū, bayabirabu. Bujawereri merā gua bayamakū, orebirabu”, ārīma. ¹⁸ Juan masakare wāiyerimasū pā baabiri, igui deko pāmudeare iiribirimi. ĩgū irasirimakū ĩārā: “Wātī ñajāsūdi āārīmi ĩī”, ārību musā ĩgūrē. ¹⁹ Puru yu āārīpererā tīgū baa, iirīmakū ĩārā: “Baapagu, iirīpagu āārīmi”, ārību. “Romano marā opure niyeru wajaseabosarimasā merāmu, ñerō irirā merāmu āārīmi”, ārību musā yure. Musā guare* buremubirikererā, gua iririre ĩārā: “Marīpu ĩgūsārē masīrī sīmi”, ārī masībokoa, ārīmi Jesús.

Jesús makārī marārē ĩgūsā ĩgūrē buremubirire werede
(Lc 10.13-15)

²⁰ Puru Jesús iroma makārī marārē turimi. ĩgūsā wāri ĩgū Marīpu turari merā iririre iri ĩmumakū ĩakererā, ĩgūsā ñerō iririre bujawerebiri, neō piribirima. Irasirigu ĩgūsārē āsū ārīmi:

²¹ —Musā Corazín marā, Betsaida marāde ñerō tarirākoa. Iripoegue marā Tiro, Sidón marā, musā ĩūrō Marīpu ĩgū turari merā iri ĩmurōsū iri ĩmumakū ĩārā, ĩgūsā ñerō irideare piribonerā āārīmā. ĩgūsā ñerō irideare buro bujawererire ĩmurā, bujawereri surī sāña, nitīrē dipuru weka mawasiripeobonerā āārīmā. Musā gapu Marīpu turari merā yu iri ĩmurīrē ĩakererā, musā ñerō iririre neō piribea. ²² Irasirigu musārē werea. Marīpu āārīpererā ñerārē ĩgū wajamoārīnu ejamakū, Tiro, Sidón marārē wajamoārō nemorō musārē wajamoāgukumi. ²³ Musā Capernaum marāde: “Ūmugasigue mūrīārākoa”, ārī güñadāa. Iroguere neō waabirikoa. Boanerā āārīrōgue béodijusūrākoa. Sodoma marārē yu musārē Marīpu ĩgū turari merā iri ĩmuderosūta iri ĩmumakū, iri makā daporadere āārībokoa dapa. ²⁴ Irasirigu musārē werea. Marīpu āārīpererā ñerārē ĩgū wajamoārīnu ejamakū, Sodoma

✧ 11:10 Mal 3.1 * 11:19 Jesús: “guare”, irasū ārīgū: “ĩgū basi iririre, Juan irideare”, ārīgū irimi.

marārē wajamoārō nemorō māsā gapure wajamoāgukumi, māsā ñerō iririre piribiri waja, ārīmi Jesús.

*Jesús: “Y_u p_urogue siuñajārā aarika!” ārīdea
(Lc 10.21-22)*

²⁵ Iripoere Jesús ĩgũ Pagure āsũ ārīmi:

–Au, y_u m_urē: “Ōātaria m_u”, ārī, usuyari sīa. M_u ũmugasi marā, i nikũ marā Op_u āārā. Irasirig_u: “Masītarinugārā, āārīpererire pémasīa”, ārī gũñarārē m_uyare masīmakũ iribeaa. Majīrā irirosũ m_urē b_uremurā gapure m_uyare masīmakũ yáa. ²⁶ Au, irasũta āārā. M_u gāāmederosũta usuyari merā irasũ yáa, ārīmi Jesús ĩgũ Pagure.

²⁷ P_ur_u masakare āsũ ārī werenemomi:

–Y_up_u y_ure āārīpereri irimasīrērē sīmi. Neō sug_u masak_u y_u āārīrikurire masībemi. Y_up_u dita y_ure masīmi. Neō sug_u masak_u Y_up_u āārīrikurire masībemi. Y_u dita ĩgũrē masīa. Y_u ĩgũrē masīdorerāde ĩgũrē masīma. ²⁸ M_usā Marīp_ure t_uyad_uarā n_ukũrī ũũma ōērā irirosũ āārīrā y_u p_uro aarika! Y_u m_usārē siuñajārī sīgura. ²⁹ M_usā y_u iridoreri gapure irika! Y_u iririkurire masīka! Y_u m_usārē bopoñarī merā ĩā, iritamugũ āārā. Irasirirā y_u iridorerire irirā, y_u merā ōārō siuñajārī bokarākoa. ³⁰ Y_u iritamurō merā yaare m_usā irimakũ diasabea. Irasirirā y_u dorerire irirā, n_ukũbiri kārāw_uririre ũũmarōsũ āārīrākoa, ārīmi Jesús.

12

*Siuñajārīn_u āārīmakũ, Jesús buerā trigo yerire tārīdea
(Mr 2.23-28; Lc 6.1-5)*

¹ Iripoere judío masaka siuñajārīn_u āārīmakũ, Jesús trigo otedero watope waamakũ, g_ua ĩgũ buerā ũaboasīa, trigo yerire tārī koro baab_u*. ² G_ua irasirimakũ ĩārā, fariseo bumarā Jesúre āsũ ārīma:

–Īāka! ¿Nasirirā siuñajārīn_urē moāadorebirikerep_u, m_u buerā irasũ yári? ārīma.

³ Jesús ĩgũsārē ārīmi:

–¿Iripoeguemu David, ĩgũ merāmarā merā ũaboag_u, ĩgũ irideare m_usā buebiriri? ⁴ ĩgũ merāmarā merā Marīp_uya wiigue ñajāa, Marīp_u ĩūrō peyari pā duparure baadi āārīmí. Marīp_u paía āārīmerārē: “Iri pā duparure baabirikōāka!” ārīdi āārīmí. David gap_u paí āārīb_urikereg_u, irire baag_u, Marīp_u ĩūrō ĩgũ dorerire tarinugāgũ meta iridi āārīmí. ⁵ Paía Marīp_uya wiigue moārā, siuñajārīn_urērē siuñajābema. Siuñajāb_urikererā, Marīp_u dorerire tarinugābema. ¿Iri buebiriri m_usā, Marīp_u Moisére doreri pídea pũguere? ⁶ M_usārē werea. Marīp_uya wiire b_uremurō nemorō y_u gapure b_uremurō gāāmea. ⁷ Marīp_u ĩgũya werenírí gojadea pũgue āsũ ārīdi āārīmí: “Y_ure b_uremurā waim_urārē wējē soepeomakũ gāāmebea. Gajerārē m_usā bopoñarī merā ĩāmakũ gāāmea”, ārīdi āārīmí. M_usā irire pémasīrā y_u buerā ñerō iribirikerep_u, ĩgũsārē: “Ñerō yáma”, ārībiribokoa. ⁸ Y_u āārīpererā tīgũ āārīsīā, siuñajārīn_urē masaka gajino ĩgũsā iriburire doremasīa, ārīmi Jesús.

*Jesús mojō díw_uredire taudea
(Mr 3.1-6; Lc 6.6-11)*

* **12:1** Deuteronomio 23.25: Moisés gojadea pũgue āsũ ārī gojasũdero āārīb_u: “Sug_u masak_u gajig_uya poeague waagũ, ĩgũya mojōrī merā trigo yerire tārī koro baaburo. Wiirimajī merā diti āābirikōāburo”, ārī gojasũdero āārīb_u.

⁹ Irasũ arĩ odo, waa, judío masaka nererĩ wiigue ñajãmi. ¹⁰ Iro sugũ masaku mojõ diíweredi ãarĩmí. Irasirirã fariseo bumarã Jesúre: “Ñerõ yámi”, arĩ weresãduarã, ãgũrẽ sêrẽñama:

—¿Siuñajãrĩnu ãarĩmakũ, sugũ pũrĩrikugure taudoreri ãarĩrĩ? arĩma.

¹¹ Jesús yujumi ãgũsarẽ:

—Siuñajãrĩnu ãarĩkerepara, musãyagu oveja gobegue meéñajãmakũ ãarã, ãgũrẽ arĩ wiukõãkoa. ¹² Marĩpu sugũ masakare, oveja nemorõ maítarinugãmi. Irasirirã siuñajãrĩnrẽ masakare õarõ irirã, Moisés doredeare tarinugãrã meta yáa, arĩmi.

¹³ Irasũ arĩ odo, mojõ diíweredire arĩmi:

—Muya mojõrẽ soeoka!

Ãgũya mojõrẽ soeomakãta, gaji mojõ irirosũ õarĩ mojõ dujabũ. ¹⁴ ãgũ irasirimakũ ãarã, fariseo bumarã gua wiria: “¿Nasirisã, marĩ Jesúre wẽjẽrãkuri?” arĩ gãme werenĩnurã.

Iripoeguẽ Marĩpũya kerere weredupuyudi Jesús ãgũ iriburire gojadea

¹⁵ Jesús ãgũsã ãgũrẽ wẽjẽduarire masĩ, waakõãmi. ãgũ waamakũ, wãrã masaka ãgũrẽ tuyama. Irasirigu ãarĩpererã pũrĩrikurãrẽ taumi. ¹⁶ ãgũsarẽ taugu: “Yaamarẽ gajerãrẽ werebirikõãka!” arĩmi. ¹⁷ Jesús irasirigu, Marĩpũya kerere weredupuyudi Isaías gojaderosũta irimi. ãsũ arĩ gojadi ãarĩmí:

¹⁸ ãsũ arĩmi Marĩpu: “Ãĩ yũre moãboegu, yũ beyedi, yũ maĩgũ ãarĩmi. ãgũ merã usuyáa. Õãgũ deyomarĩgũrẽ ãgũrẽ sĩgũra. Irasirigu yũ turari merã ãarĩpererã masakare diayema iririre weregũkumi.

¹⁹ ãgũ guaseo, gainĩbirikumĩ. ãgũ makã dekogue bũro gainĩgorenamakũ neõ pébirikumã.

²⁰ Turamerãrẽ bopoñarĩ merã ãã, iritamugũkumi. Irasirigu, ãgũsã miũmerẽñu biu peaboadiñu irirosũ ãarĩmakũ ããgũ, peabéogu irirosũ ãgũsarẽ iribirikumĩ.

Bujawererãrẽ gũnaturamakũ irigũkumi. Irasirigu, ãgũsã sããgodiru yaubodiru irirosũ ãarĩmakũ ããgũ, yaubéogu irirosũ ãgũsarẽ iribirikumĩ. ãgũ Opũ ñajãburi dupuyuro ãgũsarẽ irasirigũkumi. ãgũ Opũ ñajãdero purũ, masakare diayema iririre irimakũ irigũkumi.

²¹ Irasirirã ãarĩperero marã ãgũ doreburire usuyari merã yúrãkuma”, arĩmi, arĩ gojadi ãarĩmí Isaías.*

Jesúre: “Wãtĩ turari opami”, arĩ werewũadea (Mr 3.19-30; Lc 11.14-23; 12.10)

²² Purũ masaka wãtĩ ñajãsũdire Jesúre taudorerã ããjama. ãgũ wãtĩ ñajãsũdi: werenĩbi, koye ããbi ãarĩmí. ãgũsã ããjamakũ ãã, Jesús ãgũrẽ taumi. ãgũ irasirimakũ, õarõ ãã, werenĩmi. ²³ ãarĩpererã masaka, ãgũ tarimakũ ããgũka, ãsũ arĩ gãme sêrẽñama:

—¿Ãĩ David parãmi ãarĩturiagu masakare taubu meta ãarĩkuri? arĩma.

²⁴ ãgũsã irasũ arĩmakũ pérã, fariseo bumarã gapũ ãsũ arĩma:

—Ãĩ wãtẽa opũ Beelzebú turari merã wãtẽãrẽ béowiumi, arĩma.

²⁵ Jesús ãgũsã gũñarĩrẽ masĩsã, ãgũsarẽ ãsũ arĩmi:

—Su nikũ marã ãgũsã basi dukawari gãmekẽãrã, pereakõãkuma. Su makã marã, o su wii marã ãgũsã basi dukawari gãmekẽãrã, pereakõãkuma.

²⁶ Irasũta wãtẽa opũ ãgũyarã wãtẽãrẽ béowiugu, ãgũ basita ãgũyarãrẽ dukawari pereakõãmakũ iribokumi. Irasirigu, ¿noãrẽ dorenemobokuri? ²⁷ Musã yũre: “Wãtẽa opũ Beelzebú turari merã wãtẽãrẽ béowiumi”, arĩ werewũãã. Musã

* 12:21 Is 42.1-4

buerire tɔyarā gapu wātēārē béowiurā, ¿noā turari merā béowiukuri? Musā ĩgūsārē: “Marĩpu turari merā wātēārē béowiuma”, ārā. Irasiriro musā yure werewuari diaye āārĩbea. ²⁸ Yu Ōāgū deyomarĩgū turari merā wātēārē béowiuu. Irasiriro Marĩpu ĩgūyarārē doreri musā p̄roguere ejasiáa, ārĩ masĩsūa.

²⁹ Irire keori merā musārē werenemogu. Neō sugu masaku, turaguya wiire ĩgūrē siap̄roribirikeregu, ĩgū oparire ēmagū ñajāmasĩbirikumi. ĩgūrē siadero p̄rugue merē ĩgūyare ēmamasĩkumi, ārĩmi†.

³⁰ Irasū ārĩ odo, āsū ārĩnemomi:

–Yure gāāmemerā, yure ĩāturirā āārĩma. Masakare yure siiu neeōtamumerā, ĩgūsārē waawasirimakū irirā āārĩma.

³¹ Musārē diayeta werea. Marĩpu āārĩpereri masaka ñerō iririre, ñerō ārĩ werenĩrĩdere kātimasĩmi. Ōāgū deyomarĩgūrē ĩgūsā ñerō ārĩ werenĩmakū tamerārē neō kātibirikumi. ³² Yu āārĩpererā tĩgūrē ĩgūsā ñerō ārĩ werenĩmakū, Marĩpu irire kātimasĩmi. Ōāgū deyomarĩgū gapure ĩgūsā ñerō ārĩ werenĩmakū, irire neō kātibirikumi. Dapora, i umu peredero p̄ruguedere ĩgūsā irasū ārĩdeare neō kātibirikumi, ārĩmi Jesús.

Yukure irigu duka merā ĩāmasĩsūa, ārĩ werede
(Lc 6.43-45)

³³ Irasū ārĩ odo, Jesús gajĩ keori merā buenemomi:

–Ōādi yuku ōārĩrē dukakua. Nedi yuku ñerĩrē dukakua. Yukure irigu duka merā ĩāmasĩsūa‡. ³⁴ Musā āña irirosū ñerā āārā. Musā ñerā āārĩsĩā, ōārĩrē werenĩmasĩbea. Marĩ gūñarōsūta marĩ werenĩrĩ wirikōāa. ³⁵ Ōāgū ōārĩ gūñarĩ opami. Irasirigu ōārĩrē werenĩmi. Nēgū ñerĩ gūñarĩ opami. Irasirigu ñerĩrē werenĩmi. ³⁶ Musārē werea. Marĩpu āārĩpererā ñerārē wajamoārĩnu ejamakū, āārĩpereri masaka noó gāāmerō werenĩmoāmadeare ĩgūsārē masĩmakū irigukumi. ³⁷ Musā ōārō werenĩdea waja Marĩpu musārē: “Waja opabema”, ārĩgukumi. Musā ñerō werenĩdea waja musārē: “Waja opama”, ārĩgukumi, ārĩmi Jesús fariseo bumarārē.

Masaka ñerā Jesúre Marĩpu turari merā iri ĩmudoredea
(Mr 8.12; Lc 11.29-32)

³⁸ P̄ru surāyeri fariseo bumarā, Moisés gojadeare buerimasā ĩgūrē ārĩma:

–Buegu, Marĩpu turari merā guare iri ĩmuka! ārĩma. “ĩgū irire irimasĩbi, Marĩpu iriudi meta āārĩmi”, ārĩduarā irasū ārĩñurā.

³⁹ Jesús yujumi:

–Musā dapora marā masaka ñerā, Marĩp̄re gāāmemerā āārā. Musā yure Marĩpu turari merā gajino iri ĩmudorea. Musā irasiridorekerer̄pu, Marĩp̄ya kerere weredupuyudi Jonás iridea direta weregu. ⁴⁰ Jonás urenu, ure ñami waaĩ wáguya paru poekague āārĩderosūta yude āārĩpererā tĩgū urenu, ure ñami yeba poekague āārĩgukoa. ⁴¹ Iripoegue Nĩnive marā Jonás Marĩp̄ya kerere weremakū pérā, ĩgūsā ñerō irideare bujawere, ĩgūsā gūñarĩrē gorawayunerā āārĩmá. Dapora yu Jonás nemorō masĩgū ōōgue musā merā āārā. Yu Marĩp̄ya kerere werekerer̄pu, musā ñerō iririkurire bujawerebea. Irasirirā, Marĩpu āārĩpererā ñerārē wajamoārĩnu ejamakū, Nĩnive marā musā dapora marārē: “Ñegorabu”, ārĩrākuma. ⁴² Marĩpu āārĩpererā ñerārē wajamoārĩnu ejamakū, sugo iripoeguemo Sabá nikū marā opo musā dapora marārē: “Ñegorabu”, ārĩgokumo. Yoaromogue āārĩkerego, ōōgue i nikūgue aarideo āārĩmó, marĩ

† 12:29 Jesús: “Wātĩ nemorō turagu āārā”, ārĩgū, irasū ārĩmi. ‡ 12:33 Jesús: “Yukure irigu duka merā ĩāmasĩsūa”, ārĩgū: “Marĩ, gajerā werenĩrĩrē pérā, ĩgūsā āārĩrikurire masĩa”, ārĩgū irimi.

ñekūsamarā opu Salomón wári masĩrĩ merā wererire pégo aarigó. Dapora yu Salomón nemorō masĩgũ òõgue musā merā āārā. Yu musā merā āārĩkererũ, musā gapu yu wererire péduabea, ārĩmi Jesús.

Jesús, wātĩ dupaturi masakũguere ñajārĩmarē weredea
(Lc 11.24-26)

⁴³ Irasũ ārĩ odo, keori merā werenemomi doja:

–Wātĩ masakũguere āārādi wiri, puru deko marĩrõgue ĩgũ siuñajāburore āmagorenagũ waakumi. ⁴⁴ Irore bokabi, āsũ ārĩ gũñakumi: “Yu wiridi, yaa wii irirosũ āārĩmĩ. Dupaturi yu wiridiguereta goeñajāgura doja”, ārĩ gũñakumi. Irasirigu ĩgũguere dupaturi goeñajāgũ, gajino marĩrĩ wii, òārō āmu, ooaweadea wiire irirosũ bokajakumi. ⁴⁵ Irasirigu gajerā wātēa su mojōma pere gaji mojō peru pērēbejarā ĩgũ nemorō ñerārē siiu, ĩgūsā āārĩpererā merā masakũguere āārĩnikōākumi. Irasirigu masakũ ĩgũ dupuyuro āārĩrikũdero nemorō ñerō āārĩkumi. Dapora marā Marĩpũre gāāmemerā, yũre péduamerā irasũta ñerō waarākuma, ārĩmi Jesús.

Jesús pago ĩgũ pagupũrā merā ĩgũrē ĩāgō ejadea
(Mr 3.31-35; Lc 8.19-21)

⁴⁶ Jesús masakare wereripoe ĩgũ pago, ĩgũ pagupũrā merā ĩgũ āārĩrĩ wii disipũro ejayupo ĩgũ merā werenĩduago. ⁴⁷ Sugũ igore ĩā, Jesũre weremi:

–Mũpo, mũ pagupũrā disipũro níama, mũ merā werenĩduarā, ārĩmi.

⁴⁸ ĩgũ irasũ ārĩmakũ pégu, Jesús ĩgũrē ārĩmi:

–¿Noā āārĩrĩ yũpo, yũ pagupũrā? ārĩmi.

⁴⁹ Irasũ ārĩgũ, gũare ĩgũ buerārē soepu, āsũ ārĩmi:

–Īsā, yũpo, yũ pagupũrā irirosũ āārĩma. ⁵⁰ Yũpu āmũgasigue āārĩgũ gāāmerĩrē irirāno, yũ pagũmũ, yũ pagũmo, yũpo irirosũ āārĩma, ārĩmi Jesús.

13

Jesús oterimasũ keori merā buedeā
(Mr 4.1-9; Lc 8.4-8)

¹ Irinũta Jesús wiigũe āārādi ditarugũe waa, iri ditaru tũro eja doami.

² Masaka wārā ĩgũ puru nerēmākũ ĩāgũ, doódirugũe mũrĩñajāa, eja doami. Āārĩpererā masaka ĩmparogũe dujanũgāma ĩgũ buerire pémurā. ³ Irasirigu wári keori merā ĩgūsārē āsũ ārĩ buemi:

–Sugũ oterimasũ ĩgũya oteri yerire meéwasirigu waakumi. ⁴ ĩgũ meéwasiriwāgāmakũ, gaji yeri maague yurikoa. Iro yuriadea yerire mirā eja, baapeokōākuma. ⁵ Gaji yeri ũtāyerikũrogũe yurikoa. Iro sĩmerērōgā nikũ āārĩmakũ, iro yuriadea yeri mata puriadikoa. ⁶ Iri nikũ sĩmerērōgā āārĩmakũ, puriñajādi, puru abe asimākũ, nugũrĩ marĩsĩā, ñāĩ, boakōākua. ⁷ Gaji yeri pora watopegũe yurikoa. Pora gapu puritarimũrĩa, oteri gapũre wējēkōākua. ⁸ Gaji yeri òārĩ nikũgue yurikoa. Iri yeri puri, òārō dukakũkoa. Suñu cien yeri, gajiñu sesenta yeri, gajiñu treinta yeri dukakũkoa. ⁹ Musā gāmpũrĩ oparā, yũ wererire péduripĩka! ārĩmi Jesús.

Jesús buerā ĩgũrē: “¿Nasirigu keori merā bueri?” ārĩ sērēñadea
(Mr 4.10-12; Lc 8.9-10)

¹⁰ Puru gũa ĩgũ buerā ĩgũ puru waa, ĩgũrē sērēñabu:

–¿Nasirigu masakare keori merā bueri? ārĩbu.

¹¹ Jesús gũare yũjũmi:

–Marĩpu ĩgũyarārē doregu āārĩrĩrē, iripoegue masĩbirideare musārē masĩmakũ yāmi. Gajerā ĩgũrē bũremumerā gapũre irasiribemi. ¹² ĩgũyare

masĩrãnorẽ masĩnemomakũ irigũkumi. Irasirirã wáro masĩrĩ oparãkuma. Gajerã ãgũrẽ buremumerã ãgũyare masĩmerãrẽ ãgũsã mérõ masĩadideare pẽmasĩbirimakũ irigũkumi. ¹³ Irasirigũ yũ ãgũsãrẽ keori merã buea. ãgũsã Marĩpũ iririre ããkererã, ããmasĩbema. ãgũyare pẽkererã, pẽduripĩbema. Neõ pẽmasĩbema. ¹⁴ Irasirirã Marĩpũya kerere weredupuyudi Isaías gojaderosũta yáma. ãsũ ãrĩ gojadi ããrĩmĩ:

ãsũ ãrĩmi Marĩpũ: “Yaare pẽkererã, musã neõ pẽmasĩbea. Yũ iririre ããkererã, musã neõ ããmasĩbea.

¹⁵ Yaa werenĩrĩrẽ pẽduabirisĩã, musã neõ pẽmasĩbea. Gãnipũrĩ pẽmerã, koye ããmerã irirosũ ããrã. Musã irasũ ããrĩmerã, yaare ããmasĩ, õãrõ pẽmasĩbokoã. Yũ pẽmasĩrĩ sĩrĩrẽ oparã yũre buremubokoã. Irasirigũ musãrẽ taubokoã”, ãrĩmi Marĩpũ, ãrĩ gojadi ããrĩmĩ Isaías.*

¹⁶ Gũa gapũre ãrĩmi:

–Musã gapũ pẽmasĩã. Irasirirã usũyáa. Yũ iririre ããrã, yũ wererire pẽrã, yũre buremua. ¹⁷ Diayeta musãrẽ werea. Wãrã iripoegue marã Marĩpũya kerere weredupuyunerã, gajerã Marĩpũre buremunerã musã dapora ããrĩrẽ burõ ããduanerã ããrãdima. Irire ããduakererã, irire ããbirinerã ããrĩmã. Musã dapora pẽrere burõ pẽduakererã, pẽbirinerã ããrĩmã.

Jesús oterimasũ keori merã ãgũ bueadeare: “ãsũ ããrĩduaro yáa”, ãrĩ weredea (Mr 4.13-20; Lc 8.11-15)

¹⁸ Irasirirã õãrõ pẽka! Yũ oterimasũ keori merã bueadeare musãrẽ weregũra. Iri ãsũ ããrĩduaro yáa. Marĩpũ ãũmũgasigue ããrĩgũ ãgũyarãrẽ doreri kere, oteri yeri irirosũ ããrã. ¹⁹ Surãyeri masaka iri kerere pẽkererã, pẽmasĩbema. Maa buriri maa irirosũ ããrĩma. Iri kerere pẽadero purũ, oteri yeri iri maague yuridea yerire mirã baapeoderosũ, wãtĩ aari, ãgũsã pẽadideare ãmãpeokõãmi. ²⁰⁻²¹ Gajerã masaka ãtãyerikũri yeba irirosũ ããrĩma. Iri kerere pẽrã, mata usũyari merã: “Õãgorãã”, ãrĩ gũñama. Irire pẽkererã, oteri yeri ãtãyerikũrogue yuriadero purũ, puri, nugũrĩ puriñajãbiriderosũ waama. Mérõgã purũ ãgũsã Marĩpũyare pẽduari waja gajerã ãgũsãrẽ ñerõ irimakũ ããrã, o ñerõ tarisĩã, mata ãgũyare pirikõãma. ²² Gajerã masaka porakũri yeba irirosũ ããrĩma. Iri kerere pẽkererã, oteri yeri porakũrogue yuriadero purũ, pora gapũ puritarimũrĩã wẽjẽderosũ, i ãũmũmarẽ burõ gũñarikũma. Doebirid-ere burõ gããmenemoma. Irasirirã Marĩpũyare kãtima. Otediũũ dukã marĩdiũũ irirosũ dujama. ²³ Gajerã masaka õãrĩ nikũ irirosũ ããrĩma. Marĩpũya kerere pẽrã, õãrõ pẽmasĩma. Irasirirã oteri yeri õãrĩ nikũgue yuriadero purũ, puri õãrõ dukakũderosũ õãrĩrẽ yáma. Surãyeri cien yeri, gajerã sesenta yeri, gajerã treinta yeri dukakũrosũ irirã ããrĩma, ãrĩmi Jesús.

Jesús trigo otedea watopegue ñerĩ tá oteri keori merã bueadea

²⁴ Jesús irasũ ãrĩ odo, gaji keori merã gũare buemi:

–Marĩpũ ãũmũgasigue ããrĩgũ ãgũyarãrẽ doreri i irirosũ ããrã. Sugũ pooe opũ ãgũya poogue õãrĩ yerire otekumi. ²⁵ Su ñami merã ããrĩpererã kãrĩripoe ãgũrẽ ããturigũ poogue eja, ãgũ trigo oteadea watopegue ñerĩ táre otekumi. Ote odo, waakõakumi. ²⁶ Trigo yeri puriwiriadero purũ, ñerĩ táde purikoa. Purũ trigo dukakũkoo. Iri dukakũmakũ ããrã, iri pooe opũre moãboerimasã ñerĩ tá ããrĩmakũ ããmasĩkuma.

²⁷ Irasirirã iri pooe opũre wererã waakuma:

–Gũa opũ, ¿nasiriro õãrĩ yeri direta mũya pooe otesũdero ããrĩkererũ, ñerĩ táde puriyuri? ãrĩkuma. ²⁸ ãgũsã irasũ ããrĩmakũ pẽgũ, ãsũ ãrĩkumi:

–Yũre ããturigũ iri ñerĩ táre otekumi, ãrĩkumi.

* 13:15 Is 6.9-10

Īgũ irasũ āřĩmakũ pērã, ĩgũrē moãboerimasã sērēñakuma doja:

—¿Ñerĩ táre gũa taáseabéorã waamakũ gããmekuri mũ? āřĩkuma.

²⁹ —Taáseabirikõãka! Ñerĩ táre taásearã trigodere duuabokoa. ³⁰ Iri, ñerĩ tá merãta puri masãkõãburo. Trigo ñaĩmakũ, gajerã ðaka seaboerimasãrē ãsũ āřĩ iriugũra: “Ñerĩ táre taáseapurori, dupa dotori siaka, irire soemurã! Pũrũ trigore seaka, irire yũ duripĩri wiigue duripĩmurã!” āřĩgara, āřĩkumi, āřĩmi Jesús.

Jesús mostaza wãĩkũri yegã puri masãdea keori merã buedea
(Mr 4.30-32; Lc 13.18-19)

³¹ Irasũ āřĩ odo, gaji keori merã buemi:

—Marĩpũ ãmũgasigue ããřĩgũ ĩgũyarãrē doreri sugũ masakũ ĩgũya poeegue suye oteriyē mostaza wãĩkũri yegãrē oterosũ ããrã. ³² Iri oteri yegã ããřĩpereri oteri yeri nemorõ mérĩ yegã ããřĩkoa. Irasũ ããřĩkerero, otemakũ, pũrũ yuku wádi irirosũ puri masãkoa. Irasirirã wãrã irigũ ðapurigue ĩgũsãya surĩ suakuma, āřĩmi Jesús*.

Jesús pã wemasãrĩ morēřĩ poga keori merã buedea
(Lc 13.20-21)

³³ Pũrũ gaji keori merã buemi:

—Marĩpũ ãmũgasigue ããřĩgũ ĩgũyarãrē doreri i irirosũ ããrã. Sugo nomeõ pã duparure iribo, mérõgã pã wemasãmakũ iriri poga merã trigoro pogare morēkumo. Irire wemasãseyaburo, āřĩgõ, irasirikumo. Irasiriro Marĩpũ ĩgũyarãrē doreri iri pã wemasãrĩ morēřĩ poga irirosũ ããrã, āřĩmi†.

Jesús masakare keori merã buenadea
(Mr 4.33-34)

³⁴ Jesús masakare i ããřĩpereri buerire weregũ, keori merã dita buenami. Keori marĩrõ ĩgũsãrē buenabirimi. ³⁵ Irasirigũ Marĩpũya kerere weredupuyudi gojaderosũta irimi. Āsũ āřĩ gojadi ããřĩmĩ Jesús masakare wereburimarē: Keori merã weregũkoa. Iri merã weregũ, Marĩpũ i ãmũrē iridero pũrũgue marã neõ masĩbirideare dapora marãrē weregũra, āřĩ gojadi ããřĩmĩ.*

Jesús ñerĩ tá, trigo otedea watopegue puri masãdeare buenomodea

³⁶ Pũrũ Jesús masakare seretu odo, wiigue ñajãmi. Īgũ ñajãmakũ ĩã, gũa ĩgũ buerã ĩgũ pũroguē ñajãa, ĩgũrē sērēñabu:

—Trigo otedea watopegue ñerĩ tá puri masãdea keorire werenemoka! ¿Naásũ āřĩũaro iriari? āřĩbũ.

³⁷ Gũa irasũ āřĩmakũ pégũ, Jesús yujumi:

—Yũ ããřĩpererã tĩgũ, iri poe opũ õãřĩ yeri otedi irirosũ ããrã. ³⁸ Poee gapũ i ãmũ irirosũ ããrã. Marĩpũ ĩgũyarãrē dorerogue ããřĩmurã gapũ õãřĩ yeri irirosũ ããřĩma. Wãtĩyarã ñerĩ tá irirosũ ããřĩma.

³⁹ Wãtĩ poee opũre ĩãturigũ irirosũ ããřĩmi. I ãmũ pererĩnũ iri otedea ðakare searĩnũ irirosũ ããrã. Marĩpũre wereboerã, poee opũre ðaka seaboerimasã irirosũ ããřĩma.

* **13:32** Jesús i kere merã buegu: “Marĩpũ ãmũgasigue ããřĩg'ũrē bũremurã mérãgã ããřĩnũgãkerepũrũ, pũrũgue gajerã ĩgũsã merã ĩgũrē bũremunũgãmakũ, wãrã ããřĩrãkuma; o sugũ Marĩpũre bũremunũgãgã, mérõgã bũremurĩ opami. Pũrũgue, mostaza wãĩkũri yegãrē otedero pũrũ yuku wádi puri, masãrõsũ Marĩpũ iritamurĩ merã wãro ĩgũrē bũremurĩ opagũkumi”, āřĩ buegu irimi. † **13:33** Jesús i kere merã buegu: “Marĩpũre bũremurã ããřĩperero i ãmũguere ĩgũyarãrē doregũ ããřĩrĩrē masakare buerã waamakũ, ããřĩpereri buri marã watopegue wãrã irire pé, ĩgũrē bũremunũgãrãkuma; o sugũ Marĩpũre bũremunũgãgũ Marĩpũ ĩgũyarãrē doregũ ããřĩrĩrē buenĩgũ, Marĩpũ iritamurĩ merã Marĩpũ doreri direta iridũagũkumi”, āřĩ buegu irimi. ✱ **13:35** Sal 78.2

⁴⁰ 'Iri ñerĩ táre ìgūsā taáseadeare peamegue soebéoderosũta i ùmũ pererinu ejamakũ waarokoa. ⁴¹ Irasũ waaripoe yũ ããrĩpererã tĩgũ, yũre wereboerãrẽ iriugũkoa. Irasirirã ìgūsā masakare ñerĩ irimakũ irirãrẽ, Marĩpũ dorerire tarinũgãrãdere neeõrãkuma. ⁴² Neeõ odo, perebiri peamegue ìgūsãrẽ béorãkuma. Irogue bũro pũrĩsũrã ìgūsãya guikare kũrĩduútú orerãkuma. ⁴³ Marĩpũ gããmerĩrẽ irirã gapũ ùmũgasigue ìgũyarãrẽ dorerogue ããrĩrã, abe ùmũmũ irirosũ gosewasirirãkuma. Mũsã gãmipũrĩ oparã, yũ wererire péduripĩka!

Jesús wáro niyeru yáapídea keori merã buedea

⁴⁴ 'Gaji mũsãrẽ werea. Marĩpũ ùmũgasigue ããrĩgũ ìgũyarãrẽ doreri i irirosũ ããrã. Sugũ masakũ wáro niyeru gajigũya nikũ poekague yáapídeare bokakumi. Irire bokagũ, bũro usũyakumi. Irasirigũ ìgũ bokadeare bũro gããmesĩã, dupaturi yáapíkõãkumi doja. Irasirigũ ããrĩpereri ìgũyare gajerãrẽ duakumi. Ìgũ duadea waja merã iri nikũrẽ wajarikumi‡.

Jesús perla wãikuriye keori merã buedea

⁴⁵ 'Gaji mũsãrẽ werea doja. Marĩpũ ùmũgasigue ããrĩgũ ìgũyarãrẽ doreri i irirosũ ããrã. Sugũ wajaririmasũ wajapari yeri perla wãikuri yerire ãma wajaridũakumi. ⁴⁶ Iri yerire ãmagũ, wajapatariri yere bokakumi. Iri yere bũro gããmesĩã, ããrĩpereri ìgũyare duakumi. Ìgũ duadea waja merã iri yere wajarikumi.

Jesús buidi keori merã buedea

⁴⁷ 'Gaji mũsãrẽ werea doja. Marĩpũ ùmũgasigue ããrĩgũ ìgũyarãrẽ doreri, waaí wějẽrĩmasã buidi meéyo, ããrĩpererã waaí ããrĩrãkũ ñeãrõ irirosũ ããrã. ⁴⁸ Ìgūsãya buidire waaí uturimakũ ìãrã, waaí wějẽrĩmasã ìmparogue tũãmajã, waairé beyekuma. Òãrã waairé ìgūsãya puuirigue seasãkuma. Ñerãrẽ béokõãkuma. ⁴⁹ I ùmũ pererinu ããrĩmakũ, masakare ãsũta waarokoa. Marĩpũre wereboerã õãrãrẽ, ñerãrẽ beyerã aarirãkuma. ⁵⁰ Beye odo, ñerãrẽ perebiri peamegue béorãkuma. Irogue bũro pũrĩsũrã ìgūsãya guikare kũrĩduútú orerãkuma, ãrĩmi Jesús.

Jesús iripoeguema buerire, maama bueridere weredea

⁵¹ Pũrũ guare sěrẽñami:

—¿I ããrĩpererire pémasĩrĩ mũsã? ãrĩmi.

—Éũ, pémasĩã, ãrĩ yũjubũ.

⁵² Gũã irasũ ãrĩmakũ, ãrĩmi:

—Sugũ Moisés gojadeare buerimasũ Marĩpũ ùmũgasigue ããrĩgũ ìgũyarãrẽ doregũ ããrĩrĩmarẽ masĩgũ, wii opũ irirosũ ããrĩgũkumi. Irasirigũ wii opũ, iripoegue ìgũ opadeare, maama ìgũ oparidere ãĩwiugũ irirosũ, maama buerire, iripoeguema bueridere õãrõ masĩrĩ merã weregũkumi, ãrĩmi Jesús guare.

Jesús Nazaregue goedujáadea

(Mr 6.1-6; Lc 4.16-30)

⁵³ Jesús iri keori merã were odo, iro ããrãdi waa, ⁵⁴ ìgũ masãdea makãgue ejami. Irogue eja, judío masaka nerẽrĩ wiigũe buemi. Masaka, ìgũ buemakũ pérã, pégukakõãma. Æsũ ãrĩ gãme werenĩma:

—¿Noógue bueyuri, ñĩ iropã masĩbu? ¿Nasirisĩã, iri ìmurĩrẽ irimasĩyuri? ⁵⁵ Ìĩ taboa moãdi magũ ããrĩmi. Ìgũ pago María wãikũmo. Santiago, José, Simón,

‡ 13:44 Jesús i kere merã buegu: “Masakũ ããrĩpereri ìgũyare gããmerõ nemorõ Marĩpũyare gããmegũ ããrĩkumi”, ãrĩ buegu irimi.

Judas ĩgũ pagupũrã ããrĩma. ⁵⁶ ĩgũ pagupũrã nomede i makã marãta ããrĩma. ĩgũ marĩ irirosũ ããrĩkeregũ, ¿nasirisĩã, i ããrĩpererire masĩrĩ? ãrĩma.

⁵⁷ Irasirirã ĩgũrẽ buremudũabirima. Jesũs gapũ ĩgũsãrẽ ãrĩmi:

– ããrĩpererogue sugũ Marĩpũya kerere weredupuyugũre gajerã buremuma. ĩgũya nikũ marã, ĩgũya wii marã gapũ ĩgũrẽ buremubema, ãrĩmi.

⁵⁸ Irasirigũ Jesũs, ĩgũsã ĩgũrẽ buremubirimakũ ĩãgũ, iri makãrẽ wãri Marĩpu turari merã iri ĩmubirimi.

14

Juan masakare wãiyerimasũ boadea

(Mr 6.14-29; Lc 9.7-9)

¹ Iripoere Herodes Galilea nikũ marã opũ, Jesũs iriri kerere pũyupũ. ² Irire pũgũ, ĩgũrẽ moãboerãrẽ ãsũ ãrĩyupũ:

– ĩgũ irire irasũ irigũ, Juan masakare wãiyerimasũta boadigue masãdi ããrĩkumi. Irasirigũ wãri iri ĩmurĩrẽ irikumi, ãrĩyupũ.

³ Juan boaburi dupuyuro Herodes ĩgũ pagũmũ Felipe marãpo Herodĩas wãikũgore ĩma, marãpokũmakũ ĩãgũ, ⁴ ãsũ ãrĩdi ããrĩmĩ:

– Mũ pagũmũ marãpore marãpokũgũ, Marĩpu dorerire tarinũgãgũ yãa, ãrĩdi ããrĩmĩ. Irasirigũ Herodes ĩgũrẽ ñeã, peresu iridi ããrĩmĩ. ⁵ ĩgũ Juãrẽ wẽjẽduadi ããrĩmĩ. Judĩo masaka gapũ: “ĩ Juan Marĩpũya kerere weredupuyurimasũ ããrĩmĩ”, ãrĩ gũñanerã ããrĩmã. Irasirigũ Herodes: “Juãrẽ yũ wẽjẽmakũ yũ merã guabokuma”, ãrĩgũ, ĩgũsãrẽ gũidi ããrĩmĩ. ⁶ Pũrũ Herodes ĩgũ deyoadea bosenu irigũ iridi ããrĩmĩ. ĩgũ irasiririnũrẽ Herodĩas magõ ĩgũ siuanerã ĩũrõ baya ĩmudeo ããrĩmõ. Igo baya ĩmumakũ ĩãgũ, Herodes bũro usũyadi ããrĩmĩ. Irasirigũ igore: ⁷ “Ãrĩgatoro marĩrõ, mũ yũre sãrẽrĩnorẽ sĩgũra”, ãrĩdi ããrĩmĩ. ⁸ ĩgũ irasũ ãrĩmakũ pũgo, igo pagore: “¿Ñeonorẽ sãrẽgokuri yũ?” ãrĩdeo ããrĩmõ. Irasirigo igo pago sãrẽdoreaderosũta ĩgũrẽ sãrẽdeo ããrĩmõ:

– Juan masakare wãiyerimasũya dipurure dititã, soropa wãripa merã ĩgũya dipurure yũre sĩka! ãrĩdeo ããrĩmõ.

⁹ Igo irasũ ãrĩmakũ pũgũ, Herodes bũro bũjaweredi ããrĩmĩ. ĩgũ siuanerã pũro: “Ãrĩgatoro marĩrõ, mũ yũre sãrẽrĩnorẽ sĩgũra”, ãrãdi ããrĩsĩã, gũyasĩrĩgũ, igore: “Mũrẽ sĩbirikoa”, ãrĩmasĩbiridi ããrĩmĩ. Irasirigũ, igo ĩgũrẽ sãrẽrõsũta iridi ããrĩmĩ. ¹⁰ Irasirigũ, ĩgũyagũ surara Juan peresugue ããrĩgũ pũro waa, ĩgũya dipurure dititãdi ããrĩmĩ. ¹¹ Pũrũ soropa merã ĩgũya dipurure ãrĩri, Herodĩas magõrẽ wiadi ããrĩmĩ. ĩgũ wiamakũ ñeã, igo pagore ããrĩ sĩdeo ããrĩmõ.

¹² Juan boadero pũrũ, ĩgũ buerire tũyanerã ĩgũya dupũre ãiwãgã, yãarã waanerã ããrĩmã. Yãa odo, Juan boadeare Jesũre wererã ejama.

Jesũs cinco mil ãmarẽ baari ejodea

(Mr 6.30-44; Lc 9.10-17; Jn 6.1-14)

¹³ Juãrẽ wẽjẽadea kerere pũgũ, Jesũs doódirugue mũrĩñajãa, masaka marĩrõgue gũa ĩgũ buerã merã waakõãmi. ĩgũ iroque waarĩre pãrã, masaka ĩgũsãya makãrĩrẽ wiri, ĩgũ dupuyuro maague waa, ejasianerã ããrĩmã. ¹⁴ Gũa ditaru gaji koepũgue taribujaja, Jesũs doódirugue sãñadi majãnũgã, wãrã masakare bokajami. Irasirigũ ĩgũsãrẽ bopoñarĩ merã ĩã, pũrĩrikũrã ĩgũsã ãrĩrianerãrẽ taumi. ¹⁵ Naĩmejãwãgãripoe gũa Jesũs buerã ĩgũ pũro waa, ãsũ ãrĩbũ ĩgũrẽ:

– Naĩmejãrõgue yãa. Oõ masaka marĩrõgue ããrã. Irasirigũ masakare waadoreka! Makãrĩgue ĩgũsã baaburire wãjarirã waaburo, ãrãdibũ.

¹⁶ Gũa irasũ ãrĩmakũ pũgũ, Jesũs ãrĩmi:

—Waabirikōāburo. Mūsā ĩgūsārē baari sīka! ārīmi.

¹⁷ Għa ĩgūrē ārībħ:

—Su mojōma pā duparu, waaídere pērāta opāa, ārībħ.

¹⁸ —Irire yure āirika! ārīmi Jesús.

¹⁹ Pħħ masakare tá weka doadoremi. Irasirigħ su mojōma pā duparure, pērā waairé āi, ũmugasigue ĩāmu, Marīpħre: “Mħrē usuyari sīa”, ārīmi. Ārī odo, iri pā duparure pea, għare ĩgū buerārē sīmi masakare gueredoregħ. Irasirirā għa ĩgūsārē irire guerebħ. ²⁰ Irasirirā āārīpererā baayapiakōāma. Pħħ ĩgūsā baadħāadeare pe mojōma pere su gubu peru pērēbejari puuirigora seasā, ĩħħudobobħ. ²¹ Iro baanerā: nome, majīrā keoña márīrō ũma direta keomakū cinco mil gora āārīmā.

Jesús deko weka waadea
(Mr 6.45-52; Jn 6.16-21)

²² Pħħ Jesús għa ĩgū buerārē doódirugue mħrīñajādore, ditarugue ĩgū dupuyuro taribujadoremi. ĩgū gapħ irogue dujami dapa masakare seretubu. ²³ Seretu odo, buúru wekague sugħta waayupħ Marīpħre sērēgū waagú. Nami ejaripoe sugħta āārīyupħ iroguere. ²⁴ Għa gapħ ditaru dekogue āārībħ. Mirū bħro waabħ. Irasiriro makūrī doódirure pátúpaukōābħ. Irasirirā taribuja-jabiribħ dapa.

²⁵ Pħħ āgābo wereripoe Jesús ditarugue buaja, għa pħroguue deko weka aarimí. ²⁶ ĩgū deko weka aarimakū, għa ĩgūrē ĩāmasībirisīā, ĩāgħakōābħ. Güiri merā: “Masakħ boadi wātī āārīmi”, ārī gainībħ.

²⁷ Għa güimakū ĩāgū, Jesús għare āsū ārīmi:

—Gūñaturaka! Yħta āārā. Güimerāta! ārīmi.

²⁸ ĩgū irasū ārīmakū pégħ, Pedro ārīmi ĩgūrē:

—Mħ, yħ Opħ āārīgū, yħre deko weka waa, mħ pħroguue aaridoreka! ārīmi.

²⁹ —Jāħ, aarika! ārīmi Jesús.

Irasū ārīmakū pégħ, Pedro doódirugue sāñadi dujinugā, deko weka Jesús pħroguue waami.

³⁰ ĩgū irasū waakeregħ, mirū bħro wējēpumakū ĩāgū, güigorami. Irasirigħ mirīdijagħ:

—Yħ Opħ, yħre tauka! ārī gainími.

³¹ ĩgū irasū ārīmakūta, Jesús ĩgūya mojōrē ñeā: “Yħre mérōgā bħremurī opāa. ¿Nasirigħ yure bħremuturaberī?” ārīmi.

³² Pħħ Jesús Pedro merā doódirugue aari, mħrīñajāmakū, mirū waadea toeakōābħ. ³³ Irasū waamakū ĩārā, għa doódirugue āārīrā ñadħkħpuri merā Jesús pħro eja doa, ĩgūrē:

—Mħ diayeta Marīpħ magū āārā, ārī bħremubħ.

Jesús Genesaret marārē pūrīrikħrārē taudea
(Mr 6.53-56)

³⁴ Pħħ taribujaja, Genesaret* wāikħri nikūgue ejabħ. ³⁵ Iro marā Jesúre ĩāmasīsīā, āārīpererā iro āārīrārē ĩgū ejari kerere wereñurā. Irasirirā āārīpererā pūrīrikħrārē taudorerā ĩgū pħroguue āījama. ĩgūrē āsū ārī sērēma:

³⁶ —Mħya suríro yuwa direta ĩgūsārē moāñadoreka! ārīma. Irasirirā āārīpererā pūrīrikħrārē ĩgūya surírore moāñanerā ĩgūsā sīrīrī opadeare tarisūma.

* **14:34** Genesaret wāikħri nikū, Galilea wāikħri ditaru tħro āārīyuro.

15

Masakare ñerã waamakã iririre buedea
(Mr 7.1-23)

¹ Puru surãyeri fariseo bumarã, Moisés gojadeare buerimasãde Jerusalêgue ãârãnerã Jesús puro eja, ìgürê sêrêñama:

² —¿Nasirirã mu buerã, marĩ ñekūsãmarã iriunaderosũ iriberi? Marĩ ñekūsãmarã baaburi dupuyuro mojõkoederosũ iribema, ãrĩma.

³ Jesús ìgūsãrê yujumi:

—Yude musãrê sêrêñagura. ¿Nasirirã Marĩpu doreri gapure irirõno irirã, musã ñekūsãmarã iriunadeare yãri? ⁴ Marĩpu ãsũ ãrĩdi ããrĩmi: “Mupure, mupore buremuka! Sugũ ìgũ pagusãmarãrê ñerõ werenìgũ wějêdoresũgukumi”, ãrĩdi ããrĩmi. ⁵ ìgũ irasũ ãrĩkerepuru, musã gapu masakare ìgūsã pagusãmarãya ããrĩburire buerã, ãsũ ãrã: “Sugũ ìgũ pagure, o ìgũ pagore: ‘Yu musãrê siboadeare Marĩpure sipeokõãbu. Irasirigu musãrê iritamumasĩbirikoa’, ãrĩmakũ õãgorãa”, ãrĩ buea. ⁶ Irasũ buerã, masakare ìgūsã pagusãmarãrê iritamubirimakũ, Marĩpu dorerire ubu ìãbéomakũ yãa, musã ñekūsãmarã iriunadeare iritayadorerã. ⁷ Masaka iürõ dita õãrõ yãa musã. ìgūsã ìãberogue ñerõ iririkurã ããrã. Iripoegue Marĩpuya kerere weredupuyudi Isaiás diayeta gojadi ããrĩmi musã irigatorire gojagu. ãsũ ãrĩ gojadi ããrĩmi:

⁸ Ìsã masaka ìgūsãya disi merã yure õãrõ werenìkererã, ìgūsãya yujupürãrĩgue yure neõ buremubema.

⁹ Irasiriro ìgūsã yure buremurã nererĩ wajamáa. ìgūsã bueri, yu doreri meta ããrã. Masaka doreri ããrã, ãrĩ gojadi ããrĩmi, ãrĩ yujumi Jesús fariseo bumarãrê.✧

¹⁰ Irasũ ãrĩ odo, masakare ìgũ puro siiu, ãsũ ãrĩmi:

—Yu wererire õãrõ pékũínú péka! ¹¹ Sugũ masakaya disigue baari ñajãri, ìgürê ñegũ waamakũ iribea. Ìgũya disigue wiriri gapu, ìgürê ñegũ waamakũ yãa, ãrĩmi.

¹² Ìgũ irasũ ãrãdero puru, gũa ìgũ buerã ìgũ puro waa, ìgürê ãrĩbu:

—¿Mu masĩrĩ? Mu irasũ ãrãdeare pérã, fariseo bumarã guakõãma, ãrĩbu.

¹³ Gũa irasũ ãrĩmakũ, Jesús ãsũ ãrĩ yujumi:

—Yuru ãmugasigue ããrĩgũ ããrĩpereri ìgũ otebirideare nugürĩ merãta duua béogu irirosũ ìgūsãrê béogukumi. ¹⁴ Irasirirã ìgūsãrê irasũ ìãkõãka! ìgūsã Marĩpuyare masĩbirikererã, gajerã ìgũyare masĩmerãrê buema. Irasirirã koye ìãmerã gajerã koye ìãmerãrê tũãdupuyurã irirosũ ããrĩma. Sugũ koye ìãbi gajigu koye ìãbire tũãdupuyuwãgãgũ, ìgūsã pãrãgueta gobegue meéñajãkõãrãkuma, ãrĩmi Jesús.

¹⁵ Ìgũ irasũ ãrĩmakũ pégu, Pedro gapu Jesúre ãrĩmi:

—Gũare wereka! Masaku ìgũya disi wiriri keori, ¿naásũ ãrĩduaro yãri? ãrĩmi.

¹⁶ Jesús yujumi:

—¿Musãde pémasĩberi dapa? ¹⁷ ããrĩpereri marĩ baari, marĩya disigue ñajãa, parugue waa, puru tariwereakõãa. ¹⁸ Masaka werenĩrĩ, ìgūsãya disi wiriri ããrã. ìgūsã gũñarĩgue ñerĩrê oparã ñerõ werenĩma. Iri ìgūsãrê ñerã waamakũ yãa. ¹⁹ ìgūsã gũñarĩgue ñerĩ oparã ãsũ ããrĩma. Ñerĩ gũñarã, masakare wějêbéorã, gajigu marãpo, gajego marãpu merã ñerõ irirã, ãma nome merã, nome ãma merã ñerõ gãmebirarã, yajarã, ãrĩgatorã, masakare ñerõ kere wererã ããrĩma. ²⁰ Iri ñerĩ ìgūsã gũñarĩgue opari, ìgūsãrê ñerã waamakũ yãa.

✧ 15:9 Is 29.13

Masaka ĩgũsã ñekũsãmarã iriunaderosũ baaburi dupuyuro mojõkoebirimakũ, ĩgũsãrẽ ñerã waamakũ iribea, ãrĩmi Jesús.

Judío masako ããrĩbeo Jesúre bũremudea
(Mr 7.24-30)

²¹ Pũru Jesús Tiro, Sidón wãĩkuri makãrĩ ããrĩrõgue waami. ²² Irogue ejamakũ, sugo nomeõ Canaán nikũmo irogue ããrĩgõ Jesús pũro gainĩjamo:

–Yũ Opũ, David parãmi ããrĩturiagu yũre bopoñaka! Yũ magõ wãtĩ ñajãsũdeo bũro ñerõ tarigo yãmo, ãrĩmo.

²³ Igo irasũ ãrĩmakũ pékeregũ, Jesús igore yujabirimi. Irasirirã gũa ĩgũ buerã ĩgũrẽ ãrĩbũ:

–Waadoreka igore! Marĩrẽ ñerõ gainĩ tuyawãgãrimo, ãrĩbũ.

²⁴ Gũa irasũ ãrĩmakũ pégũ, Jesús igore ãrĩmi:

–Yũpũ yũre, Israel bumarã oveja dedirinerã irirosũ ããrĩrã direta iritamudoregũ iriumi, ãrĩmi.

²⁵ Igo Israel bumo ããrĩbirikerego, Jesús guburi pũro ñadũkupuri merã ejamejã, ãsũ ãrĩmo:

–Yũ Opũ, yũre iritamuka! ãrĩmo.

²⁶ Jesús igore yujami:

–Wii opũ ĩgũ pũrã baarire ěma, diayéare ejomakũ õãbea, ãrĩmi.

²⁷ ĩgũ irasũ ãrĩkerepũru, igo gapũ ĩgũrẽ ãrĩmo doja:

–Yũ Opũ, irasũ ããrĩkerepũru, diayéa gapũ wii marã baawasiridijurire baaboema, ãrĩmo.

²⁸ Igo irasũ ãrĩmakũ, Jesús igore yujami:

–Mũ yũre bũremurĩ opataria. Mũ sērērõsũta waarokoa, ãrĩmi.

Ĩgũ irasũ ãrĩripoeta, igo magõguere wãtĩ ñajãdi wiriakõãyupũ. Irasirigo tariyupo.

Jesús wárã pũrĩrikũrãrẽ taudea

²⁹ Jesús irogue ããrãdi waa, Galilea wãĩkuri ditaru tũro tariwãgãmi. Pũru buúrugue mũrĩa, eja doami. ³⁰ ĩgũ iro doamakũ, wárã masaka ejama. Waa-masĩmerãrẽ, koye ĩãmerãrẽ, werenĩmasĩmerãrẽ, poyarimasãrẽ, wárã gajerã pũrĩrikũrãrẽ ĩgũ pũro ãĩjapĩma. Irasirigũ Jesús ĩgũsãrẽ taumi. ³¹ Irasirimakũ ĩãrã, masaka ĩãgũkakõãma. Werenĩmasĩbirinerã werenĩmakũ ĩãrã, poyarimasã ããrĩñerã tarimakũ ĩãrã, waamasĩbirinerã waamasĩmakũ ĩãrã, koye ĩãbirinerã ĩãmakũ ĩãrã, ĩãgũkakõãma. Irasirirã Marĩpũre: “Marĩ Israel bumarã Opũ, turatarigũ ããrĩmi”, ãrĩ, usuyari sĩma.

Jesús cuatro mil ãmarẽ baari ejodea
(Mr 8.1-10)

³² Pũru Jesús gũare ĩgũ buerãrẽ siiu, ãrĩmi:

–Ĩĩsã masakare bopoñarĩ merã ĩãa. Yũ merã urenũgora ããrĩsĩama. ĩgũsãrẽ baari pereakõãa. ĩgũsãrẽ ũa merã ĩgũsãya wiirigũ goedujãamakũ gããmebirikoa. ĩgũsã baamerãta waarã, maa dekota turari perea kõmoakõãbokuma, ãrĩmi.

³³ ĩgũ irasũ ãrĩmakũ, gũa ĩgũ buerã ĩgũrẽ ãrĩbũ:

–¿Nasirisĩã, marĩ õõ masaka marĩrõgue ĩĩsã wárã masaka baaburire bok-abokuri? ãrĩbũ.

³⁴ Jesús gũare sērẽñami:

–¿Diĩkũ pã duparure opari mũsã? ãrĩmi.

–Su mojõma pere gaji mojõ peru pērẽbejari duparu, irasũ ããrĩmakũ waaĩ mérãgã opáa, ãrĩ yujubũ.

³⁵ Irasirigu Jesús masakare yebague doadore, ³⁶ su mojõma pere gaji mojõ peru pērēbejari pã duparure, waaigãdere ãi, Marĩpure usuyari sĩmi. Odo, pã duparure, waaigãdere pea, gũare sĩmi. Irasirirã gũa irire masakare guerebu. ³⁷ Irasirirã ããrĩpererã irire baayapiakõãma. Pũru ĩgũsã baadũãadeare su mojõma pere gaji mojõ peru pērēbejari puuirigora seasã, utũudobobũ. ³⁸ Iro baanerã: nome, majĩrã keõña marĩrõ ũma direta keomakũ, cuatro mil gora ããrĩmã. ³⁹ Pũru Jesús masakare seretu odomakũ, doódirugue marĩñajãa, Magdala wãikũrogue ĩgũ merã waakõãbu.

16

Fariseo bumarã, saduceo bumarã Jesúre Marĩpu turari merã iri ĩmudoredea (Mr 8.11-13; Lc 12.54-56)

¹ Jesús Magdala wãikũrogue ejadero pũru, fariseo bumarã, saduceo bumarã ĩgũrẽ ĩãrã ejarã: “Marĩpu turari merã iri ĩmurĩrẽ irika!” ãrĩma. “ĩgũ irire irimasĩbi, diayeta Marĩpu iriudi meta ããrĩmi”, ãrĩduarã, irasũ ãrĩma. ² Jesús gapũ ĩgũsãrẽ yũjumi:

–Musã ñamika abe õãrõ diiañajãmakũ ĩãrã: “Õãrĩ ñami ããrĩrokoa”, ãrã. ³ Boyoripoe ñĩpimakũ ĩãrã: “Dekonũ ããrĩrokoa”, ãrã. Ũmarõmarẽ ĩãrã: “Ãsũ waarokoa”, ãrĩ masĩa. Irire õãrõ masĩkererã, inũ Marĩpu turari merã yũ iri ĩmurĩ gapũre ĩãrã, neõ õãrõ pémasĩbea. ⁴ Dapora marã masaka ñerã, Marĩpure gããmemerã ããrĩma. Yũre Marĩpu turari merã gajino iri ĩmudorema. ĩgũsã irasiridorekerepũru, Marĩpũya kerere weredupuyudi Jonás iridea direta weregũra, ãrĩmi.

Irasũ ãrĩ odo, ĩgũsãrẽ béowãgã, gajerogue waakõãmi.

Jesús fariseo bumarã, saduceo bumarã ñerĩ buerire weredea (Mr 8.14-21)

⁵ Pũru gũa ditarugue taribujarã, pãrẽ kãtikõãnerã ããrĩbũ. ⁶ Irasirigu Jesús gũare ãrĩmi:

–Fariseo bumarã, saduceo bumarã ĩgũsã pã wemasãrĩ morẽrĩrẽ õãrõ pémasĩka! ãrĩmi.

⁷ ĩgũ irasũ ãrĩrĩrẽ gũa gapũ pémasĩbiribũ. Irasirirã gũa basi gãme ãsũ ãrĩ werenĩbũ:

–Marĩ pãrẽ ãrĩbiradeare ĩãgũ, irasũ ãrĩkumi, ãrĩbũ.

⁸ Gũa irasũ ãrĩrĩrẽ masĩsĩã, gũare sērẽñami:

–¿Nasirirã: “Pãrẽ ãrĩbirabũ”, ãrĩ gãme werenĩrĩ musã? Yũre mérõgã buremurĩ opãa musã. ⁹ ¿Musã pémasĩberi dapa? ¿Yũ cinco mil ũmarẽ su mojõma pã duparure dukawa ejodeare gũñaberi musã? ĩgũsã baayapiadero pũru, ¿diĩkũ puuirigora ĩgũsã baadũãadeare musã seasã utũudobori? ¹⁰ ¿Pũru yũ su mojõma pere gaji mojõ peru pērēbejari pã duparure dukawa, cuatro mil ũmarẽ ejodeadere gũñaberi musã? ĩgũsã baayapiadero pũru, ¿diĩkũ puuirigora ĩgũsã baadũãadeare musã seasã utũudobori? ¹¹ ¿Nasirirã musã yũ wererire pémasĩberi? Yũ: “Fariseo bumarã, saduceo bumarã pã wemasãrĩ morẽrĩrẽ õãrõ pémasĩka!” ãrĩgũ, pãrẽ ãrĩgũ meta iriabũ, ãrĩmi.

¹² ĩgũ irasũ ãrĩmakũ pérã, gũa pémasĩbũ. Pã wemasãrĩ morẽrĩrẽ ãrĩgũ meta irimi. Fariseo bumarã, saduceo bumarã ãrĩgatori merã bueri gapũre: “Õãrõ pémasĩka!” ãrĩgũ irimi.

Pedro Jesúre: “Mũ Cristo ããrã”, ãrĩ weredea (Mr 8.27-30; Lc 9.18-21)

¹³ Pũru Jesús Cesarea Filipino wãikũri makã pũrogue waami. Irogue eja, gũare ĩgũ buerãrẽ sērẽñami:

—Masaka yure aārīpererā tīgūrē, ¿naásū āri gūñarī? ārīmi.

¹⁴ Gua ĩgūrē yujubu:

—Surāyeri mūrē: “Juan masakare wāiyerimasū aārīmi”, ārīma. Gajerā: “Elías aārīmi”, gajerā: “Jeremías aārīmi, o gajigu Marīpaya kerere weredupuyurimasū aārīmi”, ārīma, ārīb.

¹⁵ Irasū ārīmakū, Jesús guare sērēñami:

—Musākoa yure, ¿naásū āri gūñarī? ārīmi.

¹⁶ ĩgū irasū ārīmakū pégu, Simón Pedro ĩgūrē ārīmi:

—M, Marīp iriudi, Cristo aārā. Marīp okanīgū magū aārā m, ārīmi.

¹⁷ Irasū ārīmakū, Jesús ĩgūrē yujumi:

—Simón, Jonás magū, m yure yujuri, masaka mūrē werede meta aārā. Yurū ũmugasigue aārīgū irire mūrē masīmakū yāmi. Irasirigu m usuyari opāa.

¹⁸ Mūrē werea. M “Pedro”* wāikua. I ũtāye weka turari wiire iriboderosū y m merā yaarārē yure bremuturarā aārīmakū irigukoa. Irasirigu wātī ĩgū turari merā yure bremurārē neō tarinugābirikumi. ¹⁹ Y mūrē Marīp ĩgūyarārē doreroguema sawire sīgukoa, m iroguemarē iridoreburire. Irasirigu m Marīp ũmugasigue aārīgū dorerosūta: “I ũmuguere āsū waabirikōāburo”, ārīmakū, irire waabirimakū irigukumi. M ĩgū dorerosūta: “I ũmuguere āsū waaburo”, ārīmakū, irire waamakū irigukumi, ārīmi Jesús.

²⁰ Jesús irasū ārādero pur, guare ārīmi:

—Gajerā masakare yure: “Marīp iriudi, Cristo aārīmi ĩ”, āri werebirikōāka! ārīmi.

Jesús ĩgū boaburire werede

(Mr 8.31-9.1; Lc 9.22-27)

²¹ ĩgū irasū ārīrīn merāta Jesús guare ĩgū buerārē ĩgū boaburire werenugāmi:

—Yure Jerusalēgue waaró aārā. Irogu marā: judío masaka mūrā, paía oparā, Moisés gojadeare buerimasā yure buro ñerō tarimakū irirākuma. Yure wējērākuma. ĩgūsā irasirikerepur, uren waaró merā Marīp yure masūgukumi, ārīmi.

²² ĩgū irasū ārīmakū pégu, Pedro Jesúre yoaweyarogue āia, ĩgūrē āsū ārīmi:

—Y Op, irire ārībirikōāka! Marīp, m ārīrōsū mūrē waamakū kāmataburo. M ārīrōsū mūrē waabirikōāburo, ārīmi.

²³ ĩgū irasū ārīmakū pégu, Jesús gāmenugā, ĩgūrē āsū ārīmi:

—Satanás, y purore wirika! M, Marīp yure dorerire iribirimakū iridugayā. Marīp gāāmerīrē gūñabea. Masaka gūñarōsū gūñāa m, ārīmi.

²⁴ ĩgū irasū āri odo, guare ārīmi:

—Sug yure tuyadugā ĩgū iriduarire piriburo. Irasirigu yure tuyaduari waja curusague pábiatú wējēsūbu irirosū aārīkereg, neō piriro marīrō yure tuyanīkōāburo. ²⁵ Sug i ũmugue ĩgūya okari direta maīgū peamegue béosūgukumi. Gajigu gap yure tuyari waja gajerā ĩgūrē wējēkerepur, Marīp purogue ĩgū merā usuyari bokagukumi. ²⁶ Sug masak i ũmumarē aārīpereri opakereg, ĩgū boari pur waaburi gapure gūñabiri waja peamegue waagū, oārīrē neō wajatabirikumi. Irasirigu i ũmugue opari direta gūñagū, ĩgū boadero pur, peamegue béosūgukumi. Iroguere ĩgū wiridugā i ũmugue opari merā neō wajarimasībirikumi. ²⁷ Y aārīpererā tīgū, Yurū gosewasiriri merā, ĩgūrē wereboerā merā i ũmuguere dupaturi aarigū, aārīpererā masakare ĩgūsā irideaku keoro wajarigukoa. ²⁸ Diayeta werea y. Surāyeri masā oōguere

* **16:18** “Pedro”, ārīrō: “ūtāye”, ārīduaro yāa.

ãārĩrã musã boaburo dupuyuro yu ãārĩpererã tĩgũ, Opũ ñajãmakũ ãrãkoa, ãrĩmi Jesús.

17

Jesús ãgũ deyori gorawayudea
(Mr 9.2-13; Lc 9.28-36)

¹ Su mojõma pere gaji mojõ suru pẽrẽbejarinãrĩ pũũ, Jesús Pedrore, Santi-agore, ãgũ pagũũ Juãrẽ ãmarĩ buúrugue siu mũrĩãmi. ² Iri buúru wekague ãgũsã mũrĩjadero pũũ, ãgũsã ãũrõ ãgũ deyori gorawayuakõãyũ. ãgũ diapu abe ãmũũ irirosũ gosewasiriyuro. ãgũya surĩro goserĩne, õãrõ borero waayuro. ³ Irasũ waaripoeta iripoegue marã Moisés, Elías Jesús merã weretamunĩmakũ ããñurã. ⁴ ãgũsãrẽ ããgũ, Pedro Jesúre ãrĩyũ:

—Gũ Opũ, marĩ õõ ããrĩmakũ õãtaridũã. Mũ gããmemakũ, õõguere ure wiigã irigũra. Mũya wii, Moiséya wii, Elíaya wii irigũra, ãrĩyũ.

⁵ ãgũ irasũ ãrĩ werenĩripoe, õãrõ gosewasiriri mikãyebo ãgũsãrẽ túbiakõãyuro. Iri yebo poekague Marĩpũ ãsũ ãrĩ werenĩmakũ péñurã:

—Ĩ yu magũ, yu maĩgũ ããrĩmi. ãgũ merã burõ usũyã. Õãrõ péka ãgũrẽ! ãrĩyũ.

⁶ Irasũ ãrĩmakũ pérã, Jesús buerã burõ güiri merã, ejamejã, ãgũsãya diapurire yebague moomejãkõãñurã. ⁷ ãgũsã irasirimakũ ããgũ, Jesús ãgũsã pũro waa, ãgũsãrẽ moãña:

—Wãgãnũgãka! Güibirikõãka! ãrĩyũ.

⁸ ãgũ irasũ ãrĩmakũ ãũrã, gajerãrẽ ããbirĩñurã. Jesús direta ããñurã.

⁹ Pũũ buúrugue ããrãnerã dijariñurã. Irogue dijarigũ Jesús ãgũsãrẽ turaro merã ãrĩyũ:

—Dapora musã ããdeare gajerãrẽ werebirikõãka! Yu ããrĩpererã tĩgũ boa, masãdero pũrugue irire wereka! ãrĩyũ.

¹⁰ ãgũ irasũ ãrĩmakũ, ãgũ buerã ãgũrẽ sãrẽñañurã:

—¿Nasirirã Moisés gojadeare buerimasã: “Cristo, Marĩpũ iriubu aariburo dupuyuro Elías aaripũrorigũkumi”, ãrĩrĩ? ãrĩ sãrẽñañurã.

¹¹ Jesús ãgũsãrẽ yũyũyũ:

—Musã ãrĩrõsũta Elías aaripũrorigũkumi ããrĩpererire ãmuyubu. ¹² Yu gapũ ãsũ ãrĩ weregũra musãrẽ. Elías ejasiami. ãgũ ejakererũũ, masaka ãgũrẽ ããmasĩbirima. Irasirirã ãgũsã gããmerõ iridũarire ãgũrẽ ñerõ irima. ãgũrẽ iriderosũta yu ããrĩpererã tĩgũrẽ ñerõ irirãkuma, ãrĩyũ.

¹³ ãgũ irasũ ãrĩmakũ pérãgue, pémasĩñurã. “ãgũ: ‘Elías ejasiami’, ãrĩgũ, Juan masakare wãĩyedire ãrĩgũ yãmi”, ãrĩ masĩñurã pama.

Jesús ñamasĩrĩrĩ opagũre taudea
(Mr 9.14-29; Lc 9.37-43)

¹⁴ Pũũ ãgũsã buúrugue ããrãnerã wãrã masaka pũro dijajama. ãgũsã dijamakũ ããgũ, sugũ masakũ aari, Jesús pũro ñadũkupuri merã ejamejã, ãgũrẽ ãrĩmi:

¹⁵ —Yu Opũ, yu magũrẽ bopoñaka! ãgũ ñamasĩrĩrĩ opagũ ããrĩmi. Burõ ñerõ tarinami. Irasirigũ peamegue meémejãma, diaguedere meébianokõãmi.

¹⁶ Irasirigũ ãgũrẽ mũ buerã pũrogue ããjadabũ. ãgũsã ãgũrẽ taumasĩbirama, ãrĩmi.

¹⁷ ãgũ irasũ ãrĩmakũ pégu, Jesús yũjami:

—Musã dapora marã, yure bũremurĩ opamerã, diayemarẽ neõ pémasĩmerã ããrã. ¿Noópã yoaripoe musã merã ããrĩgũkuri? ¿Noópã yoaripoe musã yure bũremubirire güñaturagũkuri? Majĩgũrẽ õõ gapũ ãrĩka! ãrĩmi.

18 Īgūrē ājjamakū, Jesús wātī majīgūguere āārīgūrē: “Wirika Īgūrē!” ārīmi. Jesús Īgūrē béowiumakūta, majīgū tariakōāmi.

19 Pŋŋ gŋa Jesús buerā gajerā péberogue Īgūrē sērēñabu:

—¿Nasirirā gŋa gapŋ wātīrē béowiumasībirayuri? ārību.

20 Jesús yŋjŋmi:

—Mŋsā Marīpŋre mērōgā bŋremurī opasīā, Īgūrē béowiumasībirabu. Di-ayeta mŋsārē werea. Mŋsā bŋremurī opari mostaza wāikuri yegāpā irirosū āārīkererŋŋ, i buúrure: “Sōōgue waaburo”, ārī masībokoa. Mŋsā irasū ārīmakū, i buúru mŋsā dorerosūta waabokoa. Marīpŋre bŋremurī oparā āārīpererire irimasīa. 21 Īino wātīrē béowiudarā, bereri merā Marīpŋre bŋro sērērō gāāmea, ārīmi.

Jesús Īgū boaburire werenemodea
(Mr 9.30-32; Lc 9.43-45)

22 Pŋŋ Galilea nikūgue gŋa waagorenabu. Irogue Jesús gŋare ārīmi:

—Masaka yŋre āārīpererā tīgūrē ñeā, gajerāguere wiarākuma. 23 Īgūsā yŋre wējērākuma. Yŋre wējēadero pŋŋ, ŋrenŋ waaró merā Marīpŋ yŋre masūgŋkumi, ārīmi. “Yŋre wējērākuma”, ārīmakū pérā, gŋa bŋro bŋjawerebu.

Marīpŋya wiima āārīburire niyeru wajasearire sērēñadea

24 Pŋŋ gŋa Jesús merā Capernaugue waabu. Irogue ejadero pŋŋ, Marīpŋya wiima āārīburire niyeru wajaseabosarimasā Pedro pŋro eja, Īgūrē sērēñama:

—¿Mŋsārē buegŋ Marīpŋya wiima āārīburire niyeru wajariri? ārīma.

25 Pedro Īgūsārē yŋjŋmi:

—Wajarimi, ārīmi.

Pŋŋ Pedro wiigŋe ñajāa, Jesúre sērēñaburipoeta Jesús gapŋ Īgūrē sērēñapŋrorimi:

—Simón, ¿naásū gūñarī mŋ? I ŋmŋ marā oparā masakare niyeru wajaseaduarā, ¿noā gapŋre wajaseakuri? ¿Īgūsāyarārē, o gajero marā Īgūsāya nikūgue ejanerā gapŋre wajaseakuri? ārīmi.

26 —Gajero marā gapŋre wajaseakuma, ārī yŋjŋmi Pedro.

Īgū irasū ārīmakū, Jesús ārīmi:

—Irasirigŋ sugŋ opu Īgūyarārē wajaseabirikumi. 27 Marīpŋyarā marī āārīkererā, Marīpŋya wiima āārīburire niyeru wajaseabosarārē marī merā guamakū iribirikoa. Irasirirā wajarirākoa. Wejerida āi, ditarugue waaí wējēgū waaka! Baapŋrorigure túwea āika! Īgūya disigŋe niyeru tire bokagŋkoa. Pŋŋ iriti merā marī pērāyare Marīpŋya wiima āārīburire wajarigŋ waaka! ārīmi.

18

Jesús sugŋ gajerā nemorō āārīgūyamarē weredea
(Mr 9.33-37; Lc 9.46-48)

1 Iripoere gŋa Jesús buerā Īgū pŋro eja, sērēñabu:

—Īmŋgasigŋe Marīpŋ Īgūyarārē doreroguerē, ¿noā gŋa watopere āārīpererā nemorō āārīgŋkuri? ārību.

2 Gŋa irasū ārīmakū, Jesús majīgūrē siiu, Īgūrē gŋa watopegue āinú, ārīmi:

3 —Diayeta mŋsārē werea. “Majīgū irirosū āārā, gajerā nemorō āārībea”, ārī gūñaka! Mŋsā: “Gajerā nemorō āārā”, ārī gūñarīrē gorawayumerā, ŋmŋgasigŋe Marīpŋ Īgūyarārē doreroguerē neō waabirikoa. 4 Sugŋ Īgū basi: “Yŋ ubu āārīgū, majīgū irirosū āārā”, ārī gūñagū, Marīpŋ ŋmŋgasigŋe āārīgū ĩūrō gajerā nemorō āārīmi. 5 Sugŋ yaagŋre, ĩi majīgū irirosū āārīgūrē ōārō bokatīrīñeāgū yudere bokatīrīñeāmi.

Gajerārē ñerō irimakū iribirikōāka! āri weredea
(Mr 9.42-48; Lc 17.1-2)

⁶ 'Sug_u y_ure b_uremurārē ñi majīgū irirosū āārīrārē ñerō irimakū irig_uno, b_uro wajamoāsūg_ukumi. Irasiriro īgū gajerārē ñerō irimakū iriburi dupuyuro masaka īgūrē wáriye ūtāye merā wúnugūgue siasiu, wádiyague meéyomakū ōāboko. ⁷ I ūm_uguere masakare ñerō irimakū iriri āārā. Irasirirā ñerō tarima. I īgūsārē ñerō irimakū iriri āārīnikōārokoa. Gajerārē ñerō irimakū irig_uno gar_u ñetariro tarig_ukumi.

⁸ 'Irasirirā m_usāya mojō, o gubu merā ñerō irirā, iri mojōrē, o iri gubure dititá béorosū iri ñerō iririre pirika! Su mojō, o su gubu opak_urerā, Marīp_u p_uro_ugue waamakū ōātarirokoa. Ñerō iririre pirimerā gar_u p_urebiri peamegue béosūrākuma. Īgūsā pe mojō, o pe gubu opak_urerā, peamegue waamakū ñetarirokoa. ⁹ M_usāya koyeru merā iā, ñerō irirā, irirure goreweabéorosū iri ñerō iririre pirika! Su koyeru opak_urerā, Marīp_u p_uro_ugue waamakū ōātarirokoa. Ñerō iririre pirimerā gar_u p_urebiri peamegue béosūrākuma. Īgūsā pe koyeru opak_urerā, peamegue waamakū ñetarirokoa.

Jesús oveja dediridi keori merā buedea
(Lc 15.3-7)

¹⁰ 'Neō sug_u iīsā majīrārē ubu iābéobirikōāka! M_usārē werea. Ūm_ugasigue Y_up_ure wereboerā īgūsārē korerā īgū merā āārīnikōāma, īgūsārē īgū iritamudorerire irimurā. ¹¹ Y_u āārīpererā tīgū dediribonerārē taug_u aarigū irib_u.

¹² 'Y_u wererire, ¿naāsū gūñarī? Ovejare korerimasū cien oveja opag_u, sug_u oveja dedirimakū iāgū, gajerā noventa y nueve ovejare makā turo īgūsā baarogue duripikōā, dediriadire āmagú waakumi. ¹³ Diayeta m_usārē werea. Īgūrē bokag_u, gajerā noventa y nueve dediribiranerā nemorō īgūrē ūsuyakumi. ¹⁴ Āsūta Marīp_u ūm_ugasigue āārīgū iīsā majīrā irirosū āārīrārē dedirimakū gāāmebemi, ārīmi Jesús.

“M_uyag_u m_urē ñerō irimakū āsū irika!” ārīdea
(Lc 17.3)

¹⁵ Irasū ārī odo, āsū ārī werenemomi:

—M_uyag_u m_urē ñerō irimakū, gajerā péberogue īgū merā irire wereníka! Īgū irire ōārō merā āmud_uag_u: “M_urē ñerō irib_u! Kātika y_u irideare!” ārīmakū, m_usā dupaturi ūsuyari merā gāme wapik_urāko. ¹⁶ Īgū irire āmud_uabirimakū, sug_u o pērārē siiu, dupaturi īgū p_uro waaka! Īgūsā péurogue īgū m_urē ñerō irideare wereka! Irasiriro Marīp_uya werenírī gojadea pūgue dorederosūta pērā o ūrerā iri ñerō irideare wererire pédero p_ur_u: “Diayeta irasū waab_u”, ārī masīrākuma. ¹⁷ M_urē ñerō iridi īgūsā péurogue āmud_uabirimakū, āārīpererā y_ure b_uremurā merā nerē, īgūsārē īgū ñerō irideare wereka! Īgūsā péuroguedere āmud_uabirimakū iārā, īgūrē: “Marīp_ure b_uremubi, o romano marā op_ure ñegū niyeru wajaseabosarimasū irirosū āārīmi”, ārī iāka!

¹⁸ 'Diayeta m_usārē werea. M_usā Marīp_u ūm_ugasigue āārīgū dorerosūta: “I ūm_uguere āsū waabirikōāburo”, ārīmakū, irire waabirimakū irig_ukumi. M_usā īgū dorerosūta: “I ūm_uguere āsū waaburo”, ārīmakū, irire waamakū irig_ukumi.

¹⁹ 'Gajidere m_usārē werea. M_usā pērā s_urosū gūñarī merā: “Āsū Marīp_ure sērērā!” ārīmakū, Y_up_u ūm_ugasigue āārīgū m_usā sērērōsūta irig_ukumi. ²⁰ Pērā, o ūrerā y_ure b_uremurā nerēmakū, y_ude īgūsā watopegue āārā, ārīmi Jesús.

²¹ Irasū ārīmakū pég_u, Pedro Jesús p_uro ejan_ugā, āsū ārī sērēñami īgūrē:

–Y_u Op_u, ¿diikugora yaagu yure ĩgũ ñerõ irimakũ kãtigukuri? ¿Su mojõma pere gaji mojõ peru pẽrẽbejarigora ĩgũ yure ñerõ irimakũ kãtigukuri? ãrĩmi.

²² Jesús ĩgũrẽ yujumi:

–“Su mojõma pere gaji mojõ peru pẽrẽbejarigora ĩgũ yure ñerõ irimakũ kãtigukoa”, ãrĩbirikõãka! ĩgũ ñerõ irinariku kãtika! ãrĩmi.

Jesús sugũ moãboerimasũ ĩgũ merãmu ñerõ irideare kãtidũabi keori merã buedea

²³ Irasũ ãrĩ odo, keori merã buemi guare Jesús:

–Irasiro Marĩpũ ãmũgasigue ããrĩgũ ĩgũyarãrẽ doreri ãsũ ããrã. Sugũ opũ ĩgũrẽ moãboerimasãrẽ ĩgũsã ĩgũrẽ wajamorĩrẽ wajaridorekumi. ²⁴ ĩgũsã ĩgũrẽ wajamorĩrẽ ãmunũgãripoe gajerã ĩgũyarã sugũ wãro wajamogũrẽ ĩgũ pũro ãiakuma. ²⁵ ĩgũ wajamorĩrẽ wajarimasĩbirimakũ ĩãgũ, ĩgũ opũ ĩgũyarãrẽ: “Ĩgũrẽ, ĩgũ marãpore, ĩgũ pũrãrẽ ĩgũ opari ããrĩpereri merã gajerãguere duarã waaka!” ãrĩkumi. “Irasirigũ ĩgũsãrẽ duari waja merã ĩgũ yure wajamorĩrẽ wajarigukumi”, ãrĩkumi.

²⁶ Irasũ ãrĩmakũ pẽgu, wãro wajamogũ gapũ ñadukũpuri merã ejamejã, ĩgũ opũre burõ sẽrẽkumi: “Yũ opũ, guare gajerãguere duabirikõãka! Yũka dapa! Bopoñaka yure! Murẽ yũ wajamorĩ ããrĩpererire wajaripeokõãgukoa”, ãrĩkumi.

²⁷ Irasũ ãrĩmakũ pẽgu, ĩgũrẽ bopoñarĩ merã ĩã, ĩgũrẽ wiukumi. “Ĩgũ wajamodea pereakõã”, ãrĩ, irire kãtipeokõãkumi. ²⁸ ĩgũ irasiriadero pũru, wãro wajamodi waa, gajigũ ĩgũ merãmu ĩgũ opũre moãboerimasũrẽ bokajakumi. ĩgũ merãmu gapũ ĩgũrẽ mÃrõgã wajamokumi. ĩgũrẽ bokajagũ, mata ĩgũya wũnugũrẽ burõ ñeã: “Murĩgora, yure mũ wajamorĩrẽ wajaripurumuka!” ãrĩkumi.

²⁹ ĩgũ irasũ ãrĩmakũ, ĩgũ merãmu gapũ ñadukũpuri merã ejamejã, ĩgũrẽ burõ sẽrẽkumi: “Yũka dapa! Bopoñaka yure! Murẽ yũ wajamorĩ ããrĩpererire wajaripeokõãgukoa”, ãrĩkumi. ³⁰ ĩgũ burõ sẽrẽmakũ pẽkeregu, ĩgũrẽ yujubirikumi. Irasirigũ ĩgũrẽ peresugue iridorekumi. “Yure ĩgũ wajamorĩrẽ wajaripeomakũgue wiuka!” ãrĩkumi.

³¹ Wãro wajamodi ĩgũrẽ mÃrõgã wajamogũrẽ irasirimakũ ĩãrã, gajerã moãboerimasã burõ bujawereri merã ĩgũ iriadea ããrĩpererire ĩgũsã opũre wererã waakuma. ³² Irire pẽgu, ĩgũsã opũ wãro wajamodire siuu, ãsũ ãrĩkumi: “Mũ ñetaria. Mũ yure burõ sẽrẽmakũ, mũ yure wajamodeare kãtipeokõãbũ.

³³ Yũ irasirikerepũru, mũ gapũ mũ merãmũrẽ ĩgũ murẽ mÃrõgã wajamodeare kãtibirayuro. Mũ yure wajamodeare yũ kãtiderosũta ĩgũ murẽ wajamodeadere mũ kãtimakũ õãtariboakuyo. ¿Nasirigũ ĩgũrẽ bopoñabirari mũ?” ãrĩkumi.

³⁴ Irasũ ãrĩ odo, ĩgũ merã burõ guagu, ĩgũrẽ peresu irikumi burõ wajamoãdoregu. ĩgũ wajamorĩrẽ wajaripeobi neõ wiribirikumi, ãrĩ weremi Jesús.

³⁵ Pũru ãsũ ãrĩnemomi:

–Yũpũ ãmũgasigue ããrĩgũ mũsãrẽ irasũta wajamoãgukumi, mũsãyarã ĩgũsã mũsãrẽ ñerõ irideare mũsã õãrõ merã kãtibirimakũ, ãrĩmi.

19

Jesús masakare: “Mũsã marãposã nomerẽ bẽobirikõãka!” ãrĩ buedea (Mr 10.1-12; Lc 16.18)

¹ Jesús irire wereadero pũru, Galilea nikũgue ããrãdi gua ĩgũ buerã merã Judea nikũgue waa, dia Jordán wãikũdiya gaji koepũgue waami. ² Irogue waamakũ ĩãrã, wãrã masaka ĩgũrẽ tũyama. Irasirigũ irogue pũrĩrikũrãrẽ taumi.

³ Irasirimakū iārā, surāyeri fariseo bumarā Jesús puro eja, ĩgūrē ñerī ĩgū werenímakū iriduarā, sērēñama:

—¿Sugu masakū ĩgū gāāmerō ĩgū marāpore béomakū, marī doreri āārīkuri? ārīma.

⁴ Jesús ĩgūsārē yujumi.

—¿Marīpuya werenírī gojadea pūrē buebiriri musā? Āsū ārī gojasūdero āārībú: “Neōgoraguere Marīpu i ũmarē irigu, ũmámu, nomeō iridi āārīmí”,

ārī gojasūdero āārībú. ⁵ Āsū ārī gojanemosūdero āārībú doja: “Sugu ũmámu ĩgū pagusāmarārē wiri, ĩgū marāpo merā āārīgukumi. Irasirirā ĩgūsā pērā āārīkererā, Marīpu iūrō su duputa irirosū āārīrākuma”, ārī gojasūdero āārībú.

⁶ Irasirirā pērā irirosū āārībema. Su duputa irirosū āārīma. Marīpu ĩgūsārē su duputa irirosū āārīmakū iridero puru, gajigu ĩgūsārē gāme béomakū iribirikōārō gāāmea, ārīmi Jesús.

⁷ ĩgū irasū ārīmakū pērā, fariseo bumarā sērēñama doja:

—Mu irasū ārīkereruru, Moisés gapu āsū ārī gojadi āārīmí: “Sugu ĩgū marāpore béodugū: ‘I waja merā mūrē béoa’, ārī gojari pūrē sīrō gāāmea”, ārī gojadi āārīmí. ¿Nasirigu irasū ārī gojayuri? ārīma.

⁸ Jesús ĩgūsārē yujumi:

—Musā ñekūsāmarā Marīpu dorerire iridubirimakū ĩāgū: “Musā marāposā nomerē béomasīa”, ārī gojadi āārīmí Moisés. ĩgū irasū ārī gojakereruru, neōgoragueta Marīpu musā marāposā nomerē béomakū gāāmebiridi āārīmí.

⁹ Musārē werea. Sugo marāpukugo gajigu merā ñerō iribirikereruru, igo marāpu gapu igoire béo, gajegore marāpokugū, igo merā ñerō irigu yámi. Gajigu béodeore marāpokugude igo merā ñerō irigu yámi, ārīmi.

¹⁰ ĩgū irasū ārīmakū pērā, gūa ĩgū buerā ārībú:

—ĩgūsā marāposā nomerē béo, gajego merā āārīmakū oābea. Irasirirā marāpo marīmakū oābokoia, ārībú.

¹¹ Jesús guare yujumi:

—Āārīpererā masaka marāpo, o marāpu marīrāta āārībokatīūbirikuma. Marīpu marāpokudorebirinerā, o marāpukudorebirinerā dita bokatīūmasīma.

¹² Surāyeri ũma marāpokumasībema. ĩgūsā watopegue surāyeri ũma deyoarāgueta poyarimasā āārīnerā nomerē marāpokumasībema. Masaka gajerā ũmarē marāpokumasībirimakū yáma. Gajerā ũma, Marīpu ũmugasigue āārīgú ĩgūyarārē doreguya direta iriduarā marāpokubema. Irasirirā marāpo, o marāpu marīrā āārībokatīūduarā, āsūta āārīnīkōāburo, ārīmi Jesús.

Jesús majrāya āārīburire Marīpure sērēbosadea

(Mr 10.13-16; Lc 18.15-17)

¹³ Puru masaka majrārē Jesús puro āijama, ĩgūsārē ñapeo, Marīpure ĩgūsāya āārīburire sērēbosadorerā. ĩgūsā āijamakū iārā, gūa ĩgū buerā ĩgūsārē bokatīrī: “ĩgūrē garibobirikōāka!” ārībú. ¹⁴ Jesús gapu guare ārīmi:

—Majrā yu purogue aariburo. Kāmutabirikōāka ĩgūsārē! Ūmugasigue Marīpu ĩgūyarārē dorerogue āārīmurā, ĩsā majrā yure usuyari merā bokatīrīñeārā irirosū āārīma, ārīmi.

¹⁵ Irasirigu majrārē ñapeo, Marīpure ĩgūsāya āārīburire sērēbosa odo, gajerogue waakōāmi doja.

Sugu maamu wári doebiri opagu Jesús merā werenídea

(Mr 10.17-31; Lc 18.18-30)

¹⁶ Puru sugu maamu Jesús purogue eja, ĩgūrē sērēñami:

—Ōāgū buegu, yu ũmugasigue perebiri okari opadugū, ¿ñeéno oārīrē irigukuri? ārīmi.

17 Jesús ĩgũrẽ ārĩmi:

—¿Nasirigu yũre: “Ōãgũ ããrã”, ārĩrĩ? Marĩpũ sugũta ōãgũ ããrĩmi. Mũ ãmũgasigue perebiri okari opadũagũ, Marĩpũ dorerire irika! ārĩmi.

18 ĩgũ irasũ ārĩmakũ pẽgu, maamũ ãsũ ārĩ sẽrẽñami doja:

—¿Dĩ gapũre irigũkuri? ārĩmi.

Jesús ĩgũrẽ yũjũmi:

—Masakare wẽjẽbirikõãka! Gajigu marãpo merã ñerõ iribirikõãka! Ya-jabirikõãka! Gajerãymarẽ ārĩgatori merã werebirikõãka! 19 Mũpũ, mũpore gopeyari merã bũremuka! Mũ basi maĩrõsũta mũ pũro ããrĩrãrẽ maĩka! ārĩmi.

20 ĩgũ irasũ ārĩmakũ, maamũ Jesũre ārĩmi doja:

—Iri doreri ããrĩpererire majĩgũgueta neõ tarinũgãbiribũ yũ. ¿Ñeeno dũyari, yũre yũ irinemoburi? ārĩmi.

21 Jesús ĩgũrẽ ārĩmi:

—Mũ, Marĩpũ ĩũrõ ĩgũ dorerire iripeodũagũ, mũ oparire duagũ waaka! Mũ duadea wajare boporãrẽ sĩka! Irasirigu ãmũgasiguere wãri õãrĩ opagũkoa. Irasiri odo, yũ merã aarika! ārĩmi.

22 ĩgũ irasũ ārĩmakũ pẽgu, maamũ ĩgũ wãri oparire maĩsĩã, bũro bũjawereri merã waakõãmi.

23 ĩgũ bũjawereri merã waamakũ ĩãgũ, Jesús gũare ĩgũ buerãrẽ ārĩmi:

—Diayeta mũsãrẽ werea. Wãri doebiri oparãrẽ Marĩpũ ãmũgasigue ããrĩgũ ĩgũyarãrẽ dorerogũere waamakũ diasagorãa. 24 Mũsãrẽ dupaturi werea. Camellu awiru gobegãrẽ ñajãtariweremasĩbirikumi. I nemorõ wãri doebiri opagũre Marĩpũ ĩgũyarãrẽ dorerogũere waamakũ diasãa, ārĩmi.

25 ĩgũ irasũ ārĩmakũ pẽrã, gũa ĩgũ buerã pẽgũka, ãsũ ārĩ gãme sẽrẽñabũ:

—Iro merẽ, ¿noã gapũ Marĩpũ tausũmurã ĩgũ pũrogũe waamurã ããrĩbokuri? ārĩbũ.

26 Jesús gũare ĩã, ārĩmi:

—Masaka ĩgũsã basi ĩgũsã iriri merã Marĩpũ pũrogũe waamasĩbema. Marĩpũ dita masakare ĩgũ pũro ããrĩmurã waamakũ irimasĩmi. ããrĩpererire irimasĩmi, ārĩmi.

27 ĩgũ irasũ ārĩmakũ pẽgu, Pedro ĩgũrẽ ārĩmi:

—Gũa Opũ, gũa mũrẽ tũyarã, ããrĩpereri gũa opadeare pípeokõãbũ. Irasirirã gũa gapũ, ¿ñeonorẽ oparãkuri? ārĩmi.

28 Jesús gũare ãsũ ārĩ yũjũmi:

—Diayeta mũsãrẽ werea. I ãmũ peredero pũrũ ããrĩpereri maama gor-awayuripoe yũ ããrĩpererã tĩgũ ãmũgasi gosewasirirogũe Opũ doarogũe doagũkoa. Yũ iro doamakũ, mũsãde yũre tũyarã, pe mojõma pere su gubu peru pẽrẽbejari oparã doarĩgũe doarãkoa. Irasirirã mũsã Israel bumarãrẽ pe mojõma pere su gubu peru pẽrẽbejari buri marãrẽ dorerãkoa. 29 Yũ merã waarã, ĩgũsãya wiirire, ĩgũsã pagũpũrãrẽ, pagũsãmarãrẽ, pũrãrẽ, ĩgũsãya pooerire pípeorã, wãri õãrĩ wajatarãkuma. ĩgũsã iro dupuyuro opaderosũ cien nemorõ opanemorãkuma. Irasũ ããrĩmakũ Marĩpũ merã perebiri okari oparãkuma. 30 Wãrã daporare oparã ããrĩrã, pũrũguere ubu ããrĩrã dujarãkuma. Wãrã daporare ubu ããrĩrã gapũ, pũrũguere oparã ããrĩrãkuma, ārĩ weremi Jesús gũare ĩgũ buerãrẽ.

20

Jesús igui pooe moãrã keori merã buedea

¹ Irasirigu dupaturi Jesús keori merã buemi doja:

—Marĩpu ùmugasigue ããrĩgũ ĩgũyarãrẽ doreri ãsũ ããrã. Sugu igui pooe opu boyodujimejãripoe ĩgũya pooere moãmurãrẽ siiugũ waakumi. ãsũ ãrĩkumi: ² “Sunũ moãrĩ waja suti niyeru ti wajarigũra”, ãrĩkumi ĩgũsãrẽ. Pũrũ ĩgũsãrẽ ĩgũya poeegue moãdoregũ iriukumi. ³ Pũrũ goeripoe dupuyuro nueve hora ããrĩmakũ, makã dekogue waa, gajerã moãrĩ opamerãrẽ bokajakumi. ⁴ ĩgũsãrẽ bokaja, ãrĩkumi: “Musãde yaa pooere moãrã waaka! Keoro wajarigũra”, ãrĩkumi. Irasirirã ĩgũya poeegue moãrã waakuma. ⁵ Pũrũ pooe opu goeripoe ããrĩmakũ, ñamika tres hora ããrĩmakũdere gajerãrẽ moãdorekumi doja. ⁶ Pũrũ ñamikague cinco hora ããrĩmakũ, makã dekogue waakumi doja. Irogue eja, gajerã moãrĩ opamerãrẽ bokaja, ĩgũsãrẽ sërẽñakumi: “¿Nasirirã dapagãrẽ moãbirikererã doaneãkõãrĩ musã?” ãrĩkumi. ⁷ “Neõ sugũ guare: ‘Moãrã waaka!’ ãrĩbirami”, ãrĩ yujakuma. Irasirigũ pooe opu ĩgũsãrẽ: “Musãde yaa pooere moãrã waaka! Keoro wajarigũra”, ãrĩkumi. Irasirirã ĩgũsãde ĩgũya pooere moãrã waakuma.

⁸ ‘Abe ñajãripoeegue ããrĩmakũ, pooe opu ĩgũya pooere siu moãgũrẽ ãsũ ãrĩkumi: “Moãrãrẽ siu, moãrã ejatũnunerãrẽ wajaripũrori, ĩgũsã ejaburi dupuyuro ejanerãrẽ wajari odo, ejaũrorianerãrẽ wajaritũnuka!” ãrĩkumi. ⁹ Irasirigũ, cinco hora ããrĩmakũ moãnũgãnerãrẽ sunũ moãrĩ wajataropã suti niyeru ti wajarikumi. ¹⁰ ĩgũ irasũ wajarimakũ ĩãrã, moãũrorianerã: “Gũa gapũre ĩgũsã nemorõ wajarigũkumi”, ãrĩ gũñadikuma. ĩgũsãdere sũrosũta wajarikõãkumi. ¹¹ Irasũ wajarimakũ ĩãrã, pooe opu merã gua, ĩgũrẽ ãrĩkuma: ¹² “Īsã gua pũrũgue ejanerã gapũ su horata moãama. Gũa gapũ sunũ õãrõ moãneãkõãbũ. Bũro abe asiripoe moãbũ. Gũa irasũ moãneãkerepũrũ, sũrosũ wajarikõãbũ mũ”, ãrĩkuma. ¹³ ĩgũsã irasũ ãrĩmakũ pégũ, pooe opu gapũ sugũ ĩgũsã watope ããrĩgũrẽ ãrĩkumi: “Yũ merãmũ, yũ mũrẽ ñerõ irigũ meta yãa. Yũ mũrẽ: ‘Suti niyeru ti wajarigũra’, ãrĩmakũ pégũ: ‘Jãũ’, ãrãbũ mũ. Irasirigũ yũ ãrãderosũta mũrẽ keoro wajariabũ. ¹⁴ Irasirigũ yũ wajariadeare ãĩ, waakõãka! Īrẽ mũ pũrũgue ejadidere mũrẽ wajariaderopãta wajarigũra. ¹⁵ I yaa niyeru ããrã. Irasirigũ yũ gããmerõ wajarimasãa. Gajerãrẽ yũ õãrõ sĩmakũ ĩãgũ, ¿yũre ĩãturiri mũ?” ãrĩkumi pooe opu.

¹⁶ ‘I keori ãrĩrõsũta Marĩpu ĩgũyarã ããrĩpũrorinerãrẽ, ĩgũsã pũrũ ĩgũyarã ããrĩrãdere sũrosũ õãrĩrẽ sĩgũkumi, ãrĩ weremi Jesús guare.

Dupaturi Jesús ĩgũ boaburire werede
(Mr 10.32-34; Lc 18.31-34)

¹⁷ Jesús Jerusalén waarĩ maague waagũ, guare pe mojõma pere su gubu peru pẽrẽbejarã ĩgũ buerãrẽ gajerã pẽberogue siiuwãgã, ãrĩmi:

¹⁸ —Õãrõ pẽka! Marĩ Jerusalẽgue waarã yãa. Irogue yũ ããrĩpererã tĩgũ, paía oparãguere, irasũ ããrĩmakũ Moisés gojadea buerimasãguere wiasũgũkoa. ĩgũsã yũre: “Boaburo”, ãrĩrãkuma. ¹⁹ Irasirirã judío masaka ããrĩmerãguere yũre wiarãkuma. ĩgũsã yũre burida, tãrã, curusague pábiatú wẽjẽrãkuma. ĩgũsã yũre wẽjẽadero pũrũ, mũrenũ waaró merã masãgũkoa, ãrĩmi Jesús.

Santiago, Juan pago Jesũre sërẽdea
(Mr 10.35-45)

²⁰ Pũrũ Zebedeo marãpo igo pũrã Santiago, Juan merã Jesús pũrogue eja, ĩgũrẽ sërẽbo ñadũkũpuri merã ejamejãmo.

²¹ Igo irasirimakũ, Jesús igore sërẽñami:

—¿Ñeénorẽ gããmerĩ mũ? ãrĩmi.

Igo ĩgũrẽ yujãmo:

—M_u, Op_u ñajǎgũ, ñisã y_u pũrã pẽrãrẽ m_u merã doremurã sóoka! Sugure m_u diaye gap_u, gajigure kúgap_u doadoreka! ãrĩmo Jesúre.

²² Igo irasũ ãrĩmakũ pégu, Jesús igo pũrãrẽ ãrĩmi:

—M_usã y_ure sërẽrĩrẽ pémasĩbea. Y_u b_uro ñerõ tarigukoa. ¿Y_u ñerõ tarirosũ m_usãde ñerõ tarirã, bokatĩũrãkuri? ãrĩmi.

Ïgũsã y_uj_uma:

—Bokatĩũkõãrãkoa, ãrĩma.

²³ Jesús Ïgũsãrẽ ãrĩmi:

—Diayeta ããrã. Y_u irirosũ m_usãde ñerõ tarirãkoa. Y_u gap_u m_usãrẽ y_u diaye, kúgap_u doamurãrẽ beyemasĩbea. Y_up_u ãmusiadi ããrĩmí irire. Irasirirã Ïgũ beyenerã dita y_u diaye, kúgap_u doarãkuma, ãrĩmi.

²⁴ G_ua pe mojõmarã Ïgũ buerã gap_u Santiago, Juan Ïgũsã Jesúre sërẽrĩrẽ pérã, Ïgũsã merã guab_u. ²⁵ G_ua guamakũ ñǎgũ, Jesús ããrĩpererãrẽ guare siiu needõ, ãsũ ãrĩ weremi:

—I nikũ marã oparã Marĩp_ure b_uremumerã gap_u Ïgũsãyarãrẽ dorerã, turaro merã dorema. Ïgũsã doka marãde irasũta dorema. Irire masĩa m_usã. ²⁶ M_usã tamerã Ïgũsã irirosũ iribirikoa. M_usã watopeguere op_u ããrĩduag_u, m_usãrẽ moãboeg_u irirosũ ããrĩburo. ²⁷ Sug_u m_usã watopegue ããrĩgú, gajerã nemorõ ããrĩduag_u, moãboeg_u irirosũ ããrĩburo. ²⁸ Y_ude irasũta ããrã. Y_u ããrĩpererã tĩgũ masaka y_ure iritamuburo, ãrĩgũ meta aaribú. Y_u gap_u Ïgũsãrẽ iritamugũ aaribú. Irasirig_u wárã masakare y_u boari merã Ïgũsã ñerõ iridea wajare wajaribosag_u aarigú irib_u, ãrĩmi Jesús guare.

Jesús pẽrã koye ñãmerãrẽ taudea

(Mr 10.46-52; Lc 18.35-43)

²⁹ P_ur_u Jericõgue ããrãnerã g_ua wirimakũ, wárã masaka Jesúre t_uyama. ³⁰ G_ua waarí maa t_uro, pẽrã koye ñãmerã doama. Jesús iro tariwãgãrĩrẽ péñarã ãsũ ãrĩ gainíma:

—G_ua Op_u, David parãmi ããrĩturiag_u, guare bopoñaka! ãrĩma.

³¹ Ïgũsã irasũ ãrĩ gainímakũ, masaka gap_u Ïgũsãrẽ: “Toeaka!” ãrĩma. Ïgũsã irasũ ãrĩkerep_uru, Ïgũsã gainíadero nemorõ gainínemoma:

—G_ua Op_u, David parãmi ããrĩturiag_u, guare bopoñaka! ãrĩma.

³² Ïgũsã irasũ ãrĩmakũ pé, Jesús dujanugãja, Ïgũsãrẽ siiu, ãsũ ãrĩ sërẽñami:

—¿Ñeénorẽ y_u m_usãrẽ irimakũ gããmerĩ? ãrĩmi.

³³ —G_ua Op_u, guare koye ñãmakũ irika! ãrĩ y_uj_uma.

³⁴ Ïgũsã irasũ ãrĩmakũ, Jesús Ïgũsãrẽ bopoña, Ïgũsãya koyere moãñami. Ïgũ moãñamakũta, ñãkõãma. Irasirirã Jesúre t_uyama.

21

Jesús Jerusalégue ejadea

(Mr 11.1-11; Lc 19.28-40; Jn 12.12-19)

¹ G_ua Jesús merã Jerusalégue ejaburo dupuyuro Betfagé wãik_uri makãgue ejar_urorib_u. Betfagé, buúru Olivos wãik_uri buúru p_uro ããrĩbú. Jesús irogué eja_ug_u, g_ua merãmarã pẽrãrẽ ² ãsũ ãrĩ iriumi:

—Si makã marĩ bokatĩũrõ ããrĩrĩ makãgue waaka! Irogué ejarã, burra Ïgũsã sianúadeore majĩgũ merã bokajarãkoa. Ïgũsãrẽ bokajarã, Ïgũsã siadeadare kura, ãrĩka! ³ M_usãrẽ: “¿Nasirimurã Ïgũsãrẽ kurari?” ãrĩmakũ pérã: “Marĩ Op_u gããmeami. Dapora wiagukumi doja”, ãrĩka! ãrĩ iriumi.

⁴ Ire irasũ irig_u, Marĩp_uya kerere weredupuyudi gojaderosũta irimi. ãsũ ãrĩ gojadi ããrĩmí:

⁵ Jerusalén marārē āsū ārī wereka: “Musā Sión* marā iāka! Musā Opu musā purogue musārē iritamugū aarími.

Ubu āārīgū irirosū burra majīgū weka peyawāgārimi”, ārī gojadi āārímí.✱

⁶ Irasirirā Jesús iriuanerā iri makāgue waa, ĩgū iridoreaderosūta iriñurā.

⁷ Burrore, pago merā Jesús purogue āījamakū, guaya surí wekamarē túwea, ĩgūsā weka peobu. Gua irasiriadero puru, Jesús, majīgū wekague murībejami.

⁸ Murībeja, Jesús Jerusalēgue peyawāgāmakū iārā, masaka wārā ĩgūsāya weka sāñarī surire túwea āi, ĩgū waarī maarē sēōpídupuyuma ĩgūrē buremurā. Irasū āārīmakū, gajerā yuku dupuri pūrikurire diti āi, maarē pídupuyuma, ĩgū waarī maa oārī maa āārīburo, ārīrā. ⁹ Irasirirā ĩgū dupuyuro waarā, ĩgū puru tuyarā āsū ārī gainíma:

—Opu David parāmi āārīturiagure usuyari sīrā! Ī Marīpu marīrē taugu iriudi oārō aariburo. Marīpure: “Oātaria mu āārīpererā Opu umugasigue āārīgū”, ārī, usuyari sīrā! ārīma.

¹⁰ Jesús Jerusalēgue ejamakū, iroque āārīrā iāgukapereakōāma. Wārā ĩgūsā basi āsū ārī gāme sērēñama:

—¿Noā āārīrī ĩi? ārīma.

¹¹ Gajerā masaka yujuma ĩgūsārē:

—Ī Marīpuya kerere weregu Jesús wāikugu āārímí. Galilea nikūma makā Nazaretmu āārímí, ārīma.

Jesús Marīpuya wiigue duarārē béowiudea

(Mr 11.15-19; Lc 19.45-48; Jn 2.13-22)

¹² Puru Jesús Marīpuya wiigue ñajāmi. Ñajāa, doebiri duarārē, ĩgūsā duarire wajarirādere bokajagu, ĩgūsārē béowiumi. Niyeru gorawayurimasāya niyeru sāñarī kūmarīrē yomeéwiunokōāmi. Bujare dua doanírāya doaripēřidere irasūta irimi. ¹³ ĩgūsārē āsū ārīmi:

—Marīpu ĩgūya werenírī gojadea pūgue āsū ārīdi āārímí: “Yaa wii, yare buremurā yare sērēřī wii āārā”, ārīdi āārímí. Musā gapu yajarimasāya wii irirosū āārīmakū yāa, ārīmi.

¹⁴ Jesús Marīpuya wiigue āārīripoe koye iāmerā, waamasīmerāde ĩgū purogue ejama. ĩgūsā ejamakū iāgū, ĩgūsārē taumi. ¹⁵ Paía oparā, Moisés gojadeare buerimasā gapu ĩgū turari merā iri ĩmumakū iārā, iri wiigue majīrā ĩgūrē: “Opu David parāmi āārīturiagu oātaria mu”, ārī gainímakū pérā, ĩgū merā guama.

¹⁶ Irasirirā Jesúre āsū ārīma:

—¿Īsā majīrā ārīrīrē péri mu? ārīma.

Jesús yujumi:

—Péa. ¿Marīpuya werenírī gojadea pūrē ire buebiriri musā? Āsū ārī gojasūdero āārībú:

Mu majīrārē, mirīrāgārē oārō usuyari merā murē bayapeomakū iribu, ārī gojasūdero āārībú, ārīmi Jesús ĩgūsārē.✱

¹⁷ Irasū ārī odo, ĩgūsārē béowāgā, Betania wāikuri makāgue waakōāmi. Iroque eja, kārīmi.

Jesús higueraḡure ñañugāmakū iridea

(Mr 11.12-14, 20-26)

¹⁸ Gajinu boyoripoe Jesús Jerusalēgue goedujāagu, uaboakōāmi. ¹⁹ Irasū uaboagu, maa turo nídi higuera wāikudire iāgū, irigu dukare āmagú waadimi. Duka marību irigu gapu. Pūrī dita āārībú. Duka marīmakū iāgū, Jesús āsū ārīmi:

—Igu yukū neō dupaturi dukakubirikoa, ārīmi.

* **21:5** Zacarías 9.9: Iripoegue marā Jerusalén wāikuri makārēta “Sión” ārīnerā āārímá. ✱ **21:5** Zac 9.9 ✱ **21:16** Sal 8.2

Īgũ irasũ ārĩrĩ merāta, irigũ ñaĩnugākōābũ. ²⁰ Irigũ irasũ waamakũ ĩārā, gũa ĩgũ buerā ĩāgũkakōābũ.

—¿Nasiro mata irigũ ñaĩakōāĩ? ārĩ sērēñabũ Jesúre.

²¹ Jesús gũare yujumi:

—Diayeta musārē werea. Musā: “Marĩpu āsũ irimasĩbirikumi”, ārĩ gũñarō marĩrō ĩgũrē buremurā, yũ irigũre ñaĩmakũ iriaderosũ musāde irimasĩrākoa. Irigũre yũ iriadero nemorō diasarire irimasĩrākoa. Irasirirā Marĩpũre: “I buúrure dia wádiyague béoka!” ārĩmakũ, musā ārĩrōsũta waarokoa. ²² Musā Marĩpũre buremurĩ merā sērēmakũ, musā sērērōsũta Marĩpu musārē irigũkumi, ārĩmi Jesús.

Judío masaka oparā Jesúre: “¿Noā mūrē doreri?” ārĩ sērēñadea (Mr 11.27-33; Lc 20.1-8)

²³ Pũru Jesús Marĩpũya wiigũ ñajāmi. Īgũ irogũ bueripoe paía oparā, gajerā judío masaka mūrā ĩgũ pũrogũ waa, ĩgũrē sērēñama:

—¿Noā mūrē doreri, mũ irire irasirimakũ? ¿Noā mūrē: “Āsũ irika!” ārĩrĩ? ārĩma.

²⁴ Jesús ĩgũsārē yujumi:

—Yũde musārē sērēñagũra. Musā yujumakũ, yũde musārē yujugũra. ²⁵ Juan masakare deko merā wāiyemakũ, ¿noā ĩgũrē wāiyedoregũ iriuri, Marĩpu, o masaka? ārĩmi.

Īgũ irasũ ārĩmakũ pérā, ĩgũsā basi āsũ ārĩ gāme wereníma:

—¿Naāsũ ārĩ yujurākuri marĩ? “Marĩpu Juārē doredi āārĩmĩ”, marĩ ārĩmakũ, Jesús marĩrē: “¿Nasirirā ĩgũ weredeare buremubiriri musā?” ārĩbokumi.

²⁶ Āārĩpererā masaka: “Juan Marĩpũya kerere weredupuyudi āārĩmĩ”, ārĩ gũñama. Marĩ: “Masaka Juārē wāiyedorenerā āārĩmā”, ārĩmakũ, masaka marĩ merā guabokuma, ārĩma. ²⁷ Irasirirā Jesúre āsũ ārĩ yujuma:

—Juārē wāiyedoredire gũa masĩbea, ārĩma.

Īgũsā irasũ ārĩmakũ, Jesús ĩgũsārē ārĩmi:

—Musā yũre: “¿Noā mūrē irire iridoreri?” ārĩ sērēñadeare yũde musārē yujubea, ārĩmi.

Jesús sugũ pũrā pũrā keori merā buede

²⁸ Jesús irasũ ārĩ odo, ĩgũsārē keori merā buemi:

—¿Naāsũ ārĩ gũñarĩ, yũ āsũ ārĩ weremakũ pérā? Sugũ pũrā pũrā opakumi. Sugũre āsũ ārĩkumi: “Makũ, igui otedea poogũ waaka!” ārĩkumi.

²⁹ “Waabea”, ārĩ yujukumi. Pũru: “Waagũra”, ārĩ gũña, poogũre moāgũ waakumi. ³⁰ Pũru ĩgũsā pagũ gajigũ ĩgũ magũ pũro waakumi. Īgũ ārāderosũta ĩgũdere: “Poogũre moāgũ waaka!” ārĩkumi. Īgũ: “Jáũ”, ārĩkeregũ, waabirikumi.

³¹ ¿Nĩ gapũ pagũ dorere iriyuri? ārĩ sērēñami Jesús.

—Īgũ moādorepũroriadi gapũ iriyupu, ārĩ yujuma.

Īgũsā irasũ ārĩmakũ, Jesús ārĩmi:

—Musārē diayeta werea. Musā romano marā opũre niyeru wajaseabosarimasārē, ũma merā gāmebira wajatarimasā nomerē: “Ñerā āārĩma”, ārĩkerepũru, ĩgũsā gapũ musā nemorō Marĩpu ĩgũyarārē dorerogũre waarākuma. ³² Juan masakare wāiyedi musārē: “Āsũ irika, Marĩpu dorere irirā!” ārĩ buegũ aarikererũ, musā ĩgũ buerire neō buremubiribũ. Īĩsā romano marā opũre niyeru wajaseabosarimasā, ũma merā gāmebira wajatarimasā nome gapũ ĩgũ buerire pérā, irire buremuma. Īgũsā irasirimakũ ĩakererā, musā gapũ musā ñerō iririre bũjawere, musā gũñarĩrē neō gorawayubiribũ. Īgũ buerire neō buremubiribũ, ārĩmi Jesús.

Jesús ñerã moãrã keori merã buedea
(Mr 12.1-12; Lc 20.9-19)

³³ Jesús dupaturi ãsũ ãrĩ werenemomi:

–Gaji keori merã yu weremakũ péka doja! Sugũ masakũ ãgũya nikũrẽ pooe opakumi. Iri poore iguidarire otekumi. Ote odo, iri pooe turore sãrĩsãkõakumi. Iro ãtãyegue igui karabipiri gobere irikumi. Wii ãmarĩ wiigãrẽ irikumi, iri poore korerã õãrõ ãã koreburo, ãrĩgũ. Irasiri odo, gajerãrẽ iri poore wayukumi. “Yaa oteri dukare deko merã sãrãkoa, yu musãrẽ iri poore wayuri waja”, ãrĩkumi. Irasũ ãrĩ odo, gajerogue waakõakumi. ³⁴ Pũru igui ñiripoe ejamakũ, ãgũrẽ moãboerãrẽ ãgũya poore moãrã pũrogue ãgũya oteri dukare deko merã sãrẽdoregũ iriukumi. ³⁵ Iri poore moãrã gapũ ãgũ iriuanerã irogue ejamakũ ããrã, ãgũsãrẽ ñerõ irikuma. Sugũre bũro pá, gajigũre wẽjẽ, gajigũre ãtãyeri merã deakuma. ³⁶ ãgũsã irasiriadeare pégũ, iri pooe opu gajerã ãgũrẽ moãboerãrẽ ãgũ iriupũrorianerã nemorõ iriukumi. ãgũsã ejamakũ ããrã, iri poore moãrã ãgũsãdere irasũta ñerõ irikuma doja.

³⁷ ãgũsã irasiriadero pũru, pooe opu ãgũ magũrẽ iriukumi. “Yu magũ gapũre bũremurãkuma”, ãrĩ gũñadikumi. ³⁸ Iri poore moãrã gapũ ãgũ magũ ejamakũ ããrã, ãgũsã basi ãsũ ãrĩ gãme wereníkuma: “Ïi pũrugũre i poore opabu ããrĩmi. ãgũrẽ wẽjẽkõãrã! Irasirirã marĩ basi i poore oparãkoa”, ãrĩkuma. ³⁹ Irasirirã ãgũrẽ ñeã, pooe tũrogue ãiwãgã, wẽjẽbéokõakuma, ãrĩmi Jesús.

⁴⁰ Irasũ ãrĩ odo, judío masaka oparãrẽ sãrẽñami:

–Iri poore moãrã ãgũ magũrẽ wẽjẽadero pũru, pooe opu irogue ejagũ, ¿nasirigukuri ãgũsãrẽ? ãrĩmi.

⁴¹ ãgũrẽ yũjuma:

–ãgũsã ñerãrẽ bopoñarõ marĩrõ wẽjẽkõãgũkumi. Pũru gajerãrẽ ãgũya poore wayugũkumi. ãgũsã gapũ ãgũ igui oteri dukare deko merã ãgũrẽ sãrãkuma, ãrĩma.

⁴² ãgũsã irasũ ãrĩmakũ, Jesús ãsũ ãrĩmi ãgũsãrẽ:

–¿Musã Marĩpũya werenĩrĩ gojadea pũrẽ ire buebiriri? ãsũ ãrĩ gojasũdero ããrĩbũ:

Suye ãtãye wii iririmasã ãgũsã béoadeaye merã gajigũ gapũ õãrõ turari wii irigũkumi.

Marĩpũ irasiridi ããrĩmi. Marĩ ãgũ irasirideare ããrã: “Õãtaria”, ãrĩ gũñãã, ãrĩ gojasũdero ããrĩbũ.*

⁴³ Irasirigũ musãrẽ werea yu. Marĩpũ ãgũyarãrẽ dorerogue ããrĩmurãrẽ ãgũ õãrĩ sãrĩrẽ musãrẽ sãbirikumi. Musãrẽ ãgũ sãboadeare gajerã ãgũ dorerire irirã gapũre sãgũkumi. ⁴⁴ Sugũ i ãtãye weka meémejãgũ, mutãkõãgũkumi. I ãtãye gapũ ãgũ weka meébejaro, ãgũrẽ õãrĩ pogagãgue meémũtũbéokõãrokoa, ãrĩmi Jesús. ((Jesús i keori merã weregũ: “Sugũ yũre gããmebi wajamoãsũgũkumi”, ãrĩgũ irimi.))

⁴⁵ Paã oparã, fariseo bumarã iri keori merã Jesús irasũ ãrĩ werenemomi péã: “Marĩrẽ ãrĩgũ irasũ ãrĩkumi”, ãrĩñũrã. ⁴⁶ Irasirirã ãgũrẽ ñeãdũadiñũrã peresu irimurã. Irasũ ñeãdũakererã, ãsũ ãrĩ gũñãñũrã: “Masaka Jesũre: ‘Marĩpũya kerere weredupuyugũ ããrĩmi’, ãrĩma”, ãrĩñũrã. Irasirirã ãgũsãrẽ gũisã, Jesũre ñeãmasãbiriñũrã.

22

Jesús sugũ mojõsiari bosenu iriri keori merã buedea

¹ Jesús dupaturi gaji keori merã ãgũsãrẽ buenemomi. ãsũ ãrĩmi:

* 21:42 Sal 118.22-23

2 –Marĩpu ùmugasigue ããrĩgũ ĩgũyarãrẽ doreri ãsũ ããrã. Su nikũ marã opũ ĩgũ magũ mojõsiari bosenu irikumi. 3 Irasirigu opũ ĩgũrẽ moãboerãrẽ: “Yũ magũ mojõsiari bosenu ĩãrã aarika!” ĩgũ ãrĩnerãrẽ siiudoregũ iriukumi. ĩgũsã siiumakũ ĩgũsã gapũ: “Waabea”, ãrĩkõãkuma. 4 Irasirigu opũ gajerã ĩgũrẽ moãboerãrẽ iriukumi doja. “Yũ siiunerãrẽ ãsũ ãrĩ wererã waaka: ‘Yũre moãboerãrẽ yaarã wekũare, gajerã yaarã ejorã õãrõ diĩkũrãrẽ wẽjẽdoresiabu. ããrĩpereri yũ magũ mojõsiari bosenu baaburi ãmu odosiabu. Irasirirã: Bosebaarã aarika!’ ãrĩ wereka ĩgũsãrẽ!” ãrĩ iriukumi. 5 ĩgũ siiunerã gapũ irire pẽkererã, bosenu rẽ ĩãrã waabirikuma. Sugũ ĩgũya pooegue waakõã, gajigu ĩgũ moãrĩrẽ ĩãgũ waakõãkumi. 6 Gajerã gapũ opũre moãboerãrẽ ñeã, pá, wẽjẽbéokõãkuma. 7 ĩgũsã irasiririre pẽgũ, opũ bũro guakumi. Irasirigu ĩgũyarã surarare iriukumi, ĩgũsãrẽ wẽjẽanerãrẽ wajamoãdoregũ. Irasirirã ĩgũyarã surara ĩgũsãrẽ wẽjẽpeokõã, ĩgũsãya makãrẽ soebéokõãkuma. 8 Pũrũ opũ gajerã ĩgũrẽ moãboerãrẽ ãsũ ãrĩkumi: “Yũ magũ mojõsiari bosenu marẽ ãmusiabu. Yũ siiunerã gapũ ñerã ããrĩsĩã, aaribirikuma. 9 Irasirirã ããrĩpererã makã dekoma maarĩgue ããrĩrãrẽ musã bokajarãrẽ siiurã waaka!” ãrĩkumi. 10 ĩgũ irasũ ãrĩmakũ, ĩgũrẽ moãboerã waa, ããrĩpererã ĩgũsã bokajarãrẽ: ñerãrẽ, õãrãrẽ siiu, opũya wiigũ ãĩakuma. Irasirirã, ĩgũ bosenu iriri taribure utũriakõãkuma.

11 Pũrũ opũ ĩgũsãrẽ ĩãgũ ñajãgũ, sugũre mojõsiari bosenu ma surĩro sãñabire ĩãkumi. 12 Irasirigu ĩgũrẽ ãsũ ãrĩ sãrẽñakumi: “Yũ merãmu, ¿nasirigu mojõsiari bosenu ma surĩro sãñabirikeregũ, ñajãriari mu?” ãrĩkumi. ĩgũ irasũ ãrĩ sãrẽñamakũ pẽgũ, ĩgũ gapũ yujubirikumi. 13 ĩgũ yujubirimakũ ĩãgũ, opũ ĩgũrẽ moãboerãrẽ ãsũ ãrĩkumi: “Ĩrẽ ñeã, ĩgũya mojõrĩrẽ, guburidere sia, ãĩ wiria, naĩtĩãrõgue ĩgũrẽ béorã waaka! Irogue bũro pũrĩsũgũ ĩgũya guikare kũrĩduútũ oregakumi”, ãrĩkumi, ãrĩ weremi Jesús.

14 Irasũ ãrĩ odo, ãsũ ãrĩnemomi:

–Ĩrĩ opũ keori irirosũ Marĩpu wãrã siiukerepũrũ, ĩgũ beyerã gapũ mérãgã ããrĩma, ãrĩmi.

*Romano marã opũ masakare niyeru wajasearire Jesúre sãrẽñadea
(Mr 12.13-17; Lc 20.20-26)*

15 Jesús irasũ ãrãdero pũrũ, fariseo bumarã waakõãma. ĩgũrẽ weresãduarã: “Ĩgũrẽ diaye yujubirimakũ irimurã ire sãrẽñarã!” ãrĩ gãme werenĩnurã. 16 Irasirirã surãyeri ĩgũsã buerire tũyarãrẽ, Herodeya bumarã merã Jesús pũrogue iriũnurã. ĩgũsã Jesús pũrogue ejarã, ĩgũrẽ ãrĩma:

–Buegũ, gũa mu iririkũrere masĩa. Mu ãrĩgatoro marĩrõ werenĩa. “¿Naásũ gũñarĩ masaka yũre?” ãrĩ gũñarõ marĩrõ Marĩpũyare diayeta ĩgũsãrẽ buea. Oparãrẽ, ubu ããrĩrãdere ããrĩpererãrẽ sũrosũta ĩãa. 17 Irasirigu guare wereka! ¿Naásũ gũñarĩ mu? Romano marã opũ marĩrẽ niyeru wajasearire marĩ wajarimakũ, ¿õãgorari, o õãberi? ãrĩma Jesúre.

18 Jesús gapũ ĩgũsã ĩgũrẽ ñerõ iridũarire masĩsĩã, ãsũ ãrĩmi:

–Irĩgatorikũrã ããrã musã. ¿Nasirirã yũre ñerõ yujumakũ iridũari musã?

19 Niyeru tire musã romano marã opũre wajariburi tire ãrĩrika! ãrĩmi.

Ĩgũ irasũ ãrĩmakũ pãrã, sunũ moãrĩ waja wataropã wajakũri tire ãĩãma.

20 ĩgũsã iri tire ãĩjamakũ, ĩgũsãrẽ sãrẽñami:

–I tiguere, ¿noãya diapu keori, noãya wãĩ tuuyari? ãrĩmi.

21 –Romano marã opũya diapu keori, ĩgũya wãĩta tuuyãa, ãrĩ yujuma.

Ĩgũsã irasũ ãrĩmakũ pẽgũ, Jesús ĩgũsãrẽ ãsũ ãrĩmi:

–Iro merẽ romano marã opũya ããrĩrĩrẽ ĩgũrẽ sĩa! Marĩpũya gapũre Marĩpũre sĩa! ãrĩmi.

²² Īgũ irasũ āřĩmakũ pĕrā, pĕguka, ĩgũrĕ piriwāgākōāma.

Saduceo bumarā, Marĩpu boanerārĕ masũburire Jesũre sĕrĕñadea
(Mr 12.18-27; Lc 20.27-40)

²³ Irinurĕta surāyeri saduceo bumarā Jesũs purogue ejama. Īgũsā: “Masaka boanerāgue masābirikuma”, āřĩ burĕmurā āārĩmā. Irasirirā Jesũre āsũ āřĩma:

²⁴ –Buegu, Moisĕs āsũ āřĩdi āārĩmĩ: “Sugũ marāpokũdi pũrā marĩkeregu ĩgũ marāpore boaweomakũ, ĩgũ pagũmu igore dũunorĕgukumi. Irasirirā, igo merā ĩgũ pũrākũrā, ĩgũ tĩgũ dagũ pũrā irirosũta āārĩrākuma”, āřĩdi āārĩmĩ. ²⁵ Iripoegue gũa watopeguere sugũ pũrā su mojōma pere gaji mojō peru pĕrĕbejarā āārĩunanerā āārĩmā. Īgũsā tĩgũ gapũ marāpokũ, pũrā marĩgũta boakōāyupu. Irasirigu ĩgũ dagũ dokamũta ĩgũ marāpo āārĩdeore dũunorĕyupu. ²⁶ Īgũde ĩgũ tĩgũ dagũ irirosũta pũrā marĩgũta boakōāyupu. Īgũsā pĕrā dokamũde pũrā marĩgũta boakōāyupu. Irasũ dita pũrā marĩrāta boapereakōāñurā. ²⁷ Īgũsā purũ ĩgũsā marāpode boakōāyupo pama. ²⁸ Īgũsā su mojōma pere gaji mojō peru pĕrĕbejarā ũma āārĩpererā igore marāpokũñurā. Irasirirā boanerā masāmakũ, ĩniĩno marāpogora āārĩgokuri? āřĩ sĕrĕñama.

²⁹ Jesũs ĩgũsārĕ yujumi:

–Mũsā diaye gũñabea. Marĩpũya werenĩřĩ gojadeare, Marĩpu turaridere masĩbea. ³⁰ Boanerā ĩgũsā masādero purũ, ĩgũsā ũmugasigue Marĩpũre wereboerā irirosũ āārĩrākuma. Iroguere marāpokũbirikuma. Īgũsā pũrā nomedere nomesubirikuma. ³¹ ĩMarĩpũya werenĩřĩ gojadea pũgue boanerā ĩgũsā masāburire mũsā buebiriri? Āsũ āřĩdi āārĩmĩ: ³² “Yũ Abraham, Isaac, Jacob Opũ āārā”, āřĩdi āārĩmĩ. Irasirirā ĩgũsā boanerā āārĩkererā, Marĩpu merā okarā āārĩma. Irasirigu Marĩpu okarā Opũ āārĩmi. Boanerā neō dupaturi masābirikōāmũrā Opũ āārĩbemi, āřĩmi Jesũs.

³³ Īgũ irasũ āřĩmakũ pĕrā, masaka: “Ōārō buemi”, āřĩ pĕgukakōāma.

“ĩDiĩ gapũ Marĩpu doreri gaji doreri nemorō āārĩřĩ?” āřĩ sĕrĕñadea
(Mr 12.28-34)

³⁴ Jesũs saduceo bumarārĕ ĩgũsā ĩgũrĕ sĕrĕñanemomasĩbirimakũ iririre pĕrā, fariseo bumarā nerĕma. ³⁵ Irasirigu sugũ ĩgũsā merāmu, Moisĕs gojadeare buerimasũ Jesũre diaye yujũbirimakũ iridũagu, āsũ āřĩ sĕrĕñami:

³⁶ –Buegu, ĩdiĩ gapũ Marĩpu doreri gaji doreri nemorō āārĩřĩ? āřĩmi.

³⁷ Jesũs ĩgũrĕ yujumi:

–Mũya yujũpũrā merā, mũ āārĩrikũri merā, āārĩpereri mũ gũñarĩ merā Marĩpũre mũ Opũre maĩka! ³⁸ I doreri, gaji nemorō āārĩtarinũgārĩ āārā. ³⁹ I doreri purũma āsũ ārā: “Mũ basi maĩrōsũta mũ purō āārĩrārĕ maĩka!” ⁴⁰ Marĩ i pe dorerire irirā, āārĩpereri Moisĕs doredeare, Marĩpũya kerere weredupuyunerā buedeare irirā yāa, āřĩmi Jesũs.

“ĩNoā parāmi āārĩturiagu āārĩřĩ Cristo?” āřĩ sĕrĕñadea
(Mr 12.35-37; Lc 20.41-44)

⁴¹ Fariseo bumarā iroguere nerĕanerā āārĩripoe Jesũs ĩgũsārĕ sĕrĕñami:

⁴² –ĩNaāsũ gũñarĩ mũsā Cristo, Marĩpu iriudire? ĩNoā magũ āārĩřĩ ĩgũ? āřĩmi.
–Cristo, David parāmi āārĩturiagu āārĩmi, āřĩ yujũma.

⁴³ Īgũsā irasũ āřĩmakũ pĕgu, Jesũs ĩgũsārĕ āřĩmi:

–David, Cristo ñĕkũ āārĩkeregu, ĩnasirigu Ōāgũ deyomarĩgũ ĩgũrĕ were-dorederosũta Cristore: “Yũ Opũ āārĩmi”, āřĩyuri? David āsũ āřĩ gojadi āārĩmĩ:

⁴⁴ Marĩpu yũ Opũre āsũ āřĩmi: “Ōō, yũ diaye gapũ doaka, yũ merā dorebu!

Irasiripoe murē iāturirārē m̄a dorerire tarinugānemobirimakū irigura”,
ārīmi.*

⁴⁵ David, Cristo ñekū āārīkeregū, ĩgūrē: “Ȳu Op̄u āārīmi”, ārīdi āārīmí. ¿Nasirigū, Cristo, David parāmi āārīturiagu āārīkerepuru, David ĩgūrē irasū ārīyuri? ārīmi Jesús.

⁴⁶ ĩgū irasū ārīrē pērā, neō ĩgūrē yujumasībirima. Irasirirā gūirā, ĩgūrē dupaturi sērēñanemobirima.

23

Jesús fariseo bumarārē, Moisés gojadeare buerimasārē ĩgūsā ñerō iririre weredea

(Mr 12.38-40; Lc 11.37-54; 20.45-47)

¹ P̄uru Jesús masakare, ḡua ĩgū buerādere ārīmi:

² —Moisés gojadeare buerimasā, fariseo bumarā, Marīp̄u Moisére doreri p̄ideare: “Āsū ārīduaro yāa”, ārī wererā āārīma. ³ Irasirirā ĩgūsā wererire ōārō irituyaka m̄usā! ĩgūsā iririkuri gap̄ure ĩākūībirikōāka! ĩgūsā wererosūta iribema. ⁴ Masakare dorerā: “Āsū irika!” ārīrā, ĩgūsārē gajino buro nakūrī kōātārīrā irirosū āārīmakū yāma. Masaka ĩgūsā dorerire bokatīūbirikerepuru, ĩgūsārē neō iritamubema, ĩgūsā dorerire iriburo, ārīrā.

⁵ Masaka ĩāmakū dita ōārīrē iri ĩmuma. Marīp̄uya werenírī ĩgūsā gojadea pūrī sārī kūmarīgā gajerāya nemorō eyari kūmarīgārē ĩgūsāya diapuserorire, ĩgūsāya dukaridere siatúma, masaka ĩgūsārē: “Marīp̄uyare ōārō masīma”, ārīdorerā. Irasū āārīmakū, ĩgūsāya dipuru peyari gasirore gajerāya nemorō yoari yuradari opari gasirire peyama, masaka ĩgūsārē: “Marīp̄ure b̄uremutarima”, ārīdorerā. ⁶ Bosenurī āārīmakū, oparā doarigüe dita doad̄uama. Marī nerērī wiiriguedere ñajārā, ōārī doarip̄erigüe dita doad̄uama. ⁷ Makā dekoguere masakare ōārō b̄uremurī merā ĩgūsārē bokatīrī ōādoremakū gāāmema. Gajerārē ĩgūsārē: “Ḡuare buerā āārīma”, ārīmakū gāāmema.

⁸ ĩgūsā irasū ārīkerepuru, m̄usā gap̄u masakare: “M̄usā ḡuare buerā āārā”, ārīdorebirikōāka! M̄usā suḡu pūrāta āārā. Ȳu m̄usārē bueḡu suḡuta āārā. ⁹ I ũm̄uguerē neō suḡu masakare: “Ḡuap̄u āārīmi”, ārībirikōāka! Ūm̄ugasigüe āārīgú dita Marīp̄u āārīmi*. ¹⁰ Neō suḡu m̄usā watopegue āārīgárē: “Marī op̄u āārīmi”, ārībirikōāburo. Ȳu, Marīp̄u iriudi Cristo, suḡuta m̄usā Op̄u āārā. ¹¹ M̄usā watopegue āārīgú gajerā nemorō āārīgú, m̄usārē moāboerimasū irirosū m̄usārē iritamugū āārīgukumi. ¹² Suḡu ĩgū basi: “Gajerā nemorō āārā”, ārī gūñagūnorē Marīp̄u ĩgūrē ubu āārīgú dujamakū irigukumi. Gajiḡu: “Gajerā nemorō āārībea”, ārī gūñagū gap̄ure Marīp̄u ĩgūsā op̄u āārīmakū irigukumi.

¹³ M̄usā Moisés gojadeare buerimasā, fariseo bumarā irigatorikurā āārā. M̄usā bueri merā masakare ũm̄ugasigüe Marīp̄u ĩgūyarārē dorerogue waabonerārē kāmutarā yāa. M̄usāde iroguere waabirikoa. Gajerā iroguere waad̄urādere kāmūtāa. Irasirirā ñerō tarirākoa.

¹⁴ M̄usā Moisés gojadeare buerimasā, fariseo bumarā irigatorikurā āārā. Wapiweyarā nome wajamomakū ĩā, ĩgūsāya wiirire ēmanokōāa. ĩgūsārē bopoñabirikererā, yoaripoe Marīp̄ure sērē ĩmugatoa, masaka m̄usārē: “Marīp̄ure ōārō b̄uremuma”, ārīburo, ārīrā. Irasirirā ñerō tarirākoa. Marīp̄u m̄usārē gajerā nemorō wajamoāgukumi.

¹⁵ M̄usā Moisés gojadeare buerimasā, fariseo bumarā irigatorikurā āārā. Dia wādiyague taribuja, yoaroma makārīgüe m̄usā buerire t̄uyabure āmarā

* 22:44 Sal 110.1 * 23:9 Jesús irire ārīgú: “I ũm̄uguerē neō suḡu masakū Marīp̄u āārīnīgū irirosū mámi”, ārīgū irimi.

waáa. Īgūrē boka, mūsā bueri merā Īgūrē mūsā nemorō perebiri peamegue waabu āārīmakū yáa. Irasirirā ñerō tarirākoa.

¹⁶ 'Mūsā koye ĩāmerā gajerārē tūdupuyuwāgāmasīmerā irirosū masakare Marīpuyare keoro buebea. Irasirirā ñerō tarirākoa. Īgūsārē āsū ārī buea: “Sugū: ‘Marīpuya wii merā āsū irigura’, ārī wāīpeodeare iribirimakū, waja opabemi”, ārā. Idere āsū ārī buea: “Gajigū: ‘Marīpuya wiima oro merā āsū irigura’, ārī wāīpeodeare iribirimakū, waja opami”, ārā. ¹⁷ Koye ĩāmerā irirosū Marīpuyare diaye gūñamerā, pémasīmerā āārā mūsā. Marīpu Īgūya wiire, iri wiima oro nemorō ōārī āārītarinugāmakū yámi. Irasirigū marīrē, ¿díí gapure buremurī merā gūñamakū gāāmerī, orore, o Īgūya wii gapure? ¹⁸ Mūsā idere āsū ārī buea: “Sugū: ‘Marīpuya wiima soepeoro merā āsū irigura’, ārī wāīpeodeare iribirimakū, waja opabemi”, ārā. Idere āsū ārī buea: “Gajigū: ‘Iri soepeoro weka peodea merā āsū irigura’, ārī wāīpeodeare iribirimakū, waja opami”, ārā. ¹⁹ Koye ĩāmerā irirosū Marīpuyare diaye gūñamerā, pémasīmerā āārā mūsā. Marīpu Īgūya wiima soepeorore, marī iro weka peodea nemorō ōārī āārītarinugāmakū yámi. Irasirigū marīrē, ¿díí gapure buremurī merā gūñamakū gāāmerī, soepeorore, o iro weka peodea gapure? ²⁰ Irasirigū sugū: “Marīpuya wiima soepeoro merā āsū irigura”, ārī wāīpeogu, āārīpereri iri soepeoro weka peyari merādere wāīpeogu irikumi. ²¹ Sugū: “Marīpuya wii merā āsū irigura”, ārī wāīpeogu, Marīpu iri wiigūe āārīgú merādere wāīpeogu irikumi. ²² Sugū: “Īmūgasima merā āsū irigura”, ārī wāīpeogude, Marīpu iroguē Opū doarogue doagu merādere wāīpeogu irikumi.

²³ 'Mūsā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Mūsā oterī mātārīgā: menta, anís, comino wāīkuri baari morēñorē sea neō, dukawa, pe mojōma diruri irikoa. Sudiru Marīpuya wiigūe āākoa, Īgū dorerire irimurā. Irasirikererā, iri nemorō ōārī gapure iribea. Diayema iririre, gajerārē bopoñarī merā ĩārīrē, Marīpūre buremurīrē neō iribea. Irasirirā mūsā oterire Marīpūre síduuro marīrō diayemadere irika! Gajerārē bopoñaka! Marīpūre buremuka! ²⁴ Koye ĩāmerā gajerārē tūdupuyuwāgāmasīmerā irirosū masakare Marīpuyare keoro buebea. Āārīpereri mūsā doreri gapure irikererā, iri nemorō doreri gapure neō iribea.

²⁵ 'Mūsā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Mūsā masaka ĩūrōgue dita ōārō irirā, soropa weka gapū dita ōārō koeadeapa irirosū āārā. Irasirirā mūsā basi wári opaduarā gajerāyare yajarā, iripa poekague koeña marīrīpa gurari utariripa irirosū āārā. ²⁶ Mūsā fariseo bumarā, koye ĩāmerā irirosū, Marīpuyare pémasīmerā āārā. Irasirirā mūsā gūñarīrē gorawayupurorika, soropa poeka gapure ōārō koeadeapa irirosū āārīmurā. Irasirirā, soropa weka gapudere ōārō koeadeapa irirosū āārīrākoa.

²⁷ 'Mūsā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Mūsā masāgoberi irirosū āārā. Masaka, iri masāgoberire utā majīrī boreri merā ōārō wūkādea majīrī merā biamakū ĩārā: “Ōārō deyoa”, ārī ĩāma. Iri ōārō deyokerepuru, poekague boanerāya gōārī, āārīpereri ñerī boadea sāñakoa. ²⁸ Mūsāde i irirosūta āārā. Masaka mūsārē ĩāmakū, ōārā irirosū āārā. Irasū āārīkererā, poekague mūsā gūñarīguere ñerīrē opataria. Irasirirā irigatorikurā, ñerō iririkurā āārā.

²⁹ 'Mūsā Moisés gojadeare buerimasā, fariseo bumarā irigatorikurā āārā. Irasirirā ñerō tarirākoa. Mūsā, iripoegue marā Marīpuya kerere weredupuyunerāya masāgoberire ōārō āmua. Gajerā ōārō irinerāya masāgoberi weka weanúdeadere ōārō āmua. ³⁰ Āmu odo, āsū ārī werenía: “Marī

ñekūsāmarā darā Marīpuya kerere weredupuyunerārē wējēnerā āārīmá. Gha ĩgūsā āārīdeapoeague āārīnerā tamerā ĩgūsārē wējētamubiribokuyo”, ārā. ³¹ Mūsā irire irasū ārīrā, mūsā basita: “Gha Marīpuya kerere weredupuyunerārē wējēnerā parāmerā āārīturiarā āārā”, ārīrā yāa. ³² Irasirirā mūsā ñekūsāmarā ñerō iripuroriwāgāriderosūta iriyuwarikukōāka mūsāde!

³³ 'Mūsā ñerō iririkurā āña irirosū āārā. Mūsā ñerō iriri waja Marīpu mūsārē peamegue béoburire neō duribirikoa. ³⁴ Irasirigu yu mūsā purogue Marīpuya kerere weredupuyurārē, ĩgūyare masīrārē, mūsārē buerimasādere iriugura. Yu irasū iriukerepuru, mūsā gapu surāyerire wējērākoa. Gajerārē curusague pábiatú wējērākoa. Gajerārē mūsā nerērī wiirigue tārā, noó ĩgūsā waarī makārī waamakū tuyagorenarākoa ĩgūsārē ñerō iriduarā. ³⁵ Irasirirā āārīpererā masaka oārārē wējēdea waja, mūsā waja opāa. Mūsā ñekūsāmarā Abel diayemarē iridire wējēpuroriwāgārīrā, Zacarías Berequías magūguere wējētūnunerā āārīmá. ĩgūrē Marīpuya wiima soepeoro Marīpu āārīrī taribu watopegue wējēnerā āārīmá. ³⁶ Diayeta mūsārē werea. Āārīpererārē ĩgūsā wējēdea waja dapora marā wajakurākuma.

Jesús Jerusalén marārē bujawereri merā werede
(Lc 13.34-35)

³⁷ 'Mūsā Jerusalén marā, Marīpuya kerere weredupuyurārē wējēkōāa. Marīpu iriunerārē ūtāyeri merā dea wējēa. Wári yu mūsārē āgābo igo pūrārē igoya kēdupuri merā neeōnūrōsū neeōnú koredudibū. Mūsā gapu yu irasū irimakū neō gāāmebiribū. ³⁸ Irasiriro mūsā āārīrī makā, béodea makā dujarokoa. ³⁹ Diayeta mūsārē werea. Dapora merāta mūsā yure ĩānemobirikoa. Purugue mūsā: “Marīpu iriudi oātarigu āārīmi, oārō aariburo”, ārīrāgue, yure dupaturi ĩārākoa doja, ārīmi Jesús.

24

Jesús: “Marīpuya wii béosūrokoa”, ārī werede
(Mr 13.1-2; Lc 21.5-6)

¹ Jesús Marīpuya wiigue āārādi wiriadero puru, gha ĩgū buerā ĩgū puro waa, āsū ārībū:

—Īāka i wiire! Ōārī wii, wári wii āārā, ārībū.

² Jesús gapu yujūmi:

—Mūsā i wiire daporare ĩādāa. Diayeta mūsārē werea. I wiima āārīpereri mūsā ĩādea, i ūtāyeride mutādiwapereakōārokoa. Neō suye ūtāye gajiye weka weamurīadeade dujabirikoa, ārīmi.

Jesús: “I ūmū pereburi dupuyuro āsū waarokoa”, ārī werede
(Mr 13.3-23; Lc 21.7-24; 17.22-24)

³ Puru Olivos wāikuri buúrugue eja, iroque doami Jesús. Iro ĩgū doamakū, gha ĩgū buerā ĩgū purogue eja, gajerā péberogue sērēñabū:

—Ghare wereka! ¿Naásū āārīmakū, mū ārāderosū waarokuri? ¿Ñeéno iri ĩmugakuri, mū dupaturi aarigú? ¿Naásū waarokuri, i ūmū pereburi dupuyuro? ārībū.

⁴ Jesús yujūmi:

—Ōārō pémasīka! Gajerā mūsārē ārīgatorire pébirikōāka! ⁵ Wārā ārīgatorimasā aarirākuma. “Marīpu iriudi, Cristo āārā yu”, ārīrākuma. ĩgūsā ārīgatomakū pérā, wārā masaka ĩgūsārē buremurākuma. ⁶ Masaka mūsā puro gāmewējērē pérā, yoarogue marā gāmewējērē kerere pérā, gukabirikōāka! Irasūta waarokoa. Irasū waakerepuru, i ūmū pereburo dūyarokoa dapa. ⁷ Su bumarā gaji bumarā merā gāmekēārākuma. Su nikū marā gaji nikū marā merā

gāmewējērākuma. Masaka wárã uaboari merã boarākuma. Gajerã pūrĩriku ñerõ tarirākuma. Wári makãrĩguere nikũ ñomerokoa. ⁸ I ããrĩpereri merã masaka ñerõ tarip̃roriwãgãrirākuma.

⁹ 'Irasirirã gajerã musãrẽ ñeã, ããa, oparãguere ñerõ iridorerã wiarākuma. Musãrẽ wējērākuma. Yũre b̃remurĩ waja ããrĩpererã i ãmũ marã musãrẽ ãturi doorākuma. ¹⁰ Irasũ waaripoe wárã yũre b̃remuadinerã b̃remuduũrākuma. Irasirirã gãme ãturi doo, ãgũsã merãmarã ããrãdinerãrẽ ãgũsãrẽ ãturiãguere wiarākuma. ¹¹ Wárã: “Marĩp̃ya kerere weredupuyurimasã ããrã”, ãrĩgatorākuma. Irasirirã wárã masaka ãgũsãrẽ b̃remurākuma. ¹² Masaka iro dupuyuro ñerõ iridero nemorõ ñerõ irirākuma. Irasirirã wárã ãgũsã gãme maĩrĩrẽ pirirākuma. ¹³ ãgũsã musãrẽ ñerõ irikererũ, musã yũre neõ b̃remuduũbirimakũ, Marĩp̃ musãrẽ taugũkumi, ãgũ p̃ro ããrĩnĩkõãburo, ãrĩgũ. ¹⁴ Marĩp̃yare wererã ããrĩpererã i ãmũ marãrẽ ãgũyarãrẽ doregũ ããrĩrĩ kerere wererākuma, ããrĩpereri bumarã irire masĩburo, ãrĩrã. ãgũsã ããrĩpererã iri kerere péperederõ p̃rũ, i ãmũ pererokoa.

¹⁵ 'Iripoegue Marĩp̃ya kerere weredupuyudi Daniel i ãmũ pereburo dupuyuro waaburire ãsũ ãrĩ gojadi ããrĩmĩ: “Ñegũ Marĩp̃re ãturiãgu Marĩp̃ya wii ñerĩ marĩrĩ wiigũ ñajãgũkumi”, ãrĩ gojadi ããrĩmĩ. ((Irasirirã iri wiigũ ãgũ ããrĩmakũ ããrã, i p̃rẽ buerãno: “I ãmũ pereburo yãa”, ãrĩ masĩrākuma.))

¹⁶ Ñegũ iroguẽ ããrĩmakũ ããrã, Judea nikũ marã buurĩgue ãmaduriburo. ¹⁷ Sugũ ãgũya wii wekague ããrĩgũ, wii poekague ãgũyare ããrĩgũ ñajãbita ãmaduriburo. ¹⁸ Sugũ ãgũya poegue ããrĩgũde, ãgũya surĩre wiigũ ããrĩgũ dujãabita ãmaduriburo. ¹⁹ Irasũ waarĩnrĩrẽ nijĩpagosã nome, ãgũsã p̃rã mirĩrãgã oparã nomede ñerõ tarirākuma. ²⁰ Irasirirã Marĩp̃re ãsũ ãrĩ s̃er̃eka: “Puĩbure, siuñajãrĩnũ* ããrĩmakũ, gũare i irasũ waabirikõãburo”, ãrĩka ããrĩrẽ! ²¹ Irasũ waarĩnrĩrẽ masaka b̃ro ñerõ tarirākuma. Marĩp̃ i ãmũrẽ irip̃roriderõ p̃rũre masaka ñerõ tariderõ nemorõ ñerõ tarirākuma. I ãgũsãrẽ ñerõ waaburi neõ dupaturĩ irasũ waanemobirikoa. ²² Irasirigũ Marĩp̃ masakare i ñerõ waarĩre: “Yoaripoe waabirikõãburo”, ãrĩgũkumi. ãgũ irasiribirimakũ, neõ sugũ masakũ taribiribokumi. Irasirigũ ãgũ beyenerãrẽ bopoñasĩã, ãgũsãrẽ ñerõ waarĩre: “Iropãta waaburo”, ãrĩgũkumi.

²³ Gajerã musãrẽ: “ããka! Õõta Cristo ããrĩmĩ”, ããrĩmakũ p̃erã, o gajerã musãrẽ: “Cristo s̃õõgue ããrãmi”, ããrĩmakũ p̃erã, b̃remubirikõãka! ²⁴ Wárã ãrĩgatorimasã aarirākuma. Surãyeri: “Yũ Cristo ããrã”, ããrĩrãkuma. Gajerã: “Marĩp̃ya kerere weredupuyurimasã ããrã”, ããrĩrãkuma. Musãrẽ ãgũsã ãrĩgatorire b̃remudorerã, wári gajino iri ãmurākuma. Irasirikererã, Marĩp̃ beyenerãrẽ ããrĩrẽ b̃remuduũmakũ irimasĩbirikuma. ²⁵ Iri waaburi dupuyuro yũ musãrẽ weresiãã, irire masĩburo, ããrĩgũ. ²⁶ Irasirirã gajerã masaka musãrẽ: “Cristo s̃õõ masaka marĩrõgue ããrãmi”, ããrĩmakũ p̃erã, ããrã waabirikõãka! Gajerã musãrẽ: “ããka! I wiima taribugue ããrĩmĩ”, ããrĩmakũ p̃erã, ããrãrẽ b̃remubirikõãka! ²⁷ Yũ ããrĩpererã tĩgũ gũñaña marĩrõ i ãmũgue dupaturĩ aarigũkoa. Ñmarõgue, abe m̃rĩrĩro gapũ, ããrĩ ñajãrõ gapũ bupu miãrõ irirosũ aarigũkoa. ²⁸ Mimua nerẽmakũ ããrã, masaka sugũ waibũ boadi ããrĩrõrẽ masĩkuma. I irirosũ yũ aarimakũ ããrã, ããrãrẽ wajamoãsũburire masĩrãkuma, ããrĩ weremi Jesús.

Jesús ããrĩpererã tĩgũ: “ããrĩ aarigũkoa”, ããrĩ weredeã
(Mr 13.24-37; Lc 21.25-33; 17.26-30, 34-36)

²⁹ Irasũ ããrĩ odo, gũare ããrĩ ããrĩnemomi:

* **24:20** Judío masaka siuñajãrĩnũ, sãbado ããrã.

—Masaka ñerō taririnurī puruta abe ūmumū naītīākōāgukumi. Abe ñamimū boyonemobirikumi. Neñukā ūmugasigue āārīrā yuridijarirākuma. Ūmarōgue marā turarāde naradari merā béosūrākuma. ³⁰ Irasū waaripoere masaka yū āārīpererā tīgū ūmugasigue merā aarimakū iārākuma. Irasirirā āārīpereri i ūmūma makārī marā yū wāri Marīpū turari merā, īgū gosewasiriri merā mikāyebori weka aarimakū iārā, gūirā orerākuma. ³¹ Yū aarigú, yūre wereboerārē āārīperero i ūmūguere iriugukoa. Puriduru buro busamakū, īgūsā yū beyenerārē āārīpererogue āārīrārē neōrākuma.

³² 'Ire mūsā masīburo, ārīgū, higuera gū keori merā weregura. Irigū pū maamamakū iārā: “Bojori waaburo mérōgā dūyāa”, ārī masīa. ³³ Irigū waarósūta i āārīpereri yū ārīrī irasū waamakū iārā: “Cristo dupaturi aariburo mérōgā dūyāa”, ārī masīrākoa. ³⁴ Diayeta mūsārē werea. I āārīpereri yū ārīrī, dapora marā pereburo dupuyuro irasū waarokoa. ³⁵ Ūmūgasi, i nikūde preakōārokoa. Yū werenírī gapū neō perebirikoa. Āārīpereri yū ārīrōsūta waayumarikurokoa.

³⁶ Yū dupaturi aariburinurē, iri horare neō sugū masībirikumi. Marīpūre wereboerā ūmugasigue āārīrāde masībema. Yū Marīpū magūde masībea. Yūpū sugūta masīmi.

³⁷ 'Noé āārīdeapoe marārē waaderosūta yū āārīpererā tīgū aariburo dupuyurogārē waarokoa. ³⁸ Iripoere i nikū Marīpū miūburo dupuyuro masaka ōārō baa, iirí, mojōsia, īgūsā pūrā nomerē nomesu āārīrikunerā āārīmá. Noésā doódirugue ñajārīnūguedere irasūta irinikōānerā āārīmá. ³⁹ Gūñaña marīrō merā wáro deko merē, i nikū mirīpreakōādero āārībú. Īgūsāde mirīpreakōānerā āārīmá. Irasūta yū āārīpererā tīgūde gūñaña marīrō merā i ūmūguere dupaturi aarigukoa. ⁴⁰ Irasū waaripoere pērā poeegue moārā āārīrākuma. Sugū yūre būremugū āārsūgukumi. Gajigū yūre būremubi irogueta béowāgāsūgukumi. ⁴¹ Nomede pērā nome ojoduka biurā āārīrākuma. Sugo yūre būremugō āārsūgokumo. Gajego yūre būremubeo irogueta béowāgāsūgokumo.

⁴² 'Ōārō pémasīka! Yū mūsā Opū dupaturi aariburi horare neō masībea mūsā. ⁴³ Ire ōārō masīka! Wii opū īgūya wiire sugū yajarimasū ñami merā ejaburi horare masīgū, kārīrō marīrō korekumi, īgūya wiire ñajāburire kāmūtabu. ⁴⁴ Yū āārīpererā tīgū gūñaña marīrō aarigukoa. Irasirirā, wii opū irirosū mūsāde yū aariburire ōārō yúro gāāmea, ārīmi Jesús.

Jesús pērā moāboerimasā keori merā buedeā
(Lc 12.41-48)

⁴⁵ Pūpū Jesús gajī keori merā gūare buenemomi:

—Sugū moāboegu īgū opūre būremugū, pémasīgū āsū irikumi. Īgū opū gajerogue waagú, īgūrē īgūya wiire gajerārē īgūrē moāboerārē koredoregū píkumi. Irasirigū īgūrē īgūsārē baarire keoro siiu baadoregū píkumi. ⁴⁶ Irasirigū īgū opū īgūya wii goedujajamakū iāgū, īgūrē moāboegu īgū dorederosūta iridi āārīsīā, ūsūyakumi. ⁴⁷ Diayeta mūsārē werea. Īgū píderosūta īgū keoro irideare iāgū, īgū opū īgūrē āārīpereri īgūyare koredoregū pīgukumi. ⁴⁸⁻⁴⁹ Īgūrē moāboegu ñegū gapū āsū irikumi. “Yū opū mata goebirikumi”, ārī gūñagū, gajerā īgū opūre moāboerārē ñerō pábira, mejārikurā merā iirí baagorenakumi. ⁵⁰ Īgū irasirigorenarīnurē gūñaña marīrō īgū opū goejakumi. Īgūrē moāboegu gapū: “Īgū iri hora goegukumi”, ārī masībirikumi. ⁵¹ Īgū opū goejagu īgūrē moāboegu ñerō irideare pégu, īgūrē būro wajamoāgukumi. Irasirigū irigatorikurārē béorogue īgūrē béogukumi. Iroguere īgū būro pūrīsūgū īgūya guikare kūrīduútú oregukumi, ārīmi Jesús.

25

Jesús pe mojōmarā maamarā nome keori merā buedea

¹ Pɩɩɩ Jesús dupaturi keori merā gɩare āsū ārī buemi doja:

—Marīpɩ ɩmɩgasigue āārīgú ĩgūyarārē doreri āsū āārā. Pe mojōmarā nóome āārīkuma. Su űami ĩgūsāya sīāgori duparu merā mojōsiadire bokatīrīrā waakuma. ² Su mojōmarā nome sīāgori duparu ĩgūsā āiiburire ōārō āmuyubirikuma. Gajerā su mojōmarā nome gapɩ ĩgūsā āiiburire ōārō āmuyukuma. ³ Āmuyumerā nome ĩgūsāya sīāgori duparure āiakererā, ĩgūsā gorawayuburire ɩye āiibirikuma. ⁴ Āmuyurā nome gapɩ ĩgūsāya sīāgori duparure āi, gaji ɩye ĩgūsā gorawayuburire āiakuma. ⁵ Irasirirā, mojōsiadi mata ejabirimakū, ĩgūsārē wɩja ejamakū kārīakōākuma. ⁶ Pɩɩɩ űami deko āārīmakū, gajerā masaka: “Mojōsiadi aarisiami. ĩgūrē bokatīrīrā aarika!” ārī gainīmakū pékuma. ⁷ ĩgūsā gainīmakū pérā, yobe, ĩgūsāya sīāgori duparure āmukuma. ⁸ ɩye gorawayuburire āiibiranerā nome gapɩ, gajerā gaji ɩye āiānerā nomerē āsū ārīkuma: “Gɩaya sīāgori duparu yariro yāa. Irasirirā mérōgā mɩsāya ɩyere gɩadere sīka!” ārī sērēadikuma. ⁹ Āmuyuanerā nome gapɩ āsū ārī wɩjukuma: “Gɩaya ɩye mɩsārē sīmakū, mɩsārē, gɩadere ejabiribokoa. Irasirirā ɩye duarā pɩro mɩsā basi wajarirā waaka!” ārīkuma. ¹⁰ Irasirirā āmuyubiranerā nome ɩye wajarirā waakōākuma. ĩgūsā waadero pɩɩɩ, mojōsiadi ejakumi. ĩgū ejamakū ĩārā, āmuyuanerā nome gapɩ ĩgūrē bokatīrīkuma. Irasirirā ĩgū merā bosenu iriri wiigue ĩārā űajākōākuma. ĩgūsā űajāperemakū, iri wii marā disipurore biakōākuma. ¹¹ Pɩɩɩgɩe āmuyubiranerā nome gapɩ ejakuma. “Gɩa Opɩ, gɩadere tūpāsóoka!” ārīkuma. ¹² ĩgūsā irasū ārīmakū pégɩ, mojōsiadi āsū ārī wɩjukumi: “Diayeta yɩ mɩsārē masībea”, ārīkumi ĩgūsā nomerē, ārī weremi Jesús.

¹³ Irasū ārī odo, gɩare ārīmi:

—Yɩ āārīpererā tīgū dupaturi aariburinurē, iri horadere neō masībea mɩsā. Irasirirā āmuyunerā nome mojōsiadire bokatīrīrā waamurā ĩgūsāya sīāgori duparure āmuyuderosū mɩsāde yɩ aariburire ōārō āmuyuka! ārīmi Jesús.

Jesús sugɩ opɩ ĩgūrē moāboerārē niyeru sīrī keori merā buedea

¹⁴ Irasū ārī odo, gaji keori merā gɩare ĩgū buerārē buenemomi doja:

—Marīpɩ ĩgūyarārē doregɩ, sugɩ wii opɩ irosū āārīmi. Wii opɩ gaji nikūgue waabu, ĩgūrē moāboerārē siiu, ĩgūya niyerure koredoregɩ píkumi.

¹⁵ Irasirigɩ, ĩgūsārē: “Ōōpā merā wajatanemorākuma”, ārī ĩāmasīsā, ĩgūya niyeru wajapari tirire dukawakumi. Sugɩre su mojōma tiri, gajigɩre pe ti, gajigɩre su ti sīkumi. ĩgūsārē sī odo, waakōākumi. ¹⁶ Irasirigɩ su mojōma tiri opagɩ, mata iri tiri merā gajino wajari, dua, gaji su mojōma tiri wajatanemokumi. Irasirigɩ pe mojōma tiri opakumi. ¹⁷ Pe ti opagɩde irasūta gaji pe ti wajatanemokumi. Irasirigɩ wapíkɩri tiri opakumi. ¹⁸ Su ti opagɩ gapɩ yebague gobe má, iri gobegue ĩgū opɩ sīadea tire yāapíkōākumi.

¹⁹ Yoadero pɩɩɩ, wii opɩ goekumi. Goeja, ĩgūya niyeru tiri merā ĩgūsā wajatanemodeare āmubu, ĩgūrē moāboerārē siiukumi. ²⁰ Irasirigɩ su mojōma tiri sīsūdi ĩgū opɩ pɩrogue eja, pe mojōma tiri ĩgūrē wiakumi. “Yɩ opɩ, su mojōma tiri yure sībɩ mɩ”, ārīkumi. “Īāka! Iri tiri merā gaji su mojōma tiri wajatanemobɩ”, ārīkumi ĩgū opɩre. ²¹ ĩgū irasū ārīmakū pégɩ, ĩgū opɩ ārīkumi: “Ōāgorāa. Mɩ yure moāboegɩ ōāgū āārā. Yɩ dorederosūta yɩ mérōgā mɩrē pīdea merā ōārō iriyo. Irasirigɩ wári yaare koredoregɩ pīgɩra. Yɩ merā āārīgú, ɩsɩyari merā āārīka!” ārīkumi ĩgū opɩ ĩgūrē. ²² Pɩɩɩ pe ti sīsūdide ĩgū opɩ

purogue eja, ĩgũrẽ  sũ  rĩkumi: “Yũ opũ, pe ti yũre sĩbũ mũ.  aka! Iri tiri mer  gaji pe ti wajatanemobũ”,  rĩkumi. ²³  gũ irasũ  rĩmakũ p gũ, ĩgũ opũ  rĩkumi: “ agor a. Mũ yũre mo boegu  agũ  ar . Yũ dorederosũta yũ m r g  m r  p dea mer   ar  iriyo. Irasirigũ w ri yaare koredoregũ p gũra. Yũ mer   ar g ,  suyari mer   ar ka!”  rĩkumi ĩgũ opũ ĩgũr .

²⁴ Pũrũ su ti s sũdi gapũ, ĩgũ opũ purogue eja, ĩgũr   sũ  rĩkumi: “Yũ opũ, m r  mo boer r  bũro turaro mer  mo doregũ  ar . Mũ basi mo birikeregũ, ĩg sar  oterire otedore, ĩg sar  oteri dukare seadore, irire mũ basita op a. M r  mo boer ya mo r  mer  wajatarire mũ basita op a. Irire mas a yũ. ²⁵ Irasirigũ m r  g igũ, yebague gobe m , iri gobegue m ya niyeru tire y ap k bũ.  aka! I ti  ar  m ya niyeru ti”,  rĩkumi ĩgũ opũr .

²⁶  gũ irasũ  rĩmakũ p gũ, ĩgũ opũ  rĩkumi: “Mũ yũre mo boegu  egũ  ar . T rikugũ  ar . Mũ yũre  sũ  r : ‘Mũ basi mo birikeregũ, m r  mo boer r  oterire otedore, ĩg sar  oteri dukare seadore, irire mũ basita op a. M r  mo boer ya mo r  mer  wajatarire mũ basita op a. Irire mas a yũ’,  r  mũ yũre. ²⁷ Mũ irasũ  r g ,  nasirigũ, yũ m r  s dea tire niyeru durip ri wiigue durip biriri? Irogue durip makũ, i wii mo r  iri ti mer  w ro wajatanemobosabokuma m r . Irasirigũ, yũ goejamakũ, mũ yũre ĩg s  iriri mer  wajatanemobosadeare wiaboakuyo”,  rĩkumi ĩgũ opũ ĩgũr . ²⁸ Irasũ  r  odo, gajer r  irogue  ar r r   rĩkumi: “ g r  niyeru tire  ma, pe moj ma tiri opagũ gapũre s ka! ²⁹ Sugũ w ri opagũ s nemos g kumi. Irasirigũ ĩgũ w ri opadero nemor  opag kumi. Gajigũ opabi ĩgũ m r g  opadideare  mapeok s g kumi. ³⁰   yũre mo boegu keoro iribire na r r g  b ok ka! Iroguere bũro p r s g  ĩg ya guikare k r du t  oreg kumi”,  rĩkumi ĩg s  opũ,  r  weremi Jes s.

Jes s i  mũ mar r  wajamo burire weredea

³¹ Irasũ  r  odo, g are  r nemomi:

–Yũ  ar perer  t g ,  ar perer  yũre wereboer  mer  i  mũ mar r  doregũ aarig , gosewasiriri mer  Opũ doarogue doag koa. ³² Yũ irogue doamakũ, yũre wereboer   ar pereri buri mar  masakare yũ diaye nee r kuma.  g sar  nee  odomakũ, sugũ ejor  koregũ ovejare, cabrare boje dukawan r sũ yũ ĩg sar  dukawan g koa. ³³ Yũre b remur r  oveja irirosũ  ar r r  yũ diaye gapũ n g koa. Yũre b remumer r  cabra irirosũ  ar r r  yũ k gapũ n g koa. ³⁴ Yũ irasiriadero pũrũ, yũ  ar perer  Opũ, yũ diaye gapũ n r r   sũ  r  wereg koa: “Yũrũ m sar   ar  irisiami. I  m r  iriguguenta m s ya  ar burire ĩg yar r  doreroguer   muyusiami. Irasirir  ĩgũ mer   ar r  aarika! ³⁵ Yũ  aboamakũ  ar , m s  yũre baari ejobũ. Yũ  emesibumakũ, m s  yũre iiriri t bũ. Yũ m s  p ro g me aj g  ejamakũ, yũre k r r  wayubũ. ³⁶ Sur  mar g  yũ  ar makũ  ar , m s  yũre sur re s bũ. P r rik makũ, m s  yũre  ar  ejabũ. Peresugue yũ  ar mak dere yũre  ar  ejabũ”,  r g koa. ³⁷ Yũ irasũ  r makũ p r , yũ diaye gapũ n r  Yũrũ: “ ar , waja opamer   ar ma”,  r   aner  yũre s r r r kuma: “G a Opũ,  na sũ  ar makũ, mũ  aboamakũ g a m r  baari ejori?  Na sũ  ar makũ, mũ  emesibumakũ m r  iiriri t r ? ³⁸  Na sũ  ar makũ, mũ g a p ro g me aj g  ejamakũ, k r r  wayuri?  Na sũ  ar makũ, mũ sur  mar g   ar makũ g a m r  sur  s r ? ³⁹  Na sũ  ar makũ, mũ p r rik makũ, o peresugue mũ  ar mak dere g a m r   ar  ejari?”  r r kuma yũre. ⁴⁰  g s  irasũ  r makũ p gũ, yũ  ar perer  Opũ, ĩg sar   sũ  r  y jug koa: “Diayeta m sar  werea. M s  sugũ yaar  watopegue  ar perer  nemor  ubu  ar g r   ar  irir , y reta  ar  irir  iribũ”,  r g koa ĩg sar .

41 Īgūsārē irasū ārī odo, yu kúgapu nírārē āsū ārī weregukoa: “Yupu wajamoāsūmurā āārā musā. Yu purore wirika! Perebiri peamegue waaka! Yupu iri peamerē wātēa opu, ĩgūyarā merā āārīburore āmuyusiami. 42 Yu uaboamakū ĩārā, musā yure baari ejobiribu. Yu ñemesibumakū, musā yure iiriri tiābiribu. 43 Yu musā puro gameñajāgū ejamakū, yure kārīrō wayubiribu. Surí marīgū yu āārīmakū, musā yure surí sābiribu. Yu pūrīrikumakū, peregugue yu āārīmakūdere musā yure ĩārā ejobiribu”, ārīgukoa ĩgūsārē. 44 Yu irasū ārīmakū pérā, ĩgūsā yure sērēñarākuma: “Gua Opu, ¿naāsū āārīmakū, mu uaboamakū, ñemesibumakū, gua puro gameñajāgū ejamakū, surí opabirimakū, pūrīrikumakū, peresugue mu āārīmakū gua murē iritamubiriri?” ārīrākuma yure. 45 Īgūsā irasū ārīmakū, yu āārīpererā Opu ĩgūsārē āsū ārī weregukoa: “Diayeta musārē werea. Musā sugu yaarā watopegue āārīpererā nemorō ubu āārīgūrē iritamumerā, yureta iritamumerā iribu”, ārīgukoa ĩgūsārē. 46 Pupu ĩgūsā perebiri peamegue wajamoāsūrākuma. Yupu: “Ōārā, waja opamerā āārīma”, ārī ĩānerā gapu ĩgū purogue perebiri okarire oparākuma, ārī weremi Jesús.

26

Oparā Jesúre ñeāburire āmudea (Mr 14.1-2; Lc 22.1-2; Jn 11.45-53)

1 Jesús iri āārīpererire bue odo, guare ĩgū buerārē ārīmi:

2 —Penu duyáa, pascua bosenu ejoburo. Irire musā masía. Iri bosenu āārīmakū, yu āārīpererā tīgūrē ñeā, oparāguere wiarākuma, curusague pábiatú wējédoremurā, ārīmi.

3 Iripoere paía oparā, Moisés gojadeare buerimasā, judío masaka murāde Caifás paía opaya wii disiparoma yebague nerēñurā. 4 Irogue nerērā, ĩgūsā Jesúre ārīgatori merā ñeā, wējēburire āmuñurā.

5 Irire āmurā:

—Bosenu āārīmakū, ĩgūrē ñeābirikōārā! Masaka marī merā guarā, marīrē gainí turibokuma, ārīñurā.

Sugo nomeō Jesúre sārōrī piupeodea (Mr 14.3-9; Jn 12.1-8)

6 Īgūsā ĩgūrē wējēburire āmuripoere Jesús Betania wāikuri makāgue Simón kāmī boadiya wiigüe āārīmí. 7 Irogue ĩgū āārīmakū, sugo nomeō suru sārōdiru opago, Jesús puro ejamo. Igo opadiru “alabastro” wāikuri utāye merā iridiru, sārōrī wajapari opadiru āārībú. Jesús baa doanírīpoe ĩgūya dipurure iri sārōrīrē piupeomo. 8 Igo irasū piupeomakū ĩārā, gua Jesús buerā guarā āsū ārībú:

—¿Nasirigo igo irire irasiriwasiribéokōārī? 9 Iri sārōrīrē duago, wáro niyerure wajataboakumo. Iri niyeru merā boporārē iritamuboakumo, ārībú.

10 Jesús, gua irasū ārīmakū pégu, guare ārīmi:

—¿Nasirirā igore garibori musā? Ire yure irasirigo, oārīrē irigo yámo.

11 Boporā musā watopeguere āārīnikōārākuma. Yu tamerārē musā merā āārīnīmakū ĩābirikoa. 12 Igo i sārōrī yure piupeogo, yaa dupure ĩgūsā yure yāaburo dupuyuro āmuyugo irirosū irigo yámo. 13 Diayeta musārē werea. Marīpu masakare tauri kerere wererā āārīperero i umugue waagorenarā, igo yure irideadere gajerārē wererākuma, igore gūñaburo, ārīrā, ārīmi Jesús guare.

Judas Iscariote Jesúre wējēdharāguere ĩgūrē ĩmuburire āmudea (Mr 14.10-11; Lc 22.3-6)

14 Jesús irasũ arãdero puru, sugu gua Jesús buerã pe mojõma pere su gubu peru pẽrẽbejarã watopemu Judas Iscariote wãikugu paia oparã merã werenígũ waayupu. 15 Ìgũsãrẽ arĩyupu:

–Yu Jesúre musãrẽ wiamakũ, ¿noópã niyeru wajarirãkuri yure? arĩyupu.

Ìgũ irasũ arĩmakũ pérã, ìgũrẽ treinta niyeru tiri plata merã iridea tirire wajariñurã. 16 Ìgũsã wajarimakũ, Judas: “¿Naásũ aãrĩmakũ ìgũsãrẽ yu Jesúre wiamakũ õãkuri?” arĩ gũñayupu.

Jesús ìgũ buerã merã baatũnudea

(Mr 14.12-25; Lc 22.7-23; Jn 13.21-30; 1 Co 11.23-26)

17 Puru pã wemasãrĩ morẽña marĩrĩ baari bosenu puroririnũ aãrĩmakũ, gua Jesús buerã ìgũ purogue waa, ìgũrẽ sãrẽñabu:

–¿Noógue mu pascua bosenu baaburire amumakũ gããmekuri? arĩbu.

18 Ìgũ guare arĩmi:

–Jerusalẽgue waaka! Iro musã bokajagure asũ arĩka: “Guare buegu murẽ asũ arĩ weredoreami: ‘Yu ñerõ tariburo mérõgã duyáa. Pascua bosenu aãrĩmakũ, yu buerã merã muya wiigüe baagũkoa’, arãmi”, arĩka! arĩmi Jesús.

19 Irasirirã, pascua bosenu aãrĩmakũ, Jesús doreaderosũta gua baaburire amunerã aãrĩmã.

20 Naimejãripoe Jesús gua ìgũ buerã pe mojõma pere su gubu peru pẽrẽbejarã merã baa doanĩmi. 21 Gua baaripoe guare arĩmi:

–Diayeta musãrẽ werea. Sugu musã watope aãrĩgũ yure wẽjẽduarãguere yure ìmugukumi, arĩmi.

22 Ìgũ irasũ arĩmakũ pérã, gua buro bujawereri merã suguno dita ìgũrẽ sãrẽñayobu:

–Gua Oru, ¿yu aãrĩrĩ murẽ ìmubu? arĩbu.

23 Gua irasũ arĩ sãrẽñamakũ, guare yujumi:

–Yu merã i pare pã yosa baaguta aãrĩmi yure wẽjẽduarãguere yure ìmubu.

24 Marĩpuya werenĩrĩ gojadea pũgue gojaderosũta yu aãrĩpererã ìgũrẽ waarõ yáa. Yure ìmubu gapure ñetariro waarokoa. Ìgũ deyoabirimakũ õãboyo, arĩmi Jesús.

25 Ìgũ irasũ arĩmakũ, Judas Jesúre wẽjẽduarãguere ìgũrẽ ìmubu sãrẽñami:

–Guare buegu, ¿yu murẽ ìmubu aãrĩrĩ? arĩmi.

Jesús ìgũrẽ yujumi:

–Éũ, mũta aãrã, arĩmi.

26 Irasũ arĩ odo, gua baaripoe Jesús pãrẽ ãĩ, Marĩpue: “Murẽ usuyari sã”, arĩ, pãrẽ pea, guare ìgũ buerãrẽ asũ arĩ gueremi:

–Ire baaka! Yaa dupu aãrã, arĩmi.

27 Puru iirĩripare ãĩ, Marĩpue: “Murẽ usuyari sã”, arĩ, guare iripare sũ, asũ arĩmi:

–Musã aãrĩpererã ire iirĩka! 28 I yaa dí aãrã. Yu boagu, dí béori merã wãrã masaka ñerõ iridea wajare wajaribosagũkoa. Irasirigu yaa dí béori merã Yuru ìgũsãrẽ: “Õãrõ irigura”, arĩdeare iriyuwarikugukumi. Irasirigu ìgũsã ñerõ irideare kãtigukumi. 29 Musãrẽ werea. Igui dekore marĩ dapora iirĩrosũ yu dupaturi neõ iirĩnemobirikoa. Puru Yuru ìgũyarãrẽ dorerogue musã merã maama igui dekore iirĩgũkoa, arĩmi Jesús guare.

Jesús Pedrore: “Yure masĩkeregu: ‘Masĩbea’, arĩgũkoa”, arĩ werede

(Mr 14.26-31; Lc 22.31-34; Jn 13.36-38)

30 Puru Marĩpue bayapeo odo, gua iri wiigüe aãrãnerã wiria, Olivos wãikuri buúrugue waabu. 31 Irogue ejagu, Jesús guare arĩmi:

–Dapagã ñami musã ããrĩpererã gũñaturaro marĩrõ yure béowãgãpereakõãrãkoa. Musã irasiriburire Marĩpuya werenĩrĩ gojadea pũgue ãsũ ãrĩ gojasũdero ããrĩbũ: “Yũ oveja koregure wějẽmakũ irigũkoa. Irasirimakũ, ĩgũyarã oveja ũmawasiriakõãrãkuma”, ãrĩ gojasũdero ããrĩbũ. ³² Yũ boadigue masãdero purũ, musã dupuyuro Galileague waadupuyugũkoa, ãrĩmi gũare.

³³ ĩgũ irasũ ãrĩmakũ pégu, Pedro ãsũ ãrĩ yũjumi:

–Gajerã ããrĩpererã marẽ béowãgãkereperũ, yũ gapũ marẽ neõ béowãgãbirikoa, ãrĩmi.

³⁴ Jesús Pedrore ãrĩmi:

–Diayeta marẽ werea. Dapagã ñami ãgãbo wereburo dupuyuro mũ yure masĩkeregu, urea gajerãrẽ: “Masĩbea”, ãrĩgatogũkoa, ãrĩmi.

³⁵ Pedro ĩgũrẽ ãrĩmi:

–Yũ mũ merã boabu ããrĩkeregu: “Masĩbea”, ãrĩgatobirikoa, ãrĩmi.

Ããrĩpererã gũa ĩgũ buerã, Pedro ĩgũ ãrĩrõsũta ãrĩbũ Jesúre.

Jesús Getsemaníque Marĩpure sêrẽdea
(Mr 14.32-42; Lc 22.39-46)

³⁶ Purũ Jesús gũa ĩgũ buerã merã waa, Getsemaní wãĩkurogue eja, gũare ãrĩmi:

–Õõta doaka musã dapa! Sõõgue Marĩpure sêrẽgũ waagũ yáa, ãrĩmi.

³⁷ Irasũ ãrĩ odo, Pedrore, Zebedeo pũrã pẽrãguereta siiuwãgãmi. ĩgũ burõ gũñarikũ, bujawereyupũ. ³⁸ Irasũ bujaweregu, ĩgũ siiuwãgãnerãrẽ ãrĩyupũ:

–Buro bujawereri merã kõmoma goero péñakoa. Õõta dujaka! Musãde yũ kãrĩberosũta kãrĩmerãta yure yúka! ãrĩyupũ.

³⁹ Irasũ ãrĩ odo, yoaweyaro waanemo, yebague ĩgũya diapure moomejã, Marĩpure ãsũ ãrĩ sêrẽyupũ:

–Aũ, yũ ñerõ tariburire taudũagu taumasĩa. Yũ irasũ ãrĩkereperũ, yũ gããmerõsũ iribirikõãka! Mũ gããmerõsũ gapũ yure waaburo, ãrĩyupũ.

⁴⁰ Irasũ ãrĩ sêrẽ odo, urerã ĩgũ buerã purõgue ejagũ, ĩgũsã kãrĩrãrẽ bokaja, Pedrore ãrĩyupũ:

–¿Nasirirã su horanogãgora musã yure kãrĩmerãta yúmasĩberi? ⁴¹ Kãrĩmerãta! Marĩpure sêrẽka, wãtĩ ãrĩmesãrĩrẽ iribokoa, ãrĩrã! Musã gũñarĩ merã õãrĩrẽ iridũadãa. Irire iridũakererã, bokatĩũbea, ãrĩyupũ.

⁴² Irasũ ãrĩ odo, dupaturi waa, Marĩpure sêrẽyupũ doja:

–Aũ, i yũ ñerõ tariburire taudũabi, mũ gããmerõsũ irika! ãrĩyupũ.

⁴³ Purũ ĩgũ buerã urerã purõ dupaturi ejagũ, kãrĩrãrẽta bokajayupũ doja. ĩgũsãrẽ wũja pũrĩtariyuro. ⁴⁴ ĩgũsãrẽ ĩãkõã, dupaturi Marĩpure sêrẽgũ waayupũ doja. ĩgũ sêrẽaderosũta sêrẽyupũ. ⁴⁵ Purũ ĩgũsã purõ eja, ãrĩyupũ:

–¿Musã siuñajã, kãrĩrã yãri dapa? Yure ããrĩpererã tĩgũrẽ ñerãguere ĩgũsã wiari hora ejasiãa. ⁴⁶ Wãgãnũgãka! Náka, waarã! Yure wějẽduarãguere yure ĩmubu aarisiami, ãrĩyupũ Jesús.

Jesúre ñeãwãgãdea
(Mr 14.43-50; Lc 22.47-53; Jn 18.2-11)

⁴⁷ ĩgũ irasũ ãrĩ wereripoe Judas, gũa Jesús buerã pe mojõma pere su gubu peru pẽrẽbejarã watopemũ ããrãdi ejami. Wãrã masaka sareri majĩrĩ, yukũ dukari oparã ĩgũ merã ejama. ĩgũsã paía oparã, judío masaka murã ĩgũsã iriuanerã ããrĩmã. ⁴⁸ ĩgũsã ejaburi dupuyuro Judas ĩgũsãrẽ Jesúre ĩmubu ãsũ ãrĩ weredi ããrĩmĩ: “Yũ ĩgũya wayupãrã mimigũta ããrĩgũkumi. ĩgũrẽ ñeãka!” ãrĩdi ããrĩmĩ. ⁴⁹ Irasirigu Jesús purõ ejagũ, ĩgũrẽ ãrĩmi:

–Gũare buegu, ¿ããrĩrĩ mũ? ãrĩ, ĩgũya wayupãrãrẽ mimimi.

⁵⁰ Īgũ irasirimakũ ĩāgũ, Jesús ĩgũrẽ ārĩmi:

—Yũ merãmũ, ¿nasirigũ aarigũ iriari? Mũ irigũra, ārãdeare irika! ārĩmi.
Irasirirã masaka Jesús pũro eja, ĩgũrẽ ñeāwāgākõāma.

⁵¹ Īgũsã ĩgũrẽ ñeāwāgāripoe sugũ ĩgũ buegũ ĩgũya sareri majĩrẽ tũāwea āĩ, paía opũre moāboegũya gãmipũrẽ dititã dijukõāmi. ⁵² Īgũ irasirimakũ ĩāgũ, Jesús gapũ ĩgũrẽ ārĩmi:

—Mũya sareri majĩrẽ duripíkõāka! Sareri majĩ merã gajerã merã gãmewějērãno, sareri majĩ merãta wějēsũrākuma. ⁵³ ¿Mũsã masĩberi? Yũpũre yũ sērẽmakũ, daporata ĩgũrẽ wereboerãrẽ pe mojõma pere su gubu peru pērẽbejari burigora yũre iritamumurãrẽ iriubokumi. ⁵⁴ Yũ sērẽmakũ, Marĩpũya werenĩrĩ gojadea pũgue gojaderosũ waabiribokoa, ārĩmi Jesús.

⁵⁵ Irasũ ārĩ odo, masakare ārĩmi:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeārã aarirã irirosũ yũre ñeārã aarĩri? Ɛmũrikũ Marĩpũya wiigũe yũ mũsãrẽ bue doanĩmakũ, mũsã yũre neõ ñeābiribũ. ⁵⁶ Daporare i āārĩpereri mũsã yũre irasirirã, Marĩpũya kerere weredupuyunerã gojaderosũta irirã yãa, ārĩmi Jesús.

Īgũrẽ ñeāmakũ ĩārã, gũa ĩgũ buerã ĩgũrẽ sugũreta ũmaweonũwāgākõābũ.

Jesũre oparã pũroque āĩadea

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Irasirirã Jesũre ñeānerã paía opũ Caifãya wiigũe āĩāñũrã. Iri wiiguere Moisés gojadeare buerimasã, judío masaka mũrãde nerēsiañũrã. ⁵⁸ Pedro gapũ yoaweyaro Jesũre tũyañajãa, Caifãya wii disipũro ñajãrõma yebague eja, Marĩpũya wiire korerã surara merã doayupũ. “¿Naásũ iriyuwarikũrãkuri?” ārĩgũ, iroque ĩã doanĩyupũ.

⁵⁹ Paía oparã, judío masaka mũrã, āārĩpererã oparã iroque nerēanerã Jesũre ārĩgatori merã weresãmurãrẽ āmarã iriñũrã ĩgũrẽ wějẽmurã. ⁶⁰ Īgũsã pũroque wãrã masaka ārĩgatori merã ĩgũrẽ weresãrã ejakererã: “Īgũ i ñerõ iridea waja boaburo”, ārĩ weresãrĩrẽ neõ bokabiriñũrã. Pũru gajerã pērã ĩgũrẽ ārĩgatori merã weresãrã ejañũrã.

⁶¹ Āsũ ārĩñũrã:

—Īĩ āsũ ārĩmi: “Marĩpũya wiire bẽomasĩa. Ɛrenũ waaró merãta iri wiire dupaturi iri odomasĩa”, ārĩmi, ārĩñũrã.

⁶² Īgũsã irasũ ārĩmakũ pẽgũ, paía opũ wāgãñũgã, Jesũre ārĩyupũ:

—¿Īgũsãrẽ yũjuberi mũ? ¿Nasirirã mũrẽ irasũ ārĩ weresãrĩ? ārĩyupũ.

⁶³ Jesús gapũ yũjubiriyupũ. Īgũ yũjubirimakũ ĩāgũ, paía opũ ĩgũrẽ ārĩyupũ:

—Marĩpũ okanĩgũ pẽuro diaye wereka! ¿Mũta āārĩrĩ, Cristo Marĩpũ magũ? ārĩyupũ.

⁶⁴ Jesús ĩgũrẽ ārĩyupũ:

—Īgũta āārã mũ ārĩrõsũta. Idere mũsãrẽ werea. Pũru yũ āārĩpererã tĩgũrẽ Yũpũ turagũ diaye gapũ doamakũ ĩārãkoa. Ɛmũgasima mikãyebori weka yũ aarĩmakũdere ĩārãkoa, ārĩyupũ.

⁶⁵ Īgũ irasũ ārĩmakũ pẽgũ, paía opũ ĩgũ guarire ĩmugũ, ĩgũya surĩrore tũāyegue, āsũ ārĩyupũ:

—Īĩ irasũ ārĩ werenĩgũ, Marĩpũre ñerõ ārĩgũ yãmi. ¿Nasirimurã gajerã ĩgũrẽ weresãrĩrẽ neõ pẽnemobokuri marĩ? Mũsã, ĩgũ basita Marĩpũre ñerõ ārĩrĩrẽ pēsĩãa. ⁶⁶ ¿Naásũ gũñarĩ? ārĩyupũ.

—Marĩpũre ĩgũ ñerõ ārĩrĩ waja boaburo, ārĩ yũjũñũrã.

⁶⁷ Irasũ ārĩ odo, ĩgũ diapure síku eotũ, ĩgũrẽ doteñũrã. Gajerã ĩgũya diapure pá, ⁶⁸ āsũ ārĩñũrã:

—M_u Cristo ãârĩgú, ãrĩbokaka: “¿Noã murē pári?” ãrĩñurã.

Pedro Jesúre masĩkereg_u: “Masĩbea”, ãrĩdea
(Mr 14.66-72; Lc 22.56-62; Jn 18.15-18, 25-27)

⁶⁹ Iri wii poekague ĩgūsã irasiripoere Pedro disipuro ñajãrõma yebague doaníyuru. ĩgũ irogue doamakũ, sugo paía opure moãboego ĩgũ puro eja, ĩgũrē ãrĩyupo:

—Mude Jesús Galileamu merã ããrĩdita ããrã, ãrĩyupo.

⁷⁰ Igo irasũ ãrĩmakũ pégu, Pedro ããrĩpererã iro ããrĩã péurogue ãrĩgatori merã:

—M_u irasũ ãrĩrĩrē pémasĩbirikoa y_u, ãrĩyupo.

⁷¹ Puru iri wii turoma sãrĩrõ disipurogue waayuru. Irogue gajego ĩgūsãrē moãboego ĩgũrē ĩãgõ, iro ããrĩãrē ãrĩyupo:

—Jesús Nazaretm_u merã ããrĩdita ããrĩmi ĩĩ, ãrĩyupo.

⁷² Pedro ãrĩgatori merã dupaturi yujuyuru:

—Marĩpu péuro diayeta werea. Y_u ĩgũrē masĩbea, ãrĩyupo.

⁷³ Mérõgã puruta masaka irogue ããrĩã Pedro purogue waa, ĩgũrē ãrĩñurã:

—M_u diayeta Jesús buerã merãmuta ããrã. Pémasĩrõta ĩgūsã irirosũ werenía, ãrĩñurã.

⁷⁴ ĩgūsã irasũ ãrĩmakũ, Pedro yujuyuru:

—Marĩpu péuro diayeta werea. Y_u musãrē diaye werebirimakũ, Marĩpu yure wajamoãburo. ĩgũrē neõ masĩbea y_u, ãrĩyupo.

Ĩgũ irasũ ãrĩripoeta ãgãbo wereyuru. ⁷⁵ Pedro, ãgãbo weremakũ pégu, Jesús ĩgũrē: “Ãgãbo wereburo dupuyuro m_u yure masĩkereg_u, urea: ‘Masĩbea’, ãrĩgatogukoa”, ãrãdeare gũñabokayuru. Irire gũñaboka, wiria, bujawereri merã buru oreyuru.

27

Jesúre Pilato puro ãjjadea
(Mr 15.1; Lc 23.1-2; Jn 18.28-32)

¹ Boyodujimejãripoe ããrĩpererã paía oparã, judío masaka murã merã nerē: “Ãsũ iri, Jesúre wējērã”, ãrĩ ãmuñurã. ² Irasũ ãrĩ ãmu odo, Jesúre sia, ãiwãgã, Poncio Pilato wãikugure Judea nikũ marã opure wiañurã.

Judas Iscariote boadea

³ ĩgūsã Jesúre wējērãkuma, ãrĩrĩrē pégu, Judas gapu buru bujawereri merã ĩgũ Jesúre ĩmuadeare gũñayuru. Irasirigu treinta niyeru tiri plata merã iridea tiri ĩgūsã ĩgũrē wajariidea tirire paía oparãrē, judío masaka murãrē wiagu waayuru. Irogue eja, ĩgūsãrē ãrĩyuru:

⁴ —Y_u ñetariro iriakubu. Y_u ñerĩ iribire oparãguere wiadire: “Boaburo”, ãrãñurã, ãrĩyupo.

Ĩgũ irasũ ãrĩmakũ, ĩgũrē yujũñurã:

—M_u irasiriadea guaya meta ããrã. M_uya ããrã, ãrĩñurã.

⁵ ĩgūsã irasũ ãrĩmakũ pégu, Judas Marĩpuya wiigue niyeru tirire meéwasiribéo, waakõayuru. Waa, pũgubudare siasiu, ĩgũ basi ĩgũya wãnugũrē túsãnú, parimadija, boakõayuru.

⁶ Paía oparã niyeru tirire sea neeõrã, ãsũ ãrĩñurã:

—I niyeru ĩgūsã masakure wējëburi waja wajariadea ããrã. Irasirirã i niyerure Marĩpuya wiima duripĩri kũmague pímasĩbirikoa. Marĩrē doreri irasiridorebea, ãrĩñurã.

⁷ Puru ãsũ ãrĩñurã: “I niyeru merã diari sorori weaguya nikũrē wajariamakũ õãrokoa. Irasirirã gajero marã õõgue boamakũ, iri nikũ ĩgūsãrē yáaburi nikũ

ããrĩrokoa”, ãrĩñurã. ⁸ Irasirirã masaka iri nikũrẽ: “Dí béodea nikũ ããrã”, ãrĩ wãiyema. Daporaguedere irasũta wãikukõãa. ⁹ Ìgũsã irasirimakũ, Jeremías Marĩpũya kerere weredupuyudi gojaderosũta waabũ. Æsũ ãrĩ gojadi ããrĩmĩ: “Israel bumarã treinta niyeru tiri plata merã iridea tirire Ìgũrẽ wajarideare ãĩma. ¹⁰ Irasirirã iri tiri merã diari sorori weagũya nikũrẽ wajarima. Irasirirã, Marĩpũ yũre: ‘Æsũ irirãkuma’, ãrĩ gojadorederosũta yãma”, ãrĩ gojadi ããrĩmĩ.

Pilato Jesũre sãrẽñadea

(Mr 15.2-5; Lc 23.3-5; Jn 18.33-38)

- ¹¹ Pilato, Jesũre Ìgũ pũroque Ìgũsã ãĩjamakũ, Ìgũrẽ sãrẽñayupũ:
 –¿Mũta ããrĩrĩ judío masaka Opũ? ãrĩyupũ.
 –Mũ ãrĩrõsũta Ìgũta ããrã, ãrĩ yũjũyupũ Jesũs.
¹² Paía oparã, judío masaka mũrã Ìgũrẽ weresãrĩ gapũre yũjubiriyupũ.
¹³ Irasirigũ Pilato Ìgũrẽ ãrĩyupũ:
 –¿Æãrĩpereri Ìgũsã mũrẽ weresãrĩrẽ pãberĩ mũ? ãrĩyupũ.
¹⁴ Jesũs gapũ neõ yũjubiriyupũ. Ìgũ yũjubirimakũ Ìãgũ, Pilato Ìãgũkakõãyupũ.

Jesũre wẽjẽdoredea

(Mr 15.6-20; Lc 23.13-25; Jn 18.38-19.16)

¹⁵ Bojorikũ pascua bosenu ããrĩmakũ, Pilato sugũ peresugue ããrĩgũrẽ masaka wiudoregũre wiunayupũ. ¹⁶ Iripoere sugũ Barrabás wãikũgũ peresugue ããrĩyupũ. Masaka Ìgũ ñerõ irideare masĩñurã. ¹⁷ Irasirigũ Ìgũsã nerẽmakũ Ìãgũ, Pilato Ìgũsãrẽ sãrẽñayupũ:

–¿Nĩ gapũre yũ wiumakũ gããmerĩ mũsã? ¿Barrabãre, o Jesũs: “Cristo” Ìgũsã ãrĩgũ gapũre? ãrĩyupũ.

¹⁸ Wãrã masaka Jesũre bũremumakũ Ìãrã, oparã Ìgũrẽ Ìãturisĩã, Pilato pũroque ãĩãnerã ããrĩmã. Pilato gapũ Ìgũsã Ìãturirire masĩkõãyupũ. Irasirigũ Jesũre wiudũadiyupũ.

¹⁹ Pũrũ Pilato masaka weresãrĩrẽ beyerimasũ doarogue doaripoe, Ìgũ marãpo Ìgũrẽ kere iriuyupo: “Ìgũ diayema irigũre gajerosũ neõ iribirikõãka! Dapagã ñami Ìgũrẽ waaburire bũro goero kããkubũ”, ãrĩ kere iriuyupo.

²⁰ Paía oparã, judío masaka mũrã gapũ masakare ãsũ ãrĩdoreñurã: “‘Barrabãre wiuka, Jesũs gapũre wẽjẽka!’ ãrĩka!” ãrĩdoreñurã. ²¹ Pũrũ Pilato masakare dupaturi sãrẽñayupũ doja:

–¿Ìgũsã pãrãrẽ nĩ gapũre yũ wiumakũ gããmerĩ mũsã? ãrĩyupũ.

–Barrabás gapũre wiuka! ãrĩ yũjũñurã.

²² Ìgũsã irasũ ãrĩmakũ pãgũ, Pilato sãrẽñayupũ:

–¿Nasirigũkuri yũ, ñĩ Jesũs: “Cristo” Ìgũsã ãrĩgũ gapũre? ãrĩyupũ.

Æãrĩpererã:

–Curusague pãbiatũ wẽjẽka Ìgũrẽ! ãrĩ yũjũñurã.

²³ Irasirigũ Pilato ãsũ ãrĩyupũ:

–¿Ñeeno ñerĩrẽ iriari ñĩ, mũsã irasũ ãrĩmakũ? ãrĩyupũ.

Masaka gapũ dupaturi gainínemoñurã:

–Curusague pãbiatũ wẽjẽka Ìgũrẽ! ãrĩñurã.

²⁴ Ìgũsã Ìgũrẽ pãduabirimakũ, Ìgũsã guari merã gainĩmakũ pãgũ, Pilato dekore ãiwãgãridoreyupũ. Iri merã masaka Ìũrõ mojóko, ãsũ ãrĩyupũ:

–Ìrẽ waja opabire wẽjẽdoreri, yũ doreri meta ããrã. Mũsã doreri ããrã, ãrĩyupũ.

²⁵ Ìgũ irasũ ãrĩmakũ pãrã, ããrĩpererã masaka ãsũ ãrĩñurã:

—Gua murē ĩrē wějēdoreri waja, gua, gua pūrā āārĭpererā merā waja oparākoa, ārĭñurā.

²⁶ Ĩgūsā irasū ārĭmakū pégu, Pilato Barrabáre peresugue āārĭgūrē wiuyupu. Puru surarare Jesúre tārādore, ĩgūrē ĩgūsārē wiayupu, ĩgūrē curusague pábiatú wějēdoregu.

²⁷ Irasirirā surara Jesúre Pilatoya wiima yebague āijañurā. Iroque āārĭpererā surarare Jesús puro neeñurā. ²⁸ Puru ĩgūya surírore túwea āi, opuya suríro irirosū deyoriñe diariñerē ĩgūrē sãñurā. ²⁹ Pora merā iriadea berore ĩgūya dipurure peoñurā. Irasiri odo, yukure diaye gapu moásua, ĩgū puro ñadukapuri merā ejamejā, ĩgūrē ásū ārĭ buridañurā:

—Buremurā aarika judío masaka Opure! ārĭñurā.

³⁰ ĩgūrē síku eotú, ĩgūsā moásuadire tūāwea āi, irigu merāta ĩgūya dipurure pánañurā. ³¹ ĩgūrē burida odo, ĩgūsā sãdea surírore túwea, ĩgūya suríro gapure sãñurā doja. Sã odo, curusague pábiatú wějēmurā ĩgūrē āi wiriakōñurā.

Jesúre curusague pábiatúdea

(Mr 15.21-32; Lc 23.26-43; Jn 19.17-27)

³² ĩgūsā ĩgūrē āiwāgārā, sugu masakure Simón wāikugu Cirenemurē bokatĭrĭma. ĩgūrē Jesús kōādea curusare kōādorema.

³³ ĩgūrē irasū āiwāgārā, Gólgota wāikurogue āĭjama. “Gólgota”, ārĭrō: “Masaku dipuru boaweadea pero”, ārĭduaro yáa. ³⁴ Iroque eja, igui deko sãrĭ merā morēdeare Jesúre tĭādima. Jesús irire ĩrĭña, puru ĩrĭbirimi.

³⁵ ĩgūrē curusague pábiatú āiwāgūnú odo, surara ĩgū surí sãñadeare: “Ubu ārĭboka birarā: ‘¿Noārē dujarokuri?’” ārĭma, irire ĩgūsā basi gāme dukawamurā. ĩgūsā irasirirā, Marĭpuya kerere weredupuyudi gojaderosūta irima. Ásū ārĭ gojadi āārĭmĭ: “Yaa suríre ĩgūsā basi ārĭboka bira dukawarākuma”, ārĭ gojadi āārĭmĭ. ³⁶ Irasiriadero puru, surara curusa puro eja doama, Jesúre korerā. ³⁷ “ĭ ĩ ásū iridea waja boami”, ārĭrā: “ĭta judío masaka Opu āārĭmĭ”, ārĭ gojadea majĭrē curusague Jesúya dipuru weka pábiatúma.

³⁸ Pērā yajarimasādere curusarigue pábiatú āiwāgūnúma. Sugure ĩgū diaye gapu, gajigure ĩgū kúgapu pábiatú āiwāgūnúma. ³⁹ Masaka Jesús puro tariwāgānarā, ñerō ārĭ burida, ĩgūsāya dipure yure, ārĭma:

⁴⁰ —Mu ásū ārĭ werenĭbu: “Marĭpuya wiire béo, puru urenu waaró merāta iri wiire dupaturi iri odogukoa”, ārĭbu. Irasirigu mu basi tauka! Mu diayeta Marĭpu magū āārĭgū, curusague merā dijarika! ārĭma.

⁴¹ Irasūta paía oparā, Moisés gojadeare buerimasā, fariseo bumarā, judío masaka murāde ārĭ buridama. Ásū ārĭ gāme werenĭma:

⁴² —Gajerā gapure taumi. ĩgū basi gapu taumasĭbemi. “Israel bumarā Opu āārā”, ārĭmĭ. Irasirirā, curusague merā ĩgū dijarimakū ĩārā, marĭ ĩgūrē buremurākoa. ⁴³ ĩgū: “Marĭpure buremua, ĩgū magū āārā”, ārĭmĭ. Irasirigu ĩgū ārĭderosūta Marĭpu ĩgūrē maĭgū, iritamuburo, ārĭ buridama.

⁴⁴ Yajarimasā Jesús puro curusarigue pábiatú āiwāgūnúsuānerāde irasūta ĩgūrē ñerō ārĭ buridama.

Jesús boadea

(Mr 15.33-41; Lc 23.44-49; Jn 19.28-30)

⁴⁵ Goeripoe āārĭmakū, i nikū āārĭpererogue naĭtĭākōābu. Ure hora gora naĭtĭābu. ⁴⁶ Ure hora ejamakūta Jesús buro gainĭmi:

—Elĭ, Elĭ, ¿lama sabactani? ārĭmĭ. Irasū ārĭgū: “Yu Opu, yu Opu, ¿nasirigu yure béori mu?” ārĭgū irimi.

⁴⁷ Surāyeri irogue āārīrā, ĩgũ irasũ ārĩ gainĩmakũ pérā:

—Marĩpũya kerere weredupuyudire Elĩare siiugũ yāmi, ārĩma.

⁴⁸ Mata sugũ ĩgũsā merāmũ ũmawāgā, ĩgui deko piari yosadea yũsũre yukũ yuwague siatũ, āĩwāgā, Jesũre iirĩburo, ārĩgũ, soemuũmi. ⁴⁹ ĩgũ irasirimakũ ĩārā, gajerā gapũ āsũ ārĩma:

—Iropāta irika! Elĩas ĩgũrē taugũ aarimakũ ĩāñarā dapa marĩ, ārĩma.

⁵⁰ Jesũs dupaturi bũro gainĩnemo, kũmoakũāmi. ⁵¹ ĩgũ kũmomakũta, Marĩpũya wii poekama taribu disĩpũro kāmũtari gasiro ũmarũ gapũ merā yegue dijari, deko merā yeguesiajayuro. Nikũ bũro ñomebũ. Ũtāyeri pagayeride waariakũābũ. ⁵² Masāgoberi tũpākũāyuro. Wārā Marĩpũre bũremurā boanerā masāñurā. ⁵³ Jesũs masādero pũrũ, ĩgũsā masāgoberigue āārĩnerā wiria, Marĩpũya makāgue Jerusalēgue waañurā. ĩgũsā irogue ejamakũ, masaka wārā ĩgũsārē ĩāñurā.

⁵⁴ Romano marā surara opũ ĩgũyarā surara merā Jesũre koreanerā, nikũ ñomemakũ, āārĩpereri irasũ waarĩre ĩārā, bũro gũka, gũiri merā āsũ ārĩma:

—Ĩ diayeta Marĩpũ magũ āārādañumi, ārĩma.

⁵⁵ Wārā nome yoaweyarogue Jesũre ĩũnĩma. ĩgũsā Galileague Jesũre irita-mugorenanerā nome āārĩmā. ⁵⁶ ĩgũsā nome watopeguere Marĩa Magdalena wāĩkũgo, gajego Marĩa wāĩkũgo Santiago, Josē pago, gajego Zebedeo marāpo āārĩmā.

Jesũya dupũre masāgobegue pĩdea

(Mr 15.42-47; Lc 23.50-56; Jn 19.38-42)

⁵⁷ Pũrũ naĩmejāripoe āārĩmakũ, Josē wārĩ opagũ, Arimatea wāĩkũri makāmũ irogue ejami. ĩgũ Jesũs buerire tuyagũ āārĩmĩ. ⁵⁸ Irasirigũ Pilato pũrogue waa, Jesũya dupũre yāabu sērēyupũ. ĩgũ ārĩ sērēmakũ pégũ, Pilato surarare Jesũya dupũre sĩdoreyupũ ĩgũrē. ⁵⁹ Irasirigũ Josē waa, Jesũya dupũre āĩdiju, ōārĩ surĩro gasiro gurari marĩrĩ gasiro merā ĩgũya dupũre ōmayupũ. ⁶⁰ Ōma odo, ĩgũrē yāabodea masāgobegue pĩyupũ. Iri gobe, maama gobe ũtāyegue mádea gobe āārĩyuro. Irogue Jesũya dupũre pí odo, wārĩ majĩ ũtā majĩ merā iro ñajārũrē ōārũ biakũā, waakũāyupũ. ⁶¹ ĩgũ irasiriripoe Marĩa Magdalena, gajego Marĩa merā iri gobe bokatiũrũ ĩũdoanĩñurā.

Surara Jesũya dupũre pĩdea gobere koredea

⁶² Gajinũ gapũ judĩo masaka siuñajārĩnũ* āārĩmakũ, paía oparā, fariseo bumarā Pilato pũrogue waañurā. ⁶³ Āsũ ārĩñurā Pilatore:

—Gũa opũ, sũũ āārĩdi okagugue ārĩgatorikũgũ ārĩdeare gũa gũñāa. Āsũ ārĩmi: “Yũ boa, ũrenũ pũrũ masāgũkoa”, ārĩmi. ⁶⁴ Irasirigũ mũyarā surarare ũrenũgora ĩgũya dupũre píaderogue koredoregũ iriuka, ĩgũ buerā ñami merā ĩgũya dupũre yajabirikũāburo, ārĩgũ! ĩgũsā yajadero pũrũ masakare: “Jesũs boadigue masākũāmi”, ārĩbokuma. Irasiriro ĩgũ ārĩgatodea nemorũ ĩgũsā ārĩgatori gapũ ñetarirokoa, ārĩñurā.

⁶⁵ ĩgũsā irasũ ārĩmakũ, Pilato yujayupũ:

—Jāũ, ĩĩsā yaarā surara ōũgue āārĩma. ĩgũsārē āĩaka, iri masāgobe gajerosũ waari, ārĩrā! Irasirirā mũsā bokatiũrũ ĩgũsārē koredoreka! ārĩyupũ.

⁶⁶ ĩgũ irasũ ārĩmakũ, ĩgũsā waa, iri gobe biadea ũtā majĩrē ōārũ wĩtābiatoñurā, masaka ĩgũsā ñajādeare ĩāmasĩrāra, ārĩrā. Irasũ āārĩmakũ, surarare iri gobere ōārũ koredoreñurā.

* 27:62 Judĩo masaka siuñajārĩnũ, sábadũ āārā.

28

Jesús masãdea

(Mr 16.1-8; Lc 24.1-12; Jn 20.1-10)

¹ Judío masaka siuñajārīnu p̄ru, gajinu boyodujimejāripoe gaji semana ñajārīnu āārīmakū, María Magdalena, gajego María merā Jesúre pídea gobere ĩārā waañurā. ² Gũñaña marĩrõ nikū buro ñomeyuro. Irasũ waaripoe marĩ Opure wereboegu ãmugasigue merā dijari, masãgobere ĩgũsã biadea ãtã majĩrẽ tũpã, iri majĩ weka doayupu. ³ ĩgũ bupu miārõsũ õārõ gosewasirigu āārĩyupu. ĩgũya surĩro õārõ borero āārĩyuro. ⁴ Surara iri gobere koreanerã ĩgũrẽ ĩārã, buro gũiri merã narada, kõmorã irirosũ waañurã. ⁵ P̄ru Marĩp̄re wereboegu iroque ĩārã waanerã nomerẽ ārĩyupu:

–Gũibirikõãka! Yu masĩa, m̄sã Jesús ĩgũsã curusague pábiatú wějẽadire ãmarã yãa. ⁶ ĩgũ õõrẽ mámi. ĩgũ ārĩderosũta masãsiami. ĩgũya dupure ĩgũsã píaderore ĩārã aarika! ⁷ P̄ru mumurõ merã ĩgũ buerãrẽ: “Ĩgũ boadi āārĩkeregũ, masãmi. M̄sã dupuyuro Galileague waagũkumi. Iroque ĩgũrẽ ĩārãkoa”, ārĩ wererã waaka! Irire m̄sarẽ weregu aarigú iriabu, ārĩyupu Marĩp̄re wereboegu.

⁸ ĩgũ irasũ ārĩmakū pérã, masãgobere ĩārã waanerã nome gũikererã, mumurõ merã usuyari merã Jesús buerãrẽ wererã ãmadujãañurã. ⁹ ĩgũsã ãmadujãarã nomerẽ Jesús ĩgũsarẽ bokatĩrĩ, õãdoreyupu. ĩgũrẽ ĩārã, ĩgũ p̄ro ñadũkupuri merã ejamejã, ĩgũya guburire ñeã, ĩgũrẽ buremuñurã.

¹⁰ Jesús ĩgũsarẽ ãsũ ārĩyupu:

–Gũibirikõãka! Yaarã yu buerãrẽ: “Galileague waaka!” ārĩ wererã waaka! Iroque yure ĩārãkuma, ārĩyupu.

Surara ĩgũsã ĩãdeare weredeã

¹¹ ĩgũsã nome Jesús buerãrẽ wererã waaripoe surãyeri surara masãgobere koreanerã Jerusalẽgue waañurã. Iroque eja, paía oparãrẽ āārĩpereri masãgobegue waadeare werepeokõañurã. ¹² ĩgũsã irasũ ārĩ weremakū pérã, paía oparã, judío masaka m̄rã merã nerẽñurã. Irasirirã ĩgũsã: “¿Nasirirãkuri?” ārĩ ãmu odo, surarare wáro niyerure sĩ, ¹³ ãsũ ārĩñurã:

–Masakare ãsũ ārĩka: “Ñami merã gũã kãrĩripoe Jesús buerã masãgobegue eja, ĩgũya dupure yajakõãnerã āārãma”, ārĩka! ¹⁴ Pilato m̄sã irasũ ārĩ kerere pémakū, gũã ĩgũ merã werenĩrãkoa, m̄sarẽ wajamoãbirikõãburo, ārĩrã, ārĩñurã.

¹⁵ ĩgũsã irasũ ārĩmakū pérã, surara niyerure ñeã, waakõãñurã. P̄ru paía oparã ĩgũsarẽ weredoreaderosũta gajerãrẽ wereñurã. Irasirirã, ĩgũsã irasũ ārĩrĩ kerere wãrã judío masaka pénerã āārĩmã. Daporaguedere ĩgũsã ārĩgatodeare buremukõãma dapa.

Jesús ĩgũ buerãrẽ ĩgũyare buedoregũ pídea

(Mr 16.14-18; Lc 24.36-49; Jn 20.19-23)

¹⁶ P̄ru gũã Jesús buerã pe mojõma pere su gubu suru p̄rẽbejarã Galileague waa, buúrugue ĩgũ gũare waadoredea buúrugue waabu. ¹⁷ Iroque eja, Jesúre ĩārã, ĩgũrẽ buremubu. Surãyeri gũã merã waanerã gapu: “¿Ĩgũta āārĩkuriye ĩĩ?” ārĩ gũñama. ¹⁸ Irasirigu Jesús gũã p̄ro aari ejanugã, ãsũ ārĩmi:

–Yupu yure āārĩpererogue i nikũ, ãmugasiguedere dorebure sóosiami.

¹⁹ Irasirirã āārĩpereri buri marã masakare yaa kerere buerã waaka, ĩgũsãde m̄sã irirosũta yaa buerire tũyaburo, ārĩrã! Yupu wãĩ merã, yu wãĩ merã, Õãgũ deyomarĩgũ wãĩ merã ĩgũsarẽ deko merã wãiyeka! ²⁰ Āārĩpereri yu m̄sarẽ doredeare ĩgũsarẽ bueka, irire iriburo, ārĩrã! Ire masĩka m̄sã! Yu m̄sã merã

ããĩĩkõãgukoa. I ãmã pereadero puruguedere musã merã ããĩĩkõãgukoa, ãĩĩ
weremi guare Jesús.
Iropãta ããã.

SAN MARCOS

Juan masakare wāiyerimasā buedea

(Mt 3.1-12; Lc 1.80; 3.1-9, 15-17; Jn 1.19-28)

¹ Marīpɛ magū Jesucristoya kere wereri, āsū nɛgādero āārībá:

² Iripoegue Isaías Marīpɛya kerere weredupuyudi, Marīpɛ ĩgū magūrē ārīdeare gojadi āārīmí. Marīpɛ ĩgū magūrē āsū ārīdi āārīmí:

Mɛ waaburo dupuyuro yaa kerere weredupuyubure iriugɔkoa, mɛ waaburore āmuyudoregɛ.✠

³ ĩgū masaka marīrōgue bɛro gainírī merā āsū ārī weregɔkumi:

“Marī Opɛ aariburi dupuyuro ĩgū aariburi maarē diayema maa ōārī maa āmurā irirosū diayemarē irika!” ārī gainígɔkumi, ārī gojadi āārīmí.✠

⁴ Irasirigɛ Juan masaka marīrōgue masakare wāiyepɛroriwāgārigɛ, āsū ārī werenayupɛ ĩgūsārē:

—Mɛsā ñerō irideare bɛjawereka! Mɛsā gūñarīrē gorawayuka! Deko merā wāiyesūanerā dujaka! Irasirirā mɛsā ñerō irideare kātisūrākoa. ⁵ Āārīpererā Judea nikū marā, Jerusalén marāde ĩgū wererire pérā ejañurā. ĩgūsā ñerō irideare Marīpɛre weretaripeomakū ĩāgū, Juan ĩgūsārē dia Jordán wāikɛdiyague wāiyeyupɛ.

⁶ Juāya surí camellua poari merā suadea āārīyuro. ĩgūya yɛjɛwēñarīda waibɛ gasiro merā irideada āārīyuro. Poreroa, mume makānɛm marāyare baarikɛyupɛ. ⁷ Masakare āsū ārī werenayupɛ:

—Gajigɛ yɛ pɛrɛ aaribu, yɛ nemorō turagɛ āārīmí. Yɛ gapɛ ubu āārīgú, ĩgūrē neō sɛropebirikoa. ⁸ Yɛ mɛsārē deko merā wāiyea. ĩgū gapɛ Ōāgū deyomarīgū merā wāiyegɔkumi. Irasirigɛ Ōāgū deyomarīgū mɛsā merā āārīnikōāgɔkumi mɛsārē iritamubu, ārīyupɛ.

Juan Jesúre deko merā wāiyedea

(Mt 3.13-17; Lc 3.21-22)

⁹ Iripoere Jesús Galilea nikūma makā, Nazaret wāikɛri makāgue āārādi, Juan pɛroegue ejayupɛ. ĩgū ejamakū, Juan ĩgūrē dia Jordán wāikɛdiyague wāiyeyupɛ. ¹⁰ ĩgū wāiye odomakū, Jesús diague āārādi majānɛgāgūta ũmɛgasi tūpāmakū ĩāyupɛ. Ōāgū deyomarīgū buja irirosū deyogɛ ĩgū weka dijariyupɛ.

¹¹ Irasū waaripoe Marīpɛ ũmɛgasigue merā Jesúre āsū ārī wereniyupɛ:

—Mɛ yɛ magū, yɛ māīgū āārā. Mɛ merā bɛro ɛsɛyāa, ārīyupɛ.

Wātī Jesúre ārīmesādidea

(Mt 4.1-11; Lc 4.1-13)

¹² Jesúre Juan wāiyeri pɛrɛgāta Ōāgū deyomarīgū masaka marīrōgue āāyupɛ.

¹³ Irasirigɛ Jesús iroegue waa, cuarenta nɛrīgora makānɛm marā waimɛrā guarā watopegue āārīyupɛ. ĩgū iroegue āārīmakū, wātēa opɛ Satanás wāikɛgɛ ĩgūrē ārīmesādiyupɛ. Marīpɛre wereboerā ĩgūrē iritamurā ejañurā.

Jesús Galilea nikūgue masakare buenɛgādea

(Mt 4.12-17; Lc 4.14-15)

¹⁴ Herodes Juārē peresugue sóodobodero pɛrɛ, Jesús Galilea nikūgue masakare Marīpɛya kerere weregorenagū wāgāyupɛ. ¹⁵ Āsū ārī werenayupɛ:

—Marīpɛ iripoegue: “Āsū waarokoa”, ārīdea ejasiāa. Daporare mérōgā dɛyāa, ĩgūyarārē doreri ejaburo. Irasirirā mɛsā ñerō iririre bɛjawereka!

Musã güñarĩrẽ gorawayuka! Īgũ masakare tauri kere gapure buremuka! ãrĩyupu Jesús.

Jesús wapikurã waaí wējērĩmasārẽ siiudea
(Mt 4.18-22; Lc 5.1-11)

¹⁶ Puru Jesús Galilea wāikuri ditaru turo waagú, Simōrẽ, ĩgũ pagumu Andrere bokajayupu. Īgũsã waaí wējērĩmasã ãārĩsĩã, ditarugue ĩgũsãya buidire meéyorã iriñurã. ¹⁷ Jesús ĩgũsārẽ ãsũ ãrĩyupu:

—Naka, yu merã! Daporare musārẽ waaí wējērĩmasã ãārĩrĩrẽ piri, masakare Marĩpuya kerere wererimasã ãārĩmakũ irigukoa.

¹⁸ Īgũ irasũ ãrĩmakũ pérã, mata ĩgũsãya buiriyukure irota píkõã, ĩgũ merã waakõãñurã.

¹⁹ Puru Jesús yoawayaro waa, Zebedeo pũrã Santiagore, ĩgũ pagumu Juãrẽ doódirugue ĩgũsãya buiriyukure ãmu sãñanĩmakũ ĩãyupu. ²⁰ Jesús ĩgũsārẽ si-iuyupu. Īgũ siiumakũ pérã: “Jãu”, ãrĩ, ĩgũsãya doódirugue ĩgũsã pagu Zebedeore, ĩgũrẽ iritamurã merã pí, Jesús merã waakõãñurã.

Wãtĩ ñajãsũdi Jesũre bokatĩrĩdea
(Lc 4.31-37)

²¹ Īgũ merã waa, Capernaum wāikuri makãgue ejañurã. Iroque judío masaka siuñajãrĩnu* ãārĩmakũ, Jesús ĩgũsã nerẽrĩ wiigue† ñajãa, masakare buenugãyupu. ²² Moisés gojadeare buerimasã irirosũ buebiriyupu. Ōãrõ doreri opagu irirosũta bueyupu. Īgũ irasũ buemakũ pérã, pégukakõãñurã. ²³ Iri wiiguere ĩgũsã merã sugu wãtĩ ñajãsũdi ãārĩyupu. ãsũ ãrĩ gainiyupu:

²⁴ —Jesús Nazaretmu, ¿nasiribu gu pũro aarĩri? ¿Guare peamegue béogu aarigú yári? Yu murẽ ĩãmasĩkõãa. Mu, Mupu iriudi, õatarigu ããrã, ãrĩyupu.

²⁵ Jesús wãtĩrẽ:

—Werenĩbita! Wirika ĩgũrẽ! ãrĩyupu.

²⁶ Īgũ irasũ ãrĩmakũ pégu, wãtĩ masakure meemejã, naradamakũ iri, bũro gainí, wiriakõãyupu. ²⁷ Jesús wãtĩrẽ béowiumakũ ĩãrã, ãārĩpererã masaka ĩãguka, ĩgũsã basi ãsũ ãrĩ gãme sērẽñañurã:

—¿Ñeeno ãārĩrĩ, ñeeno maama bueri ãārĩrĩ i? Ĩĩ wãtẽãrẽ ĩgũ turaro merã wiridoremakũ, neõ ĩgũrẽ tarinugãbema, ãrĩñurã.

²⁸ Mérõgã puruta ãārĩperero Galilea nikũ marã Jesús iriadea kerere péseyakõãñurã.

Jesús, Simón Pedro máñekõrẽ taudea
(Mt 8.14-15; Lc 4.38-39)

²⁹ Jesús nerẽrĩ wiigue ããrãdi Santiago, Juan merã wiria, Simón, Andrėja wiigue waayupu. ³⁰ Simón máñekõ bũro nimakurikugo peyarogue oyayupo. Irasirirã Jesũre: “Sĩrĩgõ yãmo”, ãrĩ wereñurã. ³¹ Irasũ ãrĩmakũ pégu, Jesús igo pũro ejanugã, igoya mojõrẽ ñeã tããwãgũnúmakũta nimakuri tariakõãyuro. Iri tarimakũ, ĩgũsārẽ baari ejoyupo.

Jesús wãrã pũrĩrikurãrẽ taudea
(Mt 8.16-17; Lc 4.40-41)

³² Abe ñajãdero puru naĩmejãripoe iri makã marã ãārĩpererã pũrĩrikurãrẽ, wãtẽa ñajãsũnerãdere Jesús pũroque ãĩjañurã. ³³ Irasirirã ãārĩpererã iri makã marã ĩgũ ãārĩrĩ wii disipũroque nerẽñurã. ³⁴ Jesús wãrã pũrĩrikurãrẽ tauyupu.

* **1:21** Judío masaka siuñajãrĩnu, sábado ããrã. † **1:21** Judío masaka nerẽrĩ wii, sinagoga wāikuri wii ããrã. Iroque ĩgũsã siuñajãrĩnu ãārĩmakũ nerẽ, Marĩpuya werenĩrĩ gojadea pũgue gojadeare buenama.

Wárã wátëa masakare ñajãnerãdere béowiuyupũ. Wátëa, Jesús Marĩpũ magũ ããrĩrĩrẽ masĩñurã. Irasirigũ Jesús: “Werenímerãta!” ãrĩyupũ.

Jesús Galilea nikũgue masakare buedea

(Lc 4.42-44)

³⁵ Jesús gajinũ gapũ naĩtĩãweyaripoegãta yobe, iri makã tũro masaka marĩrõgue Marĩpũre sërëgũ waayupũ. ³⁶ Simón, ãgũ merãmarã merã Jesús marĩmakũ ããgũ, ãgũrẽ ãmagũ waayupũ. ³⁷ ãgũrẽ bokagũ:

– ããrĩpererã masaka mũrẽ ãmarã iriama, ãrĩyupũ.

³⁸ ãgũ irasũ ãrĩmakũ, Jesús ãsũ ãrĩyupũ:

– Náka, gaji makãrĩ õõ pũro weya ããrĩrĩ makãrĩ marãdere buegũ waadũakoa. Ire iributa i ãmũguere aaribũ.

³⁹ Irasirigũ ããrĩperero Galilea nikũgue judío masaka nerẽrĩ wiirigũe buegorenagũ, wátëa masakare ñajãnerãrẽ béowiunayupũ.

Jesús kãmi boagũre taudea

(Mt 8.1-4; Lc 5.12-16)

⁴⁰ Jesús irasiriripoe sugũ kãmi boagũ ãgũ pũro eja, ñadũkupuri merã ejamejãja, ãgũrẽ sërëyupũ:

– Mũ, yũ pũrĩrikũrĩre taudũagũ taumasĩa, ãrĩyupũ.

⁴¹ ãgũ irasũ ãrĩmakũ pégũ, Jesús bũro bopoñarĩ merã ãgũrẽ ãã, ãgũya mojó merã moãña, ãsũ ãrĩyupũ:

– Mũrẽ taugũra. Kãmi marĩgũ dujaka!

⁴² ãgũ irasũ ãrĩrĩ merãta kãmi yaripereakõãyuro. Irasirigũ kãmi marĩgũ dujayupũ. ⁴³⁻⁴⁴ Jesús ãgũrẽ turaro merã ãsũ ãrĩyupũ:

– Gajerã masakare mũ tariadeare werebirikõãka! Paĩ pũrogue mũya kãmi yariadeare ãgũrẽ ãmugũ waaka, ãgũ mũrẽ: “Õãa, kãmi marĩgũ ããrã”, ãrĩburo, ãrĩgũ! ãgũ irasũ ããdero pũrũ, Moisés gojadea pũgue sídoredeare síka! Mũ irire irimakũ ããrã, masakade mũya kãmi yariadeare masĩrãkuma.

⁴⁵ Jesús ãgũrẽ: “Gajerãrẽ yũ mũrẽ tauadeare werebirikõãka!” ãrĩkererũrũ, kãmi boadi gapũ irire masaka ããrĩperero marãrẽ werepũroriyupũ. Irasirigũ Jesús masaka ãũrõ makãrĩguere ñajãmasĩbiriupũ. Makã tũrogue dita waanayupũ. Irogue ãgũ ããrĩkererũrũ, masaka ããrĩperero marã ãgũ pũrogue ããrã ejanañurã.

2

Jesús dupũ bũadire taudea

(Mt 9.1-8; Lc 5.17-26)

¹ Mërõgã pũrũ Jesús dupaturi Capernaugue goedujáayupũ. ãgũ goejadero pũrũ, iro marã masaka ãgũ wiigũe ããrĩrĩrẽ masĩñurã. ² Irasirirã mata wárã masaka iri wiire nerẽ, disipũrogueta utũriwirinũgãjakõãñurã. Jesús ãgũsãrẽ Marĩpũya kerere weregũ iriyupũ. ³ ãgũ wereripoe wapikũrã ãma dupũ bũadire Jesús pũrogue ããjañurã. ⁴ Masaka wárã ããrĩmakũ, ãgũrẽ ããñãmasĩbiriñurã. Irasirirã iri wii wekagũe mũrĩa, Jesús weka su gobe ããwea, ãgũ oyaro merãta ãgũrẽ dijuñurã. ⁵ Jesús, ãgũsã ãgũrẽ bũremumakũ ããgũ, bũadire ãsũ ãrĩyupũ:

– Yũ, mũ ñerõ irideare kãtia.

⁶ ãgũ irasũ ãrĩmakũ pérã, surãyeri Moisés gojadeare buerimasã iri wiigũe doarã Jesũre ãsũ ãrĩ gũñañurã: ⁷ “¿Nasirigũ ãã ãgũ werenĩrĩ merã Marĩpũre ñerõ ããrĩrĩ? Masaka ñerõ irideare neõ sugũ masakũ kãtimasĩbirikumi. Marĩpũ sugũta masĩkumi”, ãrĩ gũñañurã. ⁸ Jesús ãgũsã gũñarĩrẽ ããmasĩ, ãsũ ãrĩyupũ:

—¿Nasirirã irasũ gũñarĩ musã? ⁹ ¿Naásũ ãrĩrĩ gapu diasaberi ñ bũadire: “Yũ, mu ñerõ irideare kãtia”, ãrĩrĩ, o “Wãgãnuãgã, mu oyarore ãikõã waaka!” ãrĩrĩ gapu diasaberi? ¹⁰ Yũ ããrĩpererã tĩgũ i mũmũgue ããrĩrãrẽ ãgũsã ñerõ irideare Marĩpu dorero merã kãtimasã. Irasirigu ñ bũadire taugũra, musãrẽ irire masĩdoregu, ãrĩyupu. Irasũ ãrĩ odo, bũadire ãrĩyupu:

¹¹ —Yũ murẽ ãsũ ãrã: Wãgãnuãgã, mu oyaderore ãikõã, mũa wiigue waaka!

¹² Ìgũ irasũ ãrĩrĩ merãta ããrĩpererã masaka ñũrõ wãgãnuãgã, ãgũ oyaderore ãrĩ, waakõãyupu. Irasiririre ñãrã, ñãgũka, Marĩpũre: “Õãtaria mu, neõ ãsũ iririnorẽ ñãñamerã ããrĩbũ”, ãrĩ, mũyari sĩñurã.

Jesús Levíre siiudea
(Mt 9.9-13; Lc 5.27-32)

¹³ Pũru Jesús dupaturi ditaru tũrogue waayupu. Irogue wãrã masaka ãgũ pũro nerẽmakũ ñãgũ, ãgũsãrẽ bueyupu. ¹⁴ Pũru iro ããrãdi waa, Alfeo magũrẽ Levi* wãikũgũre ãgũ moãrĩ taribugue doagũre ñãyupu. Ìgũ romano marã opũre niyeru wajaseabosagu ããrĩyupu. Jesús ãgũrẽ ñã:

—Nãka, yũ merã! ãrĩyupu.

Ìgũ irasũ ãrĩmakũ pẽgu, Levi wãgãnuãgã, ãgũ merã waakõãyupu.

¹⁵ Jesús Levíya wiigue waamakũ ñãrã, wãrã niyeru wajaseabosarimasã, gajerã ñerõ irirãde ãgũrẽ tũyañurã. Levíya wiigue eja, Jesús ãgũsã merã ãgũ buerã merã baa doaníyupu. ¹⁶ Jesús ãgũsã merã baa doanímakũ ñãrã, fariseo bumarã, Moisés gojadeare buerimasãde Jesús buerãrẽ ãsũ ãrĩñurã:

—¿Nasirigu musãrẽ buegu niyeru wajaseabosarimasã, ñerõ irirã merã iiri, baari?

¹⁷ Ìgũsã irasũ ãrĩmakũ pẽgu, Jesús ãrĩyupu:

—Pũrĩrĩ marĩrã kũririmasũrẽ ãmabema. Pũrĩrikurã gapu ãgũrẽ ãmama. Yũ: “Õãrã ããrã”, ãrĩ gũñarãrẽ siiugu aaribiribu. “Ñerõ irirã ããrã”, ãrĩ gũñarã gapũre siiugu aaribũ, ãrĩyupu.

Jesúre bererimarẽ sãrẽñãdea
(Mt 9.14-17; Lc 5.33-39)

¹⁸ Juan buerã, fariseo bumarãde bererã iriñurã. Irasirirã gajerã masaka Jesús pũro eja, ãgũrẽ sãrẽñãñurã:

—Juan buerã, fariseo bumarã buerire tũyarãde Marĩpũre bũremurã bere-nama. ¿Nasirirã mu buerã gapu ãgũsã irirosũ iriberi?

¹⁹ Jesús ãgũsãrẽ yũjũyupu:

—Sugu mojõsiadi bosenu irimakũ, ãgũ siiuanerã ãgũ merã ããrĩrã, bere-birikuma. ²⁰ Pũru ãgũrẽ gajerã ããmakũ, bũro bũjawereri merã bererãkuma.

²¹ Masaka maama suríro gasiro merã bũgũñerẽ seretúbirikuma. Irasũ seretúmakũ, maama gasiro ãgũsã koadero pũru, tũãneeõ, bũgũñerẽ wãri gobe yeguenemomakũ irikoa. ²² Waimurã gasiri merã iridea ajuri bũgu ajurigue maama igui dekore diribirikuma. Irasũ dirimakũ, maama igui deko pãmu, bũgu ajuro sãrãturabiri, ooreakõãkoa. Irasiro igui deko, ajurode kõmokoã. Irasirirã maama igui dekore maama ajurogue diriro gããmea, ãrĩyupu†.

Siuñajãrĩñũ ããrĩmakũ, Jesús buerã trigo yerire tãrĩdea
(Mt 12.1-8; Lc 6.1-5)

* **2:14** Levi pe wãr opayupu. ãgũta Mateo wãikũyupu. † **2:22** Fariseo bumarã, Moisés gojadeare buerimasã iripoegue marã iriunadeama bueri, maama bueri merã buemorẽdũamakũ ñãgũ, irasũ ãrĩyupu Jesús.

²³ Sunu, judío masaka siuñajārīnu āārīmakū, Jesús trigo otedero watope waamakū, ĩgū buerā trigo yerire tūrī, koro, baawāgāñurā‡. ²⁴ Fariseo bumarā, Jesús buerā irasirimakū ĩārā, Jesúre ārīñurā:

–Īāka! ¿Nasirirā siuñajārīnurē moādorebirikerepuru, mu buerā irasū yári?

²⁵ Jesús ĩgūsārē yujuyupu:

–¿Iripoegue opu David ĩgū merāmarā merā uaboagu, ĩgū irideare buebiriri?

²⁶ ĩgū merāmarā merā Marīpuya wiigue ñajāa, Marīpu ĩūrō peyari pā duparure baadi āārīmí. Abiatar paía opu āārīripoe irasiridi āārīmí. Marīpu paía āārīmerārē: “Iri pā duparure baabirikōāka!” ārīdi āārīmí. David gapu paí āārībirikeregu, irire baagu, Marīpu ĩūrō ĩgū dorerire tarinugāgū meta iridi āārīmí, ārīyupu.

²⁷ Irasū ārī odo, āsū ārīyupu doja:

–Iripoegue Marīpu masakaya āārīburire siuñajārīnurē ĩgūsārē pídi āārīmí. Masaka gapu inunorē ĩgūsā iriburire doremasībema. ²⁸ Yu āārīpererā tīgū āārīsīā, siuñajārīnurē masakare gajino ĩgūsā iriburire doremasīā, ārīyupu Jesús.

3

Jesús mojō dííweredire taudea

(Mt 12.9-14; Lc 6.6-11)

¹ Gajinu Jesús judío masaka nerērī wiigue ñajāyupu doja. Iri wiigue sugu masakū diayema mojō gapu dííweredi āārīyupu. ² Fariseo bumarā, Moisés gojadeare buerimasā Jesúre ĩaduripítuya: “Siuñajārīnu āārā, irasirirā ĩi mojō dííweredire ĩgū taumakū ĩgūrē weresārā!” ārī gūñañurā. ³ Jesús mojō dííweredire:

–Wāgānugā, masaka ĩūrōgue ejanugāgū aarika! ārīyupu. ⁴ Irasū ārī odo, gajerā iri wii āārīrārē āsū ārī sērēñayupu:

–¿Siuñajārīnurē Marīpu marīrē ñeénorē iridoreyuri, oārīrē, o ñerīrē, masakare taurire, o wējērīrē?

ĩgūsā gapu ĩgūrē yujubiriñurā. ⁵ Irasirigu Jesús ĩgūsārē guari merā ĩāyupu. ĩgūsā pémasīduabirimakū ĩāgū, bujawereyupu. Irasirigu mojō dííweredire:

–Muya mojōrē soeoka! ārīyupu.

ĩgū irasū ārīmakū pégu, soeoyupu. ĩgū soeomakū, ĩgūya mojō oākōāyuro. ⁶ Irire ĩārā, fariseo bumarā iri wiigue āārānerā wiria, Herodes merāmarā merā nerē: “¿Nasirisīā, marī ĩgūrē wējērākuri?” ārī gāme wereniñurā.

Jesús ditaru turogue wārā masakare buedea

⁷ Jesús gapu ĩgū buerā merā ditaru turogue waakōāyupu. Gajerā masaka Galilea nikū marā wārā ĩgūrē tuyañurā. ⁸ Judea nikū marā, Jerusalén marā, Idumea nikū marā, dia Jordán wāikūdiya gajī koepu marā, gajerā Tiro, Sidón wāikūri makārī turo marāde Jesús iriri kerere pérā, ĩgūrē ĩārā ejañurā. ⁹⁻¹⁰ Jesús wārā pūrīrikurārē taugu iriyupu. ĩgū irasū taumakū ĩārā, āārīpererā pūrīrikurā ĩgū purogue ejanugāñurā ĩgūrē moāñamurā. Irasirigu, ĩgūsā wārāgora āārīmakū ĩāgū, Jesús ĩgū buerārē suru doódirure āmudoreyupu, masaka ĩgūrē kūñarōgāgora ejanugābirikōāburo, ārīgū. ¹¹ Wātēa ĩgūrē ĩā, ĩgū ĩūrō ñadukupuri merā ejamejā:

–Mu ũmugasigue marā opu magū āārā, ārī gainiñurā.

¹² ĩgūsā irasū ārīmakū, Jesús wātēārē turaro merā:

‡ 2:23 Deuteronomio 23.25: Moisés gojadea pūgue āsū ārī gojasūdero āārībú: “Sugu masakū gajiguya poegue waagú, ĩgūya mojōrī merāta trigo yerire tūrī, koro, baaburo. Wiirimajī merā diti āābirikōāburo”, ārī gojasūdero āārībú.

–Yaamarē werenímerāta! āriyupũ.

Jesús pe mojõma pere su gubu peru pērēbejarã ĩgũ buedoregũ pĩmurārē beyedeã (Mt 10.1-4; Lc 6.12-16)

¹³ Gajinũ Jesús buúru wekague marĩa, ĩgũ gããmerārē siiuyupũ. ĩgũ siiu-makũ pé, ĩgũ pũro nerēñurã. ¹⁴ Irasirigũ Jesús pe mojõma pere su gubu peru pērēbejarã ĩgũ merã āārĩmurārē, Marĩpũya kerere ĩgũ buedoremurārē beyeyupũ. ¹⁵ ĩgũsārē ĩgũ turarire sĩyupũ, pũrĩrikurārē tau, wātẽa masakare ñajãnerãdere béowiuburo, āriĩgũ.

¹⁶ Āsũ wãĩkurã āārĩñurã: Simón wãĩkũgũ āārĩyupũ. ĩgũrẽta “Pedro” wãĩyeyupũ Jesús. ¹⁷ Gajigũ Santiago, ĩgũ pagũmũ Juan ĩgũsã Zebedeo wãĩkũgũ pũrã āārĩñurã. Jesús ĩgũsārē “Boanerges” wãĩyeyupũ. “Boanerges”, ārĩrõ: “Bupua masã”, ārĩduaro yãa. ¹⁸ Gajerã: Andrés, Felipe, Bartolomé*, Mateo, Tomás, Santiago āārĩñurã. Santiago, Alfeo magũ āārĩyupũ. Gajerã: Tadeo, Simón āārĩñurã. Simón, celote wãĩkũri bumũ āārĩyupũ. ¹⁹ Gajigũ Judas Iscariote wãĩkũgũ āārĩyupũ. ĩgũta Jesúre wējẽduarãguere ĩgũrẽ ĩmubu āārĩyupũ.

Jesúre: “Wãĩ turari opami”, ārĩ werewũadeã (Mt 12.22-32; Lc 11.14-23; 12.10)

Pũrũ Jesús ĩgũ buerã merã su wiigũ ñajãyupũ. ²⁰ Dupaturi wárã masaka ĩgũ pũro nerēñurã doja. Irasirigũ Jesús, ĩgũ buerã merã baamasĩbiriypũ. ²¹ Jesúya wererã irasũ waarĩre pérã: “Niãrõtãrĩakõãkumi”, ārĩñurã. Irasirirã gajerogue ĩgũrẽ ãĩaduãrã ejadiñurã.

²² Gajerã Moisés gojadeare buerimasã Jerusalẽgue merã aaranerã ãsũ ārĩñurã:

–Ī, wātẽa opu Beelzebú ñajãsũdi āārĩmi. Irasirigũ Beelzebú turari merã wātẽarẽ béowiumi, ārĩñurã.

²³ ĩgũsã irasũ ārĩmakũ pégũ, Jesús masakare siiu, su keori merã ãsũ ārĩ wereyupũ:

–¿Nasirigũ Satanás ĩgũ basita béowiubokuri? ²⁴ Su nikũ marã ĩgũsã basi dukawari gãmekẽarã, pereakõãkuma. ²⁵ Su wii marã ĩgũsã basi dukawari gãmekẽarã, pereakõãkuma. ²⁶ Satanás ĩgũyarã merã dukawari gãmekẽãgũ, ĩgũ basita yuwarikũdijakõãkumi.

²⁷ Neõ sugũ masakũ, turagũya wiire ĩgũrẽ siapũroribirikeregũ, ĩgũ oparire ĩmagũ ñajãmasĩbirikumi. ĩgũrẽ siadero pũrugũ merẽ ĩgũyare ĩmamasĩkumi, āriyupũ. Jesús wãtĩ nemorõ turagũ āarã, āriĩgũ, irasũ āriyupũ.

²⁸ Pũrũ ãsũ ārĩnemoyupũ:

–Masãrẽ diayeta wereã. Marĩpũ āārĩpereri masaka ñerõ iririre, ĩgũsã ñerõ ārĩ werenĩrĩdere kãtimasĩmi. ²⁹ Ōãgũ deyomarĩgũrẽ ĩgũsã ñerõ ārĩ werenĩmakũ tamerãrẽ neõ kãtibirikumi. Irasũ waja opanĩkõãrãkuma, āriyupũ.

³⁰ ĩgũsã ĩgũrẽ: “Wãtĩ ñajãsũdi āārĩmi ĩĩ”, ārĩ werewũari waja irasũ āriyupũ Jesús.

Jesús pago ĩgũ pagũpũrã merã ĩgũrẽ ĩãgõ ejadeã (Mt 12.46-50; Lc 8.19-21)

³¹ ĩgũ iro āārĩripoe Jesús pago, ĩgũ pagũpũrã merã ejayupo. ĩgũ āārĩrĩ wii disipũrogueta ejanũgãja, iro āārĩrãrẽ Jesúre siiudoreñurã. ³² Irasirirã Jesús pũro doarã ĩgũrẽ ārĩñurã:

–Mũpo, mũ pagũpũrã disipũroguere mũrẽ ãmarã ejañurã.

³³ Jesús gapũ ãsũ āriyupũ:

* **3:18** “Bartolomé”, ārĩrõ: “Tolomé magũ”, ārĩduaro yãa. ĩgũta Natanael wãĩkũgũ āārĩdi āārĩmi. San Juan 1.43-51: Jesús Natanaere siiudeã kere āarã.

—¿Noã ããrĩrĩ yupo, yu pagupũrã?

³⁴ Irire ãrĩ odo, ãgũ pũro doarãrẽ ãã, ãsũ ãrĩyupu:

—Ĩsã, yupo, yu pagupũrã irirosũ ããrĩma. ³⁵ Marĩpu gããmerĩrẽ irirãno, yu pagumu, yu pagamo, yupo irirosũ ããrĩma, ãrĩyupu.

4

Jesús oterimasũ keori merã buedea

(Mt 13.1-9; Lc 8.4-8)

¹ Gajina Jesús ditaru tũroque buenũgãyupu doja. Masaka wãrã ãgũ pũro nerẽnurã. ãgũsã wãrã nerẽmakũ ãã, Jesús doódirugue mũrĩñajãa, eja doayupu. Masaka ãmiparogue dujanũgãñurã ãgũ buerire pẽmurã. ² Irasirigu wãri keori merã ãgũsãrẽ ãsũ ãrĩ bueyupu:

³ —Õãrõ pẽka! Sugũ oterimasũ ãgũ oterire otegu waakumi. ⁴ ãgũ irire meẽwasiriwãgãmakũ, gaji yeri maague yurikoa. Iro yuriadea yerire mirã eja, baapeokõakuma. ⁵ Gaji yeri ãtãyerikurogue yurikoa. Iro nikũ sĩmerẽrõgã ããrĩmakũ, iri yeri mata puriadikoa. ⁶ Puriñajãdi, pũru abe asimakũ nugũrĩ marĩsĩã, ñãĩ, boakõãkoa. ⁷ Gaji yeri pora watopegue yurikoa. Pora gapũ puritarimũrĩa, iro yuridea yerire wẽjẽkõãkoa. Irasiro dũka marĩrĩta boakõãkoa. ⁸ Gaji yeri õãrĩ nikũgue yurikoa. Iri yeri puri, masã, õãrõ dukakũkoa. Suñu treinta yeri, gajiñu sesenta yeri, gajiñu cien yeri dukakũkoa, ãrĩyupu.

⁹ Irire were odo:

—Gãnipũrĩ oparã, yu wererire pẽduripĩka! ãrĩyupu Jesús.

Jesús buerã ãgũrẽ: “¿Nasirigu keori merã bueri?” ãrĩ sẽrẽñadea

(Mt 13.10-17; Lc 8.9-10)

¹⁰ Masaka waadero pũru, Jesús suguta ããrĩmakũ ããrã, ãgũ buerã pe mojõma pere su gubu peru pẽrẽbejarã, gajerã ãgũ merã ããrĩrãde iri keori merã bueadere:

—¿Naásũ ãrĩdũaro iriari, guare mũ bueadea? ãrĩñurã. ¹¹ Irasũ ãrĩmakũ pẽgu, Jesús ãgũsãrẽ ãrĩyupu:

—Marĩpu ãgũyarãrẽ doregu ããrĩrĩrẽ iripoegue masĩbirideare mũsãrẽ masĩmakũ yãmi. Yu gajerãrẽ ãgũrẽ bũremumerã gapũre keori merã dita buea. ¹² Irasirirã Marĩpu iririre ããkererã, ããmasĩbema. ãgũyare pẽkererã, õãrõ pẽmasĩbema. Marĩpu, ãgũsã ñerõ iriri gapũre pirimakũ ããgũ, kãtibokumi, ãrĩyupu.

Jesús oterimasũ keori merã ãgũ bueadere: “Ãsũ ãrĩdũaro yãa”, ãrĩ weredea

(Mt 13.18-23; Lc 8.11-15)

¹³ Jesús gaji ãgũsãrẽ ãrĩnemoyupu doja:

—¿Mũsã, iri keori merã yu bueadere pẽmasĩberĩ? Irire pẽmasĩmerã, ¿nasiri gaji gapũre pẽmasĩbokuri? ¹⁴ Marĩpũya kerere weregu, oterĩ yerire otegu irirosũ ããrĩmi. ¹⁵ Surãyeri masaka bũriri maa irirosũ ããrĩma. Marĩpũya kerere pẽadero pũru, oterĩ yeri iri maague yuridea yerire mirã baapeoderosũ, wãtẽa opu Satanás aari, ãgũsã pẽadideare ãmãpeokõãmi. ¹⁶⁻¹⁷ Gajerã masaka ãtãyerikũri yeba irirosũ ããrĩma. ãgũsã Marĩpũya kerere mũsũyari merã pẽma. Irire pẽkererã, oterĩ yeri ãtãyerikurogue yuriadero pũru, puri nugũrĩ puriñajãbiriderosũ waama. Irasirirã mẽrõgã pũru ãgũsã Marĩpũyare pẽdũari waja gajerã ãgũsãrẽ ñerõ irimakũ ããrã, o ñerõ tarirã, ãgũsã pẽadeare pirikõãma. ¹⁸ Gajerã masaka porakũri yeba irirosũ ããrĩma. Marĩpũya kerere pẽma. Irire pẽkererã, oterĩ yeri porakurogue yuriadero pũru, pora gapũ puritarimũrĩa wẽjẽderosũ, ¹⁹ i mũmũma gapũre bũro gũñarikũma. “Wãri oparã õãrõ ããrĩrãkoa”, ãrĩ gũñarĩ, gajinorẽ bũro gããmenemorĩ Marĩpũya kerere pẽadideare kãtimakũ yãa. Otediñu dũka marĩdiñu irirosũ dujama. Irasirirã Marĩpũyare iribema.

²⁰ Gajerã masaka õãrĩ nikũ irirosũ ããrĩma. Marĩpũya kerere õãrõ pèduripĩma. “Õãgoráa”, ãrĩ, Marĩpũyare õãrõ yãma. Irasirirã otediñu wári dukakũrosũ ããrĩma. Surãyeri treinta yeri, gajerã sesenta yeri, gajerã cien yeri dukakũrosũ ããrĩma, ãrĩyupũ Jesús.

Jesús sããgodiru keori merã buedea
(Mt 5.15-16; Lc 8.16-18)

²¹ Gaji Jesús ãrĩnemoyupũ doja:

–Masaka sããgodirure ãã, dupa kũma dokague, o kãrĩrõ dokaguedere pĩbirikuma. Ubu gapũ ãmarõgue siukuma, õãrõ sããgoburo, ãrĩrã. ²² Masaka ããberogue duripĩdeare sããgorogue ããmasĩrõ irirosũ ããrĩpereri masaka masĩbirideare masĩsũrokoa. Irasiro yayedea irirosũ neõ ããrĩbirikoa. ²³ Gãmpĩrĩ oparã, yũ wererire õãrõ pèduripĩka!

²⁴ Irasũ ãrĩ odo, ãsũ ãrĩnemoyupũ doja:

–Mũsã pèrĩre õãrõ pèmasĩka! Mèrõgã pèmasĩduarã, mèrõgã pèmasĩrãkoa. Wáro pèmasĩduarã, wáro pèmasĩrãkoa. Marĩpũ ãgũya kerere mũsã pèmasĩduaropã pèmasĩrĩrẽ sĩgũkumi. Irasũ ããrĩmakũ, wáro pèmasĩduarãrẽ sĩnemogũkumi. ²⁵ Irasirigũ ãgũya kerere õãrõ pèmasĩrãrẽ wári pèmasĩrĩ sĩnemogũkumi. Gajerã pèmasĩmerã gapũre ãgũsã pèmasĩadideare ãmasũrãkuma. Irasirirã neõ pèmasĩmerã ããrĩrãkuma, ãrĩyupũ.

Oteri masãrĩ keori merã buedea

²⁶ Irasũ ãrĩ odo, gaji keori merã bueyupũ doja:

–Marĩpũ ãgũyarãrẽ doreri ãsũ ããrã. Sugũ masakũ ãgũya poegue oteri yerire meéwasirigũ irirosũ ããrã. ²⁷ ãgũ irasũ meéwasiriadero pũrũ, ñami merã kãrĩkumi. Pũrũ boyoripoe yobekumi. Ëmarĩ, ñamirĩ tarikoa. ãgũ oteadea yeri puri masãkoa. ãgũ gapũ irire: “Irasũ waakoa”, ãrĩ masĩbirikumi. ²⁸ Iri yeri yeba poekague ããrĩsã, puri, pũrĩ wiripũrori, pũrũ dupañerĩgã wiri, dũka yeri deyoakoa. Pũrũgue pama õãrõ dũka buribejakoa. ²⁹ Iri buribeja odomakũ ãã, ãgũrẽ moãboerãrẽ irire sea duripĩmurãrẽ iriukumi, ãrĩyupũ Jesús.

Jesús mostaza wãĩkũri yegã puri masãdea keori merã buedea
(Mt 13.31-32; Lc 13.18-19)

³⁰ Irasũ ãrĩ odo, gaji ãrĩnemoyupũ doja:

–Marĩpũ ãgũyarãrẽ doreri, ¿ñeéno irirosũ ããrĩkuri? ¿Ñeéno keori merã weregũkuri? ³¹ I irirosũ ããrã. Suye oteriye mostaza wãĩkũri yegãrẽ oterosũ ããrã. Iri oteri yegã ããrĩpereri oteri yeri nemorõ mérĩ yegã ããrã. ³² Irasũ ããrĩkerero, otemakũ, pũrũ yukũ wádi dupũri padi masãkoa. Irasirirã mirã irigũ dupũrigue, yũsũrogue ãgũsãya surĩ suakuma, ãrĩyupũ Jesús ãgũ buerãrẽ, ãgũsã merã ããrĩrãdere.

Jesús masakare keori merã buenadea
(Mt 13.34-35)

³³ Jesús masakare ãsũ buenayupũ. Marĩpũya kerere weregũ, wári keori merã masaka pèmasĩrõgueta buenayupũ. ³⁴ ãgũsãrẽ buegũ, keori merã dita buenayupũ. ãgũ buerã merã dita ããrĩgũ gapũ: “ãsũ ãrĩduaro yãa iri”, ãrĩ werenayupũ ãgũsãrẽ.

Jesús mirũ, makũrĩrẽ toemakũ iridea
(Mt 8.23-27; Lc 8.22-25)

³⁵ Jesús masakare oteri keori merã bueadeanũ naĩmejãripoe ãgũ buerãrẽ ãsũ ãrĩyupũ:

–Nãka, ditaru sikoepũgue taribujarã!

36 Īgũ irasũ āřĩmakũ pé, masakare seretu, Īgũ sãñadea doódirugue mũřĩñajãa, Īgũrẽ āĩ taribujakõãñurã. Gajerã gaji doóriduparu merã wapikũwãgãñurã. 37 Īgũsã taribujaripoe mirũ bũro waa, makũřĩ Īgũsãya doódirure páñajãmiũakõãdiyuro. Bũro goero waayuro Īgũsãrẽ.

38 Jesús gapũ wejaturoma doaripẽrõgue peyari gasiro merã eõtú kãřĩbejakõãyupũ. Irasirirã Īgũ buerã Īgũrẽ ãsũ āřĩ yobeñurã:

—¿Guare buegũ, mũ ĩãberi? Marĩ mirĩmurã yãa, āřĩñurã. 39 Īgũsã irasũ āřĩmakũ pégũ, Jesús wãgãnũgã, mirũrẽ, makũřĩdere toedoreyupũ:

—Iropãta, toeaka! āřĩyupũ. Īgũ irasũ āřĩmakũ, mirũ, makũřĩ bũro waadea toedijapereakõãyuro.

40 Pũrũ Jesús Īgũ buerãrẽ āřĩyupũ:

—¿Nasirirã güiri mũsã? ¿Yũre bũremurĩ opaberi dapa mũsã iropã güirã?

41 Īgũsã gapũ bũro gũka, ãsũ āřĩ gãme werenĩñurã:

—¿Ñeémuno masakũ ããřĩřĩ ñĩ? Mirũ, makũřĩgueta Īgũrẽ tarinũgãbea, āřĩñurã.

5

*Jesús Gerasamũrẽ wãtẽa ñajãnerãrẽ béowiudea
(Mt 8.28-34; Lc 8.26-39)*

1 Jesús Īgũ buerã merã ditarure taribuja, Gerasa* marãya nikũgue ejayupũ. 2 Jesús doódirugue ããrãdi majãnũgãřipoe sugũ masakũ wãtĩ ñajãsũdi, masãgoberi watopegue ããrãdi Jesũre bokatĩřĩyupũ. 3 Īgũ masãgoberi watopegue ããřĩgũ ããřĩyupũ. Neõ sugũ Īgũrẽ pũguburi merã, kõmedari merãdere siapĩmasĩbiriñurã. 4 Wãri Īgũya guburire, mořĩõřĩdere kõmedari merã siapĩnadiñurã. Īgũsã siapĩrikũ, Īgũsã siadeadarire tũãtawasiri béonokõãyupũ. Neõ sugũ Īgũrẽ tarinũgãmasĩbiriñurã. 5 Ëmũrikũ, ñamirikũ buurĩgue, masãgoberi watopegue gainĩgorenayupũ. Īgũ basita ùtãyeri merã Īgũya dupũre pá kãmitúnayupũ. 6 Jesũre yoarogueta ĩãgũ, ùmawãgãri, Īgũ ĩũrõ ñadũkupuri merã ejamejãyupũ. 7-8 Jesús āřĩyupũ:

—Wãtĩ, mũ ñajãdire wirika!

Irasũ āřĩmakũ pégũ, bũro gainĩřĩ merã ãsũ āřĩyupũ:

—Jesús, ùmũgasigue ããřĩpererã nemorõ turagũ magũ, ¿nasiribu yãri mũ yũre? Mũpũ ùmũgasigue ããřĩgũ péuro mũrẽ sërẽa. Yũre poyarikũmakũ iribirikõãka!

9 Jesús Īgũrẽ sërẽñayupũ:

—¿Naásũ wãĩkũri mũ?

—Wãrã ããrã gua. Irasirigũ Legiõn wãĩkũa yũ, āřĩyupũ.

10 Irasũ āřĩ odo, Jesũre bũro sërẽyupũ doja:

—Guare i nikũrẽ béowiubirikõãka! āřĩyupũ. 11 Iro buúru pũro wãrã yesea ãma baarã iriñurã. 12 Īgũsãrẽ ĩãrã, wãtẽa Jesũre sërẽñurã:

—Guare yeseaguere ñajãdoregũ iriuka!

13 —Jãũ, Īgũsãrẽta ñajãrã waaka! āřĩyupũ Jesús wãtẽãrẽ. Īgũ irasũ āřĩmakũ, masakũguere ããrãnerã wiria, yesea dos mil ããřĩrãrẽ ñajãñurã. Īgũsã ñajãmakũ, yesea ùma mirẽbuãa, ditarugue meébia dijãa, mirĩ boapereakõãñurã.

14 Irasũ waamakũ ĩãrã, yeseare korerimasã gũkari merã ùmadujãa, Īgũsãya makã marãrẽ, iri makã tũro marãdere wererã waañurã. Īgũsã weremakũ pérã, masaka ããřĩpererã: “¿Naásũ waáyuri?” āřĩ, ĩãrã ejañurã. 15 Jesús pũro ejarã, wãtẽa ñajãsũdi ããrãdire iro doagure ĩãñurã. Surĩro sãñadi, õãrõ pémasĩřĩ merã ããřĩyupũ. Masaka Īgũrẽ ĩãrã, bũro güĩñurã. 16 Jesús masakũre wãtẽãrẽ

* 5:1 Gerasa, Gadara wãĩkũri makãřĩ Decápolis wãĩkũri nikũgue ããřĩyuro.

béowiuadeare ĩānerā yeseare waadeadere wereñurā. ¹⁷ Irire pérā, Gerasa marā Jesúre: “Waaka gũaya nikūrē!” āriñurā.

¹⁸ Ĩgūsā irasū ārimakū pégu, Jesús doódirugue m̄riñajāyup̄. Ĩgū m̄riñajāmakū, wātēa ñajāsūdi āārādi Jesúre: “Yude m̄ merā waad̄akoa”, āri sērēadiyup̄. ¹⁹ Ĩgū irasū ārimakū pégu, Jesús ĩgūrē āsū āriyup̄:

—Ȳ merā waabirikōāka! M̄ya wiigue goedujáaka! M̄rē m̄ Op̄ oārō iriadeare, ĩgū bopoñarī merā ĩādeare m̄ya wii marārē weregu waaka! āriyup̄.

²⁰ Ĩgū irasū ārimakū pégu, Decápolis† wāikurogue waa, iroma makārī marārē āārīpereri Jesús ĩgūrē irideare werenugāyup̄. Āārīpererā ĩgū wererire pérā, pégakakōāñurā.

Jesús Jairo magōrē, gajego nomeō ĩgūya surírore moāñagōrē taudea
(Mt 9.18-26; Lc 8.40-56)

²¹ Jesús Gerasa marāya nikūgue āārādi doódirugue m̄riñajā, gaji koepugue taribujakōāyup̄. Ĩgū iroque ejamakū ĩā, ditaru turogue wárā masaka ĩgū p̄ro nerēñurā. ²² Ĩgū iroque āārīripoe sugū judío masaka nerērī wii oparā merām̄ Jairo wāikugū ejayup̄. Jesúre ĩāgū, ĩgūya guburi p̄ro ñad̄kupuri merā ejamejāja, ĩgūrē b̄ro sērēyup̄:

²³ —Ȳ magō kōmobogue iriamo. M̄ya mojōrī merā ñapeo, igore taugū aarika! M̄ irasirimakū, okagokumo, āriyup̄. ²⁴ Ĩgū irasū ārimakū pégu, Jesús ĩgū merā waayup̄. Ĩgū waamakū, wárā masaka ĩgūrē kũñarōgā tuuyañurā.

²⁵ Ĩgūsā watopegue sugo nomeō pe mojōma pere su gubu peru pērēbejari bojorigora dí wiriri merā p̄rīrikugo āārīyupo. ²⁶ Wárā kúrirmasā igore kúrīkerep̄ru, neō taribiriuro. Igo niyeru opadideare āārīpereri ĩgūsārē wajaripeokerep̄ru, sōō gap̄ b̄ro waayuro. ²⁷⁻²⁸ Igo, Jesús p̄rīrikurārē taurire péyupo. Irasirigo masaka watopegue waa: “Ĩgūya surírore ȳ moāñamakū, p̄rīrī ȳre tarirokoa”, āri gũnarī merā, Jesús p̄r̄p̄ gap̄ ejanugā, ĩgūya surírore moāñayupo. ²⁹ Mata igo dí wiriadea tariakōāyuro. “Ȳre p̄rīrī tarikoa”, āri péñayupo. ³⁰ Igo moāñamakūta, Jesús ĩgū turaro merā sugo p̄rīrikugore tauadeare masīkōāyup̄. Irasirigu masakare gāmenugā ĩā:

—¿Noā yaa surírore moāñarī? āriyup̄.

³¹ Ĩgū irasū ārimakū pérā, ĩgū buerā ĩgūrē āriñurā:

—¿M̄ ĩāberi? Wárā masaka m̄rē kũñarōgā tuuyama. ¿Nasirigu ĩgūsārē: “¿Noā ȳre moāñarī?” āri sērēñarī?

³² Jesús gap̄ masaka āārīpererārē ĩayup̄, ĩgūrē moāñadeore ĩābokabu.

³³ Jesús igo p̄rīrikuri tariadeare masīmakū ĩā, gūi naradari merā ĩgūya guburi p̄ro ñad̄kupuri merā ejamejā, āārīpererire diaye ārīrī merā werepeokōāyupo.

³⁴ Jesús igore āriyup̄:

—M̄ ȳre b̄remurī opáa. Irasirigo m̄ p̄rīrikurire tausūa. Us̄yari merā waaka! M̄ p̄rīrikudea tariakōāa, āriyup̄.

³⁵ Jesús irasū āārīripoe Jairoya wiigue āārānerā ejañurā:

—M̄ magō kōmoakōāmo. Iropāta marīrē buegure garibonemoka! āriñurā.

³⁶ Ĩgūsā irasū ārīkerep̄ru, Jesús Jairore āsū āriyup̄:

—Gūibirikōāka! B̄remurī opaka ȳre!

³⁷ Irasirigu Jesús masakare: “Aaribirikōāka!” āri, Pedro, Santiago, ĩgū paḡm̄ Juārē siiu, Jairoya wiigue ĩgūsā merā waayup̄. ³⁸ Iri wiigue ejagu, wárā masaka b̄ro b̄s̄ro orerārē bokajayup̄. ³⁹ Jesús, wiigue ñajāa, ĩgūsārē āsū āriyup̄:

—¿Nasirirā m̄sā iropā b̄s̄ro oreri? Igo majīgō boabemo. Kārīgō yámo.

† 5:20 Gerasa, Gadara wāikuri makārī Decápolis wāikuri nikūgue āārīyuro.

⁴⁰ Īgũ irasũ ārĩmakũ pérã, ĩgũrẽ buriñurã. Irasirigũ Jesús ãārĩpererãrẽ wiriadoreyupũ. Īgũsã wiriadero purũ, majĩgõ pagũsãmarãrẽ, ĩgũ merãmarãrẽ igo peyarogue siiu ñajãyupũ. ⁴¹ Ñajãja, igoya mojørẽ ñeã, igore:

–Talita, cumi, ārĩyupũ. “Talita, cumi”, ārĩrõ: “ ‘Majĩgõ, wãgãnuḡãka!’ ãrã”, ārĩduaro yãa.

⁴² Īgũ irasũ ārĩmakũta, majĩgõ wãgãnuḡã, waamasĩyupo. Igo pe mojørõma pere su gubu peru pẽrẽbejari bojori opago ãārĩyupo. Masaka, igo masãmakũ ãrã, ĩḡukatarĩakõãñurã. ⁴³ Jesús gapũ ĩgũsãrẽ turaro merã:

–Igo masãdeare gajerãrẽ werebirikõãka! ārĩyupũ. Irasũ ārĩ odo, igo pagũsãmarãrẽ: “Igore baari ejoka!” ārĩyupũ.

6

Jesús Nazarete goedujáadea (Mt 13.53-58; Lc 4.16-30)

¹ Purũ Jesús iro ãārãdi ĩḡũya nikũḡue goedujáayupũ. Īḡũ buerãde ĩḡũ merã waañurã. ² Judío masaka siuñajãrĩnũ ãārĩmakũ, Jesús ĩḡũsã nerẽrĩ wiigũ ñajãa, masakare buenḡãyupũ. Wãrã masaka iro ãārĩrã ĩḡũ buemakũ pérã, pẽḡukakõãñurã:

–¿Noóḡue bueyuri ñĩ iropã masĩbu? ¿Noã ĩḡũrẽ iropã masĩrĩrẽ sĩyuri, ĩḡũ turari merã iri ĩmuburire? ³ ĩĩ taboa merã gajino irigũ ãārĩmi. María magũ, Santiago, José, Simón, Judasã tĩḡũ ãārĩmi. Īḡũ pagũpũrã nomede õõ marĩya makãta ãārĩma, ārĩ ḡãme werenĩñurã ĩḡũsã basi. Irasirirã ĩḡũrẽ buremudũabiriñurã.

⁴ Jesús gapũ ĩḡũsãrẽ ārĩyupũ:

–Ãārĩpererogue sugũ Marĩpũya kerere weredupuyugũre gajerã buremuma. Īḡũya nikũ marã, ĩḡũya wererã, ĩḡũya wii marã gapũ ĩḡũrẽ buremubema, ārĩyupũ.

⁵ Irasirigũ iro ãārĩḡũ, wãri Marĩpũ turari merã iri ĩmubiriyupũ. Surãyerita pũrĩrikũrãrẽ ĩḡũya mojørĩ merã ñapeo tauyupũ. ⁶ Iro marã ĩḡũrẽ buremubirimakũ ĩḡũ, ḡukatarĩakõãyupũ. Purũ iri makã tũroma makãrĩ marãrẽ bueḡũ waayupũ.

Jesús ĩḡũ buerãrẽ buedoreḡũ iriudea (Mt 10.5-15; Lc 9.1-6)

⁷ Irasirigũ Jesús ĩḡũ buerã pe mojørõma pere su gubu peru pẽrẽbejarãrẽ siiu neõ: “Yũ turari merã wãtẽa masakare ñajãnerãrẽ béowiurã waaka!” ārĩ, ĩḡũsã ãārĩpererãrẽ pẽrã dita dukawa iriyupũ. ⁸ ĩḡũsãrẽ iriugũ, gajino baari, aju, niyeru ãĩadorebiriyupũ. ĩḡũsã tuari yuku diretta ãĩadoreyupũ. ⁹ ĩḡũsã sãñarĩ merã dita waadoreyupũ. Gaji ĩḡũsã surĩ sãñaburi ãĩadorebiriyupũ. ¹⁰ Āsũ ārĩyupũ:

–Sugũ musãrẽ õãrõ bokatĩrĩñeãmakũ, ĩḡũya wiita dujaka! Iri makãrẽ wiri waarãḡue iri wiire wirika! ¹¹ Su makã marã musãrẽ ḡããmebirimakũ ãrã, musã werenĩrĩrẽ pẽduabirimakũ ãrã, iri makãrẽ tariwãḡã, iri makãma nikũwera musãya guburigue tuadeare mojørẽbéokõãka! ĩḡũsã musãrẽ ḡããmebiri waja irasirika, ĩḡũsãrẽ Marĩpũ wajamoãburire pẽmasĩburo, ārĩrã! Yũ musãrẽ diayeta werea. Marĩpũ ãārĩpererã ñerãrẽ wajamoãrĩnũ ejamakũ, Sodoma, Gomorra marãrẽ wajamoãrõ nemorõ ĩḡũsãrẽ wajamoãḡukumi, ārĩyupũ.

¹² ĩḡũ irasũ ãrãdero purũ, waakõãñurã. Waa, masakare: “Musã ñerõ irideare bujawereka! Musã ḡũñarĩrẽ gorawayuka!” ārĩñurã. ¹³ Irasũ ãārĩmakũ, wãrã wãtẽa masakare ñajãnerãrẽ béowiuñurã. Wãrã pũrĩrikũrãrẽ uye merã wũkã, tauñurã.

Juan masakare wāiyerimasū boadea
(Mt 14.1-12; Lc 9.7-9)

¹⁴ Āārīperero marā masaka Jesús ĩgū iriri kerere péseyakōāñurā. Herodes, Galilea nikū marā opude péyupū. Irire pégu, āsū ārīyupū:

–Juan masakare wāiyerimasū boadigue masādi āārīkumi. Irasirigu turari merā wāri iri ĩmurīrē irikumi, ārīyupū.

¹⁵ Gajerā gapū ārīñurā:

–Īgū, Elías iripoegue Marīpūya kerere weredupuyudi āārīkumi.

Gajerā ārīñurā:

–Īgū, sugū iripoeguemu, Marīpūya kerere weredupuyudi irirosū āārīgū āārīkumi, ārīñurā.

¹⁶ Herodes irire pé, āsū ārīyupū:

–Īgū, Juan āārīkumi. Yū ĩgūrēta ĩgūya dipurure dititādorebū. Daporare dupaturi masākumi doja, ārīyupū.

¹⁷⁻¹⁸ Juan boaburi dupuyuro Herodes ĩgū pagūmu Felipe marāpore ēma, igore marāpokūdi āārīmī. Igo Herodías wāikūdeo āārīmó. Īgū irasirimakū ĩā, Juan Herodere:

–Mū pagūmu marāpore marāpokūgu, Marīpū dorerire tarinūgāgū yāa, ārīdi āārīmī. Īgū irasū ārīrī waja Herodes ĩgūyarā ūmarē Juārē peresu iridoredi āārīmī.

¹⁹⁻²⁰ Herodías gapū Juārē pūrīsūgū ĩādeo āārīmó. Irasirigo ĩgūrē wējēduadeo āārādimo. Herodes gapū Juārē: “Ōārīrē irigu, ōāgū āārīmi”, ārī gūña, būremurī merā ĩgūrē güidi āārīmī. Juan weremakū pégu, būro gūñarikūdi āārīmī. Irasū gūñarikukeregu, ūsuyari merā ĩgū wererire pédi āārīmī. Irasirigu ĩgūrē wējēdorebiridi āārīmī. Irasirigo Herodías ĩgūrē wējēduakerego, wējēdoremasībirideo āārīmó. ²¹ Pūru Herodías ĩgūrē wējēduadeo āārīsīā, ōārō bokadeo āārīmó. Herodes ĩgū deyoadeanu āārīmakū, ĩgūya nikū marā oparārē, ĩgūyarā surara oparārē, gajerā Galilea marā oparādere siiu, ĩgūsā merā bosebaadi āārīmī. ²² Īgū siiuanerā merā baari taribugue baaripoe Herodías magō ñajāa, ĩgūsā ĩūrō baya ĩmudeo āārīmó. Igo baya ĩmumakū ĩārā, Herodes, ĩgū siiuanerāde ūsuyanerā āārīmā. Irasirigu Herodes igore ārīdi āārīmī:

–Mū gāāmerīnorē sērēka yure! Mū sērērīrē mūrē sīgura, ārīdi āārīmī.

²³ Irasirigu iro āārīrā péuro: “Ārīgatoro marīrō mū sērērōsūta mūrē sīgukoa. Yū opari, yaa nikū āārīrī deko ejatuaropā mūrē sīgukoa”, ārīdi āārīmī. ²⁴ Īgū irasū ārīmakū pégo, igo pago pūro waa, sērēñadeo āārīmó:

–¿Ñeénorē sērēgokuri yū?

–Juan masakare wāiyerimasūya dipurure sērēka! ārī yūjūdeo āārīmó.

²⁵ Igo pago irasū ārīmakū pégo, mata opu Herodes pūrogo waa, ĩgūrē ārīdeo āārīmó:

–Daporata Juan masakare wāiyerimasūya dipurure dititā, soropa wāripa merā sīmakū gāāmekoa.

²⁶ Igo irasū ārīmakū, opu Herodes būro būjaweredi āārīmī. Īgū siiuanerā péuro: “Mū sērērīrē mūrē sīgura”, ārādi āārīsīā, gūyasīrīgū, igore: “Mū sērērīrē sībirikoa”, ārīmasībiridi āārīmī. ²⁷ Irasirigu mata ĩgūyagu surarare peresu iriri wiigie Juāya dipurure dititā āīwāgāridoregu iriudi āārīmī. ²⁸ Irasirigu surara irogo waa, Juāya dipurure dititā, soropa merā āiadi āārīmī. Āija, Herodías magōrē wiadi āārīmī. Īgū igore iripare wiamakū, ñeā, igo pagore āia sīdeo āārīmó.

²⁹ Juan buerā ĩgūrē waadea kerere pérā, irogo waa, ĩgūya dupūre āīwāgā, yāañurā.

*Jesús cinco mil ñmarē baari ejodea
(Mt 14.13-21; Lc 9.10-17; Jn 6.1-14)*

³⁰ Jesús ñgũyare buedoregũ iriuanerā ñgũ pũro goedujajarā, ñgũsā iriadeare ñgũsā masakare buedeare werepeokōañurā.

³¹ ñgũsā goedujajadero pũrũ, wārā masaka ñgũsā pũro gāmeñajārā ejañurā. Irasirirā Jesús buerā baamasĩbiriñurā. Irasirigũ Jesús ñgũsārē:

–Nāka, marĩ dita masaka marĩrõgue siuñajārā! ñrĩyupũ. ³² Irasirigũ Jesús ñgũ buerā merā doódirugue mũrĩñajāa, ñgũsā dita masaka marĩrõgue waakōañurā.

³³ ñgũsā waamakũ ñārā, wārā masaka Jesúre ñāmasĩñurā. Irasirirā ñārĩpereri makārĩ marā maague waa, Jesús ejaburogue ñmajasiañurā. ³⁴ Jesús doódirugue sãñadi majānugāja, wārā masakare ñāyupũ. ñgũsārē ñāgũ: “Ñsā oveja sugũ ñgũsārē koregũ opamerā irirosũ ñārĩma”, ñrĩ gũñayupũ. Irasirigũ ñgũsārē bopoñarĩ merā ñā, wārĩ buenugāyupũ. ³⁵ Ñamika ñārĩmakũ, Jesús buerā ñgũ pũro waa, ñgũrē ñrĩñurā:

–Õõ masaka marĩrõgue ñārā. Ñamikague ñārĩsiāa. ³⁶ Irasirigũ masakare waadoreka! Makārĩgue, makārĩ tũroma wiirigüe baari wajarirā waaburo. Marĩ õõguere baari opabea, ñrĩñurā.

³⁷ Jesús gapũ:

–Mũsā ñgũsārē baari sĩka! ñrĩyupũ.

Ñgũ irasũ ñrĩmakũ pērā:

–¿Gua ñgũsā baaburire wajarirā waamakũ gāāmekuri? ñgũsā baaburi do-scientos nũrĩ moā wajataropā wajakũrokoa, ñrĩñurā.

³⁸ Jesús ñgũsārē ñrĩyupũ:

–¿Dĩkũ pã duparu opari mũsā? ñārā waaka!

–Jāũ, ñrĩ, baarire ñārā waa:

–Su mojõma pã duparu ñārā, waaĩ pērāta ñārĩma, ñrĩñurā.

³⁹ Irasirigũ Jesús ñgũsārē ñrĩyupũ:

–Masakare tá weka boje yebori dita doayodoreka! ⁴⁰ Irasirirā su yebore cien, gaji yebore cincuenta doajañurā. Ñārĩpererā irasũ dita doajañurā.

⁴¹ ñgũsā eja doaperemakũ, Jesús su mojõma pã duparu, pērā waairē ñĩ, ñmugasigue ñāmu, Marĩpũre: “Mũrē mũyari sĩa”, ñrĩyupũ. Ñrĩ odo, iri pã duparure pea, ñgũ buerārē sĩyupũ, masakare gueredoregũ. Waaĩdere irasũta iriyupũ, ñārĩpererārē gueredoregũ. ⁴² Irasirirā ñārĩpererā õārõ baayapi-akōañurā. ⁴³ Pũrũ ñgũsā baadũadeare Jesús buerā seasārā, pe mojõma pere su gubu peru pērēbejari puuirigora utũudoboñurā. ⁴⁴ Pã duparure baanerā: nome, majĩrā keoña marĩrõ ñma direta keomakũ, cinco mil gora ñārĩñurā.

*Jesús deko weka waadea
(Mt 14.22-27; Jn 6.16-21)*

⁴⁵ Pũrũ Jesús ñgũ buerārē doódirugue mũrĩñajādore, Betsaida wāĩkũrĩ makāgue ñgũ dupuyuro taribujadoreyupũ. ñgũsā taribujaripoe Jesús masakare: “Õārõ waaka!” ñrĩ seretuyupũ. ⁴⁶ Seretu odo, buúrugue Marĩpũre sērēgũ mũrĩayupũ. ⁴⁷ Naĩwāgārĩripoe Jesús sugata buúru wekague ñārĩyupũ. ñgũ buerā gapũ ditaru dekogora ñārĩñurā. ⁴⁸ Mirũ ñgũsārē taribujamasĩña marĩrõ ñgũsā diaye wējēpumakũ ñāyupũ Jesús. Pũrũ boyo mũrĩriripoe ditarugue buaja,

deko weka ñgũsā pũro aari, ejanugā, ñgũsārē tariwāgābu irirosũ iriyupũ. ⁴⁹ ñgũ irasũ deko weka ejanugāmakũ ñārā: “Masakũ boadi wātĩ ñārĩmi”, ñrĩ gũña,

buro gũkari merā gainĩñurā. ⁵⁰ Ñārĩpererā ñgũrē ñārā, bure gũkañurā. ñgũsā gũkamakũ ñāgũ, mata Jesús ñgũsārē ñrĩyupũ:

–Gũñaturaka! Yũta ñārā. Gũimerāta!

⁵¹ Īgũ irasũ ārãdero þurũ, Īgũsã sãñadiru doódirugue mũrĩñajãyupũ. Īgũ mũrĩñajãmakũta, mirũ toeakõãyuro. Irasũ waamakũ ãrã, ãgũkatariakõãñurã. ⁵² Īgũ þã duparure Marĩþũ turari merã iri ĩmuadeare þemasĩbiriñurã. Īgũyamarẽ õãrõ þemasĩturabiriñurã.

Jesús Genesaret marãrẽ þũrĩrikũrãrẽ taudea
(Mt 14.34-36)

⁵³ Jesús doódirugue mũrĩñajãmakũ, Īgũ merã taribuja, Genesaret* wãĩkuri nikũgue eja, doódirure siatúpau majãkõãñurã. ⁵⁴ Īgũsã majãmakũ, mata masaka Jesúre ãmasĩñurã. ⁵⁵ Irasirirã Īgũsãya nikũ ããrĩpererogue ũmawãgã, þũrĩrikũrãrẽ Īgũsã peyari merãta Īgũ ããrĩrõgue ãjãñurã. ⁵⁶ ããrĩperero Īgũ waaró Īgũ ejaburi dupuyuro paga makãrĩ marã, mutã makãrĩgã marã, makãrĩ turo marãde þũrĩrikũrãrẽ wiiri disipũroriguge ãwiupĩñurã. Īgũsã þuro Īgũ ejamakũ ãã, Īgũrẽ:

—Mũya surĩro yuwa direta Īgũsãrẽ moãñadoreka! ãrĩ sërẽñurã. Irasirirã ããrĩpererã Īgũya surĩrore moãñarã Īgũsã þũrĩrikũadeare tarisũñurã.

7

Masakare ñerã waamakã iririre buedea
(Mt 15.1-20)

¹ Þurũ fariseo bumarã, Moisés gojadeare buerimasãde Jerusalẽgue ããrãnerã eja, Jesús þuro nerẽñurã. ² Irasũ nerẽrã, Īgũsã: “Baaburi dupuyuro mojõkoeka!” ãrĩdeare surãyeri Jesús buerã mojõkoero marĩrõ baamakũ ãrã, Īgũsãrẽ werewũãñurã. ³ Fariseo bumarã, ããrĩpererã judío masaka Īgũsã ñekũsãmarã iriunaderosũ Īgũsãya mojõrĩrẽ mojõkoepũrori baanañurã. ⁴ Īgũsã baari duarogue ejanerãde mojõkoepũrorisĩã, baanañurã. Wãri gaji Īgũsã ñekũsãmarã iriunadeare iritũyañurã. Irasirirã Īgũsã ñekũsãmarã: “Ãsũ dita irika!” ãrĩdeare irirã, Īgũsã iirĩriduparure, Īgũsã iirĩburi duripĩriduparure, Īgũsãya kõmesororire, Īgũsã doaripẽrĩrẽ koenañurã. ⁵ Irasirirã fariseo bumarã, Moisés gojadeare buerimasãde Jesúre ãsũ ãrĩ sërẽñañurã:

—¿Nasirirã mũ buerã marĩ ñekũsãmarã iriunaderosũ baaburi dupuyuro mojõkoeberi? ãrĩñurã.

⁶ Jesús Īgũsãrẽ ãrĩyupũ:

—Mũsã masaka ããberogue ñerõ iririkũrã, irigatorikũrã ããrã. Iripoegue Marĩþũya kerere weredupuyudi Isaiás mũsã dapora irigatorire gojagũ, di-ayeta ãsũ ãrĩ gojadi ããrĩmĩ:

Masaka Īgũsãya disĩ merã yũre õãrõ werenĩkererã, Īgũsãya gũñarĩgue yũre neõ bũremubema.

⁷ Irasiriro Īgũsã yũre bũremurã nerẽrĩ wajamãa. Īgũsã bueri, yũ doreri meta ããrã. Masaka doreri ããrã, ãrĩ gojadi ããrĩmĩ.*

⁸ Irasirirã mũsã ñekũsãmarã iriunaderosũ irimurã Marĩþũ dorerire þirikõãa, ãrĩyupũ Jesús.

⁹ Ãsũ ãrĩnemoyupũ doja:

—Mũsã ñekũsãmarã doredeare iritũyarã, Marĩþũ doreri gapũre béokõãa.

¹⁰ Iripoegue Moisés ãsũ ãrĩ gojadi ããrĩmĩ: “Mũþũre, mũþũre bũremuka! Sugũ Īgũ pagũsãmarãrẽ ñerõ werenĩgũ wẽjẽdoresũgũkumi”, ãrĩ gojadi ããrĩmĩ.

¹¹ Mũsã gapũ masakare ãsũ ãrĩ buea: “Sugũ Īgũ pagũre, o Īgũ pagore: ‘Yũ mũsãrẽ sĩboadeare Marĩþũre sĩpeokõãbũ. Irasirigũ mũsãrẽ iritamumasĩbirikoa’, ãrĩmakũ õãgorãa”, ãrĩ buea. ¹² Mũsã masakare irasũ ãrĩ buerã, masakare Īgũsã

* **6:53** Genesaret wãĩkuri nikũ, Galilea wãĩkuri ditaru turo ããrĩyuro. ✦ **7:7** Is 29.13

pagusāmarārē iritamubirimakū yāa. ¹³ Irasirirā musā ñekūsāmarā pídeare gajerārē irire iritayadorerā, ĩgūsārē Marīpu doreri gapure ubu ĩāmakū yāa. Gaji wári irinorē yāa, āriyupu Jesús fariseo bumarārē.

¹⁴ Irasū āri odo, Jesús masakare siiu, āsū āriyupu:

—Yu wererire āārīpererā oārō pékūinú, péka! ¹⁵ Masakaya disigue ñajāri ĩgūsārē ñerā waamakū iribeā. ĩgūsāya disi wiriri gapu, ĩgūsārē ñerā waamakū yāa. ¹⁶ Gānipūrī oparā, yu wererire péduripika! āriyupu. ¹⁷ Puru Jesús masaka merā āārādi, wiigie ñajākōāyupu. Irogue ĩgū buerā ĩgū keori merā wereadeare sērēñañurā. ¹⁸ ĩgūsā sērēñamakū pégu, āriyupu:

—¿Musāde pémasīberi dapa? Āārīpereri baari masakaya disigue ñajāri, ĩgūsārē ñerā waamakū irimasībea. ¿Irire pémasīberi musā? ¹⁹ ĩgūsā baadea ĩgūsā gūñarīgue ñajābea. ĩgūsāya paru gapu ñajāa, puru tariwiria, āriyupu. Irire āriḡū: “Āārīpereri baari oārī āārā”, āriḡū iriyupu. ²⁰ Gaji ārīnemoyupu doja:

—Masaka ĩgūsā gūñarīguere opari gapu, ĩgūsārē ñerā waamakū yāa. ²¹ ĩgūsā gūñarīgue ñerī oparā, āsū āārīma. Ñerī gūñarā, gajerā marāposā nomerē gāmebirarā, nome merā ñerī iririkurā, masakare wējēbéorā, ²² gajerāyare yajarā, gajigu oparinorē buro haribejarā, gajerārē ñerō irirā, āriḡatorā, ñerā, gajino oparārē ĩaturirā, gajerārē ñerō kere wererā, “Gajerā nemorō āārā yu”, āri gūñakererā pémasīri marīrō irirā āārīma. ²³ Iri āārīpereri ñerī masaka gūñarīgue opari ĩgūsārē ñerā waamakū yāa, āriyupu Jesús ĩgū buerārē.

Judío masako āārībeo Jesúsre buremudea (Mt 15.21-28)

²⁴ Puru Jesús iro āārādi waa, Tiro, Sidón wāikuri makārī turogue ejayupu. Irogue eja, su wiigie ñajāyupu masaka ĩgū āārīrōrē masībirikōāburo, āriḡū. Irasirikeregu, masīkōāsūyupu. ²⁵ Sugo nomeō wātī ñajāsūdeo pago ĩgū ejadeare pégo, mata ĩgū puro waa, ĩgūya guburi puro ñadukupuri merā ejamejāyupo. ²⁶ Igo judío masako āārībeo āārīyupo. Igo deyoadea makā Sirofencia wāikuri makā āārīyuro. Jesús puro ñadukupuri merā ejamejāja, ĩgūrē sērēyupo:

—Wātīrē béowiuka yu magōrē! āriyupo. ²⁷ Jesús igore āriyupu:

—Wii opu pūrā baarire ēma, diayéare ejomakū oābea.

²⁸ Igo ĩgūrē yujnyupo:

—Irasūta āārā yu Opu. Irasū āārīkerepuru, diayéagueta baari peyaro doka majīrā baawasiridijurire baaboema, āriyupo.

²⁹ Jesús igore āriyupu:

—Mu oārō yujna. Irasirigo mnya wiigie goedujáaka! Wātī mu magōrē ñajādi wirisiami, āriyupu.

³⁰ ĩgū irasū ārādero puru, igoya wiigie goedujáa, igo magōrē peyarogue oyagore bokajayupo. Wātī igore ñajādi wiriasiyupu. Irasirigo tariyupo.

Jesús sugu werenírī kukugure gānipū pébire taudea

³¹ Jesús Tiro wāikuri makā turogue āārādi dupaturi wiri, Sidón wāikuri makārē tariwāgā, Decápolis wāikuri nikūrē tariwere, Galilea wāikuri ditarugue ejayupu doja. ³² Irogue ejamakū ĩā, iro marā sugu gānipū pébire werenírī kukugure Jesús puro āia:

—Mnya mojōrī merā ñapeoka ĩgūrē! āri sērēñurā. ³³ Irasirigu Jesús masaka ĩābero gapu ĩgūrē āia, mojōsūrī merā pébiya gānipūrīrē soesóo, síku eoepo, ĩgūya nedirure moañayupu. ³⁴ Puru umugasigue ĩāmu, siuñajānugāja, āsū āriyupu:

—Efata! āriyupu. “Efata”, ārīrō: “Toyoka!” ārīdharo yāa.

³⁵ Īgū irasū ārimakūta, pébiya gānipūrī toyoakōāyuro. Mata Īgūya nediru turadea niirōāmakū, ōārō werenímasīyupū. ³⁶ Jesús gapū Īgūrē taumakū ĩānerārē: “Gajerārē werebirikōāka!” āriyupū. Īgū: “Werebirigorakōāka!” ārikerepū, Īgūsā gapū gajerārē werepeokōāñurā. ³⁷ Buro ĩāguka, usuyari merā āsū āriñurā:

—Āārīpererire ōārō yámi. Gānipū pémerārē ōārō pémakū yámi. Werenímasīmerādere ōārō werenímasīmakū yámi, āriñurā.

8

Jesús cuatro mil āmarē baari ejodea (Mt 15.32-39)

¹ Pūru dupaturi wārā masaka Jesús pūroque nerēanerārē baari peremakū ĩāgū, Īgū buerārē siiu, āriyupū:

² —Urenugora waáa, ĩsā masaka yū merā āārīrō. Īgūsārē baari preakōāa. Irasirigū Īgūsārē bopoñarī merā ĩāa. ³ Surāyeri yoarogue aarinerā āārīmā. Īgūsā baamerārēta Īgūsāya wiirigūe goedujáadoremakū, maa dekota turabirīakōābokuma, āriyupū.

⁴ Īgū irasū ārimakū pérā, Īgū buerā yūjuñurā:

—¿Nasirisīā, ōō masaka marīrōguere baari boka ejobokuri marī Īgūsārē?

⁵ Jesús Īgūsārē sērēñayupū:

—¿Diíkū pā duparu oparī māsā?

—Su mojōma pere gajī mojō peru pērēbejari duparu opāa, āri yūjuñurā.

⁶ Irasirigū Jesús masakare yebague doadore, iri pā duparure āi, Marīpūre: “Mūrē usuyari sīa”, āriyupū. Irasiri odo, pā duparure pea, Īgū buerārē sīyupū, masakare gueredoregū. ⁷ Waaigādere mérāgā opañurā. Jesús Īgūsāgārē āi, Marīpūre: “Mūrē usuyari sīa”, āri, iridere Īgū buerārē masakare gueredoreyupū. ⁸ Āārīpererā irire baayapiakōāñurā. Pūru Īgūsā baaduáadeare Jesús buerā su mojōma pere gajī mojō peru pērēbejari puuiri seasā utudoboñurā. ⁹ Iro baanerā: nome, majīrā keoña marīrō ūma direta keomakū, cuatro mil gora āārīñurā. ¹⁰ Pūru Jesús Īgūsārē seretu, Īgū buerā merā doódirugue mūrīñajāa, Dalmanuta wāikuri makā turogue waayupū.

Fariseo bumarā Jesúre Marīpū turari merā iri ĩmudoredea (Mt 16.1-4; Lc 12.54-56)

¹¹ Pūru fariseo bumarā Jesús merā werenírā ejañurā. Irasū ejarā: “Marīpū turari merā iri ĩmurīrē irika!” āriñurā. “Īgū irire irimasībi, Marīpū iriudi meta āārīmi”, āriñurā, irasū āriñurā. ¹² Īgūsā irasiridoremakū pégu, Jesús buro bujawereri merā siuñajānugāja, āriyupū:

—Māsā dapora marā masaka, ¿nasirimurā Marīpū turari merā iri ĩmurīrē ĩāduri? Diayeta māsārē werea. Marīpū turari merā iri ĩmurīrē māsā ĩūrō neō iribirikoa, āriyupū.

¹³ Īgūsārē irasū āri odo, Īgūsā iro nírōta, doódirugue mūrīñajāa, ditaru sikoepugue taribujakōāyupū Īgū buerā merā.

Jesús Fariseo bumarā, Herodeya bumarā ñerī buerire werede (Mt 16.5-12)

¹⁴ Iroque taribujarā, Īgūsā baaburire kātikōāñurā. Doódirugue suruta pā opañurā. ¹⁵ Irasirigū Jesús Īgūsārē gopeyari merā wereyupū:

—Fariseo bumarā, Herodeyarāya pā wemasārī morērīrē ōārō pémasīka! āriyupū.

¹⁶ Īgū buerā gapū Īgū irasū āriñurā pēmasīmerā, Īgūsā basi āsū āri gāme werenīñurā:

—Marĩ pã opabirimakũ ãgũ, irasũ arĩkumi, arĩñurã.

¹⁷ Jesús, ãgũsã irasũ arĩrĩrẽ masĩkõãyupũ. Irasirigũ ãgũsãrẽ arĩyupũ:

—¿Nasirirã: “Pã opabea”, arĩ gãme werenĩrĩ? ¿Masĩberi? ¿Pemasĩberi musã dapa? ¹⁸ ¿Koye opakerrerã, ããberi? ¿Gãmipũrĩ opakerrerã, péberi? ¿Yũ irideare gũñãberi musã? ¹⁹ ¿Yũ cinco mil masaka ãmarẽ pe mojõma pã duparure yũ dukawa sĩdeare gũñãberi? ãgũsã baayapiadero purũ, ¿diĩkũ puuiri ãgũsã baadũáadeare seasã utũudobori? arĩyupũ Jesús.

—Pe mojõma pere su gubu peru pẽrẽbejari puuiri, arĩ yũñurã.

²⁰ ãgũsã irasũ arĩmakũ pégu:

—Purũ su mojõma pere gaji mojõ peru pẽrẽbejari pã duparure cuatro mil masakare yũ sĩdero purũ, ¿diĩkũ puuiri ãgũsã baadũáadeare seasã utũudobori?

—Su mojõma pere gaji mojõ peru pẽrẽbejari puuiri, arĩ yũñurã.

²¹ ãgũsã irasũ arĩ yũñamakũ, ãgũsãrẽ:

—¿Musã irire gũñakererã, pémasĩberi dapa? arĩyupũ Jesús.

Jesús Betsaidamũrẽ koye ããbire taudea

²² Ditarure taribuja, purũ Betsaida wãĩkuri makãrẽ ejañurã. ãgũsã iroque ejamakũ ããrã, iro marã sugũ koye ããbire Jesús purõ ãã:

—Mũya mojõ merã moãñaka, ãgũrẽ taridoregũ! arĩ, burõ sãrẽñurã. ²³ ãgũsã irasũ arĩmakũ pégu, Jesús koye ããbiya mojõrẽ ñeã, iri makã tũrogue ãgũrẽ tũãwãgã, sĩku merã ãgũya koyere eoepoyupũ. Irasiri odo, ãgũya mojõrĩ merã ãgũrẽ ñapeo:

—¿Mũrẽ gajino deyori? arĩ sãrẽñayupũ Jesús. ²⁴ ãgũ ããpã, ããdiyupũ. Irasirigũ Jesũre:

—Masakare ããdáa. ãgũsã yuku irirosũ deyorã waanamakũ ãã, arĩyupũ.

²⁵ ãgũ irasũ arĩmakũ, Jesús dupaturi ãgũya mojõrĩ merã ãgũya koyere ñapeoyupũ doja. Iropãgueta ããrĩpereri õãrõ deyoyuro ãgũ ããmakũ. ²⁶ Irasirigũ Jesús ãgũrẽ:

—Mũya wiigue diayeta goedujãkõãka! Makãguere waabirikõãka! I mũrẽ yũ irideare gajerã masakare iro ããrĩrãrẽ werebirikõãka! arĩyupũ.

Pedro Jesũre: “Mũ Cristo ããrã”, arĩ weredea

(Mt 16.13-20; Lc 9.18-21)

²⁷ Purũ Jesús ãgũ buerã merã Cesarea Filipo wãĩkuri makã tũro ããrĩrĩ makãrĩgue waañurã. Maa waagũ, ãgũ buerãrẽ ãsũ arĩ sãrẽñayupũ:

—Masaka yũre, ¿naásũ arĩ gũñarĩ? arĩyupũ.

²⁸ ãgũ buerã ãgũrẽ yũñurã:

—Surãyeri mũrẽ: “Juan, masakare wãiyerimasũ ããrĩmi”, arĩma. Gajerã: “Elías ããrĩmi”, gajerã: “Marĩpũya kerere weredupuyurimasã merãmũ ããrĩmi”, arĩma, arĩñurã.

²⁹ —Mũsãkoa yũre, ¿naásũ gũñarĩ? arĩ sãrẽñayupũ.

Pedro ãgũrẽ yũñayupũ:

—Mũ, Marĩpũ iriudi, Cristo ããrã, arĩyupũ.

³⁰ ãgũ irasũ arĩmakũ, Jesús ãgũsãrẽ:

—Yũ ããrĩrikũrĩre gajerãrẽ werebirikõãka! arĩyupũ.

Jesús ãgũ boaburire weredea

(Mt 16.21-28; Lc 9.22-27)

³¹ Purũ ãgũsãrẽ ãsũ arĩ buenũgãyupũ:

—Yũ ããrĩpererã tũgũ burõ ñerõ tarigũkoa. Judío masaka mũrã, paía oparã, Moisés gojadeare buerimasã yũre gããmemerã yũre wẽjãrãkuma. Yũre wẽjãkererũ, ãrenũ waaró merã masãgũkoa doja, arĩyupũ Jesús. ³² ãgũsãrẽ

pémasĩma òãrõ wereyupũ. Ĩgũ irasũ ãrĩmakũ pégu, Pedro gapũ Jesúre gajero gapũ ãĩjanugã, Ĩgũrẽ turaro merã: “Irire ãrĩbirikõãka!” ãrĩyupũ. ³³ Jesús gapũ gãmegoronugã, Ĩgũ buerãrẽ ãã, Pedrore ãrĩyupũ:

—Satanás, yũ purore wirika! Mũ, Marĩpu yũre dorerire kãmutaduagu yáa. Mũ gũñarĩ, Marĩpu gũñarĩ ããrĩbea. Masaka gũñarõsũ gũñáa mũ, ãrĩyupũ.

³⁴ Irasũ ãrĩ odo, masakare, Ĩgũ buerãrẽ siiu, ãrĩyupũ:

—Sugũ yũre tuyaduagu Ĩgũ iriduarire piriburo. Irasirigũ yũre tuyari waja curusague pábiatú wějēsũbu irirosũ ããrĩkeregũ, neõ piriro marĩrõ yũre tuyanikõãburo. ³⁵ Sugũ i ãmugue Ĩgũya okari direta maĩgũ, peamegue waagakumi. Gajigũ yũre buremugũ, Marĩpu masakare tauri kerere Ĩgũ wereri waja gajerã Ĩgũrẽ wějēkererũ, Ĩgũ gapũ tarigukumi. ³⁶ Sugũ masakũ i ãmumarẽ ããrĩpereri opakeregũ, Ĩgũ boari purũ waaburi gapũre gũñabiri waja peamegue waagũ, òãrĩrẽ neõ wajatabirikumi. ³⁷ Irasirigũ peameguere wiriduagu, i ãmũ opari merã neõ wajarimasĩbirikumi. ³⁸ Dapora marã ñerã Marĩpure gããmemerã ããrĩma. Noó yũre, yũ werenĩrĩrẽ masĩkererã, gũyasĩrĩrĩ merã yũre: “Masĩbea”, ãrĩmakũ, yũde gũyasĩrĩrĩ merã Ĩgũsãrẽ: “Masĩbea”, ãrĩgũkoa. Yũ ããrĩpererã tĩgũ, Yũpũ gosewasiriri merã, Ĩgũrẽ wereboerã òãrã merã i ãmugũre dupaturi aarigũ, yũre gũyasĩrĩnerãrẽ yũde gũyasĩrĩgũkoa, ãrĩ wereyupũ Jesús Ĩgũsãrẽ.

9

¹ Jesús ãrĩnemoyupũ doja:

—Diayeta mũsãrẽ werea. Surãyeri mũsã òõguere ããrĩrã, mũsã boaburo dupuyuro, Marĩpu Ĩgũ turaro merã Ĩgũyarãrẽ doreri aarimakũ ããrãkoa, ãrĩyupũ.

Jesús Ĩgũ deyori gorawayudea
(Mt 17.1-13; Lc 9.28-36)

² Jesús, su mojõma pere gaji mojõ suru pẽrẽbejarinũrĩ purũ Pedrore, Santiagore, Juãrẽ ãmarĩ buúrugue Ĩgũsã direta siiu mũrĩayupũ. Irogue Ĩgũsã iũrõ Ĩgũ deyori gorawayuakõãyupũ. ³ Ĩgũya surĩro goserĩne, òãrõ borero waayuro. Neõ sugo nomeõ suri koego irasũ boreri waamakũ irimasĩgõ mámo. ⁴ Irasũ waaripoeta iripoegue marã Moisés, Elías deyoanugã, Jesús merã weretamunĩmakũ ããñũrã. ⁵⁻⁶ Irasirirã bũro gũĩñũrã. Pedro naásũ ãrĩmasĩbirisĩã, Jesúre:

—Gũare buegu, marĩ òõ ããrĩmakũ òãtariduáa. Irasirirã ure wiigã irirãra. Mũya wii, Moiséya wii, Elíaya wii irirãra, ãrĩyupũ. ⁷ Ĩgũ irasũ ãrĩripoe su yebo mikãyebo dijari Ĩgũsãrẽ túbiakõãyuro. Iri yebo poekague Marĩpu ãsũ ãrĩ werenĩmakũ pẽñũrã:

—Ĩrĩ yũ magũ, yũ maĩgũ ããrĩmi. Ĩgũrẽ òãrõ péka!

⁸ Irasũ ãrĩmakũ, Pedrosã gãmenugã iũrã, Moisére, Elíare ããbiriñũrã. Jesús direta nímakũ ããñũrã.

⁹ Purũ Jesús buúru wekague Ĩgũrẽ waamakũ ããdeare: “Gajerãrẽ werebirikõãka!” ãrĩ dijariyupũ.

—Yũ ããrĩpererã tĩgũ boa, masãdero purugue irire gajerãrẽ wereka! ãrĩyupũ.

¹⁰ Irasirirã Ĩgũ doreaderosũta gajerãrẽ werebirikererã, Ĩgũsã basi gãme ãsũ ãrĩ sãrẽñãñũrã:

—“Yũ boa, masãdero purũ”, ãrĩgũ, ¿nasirigũ irasũ ãrãyuri? ãrĩñũrã. ¹¹ Irasirirã Jesúre ãsũ ãrĩ sãrẽñãñũrã:

—¿Nasirirã Moisés gojadeare buerimasã: “Cristo, Marĩpu iriubu aariburi dupuyuro Elías aaripurorigukumi”, ãrĩrĩ? ãrĩ sãrẽñãñũrã.

¹² Jesús Ĩgũsãrẽ yũjũyupũ:

—Musā ārīrōsūta Eliata aaripurorigakumi, āārīpererire āmuyubu. Marīpuya werenīrī gojadea pūgue yare āārīpererā tīgūrē waaburire āsū ārī gojasūdero āārībú:

Īgūta buro ñerō tarigakumi. Masaka ĩgūrē gāamebirikuma, ārī gojasūdero āārībú.*

13 Y_u gap_u musārē: “Elías ejasiami”, ārā. Īgū irasū ejamakū, masaka ĩgūsā gāamerō iriduarire ĩgūrē ñerō irima. Īgūrē waaburire iripoegue Marīpuya werenīrī gojadea pūgue gojaderosūta ĩgūrē irisiana, ārīyup_u Jesús Pedrosārē.

Jesús sug_u majīgūrē wātī ñajāsūdire taudea
(Mt 17.14-21; Lc 9.37-43)

14 Jesús Pedrosā merā buúrueg_u āārādi dijajag_u, gajerā ĩgū buerā p_uro wárā masaka nerēanerārē bokajayup_u. Moisés gojadeare buerimasāde āārīñurā. Īgū buerā merā gāme guaseorā iriñurā. 15 P_uru Jesúsre ĩārā, āārīpererā ĩāguka, ĩgū p_uro ūmawāgā, ĩgūrē ōādoreñurā.

16 Jesús ĩgū buerārē:

—¿Ñeénorē gāme guaseoari, musā ĩgūsā merā? ārī sērēñayup_u.

17 Īgū sērēñamakū pégu, sug_u ĩgūsā watope āārīgú Jesúsre ārīyup_u:

—Bueg_u, mūrē y_u magūrē wātī ñajāsūdire āiriabu. Wātī ĩgūrē werenībirimakū irinami. 18 Noó ĩgū waaró wātī ĩgūrē yebague ñeā meépiunokōāmi. Īgū irasirimakū ĩgūya disigue sūmu wiri, ĩgūya guikare kūrīduútúa, buanokōāmi. Y_u m_u buerārē: “Majīgūrē wātīrē béowiubosaka!” ārādabu. Neō bokatīūbirama, ārīyup_u.

19 Jesús ĩgūsārē ārīyup_u:

—Musā yare buremurī opabirigorakōāa. ¿Noópā yoaripoe musā merā āārīgukuri? ¿Noópā yoaripoe musā yare buremubirire gūñaturagakuri? Majīgūrē ōō gap_u āirika! ārīyup_u.

20 Irasirirā majīgūrē Jesús p_uro āiñurā. Īgū p_uro āijamakū, wātī Jesúsre ĩāgū, majīgūrē narada, yebague tūrūjamejā, sūmutumakū iriyup_u. 21 Irasū waamakū ĩāgū, Jesús ĩgū pagure sērēñayup_u:

—¿Díipoegue āsū waanugārī ĩgū? ārīyup_u.

Īgū pag_u y_ujuyup_u:

—Majīgūgāgueta irasū āārīmí. 22 Wātī ĩgūrē wējēduagu peamegue meémejā, diaguedere meébiamakū irinami. Irasirig_u m_u guare iritamumasīgū, bopoñarī merā ĩā, guare iritamuka! ārīyup_u Jesúsre.

23 Jesús ārīyup_u ĩgūrē:

—Marīp_u, m_u yare buremumakū ĩāgū, m_uya āārīburire irig_u, āārīpererire irimasīmi, ārīyup_u.

24 Īgū irasū ārīmakū pégu, majīgū pag_u āsū ārī gainíyup_u:

—Mūrē buremua. Nemorō buremumakū irika yare! ārīyup_u.

25 Jesús, wárā masaka ĩgūsā p_uro ūma nerēmakū ĩāgū, wātīrē wiridoreyup_u:

—Ī majīgūrē werenībirimakū, pébirimakū iridi ĩgūrē wirika! Dupaturi ĩgūrē ñajābita pama! ārīyup_u.

26 Īgū irasū ārīmakū pégu, wātī gainí, majīgūrē buro naradari merā yebague tūrūjamejāmakū, kōmoadi irirosū waamakū irisīā, ĩgūrē wiriyup_u. Irasū waamakū ĩārā, āārīpererā masaka: “Kōmoakōāmi”, ārīñurā. 27 Jesús ĩgūya mojōrē ñeā, ĩgūrē tūāwāgūnūmakū, wāgānugāyup_u.

28 P_uru Jesús, wiig_ue ñajājamakū, ĩgū buerā masaka péberogue ĩgūrē sērēñañurā:

—¿Nasirirā g_ua gap_u wātīrē béowiumasībirayuri?

* 9:12 Is 53.2-3

²⁹ Jesús ĩgūsārē yujuyupũ:

—Ĩno wātĩrē béowiuduarã, bereri merã Marĩpũre bũro sērērō gãamea, ãrĩyupũ.

Jesús ĩgũ boaburire werenemodea

(Mt 17.22-23; Lc 9.43-45)

³⁰⁻³¹ Pũru Jesús irogue ãārãdi ĩgũ buerã merã waa, Galilea nikũgue tariw-erewãgãyupũ. ĩgũ waaróre gajerã masĩmakũ gãamebiradiyupũ. ĩgũ buerãrē buegu irasiriyupũ. Āsũ ãrĩ bueyupũ ĩgūsārē:

—Masaka yũre ãārĩpererã tĩgũrē ñeã, gajerãguere wějedorerã wiarãkuma. ĩgūsã yũre wějeadero pũru, urenũ waaró merã masãgũkoa doja, ãrĩyupũ. ³² ĩgũ irasũ ãrĩrĩrē ĩgūsã gapũ pėmasĩbiriñurã. Pėmasĩbirikererã, ĩgũrē gũirã: “¿Naásũ ãrĩduagu iriari, irasũ ãrĩgũ?” ãrĩ sērēñabiriñurã.

Jesús sugũ gajerã nemorō ãārĩgũyamarē weredeia

(Mt 18.1-5; Lc 9.46-48)

³³ Jesús Capernaugue eja, pũru wiigũ ñajãja, ĩgũ buerãrē sērēñayupũ:

—Mũsã maa aarirã, ¿ñeėnorē gãme werenĩ guaseowãgãrĩrã iriari? ãrĩyupũ.

³⁴ ĩgũ irasũ ãrĩmakũ pėrã, yujubiriñurã. Maa aarirã, ĩgūsã basi: “¿Noã marĩ watopere ãārĩpererã nemorō ãārĩgũkuri?” ãrĩ werenĩ guaseowãgãrĩrã iriñurã. Irasirirã Jesũre yujubiriñurã. ³⁵ ĩgūsã yujubirimakũ ĩãgũ, Jesús eja doja, ĩgũ buerã pe mojõma pere su gubu peru pėrėbejarãrē siiu, ãsũ ãrĩyupũ:

—Sugũ ãārĩpererãrē doregu ãārĩduagu ãārĩpererãrē moãboegu irirosũ ãārĩpererãrē iritamurō gãamea, ãrĩyupũ.

³⁶ Irasũ ãrĩ, majĩgũrē ĩgūsã dekogue ãĩnũ, ĩgũrē kõã, ĩgũya gosowekague ãĩpeo, ãrĩyupũ:

³⁷ —Sugũ yaagũre ĩĩ majĩgũ irirosũ ãārĩgũrē õãrõ bokatĩrĩñeãgũ yũdere bokatĩrĩñeãmi. Yũre bokatĩrĩñeãgũ yũ direta bokatĩrĩñeãgũ meta yãmi. Yũru yũre iriudidere bokatĩrĩñeãmi, ãrĩyupũ Jesús.

Jesús: “Marĩrē ĩãturibi, marĩ merãmũ ããrĩmi”, ãrĩ weredeia

(Mt 10.42; Lc 9.49-50)

³⁸ Pũru Juan Jesũre ãrĩyupũ:

—Gũare buegu, sugũ masakũ mũ wãĩ merã wãtėãrē: “Wirika mũsã ñajãdire!” ãrĩ béowiumakũ ĩãbũ. ĩgũ, marĩ merã ãārĩbirimakũ ĩãrã, ĩgũrē: “Irire neõ irinemobirikõãka!” ãrãbũ, ãrĩyupũ.

³⁹ Jesús gapũ ãrĩyupũ:

—Kãmutabirikõãka ĩgũrē! Neõ sugũ yũ wãĩ merã gajino iri ĩmugũ, pũru yũre ñerõ werenĩbirikumi. ⁴⁰ Marĩrē ĩãturibi, marĩ merãmũta ããrĩmi. ⁴¹ Diayeta mũsãrē werea. Mũsãrē: “Cristoyarã ããrĩma”, ãrĩ, mũsãrē deko tĩãrãnorē diayeta Marĩpũ ĩgūsārē wajatari opamakũ irigũkumi.

Gajerãrē ñerõ irimakũ iribirikõãka! ãrĩ weredeia

(Mt 18.6-9; Lc 17.1-2)

⁴² ‘Sugũ yũre bũremurãrē ĩĩ majĩgũ irirosũ ããrĩãrē ñerõ irimakũ irigũno, bũro wajamoãsũgũkumi. Irasiriro, ĩgũ gajerãrē ñerõ irimakũ iriburi dupuyuro masaka ĩgũrē wãriye ãtãye merã wãnugũgue siasiu, wãdiyague meėyomakũ õãbokoa. ⁴³ Irasirirã mũsãya mojõ merã ñerõ irirã, iri mojõrē dititã béorosũ ñerõ iririre pirika! Su mojõ merãta Marĩpũ pũrogue waamakũ õãtarirokoa. Ñerõ iririre pirimerã gapũ perebiri peamegue béosũrãkuma. ĩgūsã pe mojõ opakrerã, irogue waamakũ ñetarirokoa. Irogure peame neõ

yaribirikoa. ⁴⁴ Beka irogue waarārē baaníkōārākuma. Neō boabirikuma. Peame neō yaribirikoa.

⁴⁵ 'Musāya gubu merā ñerō irirā, iri gubure dititá béorosū ñerō iririre pirika! Su gubu merāta, Marīpu p̄rogue waamakū ōātarirokoa. Ñerō iririre pirimerā gap̄ p̄rebiri peamegue béosūrākuma. Īgūsā pe gubu opakrerā, irogue waamakū ñetarirokoa. Irogue peame neō yaribirikoa. ⁴⁶ Beka irogue waarārē baaníkōārākuma. Neō boabirikuma. Peame neō yaribirikoa.

⁴⁷ 'Musāya koyeru merā iā, ñerō irirā, irirure gorewea, béorosū ñerō iririre pirika! Su koyeruta opakrerā, Marīpu Īgūyarārē dorerogue waamakū ōātarirokoa. Ñerō iririre pirimerā gap̄ p̄rebiri peamegue béosūrākuma. Īgūsā pe koyegueta opakrerā, irogue waamakū ñetarirokoa. ⁴⁸ Beka irogue waarārē baaníkōārākuma. Neō boabirikuma. Peame neō yaribirikoa.

⁴⁹ 'I ūmugere āārīpererā Marīpure buremurā moā okari irirosū āārīrā, peamegue ūjū p̄rīsūrōsū ñerō tariri merā ōārō āārīrākuma. ⁵⁰ Moā okamakū ōāgorāa. Irasirirā gajerā merā ōārō āārīrā moā okari irirosū āārā. Moā okadea okabirimakū, dupaturi okamakū irimasībirikoa. Irasirirā moā okari irirosū āārīka! Gajerā merā ōārō āārīnikōāka! ārī wereyupu Jesús Īgūsārē.

10

*Jesús masakare: “Musā marāposā nomerē béobirikōāka!” ārī buedea
(Mt 19.1-12; Lc 16.18)*

¹ Jesús Capernaugue āārīdi waa, Judea nikūgue eja, dia Jordán wāikūdiya gaji koepugue ejayupu doja. Irogue wārā masaka Īgū p̄ro nerēmakū Īgū, Īgū irinarōsūta dupaturi Īgūsārē bueyupu. ² Īgū bueripoe fariseo bumarā Jesúre ñerī werenīmakū iriduarā, āsū ārī sērēñarā ejañurā:

—Sugū masakū Īgū marāpore béomakū, ¿marī doreri āārīkuri? ārīñurā.

³ Jesús Īgūsārē yujyupu:

—¿Naāsū doreyuri Moisés musārē?

⁴ Īgū irasū ārīmakū, Īgūrē āsū ārīñurā:

—“Sugū masakū Īgū marāpore béodugū: ‘I waja marē béoa’, ārī gojari pūrē sīrō gāāmea”, ārī gojadi āārīmí, ārīñurā.

⁵ Īgūsā irasū ārīmakū, āsū ārīyupu Jesús:

—Musā ñekūsāmarā Marīpu dorerire iridubirimakū Īgū: “Īgūsā marāposā nomerē béoduarā, béokōāburo”, ārī gojadi āārīmí Moisés. ⁶ Īgū irasū ārī gojakerepuru, neōgoragueta Marīpu i ūmarē irigu, ūmúu, nomeō iridi āārīmí.

⁷ Sugū ūmúu Īgū pagūsāmarārē wiri, Īgū marāpo merā āārīgukumi. ⁸ Irasirirā Īgūsā pērā āārīkererā, Marīpu ĩūrō su duputa irirosū āārīrākuma. Irasirirā pērā āārībema. Su duputa irirosū āārīma. ⁹ Marīpu Īgūsārē su duputa irirosū āārīmakū iridero p̄ru, gajigu Īgūsārē gāme béomakū iribirikōārō gāāmea, ārīyupu.

¹⁰ Jesús irasū ārī odo, Īgū buerā merā wiigie ñajākōāyupu. Irogue Īgū buerā irire sērēñanemoñurā doja. ¹¹ Jesús Īgūsārē yujyupu:

—Sugū masakū Īgū marāpore béodi gajego merā marāpokugū, igo merā ñerō irigu yámi. ¹² Nomeōde igo marāpore béogo, gajigu merā marāpukugo, Īgū merā ñerō irigo yámo, ārīyupu.

*Jesús majrāya āārīburire Marīpure sērēbosadea
(Mt 19.13-15; Lc 18.15-17)*

13 Puro masaka majirare Jesure moañadorera igu puro aijañura. Igusa aijamakũ iara, igu buera gapu igusare bokatiri: “Igurẽ garibobirikõaka!” arinura. 14 Igusa irasũ arimakũ pegu, Jesus igusa mera gua, asũ ariyupu:

—Majira yu purogue aariburo. Kamutabirikõaka igusare! Maripu iguyarare dorerogue aarimura isa majira yure usuyari mera bokatirineara irirosũ aarima. 15 Diayeta musare werea. Isa majira Maripure igusa Opure gaamerã irirosũ aarimerano, iguyarare doreroguere waabirikuma, ariyupu.

16 Irasũ arĩ odo, majirare ai, koã, igusare ñapeo, Maripure igusa ya aariburire serẽbosayupu.

*Sugu maamu wari doebiri opagu Jesus mera werenidea
(Mt 19.16-30; Lc 18.18-30)*

17 Jesus iroque aaradi waaripoe sugu maamu umaja, igu ñadukupuri mera Jesuya guburi puro ejamejaja, serẽñayupu:

—Oãgũ buegu, yu umugasigue perebiri okarire wajatadugu, ñeonorẽ irigukuri? ariyupu.

18 Jesus igurẽ yujuyupu:

—¿Nasirigu yure: “oãgũ”, ariri? Maripu suguta oãgũ aarimi. 19 Mu, igu doreri pideare masia: “Masakare wejebirikõaka! Gajigu marapo mera ñerõ iribirikõaka! Yajabirikõaka! Gajera irideare arigatori mera werebirikõaka! Gajerayare arigatori mera aibirikõaka! Mu pagusamarare gopeyari mera baremuka!” arĩ wereyupu Jesus igurẽ.

20 Maamu Jesure yujuyupu:

—Buegu, iri doreri aaripererire majigugeta tarinugabiribu yu, ariyupu.

21 Jesus igurẽ maĩĩ mera ia, asũ ariyupu:

—Murẽ su wai duyaa. Mu oparire duagu waaka! Mu duadea wajare boporare sika! Irasirigu umugasiguere wari oari opaguko. Irasiri odo, yu mera aarika! ariyupu.

22 Igu irasũ arimakũ pegu, igu wari oparire maĩĩ, buro bajawereri mera waakõayupu.

23 Igu bajawereri mera waamakũ iãgũ, Jesus igu buerare ia, ariyupu:

—Wari doebiri oparare Maripu iguyarare doreroguere igusa waadamakũ diasagora, ariyupu.

24 Igu irasũ arimakũ, igusa gapu peguka, pemasibirinura. Jesus dupaturi werenemoyupu doja igusare:

—Yu buera, musare werea. Masaka: “Wari opari mera oarõ waarokoa yure”, arĩ gunarare Maripu iguyarare doreroguere igusa waamakũ diasagora. 25 Camellu awiru gobegague ñajatariveremasibirikumi. I nemorõ, wari doebiri opagure Maripu iguyarare doreroguere waamakũ diasaa, ariyupu.

26 Igu irasũ arimakũ pera, nemorõ peguka, igusa basi game serẽñanura:

—Iro mere, ñnoã gapu Maripu tausumura igu purogue waamura aaribokuri? arinura.

27 Jesus igusare ia, ariyupu:

—Masaka igusa basi igusa iriri mera Maripu purogue waamasibema. Maripu dita igusare igu puro aarimura waamakũ irimasimi. Igu dita aaripererire irimasimi, ariyupu.

28 Igu irasũ arimakũ pegu, Pedro igurẽ ariyupu:

—Gua opu, gua murẽ tuyara, aaripereri gua opadeare pipeokõabu, ariyupu.

29 Jesus yujuyupu:

—Diayeta musare werea. Yu mera Maripuya kerere werera waarã, igusa ya wiirire, igusa pagupurare, pagusamarare, purare, igusa ya poerire pipeora,

wári òārĩ wajatarākuma. ³⁰ Īgūsā iro dupuyuro opaderosū i ùmuguerē cien nemorō Īgūsāya wiiri, Īgūsā pagupūrā, pagosā nome, pūrā, Īgūsāya pooeri oparākuma. Īgūsā, yaarā āārĩmakū ĩārā, gajerā Īgūsārē ñerō tarimakū irikerepuru, wári òārĩ wajatarākuma. I ùmu peremakū, ùmugasigwe perebiri okari oparākuma. ³¹ Wārā daporare wári oparā, puruguerē neō gajino opamerā dujarākuma. Opamerā gapu, puruguerē wári oparā dujarākuma, ārĩyuru Jesús.

Dupaturi Jesús ĩgū boaburire weredeā
(Mt 20.17-19; Lc 18.31-34)

³² Puru Jesús Jerusalēgue waarĩ maague ĩgū buerā dupuyuro majāyuru. ĩgū dupuyumakū ĩārā, ĩāgukakōāñurā. “¿Marĩrē irogue naásū waarokuri?” ārĩ gūña, gūiri merā ĩgū puru tuyañurā. Irasirigu Jesús ĩgū buerā pe mojōma pere su gubu peru pērēbejarārē siiu, ĩgūrē waaburire werenugāyuru doja:

³³ –Ōārō péka! Marĩ Jerusalēgue waarā yāa. Irogue yu āārĩpererā tĩgū, paía oparāguere, Moisés gojadeare buerimasāguere wiasūgukoā. ĩgūsā yure: “Boaburo”, ārĩrākuma. Irasirirā judío masaka āārĩmerāguere wiarākuma.

³⁴ ĩgūsā yure burida, síku eotúbira, burō tārārākuma. Irasiri odo, yure wējērākuma. ĩgūsā yure wējēadero puru, urenu waaró merā masāgukoā, ārĩyuru Jesús.

Santiago, Juan merā Jesúre sērēdea
(Mt 20.20-28)

³⁵ Puru Zebedeo pūrā Santiago, Juan Jesús puro waa ejanugā, ĩgūrē āsū ārĩ sērēñurā:

–Ghare buegu, gha sērērōsūta ghare irika! ārĩñurā.

³⁶ Jesús ĩgūsārē sērēñayuru:

–¿Ñéenorē yu irimakū gāāmerĩ musā?

³⁷ ĩgūrē yujñurā:

–Mu opu ñajāgū, ghadere mu merā doremurā sóoka! Sugure mu diaye gapu, gajigure kúgapu doadoreka! ārĩñurā.

³⁸ Jesús ĩgūsārē ārĩyuru:

–Musā yure sērērĩrē pémasĩbea. Yu burō ñerō tarigukoā. ¿Yu ñerō tarirosū musāde ñerō tarirā, bokatĩūrākuri? ¿Yure ĩgūsā wējērōsū musādere ĩgūsā wējēmakū, bokatĩūrākuri? ārĩyuru.

³⁹ –Bokatĩūkōārākoā, ārĩ yujñurā.

Jesús ĩgūsārē ārĩyuru:

–Yu irirosū musāde ñerō tari, boarākoā. ⁴⁰ Yu gapu musārē yu diaye, kúgapu doamurārē beyemasĩbea. Yuru āmusiadi āārĩmĩ irire. Irasirirā ĩgū beyenerā dita yu diaye, kúgapu doarākuma, ārĩyuru.

⁴¹ Gajerā Jesús buerā pe mojōmarā gapu Santiago, Juan ĩgūsā Jesúre sērērĩrē pérā, ĩgūsā merā guañurā. ⁴² ĩgūsā guamakū ĩāgū, Jesús ĩgūsārē ĩgū puro siiu neō, ārĩyuru:

–I nikū marā oparā Marĩpure buremumerā ĩgūsāyarārē turaro merā dorema, ĩgūsā dorerire iridorerā. Irire masā musā. ⁴³ Musā tamerā ĩgūsā irirosū iribirikoa. Musā watopeguere opu āārĩduagu, musārē moāboegu irirosū āārĩrō gāāmea. ⁴⁴ Sugū musā watopegue āārĩgū gajerā nemorō āārĩduagu, āārĩpererārē moāboegu irirosū āārĩburo. ⁴⁵ Yude irasūta āārā. Yu āārĩpererā tĩgū masaka yure iritamuburo, ārĩgū meta aaribú. Yu gapu ĩgūsārē iritamugū aaribú. Irasirigu wārā masakare yu boari merā ĩgūsā ñerō iridea wajare wajaribosagu aarigū iribu, ārĩyuru Jesús.

Jesús Bartimeo wāikugure koye iābire taudea
(Mt 20.29-34; Lc 18.35-43)

⁴⁶ Puru Jesús ĩgũ buerã merã Jericogue ejayupu. Iri makãrẽ tariwãgãmakũ, wãrã masaka ĩgũsã merã waañurã. ĩgũsã waarĩ maa turo sugu koye iābi doayupu. ĩgũ Bartimeo wāikugu, Timeo magũ aārĩyupu. Īmuriku iri maa turo masakare niyeru sērẽ doanĩnayupu. ⁴⁷ Masaka: “Jesús Nazaretmũ aarĩmi”, aarĩmakũ pégu, ašũ aarĩ gainĩnugãyupu:

—Jesús, David parãmi aārĩturiagu, yure bopoñarĩ merã iāka! aarĩyupu.

⁴⁸ ĩgũ irasũ aarĩ gainĩmakũ pérã, wãrã masaka: “Toeaka!” aarĩdiñurã. ĩgũsã irasũ aarĩkerepuru, ĩgũ gapu ĩgũ gainiadero nemorõ:

—David parãmi aārĩturiagu, yure bopoñarĩ merã iāka! aarĩ gainĩyupu.

⁴⁹ ĩgũ irasũ aarĩmakũ pé, Jesús dujanugãja, masakare:

—Siurika ĩgũrẽ! aarĩyupu.

ĩgũ irasũ aarĩmakũ pérã, gajerã ĩgũrẽ siu: “Usuyaka! Wãgãnugãka! Murẽ siiumi”, aarĩñurã.

⁵⁰ ĩgũsã irasũ aarĩmakũ pé, ĩgũya surĩro wekamañerẽ túweapĩ, pari wãgãnugã, Jesús puro ejanugãjayupu. ⁵¹ Jesús ĩgũrẽ sērẽñayupu:

—¿Ñeonorẽ yu murẽ irimakũ gããmerĩ? aarĩyupu.

Bartimeo yujyupu:

—Buegu, yure koye iāmakũ irika! aarĩyupu.

⁵² Jesús ĩgũrẽ aarĩyupu:

—Mu yure buremurĩ opáa. Irasirigu tausũa, aarĩyupu.

ĩgũ irasũ aarĩmakũta, koye iābiradi õarõ iāmasĩakõayupu. Puru maague Jesũre tuyawãgãyupu.

11

Jesús Jerusalẽgue ejadea
(Mt 21.1-11; Lc 19.28-40; Jn 12.12-19)

¹ Puru Jesús ĩgũ buerã merã Jerusalẽgue ejaburo dupuyuro, Betfagẽ, Betania wāikuri makãrĩ puro ejaपुरoriyupu. Iri makãrĩ Olivos wāikuri buũru aarĩdujimejãrõ aarĩyuro. Irogue ejaqu, Jesús pẽrã ĩgũ buerãrẽ ašũ aarĩ iriuyupu:

² —Si makã marĩ bokatiũrõ aarĩrĩ makãgue waaka! Irogue ejarã, sugu burrore ĩgũsã sianúadire neõ suñarõ peyasũña marĩgũrẽ bokajarãkoa. ĩgũrẽ kura, aarĩka! ³ Sugu musãrẽ: “¿Nasirimurã yãri?” aarĩmakũ: “Marĩ Opũ gããmeami. Dapora wiagakumi doja”, aarĩka! aarĩ iriuyupu.

⁴ ĩgũ irasũ aarĩmakũ, pẽrã waa, maa turo aarĩrĩ wii disipuro burrore ĩgũsã sianúadire bokaja, ĩgũrẽ kurañurã. ⁵ ĩgũsã irasirimakũ iãrã, iro aarĩrã sērẽñañurã:

—¿Nasirirã yãri? ¿Nasirimurã burrore kurari? aarĩñurã.

⁶ ĩgũsã irasũ aarĩmakũ pérã, Jesús aarĩderosũta wereñurã. ĩgũsã irasũ aarĩ weremakũ pérã: “Aĩaka!” aarĩ yujũñurã. ⁷ Puru burrore Jesús purogue aarĩñurã. Aĩja, ĩgũsãya wekama surĩre túwea, burro weka peoñurã. Jesús ĩgũ wekague marĩbeja waayupu. ⁸ Masaka wãrã ĩgũsãya wekama surĩre túwea aĩ, ĩgũ waaburi maarẽ sẽõpidupuyũñurã ĩgũrẽ buremurã. Gajerã yukũ dupuri pũrikurire diti, maarẽ pidupuyũñurã, ĩgũ waarĩ maa õarĩ maa aarĩburo, aarĩrã.

⁹ Irasirirã ĩgũ dupuyuro waarã, ĩgũ purũ tuyarãde ašũ aarĩ gainĩñurã:

Marĩ Opũre usuyari sãrã! ĩ Marĩpu marĩrẽ taugu iriudi õarõ aarĩburo.

¹⁰ Marĩ Opũ ñajãburi õarõ aarĩburo. Marĩ ñekũ David opu aarĩderosũta õarõ aarĩburo.

Marĩpure: “Ōātaria mu āārĩpererā Opu ũmugasigue āārĩgú”, ārĩ, usuyari sĩrā! ārĩñurā.✧

¹¹ Irasirigu Jesús Jerusalēgue eja, Marĩpuya wiigue ñajāa, āārĩpereri iri wiimague āārĩrĩrē ĩāpeokōāyupũ. ĩā odo, Betaniague ĩgũ buerā pe mojōma pere su gubu peru pērēbejarā merā waayupũ. ĩgūsā irogue waaripoere ñamikague āārĩsiayuro.

Jesús higueraḡ duka marĩdire ñāĩmakũ iridea
(Mt 21.18-19)

¹² Gajinu gapu Betaniague āārānerā Jerusalēgue goedujāañurā doja. Jesús irogue goedujāagu, ũaboakōāyupũ. ¹³ Yoarogue merā higuera wāĩkũdire ōārō pũrikũdire ĩā: “Dukakũkoa”, ārĩgũ ĩāgũ waadiyupũ. Irigu gapu duka marĩyuro. Dukakũripoe āārĩbiriyuro. Irasirigu pũrĩ direta bokajayupũ. ¹⁴ Irigu duka marĩmakũ ĩāgũ, Jesús āsũ ārĩyupũ:

–Igu dukare masaka neō dupaturi baabirikuma. Neō dukakũbirikoa, ārĩyupũ.

ĩgũ irasũ ārĩmakũ, ĩgũ buerā péñurā.

Jesús Marĩpuya wiigue duarārē béowiudea
(Mt 21.12-17; Lc 19.45-48; Jn 2.13-22)

¹⁵ Pũru Jerusalēgue eja, Jesús Marĩpuya wiigue ñajāyupũ. Irogue doebiri duarārē, wajarirādere béowiuyupũ. Niyeru gorawayurimasāya niyeru sāñarĩ kũmarĩrē yomeéwiunokōāyupũ. Bujare dua doanírāya doaripērĩdere irasũta iriyupũ. ¹⁶ “Neō duari āĩ ñajābirikōāka, Marĩpuya wiiguere!” ārĩyupũ Jesús masakare. ¹⁷ Āsũ ārĩ bueyupũ ĩgūsārē:

–Marĩpu ĩgũya werenĩrĩ gojadea pũgue āsũ ārĩdi āārĩmĩ: “Yaa wii, yure buremurā yure sērērĩ wii wāĩkũrokoa. Irasirirā āārĩpereri nikũ marā i wiigue yure sērērā aarirākuma”, ārĩdi āārĩmĩ. Musā gapu, ĩgũ irasũ ārĩkererũ, yajarimasāya wii irirosũ āārĩmakũ yāa, ārĩyupũ Jesús.

¹⁸ ĩgũ irasũ ārĩmakũ, āārĩpererā masaka pégũkakōāñurā. Irasirirā paía oparā, Moisés gojadeare buerimasāde ĩgūrē gũñurā. “¿Nasiri ĩrē wējērākuri?” ārĩ gũñamañurā. ¹⁹ Pũru ñāĩmejāripoe Jesús ĩgũ buerā merā iri makārē wiriwāgākōāyupũ doja.

Jesús buerā higueraḡ boanũgādire ĩādea
(Mt 21.20-22)

²⁰ Gajinu boyoripoe maague waarā, higueraḡ nugũrĩgue merāta ñāĩnũgādire ĩāñurā. ²¹ Pedro irigure Jesús ārādeare gũña, ĩgūrē ārĩyupũ:

–Bueḡ, ĩāka! Igu higueraḡ mu boadoredi boakōāsiayo, ārĩyupũ.

²² Jesús yũjũyupũ:

–Marĩpure buremuka! ²³ Diayeta musārē werea. Sugũ Marĩpure buremugũ, ĩgūrē: “I buúrure dia wádiyague béoka!” ārĩmakũ, ĩgũ ārāderosũta waarokoa. Musā: “Marĩpu āsũ irimasĩbirikumi”, ārĩ gũñarō marĩrō: “ĩgūrē yũ sērēaderosũta waarokoa”, ārĩ buremumakũ, Marĩpu diayeta irasirigũkumi. ²⁴ Irasirigu musārē irire wereḡura doja. Marĩpure sērērā: “Yũ sērērōsũta waarokoa yure”, ārĩ buremumakũ, musā sērērōsũta irigũkumi. ²⁵ Irasirirā Marĩpure musā sērēburo dupuyuro gajerā musārē ñerō iridea waja ĩgūsā merā guarire pirika! ĩgūsā ñerō irideare kātika! Irasirimakũ ĩāgũ, Musāpu ũmugasigue āārĩgú musā ñerō irideare kātigũkumi. ²⁶ Gajerā musārē ñerō irideare musā kātibirimakũ ĩāgũ, ĩgũde musā ñerō irideare kātibirikumi, ārĩyupũ Jesús.

✧ 11:10 Sal 118.25-26

*Judío masaka oparā Jesúre: “¿Noã m̄rē doreri?” āri s̄rēñadea
(Mt 21.23-27; Lc 20.1-8)*

²⁷ Īgū irasū ārādero p̄r̄u, dupaturi Jerusalēgue waañurā doja. Irogue eja, Jesús Marīp̄ya wiigwe waanamakū ĩārā, paía oparā, Moisés gojadeare buerimasāde, judío masaka m̄rā merā Īgū p̄rogue waa ejanugā, ²⁸ Īgūrē s̄rēñañurā:

—¿Noã m̄rē doreri m̄ irasirimakū? ¿Noã m̄rē: “Āsū irika!” āri? āriñurā.

²⁹ Jesús Īgūsārē yujyup̄:

—Yude m̄sārē s̄rēñagura. M̄sā yujmakū, yude m̄sārē yujgura. ³⁰ ¿Noã Juārē masakare deko merā wāiyedoregu iriuyuri, Marīp̄, o masaka? Yujaka! āriyup̄ Jesús.

³¹ Īgū irasū ārimakū pérā, Īgūsā basi āsū āri gāme wereníñurā:

—“Marīp̄ Juārē doredi āārīmí”, marī ārimakū, Jesús marīrē: “¿Nasirirā Īgū weredeare buremubiriri m̄sā?” āri bokumi. ³² Āārīpererā masaka: “Diayeta Juan Marīp̄ya kerere weredupuyudi āārīmí”, āri gūñama. Marī: “Masaka Juārē wāiyedorenerā āārímá”, ārimakū, masaka marī merā guabokuma, āriñurā. Masakare gūisā, irire irasū āriñurā. ³³ Irasirirā: “Masībirikoa”, āri yujñurā Jesúre.

Irasirigu Jesús Īgūsārē āriyup̄:

—M̄sā yure: “¿Noã m̄rē irire doreri?” āri s̄rēñadeare yude m̄sārē yujubea, āriyup̄.

12

*Jesús ñerā moārā keori merā buedea
(Mt 21.33-46; Lc 20.9-19)*

¹ P̄ru Jesús paía oparārē, Moisés gojadeare buerimasārē, judío masaka oparārē keori merā āsū āri wereyup̄:

—Suḡ masak̄ Īgūya poogwe iguidarire otekumi. Ote odo, iri poe turo ūtāyeri merā sārīsākumi. Ūtāyegwe ĩgui karabipiri gobere irikumi. Wii ūmarī wiigārē irikumi, iri poere korerā ōārō ĩā koreburo, āri gū. Irasiri odo, gajerārē iri poere wayu: “Yaa oteri dukare yure deko merā s̄rākoa, yu m̄sārē iri poere wayuri waja”, ārikumi. Irasū āri odo, gajerogue waakōākumi.

² P̄ru ĩgui ñiripoe ejamakū, Īgūrē moāboegure Īgūya poere moārā p̄rogue iriukumi, Īgūya poema oteri dukare deko merā s̄rēdoregu. ³ Iri poere moārā gap̄ Īgū irogue ejamakū ĩārā, Īgūrē ñeā, pákuma. Neō gajino s̄rō marīrō Īgūrē iridujukuma. ⁴ P̄ru iri poe opu gajigu Īgūrē moāboegure iriukumi doja. Īgūrē dipurure pá, kāmítúkuma. Īgūrē burida, iridujukuma. ⁵ Iri poe opu gajigure iriukumi doja. Īgūrē wējēkōākuma. P̄ru wārā iriukumi doja. Surāyerire pá, gajerārē wējēkōākuma.

⁶ Irasirigu iri poe opu magū, Īgū buro maīgū dita d̄yakumi. “Yu magūrē buremurākuma”, āri gūñarī merā Īgūrē iriutūnadikumi. ⁷ Iri poere moārā gap̄ Īgū magū ejamakū ĩārā, Īgūsā basi āsū āri gāme wereníkuma: “Īta p̄r̄guere i poere opabu āārīmí. Īgūrē wējēkōārā! Irasirirā marī basi i poere oparākoa”, ārikuma. ⁸ Irasirirā Īgūrē ñeā, wējē, poe turogue Īgūya dupure āiwāgā béokōākuma, āriyup̄ Jesús.

⁹ Irasū āri odo, Īgūsārē s̄rēñayup̄:

—Iro merē poe opu, ¿nasirigukuri Īgūya poere moārārē? Āsū irigukumi. Irogue waa, Īgūsārē wējē, Īgūya poere gajerā gap̄re s̄igukumi.

¹⁰ ¿M̄sā Marīp̄ya werenírī gojadea p̄rē ire buebiriri? Āsū āri gojasūdero āārībú:

Suye ùtāye wii iririmasā ĩgūsā béoadeaye merā gajigu gapu òārō turari wii irigakumi.

11 Marĩpu irasiridi āārĩmĩ. Marĩ ĩgũ irasirideare ĩārā: “Ōātaria”, ārĩ gũñáa, ārĩ gojasũdero āārĩbú, ārĩ wereyupu Jesús ĩgūsārē.*

12 Judío masaka oparā ĩgũ i keori merā irasũ ārĩ weremakũ pérā: “Marĩrē: ĩgūsā irirosũ ñerā āārā”, ārĩgũ irikumi”, ārĩ pémasĩ, ĩgūrē ñeā, peresu iridũadiñurā. Irasiridũakererā: “Masaka ĩgūrē marĩ irasirimakũ ĩārā, marĩ merā guabokuma”, ārĩ gũñañurā. Irasirirā ĩgūsārē gũi, Jesúre pirikōā, gajerogue waakōāñurā.

Romano marā opu masakare niyeru wajasearire Jesúre sērēñadea
(Mt 22.15-22; Lc 20.20-26)

13 Pũũ Jesúre weresādũarā, surāyeri fariseo bumarārē, Herodeya bu-marādere Jesús pũrogue ĩgūrē wári sērēña, diaye yũjubirimakũ iridorerā iriũñurā. 14 ĩgūsā iriuanerā Jesús pũrogue ejarā, āsũ ārĩñurā:

–Buegu, mũ iririkũire masĩa. Mũ ārĩgatoro marĩrō werenía. Marĩpũyare di-ayeta buea. “¿Naásũ gũñarĩ masaka yũre?” ārĩ gũñarō marĩrō diayeta ĩgūsārē werea. Oparārē, ubu āārĩrādere āārĩpererārē sũrosũta ĩāa. Irasirigu gũare wereka! Romano marā opu marĩrē niyeru wajasearire marĩ wajarimakũ, ¿òāgorari, o òāberi? ¿Wajariro gāāmerĩ, o wajaribirikōārō gāāmerĩ? ārĩñurā.

15 Jesús gapu ĩgūsā irigatori merā ĩgūrē ñerō iridũarire masĩsĩa, āsũ ārĩyupu: –¿Nasirirā yũ ñerō yũjumakũ iridũari masā? Niyeru tire yũre āirika! Iri tire ĩāmũrā! ārĩyupu.

16 ĩgũ irasũ ārĩmakũ pérā, suti āĩñurā. Jesús ĩgūsārē sērēñayupu:

–I tiguere, ¿noāya diapu keori, noāya wāi tuuyari? ārĩyupu.

–Romano marā opu diapu keori, ĩgũ wāita tuuyáa, ārĩ yũñurā.

17 Irasirigu Jesús ĩgūsārē ārĩyupu:

–Iro merē romano marā opu āārĩrĩrē ĩgūrē sĩa! Marĩpũya gapure Marĩpũre sĩa! ārĩyupu.

ĩgũ irasũ ārĩmakũ pégũkakōāñurā.

Saduceo bumarā, Marĩpu boanerārē masũrĩrē Jesúre sērēñadea
(Mt 22.23-33; Lc 20.27-40)

18 Pũũ surāyeri saduceo bumarā Jesús pũrogue ejañurā. ĩgūsā: “Masaka boanerāgue masābirikuma”, ārĩ bũremurā āārĩñurā. Irasirirā Jesúre āsũ ārĩñurā:

19 –Buegu, Moisés marĩrē āsũ ārĩ gojapĩdi āārĩmĩ: “Sugu marāpokũdi pũrā marĩkeregu igore boaweomakũ, ĩgũ pagũũ igore dúunorēgũkumi. Irasirirā, ĩgũ igo merā pũrākũrā ĩgũ tĩgũ dagũ pũrā irirosũta āārĩrākuma”, ārĩdi āārĩmĩ. 20 Iripoeguere sugũ pũrā su mojōma pere gajĩ mojō peru pērēbejarā āārĩunanerā āārĩmā. ĩgūsā tĩgũ gapu marāpokũ, pũrā marĩgũta boakōāyupu.

21 Irasirigu ĩgũ dagũ dokamũta ĩgũ marāpo āārĩdeore dúunorēyupu. ĩgũde, ĩgũ tĩgũ dagũ irirosũta pũrā marĩgũta boakōāyupu. ĩgūsā pērā dokamũde pũrā marĩgũta boakōāyupu. 22 Irasũ dita pũrā marĩrāta boapereakōāñurā. ĩgūsā pũũ ĩgūsā marāpode boakōāyupo pama. 23 ĩgūsā su mojōma pere gajĩ mojō peru pērēbejarā ũma igore marāpokũadiñurā. Irasirirā boanerā masāmakũ, ¿niño marāpogora āārĩgokuri? ārĩñurā.

24 Jesús ĩgūsārē yũjũyupu:

–Masā diaye gũñabea. Marĩpũya werenĩrĩ gojadeare, ĩgũ turaridere masā neō masĩbea. 25 Boanerā ĩgūsā masādero pũũ, ĩgūsā ũmũgasigue Marĩpũre

* 12:11 Sal 118.22-23

wereboerã irirosũ ããrĩrãkuma. Iroguere marãpokubirikuma. Ìgũsã pũrã nomedere nomesubirikuma. ²⁶ ¿Moisés gojadea pũguere boanerã Ìgũsã masãburire buebiriri? Iripoeguere yukugãgue ñjũrõgue Marĩpu Moisére ãsũ ãrĩdi ããrĩmĩ: “Yũ Abraham, Isaac, Jacob Opũta ããrã”, ãrĩdi ããrĩmĩ. ²⁷ Irasirirã Ìgũsã boanerã ããrĩkererã, Marĩpu merã okarã ããrĩma. Irasirigu Marĩpu boanerã dupaturi masãbirimurã Opũ ããrĩbemi. Okarã, boanerãgue dupaturi masãmurã Opũ ããrĩmĩ. Irasirirã musã: “Boanerã masãbirikuma”, ãrĩ gũñarã, diaye gũñabea, ãrĩyupu Jesús.

“¿Dĩ gapũ Marĩpu doreri gaji doreri nemorõ ããrĩrĩ?” ãrĩ sërẽñadea (Mt 22.34-40)

²⁸ Ìgũsã Jesús merã werenĩripoe sugũ Moisés gojadeare buerimasũ Ìgũsã pũro ejayupu. Jesús Ìgũ õãrõ yujũrire pé, ãsũ ãrĩ sërẽñayupu Ìgũrẽ:

–¿Dĩ gapũ Marĩpu doreri gaji doreri nemorõ ããrĩrĩ?

²⁹ Jesús Ìgũrẽ yujũyupu:

–Gaji doreri nemorõ ããrĩrĩ i ããrã: “Israel bumarã õãrõ péka! Marĩpu sugũta musã Opũ ããrĩmĩ. ³⁰ Irasirirã musãya yujũpũrãrĩ merã, musã ããrĩrikuri merã, ããrĩpereri musã gũñarĩ merã, musã turari merã Marĩpure musã Opũre maĩka!”

³¹ I doreri pũrũma ãsũ ãrã: “Mũ basi maĩrõsũta mũ pũro ããrĩrãrẽ maĩka!” I pe dorerita gaji ããrĩpereri doreri nemorõ ããrã, ãrĩyupu Jesús.

³² Ìgũ irasũ ãrĩmakũ, Moisés gojadeare buerimasũ ãsũ ãrĩ yujũyupu:

–Buegũ, irasũta ããrã. Mũ ãrĩrĩ diayeta ããrã. Marĩpu sugũta ããrĩmĩ. Gajigu Ìgũ irirosũ ããrĩgũ mámi. ³³ Marĩrẽ marĩya yujũpũrãrĩ merã, marĩ gũñarĩ merã, ããrĩpereri marĩ turari merã Marĩpure maĩrõ gããmea. Marĩ basi maĩrõsũta gajerãrẽ maĩrõ gããmea. Marĩpure bũremurã Ìgũ iũrõ waimurã wẽjẽ soepeomakũ õãgorãa. I nemorõ Marĩpure, masakadere marĩ maĩmakũ õãtaria, ãrĩyupu.

³⁴ Ìgũ pémasĩrĩ merã õãrõ yujũmakũ ãã, Jesús Ìgũrẽ ãrĩyupu:

–Mérõ dũyãa, Marĩpu mũ Opũ ããrĩrĩrẽ mũ pémasĩburo, ãrĩyupu.

Jesús irire irasũ ãrãdero pũrũ, neõ sugũ Ìgũrẽ sërẽñanemobiriñurã.

“¿Noã parãmi ããrĩturiagu ããrĩrĩ Cristo?” ãrĩ sërẽñadea (Mt 22.41-46; Lc 20.41-44)

³⁵ Jesús Marĩpũya wiigũ buegũ, ãsũ ãrĩ sërẽñayupu:

–¿Nasirirã Moisés gojadeare buerimasã: “Cristo, David parãmi ããrĩturiagu ããrĩmĩ”, ãrĩrĩ? ³⁶ David, Cristo ñekũ ããrĩkeregũ, Õãgũ deyomarĩgũ Ìgũrẽ weredorederosũta ãsũ ãrĩ gojadi ããrĩmĩ:

Marĩpu yũ Opũre ãsũ ãrĩmĩ: “Õõ, yũ diaye gapũ doaka, yũ merã dorebu! Irasirĩripoe mũrẽ ããturiãrẽ mũ dorerire tarĩngãnemobirimakũ irĩgũra”, ãrĩmĩ, ãrĩ gojadi ããrĩmĩ David.*

³⁷ David, Cristo ñekũ ããrĩkeregũ, Ìgũrẽ: “Yũ Opũ ããrĩmĩ”, ãrĩdi ããrĩmĩ. ¿Nasirigu, Cristo, David parãmi ããrĩturiagu ããrĩkerepũrũ, David Ìgũrẽ irasũ ãrĩyuri? ãrĩyupu Jesús.

Wãrã masaka iri wiigũ ããrĩrã Ìgũ wererire mũyari merã péñurã.

Jesús Moisés gojadeare buerimasãyamarẽ weredea (Mt 23.1-36; Lc 11.37-54; 20.45-47)

³⁸ Jesús ãsũ ãrĩ buenemoyupu:

–Moisés gojadeare buerimasã ñerõ iririre õãrõ pémasĩka! Oparã irirosũ surĩ yoari sãña, masaka iũrõgue waagorenama. Makã dekoguere masakare õãrõ bũremurĩ merã Ìgũsãrẽ bokatĩrĩ õãdoremakũ gããmema. ³⁹ Marĩ nerẽrĩ wiiriguere ñajãrã, õãrĩ doaripẽrĩgue dita doadũama. Bosenurĩ ããrĩmakũdere

* 12:36 Sal 110.1

oparā doarigue dita doadumama. ⁴⁰ Wapiweyarā nome wajamomakū ĩā, ĩgūsāya wiirire ĩmanokōāma. ĩgūsārē bopoñarī merā ĩābirikererā, yoaripoe Marĩpũre sērē ĩmugatoma, masaka ĩgūsārē: “Marĩpũre ōārō bũremuma”, ārĩburo, ārĩrā. ĩgūsā irasiriri waja, Marĩpũ ĩgūsārē gajerārē wajamoārō nemorō wajamoāgukumi, ārĩyupũ Jesũs.

Wapiweyo bopogo Marĩpũya wiigue igo niyeru tiri sãdea
(Lc 21.1-4)

⁴¹ Pũru Jesũs Marĩpũya wiima ĩgūsā āmuburi niyeru neeōrī kũma pũro masaka ĩgūsā niyeru sãmakū ĩā doaniyupũ. Wári doebiri oparā iri kũmaguere wáro niyeru sãñurā. ⁴² Sugo wapiweyo iri kũma pũro ejanugā, pe tigā mérōgā wajakuri tirigārē sãyupo. ⁴³ Iri tirire igo sãmakū ĩāgũ, Jesũs ĩgũ buerārē siiu, ārĩyupũ:

–Diyeta mũsarē werea. Igo wapiweyo bopogo niyeru sĩgō, Marĩpũ ĩũrō gajerā āārĩpererā sĩadero nemorō sĩamo. ⁴⁴ Gajerā wári doebiri oparā wáro sĩkerepũru, ĩgūsāya wáro dũyāa. Igo gapũ bopogo āārĩkerego, igo baari wajari-boadeare āārĩpereri sĩpeokōāmo Marĩpũre bũremugō, ārĩyupũ Jesũs.

13

Jesũs: “Marĩpũya wii bẽosũrokoa”, ārĩ werede
(Mt 24.1-2; Lc 21.5-6)

¹ Jesũs Marĩpũya wiigue āārādi wiriaripoe sugũ ĩgũ buegũ āsũ ārĩyupũ:
–Gũare buegũ, ĩāka i wiire pagari ũtāyeri merā iridea wii miērē, ārĩyupũ.

² Jesũs ĩgũrē yũjũyupũ:

–Mũsā i wiire wári wiire daporare ĩādāa. Pũrugue neō suye ũtāye gajiyewe wekamũĩadeade dujabirikoa. Āārĩpereri mutādiapereakōārokoa, ārĩyupũ Jesũs.

Jesũs: “I ũmũ pereburi dupuyuro āsũ waarokoa”, ārĩ werede
(Mt 24.3-38; Lc 21.7-36)

³ Pũru Jesũs ĩgũ buerā merā Olivos wāĩkuri buũru Marĩpũya wii bokatĩũrō āārĩrĩ buũrugue waayupũ. Jesũs irogue eja doamakũ, Pedro, Santiago, Juan, Andrés ĩgũrē ĩgūsā seyaro sērēñañurā:

⁴ –Gũare wereka! ¿Naásũ āārĩmakũ, mũ ārāderosũ waarokuri? ¿Ñeeno iri ĩmugukuri, iri āārĩpereri irasũ waaburi dupuyuro? ārĩñurā.

⁵ Jesũs ĩgūsārē yũjũyupũ:

–Ōārō pẽmasĩka! Gajerā mũsarē ārĩgatorire pẽbirikōāka! ⁶ Wārā ārĩgatorimasā aarĩrākuma. “Yũ Marĩpũ iriudi Cristo āārā”, ārĩrākuma. ĩgūsā irasũ ārĩgatomakũ pẽrā, wārā masaka ĩgūsārē bũremurākuma.

⁷ Masaka mũsā pũro gãmewẽjẽrĩrē pẽrā, yoarogue marā gãmewẽjẽrĩ kerere pẽrā, gũkabirikōāka! Irasũta waarokoa. Irasũ waakerepũru, i ũmũ pereburo dũyarokoa dapa. ⁸ Su bumarā, gaji bumarā merā gãmewẽjẽrākuma. Su nikũ marā, gaji nikũ marā merā gãmewẽjẽrākuma. Wári makārĩguere nikũ ñomerokoa. Masaka wārā uaboari merā boarākuma. I āārĩpereri merā masaka ñerō taripũroriwāgārirākuma.

⁹ Gajerā mũsarē ñeā, āĩa, oparāguere ñerō iridorerā wiarākuma. Mũsā judío masaka nererĩ wiirigue āārĩmakũ, mũsarē pārākuma. Mũsā yũre bũremurĩ waja makārĩ marā oparā pũrogue, iri nikũ marā oparā pũrogue āĩsũrākoa. Irasirimakũ, mũsā Marĩpũya ōārĩ kerere wererākoa ĩgūsārē. Irasirirā mũsā basi ōārō pẽmasĩka! ¹⁰ I ũmũ pereburo dupuyuro Marĩpũyare wererā āārĩpereri buri marārē ĩgũya kerere wererākuma. ¹¹ Masaka mũsarē oparā pũrogue āĩmakũ: “¿Naásũ ārĩrākuri ĩgūsārē?” ārĩ gũñarikũmerāta waaka!

Oparā mʉsārē sērēñamakū, Marīpʉ gūñarī sīrī merā wererākoa. Irasirirā mʉsā basi wereníbirikoa. Ōāgū deyomarīgū iritamurī merā, ĩgū werenírī sīrī merā wererākoa.

¹² 'I ũmʉ pereburo dupuyuro masaka ĩgūsā pagʉpūrārē, ĩgūsā tīrārē oparāguere wējedorerā wiarākuma. Pagʉsāmarā ĩgūsā pūrārē, pūrā ĩgūsā pagʉsāmarārē oparāguere wējedorerā wiarākuma. ¹³ Yʉre mʉsā bʉremurī waja āārīperero marā masaka mʉsārē ĩāturi doorākuma. Mʉsārē ĩgūsā ñerō irikerepʉmʉ, yʉre bʉremurīrē piribirimakū, Marīpʉ mʉsārē taugʉkumi.

¹⁴ 'I ũmʉ pereburo dupuyuro ñegūrē Marīpʉre ĩāturigure ĩārākoa. Marīpʉya wiigʉe ĩgūrē āārīdorebiridea wiigʉe nímakū ĩārākoa. Iripoegʉe Marīpʉya kerere weredupuyudi Daniel ĩgūrē gojadi āārīmí. ĩgū gojadeare buegʉno, pémasīburo. Āsū ārī gojadi āārīmí: “Iro ĩgū nímakū ĩārā, Judea nikūgʉe āārīrā buurīgʉe ũmaduriburo”. ¹⁵ Irasū waaripoere masakare ñerō waarokoa. Sugu ĩgūya wii wekague āārīgú wii poekague ĩgūyare āīgū ñajābirikōāburo. ¹⁶ Sugu ĩgūya pooerigʉe āārīgúde ĩgūya surīre wiigʉe āīgū dujáabirikōāburo. ¹⁷ Irasū waarínurīrē nijīpagosā nome, gajerā ĩgūsā pūrā mirīrāgā oparā nomede bʉro ñerō tarirākuma. ¹⁸ Irasirirā Marīpʉre āsū ārī sērēka: “Puibʉ āārīmakū, irasū waabirikōāburo”, ārī sērēka!

¹⁹ Irasū waarínurīrē masaka ñerō tarirākuma. Marīpʉ i ũmarē iripʉroridero pʉmʉre masaka ñerō taridero nemorō ñerō tarirākuma. I ĩgūsārē ñerō waaburi neō dupaturi irasū waanemobirikoa. ²⁰ Irasirigʉe Marīpʉ masakare i ñerō waarīre: “Yoaripoe waabirikōāburo”, ārīgʉkumi. ĩgū irasiribirimakū, neō sugu masakʉ taribiribokumi. Irasirigʉe ĩgū beyenerārē bopoñasā, ĩgūsārē ñerō waarīre: “Iropāta waaburo”, ārīgʉkumi.

²¹ Irasū ñerō waaripoere gajerā mʉsārē: “Īāka! Ōōta Cristo āārīmi”, o “Sōō āārāmi Cristo”, ārīmakū pérā, bʉremubirikōāka! ²² Wārā ārīgatorikʉrā aarirākuma. Surāyeri: “Yʉ Marīpʉ iriudi Cristo āārā”, o “Marīpʉya kerere weredupuyurimasā āārā”, ārīrākuma. Irasirirā masakare ĩgūsā ārīgatorire bʉremudorerā, wári gajino iri ĩmurākuma. Irasirikererā, Marīpʉ beyenerārē ĩgūrē bʉremuduúmakū irimasībirikuma. ²³ Iri irasū waaburi dupuyuro mʉsārē i āārīpererire weresiáa. Irasirirā ōārō pémasīka! ārī wereyupʉ Jesús ĩgū buerārē.

*Jesús i ũmʉgʉe ĩgū dupaturi aariburire weredea
(Mt 24.29-35, 42-44; Lc 21.25-36)*

²⁴ Jesús āsū ārī werenemoyupʉ ĩgūsārē:

—Irasū ñerō waarínurī pʉmʉ, abe ũmʉmʉ naītīākōāgʉkumi. Ñamimʉde boyonemobirikumi. ²⁵ Neñukā ũmʉgasigʉe āārīrā yuridijarirākuma. Ūmarōgʉe marā turarāde naradari merā béosūrākuma. ²⁶ Irasū waaripoere masaka yʉ āārīpererā tīgū, bʉro turari merā, gosewasiriri merā mikāyebogue i nikūguere dupaturi aarimakū ĩārākuma. ²⁷ Yʉre wereboerārē āārīperero i nikūguere iriugʉra. Irasirirā yaarārē Marīpʉ beyenerārē āārīpererogue āārīrārē yʉ pʉrogʉe neeōrākuma.

²⁸ Ire mʉsā masīburo, ārīgū, higeragʉ keori merā weregʉra. Irigʉ pū maa-mamakū ĩārā: “Bojori waaburo mérōgā dʉyáa”, ārī masīa. ²⁹ Irigʉe waarósūta i āārīpereri yʉ ārīrī irasū waamakū ĩārā: “Marīpʉ iriudi dupaturi aariburo mérōgā dʉyáa”, ārī masīrākoa. ³⁰ Diayeta mʉsārē werea. I āārīpereri yʉ ārīrī, dapora marā ĩgūsā boapereburo dupuyuro irasū waarokoa. ³¹ Ūmʉgasi, i nikūde pereakōārokoa. Yʉ werenírī gapʉ neō perebirikoa. Āārīpereri yʉ mʉsārē ārīrōsūta waayuwarikʉrokoa.

³² 'Y_u dupaturi aariburinurē, iri horare neō sug_u masībemi. Marīpure wereboerā ūmugasigue āārīrāde masībema. Y_u Marīpu magūde masībea. Y_upu sug_uta masīmi.

³³ 'Musāde y_u aariburinurē masībea. Irasirirā ōārō pémasīrī merā yúka! “G_uare iritamuka!” ārī sērēka Marīpure! ³⁴ I keori merā musārē weregura. Wii op_u yoarogue gāmeñajāgū waaburi dupuyuro ĩgūrē moāboerāre ĩgūya wiire koredorekumi. Surāyerire ĩgū moārīrē píkumi. Gajigure wii disipuro koredorekumi, ĩgū dujariburire ōārō yúdoge_u. ³⁵ Irasiri odo, waakōākumi. ĩgūrē moāboerā gap_u ĩgū dujariburinurē neō masībirikuma. Ńamika, o űami deko, āgābo wereripoe, o boyoripoe aaribokumi. ĩgūsā ōārō yúbirimakū, ĩgū gūñaña marīrō aarīgú, ĩgūsārē kārīrārē bokajagukumi. Wii op_ure moāboerā ĩgū dujariburinurē ĩgūsā masībiriderosūta musāde y_u dupaturi aariburinurē masībea. ³⁶ Gūñaña marīrō y_u aariburire masīrā, y_ure ōārō pémasīrī merā yúka! Sug_u kārīgū irirosū āārīgú y_ure ōārō yúbirikumi. ĩgū irirosū āārībirikōāka! ³⁷ Y_u musārē ārīrīrē āārīpererārē ārīgura. Ōārō pémasīrī merā yúka! ārī wereyup_u Jesús ĩgū buerārē.

14

Oparā Jesúre ñeāburire āmudea (Mt 26.1-5; Lc 22.1-2; Jn 11.45-53)

¹ Pen_u pascua bosenu, judío masaka pā wemasārī morēña marīrī baari bosenu dayaripoe paía oparā, Moisés gojadeare buerimasā nerēñurā. Jesúre ārīgatori merā ĩgūsā ĩgūrē ñeā, wējēburire āmuñurā. ² Irire āmurā, āsū ārīñurā:
—I bosenu āārīmakū ĩgūrē ñeābirikōārā! Masaka marī merā guarā, marīrē gainí turibokuma, ārīñurā.

Sugo nomeō Jesúre sārōrī piupeodea (Mt 26.6-13; Jn 12.1-8)

³ Jesús Betania wāikuri makāgue, Simón kāmi boadiya wiig_ue āārīyup_u. ĩgū iri wiig_ue āārīrā merā baa doanīripoe sugo nomeō suru sārōdiru opago Jesús pu_uro ejanugāyupo. Igo opadiru “alabastro” wāikuri ūtāye merā iridiru, sārōrī “nardo” wāikuri wajapari opadiru āārīyuro. Irirure tūpā, Jesúya dipurure piupeoyupo.

⁴ Gajerā iri wiig_ue āārīrā igo irasirimakū ĩārā, gua, āsū ārī gāme werenīñurā:
—¿Nasirigo iri sārōrīrē irasiriwasiribéokōārī? ⁵ Igo irire duamakū, trescientos niyeru tiri su bojori moā wajataropā wiriboakuyo. Iri waja merā boporārē iritamuboakumo, ārīñurā. Igo irasiririre suyubiriñurā.

⁶ Jesús gap_u ĩgūsārē ārīyup_u:
—Igre garibobirikōāka! ¿Nasirirā igore garibori? Igo y_ure ōārīrē yāmo.
⁷ Boporā musā watopeguere āārīnīkōārākuma. Irasirirā ĩgūsārē iritamudharā iritamumasīa. Y_u tamerārē musā merā āārīnīmakū ĩābirikoa. ⁸ Igo ōārō iridharo bokatīūrō y_ure ōārō iriamo. Yaa dup_ure masāgobegue ĩgūsā pīburi dupuyuro āmuyugo, y_ure sārōrī piupeosiamo. ⁹ Diayeta musārē werea. Marīpu masakare tauri kerere wererā āārīperero i ūmugue waagorenarā, igo y_ure irideadere gajerārē wererākuma, igore gūñaburo, ārīrā, ārīyup_u Jesús.

Judas Iscariote Jesúre wējēdharāguere ĩgūrē ĩmuburire āmudea (Mt 26.14-16; Lc 22.3-6)

¹⁰ Pu_u Judas Iscariote wāikug_u sug_u Jesús buerā pe mojōma pere su gubu peru pērēbejarā watopem_u paía oparā pu_uroge waa, ĩgū Jesúre ĩgūsāguere ĩgūrē ĩmuburire werenīyup_u.

11 Īgũ irasũ ārĩmakũ p̄erã, us̄uyari merã: “Īgũrẽ m̄u guare ĩmumakũ, niyeru m̄urẽ wajarirãkoa”, ārĩñurã.

Irasiriḡu Judas: “¿Naásũ āārĩmakũ ĩgũsārẽ ȳu Jesúre wiamakũ òākuri?” ārĩ gũñayur̄u.

Jesús ĩgũ buerã merã baatũnudea

(Mt 26.17-29; Lc 22.7-23; Jn 13.21-30; 1 Co 11.23-26)

12 P̄ur̄u judío masaka p̄ã wemasārĩ morẽña marĩrĩ baari bosenu p̄uroririn̄u āārĩmakũ, Marĩp̄u ĩũrõ oveja majĩrãrẽ w̄ejẽ baañurã. Irin̄uta Jesús buerã ĩgũrẽ ãsũ ārĩ s̄erẽñañurã:

–¿Noógue m̄u pascua bosenu baaburire ãmumakũ gããmekuri? ārĩñurã.

13 Īgũsã irasũ ārĩmakũ p̄e, Jesús ĩgũ buerã p̄erãrẽ ãsũ ārĩ iriuyur̄u:

–Jerusal̄egue waaka! Irogue suḡu dekosoro k̄õãwãgãgũ m̄usãrẽ bokatĩrĩgukumi. Īgũrẽ t̄uyaka! 14 Īgũ, wiigue ñajãmakũ, iri wii op̄are: “Guare buegu, ãsũ ārĩ s̄erẽñadoreami: ‘¿Dĩ taribugue ȳu buerã merã i pascua bosenu r̄e baagukuri?’ ārãmi”, ārĩka! 15 M̄usã irasũ ārĩmakũ p̄e, wãri taribu ãmarõgue ãmuadea taribugue ĩmugukumi. Irogue marĩ baaburire ãmuka! ārĩyur̄u Jesús.

16 Irasirirã iri makãgue waa, irogue eja, Jesús wereaderosũta bokaja, pascua bosenu baaburire ãmuñurã.

17 P̄ur̄u naĩmejãripoe Jesús ĩgũ buerã pe mojõma pere su gubu peru p̄erẽbejarã merã iri taribugue baaḡu ejayur̄u. 18 Īgũsã baa doanĩripoe Jesús ĩgũsārẽ ārĩyur̄u:

–Diayeta m̄usãrẽ werea. Suḡu m̄usã watopem̄u ȳu merã baa doanĩgũta yure w̄ejẽduarãguere yure ĩmugukumi, ārĩyur̄u.

19 Īgũ irasũ ārĩmakũ p̄erã, bur̄o bujawereri merã suḡuno dita ĩgũrẽ s̄erẽñayoñurã:

–¿Ȳu āārĩrĩ m̄urẽ ĩmubu? ārĩñurã. Gajerãde irasũ dita āārĩñurã.

20 Jesús ĩgũsārẽ ȳuj̄uyur̄u:

–Suḡu m̄usã pe mojõma pere su gubu peru p̄erẽbejarã watopem̄u ȳu merã baaguta āārĩmi. 21 Marĩp̄uya werenĩrĩ gojadea p̄ũgue gojaderosũta yure āārĩpererã t̄ĩgũrẽ waaró yáa. Yure ĩmubu gap̄are ñetariro waarokoa. Īgũ deyoabirimakũ òãboyo, ārĩyur̄u.

22 Jesús, ĩgũsã baaripoe p̄ãrẽ ãĩ, Marĩp̄ure: “M̄urẽ us̄uyari s̄ĩa”, ārĩ, pea, ĩgũsārẽ ãsũ ārĩ guereyur̄u:

–Ire baaka! Yaa dup̄u āārã, ārĩyur̄u.

23 P̄ur̄u iirĩrip̄are ãĩ, Marĩp̄ure: “M̄urẽ us̄uyari s̄ĩa”, ārĩ, ĩgũsārẽ irip̄are s̄iyur̄u. Irasirirã āārĩpererã iirĩñurã.

24 Īgũsārẽ ãsũ ārĩyur̄u:

–I yaa dí āārã. Ȳu masakare boabosaḡu yaa dí béori merã wárãrẽ Yur̄u: “Īgũsārẽ òãrõ irigura”, ārĩdeare iriyuwarikuḡukoa. 25 Diayeta m̄usãrẽ werea. Igui dekore marĩ dapora iirĩrosũ ȳu dupaturi neõ iirĩnemobirikoa. P̄ur̄u Yur̄u ĩgũyarãrẽ dorerogue m̄usã merã maama igui dekore iirĩgukoa, ārĩyur̄u Jesús ĩgũ buerãrẽ.

Jesús Pedror̄e: “Yure masĩkereḡu: ‘Masĩbea’, ārĩgukoa”, ārĩ weredea

(Mt 26.30-35; Lc 22.31-34; Jn 13.36-38)

26 P̄ur̄u Marĩp̄ure bayapeo odo, Olivos wãĩkuri buúrue waakõañurã doja.

27 Irogue Jesús ĩgũsārẽ ārĩyur̄u:

–M̄usã āārĩpererã gũñaturaro marĩrõ yure béowãgãpereakõãrãkoa. M̄usã irasiriburire Marĩp̄uya werenĩrĩ gojadea p̄ũgue ãsũ ārĩ gojasũdero āārĩbú:

Y_H oveja koregure wējēmakū irigukoa. Irasirimakū, ĩgūyarā oveja ũmawasiriakōārākuma, ārī gojasūdero āārībú.✱

28 Y_H boadigue masādero p_Hg_H, m_Hsā dupuyuro Galileague waadupuyug_Hkoa, ārīyup_H.

29 Pedro gap_H Jesúre ārīyup_H:

—Īgūsā āārīpererā m_Hrē béowāgākerep_Hg_H, y_H gap_H m_Hrē neō béowāgābirikoa, ārīyup_H.

30 Jesús ĩgūrē y_Hj_Hyup_H:

—M_Hrē diayeta werea. Dapagā ñami āgābo pea wereburi dupuyuro m_H y_Hre masīkereg_H urea gajerārē: “Masībea”, ārīgatogukoa, ārīyup_H.

31 Pedro ĩgūrē ārīyup_H:

—Y_H m_H merā boabu āārīkereg_H: “Masībea”, ārīgatobirikoa, ārīyup_H.

Āārīpererā ĩgū buerā Pedro ārīrōsū dita ārīñurā.

Jesús Getsemaníque Marīp_Hre sērēdea
(Mt 26.36-46; Lc 22.39-46)

32 P_Hg_H Getsemaní wāikurogue ejañurā. Iroque Jesús ĩgū buerārē:

—Ōōta doaka m_Hsā dapa! Marīp_Hre sērēgū waagú yáa, ārīyup_H.

33 Irasū ārī odo, Pedro, Santiago, Juārē siiuwāgāyup_H. ĩgū b_Hro gūñarik_H, b_Hjawereyup_H. 34 Īgūsārē ārīyup_H:

—B_Hro b_Hjawereri merā kōmoma goero péñakoa. Kārīmerāta ōō doa yúka! ārīyup_H.

35-36 Irasū ārī odo, yoaweyaro waanemo, yebague moomejāja, Marīp_Hre āsū ārī sērēyup_H:

—A_H, āārīpererire irimasīa m_H. I y_H ñerō tariburire taud_Hag_H tauka! Y_H irasū ārīkerep_Hg_H, y_H gāāmerōsū iribirikōāka! M_H gāāmerōsū gap_H y_Hre waaburo, ārīyup_H.

37 P_Hg_H ĩgūsā p_Hroque ejag_H, ĩgūsā kārīrārē bokajayup_H. Pedrore ārīyup_H:

—Simón, ¿kārīgū yári? ¿Nasirig_H su horanogora y_Hre kārībita yúmasīberi?

38 Kārīmerāta! Marīp_Hre sērēka, wātī ārīmesārīrē iribokoa, ārīrā! M_Hsā gūñarī merā ōārīrē irid_Hadāa. Irire irid_Hakererā, bokatīūbea, ārīyup_H.

39 Irasū ārī odo, Marīp_Hre ĩgū sērēaderosūta dupaturi sērēgū waayup_H doja.

40 Dupaturi ĩgūsā p_Hro ejag_H, kārīrārēta bokajayup_H doja. Īgūsārē w_Hja pūrītariyuro. Irasirirā, naásū ārī y_Hj_Hmasībiriñurā.

41 Īreagora kārīrārē bokajag_H, Jesús ĩgūsārē ārīyup_H:

—Siuñajā, kārīka pama! Iropāta ejāa. Y_Hre āārīpererā tīgūrē ñerāguere wiari hora ejasiāa. 42 Wāgāñugāka! Náka, waarā! Y_Hre wējēd_Harāguere y_Hre ĩmubu aarisiami, ārīyup_H Jesús.

Jesúre ñeāwāgādea
(Mt 26.47-56; Lc 22.47-53; Jn 18.2-11)

43 ĩgū irasū ārī wereripoe Judas, Jesús buerā pe mojōma pere su gubu peru pērēbejarā watopem_H āārādi ejayup_H. Wārā masaka sareri majīrī, yuk_H dukari opanerā Jesús p_Hrore ĩgū merā ejañurā. ĩgūsā paía oparā, Moisés gojadeare buerimasā, judío masaka m_Hrā iriuanerā āārīñurā. 44 ĩgūsā Jesús p_Hro ejaburi dupuyuro Judas ĩgūsārē āsū ārī weredi āārīmí: “Y_H ĩgūya wayupārārē mimigūta āārīgukumi. ĩgūrē ñeā, ōārō sia, āīaka!” ārīdi āārīmí.

45 Judas, Jesús p_Hro ejag_Hta: “G_Hare bueg_H”, ārī, ĩgūya wayupārārē mimi_Hyup_H.

✱ 14:27 Zac 13.7

⁴⁶ Īgũ mimimakũ ĩārã, Judas merã aaranerã Jesúre turaro merã ñeãwãgãñurã.

⁴⁷ Sugũ Jesús buegũ gapũ paía opũre moãboegũre sareri majĩ merã ĩgũya gãmipũrẽ dítítã dijukõãyupũ. ⁴⁸ Jesús gapũ ĩgũsãrẽ ãrĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrẽ ñeãrã aarirã irirosũ yũre ñeãrã aarĩrĩ? ⁴⁹ Ɛmũrikũ Marĩpũya wiigũe mũsã watopegue buebũ. Iroguere mũsã yũre neõ ñeãbiribũ. Mũsã irasiriri Marĩpũya werenĩrĩ gojadea pũgue gojaderosũta waaró yáa yũre, ãrĩyupũ Jesús.

⁵⁰ Jesúre ñeãmakũ ĩārã, ããrĩpererã ĩgũ buerã sugũreta ũmaweonúwãgãkõãñurã.

⁵¹ Sugũ maamũ ĩgũ õmasiariñe merã dita Jesúre tũyayupũ. ĩgũdere ñeãkõãñurã. ⁵² ĩgũsã ĩgũrẽ ñeãmakũ, ĩgũ õmasiariñerẽ meépi, surĩ marĩgũ ũmaduriwãgãkõãyupũ.

Jesúre oparã pũrogue ãĩadea

(Mt 26.57-68; Lc 22.54-55, 63-71; Jn 18.12-14, 19-24)

⁵³ Pũrũ Jesúre paía opũ pũrogue ãĩjañurã. Iroguere paía oparã, Moisés gojadeare buerimasã, judío masaka mũrã ããrĩpererã nerẽñurã. ⁵⁴ Pedro gapũ yoaweyaro Jesúre tũyañajãa, paía opũya wii dispũro ñajãrõma yebague eja, Marĩpũya wiire korerã surara merã peame tũro sũma doanĩyupũ.

⁵⁵ Paía oparã, judío masaka mũrã, ããrĩpererã irogue nerẽanerã Jesúre ãrĩgatori merã weresãmurãrẽ ãmarã iriñurã ĩgũrẽ wẽjẽmurã. Irasirikererã, bokabiriñurã. ⁵⁶ Wárã gajerã ãrĩgatori merã Jesúre weresãkerepũrũ, keoro ejabiriyuro. ⁵⁷ Gajerãde wãgãñugãja, ãrĩgatori merã ãsũ ãrĩ weresãñurã:

⁵⁸ —Gua, ĩgũ ãsũ ãrĩmakũ pébũ: “Marĩpũya wii masaka iridea wiire béokõãgũra. Pũrũ urenũ waaró merã gaji wii, masaka iribiri wiire irigũra”, ãrĩmi, ãrĩñurã.

⁵⁹ ĩgũsã irasũ ãrĩrĩde keoro ejabiriyuro.

⁶⁰ Irasirigũ paía opũ ĩgũsã watopegue wãgãñugãja, Jesúre sërẽñayupũ:

—¿ĩgũsãrẽ yũjũberi mũ? ¿Nasirirã mũrẽ irasũ ãrĩ weresãrĩ? ãrĩyupũ.

⁶¹ Jesús gapũ yũjũbiriyupũ. ĩgũ yũjũbirimakũ ĩã, paía opũ dupaturi sërẽñayupũ doja:

—¿Mũ Marĩpũ õãtarigũ magũ Cristota ããrĩrĩ?

⁶² Jesús ĩgũrẽ ãrĩyupũ:

—Yũ ĩgũta ããrã. Yũ ããrĩpererã tĩgũrẽ Yũpũ turagũ diaye gapũ doamakũ ĩãrãkoa. Ɛmũgasima mikãyebori weka yũ aarĩmakũdere ĩãrãkoa, ãrĩyupũ Jesús.

⁶³ ĩgũ irasũ ãrĩmakũ pégũ, paía opũ ĩgũ guarire ĩmugũ, ĩgũya surĩrore tũãyegue, ãsũ ãrĩyupũ:

—¿Nasirimurã gajerã ĩgũrẽ weresãrĩrẽ pẽnemobokuri marĩ? ⁶⁴ Mũsã, ĩgũ basita Marĩpũre ñerõ ãrĩrĩrẽ pésiãa. ¿Naásũ gũñarĩ? ãrĩyupũ.

ĩgũ irasũ ãrĩmakũ pérã, ããrĩpererã ãsũ ãrĩñurã:

—Marĩpũre ĩgũ ñerõ ãrĩrĩ waja boaburo, ãrĩñurã.

⁶⁵ Irasirirã surãyeri Jesúre síku eotú, surĩro gasiro merã ĩgũya koyere siabiato, ĩgũrẽ pá:

—“¿Noã mũrẽ pári?” ãrĩbokaka! ãrĩñurã. Marĩpũya wiire korerã Jesúre ãã, ĩgũya diapure bũro pánañurã.

Pedro Jesúre masĩkeregũ: “Masĩbea”, ãrĩdea

(Mt 26.69-75; Lc 22.56-62; Jn 18.15-18, 25-29)

⁶⁶ Pedro gapũ paía opũya wii dispũro ñajãrõma yebague doanĩyupũ. Iro ĩgũ doaripoe sugo nomeõ paía opũre moãboego ejayupo. ⁶⁷ ĩgũ peame tũro sũma doanĩmakũ ĩãgõ, ĩgũrẽ ãsũ ãrĩyupũ:

—Mude Jesús Nazaretmu merã ããrĩdita ããrã, ãrĩyupo.

⁶⁸ Pedro ãrĩgatori merã ãsũ ãrĩ yujuyupu igore:

—Ïgũrẽ masĩbea. Mu irasũ ãrĩrĩrẽ pémasĩbirikoa yu, ãrĩyupu.

Irasũ ãrĩ, iri wii tũroma sãrĩrõ disipurogue wiriaripoeta ãgãbo wereyupu.

⁶⁹ Moãboego Pedrore dupaturi ãã, iro ããrĩrãrẽ ãrĩyupo doja:

—Ï, Jesús merãmuta ããrĩmi, ãrĩyupo.

⁷⁰ Pedro dupaturi igore ãrĩgatoyupu doja:

—Ããrĩbea yu, ãrĩyupu.

Mérõgã puruta iro ããrĩrã Pedrore ãrĩñurã doja:

—Mu diayeta Jesús buerã merãmuta ããrã. Mu Galileamuta ããrã. Pémasĩrõta ãgũsã irirosũ werenía, ãrĩñurã.

⁷¹ ãgũsã irasũ ãrĩmakũ, Pedro ãrĩyupu:

—Marĩpu péuro diayeta werea. Yu musãrẽ diaye werebirimakũ, Marĩpu yure wajamoãburo. Yu musã werenígũrẽ masĩbea, ãrĩyupu.

⁷² ãgũ irasũ ãrĩripoeta dupaturi ãgãbo wereyupu. Pedro, ãgãbo weremakũ pégu, Jesús ãgũrẽ: “Ãgãbo pea wereburo dupuyuro mu yure masĩkeregu, urea: ‘Masĩbea’, ãrĩgatogukoa”, ãrãdeare gũñaboka, burõ oreyupu.

15

Jesúre Pilato puro ãjyadea

(Mt 27.1-2, 11-14; Lc 23.1-5; Jn 18.28-38)

¹ Boyodujimejãripoe ããrĩpererã judío masaka oparã, paía oparã, murã, Moisés gojadeare buerimasã nerẽ: “¿Nasirirãkuri marĩ Jesúre?” ãrĩ wereníñurã. Werení odo, ãgũrẽ sia, ãiwãgã, Pilatore wiañurã. ² Pilato Jesúre sãrẽñayupu:

—¿Muta ããrĩrĩ judío masaka Opu? ãrĩyupu.

—Mu ãrĩrõsũta ãgũta ããrã, ãrĩ yujuyupu Jesús.

³ Paía oparã Jesúre: “Ï ñerõ iridi ããrĩmi”, ãrĩ, wãri weresãñurã.

⁴ ãgũsã irasũ ãrĩmakũ pégu, Pilato dupaturi Jesúre ãsũ ãrĩ sãrẽñayupu:

—¿Neõ yujuberi? Péka! ãgũsã murẽ wãri weresãrã yãma, ãrĩyupu.

⁵ Jesús gapu neõ yujubiriyupu. Irasirigu Pilato ããgukakõãyupu.

Jesúre wẽjẽdoredea

(Mt 27.15-31; Lc 23.13-25; Jn 18.38-19.16)

⁶ Bojoriku pascua bosenu ããrĩmakũ, Pilato sugu peresugue ããrĩgũrẽ masaka wiudoregure wiunayupu. ⁷ Iripoere Barrabás wãikgu gajerã romano marã oparãrẽ béodurã masakare wẽjẽnerã merã peresugue ããrĩyupu. ⁸ Iri bosenu ããrĩmakũ, Pilato purogue wãrã masaka nerẽ:

—Mu bojoriku irinarõsũta irika doja! ãrĩ sãrẽñurã.

⁹ Pilato ãgũsãrẽ yujuyupu:

—¿Musã judío masaka Opure yu wiunamakũ gããmerĩ? ãrĩyupu. ¹⁰ Pilato, paía oparã Jesúre ããturiã, ãgũsã ãgũrẽ wiamakũ masĩgũ, irasũ ãrĩyupu. ¹¹ Paía oparã gapu masakare: “Barrabãre wiuka!” ãrĩ gainídoreñurã.

¹² ãgũsã irasũ ãrĩmakũ pé, Pilato ãgũsãrẽ sãrẽñayupu:

—Musã judío masaka Opu, ãrĩgũ merã gapure, ¿nasirimakũ gããmekuri?

¹³ ãgũ irasũ ãrĩmakũ, burõ gainĩrĩ merã:

—Curusague pábiatú wẽjẽka ãgũrẽ! ãrĩñurã.

¹⁴ Pilato ãgũsãrẽ ãrĩyupu:

—¿Ñeéno ñerĩrẽ iriari ãgũ, musã irasũ ãrĩmakũ?

ãgũsã gapu dupaturi:

–Curusague pábiatú wějeka ĩgūrē! āĩ gainíñurā.

¹⁵ Irasirigu Pilato ĩgūsā ĩgū merā òāřò dujamakū iridũagu, ĩgūsā gāāmerõsũta Barrabáre wiuyupu. Jesús gapũre tārādore, pũru surarare wiayupu, ĩgūrē curusague pábiatúdogeũ.

¹⁶ Irasirirā surara Jesúre Pilatoya wii disipũroma yebague āĩjañurā. Irogue āārĩpererā surarare Jesús pũro neeõñurā. ¹⁷ Pũru surĩro bũro diariñerē ĩgūrē sãñurā. ĩgũya dipurure pora bero ĩgūsā iriadea berore peoñurā. ¹⁸ Pũru: “Bũremurā aarika judío masaka Opũre!” āĩ gainíñurā.

¹⁹ ĩgũya dipurure yuku daka merā pá, ĩgūrē síku eotúbiranañurā. ĩgūrē bũridarā ñadũkũpuri merā ejamejãjanañurā. ²⁰ Pũru irasiri bũrida odo, surĩro diariñerē túwea, ĩgũya surĩrore sãñurā doja. Irasiri odo, ĩgūrē curusague pábiatú wějẽmurā āĩãkõãñurā.

Jesúre curusague pábiatúdea

(Mt 27.32-44; Lc 23.26-43; Jn 19.17-27)

²¹ ĩgūrē āĩãrã, sugũ Cirenemũ Simón wãĩkũgũre poogũe āārãdi dujarigũre bokatĩrĩñurā. ĩgũ Alejandro, Rufo wãĩkũrã pagũ āārĩyupu. ĩgūrē bokatĩrĩ, Jesús kõãdea curusare kõãdoreñurā.

²² Gólgota wãĩkũrogue Jesúre āĩjañurā. “Gólgota”, āĩrõ: “Masakũ dipuru boaweadea pero”, āĩdũaro yáa. ²³ Irogue eja, Jesúre igui deko mirra wãĩkũri merā morẽadeare tĩãdiñurā. Jesús gapũ iirĩbiriypũ. ²⁴⁻²⁵ Pũru irogue ñamigãgã nueve hora āārĩmakũ Jesúre curusague pábiatú āĩwãgãnũkõãñurā pama. Odo, ĩgũya surĩre: “¿Noãrẽ dujarokuri?” āĩboka birañurā, irire ĩgūsā basi gãme dukawamurā.

²⁶ “Ĩĩ ãsũ irideadea waja boami”, āĩrã: “Ĩĩta judío masaka Opũ āārĩmi”, āĩ gojadea majĩrẽ curusague ĩgũ weka pábiatúñurā. ²⁷ Jesús merā pẽrã yajarikũrãrẽ gajĩ curusarigue pábiatú āĩwãgũnũñurā. Sugũre ĩgũ diaye gapũ, gajigũre kũgapũ pábiatú āĩwãgũnũñurā. ²⁸ Jesúre ĩgūsā irasirimakũ, Marĩpũya werenĩrĩ gojadea pũgue gojaderosũta waayuro: “Ĩgũ ñerĩ irigũ irirosũ ñerã merā wějẽsũgũkumi”, āĩ gojasũdero āārĩbũ.

²⁹ Masaka irogue āārĩrã Jesús pũro ejanũgãja, bũridari merā ĩgūrē ĩgūsãya dipure sagui, ñerõ werenĩñurā.

–Jũũ, mũ Marĩpũya wiire bẽo, pũru mũrenũ waaró merãta iri wiire dupaturi iri odogũkoa, āĩ werenĩbũ. ³⁰ Irasirigu mũ basi tauka! Curusague merā dijarika! āĩñurā. ³¹ Paía oparã, Moisés gojadeade buerimasãde ĩgūrē ãsũ āĩ bũridañurā:

–Gajerã gapũre taumi. ĩgũ basi gapũ taumasĩbemi. ³² Diayeta Cristo, Israel bumarã Opũ āārĩgũ, curusague merā ĩgũ dijarimakũ ĩãrã, marĩ ĩgūrē bũremurãkoa, āĩ bũridañurā. ĩgũ merā pábiatú āĩwãgũnũsũanerãde irasũta āĩ bũridañurā.

Jesús boadea

(Mt 27.45-56; Lc 23.44-49; Jn 19.28-30)

³³ Goeripoe āārĩmakũ, i nikũ āārĩpererogũe naĩtĩãkõãyuro. Ñre hora gora naĩtĩãyuro. ³⁴ Ñre hora ejamakũta Jesús bũro gainĩyupu:

–Eloi, Eloi, ¿lama sabactani? āĩyupu. Irasũ āĩrĩgũ: “Yũ Opũ, yũ Opũ ¿nasirigu yũre bẽori mũ?” āĩrĩgũ iriyupu. ³⁵ Surãyeri iro āārĩrã, ĩgũ irasũ āĩ gainĩmakũ pẽrã:

–Pẽka! Marĩpũya kerere weredupuyudire Eliare siiugũ yãmi, āĩñurā. ³⁶ Sugũ ĩgūsã merãmũ ũmawãgã, igui deko piari yosadea yũsũre yuku yuwague siatú, Jesúre iirĩburo, āĩrĩgũ soemuũyupu. Irasũ soemuũgũ, ãsũ āĩyupu:

–Ĩãñarã marĩ, ĩgũ curusague āārĩgũrẽ Elías āĩdijugũ aarimakũ, āĩyupu.

37 Jesús buro gainí, kōmoakōāyupũ. 38 Īgũ kōmomakũta Marĩpũya wii poekama taribu disipũro kãmutari gasiro ũmarõ gapũ merã yegue dijari, deko merã yeguesiajayuro.

39 Jesús boamakũ ĩāgũ, romano surara opũ:

—Ī diayeta Marĩpũ magũ āārãdañumi, āĩyupũ.

40 Nomedede yoaweyarogue Jesũre ĩũnĩñurã. Īgũsã nome watopeguere María Magdalena āārĩyupũ. Gajego María Santiago, ĩgũ tĩgũ José pago āārĩyupũ. Gajego Salomé āārĩyupũ. 41 Jesús Galileague āārĩmakũ, ĩgũrẽ iritamunerã nome āārĩñurã. Gajerã nome wãrã āārĩñurã, Jerusalẽgue ĩgũ merã waanerã nome.

Jesũya dupũre masãgobegue pídea

(Mt 27.57-61; Lc 23.50-56; Jn 19.38-42)

42-43 Naĩmejãripoe āārĩmakũ, judío masaka siuñajãrĩnũ ñajãburo dupuyuro José, Arimatea wãĩkuri makãmũ Pilato pũrogu ejayupũ. Judío masaka oparã watopemũ āārĩyupũ. Īgũ Marĩpũ ĩgũyarãrẽ doreburire yũgũ iriyupũ. Irasirigũ gũiro marĩrõ Pilato pũro eja, Jesũya dupũre yãabu sērẽyupũ.

44 Īgũ irasũ ārĩ sērẽmakũ, Pilato pégũkakõāyupũ. Irasirigũ surara opũre siiu: —¿Jesũs āārĩrõta boakõārĩ? ārĩ sērẽñayupũ.

45 Surara opũ ĩgũrẽ: “Boakõãmi”, ārĩ yujũmakũ pégũ, Pilato Josere Jesũya dupũre āĩdijudoreyupũ.

46 Irasirigũ José õãrĩ surĩro gasiro wajari, Jesũya dupũre āĩdiju, iri gasiro merã õmayupũ. Pũru su gobe masãgobe ũtãyegue mádea gobegue píyupũ. Irasiri odo, iri gobere ũtã majĩ merã biayupũ. 47 Īgũ Jesũya dupũre yãamakũ, María Magdalena, gajego María José pago ĩãñurã.

16

Jesũs masãdea

(Mt 28.1-10; Lc 24.1-12; Jn 20.1-10)

1 Judío masaka siuñajãrĩnũ* tariadero pũru, María Magdalena, gajego María, Santiago pago, gajego Salomé, sũrõrĩ wajariñurã Jesũya dupũre piupeomurã. 2 Semana āārĩpũrorirĩnũrẽ† ĩgũsã nome ñamigãgã, abe mũrĩriripoe Jesũya dupũre yãadea masãgobegue waañurã. 3 Irogu waarã:

—¿Noã marĩrẽ iri masãgobe biadea ũtã majĩrẽ tũpãbosarãkuri? ārĩ werenĩwãgãñurã.

4 Irogu ejarã, iri gobere biadea ũtã majĩ miẽrẽ gajerogue oyamakũ ĩãñurã.

5 Irasirĩrã iri gobegue ñajãa, sugũ maamũ diayemapãrẽ gapũ surĩro yoaro õãrõ borero sãñadi doamakũ ĩãñurã. Īgũrẽ ĩãrã, ĩãgũkakõãñurã.

6 Īgũ gapũ ĩgũsãno merẽ ārĩyupũ:

—Gũkabirikõãka! Mũsã Jesús Nazaretmũrẽ, ĩgũsã curusague pábiatú wẽjẽadire ãmarã yãa. Masãsiami. Õõrẽ mámi. ĩãka, ĩgũsã ĩgũrẽ píaderore!

7 Īgũ buerãrẽ, irasũ āārĩmakũ Pedrora wererã waaka! Īgũ mũsã dupuyuro Galileague waasiami. Irogu mũsã ĩgũrẽ ĩãrãkoa ĩgũ ārĩderosũta, ārĩyupũ.

8 Īgũ irasũ ārĩmakũ pé, buro gũka naradari merã waakõãñurã. Buro gũisĩã, gajerãrẽ ĩgũsã ĩãdeare werebiriñurã.

Jesũs María Magdalenarẽ deyoadea

(Jn 20.11-18)

* 16:1 Judío masaka siuñajãrĩnũ, sábado āārã. † 16:2 Semana āārĩpũrorĩnũno, domingo āārã.

⁹ Jesús semana ããrĩpuroririnũ boyoripoe, ïgũ masãdero purũ María Magdalenarẽ deyoapuroriyupũ. Igo su mojõma pere gaji mojõ peru pẽrẽbejarã wãtẽãrẽ ïgũ béowiusũdeo ããrĩyupo. ¹⁰ Jesús igore deyoadero purũ, ïgũ buerãrẽ igo ïãdeare werego waayupo. ïgũsã buro bujawereri merã orerã iriñurã. ¹¹ Igo ïgũsãrẽ: “Jesús okami, ïgũrẽ ïãbu”, ãrĩ wererire pérã, buremubiriñurã.

Jesús ïgũ buerire tũyarã pẽrãrẽ deyoadea
(Lc 24.13-35)

¹² Purũ Jesús gajerã pẽrãrẽ makã tũrogue waarãrẽ deyoayupũ. ïgũ deyoapurorigũ, deyoderosũ deyobiriyupũ. Irasirirã ïgũrẽ ïãmasĩbiriñurã.

¹³ ïgũrẽ ïãmasĩ, purũ ïgũ buerã ããrĩrõgue waa, Jesús ïgũsãrẽ deyoadeare wereñurã. ïgũsãdere buremudũabiriñurã.

Jesús ïgũ buerãrẽ ïgũyare buedoregũ pídea
(Mt 28.16-20; Lc 24.36-49; Jn 20.19-23)

¹⁴ Jesús ïgũ boa, masãdero purũ, ïgũ buerã pe mojõma pere su gubu suru pẽrẽbejarãrẽ ïgũsã baa doanĩrõgue deyoa, ãrĩyupũ:

—¿Nasirirã, yũ masãdea kerere pékererã, buremuberi, ïgũsã musãrẽ werekererũ? Buremurĩ opabea musã, ãrĩyupũ.

¹⁵ Purũ ïgũsãrẽ ãsũ ãrĩyupũ doja:

—Ããrĩpererogue marãrẽ Marĩpu masakare tauri kerere wererã waaka!

¹⁶ Yũre buremurã, deko merã wãĩyesũrã tausũrãkuma. Yũre burenumerã gapũ peamegue béosũrãkuma. ¹⁷ Yũre buremurã yũ wãĩ merã, yũ turaro merã wãtẽãrẽ masakaguere ñajãnerãrẽ béowiurãkuma. Gaji masã ya ïgũsã dupuyuro werenĩmasĩbirideare werenĩrãkuma. ¹⁸ ãñarẽ ñeãmakũ, ïgũsãrẽ ñerõ waabirikoa. Nima iirĩmakũdere pũrĩbirikoa. Pũrĩrikũrãrẽ ïgũsãya mojõrĩ merã ñapeomakũ, ïgũsãrẽ pũrĩrĩ tarirokoa, ãrĩyupũ Jesús ïgũ buerãrẽ.

Jesús ãmũgasigue mũrĩadea
(Lc 24.50-53)

¹⁹ Marĩ Opũ Jesús irasũ ãrĩ were odoadero purũ, Marĩpu ïgũrẽ ãmũgasigue ãĩmũrĩayupũ. Irasirigũ irogue ejagũ, Marĩpu diaye gapũ eja doayupũ. ²⁰ ïgũ buerã ïgũ masakare tauri kerere ããrĩpererogue wererã waañurã. ïgũsã irasũ weregorenamakũ, marĩ Opũ Jesús ïgũsãrẽ iritamunĩkõãyupũ. Irasirigũ ïgũ turari merã ïgũsãrẽ iri ïmurĩrẽ irimakũ irinayupũ, masakare ïgũsã wererire: “Diayeta ããrã”, ãrĩ buremudoregũ.

Iropãta ããrã.

SAN LUCAS

Lucas, opu Teófilo wāikugure gojadea

¹⁻² Opu Teófilo, yu mure òãdorea. Gua watopere Jesús irinugãdeare ìãnerã guare ìgüya kerere buema. Wárã gajirã, ìgüsã guare buederosüta keoro gojanugãsianerã ããrímá. ³⁻⁴ Yu ããripereri Jesús irinugãdeare masipeodugã, òãrõ buebu. Irasirigu mure gajirã buedeare: “Diayeta ããrã”, ãrì masiburo, ãrìgü, irire keoro gojáa.

Marĩpũre wereboegu Juan masakare wāiyerimasũ deyoaburire weredea

⁵ Herodes, Judea nikũ marã opu ããrĩpoe sugu paí Zacarías wāikugũ ããrĩyupu. Ìgũ, paí Abías wāikugũya bumũ ããrĩyupu. Ìgũ marãpo Isabel wāikugo, paí Aarón wāikugũ parãmeõ ããrĩturiagogue ããrĩyupo. ⁶ Ìgüsã pẽrãgueta Marĩpu ìürõrẽ diayemarẽ irirã, Moisére doreri pídeadere tarinugãbiriñurã. Irasirirã gajirã ìgüsãrẽ: “Ñerì irirã ããrĩma”, ãrĩmasibiriñurã. ⁷ Isabel pũrã marĩgõno ããrĩyupo. Irasirirã pũrã marĩrãta, muñuakõãñurã.

⁸ Sunũ Zacaríaya bumarãrẽ Marĩpũya wiigue Marĩpu ìürõ moãrì ããrĩyuro. Irasirirã, ìgũ paíare iridorederosüta irirã irogue waañurã. ⁹ Irogue ejadero purũ, ìgüsã paía irinarõsũ Zacaríare sũrõrì soemubure beyebokañurã. Irasirigu Zacarías Marĩpũya wiima taribugue soemugũ ñajãyupu. ¹⁰ Ìgũ irire soemuripoe iri taribu wirinugãrõgue wárã masaka Marĩpũre sërẽrã iriñurã. ¹¹ Ìgũ soemuripoe sugu Marĩpũre wereboegu sũrõrì soemurõ diaye gapu Zacaríare deyoayupu. ¹² Zacarías ìgũrẽ ìãgũ, ìãgũka, nasirimasibiriñurã. Buro güiyupu. ¹³ Ìgũ güimakũ ìãgũ, Marĩpũre wereboegu gapu ãsũ ãrĩyupu:

–Zacarías, güibirikõãka! Marĩpu mu sërẽrĩrẽ pémi. Mu marãpo Isabel sugu majìgũ pũrãkugokumo. Ìgũrẽ “Juan” wāiyeka! ¹⁴ Ìgũ merã buro usuyagũkoa. Wárã gajirã ìgũ deyoamakũ, usuyarãkuma. ¹⁵ Ìgũ Marĩpu ìürõrẽ ubu ããrìgũ meta ããrìgũkumi. Igui deko pãmurĩrẽ, siburidere neõ iiribirikumi. Ìgũ deyoaburi dupiyurogueta Òãgũ deyomarìgũrẽ opatarisiagũkumi. ¹⁶ Wárã Israel bumarãrẽ Marĩpũre güñaduúnerãrẽ dupaturi güñamakũ irigũkumi doja. ¹⁷ Marì Opu aariburi dupiyuro Elías Marĩpũya kerere weredupiyudi werederosüta Òãgũ deyomarìgũ turari merã masakare weregũkumi. Pagusãmarã ìgüsã pũrã merã òãrõ ããrĩburo, ãrìgũ; tarinugãrĩmasãdere oparã dorerire òãrõ yujuburo, ãrìgũ, Marĩpũyare weregũkumi. Irasirigu masaka marì Opũre òãrõ usuyari merã bokatĩrĩñeãburo, ãrìgũ, irire weregũkumi, ãrĩyupu Marĩpũre wereboegu Zacaríare.

¹⁸ Ìgũ irasũ ãrĩmakũ pégu, Zacarías sërẽñayupu:

–¿Nasirigu yu ire: “Diayeta ããrã”, ãrĩmasibukuri? Yu bugũrogora ããrã. Yu marãpode búro ããrĩmo, ãrĩyupu.

¹⁹ Ìgũ irasũ ãrĩmakũ pégu, ãsũ ãrì yujuyupu:

–Yu Marĩpũre wereboegu, Gabriel wāikugũ, Marĩpu puro ããrìgũ ããrã. Ìgũta yũre iriuami, mure ì òãrì kerere weredoregu. ²⁰ Dapagorare yu wererire mu buremubiri waja, werenibi dujagũkoa. Mu magũ deyoadero purũ, werenígũkoa doja. Marĩpu: “Irasũ waaburo”, ãrĩmakũ, yu mure ããrãderosüta waarokoa, ãrĩyupu Gabriel Zacaríare.

²¹ Ìgũ irasũ ãrì wereripoere masaka, iri taribu wirinugãrõgue ããrĩrã Zacaríare yúrã iriñurã. “¿Naásũ waayuri, ìgũ iropa yoaripoe deyomarìgũ?”

ārī gūñañurā. ²² Zacarías iri taribugue āārādi wirijagu, ĩgūsārē weredugagu, neō werenímasĩbiriuyupũ. Irasirigu ĩgūya mojōrĩ merā irikeoyupũ. Masaka, ĩgũ irasirimakũ ĩārā: “Iri taribugue Marĩpu ĩmuadeare ĩāgukakōākumi”, ārĩ gūñañurā.

²³ Zacarías Marĩpuyaya wiigue Marĩpu ĩūrō moārĩrē iripeo, ĩgūya wiigue goedujáakōāyupũ. ²⁴ Pũru ĩgũ marāpo Isabel nijĩpo āārĩnugāyupũ. Su mojōmarā abe neō wiriro marĩrō igoya wiigue āārĩkōāyupũ. ²⁵ Āsũ ārĩ gūñayupo: “Marĩpu, yũ pũrā marĩgō āārĩdeore iritamugũ irasũ yámi, masaka yũre ĩābéobirikōāburo, ārĩgũ”.

Marĩpure wereboegu Maríare Jesús deyoaburire weredea

²⁶ Isabel nijĩpo āārĩnugādero pũru, su mojōma pere gaji mojō suru pērēbejari abe waaró merā Marĩpu ĩgūrē wereboegu Gabriere Galilea nikũma makā Nazaret wāĩkũri makāgue, ²⁷ sugo nomeō María wāĩkũgo, neō sugũ ũmũũ merā āārĩbeo pũrogo iriuyupũ. Igo, José wāĩkũgu opũ David parāmi āārĩturiagu merā marāpũkũbo iriyupo. ²⁸ Gabriel, igo āārĩrōgue ñajāa, igore:

—Mũrē ōādoorea. Marĩpu mũrē ōārō irigu āārĩmi. ĩgũ marĩ Opũ mũ merā āārĩmi. Āārĩpererā nome nemorō mũrē ōārō iritarinugāgũkumi, ārĩ ōādoreyupũ.

²⁹ María, ĩgūrē ĩāgō, ĩgũ irasũ ārĩrĩrē pégo, pégukakōāyupũ. “¿Naásũ ārĩdũaro irikuri ĩgũ yũre ōādoreri?” ārĩ, bũro gūñayupo. ³⁰ Igo gũkamakũ ĩāgũ, Marĩpure wereboegu ārĩyupũ:

—María, gũibirikōāka! Marĩpu ĩūrōrē mũ ōārĩ bokabũ. Mũ merā ũsũyami. ³¹ Irasirigo mũ dapagorare nijĩpo āārĩnugāgokoa. Sugũ majĩgũ pũrākũgokoa. ĩgūrē “Jesús” wāĩyegokoa. ³²⁻³³ ĩgũ ubu āārĩgũ meta āārĩgũkumi. Marĩpu āārĩpererā nemorō turagu, ĩgūrē: “Yũ magũ āārā mũ”, ārĩgũkumi. David, mũ magũ ñekũ, Israel bumarā opũ āārĩdi āārĩmĩ. Marĩpu Davire opũ píderosũta mũ magũdere Opũ pígũkumi Israel bumarārē doreníbure. ĩgũ doreri neō perebirikoa, ārĩyupũ.

³⁴ ĩgũ irasũ ārĩmakũ pégo, María ĩgūrē sērēñayupo:

—¿Nasiro yũre irasũ waabukuri, yũ neō sugũ ũmũũ merā āārĩbirikeremakũ? ārĩyupo.

³⁵ Igo irasũ ārĩmakũ pégu, āsũ ārĩyupũ:

—Ōāgũ deyomarĩgũ mũguere dijariũkumi. Marĩpu āārĩpererā Opũ turari, su ĩĩmikāyebo túbiaro irirosũ ejarokoa mũrē. Irasirigu mũ magũ deyoabu, Marĩpuyagu ōāgũ āārĩgũkumi. Masaka ĩgūrē: “Marĩpu magũ āārĩmi”, ārĩrākuma. ³⁶ Mũ basudeo Isabede, búro āārĩkerego, sugũ majĩgũ pũrākũgokumo. Masaka igore: “Pũrā marĩgō āārĩmo”, ārĩkeremakũ, su mojōma pere gaji mojō suru pērēbejari abegora opasiamo. ³⁷ Marĩpure ĩgũ iridũari, neō diasabea, ārĩyupũ.

³⁸ ĩgũ irasũ ārĩmakũ pégo, María ārĩyupo:

—Yũ marĩ Opũre moāboego āārā. Marĩpu, mũ ārĩrōsũta iriburo yũre, ārĩyupo. Igo irasũ ārādero pũru, Marĩpure wereboegu waakōāyupũ.

María Isabere ĩāgō waadea

³⁹ Irinũrĩta María mumurō merā Judea nikũ ũtāyuku watopegue āārĩrĩ makāgue waayupo. ⁴⁰ Irogo eja, Zacaríaya wiigue ñajāa, Isabere ōādoreyupo. ⁴¹ Igo ōādorere pémakũ, Isabel magũ igoya patoregue āārĩgũ bũro gāmeñayupũ. Igo, Ōāgũ deyomarĩgūrē opatariyupo. ⁴² Irasirigo turaro merā āsũ ārĩyupo:

—Marĩpu ããrĩpererã nome nemorõ murẽ õãrõ iritarinugãmi. Mu magũdere õãrõ yãmi. ⁴³ Mu, yu Opu pago yure ããgõ ejamakũ õãtaria. ⁴⁴ Mu õãdorerire yu pẽmakũta, yu magũ yaa patoregue ããrĩgũ buru usuyari merã gãmeñami. ⁴⁵ Marĩpure wereboegu murẽ wereadeare: “Keoro waarokoa”, ãrĩ buremusiã, õãrõ usuyari merã ããrã, ãrĩyupo Isabel Marĩare. ⁴⁶ Irasirigo Marĩa ãsũ ãrĩyupo: Yaa yujupũrãgue yu Opure: “Õãtaria mu”, ãrĩ, usuyari siã.

⁴⁷ Marĩpu yure taugu merã buru usuyãa.

⁴⁸ Yu ubu ããrĩgõ ããrĩkeremakũ, Marĩpu yure ããgũrẽ moãboegore gũñami. Irasirirã dapagora merã masaka yure: “Marĩpu igore õãrõ iridea merã buru usuyadeo ããrĩmõ”, ãrĩnikõãrãkuma.

⁴⁹ Marĩpu turatarigu yure wãri õãrĩrẽ yãmi. ããgũ õãtarigu, neõ ñerĩ opabi ããrĩmi.

⁵⁰ ããrĩpererã goepeyari merã ããgũrẽ buremurãrẽ bopoñanikõãgukumi.

⁵¹ ããgũ turari merã wãri õãrĩrẽ iri ãmumi. “Gua gajirã nemorõ ããrã”, ãrĩ gũñarãnorẽ ubu ããrĩrã dujamakũ yãmi.

⁵² Oparãrẽ ubu ããrĩrã dujamakũ yãmi. Ubu ããrĩrã: “Gajirã nemorõ ããrĩbea”, ãrĩ gũñarã gapure oparã dujamakũ yãmi.

⁵³ Hãboarimasãrẽ wãri õãrĩ siãmi. Wãri oparã gapure neõ gajino opamerã dujamakũ yãmi.

⁵⁴⁻⁵⁵ Marĩ ñekũsãmarãrẽ: “Iritamugura”, ãrĩderosũta Abrahãrẽ, ããgũ parãmerã ããrĩturiarãdere iritamunikõãmi. Irasirigu marĩ Israel bumarãrẽ, ããgũrẽ moãboerãrẽ ããgũ ãrĩdeare neõ kãtiro marĩrõ bopoñarĩ merã iritamunikõãmi, ãrĩyupo Marĩa.*

⁵⁶ Marĩa, Isabel merã urerã abegora ããrĩyupo. Puru igoya wiigue goe-dujãakõãyupo.

Juan masakare wãiyerimasã deyoadea

⁵⁷ Puru Isabel majĩgũ deyoarinopoe nijiwãgũdero puru, igo magũ deyoayupu. ⁵⁸ Irasirirã igo puru ããrĩrã, igoyãrã, Marĩpu igore õãrõ iridea kerere pãrã, igore usuyatamurã waañurã. ⁵⁹ Igo magũ deyoadero puru, su mojõma pere gajĩ mojõ ureru pẽrẽbejarinurĩ waarõ merã majĩgũrẽ ããgũya dupuma gasirogãrẽ* wiirirã waañurã. ããgũrẽ ããgũ pagu “Zacariã” wãrẽ wãiyedũadiñurã. ⁶⁰ Isabel gapu ããgũsãrẽ:

—ããrĩbea. ããgũ: “Juan” wãikugukumi, ãrĩyupo.

⁶¹ Igo irasũ ããrĩmakũ pãrã, igore:

—¿Nasirigu irasũ wãikubukuri? Neõ muryarã irasũ wãikurã mãma, ãrĩñurã.

⁶² Irasirirã Zacariãre: “¿Mu naãsũ wãiyedũakuri?” ããrĩrã, mojõrĩ merã irikeo, sãrẽñañurã. ⁶³ Irasirigu Zacariã su taboa majĩ sãrẽ, iri majĩgue:

—“Juan wãikugukumi”, ãrĩ gojayupu. ããgũ gojarire ããrã, gũkakõãñurã. ⁶⁴ Irere gojagũta Zacariã werenĩbi ããrãdi werenĩakõãyupu doja. Irasirigu Marĩpure: “Õãtaria mu”, ãrĩ, usuyari siyupu. ⁶⁵ ããrĩpererã Zacariã puru ããrĩrã, ããgũ werenĩmakũ pãrã, gũkakõãñurã. ããrĩpererogue Judea nikũ marã ããtãyuku watopegue ããrĩrãrẽ Juan deyoadeare wereñurã. ⁶⁶ ããgũ deyoadea kerere pãrã, ããrĩpererã gũña, ãsũ ãrĩ gãme sãrẽñañurã:

—Ñĩ majĩgũ buru waagũ, ¿naãsũ ããrĩrikugukuri Marĩpu turari merã deyoadi? ããrĩñurã.

* **1:54-55** 1 S 2.1-10; Sal 113.5-9; Gn 17.7 * **1:59** Gn 17.1-14: Iripoegue Marĩpu Abrahãrẽ ããgũ pũrã ãmarẽ: “Yaarã ããrĩburo”, ããrĩgũ, ããgũsãya dupuma gasirogãrẽ wiiridoredi ããrĩmi. Puru iri dorerire Moiserẽ pídi ããrĩmi. Irasirirã judío masaka Abraham parãmerã ããrĩturiarã iri dorerire irirã, ããgũsã pũrã ãmarẽ su mojõma pere gajĩ mojõ ureru pẽrẽbejarinurĩ waarõ merã ããgũsã deyoadero puru irasũ yãma.

Zacarías Marĩpũre bayapeodea

67 Zacarías, Õãgũ deyomarĩgũrẽ opatarigũ Marĩpũ ĩgũrẽ weredorerire ãsũ ãrĩ wereyupũ:

68 Marĩpũre Israel bumarã Opũre usũyari sĩrã! Marĩ ĩgũyarã pũroque marĩrẽ taugũ aarĩmi.

69 Irasirigũ marĩrẽ taubure turatarigũre iriugũkumi. ĩgũ, David Marĩpũre moãboerimasũ ããrĩdi parãmi ããrĩturiagũgue ããrĩmi.

70 Iripoegue Marĩpũ, ĩgũya kerere weredupiyurimasã ñerĩ marĩrã merã marĩrẽ tauburire ãsũ ãrĩ weredi ããrĩmi:

71 “Ããrĩpererã musãrẽ ĩãturirãrẽ, wajarãkũrãrẽ, musãrẽ tariweremakũ irigũra”, ãrĩ weredi ããrĩmi.

72 Irasirigũ marĩ ñekũsãmarãrẽ: “ ‘Musãrẽ bopoñarĩ merã ĩãgũ, õãrõ irigũra’, ãrĩdeare neõ kãtibirikoa”, ãrĩ weredi ããrĩmi.

73 Irire Marĩpũ marĩ ñekũ Abrahãrẽ weredi ããrĩmi.

74 Irasirigũ marĩrẽ ĩãturirãrẽ wijatagũkumi, gũiri marĩrõ ĩgũ dorerire iritũyaburo, ãrĩgũ.

75 ããrĩperero marĩ okaro bokatĩũrõ marĩrẽ ĩgũyarã, diayemarẽ irirã ããrĩmakũ irigũkumi, ãrĩyupũ Zacarías.

Irasũ ãrĩ odo, ĩgũ magũgãrẽ ãrĩyupũ:

76 Makũ, masaka mũrẽ: “Marĩpũ ããrĩpererã nemorõ turagũya kerere weredupiyurimasũ ããrĩmi”, ãrĩrãkuma. Mũ, marĩ Opũ aariburi dupiyuro ĩgũ aariburi maarẽ diayema maa ãmugũ irirosũ ĩgũyare weregũ waagũkoa.

77 Marĩpũyarãrẽ ãsũ ãrĩ weregũkoa: “Marĩpũre: ‘Gũa ñerõ irideare kãtika!’ ãrĩ sãrẽmakũ, musãrẽ kãtigũkumi. Irasirigũ musãrẽ perebiri peamegue waabonerãrẽ taugũkumi”, ãrĩgũkoa.

78 Marĩpũ marĩrẽ bopoñarĩ merã maĩsĩã, ãmũ, maamanũ boyoro irirosũ waamakũ irigũkumi, ãmũgasigue merã marĩrẽ taubure iriugũ.

79 Naĩtĩãrõgue ããrĩrãrẽ boyori sĩgũkumi perebiri peamegue waabonerãrẽ ĩgũrẽ masĩburo, ãrĩgũ. Irasirigũ marĩrẽ ĩgũ merã õãrõ siñajãrĩ bokamakũ irigũkumi, ãrĩ wereyupũ Zacarías.*

80 Majĩgũ õãrĩ gũñarĩ merã, Marĩpũ turari merã masãyupũ. Masaka marĩrõgue yoaripoe ããrĩyupũ. Iroque ããrĩgũta Israel bumarãrẽ buenũgãyupũ.

2

Jesús deyoadea

(Mt 1.18-25)

1 Marĩpũ magũ deyoaburi dupiyuro romano marã opũ Augusto wãĩkũgũ ĩgũya nikũ marãrẽ ããrĩpererãrẽ keoñabu, ĩgũsã wãĩrẽ gojatũdoreyupũ. 2-3 Irasirirã ããrĩpererã masaka ĩgũsã ñekũsãmarã deyoadea makãrĩgue ĩgũsã wãĩrẽ gojatũrã waañurã. Siria nikũ marã opũ Cirenio wãĩkũgũ ããrĩripoe gojatũnũgãñurã.

4 Irasirigũ Josède, Galilea nikũma makã Nazaretgue ããrãdi, Judea nikũma makã Belẽgue waayupũ. Belén, David deyoadea makã ããrĩyuro. ĩgũ, David parãmi ããrĩturiagũ ããrĩsĩã, iroque waayupũ. 5 ĩgũ marãpo ããrĩbo María merã ĩgũ wãĩrẽ gojatũgũ waayupũ. María gapũ nijĩpo ããrĩyupo. 6 Irasirigo iroque ããrĩgõ, nijĩwãgũyupo. 7 Kãrĩrĩ wii utarimakũ ĩã, José, María merã wekũa wiigũe kãrĩrã waañurã. Iri wiigũe María neõ pũrãkũbeo ããrĩdeo, majĩgũ

* 1:79 Mal 3.1; Is 9.2

pūrākunugāyupo. Īgū deyoamakū, surí gasiri merā ōma, wekua baari korogue Īgūrē sāyupo.

Marīpure wereboerā oveja korerimasārē deyoadea

⁸ Belén turogue ovejare korerimasā āārīñurā. Namirikū irogue dita Īgūsāyarā ovejare koreboyoanañurā. ⁹ Irogue Īgūsārē gūñaña marīrō sugū Marīpure wereboegū deyoayupū. Īgū deyoamakū, Marīpū goesiriri Īgūsārē boyoyuro. Irasū waamakū ĩaguka, buro gūiñurā. ¹⁰ Marīpure wereboegū āsū ārīyupū Īgūsārē:

—Gūibirikōāka! Mūsārē ōārī kerere āirigū yāa, āārīpererā masaka usuyaburire. ¹¹ Dapagā ñami, David deyoadea makāguere mūsārē taubu deyoami. Īgū Marīpū iriudi, Cristo mūsā Opū āārīmi. ¹² Mūsā majīgūrē ĩārā waarā, surí gasiri merā ōmadire, wekua baari korogue sāñagūrē bokajarākoa. Irasirirā Īgūrē ĩārā: “Diayeta āārāñumi”, ārīrākoa, ārīyupū.

¹³ Īgū irire ārīpoeta gajirā wārā Marīpure wereboerā deyoa, Marīpure bāremurā āsū ārī bayañurā:

¹⁴ Marīpū ūmugasigue āārīgūrē: “Ōātaria mū”, ārī, usuyari sīrā! I ūmugue Īgū merā ōārō āārīrā siñajārī opaburo, ārī bayañurā.

¹⁵ Marīpure wereboerā ūmugasigue mūrīadero pūgū, ovejare korerimasā Īgūsā basi gāme wereníñurā:

—Nāka, dapagorata Belégue! Marīpure wereboegū marīrē wereaderosūta ĩārā waarā! ārīñurā.

¹⁶ Irasirirā mumurō merā ĩārā waañurā. Irogue eja, Josére, Maríare bokajañurā. Majīgū gapūre wekua baari korogue sāñagūrē ĩañurā. ¹⁷ Īgūrē ĩārā, iro āārīrārē Marīpure wereboegū majīgūyamarē wereadeare wereñurā. ¹⁸ Īgūsā irire weremakū pérā, āārīpererā pégukakōāñurā. ¹⁹ María gapū āārīpereri Īgūsā wererire pégo, igoya yujpūrāgueta gūñadurípīyupo. ²⁰ Ovejare korerimasā Marīpure wereboegū wereaderosūta āārīpereri Īgūsā péadea, ĩādea keoro waamakū ĩārā, Marīpure: “Ōātaria mū”, ārī, usuyari merā goedujākōāñurā.

Jesúre Marīpūya wiigüe āāadea

²¹ Pūgū su mojōma pere gajī mojō ureru pērēbejarinūrī waaró merā majīgūrē Īgūya dūpūma gasirogārē wiiriñurā. Wiiri odo, Marīpure wereboegū Maríare, igo nijīpo āārīburo dupīyuro ārīderosūta Īgūrē “Jesús” wāīyeñurā.

²² Pūgū Moisés: “Āsū irika ūmūrē pūrākūadero pūgū!” āārīdeare iripeo, José, María merā Jesúre Jerusalégue āāñurā, Marīpūya wiigüe Marīpure: “Muyagū āārīmi”, ārī ĩmurā waarā. ²³ Irire irirā, Marīpū dorederosūta iriñurā. Āsū ārī gojasūdero āārībú Marīpū doreri gojadea pūgue: “Āārīpererā ūma deyoapūrorirā Marīpūyarā āārīburo”, ārī gojasūdero āārībú. ²⁴ Irasirirā José, María merā Jerusalégue Marīpū dorederosūta irirā waañurā. Āsū ārī gojasūdero āārībú doja: “Pērā buja, o Īgūsā marīmakū buja irirosū deyorāgā pērā sīka, Marīpū ĩūrō wējē soepeoburo, ārīrā”.

²⁵ Iripoere Jerusalégue sugū būguro Simeón wāikūgū āārīyupū. Īgū ōāgū, Marīpure bāremugū āārīyupū. Israel bumarārē taugū aaribure yūgū iriyupū. Ōāgū deyomarīgū Īgū merā āārīnikōāyupo. ²⁶ Iripoegue Ōāgū deyomarīgū Īgūrē āsū ārī weredi āārīmi: “Cristo, Marīpū iriubure ĩābita boabirīkoa mū”, ārīdi āārīmi. ²⁷⁻²⁸ Jesúre Īgū pagūsāmarā Jerusalégue āījarinūrē Ōāgū deyomarīgū Simeōrē Marīpūya wiigüe waadoreyupū. Marīpū dorederosūta Jesúre iri wiigüe āījamakū ĩā, Simeón Īgūrē kōā, Marīpure usuyari sī, āsū ārīyupū:

²⁹ Yū Opū, mū iripoegue ārīderosūta keoro yāa. Irasirigū dapagorare yū mūrē moāboegū usuyari merā boamasīa.

³⁰ Ìi majìgùrè masakare taubure yaa koye merã ìãa.

³¹ Ìgùrè masìdoregũ, ããrìpererã masaka ìürõgue iriubũ.

³² Ìgũta judío masaka ããrìmerãrè mürè masìmakũ irigu, sìãgori sìgũ irirosũ irigukumi.

Ããrìpererã masaka: “Marìpũ ìgũyarã Israel bumarãrè òãrò iritamumi”, ãrìràkuma, ãrìyupũ Simeón.*

³³ Simeón majìgũyamarè irasũ ãrìmakũ pérã, ìgũ pagusãmarã pégukakõãñurã. ³⁴ Simeón ìgũsãrè: “Marìpũ musãrè òãrò iriburo”, ãrì odo, Jesús pagore ãsũ ãrìyupũ:

–Ìi majìgũ Marìpũ beyedi ããrìmi. Wárã Israel bumarã ìgùrè bũremumerã perebiri peamegue béodijusũràkuma. Ìgùrè bũremurã gapũ ãmũgasigue ãimũrìãsũràkuma. Marìpũ turari merã ìgũ iri ìmumakũ ìãrà, wárã masaka ñerò werenìràkuma ìgùrè. ³⁵ Irasiriri merã ããrìpererã masaka ìgũsãya yũjupũrãrìgue gũñarìrè masìsũrokoa. Mũ gapũ i merã mũya yũjupũrãrè sareri majì merã saremakũ pũrìsũrõsũ bũro bũjaweregokoa, ãrìyupũ Simeón Maríare.

³⁶ Gajigo Marìpũya wiiguere Marìpũya kerere weredupiyugode ããrìyupo. Igo Ana wãikũgo, Fanuel magò, Aser bumo, búro ããrìyupo. Maamogora marãpũkũdeo ããràdimò. Pũrũ, su mojõma pere gaji mojõ peru pèrèbejari bojori waaró merã igo marãpũ boakõãyupũ. ³⁷ Irasirigo wapiweyo dujayupo. Ìgũsã Jesúre Marìpũya wiigue ãrìjaripeere ochenta y cuatro bojorigora opayupo. Iri wiiguere ãmũrikũ, ñamirikũ bereri merã Marìpũre sèrènayupo. ³⁸ Jesúre ãrìjamakũ ìãgò, ìgũ pũro aari ejanũgã, Marìpũre usũyari sìyupo. Pũrũ ããrìpererã Jerusalén marãrè taubure yúrãrè Jesús deyoadeare wereyupo.

Nazaretgue goedujáadea

³⁹ José, María Jerusalègue ããrànerã, Marìpũ dorederosũta ããrìpereri iripeo, Galilea nikũ ìgũsãya makã Nazaretgue goedujáakõãñurã. ⁴⁰ Irogue majìgũ turagũ òãrò masìgũ masãyupũ. Marìpũ ìgùrè òãrò iritamuyupũ.

Jesús Marìpũya wiigue waadea

⁴¹ Bojorikũ Jesús pagusãmarã pascua bosenuñi ããrìmakũ, Jerusalègue waanañurã. ⁴² Jesús pe mojõma pere su gubu peru pèrèbejari bojori oparipoe ìgũsã irinarõsũ ìgũ merã iri bosenuñe irogue taurã waañurã.

⁴³ Iri bosenuñe tariadero pũrũ, ìgũsãya makãgue Nazaretgue goedujáakõãñurã. Jesús gapũ Jerusalègueta dujakõãyupũ. Ìgũ pagusãmarã ìgũ irogue dujarire masìbiriñurã. ⁴⁴ “Gajirà marì merãmarã merã aarikumi”, ãrì gũñadiñurã. Pũrũ Jerusalèrè ìgũsã wiriadeanuñe ñamika ããrìmakũ, ìgũsã merãmarã watopegue ìgùrè ãmadiñurã. ⁴⁵ Ìãma, ìgùrè bokabiri, maa deko merãta gãme dujãakõãñurã doja Jerusalègue ãmarã waarã.

⁴⁶ Hrenũ pũrũ Marìpũya wiigue Moisés gojadeare buerimasã watopegue doagure bokañurã. Ìgũsã werenìrìrè pé, ìgũsãrè sèrèñanayupũ. ⁴⁷ Ìgũ masìrì merã wererire, ìgũ òãrò yũjũrìrè pérã, ããrìpererã pégukakõãñurã. ⁴⁸ Ìgũ irogue doamakũ ìãrà, ìgũ pagusãmarã ìãgukakõãñurã. Pago ìgùrè ãrìyupo:

–Makũ, ¿nasirigu gũare irasiriari mũ? Yũ, mũpũ merã bũro gũñarìkũri merã mürè ãmaabũ, ãrìyupo.

⁴⁹ Jesús pagore ãsũ ãrì yũjũyupũ:

–¿Nasirirà yũre ãmaarì? Yũpũyare yũre iriro gããmea ìgũya wiiguere. ¿Irire masìberi musã? ãrìyupũ.

⁵⁰ Ìgũ irasũ ãrìrìrè ìgũ pagusãmarã gapũ pémasìbiriñurã.

* 2:32 Is 42.6; 49.6; 52.10

⁵¹ Puru Jesús ĩgūsā merā Nazaretgue goedujáakōāyuru. ĩgū irinírōsūta ĩgūsā dorerire tarinugārō marĩrō yujunayuru. ĩgū pago gapu āārĩpereri ĩgū Jerusalēgue iriadeare igoya yujupūrāgue gūñaduripíyupo. ⁵² Jesús wári masĩrĩ merā masāyuru. Marĩpu ĩgūrē: “Ōāgū āārĩmi”, ārĩ ĩāyuru. Masakade āārĩpererā irasūta ārĩ ĩāñurā.

3

Juan masakare wāiyerimasā buedea
(Mt 3.1-12; Mr 1.1-8; Jn 1.19-28; 8.31-47)

¹ Pe mojōma pere su gubu pērēbejari bojori Tiberio wāikugu romano marā opu āārĩrĩ ñajādero puru, gajirā ĩgū dokamarā ĩsākū āārĩñurā: Poncio Pilato, Judea nikū marā opu āārĩyuru. Herodes, Galilea nikū marā opu āārĩyuru. ĩgū pagumu Felipe: Iturea, Traconite, pe nikū marā opu āārĩyuru. Gajigu Lisania, Abilinia nikū marā opu āārĩyuru. ² Gajirā pērā: Anás, Caifás wāikurā paía oparā āārĩñurā. ĩgūsā oparā āārĩripoere Zacarías magū Juārē masaka marĩrōgue āārĩgūrē Marĩpu ĩgūyare weredoreyuru.

³ Irasirigu Juan āārĩperero dia Jordán wāikudiya turogue masaka irogu ejarārē:

—Musā ñerō irideare bujawereka! Musā gūñarĩrē gorawayu, wāiyedoreka! Irasirimakū, musārē Marĩpu musā ñerō irideare kātigukumi, ārĩ werenayuru. ⁴ Juan irire irigu, iripoegue Marĩpuya kerere weredupiyudi Isaías gojaderosūta iriyuru. Āsū ārĩ gojadi āārĩmĩ:

Masaka marĩrōgue sugu buro gaguinĩrĩ merā weregukumi: “Marĩ Opu aariburi dupiyuro ĩgū aariburi maarē diayema maa ōārĩ maa āmurā irirosū diayemarē irika!

⁵ Dupa tururi āārādeare yasurope piusūrokoa. Utāyuku āārādeade keoro dujarokoa. Maarĩ dupaberori āārādeade diayema maarĩ dujarokoa. Gob-erikuri maarĩde su báparogueta dujarokoa.

⁶ Marĩpu marĩrē taubure iriumakū, āārĩpererā masaka ĩārākuma”, ārĩ gojadi āārĩmĩ.*

⁷ Wārā masaka Juan purogue wāiyedorerā ejañurā. Juan ĩgūsārē ārĩyuru:

—Musā āña irirosū ñerā āārā. ¿Noā musārē ōōguere aaridoreari? Marĩpu, guā ñerō iriri waja wajamoābirikōāburo, ārĩrā, ¿musā yure wāiyedorerā aarari?

⁸ Musā: “Guā ñerō irideare bujawere, gūñarĩrē gorawayuabu”, ārĩrā, musā ñerō irideare piri, ōārĩ gapure irika! Musā: “Guā Abraham parāmerā āārĩturiarā āārĩmakū, Marĩpu guare wajamoābirikumĩ”, ārĩ gūñabirikōāka! Yu musārē āsū ārā: “Musā gūñarĩrē gorawayubirimakū, musā Abraham parāmerā āārĩturiari wajamāa. Marĩpu i utāyeri merā Abraham parāmerā āārĩturiarā waamakū irimasĩmi”. ⁹ Musā ñerĩ iririre piribirimakū ĩāgū, Marĩpu musārē béogukumi. Sugu yukū ñerĩ dukakudire ĩā, kōme merā nugūrĩgue merāta diti, peamegue soebéorosū musārē béogukumi, ārĩyuru Juan.

¹⁰ ĩgū irasū ārĩmakū pérā, Juārē sērēñañurā:

—¿Guare nasiriro gāāmerĩ?

¹¹ Juan ĩgūsārē yujuyuru:

—Sugu peñe surĩro opagu, opabire suñe sīburo. Baari opagu, baari opabire dukawaburo, ārĩyuru.

¹² Gajirā romano marā oparārē niyeru wajaseabosarā, Juan puro wāiyedorerā ejañurā. ĩgūsāde Juārē sērēñañurā:

—Guare buegu, ¿guare nasiriro gāāmerĩ?

* 3:6 Is 40.3-5

¹³ Īgūsā irasū ārīmakū, Juan ārīyupū:

—Mūsā oparā mūsārē wajaseadreaderopata wajaseaka! Īgūsā doreadero nemorō wajaseabirikōāka! ārīyupū.

¹⁴ Gajirā surara Juārē sērēñañurā:

—¿Guakoare nasiriro gāāmerī? ārīñurā.

Īgūsā irasū ārīmakū, āsū ārī yujyupū:

—Gajirā oparire ēmabirikōāka! Īgūsārē niyeru ēmaduarā ārīkatori merā Īgūsā iribirideaguereta weresābirikōāka! Mūsā moā wajatari merā usuyaka! ārīyupū.

¹⁵ Masaka: “¿Naāsū āārīmakū Marīpū iriubu aarigukuri?” ārī gūñarā iriñurā. Irasirirā, Juan wererire pérā: “¿Ī Juan, Cristo āārīkuri?” ārī gūñañurā. ¹⁶ Juan āārīpererā masakare āsū ārīyupū:

—Yū mūsārē deko merā wāīyea. Gajigū yū pūru aarigú, yū nemorō turagū āārīmi. Yū gapū ubu āārīgú, Īgūrē neō sūropebirikoa. Īgū aarigú, mūsārē Ōāgū deyomarīgū merā, peame merā wāīyegukumi. Irasirigū mūsārē Ōāgū deyomarīgū mūsā merā āārīnīmakū irigukumi, ñerīrē soebéorosū mūsārē ñerīrē béoburo, ārīgū. ¹⁷ Trigo gasirire korobéogū irirosū āārīmi. Gasirire koro odo, iri yerire baari duripíri wiigue duripígukumi. Iri gasiri gapūre peamegue soebéokōāgukumi. Iri peame neō yaribirikoa, ārīyupū. ¹⁸ Juan gajī wári irasū wereri merā masakare: “Āsū irika!” ārī werenayupū. Irasirigū iri merā Marīpūya ōārī kerere werenayupū.

¹⁹ Iripoere opū Herodes Īgū pagūmū Felipe marāpore Herodías wāīkūgore ēma, marāpokūyupū. Iri waja, gajī wári ñerō iridea waja, Juan Īgūrē: “Mū irasirimakū ñetaria”, ārī wereyupū. ²⁰ Herodes, Juan wererire pérōno irigū, ñerō irinemo, Īgūrē peresu iriri wiigue sóodoreyupū.

Juan Jesúre deko merā wāīyedeā

(Mt 3.13-17; Mr 1.9-11)

²¹ Juan peresu iriri wiigue sóosūburi dupiyuro āārīpererā masaka Īgū pūro wāīyedorerā ejarārē wāīyeyupū. Jesúde Īgū pūroque wāīyedoregū ejayupū. Juan Īgūrē wāīye odomakū, Jesús Marīpūre sērēripoe ūmūgasi tūpākōāyuro. ²² Ōāgū deyomarīgū, buja irirosū deyogū dijari, Jesús weka ejabejayupū. Marīpū ūmūgasigue āārīgú āsū ārīyupū Jesúre:

—Mū yū magū, yū maīgū āārā. Mū merā burō usuyáa, ārīyupū.

Jesucristo ñekūsāmarā āārīturiadeā

(Mt 1.1-17)

²³ Jesús treinta bojori opagū masakare buenūgāyupū. Masaka Jesúre: “José magū āārīmi ĩ”, ārī gūñadiñurā.

José, Elí magū āārīyupū. ²⁴ Elí Matat magū,

Matat Leví magū, Leví Melqui magū,

Melqui Jana magū, Jana José magū,

José Matatías magū, ²⁵ Matatías Amós magū,

Amós Nahum magū, Nahum Esli magū,

Esli Nagai magū, Nagai Maat magū,

²⁶ Maat Matatías magū, Matatías Semeí magū,

Semeí José magū, José Judá magū,

²⁷ Judá Joana magū, Joana Resa magū,

Resa Zorobabel magū, Zorobabel Salatiel magū,

Salatiel Neri magū, Neri Melqui magū,

²⁸ Melqui Adi magū, Adi Cosam magū,

Cosam Elmodam magū, Elmodam Er magū,

Er Josué magũ, ²⁹ Josué Eliezer magũ,
 Eliezer Jorim magũ, Jorim Matat magũ,
 Matat Leví magũ, ³⁰ Leví Simeón magũ,
 Simeón Judá magũ, Judá José magũ,
 José Jonán magũ, Jonán Eliaquim magũ,
 Eliaquim Melea magũ, ³¹ Melea Mainán magũ,
 Mainán Matata magũ, Matata Natán magũ,
 Natán opu David magũ ããrĩdi ããrĩmí.
³² David Isaí magũ, Isaí Obed magũ,
 Obed Booz magũ, Booz Salmón magũ,
 Salmón Naasón magũ, ³³ Naasón Aminadab magũ,
 Aminadab Aram magũ, Aram Esrom magũ,
 Esrom Fares magũ, Fares Judá magũ,
 Judá Jacob magũ ããrĩdi ããrĩmí.
³⁴ Jacob Isaac magũ, Isaac Abraham magũ ããrĩdi ããrĩmí.
 Abraham Taré magũ, Taré Nacor magũ,
 Nacor Serug magũ, ³⁵ Serug Ragau magũ,
 Ragau Peleg magũ, Peleg Heber magũ,
 Heber Sala magũ, ³⁶ Sala Cainán magũ,
 Cainán Arfaxad magũ, Arfaxad Sem magũ,
 Sem Noé magũ ããrĩdi ããrĩmí.
 Noé Lamec magũ, Lamec Matusalén magũ,
³⁷ Matusalén Enoc magũ, Enoc Jared magũ,
 Jared Mahalaleel magũ, Mahalaleel Cainán magũ,
 Cainán Enós magũ, Enós Set magũ,
 Set Adán magũ ããrĩdi ããrĩmí.
³⁸ Adán neõgorague Marĩpu iridi, ĩgũ magũ ããrĩdi ããrĩmí.

4

Wãtĩ Jesúre ãrĩmesãdidea *(Mt 4.1-11; Mr 1.12-13)*

¹ Jesús Ōãgũ deyomarĩgũrẽ opatariakõãyupũ. Irasirigu Ōãgũ deyomarĩgũ ĩgũ dia Jordán wãikũdiyague ããrãdire masaka marĩrõgue ãĩayupũ. ² Irogue Jesús cuarenta nurĩgora ããrĩyupũ. Irogue ããrĩripoe wãtĩ ĩgũrẽ ãrĩmesãgũ ejayupũ. Iri cuarenta nurĩrẽ Jesús neõ baabiriyupũ. Irasirigu uaboakõãyupũ. ³ ĩgũ uaboamakũ ĩãgũ, wãtĩ Jesúre ãsũ ãrĩyupũ:

–Diyeta Marĩpu magũ ããrĩgũ, mũ turaro merã i ãtãyere pã waamakũ irika! ãrĩyupũ.

⁴ Jesús ĩgũrẽ yujyupũ:

–Yupũya werenĩrĩ gojadea pũgue: “Baari dita masakare okamakũ iribea. ããrĩpereri Marĩpũya werenĩrĩ gapũ ĩgũsãrẽ okamakũ yãa”, ãrĩ gojasũdero ããrĩbũ, ãrĩ wereyupũ Jesús wãtĩrẽ.

⁵ Pũrũ wãtĩ Jesúre ãtãũ wekague ãĩmurĩayupũ. Irogue suñarõta ããrĩpereri i ãmũma makãrĩrẽ ĩmupeokõãyupũ. ⁶ Irĩre ĩmupeo odo, ãsũ ãrĩyupũ:

–I yũre sĩdea ããrã. Irasirigu yũ sĩduagure sĩgũkoa, ĩgũ i ããrĩpereri opu ããrĩburo, ãrĩgũ. ⁷ Mũ yũre ñadũkupuri merã ejamejãja, bũremumakũ, i ããrĩpereri murẽ sĩgũra, ãrĩ wereyupũ wãtĩ Jesúre. ⁸ Jesús ĩgũrẽ yujyupũ:

–Satanás, yũ pũrore wirika! Yupũya werenĩrĩ gojadea pũgue: “Marĩpu ditare bũremuka! ĩgũ doreri ditare irika!” ãrĩ gojasũdero ããrĩbũ, ãrĩ wereyupũ Jesús wãtĩrẽ.

⁹ P_{uru} wātī Jesúre Jerusalégue ãña, Marĩp_{uya} wii wekague ãĩmurĩa, ĩgũrẽ ãsũ ãrĩyup_u doja:

–Diayeta Marĩp_u magũ ããrĩgũ, õõgue merã yebague parimadijaka!

¹⁰⁻¹¹ Marĩp_{uya} werenĩrĩ gojadea pũgue ãsũ ãrĩ gojasũdero ããrĩbũ:

Marĩp_u ĩgũrẽ wereboerãrẽ murẽ koredoregukumi, neõ ùtãyegue meébejabirikõãburo, ãrĩgũ, ãrĩ gojasũdero ããrĩbũ, ãrĩ wereyup_u wātī Jesúre.*

¹² Jesús ĩgũrẽ ãrĩyup_u:

–Yup_{uya} werenĩrĩ gojadea pũgue: “Buremurĩ marĩrõ Marĩp_{ure}: ‘M_u turari merã yure gajino iri ĩmuka!’ ãrĩbirikõãka!” ãrĩ gojasũdero ããrĩbũ, ãrĩ wereyup_u Jesús wãtĩrẽ.

¹³ Irasirig_u wātī Jesúre gaji ãrĩmesãrĩ bokabiri, waakõãyup_u dapa.

Jesús Galilea nikũgue masakare buenãgãdea

(Mt 4.12-17; Mr 1.14-15)

¹⁴ P_{uru} Jesús masaka marĩrõgue ããrãdi Galilea nikũgue goedujáayup_u. Õãgũ deyomarĩgũ turarire opatariyup_u. ããrĩperero Galilea nikũ marã ĩgũ iridea kerere masĩpereakõãñurã. ¹⁵ Jesús iroguere eja, makãrĩk_u judío masaka nerẽrĩ wiirig_u* buenayup_u. ĩgũ buemakũ pérã, ããrĩpererã: “Õãrõ buemi”, ãrĩ buremuñurã.

Jesús Nazaretgue goedujáadea

(Mt 13.53-58; Mr 6.1-6; Jn 4.44)

¹⁶ P_{uru} Jesús Nazaretgue ĩgũ masãdea makãgue goedujáayup_u. ĩgũ irinarõsũta judío masaka siñajãrĩn_u† ããrĩmakũ, ĩgũsã nerẽrĩ wiig_u waa, ñajãyup_u. Iri wiig_u Marĩp_{uya} werenĩrĩ gojadea pũrẽ bue ĩmubu wãgãnugãyup_u. ¹⁷ Irasirig_u iri wii koreg_u Jesúre Marĩp_{uya} kerere weredupiyudi Isaías gojadea pũrẽ sĩyup_u. ĩgũ sĩmakũ, Jesús iri pũgue ãsũ ãrĩ gojadeare boka, bue ĩmuyup_u:

¹⁸ Y_u Op_u, Õãgũ deyomarĩgũ y_u merã ããrĩmakũ yãmi, ĩgũ dorerire iriburo, ãrĩgũ. ĩgũyare iridoreg_u yure beyepĩdi ããrĩmĩ.

Irasirig_u boporãrẽ ĩgũya kerere weredoreg_u, bure bujawererãrẽ usuyamakũ iridoreg_u, peresugue ããrĩrãrẽ taudoreg_u, koye ĩãmerãrẽ ĩãmakũ iridoreg_u, ñerõ irisũrãrẽ taudoreg_u yure iriudi ããrĩmĩ.

¹⁹ Marĩ Op_u ĩgũyarãrẽ taug_u aariburire weredoredi ããrĩmĩ, ãrĩ gojadi ããrĩmĩ Isaías, ãrĩ bue ĩmuyup_u Jesús.*

²⁰ Bue ĩmu odo, ĩgũ bueadea pũrẽ tũrã, iri wii koreg_ure wia, eja doayup_u. ããrĩpererã iri wiig_u ããrĩrã ĩgũrẽ ĩãduúbiriñurã. ²¹ Jesús ãsũ ãrĩ werenugãyup_u ĩgũsãrẽ:

–Dapagã merã y_u m_usãrẽ bue ĩmumakũ, Isaías gojaderosũta waãa.

²² Jesús irasũ ãrĩmakũ pérã, ããrĩpererã péguakakõãñurã. “Õãrĩ werenĩrĩ merã weremi”, ãrĩ gũñakererã, ĩgũsã basi gãme sêrẽñãñurã:

–¿Ĩ José magũ meta ããrĩrĩ? ãrĩñurã.

²³ Jesús, ĩgũsã irasũ ãrĩmakũ pégu, ĩgũsãrẽ ãsũ ãrĩyup_u:

–Masaka ĩgũsã ãrĩnarõsũ m_usã yure: “M_u õãrõ kúrig_u ããrĩrĩrẽ ĩmugũ, m_u basita kúrika!” ãrĩkoa. Gajidere ãrĩkoa: “G_ua, m_u Capernaugue iri ĩmudea kerere péb_u. Irasirig_u iroguere m_u iriderosũta i makã, m_u masãdea makãdere iri ĩmuka!” ãrĩkoa, ãrĩyup_u.

* 4:10-11 Sal 91.11-12 * 4:15 Judío masaka nerẽrĩ wii, sinagoga wãikuri wii ããrã. Iroguere ĩgũsã siñajãrĩn_u ããrĩmakũ nerẽ, Marĩp_{uya} werenĩrĩ gojadea pũgue gojadeare buenama. † 4:16 Judío masaka siñajãrĩn_u, sãbado ããrã. * 4:19 Is 61.1-2

²⁴ Irasũ arĩ odo, asũ arĩnemoyupũ:

—Diayeta musãrẽ werea. Neõ sugũ Marĩpũya kerere weredupiyurimasũrẽ ãgũya nikũ marã õãrõ bokatĩrĩneãbema. ²⁵ Irasirigũ musãrẽ ire õãrõ masĩmakũ gããmea. Iripoegue Elías Marĩpũya kerere weredupiyudi ããrĩdeapoere masaka Marĩpũre bũremubiri waja, ure bojori gaji bojori dekogora neõ deko merẽbiridero ããrĩbũ. ããrĩpereroguerẽ baaride marĩdero ããrĩbũ. Marĩya nikũrẽ wãrã wapiweyarã nome ããrĩnerã ããrĩmã. ²⁶ ãgũsã wãrã ããrĩkeremakũ, Marĩpũ Eliãre ãgũsãrẽ iritamudoregũ neõ iriubiridi ããrĩmĩ. Gaji nikũmo Sarepta wãikũri makãmo Sidón pũro ããrĩgõ gapũre iritamudoregũ Eliãre iriudi ããrĩmĩ. ²⁷ Eliseo Marĩpũya kerere weredupiyudi ããrĩdeapoedere wãrã kãmi boarã marĩya nikũrẽ ããrĩunanerã ããrĩmã. ãgũsã wãrã ããrĩkeremakũ, Marĩpũ Eliseore ãgũsãrẽ taudoregũ neõ iriubiridi ããrĩmĩ. Siria nikũmu Naamán wãikũgũ gapũre taudoregũ Eliseore iriudi ããrĩmĩ, arĩ wereyupũ Jesũs.

²⁸ Jesũs irasũ arĩmakũ pãrã, ããrĩpererã iri wiigũ ããrĩrã ãgũ merã bũro guaũurã. ²⁹ Irasirirã wãgãnũgã, ãgũrẽ ñeã, ããkõãũurã. Iri makã utãũ weka iridea makã ããrĩyuro. Irasirirã iri makã tũrogũ ãgũrẽ ãã, tũmeedijudũarã iriadiũurã. ³⁰ Jesũs gapũ ãgũsã watopeta tariwerewãgãkõãyupũ.

*Wãtĩ ñajãsũdi Jesũre bokatĩrĩdea
(Mr 1.21-28)*

³¹ Pũrũ Jesũs Capernaugũ waayupũ. Iri makã Galilea nikũgũ ããrĩyuro. Irogũ eja, judío masaka siñajãrĩnũ ããrĩmakũ, ãgũsã nerẽrĩ wiigũ ãgũsãrẽ bueyupũ. ³² Sugũ doregũ irirosũ õãrõ masĩrĩ merã ãgũ buemakũ pãrã, pãgũkakõãũurã.

³³ Iri wiigũrẽ ãgũsã merã sugũ wãtĩ ñajãsũdi ããrĩyupũ. Asũ arĩ gaguinĩyupũ:

³⁴ —Jesũs Nazaretmũ, ¿nasiribu gũ pũro aarĩri? ¿Gũare peamegũ bẽogũ aarigũ yãri? Yũ mũrẽ ããmasĩkõãã. Mũ, Marĩpũ iriudi, õãtarigũ ããrã, ããrĩyupũ.

³⁵ Jesũs wãtĩrẽ:

—Werenĩbita! Wirika ãgũrẽ! ããrĩyupũ.

ãgũ irasũ arĩmakũ, wãtĩ masaka iũrõ ãgũ ñajãdire yebagũ tũmeepĩ, ñerõ iriro marĩrõ wiriakõãyupũ. ³⁶ Jesũs wãtĩrẽ bẽowiumakũ ããrã, ããrĩpererã masaka ããgũka, ãgũsã basi asũ arĩ gãme werenĩũurã:

—¿Ñeeno werenĩrĩ ããrĩrĩ i? ãgũ turaro merã wãtẽãrẽ wiriadoremakũ, mata wirianokõããma, ããrĩũurã.

³⁷ Pũrũ Jesũs iriadeare ããrĩperero iri makã tũro marãrẽ weresiriũurã.

*Jesũs, Simón Pedro mũñekõrẽ taudea
(Mt 8.14-15; Mr 1.29-31)*

³⁸ Jesũs, nerẽrĩ wiigũ ããrãdi wiria, Simõya wiigũ waayupũ. Simón mũñekõ bũro nimakũrikũgo iriyupo. Jesũs ejamakũ ããrã, igore taudorerã ãgũrẽ sãrẽũurã. ³⁹ ãgũsã irasũ sãrẽmakũ pãgũ, Jesũs igo pũro waa ejanũgã: “Pũrĩrĩ tarika igore!” ããrĩyupũ. ãgũ irasũ arĩrĩ merãta igore nimakũri ããrãdea tariakõãyuro. Irasirigo wãgãnũgã, ãgũsãrẽ baari ejoyupo.

*Jesũs wãrã pũrĩrikũrãrẽ taudea
(Mt 8.16-17; Mr 1.32-34)*

⁴⁰ Ñamika, abe ñajãdero pũrũ, iri makã marã ããrĩpererã gajirosũperi pũrĩrikũrãrẽ Jesũs pũrogũ ããjãũurã. Jesũs pũrĩrikũrãrẽ, ãgũya mojõrĩ merã ñapeo, tauyupũ. ⁴¹ Wãrã wãtẽã masakare ñajãnerãdere bẽowiyupũ. Wãtẽã wirirã, Jesũre asũ arĩ gaguinĩũurã:

—Mũ, Marĩpũ magũ ããrã, ããrĩũurã. ãgũsã Jesũre, ãgũ Cristo, Marĩpũ iriudi ããrĩrĩrẽ masĩũurã. Irasirigo Jesũs wãtẽãrẽ werenĩdorebiriyupũ.

Jesús Galilea nikūgue masakare buedea
(Mr 1.35-39)

⁴² Gajina boyoripoe Jesús makã turo masaka marĩrõgue waayupũ. Īgũ waadero purũ, masaka Īgũrẽ ãma, Īgũ pũroque ejañurã. Īgũrẽ: “Gua merã dujaka dapa!” ãrãdiñurã.

⁴³ Jesús gapũ Īgũsãrẽ ãrĩyupũ:

—Marĩpũ Īgũyarã Opũ ããrĩrẽ yũre weredoregũ iriudi ããrĩmĩ. Irasirigu gaji makãrĩ marãdere ire wereru waagura, ãrĩyupũ.

⁴⁴ Irasirigu ããrĩperero Galilea nikũ marãrẽ judío masaka nererĩ wiirigue buegorenayupũ.

5

Jesús Īgũ buerãrẽ wãrã waaĩ wẽjẽmakũ iridea
(Mt 4.18-22; Mr 1.16-20; Jn 21.3, 6)

¹ Gajina Jesús Genesaret* wãĩkuri ditaru turogue ããrĩmakũ, wãrã masaka Īgũ pũrore uturĩnũgãjañurã Marĩpũya kerere pẽduarã. ² Jesús iri ditaru turo waaĩ wẽjẽrĩmasãya doóriduparu peru masaka marĩrĩ payamakũ ĩãyupũ. Waaĩ wẽjẽrĩmasã gapũ Īgũsãya buiriyukure koerã iriñurã. ³ Jesús Simõyarugue mũrĩñajãa, Īgũrẽ soewijudoreyupũ. Soewijupau odomakũ ĩã, Jesús irirugue eja doa, masakare buenũgãyupũ. ⁴ Bue odo, Simõrẽ ãsũ ãrĩyupũ:

—Doódiru merã ditaru deko ãkũãrõgue wija, mũsãya buiriyukure meéyoka waaĩ ñeãmurã, ãrĩyupũ.

⁵ Simón Īgũrẽ yũjũyupũ:

—Guaire buegu, dapagã ñamirẽ wẽjẽboyoakõãdabũ. Neõ wẽjẽbirakubũ. Mũ dorerosũta buidire meéyoñagura doja, ãrĩyupũ.

⁶ Īgũsã meéyomakũ, waaĩ wãrã ñajãa, buidire ooreakõãdiñurã. ⁷ Wãrã ñajãmakũ ĩã, Īgũsã merãmarã gajiru doódirugue ããrĩrãrẽ buadeañurã, Īgũsãrẽ ñeãtamudorerã. Irasirirã Īgũsã eja, waairé seasãmakũ, perugueta mirĩboyakõãyuro.

⁸ Irasũ waamakũ ĩãgũ, Simón Pedro Jesús pũro ñadũkũpuri merã ejamejãja, Īgũrẽ ãrĩyupũ:

—Yũ Opũ, mũ õãtarigu ããrã. Yũ gapũ ñegũ ããrã. Irasirigu yũ pũrore ããrĩbirikõãka! ãrĩyupũ. ⁹ Simón, wãrã waaĩ ñajãmakũ ĩãgũkagu, irasũ ãrĩyupũ. Īgũ merã ããrĩrãde ĩãgũkakõãñurã. ¹⁰ Gajiru doódiru ããrĩrã Īgũ merãmarã Zebedeo pũrã Santiago, Juan ããrĩñurã. Īgũsãde ĩãgũkakõãñurã. Jesús gapũ Simõrẽ ãrĩyupũ:

—Gũibirikõãka! Dapagorare mũ waaĩ wẽjẽrĩmasũ ããrĩrẽ piri, Marĩpũya kerere masakare wererimasũ ããrĩgũkoa, ãrĩyupũ.

¹¹ Irasirirã Īgũsãya doóriduparure ditaru turo tũãmajũpíkõã, ããrĩpereri Īgũsãyare píkõã, Jesús merã waakõãñurã.

Jesús kãmi boagũre taudea
(Mt 8.1-4; Mr 1.40-45)

¹² Pũrũ Jesús su makãgue ããrĩripoe sugũ kãmi boagũ ejayupũ. Jesũre ĩãgũ, Īgũ pũro ñadũkũpuri merã ejamejã, Īgũya diapure yebague moomejãja, Īgũrẽ sãrẽyupũ:

—Yũ Opũ, mũ yũ pũrĩrikũrere taudũagu taumasãa, ãrĩyupũ.

¹³ Īgũ irasũ ãrĩmakũ pẽgu, Jesús Īgũya mojõ merã Īgũrẽ moãña, ãsũ ãrĩyupũ:

* **5:1** Genesaret wãĩkuri nikũ, Galilea wãĩkuri ditaru turo ããrĩyuro. Irasiriro Galilea ditaruta Genesaret wãĩkũyuro.

—Mure taugura. Kāmi marīgū dujaka! āriyupū. Īgū irasū āriī merāta kāmi yaripereakōāyuro. ¹⁴ Irasirigū turaro merā Jesús ĩgūrē āriyupū:

—Gajirā masakare mū tariadeare werebirikōāka! Paire mure kāmi yariadeare ĩmugū waaka! Īgū mure ĩāgū: “Kāmi marīgū āārā”, āriḡukumi. Pūru Moisés gojadea pūgue sīdoredeare sīka! Mū irire irimakū ĩārā, āārīpererā masaka mure kāmi yariadeare masīrākuma, āriyupū.

¹⁵ Jesús ĩgūrē: “Gajirārē mū tariadeare werebirikōāka!” ārikeremakū, āārīpererogue marā masaka Jesús ĩgūrē iriadeare péperekōāñurā. Irasirirā wārā masaka ĩgū pūrogue ĩgū buerire pérā, ĩgūsā pūrīrikuridere taudorerā, ejañurā. ¹⁶ Jesús gapū masaka marīrogue Marīpūre sērēgū waanayupū.

Jesús dūpū buadire taudea
(Mt 9.1-8; Mr 2.1-12)

¹⁷ Sunū Jesús buemakū, surāyeri fariseo bumarā gajirā Moisés gojadeare buerimasāde irogue doañurā. ĩgūsā āārīperero Galilea nikūma makārī marā, Judea nikūma makārī marā, Jerusalén marā āārīñurā. Jesús pūrīkurārē taubu, Marīpū turarire opayupū. ¹⁸ ĩgū bueripoe gajirā iro marā sugū dūpū buadire ĩgū oyaro merāta āijañurā. ĩgūrē wiigūe āiñajāa, Jesús pūrogue pīdūarā iriadiñurā. ¹⁹ Masaka wārā āārīmakū, āiñajāmasībiri, iri wii wekague mūrīa, su gobe āiwea, ĩgūrē masaka watopegue ĩgū oyaro merāta Jesús pūro dijuñurā. ²⁰ Jesús, ĩgūsā ĩgūrē būremumakū ĩāgū, buadire āriyupū:

—Yū, mū ñerō irideare kātia.

²¹ ĩgū irasū ārīmakū pérā, fariseo bumarā, Moisés gojadeare buerimasā āsū āri gūñañurā: “¿Ñeémuno masakū āārīī īī? ĩgū werenīī merā Marīpūre ñerō āriī. Masaka ñerō irideare neō sugū masakū kātīmasībirikumi. Marīpū sugūta masīkumi”, āriñurā.

²² Jesús ĩgūsā gūñarīrē ĩāmasī, āsū āriyupū:

—¿Nasirirā irasū gūñarī mūsā? ²³ ¿Naāsū āriī gapū diasaberi īī buadire: “Yū, mū ñerō irideare kātia”, āriī, o “Wāgānūgā, waaka!” āriī gapū diasaberi? ²⁴ Yū āārīpererā tīgū i ūmūgue āārīrārē ĩgūsā ñerō irideare Marīpū dorero merā kātīmasīa. Irasirigū īī buadire taugura, mūsārē irire masīdoregū, āriyupū. Irasū āri odo, buadire āriyupū:

—Yū mure āsū ārā. Wāgānūgā, mū oyaderore āi, mūya wiigūe waaka! āriyupū.

²⁵ ĩgū irasū āriī merāta ĩgūsā ĩūrō wāgānūgā, ĩgū oyaderore āi, ĩgūya wiigūe waagū, Marīpūre: “Ōātaria mū”, āri, usuyari sīyupū. ²⁶ Masaka, Jesús irasiririre ĩāgūka, ĩgūsāde Marīpūre: “Ōātaria mū”, āri, usuyari sīñurā. Būro güiri merā āsū āriñurā:

—Dapagārē neō marī ĩābirideare ĩāa, āriñurā.

Jesús Levīre siudea
(Mt 9.9-13; Mr 2.13-17)

²⁷ Pūru Jesús iro merā waa, Levī† wāikūgūre bokajayupū. Levī romano marā opūre niyeru wajaseabosagū āārīyupū. ĩgū moārī taribugue doamakū ĩāgū, Jesús ĩgūrē āriyupū:

—Nāka, yū merā!

²⁸ ĩgū irasū ārīmakū pégū, Levī wāgānūgā, ĩgū moādea āārīpererire pīpeo, Jesús merā waakōāyupū. ²⁹ Pūru Levī ĩgūya wiigūe eja, Jesúre bosenu iripeoyupū. Wārā niyeru wajaseabosarimasā, gajirā masaka ĩgūsā merā baa doaniñurā.

† 5:27 Levī pe wāi opayupū. ĩgūta Mateo wāikūyupū.

³⁰ Jesús ìgùsà merã doamakù ìãrã, fariseo bumarã, Moisés gojadeare buerimasã Jesús buerãrê àsù ãrĩ werewuãñurã:

—¿Nasirirã niyeru wajaseabosarimasã, ñerõ irirã merã iirí, baari mäsã? ãrĩñurã.

³¹ Jesús ìgùsãrê yujuyupũ:

—Pũrĩrĩ marĩrã kùririmasürê ãmabema. Pũrĩrikurã gapũ ìgürê ãmama. ³² Yũ: “Õãrã ããrã”, ãrĩ gũñarãrê siiugũ aaribiribũ. “Ñerõ irirã ããrã”, ãrĩ gũñarã ditare siiugũ aarigú iribũ, ìgùsã ñerõ irideare bujawere, gũñarĩrê gorawayuburo, ãrĩgũ, ãrĩyupũ.

Jesúre bererimarê sêrêñadea

(Mt 9.14-17; Mr 2.18-22)

³³ Jesús irasũ ãrĩmakù pérã, ìgürê sêrêñañurã:

—Juan buerã, fariseo bumarã buerire tayarãde Marĩpũre buremurã bere, ìgürê sêrênama. ¿Nasirirã mũ buerã gapũ õãrõ iirí, baari? ãrĩñurã.

³⁴ Jesús ìgùsãrê yujuyupũ:

—¿Sugũ mojõsuadi bosenu irimakù, mäsã ìgũ siiuanerãrê ìgũ merã ããrĩrãrê bujawereri merã beremakù irimasĩbukuri? ³⁵ Pũrũ ìgürê gajirã ãĩãmakù, bujawereri merã bereräkuma, ãrĩyupũ.

³⁶ Irire ãrĩ odo, keori merã ìgùsãrê àsù ãrĩ wereyupũ doja:

—Masaka neõ suríro maamañerê tábirikuma bugũñerê seretúmurã. Irasũ seretúrã, maamañerê poyanorêrã irikuma. Maama gasiro merã bugũñerê seretúadero õãrõ deyobirikoa. ³⁷ Waimurã gasiri merã iridea ajuri bugũ ajurigue maama igui dekore diribirikuma. Irasũ dirimakù, maama igui deko pãmu, bugũ ajuri sêraturabiri, ooreakõãkoa. Irasiro igui deko, ajuride kõmokoã. ³⁸ Irasirirã maama igui dekore maama ajurigue diriro gããmea. ³⁹ Masaka igui deko pãmurĩrê iirĩrã, maama igui dekore gããmebirikuma, maama buerire péduaberosũ. “Igui deko pãmudea gapũ, maama igui deko nemorõ õãã”, ãrĩrãkuma, ãrĩyupũ Jesús ìgùsãrê.

6

Siñajãrĩnũ ããrĩmakù, Jesús buerã trigo yerire tãrĩdea

(Mt 12.1-8; Mr 2.23-28)

¹ Gajinũ, judío masaka siñajãrĩnũ ããrĩmakù, Jesús trigo otedero watope waamakù, ìgũ buerã trigo yerire tãrĩ koro baawãgãñurã*. ² ìgùsã irasirimakù ìãrã, surayeri fariseo bumarã ìgùsãrê sêrêñañurã:

—¿Nasirirã siñajãrĩnũrê moãdorebirikeremakù, irasũ yári mäsã? ãrĩñurã.

³ Jesús ìgùsãrê yujuyupũ:

—¿Mäsã iripoeguemu David ìgũ merãmarã merã uaboagu, ìgũ irideare buebiriri? ⁴ ìgũ merãmarã merã Marĩpũya wiigue ñajãa, Marĩpũ iürõ peyari pã duparure baadi ããrĩmí. Marĩpũ paía ããrĩmerãrê: “Iri pã duparure baabirikõãka!” ãrĩdi ããrĩmí. David gapũ paí ããrĩbirikeregu, irire baagu, Marĩpũ iürõ ìgũ dorerire tarinugãgũ meta iridi ããrĩmí, ãrĩyupũ.

⁵ Irasũ ãrĩ odo, àsù ãrĩyupũ doja:

—Yũ ããrĩpererã tĩgũ ããrĩsĩã, siñajãrĩnũrê masaka gajino ìgùsã iriburire doremasã, ãrĩyupũ Jesús.

Jesús mojõ díwewedire taudea

(Mt 12.9-14; Mr 3.1-6)

* **6:1** Deuteronomio 23.25: Moisés gojadea pũgue àsù ãrĩ gojasüdero ããrĩbú: “Sugũ masaka gajigũya poegue waagú, ìgũya mojõrĩ merã trigo yerire tãrĩ koro baaburo. Wiirimajĩ merã diti ããbirikõãburo”, ãrĩ gojasüdero ããrĩbú.

⁶ Gajinu siñajārīnu āārīmakū, Jesús judío masaka nerērī wiigue ñajāa, ĩgūsārē bueyupu. Iri wiigue sugu masaku diayema mojō gapu diíweredi āārīyupu.

⁷ Fariseo bumarā, Moisés gojadeare buerimasā Jesúre buro ĩaduripítuya: “Siñajārīnu āārā, irasirirā ĩi mojō diíweredire ĩgū taumakū, ĩgūrē weresārāra”, ārī gūñañurā. ⁸ Jesús ĩgūsā gūñarērē ĩāmasī, mojō diíweredire:

—Wāgānugā, masaka ĩūrōgue ejanugāgū aarika! ārīyupu. ĩgū irasū ārīmakū pégu, mojō diíweredi wāgānugā, Jesús puro ejanugāyupu. ⁹ ĩgū ejanugāmakū, Jesús gajirā irogue āārīrārē āsū ārīyupu:

—Musārē sērēñaduakoa. ¿Siñajārīnurē Marīpu marērē ñeénorē iridoreyuri, ōārērē, o ñerērē, masakare taurire, o wējērērē? ārīyupu.

¹⁰ Sērēña odo, masaka āārīpererārē ĩā, mojō diíweredire ārīyupu:

—Muya mojōrē soeuka!

ĩgū irasū ārīmakū pégu, soeuyupu. ĩgū soeumakū, ĩgūya mojō ōākōāyuro.

¹¹ ĩgū irasirimakū ĩārā, fariseo bumarā, Moisés gojadeare buerimasā buro guañurā: “¿Nasirirākuri marī ĩrērē?” ārī gāme werenīñurā.

Jesús pe mojōma pere su gubu peru pērēbejarā ĩgū buedoregu pímurārē beyede
(Mt 10.1-4; Mr 3.13-19)

¹² Irinūrērē Jesús ũtāūgue Marīpure sērēgū waayupu. Irogue iri ñamirē Marīpure sērēboyokōāyupu. ¹³ Boyoripoe ĩgū buerire tayarārē siiu neeō, ĩgūsā watopegue āārīrārē pe mojōma pere su gubu peru pērēbejarā ũmarē beyeyupu: “Musārē yaa kerere buegorenaturārē beyepía”, ārīyupu. ¹⁴ ĩsāku āārīñurā: Simón wāikugu āārīyupu. ĩgūrēta “Pedro” wāiyeyupu Jesús. Simón pagumu Andrés; gajirā: Santiago, Juan, Felipe, Bartolomé†, ¹⁵ Mateo, Tomás, Santiago āārīñurā. Santiago, Alfeo magū āārīyupu. Gajigu Simón āārīyupu. ĩgū celote wāikuri bumu āārīyupu. ¹⁶ Gajigu Judas āārīyupu. ĩgū Santiago magū āārīyupu. Gajigu Judas Iscariote wāikugu āārīyupu. ĩgūta Jesúre wējēduarāguere ĩgūrē ĩmubu āārīyupu.

Jesús wārā masakare buede
(Mt 4.23-25)

¹⁷ Jesús iri ũtāūgue āārādi ĩgūsā merā dijija, iri ũtāū āārīdijimejārōgue āārīyupu. ĩgū beyeanerā, gajirā wārā ĩgū buerire tayarā merā āārīyupu. Gajirā wārā āārīperero Judea níkū marā, Jerusalén marā, wádiya turo marā Tiro, Sidón marā āārīñurā. ĩgūsā Jesús puro ĩgū buerire pérā, ĩgūsā pūrīrikurire taudorerā ejanerā āārīñurā. ¹⁸ Jesús wātēa ñajāsūnerādere tauyupu. ¹⁹ ĩgū āārīpererārē Marīpu turaro merā taumakū ĩārā, āārīpererā masaka ĩgūrē moāñaduñurā.

Jesús usuyari, bujawereridere buede
(Mt 5.1-12)

²⁰ Puro Jesús ĩgū buerārē ĩā, āsū ārīyupu:

—Marīpu musā Opu āārīmi. Irasirirā boporā āārīkererā, usuyaka!

²¹ ‘Dapagorare musā uaboari merā āārīrā, puruguere yapirākoa. Irasirirā usuyaka!

‘Dapagorare buro bujawereri merā orerā, puruguere usuyari merā burirākoa. Irasirirā usuyaka!

²² ‘Musā yure āārīpererā tīgūrē buremumakū ĩārā, gajirā musārē ĩāturi doorākuma. Musārē: “Gua merā āārīmerāta!” ārī béorākuma. Musārē ñerō werenirākuma. “Ñerā āārīma”, ārī werewuarākuma. ĩgūsā irasū ārīkeremakū,

† 6:14 “Bartolomé”, ārīrō: “Tolomé magū”, ārīduaro yāa. ĩgūta Natanael wāikugu āārīdi āārīmi. San Juan 1.43-51: Jesús Natanaere siudea kere āārā.

usuyari merã äãrĩrikuka! ²³ Iripoegue marĩ ñekūsãmarã Marĩpuya kerere weredupiyunerãrẽ irasũta iriunanerã äãrĩmã. Irasirirã dapagora marã musãrẽ murãrõta ñerõ irimakũ ããrã, burõ usuyaka! Burõ usuyari merã äãrĩrikuka! Musã umugasigue waamakũ, Marĩpu õãrĩ wãro wajatari sīgukumi musãrẽ.

²⁴ 'Musã i umumarẽ wãri oparã gapu usuyari bokasiãa. Puruguerẽ usuyari neõ bokabirikoa. Irasiriro musãrẽ ñegorãa.

²⁵ 'Musã dapagorare yapirã, puruguerẽ burõ uaboarãkoa. Usuyari neõ bokabirikoa. Irasiriro musãrẽ ñegorãa.

'Dapagorare Marĩpuyare buridarã, puruguerẽ burõ bujawereri merã orerãkoa. Usuyari neõ bokabirikoa. Irasiriro musãrẽ ñegorãa.

²⁶ 'Masaka äãrĩpererã musãrẽ: "Õãrã äãrĩma", arĩkeremakũ, usuyari neõ bokabirikoa. Iripoegue musã ñekūsãmarã Marĩpuyare arĩkatori merã wereri-masãrẽ: "Õãrã äãrĩma", arĩunanerã äãrĩmã.

*Jesús: "Musãrẽ ãaturirãrẽ maĩka!" arĩ buedea
(Mt 5.38-48; 7.12)*

²⁷ 'Yu werenĩrĩrẽ õãrõ pãduripĩãnorẽ asũ arĩ weregura. Musãrẽ ãaturirãrẽ maĩka! Musãrẽ doorãrẽ õãrõ irika! ²⁸ Musãrẽ: "Ñerõ waaburo", arĩrãrẽta õãdoreka! Musãrẽ ñerõ arĩ buridarãrẽta Marĩpure ãgũsã õãrõ äãrĩburire sãrẽbosaka! ²⁹ Sugũ masakũ musãya wayupãrãrẽ pãmakũ, gajipãrẽ gapudere pãdoreka! Musãya surĩro wekamañerẽ emamakũ, musãya camisadere sĩka! ³⁰ Äãrĩpererã musãrẽ gajino sãrẽãnorẽ sĩka! Sugũ masakũ musã oparire äãĩmakũ, ãgũrẽ: "Wiaka!" arĩbirikõãka! ³¹ Gajirã musãrẽ õãrõ irimakũ gããmerõsũta musãde ãgũsãrẽ õãrõ irika!

³² 'Musãrẽ maĩrã ditare maĩmakũ õãbea. Musã irasũ maĩrĩ wajamãa. Gajirã, ñerã äãrĩkererã, ãgũsãrẽ maĩrãrẽ maĩkuma. ³³ Musãrẽ õãrõ irirã ditare õãrõ irimakũ õãbea. Musã irasiriri wajamãa. Ñerãde ãgũsãrẽ õãrõ irirãrẽ õãrõ irikuma. ³⁴ Gajirãrẽ wayurã ãgũsãrẽ: "Gũa wayuadeare keoro wiaka doja!" arĩmakũ õãbea. Musã irasiriri wajamãa. Ñerõ irirãde gajirã ñerãrẽ wayukuma. ãgũsã wayuadeare: "Äãrĩpereri wiarãkuma doja", arĩ gũñakuma. ³⁵ Irasirirã ñerã irirosũ iribirikõãka! Musãrẽ ãaturirãdere maĩka! ãgũsãrẽ õãrõ irika! ãgũsãrẽ wayurã, musã wayuadeare: "Wiaka doja!" arĩbirikõãka! Irasirirã wãri õãrĩ wajatari bokarãkoa. Marĩpu äãrĩpererã nemorõ turagũ pũrã äãrĩrãkoa. Masaka Marĩpure usuyari sĩbirikeremakũ, ãgũsãrẽ bopoñarĩ merã ããmi dapa. Ñerã äãrĩkeremakũ, ãgũsãrẽ irasũ ããmi dapa. ³⁶ Irasirirã musãde Musãpu umugasigue äãrĩgũ masakare bopoñarĩ merã ããrõsũta gajirãrẽ bopoñarĩ merã ããka!

*Jesús: "Gajirãrẽ: 'Ñerã äãrĩma', arĩ werewuabirikõãka!" arĩ buedea
(Mt 7.1-5; Jn 13.16; 15.20)*

³⁷ 'Gajirãrẽ: "Ñerã äãrĩma", arĩ werewuabirikõãka! Musã werewuabirimakũ ããgũ, Marĩpu musãrẽ: "Ñerã äãrĩma", arĩ ããbirikumi. Gajirã musãrẽ ñerõ irimakũ ããrã: "Marĩpu ãgũsãrẽ wajamoãburo", arĩbirikõãka! Musã irasũ arĩbirimakũ, Marĩpu musãrẽ: "Wajamoãgura", arĩbirikumi. Gajirã musãrẽ ñerõ irideare kãtika! Musã kãtimakũ, Marĩpude musã ñerõ irideare kãtigukumi. ³⁸ Gajirãrẽ sĩka! Musã sĩmakũ, Marĩpu musãrẽ wãri õãrĩ sīgukumi. Ajuro wãri ajuro gajino utariri ajuro õãrõ ñadiuadea ajuro irirosũ sīgukumi. Musã gajirãrẽ sĩderopata Marĩpu musãrẽ sīgukumi, arĩyupu Jesús.

³⁹ Irasũ arĩ odo, keori merã wereyupu doja:

—Sugũ masakũ koye ãabi gajigu koye ãabire tũãdupiyuwãgãmasĩbirikumi. Ìgũsã pẽrãgueta maarẽ ãamerã gobegue meẽñajãkõãkuma. ⁴⁰ Sugũ buerimasũ Ìgũ buerã nemorõ masĩkumi. Ìgũ buerãde Ìgũ buederosũ buepeosiã, Ìgũsãrẽ buedi masĩderosũta Ìgũsãde masĩrãkuma.

⁴¹ Mũsã ñerõ iridea, koyerugue wãri turu oparosũ ñetariri ããrĩrĩrẽ gũñabirikererã, mũsãyagũ ñerõ iridea, koyerugue nikũyegã oparosũ ããrĩrĩrẽ: “Ñegorãa”, ãrĩ gũñãa. ⁴² Irasirirã mũsã ñerõ iridea, koyerugue wãri turu oparosũ ããrĩrã, mũsãyagũre Ìgũya koyerugue ããrĩrĩ nikũyegãrẽ: “¿Ãibéosi?” ãrĩmasĩbea. Mũsã ñerõ iririkũrã, irikatorikũrã ããrã. Mũsãya koyerugue ããrĩrĩ turu gapũre ãibéopũroriro irirosũ mũsã ñerõ iririre piripũrorika! Irasiri odo, mũsãyagũre: “Mũ ñerõ iririre pirikõãka!” ãrĩ masĩa, ãrĩyupũ Jesús.

Jesús yukũre dukã merã ããmasĩsũa, ãrĩ buedea
(Mt 7.17-20; 12.34-35)

⁴³ Irasũ ãrĩ odo, gaji keori merã wereyupũ doja:

—Yukũ õãdi ñerĩ dukakũbirikoa. Yukũ ñedide õãrĩ dukakũbirikoa. ⁴⁴ ããrĩpereri yukure dukã merã ããmasĩsũa. Poragũ higo wãikũrĩre dukakũbirikoa. Ñaagũde iguire dukakũbirikoa. ⁴⁵ Irasirigũ sugũ masakũ õãgũ, yukũ õãrĩ dukakũdi irirosũ ããrĩmi. Ìgũ gũñarĩgue õãrĩ gũñarĩ opasĩã, õãrĩrẽ yãmi. Gajigu ñegũ, Ìgũ gũñarĩgue ñerĩ gũñasĩã, ñerĩrẽ yãmi. Marĩ gũñarĩgue gũñarõsũta werenĩrãkõa. Irasirirã masaka ñerĩ gũñarĩ oparã, ñerĩ werenĩrãkuma. Õãrĩ gũñarĩ oparã gapũ õãrĩ werenĩrãkuma.

Jesús pe wii keori merã buedea
(Mt 7.24-27)

⁴⁶ ¿Nasirirã mũsã yũre: “Yũ Opũ ããrã mũ”, ãrĩkererã, yũ dorerire neõ iriberi? ⁴⁷ Sugũ yũ pũro eja, yũ werenĩrĩrẽ pẽduripĩ, pũru yũ dorerire irigu, ãsũpero irigu irirosũ ããrĩmi. ⁴⁸ Sugũ ãtãyegue ãkũãrĩ goberi mãñajãa, wii õãrõ nugũdi irirosũ ããrĩmi. Pũrũ dia wãro yura, Ìgũya wiiguere deko ãma meétũkeremakũ, neõ mirũabirikoa. ⁴⁹ Yũ werenĩrĩrẽ pẽkeregũ, yũ dorerire iribi gapũ sugũ Ìmparogue wii iridi irirosũ ããrĩmi. Dia wãro yuraro, Ìgũya wiire ãmabéokõãkõa. Irasiriro ããrĩpereri kõmopereakõãkõa, ãrĩ wereyupũ Jesús masakare.

7

Jesús surara opũre moãboegũre taudea
(Mt 8.5-13)

¹ Jesús masakare irire were odo, Capernaugue waakõãyupũ. ² Iroguere romano marã surara opũ ããrĩyupũ. Ìgũrẽ moãboegũ sĩrĩgũ kõmorĩ pũrogãgue ããrĩyupũ. Surara opũ Ìgũrẽ burõ mãiyupũ. ³ Irasirigũ, Jesús iridea kerere pẽgũ, judío masaka mãrãrẽ Jesús pũrogue iriuyupũ, Ìgũrẽ moãboegũre taugũ aaridoregũ. ⁴ Ìgũsã Jesús pũrogue ejarã, Ìgũrẽ turaro merã ãsũ ãrĩ sërẽñurã:

—Surara opũ gũare mũ pũro iriuadi, õãgũ ããrĩmi. Irasirigũ Ìgũrẽ iritamuka! ⁵ Ìgũ judío masakũ ããrĩbirikeregũ, marĩya nikũ mãrãrẽ burõ mãimi. Ìgũta Ìgũya niyeru merã gũa nerẽrĩ wiire moãdoremi. Irasirigũ Ìgũrẽ iritamuka! ãrĩñurã.

⁶ Irire pẽgũ, Jesús Ìgũsã merã waayupũ. Surara opũ, Ìgũya wii pũro Ìgũsã ejawãgãrimakũ ããgũ, Ìgũ merãmarãrẽ Jesũre ãsũ ãrĩ weredoregũ iriuyupũ:

—Yũ Opũ, mãrẽ garibonemodũabirikoa. Yũ ubu ããrĩgũ ããrĩsĩã, yaa wiire mũ ñajãrimakũ, burõ gũyasĩrĩkõa. ⁷ Irasirigũ yũde mũ pũrogue waabea. Mũ werenĩrĩ turari merã yũre moãboegũre: “Sĩrĩrĩ tarika Ìgũrẽ!” ãrĩmakũ tarigũkumi. ⁸ Gajirã oparã yũre dorema. Yũde gajirã surarare dorea. Yũ

sugure: “Waaka!” ārīmakū, waami. Gajigure: “Aarika!” ārīmakū, aarīmi. Yū, yūre moāboegure: “Ire irika!” ārīmakū, irire yāmi, ārīka Jesúre! ārī iriuyupū.

⁹ Īgū weredoreadeare ĭgūsā weremakū pégu, Jesús gūkakōāyupū. Īgūrē tūyarārē gāmenugā ĭā, āsū ārīyupū:

—Mūsārē werea. Sīi surara opū Israel bumū āārībirikeregu, yūre būremumi. Israel bumārā watopeguere sīi irirosū yūre būremugūrē neō bokajabiribū, ārīyupū Jesús.

¹⁰ Īgū irasū ārādero pūru, surara opū iriuanerā ĭgūya wiigie goedujāañurā. Irogue goedujarā, sīrīgū āārādire tariadiguere bokajañurā.

Jesús wapiweyo magūrē masūdea

¹¹ Pūru Jesús Capernaugue āārādi Naín wāikuri makāgue waayupū. Īgū buerā, gajirā masaka wārā ĭgū merā waañurā. ¹² Iri makārē ejaripoe iri makā marā, sugū masakū boadire kōāwāgāriñurā ĭgūrē yāarā waarā. Īgū wapiweyo magū, sugū āārīgū āārādiyupū. Īgū pago ĭgūrē yāamurā merā waamakū, wārā masaka wapikūwāgāriñurā. ¹³ Igore ĭāgū, marī Opū Jesús būro bopoñarī merā ĭā, āsū ārīyupū:

—Orebirikōāka!

¹⁴ Irasirigu Jesús masāpore pūro ejanugā, moāñayupū. Īgū moāñamakū ĭārā, iri porere kōārā dujanugāñurā. Jesús boadire āsū ārīyupū:

—Yū mūrē ārā: “Wāgānugāka!”

¹⁵ Īgū irasū ārīmakū, boadi wāgādoā, werenīnugāyupū. Irasirigu Jesús ĭgūrē pagore wiayupū. ¹⁶ Irire ĭārā, āārīpererā masaka ĭāgūkakōāñurā. Marīpūre: “Ōātaria mū”, ārī, usuyari sīñurā. Īgūsā basi āsū ārī gāme werenīñurā:

—Ī Marīpūya kerere wererimasū, turatarigu, marī watopeguere ejami.

Idere ārīñurā:

—Marīpū ĭrē iriūñumi ĭgūyarārē iritamudoregu, ārīñurā.

¹⁷ Irasirirā āārīpererogue Judea nikū marā, iri nikū tūro marāde Jesús ĭgūrē masūdea kerere péperekōāñurā.

Juan masakare wāiyerimasū ĭgū buerire tūyarārē Jesús pūrogu iriudea (Mt 11.2-19)

¹⁸ Juan masakare wāiyerimasū peresugue āārīripoe ĭgū buerire tūyarā āārīpereri Jesús irideare ĭgūrē wererā waañurā. Juan irire pégu, ĭgūsā merāmarā pērārē siiu:

¹⁹ —Jesúre āsū ārī sērēñarā waaka! “¿Mūta āārīrī Cristo guare taugu aaribu iriayupū, ĭgūsā ārīdi, o gajigure yūrākuri guā?” ārī sērēñarā waaka! ārī iriuyupū. ²⁰ Irasirirā, Jesús pūro ejarā, ĭgūrē ārīñurā:

—Juan masakare wāiyerimasū guare mūrē āsū ārī sērēñadoreami: “¿Mūta āārīrī Cristo guare taugu aaribu iriayupū, ĭgūsā ārīdi, o gajigure yūrākuri guā?”

²¹ Īgūsā ejaripoere Jesús wārā pūrīrikūrārē, wātēa ñajāsūnerārē, koye ĭāmerādere taugu iriyupū. ²² Irasirigu Jesús āsū ārī yūjūyupū Juan iriuanerārē:

—Mūsā ĭārīrē, mūsā périre, Juārē wererā waaka! Koye ĭābiranerā ōārō ĭāma. Waamasībiranerā waamasīakōāma. Kāmi boanerā yariperekōāsūama. Gāmpū pébiranerā péakōāma. Boanerāde masākōāma. Boporā, Marīpū masakare tauri kerere weremakū péma. ²³ “Yūre būremurīrē piribi, usuyari opagukumi”, ārī wererā waaka Juārē! ārīyupū Jesús.

²⁴ Īgūsā waadero pūru, Jesús Juāyamarē masakare āsū ārī werenūgāyupū:

—Mūsā masaka marīrōgue Juārē ĭārā waarā, gūigure gūñaturabire ĭārā waarā meta irikuyo. Īgū turabi, mirū taborere wējāpúbéorosū āārībemi. ²⁵ Irasū āārīmakū, mūsā ĭgūrē irogue ĭārā waarā, ōārī surī sāñagūrē ĭārā waarā meta

irikuyo. Ōārī surí sãñarãno oparãya wiirigue ãārĩkuma. Juan ìgũsã irirosũ ãārĩbemi. ²⁶ Mũsã irogue ìgũrẽ ìãrã waarã, Marĩpũya kerere weredupiyurimasũrẽ ìãrã waarã iriyo. Mũsãrẽ werea. Juan diayeta Marĩpũya kerere weredupiyunerã nemorõ ãārĩmi. ²⁷ Marĩpũya werenĩrĩ gojadea pũgue gojasũdero ãārĩbũ Juan iriburire. Irasirigũ Marĩpũ ìgũ magũrẽ ãsũ ãrĩdi ãārĩmĩ: Mũ waaburo dupiyuro yaa kerere weredupiyubure iriugũra, mũ waaburore ãmuyudoregũ, ãrĩ gojasũdero ãārĩbũ.*

²⁸ Mũsãrẽ werea. Juan aariburi dupiyuro neõ sugũ ìgũ nemorõ yaamarẽ masĩgũ marĩdi ãārĩmĩ. Irasũ ãārĩkerepũrũ, sugũ Marĩpũ ãmũgasigue ãārĩgũyagũ gapũ Juan nemorõ yaamarẽ masĩgũ ãārĩgũkumi. ãārĩpererã nemorõ ubu ãārĩgũ ãārĩkeregũ, masĩgũ ãārĩgũkumi, ãrĩyupũ Jesús.

²⁹ Ìgũ irasũ ãrĩrĩrẽ pãrã, ãārĩpererã masaka, romano marã opũre niyeru wajaseabosarimasãde Juan wãiyesũnerã ãārĩsĩã: “Marĩpũ diayeta irigũ ãārĩmĩ”, ãrĩ masĩñurã. ³⁰ Fariseo bumarã, Moisés gojadeare buerimasã gapũ Juãrẽ wãiyedorebirinerã ãārĩsĩã, Marĩpũ ìgũsãrẽ iridũarire gããmebirĩñurã. ³¹ Irasirigũ marĩ Opũ Jesús ãsũ ãrĩnemoyupũ:

—Masaka dapagora marã, ¿ñeémarãno irirosũ ãārĩrĩ? ³² Majĩrã makã dekogue ìgũsã merãmarã merã bira gaguinĩ doanĩrã irirosũ ãārĩma. ãsũ ãrĩ gaguinĩma: “Gũa tãrẽdiru purimakũ, bayabirabũ. Bũjawereri merã gũa bayamakũ, orebirabũ”, ãrĩma. ³³ Juan masakare wãiyerimasũ pã baabirimakũ, igui deko pãmudeare iirĩbirimakũ ìãrã, ìgũrẽ: “Wãtĩ ñajãsũdi ãārĩmi ìĩ”, ãrĩbũ mũsã. ³⁴ Pũrũ yũ ãārĩpererã tĩgũ baa, iirĩmakũ ìãrã: “Baapagũ, iirĩpagũ ãārĩmĩ”, ãrĩbũ. “Romano marã opũre niyeru wajaseabosarimasã merãmũ, ñerõ irirã merãmũ ãārĩmĩ”, ãrĩbũ mũsã yũre. ³⁵ Mũsã yaamarẽ, Juãyamarẽ masĩbirikeremakũ, gũare masĩrã gapũ: “Diayeta Marĩpũ iriunerã ãārĩma”, ãrĩ masĩma, ãrĩyupũ Jesús.

Jesús, fariseo bumũ Simón wãikũgũya wiigue ejadea

³⁶ Ìgũ irasũ ãrãdero pũrũ, sugũ fariseo bumũ Jesũre ìgũya wiigue baadoregũ siiuayupũ. Irasirigũ Jesús ìgũya wiigue waa, eja, baari peoro pũro eja, doayupũ. ³⁷ Sugo nomeõ iri makãmo, ñerõ iririmasõ, Jesús fariseoya wiigue baagũ ejadea kerere pé, irogue waayupo. Suru borewariru “alabastro” wãikũri ãtãye merã iridirure õãrõ sũrõrĩ opadirure ããayupo. ³⁸ ããa, Jesús pũrũpũ gapũ ejanũgãja, igo ñerõ irideare bũro bũjawereri merã gũña, ore, Jesús pũro meédoaja, ìgũya guburi wekare igoya kódeko meébejamakũ ìã, igoya poañapu merã túkoe bojoyupo. Túkoe bojo, bũremurĩ merã ìgũya guburire mimi, igo sũrõrĩ ããadea merã ìgũya guburire pípeoyupo. ³⁹ Igo irasirimakũ ìãgũ, fariseo bumũ Jesũre baadoregũ siiuadi ìgũ basi gũñayupũ: “Igo ìgũya guburire moãñagõ ñerõ iririmasõ ãārĩmo. Ìĩ diayeta Marĩpũya kerere weregũ ãārĩgũ, irire masĩsiabukumi”, ãrĩ gũñayupũ. ⁴⁰ Jesús ìgũ gũñarĩrẽ ìãmasĩ, ìgũrẽ ãrĩyupũ:

—Simón, yũ mũrẽ gajino weredũakoa, ãrĩyupũ.

—Buegũ, wereka yũre! ãrĩyupũ Simón.

⁴¹ Ìgũ irasũ ãrĩmakũ pãgũ, Jesús i keori merã wereyupũ ìgũrẽ:

—Sugũ masakare niyeru wayurimasũ ãārĩkumi. Pãrã ãma wajamokuma ìgũrẽ. Sugũ wãri niyeru koeri quinientos moãrĩnũrĩ wajataropa wajamokumi. Gajigũ mérĩ koerigã cincuenta moãrĩnũrĩ wajataropa wajamokumi. ⁴² Ìgũsã pãrã, ìgũsã wajamorĩrẽ wajariri opabirimakũ ìãgũ, niyeru wayudi ìgũsãrẽ pãrãguereta: “Iropata, mũsã wajamorĩ pereburo. Irire kãtigũkoa”, ãrĩkumi. Irasirimakũ, ¿nĩĩ gapũ niyeru wayudire bũro maĩkuri? wãro wajamodi, o mérõgã wajamodi gapũ, ãrĩyupũ Jesús.

* 7:27 Mal 3.1

⁴³ Simón yajuyupũ:

—Wáro wajamodi gapũ buro maĩbukumi, ārĩyupũ.

—Diayeta yajua mũ, ārĩyupũ Jesús ĩgũrẽ.

⁴⁴ Irasũ ārĩ odo, Jesús nomeõrẽ ĩã, Simõrẽ ārĩyupũ:

—¿Igo yũre iriadeare ĩārĩ mũ? Mũya wiigue yũ ñajãjamakũ, mũ yũre yaa guburi koeburire deko sĩbirabu. Igo gapũ yaa guburire igoya kódeko merã koe, igoya poañapu merã túkoe bojoamo. ⁴⁵ Yũ õãdoremakũ, mũ yũre bokatĩrĩ pábua, mimibirabu. Igo gapũ yũ ñajãjadero purugue yaa guburire mimiadeo neõ mimiduúbemo. ⁴⁶ Mũ gapũ yaa dipurure uye õārĩ sũrõrĩ merã pípeobirabu. Igo gapũ yaa guburire sũrõrĩ pípeoamo. ⁴⁷ Irasirigu Simón, yũ mũrẽ werea. Igo ñerõ iridea wári ãārĩkeremakũ, yũ irire kãtia. Yũ irasirimakũ, yũre buro maĩmo. Gajigu gapũ, yũ ĩgũ ñerõ irideare kãtimakũ: “Yũ mérõgãta ñerõ irideare opáa”, ārĩ gũñasĩã, yũre sĩrũta maĩmi, ārĩyupũ Jesús.

⁴⁸ ĩgũrẽ irasũ ārĩ odo, nomeõrẽ ãsũ ārĩyupũ:

—Mũ ñerõ irideare kãtia yũ, ārĩyupũ.

⁴⁹ ĩgũ irasũ ārĩmakũ pérã, gajirã masaka iri wiigue ĩgũ merã baadoregũ siuanerã ãsũ ārĩ gãme werenĩñurã:

—¿Ñeémũno masakũ ãārĩrĩ ĩĩ, irasũ ñerõ irideare kãtigũ? ārĩñurã.

⁵⁰ Jesús gapũ nomeõrẽ ārĩyupũ doja:

—Yũre buremusĩã, perebiri peamegue waabodeo tausũsiãã. Irasirigo õārõ siñajārĩ merã waaka! ārĩyupũ.

8

Nome Jesúre iritamudea

¹ Pũrũ Jesús paga makārĩ marãrẽ, matã makārĩgã marãdere Marĩpu ĩgũyarãrẽ doreri kerere weregorenagũ waayupũ. ĩgũ buerã pe mojõma pere su gubu peru pẽrẽbejarã ĩgũ merã waañurã. ² Nomede ĩgũ merã waañurã. Pũrĩrikurã ãārĩnerã Jesús taunerã nome ãārĩñurã. Gajirã nome, wãtẽa ñajãnerãrẽ Jesús béowiusũnerã ãārĩñurã. Sugo María Magdalena wãĩkũgo ãārĩyupo. Igo su mojõma pere gaji mojõ peru pẽrẽbejarã wãtẽãrẽ Jesús béowiusũdeo ãārĩyupo. ³ Gajigo Juana wãĩkũgo, Cuza wãĩkũgu marãpo ãārĩyupo. Cuza Herodeya wiigue moãboerimasã opu ãārĩyupũ. Gajigo Susana wãĩkũgo ãārĩyupo. Gajirã nomede wãrã Jesús merã waañurã ĩgũ buerire péduarã. ĩgũsã nome, ĩgũsã opari merã Jesúre, ĩgũ buerãdere iritamuñurã.

Jesús oterimasũ keori merã buedea

(Mt 13.1-9; Mr 4.1-9)

⁴ Wãrã masaka wári makārĩ marã Jesús pũro ĩgũrẽ ĩãduarã nerẽñurã. ĩgũsã wãrã nerẽmakũ, Jesús i keori merã ãsũ ārĩ bueyupũ ĩgũsãrẽ:

⁵ —Sugũ oterimasũ ĩgũya oteri yerire meésirigu waakumi. ĩgũ meésiriwãgãmakũ, gaji yeri maague yurikoa. Masaka iri maague waarã, iro yuriadea yerire kũramutũkõãkuma. Mirãde iri yerire boka, baapeokõãkuma.

⁶ Gaji yeri ãtãyerikũrogue yurikoa. Iri yeri puriadikoa. Puriadi, deko marĩmakũ ñaĩ, boakõãkoa. ⁷ Gaji yeri pora watopegue yurikoa. Pora gapũ puritarimãrĩa, oteri gapũre wẽjẽkõãkoa. ⁸ Gaji yeri õārĩ nikũgue yurikoa. Iri yeri õārõ puri, wári dukakũkoa. Su dupañu cien yerigora dukakũkoa, ārĩyupũ.

Iri keori merã were odo, ĩgũsãrẽ turaro merã ãsũ ārĩyupũ doja:

—Mũsã gãmipũrĩ oparã, yũ wererire péduripĩka! ārĩyupũ Jesús masakare.

Jesús buerã ĩgũrẽ: “¿Nasirigu keori merã bueri?” ārĩ sẽrẽñãdea

(Mt 13.10-17; Mr 4.10-12)

⁹ Pɔɔɔ ɪgũ buerã ɪgũrẽ sêrẽñañurã:

—¿Naásũ ãrĩduaro iriari, gũare mɔ wereadea? ãrĩñurã. ¹⁰ Jesús ɪgũsãrẽ yɔjɔyɔɔ:

—Marĩɔ ɪgũyarãrẽ doregɔ ããrĩrĩrẽ iripoegue masĩbirideare dapagorare mɔsãrẽ masĩmakũ yámi. Gajirã gapɔre keori merã dita buea. Irasirirã ɪgũsã Marĩɔ iririre ãakererã, ãamasĩbirikuma. ɪgũyare pékererã, pémasĩbirikuma.

Jesús oterimasã keori merã ɪgũ bueadeare: “Ásũ ãrĩduaro yáa”, ãrĩ wereadea (Mt 13.18-23; Mr 4.13-20)

¹¹ Yɔ iri keori merã bueadea ásũ ãrĩduaro yáa. Iri oteri yeri Marĩɔyɔ werenírĩ irirosũ ããrã. ¹² Surãyeri masaka Marĩɔyɔ werenírĩrẽ pékererã, pémasĩbema. Maa bɔriri maa irirosũ ããrĩma. ɪgũyã werenírĩrẽ péadero pɔɔɔ, oteri yeri iri maague yuridea yerire mirã baapeoderosũ, wãtĩ ɪgũsã gũñarĩgue eja, ɪgũsã péadideare êmapeokõãmi. ɪgũsã Marĩɔyɔ bɔremubiri, tausũbirikõãburo, ãrĩgũ, irasũ yámi. ¹³ Gajirã masaka ãtãyerikũri yeba irirosũ ããrĩma. ɪgũsã Marĩɔyɔ werenírĩrẽ ɔsɔyari merã pékeremakũ, oteri yeri ãtãyerikũrogue yuriadero pɔɔɔ, nugũrĩ marĩderosũ ɪgũsãrẽ waáa. Irasirirã yoaweyaripoe bɔremuadima. Pɔɔ Marĩɔyɔyare iridũari waja gajirã ɪgũsãrẽ ñerõ irimakũ ããrã, mata ɪgũyare pirikõãma. ¹⁴ Gajirã masaka porakũri yeba irirosũ ããrĩma. Marĩɔyɔ werenírĩrẽ pékererã, oteri yeri porakũrogue yuriadero pɔɔɔ, pora gapɔ puritarimãrĩa, wějẽderosũ, i ãmãmarẽ bɔro gũñarĩkuma. Irasirirã wãri oparire gũñataria, ɪgũsã gããmerõ iridũasĩã, Marĩɔyɔ werenírĩrẽ kãtima. ¹⁵ Gajirã masaka õãrĩ nikũ irirosũ ããrĩma. Irasirirã Marĩɔyɔ werenírĩrẽ õãrõ pérã, péduripĩma. Õãrĩ gũñarĩrẽ oparã, Marĩɔyɔyare iridũarã ããrĩma. Gajirã ɪgũsãrẽ ñerõ irikeremakũ, ɪgũyare piribema. Wãri õãrĩ ðakakũdiñu irirosũ ããrĩma, ãrĩyɔɔ.

Jesús sããgodiru keori merã buedeadea (Mt 5.15-16; Mr 4.21-25)

¹⁶ Pɔɔɔ gajĩ keori merã bueyɔɔɔ doja:

—Masaka sããgodirure sããgorã, kõmesoro merã muúpĩbirikuma. Kãrĩrõ dok-aguedere dobobirikuma. Êmarõ, wii dekogue siukuma. Irasirirã gajirã iri wiire ñajãrã, sããgodiru ãjũgorore õãrõ ãã, ñajãkuma. ¹⁷ ããrĩpereri masaka iripoegue masĩbirideare masĩsũrokoa. Masaka ããberogue duripĩideare sããgoro ããrĩrõgue ããmasĩrõ irirosũ masĩsũrokoa. Yayedea irirosũ neõ ããrĩbirikoa.

¹⁸ Irasirirã Marĩɔyɔ werenírĩrẽ pérã, õãrõ pémasĩka! Irire õãrõ péduripĩgunorẽ Marĩɔ wãri pémasĩrĩ sĩnemogukumi. Gajigɔ õãrõ pébirikeregu: “Masĩa yɔ”, ãrĩ gũñami. ɪgũ irasũ ãrĩ gũñakeregu, õãrõ pémasĩbemi. ɪgũ pémasĩadideare êmasũgukumi. Irasirigɔ neõ pémasĩbi ðujagukumi pama, ãrĩyɔɔ Jesús.

Jesús pago, ɪgũ pagɔpũrã merã ɪgũrẽ ããgõ ejadeadea (Mt 12.46-50; Mr 3.31-35)

¹⁹ Pɔɔɔ Jesús pago, ɪgũ pagɔpũrã merã ɪgũrẽ ããgõ ejayɔɔ. Masaka wãrã ɪgũ pãrogue ããrĩmakũ, ejamasĩbiriyɔɔ. ²⁰ Irasirigɔ sugɔ irogue ããrĩgũ Jesúsere yereyɔɔ:

—Mɔro, mɔ pagɔpũrã merã mɔrẽ ããduarã, masaka pɔɔpɔgue níama, ãrĩyɔɔ.

²¹ ɪgũ irasũ ãrĩmakũ pégu, Jesús ásũ ãrĩ yɔjɔyɔɔ:

—Marĩɔyɔ werenírĩrẽ õãrõ péduripĩrã, ɪgũyare õãrõ iritãyarã, yɔro, yɔ pagɔpũrã irirosũ ããrĩma, ãrĩyɔɔ.

*Jesús mirũ, makũrĩrẽ toemakũ iridea
(Mt 8.23-27; Mr 4.35-41)*

²² Sunũ Jesús ditaru turogue ããrĩgũ, ĩgũ buerã merã doódirugue marĩñajãa, ĩgũsãrẽ:

–Náka, ditaru sipãrẽgue taribujarã! ãrĩyupũ.

–Jáũ, ãrĩ, waakõãñurã. ²³ Iro taribujagũ, Jesús kãrĩñajãkõãyupũ. Pũro ditaruguerẽ buro mirũ waayuro. Doódiruguerẽ makũrĩ páñajãa, miũkõãdiyuro. Buro goero waayuro ĩgũsãrẽ. ²⁴ Irasũ waamakũ ĩãrã, Jesúre yobeñurã:

–Guare buegũ, marĩ mirĩmurã yáa, ãrĩ gaguiniñurã.

Ĩgũsã irasũ ãrĩmakũ pégu, Jesús yobe, mirũ, makũrĩrẽ toedoreyupũ. ĩgũ toedoremakũ, mirũ, makũrĩ buro waadea toedijapereakõãyuro. ²⁵ Pũro ĩgũ buerãrẽ ãrĩyupũ:

–¿Mũsã yũre buremurĩ opaberi?

Ĩgũsã gapũ gukanerã ããrĩsĩã, ĩãgũka, ĩgũsã basi gãme sërẽñañurã:

–¿Ñeémũno masakũ ããrĩrĩ ĩĩ? ĩgũ mirũrẽ, makũrĩrẽ toedoremakũ toedijakõãa, neõ tarinũgãbea ĩgũrẽ, ãrĩñurã.

*Jesús Gadaramũrẽ wãtẽa ñajãnerãrẽ béowiudea
(Mt 8.28-34; Mr 5.1-20)*

²⁶ Pũro Galilea nikũ bokatĩurõ, Gadara wãikurogue taribujajañurã. ²⁷ Jesús doódirugue ããrãdi majãnũgãmakũ, sugũ masakũ iri makãmũ ĩgũ pũro ejanũgãyupũ. ĩgũ wãtẽa ñajãsũdero pũro yoakõãyuro. Neõ suri sãñabi, wiiguere ããrĩbi, masãgoberi watopegue dita ããrĩgũ ããrĩyupũ.

²⁸⁻²⁹ Wãtĩ masakũre wãri ñeã meémejãnayupũ. Irasirirã masaka ĩgũrẽ ñeã, ĩgũya mojórĩrẽ, guburidere kõmedari merã suanadiñurã ĩgũrẽ biadobomurã. ĩgũ gapũ ĩgũsã suarikũ, tũãtanokõãyupũ. Irasirigũ wãtĩ ĩgũrẽ masaka marĩrõgue waamakũ irinayupũ.

Jesús wãtĩrẽ: “Wirika mũ ñajãdire!” ãrĩyupũ. Masakũ Jesúre ĩãgũ, ĩgũ pũro ñadũkũpuri merã ejamejã, buro gaguiniyupũ:

–Jesús, ãmũgasigue marã Opũ ããrĩpererã nemorõ turagũ magũ, ¿nasiribu yãri mũ yũre? “Yũre poyarikũmakũ iribirikõãka!” ãrĩ, buro sërẽa, ãrĩyupũ.

³⁰ Jesús ĩgũrẽ sërẽñayupũ:

–¿Ñeémũ wãikũri mũ? ãrĩyupũ.

–“Legión” wãikũa yũ, ãrĩ yũjũyupũ. “Legión”, ãrĩrõ: “wãrã”, ãrĩduaro yáa. Wãrã wãtẽa ñajãsũdi ããrĩsĩã, irasũ wãikũyupũ. ³¹ Wãtẽa masakũguere ñajãnerã Jesúre:

–Guare buro ãkũãrĩ gobegue waadobirikõãka! ãrĩ sërẽñurã.

³² Iro ãtãũgue wãrã yesea ãma baarã iriñurã. ĩgũsãrẽ ĩãrã, wãtẽa Jesúre sërẽñurã:

–Yeseaguere guare ñajãdoreka!

–Jáũ, ĩgũsãguereta ñajãrã waaka! ãrĩyupũ. ³³ ĩgũ irasũ ãrĩmakũ, wãtẽa masakũguere ããrãnerã wirirã, yeseaguere ñajãñurã. ĩgũsã ñajãmakũ, yesea ãma mirẽbuãa, ditarugue meébia dijãa, mirĩ boapereakõãñurã.

³⁴ Irasũ waamakũ ĩãrã, yeseare korerimasã gukari merã ãmadujãa, ĩgũsãya makã marãrẽ, iri makã turo marãdere wererã waañurã. ³⁵ Irire pérã: “¿Naásũ waáayuri?” ãrĩ, Jesús pũro ĩãrã waañurã. Iroguere eja, wãtẽa béowiusũadire bokajañurã. Jesús pũro, surĩro sãñadi, õãrõ pémasĩrĩ merã doayupũ. Masaka ĩgũrẽ ĩãrã, buro gũiri merã ĩãñurã. ³⁶ Wãtẽãrẽ béowiumakũ ĩãnerã iroguere ejarãrẽ irire wereñurã.

³⁷ Irire pérã, ããrĩpererã Gadara nikũ marã buro gũisĩã, Jesúre: “Waaka õõrẽ!” ãrĩñurã. ĩgũsã waadoremakũ pégu, Jesús doódirugue marĩñajãyupũ.

³⁸ Īgũ murĩñajãmakũ ĩãgũ, wãtẽa béowiusũadi Jesúre:

–Yũ merã waadũakoa, ãrĩ sêrẽadiyupũ.

Jesús gapũ ĩgũrẽ ãrĩyupũ:

–Yũ merã waabirikõãka! ³⁹ Mũya wiigüe goedujáaka! ããrĩpereri Marĩpu murẽ õãrĩ iriadeare weregũ waaka! ãrĩyupũ.

Īgũ irasũ ãrĩmakũ pégu, ĩgũya makãgüe waakõãyupũ. Irogüe eja, Jesús ĩgũrẽ õãrĩ iriadeare ããrĩpererã ĩgũya makã marãrẽ wereyupũ.

*Jesús Jairo magõrẽ, gajigo nomeõ ĩgũya surĩro moãñagõrẽ taudea
(Mt 9.18-26; Mr 5.21-43)*

⁴⁰ Jesús Gadara nikũgüe ããrĩripoe wárã masaka Galilea nikũgüe ĩgũrẽ yúrã iriñurã. Irasirirã, ĩgũ taribujajamakũ ĩãrã, bũro usuyari merã bokatĩrĩñurã.

⁴¹ Iripoere sugũ judío masaka nerẽrĩ wii opũ Jairo wãikũgũ Jesús purogue ejayupũ. Eja, Jesúya guburi purõ ñadũkupuri merã ejamejãja, ĩgũrẽ: “Yaa wiigüe waaka!” ãrĩ, bũro sêrẽyupũ. ⁴² Īgũ magõ bũro sĩrĩgõ kõmorĩ purogãgüe ããrĩyupũ. Igo sugota ããrĩyupũ. Pe mojõma pere su gubu peru pẽrẽbejari bojori opayupũ. Jesús Jairoya wiigüe waamakũ, wárã masaka ĩgũrẽ kũñarõgã tuuyañurã.

⁴³ Īgũsã watopegüe sugo nomeõ pe mojõma pere su gubu peru pẽrẽbejari bojorigora dí wiriri merã pũrĩrikũgo ããrĩyupũ. Irasirigo igo opadea niyerure kúrĩrimasãrẽ wajari peremejãkõãyupũ. Īgũsã kúrikeremakũta, igo pũrĩrikũri neõ taribiriyuro. ⁴⁴ Jesús iro waamakũ ĩãgõ, ĩgũ purupũ gapũ waa ejanũgã, ĩgũya surĩro yuware moãñayupũ. Igo moãñamakũta, igo dí wiririadea tariakõãyuro.

⁴⁵ Irasirigũ Jesús sêrẽñayupũ:

–¿Noã yãre moãñarĩ? ãrĩyupũ.

ããrĩpererã: “Gũa neõ moãñabea”, ãrĩñurã.

Pedro, ĩgũ merãmarã merã:

–Gũare buegũ, ¿nasirigũ irasũ ãrĩ sêrẽñarĩ? Masaka wárã kũñarõgã tuuyama murẽ, ãrĩñurã.

⁴⁶ Jesús gapũ ĩgũsãrẽ ãrĩyupũ:

–Sugo nomeõ moãñañumo yãre. Igo moãñamakũ, yũ turari merã igo pũrĩrikũrĩre tauayo. Irĩre masãa yũ, ãrĩyupũ.

⁴⁷ Īgũ irasũ ãrĩmakũ pégo: “Yũ iriadeare masĩmi”, ãrĩ gũña, bũro gũi naradari merã ĩgũ guburi purõ ñadũkupuri merã ejamejãja, ããrĩpererã péuro Jesúre: “Yũ mũya surĩrore moãñamakũta yũ pũrĩrikũadea tariakõãbũ”, ãrĩ wereyupũ.

⁴⁸ Jesús igore ãrĩyupũ:

–Mũ yãre bũremurĩ opáa. Irasirigo mũ pũrĩrikũrĩre tausũa. Usuyari merã waaka! ãrĩyupũ.

⁴⁹ Jesús irasũ ãrĩripoe sugũ masakũ Jairoya wii ããrãdi ejayupũ, Jairore weregũ ejagũ:

–Mũ magõ kõmoakõãmo. Marĩrẽ buegũre garibonemobirikõãka! ãrĩyupũ.

⁵⁰ Īgũ irasũ ãrĩmakũ pégu, Jesús Jairore ãsũ ãrĩyupũ:

–Gũibirikõãka! Bũremurĩ opaka yãre! Mũ magõ tarigokumo, ãrĩyupũ.

⁵¹ Irasirigũ Jairoya wiigüe eja, gajirãrẽ ñajãdorebiriyupũ. Pedrore, Juãrẽ, ĩgũ tĩgũ Santiagore, boadeo pagusãmarã ditare siiu ñajãyupũ. ⁵² Īgũsã ñajãjaripoere ããrĩpererã iri wiigüe ããrĩrã bũro orerã iriñurã. Jesús ãrĩyupũ ĩgũsãrẽ:

–Orebirikõãka! Majĩgõ boabemo. Kãrĩgõ yãmo.

⁵³ Īgũ irasũ ãrĩmakũ pérã, oreaterã gapũ ĩgũrẽ bũriñurã. “Igo boadeare masãa gũa”, ãrĩ gũñañurã. ⁵⁴ Jesús gapũ boadeo purõ ejanũgã, igoya mojõrẽ ñeã, turaro merã igore ãsũ ãrĩyupũ:

–Majĩgõ, wãgãñũgãka!

⁵⁵ Īgũ irasũ ārĩmakũ, igoya yujupũrã goeyuro. Irasirigo mata wãgãdoakõãyupo. Jesús igo pagusãmarãrẽ: “Baari ejoka igore!” ārĩyupũ. ⁵⁶ Igo okamakũ ĩrã, igo pagusãmarã gũkatariakõãñurã. Jesús igore ĩgũ masũadeare gajirãrẽ weredorebiriyupũ.

9

Jesús ĩgũ buerãrẽ buedoregũ iriudea

(Mt 10.5-15; Mr 6.7-13)

¹ Pũrũ Jesús ĩgũ buerãrẽ pe mojõma pere su gubu peru pẽrẽbejarãrẽ siiu neõ, ĩgũ turarire siyupũ: “Iri turari merã āārĩpererã wãtẽarẽ bẽowiumasĩrãkoa. Pũrĩrĩdere taumasĩrãkoa”, ārĩyupũ. ² Irasirigũ ĩgũsãrẽ Marĩpũ ĩgũyarãrẽ doreri kerere weredoregũ, pũrĩrikũrãdere taudoregũ ãsũ ārĩ iriyupũ:

³ —Waarã, gajinorẽ neõ āābirikõãka! Mũsã tuadire, ajuro, baari, niyeru, gaji suri mũsã gorawayuburidere āābirikõãka! ⁴ Makã ejarã, mũsã ejadea wiita āārĩkõãka! Iri makãrẽ waarãgue iri wiire wirika! ⁵ Gaji makã marã masaka mũsãrẽ gããmebirimakũ, iri makãrẽ diayeta tariakõãka! Irasũ tariarã, nikũwera mũsãya guburigue tuadeare mojẽbẽokõãka! ĩgũsã mũsãrẽ gããmebiri waja Marĩpũ ĩgũsãrẽ wajamoãburire masĩburo, ārĩrã, irasirika! ārĩyupũ Jesús.

⁶ ĩgũ irasũ ārĩ odoadero pũrũ, waakõãñurã. Irasirirã āārĩpereri makãrĩgue Marĩpũ masakare tauri kerere weregorenarã, pũrĩrikũrãdere taugorenarã waañurã.

Juan masakare wãiyerimasã boadea

(Mt 14.1-12; Mr 6.14-29)

⁷ Iripoere Galilea nikũ marã opũ Herodes āārĩpereri Jesús iriri kerere pẽyupũ. Gajirã Jesũre masĩmerã: “Īgũ, Juan masakare wãiyerimasũta boadigue masãdi āārĩkumi”, ārĩñurã. Herodes gapũ irire pẽgũ: “¿Nasiro irasũ waári?” ārĩ, bũro gũñarikũyupũ. ⁸ Gajirã: “Elías iripoegue āārĩunadi deyoakumi”, ārĩñurã. Gajirã: “Sugũ Marĩpũya kerere weredupiyudi iripoegue āārĩunadi masãkumi”, ārĩñurã. ⁹ Herodes gapũ ãsũ ārĩyupũ: “Yũta Juãrẽ ĩgũya dipurure dititãdorebũ. ¿Niĩno gapũ āārĩbukuri iropa wãri werenĩsũgũ?” ārĩyupũ. Irasirigũ Jesũre bũro ĩãduadiyupũ.

Jesús cinco mil ãmarẽ baari ejodea

(Mt 14.13-21; Mr 6.30-44; Jn 6.1-14)

¹⁰ Jesús ĩgũ buerã buedoregũ iriunerã goedujajarã, ĩgũsã irideare werepeokõãñurã ĩgũrẽ. Pũrũ Jesús ĩgũsãrẽ masaka marĩrõgue Betsaida wãĩkũri makã tũrogue siyuayupũ. ¹¹ ĩgũsã irogue waarĩ kerere pẽrã, wãrã masaka Jesũre tũyañurã. Jesús ĩgũsãrẽ õãdore, Marĩpũ ĩgũyarãrẽ doreri kerere wereyupũ. Pũrĩrikũrã ĩgũrẽ taudorerãrẽ tauyupũ.

¹² Ñamika āārĩmakũ, Jesús buerã pe mojõma pere su gubu peru pẽrẽbejarã ĩgũ pũro eja, ĩgũrẽ ārĩñurã:

—Masakare waadoreka! Õõ pũro āārĩrĩ makãrĩma wiirigue ĩgũsã kãrĩrĩ, baari ãmarã waaburo. Õõ marĩ āārĩrõguere neõ gajino máa, ārĩñurã.

¹³ Jesús gapũ ārĩyupũ:

—Mũsã ĩgũsãrẽ baari sĩka!

Īgũsã yujũñurã:

—Gũa pã duparu su mojõma duparuta, waãidere pẽrãta opãa. Mẽrõgã baari āãrã. Masaka gapũ wãrãgora āārĩma. Irasirirã gũa gaji baari wajarirã waamerã ĩgũsãrẽ ejobirikoa, ārĩñurã.

¹⁴ Wãrã masaka āārĩñurã ĩgũsã merã. Ũma ditare keomakũ, cinco mil āārĩñurã. Irasirigũ Jesús ĩgũ buerãrẽ ārĩyupũ:

—Masaka aaripererare boje yebori cincuenta dita dukawa, igusare doadoreka! ariyu. ¹⁵ Irasirira igu buera igu arirōsuta aariperera masakare doadoreñura. ¹⁶ Masaka doaperemaku, Jesus su mojoma pa duparure, pera waairé ai, umugasigue iamu, Maripure usuyari si, irire peayuru. Pea, igu buerare masakare gueredoregu siyuru. ¹⁷ Irasirira aariperera masaka irire baayapiakōañura. Puru igusa baaduaadeare Jesus buera pe mojoma pere su gubu peru perēbejari puuirigora seasā utudoboñura.

*Pedro Jesús: “Mu Cristo aara”, ar weredea
(Mt 16.13-19; Mr 8.27-29; Jn 6.68-69; 12.24-25)*

¹⁸ Gajina Jesus igu suguta Maripure serēgu iriyuru. Igu buera igu merā aarñura. Irasirigu Jesus igusare asu ar serēñayuru:

—Masaka yare, znaasu ar gñari? ariyuru.

¹⁹ Igusa yujñura:

—Surayeri mare: “Juan, masakare wayerimasu aarimi”, arima. Gajira: “Elías iripoegue aarñunadi aarimi”, gajira: “Sugu Maripuya kerere weredupiyudi iripoegue aarñunadi, masadi aarimi”, arima, arñura.

²⁰ Irasu arimaku, Jesus igusare serēñayuru:

—Masakoa yare, znaasu ar gñari? ariyuru.

Pedro ariyuru igure:

—Mu, Maripu iriudi, Cristo aara, ariyuru.

*Jesús igu boaburire weredea
(Mt 16.20-28; Mr 8.30-9.1; Jn 12.24-25)*

²¹ Pedro irasu arirre pegu, Jesus igu buerare buro turaro merā: “Gajirare ire werebirikōaka!” ariyuru. ²² Irasu ar odo, asu ariyuru doja:

—Yure aariperera tigare buro ñero tariro aara. Judio masaka marā, paia opara, Moisés gojadeare buerimasu yare gaamebirisia, gajirare yare wējedorakuma. Igusa yare wējadero puru, arenu waaró merā Maripu yare masugukumi, ariyuru.

²³ Puru aariperera masakare ariyuru:

—Yure tuyadarano igusa iriduarire piriburo. Irasirira yare tuyari waja curusague pabiatu, wjēsūmurā irirosu aarikererā, piro mariro yare tuyanikōaburo. ²⁴ I umague igusaya okari ditare mañano perebiri peamegue beosurakuma. Gajira gapu yare tuyari waja, masaka igusare wjekeremaku, Maripu purogue waarakuma, igu merā oaro aarñimurā. ²⁵ Sugu masaku i umamarē aaripereri opakeregu, igu boari puru waaburi gapure gñabiri waja peamegue waagu, oarire neō wajatabirikumi. ²⁶ Masaka yare, yaa kerere guyasirimaku, yude igusare guyasirigukoa. Yu aariperera tigu yu goesiriri merā, Yuru, igure wereboera oara goesiriri merā dupaturi aarigukoa. Irasu aarigu, yare guyasirinerare guyasirigukoa. ²⁷ Diayeta masare werea. Surayeri masu oogue aarira, masu boaburi dupiyuro Maripu iguyarare doregu aarirre iarakoa, ariyuru Jesus.

*Jesús igu deyori gorawayudea
(Mt 17.1-8; Mr 9.2-8)*

²⁸ Igu irasu aradero puru su mojoma pere gajij mojo ureru perēbejarinurā waadero puru, Jesus utāu wekague Maripure serēgu waagu, Pedro, Santiago, Juare siu marñayuru. ²⁹ Iroque Maripure sereripoe iguya diapu deyori gorawayuakōayuro. Iguya suriro buro borero kumijurine waayuro. ³⁰ Irasu waaripoe igu puro uma pera deyoa, igu merā weretamunñura. Igusa iripoegue marā Moisés, Elías aarñura. ³¹ Igusade goesiriri merā deyoañura.

Iripoegue: “Īgūrē āsū waarokoa”, ārīderosūta Jerusalēgue ĩgū boaburire Jesús merā werenĩñurā.

³² Pedrosā buro wujakukererā, kārīrō marīrō Jesús gosesiririre, ĩgū merā āārīrārē ĩāñurā. ³³ Moisés, Elías Jesús puro āārānerā waaripoe Pedro ārīyupu:

—Guare buegu, marī oōgue āārīmakū oātariduaa. Irasirirā ure wiigā irirāra. Muya wii, Moiséya wii, Elíaya wii irirāra, ārīyupu.

Īgū irasū ārīkeregata, ĩgū ārīrīrē neō pémasĩbiriypu. ³⁴ Īgū irasū ārīripoe su yebo ĩmikāyebo túbiayuro ĩgūsārē. Iri ĩgūsārē túbiamakū, buro güĩñurā.

³⁵ Marīpu ĩmikāyebo poekague āsū ārī werenĩmakū péñurā:

—Īi yu magū, yu beyedi āārīmi. Īgūrē oārō péka! ārīyupu.

³⁶ Marīpu werenĩadero puru, Jesús ditare ĩāñurā. Pedrosā gapu Jesús i nikūgue āārīrīñurā neō sugu masakure ĩgūsā ĩādeare werebiriñurā.

Jesús sugu majīgūrē wātī ñajāsũdire taudea
(Mt 17.14-21; Mr 9.14-29)

³⁷ Gajinu gapu ĩgūsā ũtāũgue āārānerā dijijadero puru, wārā masaka Jesúre bokatĩñurā. ³⁸ Sugu masakū ĩgūsā watopegue āārīgú turaro merā ārīyupu:

—Guare buegu, yu murē buro sērēa. Yu magū suguta āārīgūrē bopoñarī merā ĩāka! ³⁹ Wātī ĩgūrē ñeā, güñaña marīrō gaguiní, naradamakū irinami. Irasirigu majīgū ĩgūya disigue sūmu wirisūnami. Wātī ĩgūrē buro ñerō tarimakū irinami. Īgūrē neō piridubemi. ⁴⁰ Mu buerārē wātīrē buro béowiudoreadabu. ĩgūsā neō bokatĩũbirama, ārīyupu.

⁴¹ Jesús yujyupu:

—Musā dapagora marā, yure buremurī opamerā, diayemarē neō pémasĩmerā āārā. ¿Noópa yoaripoe musā merā āārīgukuri? ¿Noópa yoaripoe musā yure buremubirire güñaturagukuri? ārīyupu. Irasū ārī odo, wātī ñajāsũdi pagure:

—Mu magūrē āirika! ārīyupu.

⁴² Majīgū Jesús puro waa ejanugāmakū, wātī ĩgūrē yebague túmeépikōāyupu. ĩgūrē dupaturi buro naradamakū iriyupu. Jesús gapu wātīrē: “Majīgūrē wirika!” ārī, tauyupu. Irasiri odo, ĩgūrē pagure wiayupu. ⁴³ Masaka āārīpererā Marīpu wārī turarī merā iririre ĩārā, ĩāgukakōāñurā.

Jesús dupaturi ĩgū boaburire weredea
(Mt 17.22-23; Mr 9.30-32)

Īgūsā āārīpererā Jesús iriadeare: “Oātaria”, ārī güñaripoeta Jesús ĩgū buerārē ārīyupu:

⁴⁴ —Yu musārē wererire oārō péduripíka! Kātibirikōāka! Masaka yure āārīpererā tīgūrē ñeā, gajirāguere wiarākuma, ārīyupu.

⁴⁵ ĩgūsā gapu ĩgū irasū ārīrīrē oārō pémasĩbiriñurā. Marīpu ĩgūsārē irire pémasĩmakū iribiriypu dapa. Irasirirā Jesúre güirā: “¿Naásū ārīduagu iriari, mu irasū ārīgū?” ārī sērēñabiriñurā.

Jesús sugu gajirā nemorō āārīgūyamarē weredea
(Mt 18.1-5; Mr 9.33-37; Jn 13.20)

⁴⁶ Puru ĩgū buerā āsū ārī guaseonugāñurā: “Marī watopere, ¿noā marī āārīpererā nemorō āārīrī?” ārīñurā. ⁴⁷ Jesús ĩgūsā güñarīrē ĩāmasĩkōāyupu. Irasirigu sugu majīgūrē ĩgū puro āinú, ārīyupu:

⁴⁸ —Sugu yaagure, ĩ majīgū irirosū āārīgūrē oārō bokatĩrīñeāgū, yudere bokatĩrīñeāmi. Yure oārō bokatĩrīñeāgū, yure iriudidere bokatĩrīñeāmi. Sugu musā watopemu: “Gajirā nemorō āārībea”, ārī güñagū, gajirā nemorō āārīmi, ārīyupu.

*Jesús: “Marĩrẽ ãaturibi, marĩ merãmu ããrĩmi”, ãrĩ weredea
(Mr 9.38-40)*

⁴⁹ Pũũ Juan Jesúre ãrĩyũũ:

—Gũare buegu, sugũ masakũ mũ wãĩ merã wãtẽãrẽ: “Wirika mũsã ñajãdire!” ãrĩ béowiumakũ ããbu. Ìgũ, marĩ merãmu ããrĩbirimakũ ããrã, ãgũrẽ: “Irire neõ irinemobirikõãka!” ããrãbu, ãrĩyũũ.

⁵⁰ Jesús gapũ ãrĩyũũ:

—Kãmutabirikõãka ãgũrẽ! Sugũ marĩrẽ ãaturibi, marĩ merãmũta ããrĩmi, ãrĩyũũ.

Jesús Santiagore, Juãrẽ weredea

⁵¹ Pũũ Jesús ãmũgasigue mũrĩaburi dupiyuro ejawãgãrĩripoe: “Jerusalẽgue waagũra”, ãrĩyũũ. ⁵² Ìgũ waaburi dupiyuro gajirãrẽ Samaria nikũgue ããrĩĩ makãgue ãgũ kãrĩbure ãmayudoregũ iriuyũũ.

⁵³ Samaria marã gapũ judío masaka merã gãmesuribirisã, Jesús Jerusalẽgue waaburire pãrã, ãgũrẽ bokatĩrĩneãduabirĩnrã. ⁵⁴ Jesús buerã Santiago, Juan Samaria marã ãgũrẽ bokatĩrĩneãduabirimakũ ããrã, ãsũ ãrĩnrã:

—Gũa Opũ, ãrĩpoeague Elías Marĩpũya kerere weredupiyudi iriderosũ, ãmũgasima peamerẽ diju, ãgũsãrẽ wẽjẽdoremakũ gããmekuri? ãrĩnrã.

⁵⁵ Ìgũsã irasũ ãrĩmakũ pã, Jesús ãgũsãrẽ gãmenugã, ãã, ãrĩyũũ:

—Irasũ ãrĩbirikõãka! Mũsãrẽ irasũ werenĩmakũ irigure masĩbea. Mũsã werenĩrĩ Õãgũ deyomarĩgũ wereri ããrĩbea. ⁵⁶ Yũ ããrĩpererã tĩgũ masakare béogũ aaribiribu. ãgũsãrẽ taugũ aarigũ iribu, ãrĩyũũ. Irasũ ãrĩ odo, gajĩ makãgue waakõãyũũ doja.

*Gajirã Jesúre: “Mũrẽ tũyadũakoa”, ãrĩdea
(Mt 8.19-22)*

⁵⁷ Ìgũsã maague waamakũ, sugũ masakũ ãgũsã pũro eja, Jesúre ãrĩyũũ:

—Yũ Opũ, mũ noó waaró mũrẽ tũyagũra, ãrĩyũũ.

⁵⁸ Jesús ãgũrẽ yũyũyũũ:

—Makãnũũ marã diayã ãgũsã kãrĩrĩ toreri opama. Mirãde ãgũsã kãrĩrõ opama. Yũ ããrĩpererã tĩgũ gapũ kãrĩrõ opabea, ãrĩyũũ.

⁵⁹ Pũũ Jesús gajĩgũre ãrĩyũũ:

—Nãka, yũ merã!

Ìgũ gapũ yũyũyũũ:

—Yũ Opũ, yũũ boamakũ ãgũrẽ yãa odo, mũrẽ tũyagũra, ãrĩyũũ.

⁶⁰ Jesús ãgũrẽ yũyũyũũ:

—Yũre bũremumerã, boanerã irirosũ ããrĩrãta boanerãrẽ yãaburo. Mũ gapũ Marĩpũ ãgũyarãrẽ doreri kerere weregũ aarika! ãrĩyũũ.

⁶¹ Gajĩgũ Jesúre ãrĩyũũ:

—Yũ Opũ, mũrẽ tũyagũra. Yũ mũrẽ tũyaburi dupiyuro yaa wii marãrẽ seretugũ waadũakoa dapa, ãrĩyũũ.

⁶² Jesús ãgũrẽ ãrĩyũũ:

—Sugũ masakũ moãnugãgũ waadi, moãduabi gãmenugãdujãagu, moãbirikumi. Marĩpũ dorerire iritũyanugãgũ, ãgũ gããmerĩrẽ piribi, gãmenugãdujãagu irirosũ ããrĩkumi. Irasirigũ Marĩpũyare õãrõ iritũyabirikumi, ãrĩyũũ.

10

Jesús setenta y dos ãgũ buerãrẽ iriudea

¹ Pũũ marĩ Opũ Jesús gajirã setenta y dos ãmarẽ beye, pãrã dita dukawa, ãgũsãrẽ ããrĩpereri ãgũ waaburi makãrĩguere ² ãsũ ãrĩ iriuyũũ:

–Wárã masaka Marĩpuyare neõ pémerã, poeague oteri duka buribejadesa irirosũ ããrĩma. Ìgũsãrẽ Marĩpuyare weremurã gapu, iri pooere moãrĩmasã irirosũ mérãgã ããrĩma. Irasirirã marĩ Opure: “Gajirã muyare weremurãrẽ iriuka!” ãrĩ sêrêka! ³ Mũsãde Marĩpuyare wererã waaka! Oveja majĩrãrẽ makãnuu marã diayéa watopegue iriurosũ yu mũsãrẽ ñerã ããrĩrõguere iriua, Marĩpuyare weredoregu. ⁴ Mũsãya ajuri, niyeru ããbirikõãka! Gubu suri, mũsã sãñarĩ merã dita waaka! Maague masakare bokajarã, õãdore yoaripoe weretamunĩbirikõãka!

⁵ ‘Su wiino ñajãrã, iri wii marãrẽ: “Marĩpu mũsãrẽ siñajãrĩ sĩburo”, ãrĩ õãdorepurorika! ⁶ Iri wii marã Marĩpu siñajãrĩ sĩrĩrẽ opaduarã mũsãrẽ õãrõ bokatĩrĩñeãrã, Marĩpu siñajãrĩ sĩrĩ merã õãrõ ããrĩrikurãkuma. Mũsãrẽ gããmemerã, i siñajãrĩ merã ããrĩbirikuma. ⁷ Mũsã ejadesa wiita dujaka! Iri wii marã mũsãrẽ ejorire baa, iirĩka! Sugu moãrĩmasũ Ìgũ moãrĩ waja keoro wajatakumi. Mũsã Marĩpuyare buerã, moãrĩmasã irirosũ ããrã. Mũsãrẽ iri wii marã ejori, mũsã Ìgũsãrẽ Marĩpuyare bueri waja ããrã. Irasirirã gaji wiirigue ããrĩgorenabirikõãka! ⁸ Mũsã su makãgue ejarã, iro marã mũsãrẽ õãrõ bokatĩrĩñeã, Ìgũsã baari ejomakũ, õãrõ baaka! ⁹ Iri makã marã pũrĩrikurãrẽ tauka! Æsũ ãrĩ wereka: “Mérõ duyáa, Marĩpu doreri mũsã purogue aariburo”, ãrĩka!

¹⁰ ‘Gaji makãgue mũsã ejamakũ, iro marã mũsãrẽ bokatĩrĩñeãbirimakũ, wiriwãgãrã, Æsũ ãrĩka Ìgũsãrẽ: ¹¹ “Mũsãya makãma nikũwera guaya guburire tuadeare mojebéoa. Mũsã guare gããmebiri waja Marĩpu mũsãrẽ wajamoãburire masĩmakũ irirã, irasũ yáa. Ire õãrõ pémasĩka! Mũsã guare gããmebirikeremakũ, mérõ duyáa, Marĩpu doreri aariburo”, ãrĩka Ìgũsãrẽ! ¹² Mũsãrẽ werea. Marĩpu ããrĩpererã ñerãrẽ wajamoãrĩnu ejamakũ, mũsãrẽ gããmebirinerãrẽ Sodoma marãrẽ wajamoãrõ nemorõ wajamoãgukumi, ãrĩyupu Jesús.

Jesús makãrĩ marãrẽ Ìgũsã Ìgũrẽ buremubirire werede (Mt 11.20-24)

¹³ Puru Jesús gaji makãrĩ marãrẽ Æsũ ãrĩyupu:

–Mũsã Corazín marã, Betsaida marãde ñerõ tarirãkoa. Iripoegue marã Tiro, Sidón marã, mũsã Ìurõ Marĩpu Ìgũ turari merã iri Ìmurõsũ iri Ìmumakũ Ìãrã, Ìgũsã ñerõ irideare piribonerã ããrĩmã. Ìgũsã ñerõ irideare buru bujawererire Ìmurã, bujawereri suri sãña, nitĩkurogue doabonerã ããrĩmã. Ìgũsã ñerõ irideare piri, õãrĩ gapure iribonerã ããrĩmã. Mũsã gapu Marĩpu turari merã iri Ìmurĩrẽ Ìakererã, mũsã ñerõ iririre neõ piribeã. ¹⁴ Irasirigu mũsãrẽ werea. Marĩpu Ìgũ ããrĩpererã ñerãrẽ wajamoãrĩnu ejamakũ, Tiro, Sidón marãrẽ wajamoãrõ nemorõ mũsãrẽ wajamoãgukumi. ¹⁵ Mũsã Capernaum marã: “Ëmugasigue mũrĩãrãkoa”, ãrĩ guñadãa. Iroguere neõ waabirikoã. Boanerã ããrĩrõgue béodijusũrãkoa, ãrĩyupu.

¹⁶ Irasũ ãrĩ odo, Ìgũ buerãrẽ ãrĩyupu:

–Mũsã wererire péduripĩrãno yu wereridere péduripĩma. Mũsãrẽ gããmemerãno yudere gããmebema. Yure gããmemerãno yure iriudidere gããmebema, ãrĩyupu.

Jesús setenta y dos iriunerã goeade

¹⁷ Puru Jesús setenta y dos iriunerã buru usuyari merã goejañurã:

–Gua Opu, wãtẽãrẽ mu dorero merã, mu wãĩ merã gua béowiumakũ, õãrõ yujuama, ãrĩñurã.

¹⁸ Jesús ãrĩyupu Ìgũsãrẽ:

–Bupu miãrõ irirosũ wãtẽa opu Satanás Ëmugasigue ããrãdi, yurimadijarimakũ Ìãbũ. ¹⁹ Õãrõ péka! Yu mũsãrẽ turari sĩbũ, ãñarẽ, korebabare

kurapeo, ããrĩpereri wātĩ turaridere neõ ñerõ irisũrõ marĩrõ tarinugãburo, ãrĩgũ. ²⁰ Musã wātẽãrẽ wiridoremakũ ãgũsã õãrõ yũjuadeare usuyabirikõãka! Musã Marĩpũyarã ããrĩmakũ, ãmugasigue musã wãĩ gojatúsũdero ããrĩbú. Iri gapure usuyaka! ãrĩyurũ.

Jesús ãgũ Pagure usuyari sĩdea
(Mt 11.25-27; 13.16-17)

²¹ ãgũ irasũ ãrĩripoe Õãgũ deyomarĩgũ Jesúre burõ usuyamakũ iriyurũ. Irasirigũ Jesús ãgũ Pagure ãsũ ãrĩyurũ:

—Aũ, yũ murẽ: “Õãtaria mũ”, ãrĩ, usuyari sĩa. Mũ ãmugasĩ marã, i nikũ marã Opũ ããrã. Irasirigũ: “Masĩtarinugãrã, ããrĩpererire pémasĩa”, ãrĩ gũñarãrẽ mũyare masĩmakũ iribeã. Majĩrã irirosũ murẽ buremurã gapure mũyare masĩmakũ yáã. Aũ, irasũta ããrã. Mũ gããmederosũta usuyari merã irasũ yáã, ãrĩyurũ.

²² Pũrũ masakare ãrĩyurũ:

—Yurũ yure ããrĩpereri irimasĩrĩrẽ sĩmi. Neõ sugũ masakũ yũ ããrĩrikũrĩre masĩbemi. Yurũ dita masĩmi. Neõ sugũ masakũ Yurũ ããrĩrikũrĩre masĩbemi. Yũ dita masĩa. Yũ ãgũrẽ masĩdorerãde ãgũrẽ masĩma, ãrĩyurũ.

²³ Irasũ ãrĩ odo, ãgũ buerãrẽ ãã, ãgũsã ditare ãsũ ãrĩyurũ:

—Musãya koye merã yure ãã. Irasirirã usuyáã. ²⁴ Musãrẽ wereã. Wãrã iripoegue marã Marĩpũya kerere weredupiyunerã, irasũ ããrĩmakũ oparã iripoegue ããrĩnerã musã dapagora ããrĩrẽ ããnerã ããrãdima. Irire ããnerã, ããbirinerã ããrĩmã. Musã dapagora périre péãakererã, pébirinerã ããrĩmã, ãrĩyurũ.

Jesús õãgũ Samariamũ keori merã weredea

²⁵ Pũrũ sugũ Moisés gojadeare buerimasũ Jesúre diaye yũjubirimakũ iridugũ wãgãnugã, ãgũrẽ ãsũ ãrĩ sãrẽñayurũ:

—Buegũ, ¿ñeonorẽ yure iriro gããmerĩ, ãmugasigue perebiri okari opabu? ãrĩyurũ.

²⁶ Jesús ãgũrẽ yũjuyurũ:

—¿Naásũ ãrĩ gojasũyuri, Moisés gojadeã pũgue? Mũ irire buegũ, ¿naásũ péñarĩ? ãrĩyurũ.

²⁷ Moisés gojadeare buerimasũ ãgũrẽ yũjuyurũ:

—Ãsũ ãrĩ gojasũdero ããrĩbú: “Marĩpũ mũ Opũre burõ maĩka! Mũya yũjupũrã merã, mũ ããrĩrikũrĩ merã, mũ turari, ããrĩpereri mũya gũñarĩ merã ãgũrẽ maĩka! Mũ basi maĩrõsũta mũ pũro ããrĩãdere maĩka!” ãrĩ gojasũdero ããrĩbú, ãrĩyurũ.

²⁸ Irire pégũ, Jesús ãgũrẽ ãrĩyurũ:

—Diayeta yũjuã mũ. Irire irigũ, ãmugasigue perebiri okarĩre opagũkoa, ãrĩyurũ.

²⁹ Moisés gojadeare buerimasũ gapũ masaka ãgũrẽ: “Õãgũ ããrĩmi”, ãrĩ gũnamakũ gããmegũ, Jesúre sãrẽñayurũ doja:

—¿Noã ããrĩrĩ, yũ pũro ããrĩã? ãrĩyurũ.

³⁰ ãgũ irasũ ãrĩmakũ pégũ, Jesús keori merã wereyurũ ãgũrẽ:

—Sugũ masakũ Jerusalẽgue ããrãdi Jericó waarĩ maague buáakumi. ãgũ iroque buáamakũ, yajarimasã ãgũrẽ bokatĩrĩ, ñeã, ãgũ opadeã ããrĩpererĩre ãmapeo, ãgũya surĩdere túweã, ãĩ, ãgũrẽ burõ pá, kãmitú, waakõãkuma. ³¹ ãgũsã irasũ iriadero pũrũ, sugũ paĩ iri maarẽ waakumi. ãgũrẽ ããkerẽgũ, yoarogue ããtariakõãkumi. ³² ãgũ pũrũ, gajigũ Levĩya bumũ iri maarẽ waakumi. ãgũde ãgũrẽ ããkerẽgũ, yoarogue ããtariakõãkumi. ³³ Pũrũ sugũ Samariamũ iri maarẽ waakumi. ãgũrẽ ããboka, burõ bopõñarĩ merã ãgũrẽ ããkumi. ³⁴ Irasirigũ ãgũ pũro

waa ejanugã, Ìgũya kãmire ñye, igui deko pãmudea merã pípeo, surí gasiri merã òmakumi. Òma odo, Ìgũyagũ burro wekague ãípeo, Ìgũrẽ ãĩkõãkumi. Ìãia, su wii naarĩmasã kãrĩrĩ wiigüe eja, irogue Ìgũrẽ korekumi dapa. ³⁵ Gajinũ gapũ Ìgũya niyeru penũ moã wajataropa iri wii opũre sĩkumi. “Òãrõ koreka Ìrẽ!” ãrĩkumi. “Dupaturi aarigũ, mũrẽ wajarinemogũra Ìrẽ koreri waja”, ãrĩkumi, ãrĩyupũ Jesús. ³⁶ Irire were odo, Moisés gojadeare buerimasũrẽ sërẽñayupũ:

–¿Naásũ gũñarĩ mũ irire pégu? ¿Niĩno gapũ Ìĩsã ñrerã watopemũ yajarimasã pádire Ìgũ pũro ããrĩgũrẽ irirosũ òãrõ iriyuri? ãrĩyupũ.

³⁷ Moisés gojadeare buerimasũ yajũyupũ:

–Ìgũrẽ bopoñarĩ merã Ìã iritamudi gapũ, ãrĩyupũ.

Ìgũ irasũ ãrĩmakũ, Jesús Ìgũrẽ ãrĩyupũ:

–Mũde Ìrĩ bopoñarĩ merã Ìãdi iriderosũta gajirãrẽ irigũ waaka! ãrĩyupũ.

Jesús Marta, Maríaya wiigüe ejadea

³⁸ Pũrũ Jesús Ìgũ buerã merã waa, su makãgüe ejayupũ. Iri makãgũere sugo Marta wãikũgo Ìgũrẽ bokatĩrĩñeã, igoya wiigüe ñajãdoreyupo. ³⁹ Jesús iri wiigüe ñajãjamakũ, Marta pagũmo María wãikũgo Ìgũya guburi pũro eja doayupo Ìgũ werenĩrĩrẽ péduago. ⁴⁰ Marta gapũ ããrĩpereri igo moãrĩrẽ bũro gũñarikũyupo. Irasirigo igo pagũmo Jesúya guburi pũro doamakũ Ìãgõ, Ìgũ pũro waa, Ìgũrẽ ãrĩyupo:

–Gũa Opũ, yũ sugota ããrĩpererire moãgõ irikõãdáa. ¿Mũ Ìãberi, yũ pagũmo yũre neõ iritamubirimakũ? Ìgore iritamudoreka yũre! ãrĩyupo.

⁴¹ Igo irasũ ãrĩmakũ pégu, Jesús yajũyupũ:

–Marta, mũ wãri gajino moãrĩrẽ gũñarikũa. ⁴² Su wãirẽta iriro gããmea marĩrẽ. María i òãrĩrẽ beyemo. Irasirirã, yũ werenĩrĩrẽ igo péduamakũ, gajirã neõ igore irire pirimakũ iribirikuma, ãrĩyupũ.

11

Jesús Marĩpũre sërẽrĩrẽ buedea

(Mt 6.9-15; 7.7-11)

¹ Sunũ Jesús gajirogue Marĩpũre sërẽgũ iriyupũ. Ìgũ sërẽ odomakũ, sugũ Ìgũ buegũ ãrĩyupũ Ìgũrẽ:

–Gũa Opũ, Juan masakare wãiyerimasũ Ìgũ buerãrẽ Marĩpũre sërẽrĩrẽ buederosũ gũadere bueka! ãrĩyupũ.

² Jesús Ìgũsãrẽ ãrĩyupũ:

–Marĩpũre sërẽrã, ãsũ ãrĩka:

“Gũapũ ãmũgasigue ããrĩgũ, ããrĩpererã mũrẽ gopeyari merã bũremuburo. Mũ ããrĩpererãrẽ doreri aariburo. Ëmũgasigue marã mũ gããmerõ irirosũta i nikũ marãde iriburo.

³ Ëmũrikũ gũare baari sĩka!

⁴ Gajirã gũare ñerõ irideare gũa kãtirosũta mũde gũa ñerõ irideare kãtika! Gũa ñerõ iridũamakũ kãmutaka!

Ñegũ gũare ñerĩ ãrĩmesãrĩrẽ tau kãmutaka!” ãrĩka Marĩpũre sërẽrã! ãrĩyupũ Jesús.

⁵ Irasũ ãrĩ odo, keori merã wereyupũ Ìgũsãrẽ:

–Yũ ire weremakũ pérã, ¿naásũ gũñarĩ mũsã? Ñami deko ããrĩmakũ, sugũ masakũ Ìgũ merãmũya wiigüe waa, Ìgũrẽ ãsũ ãrĩ sërẽkumi: “Yũ merãmũ, ñrerũ pã duparu sĩka yũre! ⁶ Gajigũ yũ merãmũ yaa wiigüe naagũ ejáami. Yũ Ìgũrẽ gajino mérõ ejorino neõ opabirakubũ. Irasirigũ mũrẽ sërẽgũ aarabũ”, ãrĩkumi.

⁷ Ìgũ irasũ ãrĩmakũ pékeregũ, wii poekague ããrĩgũ gapũ ãsũ ãrĩ yajũkumi: “Yũre garibobirikõãka! Makãpũgore òãrõ biakõãsiabũ. Yũ pũrã yũ merã kãrĩrãgüe

yáma. Wāgānugā, murē sīgū waasubirikoa”, ārikumi īgūrē. ⁸ Ire musārē werea. Īgū merāmū āārīkeremakū, īgūrē sībirikumi. Sībirikeregū, īgūrē piriro marīrō sērēmakū iā, īgūrē: “Garibonemobirikōāburo”, ārīgū, āārīpereri īgū gāāmerīrē sīkōākumi pama. ⁹ Irasirigū musārē werea. Marīpure sērēka! Musā sērēmakū, sīgukumi. Ōārīrē āmarā, bokarākoa. Wiigūe nājāduarā oemakū, Marīpu makāpuro tūpā nājādoregū irirosū musā sērērīrē pégukumi. ¹⁰ Īgūrē sērērānorē sīgukumi. Amarāno bokarākuma. Wiigūe nājāduarā oerā irirosū īgūrē sērēmakū iāgū, īgūsārē nājādoregū irirosū īgūsā sērērīrē ōārō pégukumi. ¹¹ Musā pūrā pārē sērēmakū, ūtāyere sībirikoa. Waaī sērēmakūdere ānarē sībirikoa. ¹² Āgābo diu sērēmakū, korebabare sībirikoa. ¹³ Nērā āārīkererā, musā pūrārē ōārīrē sīmasīa. Marīpu ūmugasigūe āārīgū gapū musā nemorō ōārīrē sīmasīmi. Irasirigū Ōāgū deyomarīgūrē sīgukumi īgūrē sērērārē, ārīyupu Jesús.

*Jesús: “Wātī turari opami”, ārī werewuadea
(Mt 12.22-30; Mr 3.20-27)*

¹⁴ Pūru Jesús wātī masakure wenenīmasībirimakū irigūre béowiugū iriyupu. Wātīrē béowiumakū, wenenībiradi wenenīakōāyupu. Masaka, īgū irasirimakū iārā, iāgūkakōāñurā. ¹⁵ Gajirā gapū Jesúsē āsū ārī werewuāñurā:

—Īī wātēa opu Beelzebú turaro merā wātēārē béowiumi, ārīñurā.

¹⁶ Gajirāde īgūrē:

—Mū diayeta turari opagū, iri turari merā gajino ūmugasimarē iri īmuka! ārīñurā. ¹⁷ Jesús gapū īgūsā gūñārīrē masīsīā, āsū ārīyupu:

—Su nikū marā īgūsā basi dukawari gāmekēārā, pereakōākuma. Su wii marā īgūsā basi dukawari gāmekēārā, pereakōākuma. ¹⁸ Musā yure: “Wātēa opu Beelzebú turari merā wātēārē béowiumi”, ārī werewuāā. Yure īgū turari merā wātēārē béowiudoregū, īgū basi īgūyarārē béobukumi. Irasirirā īgūsā basi dukawari gāmekēārā, pereakōābukuma. ¹⁹ Iri irasū āārīmakū, musā buerire tūyarā gapū wātēārē béowiurā, ĵnoā turari merā béowiukuri? Musā īgūsārē: “Marīpu turari merā wātēārē béowiuma”, ārā. Irasiriro musā yure werewuari diaye āārībea. ²⁰ Yū gapū Marīpu turari merā wātēārē béowiumakū, Marīpu doreri musā pūroguere ejasiāā, ārī masīsūa.

²¹ ‘Sugū wii opu turagū āārīpereri mojōkugū, īgūya wiimarē ōārō koremasīkumi. Gajirā īgū oparire ēmamasībirikumā. ²² “I mojōkūsīā, yaa wiire ōārō koremasīā”, ārī gūñakeremakū, gajigū īgū nemorō turagū gapū īgūrē tarinugā, āārīpereri īgū mojōkurire ēmagukumi. Irasirigū īgū oparire āīpeo, īgū merāmarārē gueregukumi. ²³ Yure gāāmemerā, yure iāturirā āārīma. Masakare yure siiu neētamumerā, īgūsārē waasirimakū irirā āārīma, ārīyupu.

*Jesús, wātī dupaturi masakūguere nājārīmarē weredeā
(Mt 12.43-45)*

²⁴ Irasū ārī odo, gaji keori merā īgūsārē wereyupu doja:

—Wātī masakūguere āārādi wiri, pūru deko marīrōgue īgū siñājāburore āmagorenagū waakumi. Irore bokabi, āsū ārī gūñakumi: “Yū wiridi, yaa wii irirosū āārīmī. Dupaturi yū wiridiguereta goeñājāgura doja”, ārī gūñakumi.

²⁵ Irasirigū īgūguere dupaturi goeñājāgū, gajino marīrī wii, ōārō āmu, ooaweadea wiire irirosū bokajakumi. ²⁶ Irasirigū gajirā wātēa su mojōma pere gaji mojō peru pērēbejarā īgū nemorō nērārē siiu, īgūsā āārīpererā merā masakūguere āārīnikōākumi. Irasirigū masakū īgū dupiyuro āārīrikūdero nemorō nērō āārīkumi, ārīyupu Jesús.

Jesús diayema ūsūyarimarē weredeā

27 Jesús irire wereripoe sugo nomeo masaka watopegue aarigõ gaguiníyupo:

—Mũrẽ pũrãkũ masũdeo usũyatarikumo, aarĩyupo Jesúre.

28 Jesús gapũ igore aarĩyupũ:

—Marĩpũya werenĩrĩrẽ pérã, ĩgũ dorerire irirã gapũ oãrõ usũyarãkuma, aarĩyupũ.

*Masaka ñerã Jesúre Marĩpũ turari merã iri ĩmudoredea
(Mt 12.38-42; Mr 8.12)*

29 Pũrũ Jesús ĩgũ pũro masaka wárã nerẽwãgãriripoe asũ aarĩ wereyupũ ĩgũsãrẽ:

—Dapagora marã masaka ñetarirã aarĩma. Yũre Marĩpũ turari merã gajino iri ĩmudorekeremakũ, Marĩpũya kerere weredupiyudĩ Jonás iridea ditare weregũra. 30 Iripoegue Marĩpũ Jonárẽ Nínive wãikũri makã marãrẽ were-

dorederosũ yũre aarĩpererã tĩgũrẽ dapagora marã masakare weredoremi.

31 Marĩpũ aarĩpererã ñerãrẽ wajamoãrĩnũ ejamakũ, sugo iripoeguemo Sabá nikũ marã opo musã dapagora marãrẽ: “Ñegorabũ”, aarĩgokumo. Yoaromogue aarĩkeregõ, õõgue i nikũgue aarideo aarĩmó, marĩ ñekũsãmarã opũ Salomón wári masĩrĩ merã wererire pégo aarigó. Dapagora yũ Salomón nemorõ masĩgũ õõgue musã merã aarĩkeremakũ, musã gapũ yũ wererire péduabea.

32 Iripoegue Nínive marã Jonás Marĩpũya kerere weremakũ pérã, ĩgũsã ñerõ irideare bujawere, ĩgũsã gũñarĩrẽ gorawayunerã aarĩmá. Dapagora yũ Jonás nemorõ masĩgũ õõgue musã merã aarã. Yũ Marĩpũya kerere werekeremakũ, musã ñerõ iririkũrĩre bujawerebea. Irasirirã, Marĩpũ aarĩpererã ñerãrẽ wajamoãrĩnũ ejamakũ, Nínive marã musã dapagora marãrẽ: “Ñegorabũ”, aarĩrãkuma, aarĩyupũ.

*Jesús masakaya koye sããgodiru irirosũ aarĩrĩrẽ buedea
(Mt 5.15; 6.22-23)*

33 Irasũ aarĩ odo, gajĩ keori merã wereyupũ:

—Masaka sããgodirure sããgorã, deyomarĩrõgue duúbirikuma. Dupa kũma dok-aguedere píbirikuma. Sããgo, wii dekogue siukuma, gajirã iri wiire ñajãrã iri sããgodiru boyorore oãrõ ĩã ñajãburo, aarĩrã. 34 Musãya koye musãya gũñarĩguere sããgodiru irirosũ aarã. Musã oãrĩ koye oparã irirosũ aarĩmakũ, musãya gũñarĩguere oãrõ sããgoro irirosũ aarã. Irasirirã Marĩpũyare masĩa. Musã ñerĩ koye oparã irirosũ aarĩmakũ, musã gũñarĩguere naĩtĩãrõ irirosũ aarã. Marĩpũyare masĩbea. 35 Irasirirã pémasĩka, musãya gũñarĩgue sããgorĩ, naĩtĩãrĩ waabirikõãburo, aarĩrã! 36 Musãya gũñarĩgue sããgorĩ, naĩtĩãrõ marĩrõ irirosũ aarĩmakũ, aarĩpereri Marĩpũyare pémasĩrãkoa. Irasirirã sããgorĩ boyorogue ĩãrõsũ oãrõ pémasĩrĩ merã ĩgũyare iritũyarãkoa, aarĩyupũ Jesús.

Jesús fariseo bumarãrẽ, Moisés gojadeare buerimasãrẽ ĩgũsã ñerõ iririre weredea

(Mt 23.1-36; Mr 12.38-40; Lc 20.45-47)

37 Jesús irasũ aarĩ odoadero pũrũ, sugũ fariseo bumũ ĩgũya wiigũ baadoregũ siuayupũ ĩgũrẽ. Irasirigũ Jesús ĩgũ merã waa, ĩgũya wiigũ ñajãa, eja doayupũ ĩgũ merã baabu. 38 Fariseo bumũ gapũ judío masaka irinĩrõsũ Jesús baaburi dupiyuro ĩgũ mojõkoebirimakũ ĩãgũ, ĩãgũkakõãyupũ. 39 ĩgũ ĩãgũkamakũ ĩãgũ, marĩ Opũ Jesús ĩgũrẽ aarĩyupũ:

—Musã fariseo bumarã masaka ĩũrõgue dita oãrõ irirã, soropa weka gapũ dita oãrõ koeadeapa irirosũ aarã. Irasirirã gajirãyare yajadũarã, ñerĩ ditare iridũarã aarĩsĩã, iripa poekague gũrari utũriro irirosũ aarã. 40 Irasirirã neõ pémasĩbea. Marĩpũ, marĩya dũpũre irigũ, marĩ gũñarĩdere iridi aarĩmĩ. ¿Irire

pémasĩberi musã? ⁴¹ Musã oparire gajirãrê sîrã, õârõ gãñarĩ merã sĩka! Irasirirã soropa poeka gapudere koeadeapa irirosũ ããrĩrãkoa.

⁴² 'Musã fariseo bumarã buro ñerõ tarirãkoa. Musã oteri mutãrĩgã: menta, ruda wãĩkuri baari morêrĩnorê, ããrĩpereri oteridari dukakurinogãdere sea neeõ, keoro dukawa, pe mojõma diruri irikoa. Sudiru Marĩpũya wiigüe ãĩa: “İgũrê yũ sĩrĩ ããrã”, ãrĩ, irogue píkoa, İgũ dorerire irimurã. Irasirikererã, gajirãrê diayema iririre iribea. Marĩpũre maĩbea. Irasirirã musã oterire İgũrê sĩduúro marĩrõ diayemadere irika! Marĩpũre maĩrĩ merã buremuka!

⁴³ 'Musã fariseo bumarã buro ñerõ tarirãkoa. Musã nererĩ wiiriguere nererã, õãrĩ doarigue dita doadũaa. Makã dekoiguere masakare musãrê gopeyari merã bokatĩrĩ õãdoremakũ gããmea.

⁴⁴ 'Musã Moisés gojadeare buerimasã, fariseo bumarãde buro ñerõ tarirãkoa. Musã masãgoberi irirosũ ããrã. Irasirirã masaka iri goberi ããrĩrõ weka tãpítariarã, iri goberi poekague ããrĩrĩrê masĩberosũ musã ñerõ oparire masĩbema, ãrĩyupũ Jesús.

⁴⁵ İgũ irasũ ãrĩmakũ pégu, sugũ Moisés gojadeare buerimasũ ãrĩyupũ İgũrê:

—Buegu, mũ fariseo bumarãrê irasũ ãrĩgũ, gũadere ãrĩ turigu yãa, ãrĩyupũ.

⁴⁶ Jesús gapũ İgũrê ãsũ ãrĩyupũ:

—Musãde, Moisés gojadeare buerimasã buro ñerõ tarirãkoa. Musã gajirãrê: “Ãsũ irika!” ãrĩ, dorerã, İgũsãrê gajino buro nukũrĩ kõãtãrĩrã irirosũ ããrĩmakũ yãa. Irasirirã iri dorerire bokatĩũbema. İgũsã musã dorerire bokatĩũbirikeremakũ, İgũsãrê neõ iritamubea iri dorerire iriburo, ãrĩrã.

⁴⁷ 'Irasirirã musã buro ñerõ tarirãkoa. Iripoegue marã Marĩpũya kerere weredupiyunerã masãgoberi weka weanũdeare musã amua. İgũsãrêta musã ñekũsãmarã wẽjẽnerã ããrĩmã. ⁴⁸ İgũsã irasũ wẽjẽdero pũrugue, dapagora musã İgũsã iripoegue irideare iriwekabejakõãa, İgũsã wẽjẽnerãya masãgoberi weka weanũdeare amurã. Irasirirã musã İgũsã wẽjẽdeare: “Ñegorabũ”, ãrĩ gãñabea. Musã ñekũsãmarã Marĩpũya kerere weredupiyunerãrê gããmebiriderosũ musãde yãre gããmebea.

⁴⁹ 'Irasirigũ iripoegue Marĩpũ İgũ masĩrĩ merã ãsũ ãrĩdi ããrĩmĩ: “Yaa kerere weredupiyurimasãrê, yaare buerimasãdere iriugũra. Irire buemakũ ãã, surãyerire masaka wẽjẽrãkuma. Gajirãrê ñerõ iridũarã, noó İgũsã waaró tũyagorenarãkuma”, ãrĩdi ããrĩmĩ Marĩpũ. ⁵⁰⁻⁵¹ Marĩpũ i umãrê iriadero pũrũ, Abere İgũ tĩgũ wẽjẽdi ããrĩmĩ. Pũrũ Marĩpũya kerere weredupiyunerãrê wẽjẽnerã ããrĩmã. Pũrũ Zacariãdere Marĩpũya wiima soepeoro Marĩpũ ããrĩrĩ taribu watopegue wẽjẽnerã ããrĩmã. Irasirigũ Marĩpũ ããrĩpererãrê İgũsã wẽjẽdea waja dapagora marãrê wajamoãgũkumi.

⁵² 'Musã Moisés gojadeare buerimasã buro ñerõ tarirãkoa. Musã Marĩpũyare masĩkererã, musã basi irire iridũabea. Irasirirã gajirãrê irire masĩdũarãrê masĩbirimakũ yãa, ãrĩyupũ Jesús.

⁵³ İgũ irasũ ãrãdero pũrũ, Moisés gojadeare buerimasã, fariseo bumarãde İgũ merã guatariakõãñurã. Irasirirã buro İgũrê werewũa, wãri İgũrê sêrẽñanugãñurã. ⁵⁴ İgũ diaye yujũbirimakũ pérã, İgũrê weresãdũarã, irasiriñurã.

12

Jesús fariseo bumarã irikatorire weredeã

¹ İgũsã irasiriripoe Jesús pũro masaka wãrã nerẽñurã. İgũsã wãrã ããrĩsĩã, gãme kũratĩãnokõãñurã. Jesús İgũ buerãrê ãsũ ãrĩ werenugãyupũ:

—Fariseo bumarā irikatorire òārō pémasīka! Īgūsā irikatoriri pā wemasārī morērī irirosū āārā. ² Āārīpereri gajirā īāberogue irideare, durirogue irideadere p̄r̄ugue masīsūrokoa. ³ M̄sā naītīārōgue irirosū gajirā péberogue werenídeare boyorogue irirosū Marīp̄u Īgūsārē pémakū irigukumi. M̄sā wii poekague yayero werenídeadere makā dekogue gaguinírōsū gajirārē òārō pémakū irigukumi.

Jesús: “¿Noārē güiri merā b̄remurō gāāmerī?” ārī weredeā (Mt 10.26-31)

⁴ M̄sārē yu merāmarārē werea. M̄sārē wējērā, m̄sāya d̄p̄u ditare boamakū irirākuma. P̄r̄uguerē m̄sārē neō ñerō irinemobirikuma. Irasirirā m̄sārē wējēduarārē güibirikōāka! ⁵ Yu m̄sā gopeyari merā güibure weregura. Marīp̄u gap̄ure güiri merā b̄remuka! Masakare Īgūsā okarire ēmamasīmi. Īgū ēmadero p̄r̄u, Īgūsārē perebiri peamegue béomasīmi. Irasirirā Īgū gap̄ure güiri merā b̄remuka!

⁶ Masaka su mojōmarā mirā wajarirā, pe niyeru koegā, mérōgā wajakuri koerigārē sīkuma. Īgūsā mérōgā wajakkeremakū, Marīp̄u gap̄u Īgūsārē òārō koremi. Neō suḡare kātibemi. ⁷ Marīp̄u āārīpereri m̄sā āārīkuri masīgū, m̄sāya poarire: “Irikū āārā”, ārī masīpeokōāmi. Irasirirā güibirikōāka! M̄sā, mirā nemorō wajakua. Irasirigū Marīp̄u mirārē korero nemorō m̄sārē koregukumi.

Jesús: “Masakare ȳre b̄remurīrē wereka!” ārīdea (Mt 10.32-33; 12.32; 10.19-20)

⁸ M̄sārē werea. Suḡu, masaka péuro: “Jesúyagū āārā”, ārī weremakū, yu āārīpererā tīgūde Marīp̄ure wereboerā péuro: “Yaagū āārīmi ī”, ārī weregukoa. ⁹ Suḡu ȳre masīkeregū, masaka péuro: “Īgūrē masībea”, ārī weremakū, yu āārīpererā tīgūde Marīp̄ure wereboerā péuro: “Yude Īgūrē masībea”, ārī weregukoa.

¹⁰ Suḡu ȳre āārīpererā tīgūrē ñerō ārī werenímakū, Marīp̄u kātimasīmi. Ōāgū deyomarīgū gap̄ure ñerō ārī werenímakū, neō kātibirikumi.

¹¹ Masaka m̄sārē Īgūsā nerērī wiiri oparā p̄rogue, weresārīrē beyerimasā p̄rogue, o makārī marārē dorerā p̄rogue m̄sārē Īgūsā weresāmurā āīmakū: “¿Naásū ȳjurākuri, o naásū ārīrākuri Īgūsārē?” ārī, b̄ro güñarikūbirikōāka! ¹² Īgūsā m̄sārē sērēñamakūta, Ōāgū deyomarīgū masīrī sīrī merā Īgūsārē wererākoa, ārīyup̄u Jesús.

Jesús: “Wári doebiri oparārē goegorā”, ārī weredeā

¹³ P̄r̄u suḡu masaka watopegue āārīgū Jesúre ārīyup̄u: —Buegū, ḡap̄u boagū Īgū opadeare ḡare pími. Irasirigū yu tīgūrē irire keoro dukawa, yudere sīdoreka! ārīyup̄u.

¹⁴ Jesús gap̄u Īgūrē ȳyup̄u:

—M̄sāp̄u pídeare m̄sārē dukawabu āārībea yu, ārīyup̄u.

¹⁵ Irasū ārī odo, āārīpererārē ārīyup̄u:

—Pémasīka m̄sā! Doebirire, gajinodere wáro gāāmebirikōāka! Masaka wári oparā, òārī okari gap̄ure opabema, wári opari ditare güñarā, ārīyup̄u.

¹⁶ Irasū ārī odo, keori merā wereyup̄u Īgūsārē:

—Suḡu masakū wári doebiri opakumi. Īgū otedeade wárigora dukakukoa.

¹⁷ Irasirigū Īgū basi güñakumi: “¿Nasirigukuri? Yaa oteri duka sea duripíburi wii máa”, ārīkumi. ¹⁸ P̄r̄u güñakumi doja: “Āsū irigura. Yu gajino duripíri wii āārīp̄rorideā wiire béo, nemorō wári wii irigura. Iri odo, iri wiigue yaa oteri dukare āārīpereri, yaa doebiridere duripígura. ¹⁹ P̄r̄u yu basi āsū ārīgura:

‘Wári doebiri opáa. Wári bojorima baaburidere opáa. Irasirigu siñajã, baa, iiri, usuyagura’”, ãrĩkumi. ²⁰ Marĩpu gapu ãgũrẽ ãrĩkumi: “Mu neõ pémasĩbi ããrã. Dapagã ñamita boagukoa. Mu boamakũ, ¿noã oparãkuri mu duripiadeare?” ãrĩkumi. ²¹ Irasũta waarãkuma, masaka ãgũsãya doebiri ditare gũñarã. ãgũsãya ããrĩburi ditare gũña, wári doebirire duripĩrãkuma. Irasirikererã, Marĩpure gũñamerã, ãgũ ãũrõrẽ boporã irirosũ ããrĩrãkuma, ãrĩyupu Jesús.

Jesús, Marĩpu ãgũ pũrãrẽ korerimarẽ buedea
(Mt 6.25-34)

²² Pũru Jesús ãgũ buerãrẽ ãsũ ãrĩyupu doja:

–Irasirigu musãrẽ ire weregura. Musã ããrĩrikurire gũñarã: “¿Ñeonorẽ baarãkuri, ñeonorẽ iirĩrãkuri, ñeonorẽ sãñarãkuri?” ãrĩ, bũro gũñarĩkũbirikõãka! ²³ Marĩ okari gapu, baari nemorõ wajakua. Marĩya dupu, surĩ nemorõ wajakua. Irasiriro musã ããrĩrikuri, musã opari nemorõ wajakua. ²⁴ Mirãrẽ gũñaka! ãgũsã baaduarã, otebema. Otedea dukare seabema. Baari duripĩri wiiridere opabema. Marĩpu gapu ãgũsãrẽ baari sĩmi. Musã gapu, mirã nemorõ wajakutarinugãa. ²⁵ Musã bũro gũñarĩkuri merã neõ mérõgã masãnemobirikoa. ²⁶ Musã irasũ gũñarĩkuri wajamarĩkeremakũ, ¿nasirirã gajinorẽ bũro gũñarĩkuri? Musã gũñarĩkuri merã ããrĩpererire neõ irimasĩbirikoa.

²⁷ ‘Makãñũma goori masãrĩrẽ gũñaka! Iri moãbirikerero, suabirikerero, õãrĩ surĩ sãñarõ irirosũ deyoa. Musãrẽ werea. Opu Salomón surĩ õãrĩ sãñadero nemorõ iri goori gapu õãrĩ deyoa. ²⁸ Iri goori makãñũgue mata puridea goori ããrĩkeremakũ, Marĩpu õãrĩ goori deyomakũ irikeremakũ, mérõgã pũru ñãĩdija pereakõãa. Gajĩnu gapu peamegue soebéokõãsũa. Iri mata pereburi ããrĩkeremakũ, Marĩpu iri goorire õãrĩ deyomakũ yãmi. Iri goorire õãrĩ ããrĩmakũ irirosũ nemorõ musãrẽ õãrõ irigukumi. Musã ãgũrẽ mérõgã bũremukeremakũ, musãrẽ surĩ sĩgukumi. ²⁹ Irasirirã ãmũrikũ musã baaburire, musã iirĩburire bũro gũñarĩkuri merã ãmabirikõãka! ³⁰ I ãmũ marã Marĩpure bũremumerã bũro gũñarĩkuri merã irire ãmanĩkõãma. ãgũsã irasũ ããrĩkeremakũ, Marĩpu musã gããmerĩrẽ masĩsiami. Irire musãrẽ sĩgukumi. ³¹ Irasirirã musã Marĩpure masĩrã, ãgũ musã Opu ããrĩrĩrẽ gããmerũrorika! Musã irasirimakũ, musã baa, iirĩburire, musã surĩ sãñaburidere sĩwekapeogukumi.

Jesús marĩ ãmũgasigue wajataburire buedea
(Mt 6.19-21)

³² ‘Musã yaarã, mérãgã, oveja su yebo marã irirosũ ããrã. Irasũ ããrĩkererã, gũbirikõãka! Musãpu ãmũgasigue ããrĩgũ ãgũyarãrẽ dorerogue musã ãgũ merã ããrĩmakũ gããmemi, ãgũ merã doreburo, ãrĩgũ. ³³ Irasirirã musã oparire duaka! Iri duadea wajare niyerure boporãrẽ sĩka! ãmũgasiguemarẽ gũñaka! Irasirirã irogue pereburi wajatarire, ajurogue doebiri neõ perebirire oparosũ oparãkoa. Irogue wajatarire yajarimasã ñajãa, ãĩmasĩbirikuma. Buruade baadedeubirikuma. ³⁴ Musã i ãmũma ditare: “Opadũakoa”, ãrĩ gũñarã, irire bũro maĩrãkoa. ãmũgasima gapure: “Opadũakoa”, ãrĩ gũñarã, irire bũro maĩrãkoa.

Jesús i ãmũgue dupaturi aariburi dupiyuro õãrõ ãmuyudoredea

³⁵ ‘Yu i ãmũgue dupaturi aariburi dupiyuro õãrõ ãmuyuanerãgue ããrĩka! Sĩãgodirure sĩãgoanerã irirosũ yũre yũka! ³⁶ Sugũ masakũ, mojõshadi pũrogue mojõshari bosenu waamakũ, ãgũrẽ moãboerã ãgũ dujariburire yũkuma. ãgũsã opu ãgũya wiigue goedujaja, ñajãdũagu makãpũrore ãgũ dotemakũ pérã, ãgũrẽ moãboerã mata tũpãkuma. ãgũsã yũrosũta musãde yũ dujariburire yũka!

37 Īgūsā opu goemakū, Īgū doreaderosūta irirā, usuyarākuma. Īgūsā irasirimakū ĩāgū, Īgūsā opu Īgūsārē moāboegu irirosū Īgūsārē: “Baari peoro puro doarā aarika!” āriḡukumi Īgūsārē baari ejobu. 38 Īḡūrē moāboerā Īgū űami deko āārīmakū, o boyoripoe āārīmakū, Īgū goeburire ōārō yúanerā āārīsīā, usuyarākuma. 39 Ire masīka! Sugū wii opu Īḡūya wiigie yajarimasū ejaburi horare masīḡū, Īḡūrē yúkumi Īḡūya wiigie űajāburire kāmutabu. 40 Irasirirā musāde ōārō yúka! Yu āārīpererā tīḡū ḡūñaña marīrō aarigukoa. Irasirirā yaare iririre neō piriro marīrō yure yúka musā! āriyupu Jesús.

Jesús pērā moāboerimasā keori merā buedea
(Mt 24.45-51)

41 Īḡū irasū ārīmakū, Pedro gapu sērēñayupu:
–Ḡua Opu, i keori merā wereḡu, ḡua ditare wereḡu yári, o āārīpererārē wereri? āriyupu.

42 Īḡū irasū ārīmakū, Jesús gaji keori merā āsū ārī wereyupu Īḡūsārē doja:
–Sugū moāboerimasū Īḡū opure bñremugū ōārō pémasīḡū āsū irikumi. Īḡū opu gajirogue waagú, Īḡūrē: “Yaa wii marārē ōārō koreka!” ārī píkumi. Irasirigū baaripoe āārīmakū, gajirā moāboerimasārē baarire keoro ejokumi. 43 Irasirigū, Īḡū opu Īḡūya wii goedujajamakū ĩāḡū, Īḡū opu doreaderosūta iriadi āārīsīā, ōārō usuyakumi. 44 Diaye musārē werea. Īḡū irasirimakū ĩāḡū, Īḡū opu āārīpereri Īḡūyare Īḡūrē koredoreḡu píḡukumi. 45 Gajigū moāboerimasū űegū gapu āsū irikumi. “Yu opu yoaripoe deyobemi”, ārī ḡūñagū, gajirā Īḡū opure moāboerārē űmarē, nomedere űerō pábira, baa, iirí, mejākumi. 46 Īḡū irasiriripoe ḡūñaña marīrō Īḡū opu goejakumi. Īḡūrē moāboegu gapu: “Īḡū iri hora goegukumi”, ārīmasībirikumi. Irasirigū Īḡū opu goejagu, Īḡū űerō irideare péḡu, Īḡūrē bñro wajamoāḡukumi. Marīpüre bñremumerārē béorogue Īḡūrē béogukumi.

47 Irasirigū sugū moāboerimasū Īḡū opu iridorerire masīkereḡu, ōārō āmubiri, irire neō iribirimakū ĩāḡū, Īḡū opu Īḡūrē wajamoā, bñro tārāḡukumi. 48 Gajigū moāboerimasū gapu Īḡū opu iridorerire masībi, irire iribirimakū ĩāḡū, Īḡū opu Īḡūrē sīrūweyata tārāḡukumi. Marīpu masakare Īḡū iridorerire masīmakū yámi. Irasirigū ōārō masīḡūrē Īḡū iridorerire ōārō iridoremi. Pupu Īḡūrē masīnemomakū irigū, Īḡū iridea nemorō ōārīrē iridoremi, āriyupu Jesús.

Jesús: “Masakare ḡāme dukawarirākuma”, ārī weredea
(Mt 10.34-36)

49 Pupu Jesús Īḡūsārē āriyupu doja:
–Béoadere peame merā soebéorosū i űmu marā űerō iririre béogu aarigú iribu. Dapagoragāta iri űerī āārīpererire soebéomakū ĩādusasiadāa. 50 Yu űerō tarigukoa. Yu űerō tariburire ḡūñagū, bñro bujawereri merā āārīrikua. Irasirigū irire tariwerepeogugue bñro usuyagukoa. 51 Musā yure: “Īḡū i nikūguere aarigú, masakare siñajārī merā ḡāme āārīrikumakū irigū aarimí”, ḡārī ḡūñarī? Irasū āārībea. Musārē werea. Masakare Īḡūsā basi ḡāme dukawarimakū irigū aaribú. Irasirirā surāyeri yure bñremurākuma. Gajirā yure bñremubirikuma. 52 Dapagā merā su wii marā su mojō marā yaa kerere péadero ppu, Īḡūsā basi ḡāme dukawarirākuma. Ūrerā, pērā merā, pērā, urerā merā ḡāme ĩaturirākuma. 53 Surāyeri masaka yure bñremunugādero ppu, gajirā yure bñremubiridero ppu, āsū waarākuma. Sugū Īḡū magūrē ĩaturigukumi yure bñremumakū ĩāḡū. Gajigū Īḡū pagure ĩaturigukumi. Gajigo igo magōrē ĩaturigokumo. Gajigo igo pagore ĩaturigokumo. Sugo máñekō igo bepore ĩaturigokumo. Sugo bepo igo máñekōrē ĩaturigokumo yure bñremumakū ĩāḡō, āriyupu Jesús.

*Masaka Jesús iririre ãmasĩbiridea
(Mt 16.1-4; Mr 8.11-13)*

⁵⁴ Pũũ Jesús masakare ãsũ ãrĩ wereyupũ doja:

–Mũsã abe ñajãrõ gapũ ñĩmikãyeborire ãrã: “Deko merẽburo yãa”, ãrã. Mũsã ãrãderosũta waãa. ⁵⁵ Sur gapũ merã mirũ aarimakũ: “Asirinũ ããrĩrokoa”, ãrã. Mũsã ãrãderosũta asirinũ ããrã. ⁵⁶ Mũsã irikatorikũrã, i nikũmarẽ, ãmarõmarẽ ãrã: “Õãrĩnũ, o ñerĩnũ waarokoa”, ãrĩ masĩa. Irire õãrõ masĩkererã, ¿nasirirã inũrĩrẽ Marĩpũ turari merã yũ iri ñmurĩ gapũre ãrã, neõ õãrõ pẽmasĩberi? ãrĩyupũ.

*Marĩrẽ ãaturigũre õãrõ merã gãme ãmudoredea
(Mt 5.25-26)*

⁵⁷ Irasũ ãrĩ odo, ãsũ ãrĩnemoyupũ doja:

–¿Mũsã diayema iririre ãã beyemasĩberi dapa? ⁵⁸ Sugũ mũsãrẽ weresãduamakũ, ãgũ merã oparã pũroque waarã, ãgũrẽ: “Dupaturi irasũ iribirikoa”, ãrĩ gãme ãmuka! Mũsã ãgũrẽ ãmubirimakũ, weresãrĩrẽ beyerimasãguere mũsãrẽ weresãgũkumi. Pũũ beyerimasũ mũsãrẽ peresu iridoregũ, suraraguere wiagũkumi. ⁵⁹ Mũsãrẽ werea. Beyerimasũ mũsãrẽ wajaridorerire mũsã wajaripeobirimakũ, neõ mũsãrẽ wiubirikumi, ãrĩyupũ.

13

Jesús masakare: “Mũsã gũñarĩrẽ gorawayuka!” ãrĩdea

¹ Jesús irasũ ãrĩripoe gajirã ãgũrẽ ãsũ ãrĩ wereñurã:

–Galilea marã Marĩpũ ãũrõ waibũre wẽjẽ, soepeo bũremuripoe Pilato gapũ ãgũsãrẽ wẽjẽyupũ. ãgũ irasũ wẽjẽmakũ, waibũ dí merã masaka dí morẽãkõãyuro, ãrĩñurã. ² ãgũsã irasũ ãrĩmakũ pẽgũ, Jesús ãrĩyupũ:

–Pilato wẽjẽnerãrẽ, ¿naásũ gũñarĩ? ¿ãgũsã irasũ wẽjẽsũrã, gajirã Galilea marã nemorõ ñerã ããrĩdea waja boayuri? ³ ããrĩbea. Mũsãrẽ werea. Mũsãde ñerĩ iririre bũjaweremerã, mũsã gũñarĩrẽ gorawayumerã, boarã, perebiri peamegue waarãkoa. ⁴ Irinũgue gajirã dieciocho masakare Siloé wãĩkũri wii ãmarĩ wii ãgũsã weka tũridija, tãũ wẽjẽyuro. ¿Naásũ gũñarĩ mũsã ãgũsãrẽ waadeare? ¿ãgũsã irasũ boarã, gajirã Jerusalén marã nemorõ ñerã ããrĩdea waja boayuri? ⁵ ããrĩbea. Mũsãrẽ werea. Mũsãde ñerĩrẽ bũjaweremerã, mũsã gũñarĩrẽ gorawayumerã, boarã, perebiri peamegue waarãkoa, ãrĩyupũ Jesús.

Jesús higuera gũ dũka marĩdi keori merã werede

⁶ Jesús ãgũsãrẽ irasũ ãrĩ odo, keori merã wereyupũ:

–Pooe opũ ãgũya pooegue ãgũ otedi higuera gũ wãĩkũdire opakumi. Sunũ: “Dũkakũkoa”, ãrĩ, ããgũ waakumi. Neõ bokabirikumi. Dũka marĩkoa. ⁷ Bokabirisĩã, iri pooe moãgũrẽ werekumi: “ããka! Ñre bojorigora igũ dũkare ãmadãa. Dũka mãa. Irasirigũ irigure pãbẽokõãka! Dũka marĩkerero, gajino oteboaderore kãmutanĩa”, ãrĩkumi. ⁸ ãgũ irasũ ãrĩmakũ pẽgũ, ãgũrẽ moãboegũ ãsũ ãrĩkumi: “Yũ opũ, i bojorigora tamerãrẽ ñĩñaburo dapa. Yũ irigũ pũrore nikũrẽ sea odo, waibũ gũra merã ãjãtũñagũra. ⁹ Yũ irasũ iriadero pũũ, gajipoe iriro dũkakũbukoa. Dũka marĩmakũ ããgũ, pãbẽodoreka!” ãrĩkumi, ãrĩ wereyupũ Jesús.

Siñajãrĩnũ ããrĩmakũ, Jesús dupamutĩrõ ñĩgõrẽ taudea

¹⁰ Sunũ judío masaka siñajãrĩnũ ããrĩmakũ, Jesús ãgũsã nerẽrĩ wiigũe buegũ iriyupũ. ¹¹ Iro sugo nomeõ dieciocho bojorigora pũrĩrikũgo ããrĩyupũ. Wãtĩ igore dupamutĩrõ ñĩmakũ iriyupũ. Irasirigo diaye ñĩmasĩbiriyupũ. ¹² Igo irasũ ããrĩmakũ ããgũ, Jesús igore: “Aarika!” ãrĩ siuyupũ:

—Nomeō, m_u pūrīrikuri tausūsiáa, āriyup_u.

¹³ Irasū āriḡāta, igore ĩḡūya mojōrī merā ñapeoyup_u. ĩḡū ñapeomakūta, diaye níyupo. P_ur_u Marīp_ure: “Ōātaria m_u”, ārī, _us_uyari sīn_uḡāyupo. ¹⁴ Jesús siñajārīn_u igore taumakū ĩḡū, iri nerērī wii op_u gap_u ĩḡū merā guayup_u. Irasirig_u, masakare āsū āriyup_u:

—Semanarik_u, marī moārīn_urī, su mojōma pere gaji mojō suru pērēbejarin_urī āārā. Irasirirā m_usā pūrīrikurā taudored_uarā, irin_urīrē taudorerā aarika! Dapagāno marī siñajārīn_urē irinorē iribirikōārō ḡāamea, āriyup_u.

¹⁵ ĩḡū irasū ārīmakū péḡ_u, marī Op_u Jesús āsū āriyup_u:

—M_usā irikatorikurā āārā. M_usā wek_ure, o burrore oparā siñajārīn_u āārīkeremakū, ĩḡūsārē s_uadeadarire kura, ĩḡūsārē deko iirīdorerā āībuáa. ¹⁶ Igore Abraham parāmeō āārīturiagore wātēa op_u Satanás dieciocho bojorigora pūrīrik_umakū irimi. Iro merē siñajārīn_u āārīmakū, ĳigore taubirikōārō ḡāameadayuri? āriyup_u Jesús. ¹⁷ ĩḡū irasū ārīmakū pérā, Jesúsre ĩāturirā āārīpererā ḡ_uyasīrīperekōāñurā. Gajirā gap_u āārīpereri Jesús oārī iririre ĩārā, _us_uyañurā.

Jesús mostaza wāik_uri yegā puri masādea keori merā werede
(Mt 13.31-32; Mr 4.30-32)

¹⁸ P_ur_u āriyup_u doja:

—Marīp_u ĩḡūyarārē doreri, ĳñeéno irirosū āārīkuri? ĳñeéno keori merā werēḡ_ukuri? ¹⁹ I irirosū āārā. Suye oteriyē mostaza wāik_uri yegārē oterosū āārā. Iri yegārē sug_u masak_u ĩḡūya poeḡue otekumi. ĩḡū oteadero p_ur_u, yuk_u wádi irirosū puri, masākoa. Irasirirā mirā wārā irig_u d_up_urigue ĩḡūsāya suri suakuma, āriyup_u.

Jesús pā wemasārī morērī poga keori merā werede
(Mt 13.33)

²⁰ Dupaturi keori merā werenemoyup_u:

—Marīp_u ĩḡūyarārē dorerire, ĳñeéno keori merā werenemog_ukuri? ²¹ I irirosū āārā. Pā wemasārī morērī poga irirosū āārā. Sugo nomeō pā irigo, mérōḡā pā wemasāmakū iriri poga merā trigo pogare morēkumo. Igo irasū morēadero p_ur_u, iri poga mérōḡā āārīkerero, wemasāseyakōākoa, āriyup_u.

Jesús eyabiri makāp_urore ñajāri keori merā werede
(Mt 7.13-14, 21-23)

²² P_ur_u Jesús Jerusalēḡue waagú, paga makārīrē, mutā makārīḡādere bue-tariwāḡāyup_u. ²³ Iroḡue sug_u masak_u ĩḡūrē āsū ārī sērēñayup_u:

—Y_u Op_u, ĳMarīp_u perebiri peameḡue waabonerārē taumurā mérāḡā āārīkuri? āriyup_u.

ĩḡū irasū ārīmakū péḡ_u, Jesús i keori merā wereyup_u:

²⁴ —Marīp_u p_uroḡue ñajād_uarā, ĩḡūyare irika! M_usārē werea. Wārā ĩḡū p_uroḡue ñajād_uakererā, ñajāmasībirikuma. Iroḡue ñajād_uamakū diasagorāa. Eyabiri makāp_uro ñajārō irirosū āārā. ²⁵ Marīp_u, sug_u wii op_u irirosū āārīmi. Wii op_u wāḡān_uḡā, makāp_urore biadero p_ur_u, m_usā gap_u makāp_uroḡue āārīrā ĩḡūya wiire ñajād_uarā, āsū ārīrākoa ĩḡūrē: “ḡ_ua op_u, ḡ_uare tūpāsóoḡ_u aarika!” ārīrākoa. Irasū ārīkeremakū, wii op_u gap_u: “M_usārē masībea. Noó marā āārīrā āārīkoa”, āriḡ_ukumi. ²⁶ ĩḡū irasū ārīmakū, m_usā gap_u āsū ārīrākoa: “ḡ_ua m_u merāta baa, iirī irib_u. ḡ_uaya makāḡuedere bueḡorenabu”, ārīrākoa. ²⁷ M_usā irasū ārīmakū, āsū y_uj_uḡ_ukumi: “ ‘M_usārē masībea. Noó marā āārīrā āārīkoa’ ārīsiáa. M_usā ñerō irirā āārā. Irasirirā āārīpererā waaka! Y_u p_urore wirika!” āriḡ_ukumi wii op_u m_usārē. ²⁸ Irasirirā, Abraham, Isaac,

Jacob, aaripererã Marĩpũya kerere weredupiyunerã merã Marĩpũ ĩgũyarãrẽ dorerogue aarĩmakũ ĩãrã, musã gapũ makãpũrogue béosũnerã aarĩsĩã, pũrĩsũrã musãya guikare kũrĩduútú orerãkoa. ²⁹ Irasũ waaripoere norte marã, sur marã, abe mũrĩro marã, abe ñajãrõ marã Marĩpũ ĩgũyarãrẽ dorerogue eja, usũyari merã baa doanĩrãkuma. ³⁰ Irasirirã dapagorare ubu aarĩrã, pũrũguere oparã dujarãkuma. Dapagorare: “Oparãgora aarã”, aarĩrã gapũ pũrũguere ubu aarĩrã dujarãkuma, aarĩyupũ Jesús.

Jesús Jerusalén marãrẽ ĩãgũ oredea
(Mt 23.37-39)

³¹ Jesús irasũ aarĩripoe surãyeri fariseo bumarã ĩgũ pũrogue eja, aasũ aarĩnurã: —Herodes mũrẽ wẽjẽduami. Irasirigũ gajirogue waaka! aarĩnurã.

³² Jesús gapũ ĩgũsãrẽ yũjũyupũ:

—Aasũ aarĩ wererã waaka, ĩgũ aarĩkatorikũgure: “Dapagãrẽ, ñamigãdere aasũta irigũra. Wãtẽarẽ béowiugũkoa. Pũrĩrikũrãrẽ taugũkoa. Irasirigũ ñamigã sinũ gapũ odogũkoa”, aarãmi, aarĩ wereka ĩgũrẽ! ³³ Dapagã, ñamigã, ñamigã sinũ gapũdere Jerusalẽgue waagũra. Iro marã Marĩpũya kerere weredupiyunerãrẽ wẽjẽnerã aarĩmã. Irasirigũ yũre Marĩpũya kerere weredupiyugũre ĩgũsã wẽjẽbure iri makãgue aarĩrõ gããmea.

³⁴ Mũsã Jerusalén marã Marĩpũya kerere weredupiyurimasãrẽ wẽjẽkõãa. ĩgũ iriunerãrẽ ãtãyeri merã dea wẽjẽa. Wãri yũ musãrẽ, aagãbo igo pũrãrẽ, igoya kẽdupũri merã neeõnũrõsũ neeõnũduadibũ. Mũsã gapũ yũ irasũ irimakũ neõ gããmebiribũ. ³⁵ Irasiriro musã aarĩrĩ makã, béodea makã dujarokoa. Mũsãrẽ diayeta werea. Mũsã yũre dupaturi ĩãbirikoa. Pũrũgue musã: “Marĩpũ iriudi õatarigũ õãrõ aariburo”, aarĩrã, yũre dupaturi ĩãrãkoa doja, aarĩyupũ Jesús.

14

Jesús sugũ bijiri pũrĩrikũgure taudea

¹ Sunũ Jesús, judío masaka siñajãrĩnũ aarĩmakũ, sugũ fariseo bumarã opũya wiigũe baagũ waayupũ. Irogue aarĩrã gajirã fariseo bumarã ĩgũrẽ ĩãnurũnikõããnurã. ² ĩgũsã baaro pũrogue sugũ masakũ bijiri pũrĩrikũgũ Jesús diaye aarĩyupũ. ³ Irasirigũ Jesús, Moisés gojadeare buerimasãrẽ, fariseo bumarãdere aasũ aarĩ sãrẽñayupũ:

—Siñajãrĩnũ aarĩmakũ, ¿sugũ pũrĩrikũgũre taudoreri, o taudoreberi? aarĩyupũ.

⁴ ĩgũ irasũ aarĩmakũ pérã, neõ yũjubirĩnurã. ĩgũsã yũjubirimakũ ĩãgũ, Jesús bijiri pũrĩrikũgũre tauyupũ. Odo, ĩgũrẽ: “Õãrõ waaka!” aarĩyupũ. ⁵ Pũrũ ĩgũsãrẽ sãrẽñayupũ doja:

—Siñajãrĩnũ aarĩkeremakũ, musãyagũ burro, o musãyagũ wekũ gobegue meẽñajãdire ĩãrã, ¿mata ãi wiubiribukuri? aarĩyupũ.

⁶ ĩgũsã gapũ, ĩgũ irasũ aarĩ sãrẽñarĩrẽ yũjũmasĩbiriñurã.

Mojõsũari bosenu siiusũnerãya keori merã werede

⁷ Jesús fariseo bumarã opũya wiigũe aarĩgũ, iri wiimũ siuanerã ejamakũ ĩãyupũ. ĩgũsã õãrĩ doaripẽrĩrẽ beyẽnurã, oparã irirosũ doamurã. ĩgũsã irasirimakũ ĩãgũ, Jesús i keori merã wereyupũ ĩgũsã aarĩpererãrẽ:

⁸⁻⁹ —Sugũ wii opũ mojõsũari bosenu irigũ musãrẽ siuadero pũrũ, musã ĩgũya wiigũe ejarã, oparã doarire beye doabirikõãka! Iri wii opũ gajirã ĩgũ siuanerãrẽ musã nemorõ gopeyarã ejamakũ ĩãgũ, musãrẽ aasũ aarĩgũkumi: “Ĩsã gapũre musã doarire sũka! Musã gapũ sõõgue doarã waaka!” aarĩgũkumi. ĩgũ irasũ aarĩmakũ pérã, musã gũyasĩrĩrĩ merã ubu aarĩrã doarigũe doarã waarãkoa. ¹⁰ Irasirirã, wii opũ musãrẽ siiumakũ, ubu aarĩrã doarigũe doaka!

Musã irasirimakũ ããgũ, iri wii opũ musãrẽ: “Oparã doarigue doarã aarika!” ããrigũkumi. Ñgũ irasirimakũ ããrã, gajirã ñgũ siiuanerã musãrẽ bũremurĩ merã ããrãkuma. ¹¹ Sugũ ñgũ basi: “Gajirã nemorõ ããrã”, ããrĩ gũñagũnorẽ Marĩpũ ñgũrẽ ubu ããrĩgũ dujamakũ irigũkumi. Gajigũ: “Gajirã nemorõ ããrĩbea”, ããrĩ gũñagũ gapũre Marĩpũ ñgũrẽ gajirã nemorõ ããrĩmakũ irigũkumi, ããrĩyupũ.

¹² Irasũ ããrĩ odo, ñgũrẽ siiuadire ããsũ ããrĩyupũ:

—Mũ bosenu irigũ, mũ merãmarãrẽ, mũ pagũpũrãrẽ, mũyarãrẽ, doebiri oparãrẽ siiubirikõãka! Mũ ñgũsãrẽ siiumakũ, mũrẽ ñgũsãde siiu gãmibukuma. Ñgũsã irasiriri merã ñgũsã baadeare mũrẽ ejo gãmibukuma. ¹³ Mũ bosenu irigũ, boporãrẽ, poyarimasãrẽ, guburi bũanerãrẽ, koye ããmerãrẽ siiuka! ¹⁴ Mũ irasirimakũ, Marĩpũ mũrẽ õãrõ irigũkumi. Ñgũsãrẽ mũ siiudea waja, ñgũsã mũrẽ siiu gãmibirikuma. Irasirigũ Marĩpũ diayemarẽ irirã boanerãrẽ masũrĩnũ ããrĩmakũ, mũrẽ õãrĩrẽ wajarigũkumi, ããrĩyupũ Jesús.

Jesús bosebaarinũ keori merã buedea

¹⁵ Ñgũ irasũ ããrĩmakũ pẽgũ, sugũ irogue baa doanĩgũ ñgũrẽ ããrĩyupũ:

—Marĩpũ ñgũyarãrẽ dorerogue ñgũ pũro baa doanĩrã bũro mũyarãkuma, ããrĩyupũ.

¹⁶ Ñgũ irasũ ããrĩmakũ, Jesús keori merã wereyupũ ñgũrẽ:

—Sugũ wãri bosebaarinũ irigũ wãrã masaka siiukumi. ¹⁷ Ñgũ siiuadero pũrũ, bosenu ããrĩrĩnũrẽ ñgũrẽ moãboegũre ñgũ siiuanerãrẽ weredoregũ iriukumi. “Aarika! ããrĩpereri bosenu marẽ ããmusiami”, ããrĩ weredorekumi. ¹⁸ Ñgũ irire weremakũ pẽrã, ããrĩpererã: “Masĩña máa, waabirikoa”, ããrĩkuma. Ñgũ siiupũrorisũadi moãboegũre ããsũ ããrĩkumi: “Dapagorata nikũ wajari odo. Irore ããgũ waabu yãa. Irasirigũ mũ opũre: ‘Masĩña máa, waabirikoa’, ããrãmi, ããrĩ wereka!” ããrĩkumi. ¹⁹ Gajigũ ããsũ ããrĩkumi: “Wekũa pe mojõmarã wajariabu. Ñgũsãrẽ keõnagũ waabu yãa. Irasirigũ mũ opũre: ‘Masĩña máa, waabirikoa’, ããrãmi, ããrĩ wereka!” ããrĩkumi. ²⁰ Gajigũ ããsũ ããrĩkumi: “Yũ dapagorata mojõsũa odo. Irasirigũ iri bosenu rẽ waabirikoa”, ããrĩkumi. ²¹ Ñgũ irasũ ããrĩmakũ, moãboegũ gapũ goedujãa, ñgũ opũre ñgũsã ããrãdeare werekumi. Ñgũ weremakũ pẽgũ, opũ bũro gua, ããsũ ããrĩkumi ñgũrẽ moãboegũre: “Murĩgorãa. Makã dekoma maarĩgue ããrĩrãrẽ ããmagũ waaka! Irasirigũ boporãrẽ, poyarimasãrẽ, koye ããmerãrẽ, gubu bũanerãrẽ mumurõ merã yaa wiigue ããrĩka!” ããrĩkumi. ²² Pũrũ moãboegũ ñgũ opũre werekumi: “Yũ opũ, mũ doreaderosũta masakare siiuabu. Wii gapũre utũribema dapa”, ããrĩkumi. ²³ Ñgũ irasũ ããrĩmakũ pẽgũ, ñgũ opũ ñgũrẽ dorekumi doja: “Maarĩgue waaka! Paga maarĩgue, mũtã maarĩgãgue mũ bokajarãrẽ turaro merã siiuwãgãrĩka! Irasirimakũ, yaa wiire utũrirãkuma. ²⁴ Diayeta mũrẽ werea. Neõ sugũ yũ siiupũroriadinẽrã baaboadeare mérõgã baabirikuma”, ããrĩkumi opũ ñgũrẽ moãboegũre, ããrĩ wereyupũ Jesús.

Jesús: “Sugũ yũre tũyadũamakũ diasagorãa”, ããrĩ weredea (Mt 10.37-38)

²⁵ Wãrã masaka Jesũre tũyãñũrã. Irasirigũ ñgũsãrẽ gãmenugã ãã, ããsũ ããrĩyupũ:

²⁶ —Sugũ yaa buerire buetũyadũagũ, ñgũ pagũre, pagore, marãpore, pũrãrẽ, pagũpũrãrẽ, pagũpũrã nomerẽ, ñgũ basi maĩrõ nemorõ yũ gapũre maĩrõ gããmea. ²⁷ Sugũ yũre tũyadũari waja curusague pábiatũ wẽjẽsũbu irirosũ ããrĩkeregũ, yũre neõ piriro marĩrõ yũre tũyanĩkõãburo. Yũre tũyadũabi, yũ buegũ ããrĩmasĩbirikumi. ²⁸ Sugũ, mũsã watopegue ããrĩgũ, ããmarĩ wiire iriburo

dupiyuro: “¿Ñeéno merã iripeogukuri?” ãrĩ gũñagũ, iri wiire iriburi wajakuburire keopurorikumi. ²⁹ Wajakuburire keopuroribi, iri wiire iripeobirikumi. Īgũ iripeobirimakũ ĩãrã, gajirã ĩgũrẽ buridakuma. ³⁰ “Īãka! Īrĩ wiire iriadiñumi. Iripeomasĩbiriñumi”, ãrĩ buridakuma ĩgũrẽ. ³¹ Su nikũ marã opũ, gajigũ opũ merã gãmewējēburo dupiyuro ĩgũyarã surarare keopurorikumi. “¿Yũ diez mil surara merã, gajigũ veinte mil surara opagũ merã gãmewējēgũ waagũ bokatĩubukuri?” ãrĩ gũñakumi. ³² Keoña: “Bokatĩubirikoa”, ãrĩkumi. Irasirigũ, gajigũ opũ ĩgũyarã surara merã gãmewējēgũ aarimakũ, yoarogue ĩgũ ããrĩmakũta: “Gãmewējēbirikõãrã”, ãrĩ kere iriukumi ĩgũyagũre. ³³ I irirosũta yũ buerã ããrĩduarã mũsã iriburire õãrõ gũñadupiyuro gããmea. ãsũ ããrã. Mũsã gããmerĩrẽ piridũamerã yũ buerã ããrĩmasĩbea.

Moã õãrõ okari irirosũ ããrĩrõ gããmea, ãrĩ weredea
(Mt 5.13; Mr 9.50)

³⁴ Moã õãrõ okari ããrĩmakũ õãgorãa. Moã okadea okabirimakũ, dupaturi okamakũ irimasĩña mãa. ³⁵ Moã okabirimakũ õãbea. Békõãrõ gããmea. Irasirirã mũsã moã okabirimakũ bésũburi irirosũ neõ ããrĩbirikõãka! Gãmipũrĩ oparã, ire õãrõ péka! ãrĩ wereyupũ Jesús.

15

Jesús oveja dederidi keori merã buedea
(Mt 18.10-14)

¹ Gajinũ wãrã romano marã opũre niyeru wajaseabosarimasã, ñerõ iririmasãde Jesús pũro ĩgũ buerire pérã ejañurã. ² Īgũsã irasũ ejamakũ ĩãrã, fariseo bumarã, Moisés gojadeare buerimasãde Jesũre ãsũ ãrĩ werewũañurã:

–Īrĩ ñerãrẽ bokatĩrĩñeã, ĩgũsã merã baami, ãrĩñurã.

³ Īgũsã irasũ ãrĩmakũ pégu, Jesús i keori merã wereyupũ ĩgũsãrẽ:

⁴ –Oveja korerimasũ cien oveja opagũ, sugũ oveja dederimakũ ĩãgũ, noventa y nueve ovejare makã tũro ĩgũsã baarogue duripíkõã, dederiadire ãmagũ waakumi. Īgũrẽ bokagũgue ãmuduúkumi. ⁵ Īgũrẽ bokagũ, mũsũyari merã ĩgũrẽ ãĩkõã, ⁶ ĩgũya wiigue ãĩ dujáakõãkumi. ãĩ dujaja, ĩgũ pũro ããrĩrãrẽ, ĩgũyarãrẽ siiu neeõkumi. “Yaagũ oveja dederiadire bokãabũ. Irasirirã yũ merã mũsũyaka!” ãrĩkumi.

⁷ Mũsãrẽ werea. Sugũ ñerõ irigũ, oveja dederiadi irirosũ ããrĩmi. Irasirigũ ĩgũ ñerõ iririre bujawere, ĩgũ gũñarĩrẽ gorawayumakũ, Marĩpũ pũro ããrĩrã burõ mũsũyama. Gajirã wãrã masaka ĩgũsã noventa y nueve oveja, makã tũroogue duripĩnerã irirosũ ããrĩrã, ãsũ ãrĩ gũñadima: “Ñerõ iribeã gũã gapũ. Irasirirã gũã ñerõ iririre bujowereri opabea”, ãrĩ gũñama. Īgũsã irasũ ãrĩ gũñamakũ, Marĩpũ pũro ããrĩrã mũsũyabema.

Jesús niyeru koe dederideã keori merã buedea

⁸ Sugo nomeõ pe mojõma niyeru koeri wajapari koeri opakumo. Su koe dederimakũ ĩãgõ, sĩãgodirure sĩãgo, wiire ooa, õãrõ ãmapeokumo. Iri koere bokagogue ãmaduúkumo. ⁹ Iri koere bokago, igo pũro ããrĩrãrẽ, igoyarãrẽ siiu neeõkumo. “Yaa niyeru koe, dederiadeã koere bokãabũ. Irasirirã yũ merã mũsũyaka!” ãrĩkumo. ¹⁰ Mũsãrẽ werea. Sugũ ñerĩrẽ irigũ ĩgũ ñerĩ iririre bujawere, ĩgũ gũñarĩrẽ gorawayumakũ, Marĩpũre wereboerã burõ mũsũyarãkuma. Īgũ dederiboadi dederibirimakũ ĩãrã, burõ mũsũyarãkuma, ãrĩyupũ Jesús.

Jesús sugũ pẽrã pũrãkũdi keori merã buedea

¹¹ Irasũ ãrĩ odo, Jesús gaji keori merã bueyupũ doja:

–Sugū masakū pērā ūma pūrākukumi. ¹² Sunū pagūmū gapū pagure āsū ārīkumi: “Aū, mū boagū, yure sīburire dapagorata yure sīweoka!” ārīkumi. Īgū irasū ārīmakū pégu, Īgū pūrā pērāguereta Īgū oparire dukawa, sīkumi. ¹³ Mērōgā pūrūta, pagūmū gapū Īgū pagū sīadeare āārīpereri duapeokōākumi. Pūru Īgū duadea waja niyeru merā yoarogue gaji nikūgue waakōākumi. Irogue eja, Īgūya niyerure űerō iriri merā irisiripeokōākumi. ¹⁴ Īgūya niyeru irisiribéoadero pūru, iri nikūguere baari pereakōākoa. Irasirigū burō űaboapūrorinūgākumi. ¹⁵ Irasirigū, sugū iri nikūmū pūro, moārī āmagū waakumi. Īgū gapū Īgūrē Īgūya moārī āārīrōgue yeseare koredoregū iriukumi. ¹⁶ Yapidūagū, yeasea baarireta baadūadikumi. Neō gajirā Īgūrē baari ejobirikuma. ¹⁷ Irasirigū āsū ārī gūñanūgākumi: “Yūpūya wiire wārā Īgūrē moāboerā āārīkeremakū, baari wāro dūyanabū. Yū gapū ōōguere burō űaboari merā kōmogūgue irikoa. ¹⁸ Irasirigū yūru pūrogoe goedujāagūra doja. Āsū ārīgūra Īgūrē: ‘Aū, yū Marīpū ĩūrōrē űerō irikubū. Mūdere irasūta irikubū’, ārīgūra. ¹⁹ ‘Nēgū āārā. Yure: “Yū magū āārā”, ārībirikōāka! Irasirigū yure sugū mūrē moāboegū irirosū opaka!’ ārīgūra yūpūre”, ārī gūñakumi. ²⁰ Irasū ārī gūña, maague waa, Īgū pagūya wiigū goedujāakōākumi.

‘Īgū yoarogue aarimakūta, Īgū pagū Īgūrē ĩā, burō bopoñakumi. Pūru ūmawāgā, Īgūrē bokatīrī, pābua, mimi irikumi. ²¹ Irasirigū Īgū pagure ārīkumi: “Aū, yū Marīpū ĩūrōrē űerō irikubū. Mūdere irasūta irikubū. Nēgū āārā. Yure: ‘Yū magū āārā’, ārībirikōāka! Irasirigū yure sugū mūrē moāboegū irirosū opaka!” ārīkumi Īgū pagure. ²² Īgū irasū ārīkeremakū, Īgū pagū gapū Īgūrē moāboerārē ārīkumi: “Murīgorāa. Surī ōārīrē āārā waa, sāka! Mojōsūrū tūsārī berodere sāka! Gubu surīdere sāka! ²³ Wekū majīgū ōārō diikūgūre āārā waa, wējēka, Īgūrē baa, yū magū goejari bosenu irimurā. ²⁴ ĩi yū magū boakōākumi, ārādi goejami. Okami. Dederidire marī bokāa”, ārīkumi. Pūru bosenu irinūgākuma.

²⁵ ‘Īgūsā bosenu iriripoe, masā tīgū gapū poeogū āārīkumi. Irogue āārādi goedujarigū, wii pūro ejagū, Īgūsā bayarire pékumi. ²⁶ Īgūsā bayamakū pégu, sugū Īgū pagure moāboegūre siu, sērēñakumi: “¿Naāsū waāari wiiguere?” ārīkumi. ²⁷ “Mū pagūmū pūrīrī marīgū, ōāgū goejami. Irasirigū mūru űsuyari merā wekū majīgū diikūgūre wējēdoreami”, ārī yūjukumi moāboegū Īgūrē. ²⁸ Īgū irasū ārī weremakū pégu, masā tīgū gapū burō guakumi. Wiigū űājābirikumi. Īgū űājābirimakū ĩāgū, Īgū pagū wiria, Īgūrē: “Nājārika!” ārādikumi. ²⁹ “Aū, péka! Yū wāri bojori mū dorerire neō suñarō tarinūgārō marīrō mūrē moābosabū. Yū irasirikeremakū, neō sugū waibū sībiribū, yū merāmarā merā bosenu iriburo, ārīgū. ³⁰ ĩi mū magū gapū űerā nome merā mūyare irisiribéodi āārīmī. Irire irisiribéo odo, Īgū goejamakū, wekū diikūgūre Īgūrē wējē, ejoa”, ārīkumi Īgū pagure. ³¹ “Makū, mū yū merā āārīnīkōāa. Irasiriro āārīpereri yū opari mūya dita āārā. ³² ĩi mū pagūmū boakōākumi, ārādi goejami. Okami. Dederidire marī bokāa. Irasirirā Īgū goejamakū, marī bosenu iri űsuyamakū ōāgorāa”, ārīkumi Īgū magūrē, ārī wereyupū Jesús.

16

Jesús, wāri doebiri opagūyare koreboegū keori merā weredeā

¹ Jesús irasū ārī odo, Īgū buerārē i keori merā wereyupū:

–Sugū masakū wāri doebiri opagū āārīkumi. Irasirigū, Īgūyare koregure opakumi. Gajirā gapū Īgū ōārō korebirimakū ĩārā, Īgū opūguere: “Mūya niyerure irisirigū iriami”, ārī weresākuma. ² Īgūsā weresāmakū pégu, Īgūyare

koregure siiu: “Gajirā yaa niyeru mu irisiririre weresāma. Yaare mu moārīrē gojatūri pūrē yare ĩmuka! Irasirigu yaare korenemobirikōāka pama!” ārikumi ĩgū opu ĩgūrē. ³ ĩgū irasū ārimakū, niyeru koregū āsū āri gūñakumi: “Yū opu yare béowiubu yāmi. Yū turabea. Irasirigu turaro moārīrē bokatīūbirikoa. Gajirārē niyeru sērē doanīgū, gūyasīrīgorakoa. ¿Nasirigukuri yū?” āri gūñakumi. ⁴ Pūru gūñanemokumi doja: “Dapagorare yū iriburire masīsīāa. Yūre moārī marīmakū, yū āsū irimakū ĩārā, yare gajirā ĩgūsāya wiirigue ñajādorērākuma”, āri gūñakumi. ⁵ Irasirigu, ĩgū opure wajamorārē sugūno ditare siiu, sērēñakumi ejaḡarorigure: “¿Yū opure noópa wajamorī mu?” āri sērēñakumi. ⁶ Wajamogū ĩgūrē yujukumi: “Cien dukari olivo wāikudi uyere wajamokoa”, ārikumi. ĩgū irasū āri weremakū, āsū ārikumi ĩgūrē: “Doaka, murīgorāa! Mu wajamorīrē gojatúdea pū, i pū āārā. Iri pūrē āi, gaji pūguere cincuenta dukarita gojatúka!” ārikumi. ⁷ Pūru gajigure sērēñakumi: “¿Mukoa, noópa wajamorī?” ārikumi. Wajamogū ĩgūrē yujukumi: “Cien trigo ajuri wajamokoa”, ārikumi. ĩgū irasū ārimakū, āsū ārikumi ĩgūrē: “Mu wajamorīrē gojatúdea pū, i pū āārā. Iri pūrē āi, gaji pūguere ochenta ajurita gojatúka!” ārikumi. ⁸ ĩgū opu, ĩgū irasū oārō irikatomerēmakū ĩāgū: “Mu ñegū āārīkeregū, mu masīrī merā oārō niyerure moāmasīa”, ārikumi. I ũmugue marā Marīpūre masībirikererā, Marīpūyarā ĩgūsāya niyerure moāmasīrō nemorō moāmasīma, āri wereyupu Jesús.

⁹ Irasū āri odo, āsū āri werenemoyupu:

–Musā i ũmuma oparire boporārē sīka, musārē maĩburo, ārīrā! Musā irasū sīmakū, musā opadea pereadero pūru ũmugasigūe musā ejamakū, iroguē āārīrā musārē usuyari merā bokatīrīñeārākuma.

¹⁰ Sugū mērīgā opari merā oārō irigu, wāri opari merādere oārō irigukumi. Gajigu mērīgā opari merā oārō iribi, wāri opari merādere oārō iribirikumi.

¹¹ Musā i ũmuma merā oārō iribirimakū, ¿noā Marīpūyare diaye oārī oparire sībukuri musārē? ¹² Gajigūyare musā oārō iribirimakū, ¿noā musā oārō āārīburire sībukuri musārē?

¹³ Neō sugū moārīmasū pērā oparārē moāboemasībirikumi. Sugū opure maīgū, gajigu ḡapure maĩbirikumi, o sugū opure bāremugū, gajigu ḡapure yujūbirikumi. ĩgūsā irirosūta niyerure maĩtarigu, Marīpū ḡapure maĩbemi, ārīyupu Jesús.

¹⁴ ĩgū irasū ārimakū pērā, fariseo bumarā ḡapū niyerure maĩrā āārīsīā, ĩgūrē bārīdāñurā. ¹⁵ ĩgūsā irasū bārīdamakū pēgū, Jesús ĩgūsārē wereyupu:

–Musā, masaka ĩūrōrē oārō iriadāa. ĩgūsā, musā iririre ĩārā: “Oārā diayemarē irirā āārīma”, ārīrē buro péduāa. Marīpū ḡapū musā gūñārīrē masīmi. Masaka ĩgūsā basi iririre: “Oātaria”, āri gūñadima. Marīpū ḡapū ĩgūsā iririre: “Ñetaria”, āri ĩāmi.

Jesús, Marīpū dorere, ĩgū marī Opū āārīrē weredeā

¹⁶ Juan masakare wāiyedi ejaḡuro dupiyuro Marīpū ĩgū Moisére doreri pīdea merā, ĩgūya kerere weredupiyunerā buedeā merā marīrē doredi āārīmī. Dapagora ḡapure Juan ejadero pūru, Marīpūya oārī kerere, ĩgūyarārē dorere yū wereā. Yū irire weremakū pērā, masaka ĩgūsā turari merā ĩgūyarārē dorerogūere buro ñajādūama.

¹⁷ ũmugasi, i nikūde pererokoa. Iri perekeremakū, Marīpū Moisére doreri pīdeare neō béobirikumi. Iri doreri merā āārīpereri ĩgū: “Āsū irigūra”, ārīdeare iriyuwarikugukumi ĩgū ārīderosūta, ārīyupu Jesús.

Jesús masakare: “Musā marāposā nomerē béobirikōāka!” āri buedeā (Mt 19.1-12; Mr 10.1-12)

¹⁸ Irasũ arĩ odo, asũ arĩnemoyupũ:

–Sugũ ĩgũ marāpore béo, gajigo merā marāpokũgũ, igo merā ñerō irigũ yámi. Gajigũ béodeore marāpokũgũde igo merā ñerō irigũ yámi, arĩyupũ.

Jesús doebiri wári opagũya, gajigũ Lázaro wāikũgũya keori merā buedea

¹⁹ Pũgũ Jesús gaji keori merā wereyupũ doja:

–Sugũ wári doebiri opagũ aārĩdi aārĩmĩ. Surĩ wajaparire sãñadi aārĩmĩ. Irasirigũ wári opagũ aārĩsĩã, umũrikũ bosenu irigũ irirosũ oārĩ ditare baarikũdi aārĩmĩ. ²⁰ Gajigũ bopogu Lázaro wāikũgũ, ĩgũya dupũ aārĩperero kāmikũgũ wári doebiri opagũya wii makāpũro doanadi aārĩmĩ. ²¹ Wári doebiri opagũ baamakũ, bopogu gapũ ĩgũ baasiridijuri pogare baayapidũagũ, sea, baadi aārĩmĩ. ĩgũ iro doaripoe diayéa ĩgũ pũro eja, ĩgũya kāmire neerēnerā aārĩmĩ.

²² Pũgũ bopogu boakōãdi aārĩmĩ. ĩgũ boamakũ, Marĩpũre wereboerā paraíso wāikũrogue Abraham aārĩrōgue ĩgũrē aĩmũrĩãnerā aārĩmĩ. Mérōgã pũgũ wári doebiri opagũde boakōãdi aārĩmĩ. ĩgũ boamakũ, ĩgũrē yáanerā aārĩmĩ. ²³ Irasirigũ doebiri opagũ aārĩdi boanerā aārĩrōgue ejagu, bũro poyari merā aārĩdi aārĩmĩ. ĩgũ irogue aārĩgũ, umũgasigue ĩãmu, Abrahãrē yorogue aārĩmakũ ĩãdi aārĩmĩ. Lázarodere ĩgũ merā aārĩmakũ ĩãdi aārĩmĩ. ²⁴ Irasirigũ bũro gaguinĩdi aārĩmĩ: “Yũ ñekũ Abraham, bopoñarĩ merā ĩãka yũre! Lázarore iriuka! ĩgũ yũre ĩgũya mojōsũrũ merā dekore yosa, yaa nedirure yũsañajãmakũ irigũ aariburo. Yũ i peameguere bũro poyagũ irikoa”, arĩdi aārĩmĩ. ²⁵ ĩgũ irasũ arĩkeremakũ, Abraham gapũ ĩgũrē asũ arĩdi aārĩmĩ: “Makũ, okagũ aārĩgũgue aārĩpererire oārĩrē opabũ mũ. Lázaro gapũre umũrikũ ñerō waabũ. Dapagorare mũ ñerō tariripoere ĩgũ gapũ oōguere usũyari merā aārĩkōãgũ yámi.

²⁶ Gaji asũ aārã. Őkũarĩ gobe miē aārã. Irasirirã oōguere aārĩrã mũ pũrogue waamasĩbema. Mũ pũrogue aārĩrã oōgue aaridũakererã, aarimasĩbema”, arĩdi aārĩmĩ Abraham. ²⁷ ĩgũ irasũ arĩmakũ, doebiri opadi asũ arĩdi aārĩmĩ: “Yũ ñekũ Abraham, mũrē bũro sērēa. Lázarore yũpũya wiigũ iriuka! ²⁸ Yũ su mojōma pererã pagupũrãkũ. Lázarore weredoregũ iriuka, ĩgũsãrē oōguere ñerō waaróguere aaribirikōãburo, arĩgũ”, arĩdi aārĩmĩ. ²⁹ ĩgũ irasũ arĩmakũ, Abraham gapũ yũjũdi aārĩmĩ: “Marĩpũ ĩgũ dorerire Moisére pídeare, Marĩpũya kerere weredupiyunerã gojadeadere opama mũ pagupũrã. Irasirirã irire bue, bũremuburo”, arĩdi aārĩmĩ. ³⁰ ĩgũ irasũ arĩmakũ, doebiri opadi gapũ yũjũdi aārĩmĩ: “Yũ ñekũ Abraham, ĩgũsã irire opakrerã, oārō bũremubirikuma. Lázaro boadigue masã, ĩgũsã pũro waa, ĩgũsãrē weremakũ, ĩgũsã ñerō iririre bũjawere, ĩgũsã gũñarĩrē gorawayurãkuma. Irasirirã oārĩ gapũre irirãkuma pama yũ pagupũrã”, arĩdi aārĩmĩ. ³¹ ĩgũ irasũ arĩmakũ, Abraham gapũ ĩgũrē asũ arĩ weredi aārĩmĩ: “Mũ pagupũrã Marĩpũ ĩgũ dorerire Moisére pídeare, ĩgũya kerere weredupiyunerã gojadeadere bũremumerã, Lázaro boadigue masã, ĩgũsãrē weremakũdere Marĩpũre bũremubirikuma”, arĩdi aārĩmĩ Abraham, arĩ wereyupũ Jesús.

17

Gajirãrē ñerō irimakũ iribirikōãka! arĩ weredea

(Mt 18.6-7, 21-22; Mr 9.42)

¹ Jesús ĩgũ buerãrē asũ arĩ wereyupũ:

–Masakare ñerō irimakũ iriri, aārĩnikōãrokoa. Gajirãrē ñerō irimakũ irigũno gapũ ñetariro tarigũkumi. ² Sugũ yũre bũremugũrē majĩgũ irirosũ

ãārīgūrē ñerō irimakū irigũ, bũro wajamoãsũgukumi. Irasiriro, ĩgũ gajigũre ñerō irimakū iriburi dupiyuro masaka ĩgũrē wáriye útãye merã wánugũgue sũasiu, wádiyague meéyomakū òãbukoa. ³ Irasirirã òãrō pémasĩka musã! Mũyagũ murē ñerō irimakū ĩãgũ: “Irinorē iribirikõãka!” ãrĩka ĩgũrē! Irasirigũ ĩgũ ñerō iriadeare bũjawere, ĩgũ gũñarĩrē gorawayumakū ĩãgũ, ĩgũ ñerō iriadeare kãtika! ⁴ Irasirigũ sunurē su mojõma pere gaji mojõ peru pẽrẽbejarigora murē ñerō irimakū ĩãgũ, irikũta murē kãtiri sẽrẽgũ ejamakũ, kãtika! ãrĩyupũ.

Marĩpure bũremurĩrē weredeã
(Mt 13.31-32)

⁵ Jesús irasũ ãrĩmakũ pérã, ĩgũ buerã ãsũ ãrĩñurã:

–Gũare Marĩpure bũremunemomakũ irika!

⁶ ĩgũsã irasũ ãrĩmakũ, marĩ Opũ Jesús ãrĩyupũ:

–Marĩpure musã bũremurĩ opari, mostazayegã irirosũ mérõgã ããrĩkeremakũ, igũ sicómoro wãĩkũdire: “Tũãduuawãgã, wádiyague ejanũgãrõ waaka!” ãrĩbukoa. Musã bũremurĩ merã doremakũ, musã ãrĩrõsũta waakoa, ãrĩyupũ.

Sugũ moãboerimasũ iririre weredeã

⁷ Irasũ ãrĩ odo, ãsũ ãrĩnemoyupũ doja:

–Musã watopegue ããrĩgũ sugũ moãboegũre opakumi. ĩgũ poeegue moãkumi, o wekũare korekumi. ¿ĩgũ moã odo, wiigũ dujajamakũ ĩãrã, ĩgũrē: “Murĩgora, baagũ aarika!” ãrĩbukuri? ⁸ ãrĩbirikoa. ãsũ gapũ ãrĩkoa: “Yũ baaburire ãmuka! Pũrũ yũ baa, iirĩ iriripoere yũre baari sĩnemobu yũka! Yũ baa odoadero pũrũ, mude baagũkoa pama”, ãrĩkoa musãrē moãboegũre. ⁹ ¿ĩgũ musã moãdorerire òãrõ irimakũ ĩãrã, ĩgũrē: “Òãa, mũ merã usũyãa”, ãrĩbukuri? ãrĩbirikoa. ¹⁰ Musãde ĩgũ irirosũta ããrĩpereri Marĩpũ dorerire iri odo, ãsũ ãrĩka! “Gũã ĩgũrē moãboerã, ubu ããrĩrã ããrã. ĩgũ doreri gũare pídea ditare iriabũ”, ãrĩka! ãrĩyupũ.

Jesús pe mojõmarã kãmi boarãrē taudeã

¹¹ Gajinũ Jesús Jerusalẽgue waagũ, Samaria nikũ, Galilea nikũ watope tariwãgãyupũ. ¹² Iro ããrĩrĩ makãgue ĩgũ ejaripoe pe mojõmarã ãma kãmi boarã ĩgũrē bokatĩrĩrã aarĩñurã. Kãmi boarã ããrĩsĩã, yoaweyarogue dujanũgã, suro merã gaguinĩñurã:

¹³ –Jesús, buegũ, gũare bopoñarĩ merã ĩãka! ãrĩñurã.

¹⁴ Jesús ĩgũsãrē ĩãgũ, ãsũ ãrĩyupũ:

–Paĩare musãya dũpure ĩmurã waaka! ãrĩyupũ.

ĩgũsã maague waaripoe ĩgũsãya kãmi yaripereakõãyuro. Kãmi marĩrã dujañurã. ¹⁵ Irasirigũ sugũ ĩgũsã watopemũ ĩgũya kãmi yarimakũ ĩãgũ, Jesús pũroge gãmedujarigũ, bũsũro merã Marĩpure: “Òãtaria mũ”, ãrĩ, usũyari sĩyupũ. ¹⁶ Jesús pũro ejagũ, ĩgũya guburi pũro ñadũkupuri merã ejamejãja, ĩgũya diapure yebague moomejãja, Jesũre: “Òãa”, ãrĩ, usũyari sĩyupũ. ĩgũ Samariamũ ããrĩyupũ. ¹⁷ Jesús, ĩgũ sugũta irasirimakũ ĩãgũ, ãsũ ãrĩyupũ:

–Pe mojõmarã ããrãma kãmi tausũanerã. ¿Gajirã su mojõma pere gaji mojõ wapikũdiru pẽrẽbejarã gapũ noógue ããrĩkuri? ¹⁸ ĩĩ gũaya nikũmũ ããrĩbi dita Marĩpure usũyari sĩgũ gãmedujariañumi. ¿Nasirirã gajirã ĩgũ merã ããrãnerã gapũ aaribirayuri? ãrĩyupũ.

¹⁹ Irasũ ãrĩ odo, ĩgũrē ãsũ ãrĩyupũ:

–Wãgãñũgã, waaka! Mũ Marĩpure bũremurĩ opasĩã, kãmi marĩgũ dujabũ, ãrĩyupũ.

Jesús, Marĩpu doreri ejaburire weredeá
(Mt 24.23-28, 36-41)

²⁰ Iro aãrĩrã fariseo bumarã Jesúre àsũ arĩ sērēñañurã:

—¿Naásũ aãrĩmakũ, Marĩpu ĩgũyarãrē doreri ejarokuri? arĩñurã. ĩgũsã irasũ arĩmakũ pégu, yũjuyupu:

—Marĩpu ĩgũyarãrē doreri ejamakũ, musã ãmasĩbea. ²¹ “Marĩpu ĩgũyarãrē doreri oõgue aãrãbu, o sõõgue aãrã”, arĩmasĩña máa. ĩgũyarãrē doreri musã watopegue aãrĩsiáa, arĩyupu.

²² Irasũ arĩ odo, ĩgũ buerãrē àsũ arĩyupu:

—Puruque yũ aãrĩpererã tĩgũ i umugue dupaturi aariburire buro ãdũarãkoa. Yũ aariburi dupiyuro sunũ yũre ãdũakererã, neõ sunũ ãbirikoa. ²³ Gajirã musãrē àsũ arĩrãkuma. “Ĭãka! Cristo oõta aãrĩmi”, o gajirã: “Cristo sõõgue aãrãmi”, arĩrãkuma. ĩgũsã irasũ arĩkeremakũ, ĩgũsãrē neõ tũyabirikõãka!

²⁴ Yũ aãrĩpererã tĩgũ i umugue dupaturi aarigũ, bupu aãrĩperero umarõrē gũñaña marĩrõ miãrõsũ, gũñaña marĩrõ aarigũkoa. ²⁵ Yũ dupaturi aariburo dupiyuro yũre buro ñerõ tariro aãrã. Dapagora marã yũre gããmebirikuma. ²⁶ Noé aãrĩdeapoe marãrē waaderosũta yũ aãrĩpererã tĩgũ aariburo dupiyurogãrē waarokoa. ²⁷ Noé aãrĩdeapoere masaka baa, iirĩ, mojósuãunanerã aãrĩmã. ĩgũsã pũrã nomerē nomesunanerã aãrĩmã. Noé doódiru wádirugue ñajãrĩnuguedere irasũta irinikõãunanerã aãrĩmã. Puru Marĩpu ĩgũsã aãrĩpererãrē miũbéopeokõãdi aãrĩmĩ. Irasũta waarokoa yũ dupaturi aarimakũdere. ²⁸ Lot aãrĩdeapoedere mũrãrõta iriunanerã aãrĩmã. Baa, iirĩ, wajari, dua, ote, wiirire iriunanerã aãrĩmã. ²⁹ ĩgũsã irasũ iriripoe ĩgũsãya makã Sodoma wãikuri makãrē Lot wirideanũrē deko merērõsũ, umugasima peame, azufre wãikuri poga umũdijari, ĩgũsãrē wẽjẽpeokõãdero aãrĩbũ. ³⁰ Yũ aãrĩpererã tĩgũ gũñaña marĩrõ i umugue dupaturi aarirĩnũrē masakare irasũta waarokoa.

³¹ Irasũ waaripoere sugũ ĩgũya wii wekague aãrĩgũ, wii poekague ĩgũyare aĩgũ dijabirikõãburo. Mũrãrõta gajigũ ĩgũya poegue aãrĩgũ, ĩgũya wiigũ dujãabirikõãburo. ³² Lot marãpo igoya makãrē ãgãmedujugo, moã turu irirosũ poyanũgãdeare gũñaka! ³³ Sugũ ĩgũya aãrĩburi ditare gũñagũ perebiri peamegue waadederigũkumi. Gajigũ yaare gũñagũ tarigũkumi. Marĩpu purogue waagũkumi ĩgũ merã oãrõ aãrĩnĩbu.

³⁴ Musãrē werea. Irasũ waaburi ñamirẽ, pẽrã peyarogue kãrĩrãkuma. Sugũ yũre bũremugũ aĩsũgũkumi. Gajigũ yũre bũremubi dujagũkumi. ³⁵ Nomedẽ pẽrã ojodũka biurã aãrĩrãkuma. Sugo yũre bũremugõ aĩsũgokumo. Gajigo yũre bũremubeo dujagokumo. ³⁶ Pẽrã poeugere moãrã aãrĩrãkuma. Sugũ aĩsũgũkumi. Gajigũ dujagũkumi, arĩyupu.

³⁷ ĩgũ irasũ arĩmakũ pẽrã, ĩgũ buerã sērēñañurã:

—Gũa Opũ, ¿noõgue irasũ waarokuri? arĩñurã.

Jesús yũjuyupu:

—Mimua nerẽmakũ ãrã, masaka sugũ waibu boadi aãrĩrõrẽ masĩkuma. I irirosũ yũ aarimakũ ãrã, ĩgũsã wajamoãsũburire masĩrãkuma, arĩ wereyupu Jesús.

18

Jesús sugo wapiweyo, weresãrĩrẽ beyerimasũ keori merã buedeá

¹ Puru Jesús ĩgũ buerãrē buegu, àsũ arĩyupu: “Musã Marĩpure sērẽrã, piriro marĩrõ gũñaturari merã sērẽka!” arĩyupu. Irasirigũ i keori merã wereyupu.

² Àsũ arĩyupu:

—Su makārē sugu weresārīrē beyerimasū āārīkumi. Īgū Marīpure, masakadere b̄remubirikumi. ³ Iri makārēta sugo wapiweyo āārīkumo. Igo ĩgū p̄roque ĩgūrē iritamurī sērēgō waanakumo: “Yure ĩaturigure wajamoādoreka!” āārīnakumo. ⁴ Igo irasū āārīkũ, igore: “Iribirikoa”, āārīnakumi. Īgū irasū āārīkeremakũ, wári ĩgūrē sērē, garibokumo. Igo gariborire piribirimakũ ĩāgũ, āsū ārī gũñakumi ĩgū basi: “Yũ Marīpure, masakadere b̄remubi āārīkeremakũ, ⁵ igo yure garibotarimo. Yure irasū garibogo yure gariboreamakũ yámo. Irasirigũ igore ĩaturigure igo weresārīrē pé, ĩgūrē wajamoādoregũkoa pama”, āārīkumi, ārī wereyupũ Jesús.

⁶ Irasū ārī odo, marī Opũ werenemoyupũ:

—Īrī weresārīrē beyerimasū ñegũ āārīkeregũ, igo sērēnīrīrē pékumi. Īgū irasirideare oārō pémasĩka musā! ⁷ Īgū nemorō Marīpũ gapũ ĩgū beyen-erārē ũmurī, ñamirī ĩgūrē b̄ro sērēnīrārē iritamugũkumi. “Iritamubirikoa”, āārībirikumi ĩgūsārē. ⁸ Musārē werea. Marīpũ gajirā ĩgūsārē ñerō irimakũ ĩāgũ, ĩgūsā sērērīrē pé, yooboro marīrō ĩgūsārē iritamugũkumi. ¿Īgū irasū oārō pégũ āārīkeremakũ, yũ āārīpererā tĩgũ i ũmugue dupaturi aarigũ, Marīpure b̄remurārē ĩgūrē sērērārē bokagũkuri? ārīyupũ.

Jesús fariseo bumũ, gajigũ romano marā opũre niyeru wajaseabosarimasũ keori merā buedea

⁹ Jesús irasū ārī odo, gajĩ keori merā bueyupũ. “Gũ gapũ oārā āārā. Gajirā gapũ ñerō irirā āārĩma”, ārī gũñarārē i keori merā āsū ārī wereyupũ:

¹⁰ —Pērā ũma Marīpũya wiigũ ĩgūrē sērērā waakuma. Sugũ fariseo bumũ, gajigũ romano marā opũre niyeru wajaseabosarimasũ āārīkuma. ¹¹ Fariseo bumũ gapũ ejanugā, ĩāmu, āsū ārī werenĩkumi: “Gũgapũ, yũ murē ũsuyari sĩa. Yũ, gajirā yajarimasā, ñerĩ iririmasā, nome merā ñerō iririmasā irirosũ āārĩbea. Irasū āārĩmakũ, neō ĩĩ romano marā opũre niyeru wajaseabosarimasũ irirosũ āārĩbea. Irasirigũ murē ũsuyari sĩa. ¹² Semanarikũ penũ berea murē b̄remugũ. Pe mojōma niyeru koeri wajatagũ, su koe murē sĩa. Āārīpereri yũ wajatarire murē irasū dita sĩa”, āārīkumi. ¹³ Niyeru wajaseabosarimasũ gapũ neō ñajārōgue dujanugā, muũsiunugāja, ĩgũ ñerĩ oparire gũña, b̄jawere, ũmugasigue neō ĩāmurō marīrō ĩgũya koretibire pá, āsū ārīkumi Marīpure: “Yũ ñegũ āārā, irasirigũ yure bopoñarĩ merā ĩāka!” āārīkumi. ¹⁴ Musārē werea. Īrī niyeru wajaseabosarimasũ, Marīpũ ĩūrō oāgũgue ĩgũya wiigũ dujáakumi. Fariseo bumũ gapũ, Marīpũ ĩūrō waja opagũta ĩgũya wiigũ dujáakōākumi. Āsū āārā. Sugũ ĩgũ basi: “Gajirā nemorō oāgũ āārā”, ārī gũñagũnorē Marīpũ ĩgūrē ubu āārĩgũ āārĩmakũ irigũkumi. Gajigũ Marīpure: “Ñerō iriabũ, irasirigũ yure bopoñarĩ merā ĩāka!” ārĩgũ gapũre Marīpũ ĩgũ ĩūrō oāgũ āārĩmakũ irigũkumi, ārī wereyupũ Jesús.

Jesús majrāya āārĩburire Marīpure sērēbosadea
(Mt 19.13-15; Mr 10.13-16)

¹⁵ Pũrũ masaka majrāgārē Jesũre moañadorerā ĩgũ p̄ro āĩjañurā. ĩgūsā āĩjamakũ ĩārā, Jesús buerā ĩgūsārē bokatĩrĩ: “Īgūrē garibobirikōāka!” ārĩñurā. ¹⁶ Jesús gapũ majrāgārē ĩgũ p̄ro siiu, ĩgũ buerārē ārĩyupũ:

—Majrā yũ p̄roque aariburo. Kāmutabirikōāka ĩgūsārē! Marīpũ ĩgũyarārē dorerogue āārĩmurā, ĩĩsā majrā yure ũsuyari merā bokatĩrĩñeārā irirosũ āārĩma. ¹⁷ Diayeta musārē werea. ĩĩsā majrā Marīpure ĩgūsā Opũre gāāmerā irirosũ āārĩmerāno, ĩgũyarārē dorerogũre waabirikuma, ārĩyupũ.

Sugũ maamũ wári doebiri opagũ Jesús merā werenĩdea
(Mt 19.16-30; Mr 10.17-31)

18 Pɔrɔ sugɔ judío masaka oparã merãmɔ Jesúre sërẽñayurɔ:

—Õãgũ buegɔ, yɔ ãmɔgasigue perebiri okarire wajatadɔagɔ, ¿ñeénorẽ irigakuri? ãrĩyurɔ.

19 Jesús Ìgũrẽ ãrĩyurɔ:

—¿Nasirigɔ yɔre: “õãgũ”, ãrĩrĩ? Marĩpɔ sugɔta õãgũ ããrĩmi. 20 Mɔ, Ìgũ doreri pídeare masĩa: Gajigɔ marãpo merã ñerõ iribirikõãka! Masakare wějẽbirikõãka! Yajabirikõãka! Gajirãyamarẽ ãrĩkatori merã werebirikõãka! Mɔ pagɔsãmarãrẽ gopeyari merã bɔremuka! ãrĩyurɔ.

21 Ìgũ irasũ ãrĩmakũ pégu, Jesúre yɔjɔyurɔ:

—Iri doreri ããrĩpererire majĩgũgãgueta iripeosiabɔ yɔ, ãrĩyurɔ.

22 Ìgũ irasũ ãrĩmakũ pégu, Jesús Ìgũrẽ ãsũ ãrĩyurɔ:

—Mɔrẽ su wãĩ dɔyáa. ããrĩpereri mɔ oparire duagɔ waaka! Mɔ duadea wajare boporãrẽ guereka! Irasirigɔ ãmɔgasiguere wári õãrĩ opagukoa. Odo, yɔ merã aarika! ãrĩyurɔ.

23 Ìgũ irasũ ãrĩmakũ pégu, Ìgũ gapɔ Ìgũ wári oparire maĩsĩã, bɔro bɔjawereri merã ããrĩnɔgãyurɔ. 24 Ìgũ bɔjaweremakũ Ìãgũ, Jesús ãsũ ãrĩyurɔ:

—Wári doebiri oparãrẽ Marĩpɔ Ìgũyarãrẽ dorerogue Ìgũsã waadɔamakũ di-asatariakõãa. 25 Camellu awiru gobegãgue ñajãtariweremasĩbirikumɔ. I nemorõ wári doebiri opagure Marĩpɔ Ìgũyarãrẽ dorerogue waamakũ diasáa, ãrĩyurɔ.

26 Ìgũ irasũ ãrĩmakũ pérã, masaka ãsũ ãrĩñurã:

—Iro merẽ, ¿noã gapɔ Marĩpɔ tausũmurã Ìgũ pɔrogue waamurã ããrĩbukuri? ãrĩñurã.

27 Jesús Ìgũsãrẽ ãrĩyurɔ:

—Masaka Ìgũsã basi Ìgũsã iriri merã Marĩpɔ pɔrogue waamasĩbema. Marĩpɔ dita Ìgũsãrẽ Ìgũ pɔro ããrĩmurã waamakũ irimasĩmi, ãrĩyurɔ.

28 Ìgũ irasũ ãrĩmakũ pégu, Pedro Ìgũrẽ ãrĩyurɔ:

—Gɔa Opɔ, gɔa mɔrẽ tɔyarã, ããrĩpereri gɔa opadeare pípeokõãbɔ, ãrĩyurɔ.

29 Ìgũrẽ Jesús ãsũ ãrĩ yɔjɔyurɔ:

—Diayeta mɔsãrẽ werea. Marĩpɔ Ìgũyarãrẽ doreri kerere wererã waarã, Ìgũsãya wiirire, marãposã nomerẽ, Ìgũsã pagɔpũrãrẽ, pagɔsãmarãrẽ, pũrãrẽ pípeorã, wári õãrĩ wajatarãkuma. 30 Ìgũsã iro dupiyuro opaderosũ i ãmɔguere nemorõ wári õãrĩ wajatarãkuma. Pɔrɔ i ãmɔ peremakũ, ãmɔgasigue perebiri okari oparãkuma Marĩpɔ merã ããrĩnĩmurã, ãrĩyurɔ.

Dupaturi Jesús Ìgũ boaburire weredeã

(Mt 20.17-19; Mr 10.32-34)

31 Pɔrɔ Jesús Ìgũ buerãrẽ pe mojõma pere su gubu peru pẽrẽbejarã ditare siuwãgã, ãrĩyurɔ:

—Õãrõ péka! Marĩ Jerusalẽgue waarã yáa. Irogue ããrĩpereri Marĩpɔya kerere weredupiyunerã yɔre ããrĩpererã tĩgũrẽ gojaderosũta yɔre waarokoa.

32 Irasirirã yɔre ñeã, judío masaka ããrĩmerãguere wiarãkuma. Ìgũsã yɔre bɔrida, ñerõ werení, síku eotúbirarãkuma. 33 Yɔre bɔro tãrãrãkuma. Irasiri odo, wějẽrãkuma. Ìgũsã yɔre wějẽadero pɔrɔ, ɔrenɔ waaró merã masãgukoa, ãrĩyurɔ.

34 Ìgũ buerã Ìgũ irasũ ãrĩ wererire ããrĩpererire neõ pémasĩbiriñurã. Marĩpɔ irire Ìgũsãrẽ pémasĩmakũ iribiriyurɔ dapa.

Jesús Jericómɔrẽ koye Ìãbire taudeã

(Mt 20.29-34; Mr 10.46-52)

35 Pɔrɔ Jesús Jericó wãĩkuri makã tɔrogue ejaripoe Ìgũ waarí maa tɔro sugɔ koye Ìãbi niyeru sërẽ doanĩyurɔ. 36 Irasirigɔ masaka wãrã Ìgũ pɔro

tariwāgānamakū pégu, iro āārīrārē sērēñayupū: “¿Nasirirā masaka wārā tariwāgānarī?” āriyupū.

³⁷ —Jesús Nazaretmū aarigú yámi, āriñurā.

³⁸ Īgūsā irasū ārimakū pégu, āsū āri gaguiníyupū:

—Jesús, David parāmi āārīturiagu, yare bopoñarī merā iāka! āriyupū.

³⁹ Īgū irasū āri gaguinímakū, masaka Īgū dupiyuro āārīrā gapū Īgūrē: “Toeaka!” āriñurā. Īgūsā irasū ārikeremakū, Īgū gaguiníadero nemorō gaguinínemoyupū:

—David parāmi āārīturiagu, yare bopoñarī merā iāka! āriyupū.

⁴⁰ Īgū irasū ārimakū pé, Jesús dujanugāja, masakare: “Āirika Īgūrē!” āriyupū. Īgū irasū ārimakū pérā, gajirā Īgūrē āiwāgāñurā. Īgū p̄rogue āijamakū, Jesús Īgūrē sērēñayupū:

⁴¹ —¿Neenorē yū mūrē irimakū gāāmerī? āriyupū.

—Yū Opū, yare koye iāmakū irika! āri yujuyupū.

⁴² —Jáu, iāka pama! Mū yare b̄remurī opáa. Irasirigū tausūa, āriyupū Jesús Īgūrē.

⁴³ Īgū irasū ārimakūta, oārō iāmasīakōāyupū. Irasirigū Jesúre tuyawāgā, Marīp̄re: “Ōātaria mū”, āri, usuyari sīyupū. Āārīpererā Īgūrē irasū waamakū iārāde, Marīp̄re usuyari sīñurā.

19

Jesús Zaqueore iābokadea

¹ P̄mū Jesús Jericógue eja, iri makārē tariwāgāgū iriyupū. ² Irore sugū masakū Zaqueo wāikūgu wári doebiri opagu, romano marā op̄re niyeru wajaseaboerimasā opū āārīyupū. ³ Īgū Jesúre iād̄adiyupū. Masaka wārā watopeguere ūmabi āārīsīā, Jesúre neō iābokabiriyupū. ⁴ Irasirigū ūmadupiyuwāgā, Jesús tariwāgāburo p̄romū yukū sicómoro wāikūdigue mūrīayupū Īgūrē: “Īāgura”, āriġū. ⁵ Jesús irigū p̄ro tariagu, ūmarōgue peyagure iāboka, Īgūrē āsū āriyupū:

—Zaqueo, murīgora, dijirika! Yū dapagārē m̄ya wiita dujagūkoa, āriyupū.

⁶ Īgū irasū ārimakū pé, Zaqueo mumurō merā dijiri, Jesúre b̄ro usuyari merā bokatīrīgū waayupū. ⁷ Īgū irasirimakū iārā, āārīpererā masaka werewuñurā: “¿Nasirigū Jesús ñegūya wiigūe dujagū waáari?” āriñurā. ⁸ Irasirigū Zaqueo Īgūya wiigūe ejadero p̄ru, wāgānugā, marī Opū Jesúre āriyupū:

—Yū Opū, péka! Gajino boporārē yū oparire deko merā dukawagura. Yū gajirārē ārikatori merā yajadeare wapikuri āārīnemorō Īgūsārē wiagura, āriyupū.

⁹ Jesús irire pégu, iri wii āārīrārē āsū āriyupū:

—Dapagā merā Īgū, Īgūya wii marā, Īgūsā ñerō iridea wajare tausūma. Īgūde Abraham parāmi āārīturiagu, yare b̄remugū āārīmi. ¹⁰ Yū āārīpererā tīgū perebiri peamegue waadederibonerārē āma, taugū aarigú iribū, āriyupū.

Jesús pe mojōma niyeru koeri keori merā buedea

¹¹ Jesús Zaqueo merā werenímakū masaka péñurā. Īgū Jerusalén t̄rogue āārīmakū iārā, āsū gūñañurā: “Gūñaña marīrō Marīp̄re Īgūyarārē dorero ejaburo yáa”, āri gūñañurā. Irasirigū Jesús keori merā Īgūsārē ¹² āsū āri wereyupū:

—Sugū masakū, opū ñajāburo dupiyuro yoarogue gaji nikūgue waakōākumi. Īgūrē opū sóoadero p̄mū, Īgūya nikūrē goekumi. ¹³ Īgū waaburo dupiyuro

Īgūrē moāboerā pe mojōmarārē siiukumi. Siiu, Īgūsākū su koe wajapari niyeru koe sī, Īgūsārē āsū ārīkumi: “Y_u irogue āārīripoe i niyeru koe merā gajino wajari, duaka, gaji niyeru koeri wajatanemomurā!” ārīkumi. ¹⁴ Irasū ārī odo, op_u űajābu waakōākumi pama. Īgūya nikū marā gap_u Īgūrē gāāmebirikuma. Irasirirā, Īgū waadero p_ur_u, gajirārē Īgūrē weredorerā iriukuma. Irasirirā Īgūrē: “M_u, g_ua op_u āārīmakū gāāmebea”, ārīkuma. ¹⁵ Īgūsā Īgūrē gāāmebirikeremakū, Īgūsā op_u űajākumi. Op_u űajāa odo, Īgūya nikūgue goedujāakumi. Irasū goedujajag_u, Īgūrē moāboerārē Īgūsā niyeru koe merā wajatanemoadeare masību, Īgūsārē siiukumi. ¹⁶ Īgū p_uro eja_up_urorig_u āsū ārīkumi: “Y_u op_u, m_u niyeru koe y_ure sīdea koe merā gaji pe mojōma koeri wajatanemob_u”, ārīkumi. ¹⁷ Īgū irasū ārīmakū pég_u, Īgū op_u ārīkumi: “Ōāgorāa. M_u y_ure moāboeg_u ōāgū āārā. Y_u dorederosūta y_u mērōgā mūrē pīdea merā ōārō iriyo. Irasirig_u pe mojōma makārīrē doreg_u āārīgukoa”, ārīkumi Īgū op_u Īgūrē. ¹⁸ P_ur_u gajig_u āsū ārīkumi: “Y_u op_u, m_u niyeru koe y_ure sīdea koe merā gaji su mojōma koeri wajatanemob_u y_ude”, ārīkumi. ¹⁹ Īgū irasū ārīmakū pég_u, Īgū op_u ārīkumi: “Su mojōma makārīrē doreg_u āārīgukoa”, ārīkumi.

²⁰ P_ur_u gajig_u āsū ārīkumi: “Y_u op_u, m_uya niyeru koe ōō āārā. Iri koere suríro gasiro merā ōma, duripíbu. ²¹ M_u gajirārē b_uro turaro merā moādoreg_u āārā. M_u basi moābirikereg_u, otebi āārīkereg_u, mūrē moāboerārē oterire otedore, Īgūsārē oteri dukare seadore, irire m_u basita opāa. Irasirig_u mūrē gūiabu”, ārīkumi Īgū op_ure. ²² Īgū irasū ārīmakū pég_u, Īgū op_u ārīkumi: “M_u y_ure moāboeg_u űegū āārā. Irasirig_u mūrē wajamoāg_ura. M_u y_ure wereri merāta mūrē wereg_ura. M_u y_ure āsū ārā: ‘M_u gajirārē b_uro turaro merā moādoreg_u āārā. M_u basi moābirikereg_u, otebi āārīkereg_u, mūrē moāboerārē oterire otedore, Īgūsārē oteri dukare seadore, irire m_u basita opāa’, ārā m_u y_ure. ²³ M_u irasū ārīgū, űnasirig_u y_u mūrē sīdea koere niyeru duripíri wiigue duripíbiriri? Irogue duripímakū, i wii moārā iri koe merā wáro wajatanemobosabukuma mūrē. Irasirig_u, y_u goejag_u, m_u y_ure Īgūsā iriri merā wajatanemobosadeare űeāboakuyo”, ārīkumi Īgū op_u Īgūrē. ²⁴ Irasū ārī odo, gajirārē Īgū p_uro āārīrārē ārīkumi: “Īgūrē niyeru koere ēma, pe mojōma koeri opag_u gap_ure sīka!” ārīkumi. ²⁵ Īgū irasū ārīmakū, Īgūsā āsū ārīkuma Īgūrē: “G_ua op_u, pe mojōma koeri opag_u opasiami”, ārīkuma. ²⁶ Īgūsā irasū ārīmakū, op_u āsū ārī y_ujukumi: “M_usārē werea. Āārīpererā Īgūsā opari merā ōārō irirā ōārīrē sīnemosūrākuma. Gajirā ōārō irimerā Īgūsā mērōgā opadideare ēmapeokōāsūrākuma. ²⁷ Dapagorata y_ure ĩaturirārē y_ure op_u űajāmakū gāāmemerārē y_u p_urogue āirika! Y_u ĩūrō wējēka Īgūsārē!” ārīkumi op_u Īgūrē moāboerārē, ārī wereyup_u Jesús.

Jesús Jerusalēgue ejadea

(Mt 21.1-11; Mr 11.1-11; Jn 12.12-19)

²⁸ Irasū ārī odo, gajirā dupiyuro Jerusalēgue waayup_u doja. ²⁹ Irogue waa, Betfagé, Betania wāik_uri makārī p_uro eja_up_uroriyup_u. Iri makārī, Olivos wāik_udi ũtāū āārīdujimejārōgue āārīyuro. Irogue eja_u, Īgū buerā pērārē āsū ārī iriuyup_u:

³⁰ —Si makā marī bokatiūrō āārīrī makāgue waaka! Iro ejarā, sug_u burrore Īgūsā suanúadire neō suñarō peyasūna marīgūrē bokajarākoa. Īgūrē kura, ōōgue āirika! ³¹ Sug_u m_usārē: “űNasirimurā Īgūrē kurari?” ārīmakū: “Marī Op_u gāāmeami”, ārīka! ārī iriuyup_u.

³² Īgū irasū ārīmakū, Īgū buerā pērā makāgue waañurā. Irogue Jesús Īgū ārāderosūta waayuro. ³³ Irasirirā burrore Īgūsā kuramakū ĩārā, Īgū oparā Īgūsārē sērēñañurā:

—¿Nasirimurã burrore kurari? ãrĩñurã.

³⁴ Ìgūsã irasũ ãrĩmakũ pérã, ãsũ ãrĩ yũjuñurã:

—Marĩ Opũ Ìgũrẽ gãameami, ãrĩñurã.

³⁵ Pũrũ burrore Jesús pũroque ãĩñurã. ãija, Ìgūsãya wekama surĩre túwea, burro weka peo, Jesúre Ìgũ wekague marĩbejamakũ iriñurã. ³⁶ Jesús peyawãgãrimakũ, masaka Ìgūsãya wekama surĩre túwea ãi, Ìgũ waaburi maarẽ sãõpĩdupiyuñurã Ìgũrẽ bũremurã. ³⁷ Irasirirã Jerusalén pũroque eja, Olivos wãikũdi ãtãũ dijarirã, ããrĩpererã Jesúre bũremurã Ìgũrẽ iroque tuyanerã ããrĩpererĩ Ìgũ Marĩpũ turaro merã iri Ìmumakũ Ìãdeare gũñarã, usũyari merã Marĩpũre: “Õãtaria mũ”, ãrĩ, bũro gaguiniñurã Ìgũrẽ bũremurã. ³⁸ ãsũ ãrĩñurã: Marĩ Opũre usũyari sĩrã! Ì Marĩpũ marĩrẽ taugu iriudi õãrõ aariburo. Ëmũgasigue ããrĩrã siñajãburo.

Ìgūsãde Marĩpũre: “Õãtaria mũ ããrĩpererã Opũ ããrĩgũ”, ãrĩ, usũyari sĩburo, ãrĩñurã.✠

³⁹ Ìgūsã irasũ ãrĩmakũ pérã, surãyeri fariseo bumarã iroque ããrĩrã Jesúre ãrĩñurã:

—Buegu, mũ buerãrẽ wereka! Toedoreka Ìgūsãrẽ! ãrĩñurã.

⁴⁰ Ìgūsã irasũ ãrĩmakũ, Jesús Ìgūsãrẽ yũjuyupũ:

—Mũsãrẽ werea. Ìgūsã usũyari merã werenĩbirimakũ, Marĩpũ i ãtãyerire gaguiniĩmakũ iribukumi, ãrĩyupũ. ⁴¹ Pũrũ Jesús Jerusalén tũro eja, iri makãrẽ Ìã, oreyupũ. ⁴² ãsũ ãrĩyupũ:

—Jerusalén marã, dapagã Marĩpũ mũsãrẽ õãrõ siñajãrĩ sĩduarire pẽmasĩmakũ õãtariboakuyo. Marĩpũ irasũ sĩduakeremakũ, mũsã irire neõ pẽmasĩduabea. Irasirigu Marĩpũ mũsãrẽ irire pẽmasĩdorebemi. ⁴³ Irasiriro mũsãrẽ ñerõ waarĩnũ ejarokoa. Mũsãrẽ Ìãturirã mũsãya makã tũrore wea kãmutamejãjarãkuma. Mũsã wiriboadeare ããrĩpererogue biapeokõãrãkuma mũsãrẽ ñeãmurã. ⁴⁴ Irasirirã mũsãrẽ yebague wẽjẽmeẽpĩrãkuma. Mũsãrẽ iri makã marã ããrĩpererãrẽ wẽjẽpeokõãrãkuma. Ëtãyeri weadeade neõ gajiyẽ weka dujabirikoa. Mũsãrẽ Marĩpũ Ìgũ taudũarinũ ejakeremakũ, mũsã Ìgũrẽ Ìãmasĩbiridea waja, Ìgũrẽ béodea waja irasũ waarokoa, ãrĩ wereyupũ Jesús.

*Jesús Marĩpũya wiigue duarãrẽ béowiudea
(Mt 21.12-17; Mr 11.15-19; Jn 2.13-22)*

⁴⁵ Pũrũ Jerusalẽgue ejagu, Jesús Marĩpũya wiigue ñajãyupũ. Iroque ñajãa, doebiri duarãrẽ, Ìgūsã duarire wajarirãdere bokaja, Ìgūsãrẽ béowiuyupũ.

⁴⁶ Ìgūsãrẽ ãsũ ãrĩyupũ:

—Marĩpũ Ìgũya werenĩrĩ gojadea pũgue ãsũ ãrĩdi ããrĩmĩ: “Yaa wii, yũre bũremurã yũre sãrẽrĩ wii ããrã”, ãrĩdi ããrĩmĩ. Mũsã gapũ yajarimasãya wii irirosũ ããrĩmakũ yãa, ãrĩyupũ Jesús.

⁴⁷ Ëmũrikũ Jesús Marĩpũya wiigue masakare buegu waanayupũ. Ìgũ irasũ buegu ejamakũ Ìã, Moisés gojadeare buerimasã, paia oparã, gajirã judío masaka oparãde: “¿Nasiri Ìgũrẽ wẽjẽrãkuri?” ãrĩ gũñamañurã. ⁴⁸ Ìgūsã Ìgũrẽ wẽjẽduakeremakũ, masaka ããrĩpererã Ìgũ werenĩrĩrẽ õãrõ pẽnũrũñurã. Irasirirã Jesúre wẽjẽduarã: “ãsũ irirã, Ìgũrẽ wẽjẽmurã”, ãrĩ, ãmumasĩbirĩñurã.

20

*Judío masaka oparã Jesúre: “¿Noã mũrẽ doreri?” ãrĩ sãrẽñadea
(Mt 21.23-27; Mr 11.27-33)*

✠ 19:38 Sal 118.26

¹ Gajina Jesús Marĩpaya wiigue ããrĩrãrẽ Marĩpũ masakare tauri kerere buegu iriyupũ. Īgũ irasũ buemakũ, paía oparã, Moisés gojadeare buerimasã, judío masaka murã merã Īgũ pũrogue eja, ² Īgũrẽ sërẽñañurã:

—Wereka guare! ¿Noã murẽ doreri, mu irasirimakũ? ¿Noã murẽ: “Ãsũ irika!” ãrĩrĩ? ãrĩñurã.

³ Jesús Īgũsãrẽ yujuyupũ:

—Yude musãrẽ sërẽñagura. Yujuka yudere! ⁴ Juan masakare deko merã wãiyemakũ, ¿noã Īgũrẽ wãiyedoregu iriyuyuri, Marĩpũ, o masaka? ãrĩyupũ.

⁵ Īgũ irasũ ãrĩmakũ pérã, Īgũsã basi ãsũ ãrĩ gãme werenĩñurã:

—¿Naásũ ãrĩ yujurãkuri marĩ? “Marĩpũ Juãrẽ doredi ããrĩmĩ”, marĩ ãrĩmakũ, Jesús marĩrẽ: “¿Nasirirã Īgũ weredeare buremubiriri musã?” ãrĩbukumi.

⁶ ããrĩpererã masaka: “Diayeta Juan Marĩpuyare weredupiyudi ããrĩmĩ”, ãrĩ gũñama. Marĩ: “Masaka Juãrẽ wãiyedorenerã ããrĩmã”, ãrĩmakũ, masaka marĩrẽ ãtãyeri merã dearãkuma, ãrĩñurã. ⁷ Irasirirã Jesúre ãsũ ãrĩ yujũñurã:

—Juãrẽ wãiyedoredire gua masĩbea, ãrĩñurã.

⁸ Īgũsã irasũ ãrĩmakũ, Jesús Īgũsãrẽ ãrĩyupũ:

—Iro merẽ musã yure: “¿Noã murẽ irire doreri?” ãrĩ sërẽñadeare yude musãrẽ yujubea, ãrĩyupũ.

Jesús ñerã moãrã keori merã buedea

(Mt 21.33-44; Mr 12.1-11)

⁹ Pũrũ Jesús i keori merã masakare ãsũ ãrĩ buenagãyupũ:

—Sugũ masakũ Īgũya pooegue iguidarire otekumi. Ote odo, gajirãrẽ iri pooere wayu: “Yũ otedea dukare deko merã sĩrãkoa, yũ musãrẽ iri pooere wayuri waja”, ãrĩkumi. Irasũ ãrĩ odo, gajirogue waakõãkumi. Yoaripoe deyomarĩkumi.

¹⁰ Pũrũ igui ñiripoe ããrĩmakũ, Īgũrẽ moãboegure Īgũya pooema oteri dukare deko merã sërẽdoregu iriukumi. Pooere moãrã gapũ Īgũ iriudire irogue ejamakũ ĩãrã, Īgũrẽ pákuma. Neõ sutõ iguitõ sĩrõ marĩrõ Īgũrẽ iridujukuma.

¹¹ Pũrũ pooe opũ gajigũ Īgũrẽ moãboegure iriudikumi doja. Pooere moãrã gapũ Īgũdere pá, ñerõ irikuma. Neõ gajino sĩrõ marĩrõ Īgũdere iridujukuma.

¹² Pũrũ pooe opũ gajigũ Īgũrẽ moãboegure iriudikumi doja. Pooere moãrã gapũ Īgũrẽ kãmitú, iri pooe tũrogue béokõãkuma.

¹³ Īgũsã irasiriadero pũrũ, pooe opũ ãsũ ãrĩ gũñakumi: “¿Nasirigukuri yũ?” ãrĩkumi. “Ãsũ irigũra. Yũ magũ yũ maĩgũrẽ iriugũra. Īgũrẽ iriumakũ, Īgũrẽ buremurãkuma”, ãrĩ gũñadikumi. ¹⁴ Irasirigũ Īgũ magũrẽ iriukumi. Īgũ irogue ejamakũ ĩãrã, pooe moãrã gapũ Īgũsã basi ãsũ ãrĩ gãme werenĩkuma: “Ĩta pũrũguere i pooere opabu ããrĩmĩ. Īgũrẽ wějẽkõãrã! Irasirirã marĩ basi i pooere oparãkoa”, ãrĩkuma. ¹⁵ Irasirirã Īgũrẽ ñeã, pooe tũrogue ãiwãgã, wějẽbéokõãkuma, ãrĩyupũ Jesús.

Irasũ ãrĩ odo, Īgũsãrẽ sërẽñayupũ:

—Musã péñamakũ, Īgũ magũrẽ wějẽadero pũrũ, ¿nasirigukuri pooe opũ Īgũya pooere moãrãrẽ? ãsũ irigukumi. ¹⁶ Irogue waa, Īgũsãrẽ wějẽ, iri pooere gajirã gapure sĩgukumi, ãrĩyupũ Jesús.

Īgũ irasũ ãrĩmakũ pérã, masaka gapũ ãsũ ãrĩñurã:

—Neõ marĩrẽ irasũ waabirikõãburo, ãrĩñurã.

¹⁷ Jesús gapũ Īgũsãrẽ ĩã, ãsũ ãrĩ sërẽñayupũ:

—Marĩpũya werenĩrĩ gojadea pũgue ãsũ ãrĩ gojasũdea, ¿naásũ ãrĩdũaro yári? ãsũ ãrĩ gojasũdero ããrĩbũ:

Suye ãtãyere wii iririmasã béoadeaye merã gajigũ gapũ õãrõ turari wii irigukumi.✧

18 Sugũ i ùtãye weka meémejãgũ, mutãkõãgukumi. I ùtãye gapũ ìgũ weka meébejaro ìgũrẽ õãrĩ pogagãgue meémũtũbéokõãrokoa, ãrĩyupũ Jesús.

*Romano marã opũ masakare niyeru wajasearire Jesúre sêrêñadea
(Mt 21.45-46; 22.15-22; Mr 12.12-17)*

19 Paía oparã, Moisés gojadeare buerimasãde ìgũ i keori merã irasũ ãrĩ weremakũ pérã: “Marĩrẽ: ‘Pooe moãrã irirosũ ñerã ããrã’, ãrĩgũ irikumĩ”, ãrĩ péña, ìgũrẽ peresu irimurã buro ñeãduadiñurã. Irasũ ñeãduakererãta: “Masaka, ìgũrẽ marĩ irasirimakũ ìãrã, marĩ merã guarãkuma”, ãrĩñurã. Irasirirã ìgũsãrẽ gũisĩã, ñeãmasĩbiriñurã. 20 Irasirirã: “Gajinũ ìgũrẽ ñeãrãra”, ãrĩ, ìãnurãtuyañurã. Ìgũ ñerõ yujumakũ weresãmurã péduarã iriadiñurã. Irasirirã gajirãrẽ irikatorãrẽ ìgũ puro iriuñurã ìgũ werenĩrẽrẽ pédorãrẽ. “Ìgũrẽ sêrêñarã waarã, masaka ìũrõrẽ diaye irirã irirosũ ããrĩka!” ãrĩ, ìgũsãrẽ iriuñurã. “Jesús ñerõ werenĩmakũ pérã, iri nikũ marã opũ pãroque peresu iridorãrã ãñwãgãrãra”, ãrĩrã, ìgũsãrẽ iriudiñurã. 21 Ìgũsã Jesús pãroque ejarã, ãsũ ãrĩñurã:

—Buegũ, mũ iririkurire masĩa. Mũ ãrĩkatoro marĩrõ werenĩã. Marĩpũyare diayeta buea. “¿Naásũ gũñarĩ masaka yũre?” ãrĩ gũñarõ marĩrõ diayeta ìgũsãrẽ werea. Oparãrẽ, ubu ããrĩrãdere ããrĩperãrẽ surosũta ìãã. 22 Irasirigũ gũare wereka! Romano marã opũ marĩrẽ niyeru wajasearire marĩ wajarimakũ, ¿õãgorari, o õãberi? ãrĩñurã Jesúre.

23 Jesús gapũ ìgũsã ñerõ iriduarire masĩsĩã, ìgũsãrẽ ãrĩyupũ:

24 —Niyeru koere ãrĩka! I koeguere, ¿noãya diapu keori, noãya wãĩ tuuyari? ãrĩyupũ.

—Romano marã opũya diapu keori, ìgũ wãĩta tuuyãã, ãrĩ yujũñurã.

25 Ìgũsã irasũ ãrĩmakũ pégũ, Jesús ìgũsãrẽ ãsũ ãrĩyupũ:

—Iro merẽ romano marã opũya ããrĩrẽrẽ ìgũrẽ sĩka! Marĩpũya gapũre Marĩpũre sĩka! ãrĩyupũ.

26 Irasirirã masaka péuro neõ ìgũrẽ ñerõ ãrĩ werenĩmakũ irimasĩbiriñurã. Ubu gapũ ìgũ yujũrẽ pérã pégũka, toekõãñurã.

*Saduceo bumarã, Marĩpũ boanerãrẽ masũburire Jesúre sêrêñadea
(Mt 22.23-33; Mr 12.18-27)*

27 Pũrũ surãyeri saduceo bumarã Jesús pãroque ejañurã. Ìgũsã: “Masaka boanerãgue masãbirikumã”, ãrĩ buremurã ããrĩñurã. Irasirirã Jesúre ãsũ ãrĩñurã:

28 —Buegũ, Moisés marĩrẽ ãsũ ãrĩ gojapĩdi ããrĩmĩ: “Sugũ marãpokũdi pũrã marĩkeregũ ìgore boaweomakũ, ìgũ pagũmũ ìgore dúunorẽgũkumi. Irasirirã, ìgũ igo merã pũrãkũrã ìgũ tĩgũ dagũ pũrã irirosũta ããrĩrãkuma”, ãrĩ gojapĩdi ããrĩmĩ.

29 ‘Iripoeguere sugũ pũrã, su mojõma pere gaji mojõ peru pẽrẽbejarã ããrĩunãnerã ããrĩmã. Ìgũsã tĩgũ gapũ marãpokũ, pũrã marĩgũta boakõãyupũ.

30 Irasirigũ ìgũ dagũ dokamũta ìgũ marãpo ããrĩdeore dúunorẽyupũ. Ìgũde, ìgũ tĩgũ dagũ irirosũta pũrã marĩgũta boakõãyupũ. 31 Ìgũsã pẽrã dokamũde pũrã marĩgũta boakõãyupũ. Irasũ dita pũrã marĩrãta boapereakõãñurã. 32 Ìgũsã pũrũ ìgũsã marãpode boakõãyupo pama. 33 Ìgũsã su mojõma pere gaji mojõ peru pẽrẽbejarã ãma ìgore marãpokũadiñurã. Irasirirã boanerã masãmakũ, ¿niño marãpogora ããrĩgokuri? ãrĩñurã.

34 Jesús ìgũsãrẽ yujũyupũ:

—I ãmũgue ããrĩrã, ãma, nome merã marãpokũma. Ìgũsã pũrã nomedere nomesuma. 35 Ìgũsã irasirikeremakũ, ãmũgasigue ããrĩmurã gapũ irasũ ããrĩbirikumã. Marĩpũ: “Õãrã ããrĩma”, ãrĩ ìãrã, boanerãgue masã, pũrũ ìgũ

purogue marĩārākuma. Iroguere marāpokubirikuma. Īgūsā pūrā nomedere nomesubirikuma. ³⁶ Marĩpure wereboerā irirosū neō dupaturi boabirimurā āārĩsĩā, irasiribirikuma. Īgūsā Marĩpu masūnerā, ĩgū pūrā āārĩrākuma. ³⁷ Iripoeguere Moisés ĩgū yukugāgue ũjūrōgue waadeare gojadi āārĩmĩ. Īgū iroguere āārĩmakū, Marĩpu āsū ārĩdi āārĩmĩ ĩgūrē: “Yū Abraham, Isaac, Jacob Oputa āārā”, ārĩdi āārĩmĩ. I merā boanerā masāburire marĩ masĩa. ³⁸ Abraham, Isaac, Jacob boanerā āārĩkererā, Marĩpu merā okarā āārĩma. Irasirigū Marĩpu boanerā dupaturi masābirimurā Opū āārĩbemi. Okarā Opū āārĩmĩ. Āārĩpererā masaka boakererā, Marĩpu ĩūrō okarā āārĩma, ārĩyupū Jesús.

³⁹ ĩgū irasū ārĩmakū pérā, surāyeri Moisés gojadeare buerimasā āsū ārĩñurā: –Buegū, mū ōārō yujūa, ārĩñurā. ⁴⁰ Irasirirā neō dupaturi gajĩ ĩgūrē sērēñadūabiriñurā.

*“¿Noā parāmi āārĩturiagu āārĩrĩ Cristo?” ārĩ sērēñadea
(Mt 22.41-46; Mr 12.35-37)*

⁴¹ Jesús gapū āsū ārĩyupū:

–¿Nasirirā Moisés gojadeare buerimasā: “Cristo, David parāmi āārĩturiagu āārĩmĩ”, ārĩrĩ? ⁴² David, Salmos wāĩkuri gojadea pūgue āsū ārĩ gojadi āārĩmĩ: Marĩpu, yū Opure āsū ārĩmĩ: “Ōō, yū diaye gapū doaka yū merā dorebu!

⁴³ Irasiriripoe mūrē ĩaturirārē mū dorerire tarinugānemobirimakū irigūra”, ārĩmĩ, ārĩ gojadi āārĩmĩ David.✧

⁴⁴ David, Cristo ñekū āārĩkereru, ĩgūrē: “Yū Opū āārĩmĩ”, ārĩdi āārĩmĩ. ¿Nasirigū, Cristo, David parāmi āārĩturiagu āārĩkeremakū, David ĩgūrē irasū ārĩyuri? ārĩyupū Jesús.

*Jesús, Moisés gojadeare buerimasārē: “Ñerō yáa”, ārĩ weresādea
(Mt 23.1-36; Mr 12.38-40; Lc 11.37-54)*

⁴⁵ Āārĩpererā masaka péurogue Jesús ĩgū buerārē āsū ārĩyupū:

⁴⁶ –Moisés gojadeare buerimasā ñerō iririre ōārō pémasĩka! Oparā irirosū surĩ yoari sāña, masaka ĩūrōgue waagorenama. Makā dekoguere masakare ōārō būremurĩ merā bokatĩrĩ ōādozemakū gāāmema. Nerērĩ wiiriguere ñajārā, ōārĩ doaripērĩgue dita doadūama. Bosenurĩ āārĩmakūdere oparā doarĩgue dita doadūama. ⁴⁷ Wapiweyarā nome wajamomakū ĩā, ĩgūsāya wiirire ēmanokōāma. Īgūsārē bopoñarĩ merā ĩābirikererā, yoaripoe Marĩpure sērē ĩmukatoma, masaka ĩgūsārē: “Marĩpure ōārō būremuma”, ārĩburo, ārĩrā. Īgūsā irasiriri waja Marĩpu ĩgūsārē gajirā nemorō wajamoāgukumi, ārĩyupū Jesús.

21

*Wapiweyo bopogo Marĩpūya wiigue niyeru koeri sādea
(Mr 12.41-44)*

¹ Jesús Marĩpūya wiigue āārĩgū, iri wiima ĩgūsā āmuburi niyeru neeōrĩ kūmague wārĩ doebiri oparā ĩgūsā niyeru sāmakū ĩāyupū. ² Sugo wapiweyo bopogode iri kūmague pe koegā, mérōgā wajakuri koerigārē sāmakū ĩāyupū.

³ Iri koerire igo sāmakū ĩāgū, āsū ārĩyupū:

–Diyeta mūsārē werea. Igo wapiweyo bopogo i kūmague niyeru sāgō, Marĩpu ĩūrō gajirā āārĩpererā ĩgūsā sīadero nemorō sāamo. ⁴ Gajirā wārĩ doebiri oparā wáro sīkeremakū, ĩgūsāya wáro dūyāa. Igo gapū bopogo āārĩkerego, igo baari wajariboadeare sīpeokōāmo Marĩpure būremugō, ārĩyupū.

*Jesús Marĩpūya wiire béoburimarē weredea
(Mt 24.1-2; Mr 13.1-2)*

⁵ Surāyeri ĩgũ buerā Marĩpũya wiimarē ĩārā, āsũ ārĩñurā:

—Ōārĩ ũtāyeripa merā iridea wii āārā. Masaka iri wiire ĩgũsā sĩdeade ōārĩ āārā, ārĩñurā.

ĩgũsā irasũ ārĩmakũ pégu, Jesús ĩgũsārē ārĩyupũ:

⁶—Mũsā i wiimarē dapagorare ĩādāa. Sunũ i wiima āārĩpereri marĩ ĩādea, i ũtāyeride mutādiwapereakōārokoa. Neō suye ũtāye gajiyē weka weamũĩadeade dujabirikoa, ārĩyupũ.

*Jesús: “I ũmũ pereburi dupiyuro āsũ waarokoa”, ārĩ weredeā
(Mt 24.3-28; Mr 13.3-23)*

⁷ ĩgũ irasũ ārĩmakũ pérā, ĩgũrē sērēñañurā:

—Guare buegu, ĩnaāsũ āārĩmakũ mũ ārāderosũ waarokuri? ĩÑeeno iri ĩmugukuri, iri irasũ waaburi dupiyuro? ārĩñurā.

⁸ Jesús yũjũyupũ:

—Ōārō pémasĩka! Gajirā wārā ārĩkatorimasā aarirākuma. “Yũ Marĩpũ iriudi, Cristo āārā”, ārĩrākuma. “Dapagorare i ũmũ pereburo aarisiāa”, ārĩrākuma. ĩgũsā ārĩkatorire pébirikōāka! ⁹ Masaka mũsā pũro gāmewējērĩrē pérā, gajirogue marā ĩgũsā oparārē béori kerere pérā, gũkabirikōāka! I ũmũ pereburi dupiyuro irasũ waapũrorirokoa. Irasũ waakeremakũ, i ũmũ pereburo dũyarokoa dapa, ārĩyupũ.

¹⁰ Irasũ ārĩ odo, ĩgũsārē āsũ ārĩnemoyupũ doja:

—Su bumarā, gaji bumarā merā gāmewējērākuma. Su nikũ marā, gaji nikũ marā merā gāmewējērākuma. ¹¹ Wārĩ makārĩguere nikũ bũro ñomerokoa. Masaka wārā ũaboari merā boarākuma. Pũrĩrikuri merā ñerō tarirākuma. ũmũgasiguere bũro goeri, wārĩ gajino deyoarire ĩārā, masaka bũro gũirākuma.

¹² I āārĩpereri irasũ waaburo dupiyuro mũsā yũre bũremurĩ waja gajirā mũsārē ñeā, ñerō irirākuma. Irasirirā marĩ judío masaka nerērĩ wiirigue mũsārē weresā, peresu irirākuma. Makārĩ marā oparā pũroque āĩānarākuma mũsārē wajamoādorera. ¹³ ĩgũsā iroque mũsārē āĩjamakũ, mũsā gapũ Marĩpũya ōārĩ kerere wererākoa ĩgũsārē. ¹⁴ ĩgũsā mũsārē oparā pũroque āĩwāgāmakũ ĩārā, oparārē yũjuburire gũñarikũbirikōāka! “ĩNaāsũ ārĩrākuri ĩgũsārē?” ārĩ gũñarikũbirikererāta āārĩka! ¹⁵ Mũsā werenĩmakũ iritamugũra. Mũsārē irasũ iritamugũ, masĩrĩ merā ōārĩ werenĩrĩ merā weremakũ irigũra. Mũsā irasũ weremakũ pérā, mũsārē ĩaturirā gapũ mũsā werenĩrĩrē bokatĩũbirikuma. “Iri diaye āārĩbea”, ārĩmasĩbirikuma. ¹⁶ Surāyeri mũsā pagũsāmarā, mũsā pagũpũrā, mũsāya makā marā, mũsā merāmarāde mũsārē oparāguere wējēdorera wiarākuma. Irasirirā mũsārē surāyerire wējērākuma. ¹⁷ Yũre mũsā bũremurĩ waja āārĩperero marā masaka mũsārē ĩāturi doorākuma. ¹⁸ ĩgũsā irasirikeremakũ, sudagā mũsāya poadagā neō ded-eribirikoa. ¹⁹ Irasirirā mũsārē ñerō irikeremakũ, yũre bũremurĩrē pirimerā, Marĩpũ pũroque pereburi okari oparākoa.

²⁰ Irasirirā wārā surara Jerusalén tũro gāmegorobiatũmakũ ĩārā, iri makārē ĩgũsā béoburo mérōgā dũyāa, ārĩ masĩrākoa. ²¹ Irasũ waamakũ ĩārā, Judea nikũgue āārĩrā ũtāyukugue ũmaduriburo. Jerusalēgue āārĩrāde iri makārē wiriburo. Iri makā tũro āārĩrā Jerusalēguere dupaturi goedujāabirikōāburo. ²² Irasũ waarĩnũrĩ Marĩpũ ñerārē wajamoārĩnũrĩ āārĩrokoa. Irasiriro āārĩpereri ĩgũya werenĩrĩ gojādea pũgue gojāderosũta waarokoa. ²³ I nikũ marā bũro pũrĩrō péñarākuma. Marĩpũ ĩgũsārē bũro wajamoāgũkumi. Irasũ waamakũ, nijĩpagosā nome, ĩgũsā pũrā mirĩrāgā oparā nomede bũro ñerō tarirākuma. ²⁴ Surāyeri i makā marā gāmewējērōgue boarākuma. Boamerā gapũre āārĩpereri nikũgue āĩwāgā, peresu irirākuma. Judío masaka āārĩmerā Jerusalērē ñerō

irirākuma. Irasirirā iri makā marārē tarinugārākuma. Marīpu, judío masaka āārīmerārē: “Iri makā marārē neō opabirikōāka pama!” āārimakūgue opaduúrākuma.

Jesús i ūmugue ĩgū dupaturi aariburire weredea

(Mt 24.29-35, 42-44; Mr 13.24-37)

²⁵ I ūmu pereburi dupiyuro abe ūmumu, abe ñamimu, neñukāde deyori gor-awayuakōārākuma. Wādiya turaro busari, makūrī nikūguere buro ejarokoa. Irasirirā i ūmu marā āārīpererā buro gūkari merā diaye gūñamasībirikuma. ²⁶ Ūmarōgue marā turarā naradari merā béosūrākuma. Irasū waamakū ĩārā, masaka i ūmu pereburire: “¿Aarisiakuri?” ārī gūñarā, buro güiri merā kōmorā irirosū neō gūñajabirikuma. ²⁷ Irasū waaripoere masaka yu āārīpererā tīgū, wáro Marīpu turari merā, ĩgū gosesiriri merā ĩmikāyebogue i nikūguere yu dupaturi aarimakū ĩārākuma. ²⁸ Yu ārīderosūta iri goerire waapurorimakū ĩārā, musā yaarā āārīrā güibirikōāka! Gūñaturari merā ūmugasigue ĩāmuka! Mérōgā dūyáa, Marīpu musārē perebiri peamegue waabonerārē tauri ejaburo, ārīyupu Jesús.

²⁹ Irasū ārī odo, i keori merā ĩgūsārē werenemoyupu:

—Higueragu, o gajigu yukū noó gāāmedire ĩāka! ³⁰ Irigu pū maamakū ĩārā: “Bojori waaburo mérōgā dūyáa”, ārī masā. ³¹ Irigu waarósūta i āārīpereri yu ārīrī irasū waamakū ĩārā: “Marīpu ĩgūyarārē doreri aariburo mérōgā dūyáa”, ārī masārākoa. ³² Diayeta musārē werea. I ūmu marā boapereburo dupiyuro i āārīpereri yu ārīrī irasū waarokoa. ³³ Ūmugasi, i nikūde pereakōārokoa. Yu werenírī gapu neō perebirikoa. Āārīpereri yu ārīrōsūta waayumarikurokoa.

³⁴⁻³⁵ Yu dupaturi aariburinurē neō masībea musā. Irasirirā oārō pémasīka! Bosenurērē irirā, ñerērē iribirikōāka! Mejābirikōāka! I ūmumarē buro gūñarikūbirikōāka! Musā ire irasirimerā, gūñaña marīrō i ūmuguerē yu aarimakū ĩārā, gūkabirikoa. Waibu gūñaña marīrō weadeadague ĩgū meésiajarosūta gūñaña marīrō yu aarirínu masakare āārīpereri nikū marārē waarokoa. ³⁶ Irasirirā oārō pémasīrī merā yúka! Marīpure āsū ārī sērēnikōāka! “I ūmu peremakū, guare iritamuka! Turarire sīka, guare oārō tariburo, ārīgū! Irasirirā gua āārīpererā tīgūrē güiro marīrō bokatīrīrākoa”, ārī sērēka ĩgūrē! ārīyupu Jesús.

³⁷ Jesús ūmariku Marīpuya wiigue buenayupu. Ñamiriku bue odogu, Olivos wāikudi ūtāūgue waa, irogue āārīboyoanayupu. ³⁸ Boyoripoe āārīmakū, āārīpererā masaka Marīpuya wiigue ĩgū buerire pérā waanañurā.

22

Judas Iscariote Jesúre wējēduarāguere ĩgūrē ĩmuburire āmudea

(Mt 26.1-5, 14-16; Mr 14.1-2, 10-11; Jn 11.45-53)

¹ Iripoere judío masaka pā wemasārī morēña marīrī baari bosenu, mérōgā dūyayuro. Iri bosenu pascua wāikuyuro. ² Paía oparā, Moisés gojadeare buerimasā Jesúre wējēduarā: “¿Nasiri ĩgūrē wējērākuri marī?” ārīñurā. ĩgūsā Jesúre wējēduakererā, masakare güiñurā.

³ Iripoere wātī, Judas Iscariote wāikuguguere ñajāyupu ñerō iridoregu. Judas, Jesús buerā pe mojōma pere su gubu peru pērēbejarā watopemu āārādiyupu. ⁴ Wātī ñajādero puru, Judas paía oparā, Marīpuya wiire korerā surara oparā puro waayupu. Irogue eja, ĩgū Jesúre ĩmuburire ĩgūsā merā wereniyupu. ⁵ ĩgū irasū ārīmakū pérā, usuyari merā: “ĩgūrē mu guare ĩmumakū, murē niyeru wajarirākoa”, ārīñurā. ⁶ Judas: “Jáa”, ārī, puru: “¿Naásū āārīmakū, masaka ĩāberogue oparāguere yu Jesúre wiamakū oārokuri?” ārī güñayupu.

Jesús ĩgũ buerã merã baatũnudea

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pũũ pã wemasãrĩ morẽña marĩrĩ baari bosenu ããrĩnugãrĩnu ããrĩyuro. Irinu pascua bosenu iririnu ããrĩmakũ, Marĩpu ĩũrõ oveja majĩgũrẽ ĩgũsã wẽjẽrĩnu ããrĩyuro. ⁸ Irinuta Jesús Pedrore, Juãrẽ ãsũ ãrĩ iriuyupu:

—Marĩ pascua bosenu baaburire ãmurã waaka!

⁹ ĩgũ irasũ ãrĩmakũ pérã, ãsũ ãrĩ sërẽñañurã:

—¿Noógue marĩ pascua bosenu baaburire ãmumakũ gããmekuri? ãrĩñurã.

¹⁰⁻¹¹ Jesús ĩgũsãrẽ yũyũyupu:

—Jerusalẽgue waaka! Irogue sugũ dekosoro kõãwãgãgũrẽ bokajarãkoa. ĩgũrẽ tũyaka! ĩgũ ñajãri wiigüe ejarã, iri wii opũre: “Gũare buegũ, ãsũ ãrĩ sërẽñadoreami: ‘¿Dĩ taribugüe yũ buerã merã i pascua bosenuãrẽ baagũkuri?’ ãrãmi”, ãrĩka! ¹² Mũsã irasũ ãrĩmakũ pé, wãri taribu, ãmarõgüe ĩgũsã ãmu odoadea taribure ĩmugũkumi. Irogue marĩ baaburire ãmuka! ãrĩyupu Jesús.

¹³ Irasirirã iri makãgüe waa, irogue eja, Jesús wereaderosũta bokaja, pascua bosenu baaburire ãmuñurã.

¹⁴ ĩgũsã baaripoe ejamakũ, Jesús ĩgũ buerã pe mojõma pere su gubu peru pẽrẽbejarã merã baa doanĩyupu. ¹⁵ Irogue baa doanĩgũ, ĩgũsãrẽ ãrĩyupu:

—Yũ boaburo dupiyuro i pascua bosenu baarire mũsã merã buro baadũãa.

¹⁶ Mũsãrẽ werea. I bosenuãrẽ marĩ dapagora irirosũ yũ dupaturi neõ irinemo-birikoa. Pũũ Yũpu ĩgũyarãrẽ dorerogue dupaturi iriyuwarikũgũkoa, ãrĩyupu.

¹⁷ Irasũ ãrĩ odo, iirĩripare ãĩ, Marĩpũre: “Mũrẽ usũyari sĩa”, ãrĩ, ĩgũsãrẽ ãsũ ãrĩyupu:

—Ire ãĩ, dukawa iirĩka! ¹⁸ Mũsãrẽ werea. I igui dekore marĩ dapagora iirirosũ yũ dupaturi neõ iirĩnemobirikoa. Yũpu ĩgũyarãrẽ doreri ejadero pũũgüe dupaturi iirĩgũkoa doja, ãrĩyupu.

¹⁹ Pũũ pãrẽ ãĩ, Marĩpũre: “Mũrẽ usũyari sĩa”, ãrĩ, pãrẽ pea, ĩgũsãrẽ ãsũ ãrĩ guereyupu:

—I yaa dupũ ããrã. Yũ mũsã ñerõ iridea waja boagũkoa. Irasirirã mũsã dapagora iriaderosũ nerẽ, pãrẽ baariku, yũ mũsãrẽ boabosarire gũñaka! ãrĩyupu.

²⁰ ĩgũsã baa odoadero pũũ, pãrẽ ããaderosũta iirĩripadere ãĩ, ĩgũsãrẽ ãsũ ãrĩyupu:

—Yũ mũsãrẽ boabosagu, yaa dí béori merã Yũpu mũsãrẽ: “Õãrõ irigũra”, ãrĩdeare iriyuwarikũgũkoa.

²¹ Dapagorare yũre wẽjẽduarãguere yũre ĩmubu õõ yũ merã baa doanĩmi.

²² Marĩpu ãrĩderosũta yũre ããrĩpererã tĩgũrẽ waaró yãa. Yũre ĩmubu gapũre ñetariro waarokoa, ãrĩyupu.

²³ ĩgũ irasũ ãrĩmakũ pérã, ĩgũsã basi ãsũ ãrĩ gãme sërẽñañurã:

—¿Noã marĩ watopeguere irasiribukuri? ãrĩñurã.

Jesús buerã: “Marĩ watopere, ¿noã ããrĩpererã nemorõ ããrĩgũkuri?” ãrĩ guaseodea

²⁴ Pũũ Jesús buerã ãsũ ãrĩ gãme guaseoñurã:

—Marĩ watopere, ¿noã ããrĩpererã nemorõ ããrĩgũkuri? ãrĩñurã.

²⁵ Jesús gapũ ĩgũsãrẽ ãrĩyupu:

—I nikũ marã oparã Marĩpũre buremumerã gapũ ĩgũsãyarãrẽ dorerã, turaro merã dorema. Irasirirã ĩgũsã oparãrẽ: “Masakare õãrõ iritamurã ããrĩma”, ãrĩma. ²⁶ Mũsã tamerã i nikũ marã oparã irirosũ iribirikõãka! ãsũ gapũ irika! Mũsã watopeguere sugũ gajirã nemorõ ããrĩduagu, mũsã nemorõ ubu ããrĩgũ maamũ irirosũ ããrĩburo. Mũsãrẽ doredũagu, moãboegũ irirosũ mũsãrẽ

iritamugũ ããrĩburo. ²⁷ Musã gũñamakũ, ¿niíno gapu gajigu nemorõ ããrĩgũ ããrĩrĩ? ¿Baa doanígũ gapu, o ígũrẽ baari ejogu gapu ããrĩrĩ? Ásũ ããrã. Baa doanígũ gajigu nemorõ ããrĩmi. Yu gapu musã watopegue ããrĩgũ, musãrẽ moãboegu irirosũta musãrẽ iritamugũ aaribá.

²⁸ 'Masaka yure ñerõ irikeremakũ, musã yu merã ããrĩnkõãbu. ²⁹ Irasirigu, Yuru yure ígũyarã Opu píderosũ, yu musãdere oparã sóogura. ³⁰ Irasirirã, yu ígũyarã Opu ããrĩrõgue musãde, yu merã iirí, baa doanírãkoa. Irogue musã pe mojõma pere su gubu peru pẽrẽbejari oparã doarire doarãkoa. Irasirirã Israel bumarãrẽ pe mojõma pere su gubu peru pẽrẽbejari buri marãrẽ dorerãkoa, ãrĩyuru.

*Jesús Pedroro: “Yure masĩkeregu: ‘Masĩbea’, ãrĩgũkoa”, ãrĩ weredea
(Mt 26.31-35; Mr 14.27-31; Jn 13.36-38)*

³¹ Irasũ ãrĩ odo, marĩ Opu Jesús Pedroro ãsũ ãrĩyuru:

—Simón, yure péka! Wãtẽa opu Satanás Yurure sërẽadami, trigo gasirire koro, yusasiribéoro irirosũ musãrẽ yure buremurĩrẽ pirimakũ iridugau. ³² Ígũ irasũ iridũakeremakũ, yu gapu muya ããrĩburire Yurure sërẽbosabu, mu yure buremurĩrẽ piribirikõãburo, ãrĩgũ. Irasirigu yure dupaturi õãrõ gũñaturadero puru, muyarã yure buremurãrẽ gũñaturamakũ irika! ãrĩyuru.

³³ Ígũ irasũ ãrĩmakũ pégu, Pedro ãrĩyuru:

—Yu Opu, murẽ peresu irirã, yudere mu merãta peresu iriburo. Murẽ wẽjẽrã, yudere mu merãta wẽjẽburo, ãrĩyuru.

³⁴ Jesús ígũrẽ ãrĩyuru:

—Pedro, murẽ werea. Dapagã ñami ágãbo wereburo dupiyuro yure masĩkeregu urea gajirãrẽ: “Masĩbea”, ãrĩkatogũkoa, ãrĩyuru.

Jesúre ígũsã ñeãburo dupiyuro waadea

³⁵ Irasũ ãrĩ odo, Jesús ígũ buerãrẽ ãsũ ãrĩ sërẽñayuru doja:

—¿Sõõ ããrĩdeapoere musã niyeru, surí ãĩãrĩ ajuri, gubu surí opamerã musãrẽ yu iriudeapoere ñeéonorẽ gããmenemorĩ?

—Neõ gajino gããmenemobiribu, ãrĩ yujũñurã.

³⁶ Ígũsã irasũ ãrĩmakũ, ãrĩyuru doja:

—Dapagora gapure surí, niyeru ãĩãrĩ ajuri oparã, irire ãĩaka! Musãrẽ sareri majĩrĩ marĩmakũ ããrã, musãya surí wekamarẽ dua, su majĩ wajarika! ³⁷ Ire musãrẽ werea. Marĩpuya werenĩrĩ gojadea pũgue gojaderosũta yure waaró yáa. Ásũ ãrĩ gojasũdero ããrĩbú: “Ígũde ñegũ irirosũ ñerã watopeguere ããrĩdi ããrĩmi’, ãrĩsũgũkumi”, ãrĩ gojasũdero ããrĩbú, ãrĩyuru. Ígũ irasũ ãrĩmakũ pẽrã, ígũ buerã ígũrẽ ãrĩñurã:

³⁸ —Gua Opu, pe majĩ sareri majĩrĩ opáa, ãrĩñurã.

—Õãsiáa, ãrĩ yujũyuru Jesús.

*Jesús Getsemanígue Marĩpura sërẽdea
(Mt 26.36-46; Mr 14.32-42)*

³⁹ Puru Jesús ígũ irinarõsũ Olivos wãikudi ãtãũgue waakõãyuru. Ígũ buerãde ígũ merã waañurã. ⁴⁰ Irogue ejagu, Jesús ígũsãrẽ ãrĩyuru:

—Marĩpura sërẽka, wãtĩ ãrĩmesãrĩrẽ iribukoa, ãrĩrã, ãrĩyuru.

⁴¹ Irasũ ãrĩ odo, ígũ suguta yoawayaro waa, ñadũkũpuri merã ejamejãja, Marĩpura ãsũ ãrĩ sërẽyuru:

⁴² —Au, yu ñerõ tariburire taudugau, tauka! Yu irasũ ãrĩkeremakũ, yu gããmerõsũ iribirikõãka! Mu gããmerõsũ gapu yure waaburo, ãrĩyuru.

⁴³ Ígũ irasũ ãrĩmakũ, Marĩpura wereboegu ãmũgasigue ããrãdi Jesúre deyoayuru ígũrẽ gũñaturamakũ irigu. ⁴⁴ Jesús burõ purĩsũgũ Marĩpura

sêreadero nemorõ ïgürê sêrenemoyupũ doja. ïgũ ñajãsüririta dí yeri pagayeri wiri, yebague yuriyuro.

⁴⁵ Marĩpũre irasũ arĩ sêrê odo, wãgãñugã, ïgũ buerã pũro eja, bũro bajawereri merã kãrĩrãrê bokajayupũ. ⁴⁶ Irasirigũ ïgũsãrê arĩyupũ:

—¿Nasirirã kãrĩrĩ? Yobeka! Marĩpũre sêrêka, wãtĩ arĩmesãrĩrê iribukoa, arĩrã, arĩyupũ.

Jesúre ñeãwãgãdea

(Mt 26.47-56; Mr 14.43-50; Jn 18.2-11)

⁴⁷ ïgũ irasũ arĩ wereripoe masaka wãrã ejañurã. Judas pe mojõma pere su gubu peru pêrêbejarã buerã watopemũ aãrãdi masakare dupiyuyupũ. Jesús pũro eja, ïgürê bokatĩrĩ, ïgũya wayupãrãrê mimiyupũ. ⁴⁸ ïgũ irasũ mimimakũ ïãgũ, Jesús gapũ ïgürê arĩyupũ:

—Judas, ¿yũre aãrĩpererã tĩgürê yũre ïãturirãguere wiagũ, yaa wayupãrãrê mimirĩ mũ? arĩyupũ.

⁴⁹ ïgũ irasũ arĩmakũ, Jesús buerã ïgürê masaka ñeãburire masĩrã: “Gua Opũ, ¿gua sareri majĩrĩ merã ïgũsã merã gãmekẽãsi?” arĩñurã.

⁵⁰ Irasũ arĩ, sugũ Jesús buegũ ïgũya sareri majĩ merã paía opũre moãboagure diaye gapũma gãmipũrê dititã dijukõãyupũ. ⁵¹ ïgũ irasirimakũ ïãgũ, Jesús arĩyupũ:

—Iropata irika! Inorê irinemobita! arĩyupũ.

Arĩ odo, gãmipũ aãrãderore moãñayupũ. ïgũ moãñamakũ, ïgũya gãmipũ õãkõãyuro doja. ⁵² Irasiri odo, ïgürê ñeãmurãrê: paía oparãrê, Marĩpũya wiire korerã surara oparãrê, judío masaka mũrãdere arĩyupũ:

—¿Nasirirã sareri majĩrĩ merã, yukũ dukari merã sugũ yajarimasũrê ñeãrã aarirã irirosũ yũre ñeãrã aariri? ⁵³ Ëmũrikũ Marĩpũya wiigue mũsã merã yũ aãrĩmakũ, yũre neõ ñeãbiribu. Irasũ aãrĩkeremakũ, dapagora mũsã yũre ñerõ iriripoe ejasiãa. Wãtĩ naĩtĩãrõgue aãrĩgũ mũsãrê dorerire irirã yãa mũsã, arĩyupũ.

Pedro Jesúre masĩkeregũ: “Masĩbea”, arĩdea

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Pũrũ Jesúre ñeã, paía opũya wiigue aĩãñurã. ïgũsã ïgürê aĩãmakũ, Pedro ïgũsãrê yoaweyarogue tũyayupũ. ⁵⁵ Iroque ejarã, makãpũro ñajãrõma yeba dekogue peame diiũñurã. Irasirirã irime tũro sũma doanĩñurã. Pedro ïgũsã pũro eja, ïgũsã watopegue doayupũ. ⁵⁶ Sugo moãboerimasõ, ïgũ peame tũro doamakũ ïãgõ, ïgürê õãrõ ïã, gajirãrê ãsũ arĩ wereyupo:

—Ïide ïgũ merã aãrĩdita aãrãmi, arĩyupo.

⁵⁷ Igo irasũ arĩmakũ pégũ, Pedro arĩkatori merã:

—Yũ ïgürê neõ masĩbea, arĩ yũyuyupũ. ⁵⁸ Mërõgã pũrũ gajigũ ïgürê ïã, ãsũ arĩyupũ:

—Mũde Jesús buerã merãmũta aãrã, arĩyupũ.

—Neõ aãrĩbea yũ, arĩyupũ Pedro.

⁵⁹ Su hora pũrũ gajigũ gajirãrê ãsũ arĩ wereyupũ:

—Ïĩ diayeta ïgũ merã aãrĩdita aãrĩmi. Galileamũta aãrĩmi, arĩyupũ.

⁶⁰ ïgũ irasũ arĩmakũ, Pedro yũyuyupũ:

—Yũ, mũ werenĩgürê masĩbea, pẽmasĩbirikoa, arĩyupũ.

ïgũ irasũ arĩripoeta ãgãbo wereyupũ. ⁶¹ ïgũ weremakũ, marĩ Opũ Jesús yoaweyarogue aãrĩgũ Pedrore ïã gãmeuyupũ. ïgũ irasũ ïãmakũ, Pedro, Jesús ïgürê: “Dapagã ñami ãgãbo ïgũ wereburo dupiyuro mũ yũre masĩkeregũ,

urea: ‘Masíbea’, árkatogukoa”, árideare güñabokayupũ. ⁶² Irire güñaboka, wiria, bujawereri merã buro oreypũ.

Jesúre ñerõ iri buridadea
(Mt 26.67-68; Mr 14.65)

⁶³ Jesúre korerã surara ñgũrẽ burida, páñurã. ⁶⁴ Irasũ ñgũrẽ párã, suríro gasiro merã ñgũya koyere suabiato:

—¿Noã murẽ pári? Áribokaka! áriñurã.

⁶⁵ Wári gaji ñerõ ári buridañurã.

Jesúre oparã purogue ãideadea
(Mt 26.59-66; Mr 14.55-64; Jn 18.19-24)

⁶⁶ Gajinũ gapũ boyodujimejãripoe judío masaka murã, paía oparã, Moisés gojadeare buerimasãde nerẽñurã. Pũũ ñgũsã nerẽrõgue Jesúre ãija, ãsũ ári sërẽñañurã:

⁶⁷ —Wereka guare! ¿Mũ, Marĩpũ iriudi Cristota ããrĩrĩ? áriñurã.

Jesús ñgũsãrẽ yujuyupũ:

—Musãrẽ: “Yũ ñgũta ããrã”, árimakũ, yũre buremubirikoa. ⁶⁸ Musãrẽ gajinorẽ yũ sërẽñamakũ, yũre yujubirikoa. ⁶⁹ Musã yũre buremubirikeremakũ, mérõgã pũũ Yũpũ turatarigũ yũre ããrĩpererã ñgũrẽ ñgũ diaye gapũ doamakũ irigukumi, áriypũ.

⁷⁰ Ñgũ irasũ árimakũ pérã, ããrĩpererã ñgũrẽ sërẽñañurã:

—¿Irasũ áriñgũ, Marĩpũ magũta ããrĩrĩ mũ? áriñurã.

—Ñgũta ããrã musã áriñrõsũta, ári yujuyupũ Jesús.

⁷¹ Ñgũ irasũ árimakũ, ãsũ áriñurã:

—Nasirimurã gajirã ñgũrẽ weresãrĩrẽ pénomobirikoa marĩ! Ñgũ werenírĩrẽ marĩ basita pésiãa, áriñurã.

23

Jesúre Pilato puro ãijadea
(Mt 27.1-2, 11-14; Mr 15.1-5; Jn 18.28-38)

¹ Irasũ ári odo, ããrĩpererã wãgãñgã, Jesúre opũ Pilato wãikũgũ purogue ããñurã. ² Jesúre irogue ãijarã, ãsũ ári weresãñgãñurã:

—Íi maríya nikũ marãrẽ ñerõ iridoremakũ péabũ. Romano marã opũ niyeru wajasearire: “Wajaribirikõãka!” áriñrẽ péabũ. Gajidere: “Yũ judío masaka Opũ, Cristo ããrã”, árami, áriñurã.

³ Ñgũsã irasũ árimakũ pégu, Pilato Jesúre sërẽñayupũ:

—¿Mũta ããrĩrĩ, judío masaka Opũ?

—Mũ áriñrõsũta ñgũta ããrã, ári yujuyupũ Jesús.

⁴ Ñgũ irasũ árimakũ, Pilato paía oparãrẽ, masaka irogue ããrĩrãrẽ áriypũ:

—Írẽ neõ ñerĩ iridea máa, yũ ñãmakũ, áriypũ.

⁵ Ñgũ irasũ árikeremakũ, ñgũsã gapũ buro weresãñemoñurã:

—Ñgũ bueri merã masaka oparãrẽ tarinũgãmakũ iriami. Galilea nikũgue irire irinũgãmi. Dapagorare i makãguedere irasũta irigũ ejámi, áriñurã.

Jesúre Herodes puro ãijadea

⁶ Ñgũsã irasũ árimakũ pégu, Pilato gapũ sërẽñayupũ:

—¿Íi Galileamũta ããrĩrĩ? áriypũ.

⁷ “Iromũta ããrĩmi”, ári, ñgũsã yujumakũ pégu, Pilato surarare: “Jesúre Galilea nikũ marã opũ Herodes puro ããka!” áriypũ. Iripoere Herodes Jerusalẽgue ããriypũ. ⁸ Iro dupiyuro Herodes Jesús iridea kerere pédi ããrĩmi. Irasirigũ yoaripoe ñgũrẽ buro ñãñũgũ iriadiypũ. Jesús ñgũ turari merã iri

ĩmumakũ ããduagu iriadiyupu. Irasirigu ĩgũ puro ĩgũsã Jesúre ãĩjamakũ ããgũ, buro usuyayupu. ⁹ Wári Jesúre sērēñadiyupu. ĩgũ sērēñakeremakũ, Jesús gapu ĩgũrē neõ yujubiriyupu. ¹⁰ Paía oparã, Moisés gojadeare buerimasãde Herodes puro ejanerã, Jesúre turaro merã weresãñurã. ¹¹ Puru Herodes ĩgũya surara merã Jesúre burida, ñerõ iriñurã. ĩgũrē buridarã, õãrĩ surĩrore opuyañerē sãñurã. Irasiri odo, Herodes: “Ĩgũrē Pilato purogue ãĩaka doja!” ãrĩyupu. ¹² Herodes, Pilato merã iro dupiyuroguere gãme ããduabirinerã ããrĩkererã, irinu merã gãmesuriñurã.

Jesúre wējēdoredea

(Mt 27.15-26; Mr 15.6-15; Jn 18.39-19.16)

¹³ Puru Pilato paía oparãrē, judío masaka oparãrē, masakadere siiu neõ, ¹⁴ ãsũ ãrĩyupu:

–Musã ĩrē yu puro ãĩjarã: “Ĩĩ masakare ñerõ iridoremi”, ãrãbu musã yure. Musã ĩrõ, yu ĩrē sērēñapeoabu. Musã ĩrē weresãkeremakũ, ĩĩ ñerõ iridea máa, yu ãĩmakũ. ¹⁵ Herodede: “Ĩĩrē neõ ñerĩ iridea máa”, ãrãyupu. Dupaturi ĩrē yu puro iriuañumi doja. Irasiriro ĩrē wējēdoreri máa. Musãde ire masĩa. ¹⁶ Irasirigu yu ĩgũrē tãrãdoregukoa. Puru ĩgũrē wiugura, ãrãdiyupu Pilato.

¹⁷ Pilato, bojoriku pascua bosenu ããrĩmakũ, sugu peresugue ããrãdire ĩgũsã wiudoregure wiunayupu. ¹⁸ Irasirirã, Pilato: “Jesúre wiugura”, ĩgũ ãrĩmakũ pérã, ããrĩpererã masaka suro merã ãsũ ãrĩ gaguinínugãñurã:

–Jesúre wējēkõãka! Barrabás gapure wiuka! ãrĩñurã.

¹⁹ ĩĩ Barrabáre iro dupiyuro Jerusalégue oparãrē ĩgũ béoduadea waja, gajirãrē ĩgũ wējēdea waja, peresu irinerã ããrĩmã. ²⁰ Pilato Jesús gapure wiuduadiyupu. Irasirigu masakare ĩgũrē wiuburire dupaturi sērēñayupu doja. ²¹ ĩgũ Jesúre wiudakeremakũ, ĩgũsã gaguiníadero nemorõ gaguiníñurã doja:

–Curusague pábiatú wējēka ĩgũrē! Wējēkõãka ĩgũrē! ãrĩñurã.

²² ĩgũsã irasũ ãrĩmakũ, Pilato urea waaró merã ĩgũsãrē ãsũ ãrãdiyupu doja:

–¿Ñeéno ñerĩrē iriari ĩĩ, musã irasũ ãrĩ gaguinímakũ? Yu ãĩmakũ, neõ ĩgũrē ñerĩ iridea máa. Irasiriro ĩrē wējēdoreri máa. Irasirigu ĩgũrē tãrãdore, wiugura, ãrãdiyupu.

²³ ĩgũ irasũ ãrĩmakũ, masaka, paía oparãde buro gaguinínemo: “Curusague pábiatú wējēka ĩgũrē!” ãrĩñurã. Pilato, ĩgũsã irasũ ãrĩ gaguinímakũ neõ bokatĩubiri: “Musã gããmerõ irika!” ãrĩyupu. ²⁴ Irasirigu, ĩgũsã ãrĩrõsũta Jesúre curusague pábiatú wējēdoreyupu. ²⁵ Puru ĩgũsã sērērõsũta Barrabáre peresugue ããrĩgũrē, oparãrē béoduadire, masakare wējēdi gapure wiuyupu. Irasiri odo, Pilato: “Musã gããmerõsũ irika Jesúre!” ãrĩyupu.

Jesúre curusague pábiatúdea

(Mt 27.32-44; Mr 15.21-32; Jn 19.17-27)

²⁶ Jesúre curusague wējēmurã ĩgũsã ãĩwãgãripoe sugu Simón wãĩkugu Cirene wãĩkuri makãmu Jerusalén turogue ããrãdi goedujariyupu. Irasirirã ĩgũrē bokatĩrĩ, ñeã, Jesús kõãdea curusare kõãtuyadoreñurã.

²⁷ Wãrã masaka Jesúre waaburire ããrã ĩgũrē tuyañurã. ĩgũsã watopegue nome ĩgũrē ããrã, gaguiní bujawereri merã oretuyañurã. ²⁸ ĩgũsã oremakũ pégu, Jesús ĩgũsãrē ããgãmeu, ãsũ ãrĩyupu:

–Jerusalén marã nome yure orebirikõãka! Musã basi, musã pũrãya ããrĩburire oreka! ²⁹ Purogue masaka ñetariro tarirãkuma. ãsũ ãrĩrãkuma: “Neõ pũrãkumerã, miũñamerã nome ããrĩmakũ õãtaribuyo”, ãrĩrãkuma. ³⁰ U̯tãyukure

āsū ārīrākuma: “Guare tāū wējē, dedeukōāburo”, ārīrākuma. ³¹ Masaka yure waja opabire ñerō irimakū, waja oparā gapu ñetararo tarirākuma, ārīyupu.

³² Jesúre āiwāgārā, pērā ñerō iririmasādere ĩgū merā wējēsūmurārē āiwāgāñurā. ³³ ĩgūsārē āiwāgārā, masakū dipuru boaweadea pero wāikurogue eja, Jesúre curusague pábiatú āiwāgūnúñurā. Ñerō iririmasādere curusarigue pábiatú āiwāgūnúñurā. Sugure ĩgū diaye gapu, gajigure ĩgū kúgapu pábiatú āiwāgūnúñurā. ³⁴ ĩgūsā Jesúre curusague pábiatú āiwāgūnúmakū, Jesús ārīyupu:

—An, ĩgūsā ñerō iririre kātika! ĩgūsā yure irasiririre pémasībema, ārīyupu.

Surara ĩgū surí sãñadeare: “Ubu ārīboka birarā: ‘¿Noārē dujarokuri?’ ” ārīñurā irire ĩgūsā basi gāme dukawamurā. ³⁵ Masaka irogue āārīrā ĩānīñurā. Oparāgueta Jesúre āsū ārī buridañurā:

—Gajirā gapure taumi. Irasirigu diayeta Cristo, Marīpu beyedi āārīgū ĩgū basi tauburo, ārīñurā.

³⁶ Surarade ĩgūrē buridañurā. ĩgū puro waa ejanugārā, igui deko sūrīrē ĩgūrē ĩirídoreadiñurā. ³⁷ Irire irirā, ĩgūrē āsū ārīñurā:

—Mu diayeta judío masaka Opū āārīgū, mu basi tauka! ārīñurā.

³⁸ “Ī āsū iridea waja boami”, ārīrā: “Īta judío masaka Opū āārīmi”, ārī gojadea majirē curusague ĩgū weka pábiatúñurā. Griego ya merā, latín ya merā, hebreo ya merā gojasūyuro.

³⁹ Sugū ñerō iridi, Jesús merā ĩgūsā pábiatú āiwāgūnúdi Jesúre ñerō ārī turiyupu:

—Mu diayeta Cristo āārīgū, mu baside tau, guadere tauka! ārīyupu.

⁴⁰ ĩgū irasū ārīmakū pégu, gajigu gapu ĩgūrē āsū ārīyupu:

—Irasū ārībirikōāka! ¿Marīpure gūiberi irasū ārīgū? Marīrē suro merā wajamoāma. ⁴¹ Marī gapure marī ñerī iridea waja diayeta wajamoāma. Ī gapu ñerīrē neō iribi āārīmi, ārīyupu.

⁴² Irasū ārī odo, Jesúre āsū ārīyupu:

—Jesús, mūyarā Opū ñajāgū, yudere gūñaka! ārīyupu.

⁴³ —Diayeta mūrē werea. Dapagāta yu merā paraíso wāikurogue āārīgukoa, ārīyupu Jesús ĩgūrē.

Jesús boadea

(Mt 27.45-56; Mr 15.33-41; Jn 19.28-30)

⁴⁴ Pūgu goeripoe āārīmakū, i nikū āārīpererogue naĩtīākōāyuro. Ure hora gora naĩtīayuro. ⁴⁵ Abede deyomarīyupu irasū waaripoere. Marīpūya wii poekama taribu makāpuro kāmūtari gasiro deko merā yeguesiajakōāyuro. ⁴⁶ Irasirigu Jesús turaro merā āsū ārī gaguinīyupu:

—An, yaa yūjupūrārē mūrē wiáa, ārīyupu.

Irasū ārīgūta, kōmoakōāyupu.

⁴⁷ Romano marā surara opu irasū waamakū ĩāgū, Marīpure usuyari sīyupu. Āsū ārīyupu:

—Diayeta ĩ ñerō iribi āārādañumi, ārīyupu.

⁴⁸ Āārīpererā masaka iro Jesúre waarīre ĩārā ejanerā ĩgū boamakū ĩārā, buro bujawereri merā ĩgūsāya koretibirire páwāgā, ĩgūsāya wiirigue dujāakōāñurā.

⁴⁹ Āārīpererā Jesús merāmarā, Galileague ĩgūrē tūyanerā nomede yoarogue Jesúre irasū waarīre ĩānīñurā.

Jesúya dūpūre masāgobegue pídea

(Mt 27.57-61; Mr 15.42-47; Jn 19.38-42)

⁵⁰⁻⁵¹ Irogue sugū José wāikūgu Judea nikūmu, Arimatea wāikūri makāmu āārīyupu. ĩgū oāgū, diayemarē irigu, Marīpu ĩgūyarārē doreri ejaburire

yúgu ããrĩyupũ. Īgũ judío masaka oparã watopemũ ããrĩkeregũ, Jesúre Īgũsã: “Wějēka!” ãrĩmakũ pégu: “Jáũ”, ãrĩbiridi ããrĩmí. ⁵² Irasirigũ Pilato pũrogue waa, Jesúya dũpũre yáabu sērēyupũ. ⁵³ Sērē odo, Jesúya dũpũre curusague ããrĩrĩ dũpũre ãidiju, òãrĩ surí gasiro merã òmayupũ. Òma odo, ùtãyegue mádea gobegue píyupũ. Iri gobe neõ sugũ boadire yáasũña marĩrĩ gobe ããrĩyuro. ⁵⁴ José Jesúre yáarinũ judío masaka siñajãrĩnũma ããrĩburire Īgũsã ãmuyurinu ããrĩyuro. I siñajãrĩnũ ñajãburo mérõgã dũyayuro.

⁵⁵ Galileague Jesúre tũyanerã nome masãgobegue José waamakũ ìãrã, waañurã. Iri gobegue Jesúya dũpũre Īgũ pímakũ ìãñurã. ⁵⁶ Īgũsã irasũ ìãdero pũrũ, Īgũsã ããrĩrĩ wiigũ dujãakõãñurã. Dujaja, sũrõrĩrē Īgũya dũpũre pípeoburire ãmuñurã. ãmu odo, siñajãrĩnũ ããrĩmakũ, Moisés dorederosũta siñajãñurã.

24

Jesús masãdea

(Mt 28.1-10; Mr 16.1-8; Jn 20.1-10)

¹ Semana ããrĩpũroririnu* ããrĩmakũ, boyodujimejãripoe Īgũsã nome dupa-turi Jesúya dũpũre yáadea masãgobegue waañurã. Īgũsã sũrõrĩ ãmuadeare ãñãñurã. Gajirã nomede Īgũsã merã wapikũwãgãñurã. ² Irogue ejarã, iri gobe biadea ùtã majĩrē gajirogue oyamakũ ìãñurã. ³ Irire ìãrã, diayeta ñajãkõãñurã. Irogue ñajãjarã, neõ marĩ Opũ Jesúya dũpũre bokabiriñurã. ⁴ Irasirirã bũro gũka, naásũ irimasĩbiriñurã. “¿Naásũ waáayuri?” ãrĩ gũñaripoeta gũñaña marĩrõ pērã ãma surí goesiriri sãñarã Īgũsã pũro nímakũ ìãñurã. ⁵ Īgũsãrē ìãrã, bũro gũiri merã muúsiañurã. Īgũsã irasirimakũ ìãrã, ãma Īgũsãrē ãrĩñurã:

—¿Nasirimurã boanerãrē yáarogue okagũre ãmarĩ? ⁶ Òõrē mámi. Masãsiami. Gũñaka, Īgũ mũsã merã Galileague ããrĩgũ mũsãrē ãrĩdeare! ⁷ ãsũ ãrĩmi: “Yũ ããrĩpererã tĩgũ ããrĩgũ masaka ñerãguere wiasũgũkoa. Īgũsã yũre curusague pábiatú wějēmakũ, urenũ waaró merã Marĩpũ yũre masũgũkumi”, ãrĩmi, ãrĩñurã.

⁸ Īgũsã irasũ ãrĩmakũ pērã, Jesús ãrĩdeare gũñabokañurã. ⁹ Irasirirã masãgobegue ããrãnerã goedujajarã, ããrĩpereri Īgũsã ìãdeare Jesús buerã pe mojõma pere su gubu suru pērēbejarãrē wereñurã. Irasũ ããrĩmakũ, gajirãrē Jesúre bũremurã ããrĩpererãrē irire wereñurã. ¹⁰ Jesús buerãrē iri kerere wererã ejanerã nome ìsãkũ ããrĩñurã: María Magdalena, Juana, gajigo María Jacob pago, irasũ ããrĩmakũ gajirã nome ããrĩñurã. ¹¹ Īgũsã ìãdeare werekere-makũ, Jesús buerã gapũ bũremubiriñurã. “Irasũ ãrĩkõãrã yáma ìsã nome”, ãrĩ gũñañurã.

¹² Pedro gapũ masãgobegue ìãgũ ùmawãgãyupũ. Iri gobegue ìãgũ ejagũ, Jesúya dũpũre òmadea gasiro gajiro gapũ túpeodea gasiro ditare ìãyupũ. Irire ìãgũka: “¿Naásũ waáayuri?” ãrĩ gũña, Īgũ ããrĩrĩ wiigũ dujãakõãyupũ.

Emaús wãikũri makã waarĩ maague Jesús pērãrē deyoadea

(Mr 16.12-13)

¹³ Jesús masãdeanũrẽta pērã Īgũ buerire tũyarã Emaús wãikũri makã waarĩ maague waarã iriñurã. Emaúgue waaró, Jerusalén merã wiriwãgãmakũ pe mojõma pere su gubu suru pērēbejari kilómetro yoaro ããrĩyuro. ¹⁴ Maa waarã, ããrĩpereri Jesúre waadeare werenĩñurã. ¹⁵ Irire werenĩripoe Jesús Īgũsã pũro aari, Īgũsã merã waayupũ. ¹⁶ Īgũ, Īgũsã merã waamakũ ìãkeremakũ, gajino Īgũsãrē Īgũrē ìãmasĩbirimakũ iriyuro.

* 24:1 Semana ããrĩpũroririnu, domingo ããrã.

17 Jesús ĩgŭsŕrē sērēñayupũ:

—¿Ñeéonorē werenírŕ yári, mŭsŕ maa waarŕ? ŕrĩyupũ.

Īgũ irasũ ŕrĩmakũ pérŕ, bũro bũjawereri merŕ maa deko dujanũgŕñurŕ.

18 Cleofas wŕĩkũgũ Jesũre ŕsũ ŕrĩ yũjũyupũ:

—ŕŕrĩpererŕ inŕrĩ Jerusalēgue waadeare masĩma. ¿Mũ suguta irogue ŕŕrŕdi irasũ waadeare masĩberĩ? ŕrĩyupũ.

19 Īgũ irasũ ŕrĩmakũ, Jesús ĩgŭsŕrē:

—¿Naásũ waáari? ŕrĩyupũ.

Īgũrē ŕrĩñurŕ:

—Jesús Nazaretmũrē ĩgŭsŕ iriadeare werenírŕ iriabũ. Īgũ Marĩpũya kerere weregu ŕŕrŕdimi. ŕŕrĩpererŕ masaka ĩũrŕ, Marĩpũ ĩũrŕoguedere ĩgũ turari sĩrĩ merŕ irigu, ĩgũyare weregu ŕŕrŕdimi. 20 Paía oparŕ, gajirŕ marĩ oparŕ merŕ ĩgũrē wējēdorerŕ, romano marŕ oparŕrē wiáama. ĩgŭsŕ irasũ wiamakũ, curusague pábiatũ wējēama. 21 “Īgũ marĩrē taubu, marĩ Israel bumarŕ Opũ ŕŕrĩbu, marĩ yũdi ŕŕrĩmi”, ŕrĩ gũñadibũ gua ĩgũrē. Irasiriro dapagŕ merŕ ŕrenũ waáa, ĩgũrē wējēadero pũrũ. 22 Surŕyeri gua merŕmarŕ nome, ĩgŭsŕ wereri merŕ guare gukamakũ iriama. Dapagŕ ñamigŕgora ĩgũrē yáaderogue ejañurŕ. 23 Irogue eja, ĩgũya dũpũre bokamerŕta, gua pũrogue goedujajama. “Irogue guare kērŕ irirosũ waamakũ, Marĩpũre wereboerŕrē ĩŕbũ”, ŕrŕma. Marĩpũre wereboerŕ ĩgŭsŕrē: “Jesús okami”, ŕrŕdeadere wereama guare ĩgŭsŕ nome. 24 Pũrũ gajirŕ gua merŕmarŕ ĩgũrē yáaderogue eja, ĩgŭsŕ nome ŕrŕderosũta ĩŕñurŕ. ĩgŭsŕde Jesũre ĩŕbirañurŕ, ŕrĩ wereñurŕ Cleofasŕ Jesũre.

25 ĩgŭsŕ irasũ ŕrĩmakũ pégu, Jesús ĩgŭsŕrē ŕrĩyupũ:

—Mŭsŕ pémasĩmerŕ ŕŕrŕ. ¿Noŕpa yoaripoe Marĩpũya kerere weredupiyunerŕ gojadeare ŕŕrŕ pémasĩrĩ merŕ bũremubirikŕŕrĩ mŭsŕ?

26 Marĩpũ iriudi Cristo ĩgũ ŕmũgasigue mũrĩaburo dupiyuro, ĩgũyarŕ Opũ ñajŕburo dupiyuro ĩgũrē ñerŕ tarigũkumi, ŕrĩ gojanerŕ ŕŕrĩmŕ. ¿Ire masĩberĩ mŭsŕ? ŕrĩyupũ.

27 Jesús irasũ ŕrĩ odo, Marĩpũya kerere weredupiyunerŕ gojadea pũgue ŕŕrĩpereri ĩgŭsŕ ĩgũrē gojayudeare: “ŕsũ ŕrĩdũaro yáa”, ŕrĩ wereyupũ ĩgŭsŕrē. Moisés gojadeare werenũgŕyupũ. Pũrũ ŕŕrĩpererŕ Marĩpũya kerere weredupiyunerŕ gojadeare wereyupũ.

28 Pũrũ ĩgŭsŕ waarŕ Emaũgue ejamakũ, Jesús iri makŕrē tariwŕgŕgũ irirosũ iriyupũ. 29 ĩgũ irasũ tariwŕgŕmakũ ĩŕrŕ, ĩgũrē ŕsũ ŕrĩñurŕ:

—Gua merŕ dujaka! Ñamikague ŕŕrŕ. Naĩmejŕrŕogue yáa, ŕrĩñurŕ.

Irasirigũ Jesús ĩgŭsŕ merŕ waa, ĩgŭsŕya wiigue ñajŕkŕŕyupũ ĩgŭsŕ merŕ dujagũ. 30 Pũrũ ĩgŭsŕ merŕ baa doanĩgũ, pŕrē ŕrĩ, Marĩpũre: “Mũrē ŕsũyari sŕa”, ŕrĩ, pŕrē pea, ĩgŭsŕrē guereyupũ. 31 ĩgũ irasirimakũ ĩŕrŕgueta: “Jesũta ŕŕrĩmi”, ŕrĩ ĩŕmasĩñurŕ. ĩgŭsŕ ĩŕmasĩmakũta, dederiakŕŕyupũ ĩgŭsŕrē. 32 ĩgũ irasũ dederiadero pũrũ, ĩgŭsŕ basi ŕsũ ŕrĩ gŕme werenĩñurŕ:

—Maague ĩgũ marĩrē: “Marĩpũya werenĩrĩ gojadeare: ‘ŕsũ ŕrĩdũaro yáa’”, ŕrĩ weremakũ pérŕ, bũro ŕsũyari merŕ: “ŕŕtaria”, ŕrĩ péñabũ, ŕrĩñurŕ.

33 Irasirirŕ mata Jerusalēgue gŕme dujŕakŕŕñurŕ. Irogue eja, Jesús buerŕ, pe mojŕma pere su gubu suru pērēbejarŕ nerēanerŕrē, gajirŕ ĩgŭsŕ merŕmarŕdere bokajañurŕ. 34 ĩgŭsŕ ejamakũ ĩŕrŕ, iro nerēanerŕ ŕsũ ŕrĩñurŕ:

—Diayeta marĩ Opũ masŕñumi. Simŕrē deyoayupũ, ŕrĩñurŕ.

35 ĩgŭsŕ irasũ ŕrĩmakũ pérŕ, Emaũgue waanerŕde ĩgŭsŕrē maague waadeare wereñurŕ. Jesús pŕrē pea, ĩgŭsŕrē ĩgũ sĩmakũ, ĩgũrē ĩŕmasĩadeare wereñurŕ iro nerēanerŕrē.

*Jesús ĩgũ buerãrẽ deyoadea
(Mt 28.16-20; Mr 16.14-18; Jn 20.19-23)*

³⁶ ĩgũsã irire irasũ ãrĩ werenĩripoe Jesús ĩgũsãrẽ deyoa, ãsũ ãrĩ õãdoreyupũ:

–¿Ããrĩrĩ musã? Siñajãrĩ merã ããrĩrikuka! ãrĩyupũ.

³⁷ ĩgũ deyoamakũ, ĩãgũkakõãñurã. “Boadi yũjũpũrã deyoamakũ ĩãrã irikoa marĩ”, ãrĩ gũñañurã. Irasirirã burõ gũiñurã. ³⁸ ĩgũsã gũimakũ ĩãgũ, Jesús ĩgũsãrẽ ãrĩyupũ:

–¿Nasirirã ĩãgũkari musã? ¿Nasirirã yũre ĩãrã: “Ĩgũ boadi dupaturi ok-abiribukumi”, ãrĩ gũñañurã musã? Irire gũñabirikõãka! ³⁹ ĩãka, yaa mojõrĩrẽ, yaa guburidere! Yũta ããrã. Yũre moãñaka! Irasirirã masĩrãkoa yũ ããrĩrĩrẽ. Sugu boadi ĩgũ yũjũpũrã merã deyoagu dũpũ opabemi. Diĩ, gõãrĩ opabi ããrĩkumi. Yũ gapũ diĩre, gõãrĩrẽ opãa, ãrĩyupũ Jesús. ⁴⁰ Irasũ ããrĩgũta, ĩgũya mojõrĩrẽ soeu, ĩgũya guburidere ĩmuyupũ ĩgũsãrẽ.

⁴¹ ĩgũsã gapũ mérõgã burẽmurĩ opakererã, burõ usũyari merã: “¿Diayeta ĩgũta ããrĩkuri?” ãrĩ gũñañurã.

Ĩgũsã irasũ mérõgã burẽmurĩ opamakũ, Jesús masĩkõãyupũ. Irasirigũ ĩgũsãrẽ sērẽñayupũ:

–¿Musã baari opari õõrẽ? ãrĩyupũ. ⁴² ĩgũ irasũ ãrĩmakũ pé, waaĩ mupũadea dukare siñurã. Mume dekodere ĩgũrẽ siñurã baaburo, ãrĩrã. ⁴³ Irire sĩmakũ, ĩgũsã ĩũrõ ãĩ baayupũ. ⁴⁴ Baa odo, Jesús ĩgũsãrẽ wereyupũ doja:

–Sõõ ããrĩdeapoe musã merã ããrĩgũ, yũ musãrẽ werederosũta dapagorare yũre waabũ. Moisés yaamarẽ gojaderosũta yũre waabũ. Marĩpũya kerere weredupiyunerã gojaderosũta, Salmos wãĩkũri pũrẽ gojanerãde ĩgũsã yũre gojaderosũta waabũ. ããrĩpereri Marĩpũ ĩgũsãrẽ irasũ gojadorederosũta yũre waabũ, ãrĩyupũ Jesús. ⁴⁵ Irasũ ãrĩ odo, Marĩpũya werenĩrĩ gojadeare ĩgũsãrẽ pémasĩmakũ iriyupũ. ⁴⁶ ãsũ ãrĩyupũ:

–Iripoegue Marĩpũya kerere weredupiyunerã gojadea pũgue ãsũ gojasũdero ããrĩbũ: “Cristo, Marĩpũ iriudi boakõãgũkumi. ĩgũ boagu, urenũ waarõ merã masãgũkumi doja. ⁴⁷ ĩgũ masãdero pũrũ, ĩgũrẽ burẽmurã ĩgũya wãĩ, ĩgũ turaro merã ããrĩpereri nikũ marãguere ĩgũya kerere weregorenarãkuma. Jerusalén marãrẽ werẽpũroriwãgãrãkuma. ãsũ ãrĩ wererãkuma: ‘Musã ñerĩ iririre burãjawereka! Musã gũñañurã gorawayuka! Irasirigũ Marĩpũ musã ñerĩ irideare kãtigũkumi’”, ãrĩrãkuma, ãrĩ gojasũdero ããrĩbũ. ⁴⁸ Musã i ããrĩpereri yũre waadeare ĩãnerã ããrã. Irasirirã irire gajirãrẽ wererãkoa. ⁴⁹ Yũpũ iripoegue ãrĩderosũta yũ musãrẽ Õãgũ deyomarĩgũrẽ iriugũra, ĩgũ musãguere ããrĩnĩkõãburo, ãrĩgũ. Irasirirã õõ Jerusaléta dujaka dapa, ĩgũ musãrẽ ãmũgasima turarire sīgũ aarimakũ, ãrĩyupũ Jesús.

*Jesús ãmũgasigue marĩadea
(Mr 16.19-20)*

⁵⁰ Pũrũ Jesús ĩgũsãrẽ Betania wãĩkũri makã tũrogue ãĩayupũ. Irogue eja, Jesús ĩgũya mojõrĩ soemu: “Yũpũ musãrẽ õãrõ iritamuburo”, ãrĩyupũ. ⁵¹ Irasũ ãrĩgũta ĩgũsãrẽ pĩkõã, ãmũgasigue ãĩmarĩãkõãsũyupũ. ⁵² ĩgũsã, ĩgũ marĩãmakũ ĩãrã: “Õãtarigũ ããrĩmi”, ãrĩ burẽmuñurã. Pũrũ burõ usũyari merã Jerusalẽgue goedujãakõãñurã. ⁵³ Ëmarikũ Marĩpũya wiigue ĩgũrẽ: “Õãtaria mũ”, ãrĩ, usũyari sĩnañurã.

ãsũ ããrã. Irasũta ããrĩburo.
Lucas

SAN JUAN

*Jesucristo Marĩpũya werenĩrĩrẽ weregũ marĩ irirosũ dupũkũgũ
ããrĩnũgãrĩmarẽ gojadea*

¹ Neõgoragueta i ãmũ ããrĩburi dupiyuro Jesucristo Marĩpũya werenĩrĩrẽ weregũ ããrĩsiadi ããrĩmĩ. Marĩpũ merã ããrĩgũ, Marĩputa ããrĩmĩ. ² Neõgoragueta ïgũ Marĩpũ merã ããrĩsiadi ããrĩmĩ. ³ Irasirigũ Marĩpũ ïgũ merã i ãmũma ããrĩburi ããrĩpererire iridi ããrĩmĩ. Irasiriro i ãmũma ããrĩpereri Marĩpũ ïgũ merã iridea ããrã. ⁴ Jesucristo, Marĩpũ merã perebiri okarire sĩgũ ããrĩmĩ. I okari merã masakare sĩãgori sĩgũ ããrĩmĩ. Irasirigũ ïgũsãrẽ Marĩpũre masĩmakũ yãmi. ⁵ Marĩpũre masĩmerã naĩtĩãrõgue ããrĩrã irirosũ ããrĩma. Jesucristo sĩãgori sĩgũ ããrĩgũ ïgũsãrẽ Marĩpũre masĩmakũ yãmi. Naĩtĩãrĩ sĩãgorire neõ yaumasĩbea.

⁶ Jesucristo i ãmũgue aariburi dupiyuro Marĩpũ Juan* wãikũgũre iriudi ããrĩmĩ. ⁷ Juan, Jesús masakare sĩãgori sĩgũ ããrĩgũ ïgũ i ãmũgue aariburire weremi, ããrĩpererã irire pérã ïgũrẽ bũremuburo, ãrĩgũ. ⁸ Juan masakare sĩãgori sĩgũ ããrĩgũ meta ããrĩmĩ. ïgũsãrẽ Jesucristo aariburi gapũre weredupiyudi ããrĩmĩ. ⁹ Jesucristo diayeta ããrĩpererã masakare sĩãgori sĩgũ ããrĩgũ i ãmũgue ããrĩrãrẽ Marĩpũre masĩmakũ irigũ aaridi ããrĩmĩ.

¹⁰ Jesucristo i ãmũguere ããrĩdi ããrĩmĩ. Marĩpũ ïgũ merã i ãmũrẽ irikere-makũ, i ãmũ marã gapũ ïgũrẽ neõ masĩbirinerã ããrĩmã. ¹¹ ïgũya nikũgue aarikeremakũ, ïgũya nikũ marã gapũ ïgũrẽ bokatĩrĩñeãbirinerã ããrĩmã. ¹² ïgũrẽ bokatĩrĩñeã, bũremurã gapũre Marĩpũ pũrã ããrĩmakũ yãmi. ¹³ ïgũsã pagũsãmarã ïgũsãrẽ pũrãkurã, Marĩpũ pũrã ããrĩmakũ iribema. Irasũ ããrĩmakũ, ïgũsã pagũ ïgũ gããmerõ iriri merã ïgũsãrẽ Marĩpũ pũrã ããrĩmakũ iribemi. Marĩpũ gapũ ïgũsãrẽ ïgũ pũrã ããrĩmakũ yãmi.

¹⁴ Jesucristo, Marĩpũya werenĩrĩrẽ weregũ marĩ irirosũ dupũkũgũ ããrĩnũgãdero pũrũ, i ãmũgue gũa merã ããrĩgũ, masakare bũro maĩrĩ merã, diaye werenĩgũ ããrĩmĩ. Gũa ïgũ gosesiririre ïãbũ. ïgũ Marĩpũ magũ sugũ ããrĩgũ, ïgũ irirosũta turagũ, õãgũ ããrĩmĩ. ¹⁵ Juan masakare wãiyedi Jesucristore ïãgũ, gũare ãsũ ãrĩ weremi:

—Ĩ ããrĩmĩ yũ mũsãrẽ weredi. Mũsãrẽ ãsũ ãrĩ werebũ: “Ïgũ yũ pũrũ aarikeregũ, yũ deyoaburo dupiyuro ããrĩsiadi ããrĩmĩ. Irasirigũ yũ nemorõ ããrĩmĩ”.

¹⁶ Jesucristo marĩrẽ maĩtarigũ ããrĩsĩã, marĩ ããrĩpererãrẽ õãrõ iritamunikõãmi. ¹⁷ Marĩpũ ïgũ dorerire Moisés merã marĩrẽ pídi ããrĩmĩ. Jesucristo merã gapũre Marĩpũ ïgũ marĩrẽ maĩrĩrẽ, ïgũ werenĩrĩ diaye ããrĩrĩrẽ ïmumi. ¹⁸ Neõ sugũ masakũ Marĩpũre ïãdi mámi. Jesucristo ïgũ magũ sugũ ããrĩgũ gapũ ïgũ Pagũ merã ããrĩsĩã, marĩrẽ ïgũrẽ masĩmakũ yãmi.

*Juan masakare wãiyerimasũ Jesucristoyare weredea
(Mt 3.11-12; Mr 1.7-8; Lc 3.15-17)*

¹⁹ Judío masaka oparã Jerusalén ããrĩrã paĩare, Levíya bumarãdere Juan pũrogue ïgũrẽ: “¿Noã ããrĩrĩ mũ?” ãrĩ sërẽñadorerã iriuñurã. ²⁰ ïgũsã irasũ ãrĩ sërẽñarã ejamakũ, Juan ïgũsãrẽ pémasĩma õãrõ ãsũ ãrĩ yũjumi:

—Yũ, Cristo Marĩpũ masakare taudoregũ iriudi ããrĩbea, ãrĩmĩ.

²¹ Irasirirã ïgũrẽ dupaturi sërẽñama doja:

* **1:6** Jesucristo i ãmũgue aariburi dupiyuro Marĩpũ iriudi, Juan wãikũgũ masakare wãiyedi ããrĩmĩ.

–Iro merē, ¿niño gapu ããrĩrĩ? ¿Iripoeguema Marĩpuya kerere weredupiyudi Elías ããrĩrĩ? ãrĩma.

Juan ĩgũsãrē yujumi:

–Ããrĩbea, ãrĩmi.

Īgũ irasũ yujumakũ pérã, dupaturi ĩgũrē sērēñama doja:

–¿Mu, sōo ããrĩdeapoe masaka Marĩpuya kerere weredupiyugu aaribu ããrãyupu, ĩgũsã ãrĩdi ããrĩrĩ? ãrĩma.

Juan yujumi:

–Ããrĩbea.

²² Irasirirã ĩgũrē ãsũ ãrĩma:

–¿Niño gapu ããrĩrĩ? Gũare iriuanerã ĩgũsã pũroguema yujurire gua ãĩãmakũ gããmema. Irasirigu wereka gũare! Mu basi, ¿naásũ ãrĩ gũñarĩ? ãrĩma.

²³ Irasirigu Juan iripoeguema Isaías Marĩpuya kerere weredupiyudi gojadea merã ĩgũsãrē ãsũ ãrĩ yujumi:

–Masaka marĩrõgue sugũ burõ burõ merã were gaguinĩgorenagũ ãsũ ãrĩ werea: “Marĩ Opũ aariburi dupiyuro ĩgũ aariburi maarē diayema maa õãrĩ maa ãmurã irirosũ diayemarē irika!” ãrĩ werea, ãrĩmi Juan.

²⁴⁻²⁵ Īgũ irasũ ãrĩ yujumakũ pérã, fariseo bumarã iriuanerã ĩgũrē sērēñama doja:

–Mu, Cristo Marĩpu iriudi, o Elías, o sōo ããrĩdeapoe Marĩpuya kerere weredupiyudi ããrã, ãrĩbi, ¿nasirigu masakare wãiyeri?

²⁶ Juan ĩgũsãrē ãrĩmi:

–Yũ masakare deko merã wãiyea. Sugũ musã watopeguere musã masĩbi ããrĩmi. ²⁷ Īgũ, yũ pũrũ aarikeregũ, yũ nemorõ ããrĩmi. Yũ ubu ããrĩgũ, ĩgũrē neõ sũropebirikoa, ãrĩmi.

²⁸ Juan ĩgũ masakare wãiyenarõgue Betania wãikũro, dia Jordán wãikũdiya abe mũrĩro gapu i ããrĩpererire ĩgũsãrē weremi.

Marĩpu Jesũre oveja majĩgũ irirosũ ããrĩgũrē iriudi ããrĩrĩmarē Juan werede

²⁹ Gajĩnu gapu Juan, Jesús ĩgũ pũro aarimakũ ĩãgũ, gũare ãsũ ãrĩmi:

–Īãka! Ī Marĩpu iriudi, oveja majĩgũ[†] irirosũ ããrĩmi. Īgũ boari merã i ãmũ marãrē ĩgũsã ñerõ iridea wajare peremakũ irigũkumi. ³⁰ Īta ããrĩmi yũ musãrē iro dupiyuro ãsũ ããrĩmi, ãrĩ weredi. “Īgũ yũ pũrũ aarikeregũ, yũ deyoaburo dupiyuro ããrĩsiadi ããrĩmĩ. Irasirigu yũ nemorõ ããrĩmi”, ãrĩ werebũ. ³¹ Yũde ĩgũrē: “Marĩpu iriudi ããrĩmi”, ãrĩmasĩbiribu. Īgũrē masĩbirikeregũ, Israel bumarã masakare deko merã wãiyegũ aarigũ iribu, ĩgũsã ĩgũrē masĩburo, ãrĩgũ, ãrĩmi.

³² Irasũ ãrĩ odo, Juan ãsũ ãrĩ werenemomi doja:

–Õãgũ deyomarĩgũ ãmũgasigue merã buja irirosũ deyogu dijari, Cristo weka ejamakũ ĩãbũ. ³³ Marĩpu yũre masakare deko merã wãiyedoredi dupiyurogũ ãsũ ãrĩmi: “Mu Õãgũ deyomarĩgũ dijari, sugũ masakũ weka ejamakũ ĩãgũkoa. Īgũta masakare Õãgũ deyomarĩgũ merã wãiyegũkumi, ĩgũ ĩgũsã merã ããrĩnĩkõaburo, ãrĩgũ”, ãrĩmi Marĩpu yũre. ³⁴ Irasũ waamakũ ĩãgũ: “Īgũta Marĩpu magũ ããrĩmi”, ãrĩ masĩbũ. Irasirigu musãrē irire werea, ãrĩmi Juan.

Jesũs buerã ĩgũ merã ããrĩpũroridea

[†] 1:29 Exodo 29.38-43; Números 28.1-4,9, 16-19; 29.7-8: Iripoegue Marĩpu Moisere ĩgũ dorerire ãsũ ãrĩ pídi ããrĩmĩ: “Israel bumarãrē ãsũ ãrĩka: ‘Musã yũ dorerosũta yũre bũremurã, oveja majĩgũrē õãgũrē yũ ĩũrõ wẽjẽ soepeoka! Musã irasirimakũ ĩãgũ: ‘Musã ñerõ iridea wajare opamerã ããrã, musãrē wajamoãbirikoa’, ãrĩ ĩãgũkumi’, ãrĩka!’ ãrĩdi ããrĩmĩ.

³⁵ Gajinu gapu irogueta Juan dupaturi aarimi doja. Gua perã igu buerã igu merã aaribu. ³⁶ Jesús gua puro tariamakũ iãgũ, Juan asũ arimi:

—Iãka! Ii oveja majigũ irirosũ Maripu iriudi aarimi.

³⁷ Igu irasũ arimakũ perã, gua perã Juan buerã Jesure tuyabu. ³⁸ Irasirigu, gua igurẽ tuyamakũ gamenugã iã:

—¿Neenorẽ gaãmeri? arimi.

Gua igurẽ aribu:

—¿Buegu, noógue aarãri mu?

³⁹ Igu guare arimi:

—Iãrã aarika!

Irasirirã gua igu merã waa, igu kãirõgue ñamika cuatro hora aarimakũ ejabu. Irogu eja, iri ñamirẽ igu merã aaribu. ⁴⁰ Gua perã: yu, Andrés merã Juan weredeare penerã aarisiã, Jesure tuyabu. Andrés, Simón Pedro pagumu aarimi.

⁴¹ Gajinu gapu, Andrés igu tãgũ Simón Pedrore amapurumugũ waami. Igu purogue eja, igurẽ ariyupu:

—Maripu iriudi Mesiare bokajabu, ariyupu. “Mesías”, arirõ: “Cristo”, aridhuro yãa.

⁴² Irasirigu Andrés Simõrẽ Jesús purogue aijami. Jesús igurẽ iãgũ, asũ arimi:

—Mu, Simón wãikugu Jonás magũ aarã. Puru mu “Cefas” wãikugukoa, arimi. “Cefas”, arirõ: “Pedro”, aridhuro yãa.

Jesús Felipere, Natanaere siudea

⁴³ Gajinu gapu Jesús: “Galilea nikũgue waagura”, arĩ, Felipere bokaja:

—Nãka, yu merã! arimi.

⁴⁴ Felipe Betsaida wãikuri makamu aarimi. Pedro, Andrésãde iri makã marãta aarimã. ⁴⁵ Jesús igurẽ: “Nãka!” arimakũ pegu, Felipe Natanaere siiugu waami. Igu purogue eja, igurẽ ariyupu:

—Moisés iguya doreri gojadea pũgue igu gojadre bokajabu. Maripuya kerere weredupiyunerãde igurẽta gojanerã aarimã. Igu sã gojadi Jesús Nazaretmu, José magũ aarãmi, ariyupu Felipe.

⁴⁶ Igu irasũ arimakũ pegu, Natanael gapu igurẽ ariyupu:

—Neõ sugu Nazaretmu õãrõ irigu mámi, ariyupu.

Felipe gapu igurẽ ariyupu:

—Nãka, imusi.

⁴⁷ Jesús, Natanael igu puro ejarimakũ iãgũ, asũ arimi:

—Ii õãgũ, diayeta Israel bumugora, arikatori marigũ aarimi.

⁴⁸ Igu irasũ arimakũ pegu, Natanael igurẽ sereñami:

—¿Naásũpero merã yure masiri mu?

Jesús arimi:

—Felipe, murẽ siiuburi dupiyuro higeragu doka mu aarimakũ iãbu, arimi.

⁴⁹ Igu irasũ arimakũ pegu, Natanael igurẽ arimi:

—Buegu, mu Maripu magũ, Israel bumarã Opu aarã, arimi.

⁵⁰ Jesús igurẽ arimi:

—Yu murẽ: “Higeragu doka mu aarimakũ iãbu”, ariri ditare pésiã, yure buremua. Purugure i nemorõ Maripu turari merã yu iri imurirẽ iãgukoa, arimi.

⁵¹ Asũ arinemomi doja:

—Diayeta musãrẽ werea. Purugure umugasi tũpãmakũ iãrãkoa. Irasũ tũpãmakũ, Maripure wereboerã yu aaripererã tãgũ purore murãana, dijarina irimakũ iãrãkoa, arimi Jesús.

2

Jesús Caná wāikuri makāgue mojōshadiya bosenurē ĩāgū waadea

¹ Jesús Felipere, Natanaere siudero puru, urenu waaró merā, Galilea nikūguere Caná wāikuri makārē sugu mojōshadiya bosenu āārībú. Jesús pagode iri bosenurē ĩāgō waamo. ² Gha Jesús buerādere, ĩgū merā iri bosenurē ĩādorerā siiuma. ³ Puru iri bosenuma igui deko peremakū ĩāgō, Jesús pago ĩgūrē ārīmo:

—Igui deko pereakōābu ĩgūsārē.

⁴ Igo irasū ārīmakū pégu, Jesús ārīmi:

—¿Nasirigo irire yure wereri mu? Masaka yure masīburo duyakōāa dapa, ārīmi.

⁵ Igo gapu, ĩgū irasū ārīkeremakū, tīāboerārē ārīmo:

—Yu magū musārē dorerosūta irika!

⁶ Iri wiiguere su mojōma pere gaji mojō suru pērēbejari sorori ūtāyeri merā iridea sorori āārībú. Judío masaka Marīpu dorederosū irirā ĩgūsā gurari koeburi deko duripiri sorori āārībú. Sororiku wáro deko cincuenta o setenta litros ejari sorori āārībú.

⁷ Jesús tīāboerārē ārīmi:

—I sororire deko piusā utudoboepokōāka! ārīmi.

Īgū irasū ārīmakū pérā, iri sororire piusā, utudoboepokōāma. ⁸ Īgūsā odomakū, Jesús ārīmi:

—Mérō āīsīā, bosenu siiu irigure tīārā waaka! ārīmi.

“Jáu” ārī, āīāma.

⁹ Iri bosenu siiu irigu Jesús dekoreta igui deko iriadeare masībirimi. Tīāboerā dita irire masīma. Irasirigu iri bosenu siiu irigu irire iirīñagū, mojōsuadire siiu, āsū ārīmi:

¹⁰ —Gajirā igui deko ōārīrē tīādorepurorikuma. Puru ĩgūsā siuanerā wáro iiríadero puru, igui deko ubu āārīrē tīādorekuma pama. Mu gapu igui deko ōārīrē duripíayo gware tīātūnubu, ārīmi.

¹¹ Jesús Galilea nikūma makā Caná wāikuri makāgue irire irigu, Marīpu turaro merā iri ĩmurorimi. Īgū irasirimakū ĩārā, gha ĩgū buerā: “Diayeta Marīpu iriudi āārīmi”, ārī bremubu.

¹² Puru Jesús Capernaum wāikuri makāgue waakōāmi. Īgū pago, ĩgū pagupūrā, gha ĩgū buerāde ĩgū merāta waabu. Iri makāgue eja, yoaweyaripoe āārībú.

Jesús Marīpuya wiigue duarimasārē béowiudea

(Mt 21.12-13; Mr 11.15-18; Lc 19.45-46)

¹³ Pascua bosenu mérō duyariipoe Jesús Jerusalén wāikuri makāgue waami. ¹⁴ Iroguere ejagu, Marīpuya wiigue ñajāa, wekua, oveja, buja duarimasārē bokajami. Irasū āārīmakū, niyeru gorawayurimasā ĩgūsāya kūmarī puro doarārē bokajami. ¹⁵ Īgūsā irasirimakū ĩāgū, pūgubu merā tārāridari iri, ĩgūsārē, ĩgūsāyarā ovejare, wekware makāgue tārānūrūwiumi. Niyeru gorawayurimasārē ĩgūsāya niyeru kūmarīrē túmeépísirimi. ¹⁶ Irasiri odo, buja duarimasārē āsū ārīmi:

—Īsārē āiwiriaka! Yurpuya wiire doebiri duari wii iribirikōāka! ārīmi Jesús.

¹⁷ Īgū irasū ārīmakū pérā, gha ĩgū buerā Marīpuya werenírī gojadea pūgue āsū ārī gojadeare gūñabokabu:

Yu Opu, muya wiire buro maña. Īgūsā iri wiire ñerō irimakū ĩāgū, buro bujawereri merā āārā, ārī gojasūdero āārībú.*

* 2:17 Sal 69.9

¹⁸ Judío masaka oparã Jesús irasirimakũ ããrã, ãgũrẽ sãrẽñama:
 –¿Nasirigu ãgũsãrẽ béowiuari? Marĩpu irire murẽ iridoremakũ, ãgũ turari merã iri ãmuka, gũa masĩma õãrõ! ãrĩma.

¹⁹ Jesús ãgũsãrẽ ãrĩmi:

–I wiire musã béomakũ, urenu merãta yu dupaturi odonúgukoa doja, ãrĩmi.

²⁰ ãgũ irasũ ãrĩmakũ pérã, ãrĩma:

–I wiire irirã, cuarenta y seis bojorigora irima. ¿Nasiribu mu gapu urenu merãta odobukuri?

²¹ Jesús iri wiire weregu, ãgũya dupu gapure weregu irimi. ²² Jesús boa, masãdero puru, gũa ãgũ buerã ãgũ irasũ ãrĩdeare gũña, pémasĩbu. Irasirirã Marĩpuya werenĩrĩ gojadea pũgue ãgũrẽ gojadeare, ãgũ weredeade: “I diayeta ããrĩyo”, ãrĩ buremubu.

Jesús ããrĩpererã masaka gũñarĩrẽ ããmasĩdea

²³ Pascua bosenu ããrĩmakũ, Jesús Jerusalẽgue ããrĩmĩ. Masaka ãgũ Marĩpu turari merã iri ãmumakũ ããrã, wãrã: “Marĩpu iriudi ããrĩmĩ”, ãrĩ buremuma.

²⁴ ãgũsã irasũ buremukeremakũ, Jesús gapu ããrĩpererã ãgũsã gũñarĩrẽ ããmasĩkõãmi. Irasirigu ãgũsãrẽ: “Yure gũñaturari merã buremunĩkõãrãkuma”, ãrĩ ããbirimi. ²⁵ Masaka gũñarĩrẽ õãrõ ããmasĩgũ ããrĩsã: “¿Naásũ gũñarĩ ãgũsã?” ãrĩ sãrẽñabirikeregu, ããmasĩmi.

3

Nicodemo Jesús merã werenĩdea

¹ Sugu judío masaka oparã merã fariseo bumu Nicodemo wãĩkũgu ããrĩmĩ.

² Su ñami Jesũre ããgũ ejayupu. ãgũ purogue eja, ãgũrẽ ãrĩyupu:

–Buegu, Marĩpu mu merã ããrĩmi. Irasirigu ãgũ turari merã mu iri ãmumasã. Mu iri ãmurĩrẽ ããrã, gũa masã. Marĩpu murẽ iriudi ããrĩmĩ gũare buedoregu, ãrĩyupu.

³ ãgũ irasũ ãrĩmakũ pégu, Jesús ãgũrẽ ãrĩyupu:

–Diayeta murẽ werea. Sugu masakũ dupaturi deyoagu irirosũ ããrĩgũ dita Marĩpu ãgũyarãrẽ dorerogue waamasĩmi, ãrĩyupu.

⁴ ãgũ irasũ ãrĩmakũ pégu, Nicodemo Jesũre sãrẽñayupu:

–¿Nasiri irasũ waabukuri? Sugu masakũ burogue dupaturi deyoabu, ãgũ pagoya patoreguere ñããmasĩbirikumi, ãrĩyupu.

⁵ Jesús ãgũrẽ yujyupu:

–Diayeta murẽ werea. Sugu masakũ deko merã, Õãgũ deyomarĩgũ merã deyoagu dita Marĩpu ãgũyarãrẽ dorerogue waamasĩmi. ⁶ Masaka pũrãkumakũ, ãgũsã pũrã masakata ããrĩma. Õãgũ deyomarĩgũ ãgũ merã deyoarã gapure Marĩpu pũrã ããrĩmakũ yãmi. ⁷ Irasirigu mu: “ããrĩpererã dupaturi deyoarã irirosũ ããrĩrõ gããmea”, ããrĩrẽ pégu, pégukabirikõãka! ⁸ Mirũ noó gããmerõ wẽjãpuwãgãa. Iri busurire péa. Irire pékererã, sõõ merã aara, iro waaró yãa, ãrĩ masĩña máa. Irasũta ããrã, Õãgũ deyomarĩgũ ãgũ merã deyoarãrẽ Marĩpu pũrã ããrĩmakũ iriri ãsũ waaró yãa, ãrĩ masĩña máa, ãrĩyupu Jesús.

⁹ ãgũ irasũ ãrĩmakũ pégu, Nicodemo ãsũ ãrĩ sãrẽñayupu Jesũre doja:

–¿Nasiriro irasũ ããrĩbukuri? ãrĩyupu.

¹⁰ Jesús ãgũrẽ yujyupu:

–¿Mu Israel bumarãrẽ Marĩpuyare buegu ããrĩkeregu, ire masĩberi?

¹¹ Diayeta murẽ werea. Gũa masĩrĩrẽ, gũa ããdeare musãrẽ werea. Musã gapu irire buremubea. ¹² Yu i ãmama ubu ããrĩrẽ weremakũ mañurẽ buremubea. ¿Nasirimurã ãmugasimarẽ yu wereri gapure buremubukuri?

¹³ 'Neõ sugu masaku ãmugasiguere murã, puru dijaridi mámi. Yu suguta ããrãpererã tãgũ ãmugasigue ããrãdi õõ i ãmugue dijaribu.

¹⁴ 'Iripoegue masaka marãrõgue Moisés kõme merã ãña keori irideare yukugue ãisiu, ãiwãgũnúdi ããrãmi. I ãña keorire yukugue ãisiu, ãiwãgũnúderosũ masaka yure ããrãpererã tãgũrẽ curusague pábiatú, ãiwãgũnúrãkuma. ¹⁵ Irasirirã ããrãpererã yure buremurãno perebiri peamegue waabirikuma. Ëmugasigue perebiri okari gapure oparãkuma.

Jesús Nicodemorẽ: “Marãpu i ãmu marãrẽ burõ maãmi”, ãrã weredeã

¹⁶ 'Marãpu i ãmu marãrẽ burõ maãsiã, ãgũ magũ sugu ããrãgũrẽ iriudi ããrãmi. ãgũrẽ buremurãno perebiri peamegue waabirikuma. Ëmugasigue Marãpu merã perebiri okari gapure oparãkuma. ¹⁷ Marãpu ãgũ magũrẽ masakare peamegue waabonerãrẽ taudoregu i ãmuguerẽ ãgũrẽ iriudi ããrãmi. Masakare wajamoãdoregu meta i ãmuguerẽ ãgũrẽ iriudi ããrãmi.

¹⁸ 'Marãpu ãgũ magũrẽ buremurãrẽ neõ wajamoãbirikumi. ãgũrẽ buremumerã gapure: “Wajamoãgura”, ãrã weresiãmi. ãgũ magũrẽ suguta ããrãgũrẽ buremubirideã waja ãgũsãrẽ wajamoãgukumi. ¹⁹ Marãpu magũ i ãmuguerẽ aarimã, masakare Marãpũre masãmakũ iribu. Irasirigu ãgũsãrẽ siãgori siãgũ ããrãmi. ãgũrẽ buremumerã gapu ãgũrẽ gããmebema. ãgũsã ñerã iriri gapure burõ gããmema. Irasirirã boyorogue ããrãmerã, naãrãrõgue ããrãdũarã irirosũ ããrãma. Irasirigu Marãpu ãgũsãrẽ wajamoãgukumi. ²⁰ ããrãpererã ñerõ irirã Marãpu magũrẽ gããmebema. Boyorogue ããrãdũamerã irirosũ ããrãma, gajirã ãgũsã ñerõ iririre masãbirikõãburo, ãrãrã. ²¹ Marãpũyare keoro irirã gapu ãgũ magũrẽ gããmema. Boyorogue ããrãdũarã irirosũ ããrãma, gajirã ãgũsã õãrãrẽ irimakũ ããrã: “Marãpu ãgũsãrẽ iritamumi”, ãrã masãburo, ãrãrã, ãrã wereyupu Jesús.

Juan masakare wãiyerimasã Jesúyare weredeã

²² Pũru Jesús guare ãgũ buerãrẽ Judea nikũgue siiuwãgãmi. Irogue eja, iro marã merã yoaweyaripoe ããrã, ãgũsãrẽ wãiyerã iribu. ²³ Juãde masakare Enõn wãikuri makãgue wãiyeyupu. Enõn, Salim wãikuri makã purõ ããrãbã. Irogue dia wãdiya ããrãbã. Irasirirã masaka ãgũ purõgue wãiyedorerã waanañurã. ²⁴ Gajirã ãgũrẽ peresu iriburi dupiyuro ããrãyuro.

²⁵ Iripoere surãyeri Juan buerã sugu judío masaku merã ãgũsã koerikuri merã guaseopũroriñurã. ²⁶ Pũru Juan purõgue waa, ãgũrẽ ãsũ ãrã wereñurã:

–Buegu, dia Jordán wãikuri gajã koepugue mu merã ããrãdi, guare mu weredi, dapagorare masakare wãiyegu iriami. ããrãpererã ãgũ purõgue waarã iriama, ãrãñurã.

²⁷ ãgũsã irasũ ãrãmakũ pégu, Juan ãrãyupu:

–Sugu masaku Marãpu turari merã õãrãrẽ iriri, Marãpu ãgũrẽ pídea ããrã.

²⁸ Musã yu weredeare pébu. “Marãpu iriudi Cristo ããrãbeã yu”, ãrãbu. Yu Cristo ããrãbirikeremakũ, Marãpu gapu Cristo aariburi dupiyuro yure ãgũyare weredupiyudoregu iriumi. ²⁹ ãsũ ããrã. Sugu mojõsũmakũ, nomeõ ãgũ merã ããrãgõ waakumo. ãgũ merãmu, mojõsũmakũ ããgũ, ãgũ werenimãkũ pégu, burõ usũyakumi. Irasirigu mojõsũadi merãmu usũyaderosũta masaka Cristo merã waamakũ ããgũ, yude usũyari opataria. ³⁰ Masaka Cristore tũyaro gããmeã. Yu gapure tũyaduúkõãrõ gããmeã, ãrãyupu Juan.

Jesucristo ãmugasigue merã dijaridi ããrãmi, ãrã weredeã

³¹ Irasũ ãrã odo, Juan ãsũ ãrãnemoyupu doja:

–Ëmugasigue merã dijaridi ããrãpererã nemorõ masãgũ ããrãmi. Sugu masaku i ãmũmu, i ãmũmarẽ werenikumi. Ëmugasigue merã dijaridi gapu

ãārīpererã nemorõ masīgũ ãārīmi. ³² Īgũ ãādeare, Īgũ pédeare weremi. Īgũ irire werekeremakũ, neõ sugũ Īgũ wererire b̄remubemi. ³³ Īgũ wererire b̄remurã gapũ: “Marīpũ diaye ãārīmarẽ ārīkatori marīrõ ārīgũ ãārīmi”, ārī ĩmuma. ³⁴ Marīpũ Cristore Īgũ iriudire Ōãgũ deyomarīgũrẽ opatarimakũ iridi ãārīmi. Irasirigũ Cristo Marīpũya werenírĩrẽ weremi. ³⁵ Marīpũ Īgũ magũ Cristore b̄ro maĩmi. Irasirigũ Īgũrẽ ãārīpereri, ãārīpererãrẽ doregũ ãārīmakũ iridi ãārīmi. ³⁶ Marīpũ magũrẽ b̄remurã ũmugasigue Īgũ merã perebiri okarire opama. Īgũ magũrẽ b̄remudũamerã gapũ iri okarire neõ opabirikuma. Marīpũ Īgũsãrẽ b̄ro wajamoãgũkumi, ārīyupũ Juan.

4

Jesús Samaria nikũmo merã werenídea

¹ Jesús buerã, Juan buerã nemorõ wãrã ãārĩrĩ kerere, Jesús, Juan nemorõ masakare wãiyeri kerere, fariseo bumarã péñurã. ² Īgũsã iri kerere pékeremakũ, Jesús gapũ Īgũ basi masakare wãiyebirimi. Gũa Īgũ buerã gapũ Īgũsãrẽ wãiyebũ. ³ Fariseo bumarã iri kerere pédeare masīgũ, Jesús Judea nikũgue ãārãdi, Galilea nikũ gapũ gũare siiu, goedujãami.

⁴ Galileague goedujãagu, Samaria nikũgue tariwãgãmi. ⁵ Iro tariwãgãgũ, iri nikũma makã Sicar wãĩkuri makãgue ejami. Iri makã, Jacob iripoeguemu Īgũ magũ Josere sídea nikũ p̄ro ãārĩbũ. ⁶ Iroguere deko gobe Jacob iridea gobe ãārĩbũ. Jesús yoaro aaradi, garibore, iri gobe p̄ro siñajã eja doami. Goeripoe ejaburi dupiyuro ãārĩbũ. ⁷⁻⁸ Īgũ iroguere doaripoeta gũa Īgũ buerã makãgue baari wajarirã waabũ. Gũa waadero p̄rũ, iri gobeguere sugo nomeõ Samariumo deko wãgo ejayupo.

Igo iroguere ejamakũ ãāgũ, Jesús igore ārīyupũ:

–Yure deko tĩãka!

⁹ Īgũ irasũ ārīmakũ pégo, Īgũrẽ ārīyupo:

–¿Nasirigũ mũ judío masakũ ãārĩkeregũ, yure Samariumorẽ: “Deko tĩãka!” ārĩ s̄er̄erĩ? ārīyupo. Iripoere judío masaka Samaria marã merã neõ gãmesuribirima. Irasirigo irasũ ārīyupo Īgũrẽ.

¹⁰ Igo irasũ ārīmakũ, Jesús ārīyupo:

–Mũ Marīpũ masakare s̄ĩr̄rẽ masīgõ, yudere masīgõ, yure: “Okari s̄ĩr̄rĩ dekore s̄ĩka*!” ārĩ s̄er̄eboakuyo. Mũ s̄er̄emakũ, yũ iri dekore s̄ĩboakuyo, ārīyupũ.

¹¹ Īgũ irasũ ārīmakũ, Īgũrẽ ārīyupo doja:

–Mũ deko ãĩburi sorore opabea, i gobe ũkũãgorãa. ¿Noógue mũ i okari s̄ĩr̄rĩ deko bokagũkuri? ¹² Iripoegue marĩ ñekũ Jacob i gobema dekore iirĩdi ãārĩmi. Īgũ pũrã, Īgũyarã ejorãde iirĩnerã ãārĩmã. Īgũ marĩrẽ i gobere pídi ãārĩmi. ¿Mũ gapũ Īgũ nemorõ masīgũ ãārĩrĩ? ārīyupo.

¹³ Jesús igore yũyupũ:

–Ãārīpererã i gobema deko iirĩrã, dupaturi ñemesiburi oparãkuma.

¹⁴ Yũ s̄ĩburi gapũre iirĩrã, neõ ñemesiburi opabirikuma. Īgũsãrẽ Īgũsãya yũjupũrãrĩguere deko ũmayoro irirosũ ãārĩrokoa. Irasirirã i merã perebiri okari oparãkuma, ārīyupũ.

¹⁵ Īgũ irasũ ārīmakũ pégo, Īgũrẽ ārīyupo:

* **4:10** Jn 11.25: Jesús ārĩmi: –Yũ boanerãrẽ masãmakũ irigũ, Īgũsãrẽ okari s̄ĩgũ ãārã. Yure b̄remugũ boadigue ãārĩkeregũ, okagũkumi. Jn 14.6: Jesús ārĩmi: –Yũ dita Yũpũ p̄rogue waarĩ maa irirosũ ãārã. Yũ diayema ãārĩr̄rẽ masakare masĩmakũ irigũ, Īgũsãrẽ okamakũ irigũ ãārã. Yũ merãta Yũpũ p̄rogue waarãkuma.

–Iri dekore sika yare! Mu yare simakũ, yu neõ dupaturi ñemesiburi opabirikoa. Irasũ ããrĩmakũ, i gobeguere neõ dupaturi deko wágo aaribirikoa pama, ãrĩyupo.

¹⁶ Jesús igore ãrĩyupu:

–Mu marãpũre siiugo waaka! Ìgũrẽ siiu, õõgue ìgũ merã dupaturi aarika! ãrĩyupu.

¹⁷ Igo ìgũrẽ yujuyupo:

–Yu, marãpũ marĩgõ ããrã.

Jesús igore ãrĩyupu:

–Mu yũre: “Marãpũ marĩgõ ããrã”, ãrĩgõ, diayeta yujũa. ¹⁸ Mu su mojõmarã ùma merã marãpũkusiadibũ. Dapagora mu merã ããrĩgũ mu marãpũ diaye ããrĩbemi, mu ìgũrẽ neõ mojõsũabiribũ. Irasiriro mu yujuri diayeta ããrã.

¹⁹ Ìgũ irasũ ãrĩmakũ pégo, ãrĩyupo:

–“Mu Marĩpũya kerere weredupiyurimasũ ããrĩkoa”, ãrĩ gũñáa yu. ²⁰ Gũa ñekũsãmarã Samaria marã sigũ ùtãũgue Marĩpũre bũremunerã ããrĩmã. Mũsã judío masaka gapũ gũare: “Jerusalẽgue Marĩpũre bũremurõ ããrã. Irogue Marĩpũre bũremurã waaka!” ããrã gũare mũsã, ãrĩyupo.

²¹ Igo irasũ ãrĩmakũ pégu, Jesús ãsũ ãrĩyupu:

–Yu werenĩrĩrẽ péka! Pũrugue mũsã i ùtãũguere, Jerusalẽguedere Marĩpũre bũremurã waabirikoa. Mũsã irasiriburo mérõgã dũyáa. ²² Mũsã Samaria marã mũsã bũremugũrẽ masĩbea. Gũa judío masaka gapũ gũa bũremugũrẽ õãrõ masĩa. Ìgũ masakare taubu judío masakũ ããrĩmi. ²³ Marĩpũre diayeta bũremurã ìgũsãya yujupũrãrĩgue bũremurãkuma. Marĩpũ ìgũrẽ bũremurãrẽ ãsũta bũremurõ gããmemi. Ìgũrẽ ãsũ bũremuripoe ejaro, dapagorare ejasiáa. ²⁴ Marĩpũ deyomarĩgũ ããrĩmi. Irasirigũ ìgũrẽ bũremurãya yujupũrãrĩgue ããrĩmi. Irasirirã ìgũsãya yujupũrãrĩgue diayeta ìgũrẽ bũremurõ gããmea ìgũsãrẽ, ãrĩyupu.

²⁵ Ìgũ irasũ ãrĩmakũ, ìgũrẽ ãrĩyupo:

–Yu masĩa. Mesías, Marĩpũ iriudi Cristo aarigũkumi. Ìgũ aarigũ, marĩrẽ ããrĩpererire weregũkumi, ãrĩyupo.

²⁶ Igo irasũ ãrĩmakũ pégu, ãsũ ãrĩ deyoromuyupu:

–Yu mu merã werenĩgũ Marĩpũ iriudita ããrã, ãrĩyupu Jesús.

²⁷ Ìgũsã irasũ weretamuripoe gũa baari wajarirã ejanerã Jesús pũrogue goedujajabu. Ìgũ sugo nomeõ Samariamo merã werenĩmakũ ìãrã, ìãgũkakõãbu. Ìgũrẽ neõ: “¿Ñeénorẽ gããmeari? o ¿ñeénomarẽ igo merã werenĩari?” ãrĩ sãrẽñabiribũ Jesúre.

²⁸ Pũrũ nomeõ igo deko wárisorore irota béodobokõã, makãgue waakõãmo. Irogue ejago, masakare wereyupo:

²⁹ –Náka, mũsãde ìãrã aarika! Sõõ sugũ ùmũũ ããrãmi. Ìgũ ããrĩpereri yu irideare masĩpeokõãmi, irire werepeokõãmi yũre. ¿Ìgũ Cristo, Marĩpũ iriudi ããrĩkuri? ãrĩyupo igoya makã marãrẽ.

³⁰ Igo irasũ ãrĩmakũ pérã, Jesús pũrogue ìgũrẽ ìãrã waañurã. ³¹ Ìgũsã ìgũ pũro aariburi dupiyuro gũa ìgũrẽ ãrĩbũ:

–Buegu, gũa murẽ ãiriadea baarire baaka! ãrĩ sĩadibũ.

³² Jesús gapũ gũare ãrĩmi:

–Yu baari opáa, irire mũsã masĩbea.

³³ Ìgũ irasũ ãrĩmakũ pérã, gũa basi ãsũ ãrĩ gãme sãrẽñapũroribũ:

–¿Gajipoe irirã gajirã ìgũrẽ baari ejoyuri? ãrĩbũ.

³⁴ Jesús gapũ gũare ãrĩmi:

–Yure iriudi gāāmerīrē irigu, ĩgũ yure moādoredeare iriyuwarikũgũ, baayapigu irirosũ āārā. ³⁵ Mũsā āsũ ārā: “Wapikũrā abe dũyāa, ĩgũsā otedea dũka sīburo”. Yũ gapũ mũsārē āsũ ārā: “Īgũsā otederore ĩāka! Dũka borerire searipoe ejasiāa”. ³⁶ Sugũ otedea dũkare searimasũ ĩgũ moādea wajare wajatami. Marĩpũya werenĩrē weregũ ĩgũ irirosũ āārĩmi. ĩgũ wererire pērā, yure bũremuma. Irasirirā ũmũgasigue perebiri okarire oparākuma. ĩgũsā, ĩgũ otedea dũka seari irirosũ āārĩma. Irasirirā oterimasũ, ĩgũ otedea dũkare searimasũ irirosũ āārĩrā, ũsũyama, masaka yure bũremumakũ ĩārā. ³⁷ Masaka āsũ ārĩ werewũakuma: “Sugũ masakũ otekumi. Pũrũ gajigũ i otedea dũkare seakumi”, ārĩkuma. ĩgũsā irasũ ārĩ werewũadea diayeta āārā. ³⁸ Iripoegue Marĩpũya werenĩrē weredupiyunerā oterimasā irirosũ āārĩnerā āārĩmā. Dapagora yũ mũsārē iriua. Mũsā ĩgũsā iripoegue otedea dũkare searimasā irirosũ āārā. Irasirirā ĩgũsā moādea wajare mũsā wajatarā irirosũ āārā. ĩgũsā moāderoguerē moāwekabejarā irirosũ irirā yāa, ārĩmi Jesũs.

³⁹ Samariamo makāgue ejadero pũrũ: “Sōō āārādi āārĩpereri yũ irideare masĩpeokōāmi”, ārĩmakũ pērā, wārā iri makā marā Jesũre bũremuñurā. ⁴⁰ Irasirirā Jesũs pũro aarirā, ĩgũrē: “Gũa merā dujaka!” ārĩ sērēma. ĩgũsā irasũ ārĩmakũ pégũ, Jesũs ĩgũsā merā penũ dujami. ⁴¹ ĩgũ wererire pērā, gajirāde wārā ĩgũrē bũremuma. ⁴² Irasirirā nomeōrē ārĩma:

–Gũa mũ wereadea ditare pērā, Jesũre bũremuadabũ. Dapagora tamerārē gũa basi ĩgũ wererire pēsĩā, ĩgũrē bũremua. Gũa masĩa. ĩgũ diayeta Marĩpũ iriudi, i ũmũ marārē peamegue waabonerārē taugũ āārĩmi, ārĩma.

Jesũs Galilea nikũ marā opũ dokamũ magũrē taudea

⁴³ Jesũs penũ Samariague āārādi, Galilea nikũgue waami. ⁴⁴ Iro dupiyuro Jesũs āsũ ārĩdi āārĩmĩ: “Marĩpũya kerere weredupiyugũre ĩgũya nikũ marā ĩgũrē bũremubema”, ārĩdi āārĩmĩ. ⁴⁵ Galileague ejamakũ, iro marā ĩgũrē oārō bokatĩrĩñeāma. Iro dupiyuro ĩgũsāde Jerusalēgue pascua bosenu ĩārā ejanerā āārĩmā. Irasirirā āārĩpereri Jesũs iroguē irideare ĩānerā āārĩmā.

⁴⁶ Jesũs Galileague ejadero pũrũ, Canā wāĩkũri makāgue ĩgũ dekoreta igui deko iridea makāgue goemi. Iri makāguere sugũ Galilea marā opũ dokamũ āārĩmĩ. ĩgũ magũ Capernaum wāĩkũri makāgue āārĩgũ, pũrĩrikũgũ iriyupũ. ⁴⁷ Irasirigũ opũ dokamũ, Jesũs Judeague āārādi ĩgũ Galileague ejari kerere pégũ, Jesũs pũro aarimĩ. Āsũ ārĩ sērēmi ĩgũrē:

–Yũ magũ boabu iriami. ĩgũrē taubosagũ aarika! ārĩmi.

⁴⁸ ĩgũ irasũ ārĩmakũ pégũ, Jesũs ārĩmi:

–Marĩpũ turari merā yũ iri ĩmurĩrē ĩābirikererā, neō yure bũremubea mũsā, ārĩmi.

⁴⁹ Opũ dokamũ gapũ Jesũre ārĩmi:

–Gũa Opũ, yũ magũ boaburo dupiyuro aarika!

⁵⁰ Jesũs ĩgũrē ārĩmi:

–Mũya wiigũ dujāaka! Mũ magũ okagũkumi, ārĩmi.

Opũ dokamũ, ĩgũ irasũ ārĩrĩrē pégũ, bũremurĩ merā ĩgũya wiigũ dujāakōāmi. ⁵¹ ĩgũya wiigũ ejawāgāriripoe ĩgũrē moāboerā bokatĩrĩ wereñurā:

–Mũ magũ okami, ārĩñurā.

⁵² ĩgũsā irire ārĩmakũ pégũ: “¿Naāsũ āārĩmakũ oārĩ?” ārĩ sērēñayupũ. ĩgũsā ĩgũrē ārĩñurā:

–Ñamika goeripoe pũrugāta nimakũri tariabũ ĩgũrē, ārĩñurā.

⁵³ Irasũ arĩmakũ pégu, ĩgũ pagu arĩyupu: “Jesús yure: ‘Mu magũ okagakumi’, arĩ wereripoeta nimakuri tariakuyo”, arĩyupu. Irasirigu, aarĩpererã ĩgũya wii marã merã Jesúre buremuyupu.

⁵⁴ Jesús Judea aarãdi dupaturi Galileague ejadero puru, opu dokamu magũrẽ ĩgũ tauadea merã Caná wãikuri makãgue pea Marĩpu turari merã iri imumi.

5

Jesús dupu buadire taudea

¹ Puru Jesús Jerusalẽgue judío masaka bosenu ĩãgũ waami. ² Iri makã turo sãrĩrõgue su makãpuro “Oveja” wãikuri makãpuro puro wári gobe deko gobe ĩgũsã iridea gobe aarĩbũ. Iri gobe hebreo ya merã “Betzata” wãikubu. Iri gobe turoguere su mojõma taridupabu tiaña marĩrĩ aarĩbũ. ³⁻⁴ Iri taridupabugue wãrã masaka pũrĩrikurã oyama. Koye ĩãmerã, waamasĩmerã, guburi buasũnerã aarĩmã. Gajipoere Marĩpore wereboegu iri gobegue dijajanayupu. Irogue dijajagu, dekore gãmeñamakũ irinayupu. ĩgũ irasiriadero puru, iri gobegue buañajãpuroriguno ĩgũ sĩrĩrĩrẽ tarisũnayupu. Irasirirã deko gãmeñaburire yũrã irogue oyama. ⁵ Irogue sugu dupu buadi oyami. ĩgũ treinta y ocho bojorigora pũrĩrikugu aarĩyupu. ⁶ Jesús iri gobe turo tariwãgãgũ, ĩi buadi oyagure ĩãmi. “Yoaripoe pũrĩrikugu aarĩmi”, arĩ masĩkõãmi. Irasirigu ĩgũrẽ asũ arĩ sērẽñami:

—¿Mu pũrĩrikurire taumakũ gããmerĩ? arĩmi.

⁷ ĩgũ Jesúre yujumi:

—Yu Opu, sugu yure iritamugũ neõ mámi. Deko gãmeñamakũ, yu iri gobe ñajãduamakũ, gajirã yu dupiyuro ñajãpurorinama, arĩmi.

⁸ Jesús ĩgũrẽ arĩmi:

—Wãgãnugãka! Mu oyarore aĩaka! arĩmi.

⁹ Irasũ arĩmakũta, ĩgũ pũrĩrikuri taribu. Irasirigu wãgãnugã, ĩgũ oyarore tuútũrã, aĩãkõãmi. Jesús ĩgũrẽ tauadeanu judío masaka siñajãrĩnu* aarĩbũ.

¹⁰ Irasirirã judío masaka oparã Jesús tausũadi ĩgũ oyarore aĩãmakũ ĩãrã, ĩgũrẽ arĩñurã:

—Dapagã marĩ siñajãrĩnu aãrã. Mu oyarore kõãgũ, marĩ dorerire tarinugãgũ yãa, arĩñurã.

¹¹ ĩgũ ĩgũsãrẽ yujuyupu:

—Yure tauadi: “Mu oyarore aĩaka!” arãmi.

¹² ĩgũ irasũ arĩmakũ pérã, ĩgũrẽ asũ arĩ sērẽñañurã:

—Irire murẽ irasũ arãdi, ¿noãno aarãrĩ?

¹³ Jesús buadire tauadero puru, iro aarĩrã masaka wãrã watopegue waakõãmi. Irasirigu buadi aarãdi ĩgũrẽ tauadire: “ĩgũta aarĩmi”, arĩ masĩbiryupu. ¹⁴ Puru Jesús Marĩpuya wiigue ĩgũrẽ bokajagu, arĩmi:

—Pemasĩka! Dapagorare mu pũrĩrikuri marĩgũ aãrã. Irasirigu ñerĩrẽ irinemo-birikõãka! Dupaturi ñerĩrẽ irigu, mu pũrĩrikũdero nemorõ ñerõ tarigakoa, arĩmi.

¹⁵ ĩgũ irasũ arãdero puru, buadi aarãdi judío masaka oparã purogue waa, ĩgũsãrẽ wereyupu:

—Yure tauadi Jesús wãikugu aarĩmi, arĩyupu.

¹⁶ Irire pérã, judío masaka oparã ĩgũsã siñajãrĩnu aarĩmakũ Jesús buadire tauadea waja ĩgũrẽ ñerõ iripurori, wẽjẽduadiñurã.

¹⁷ ĩgũsã ĩgũrẽ ñerõ iriduamakũ ĩãgũ, Jesús ĩgũsãrẽ arĩmi:

—Yupu piriro marĩrõ moãgũ yãmi. Yude moãa, arĩmi.

* 5:9 Judío masaka siñajãrĩnu, sábado aãrã.

¹⁸ Īgũ irire ārĩmakũ pérã, judío masaka oparã dupiyuro ĩgũrẽ wějẽduadero nemorõ wějẽduadiñurã. Īgũsã siñajãrĩnũ āārĩmakũ bũadire ĩgũ tauadea waja, ĩgũ Marĩpũre: “Yũpũ”, ārĩrĩ waja ĩgũrẽ irasũ wějẽduadiñurã. “Īgũ: ‘Yũpũ’, ārĩgũ, ĩgũ basi: ‘Yũ Marĩpũ suro merã āārã’, ārĩgũ yámi”, ārĩ gũñãñurã.

Jesús ĩgũ Pagũ ĩgũrẽ dorerosũta ĩgũ iririre weredea

¹⁹ Irasirigũ Jesús ĩgũsãrẽ āsũ ārĩ weremi:

–Diayeta mũsãrẽ werea. Yũ Marĩpũ magũ yũ gããmerõ neõ iribea. Yũpũ iririre ĩāgũ, iri ditare yáa. ²⁰ Yũpũ yũre ĩgũ magũrẽ maĩmi. Irasirigũ āārĩpereri ĩgũ iririre yũre ĩmumi. I dapagorare ĩgũ turari merã yũ iridea nemorõ gajire yũre iridoregũkumi. ĩgũ turari merã irire yũ iri ĩmumakũ ĩārã, ĩāgũkarãkoa mũsã. ²¹ Yũpũ boanerãrẽ masũ, okari sĩrõsũta yũde yũ okari sĩduarãrẽ sĩgũkoa. ²² Yũpũ masaka ñerõ iridea waja ĩgũsãrẽ wajamoãbemi. Yũ gapũre āārĩpereri ĩgũ turarire pími, ĩgũsãrẽ wajamoãbure. ²³ Āārĩpererã ĩgũrẽ bũremurõsũta yũdere bũremuburo, ārĩgũ, yũre irasiridoremi. Yũre ĩgũ magũrẽ bũremumerã Yũpũdere bũremubema. ĩgũ yũre iriudi āārĩmi.

²⁴ ‘Diayeta mũsãrẽ werea. Yũ werenĩrĩrẽ pérã, yũre iriudire bũremurã, ãmũgasigue Yũpũ merã perebiri okari opama. Wajamoãsũbirikuma. ĩgũsã perebiri peamegue waabonerã tarisiama. ²⁵ Diayeta mũsãrẽ werea. Peamegue waabonerã yũ Marĩpũ magũ werenĩmakũ pérĩpoe dapagorare ejasiáa. Yũ wererire pérã, yũre bũremurã Marĩpũ merã okarãkuma. ²⁶ Yũpũ masakare okari sĩgũ āārĩmi. Irasirigũ yũ ĩgũ magũrẽ ĩgũ irirosũta ĩgũsãrẽ okari sĩmakũ yámi. ²⁷ Yũ āārĩpererã tĩgũ āārã. Irasirigũ Yũpũ yũre masaka ñerõ iridea waja ĩgũsãrẽ wajamoãdoremi. ²⁸ Mũsã ire pérã, pégũkabirikõãka! Sunũ boanerã āārĩpererã yũ werenĩmakũ pérãkuma. ²⁹ ĩgũsã, yũ werenĩmakũ pérã, masãgoberigue āārĩnerã masã, wiripereakõārãkuma. Ōārĩrẽ irinerã masãrãkuma, ãmũgasigue perebiri okari opamurã. Ñerĩ irinerã gapũ masãrãkuma, perebiri peamegue wajamoãsũmurã.

Jesús ĩgũyamarẽ werenemodea

³⁰ Yũ gããmerõ neõ irimasĩbea. Yũpũ yũre iriudi gããmerĩrẽ, ĩgũ yũre masakare wajamoãdorerosũta yáa. Irasirigũ ĩgũsãrẽ wajamoãgũ diayeta yáa. ³¹ Yũ basi: “Yũ Marĩpũ magũ ĩgũ iriudi āārã”, ārĩ weremakũ: “Mũ werenĩrĩ neõ diaye āārĩbea”, ārĩbukoa mũsã. ³² Gajigũ āārĩmi yaamarẽ weregũ. ĩgũ Yũpũ āārĩmi. ĩgũ yaamarẽ wereri diayeta āārã. Irire yũ õārõ masĩa. ³³ Mũsã gajirãrẽ Juãrẽ masakare wãĩyerimasũrẽ yaamarẽ sērẽñadorerã iriubũ. ĩgũde yaamarẽ diayeta weremi. ³⁴ Yũ gapũ sugũ masakare yũre: “Marĩpũ iriudi āārĩmĩ”, ārĩ werebure neõ ãmabea. Irasũ ãmabirikeregũ, Juan yaamarẽ weredeare: “Diayeta āārã”, ārĩ werea, mũsã yũre bũremu, peamegue waabirikõãburo, ārĩgũ. ³⁵ Juan mũsãrẽ sĩãgodiru irirosũ āārĩmĩ. ĩgũ wereri sĩãgodiru ãjũgoro irirosũ āārĩbũ. ĩgũ wererire pérã, yoaweyarĩpoe mũsã ãsũyadibũ. ³⁶ Juan weredea nemorõ yũ iriri merã yũ āārĩrikũrere masĩsũa. Yũpũ turari merã ĩgũ yũre iriyuwarikũdoredeare irigũ yáa. I merã yũre ĩgũ iriudi āārĩrĩrẽ masĩsũa. ³⁷ Yũpũ yũre iriudi, yaamarẽ õārõ weremi. ĩgũ irasũ werekeremakũ, ĩgũ werenĩrĩrẽ mũsã neõ pébea. ĩgũ deyorire neõ ĩãbea. ³⁸ Yũre Yũpũ iriudire mũsã neõ bũremubea. Irasirirã ĩgũya kerere neõ péduripĩbea. ³⁹ Yũpũya werenĩrĩ gojadea pũrẽ mũsã õārõ buenikõãa. “Gũa i pũrẽ buerã, Marĩpũ merã perebiri okarire bokarãkoa”, ārĩ gũñãa mũsã. Iri pũguere yaamarẽta gojasũdero āārĩbũ. ⁴⁰ Iri pũguere yaamarẽ irasũ gojasũkeremakũ, mũsã gapũ yũre gããmebea. Irasirirã i okari yũ sĩrĩrẽ opabirikoa.

41 'Masakare yaamarē ōārō werenímurārē āmabea. 42 Yū mūsā masaka āārīrikurire masāa. Mūsā Marīpūre maīrā meta āārā. 43 Yūpū gāāmerōsūta yū aarikeremakū, mūsā yūre gāāmebea. Gajigū gapū īgū basi īgū gāāmerō aarimakū, mūsā īgūrē gāāmerākoa. 44 ¿Nasirirā yūre b̄remubukuri mūsā? Mūsā basi: “Ōārō yāa”, ārī gāme werenírīrē gāāmea. Marīpū sugū āārīgū mūsārē: “Ōārō yāa”, ārī werenírī gapūre gāāmebea. 45 Mūsā yūre gāāmebiri waja: “Īgū Pagūguere guare weresāgukumi”, ārī gūñabirikōāka! “Moisés dorerire irirā, Marīpū merā ōārō āārīrākoa”, ārī gūñakeremakū, Moisés gapū mūsārē weresāgukumi. 46 Moisés īgū gojadea pūgue yaamarē gojadi āārīmī. Irasirirā īgū gojadeare b̄remurā, yūdere b̄remuboayo mūsā. 47 Moisés gojadeare mūsā b̄remumerā, ¿nasirirā yū wereri gapūre b̄remubukuri? ārīmi Jesús.

6

Jesús cinco mil āmarē baari ejodea (Mt 14.13-21; Mr 6.30-44; Lc 9.10-17)

1 Jesús Jerusalēgue d̄pū b̄adire taudero p̄rū, guā īgū buerā īgū merā Galilea wāīkuri ditaru gaji koepūgue taribujabū. Iri ditaruta “Tiberias” wāīkubū. 2 Masaka Jesús īgū turari merā pūrīrikurārē taumakū īāsīā, wārā īgūrē t̄yama. 3 Ditaru gaji koepūgue īgū ejadero p̄rū, guā merā ūtāūgue m̄rīa, doami. 4 Irinū judío masaka bosenu, pascua bosenu ejaburo mérōgā d̄yabū. 5 Jesús wārā masaka īgū p̄ro aarimakū īāgū, Felipere s̄rēñami:

—¿Noogue marī īīsā masaka āārīpererā baaburire wajarirākuri? ārīmi.

6 Jesús īgū basi īgū iriburire masīkeregu: “Felipe yūre, ¿naāsū yūjūgukuri?” ārīgū, irasū ārīmi. 7 Felipe īgūrē yūjūmi:

—Marī dosciento n̄rī moādea waja wajataropa pā duparu wajari, masakare marī gueremakū, neō ejabirikoa, ārīmi.

8 Īgū irasū ārīmakū pégu, guā merāmū Andrés, Simón Pedro pagūmū Jesúre ārīmi:

9 —Ōō īī majīgū su mojōma pā duparu, p̄rā waaī opami. Masaka gapū wārāgora āārīma. Irasiriro īgūsārē baari neō ejabirikoa.

10 Īgū irasū ārīmakū pégu, Jesús guare īgū buerārē ārīmi:

—Masakare āārīpererārē doadoreka! ārīmi.

Iro ōārō tākuro āārībū. Irasirirā iri weka doama. Ūma ditare keomakū, cinco mil gora āārīmā. 11 Īgūsā eja doaperemakū īāgū, Jesús pā duparure āī, Marīpūre: “Ōāa”, ārī, usuyari sīmi. Irasiri odo, guare āārīpererā iro doarārē irire gueredoremi. Waaídere gueredoremi. Irasirirā āārīpererārē īgūsā baaduaropa guereyobū. 12 Īgūsā yapimakū īāgū, Jesús guare īgū buerārē ārīmi:

—Īgūsā baaduarire seaka! Ubugorata kōmobukoa, ārīmi.

13 Su mojōma pā duparure masaka baaduaadeare seasārā, pe mojōma pere su gubu peru p̄rēbejari puuirigora utudobobū. 14 Masaka Jesús Marīpū turari merā īgūsārē baari sīmakū īārā, āsū ārīma:

—Diayeta āārā. “Ī Marīpūya kerere weredupiyurimasū i ūmūgue aaribu āārāyupū”, īgūsā ārīdita āārīmī.

15 Irasirirā Jesúre turaro merā āīa, īgūsā Opū āārībure sóoduarā iriadima. Īgū gapū irire masīkōāmi. Irasirigū dupaturi sugūta ūtāūgue m̄rīākōāmi.

Jesús deko weka waadea (Mt 14.22-27; Mr 6.45-52)

16 Naĩtĩawāgāriripoe āārĩmakũ, gũa ĩgũ buerā ditarugue buabu. 17 Buaja, doódirugue ñajāa, Capernaugue taribujapuroribu. Naĩtĩārōgue iribu. Jesús gũa purogue ejabirimi dapa. 18 Gũa taribujamakũ, mirũ buro wējāpuwāgāribu. Pagari makũrĩ wāgābu. 19 Su mojōma kilómetro gũa waadero puru, guayaru puro Jesús deko wekague aarimakũ ĩābu. ĩgũ irasũ aarimakũ ĩārā, buro güibu. 20 Jesús gapu guare ārĩmi:
—Yuta āārā. Güimerāta!
21 ĩgũ irasũ ārĩmakũ pérā, gũa ĩgũrē oārō bokatĩrĩ ñajādorebu. ĩgũ ñajādero puru, mata gũa waaderoguerere ejabu.

Masaka Jesúre āmadea

22 Gajinu gapu masaka ditaru gaji koepugue dujanerā iri ñamirē guayaru suru dujadiuru merā gũa taribujamakũ, Jesús gũa merā waabirideadere masĩnurā. 23 Irogue ĩgũsā āārĩripoere gaji doóriduparu Tiberias wāĩkuri makāgue āārādea duparu, Jesús Marĩpue: “Ōāa”, ārĩ, usuyari sĩ, masakare baari gueredero puroweyague ejayuro. 24 Irasirirā Jesús, gũa ĩgũ buerā marĩmakũ ĩārā, iri doóriduparugue ñajāa, Capernaugue taribujañurā Jesúre āmarā waarā.

Jesús pā irirosũ ĩgũ āārĩrĩmarē werede

25 Ditarure taribuja, Jesúre bokajarā, ĩgũrē sērēñama:
—Buegu, ¿naásũ āārĩmakũ oōguere aarari mu? ārĩma.
26 Jesús ĩgũsārē ārĩmi:
—Diayeta musārē werea. Yu Marĩpu turari merā iri ĩmurĩrē ĩākererā, ĩgũ iriudi yu āārĩrĩrē buremubea. Irasirirā, yu musārē ejodeare baayapinerā dita āārĩsĩā, yure āmāa. 27 Musā baari pereburi gapu ditare wajatamurā, moābirikōāka! Gaji baari yu āārĩpererā tĩgũ sĩburi gapure āmaka! Iri baarire āmarā, Marĩpu merā perebiri okari oparākoa. Yuru yure irire musārē sĩdoregu āārĩmi. ĩgũ iriudi yu āārĩrĩrē musārē ĩmusiami, ārĩmi.
28 ĩgũ irasũ ārĩmakũ pérā, ĩgũrē sērēñama:
—¿Nasirirākuri Marĩpu iridorerire oārō iriyuwarikumurā?
29 Jesús ĩgũsārē yujumi:
—Marĩpu musārē iridoreri āsũ āārā. Yure ĩgũ iriudire buremudoremi, ārĩmi.
30 ĩgũ irasũ ārĩmakũ pérā, ĩgũrē ārĩma:
—Guare murē buremudoregu, ¿ñeonorē mu turari merā iri ĩmugukuri? ¿Naásũperire iri ĩmugukuri? 31 Masaka marĩrōgue marĩ ñekūsāmarā maná wāĩkurire baanerā āārĩmā. Marĩpuya werenĩrĩ gojadea pũgue ārĩderosũta ũmugasima baarire ĩgũsārē sĩdi āārĩmĩ, ārĩma Jesúre.
32 ĩgũsā irasũ ārĩmakũ pégu, Jesús ĩgũsārē ārĩmi:
—Diayeta musārē werea. Moisés ũmugasima baarire musārē sĩbiridi āārĩmĩ. Yuruta baari ũmugasima, diayemarē musārē sĩgũ āārĩmi. 33 Yu ũmugasigue āārĩdi Marĩpu iriudi, ĩgũ baari irirosũ āārĩgũ, i ũmu marārē okari sĩgũ āārā, ārĩmi.
34 ĩgũ irasũ ārĩmakũ pérā, ĩgũrē ārĩma:
—Gũa Opu, iri baarire guare sĩnĩkōāka!
35 Jesús ĩgũsārē ārĩmi:
—Yu okarire sĩgũ, baari irirosũ āārĩgũ āārā. Yure tũyagu, neō uaboabi irirosũ āārĩgukumi. Yure buremugũ, neō ñemesibubi irirosũ āārĩgukumi.
36 Dupiyuro yu musārē ārĩderosũta, musā gapu yure ĩākererā, buremubea dapa.
37 Āārĩpererā Yuru yure sĩnerā yure tũyarākuma. ĩgũsārē yu neō béobirikoa.
38 ũmugasigue āārĩdi yu gāāmerĩrē irigu aarigũ meta iribu. Yure iriudi gāāmerĩ

gapure irigu aaribú. ³⁹ Yure iriudi asũ gããmemi. Igũ yure sïnerârê neõ sugure yu dedeubirimakũ gããmemi. I umu peremakũ, yu Igũsârê masũmakũ gããmemi. ⁴⁰ Yuru yure iriudi aaripererã yure igũ magũrê ãrã, yure buremurã igũ merã perebiri okarire opamakũ gããmemi. Irasirigu i umu peremakũ, Igũsârê masũgukoa, arimi Jesús.

⁴¹ Jesús: “Yu umugasigue merã dijaridea baari irirosũ aarĩgũ aarã”, arĩrê pérã, judío masaka oparã igũrê werewama. ⁴² Asũ arĩma:

—¿I Jesús, José magũ aarĩberi? Marĩ igũ pagu, igũ pagore masã. ¿Nasirigu igũ: “Umugasigue aarĩdi dijaribu”, arĩrĩ?

⁴³ Igũsã irasũ arĩmakũ pégu, Jesús asũ arĩ yujumi:

—Musã yure werewarire pirika! ⁴⁴ Neõ sugu igũ gããmerõ yure tuyabirikumi. Yuru gapu yure iriudi masaka yure buremumakũ irigu aarĩmi. I umu peremakũ, yure buremurârê masũgukoa. ⁴⁵ Marĩyaya kerere weredupiyunerã asũ arĩ gojanerã aarĩmã: “Marĩyaya aaripererã buegukumi”. Irasirã aaripererã Yuruya buerire pé buremurã, igũyare masã yure tuyarãkuma.

⁴⁶ Neõ sugu masakũ Yurure ãgũ mámi. Yu suguta igũ merã aarĩdi igũrê masã. ⁴⁷ Diayeta musãrê werea. Yure buremugũ Yuru merã perebiri okari opami. ⁴⁸ Yu baari irirosũ aarĩgũ okari sigũ aarã. ⁴⁹ Musã ñekũsãmarã masaka marĩrõgue manãrê baanerã aarĩmã. Irire baakererã, boanerã aarĩmã. ⁵⁰ Yu umugasigue merã dijaridea baari gapure werea. Irire baagu, neõ boabirikumi. ⁵¹ Yu umugasigue merã dijaridea baari okari sirĩ irirosũ aarĩgũ yuta aarã. I baarire baagu, Yuru merã okanígukumi. I baari yu sirĩ, yaa duru aarã. I umu marã Yuru merã okaníkõáburo, arĩgũ, yaa durre sigukoa, arimi Jesús.

⁵² Igũ irasũ arĩmakũ pérã, judío masaka oparã igũsã basi gãme guaseo, asũ arĩma:

—¿Nasirigu marĩrê igũyaya durre baadoregu sibukuri?

⁵³ Igũsã irasũ arĩmakũ pégu, Jesús arĩmi:

—Diayeta musãrê werea. Yu aaripererã tĩgũ aarã. Musã yaa durre baamerã, yaa díre iirimerã okari opabea. ⁵⁴ Yaa durre baagu, yaa díre iirigu, Yuru merã perebiri okari opami. I umu peremakũ, igũrê masũgukoa. ⁵⁵ Yaa durre diayema baari aarã. Yaa dí diayema iiriri aarã. ⁵⁶ Yaa durre baagu, yaa díre iirigu yu merã õarõ aarĩmi. Yude igũ merã õarõ aarã. ⁵⁷ Yuru yure iriudi okanígũ aarĩmi. Igũ okanígũ aarĩsã, yudere okanímakũ yámi. Irasirigu yure baagure yu irirosũ okanímakũ irigukoa. ⁵⁸ Yu irire arĩgũ, umugasigue merã dijaridea baarire werea. I baari, manã musã ñekũsãmarã baadea irirosũ aarĩbea. Igũsã irire baakererã, boanerã aarĩmã. Umugasigue merã dijaridea baari gapure baaguno, okaníkõágukumi, arimi Jesús.

⁵⁹ Jesús Capernaugue judío masaka nerẽrĩ wiigie buegu, irire weremi.

Jesús werenĩrê pérã perebiri okari opaburire weredea

⁶⁰ Igũ irasũ arĩ buemakũ pérã, wãrã Jesúre tuyarã asũ arĩ gãme werenĩma Igũsã basi:

—Igũ wereri marĩ pémakũ, diasagorã. ¿Noã ire bokatĩubukuri? arĩma.

⁶¹ Igũsã werenĩrê Jesús pékõãmi. Irasirigu Igũsârê sêrẽñami:

—¿Yu wererire péduabirikuri? ⁶² Yu aaripererã tĩgũ yu aarĩderogue murĩmakũ ãrã, ¿naãsũ gũñabukuri musã? ⁶³ Oãgũ deyomarĩgũ masakare okarire simi. Igũsãyaya duru gapu igũsârê okamakũ irimasĩna máa. Yu wererire

pérã Õägũ deyomarĩgũ okari sĩrĩrẽ opama. ⁶⁴ Irasũ ããrĩkeremakũ, gajirã musã merãmarã gapu yũre buremubema dapa, ãrĩmi Jesús.

Neõgoraguere ĩgũrẽ buremumerã ããrĩmurãrẽ, irasũ ããrĩmakũ ĩgũrẽ wějẽduarãguere ĩgũrẽ ĩmubure masĩsiayupu. ⁶⁵ ãsũ ãrĩmi:

–ãsũ ãrĩ wereabu musãrẽ. Neõ sugu ĩgũ gããmerõ yũre tũyabirikumi. Yũru, yũre buremumakũ irigu ããrĩmi. ĩgũ irasiribirimakũ, neõ suguno yũre buremubiribukumi, ãrĩmi Jesús.

⁶⁶ ĩgũ irasũ ãrĩrĩrẽ pérã, wárã Jesũre tũyanerã neõ tũyanemobirima. ⁶⁷ ĩgũsã irasirimakũ ĩãgũ, Jesús guare pe mojõma pere su gubu peru pẽrẽbejarã ĩgũ buerãrẽ sërẽñami:

–¿Musãde yũre tũyaduúrã yári? ãrĩmi.

⁶⁸ ĩgũ irasũ ãrĩmakũ pégu, Simón Pedro ĩgũrẽ yũjumi:

–Gua Opũ, ¿noãrẽ gua tũyabukuri? Mũ wereri, guare Marĩpu merã peregiri okari opamakũ yáa. ⁶⁹ Gua murẽ buremusiáa. Gua ire masĩsiáa. Mũ õãgũ, Marĩpu iriudi ããrã, ãrĩmi.

⁷⁰ ĩgũ irasũ ãrĩmakũ pégu, Jesús guare ãrĩmi:

–Yũ musãrẽ pe mojõma pere su gubu peru pẽrẽbejarãrẽ beyebu. Yũ irasirik-eremakũ, sugu musã merã ããrĩgũ wãtĩyagu ããrĩmi.

⁷¹ Jesús irasũ ãrĩgũ, Judare Simón Iscariote magũrẽ ãrĩgũ iriyupu. Judas pe mojõma pere su gubu peru pẽrẽbejarã gua merã ããrĩkeregũ, Jesũre wějẽduarãguere ĩgũrẽ ĩmubu ããrĩmĩ.

7

Jesús pagupũrã ĩgũrẽ buremudũabiridea

¹ Jesús masakare irire buedero purũ, Galilea nikũgue naagũ waami. Judío masaka oparã ĩgũrẽ wějẽduarire masĩgũ, Judea nikũguere ããrĩduabirimi.

² Iripoere judío masaka ñekũsãmarã masaka marĩrõgue ããrĩrã, wiirigã irideare gũñarĩ bosenu ejaburo dupiyuro ããrĩbũ. ³ Irasirirã Jesús pagupũrã ĩgũrẽ ãrĩma:

–Õõrẽ dujabita, Judeague bosenuẽ ĩãgũ waaka! Irasirirã iroguẽ mũ buerã mũ turari merã iri ĩmurĩrẽ ĩãrãkuma. ⁴ Masaka murẽ masĩmakũ gããmegũ, mũ turari merã iri ĩmurĩrẽ ããrĩpererã ĩũrõ iri ĩmugũ waaka! ĩgũsã ĩãberogue iribirikõãka! ãrĩma.

⁵ ĩgũ pagupũrã ããrĩkererã, Jesũre buremubirima. ⁶ Irasirigu Jesús ĩgũsãrẽ ãrĩmi:

–Masaka ĩgũsã yũre masĩburo dũyakõãa dapa. Musãrẽ iri bosenuẽ ĩãrã waadũamakũ õãgoráa. ⁷ I mũmarã musãrẽ ĩãturibema. Yũ gapure ĩgũsã ñerõ irideare yũ weremakũ ĩãturima. ⁸ Musã bosenuẽ ĩãrã waaka! Yũre yũ waaburo dũyakoa dapa. Irasirigu iri bosenuẽ ĩãgũ waabea dapa, ãrĩmi Jesús.

⁹ ĩgũ irire ãrãdero purũ, Galileague dujami.

Jesús ĩgũsã wiirigã iriri bosenuẽ ĩãgũ waadea

¹⁰ ĩgũ pagupũrã bosenuẽ ĩãrã waadero purũ, Jesũde masaka ĩmurõ marĩrõ waami, ĩgũsã ĩgũ waarĩre masĩbirikõãburo, ãrĩgũ. ¹¹ Iri bosenuẽ judío masaka oparã ĩgũrẽ ãmarã iriñurã. ãsũ ãrĩ sërẽñañurã:

–¿Noõgue ããrĩkuri ĩgũ? ãrĩñurã.

¹² Wárã masaka Jesũyamarẽ werenĩrã iriñurã. Gajirã: “Õãgũ ããrĩmi”, ãrĩñurã. Gajirã gapu: “Õãgũ meta, masakare ãrĩkatorikugũ ããrĩmi”, ãrĩñurã.

¹³ Judío masaka oparãrẽ güirã, ããrĩpererã péurogue: “Jesús ãsũ ããrĩmi”, ãrĩ werebiriñurã.

14 Jesús irogue eja, iri bosenu dekokuaripoe Marĩpuya wiigüe ñajãa, masakare buemi. 15 Ìgũ buemakũ pérã, judío masaka oparã péguka, àsũ ãrĩma:

— Ìi buebiridi ããrĩkeregũ, ¿nasirigũ òãrõ masĩrĩ?

16 Ìgũsã irasũ ãrĩmakũ pégu, Jesús Ìgũsãrẽ ãrĩmi:

— Yũ bueri, yaa meta ããrã. Yũre iriudiya bueri gapũ ããrã. 17 Marĩpũ gããmerĩrẽ iridũarã yũ buerire pérã: “Marĩpũ Ìgũrẽ buedorerosũta buemi. Ìgũ gããmerõ werebemi”, ãrĩrãkuma. 18 Sugũ Ìgũ gããmerõ weregũ, gajirãrẽ: “Ìgũ òãrõ weremi”, ãrĩ bũremumakũ iridũagũ ããrĩmi. Gajigũ Marĩpũ Ìgũrẽ iriudi gããmerĩrẽ weregũ gapũ masakare: “Marĩpũ òãtarimi”, ãrĩ bũremumakũ yãmi. Ìgũ ãrĩkatori marĩrõ diayeta weregũ ããrĩmi.

19 Moisés Marĩpũ doreri gojadea pũrẽ mũsãrẽ pídi ããrĩmi. Mũsã gapũ neõ sugũ iri dorerire iribe. ¿Nasirirã mũsã yũre wějẽdũari? ãrĩmi.

20 Masaka Ìgũrẽ ãrĩma:

— Mũ wãtĩ ñajãsũdi ããrã. ¿Noã mũrẽ wějẽdũari?

21 Jesús Ìgũsãrẽ ãrĩmi:

— Suñarõ siñajãrĩnũ ããrĩmakũ yũ sugũ pũrĩrikũgũre taumakũ Ìãrã, mũsã ããrĩpererã Ìãgũkakõãbũ. 22 Iripoegue Moisés mũsã pũrã ãmarẽ Ìgũsãya dũpũma gasirogãrẽ* wiiridoredi ããrĩmi. Ìgũ irire doreburo dupiyuro mũsã ñekũsãmarã irasirisianerã ããrĩmã. Irasirirã mũsã majĩrãgãrẽ su mojõma pere gajĩ mojõ ureru pẽrẽbejarinũrĩ waarõ merã Ìgũsã deyoadero pũrũ siñajãrĩnũ ããrĩkeremakũ, Ìgũsãrẽ irasirinã. 23 Irasirirã Moisés dorederosũta irirã, siñajãrĩnũ ããrĩkeremakũ mũsã majĩrãgã ãmarẽ Ìgũsãya dũpũma gasirogãrẽ wiiria. Siñajãrĩnũ ããrĩmakũ yũ sugũre ããrĩpereri Ìgũya dũpũmarẽ òãmakũ iribũ. ¿Nasirimurã yũ merã guarĩ mũsã? 24 Mũsã yũ irideare Ìãdero pũrũ: “Ñerõ irimi”, ãrĩ werewũabirikõãka! Yũ irideare òãrõ keoro pẽmasĩ odorãgue werenĩka! ãrĩmi Jesús.

Jesús ãmũgasigüe merã aaribũ, ãrĩ weredea

25 Ìgũ irasũ ãrĩripoere gajirã Jerusalén marã àsũ ãrĩ werenĩma:

— ¿Ìi marĩ oparã wějẽdũagũ meta ããrĩrĩ? 26 Ìgũ ããrĩpererã Ìũrõgue buegũ yãmi. Sugũno gapũta Ìgũrẽ gajino neõ ãrĩbema. Gajipoe irirã marĩ oparã: “Ìi diayeta Cristo, Marĩpũ iriudi ããrĩmi”, ¿ãrĩ gũñabukuri? 27 Marĩ Ìi aariderore masĩa. Cristo, Marĩpũ iriugũ gapũre aarimakũ, Ìgũ ããrĩderoguere masĩbirikoa. Irasirigũ Cristo ããrĩbirikumi Ìi, ãrĩma.

28 Jesús Marĩpũya wiigüe bueripoe Ìgũsã irasũ ãrĩ werenĩmakũ pégu, bũro bũsũro merã àsũ ãrĩ weremi:

— Mũsã yũre masĩa, ãrã. Ìgũ aariderodere masĩa, ãrã. Yũ gããmerõ aaribiribũ. Yũre iriudi keoro irigũ ããrĩmi. Mũsã Ìgũrẽ masĩbea. 29 Yũ Ìgũ pũrogue ããrĩdi ããrĩsĩã, Ìgũrẽ masĩa. Ìgũta yũre iriumi, ãrĩmi Jesús.

30 Ìgũ irasũ ãrĩmakũ pérã, Ìgũrẽ peresu iridũakererã, ñeãbirima. Ìgũ ñerõ tariburinũ dũyabũ dapa. Irasirirã Ìgũrẽ ñeãbirima. 31 Gajirã wãrã masaka Ìgũrẽ bũremuma. ãsũ ãrĩma:

— Neõ sugũ, Ìi nemorõ Marĩpũ turari merã iri Ìmugũ mámi. Irasirigũ Ìi Cristo, Marĩpũ iriudi ããrĩmi.

Fariseo bumarã Jesúre peresu iridoredea

* 7:22 Gn 17.1-14: Iripoegue Marĩpũ Abrahãrẽ Ìgũ pũrã ãmarẽ: “Yaarã ããrĩburo”, ãrĩgũ, Ìgũsãya dũpũma gasirogãrẽ wiiridoredi ããrĩmi. Pũrũ iri dorerire Moisére pídi ããrĩmi. Irasirirã judío masaka Abraham parãmerã ããrĩturiarã iri dorerire irirã, Ìgũsã pũrã ãmarẽ su mojõma pere gajĩ mojõ ureru pẽrẽbejarinũrĩ waarõ merã Ìgũsã deyoadero pũrũ irasũ yãma.

³² Fariseo bumarā, masaka Jesúre: “Íi Marĩpũ iriudi āārĩmi”, āārĩrē péñurā. Irasirirā ĩgũsā paía oparā merā Marĩpũya wiire korerā surarare ĩgũrē ñeā, peresu iridorerā iriuidiñurā.

³³ Irasirigũ Jesús masakare āsũ ārĩmi:

–Yoaweyaripoe mũsā merā āārĩgũkoa. Pũrũ yũre iriudi pũroque waagũkoa.

³⁴ Yũ āārĩburore mũsā waamasĩbirikoa. Irasirirā yũre āmakererā, neõ bokabirikoa.

³⁵ ĩgũ irasũ ārĩmakũ pérā, judío masaka oparā ĩgũsā basi āsũ ārĩ gāme sērēñama:

–ĩgũ marĩrē: “Yũre mũsā neõ bokabirikoa”, ārĩgũ, ¿noógue waagũkuri? ¿ĩgũ judío masaka griego āārĩrõgue makārĩ waanerā pũroque griego masakare buegũ waabukuri? ³⁶ ĩgũ marĩrē: “Yũ āārĩburore mũsā waamasĩbirikoa. Irasirirā yũre āmakererā, neõ bokabirikoa”, ārĩrĩ, ¿naāsũ ārĩduaro iriyuri? ārĩma.

Jesús okari sĩrĩ dekomarē weredeā

³⁷ ĩgũsā bosenu iritũnurĩnu dupanũgora āārĩmakũ, Jesús wāgānũgā, bũro bũsũro merā masakare āsũ ārĩ weremi:

–Ñemesiburā yũ pũroque iirĩrā aarika! ³⁸ Marĩpũya werenĩrĩ gojadea pũgue āsũ ārĩ gojasũdero āārĩbũ: “Yũre bũremurāya yũjũpũrāĩguere okari sĩrĩ deko ũmayoro irirosũ āārĩnĩkõārokoa”, ārĩ gojasũdero āārĩbũ, ārĩmi.

³⁹ Jesús irire ārĩgũ: “Yũre bũremurā Őāgũ deyomarĩgũrē oparākuma”, ārĩgũ irimi. Jesús ũmũgasigue mũrĩaburo dupiyuro Őāgũ deyomarĩgũ ejabirimi dapa.

Masaka dukawaridea

⁴⁰ Jesús ārĩrĩrē pérā, gajirā āsũ ārĩma:

–Íi diayeta Marĩpũya kerere weredupiyurimasũ: “Marĩ pũro aaribu āārāyupũ”, ĩgũsā ārĩdi āārĩmi.

⁴¹ Gajirā āsũ ārĩma:

–Íi, Cristo Marĩpũ iriudi āārĩmi.

Gajirā gapũ:

–Cristo, ¿nasiribu Galileamũ āārĩbukuri? ārĩma. ⁴² Marĩpũya werenĩrĩ gojadea pũgue āsũ gojasũdero āārĩbũ: “Cristo Marĩpũ iriubu, opũ David parāmi āārĩturiagu āārĩgũkumi. David deyoadea makā Belén wāĩkũri makāgue deyoagũkumi”, ārĩ gojasũdero āārĩbũ.

⁴³ Irasirirā Jesúre surosũ gũñabirisĩā, gāme dukawariakõāma. ⁴⁴ Surāyeri Jesúre ñeā, peresu iridũakererā, iribirima.

Judío masaka oparā Jesúre bũremubiridea

⁴⁵ Irasirirā Marĩpũya wiire korerā surara Jesúre ñeādorerā iriunerā, paía oparā, fariseo bumarā pũroque goedujáañurā. ĩgũsā goedujajamakũ ĩārā, ĩgũsārē sērēñañurā:

–¿Nasirirā Jesúre ñeā, ārĩbirari?

⁴⁶ Surara ĩgũsārē yũjũñurā:

–Neõ sugũ ĩgũ irirosũ werenĩgũ mámi.

⁴⁷ ĩgũsā irasũ ārĩmakũ pérā, fariseo bumarā ĩgũsārē ārĩñurā:

–¿Mũsāde ĩgũ ārĩkatori merā weremakũ: “Diayeta weremi”, ārĩ bũremurĩ?

⁴⁸ Neõ sugũ marĩ oparā, neõ sugũ gũa fariseo bumarā ĩgũrē bũremugũ mámi.

⁴⁹ Sĩsā masaka gapũ ĩgũ wererire bũremurā, Marĩpũ Moisére doreri pídeare masĩbema. Wajamoāsũmurā āārĩma.

⁵⁰ Nicodemo fariseo bumũ iro dupiyuro ñami merā Jesúre ĩāgũ ejadi, ĩgũsā merā āārĩyupũ. ĩgũsā irasũ ārĩmakũ pégũ, ĩgũsārē ārĩyupũ:

⁵¹ —Marĩrẽ doreri ãsũ ãrã. Sugu masakũ ĩgũ irideare weremakũ marĩ pẽburo dupiyuro ĩgũrẽ: “Ñerõ iribũ”, ãrĩ wajamoãmasĩbea, ãrĩyupũ.

⁵² ĩgũ irasũ ãrĩmakũ pẽrã, ãsũ ãrĩ yũjuñurã:

—¿Mũde ĩgũ irirosũ Galileamũ ããrĩrĩ? Marĩpũya werenĩrĩ gojadea pũrẽ bueka! Iri pũrẽ buegu: “Neõ sugu Galileamũ Marĩpũya kerere weredupiyurimasũ mámi”, ãrĩ masĩgũkoa.

Ɛmũũ merã ñerõ irigore weresãdea

⁵³ ĩgũsã irasũ ãrãdero pũrũ, ĩgũsãya wiirigue dujáakõãñurã.

8

¹ Jesús gapũ ãtãũ Olivos wãikũdigue waami. ² Gajinũ gapũ boyoripoe ããrĩmakũ, Marĩpũya wiiguge waami doja. ĩgũ ejamakũ ĩãrã, masaka ããrĩpererã ĩgũ pũro nerẽma. Irasirigũ eja doa, ĩgũsãrẽ buenũgãmi. ³ Moisés gojadeare buerimasã, fariseo bumarã sugo nomeõrẽ gajigũ igo marãpũ ããrĩbi merã igo ñerõ irigore bokajañurã. Irasirirã Jesús bueripoe iri wiiguge ããrĩpererã masaka ĩũrõ igore ãĩñajãnú, Jesũre ãrĩma:

⁴ —Buegu, igo marãpũkũgo ããrĩkeregõ, gajigũ merã ñerõ irigore bokajabũ.

⁵ Moisés Marĩpũ doreri gojadea pũgue igo nomeõ irirosũ irigonore ãtãyeri merã dea wẽjẽdoredi ããrĩmĩ. Mũkoa, ¿naásũ ãrĩrĩ?

⁶ “¿Naásũ yũjugukuri?” ãrĩrã, ĩgũrẽ irasũ ãrĩ sẽrẽñadima. “Ĩgũ keoro yũjubirimakũ, marĩ oparãguere weresãrãkoa”, ãrĩ gũñañurã. ĩgũsã irasũ sẽrẽñamakũ pẽgu, Jesús gapũ muũbia doaja, nikũgue ĩgũya mojõsũrũ merã gojami. ⁷ ĩgũsã ĩgũrẽ sẽrẽñaduũbirimakũ pẽgu, Jesús wãgãñũgã, ãsũ ãrĩmi:

—Mũsã merãmũ ñerõ iribino igore ãtãye merã deapũroriburo.

⁸ Irasũ ãrĩ odo, dupaturi muũbia doaja, nikũgue gojami doja. ⁹ ĩgũ irasũ ãrĩmakũ pẽrã, ĩgũsã ñerĩ irideare pẽmasĩ, gũyasĩrĩrĩ merã, mũrã sugu pũrũ, gajigũ pũrũ wiriapũrorima. Irasirirã Jesũre sugũta nomeõ iro dujago merã pĩkõã, waakõãma. ¹⁰ Jesús wãgãñũgã, igore ãrĩmi:

—¿Noõgue ããrĩrĩ mũrẽ weresãnerã? ¿Neõ sugu mũrẽ wajamoãdoregu mári?

¹¹ —Mámi, yũ Opũ, ãrĩ yũjumõ.

Igo irasũ ãrĩmakũ, Jesús igore ãrĩmi:

—Yũde mũrẽ wajamoãdorebea. Irasirigo waaka! Dupaturi ñerĩrẽ neõ irinemobirikõãka!

Jesús i ãmũ marãrẽ sĩãgori sĩgũ ããrĩrĩmarẽ weredeã

¹² Jesús dupaturi masakare ãsũ ãrĩ weremi:

—Yũ i ãmũ marãrẽ sĩãgori sĩgũ ããrã. Yũre tũyarã naĩtĩãrõgue ããrĩrã irirosũ ããrĩbema. Boyorogue ããrĩrã irirosũ ããrĩma. Irasirirã yũ okari sĩrĩrẽ oparãkuma.

¹³ ĩgũ irasũ ãrĩmakũ pẽrã, fariseo bumarã ãrĩma:

—Mũ basi mũ ããrĩrikũrĩre werea. Irasiriro mũ werenĩrĩ neõ wajamãã.

¹⁴ Jesús ĩgũsãrẽ ãsũ ãrĩ yũjumĩ:

—Yũ aariderore, yũ waaburodere yũ masã. Mũsã gapũ irire neõ masĩbea. Irasirigũ yũ basi yũ ããrĩrikũrĩre werekeremakũ, yũ werenĩrĩ diayeta ããrã.

¹⁵ Mũsã i ãmũ marã irirosũ yũre werewũãã. Yũ gapũ neõ sugũre mũsã irirosũ werewũabea. ¹⁶ Yũ masaka ããrĩrikũrĩre: “I gapũ õãã, i gapũ õããbea”, ãrĩgũ, keoro ããrã. Yũ sugũta yũ gããmerõ irire ãrĩbea. Yũpũ yũre iriudĩ merã irire irasũ yãã.

¹⁷ Mũsãrẽ doreri gojadea pũgue ãsũ ãrã: “Pẽrã masaka ĩgũsã ĩãdeare surosũ weremakũ: ‘Diayeta ããrã’, ãrĩ bũremurõ gããmea”, ãrĩ gojasũdero ããrĩbũ. ¹⁸ Yũ basi yũ ããrĩrikũrĩre werea. Yũpũ yũre iriudide yũ ããrĩrikũrĩre weremi, ãrĩmi.

¹⁹ ĩgũ irasũ ãrĩmakũ pẽrã, ĩgũrẽ sẽrẽñama:

—¿No ógue ããrĩrĩ mũũũ?

Jesús ïgũsãrẽ yũjũmi:

—Mũsã yũre, Yũpũdere masĩbea. Yũre masĩrã, Yũpũdere masĩboayo.

²⁰ Jesús irasũ ãrĩ weregũ, Marĩpũya wiigue ããrĩmĩ. Masaka niyeru sĩrã, ïgũsã sãrĩ kũmarĩ pũro ããrĩmĩ. ïgũ ñerõ tariburinũ ejabiribũ dapa. Irasirirã neõ sugũ ïgũrẽ ñeã, peresu iribirima.

Jesús: “Yũ waaburore mũsã waamasĩbirikoa”, ãrĩ weredea

²¹ Jesús dupaturi judío masaka oparãrẽ weremi:

—Yũ ããrĩderogue waagũkoa. Yũ waadero pũũ, mũsã yũre ãmarãkoa. Mũsã ñerĩ iridea waja, waja oparã boarãkoa. Yũ waaburoguere mũsã waa-masĩbirikoa.

²² ïgũ irasũ ãrĩmakũ pérã, gãme sërẽñama:

—¿Nasirigũ: “Yũ waaburoguere mũsã waamasĩbirikoa”, ãrĩrĩ? ¿ïgũ basi wějẽ boagũkuri irasũ ãrĩgũ?

²³ Jesús ïgũsãrẽ ãrĩmi:

—Mũsã gapũ i ãmũgue ããrĩrã, i ãmũ marã ããrã. Yũ gapũ ãmũgasigue ããrĩdi, i ãmũmũ meta ããrã. ²⁴ Irasirigũ mũsãrẽ: “Mũsã ñerĩ iridea waja, waja oparã boarãkoa”, ãrãbũ. Mũsã: “Yũ ïgũ ããrã*”, ãrĩ wereadeare bũremubirisĩã, mũsã ñerĩ iridea waja, waja oparã boarãkoa.

²⁵ Irasũ ãrĩgũ pérã ïgũrẽ sërẽñama:

—¿Noãno ããrĩrĩ mũ?

Jesús ïgũsãrẽ yũjũmi:

—Buenagãgũgueta mũsãrẽ: “Yũ ïgũ ããrã”, ãrĩ weresiabũ. ²⁶ Yũ mũsãyamarẽ, mũsã ñerõ iridea waja mũsãrẽ wajamoãburire weredũari, wãri ããrã. Yũre iriudi gapũ diaye weremi. Irasirigũ ïgũ weremakũ yũ pédea ditare mũsã i ãmũ marãrẽ werea, ãrĩmi.

²⁷ Jesús: “Yũre iriudi”, ãrĩgũ, ïgũ Pagũreta werenĩgũ irimi. ïgũsã gapũ irire pẽmasĩbirima. ²⁸ Irasirigũ Jesús ïgũsãrẽ ãrĩmi:

—Yũre ããrĩpererã tĩgũrẽ mũsã curusague pábiatú ãĩwãgũnũrãkoa. Mũsã irasũ irirã: “Yũ ïgũ ããrã”, ãrĩ wereadeare: “Diyeta ããrã”, ãrĩ masĩrãkoa. Yũ gããmerõ neõ iribi, irasũ ããrĩmakũ Yũpũ yũre buedea ditare yũ weregũ ããrĩrĩrẽ masĩrãkoa. ²⁹ Yũre iriudi yũ merã ããrĩmi. ïgũ gããmerĩ ditare irinĩã. Irasirigũ ïgũ yũre neõ béobemi.

³⁰ Jesús irasũ ãrĩmakũ pérã, wãrã masaka ïgũrẽ bũremuma.

Jesús Marĩpũ pũrãyamarẽ, ñerõ iririmasãyamarẽ weredea

³¹ Jesús, judío masaka: “Marĩpũ iriudi ããrĩmi”, ãrĩ bũremurãrẽ ãsũ ãrĩmi:

—Yũ werenĩrĩrẽ bũremuduúmerã, diayeta yũ buerã ããrã. ³² Irasirirã di-ayema ããrĩrĩrẽ masĩrãkoa. Irire masĩrã, ñerõ iririre pirirãkoa. Moãboanerã mũsã opũre wirianerã irirosũ ããrĩrãkoa.

³³ ïgũ irasũ ãrĩmakũ pérã, ïgũrẽ ãrĩma:

—Gũa Abraham parãmerã ããrĩturiarãgue ããrã. Irasirirã neõ gajirãyarã ïgũsãrẽ moãboerã ããrĩbea. Irasirigũ: “Moãboanerã mũsã opũre wirianerã irirosũ ããrĩrãkoa”, ãrĩgũ, ¿naásũ ãrĩduagũ irasũ ãrĩrĩ mũ?

³⁴ Jesús ïgũsãrẽ ãrĩmi:

* **8:24** Exodo 3.13-15: Iripoegue Moisés Marĩpũre sërẽñadi ããrĩmĩ: “Israel bumarã yũre: ‘Mũ iriudi wãĩ, ¿naásũ ããrĩrĩ?’ ãrĩ sërẽñamakũ, ¿naásũ ãrĩ weregũkuri?” Marĩpũ ïgũrẽ ãsũ ãrĩdi ããrĩmĩ: “Yũ wãĩ ‘YO SOY EL QUE SOY’ ããrã. Irasirigũ Israel bumarãrẽ ãsũ ãrĩ wereka: ‘YO SOY yũre mũsãguere weredoregũ iriumĩ’, ãrĩka!” ãrĩdi ããrĩmĩ. “YO SOY EL QUE SOY”, ãrĩrõ: “Yũ ããrĩnĩgũta ããrã, o ïgũta ããrã yũ”, ãrĩduaro yãa.

–Diayeta musārē werea. Āārīpererā ñerīrē irirā, ñerīrē iridoreguyarā ĭgū dokamarā irirosū āārīma. ³⁵ Sugū moāboegu wii opū magū irirosū neō āārībemi. Wii opū magū gapū ĭgū pagūya wiimū āārīnīkōākumi. ³⁶ Yū, ūmūgasigue āārīgū magū āārā. Irasirigū musārē ñerīrē iridoreguyarā irirosū āārībirimakū irigū, diayeta moāboeanerā musā opūre wirianerā irirosū āārīmakū irigūkoa. ³⁷ Yū musā Abraham parāmerā āārīturiarire masīa. Irasū āārīkererā, musā yū wererire péduabea. Irasirirā yūre wējēduāa. ³⁸ Yūpū yūre masīmakū irideare musārē werea. Musā gapū musāpū dorerire yāa.

³⁹ ĭgūsā ĭgūrē ārīma:

–Abraham gūa ñekū āārīdi āārīmí.

Jesús gapū ĭgūsārē ārīmi:

–Musā diayeta Abraham parāmerā āārīturiarā āārīrā ĭgū iriunaderosūta iririkūboayo. ⁴⁰ Yūpū yūre diaye wererire musārē yū werekeremakū, yūre wējēduāa. Abraham gapū musā irirosū neō irasiribiridi āārīmí. ⁴¹ Musā musāpū irirosūta yāa.

ĭgū irasū ārīmakū pérā, ārīma:

–Gūa, pagū marīrā irirosū āārībea. Marīpū sugūta gūapū āārīmí.

⁴² Jesús ĭgūsārē ārīmi:

–Yūpū diayeta musāpū āārīmakū, musā yūre maīboayo. Yū ĭgū merā āārīdita ōō musā pūroque aaribú. Yū gāāmerō aaribiribū. Yūpū yūre iriumí. ⁴³ ¿Nasirirā yū wererire pémasīberi musā? Musā yū wererire péduabirisīā, pémasībea. ⁴⁴ Musāpū wātī āārīmí. Musā ĭgūyarā āārā. Irasirirā ĭgū gāāmerīrē iridūāa. Neōgoragueta masakare wējēbéodi āārīgū yāmi. ĭgūguere diayema neō máa. Irasirigū ĭgū neō diayemarē werebemi. Neōgoraguere masakare ārīkatorūroridi āārīmí. Irasirigū ĭgū irasū ārīkatorikūgū āārīsīā, ārīkatori ditare weremí. ⁴⁵ Yū gapū diayemarē werea. Irasirirā yū wererire pérā, musā irire būremubea. ⁴⁶ ¿Noā yūre: “Mū āsū irigū, ñerō iriabū”, ārī masībukuri? Yū musārē diayemarē werekeremakū, ¿nasirirā yū wererire būremuberi? ⁴⁷ Yūpū pūrā ĭgū werenírīrē péma. Musā gapū ĭgū pūrā āārībirisīā, irire péduabea, ārīmí Jesús.

Cristo Abraham dupiyuro āārīdeamarē weredea

⁴⁸ Jesús irasū ārīmakū pérā, judío masaka ĭgūrē ārīma:

–Gūa: “Mū Samariamū, wātī ñajāsūdi āārā”, ārīrā, diayeta ārīrā yāa.

⁴⁹ Jesús ĭgūsārē ārīmi:

–Yū wātī ñajāsūdi āārībea. Yū iriri merā masaka Yūpūre: “Ōātaria mū”, ārīmakū yāa. Musā gapū yū iririre ĭākererā: “Ñerīrē irigū āārīmí”, ārā. ⁵⁰ Yūre: “Ōārō yāa”, ārī būremurārē āmabea yū. Yūpū gapū masakare yūre būremumakū gāāmemí. ĭgūta yū iririre ĭāgū, yūre: “Ōārō yāa”, ārīmí. ⁵¹ Diayeta musārē werea. Yū wererire irigū neō boabirikumí.

⁵² ĭgū irasū ārīmakū pérā, ĭgūrē ārīma:

–Dapagora gūa ire masīa. Mū wātī ñajāsūdi āārā. Abraham iripoegue boakōādi āārīmí. Marīpūya kerere weredupiyunerāde boakōānerā āārīmá. Mū gapū: “Yū wererire irigū neō boabirikumí”, ārā. ⁵³ ¿Gūa ñekū Abraham nemorō āārīrī mū? ĭgū, Marīpūya kerere weredupiyunerāde boakōānerā āārīmá. ¿Noā āārīrī mū irasū ārī weregū?

⁵⁴ Jesús ĭgūsārē ārīmi:

–Yū, yū basi ōārō werenírī wajamáa. Yūpū gapū musā: “Gūapū āārīmí”, ārīgū gapū yūre ōārō weremí. ⁵⁵ Musā gapū Yūpūre neō masībea. Yū ĭgūrē masīa. Yū: “ĭgūrē masībea”, ārīgū, musā irirosū ārīkatorikūgū āārībukoa. Yū gapū ĭgūrē ōārō

masĩa. Irasũ ããrĩmakũ, ĩgũ wererire yáa. ⁵⁶ Musã ñekũ Abraham yũ i ùmũgue aariburire masĩdi ããrĩmĩ. Irasirigũ yũ aarimakũ ĩãgũ, buru usuyari merã ããrĩdi ããrĩmĩ.

⁵⁷ ĩgũsã Jesúre ãrĩma:

–Mũ cincuenta bojori opabirikeregũ, ¿nasirigũ Abrahãrẽ ĩãdi ããrĩbukuri?

⁵⁸ Jesús ĩgũsãrẽ ãrĩmi:

–Diayeta musãrẽ werea. Abraham dupiyuro ããrĩdi yũta ããrã.

⁵⁹ ĩgũ irasũ ãrĩmakũ pérã, ĩgũsã ùtãyeri ãĩ, ĩgũrẽ dea wējēduamakũ, Marĩpũya wiigũ ããrãdi ĩgũsã watope duriwiriakõãmi.

9

Deyoagũgueta koye ĩãmasĩbire Jesús taudea

¹ Gajinũ Jesús maague waagũ, deyoagũgueta koye ĩãmasĩbire bokajami.

² Gũũ ĩgũrẽ ĩãrã, Jesúre sērēñabũ:

–Buegũ, ¿noã ñerõ iridea waja ĩgũ koye ĩãmasĩbi deyoayuri? ¿ĩgũ pagusãmarã ñerõ iridea waja, o ĩgũ basi ĩgũ ñerõ iridea waja ĩgũrẽ irasũ waayuri? ãrĩbũ.

³ Jesús gũare ãrĩmi:

–ĩgũ ñerõ iridea, ĩgũ pagusãmarã ñerõ iridea ĩgũ deyoagũgueta koye ĩãmasĩbi ããrĩmakũ iribiribũ. Marĩpũ ĩgũ turari merã ĩgũrẽ õãrĩ iririre masakare ĩmugũkumi. Irasirigũ ĩgũ koye ĩãmasĩbi deyoami. ⁴ Ūmũ merã masaka moãmasĩrã irirosũ dapagora Marĩpũ yũre iriugũ pídeare marĩrẽ iriro gããmea. Ñami merã moãmasĩmerã irirosũ purugũ ĩgũ pídeare irimasĩbirikoa pama. ⁵ Yũ i ùmũguere ããrĩgũ, masakare sãgori sĩgũ ããrã. Irasirigũ ĩgũsãrẽ Marĩpũre masĩmakũ yáa, ãrĩmi.

⁶ Irasũ ãrĩ odo, nikũgue síkure eomeépĩ, iri merã morẽ, koye ĩãmasĩbiya koyeguere túwũkãmi. ⁷ Irasiri odo, ĩgũrẽ ãrĩmi:

–Siloé wãĩkũri deko gobegue ĩgũsã iridea gobegue mũya koyere koegũ waaka! ãrĩmi. “Siloé”, ãrĩrõ: “Iriugũ”, ãrĩdũaro yáa.

ĩgũ irasũ ãrĩmakũ pégu, koye ĩãmasĩbi irogue ĩgũya koyere koegũ waakõãmi. Koe odo, koye ĩãmasĩgũgue dujariyupũ. ⁸ ĩgũya wiigũ dujajamakũ, ĩgũya wii puru ããrĩrã, iro dupiyuro ĩgũ niyeru sērēdi ããrĩmakũ ĩãnerã, sērēñañurã:

–¿ĩĩ dupiyuro niyeru sērē doanĩdita ããrĩrĩ?

⁹ Gajirã ãrĩñurã:

–ĩgũta ããrĩmi.

Gajirã gapũ ãrĩñurã:

–ĩgũ ããrĩbemi. ĩgũ irirosũ deyogũ ããrĩmi.

ĩgũsã irasũ ãrĩmakũ pégu, koye ĩãmasĩbi ããrãdi gapũ ãsũ ãrĩyupũ:

–ĩgũta ããrã yũ.

¹⁰ ĩgũ irasũ ãrĩmakũ, masaka ĩgũrẽ sērēñañurã:

–Mũ ĩãmasĩbiradi ããrĩgũ, ¿nasirigũ dapagorare irasũ ĩãmasĩrĩ?

¹¹ ĩgũsãrẽ yũjũyupũ:

–Jesús wãĩkũgũ ĩgũya síku nikũ merã moãmorẽ, yũ koyere túwũkãmi. Túwũkã odo, yũre: “Siloé wãĩkũri deko gobegue ĩgũsã iridea gobegue mũya koyere koegũ waaka!” ãrãmi. Yũ irogue waa, koyere koe odo, ĩãmasĩpuroriabũ.

¹² ĩgũ irasũ ãrĩmakũ, ĩgũrẽ sērēñañurã doja:

–Mũrẽ irasiriadi, ¿noógũ ããrĩrĩ?

–Masĩbirikoa. Noó ããrĩgũ ããrĩkumi, ãrĩyupũ.

Fariseo bumarã koye ĩãmasĩbi ããrĩdire sērēñadea

13 Pɔrɔ ɪgũsã koye ɪãmasĩbiridire fariseo bumarã pɔrogue ãĩãñurã. 14 Jesús ɪgũya síku níkũ merã moãmorẽ, koye ɪãmasĩbire taudeanu judío masaka siñajãrĩnu ããrĩbú. 15 Irasirirã fariseo bumarã koye ɪãmasĩbiridire sêrẽñañurã:

—¿Nasirigu dapagorare õãrõ ɪãrĩ?

ɪgũsãrẽ yɔjɔyɔpɔ:

—Sugu ɪgũya síku níkũ merã moãmorẽ, yaa koyere túwãkãmi. Irasirigu yaa koyere koadero pɔrɔ, ɪãmasĩpɔroribɔ.

16 ɪgũ irasũ ãrĩmakũ, surãyeri fariseo bumarã merãmarã ãrĩñurã:

—ɪgũrẽ irasiridi, marĩ siñajãrĩnuĩma dorerire iribi ããrĩmi. Irasirigu Marĩpɔ iriudi ããrĩbemi.

Gajirã gapɔ ãrĩñurã:

—ɪgũ ñerõ iriguno ããrĩgú, i iri ɪmurĩrẽ irimasĩbiriboayɔpɔ. Irasirirã ɪgũsã surosũ gũñabirisĩã, dukawariñurã. 17 Irasirirã dupaturi koye ɪãmasĩbiridire sêrẽñañurã doja:

—Mũkoa, ¿naásũ ãrĩrĩ mɔrẽ koye ɪãmasĩmakũ iridire?

ɪgũ yɔjɔyɔpɔ:

—ɪgũ Marĩpɔ kerere weredupiyɔgũ ããrĩmi, ãrã yɔ, ãrĩyɔpɔ.

18-19 Judío masaka oparã gapɔ: “ɪrĩ koye ɪãmasĩgũ, dupiyuro koye ɪãmasĩbi ããrĩdi ããrĩbemi”, ãrĩ gũñadiñurã. Irasirirã ɪgũ pagusãmarãrẽ siiu, sêrẽñañurã:

—“¿ɪrĩ mɔ magũ neõ deyoagũgueta koye ɪãmasĩbi ããrĩdi ããrĩmi”, ãrĩrĩ? ɪgũ diayeta koye ɪãmasĩbiridi ããrĩgú, ¿nasiri dapagorare õãrõ ɪãmasĩrĩ?

20 ɪgũ pagusãmarã yɔjɔñurã:

—Ire gɔa masĩa. ɪrĩ gɔa magũta ããrĩmi. ɪgũ deyoagũgueta koye ɪãmasĩbiridita ããrĩmi. 21 ɪgũ dapagora koye ɪãmasĩrĩ gapɔre, ɪgũrẽ ɪãmakũ irididere masĩbea. ɪgũrẽ sêrẽñañaka! Bũguro ããrĩmi. ɪgũ basi mɔsãrẽ yɔjɔmasĩmi.

22 Judío masaka oparã dupiyurogue ãsũ ãrĩñurã:

—Jesúre: “Marĩpɔ iriudi Cristo ããrĩmi”, ãrĩgũnorẽ marĩ nerẽrĩ wiirigue neõ ñajãdorebirikõãrã! ãrĩñurã. Irasirirã, ɪgũsã ãrĩdeare pénerã ããrĩsĩã, koye ɪãmasĩbiridi pagusãmarã ɪgũsãrẽ gũigorañurã. 23 Irasirirã ɪgũsãrẽ: “Bũguro ããrĩmi. ɪgũrẽ sêrẽñañaka!” ãrĩñurã.

24 Judío masaka oparã irire pérã, dupaturi koye ɪãmasĩbiridire siiu, ɪgũrẽ ãrĩñurã doja:

—Marĩpɔ mɔ wererire pémi. Irasirigu ɪgũ péurogue gɔare diaye wereka! Gɔa ire masĩa. Jesús ñerõ irigũ ããrĩmi.

25 ɪgũsã irasũ ãrĩmakũ pégu, ɪgũsãrẽ ãsũ ãrĩ yɔjɔyɔpɔ:

—Jesúre ɪgũ ñegũ, o õãgũ ããrĩrĩrẽ masĩbirikoa yɔ. I ditare masĩa. Yɔ dupiyuroguere koye ɪãmasĩbi ããrĩbú. Dapagorare ɪãa, ãrĩyɔpɔ.

26 ɪgũ irasũ ãrĩmakũ pérã, dupaturi ɪgũrẽ sêrẽñañurã doja:

—¿Nasiriri ɪgũ mɔrẽ? ¿Nasirigu ɪgũ mɔrẽ koye ɪãmasĩmakũ iriri?

27 ɪgũ yɔjɔyɔpɔ ɪgũsãrẽ:

—Irireta mɔsãrẽ weresiabu. Yɔ irasũ ãrĩ werekeremakũ, mɔsã gapɔ yɔ wererire péduabirabu. ¿Nasirirã dupaturi yɔ irire weremakũ péduari? ¿Mɔsãde ɪgũ buerã ããrĩduakuri?

28 ɪgũ irasũ ãrĩmakũ pérã, ɪgũrẽ turiñurã:

—Mɔ ɪgũ buegu ããrã. Gɔa gapɔ Moisés gojadeare buerã ããrã. 29 Ire gɔa masĩa. Marĩpɔ Moisére weredi ããrĩmí. Jesúre iriudi gapɔre gɔa masĩbea.

30 ɪgũsã irasũ ãrĩmakũ, ɪgũsãrẽ ãsũ ãrĩ yɔjɔyɔpɔ:

—Mɔsã irasũ ãrĩmakũ, pégukakõãkoa. ɪgũ yɔre koye ɪãmasĩmakũ irikeremakũ, mɔsã ɪgũrẽ iriudire masĩbea, ãrã. 31 Marĩ ire õãrõ masĩa. Marĩpɔ ñerõ irirã

Īgūrē sērēmakū pébemi. Īgūrē b̄remugū, Īgū dorerire irigure Īgū sērērī ditare pémi. ³² Marī neō sugū deyoaguguetā koye ĩāmasībire ĩāmakū irigū āārīrērē pébea. ³³ Marīp̄u Jesúre iriubirimakū, ȳare koye ĩāmasīmakū iribiriboañumi, ārīyup̄u.

³⁴ Īgū irasū ārīmakū pérā, ārīñurā:

—M̄u deyoaguguetā ñerī merā deyoadi āārīkeregū, ¿irire wereduarī guare buebu? ārīñurā.

Irasirirā judío masaka nerērī wiigūe Īgūrē ñajādorebiriñurā.

Jesús ĩgūyare pémerā koye ĩāmasīmerā irirosū āārīma, ārī weredeā

³⁵ Jesús koye ĩāmasībiridire ĩgūsā béowiuadeare pémi. Irasirigū ĩgūrē bokajagū, sērēñami:

—¿Marīp̄u magū āārīpererā t̄ġūrē b̄remurī m̄u?

³⁶ Īgū Jesúre ārīmi:

—Ȳu Op̄u, ¿noā āārīrī ĩgū? Wereka ȳare! Īgūrē masīgū, b̄remugura.

³⁷ Jesús ĩgūrē ārīmi:

—M̄u ĩgūrē ĩāsīāa. Ȳu m̄u merā werenígū, ĩgūta āārā.

³⁸ Irire ārīmakū pégu, Jesús p̄uro ñaduk̄upuri merā ejamejā, ĩgūrē:

—Ȳu Op̄u, m̄urē b̄remua, ārīmi.

³⁹ P̄ur̄u Jesús āsū ārīmi:

—Ȳu masaka irideare: “I gap̄u ōāa, i gap̄u ōābea”, ārīgū, i ūm̄ugure aaribú. Ȳup̄u gāāmerīrē masīmerā, koye ĩāmasīmerā irirosū āārīma. Irasirigū koye ĩāmasīmerā irirosū āārīrārē ĩgū gāāmerīrē masīburo, ārīgū, “Ḡua ōārō masīa”, ārī gūñarā gap̄ure koye ĩāmasīmerā irirosū waaburo, ārīgū aaribú.

⁴⁰ Īgū irasū ārīmakū pérā, surāyeri fariseo bumarā ĩgūrē ārīma:

—¿M̄u irire ārīgū, guadere: “Koye ĩāmasīmerā irirosū āārā”, ārīgū yári?

⁴¹ Jesús ĩgūsārē ārīmi:

—Musā koye ĩāmasīmerā irirosū Ȳup̄u gāāmerīrē masīmerā āārīrā, musā ñerī iridea wajare opabiribukoa. “Ḡua ōārō masīa”, ārīrā āārīsīā, musā ñerō iridea wajare opāa dapa, ārīmi.

10

Jesús oveja korerimasū iririk̄ari keori merā weredeā

¹ Jesús irire ārī odoadero p̄ur̄u, keori merā āsū ārī weremi:

—Diayeta m̄usārē werea. Oveja korerimasū ĩgūsārē durip̄iri sārīrō makāp̄urore ñajāgū irirosū iribino, yajarimasū āārīkumi. Makāp̄uro marīrōgue ñajākumi. ² Makāp̄uro ñajāgū gap̄u oveja korerimasū āārīkumi. ³ Makāp̄urore koregu t̄upākumi, oveja korerimasūrē ñajāridoregu. Oveja korerimasū ñajāmakū, oveja ĩgū werenímakū pékuma. Īgūyarārē ĩgūsā wāi merā oekumi. Irasū oegu, ĩgūsārē siiu wiukumi. ⁴ Īgūyarā āārīpererārē oe, siiu wiu odo, ĩgūsārē dupiyuwāgākumi. Oveja ĩgū werenírīrē masīrā āārīsīā, ĩgūrē t̄yakuma. ⁵ Gajigure ĩgūsā ĩāmasībire t̄yabirikuma. Īgū werenírīrē masīmerā āārīsīā, ĩgūrē gūi ūmaduriwāgākōākuma.

⁶ Jesús iri keori merā ĩgūsārē weremakū pérā gap̄u pémasībirima. “Āsū ārīduaro irikoa i”, ārīmasībirima.

Jesús ovejare ōārō koreḡu irirosū āārīrīmarē weredeā

⁷ Irasirigū Jesús ĩgūsārē werenemomi doja:

—Diayeta m̄usārē werea. Ȳu ovejare durip̄iri sārīrō makāp̄uro irirosū āārā.

⁸ Āārīpererā ñerā ȳu dupiyuro aarinerā, yajarimasā irirosū āārīma. Yaarā oveja irirosū āārīrā gap̄u ĩgūsārē pébema. ⁹ Ȳu makāp̄uro irirosū āārā. Ȳure

buremurā iri makāpurore ñajārā irirosū āārīma. Īgūsārē peamegue waabonerārē taugukoa. Oveja güiro marīrō Īgūsārē duripīri sārīrō makāpurore ñajārā, wirirā Īgūsā baaburi bokarā irirosū āārīrākuma.

¹⁰ 'Yajarimasā ovejare yajamurā, wējēmurā, poyanorēmurā aarīma. Y_H gapu Īgūsārē okarire opamakū irigu aaribú. Āārīpereri oārīrē opaburo, ārīgū, aaribú. ¹¹ Y_H ovejare oārō koregu irirosū āārā. Ovejare oārō koregu wējēsūbu āārīkoregu, Īgūsārē béobirikumi. Īgūsā oārō āārīburire boabosagukumi. ¹² Gajigu moārīmasū gapu Īgū moāwajatari ditare gūñami. Ovejare oārō koregu irirosū āārībemi. Oveja Īgūyarā āārībema. Irasirigu makānūumu diayée ovejare ñeā wējēgū aarimakū Īgū, ovejare béo, güi ūmaduriwāgākōāmi. Īgūsārē béowāgādero puru, makānūumu diayée ovejare ñeāmakū Īārā, gajirā oveja ūmasiriwāgākōāma. ¹³ Moārīmasū Īgū moāwajatari ditare gāāmemi. Irasirigu ovejare Īgūsā oārō āārīburire gūñabemi.

¹⁴⁻¹⁵ 'Y_H ovejare oārō koregu irirosū āārā. Y_Hpu y_Hre masīmi. Y_Hde Y_Hpu_Hre masīa. I irirosū yaarā ovejare y_H masīa. Yaarāde y_Hre masīma. Irasirigu y_H okarire maībea. Īgūsā oārō āārīburire boabosagukoa. ¹⁶ Gajirā oveja gajī duripīri sārīrō marā irirosū āārīma. Īgūsāde yaarā āārīma. Īgūsādere āīgukoa. Y_H werenīrīrē pérākuma. Irasirirā yaarā āārīpererā su buta āārīrākuma. Y_H sugata Īgūsārē koregukoa.

¹⁷ 'Yaarā oārō āārīburire boabosagukoa. Y_H okarire maībi āārīsīā, irasirigukoa masā, dupaturi okabu. Y_H irasiribu āārīmakū, Y_Hpu y_Hre maīmi.

¹⁸ Y_H gāāmebirimakū, neō sug_H y_Hre boamakū irimasībiribukumi. Y_H gāāmerō merā boagukoa. Y_H turaro merā y_H gāāmerīrē irimasīgū āārīsīā, y_H gāāmerō merā boa, puru masāgukoa. Y_Hpu y_Hre irireta iridoremi, ārīmi Jesús.

¹⁹ Īgū irasū ārīmakū pérā, judío masaka dupaturi surosū Īgūrē gūñabirisīā, dukawarima.

²⁰ Gajirā wārā Īgūsā merāmarārē Īgūyamarē ārīma:

—Īgū wātī ñajāsūdi, niāsūgū yāmi. ¿Nasirirā Īgūrē péri m_Hsā?

²¹ Gajirā gapu ārīma:

—Wātī ñajāsūdi, Īgū irirosū oārō werenībiribukumi. Koye Īāmasībidere Īāmakū irimasībiribukumi, ārīma.

Judío masaka Jesúre gāāmebiridea

²² Puibu āārīmakū, Jerusalégue judío masaka bosenu irima. Iripoegue marā Marīpuya wiire iripeodeare gūñarī bosenu āārībú. ²³ Iri bosenu_Hrē Jesús, Pórtico de Salomón wāikuri taribu Marīpuya wii turo biaña marīrī taribugue waagorenami. ²⁴ Irogue Īgū āārīmakū Īārā, judío masaka oparā Īgū puro nerē, Īgūrē sērēñama:

—¿Naásū āārīmakū guare oārō diaye weregukuri? ¿M_H Cristo, Marīpu iriudita āārīrī?

²⁵ Jesús Īgūsārē y_Hj_Hmi:

—M_Hsārē weresiabu. M_Hsā gapu y_H wererire buremubea. Y_H, Y_Hpu y_Hre dorerosūta Īgū turari merā iri Īmurīrē irinagū yāa. I merā y_H āārīrikurire masīsūa. ²⁶ Y_H Īgū turari merā iri Īmurīrē Īakererā, m_Hsā gapu y_Hre buremubea. M_Hsā yaarā āārībirisīā, y_Hre buremubea. Y_H dupiyuro werederosūta m_Hsā gajiguyarā oveja irirosū āārā. ²⁷ Yaarā oveja y_H werenīrīrē masīma. Y_H Īgūsārē masīa. Irasirirā y_Hre t_Hyama. ²⁸ Y_H Īgūsārē ūm_Hgasigue perebiri okari opamakū yāa. Irasirirā perebiri peamegue neō waabirikuma. Y_H Īgūsārē korea. Gajirā Īgūsārē neō y_Hre ēmamasībema. ²⁹ Y_Hpu Īgūsārē y_Hre sīdi āārīmī. Īgū āārīpererā nemorō turagu āārīmī. Īgūde Īgūsārē koremi. Gajirā Īgūsārē neō Īgūdere ēmamasībema. ³⁰ Y_H, Y_Hpu merā sugata āārā, ārīmi Jesús.

³¹ Īgũ irasũ ārĩmakũ pérã, dupaturi judío masaka ùtãyeri āĩma, Īgũrẽ dea wějẽduarã. ³² Īgũsã irasiridũamakũ ĩãgũ, Jesús Īgũsãrẽ ārĩmi:

–Yũ, Yũpũ yũre dorederosũta wãri Īgũ turari merã iri ĩmurĩrẽ iribũ. Mũsã irire ĩãbũ. ¿Ñeeno yũ iridea waja mũsã yũre ùtãyeri merã dea wějẽduari?

³³ Īgũsã Īgũrẽ ārĩma:

–Mũ òãrõ iriri waja gũa mũrẽ ùtãyeri merã dea wějẽduabea. Mũ Marĩpũre ñerõ werenĩrĩ waja mũrẽ ùtãyeri merã dea wějẽduãa. Mũ masakũ ããrĩkeregũ: “Marĩpũ ããrã yũ”, ārĩ werenĩa.

³⁴ Īgũsã irasũ ārĩmakũ pégũ, Jesús Īgũsãrẽ ārĩmi:

–Marĩpũ ãsũ ārĩdi ããrĩmĩ Īgũ mũsãrẽ doreri gojadea pũgue: “Mũsã yũ irirosũ ããrã”, ārĩdi ããrĩmĩ. ³⁵ Marĩ ire masĩa. Marĩpũ Īgũya werenĩrĩ gojadea pũgue ārĩrĩ diayeta ããrã. Marĩrẽ neõ irire: “Diaye ããrĩbea”, ārĩ masĩña máa. Irasiriro iri pũguere Īgũya kerere pérãrẽ: “Yũ irirosũ ããrĩma”, ārĩrĩ diayeta ããrã.

³⁶ Marĩpũ yũre beyesĩa, i ùmũguere iriumi. Irasũ ããrĩkeremakũ: “Yũ Marĩpũ magũ ããrã”, ārĩdea waja mũsã gapũ yũre: “Marĩpũre ñerõ werenĩmi”, ārã. ¿Nasirirã yũre irasũ ārĩrĩ mũsã? ³⁷ Yũpũ yũre dorederosũta Īgũ turari merã yũ iri ĩmubirimakũ ĩãrã, yũ wereri gapũre bũremubirikõãka! ³⁸ Yũpũ yũre dorederosũta yũ iri ĩmumakũ ĩãrã, yũ wererire bũremubirikererã, yũ iriri gapũre: “Marĩpũ turari merã iriri ããrã”, ārĩ bũremuka! Mũsã irire ārĩ bũremurã, Yũpũ yũguere òãrõ ããrĩrĩrẽ, irasũ ããrĩmakũ yũ Īgũ merã sugũta ããrĩrĩrẽ masĩrãkoa.

³⁹ Īgũ irasũ ārĩmakũ, Īgũrẽ peresu iridũarã ñeãduarã iriadima doja. Īgũ gapũ Īgũsãrẽ duriwiriakõãmi.

⁴⁰ Wiria, Juan masakare wãiyepũroriderogue dia Jordán wãĩkũdiya gaji koepũgue dupaturi waa, irogue dujami. ⁴¹ Masaka wãrã Īgũrẽ ĩãrã ejama. Āsũ ārĩma:

–Juan masakare wãiyedi Marĩpũ turari merã iririre iri ĩmubirikeregũ, ããrĩpereri Jesúyamarẽ weredeã diayeta ããrã, ārĩma.

⁴² Irasirirã wãrã irogue Jesúre bũremuma.

11

Lázaro boadea (Lc 10.38-42)

¹⁻² Iripoere Betania wãĩkũri makãmũ Lázaro wãĩkũgũ pũrĩrikũgũ iriyupũ. Iri makã, Īgũ tĩrã nome María, Marta wãĩkũrãya makã ããrĩbã. María marĩ Opũ Jesúya gubure sãrõrĩ merã piupeo, igo poari merã túkoebo ããrĩmó. ³ Lázaro pũrĩrikũmakũ ĩãrã, Īgũ tĩrã nome gajirã merã Jesúre kere iriuñurã:

–Gũa Opũ, mũ maĩgũ pũrĩrikũgũ yãmi, ārĩ kere iriuñurã.

⁴ Jesús iri kerere pégũ, ārĩmi:

–Iri pũrĩrĩ Īgũrẽ boamakũ iriburi ããrĩbea. Iri merã Marĩpũ masakare Īgũ turarire ĩmugũkumi. Īgũ irire ĩmugũ, yũ Īgũ magũ ããrĩrĩrẽ, Īgũ turari opagũ ããrĩrĩdere ĩmugũkumi.

⁵⁻⁶ Irasirigũ Jesús Martare, igo pagũmorẽ, Lázarore bũro maĩsĩã, Lázaro pũrĩrikũri kere péadero pũrũ, penũ Īgũ ããrĩrõguere dujanemomi. ⁷ Penũ pũrũ gũare Īgũ buerãrẽ ārĩmi:

–Nãka, dupaturi Judea nikũgue waarã doja!

⁸ Gũa Īgũrẽ ārĩbũ:

–Buegũ, irinũgue marĩ irogue ããrĩmakũ, judío masaka mũrẽ ùtãyeri merã dea wějẽduama. ¿Nasirigũ mũ irogue dupaturi waadũari?

⁹ Gũa irasũ ārĩmakũ, Jesús keori merã gũare ãsũ ārĩ weremi:

—Sunurē pe mojōma pere su gubu peru pērēbejari horagora āārā. Irasirirā, i ūmugure sīāgori āārīyumakū, iri boyori merā masaka noó waaró waarā, gubutuabirikuma. ¹⁰ Nami merā sīāgori marīrō waarā gapu gubutuama.

¹¹ Īgū irire ārī odo, guare ārīmi:

—Marī merāmu Lázaro kārīakōāmi. Yu ĩgūrē yobegu waagukoa.

¹² Gua ĩgūrē ārību:

—Gua Opu, Lázaro kārīmakū, ĩgū sīrīrī tarirokoa, ārību.

¹³ Jesús: “Kārīakōāmi”, ārīgū, ĩgū kōmoadeare weregu iridi āārīmí. Gua gapu: “Īgū kārīrīrē weremi”, ārī gūñadibu. ¹⁴ Irasirigu Jesús pémasīma ōārō guare weremi:

—Lázaro boakōāmi. ¹⁵ Yu usuyáa, yu marīrō boami. Īgū boari merā musā yure buremunemorākoa. Náka, marī ĩgūrē ĩārā! ārīmi.

¹⁶ Jesús irire ārīmakū pégu, Tomás “Suduadi” ĩgūsā ārīgū guare ārīmi:

—Marī Jesús merā waarā! Īgū irogu boamakū, marīde ĩgū merāta boakōārā!

Jesús boanerārē masāmakū irigu, okari sīgū āārīrīmarē werede

¹⁷ Jesús Betaniague ejamakū, iro marā ĩgūrē werema:

—Wapikurinu taria, Lázaro dagure ĩgūsā yáadero puru, ārīma.

¹⁸ Betania, Jerusalén pūrogā, pe kilómetro gaji kilómetro deko yoaro āārībú.

¹⁹ Irasirirā judío masaka wārā Lázaro boadea kerere pérā, Marta, Maríare ĩārā waañurā, ĩgūsārē ĩā gūñaturaburo, ārīrā. ²⁰ Jesús ĩgūsā puro ejaburi kerere pégo, Marta ĩgūrē bokatīrīgō aarimó. María gapu wiigueta dujakōādeo āārīmó.

²¹ Marta Jesús puro ejago, ĩgūrē ārīmo:

—Yu Opu, mū ōōgue āārīmakū, yu pagumu boabiriboadi āārāmi. ²² Yu masīa. Mū Marīpūre sērēmakū, āārīpereri mū sērērōsūta irigukumi.

²³ Jesús igore ārīmi:

—Mū pagumu dupaturi okagukumi.

²⁴ Igo ĩgūrē ārīmo:

—Yu masīa. I ūmu peremakū āārīpererā boanerā masāmakū, ĩgūde dupaturi okagukumi.

²⁵ Igo irasū ārīmakū, Jesús āsū ārīmi:

—Yu boanerārē masāmakū irigu, ĩgūsārē okari sīgū āārā. Yure buremugū boadigue āārīkeregū, okagukumi. ²⁶ Irasirirā okarā yure buremurāno neō boabirikuma*. ¿Mū ire buremurí?

²⁷ Igo ĩgūrē ārīmo:

—Yu Opu, murē buremua. Mū, Cristo Marīpu magū, i ūmugue aarigukumi, ĩgūsā ārīdi āārā.

Jesús Lázaro ya dūpūre yáadea masāgobe puro oredea

²⁸ Marta irasū ārī odo, igo pagumo Maríare siiugo waamo. Gajirā péberogā igore āsū ārīyupo:

—Marīrē buegu ejasiami. Murē siiuami.

²⁹ Igo irasū ārīmakū pégo, mata María ĩgū pūrogué mumurō merā aarimó.

³⁰ Jesús makāgue ejabirimi dapa. Marta ĩgūrē bokatīrīaderogueta āārīmí.

³¹ Judío masaka wiigūe Maríare ĩā gūñaturaburo, ārīrā, igo merā āārānerā, igo mumurō merā waamakū ĩārā, igore tuyawāgāñurā. “Igo pagumu yāa masāgobegue orego waagó irikumo”, ārī gūñañurā.

³² María Jesús pūrogué ejago, ĩgūrē ĩā, ĩgū guburi puro ñadukupuri merā ejamejā:

* **11:26** Jesús: “Okarā yure buremurāno neō boabirikuma”, ārīgū, ĩgūsā ūmugasigūe perebiri okaburire, perebiri peamegūe neō waabiriburire werenígū irimi.

—Y_u Op_u, m_u òògue ããrĩmakũ, y_u pag_um_u boabiriboadi ããrãmi, ãrĩmo.
³³⁻³⁴ Igo, igore t_uyanerã merã oremakũ ããgũ, Jesús b_uro bopoña, b_ujawereri merã ãgũsãrẽ ãã:
 —¿Noógue ãgũrẽ yáari m_usã? ãrĩ sãrẽñami.
 ãgũsã ãgũrẽ ãrĩma:
 —G_ua Op_u, ããgũ aarika!
³⁵ Jesús oremi.
³⁶ ãgũ oremakũ ããrã, judío masaka ãrĩma:
 —ããka! Noópagora ãgũrẽ maĩayuriyel!
³⁷ Gajirã ãgũsã merãmarã gap_u ãrĩma:
 —Koye ããmasĩbire ããmakũ iridi ããrĩmi. ¿Lázaro boaburi dupiyuro ãgũrẽ ããgũ taukõãboayuri?

Jesús Lázarore masũdea

³⁸ Jesús b_uro b_ujawereri merã masãgobe p_uro waami. Iri gobe ãtãtore ããrĩbú. Iri gobe ñajãrõrẽ wári majĩ ãtã majĩ merã biasũb_u.

³⁹ Jesús ãrĩmi:
 —Ëtã majĩrẽ ãã weanúka!
 ãgũ irasũ ãrĩmakũ pégo, Marta boadi tĩgõ ãrĩmo:
 —Y_u Op_u, ãgũya d_up_u daro ãrĩasiakuyo. Wapik_urin_u tarisiáa, ãgũ boadero p_ur_u.

⁴⁰ Jesús gap_u igore ãrĩmi:
 —M_urẽ wereab_u: “Y_ure b_uremugõ Marĩp_u turarire ããgokoa”, ããrãb_u.
⁴¹ ãgũ irasũ ãrĩ odomakũ, ãgũsã ãtã majĩrẽ ãã weanúma. Jesús ãm_ugasigue ããmu, Marĩp_ure ããsũ ãrĩmi:
 —A_u, y_u sãrẽrĩrẽ m_u pésiab_u. Irasirig_u m_urẽ: “Õãa”, ãrĩ, ãs_uyari sãa. ⁴² Y_u masãa. Y_u m_urẽ sãrẽrĩrẽ irasũ pénikõãa. Y_u irire masĩkereg_u, õõ nírá y_u m_u iriudi ããrĩrĩrẽ masĩburo, ããrĩgũ, ãgũsã péurogue m_urẽ: “Y_u sãrẽrĩrẽ m_u pésiab_u”, ããrĩ werea.

⁴³ Irasũ ããrĩ odo, Jesús b_uro b_us_uro merã ããrĩmi:
 —Lázaro, irore wirika!
⁴⁴ ãgũ irasũ ããrĩmakũta, masãgobegue wiririmi. ãgũya mojõrĩ, guburire surĩ gasiri merã d_urasũdi, ãgũya diapure surĩro gasiro merã õmasũdi ããrĩmi. Irasirig_u Jesús ããgũsãrẽ:
 —Kuranoka ããgũ waamakũ! ããrĩmi.

Judío masaka oparã Jesúre ñeãd_uadea

(Mt 26.1-5; Mr 14.1-2; Lc 22.1-2)

⁴⁵ Wárã judío masaka María merã masãgobegue wapik_unerã Jesús iriadeare ããrã, ããgũrẽ b_uremuma. ⁴⁶ Gajirã ããgũsã merãmarã gap_u fariseo bumarã p_urogoe waa, Jesús iriadeare ããgũsãrẽ wereñurã. ⁴⁷ Irasirirã fariseo bumarã, irasũ ããrĩmakũ paía oparã gajirã judío masaka oparã merã nerẽ, ããsũ ããrĩ werenĩñurã:

—¿Nasirirãkuri marĩ? Jesús wári turari merã iri ããmugũ yámi. ⁴⁸ Marĩ ããgũrẽ: “Iropata irika!” ããrĩbirimakũ, ããrĩpererã masaka ããgũrẽ b_uremurãkuma. Irasirirã romano marã oparã aarirãkuma, Marĩp_uya wiire béo, marĩrẽ marĩya níkũrẽ ããmamurã, ããrĩñurã.

⁴⁹ Sug_u ããgũsã merãm_u, Caifás wãik_ug_u iri bojorire paía op_u ããrĩmi. ããgũsã irire irasũ ããrĩmakũ pég_u, ããgũsãrẽ ããrĩyup_u:

—M_usã irima ããrĩpererire neõ masĩbea. ⁵⁰ Ire pémasĩbea. Sug_uta marĩ judío masakaya ããrĩburire boabosamakũ õãrokoa. ããgũ boabirimakũ, marĩ ããrĩpererã judío masaka gap_u pereakõãbukoa.

⁵¹ Īgũ Jesús judío masakaya ããrĩburire boabosaburire weregũ, ĩgũ basi gũnarĩ merã irasũ ãrĩbiriypũ. Iri bojorire ĩgũ paía opũ ããrĩmakũ, Marĩpũ ĩgũrẽ irire ãrĩmakũ iriyupũ. ⁵² Jesús boagũ, judío masakaya ããrĩburire, irasũ ããrĩmakũ ããrĩpererã Marĩpũ pũrã ããrĩperero ããrĩrãdere ĩgũsãya ããrĩburidere boami, su buta ããrĩburo, ãrĩgũ. ⁵³ Caifás ĩgũsãrẽ irasũ ãrãdero pũrũ: “¿Nasiri Jesúre wějẽrãkuri marĩ?” ãrĩ werenĩrã iriñurã.

⁵⁴ Jesús, ĩgũsã ĩgũrẽ wějẽdũarire masĩkõãmi. Irasirigũ judío masaka oparã ĩũrõgue neõ waagorenabirimi. Judea nikũma makã, masaka marĩrõ pũro ããrĩrĩ makã Efraín wãĩkuri makãgue waakõãmi. Irogue gũa ĩgũ buerã merã dujami.

⁵⁵ Iripoere pascua bosenu gũa judío masaka bosenu ããrĩburo mérõgã dũyabũ. Irasirirã bosenu dupiyuro masaka wárã gaji makãrĩ marãde Jerusalẽgue iri bosenu marẽ baaburo dupiyuro Marĩpũ dorederosũta koerã waama ĩgũ ĩgũsãrẽ: “Ñerĩ opamerã, õãrã ããrĩma”, ãrĩ ĩãburo, ãrĩrã. ⁵⁶ ĩgũsã irogue ejarã, Jesúre ãmagorenañurã. Marĩpũya wiigũ ããrĩrã, ãsũ ãrĩ gãme werenĩñurã:

—¿Naásũ gũnarĩ? ¿Bosenurẽ ĩãgũ aarigũkuri, o aaribirikuri?

⁵⁷ Paía oparã, fariseo bumarã masakare doreñurã. ãsũ ãrĩñurã:

—Jesús ããrĩrõrẽ masĩrã, gũare wereka! ĩgũrẽ ñeã, peresu iridũarã irasũ ãrĩñurã.

12

María Jesúya guburire sũrõrĩ piupeodea (Mt 26.6-13; Mr 14.3-9)

¹ Su mojõma pere gaji mojõ suru pẽrẽbejarinũrĩ pascua bosenu waaburi dupiyuro Jesús Betaniague waami. Iri makã, Lázaro boadiguere Jesús masũdiya makã ããrĩbũ. ² Irogue Jesúre bosenu iripeoma. Marta baarire gueremo. Lázaro ĩgũ merã baa doami. Gũade ĩgũsã merã baabũ. ³ Gũa ĩgũsã merã baaripoe María suru sũrõdiru wádiru su litro deko opadirure Jesús pũro ãija, ĩgũya guburire piupeomo. Iri sũrõrĩ “nardo” wãĩkuri sũrõrĩ, gajino merã morẽña marĩrĩ, wajapari sũrõrĩ ããrĩyuro. Irire piupeo odo, igoya poañapu merã ĩgũya guburire túkoemo. Iri wii ããrĩperero sũrõseyakõãbũ. ⁴ Igo irasirimakũ ĩãgũ, gũa Jesús buerã watopemũ Jesúre wějẽdũarãguere ĩgũrẽ ĩmbu Judas Iscariote ãsũ ãrĩmi:

⁵ —¿Nasirigo i sũrõrĩrẽ duabirari? Irire duago, trescientos nũrĩ moãdea wajare wajataropa wajataboakuyo. Irasirigo iri niyerure boporãrẽ sĩboakuyo, ãrĩmi.

⁶ Yajarikusĩã, irasũ ãrĩmi. Boporãrẽ iritamudũagũ meta ããrĩmĩ. ĩgũ gũaya niyeru ajurore koregũ ããrĩmĩ. Iri ajurogue gũa niyeru duripĩrĩre yajanokõãmi.

⁷ Jesús ĩgũrẽ ãrĩmi:

—Iropata ãrĩka! Igo iri sũrõrĩ duripĩadeare yũre piupeogo, ĩgũsã yũre yáaburi dupiyuro iriburire irasũ yãmo.

⁸ Boporã mũsã merã ããrĩnĩkõãrãkuma. Yũ gapũ mũsã pũro ããrĩnĩbirikoa.

Judío masaka oparã Lázarore wějẽdũadea

⁹ Jesús Betaniague ããrĩrĩ kerere pẽrã, judío masaka wárã irogue ĩgũrẽ ĩãrã aarirã, ĩgũ ditare ĩãrã aaribirima. Lázaro boadiguere Jesús masũdidere ĩãrã aarimã. ¹⁰⁻¹¹ Jesús ĩgũrẽ masũmakũ ĩãdero pũrũ, wárã judío masaka paía oparã bueri gapũre tũyanemobiri, Jesúre bũremupũroriñurã. Irasirirã paía oparã Jesúre wějẽdũarosũta Lázarodere wějẽdũañurã.

Jesús Jerusalégue ejadea

(Mt 21.1-11; Mr 11.1-11; Lc 19.28-40)

¹² Gajinu gapu wárã masaka Jerusalégue pascua bosenure ããrã ejanerã, Jesús irogue waaburi kerere péñurã. ¹³ Irasirirã beje pũ diti ããwãgã, ããgũrẽ ããsũ ããrĩ gaguini bokatĩrĩrã aarimã:

—Marĩ Opure usuyari sĩrã! Ñĩ Marĩpu marĩrẽ taugu iriudi õãrõ aariburo. Ñãgũ marĩ Israel bumarã Oputa ããrĩmi, ããrĩma.

¹⁴ Jesús burrore bokaja, ããgũ weka marĩbejami. Irasirigu Marĩpuya werenĩrĩ gojadea pũgue ããrĩderosũta irimi. ããsũ ããrĩ gojasũdero ããrĩbũ:

¹⁵ Jerusalén marã gũbirikõãka!

Ñãka! Musã Opu burro weka peyawãgãrimi, ããrĩ gojasũdero ããrĩbũ.*

¹⁶ Gũã ããgũ buerã iri gojadeare pémasĩbiribu. “Dapagora Jesús iri gojaderosũta irigu yãmi”, ããrĩ gũñabiribu. Ñũmugasigue ããgũ marĩaderõ puru, iri gojadeare gũñaboka, pémasĩbu. “Marĩpuya werenĩrĩ gojadea pũgue ããrĩderosũta Jesũre waabu”, ããrĩ gũñabu.

¹⁷ Jesús Lázare ããgũsã yãadea gobere wiridore, ããgũrẽ masũmakũ ããnerã gajirãrẽ ããgũsã ããdeare wererã irima. ¹⁸ Irasirirã wárã masaka Lázare Jesús masũdea kerere pénerã ããrĩsãã, Jesũre bokatĩrĩrã aarimã. ¹⁹ ããgũsã irasirimakũ ããrã, fariseo bumarã ããgũsã basi ããsũ gãme ããrĩ werenĩñurã:

—Ñãka! ããrĩpererã ããgũ merã dita waarã yãma. Marĩ neõ ããgũsã iririre kãmutamasĩbea.

Surãyeri griego masaka Jesũre ããduadea

²⁰ Jerusalégue pascua bosenu ããrĩmakũ, Marĩpura buremurã ejanerã watopere surãyeri griego masaka ããrĩmã. ²¹ ããgũsã Jesũre ããduarã, Felipere wererã aarimã. Felipe Betsaida wãĩkuri makãmu ããrĩmĩ. Betsaida, Galilea nikũgue ããrĩrĩ makã ããrĩbũ. ããsũ ããrĩma ããgũrẽ:

—Jesũre ããduakoa gua.

²² ããgũsã irasũ ããrĩmakũ pégu, Felipe Andrére weregu waami. Irasirirã ããgũsã pêrãgueta Jesũre wererã waama. ²³ Jesús, griego masaka ããgũrẽ ããduarire pégu, guare ããrĩmi:

—Mérõgã duyãa yu ããrĩpererã tĩgũ boa, masã, ããmugasigue marĩaburo.

²⁴ Diayeta masãrẽ werea. Oteri yere otebirimakũ, suyeta dujarokoa. Iri yere otedero puru, yeba poekague boa, puru puri wiri, wãri duka sĩkoa. ²⁵ Sugu ããgũ i ããmugue okarire maĩgũno, perebiri peamegue waagukumi. ããgũ i ããmugue okarire maĩbi gapu ããmugasigue perebiri okari opagukumi. ²⁶ Yu dorerire iridugũ, yure tuyaburo. Yure tuyagu, yu ããrĩburoguere yu merã ããrĩgukumi. Yuru yu dorerire irigure: “Õãrõ irigu yãmi”, ããrĩ, ããgũrẽ õãrõ irigukumi.

Jesús ããgũ boaburire weredeã

²⁷ Dapagorare yu burõ bujawereri merã ããrã. ¿Naásũ ããrĩgukuri? “Au, yu ñerõ tariburore tauka!” ¿ããrĩgukuri? Irire ããrĩbea. Ñerõ taributa i ããmuguere aaribũ, ããrĩmi. ²⁸ Irasũ ããrĩ odo, ããgũ Pagure: “Au, mu turagu ããrĩrĩrẽ masakare ããmuka!” ããrĩmi.

Ñãgũ irasũ ããrĩmakũ, Marĩpu ããmugasigue ããrĩgũ werenĩrĩrẽ pébu. ããsũ ããrĩmi:

—Yu turagu ããrĩrĩrẽ masakare ããmusiabu. Irire dupaturi ããmugura doja.

²⁹ Masaka irogue ããrĩrã ããgũ werenĩrĩrẽ pérã, ããrĩma:

—Bupu busukumi.

Gajirã ããrĩma:

—Marĩpura wereboegu Jesũre werenĩami.

* 12:15 Zac 9.9

³⁰ Jesús gapu asũ arĩmi:

–Yupu irire werenĩgũ, yare pédoregu meta werenĩami. Musã gapure pédoregu werenĩami. ³¹ Dapagorare waarĩ merã, i umu marã ãgũsã ñerĩ iridea waja wajamoãsurãkuma. Irasũ aãrĩmakũ, ñegũ i umu marãre doregu beosũgukumi. ³² Curusague ãgũsã yare pabiatú, aãwãgũnũmakũ, aãrĩpererã masakare siiugukoa, yu merã aãrĩburo, arĩgũ.

³³ Irasũ arĩgũ, ãgũ curusague boaburire weregu irimi. ³⁴ ãgũ arĩrĩrẽ pérã, masaka ãgũrẽ arĩma:

–Marĩpuya werenĩrĩ gojadea pũgue ãgũsã bue imumakũ pébu. “Marĩpu iriudi Cristo okanĩkõãgukumi”, arĩ bue imuma. ¿Nasirigu mu gapu: “Aãrĩpererã tĩgũrẽ curusague pabiatú, aãwãgũnũrãkuma”, arĩrĩ? ¿Noã aãrĩrĩ aãrĩpererã tĩgũ?

³⁵ ãgũsã irasũ arĩmakũ, Jesús arĩmi:

–Yu masakare siãgori siãgũ aãrã. Yoaweyaripoe musã pũrogu aãrĩgukoa dapa, Marĩpure masĩburo, arĩgũ. Irasirirã siãgori merã õãrõ waamasĩrã irirosũ aãrĩka! Naĩtĩãrõgue waagorenagũno, ãgũ waaburore neõ masĩbirikumi. ³⁶ Yu musãrẽ siãgori siãgũ aãrĩgũ musã merã aãrã, Marĩpure masĩburo, arĩgũ. Irasirirã, musã merã yu aãrĩtũnuburo dupiyuro yare bũremuka! Yare bũremurã, boyorogue aãrĩrã irirosũ, yaarã aãrĩrãkoa.

Irasũ arĩ odo, ãgũsãrẽ duriwãgãkõãmi.

Judío masaka Jesúre bũremubiridea

³⁷ Jesús wãri Marĩpu turari merã iri imumakũ ããkererã, ãgũrẽ bũremubirima.

³⁸ Marĩpuya werenĩrĩ gojadea pũgue Isaías gojaderosũta irima. Asũ arĩ gojadi aãrĩmĩ Isaías:

Gua Opu, masaka gua muya kere wererire pékererã, bũremubema. Mu turari merã mu iri imurĩrẽ ããkererã: “Gua Opu iriri aãrã i”, arĩbema, arĩ gojadi aãrĩmĩ.*

³⁹ ãgũsã Marĩpure bũremumasĩbirideadere Isaías gajirogu Marĩpuya werenĩrĩ gojadea pũgue asũ arĩ gojadi aãrĩmĩ:

⁴⁰⁻⁴¹ Marĩpu ãgũsãrẽ koye ããmasĩmerã irirosũ aãrĩmakũ iridi aãrĩmĩ. ãgũyare pémasĩbirimakũ iridi aãrĩmĩ.

Irasirirã ãgũ turari merã iri imurĩrẽ ããkererã, irire neõ ããmasĩbema. ãgũyare pékererã, irire neõ pémasĩbema. ãgũrẽ neõ bũremudũabema.

ãgũrẽ bũremumakũ, ãgũsãrẽ taubukumi, arĩ, Isaías Jesús turarire, ãgũ gosiririre ããrĩsã, irasũ arĩ gojadi aãrĩmĩ.*

⁴² Gajirã Jesúre bũremubirikeremakũ, wãrã judío masaka, ãgũsã oparãgueta ãgũrẽ bũremunũrã. Irasũ bũremukererã, fariseo bumarãrẽ gũisã, gajirãrẽ Jesúre ãgũsã bũremurĩrẽ werebiriũrã. Fariseo bumarã ãgũsãrẽ: “Neõ marĩ judío masaka nerẽrĩ wiigũ ñajãnemobirikõãka!” arĩbukuma, arĩrã, irasiriũrã.

⁴³ Irasirirã Jesúre bũremukererã, gajirã masaka, Marĩpu nemorõ ãgũsãrẽ: “Õãrã aãrĩma”, arĩmakũ gããmeũrã.

Masaka Jesús wererire péduabiri waja wajamoãsurãkuma, arĩ gojadea

⁴⁴ Jesús masaka péburo, arĩgũ, bũro busuro merã asũ arĩ weremĩ:

–Yure bũremugũ yu ditare bũremubemĩ. Yupu yare iriudidere bũremumi.

⁴⁵ Yure ããgũ, yare iriudidere ããmi. ⁴⁶ Yu siãgori siãgũ aãrĩgũ i umugũere yare bũremurã yare iriudire masĩmerã irirosũ aãrĩbirikõãburo, arĩgũ aaribũ. Irasirirã naĩtĩãrõgue aãrĩrã irirosũ aãrĩbirikuma. ⁴⁷ Yu wererire pékererã, irire irimerãrẽ yu wajamoãbirikoa. Yu i umugũere masakare wajamoãgũ aaribiribũ. Ubu gapu taugu aaribũ, ãgũsã perebiri peamegue waabirikõãburo,

* 12:38 Is 53.1 * 12:40-41 Is 6.10

āriḡũ. ⁴⁸ Yure gāāmemerā, yu wererire péduamerā wajamoāšūrākuma. Īḡūsārē wajamoābu, Yuru āārīmi. I ūmu peremakū, yu īḡūya werenīrī wererire pébiridea waja īḡūsārē wajamoāḡukumi. ⁴⁹ Yu gāāmerō werebea. Yuru yure iriudi īḡū weredorerosūta werea. Īḡū yure buedorerosūta buea. ⁵⁰ Yuru dorerosūta iriguno, ūmugasigue perebiri okarire opagukumi. Irasirigu Yuru yure weredorerosūta musārē werea, ārīmi Jesús.

13

Jesús īḡū buerāya guburire koedea

¹ Pascua bosenu waaburo mérōḡā dūyabu. Jesús i ūmarē wiri, īḡū Pagu puro waaburo mérōḡā dūyarire masīsiami. Īḡūyarā i ūmugue āārīrārē neō maīduúbirimi. Īḡūsārē buro maīrīrē īmuburo mérōḡā dūyabu.

²⁻⁴ Wātī Judare Simón Iscariote magūrē īḡūya ḡūnarīgue Jesúre wējēduarāguere īḡūrē īmudoresiadi āārīmi. Jesús īḡū Pagu puro merā aarideare, puru īḡū irogue waaburire masīmi. Marīpu īḡū Pagu āārīpererārē dorebure pídeade masīmi. Irasirigu gūa īḡū buerā merā baa doanádi, wāḡānugā, īḡūya suríro wekamañerē túwea, túkoeri gasiro merā īḡūya yujurure suami. ⁵ Sūa odo, soropa merā deko piusā, ḡuare īḡū buerārē ḡūaya guburire koenugāmi. Sugūya guburire koe odo, īḡū suadea gasiro merā túkoemi. Gajirāya guburidere irasū dita irimi.

⁶ Īḡū Simón Pedroya guburire koebu irimakū īāḡū, Pedro īḡūrē ārīmi:

—Yu Opu, ¿yaa guburire koeri mu?

⁷ Jesús īḡūrē ārīmi:

—Dapagora yu iririre mu pémasībea. Purugue pémasīḡukoa.

⁸ Pedro īḡūrē ārīmi:

—Yaa guburire mu neō koebirikoa.

Jesús īḡūrē ārīmi:

—Murē yu koebirimakū, yaagu āārībirikoa.

⁹ Īḡū irasū ārīmakū pégu, Simón Pedro īḡūrē ārīmi:

—Yu Opu, yaa guburi ditare koebirikōāka! Yaa guburire koegu, yaa mojōrī, yaa dipurudere koeka!

¹⁰ Īḡū irasū ārīmakū, Jesús āsū ārīmi:

—Sugu masakū ōārō guuadigue dupaturi guuabirikumi. Naagorena odoadero puru, īḡūya guburi ditare koekumi. Āārīpererā musā ḡurari marīrā irirosū āārā. Irasū āārīkeremakū, sugu musā merāmu ñegū, ḡurarikugu irirosū āārīmi.

¹¹ Jesús, Judas īḡūrē wējēduarāguere īḡūrē īmuburire masīsiami. Irire masīsīā: “Sugu musā merāmu ñegū, ḡurarikugu irirosū āārīmi”, āriḡū irimi.

¹² ḡūaya guburire koe odo, īḡūya wekamañerē sāña, īḡū doaderogue dupaturi eja doaja, ḡuare āsū ārīmi:

—¿Yu musārē dapagora iririre pémasīrī musā? ¹³ Musā yure: “ḡuare buegu, gūa Opu āārā”, ārīrā, keoro werea. Diayeta yu musārē buegu, musā Opu āārā. ¹⁴ Yu musārē buegu, musā Opu āārīkeregū, musāya guburire koeabu. Irasirīrā musādere musāya guburire ḡāme koero gāāmea. ¹⁵ Musā ḡāme iritamamakū ḡāāmegū, musārē irasiri īmuabu, yu musārē iriaderosūta iriburo, āriḡū. ¹⁶ Diayeta musārē werea. Neō sugu moāboerimasū, īḡū opu nemorō āārībirikumi. Sugu iriusūdi, īḡūrē iriudi nemorō āārībirikumi. ¹⁷ Musā ire pémasīrā, ire irirā, usuyari merā āārīrākoa.

¹⁸ Yu irire āriḡū, musā āārīpererārē ārībea. Yu beyenerārē masīa. Marīpūya werenīrī gojadea pūgue ārīderosūta keoro waarokoa. Āsū ārī gojasūdero āārībú: “Yu merā baaguta yure īāturigu dujami”, ārī gojasūdero āārībú. ¹⁹ I

waaburi dupiyuro yu musârê werea. Irasirirã yu weredea keoro waadero pũũ: “Ïgũ ããrã yu*”, ãrĩdeare buremurãkoa. ²⁰ Diayeta musârê werea. Yu iriunerãrê ôãrô merã bokatĩrĩñeãgũno, yũdere bokatĩrĩñeãmi. Yũre ôãrô merã bokatĩrĩñeãgũ, yũre iriudidere bokatĩrĩñeãmi, ãrĩmi Jesús.

Judas Jesúre wějẽduarãguere ïgũrẽ ïmuburire weredea
(Mt 26.20-25; Mr 14.17-21; Lc 22.21-23)

²¹ Irasũ ãrĩ odo, Jesús buro bujawereri merã ããrĩmĩ. Gũare pémasĩma ôãrô ãsũ ãrĩ weremi:

–Diayeta musârê werea. Sugũ musã merãmu yũre wějẽduarãguere yũre ïmugũkumi.

²² Ïgũ irasũ ãrĩmakũ pérã, gũa: “¿Noãrẽ irasũ ãrĩrĩ?” ãrĩrã, gãme ïã oya doanĩbu. ²³ Yu Juan, Jesús buegu ïgũ maĩsũgũ, ïgũ pũrogã doabu. ²⁴ Simón Pedro ïgũya mojô merã yũre soepumi, Jesúre ïgũ irasũ ãrĩrĩrẽ sêrẽñadoregũ.

²⁵ Irasirigũ yu Jesús pũrogã gãme doaweya, ïgũrẽ sêrẽñabu:

–Yu Opũ, ¿noã ããrĩrĩ ïgũ?

²⁶ Jesús yũre ãrĩmi:

–Yu pãrũrẽ moãwa, yosa, ïgũrẽ sũgũkoa. Ïgũta ããrĩmi yũre ïmubu.

Irasũ ãrĩ odo, pãrũrẽ moãwa, yosa, Judare Simón Iscariote magũrẽ sĩmi.

²⁷ Judas ire ñeãmakũ, mata wãtĩ ïgũguere ñajãdi ããrĩmĩ. Irasirigũ Jesús Judare ãrĩmi:

–Mu iriburire iripurumuka!

²⁸ Jesús ïgũrẽ irasũ ãrĩrĩrẽ pékererã, gũa irogue baa doanĩrã irire pémasĩbiribu. ²⁹ Surãyeri gũa ãsũ ãrĩ gũñabu: “Judas gũa niyerure koregũ ããrĩmi. Irasirigũ Jesús ïgũrẽ gũa bosenu baaburire wajaridoregũ iriuami, o boporãrẽ niyerure sĩdoregũ iriuami”, ãrĩbu. ³⁰ Judas iri pãrũrẽ moãwa, yosadeare ñeã odogũta gũa pũrogue ããrĩdi wiriakõãmi. Ïgũ wiriaripoe ñamigue ããrĩbũ.

Jesús maama dorerire weredea

³¹ Judas waadero pũũ, Jesús gũare ãrĩmi:

–Dapagora Marĩpu yu ããrĩpererã tĩgũ yu turagu ããrĩrĩrẽ masakare ïmugũkumi. Irasũ ããrĩmakũ, yu merã ïgũ turagu ããrĩrĩdere ïmugũkumi. ³² Yu merã ïgũ turagu ããrĩrĩrẽ ïmugũ, yu turagu ããrĩrĩdere ïmugũkumi. Dapagorata iripurumugũkumi. ³³ Yaarã, yũre péka! Yoaweyaripoeta musã merã ããrĩgũkoa. Musã yũre ãmarãkoa. Irasirigũ yu judío masakare dupiyurogue ãrĩderosũta dapagora musãdere: “Yu waaburore musã waamasĩbea”, ãrĩ werea.

³⁴ Maama dorerire musârê píguara. ãsũ ãrã. Gãme maĩka! Yu musârê maĩrõsũta gãme maĩka! ³⁵ Musã gãme maĩmakũ ïãrã, ããrĩpererã masaka musârê yu buerã ããrĩrĩrẽ masĩrãkuma, ãrĩmi Jesús.

Jesús Pedrorre: “Yũre masĩkeregũ: ‘Masĩbea’, ãrĩgũkoa”, ãrĩ weredea
(Mt 26.31-35; Mr 14.27-31; Lc 22.31-34)

³⁶ Simón Pedro Jesúre sêrẽñami:

–Yu Opũ, ¿noógue waagũkuri mu? ãrĩmi.

Jesús ïgũrẽ ãrĩmi:

–Yu dapagora waaburoguere mu yu merã waamasĩbea. Pũũ yu pũrogue waagũkoa.

* **13:19** Exodo 3.13-15: Iripogue Moisés Marĩpũre sêrẽñadi ããrĩmĩ: “Israel bumarã yũre: ‘¿Mu iriudi wãĩ naásũ ããrĩrĩ?’ ãrĩ sêrẽñamakũ, ¿naásũ ãrĩ weregũkuri?” Marĩpu ïgũrẽ ãsũ ãrĩdi ããrĩmĩ: “Yu wãĩ ‘YO SOY EL QUE SOY’ ããrã. Irasirigũ Israel bumarãrẽ ãsũ ãrĩ wereka: ‘YO SOY yũre musãguere weredoregũ iriumi’, ãrĩka!” ãrĩdi ããrĩmĩ. “YO SOY EL QUE SOY”, ãrĩrô: “Yu ããrĩngũta ããrã, o ïgũ ããrã yu”, ãrĩduaro yãa.

³⁷ Īgũ irasũ ārĩmakũ pégu, Pedro ĩgũrē ārĩmi:

—Yũ Opũ, ¿nasiribu dapagorata yũ mũ merã waamasĩbirikuri? Īgũsã yũre wējēduakeremakũ, yũ mũrē béobirikoa. Mũya āārĩburire boabosagukoa.

³⁸ Jesús ĩgũrē ārĩmi:

—“Mũya āārĩburire boabosagukoa”, ārã mũ. ¿Āārĩrõta yũre iribosagukuri? Diayeta mũrē werea. Āgãbo wereburo dupiyuro mũ yũre urea gajirārē: “Īgũrē masĩbea”, ārĩgukoa, ārĩmi.

14

Jesúre bũremurã Marĩpũ pũro waaburire weredea

¹ Jesús guare āsũ ārĩmi:

—Bũro gũñarĩkũbirikõāka! Marĩpũre bũremuka! Yũdere bũremuka! ² Yũpũ pũroguere su wii wári taridupabu opari wii irirosũ āārã. Irogue mũsã āārĩburore āmuyugũ waagukoa. Iri diaye āārĩbirimakũ, mũsārē irire werebiri-boayo. ³ Mũsã āārĩburore āmu odo, dupaturi aarĩgukoa mũsārē āĩabu. Irasirirã mũsãde yũ pũroguere yũ merã āārĩrãkoa. ⁴ Mũsã yũ waaburire, yũ irogue waaburi maarē masĩa, ārĩmi Jesús.

⁵ Tomás ĩgũrē ārĩmi:

—Gũa Opũ, mũ waaburire masĩbea. ¿Nasiri mũ waaburi maarē gũa masĩrãkuri?

⁶ Jesús ĩgũrē ārĩmi:

—Yũ dita Yũpũ pũroguere waarĩ maa irirosũ āārã. Yũ diayema āārĩrĩrē masakare masĩmakũ irigũ, ĩgũsārē okamakũ irigũ āārã. Yũ merãta Yũpũ pũroguere waarĩkuma. ⁷ Mũsã yũre masĩrã, Yũpũdere masĩboayo. Dapagora merã ĩgũrē masĩsiáa. ĩgũrē ĩāsiáa.

⁸ Īgũ irasũ ārĩmakũ, Felipe ĩgũrē ārĩmi:

—Gũa Opũ, Marĩpũre ĩmuka guare! Iropata gãāmea gũa.

⁹ Jesús ĩgũrē ārĩmi:

—Felipe, yũ yoaripoe mũsã merã āārĩkeremakũ, ¿yũre masĩberi? Sugu yũre ĩāgũno, Yũpũdere ĩāmi. ¿Nasirigũ mũ yũre: “Marĩpũre ĩmuka guare!” ārĩrĩ? ¹⁰ ¿Yũpũ yũguere āārĩrĩrē, irasũ āārĩmakũ yũ ĩgũ merã āārĩrĩrē bũremuberi? Yũ mũsārē weregu, yũ gãāmerõ werebea. Yũpũ yũguere āārĩgũ yũ merã iri ĩmugũ yámi. ¹¹ Yũ mũsārē: “Yũpũ yũguere āārĩmi, irasũ āārĩmakũ yũ ĩgũ merã āārã”, ārĩ wererire: “Diayeta āārã”, ārĩ bũremuka! Mũsã yũ wererire pédero pũrũ bũremumerã, Yũpũ turari merã yũ iri ĩmurĩ gapũre gũñaka! Irire gũñarã, yũ wereridere bũremuka! ¹² Diayeta mũsārē werea. Yũre bũremugũ, yũ iriderosũta irigũkumi. Yũ, Yũpũ pũroguere waabu yáa. Yũ waamakũ, yũre bũremugũ yũ nemorõ wári Yũpũ turari merã iri ĩmurĩrē irigũkumi. ¹³ Mũsã yũre bũremumakũ, āārĩpereri mũsã yũ wãĩ merã yũre sērērĩrē pégukoa. Irasirigũ mũsã yũre sērērõsũta irigũkoa. Yũ irasiriri merã mũsārē Yũpũ turagũ āārĩrĩrē masĩmakũ irigũkoa. ¹⁴ Mũsã yũ wãĩ merã yũre sērērõsũta irigũkoa.

Jesús: “Õāgũ deyomarĩgũrē mũsārē iriugũra”, ārĩ weredea

¹⁵ Mũsã yũre maĩrã, yũ dorerire irirãkoa. ¹⁶ Yũpũre mũsãya āārĩburire sērēbosagukoa. Irasirimakũ, Yũpũ gajigũre iriugũkumi, mũsārē iritamuburo, ārĩgũ. Īgũ iriubu mũsã merã āārĩnikõāgũkumi. ¹⁷ Īgũ Õāgũ deyomarĩgũ mũsārē diayemarē masĩmakũ irigũ āārĩmi. I mũmũ marã yũre bũremumerã gapũ ĩgũrē masĩbema. Irasirirã ĩgũrē bokatĩrĩñeāmasĩbema. Īgũ mũsã merã āārĩmi. Irasũ āārĩmakũ, mũsāguere āārĩnikõāgũkumi. Irasirirã ĩgũrē masĩa. ¹⁸ Yũ mũsārē béowãgãbirikoa. Mũsã merãta āārĩgũ aarĩgukoa doja. ¹⁹ Mérõgã

dɔyáa yu waaburo. Yu waadero puru, i umu marā yure buremumerā neō ãbirikuma. Musā gapu yure ãrākoa. Yu okáa. Irasirirā musāde okarākoa. ²⁰ Yu aariburinurē yu, Yuru merā suguta ãrĩrĩrē masĩrākoa. Irasũ ãrĩmakũ, musā yu merā ãrĩrĩrē, yu musāguere ãrĩrĩrē masĩrākoa. ²¹ Yu dorerire masĩgũ irire irigu yure maĩgũta ãrĩmi. Yuru yure maĩgũrē maĩgukumi. Yude ãgũrē maĩgukoa. ãgũrē yaamarē oãrō masĩmakũ irigukoa, ãrĩmi Jesús.

²² ãgũ irasũ ãrĩmakũ, gajigu Judas wãikugu Jesúre sērēñami. Judas Iscariote meta ãrĩmi.

—Gua Opu, ¿nasirigu gua ditare mu ãrĩrikurire masĩmakũ irigukuri? ¿Nasirigu i umu marā gapure irire masĩmakũ iribirikuri?

²³ Jesús ãgũrē ãrĩmi:

—Yure maĩgũ yu dorerire irigukumi. Yuru ãgũrē maĩgukumi. Yuru, irasũ ãrĩmakũ yu ãgũ merā ãrĩrĩrē aarĩrākoa. ²⁴ Yure maĩbi gapu yu dorerire iribemi. Yu musārē wereri, yaa werenĩrĩ ãrĩbea. Yuru yure iriudiya gapu werenĩrĩ ãrĩrā.

²⁵ Yu musā merā ãrĩgũ, i ãrĩpererire musārē werea. ²⁶ Yu sērēmakũ, Yuru Õãgũ deyomarĩgũrē musāguere iriugukumi. Irasirigu Õãgũ deyomarĩgũ musārē iritamubu ãrĩsĩã, ãrĩpererire buegukumi. ãrĩpereri yu musārē weredeare gũñamakũ irigukumi.

²⁷ Yu musārē siñajãrĩ merā ãrĩmakũ irigukoa. Yu siñajãrĩ merā ãrĩgũ irirosũ musādere siñajãrĩ merā ãrĩmakũ irigukoa. Yu musārē siñajãrĩ merā ãrĩmakũ iriri, i umuma irirosũ ãrĩbea. Buro gũñariku, gũibirikõãka! ²⁸ Yu musārē: “Waa, dupaturi musā merãta ãrĩgũ aarigukoa doja”, ãrĩ weremakũ pébu musā. Yuru yu nemorō ãrĩmi. Irasirirā ãgũ purogue yu waaburire pédero puru, musā yure diaye maĩrã, usuyari merā ãrĩboayo. ²⁹ Yu musārē ire wereyugu iriabu. Irasirirā ire keoro waamakũ, yu musārē weredeare: “Diayeta guare weremi”, ãrĩ buremurãkoa.

³⁰ I umu marārē doregu ñegũ ãrĩmi. ãgũ aaribu yámi. Irasirigu yu musārē mérõgã werenínemogura. ãgũ yure neō doremãsĩbemi. ³¹ Yu, Yuru gapure maĩa. Irasirigu ãgũ yure doreri gapure yáa, yu ãgũrē maĩrĩrē i umu marārē masĩburo, ãrĩgũ. Wãgãngãka! Náka waarã! ãrĩmi Jesús.

15

Jesús iguida keori merã weredeã

¹ Jesús keori merã guare ãsũ ãrĩ weremi:

—Yu diayeta iguida irirosũ ãrĩrã. Yuru iridare koregu irirosũ ãrĩmi. ² Yaarã iridama dupuri irirosũ ãrĩma. Yuru iguidare koregu duka marĩrĩ dupurire ditibéogu irirosũ yámi. Gaji dukakuri dupuri gapure ditiwea ãmugũ irirosũ yámi dukakunemoburo, ãrĩgũ. ³ Musā yu weredeare buremurã ãrĩrã. Irasirigu Yuru musārē ñerĩ opamerã ãrĩmakũ irisiami. ⁴ Yu merã oãrō ãrĩka! Irasirigu musāguere oãrō ãrĩnikõãgukoa. Su iguidama dupu iridaguere marĩrō iri dupu seyaro dukakubirikoa. I irirosũta yu merã oãrō ãrĩmerã neō oãrĩ duka sĩbiri dupuri irirosũ ãrĩma.

⁵ Yu iguida irirosũ ãrĩrã. Musā yaarã iridama dupuri irirosũ ãrĩrã. Yu merã oãrō ãrĩnrãno, yude ãgũsãguere oãrō ãrĩnrĩmakũ, ãgũsã oãrō dukakuri dupuri irirosũ ãrĩma. Musā yu merã oãrō ãrĩmerã, oãrĩrē neō irimasĩbea. ⁶ Yu merã oãrō ãrĩmerã ditibéodea dupuri bojegue ñãĩ oyanĩrĩ dupurire sea, peamegue soebéoro irirosũ ãrĩrãkuma.

⁷ Musā yu merã oãrō ãrĩnrĩrã, yu buerire kãtimerã, musā gããmerĩnorē Yurure: “Sĩka!” ãrĩ sērēmakũ, sũgukumi. ⁸ Musā wãri oãrĩ dukakuri

dupari irirosū āārīmakū ĩārā, gajirā masaka Yurure: “Ōātarigu āārīmi”, ārī masīrākuma. Irasirirā musā wāri ōārī irirā, diayeta yu buerā āārīrē gajirārē masīmakū yāa. ⁹ Yuru yure maīrōsūta yude musārē maīa. Irasirirā yu musārē maīgū merā āārīnīka, yu maīrē masīmurā! ¹⁰ Yu, Yuru yure maīgū dorerire irigu, ĩgū merā ōārō āārīnīkōāa. Irasūta musāde yu dorerire irirā, yu musārē maīgū merā ōārō āārīnīkōāa.

¹¹ Ire musārē werea musā yu merā usuyaburo, ārīgū. Irasirirā usuyari opatarirākoa. ¹² Yu doreri āsū ārā. Yu musārē maīrōsūta gāme maīka! ¹³ Sugu masakū ĩgū merāmarārē boabosagu, gajirā nemorō ĩgūsārē maīmi. ¹⁴ Musā yu dorerire irirā yu merāmarā āārā. ¹⁵ Dapagorare yu musārē: “Yure moāboerā āārā”, ārībirikoa. Moāboerā ĩgūsā opu iririre masībirikuma. Yu gapu Yuru yure weredeare musārē werepeobu. Irasirigu musārē: “Yu merāmarā”, ārā. ¹⁶ Musā yure beyebiribu. Yu gapu musārē beyebu wāri ōārīrē irirā waaburo, ārīgū. Musā ōārī iriri, ōārī duka neō boabiri irirosū āārā. Irasirirā musā yure buremumakū, Yuru musā yu wāi merā ĩgūrē sērērōsūta musārē sīgukumi. ¹⁷ Yu musārē dorea. Musā basi gāme maīka!

I ũmu marā Jesúre, ĩgūyarārē ĩaturiburire weredea

¹⁸ I ũmu marā musārē ĩaturimakū ĩārā, yure ĩaturipurorideare masīka! ¹⁹ Musā diayeta i ũmu marā āārīmakū, ĩgūsā merāmarārē maīrōsūta musādere maībukuma. Yu musārē i ũmu marā watopegue āārīrārē beyebu. Irasirirā i ũmu marāgora āārībea. Musā ĩgūsā irirosū āārībirimakū ĩārā, i ũmu marā musārē ĩaturima. ²⁰ Yu musārē ārīdeare gūñaka! “Neō sugu moāboerimasū, ĩgū opu nemorō āārībirikumi”, ārību. ĩgūsā yure ñerō irirā, musādere ñerō irirākuma. Yu buerire pérā, musā bueridere pérākuma. ²¹ I ũmu marā yure iriudire masībema. Irasirirā musā yure buremumakū ĩārā, musārē āārīpereri ñerī irirākuma.

²² Yu ĩgūsārē weregu aaribirimakū, neō ñerī iridea wajare opabiribukuma. Dapagorare yu ĩgūsārē weredero puru: “Ñerī iridea wajare opabea guā”, ārīmasībema. ²³ Yure ĩaturigu Yurudere ĩaturimi. ²⁴ Yu, Yuru turari merā iri ĩmugū, gajirā neō iribirideare iribu. Yu ĩgū turari merā iri ĩmubirimakū, neō waja opabiribukuma. ĩgūsā yu iri ĩmurīrē ĩāma. Irire ĩādero puru, yure, Yurudere ĩaturima. ²⁵ I ĩaturiri, Marīpuya werenīrī gojadea pūgue gojaderosūta keoro waaró yāa. Āsū ārī gojasūdero āārībú: “ĩgūsā yure: ‘Ñerō yāmi’, ārīmasībirikererā, ĩaturima”, ārī gojasūdero āārībú.

²⁶ Ōāgū deyomarīgū, musārē iritamugū aarīgukumi. ĩgū musārē diayema āārīrē masīmakū irīgukumi. Yu ĩgūrē Yuru merā āārīgūrē musārē iriugukoa. ĩgū yaamarē weregukumi musārē. ²⁷ Yu musārē bueripurorimakūgueta yu merā āārībú. Irasirirā musāde yaamarē wererākoa, ārīmi Jesús.

16

¹ Jesús guare āsū ārīnemomi doja:

–Yu musārē irire wereabu, yure piribirikōāburo, ārīgū. ² Judío masaka ĩgūsā nerērī wiirigue musā āārānerārē béowiurākuma. Gajipoe gajirā musārē wējērā: “Marīpu gāamerīrē yāa”, ārī gūñarākuma. ³ Yure, Yurudere masīmerā āārīsīā, irasirirākuma. ⁴ Yu irire werea musā, ĩgūsā irasirimakū ĩārā: “Jesús guare irireta weremi”, ārī gūñaburo, ārīgū.

Jesús, Ōāgū deyomarīgū iririmarē weredea

Yu neōgorague musā merā āārīsīā, ire werebiribu. ⁵ Dapagorare yure iriudi purogue waagukoa. Yu musārē ire werekeremakū, neō sugu yure: “¿Noógue waagukuri?” ārī sērēñabea. ⁶ Irasirirā yu waaburire weremakū pérā, yu

waaburo gapure sērēñabirisīā, buro bujawereri merā āārā. ⁷ Diayeta musārē werea. Y_u waadero p_ur_u, òārokoa musārē. Y_u waabirimakū, Òāgū deyomarīgū musārē iritamubu aaribiribukumi. Y_u irogue waagú, ĩgūrē musārē iriugukoa, musā merā āārīnīkōāburo, ārīgū. ⁸ ĩgū aarigú, i ũm_u marārē ĩgūsā ñerō irirā āārīrīrē, y_u diayema irig_u āārīrīrē, ĩgūsā ñerō iridea waja Marīp_u ĩgūsārē wajamoāburire masīmakū irigukumi. ⁹ ĩgūsā y_ure buremubirisīā, ñerā āārīma. ¹⁰ Y_u, Y_up_u p_urogue waamakū, musā y_ure ĩānemobirikoa. Y_u irogue waamakū, Òāgū deyomarīgū aarigukumi, i ũm_u marārē y_u diayema irig_u āārīrīrē masīmakū iribu. ¹¹ I ũm_u marārē doreg_u ñegū ĩgūsārē ñerī iridoreri waja, Y_up_u ĩgūrē wajamoādoresiami. Irasirig_u Òāgū deyomarīgū aarigú, ĩgūsārē Y_up_u ĩgūrē wajamoādoredeare masīmakū irigukumi.

¹² 'Wári āārā musārē y_u wereburi. Dapagorare y_u ire weremakū, musā pémasībiribukoa. ¹³ Òāgū deyomarīgū gap_u aarigukumi. ĩgū musārē diayema āārīrīrē masīmakū irigukumi. Irasirig_u musārē i āārīpererire buegukumi. ĩgū gāāmerō werebirikumi. Y_up_u ĩgūrē weredorerire, p_ur_ugue waaburidere musārē weregukumi. ¹⁴ Y_u ĩgūrē wererire pédeare musārē masīmakū irig_u, y_u òārō āārīrīrē masīmakū irigukumi. ¹⁵ Āārīpereri Y_up_u opari, yaa āārā. Irasirig_u y_u musārē: “Òāgū deyomarīgū musārē yaamarē masīmakū irigukumi”, ārāb_u.

Bujawerenerā, usuyari merā āārīburire weredea

¹⁶ 'Mérōgā p_ur_u musā y_ure ĩānemobirikoa. Yoaweyaripoe p_ur_u y_ure ĩārākoa doja. I Y_up_u p_urogue waadero p_ur_u, irasū waarokoa, ārīmi.

¹⁷ ĩgū irasū ārīmakū pérā, g_ua surāyeri āsū ārī gāme werenīb_u:

—¿Naāsū ārīd_uaro irikuri ĩgū irasū ārīrī? ĩgū marīrē: “Mérōgā p_ur_u musā y_ure ĩānemobirikoa. Yoaweyaripoe p_ur_u y_ure ĩārākoa doja”. Ire ārī odo: “I Y_up_u p_urogue waadero p_ur_u, irasū waarokoa”, ārīmi. ¹⁸ ĩgū marīrē: “Mérōgā p_ur_u”, ārīmakū, ¿naāsū ārīd_uaro irikuri? ĩgū irasū ārīrīrē marī pémasībea, ārīb_u.

¹⁹ Jesús ĩgūrē g_ua sērēñad_uarire masīkōāmi. Irasirig_u g_uare ārīmi:

—Y_u musārē: “Mérōgā p_ur_u musā y_ure ĩānemobirikoa. Yoaweyaripoe p_ur_u y_ure ĩārākoa doja”, ¿ārī wererire gāme sērēñarā yāri? ²⁰ Diayeta musārē werea. Y_u boamakū ĩārā, buro bujawereri merā oerākoa. I ũm_u marā y_ure burenumerā gap_u usuyari merā āārīrākuma. Musā bujawereri, p_ur_u usuyarākoa. ²¹ Āsū āārā. Nomeō majīgū kōāburo dupiyurogā, igore pūrīrīrē bujawereri merā gūñakumo. Majīgūgā deyoadore ĩāgō, usuyakumo. Igore pūrīadeare gūñanemobirikumo. ²² Musāde irasūta dapagorare bujawereri merā āārā. P_ur_u y_u musārē dupaturi ĩāgū aarigukoa. Y_u irasirimakū ĩārā, musā usuyari opatarirākoa. Musā irasū usuyari merā āārīmakū, gajirā musārē bujaweremakū irimasībirikuma.

²³ 'Irinārē y_ure neō sērēñabirikoa. Diayeta musārē werea. Musā y_ure buremumakū ĩāgū, Y_up_u āārīpereri musā y_u wāi merā ĩgūrē sērērīrē pég_u, musā sērērōsūta sīgukumi. ²⁴ Iro dupiyurogue musā y_u wāi merā Y_up_ure neō sērēbiribu. Dapagorare y_u wāi merā ĩgūrē sērēka! Musā irasū sērēmakū, musā sērērōsūta sīgukumi. Irasirirā usuyari opatarirākoa.

Jesús i ũm_u marā ñerārē tarin_ugādeare weredea

²⁵ 'Y_u keori merā musārē wereab_u. P_ur_u keori merā werebirikoa. Irasirirā, Y_up_uyamarē y_u wererire òārō pémasīrākoa. ²⁶ Musā Y_up_uyamarē òārō pémasīrīn_urē y_u wāi merā ĩgūrē sērērākoa. Irasū ārīgū: “Musāya āārīburire y_u ĩgūrē sērēbosagukoa”, ārīgū meta yāa. ²⁷ Y_up_u musārē maīmi. Irasirirā musā y_u wāi merā musā basi ĩgūrē sērērākoa. Musā y_ure maīa. Irasū āārīmakū musā y_ure: “Marīp_u p_urogue āārīdi, ĩgū iriudi āārā”, ārī buremua. ²⁸ Y_u,

Yurū p̄rogue āārīdi, i ūmugwere aaribú. Dapagorare i ūmugue āārādi, Yurū p̄rogue waagukoa doja, ārīmi Jesús.

²⁹ Īgū irasū ārīmakū pérā, ḡua Īgū buerā Īgūrē ārībū:

—Dapagorare keori merā m̄u ḡuare werebea. Irasirirā m̄u wererire pémasīa. ³⁰ Dapagorare ḡua masīa. M̄u āārīpererire masīpeokōāa. Gajirā m̄urē sērēñabirikeremakū, Īgūsā gūñarīgue sērēñad̄uarire m̄u masīa. Irasirirā: “Marīp̄u p̄rogue āārīdi, Īgū iriudi āārā”, ārī b̄uremua, ārībū.

³¹ Jesús ḡuare ārīmi:

—¿Dapagorare b̄uremurī? ³² M̄erōgā d̄uyāa, m̄usā ȳure b̄eowāgāburo. M̄usāya wiirigwe waasiri, ȳure suḡuta dujamakū irirākoa. M̄usā irasirikeremakū, Yurū gap̄u ȳu merā āārīmi. Irasiriḡu ȳu suḡuta āārībea. ³³ M̄usā ȳu merā ōārō siñajārī opaburo, ārīgū, m̄usārē i āārīpererire wereabū. M̄usā i ūmugue āārīripoe i ūm̄u marā m̄usārē ñerō tarimakū irirākuma. Īgūsā irasirikeremakū, ȳu merā gūñaturaka! Ȳu i ūm̄u marā ñerārē tarinugādigue āārā. Irasirirā ȳu merā gūñatura us̄uyaka! ārīmi Jesús.

17

Jesús Īgū buerāya āārīburire Marīp̄ure sērēbosadea

¹ Jesús irasū ārī odo, ūmugasigwe Īāmu, Īgū Paḡure āsū ārīmi:

—Āu, dapagorare m̄u ārīderos̄uta ȳure waaburi ejasiāa. Irasiriḡu masakare ȳu m̄u magū, m̄u iriudi āārīr̄rē Īmuka! M̄u irasirimakū, ȳu m̄u turaḡu, m̄u ōāgū āārīr̄rē Īgūsārē Īmugukoa. ² M̄u ȳure masaka āārīpererārē doreḡu p̄ibū, m̄u ȳure s̄inerārē ūmugasigwe perebiri okari opamakū iridoreḡu. ³ Masaka m̄u diayeta Marīp̄u suḡu āārīgū āārīr̄rē, irasū āārīmakū ȳu Jesucristo m̄u iriudi āārīr̄rē masīrā, ūmugasigwe perebiri okari opamurā āārīma.

⁴ I ūmugwere m̄u ȳure iridoredeare ȳu iriyuwarik̄abū. Irasiriḡu i ūm̄u marārē m̄u turaḡu, ōāgū āārīr̄rē Īmubū. ⁵ Āu, m̄u i ūm̄urē iriburo dupiyuro ȳu m̄u merā ōārō āārībú. M̄u āārīrik̄urire opabū. Irasiriḡu dapagorare m̄u āārīr̄ogwe ȳu m̄u merā ōārō āārīmakū m̄urārōta irika!

⁶ M̄u ȳure s̄inerārē i ūm̄u marā watope āārīr̄rē beyenerārē m̄u āārīrik̄urire masīmakū iribū. M̄u ȳure s̄inerā m̄uyarā āārīma. M̄u dorerire irima. ⁷ Dapagorare masīma. Āārīpereri ȳu opari, m̄u ȳure s̄idea āārā. ⁸ M̄u ȳure weredoredeare Īgūsārē werebū. Ȳu wererire pérā, b̄uremuma. Ȳu diayeta m̄u p̄ro āārīdi āārīr̄rē masīma. Ȳu m̄u iriudi āārīr̄rē: “Diayeta āārā”, ārī b̄uremuma.

⁹ Ȳu Īgūsāya āārīburire sērēbosāa. Gajirā i ūm̄u marā ȳure b̄uremumerāya āārīburi gap̄ure sērēbosabea. Ȳure b̄uremurā m̄u ȳure s̄inerā m̄uyarā āārīma. Irasiriḡu Īgūsāya āārīburire sērēbosāa. ¹⁰ Āārīpererā yaarā, m̄uyarā āārīma. Irasirirā m̄uyarāde, yaarā āārīma. Īgūsā yaarā āārīsīā, ȳu ōārō āārīrik̄urire masakare masīmakū yāma.

¹¹ Ȳu i ūmugwere dujabirikoa. M̄u ȳure s̄inerā gap̄u i ūmugwere dujarākuma. Āu, m̄u ōāgū āārā. M̄u wāi merā m̄u turari merā Īgūsārē koreka, marī suḡu āārīn̄r̄os̄uta Īgūsāde suro merā āārīn̄kōāburo, ārīgū. ¹² Ȳu i ūmugwere m̄u ȳure s̄inerā merā āārīgū, m̄u turari merā Īgūsārē ōārō korebū. Neō suḡu dederibirima. Suḡuta peamegue waadederibu āārīmi. M̄uya werenīrī gojadea p̄gwe ārīderos̄uta iri irasū waabū.

¹³ Dapagorare ȳu m̄u p̄rogue waabu yāa. Ȳu waaburi dupiyuro i ūmugue āārīgū i āārīpererire ȳure b̄uremurārē werea, Īgūsāde ȳu iriros̄uta us̄uyari opatariburo, ārīgū. ¹⁴ M̄uya kerere Īgūsārē werebū. Ȳu i ūm̄um̄u āārībea. Irasirirā ȳure b̄uremurāde i ūm̄u marā iriros̄u āārībema. Irasirirā i ūm̄u marā

yure iãturirosũta yure buremurãdere iãturima. ¹⁵ Yũ murẽ: “Yure buremurãrẽ i ãmurẽ ãĩaka!” ãrĩ sãrẽbea. ãsũ gapũ ãrĩ sãrẽa. Ñgũsãrẽ õãrõ koreka, wãtĩ ñerĩ iridorerire pãbirikõãburo, ãrĩgũ! ¹⁶ Yũ i ãmũmũ ããrĩbea. Irasirirã yure buremurãde i ãmũ marã irirosũ ããrĩbema. ¹⁷ Mũya kere diayema ããrã. Irasirigũ iri merã Ñgũsãrẽ mũ dorerire irirã ããrĩmakũ irika! ¹⁸ Mũ yure mũya kerere i ãmũ marãrẽ weredoregũ iriuderosũta yure buremurãrẽ mũya kerere i ãmũ marãrẽ weredoregũ iriua. ¹⁹ Ñgũsãya ããrĩburire mũ dorerire irigũ yãa, Ñgũsãde diayeta mũ dorerire iriburo, ãrĩgũ.

²⁰ Yũ Ñgũsãya ããrĩburi ditare sãrẽbosabea. Ñgũsã mũya kere wererire pãrã, gajirãde yure buremurãkuma. Irasirigũ yũ Ñgũsãya ããrĩburidere sãrẽbosãa. ²¹ Yũ irire sãrẽbosãa, yure buremurã ããrĩpererã suro merã ããrĩburo, ãrĩgũ. Aũ, mũ yũguere õãrõ ããrã. Yũ mũ merã ããrã. Irasirirã marĩ ããrĩrõsũta Ñgũsã marĩ merã õãrõ ããrĩburo. Ñgũsãrẽ suro merã ããrĩmakũ irika, i ãmũ marã yũ mũ iriudi ããrĩrĩrẽ buremuburo, ãrĩgũ! ²² Mũ ããrĩrikurire yure sĩbũ. Irasirigũ Ñgũsãrẽ yũ irirosũ ããrĩrikumakũ iribũ, yũ mũ merã sugũ ããrĩrõsũta Ñgũsãde suro merã ããrĩburo, ãrĩgũ. ²³ Yũ Ñgũsãguere ããrã. Mũ yũguere ããrã. Marĩ Ñgũsã merã ããrã, Ñgũsã diayeta suro merã ããrĩburo, ãrĩrã. Ñgũsã suro merã ããrĩmakũ iãrã, i ãmũ marã yũ mũ iriudi ããrĩrĩrẽ, mũ yure mãrõsũta yure buremurãrẽ mãrĩrẽ masĩrãkuma.

²⁴ Aũ, mũ i ãmurẽ iriburo dupiyuro yure mãĩbũ. Irasirigũ mũ ããrĩrikurire yure sĩbũ. Yure mũ sĩnerãrẽ yũ ããrĩburogue yũ merã ããrĩmakũ gããmea mũ yure ããrĩrikurĩ sĩdeare masĩburo, ãrĩgũ. ²⁵ Aũ, mũ keoro irigũ ããrã. I ãmũ marã yure buremumerã mũrẽ masĩbema. Yũ gapũ mũrẽ masĩa. Yure buremurã yũ mũ iriudi ããrĩrĩrẽ masĩma. ²⁶ Mũ ããrĩrikurire Ñgũsãrẽ masĩmakũ iribũ. Yũ Ñgũsãguere ããrĩgũ mũrẽ irasũ masĩmakũ irinĩkõãgũkoa, mũ yure mãrõsũta Ñgũsãde gãme mãĩburo, ãrĩgũ, ãrĩmi Jesús.

18

Jesúre peresu ñeãwãgãdea (Mt 26.47-56; Mr 14.43-50; Lc 22.47-53)

¹ Jesús Ñgũ Pagũre sãrẽ odoadero pũrũ, gũã Ñgũ buerã merã Jerusalãrẽ wiri, Cedrón wãĩkurĩ ãmayuridijari mãrẽ taribuja, olivos wãĩkurĩ yuku otederogue waami. ² Iro dupiyuro wãri Jesús irogue gũare siuwãgãnami. Irasirigũ Judas Jesúre iãturirãguere Ñgũrẽ Ñmubu irore masĩmi. ³ Jesús gũã merã irogue ejadero pũrũ, Judas subu surara merã aarimĩ. Gajirã surara Marĩpũya wiire korerãde Ñgũ merã aarimã. Ñgũsã paĩa oparã, fariseo bumarã iriunerã surara ããrĩmã. Ñgũsã mojkũrĩ merã, sããgoriduparu, sããgori tururi merã aarimã. ⁴ Jesús Ñgũrẽ waaburire masĩsiami. Irasirigũ, Ñgũsã Ñgũ pũro ejarimakũ, bokatĩrĩ sãrẽñami:

—¿Noãrẽ ãmarĩ mũsã?

⁵ Ñgũrẽ yũjũma:

—Jesús Nazaretmũrẽ ãmãa.

Jesús Ñgũsãrẽ ãrĩmi:

—Ñgũta ããrã yũ*.

* **18:5** Exodo 3.13-15: Iripoegue Moisés Marĩpũre sãrẽñadi ããrĩmi: “Israel bumarã yure: ‘¿Mũ iriudi wãĩ naásũ ããrĩrĩ?’ ãrĩ sãrẽñamakũ, ¿naásũ ãrĩ weregũkuri?” Marĩpũ Ñgũrẽ ãsũ ãrĩdi ããrĩmi: “Yũ wãĩ ‘YO SOY EL QUE SOY’ ããrã. Irasirigũ Israel bumarãrẽ ãsũ ãrĩ wereka: ‘YO SOY yure mũsãguere weredoregũ iriumi’, ãrĩka!” ãrĩdi ããrĩmi. “YO SOY EL QUE SOY”, ãrĩrõ: “Yũ ããrĩnĩgũta ããrã, o Ñgũta ããrã yũ”, ãrĩduaro yãa.

Judas Jesúre wējēduarāguere ĩgūrē ĩmubu surara merā āārĩmĩ. ⁶ Jesús: “Īgūta āārā yu”, ārĩmakū pérā, duusirimawāgā, yebague meémejākōāma. ⁷ Jesús ĩgūsārē dupaturi sērēñami doja:

—¿Noārē āmarĩ mūsā?

Īgūrē yujuma:

—Jesús Nazaretmurē āmāa.

⁸ Jesús ĩgūsārē ārĩmi:

—Yu mūsārē: “Yu ĩgūta āārā”, ārĩ weresiabu. Yure āmarā, ĩsā yu merāmarārē waadoreka!

⁹ Īgū: “Yuru yure sīnerārē neō sugure dedeubiribu”, ārĩdeare keoro waaburo, ārĩgū, irire irasū ārĩmi. ¹⁰ Īgūsā Jesúre ñeāmurā irimakū ĩāgū, Simón Pedro sareri majrē opagu tūāwea āi, paía opure moāboegure Malco wāikugure diaye gapuma gāmpūrē dítitá dijukōāmi. ¹¹ Jesús gapu Pedrore ārĩmi:

—Muya sareri majrē duripíka! Yuru yure ñerō taridorederosūta ñerō tarigura, ārĩmi.

Jesúre paía opu purogue āiadea

(Mt 26.57-58; Mr 14.53-54; Lc 22.54; Jn 11.49-50)

¹² Īgū irasū ārĩmakū, surara, ĩgūsā opu, Marĩpuya wiire korerā surara Jesúre ñeā, sūama. ¹³ Sua odo, ĩgūrē Anás wāikuguya wiigüe āiwwāgāpuroroma. Anás, Caifás wāikugu máñekū āārĩmĩ. Caifás iri bojorire paía opu āārĩmĩ. ¹⁴ Īgūta iro dupiyuro judío masaka oparārē: “Suguta masakū marĩ judío masakaya āārĩburire boabosamakū oārokoa”, ārĩdi āārĩmĩ.

Pedro Jesúre masĩkeregu: “Masĩbea”, ārĩdea

(Mt 26.69-70; Mr 14.66-68; Lc 22.55-57)

¹⁵ Īgūsā Jesúre āiāmakū, yu, Simón Pedro merā Jesúre yoaweyarogue ĩātuyabu. Paía opu yure masĩmi. Irasirigu yu Jesúre ĩātuyawāgā, paía opuya wii makāpuroroma yebague ñajābu. ¹⁶ Pedro gapu iri wii turo ñajāri makāpurogue dujanugāmi. Īgū iro dujanugāmakū ĩāgū, yu iri makāpuro korego merā wereni, Pedrore siiu ñajābu. ¹⁷ Īgū ñajāmakū, makāpuro korego Pedrore sērēñamo:

—¿Mū sī buerā merāmu āārĩberĩ?

Pedro igore ārĩmi:

—Āārĩbea yu.

¹⁸ Yūsagorabu. Irasirirā iri wii moāboerimasā, surara merā ĩgūsā peame diudeame turo sūma níma. Pedrode ĩgūsā purota sūma ními.

Paía opu Jesúre sērēñadea

(Mt 26.59-66; Mr 14.55-64; Lc 22.66-71)

¹⁹ Paía opu Anás Jesúre sērēñayupu:

—¿Noā āārĩrĩ mū buerā? ¿Ñeénorē ĩgūsārē bueri? ārĩyupu. ²⁰ Jesús ĩgūrē yujuyupu:

—Yu āārĩpererā péurogue buebu. Marĩ judío masaka nerērĩ wiirigüe, irasū āārĩmakū Marĩpuya wiiguedere masaka nerērōgüe buebu. Gajirogue durisĩā, neō buebiribu. ²¹ ¿Nasirigu yure sērēñarĩ? Yu buerire sērēñaduagu, yure pénerārē sērēñaka! Īgūsā yu weredeare masĩma, ārĩyupu.

²² Īgū irasū ārĩmakū pégu, Marĩpuya wii koregu surara ĩgū mojō merā Jesúya diapure pá, ĩgūrē ārĩyupu:

—¿Nasirigu irasū yujuri paía opure? Irasū ārĩbita ĩgūrē!

²³ Jesús ĩgūrē yujuyupu:

—Yu ñerō werenimākū: “Ñeéno werenía”, ārĩka yure! Yu diayema gapure keoro weremakū, ¿nasirigu yure pári?

²⁴ Jesús irasũ arãdero puru, Anás ïgũrẽ ïgũsã suadire paía opu Caifás purogue iriuyupu.

Pedro Jesúre masĩkeregũ, dupaturi: “Masĩbea”, arĩdea
(Mt 26.71-75; Mr 14.69-72; Lc 22.58-62)

²⁵ Irasiripoe Simón Pedro peame turota sũma níkõamakũ ïarã, iro aãrĩrã ïgũrẽ sērẽñama:

—¿Mũ sũ buerã merãmu meta aãrĩrĩ?

Pedro ïgũsãrẽ arĩmi:

—Aãrĩbea yu.

²⁶ ïgũ irasũ arãdero puru, sugũ paía opure moãboegu Pedro ïgũya gãmipũ ditiťadiyagu Pedrore arĩmi:

—Yu olivos otederogue mu ïgũ merã aãrĩmakũ ïãbu.

²⁷ Pedro dupaturi: “Aãrĩbea, ïgũ merã aãrĩbirabu”, arĩmi. Irire arĩripoeta, aãgãbo weremi.

Pilato Jesúre sērẽñadea
(Mt 27.1-2, 11-14; Mr 15.1-5; Lc 23.1-5)

²⁸ Puru Jesúre Caifáya wii aãrãdire Pilato purogue aĩãma. Boyoripoe aãrĩbũ. Pilato romanomu judío masakare doregu aãrĩmĩ. Jesúre ïgũ purogue aĩãrã, ïgũya wiiguere ñajãbirima. “Marĩ judío masaka, ïgũ judío masakũ aãrĩbiya wiiguere ñajãrã, marĩ dorerire tarinugãbukoa. Irasirirã pascua bosenu baaburire baabiribukoa”, arĩ gũñama. ²⁹ ïgũsã ñajãbirimakũ ïãgũ, Pilato ïgũsã merã werenĩgũ wiririmi. ïgũsãrẽ sērẽñami:

—¿Neénorẽ iriari ñi, musã yure wajamoãdorerã aarimakũ?

³⁰ ïgũsã Pilatore arĩma:

—Ñi ñerĩ iribirimakũ, mure wiarã aaribiriboakuyo.

³¹ ïgũsã irasũ arĩmakũ, Pilato arĩmi:

—Aĩaka! Musãrẽ doreri arĩrõsũta musã basi ïgũrẽ wajamoãka!

ïgũsã ïgũrẽ arĩma:

—Gua judío masaka sugure mu guare: “Wějeka!” arĩrõ marĩrõ wějemasĩbea.

³² ïgũsã irire irasũ arĩrã, Jesúre ïgũ curusague boaburire iro dupiyuro weredekeoro waamakũ irima†. ³³ ïgũsã irasũ arĩmakũ pėgu, Pilato wiigie gãmenugã ñajãa, Jesúre siiu, sērẽñayupu:

—¿Mũta judío masaka Opu aãrĩrĩ?

³⁴ Jesús ïgũrẽ arĩyupu:

—¿Mũ basi gũñarõ merã yure irasũ sērẽñarĩ, o gajirã mure yaamarẽ wereri?

³⁵ Pilato ïgũrẽ arĩyupu:

—Yu judío masakũ meta aãrã. Mũya nikũ marã judío masaka, irasũ aãrĩmakũ paía oparã mure õo yu purogue aĩjama. ¿Neénorẽ iriari mu?

³⁶ Jesús arĩyupu:

—Yu Opu aãrĩrĩ, i umuma aãrĩbea. I umuma aãrĩmakũ, yaarã gãmekẽabukuma, judío masaka yure ñeã, peresu iribirikõáburo, arĩrã. Yu Opu aãrĩrĩ, gajiroguema aãrã.

³⁷ ïgũ irasũ arĩmakũ pėgu, Pilato ïgũrẽ arĩyupu:

—¿Mũ irasũ arĩgũ: “Opu aãrã”, arĩrĩ?

Jesús ïgũrẽ arĩyupu:

† 18:32 Judío masaka sugũ ñerõ irigure atãyeri merã dea wějenerã aãrĩmã ïgũrẽ wajamoãrã. Romano masaka gapũ ïgũrẽ wajamoãrã, curusague pãbiatũ wějenerã aãrĩmã.

—Mu āārīrōsūta Opu āārā. Yu deyoabu i ūmu marāguere diayemarē werebu. Āārīpererā diayema āārīrīrē péduarā, yu wererire péma.

³⁸ Īgū irasū ārīmakū, Pilato Īgūrē ārīyupu:

—¿Néeno āārīrī diayema?

Judío masaka Pilatore: “Jesúre wējēka!” ārī doredea
(Mt 27.15-31; Mr 15.6-20; Lc 23.13-25)

Irasū ārī odo, Pilato judío masaka oparā merā werenígū wiriri, Īgūsārē ārīmi doja:

—Īrē neō ñerī iridea máa yu ĩāmakū. ³⁹ Bojoriku pascua bosenu āārīmakū, musā irinarōsūta sugu peresu āārīgūrē yure wiudorea. ¿Musā judío masaka Opuare musārē wiumakū gāāmekuri?

⁴⁰ Īgū irasū ārīmakū pérā, Īgūsā gaguiníma:

—Īgūrē wiubirikōāka! Barrabás gapure guare wiuka! ārīma. Barrabás yajarimasū āārīmí.

19

¹ Īgūsā irasū ārī gaguinímakū pégu, Pilato Īgūyarā surarare Jesúre tārādoreyupu. ² Jesúre tārā odo, pora bero iri, Īgūya dipurure peoñurā. Peo odo, opuya suríro irirosū deyoriñe diiañiweyariñerē Īgūrē sāñurā. ³ Sā odo, Īgū puo ejanugā, āsū ārī buridañurā:

—Ōārō āārīburo judío masaka Opu! ārīñurā, Irasū ārīrāta, Īgūsāya mojōrī merā Īgūya diapure páñurā.

⁴ Pilato dupaturi masakare weregū wiriri, āsū ārīmi:

—Īgūrē neō ñerī iridea máa yu ĩāmakū. Irasirigu musārē masīburo, ārīgū, Īgūrē siiu wiugura musārē ĩādoregu.

⁵ Irasū ārī odo, Jesúre siiu wiumi. Irasirigu, Jesús pora berore peyadi, opuya surírore sāñadi Īgū wiririmakū, Pilato masakare ārīmi:

—Īāka! Īta āārīmi Īgū.

⁶ Paía oparā, Marīpuya wii korerā surara Jesúre ĩārā, gaguinínugāma:

—Īgūrē curusague pábiatú wējēka! Curusague pábiatú wējēka! ārī gaguiníma. Pilato Īgūsārē ārīmi:

—Yu ĩāmakū, Īgūrē neō ñerī iridea máa. Irasirirā musā Īgūrē āiaka! Musā basita Īgūrē curusague pábiatú wējērā waaka!

⁷ Judío masaka oparā Īgūrē ārīma:

—Īgū: “Yu Marīpu magū āārā”, ārīmi. Guare doreri irasū ārīgūnorē wējēdorea.

⁸ Īgūsā: “Īgū: ‘Yu Marīpu magū āārā’, ārīmi”, ārīmakū pégu, Pilato Īgū dupiyuro gūiadero nemorō gūimi. ⁹ Irasirigu Jesúre dupaturi siiu ñajāa, sērēñayupu doja:

—¿Noómu āārīrī mu? ārīyupu.

Jesús gapu Īgūrē neō yujubiriyupu.

¹⁰ Īgū yujubirimakū ĩāgū, Pilato Īgūrē ārīyupu:

—¿Nasirigu yure yujuberi? Yu yaará surarare murē peresu āārīgūrē wiu-doremakū, murē wiurākuma, o Īgūsārē murē curusague pábiatú wējēdoremakū, murē pábiatú wējērākuma. ¿Irire masīberi mu?

¹¹ Jesús Īgūrē yujuyupu:

—Mu yure irasū iridoreri, Yupu ūmugasigue āārīgū murē pídea āārā. Irasirigu yure muguere wiadi, mu nemorō waja opami, ārīyupu.

¹² Īgū irasū ārīmakū pégu, Pilato Jesúre: “¿Nasiri wiugakuri yu Īgūrē?” ārī pémaádiyupu. Īgūrē irasū wiudhamakū ĩārā, judío masaka gapu gaguiníma:

—M_u ĩgūrē wiug_u, romano marā op_u merām_u āārĩbirikoa. Sug_u: “Y_u judío masaka op_u āārā”, ārĩgũno romano marā op_ure marĩrē doregure béod_uag_u, ĩgūrē ĩaturig_u yámi, ārĩma.

¹³ ĩgūsā irasū ārĩmakū pég_u, Pilato Jesúre wiig_ue āārĩgūrē ũtā majĩrĩ merā ĩgūsā iridea yebague wiriridoremi. ĩgū, masaka weresārĩrē beyerimasū doarogue eja doami. Iri ũtā majĩrĩ merā ĩgūsā iridea yeba, hebreo ya merā Gabata wāik_ub_u. ¹⁴ Irasū waarĩn_u, g_ua pascua bosenu_uma baaburi āmurĩn_u āārĩbú. Goeripoe dupiyuro āārĩbú. Pilato ĩgū doarogue eja doa, judío masakare āsū ārĩ weremi:

—Īta āārĩmi m_usā Op_u.

¹⁵ ĩgū irasū ārĩmakū pérā, judío masaka gaguiníma:

—Boaburo ĩgū. Boaburo. Curusague pábiatú wějēka ĩgūrē! ārĩma.

Pilato ĩgūsārē ārĩmi:

—¿Y_u yaará surarare m_usā Op_ure curusague pábiatú wějēdoremakū gāāmerĩ m_usā?

Paía opará ĩgūrē yuj_uma:

—G_ua op_u, romano marā op_u āārĩmi. Gajig_u g_ua op_u mámi.

¹⁶ ĩgūsā irasū ārĩmakū pég_u, Pilato Jesúre ĩgūsārē wiami, curusague pábiatú wějēdoreg_u. Irasirirā ĩgūrē āĩākōāma.

Jesúre curusague pábiatú wějēdea

(Mt 27.32-44; Mr 15.21-32; Lc 23.26-43)

¹⁷ Irasirig_u Jesús curusare kōā, “Masak_u dipuru boaweadea pero” wāik_urogue waami. Hebreo ya merā Gólgota wāik_ub_u. ¹⁸ Irogue eja, Jesúre curusague pábiatúma. Gajirā pērārē pábiatúma. Sug_ure ĩgū diaye gap_u, gajig_ure ĩgū kúgap_u curusague pábiatú āĩwāgūnúma. Jesúre ĩgūsā deko āĩwāgūnúma. ¹⁹ Pilato taboa majĩrē ĩgū gojadea majĩrē curusague Jesús dipuru weka pábiatúdoreyup_u. Āsū ārĩ gojasūdero āārĩbú: “Ī Jesús Nazaretm_u, judío masaka Op_u āārĩmi”. ²⁰ Hebreo ya merā, latín ya merā, griego ya merā gojadea āārĩbú. Jesúre curusague ĩgūsā pábiatú āĩwāgūnúdero, makā p_urogā āārĩbú. Irasirirā wárā judío masaka irogue aari, iri gojadeare ĩā buema. ²¹ Paía opará judío masaka āārĩsīā, Pilato gojadeare gāāmebiriñurā. Irasirirā ĩgūrē wererā waañurā. Āsū ārĩñurā:

—M_u: “Ī judío masaka Op_u āārĩmi”, ārĩ gojadeare gorawayuka! Āsū gap_u gojaka: “Ī: ‘Judío masaka op_u āārā’, ārĩmi”, ārĩ gojaka! ārĩñurā.

²² Pilato gap_u ĩgūsārē ārĩyup_u:

—Y_u gojadeare gorawayubirikoa, ārĩyup_u.

²³ Jesúre curusague pábiatú āĩwāgūnúadero p_uru, wapik_urā surara ĩgūya surí āārādeare sea, ĩgūsāk_u suñeno dita gāme dukawama. Suñe suríro su gasirota suadea suríro, eañeña marĩrō merā iridea gasiro āārĩbú. ²⁴ Iri suríro irasū āārĩmakū ĩārā, gāme ārĩ wereníma:

—Īñe surírore yeguebirikōārā! Ubu ārĩboka birarā! “¿Noārē dujarokuri?” ārĩma.

ĩgūsā irasirimakū, Marĩp_uya werenĩrĩ gojadea pūgue gojaderosūta keoro waab_u. Āsū ārĩ gojasūdero āārĩbú: “Yaa suríre: ‘¿Noārē dujarokuri?’ ārĩboka birarākuma, irire gāme ĩgūsā basi dukawamurā”, ārĩ gojasūdero āārĩbú. Iri pūgue gojaderosūta surara irasirima.

²⁵ Jesúya curusa p_uro ĩgū pago, igo tĩgō, María Cleofas marāpo, María Magdalena níma. ²⁶ Jesús, ĩgū pagore, irasū āārĩmakū y_u ĩgū maĩsūgū igo p_uro nímakū ĩāgū, igore ārĩmi:

—Meō, ĩ m_u magū āārĩmi.

²⁷ Irasũ arĩ odo, yure:
 –Igo, mapo aarĩmo, arĩmi.
 Irasirigu Jesús pagore yaa wiigue aia opaba.

Jesús boadea

(Mt 27.45-56; Mr 15.33-41; Lc 23.44-49)

²⁸ Jesús irasũ arĩ odo: “Aarĩpereri Yuru yure iridoregu pĩdeare iripeo odosiáa”, arĩ masĩmi. Irasirigu asũ arĩmi:

–Nemesibukoa yure. Irire arĩgũ, Marĩpaya werenĩrĩ gojadea pũgue gojadeare iriyuwarikami.

²⁹ Irogue suru borewariru igui deko sũĩrĩ deko utuuduru aarĩbũ. Irasirirã iro aarĩrã Jesús irasũ arĩmakũ pérã, iri igui deko sũĩrĩ merã yurayusa merã yosa, hisopo wãĩkadima dũpũ yuwague saatũ, Jesúya disire soemuúma. ³⁰ Jesús iri yurayusa igui deko sũĩrĩ yosadeare mimimi. Mimi odo, asũ arĩmi:

–Aarĩpereri iripeo odosiáa, arĩmi. Ire arĩgũta, ĩgũya dipurure mumusiudija, ĩgũya yajũpũrãrẽ Marĩpũre wia, boakõami.

Surara Jesúre curusague boadire saredea

³¹ Jesús boarinũ gua pascua bosenua baaburire amurĩnũ aarĩbũ. Gajinũ gapũ gua judío masaka siñajarĩnũ, irasũ aarĩmakũ pascua bosenua gua iririnũ, ubu aarĩrĩnũ meta aarĩbũ. Irinũrẽ boanerã curusarigue aarĩmakũ judío masaka oparã gãamebirima. Irasirirã Pilato pũrogue ĩgũrẽ sērẽrã waañurã: “Mũyarã surarare curusarigue pábiatúsũnerãrẽ mata boaburo, arĩrã, ĩgũsãya ñigã gõarĩrẽ pánuadoreka! Pũrũ ĩgũsãya dũpũrĩre aĩdiju, gajirogue pĩdoreka!” arĩñurã. ³² Irasirirã surara Jesús merã curusarigue pábiatúsũnerãya ñigã gõarĩrẽ pánuama. Sugũre irasũ iripũrori, gajigũdere irasũta irima. ³³ Jesús pũro waa ejanũgãrã, boadiguere iãma. Irasirirã ĩgũya ñigã gõarĩrẽ pánuabirima.

³⁴ Sugũ surara ĩgũya sareri merã Jesúre ĩgũya arupãma doka saremi. ĩgũ saremakũ, mata ĩgũya dí, deko merã wiribũ. ³⁵ Yũ, i waamakũ iãbũ. Irasirigu yũ i pũrẽ gojagu, diayema aarĩrĩrẽ mũsarẽ werea. Yũ ire masĩa. Yũ iãdea diayeta waabũ. Yũ wereri diayeta aarã. Irasirigu mũsarẽ irire werea, mũsãde Jesúre bũremuburo, arĩgũ. ³⁶ Surara Jesúya ñigã gõarĩrẽ pánuabirimakũ, Marĩpaya werenĩrĩ gojadea pũgue arĩderosũta waabũ. Iri pũgue asũ arĩ gojasũdero aarĩbũ: “Ĩgũya gõarĩrẽ, neõ su gõarẽ pánuabirima”, arĩ gojasũdero aarĩbũ. ³⁷ Gajirogue Marĩpaya werenĩrĩ gojadea pũgue asũ arĩ gojasũdero aarĩbũ: “Ĩgũsã saredire iãrãkuma”, arĩ gojasũdero aarĩbũ.

José Jesúya dũpũre masãgobegue aĩwãgã yáadea

(Mt 27.57-61; Mr 15.42-47; Lc 23.50-56)

³⁸ Jesús boadero pũrũ, José Arimatea wãĩkũri makãmũ Pilatore Jesúya dũpũre sērẽgũ waayupũ. José judío masaka oparãrẽ gũisĩa, Jesúre bũremugũ aarĩrĩrẽ gajirãrẽ werebiridi aarĩmĩ. Pilato ĩgũrẽ: “Jãũ, ĩgũya dũpũre aĩaka!” arĩmakũ, José curusa pũro waa, Jesúya dũpũre aĩdijumi. ³⁹ Nicodemode wãri sũrõrĩrẽ treinta kilo nukũrĩrẽ aĩjami, Jesúya dũpũre õãrõ amubu. ĩgũ iro dupiyuro ñami merã Jesúre werenĩgũ ejadi aarĩmĩ. ĩgũ aĩdea: mirra wãĩkũri sũrõrĩ, áloes wãĩkũri sũrõrĩ merã morẽdea aarĩyuro. ⁴⁰ Irasirirã ĩgũsã pérã Jesúya dũpũre iri sũrõrĩ merã piupeo, õãrĩ surĩ gasiri merã õmama. Judío masaka ĩgũsã boanerãya dũpũre yáaburi dupiyuro amunaderosũta irima. ⁴¹ Jesúre curusague pábiatũ wẽjẽdero pũro pooe aarĩbũ. Iri poogũre masãgobe utãyegue mãdea gobe aarĩbũ. Iri gobere neõ sugũ boadire yáabirima

dapa. ⁴² Gwa judío masaka siñajārīnu ejaburo iribu. Irasirirā iri gobe curusa ãiwāgūnúadero p̄rogā ãārīmakū, Jesúya d̄p̄re irogue yáama.

20

Jesús masādea

(Mt 28.1-10; Mr 16.1-8; Lc 24.1-12)

¹ Judío masaka siñajārīnu* waadero p̄ru, boyoburo dupiyurogā María Magdalena ãgūsā Jesúya d̄p̄re yáaderogue ãgō waayupo. Irogue ejago, iri gobere biadea ütā majirē bojegue ãārīmakū ãayupo. ² Irasirigo, gwa p̄rā Simón Pedro, irasū ãārīmakū yu Jesús maīsūgū p̄rogue ũmawāgārimo. Igo gwa p̄rogue ejago, gware ārīmo:

—Marī Op̄ya d̄p̄re ãikōānerā ãārāma. ãgūrē ãgūsā píaderore marī masībea, ārīmo.

³ Igo irasū ārīmakū p̄rā, yu, Pedro merā ãgūsā Jesúya d̄p̄re yáaderogue ãrā waabu. ⁴ Irogue waarā, gwa p̄rāgueta ũmawāgābu. Yu gapu Pedrore ũmatariwāgā, masāgobegue ejapuroribu. ⁵ Irogue ejagu, iri gobere muúbia ãa sóobu. Irasū ãa sóogu, Jesúya d̄p̄re ōmadea surí gasiri ditare ãabu. Iri gobegue ñajābiribu. ⁶ M̄rōgā p̄ru Simón Pedro ejami. Irogue eja, iri gobegue ñajāa, ãgūde Jesúya d̄p̄re ōmadea surí gasiri ditare ãami. ⁷ ãgūya dipurure ãgūsā ōmadea suríro gasirodere ãami. Iri gasiro túpeasūbu. Gaji surí gasiri merā peyabiribu. ⁸ Pedro irasū ñajāmakū ãgū, yude iri gobegue ejapuroridi ñajāa, iri ditare ãgū, buremubu. ⁹ Gwa, Jesúya d̄p̄re masāgobegue marīmakū ãakererā, Marīp̄ya werenírī gojadea p̄gue Jesús boadigue masāgukumi, ārīdeare pémasībiribu. Keoro waarokoa, ārī gūñabiribu. ¹⁰ Irire ãa odorā, gwaya wiigue goedujāakōābu.

Jesús María Magdalenarē deyoadea

(Mr 16.9-11)

¹¹ María gapu masāgobegueta dujāa, buro oreypupo. Oregota, iri gobegue muúbia ãa sóoyupo. ¹² Irasū ãa sóogo, p̄rā Marīp̄re wereboerārē boreri surí sãñarārē Jesúya d̄p̄re peyaderogue ãgūsā doamakū ãayupo. Sugū, ãgūya dipuru ãārīdero gapu, gajigu, ãgūya guburi ãārīdero gapu doañurā. ¹³ ãgūsā igore s̄rēñañurā:

—¿Nasirigo orego yári?

Igo ãgūsārē ārīyupo:

—Yu Op̄ya d̄p̄re ãikōānerā ãārāma. ãgūrē ãgūsā píderore yu masībea, ārīyupo.

¹⁴ Irire ārī odo, gāmenugā ãgō, Jesúre iro nímakū ãayupo. ãgūrē ãakerogo: “Jesúta ãārīmi”, ārī ãamasībiriyupo.

¹⁵ Jesús igore ārīyupu:

—¿Nasirigo orego yári? ¿Noārē ãmarī?

Igo gapu: “Íi, i pooere koregu ãārīkumi”, ārī gūñagō, ãgūrē ārīyupo:

—Mu ãgūya d̄p̄re gajirogue ãadi, yure wereka! ¿Noógue píari? Mu weremakū, ãgūya d̄p̄re ãgō waagorāa.

¹⁶ Igo irasū ārīmakū, Jesús igore ārīyupu:

—María.

ãgū irasū ārīmakū pégo, gāmenugā, hebreo ya merā ãgūrē:

—Rabuni, ārīyupo. “Rabuni”, ārīrō, hebreo ya merā: “Buegu”, ārīd̄aro yāa.

¹⁷ Jesús igore ārīyupu:

* 20:1 Judío masaka siñajārīnu, sábado ãārā.

–Yure pirika! Yurɸ pɸroguɸ murĩabea dapa. Gajirã yaarã pɸroguɸ waaka! Ìgũsãrẽ ãsũ ãrĩ wereka: “Jesús ãrãmi: ‘Yurɸ pɸroguɸ waabu yáa. Ìgũ musãdere musãputa ããrĩmi. Ìgũ yɸ Opɸ, irasũ ããrĩmakũ musãdere musã Opɸta ããrĩmi’, ãrãmi”, ãrĩka Ìgũsãrẽ!

¹⁸ Ìgũ irasũ ãrĩmakũ pégo, María Magdalena gɸa Jesús buerã pɸroguɸ aari, gɸare igo marĩ Opɸre Ìãdeare, Ìgũ igore weredoreadeare weremo.

Jesús Ìgũ buerãrẽ deyoadea

(Mt 28.16-20; Mr 16.14-18; Lc 24.36-49)

¹⁹ Irinɸ semana ããrĩpɸrorinɸta† ñamigue gɸa Jesús buerã gɸaya wiigue nerẽrã, judío masaka oparãrẽ güirã, makãpɸrorire õãrõ biabu. Gɸa iroguɸ ããrĩripoe Jesús gɸa dekogue deyoa, gɸare õãdoregɸ, ãsũ ãrĩmi:

–Musã õãrõ siñajãrĩ merã ããrĩrikuka!

²⁰ Irasũ ãrĩ odo, Ìgũya mojõrĩrẽ, Ìgũrẽ arupãma doka sarederore gɸare Ìmumi. Gɸa Ìgũrẽ marĩ Opɸre Ìãrã, buro usuyabu. ²¹ Dupaturi Jesús gɸare ãrĩmi doja:

–Õãrõ siñajãrĩ merã ããrĩrikuka musã! Yurɸ yure iriuderosũta yude musãrẽ iriua, ãrĩmi.

²² Irasũ ãrĩ odo, gɸare puripeo, ãsũ ãrĩmi:

–Õãgũ deyomarĩgũrẽ bokatĩrĩneãka, musãrẽ iritamubure! ²³ Musã masakare Ìgũsã ñerõ irideare kãtimakũ, Ìgũsã ñerõ irideare kãtisũrãkuma. Musã gajirãrẽ Ìgũsã ñerõ irideare kãtibirimakũ, Ìgũsã ñerõ irideare kãtisũbirikuma, ãrĩmi Jesús.

Tomás Jesúre masãdire Ìãdea

²⁴ Jesús gɸare deyoamakũ, Tomás Jesús buegɸ “Sudɸadi” Ìgũsã ãrĩdi gɸa merã ããrĩbirimi. ²⁵ Pɸrɸ Ìgũ gɸa merã ããrĩmakũ, Ìgũrẽ ãrĩbu:

–Gɸa marĩ Opɸre Ìãbu.

Tomás gapɸ gɸare ãrĩmi:

–Ìgũya mojõrĩgue Ìgũsã pábiadea goberire Ìãbi, iri goberire yaa mojõsũrũ merã puuñabi, irasũ ããrĩmakũ Ìgũ arupãma dokare Ìgũsã saredea gobere yaa mojõ merã soesóoñabi, Ìgũ masãdea kerere neõ buremubirikoa.

²⁶ Su semana Jesús gɸare deyoadero pɸrɸ, gɸa Ìgũ buerã dupaturi wiigue nerẽbu. Iripoe Tomás gɸa merã ããrĩmi. Iri wii biadea wii ããrĩkeremakũ, Jesús ñajãa, gɸa dekogue deyoa, gɸare õãdoregɸ, ãsũ ãrĩmi:

–Musã siñajãrĩ merã õãrõ ããrĩrikuka!

²⁷ Irasũ ãrĩ odo, Tomãrẽ ãrĩmi:

–Ìãka yaa mojõrĩrẽ! Mɸ mojõsũrũ merã yaa mojõrĩgue Ìgũsã pábiadea goberire puuñaka! Mɸ mojõ merã yɸ arupãma doka Ìgũsã saredea gobere soesóoñaka! Yɸ masãdeare: “Diaye ããrĩbea”, ãrĩbirikõãka! “Diaye ããrã”, ãrĩ buremuka!

²⁸ Ìgũ irasũ ãrĩmakũ, Tomás ãsũ ãrĩmi:

–Mɸ, yɸ Opɸ, yɸ buremugũ ããrã.

²⁹ Jesús Ìgũrẽ ãrĩmi:

–Mɸ yure Ìãsãã: “Diayeta boadigue masãdi ããrã”, ãrĩ buremua. Gajirã gapɸ yure Ìãbirikererã, yɸ boadigue masãdeare buremurãkuma. Irasirirã Ìgũsã buro usuyari merã ããrĩrãkuma, ãrĩmi.

I pũgue ããrĩrĩrẽ nasiriburo, ãrĩ gojadea

³⁰ Jesús gɸa merã ããrĩgũ, wãri gaji Marĩpɸ turari merã iri Ìmurĩrẽ irimi. Iri ããrĩpereri Ìgũ irideare i pũguere gojapeobiribɸ. ³¹ Irire gojapeobirikeregɸ, surãyeri Jesús irideare gojãa, Ìgũ Marĩpɸ iriudi Cristo ããrĩrĩrẽ, Ìgũ

† 20:19 Semana ããrĩpɸrorinɸno, domingo ããrã.

diayeta Marīpu magū āārīrīrē buremuburo, ārīgū. Irasū āārīmakū musā ĩgūrē buremurī merā okari opaburo, ārīgū, irasū ārī gojáa.

21

Jesús dupaturi ĩgū buerārē deyoadea

¹ Pupu Jesús Tiberias wāikuri ditaru turo dupaturi guare ĩgū buerārē deyoami. Guare deyoagu āsū irimi. ² Gua irogue āārīrā ĩsāku āārībū: Simón Pedro, Tomás “Suduadi” ĩgūsā ārīdi, Natanael Galilea nikūma Caná wāikuri makāmu, gua pērā Zebedeo pūrā, irasū āārīmakū gajirā pērā āārībū.

³ Gua irogue āārīripoe Simón Pedro ārīmi:

—Waaí wējēgū waagú yáa.

—Guae mu merā waarāra, ārībū.

Irasū ārī, buáa, doódiru merā waabu. Iri ñamirē waaí wējēboyotamuakōādibū.

⁴ Boyowāgāripoe Jesús ditaru turo nímakū ĩābū. ĩgūrē ĩākererā, ĩāmasībirikubū.

⁵ Irasirigu guare ārīmi:

—¿Waaí wējēārī?

—Neō wējēbirakubū, ārī yujubū.

⁶ Gua irasū āārīmakū pégu, Jesús ārīmi:

—Doódiru diaye gapu buidire meéyoka! Iro gapu waaí wējērākoa. ĩgū ārīrōsūta meéyomakū, wárā waaí ñajāma. Wárā waaí ñajāmakū, buidire doódirugue neō āisāturabiribū. ⁷ Irasū waamakū ĩāgū, yu Jesús maīsūgū Pedrore ārībū:

—ĩgūta marī Opu āārīmi.

Yu irasū āārīmakū pégu, Simón Pedro ĩgūya wekama surírore túweadi, sāña, ditarugue meébia bāwāgāmi. ⁸ Gua ĩgū merāmarā ditaru turore cien metros yoaro payarā, buidire waaí wárā ñajādire guayaru merā tūānumuabu. ⁹ Majānugārā, peame nitī dita gose oyanírīme weka waairé Jesús mupūnugūnerārē, pādere ĩābū.

¹⁰ Jesús guare ārīmi:

—Gajirā waaí, mérā musā wējērārē ārīka!

¹¹ ĩgū irasū āārīmakū, Simón Pedro doódirugue ñajāa, buidire ĩmiparogue tūāmajāmi. Pagarā waaí ñajānerā ciento cincuenta y tres āārīmá. Wárā waaí ñajānerā āārīkererā, buidire neō yeguebirima.

¹² Jesús guare ārīmi:

—Baa yoberā aarika!

Gua neō sugūno ĩgūrē: “¿Noāno āārīrī mu?” ārī sērēñabiribū. “ĩgū marī Oputa āārīmi”, ārī masībū. ¹³ Jesús peame puro waa, pā, waairé āi, guare gueremi.

¹⁴ Jesús boadigue masādero puru, pea guare deyoasiami. Irasirigu ditaru turogue deyoagu, urea guare ĩgū buerārē deyoagu irimi.

Jesús Pedro merā werenídea

¹⁵ Gua baadero puru, Jesús Simón Pedrore sērēñami:

—Simón, Jonás magū, ¿mu ĩsā nemorō yure maírī?

Pedro ĩgūrē ārīmi:

—Yu Opu, mūrē maía. Mu irire masía.

Jesús ārīmi:

—Irasirigu ovejare koregu oveja majīrārē oārō korerosūta yure buremurārē majīrā irirosū āārīrārē oārō koreka!

¹⁶ Irasū ārī odo, dupaturi Simón Pedrore sērēñami doja:

—Simón, Jonás magū, ¿yure maírī mu?

—Yu Opu, mūrē maía. Mu irire masía, ārīmi.

Jesús ārīmi doja:

—Ovejare koregũ ovejare õārõ korerosũta yũre bũremurãrẽ õārõ koreka! ārīmi.

¹⁷ Irasũ ārĩ odo, dupaturi Simón Pedrore sērẽñami:

—Simón, Jonás magũ, ¿diayeta yũre maĩrĩ mũ?

Ƴrea ĩgũrẽ irasũ sērẽñamakũ pégũ, Simón Pedro bũro bũjawereri merã ãārĩmĩ. ĩgũrẽ ārĩmi:

—Yũ Opũ, mũ ãārĩpereri masĩa. Mũrẽ yũ maĩrĩrẽ masĩa.

Irasirigũ Jesús ĩgũrẽ ārĩmi:

—Ovejare koregũ ovejare õārõ kererosũta yũre bũremurãrẽ õārõ koreka!

¹⁸ Diayeta mũrẽ werea. Mũ maamũ ãārĩgũ surĩre sãña, mũ gããmerõ noó waadũaro waaunabu. Pũrũ bũgũro ãārĩgũ, mũya mojõrĩrẽ soemugũkoa. Gajigũ mũrẽ surĩre sãgũkumi. Mũ waadũaberogue mũrẽ ãĩwãgãgũkumi.

¹⁹ Jesús, Simón Pedro ĩgũ boaburi merã masakare Marĩpũ turagũ, õãgũ ãārĩrĩrẽ masĩmakũ iriburire irasũ ārĩ weremi. Irire were odo, Jesús ĩgũrẽ ārĩmi:

—Yũre tũyaka!

Jesús Juãrẽ ĩgũ maĩgũrẽ weredeã

²⁰ Pedro gãmenugã, yũ ĩgũsãrẽ tũyawãgãmakũ ĩãmi. Yũ, Jesús maĩgũ, iro dupiyuro Jesús pũro baa doanígũ ĩgũrẽ: “Yũ Opũ, ¿noã mũrẽ wẽjẽdũarãguere mũrẽ ĩmubu ãārĩkuri?” ārĩ sērẽñadi ãārĩbũ. ²¹ Pedro yũre ĩãgũ, Jesũre sērẽñami:

—Yũ Opũ, ¿naásũ waarokuri ĩgũrẽ?

²² Jesús ĩgũrẽ ārĩmi:

—Yũ i ãmũguere dupaturi aariripoeta ĩgũ okamakũ yũ iridũarire, o iridũabirire mũya meta ããrã. Irire gũñarikũbirikõãka! Yũre tũyaka!

²³ Jesús irasũ ārĩrĩ kerere pérã, gajirã ĩgũrẽ bũremurã: “Juan boabirikumi”, ārĩ gãme weresirima. Jesús: “Juan boabirikumi”, ārĩdi meta ãārĩmĩ. “Yũ i ãmũguere dupaturi aariripoeta ĩgũ okamakũ yũ iridũarire, o iridũabirire mũya meta ããrã”, ārĩdi ãārĩmĩ.

²⁴ Yũ Jesús buegũ, yũ ĩãdeare i pũrẽ gojãa. Irasirirã mũsã yũ gojarire: “Diayeta ããrã”, ārĩ masĩa.

²⁵ Jesús wãri gaji irimi. Iri ãārĩpererire yũ gojapeomakũ, wãri pũrĩ ãārĩbukoa. Yũ péñamakũ, masaka iri pũrĩrẽ i ãmũguere duripídũamakũ, uturiakõãbukoa.

Iropata ããrã.

Juan

LOS HECHOS

Jesús ĩgũ buedoregũ beyenerãrẽ: “Õãgũ deyomarĩgũ aarigũkumi”, ãrĩ weredea (Lc 1.1-4)

¹ Opũ Teófilo, yũ marẽ gojadupiyudea pũguere Jesús neõgorague irinugãdeare, ĩgũ buedea ããrĩpererire gojabũ. ² ĩgũ ãmũgasigue mũrĩaburo dupiyuro Õãgũ deyomarĩgũ turaro merã ĩgũ buedoregũ beyenerãrẽ: “Ãsũ irirãkoa”, ãrĩ were-deadere gojabũ. ³ Jesús ĩgũ boa, masãdero pũrũ, ĩgũsãrẽ cuarenta nũrĩgora deyoayurũ. Irasirigũ ĩgũ dupaturi okarire ĩgũsãrẽ õãrõ masĩmakũ iriyurũ. Marĩpũ ĩgũyarãrẽ doreri kerere ĩgũsãrẽ wereyurũ.

⁴ Jesús ĩgũsã merã ããrĩgũ, ĩgũsãrẽ ãsũ ãrĩyurũ:

—Jerusalẽta dujaka dapa! Iripoegue Yũpũ: “Õãgũ deyomarĩgũrẽ mũsãrẽ iriugũra”, ãrĩdeare yũka! Irire weresiabũ. ⁵ Juan mũsãrẽ deko merã wãiyedi ããrĩmĩ. Yũ gapũ mérõgã pũrũ mũsãrẽ Õãgũ deyomarĩgũ merã wãiyegũkoa, ĩgũ mũsã merã ããrĩnĩkõãburo, ãrĩgũ, ãrĩyurũ.

Jesús ãmũgasigue mũrĩadea

⁶ Pũrũ ãtãũ Olivos wãĩkũdigue Jesús merã nerẽ, ĩgũrẽ sërẽñañurã:

—Gũa Opũ, ¿dapagorare gajigũ gũaya nikũmũrẽ gũare dorebure, opũ pĩgũkuri? ãrĩñurã.

⁷ Jesús ĩgũsãrẽ yũyurũ:

—Yũpũ sugũta masĩmi. ĩgũ irasũta waaburo, ãrĩmakũ irasũta waarokoa. Mũsãya meta ããrã i. ⁸ Mérõgã pũrũ Yũpũ Õãgũ deyomarĩgũrẽ iriugũ, mũsãrẽ ĩgũ turarire opamakũ irigũkumi. ĩgũ irasirimakũ, mũsã gũiro marĩrõ gũñaturari merã masakare yaa kerere wererã waarãkoa. Jerusalén marãrẽ, Judea nikũ marãrẽ, Samaria nikũ marãrẽ, ããrĩperero i nikũgue ããrĩrãrẽ wererã waarãkoa, ãrĩyurũ Jesús ĩgũ buedoregũ beyenerãrẽ.

⁹ ĩgũ irasũ ãrĩ wereadero pũrũ, Marĩpũ ãmũgasigue ĩgũrẽ ãĩmũrĩãkõãyurũ. ĩgũsã ĩgũrẽ ĩãmutũyamakũ, su yebo ĩĩmikãyebo túbiãkõãyuro. Irasirirã ĩgũrẽ neõ ĩãnemobiriñurã. ¹⁰ ĩgũsã ĩãmutũyaripoe gũñaña marĩrõ pẽrã ãma surĩ boreri sãñanerã ĩgũsã pũro deyoa, ¹¹ ãsũ ãrĩñurã:

—Galilea marã, ¿nasirirã ãmũgasire ĩãmunĩrĩ? Jesús ãmũgasigue mũrĩagũta dupaturi i ãmũguere aarigũkumi doja. Mũsã ĩgũrẽ mũrĩãmakũ ĩãrõsũta aarĩmakũ ĩãrãkoa, ãrĩñurã.

Judare gorawayurã, Matías wãĩkũgũre beyede

¹² Irasiri, pũrũ Jesús buedoregũ beyenerã Olivos wãĩkũdi ãtãũgue ããrãnerã dijãa, Jerusalẽgue dujããkõãñurã doja. Iri makã pũrogã ããrĩyuro iri ãtãũ.

¹³ Dujaja, ĩgũsã kãrĩrĩ taribu ãmarõma taribugue ñajãkõãñurã. ĩĩsãkũ ããrĩñurã: Pedro, Santiago, Juan, Andrés, Felipe, Tomás, Bartolomé, Mateo, Simón celote wãĩkũri bumũ, Santiago Alfeo magũ, Judas Santiago magũ ããrĩñurã.

¹⁴ Gajirãde ĩgũsã merã nerẽñurã: Jesús pagupũrã, Jesús pago Marĩa, gajirã nome ããrĩñurã. Ëmũrikũ iri taribugue Marĩpũre sërẽmurã nerẽñañurã.

¹⁵ Sunũ ĩgũsã merã gajirã Jesũre bũremurã ciento veinte gora nerẽñurã. Irasirigũ Pedro ĩgũsã watopegue wãgãnũgã, ĩgũsãrẽ ãsũ ãrĩyurũ:

¹⁶⁻¹⁷ —Yaarã, gũa Judas merã pe mojõma pere su gubu peru pẽrẽbejarãgora ããrãdibũ. Jesús gũare beyederosũta ĩgũdere beyeadimi, gũa merã ĩgũya kerere weredoregũ. Judas gapũ Jesũre peresugue ñeãwãgãmurãrẽ ĩgũrẽ ĩmumi. Õãgũ deyomarĩgũ Judas waaburire Davire iripoegue gojadorederosũta diayeta

waabu. ¹⁸ Īgũ Jesúre oparāguere ĩmudea wajare ĩgũsārē wia, makā ojarogue waa, dipuru gapu merā meémejá, ĩgũya paru meé ooreakōā, gũramisĩ wirisiri kōmoakōāyupu. Irasirirā oparā iri niyeru merā ĩgũ meémejádea nikũrē wajariñurā. ¹⁹ Judas irasũ waadeare āārĩpererā Jerusalén marā péperekōāñurā. Irasirirā, ĩgũ irasũ waaderore: “Acéldama” wāiyeñurā. “Acéldama”, ārĩrō, ĩgũsā ya merā: “Dí béodero”, ārĩduaro irikoa. ²⁰ Iripoegue Salmos wāikuri pũgue āsũ ārĩ gojasũdero āārĩbú Judare:

Īgũya wii āārĩdero masaka marĩrō dujaburo. Neō sugu ĩgũ āārĩderore dupaturi āārĩbirikōāburo, ārĩ gojasũdero āārĩbú.*

Āsũ ārĩ gojasũdero āārĩbú doja:

Gajigu ĩgũya moādeare gorawayuburo, ārĩ gojasũdero āārĩbú.*

²¹⁻²² Irasirirā marĩrē sugu Judas gorawayugure beyero gāāmea. Sugu, gũa merā āārĩdire, Juan marĩ Opu Jesúre deko merā wāiyemakũ ĩādire, āārĩpereri Jesús irideare ĩādire, Marĩpu ĩgũrē ũmugasigue āimurĩāmakũ ĩādire beyero gāāmea. Irasirigu, Jesús boadigue masādeare gũa merā weregu waagukumi, ārĩyupu Pedro.

²³ ĩgũ irasũ ārĩmakũ pé, pērārē beyeñurā. Sugu José wāikuyupu. Gajirā ĩgũrēta “Justo”, gajirā “Barsabás” wāiyenerā āārĩmá. Gajigu Matías wāikuyupu. ²⁴⁻²⁵ Beye odo, āsũ ārĩ sērēñurā Marĩpure:

—Gũa Opu, mu āārĩpererā masaka gũñarĩrē ōārō masĩa. Judas ĩgũ dapgora āārĩrōgue waagú, mũya kere weredoredeare pirikōāmi. Sugu ĩgũ gorawayubure beyesiabu mu. Irasirigu mu beyeadire ĩmuka gũare! ārĩñurā.

²⁶ Irasũ ārĩ odo, peye ũtāyegāgue Matías, José wāirē goja, puuigāgue sā, suye āĩ ĩāñurā. Matías wāĩ gojatúadeayere āĩ bokañurā. Irasirirā Matĩare: “Gũa pe mojōma pere su gubu suru pērēbejarā āārānerā merā Jesúya kerere weregu waagukoa”, ārĩñurā ĩgũrē.

2

Ōāgũ deyomarĩgũ Jesúre bũremurārē ejadea

¹ Pentecostés* wāikuri bosenu āārĩmakũ, āārĩpererā Jesúre bũremurā ĩgũsā nerēdea wiigueta nerēñurā. ² Pũru gũñaña marĩrō ũmugasigue mirũ bũro aarirósũ, ĩgũsā āārĩrōguere bũro busu dijiriyuro. ³ Irasũ waaripoe peame ũjũrĩ pũrā dijari, nediru irirosũ deyori masakakũre dipu weka deyoayuro. ⁴ Āārĩpererā Ōāgũ deyomarĩgũrē opatari, ĩgũ iritamurĩ merā gaji masā ya ĩgũsā dupiyuro werenĩbirideare werenĩnũgāñurā.

⁵ Iripoere wārā judío masaka āārĩpereri nikũ marā Jerusalēgue ejanerā āārĩmá. ĩgũsā bũremurĩrē ōārō tũyarimasā āārĩñurā. ⁶ Irasũ busurire pérā, Jesúre bũremurā pũroque nerēwāgāñurā. Iroque masakaku ĩgũsāya werenĩrĩ merā Jesúre bũremurā werenĩmakũ péñurā. Irasũ waarĩre pémasĩbiriñurā.

⁷⁻⁸ Irasirirā ĩāgũka, āsũ ārĩ gāme werenĩñurā:

—¿Nasirirā ĩgũsā Galilea marā āārĩkererā, marĩ yare ōārō werenĩrĩ? Marĩ deyoadea nikũ marā irirosũ werenĩma. ⁹ Marĩ gajiro marā āārā. Partia marā, Media marā, Elam marā, Mesopotamia marā, Judea marā, Capadocia marā, Ponto marā, Asia marā, ¹⁰ Frigia marā, Panfilia marā, Egipto marā, Libia Cirene wāikuri nikũ tũro marā āārā. Marĩ Roma marāde ōōguere naarĩmasā āārā. ¹¹ Surāyeri judío masaka, gajirā judío masaka āārĩbirikererā, judío masaka irirosũ bũremurā ōōguere āārā. Creta marā, Arabia marāde marĩ merā āārĩma. Irasirirā marĩ āārĩpererā gajiro marā āārĩkererā, marĩ ya merā

* 1:20 Sal 69.25 ✧ 1:20 Sal 109.8 * 2:1 Pascua bosenu waadero pũrũ, cincuenta nũrĩ pũrũ, Pentecostés wāikuri bosenu waayuro.

ĩsã õãrõ werenímakũ péa. Īgũsã Marĩpu õãrõ iridea kerere werenírã yáma, ãrĩñurã.

¹² Irasirirã ããrĩpererã pégakakõãñurã.

—¿Nasiro irasũ waari? ãrĩ gãme wereníñurã.

¹³ Gajirã gapu:

—Mejãrã yáma, ãrĩ buridañurã.

Pedro masakare werede

¹⁴ Īgũsã irasũ ãrĩmakũ pégu, Pedro gajirã pe mojõma pere su gubu suru pẽrẽbejarã Jesús buedoregu beyenerã merã wãgãñugã, buru buru wereníyupu:

—Musã ããrĩpererã judío masaka õõgue Jerusalẽgue ããrĩã õãrõ péka yu wererire! ¹⁵ Musã guare: “Mejãrã yáma”, ãrĩ gũñarã, diaye gũñabea. Goeripoe dupiyuro ããrã dapa. Irasirirã gu mejãrã meta yáa. ¹⁶ Gu irasũ werenírĩrẽ Joel Marĩpuya kerere weredupiyudi ãsũ ãrĩ gojadi ããrĩmĩ:

¹⁷⁻¹⁸ Marĩpu ãsũ ãrĩmĩ: “I mũmũ pereburo dupiyuro Õãgũ deyomarĩgũrẽ iriugũra, masaka ããrĩpereri buri marãrẽ. Irasirirã musã pũrã mũma, nomede yaa kerere wererãkuma. Maamarã kẽrõ irirosũ, mũrã kẽrõgue yu ĩmurĩrẽ ĩãrãkuma. Yu dorerire irirãrẽ mũmarẽ, nomedere Õãgũ deyomarĩgũrẽ iriugũra. Irasirirã, yaa kerere wererãkuma.

¹⁹ Yu mũmũgasiguere gajirosũperi deyoamakũ irigũra. I nikũdere dí, peame, ĩmĩkã deyoamakũ irigũra.

²⁰ Abe mũmũmũ naĩtĩãgũkumi. Abe ñamimũ dí irirosũ deyogu waagũkumi. Musã Opũ i mũmũguere dupaturi aariburo dupiyuro irasũ waarokoa. Īgũ aarĩrĩnũ goerĩnũ ããrĩrokoa. Ubu ããrĩrĩnũ ããrĩbirikoa.

²¹ ‘Yu Opũ, tauka yure!’ ãrĩgũnorẽ taugũra”, ãrĩmĩ Marĩpu, ãrĩ gojadi ããrĩmĩ Joel.*

²² ‘Musã Israel bumarã yu wererire õãrõ péka! Marĩpu Jesũre Nazaretmũrẽ iriudi ããrĩmĩ. Jesús musã pũrogue ããrĩgũ, Marĩpu turari merã pũrĩrikũrãrẽ tau, wãtẽa masakare ñajãnerãrẽ béowiu, boanerãrẽ masũdi ããrĩmĩ. Irasirigu Jesús, Marĩpu iriudi ããrĩsã, ĩgũ turari merã irire iri ĩmudi ããrĩmĩ. Irire musã õãrõ masã. ²³ Musã ñerãrẽ ĩgũrẽ curusague pábiatũ wẽjẽdoremakũ, Marĩpu iripoegue Jesũre irasũ waarokoa, ãrĩderosũta waabu. ²⁴ Irasũ waakeremakũ, Marĩpu gapu ĩgũ boadiguere masũkõãdi ããrĩmĩ. Boanerã ããrĩrõrẽ ĩgũrẽ wiudi ããrĩmĩ. Irasirimakũ, boari Jesũre tarĩngãmasĩbiridero ããrĩbũ. ²⁵ Iripoegue David ãsũ ãrĩ gojadi ããrĩmĩ, Jesús Marĩpũre wereníburire:

Yu Opũ, mũrẽ ĩãnĩkõãa. Mũ yu diaye gapu, yu merã ããrĩnĩkõãa. Irasirigu yu neõ gũibe.

²⁶⁻²⁷ Yaa yũpũrãgue buru mũyari merã ããrã. Irasirigu mũyari merã werenía. Yu boamakũ, boanerã ããrĩrõgue béobirikoa. Yu masãgobegue ããrĩmakũ, yaa dũpu neõ boabirikoa. Yure dupaturi okamakũ irigũkoa doja. Irasirigu yu gũiro marĩrõ ããrĩgũkoa.

²⁸ Mũ, yu dupaturi okaburire yure õãrõ masĩmakũ yáa. Irasirigu yu merã mũ ããrĩmakũ, buru mũyari merã ããrã, ãrĩ gojadi ããrĩmĩ David.*

²⁹ ‘Yaarã, yu musãrẽ diayeta weregu. Marĩ ñekũ David boadi ããrĩmĩ. Marĩ ñekũsãmarã ĩgũrẽ yãanerã ããrĩmã. Īgũya masãgobe i makãguere ããrã dapa.

³⁰⁻³¹ Iripoegue Marĩpu Davire ãsũ ãrĩ weredi ããrĩmĩ:

Yu mũrẽ diayeta werea: “Pũmũguere mũ parãmi i nikũ marã Opũ ããrĩgũkumi. Yu mũrẽ píderosũta pígũkoa ĩgũdere”, ãrĩdi ããrĩmĩ.

David Marĩpũya kerere weredupiyugu ããrĩdi ããrĩmĩ. Irasirigu Jesũre Marĩpu pĩburire masĩsĩã, ãsũ ãrĩ weredi ããrĩmĩ ĩgũ masãburire:

Ĩgũ boadero pũũ, boanerã ããrĩrõgue neõ béosũbirikumi. ĩgũya dũpu masãgobegue neõ boabirikoa, ãrĩ gojadi ããrĩmĩ.✠

³² Marĩpu Jesũre boadiguere masũdi ããrĩmĩ. ĩgũrẽ masũadero pũũ, gũã ããrĩpererã ĩgũrẽ ĩãbũ. “Dupaturi okami”, ãrĩ masĩã. ³³ ĩgũ Pagũ ĩgũrẽ masũ, ãmũgasigue ãĩmũrĩa, ĩgũ diaye gapũ dobodi ããrĩmĩ. ĩgũ ãrĩderosũta Jesũre Őãgũ deyomarĩgũrẽ iriudi ããrĩmĩ. Irasirigu Jesũs gũare Őãgũ deyomarĩgũrẽ iriumi. Irasirirã mũsã, ĩgũ gũaguere ejamakũ ĩãã. ĩgũ iritamurĩ merã gũã werenĩmakũ péã. ³⁴⁻³⁵ David† gapũ ĩgũ boadero pũũ, Jesũs mũrĩaderosũ mũrĩabiridi ããrĩmĩ. ĩgũ boaburo dupiyuro ãsũ ãrĩ gojadi ããrĩmĩ, Marĩpu Jesũre ãrĩdeare gojagu:

Marĩpu yũ Opũre ãsũ ãrĩmi: “Őõ yũ diaye gapũ doaka, yũ merã dorebu! Irasiriripoe mũrẽ ĩãturirãrẽ mũ dorerire tarinũgãnemobirimakũ irigũra”, ãrĩmi, ãrĩ gojadi ããrĩmĩ.✠

³⁶ Irasirirã mũsã Israel bumarã ããrĩpererã õãrõ pémasĩka! Marĩpu Jesũre, mũsã curusague pábiatũ wẽjẽdire marĩ Opũ ããrĩmakũ iridi ããrĩmĩ. Marĩpu ĩgũrẽ iriudi ããrĩmĩ, marĩrẽ tauburo, ãrĩgũ, ãrĩ wereyupu Pedro masakare.

³⁷ ĩgũ irasũ ãrĩmakũ pérã, ĩgũsãya yũjũpũrãrĩgue bũro bũjawereri merã gũñarikũ, Pedrore, gajirã Jesũs buedoregũ beyenerãrẽ ãsũ ãrĩ sërẽñañurã:

–Gũayarã, ¿nasirirãkuri gũã?

³⁸ Pedro ĩgũsãrẽ yũjũyupu:

–Mũsã ñerõ irideare bũjawere, mũsã gũñarĩrẽ gorawayuka! Irasirirã mũsã ããrĩpererã Jesucristore bũremua, ãrĩ, gũare deko merã wãiyedoreka! Mũsã irasirimakũ, Marĩpu mũsã ñerõ irideare kãtigũkumi. Őãgũ deyomarĩgũrẽ iriugũkumi, mũsã merã ããrĩnĩkõãburo, ãrĩgũ. ³⁹ Marĩpu ãrĩderosũta mũsãrẽ, mũsã pũrã ããrĩturiarãrẽ, gajiro marãdere ããrĩpererã ĩgũ beyenerãrẽ Őãgũ deyomarĩgũrẽ iriugũkumi, ãrĩyupu.

⁴⁰ Irire ãrĩ odo, gajĩ wãri werenemoyupu Pedro ĩgũsãrẽ:

–Őãrõ pémasĩka mũsã! I nikũ marã Jesũre wẽjẽnerã ñerã ããrĩma. ĩgũsã ñerõ iridea waja Marĩpu ĩgũsãrẽ wajamoãgũkumi. ĩgũsã ñerã irirosũ neõ irinemobirikõãka pama! Irasiribirimakũ, Marĩpu ĩgũsãrẽ wajamoãgũ, mũsã gapũre wajamoãbirikumi, ãrĩyupu.

⁴¹ Wãrã ĩgũ wererire õãrõ péñurã. Irasirirã deko merã wãiyesũñurã Jesũre bũremurĩrẽ ĩmurã. Irasirirã Jesũre bũremupũrorinerã merã ããrĩnũgãñurã. Pedro ĩgũsãrẽ wereadeanũ merãta wãrã tres mil gora masaka bũremunũgãñurã. ⁴² Irasirirã ãmũrikũ Jesũre bũremupũrorinerã merã nerẽñañurã, ĩgũ buedoregũ beyenerã buerire pémurã. Irasũ nerẽnarã, Marĩpũre sërẽ, pãrẽ dukawa, siiu baanañurã.

Jesũre bũremupũrorinerã iridea

⁴³ Jesũs buedoregũ beyenerã ĩgũ iriderosũta wãri Marĩpu turari merã iri ĩmunãñurã. Irasirirã pũrĩrikũrãrẽ tau, wãtẽã masakare ñajãnerãrẽ béowiu, boanerãrẽ masũñañurã. ĩgũsã irasirimakũ ĩãrã, masaka ããrĩpererã ĩãgũkanañurã. ⁴⁴ ããrĩpererã Jesũre bũremurã su bumarã irirosũ õãrõ ããrĩrikũñurã. Irasirirã ĩgũsã oparire gãme sĩñañurã. ⁴⁵ Gajinorẽ oparã, irire dua, iri waja merã gajino opamerãrẽ sĩñañurã. ⁴⁶ Őmũrikũ ããrĩpererã surosũ gũñarĩ oparã Marĩpũya wiigũe nerẽñañurã. ĩgũsãya wiirigũe pãrẽ dukawa,

✠ **2:30-31** Sal 132.11 † **2:34-35** David ĩgũ boadero pũũ, ĩgũ dũpu merã ãmũgasigue mũrĩabiridi ããrĩmĩ. Irasirigu Jesũs mũrĩaderosũ mũrĩabiridi ããrĩmĩ. ✠ **2:34-35** Sal 110.1

ōārō usuyari merā siiu baanañurā. ⁴⁷ Marĩpure: “Ōātaria mu”, āri, usuyari sīnañurā. Gajirā masaka ĩgūsārē: “Ōārā āārĩma”, āri ĩāñurā. Őmuriku marĩ Opu Jesús gajirārē ĩgūrē buremumakū iriyupu. Irasirirā ĩgūrē buremurā wārā āārĩñurā.

3

Sugu waamasĩbire waamasĩmakū iridea

¹ Sunu, ñamika tres āārĩmakū Pedro, Juan merā Marĩpureya wiigie waañurā. Iri horata masaka Marĩpure sērēnañurā. ² Iri wiima makāpurore sugu masaku deyoaguguetu waamasĩbi āārĩdi doayupu. Iri makāpuro: “Ōārĩ makāpuro” wāikuyuro. Őmuriku ĩgū merāmarā ĩgūrē āiwāgā, iri makāpurogue dobonañurā, iri wii ñajārārē niyeru sērē doanídorerā. ³ Pedrosā iri wii ñajāmūrā iriripoe ĩgūsārē ĩā, niyeru sērēyupu. ⁴ ĩgūsā pērāgueta ĩgūrē ĩā, Pedro gapu ĩgūrē āriyupu:

—Guare ĩāka!

⁵ ĩgū irasū ārĩmakū: “Yure niyeru sĩmurā irikuma”, āri gūñarĩ merā buru ĩāyupu. ⁶ Pedro gapu ĩgūrē āriyupu:

—Niyerure opabea. Irire opabirikeregū, yu opari merā murē iritamugura. Jesucristo Nazaretmu wāi merā, ĩgū turaro merā wāgānugā waaka! āriyupu.

⁷ Pedro ĩgūrē irasū ārĩgūta, diayema mojōrē ñeā, tūāwāgūnūyupu. Irasirimakūta, ĩgūya guburi, ĩgūya āñagubuyeri turanugājayuro. ⁸ Irasirigu pari wāgānugāja, waapurori, puru ĩgūsā merā Marĩpureya wiigie Marĩpure: “Ōātaria mu”, āri gaguinĩ, pariñajāyupu. ⁹⁻¹⁰ ĩgū usuyari merā Marĩpure: “Ōātaria mu”, āri, pariñajāmakū ĩārā, iri wiigie āārĩrā āārĩpererā ĩgūrē ĩāmasĩ:

—Ī, i wii ōārĩ makāpurogue niyeru sērē doanĩadita āārĩmi, ārĩñurā. Irasirirā ĩgū waamasĩmakū ĩārā, “¿Naásū waari?” āri ĩāgukakōāñurā.

Pedro masakare Marĩpureya wiigie werede

¹¹ Waamasĩbiradi Pedrosārē duúbirimakū, āārĩpererā masaka iri wii āārĩrā ĩāgukari merā, ĩgūsā purogue “Pórtico de Salomón” wāikurogue ũmanerēñurā.

¹² ĩgūsā irasū ũmanerēmakū ĩāgū, Pedro ĩgūsārē āriyupu:

—Musā, Israel bumarā, ¿nasirirā iropa gukari? ¿Nasirirā guare buru ĩārĩ? “ĩgūsā Marĩpure buremurĩ merā, ĩgūsā turaro merā ĩrē waamasĩmakū iriama”, āri gūñabirikōāka! ¹³ Jesús ĩgū turaro merā ĩgūrē waamasĩmakū iriami. Marĩ ñekūsāmarā Abraham, Isaac, Jacob Marĩpure ũmugasigie āārĩgūrē buremunerā āārĩmā. Marĩpu ĩgū magū Jesúre, ĩgū doreri ōārō iridire: “Ōātarigu āārĩmi”, ārĩdi āārĩmĩ. Musā gapu ĩgūrēta oparāguere wiabu. Pilato ĩgūrē wiudakeremakū, musā gapu gāamebiribu. ¹⁴ Jesús ōāgū, ñerĩre neō iribi āārĩkeremakū, ĩgūrē neō wiudorebiribu. Sugu ñegū masakare wējēdi gapure wiudorebu musā. ¹⁵ Irasirirā, Jesús marĩrē okari sīgū gapure wējēdorebu. ĩgū boadero puru, Marĩpu gapu ĩgūrē masūdi āārĩmĩ. Gūa ĩgūrē Marĩpu masūdire ĩābu, āri masĩa. ¹⁶ Jesúta ĩgū turaro merā ĩi waamasĩbiradire musā ĩāmasĩgūrē waamasĩmakū iriami. Gūa Jesús taumasĩrĩrē buremumakū ĩāgū, ĩgūrē tauami. Musā āārĩpererā ĩgū tauadire ĩgū waamasĩmakū ĩāa.

¹⁷ Yaarā, musā, musā oparāde Jesúre: “Marĩpu magūta āārĩmi”, āri pémasĩbirisĩā, ĩgūrē wējēdorebu. ¹⁸ Iripoegue Marĩpu ĩgūya kerere weredupiyunerā āārĩpererārē: “Cristo yu iriubu ñerō tarigukumi”, ārĩderosūta Jesúre waabu. ¹⁹ Irasirirā musā ñerō irideare bujawere, musā gūñarĩrē gorawayuka! Marĩpu dorerire irika! Irasirimakū, Marĩpu musārē musā ñerō irideare kāti, siñajārĩ merā āārĩrikumakū irigukumi. ²⁰ Irasirigu musārē Cristore dupaturi iriugukumi. Cristo, Marĩpu beyedi musārē taugu, Jesúta

ãārĩmi. ²¹ Jesucristo ùmugasigue mūrĩadi, irogueta ãārĩmi dapa. Marĩpũ iripoegue ìgũ iriburire ìgũya kerere weredupiyunerãrẽ weredorederosũta ãārĩpererire òãrõ ãmu, pũrũ Jesúre iriugũkumi. ²² Iripoegue Moisés irimarẽ marĩ ñekũsãmarãrẽ ãsũ ãrĩdi ãārĩmĩ:

Pũrũgue Marĩpũ marĩ Opũ sugũ ìgũya kerere werebure iriugũkumi. Yũre iriuderosũta ìgũdere iriugũkumi. Ìgũde marĩyaguta ãārĩgũkumi. ãārĩpereri ìgũ wererire péka! Ìgũ dorerire òãrõ iritũyaka!

²³ Ìgũ dorerire iritũyamerã gapũ béosũrãkuma. Irasirirã Marĩpũyarã merã neõ ãārĩnemobirikuma pama, ãrĩdi ãārĩmĩ Moisés.*

²⁴ ãārĩpererã iripoegue marã Marĩpũya kerere weredupiyunerãkũ, Samuel pũrũ marãde dapagora waarĩre irasũta ãrĩ gojanerã ãārĩmã. ²⁵ Iripoegue Marĩpũ marĩ ñekũ Abrahãrẽ: “Yũ, mu parãmi ãārĩturiagu merã i ùmu marã ãārĩpererãrẽ òãrõ irigũra”, ãrĩdi ãārĩmĩ. Ìgũya kerere weredupiyunerãrẽ ìgũ Abrahãrẽ ãrĩdeare weredoredi ãārĩmĩ marĩ ñekũsãmarãrẽ. Irasirigũ Marĩpũ ìgũsãrẽ ãrĩderosũta mũsãrẽ iridi ãārĩmĩ. ²⁶ Irasirigũ ìgũ magũ Jesús boadiguere masũ, marĩrẽ judío masakare iriupũroridi ãārĩmĩ, marĩrẽ òãrĩ gapũre iri, marĩ ñerõ iririre piriburo, ãrĩgũ, ãrĩ wereyupũ Pedro ìgũsãrẽ.

4

Pedrore, Juãrẽ oparã pũrogue ããadea

¹⁻² Pedro, Juan merã masakare werenĩripoe paía, Marĩpũya wii korerã surara opũ, gajirã saduceo bumarã ejañurã. Pedrosã masakare: “Jesús boadero pũrũ masãdi ãārĩmĩ. Irasirirã marĩde boadero pũrũ ãārĩpererã masãrãkoa”, ãrĩ buenañurã. Ìgũsã irasũ ãrĩ buemakũ pérã, saduceo bumarã, masaka boanerã masãrĩrẽ bũremubirisĩã, ìgũsã merã bũro guañurã. ³ Irasirirã abe ñajãripoe ãārĩmakũ, Pedrosãrẽ ñeã, iri ñamirẽ peresu iriñurã. ⁴ Irasirikeremakũ, gajirã wãrã Jesúya kerere pénerã, ìgũrẽ bũremunũgãrã ãārĩñurã. Irasirirã dupiyurogue Jesúre bũremupũrorinerã merã wãrã ãārĩñurã. Ëma ditare keomakũ, cinco mil ãārĩñurã.

⁵ Pedrosãrẽ peresu iriadero pũrũ, gajinũ gapũ Jerusalẽgue judío masaka oparã, gajirã mũrã, gajirã Moisés gojadeare buerimasã nerẽñurã. ⁶ Gajirãde, paía opũ Anás, Caifás, Juan, Alejandro, gajirã paía opũyarã ìgũsã merã ãārĩñurã. ⁷ Irogue nerẽ, Pedrosãrẽ ìgũsã pũro ãiridore, ìgũsã ejamakũ:

—¿Noã mũsãrẽ doreri, noã mũsãrẽ inorẽ irasiridoreri? ãrĩ sërẽñañurã.

⁸⁻⁹ Pedro Òãgũ deyomarĩgũrẽ opatarisĩã, ãsũ ãrĩ yũjũyupũ ìgũsãrẽ:

—¿Mũsã judío masaka oparã, mũrãde guare ñi waamasĩbiradire òãrõ iriadeare, ìgũrẽ tauadeare sërẽñarã yãri? ¹⁰ Mũsãrẽ ire weregũra, ãārĩpererã Israel bumarã òãrõ pémasĩburo, ãrĩgũ. Jesucristo Nazaretmũ turaro merã, ìgũ wãĩ merã ñi waamasĩbiradi waamasĩami. Mũsã ìgũrẽta curusague pábiatú wẽjẽdorebũ. Ìgũ boadero pũrũ, Marĩpũ gapũ ìgũrẽ masũ, dupaturi okamakũ iridi ãārĩmĩ. ¹¹ Iripoegue Marĩpũya kerere weredupiyudi ãsũ ãrĩ gojadi ãārĩmĩ: “Suye ùtãye wii iririmasã ìgũsã béoadeaye merã gajigũ gapũ òãrõ turari wii irigũkumi”, ãrĩ gojadi ãārĩmĩ. Jesús iri ùtãye ìgũsã béoadeaye irirosũ ãārĩmĩ. Marĩpũ ìgũrẽ beyedi ãārĩmĩ marĩrẽ taubure. ¹² I nikũguere Jesús sugũta marĩrẽ taugũ ãārĩmĩ. Gajigũ marĩrẽ taugũ neõ mámi. Marĩpũ ìgũrẽta iriudi ãārĩmĩ marĩrẽ taubure, ãrĩ wereyupũ Pedro ìgũsãrẽ.

¹³ Judío masaka oparã Pedro, Juan buebirinerã ãārĩkererã, òãrõ gũñaturari merã, pémasĩrĩ merã weremakũ pérã, pégũkakõãñurã. Ìgũsãrẽ: “Diayeta Jesús

* 3:23 Dt 18.15-19; 34.10

merāmarāta āārīma”, āri iāmasīñurā. ¹⁴ Waamasībiradi Pedrosā puro nīmakū iārā, ĩgūsārē: “Ñerō irirā iriabu”, āri werewuamasībiriñurā.

¹⁵ Irasirirā, ĩgūsārē ĩgūsā nerērī taribugue āārīrārē wiriadoreñurā, ĩgūsā basi gāme werenimurā:

¹⁶ Āsū āriñurā:

—¿Nasirirākuri ĩgūsārē? Ī waamasībiradire ĩgūsā waamasīmakū iriadeare Jerusalén marā péperekōāñurā. Irasirirā: “Iribirama”, ārīmasībirikoa marī.

¹⁷ Gajirārē irire neō pénemomakū iribirikōārō gāamea marīrē. Irasirirā: “Jesúyamarē gajirāguere neō werenemobirikōāka pama!” ārīrā ĩgūsārē, āri wereniñurā.

¹⁸ Irasū āri werení odo, Pedrosārē siiu, āsū āriñurā:

—Gajirāguere neō Jesúyamarē werenemobirikōāka! Neō ĩgūya kerere buenemobirikōāka! āriñurā.

¹⁹ ĩgūsā irasū ārikeremakū, Pedro, Juan gapu āsū āri yujñurā ĩgūsārē:

—¿Marīpu musā guare dorerire irimakū gāamerī, o ĩgū doreri gapure guā irimakū gāamerī? ¿Naāsū gūñarī musā irire? ²⁰ Guā ĩgū dorerire irituyarā āārā. Irasirirā guā iādeare, guā pédeare neō wereduúmasīña máa, āriñurā.

²¹⁻²² ĩgūsā irasū ārimakū pérā, judío masaka oparā gapu dupaturi āriñurā:

—Jesúyamarē neō werenemomerāta pama! Irire pirimerā, wajamoāsūrākoa, āriñurā. Gajirā gapu usuyari merā Marīpure: “Mū Ī waamasībiradire tauadea oātariabu”, āriñurā. ĩgū cuarenta bojori nemorō opagu āārīyupu. Irasirirā oparā gapu Pedrosārē: “Ñerō irirā iriama”, ārīmasībiri, wajamoāmerāta ĩgūsārē wiukōāñurā.

Jesúre bñremurā Marīpure iritamurī sērēdea

²³ Pedrosā irogue āārānerā wiria, ĩgūsā merāmarā purogue waakōāñurā. Irogue eja, paía oparā, judío masaka murā ĩgūsārē ārādeare ĩgūsā merāmarārē wereñurā. ²⁴ ĩgūsā weremakū pérā, āārīpererā iro āārīrā Marīpure sērēñurā:

—Guā Opu, mū diayeta ũmugasi, i nikū, dia wádiya, i ũmuma āārīpererire iridi āārā. ²⁵ Iripoegue guā ñekū Davire mūrē moāboegure Ōāgū deyomarīgū merā āsū āri weredoredi āārībú:

Judío masaka āārīmerā Marīpu merā bñro guama. Israel bumarāde Marīpure: “Gāāmebea”, āri gūñadima.

²⁶ I nikū marā oparā Marīpu merā gāmekēādñurā nerērākuma. ĩgū beyedi merādere irasūta gāmekēārākuma, āri weredoredi āārībú.*

²⁷ Mū weredorederosūta diayeta waabu. I makāguere opu Herodes, Poncio Pilato, gajirā Israel bumarā, gajirā judío masaka āārīmerā nerēma Jesús mū magūrē wējēmurā. ĩgū oāgū, mū beyedi āārīmi. ²⁸ Irasirirā, iripoegue mū turaro merā mū beyedire: “Irasū waarokoa ĩgūrē”, ārīderosūta irima. ²⁹ Guā Opu, dapagora paía oparā mūya kerere: “Werebirikōāka! Musā irire wererā, wajamoāsūrākoa”, ārāma guare. ĩgūsā irasū ārādeare gūñaka mū! Guā mūrē moāboerā āārā. Irasirigu guare mūyare gajirārē güiro marīrō weremakū irika!

³⁰ Guare mū turaro merā pūrīrikārē taumakū irika! Irasirigu guare mū turaro merā Jesús mū magū, oāgū wāi merā iri ĩmurīrē irimakū irika! āri sērēñurā Marīpure.

³¹ ĩgūsā irasū āri sērēadero puru, ĩgūsā āārīrī wii gāmeñayuro. Āārīpererā Ōāgū deyomarīgūrē opatariñurā. Irasirirā, ĩgū iritamurī merā güiro marīrō Marīpure kerere wererā waañurā.

Jesúre bñremurā ĩgūsā oparire gāme dukawadea

* 4:26 Sal 2.1-2

32-33 Irasirirã Jesús buedoregũ beyenerã Marĩpũ turaro merã masakare: “Marĩ Opũ Jesús boadero pũgũ masãdi ããrĩmĩ. Īgũ dupaturi okadero pũgũ, gũã Īgũrẽ ĩãbũ”, ãrĩ wereñurã. ããrĩpererã Jesũre bũremurã surosũ gũñañurã. Irasirirã Īgũsã oparire: “Yaa ããrã”, ãrĩrõ marĩrõ gãme dukawañurã. Marĩpũ Īgũsãrẽ ããrĩpererãrẽ õãrõ iritamuyupũ. 34-35 Irasirirã wiiri oparã, nikũ oparã, gajirãrẽ irire duañurã. Īgũsã duadea wajare Jesús buedoregũ beyenerãrẽ sĩnañurã. Jesús buedoregũ beyenerã irire Īgũsã watope ããrĩrãrẽ gajino opamerãrẽ dukawañurã. Irasirirã Īgũsã watopegue boporã marĩñurã pama. 36 Iripoere sugũ Jesũre bũremugũ José wãĩkũgũ ããrĩyupũ. Īgũ Chipre wãĩkũri nũgũrõmũ, Levĩya bumũ ããrĩyupũ. Jesús buedoregũ beyenerã Īgũrẽ “Bernabé” wãĩyeñurã. “Bernabé”, ãrĩrõ, griego ya merã: “Masakare õãrõ yũjũpũrãkũmakũ irigũ”, ãrĩduaro irikoa. 37 Īgũ nikũ opagũ ããrĩsĩã, su poee ejatuaro gajirãrẽ duayupũ. Īgũ duadea wajare Jesús buedoregũ beyenerãrẽ sĩpeokõãyupũ.

5

Ananías, Safira merã ãrĩkatodea

1 Gajigũ Ananías wãĩkũgũ Īgũ marãpo Safira merã su poee ejatuaro nikũrẽ duayupũ. 2 Īgũ duadea wajare Īgũ basi deko merã duripĩkõãyupũ. Irasirigũ ããrĩpereri niyerure Jesús buedoregũ beyenerãrẽ sĩpeobirikeregũ: “Iropata wajariama”, ãrĩkatoyupũ. Īgũ marãpo ããrĩpereri Īgũ irasiriadeare masĩyupo. 3 Pedro ãsũ ãrĩyupũ Īgũrẽ:

—Ananías, ¿nasirigũ wãtĩrẽ mũya gũñañiguere ñajãdoreari? Īgũ ñajãmakũta, mũya nikũ duadea wajare guare sĩpeobirikeregũ, mũ Õãgũ deyomarĩgũrẽ ãrĩkatoa. 4 Iri nikũ mũ duaburo dupiyuro mũya nikũ ããrĩbũ. Mũ duadea waja mũya niyeruta ããrã. Noó mũ sĩduaropa sĩboakuyo. ¿Nasiribu irasũ ãrĩkatori? Gũã ditare ãrĩkatogũ meta yãa. Marĩpũdere ãrĩkatoa mũ, ãrĩyupũ.

5 Īgũ irasũ ãrĩmakũ pẽgũ, mata Ananías meémejã kõmoakõãyupũ. Īgũ irasũ waadea kerere pérã, ããrĩpererã bũro gũñurã. 6 Īgũ kõmoadero pũgũ, gajirã maamarã ñajãja, Īgũya dũpũre surĩro gasiro merã õma, ãĩwiriakõãñurã Īgũrẽ yãarã waarã.

7 Ñre hora pũgũ, Ananías marãpo ããrãdeo ñajãjayupo. Īgũ boadeare neõ masĩbiriyupo. 8 Igo ñajãmakũ ĩãgũ, Pedro igore sãrẽñayupũ:

—Wereka yũre! ¿Mũsãya poeere duarã, iropata niyeru wajatari mũsã? ãrĩyupũ. Igo Īgũrẽ yũjũyupo:

—Iropata wajatabũ, ãrĩyupo.

9 Pedro ãrĩyupũ igore:

—¿Nasirirã mũsã, marĩ Opũ Õãgũ deyomarĩgũrẽ ãrĩkatoari? “Gũã irasiri-makũ masĩbirikumĩ”, ¿ãrĩ gũñadari mũsã? Īãka! Mũ marãpũre yãarã ejanerã sĩsã dujarima. Mũya dũpũdere ãĩwiriarãkuma, mũ marãpũya dũpũre ãĩwiriaderosũta, ãrĩyupũ. 10 Īgũ irasũ ãrĩmakũta, igode Pedroya guburi pũro meémejã kõmoakõãyupo. Irasirirã maamarã igo kõmoadeoguere bokaja, igoya dũpũre ãĩwiria, igo marãpũ dagũre Īgũsã yãadero pũrogueta igodere yãañurã. 11 Irasirirã ããrĩpererã Jesũre bũremurã, gajirãde Ananías, Safirare waadea kerere pérã, bũro gũñurã.

Jesús buedoregũ beyenerã Marĩpũ turaro merã iri ĩmudea

12 Iripoere masaka watopegue Jesús buedoregũ beyenerãrẽ Marĩpũ Īgũ turari merã wãri iri ĩmurĩrẽ irimakũ iriyupũ. ããrĩpererã Jesũre bũremurã Marĩpũya wii tũro biaña marĩrĩ taribu “Pórtico de Salomón” wãĩkũri

taribugue nerēnañurā. ¹³ Masaka ĩgūsārē: “Ōārā āārīma”, ārīkeremakū, gajirā gapu ĩgūsārē güiñurā. ĩgūsā merā neō nerēduabiriñurā. ¹⁴ Gajirā gapu marī Opu Jesúre wárā ũma, nomede b̄remuñurā. ¹⁵ Irasirirā pūrīrikurārē ĩgūsā peyari gasiri merā Pedro waaburi maa t̄ro píñurā. “Pedro ĩgūsārē ñapeobirikeremakū, ĩgū wātī meépiro ĩgūsā weka ejamakū, ĩgūsārē pūrīrī tarirokoa”, ārī güñarā, irasiriñurā. ¹⁶ Wárā Jerusalén t̄ro marāde pūrīrikurārē, wātēa ñajāsũnerārē iroque añānañurā. Irasirirā Jesús buedoregu beyenerā ĩgūsā āārīpererārē taunañurā.

Oparā Jesús buedoregu beyenerārē ĩaturidea

¹⁷ Irasirirā paía opu, gajirā ĩgū merāmarā saduceo bumarāde Jesús buedoregu beyenerārē b̄ro ĩaturi, ¹⁸ ĩgūsā merā b̄ro gua, ĩgūsārē ñeā, peresu iriñurā. ¹⁹ Irasirikeremakū, sugu Marīp̄re wereboegu iri ñamita peresu wii makāp̄rorire t̄pā, ĩgūsā āārīrī taribugue ñajāja, ĩgūsārē āsū ārī āñwiriayupu:

²⁰ —Marīp̄ya wiigwe waaka! Iroque eja, Marīp̄ Jesúre b̄remurārē ĩgū merā ōārō āārīmakū iriburi kerere wereka masakare! āñyupu Marīp̄re wereboegu ĩgūsārē.

²¹ ĩgū irasū ārīmakū pérā, ĩgūsā peresu āārānerā wiriakōañurā. Gajinu gapu boyoripoe āārīmakū, Marīp̄ya wiigwe ñajāa, masakare buen̄gāñurā, Marīp̄re wereboegu ĩgūsārē weredoreaderosūta.

ĩgūsā iroque bueripoe paía opu gapu, ĩgū merāmarāde, Pedrosā peresu āārānerā wiriadeare mas̄biriñurā dapa. Irasirirā ĩgūsā Israel bumarā oparārē āārīpererārē neeñurā. ĩgūsā nerēperemakū ĩārā, surarare peresu iriri wiigwe Jesús buedoregu beyenerārē ĩgūsā biadoboanerārē āñridoreñurā. ²² Irasirirā surara ĩgūsārē āñrā waadiñurā. Iroque eja, Pedrosārē neō bokabiriñurā. ĩgūsārē bokabirisīā, oparāguere wererā dujāakōañurā doja. ²³ Dujaja, oparārē:

—Peresu iriri wii makāp̄rori ōārō biadea makāp̄rori āārādabu. Iroque biadoboanerārē korerāde iri makāp̄roriku níadama. Irasū āārīkeremakū, ḡua ĩgūsā āārādea taribure makāp̄ro t̄pāmakū neō marāma, āññurā.

²⁴ ĩgūsā irasū ārīmakū pérā, paía opu, Marīp̄ya wii marā surara opu, paía oparāde: “¿Naásū waayuri ĩgūsārē?” āñ güñarikuñurā. ²⁵ ĩgūsā irasū güñarikuñurā sugu masakū ĩgūsā p̄ro eja:

—Musā peresu irianerā Marīp̄ya wiigwe āārāma. Masakare buerā iriama, āñyupu.

²⁶ ĩgū irasū ārīmakū pérā, Marīp̄ya wii marā surara opu, ĩgūyarā surara merā ĩgūsārē ñeārā waañurā. Iroque eja, ĩgūsārē ñeā, paía oparā p̄ro aññurā doja. Masakare güisīā, ĩgūsārē tārābiriñurā. “Ḡua ĩgūsārē tārāmakū ĩārā, masaka ḡuare ũtāyeri merā deabukuma”, āñ güñañurā. ²⁷ ĩgūsārē judío masaka oparā p̄ro aññamakū, paía opu ĩgūsārē turiyupu:

²⁸ —Ḡua musārē: “Jesúyare neō buenemobirikōāka!” āñdibu. Ḡua irasū ārīkeremakū, musā āārīperero Jerusalén marārē buegorenāa. Jesús boadea waja ḡuare waja opamakū iriduarā yāa musā, āñyupu.

²⁹ ĩgū irasū ārīmakū, Pedro gajirā Jesús buedoregu beyenerā merā ĩgūrē āsū āñ yñyupu:

—Masaka doreri nemorō Marīp̄ya gap̄re iriro gāñmea. Ḡua musā dorerire irirā, Marīp̄ doreri gap̄re iribiribukoa. ³⁰ Musā Jesúre curusague pábiatú wējēdoredire Marīp̄, marī ñekūsāmarā Opu gapu ĩgūrē masūdi āārīmí. ³¹ ĩgūrē masū odo, ũm̄gasigue āñmurīagu, ĩgū diaye gapu dobodi āārīmí. Marīrē taubure, marī Opu āārībure irasiridi āārīmí. Irasirigu marī judío masaka marī ñerō irideare b̄jawere, güñarīrē gorawayumakū k̄atigakumi. ³² Ḡua

ãārīpereri Jesús irideare iānerā āārā. Irasirirā irire werea. Ōāgū deyomarīgūde guare irire pémasĩmakū yámi. Irasirirā ĩgū iritamurĩ merā werea. Marĩpu dorerire pérānodere Ōāgū deyomarīgūrē iriugakumi, āĩ wereyupu Pedro paía opure.

³³ ĩgū irasū āĩmakū pérā, oparā gapu guataria, Pedrosārē wējēduadiñurā. ³⁴ Sugu fariseo bumu Gamaliel wāikugu gapu wāgānugāyupu ĩgūsārē werebu. ĩgū judío masaka oparā merāmu Moisés gojadeare buerimasū āārĩyupu. Masaka ĩgūrē: “Ōāgū āārĩmi”, āĩ bñremuñurā. ĩgū wāgānugā, surarare: “Īsārē āĩwiriaka dapa!” āĩyupu. ³⁵ ĩgūsārē āĩwiriadero puru, oparārē āsū āĩyupu:

—Musā Israel bumarā, musā ĩgūsārē iriduarire ōārō gūñaka! ³⁶ Teudas wāikugu waadeare gūñaka! Irinuguerē ĩgū masakare: “Masĩtarinugāgū āārā yu”, āĩdi āārādimi. Irasirirā wārā cuatrocientos ūma ĩgū merāmarā āārīnerā āārādima ĩgū buerire péduarā. Puru gajirā ĩgūrē wējēkōānerā āārĩmá. ĩgūrē wējēadero puru, ĩgū merāmarā āārādinerā waasiriakōānerā āārĩmá. Irasū waadero puru, ĩgū buedea pereakōādero āārĩbú. ³⁷ Puru i nikū marārē ĩgūsā keoripoe gajigu Judas wāikugu Galileamu āārĩdi āārādimi. Wārā ĩgū merāmarā āārīnerā āārādima. Puru gajirā ĩgūdere wējēkōānerā āārĩmá. ĩgūrē wējēadero puru, ĩgū merāmarā āārādinerā waasiripereakōānerā āārĩmá. ³⁸ Irasirigu musārē werea. Sīsārē, marĩ peresugue biadoboanerārē wiuka! Musā ĩgūsārē iriduarire iribirikōāka! ĩgūsā bueri, Marĩpuya bueri āārĩbero, pereakōārokoa Teudas, Judas buedea perederosūta. ³⁹ ĩgūsā bueri, Marĩpuya bueri āārĩrō, neō perebirikoa. ĩgūsārē irire pirimakū iribirikoa. Irasirirā irire ōārō pémasĩka! ĩgūsā bueri, diayeta Marĩpuya bueri āārĩmakū, musā ĩgūsārē wējēduarā, Marĩpu merā gāmekēāduarā irirosū iribukoa, āĩyupu Gamaliel.

⁴⁰ ĩgū irasū āĩmakū pérā: “Jáu, marĩrē diayeta weremi ĩ”, āĩ péñurā. Irasirirā Jesús buedoregu beyenerārē siiu, surarare tārādoreñurā. “Jesúyare neō werenemobirikōāka!” āĩñurā. Irasū āĩ odo: “Waaka!” āĩ, wiuñurā ĩgūsārē pama. ⁴¹ Irasirirā Jesús buedoregu beyenerā judío masaka oparā puru āārānerā waakōāñurā. “Marĩ Jesúyare bueri waja marĩrē tārādoreama gnyasĩrĩburo, āĩrā”, āĩñurā. “Marĩpu gapu marĩrē: ‘Irire bokatĩukōāma’, āĩ masĩmi”, āĩñurā. Irasirirā oparā ĩgūsārē ñerō irikeremakū, bñro usyayñurā. ⁴² Irasirirā ūmuriku Marĩpuya wiigüe, wiiriguedere masakare: “Jesúta Marĩpu iriudi, Cristo āārĩmi”, āĩ buenañurā.

6

Jesús buedoregu beyenerā ĩgūsārē iritamumurārē beyedea

¹ Irasirirā irinārĩrē wārā judío masaka Jesúre bñremunugāñurā. Surāyeri hebreo ya merā wereníñurā. Gajirā griego ya merā wereníñurā. ĩgūsā wapiweyarā nomerē ūmuriku ĩgūsā baarire keoro guerebirimakū iārā, hebreo ya merā werenírā gapure turiñurā. ² Irasirirā Jesús buedoregu beyenerā Jesúre bñremurārē āārīpererārē ĩgūsā purogue siiu neeō, āsū āĩ wereñurā:

—Gua baarire guererā, Marĩpuya kere gapure wereduúmakū ōābiribukoa. ³ Irasirirā musā guayarā, Jesúre bñremurā musā watope āārĩrārē su mojōma pere gajĩ mojō peru pērēbejarāgora beyeka! “Ōārō masĩrā, Ōāgū deyomarīgū turarire opatarirā āārĩma”, musā āĩ iārārē beyeka! Musā beye odomakū, gua ĩgūsārē baari guerehurārē sóorākoa. ⁴ Irasirirā gua ūmuriku Marĩpüre sērē, ĩgūyare buerākoa, āĩñurā.

⁵ ĩgūsā irasū āĩmakū pérā, āārīpererā: “Jáu, irasūta irirāra”, āĩ, Esteban wāikugure beyeñurā. ĩgū Jesúre ōārō bñremugū, Ōāgū deyomarīgūrē

opatarigũ ããrĩyupũ. Gajirã Felipe, Prócoro, Nicanor, Timón, Parmenas, Nicolás wãĩkũrãrẽ beyeñurã. Nicolás Antioquíamũ judío masakũ ããrĩbirikeregũ, judío masaka irirosũ buremugũ ããrĩyupũ. ⁶ Ìgũsãrẽ beye odo, Jesús buedoregũ beyenerã pũro ãĩãñurã. Ìgũsã ãĩjamakũ ãĩãrã, Marĩpũre: “Õãrõ iritamuka ãĩgũsãrẽ!” ãrĩ sërẽbosa, ãĩgũsãya dipu weka mojórĩ merã ñapeoñurã.

⁷ Irasirirã Marĩpũya kerere weregorenamakũ, wãrã masaka irire pëñurã. Wãrã Jerusalén marã masaka, paĩade Jesũre buremunũgãñurã.

Estebãrẽ peresu iridoredea

⁸ Esteban Marĩpũ iritamurĩ merã ãgũ turaro merã pũrĩrikũrãrẽ tau, gaji õãrĩ iri ãmurĩrẽ iriyupũ masaka wãrã watopere. ⁹ Ìgũ irasirimakũ ãĩãrã, surãyeri judío masaka “Esclavos Libertado” wãĩkũri bumarã ãgũ merã guaseopũroriñurã. Ìgũsã: Cirene marã, Alejandría marã, Cilicia marã, Asia marã su wii judío masaka ãgũsã nerẽrĩ wiigue nerẽnarã ããrĩñurã. ¹⁰ Esteban, Õãgũ deyomarĩgũ ãgũrẽ õãrĩ masĩrĩ sĩrĩ merã werenĩmakũ përá, ãgũrẽ neõ werenĩ bokatĩũbiriñurã. ¹¹ Irasirirã masaka ããberogue gajirãrẽ niyeru wajari: “Ãsũ ãrĩkatoka masakare!” ãrĩñurã:

—“Esteban Moisére, Marĩpũre ñerõ werenĩmakũ péabu gũa”, ãrĩka! ãrĩñurã.

¹² Irasirirã ãgũsã ãrĩkatodoresũanerã irire weremakũ përá, iri makã marã, mũrã, Moisés gojadeare buerimasãde Esteban merã bure gua, ãgũrẽ ñeã, oparã pũro ãĩãñurã. ¹³ Ìgũrẽ irogue ãĩja, gajirãrẽ ãsũ ãrĩkatonemodoreñurã doja:

—Ï ãmũrikũ Marĩpũya wiire, Moisés gojadeadere ñerõ werenĩgorenami.

¹⁴ Masakare: “Jesús Nazaretmũ, Marĩpũya wiire béogukumi. Moisés marĩrẽ pĩdeadere gorawayugukumi”, ãrĩmakũ péabu gũa, ãrĩkatoñurã oparãrẽ.

¹⁵ Ìgũsã irasũ ãrĩmakũ përá, oparã ããrĩpererã irogue doarã Estebãrẽ bure ããñurã. Ìgũsã ããmakũ, ãgũya diapu Marĩpũre wereboegũya diapu irirosũ deyoyuro.

7

Esteban oparãrẽ weredeia

¹ Ìgũsã Estebãrẽ ããripoe paĩa opũ ãgũrẽ sërẽñayupũ:

—¿Diayeta ãrĩrĩ, ãgũsã mũrẽ weresãrã? ãrĩyupũ.

² Esteban yũjũyupũ ãgũrẽ:

—Yaarã, yũre õãrõ péka! Marĩ ñekũ Abraham, Harán wãĩkũri makãgue waaburo dupiyuro Mesopotamiague ããrĩdi ããrĩmĩ Caldea masaka ããrĩrõgue. Ìgũ irogue ããrĩripoe Marĩpũ õãrõ goesiriri merã ãgũrẽ deyoa, ³ ãsũ ãrĩdi ããrĩmĩ: “I nikũrẽ, mũyarãrẽ béowãgãka! Mũ waamakũ, yũ gaji nikũ mũ ããrĩburi nikũrẽ ãmugakoa”, ãrĩdi ããrĩmĩ Marĩpũ Abrahãrẽ. ⁴ Marĩpũ irasũ ãrĩmakũ pégu, Abraham Caldea nikũ ããrãdi Harãgue waadi ããrĩmĩ. Irogue ejadero pũrũ, ãgũ pagũ boadi ããrĩmĩ. Ìgũ boadero pũrũ, Marĩpũ Abrahãrẽ wiridoredi ããrĩmĩ doja. Irasirigũ Abraham õõ, marĩ ããrĩrĩ nikũrẽ ejadi ããrĩmĩ pama. ⁵ Ìgũ õõgue ejamakũ, Marĩpũ ãgũrẽ neõ nikũrẽ sĩbiridi ããrĩmĩ dapa. Sĩbirikeregũ, ãgũrẽ: “Pũrugue mũya, mũ parãmerã ããrĩturiarãya nikũ ããrĩrokoa”, ãrĩdi ããrĩmĩ. Ìgũ irasũ ããrĩpoere Abraham neõ pũrã marĩdi ããrĩmĩ dapa. ⁶ Gaji Marĩpũ ãgũrẽ ãrĩnemodi ããrĩmĩ doja: “Mũ parãmerã ããrĩturiarã gaji nikũgue waarãkuma dapa. Cuatrocientos bojorigora iri nikũ marãrẽ moãboerãkuma. Ìgũsãrẽ moãdore, pábirarãkuma. ⁷ Yũ gapũ iri nikũ marãrẽ wajamoãgũra ãgũsã irasiriri waja. Yũ ãgũsãrẽ wajamoã odoadero pũrũ, mũ parãmerã ããrĩturiarã iri nikũrẽ wirirãkuma. Wiri, yũ ãgũsãrẽ sĩburi nikũgue eja, yũre buremurã yũ dorerire irirãkuma”, ãrĩdi ããrĩmĩ Marĩpũ Abrahãrẽ. ⁸ Ìgũ irasũ ããrãdero pũrũ, ãsũ

iridoredi aarĩmĩ doja: “Aarĩpererã ùmarẽ ìgũsãya dupuma gasirogãrẽ* wiirika! Irasirirã musã yu werenĩrĩ buremurĩrẽ yure ìmurãkoa”, arĩdi aarĩmĩ. Irasirigu Abraham ìgũ magũ Isaare su semana ìgũ deyoadero puru, ìgũrẽ wiiridi aarĩmĩ. Murãrõta Isaade ìgũ magũ Jacore iridi aarĩmĩ. Jacode murãrõta ìgũ pũrãrẽ pe mojõma pere su gubu peru pẽrẽbejari buri aarĩmurãrẽ iridi aarĩmĩ.

⁹⁻¹⁰ Jacob pũrã marĩ ñekũsãmarã ìgũsã pagumurẽ Josere ìaturisĩã, Egiptogue waarãrẽ duanerã aarĩmã, iro marãrẽ moãboegu aarĩburo, arĩrã. Marĩpu gapu ìgũ merã aarĩnkõãdi aarĩmĩ ìgũrẽ iritamugũ. Ìgũ ñerõ tarikeremakũ, aarĩpereri ìgũ ñerõ taririre taudi aarĩmĩ. Wãri masĩrĩ sĩdi aarĩmĩ. Irasirigu faraón† Egiptomu i nikũ marã opu Josere beyedi aarĩmĩ, ìgũ dokamu opu aarĩburo, arĩgũ. Ìgũya wiimadere moãdoregu sóodi aarĩmĩ.

¹¹ Puru aarĩperero Egiptogueru, Canaán nikũguedere baari pereakõãdero aarĩbũ. Irasirirã masaka buru ñerõ tarinerã aarĩmã. Marĩ ñekũsãmarã uaboanerã aarĩmã. ¹² Irasirigu Egiptogue trigo aarĩrĩ kerere pẽgu, Jacob ìgũ pũrãrẽ marĩ ñekũsãmarãrẽ: “Wajarirã waaka!” arĩ iriudi aarĩmĩ. Ìgũ irasũ arĩmakũ pẽrã, neõ waarã irinerã aarĩmã iroguere. Irogu eja, baari wajari odo, gãme dujarikõãnerã aarĩmã doja. ¹³ Ìgũsã baari wajariadeare baapeo, dupaturi wajarirã waanerã aarĩmã doja. Iripoeta pama José ìgũsãrẽ: “Musã pagumuta aarã yu”, arĩ weredi aarĩmĩ. Irasirigu Egipto marã opu José tĩrãrẽ masĩdi aarĩmĩ. ¹⁴ Puru José ìgũ tĩrã merã kerere iriudi aarĩmĩ ìgũ pagure. “Yuru, ìgũyarã merã aarĩburo”, arĩ iriudi aarĩmĩ. Jacoyarã setenta y cinco gora aarĩnerã aarĩmã. ¹⁵ José kere iriuadeare pẽgu, Jacob ìgũ pũrã merã Egiptogue waadi aarĩmĩ. Jacob irogu boadi aarĩmĩ. Ìgũ pũrã, marĩ ñekũsãmarãde boanerã aarĩmã. ¹⁶ Purugue ìgũsã parãmerã aarĩturiarã ìgũsãya gõarĩrẽ Siquem wãikuri makãgue Abraham, Hamor pũrãrẽ ìgũ ùtãgobe wajaridea gobegue pĩmurã aĩãnerã aarĩmã.

¹⁷ Marĩpu Abrahãrẽ: “Mu parãmerã aarĩturiarãrẽ i nikũrẽ sĩgura”, arĩdero ejawãgãripoe Abraham parãmerã aarĩturiarã Egiptogue aarĩrã wãrã masãporenerã aarĩmã. ¹⁸ Ìgũsã irogu aarĩmakũ, José boadero puru yoadero puru, gajigu iri nikũ marã opu ñajãdi aarĩmĩ doja. Ìgũ, José õãrõ irideare õãrõ masĩbiridi aarĩmĩ. ¹⁹ Irasirigu marĩ ñekũsãmarã wãrã masãporemakũ ìãgũ, ìgũsãrẽ tarinugãduagu, ñerõ iridi aarĩmĩ. Ùma pũrã deyoarãrẽ boaburo, arĩgũ, bẽdoredi aarĩmĩ. ²⁰ Iripoeta Moisés deyoadi aarĩmĩ. Ìgũ Marĩpu iũrõrẽ õãgũ aarĩdi aarĩmĩ. Irasirirã ìgũ deyoadero puru, ìgũ pagusãmarã ìgũsãya wiigüe urerã abegora duri merã ìgũrẽ masũnerã aarĩmã. ²¹ Ìgũrẽ duúnemomasĩmerã, diague puui merã paubéonerã aarĩmã. Puru Egipto marã opu magõ ìgũrẽ boka, igoya wiigüe aĩmajã, igo magũ diaye irirosũ masũdeo aarĩmõ. ²² Moisés iri wiigüe masã, aarĩpereri Egipto marã buerire buepeodi aarĩmĩ. Irasirigu ìgũ masĩrĩ merã werenĩ, aarĩpereri õãrõ iridi aarĩmĩ.

²³ Puru cuarenta bojori opagu ìgũyarãrẽ Israel bumarãrẽ ìãduagu, ìgũsã purogue waadi aarĩmĩ. ²⁴ Irogu ejagu, sugu Egiptomu ìgũyagure ñerõ irimakũ ìãdi aarĩmĩ. Irasirigu ìgũrẽ gãmibosagu Egiptomurẽ wẽjẽkõãdi aarĩmĩ. ²⁵ Ìgũ basi: “Marĩpu jaarãrẽ wijatadoregu iriuami, ìgũsã irire õãrõ pemasĩkuma”, arĩ gũñadi aarĩmĩ. Ìgũsã gapu ìgũ gũñarõsũ gũñabirinerã aarĩmã. ²⁶ Gajinu gapu Moisés ìgũsã purogue waadi aarĩmĩ doja. Irogu ejagu, gajirã ìgũyarã

* **7:8** Gn 17.1-14: Iripoegue Marĩpu Abrahãrẽ ìgũ pũrã ùmarẽ: “Yaarã aarĩburo”, arĩgũ, ìgũsãya dupuma gasirogãrẽ wiiridoredi aarĩmĩ. Puru iri dorerire Moiseru pĩdi aarĩmĩ. Irasirirã judío masaka Abraham parãmerã aarĩturiarã iri dorerire irirã, ìgũsã pũrã ùmarẽ su mojõma pere gaji mojõ ureru pẽrẽbejarinurĩ waarõ merã ìgũsã deyoadero puru irasũ yãma. † **7:9-10** “Faraón”, arĩrõ, Egipto marã ya merã: “opu”, arĩduaro yãa.

pērã ĩgũsã basi gãmekẽãmakũ ĩãdi ããrĩmĩ. “Iropata gãmekẽãka! ¿Nasirimurã su bumarã ããrĩkererã, iropa gãmekẽãkõãrĩ?” ãrĩdi ããrĩmĩ Moisés ĩgũsãrẽ. ²⁷ ĩgũ irasũ ãrĩmakũ pẽgũ, bũro pádi gapũ, Moisére túmeénú: “¿Noã murẽ gua opũ, gũare dorebu ããrĩburo’, ãrĩ sóoari? ²⁸ ¿Ñamika Egiptomurẽ mũ wẽjẽaderosũ yũdere wẽjẽduagũ yãri?” ãrĩdi ããrĩmĩ Moisére. ²⁹ ĩgũ irasũ ãrĩmakũ pẽgũka, Moisés Egiptore wiri, gaji nikũ Media wãĩkuri nikũgue waadi ããrĩmĩ. Irogue ĩgũsã watopegue ããrĩgũ, iromorẽ marãpokũ, pērã ũma pũrãkũdi ããrĩmĩ.

³⁰ Moisés cuarenta bojorigora iri nikũguere ããrĩdi ããrĩmĩ. Irikũ bojori pũrũ Sinaĩ wãĩkũdi ũtãũ pũro, masaka marĩrõgue waadi ããrĩmĩ. Irogue sugũ yukũgã dũpũri watopegue peame ũjũmakũ ĩãdi ããrĩmĩ. Marĩpũre wereboegũ iri peame ũjũrĩ pũrã dekogue deyoadi ããrĩmĩ ĩgũrẽ. ³¹ Moisés iri peame ũjũmakũ ĩãgũ, ĩãgũkakõãdi ããrĩmĩ. “¿Naásũ waari?” ãrĩ, iri yukũgã pũrogãgue ĩãgũ waagũ, marĩ Opũ ãsũ ãrĩ werenĩmakũ pẽdi ããrĩmĩ: ³² “Yũ, mũ ñekũsãmarã: Abraham, Isaac, Jacob Opũ ããrã”, ãrĩdi ããrĩmĩ. ĩgũ irasũ ãrĩmakũ pẽgũ, bũro gũi narada, neõ ĩãnemodũabiridi ããrĩmĩ. ³³ Marĩpũ ĩgũrẽ: “Yũ pũrota nĩa mũ. Irasirigũ mũya gubu surĩre túweaka, yũre bũremurĩrẽ ĩmubu. ³⁴ Yaarã Egiptogue ããrĩrãrẽ bũro poyamakũ ĩãa. ĩgũsã bũro bũjawereri merã gaguinĩmakũ pẽa. Irasirigũ ĩgũsãrẽ taubu dijjabũ. Irasirigũ murẽ Egiptogueta iriugũra ĩgũsãrẽ iritamudoregũ”, ãrĩ weredi ããrĩmĩ Marĩpũ Moisére.

³⁵ ĩĩ Moiséreta marĩ ñekũsãmarã ĩgũrẽ gããmemerã: “¿Noã murẽ gua opũ, gũare dorebu ããrĩburo’, ãrĩ sóoari?” ãrĩnerã ããrĩmã. Marĩpũ gapũ ĩgũrẽ: “Ĩgũsã opũ rĩgũra murẽ”, ãrĩ, ĩgũrẽ iriudi ããrĩmĩ ĩgũsãrẽ taudoregũ. Marĩpũ ĩgũrẽ wereboegũ yukũgã dũpũri watopegue peame ũjũderogue deyoadi merã ĩgũrẽ iriudi ããrĩmĩ. ³⁶ Irasirigũ Moisés Egiptogue eja, Marĩpũ turaro merã wãri iri ĩmurĩrẽ iridi ããrĩmĩ. Pũrũ marĩ ñekũsãmarãrẽ Egiptogue ããrãnerãrẽ siuwãgã, wãdiya deko diadiyague eja, Marĩpũ turaro merã irasũta iridi ããrĩmĩ doja. Pũrũ cuarenta bojorigora masaka marĩrõgue ĩgũsã waagorenamakũdere, irasũta iridi ããrĩmĩ doja. ³⁷ Moiséta marĩ ñekũsãmarã Israel bumarãrẽ ãsũ ãrĩ weredi ããrĩmĩ: “Pũrũgue marĩyagũre Marĩpũ iriugũkumi ĩgũya kerere werebure. Yũre ĩgũ iriuderosũta ĩgũdere iriugũkumi. ĩgũ wererire õãrõ pẽduripĩka!” ãrĩ weredi ããrĩmĩ. ³⁸ Marĩ ñekũsãmarã masaka marĩrõgue nerẽmakũ, Moisés ĩgũsã merã ããrĩdi ããrĩmĩ. Irogue Sinaĩ wãĩkũdi ũtãũgue Marĩpũre wereboegũ ĩgũrẽ weredi ããrĩmĩ. ĩgũ irasũ weremakũ pẽadeare Moisés marĩ ñekũsãmarãrẽ weretaudi ããrĩmĩ. Marĩ irire pẽmakũ, Marĩpũ marĩrẽ ĩgũ merã õãrõ ããrĩmakũ yãmi. Iri neõ perebirikoa.

³⁹ Moisés irire werekeremakũ, marĩ ñekũsãmarã gapũ neõ bũremubirinerã ããrĩmã. ĩgũdere bũremubiri: “Egiptogue dujãakõãrã”, ãrĩ gũñanerã ããrĩmã. ⁴⁰ Irasirirã Moisés ũtãũgue ããrĩripoe ĩgũ tĩgũ Aarõrẽ: “Marĩrẽ Egiptogue ããrĩrãrẽ ãrĩdi, ¿naásũ waayuri? Marĩ neõ masĩbea”, ãrĩnerã ããrĩmã. Irasirirã Aarõrẽ: “Keori weabosaka gũare! I keori weadea merã kõãdupiyurãkoa, marĩ waaburi maarẽ ĩmuburo, ãrĩrã”, ãrĩnerã ããrĩmã. ⁴¹ Irasũ ãrĩ odo, sugũ wekũ majĩgũ keori oro merã weanerã ããrĩmã. Pũrũ ĩgũsãyarã waimũrã ejorãrẽ wẽjẽ, soepeerã ããrĩmã iri weadeare bũremurã. Pũrũ irire usũyari merã ĩãrã, bosenu irinũgãnerã ããrĩmã. ⁴² ĩgũsã weadeare bũremumakũ ĩãgũ, Marĩpũ ĩgũsãrẽ béodi ããrĩmĩ, ĩgũsã gããmerõ iriburo, ãrĩgũ. Irasirirã neñukãrẽ, abeare bũremunũgãnerã ããrĩmã. Marĩpũya kerere weredupiyunerã ãsũ ãrĩ gojanerã ããrĩmã Marĩpũ ãrĩdeare gojarã:

Mũsã, Israel bumarã masaka marĩrõgue cuarenta bojori ããrĩrã, yũ gapũre mũsãyarãrẽ waimũrã ejorãrẽ wẽjẽ soepeo bũremubiribũ.

43 Irasirirā mūsā Moloc wāikugū keorire b̄remurā, ĩgūrē b̄remurī wiire, mūsā surí gasiri merā iridea wiire kōāgorenabū.

Gajigū Refán wāikugū neñukāmū keori mūsā weadeadere b̄remubū. Mūsā iri keorire weabū b̄remuduarā. Irasirigū, mūsā yare b̄remubiridea waja mūsārē Babilonia wāikuro koregue béogura, ārī gojanerā āārīmá.✠

44 Irasū ārī odo, Esteban oparārē Marīp̄uya wiima gapure wereyupū doja:

–Marī ñekūsāmarā masaka marīrōgue āārīrā, Marīp̄ure b̄remurī wii, waimurā gasiri merā ĩgūsā iridea wiire opanerā āārīmá. Iri wiiguere Marīp̄u pe mojōma doreri gojadea majī ūtā majī āārīdero āārībú. ĩgūsā iri wiire iriburo dupiyuro Marīp̄u Moisére iri wii keorire: “Āsūpero irika!” ārīdi āārīmí. Irasirirā marī ñekūsāmarā iri wiire Marīp̄u dorederosūta keoro irinerā āārīmá. 45 ĩgūsā boadero purū, ĩgūsā purū marā iri wiire opaturianerā āārīmá. Purū Josué ĩgūsārē siiuwāgāmākū, iri wiire ĩgūsā noó waarō āāñanerā āārīmá. ĩgūsā oōgue ejamakū, Marīp̄u i nikū marārē judío masaka āārībirinerārē béokōādi āārīmí. Yoaripoe marī ñekūsāmarā Marīp̄ure iri wiigūe b̄remunerā āārīmá. David opu ñajādero puruguedere opanerā āārīmá. 46 Marīp̄u Davire ĩgū ĩūrō oārō iridire usuyari merā ĩādi āārīmí. Irasirigū David Marīp̄ure āsū ārīdi āārīmí: “Gū ñekū Jacob b̄remudi āārā mū. Irasirigū yū mūrē wári wii mū āārīburi wiire iribosasi”, ārīdi āārīmí. ĩgū irasiridukeregū, iri wiire iribiridi āārīmí. 47 ĩgū magū Salomón gapū iri wiire iridi āārīmí pama. 48 Irasirikeremakū, Marīp̄u gapū āārīpererārē doregū āārīsīā, masaka iridea wiirigue dita āārībemi. Iripoegue ĩgūya kerere weredupiyudi āsū ārī gojadi āārīmí Marīp̄u ārīdeare gojagū:

49 Yū, āārīpererā Opū āārā. Ūmugasi yū doaro irirosū āārā. I nikū yaa guburi kuraña doanírō irirosū āārā. Irasirirā, yū āārīburi wiire irimasībea mūsā.

50 Yūta āārīpererire iribū, ārīmi Marīp̄u, ārī gojasūdero āārībú.✠

51 Esteban irasū ārī odo, āsū ārī werenemoyupū doja:

–Mūsā Marīp̄u dorerire tarinugāa. ĩgūrē masīmerā irirosū ĩgū wererire neō péduabea. Ōāgū deyomarīgū dorerire neō iridubea. Marī ñekūsāmarā iriderosūta iririkukōāa. 52 ĩgūsā āārīpererā Marīp̄uya kerere weredupiyunerārē ñerō waamakū irinerā āārīmá. Gajirārē: “Jesús marīrē taubu, Marīp̄u doreri iribu aarigukumi”, ārī wererārē wējēnerā āārīmá. ĩgūrēta ĩgū ejadero purū, mūsā gapū ñeā, gajirārē wia wējēdorebū. 53 Marīp̄u ĩgūrē wereboerā merā ĩgū dorerire marī ñekūsāmarārē pikeremakū, mūsā irire b̄uro tarinugāa, ārī wereyupū Esteban oparārē.

Estebārē wējēdea

54 ĩgū irasū ārīmakū pérā, b̄uro guari merā ĩgūsāya guikare kūrīduútúnurā.

55 Esteban gapū Ōāgū deyomarīgūrē opatariyupū. Ūmugasigue ĩāmu, Marīp̄u gosesiririre ĩāyupū. Marīp̄u diaye gapū Jesús nímakū ĩāyupū. 56 Esteban ĩgūrē ĩāgū: “ĩāka!” ārīyupū. “Ūmugasi tūpāmākū ĩāa. Jesús āārīpererā tīgū Marīp̄u diaye gapū nímakū ĩāa yū”, ārīyupū oparārē.

57-58 ĩgū irasū ārīmakū péduamerā, b̄uro gaguiní, ĩgūsāya gāmpūrīrē biañurā. Suro merā ūmawāgā, ĩgūrē ñeā, iri makā turogue āāññurā. ĩgūsāya surí wekamarē túwea pí, sugū maamū Saulo wāikugure irire koredoreñurā. Odo, Estebārē ūtāyeri merā dea wējēñurā.

59 ĩgūsā irasirimakū, Esteban āsū ārī sērēyupū:

—Jesús yu Opu, yu kōmomakū, yaa yujupūrārē ñeāka! ārīyupu. ⁶⁰ Pupu ĩgūya ñadukupuri merā ejamejāja, buro gaguinírī merā:

—Yu Opu, kātika, ñsārē yure ĩgūsā irasiririre, ārīyupu. Irasū ārī, kōmoakōāyupu pama.

8

Saulo Jesúre buremurārē ñerō iridea

¹ Saulo ĩgūsā Estebārē dea wējēmakū ĩāgū: “Ōārō irirā irasū yáma”, ārī gūñayupu. Irinata Jesúre buremumerā ĩgūrē buremurārē Jerusalēgue āārīrārē ñerō irinugāñurā. Irasirimakū ĩā, Jesúre buremurā gapu āārīpererā Judea nikūgue, Samaria nikūgue waasiriakōāñurā. Jesús buedoregu beyenerā dita Jerusalēguere dujañurā. Gajirogue waabiriñurā. ² Gajirā ũma Marīpue buremurā Estebāya dupure yáarā, buro ore bujawereñurā. ³ Saulo gapu neō sugu Jesúre buremugū marīkōāburo, ārīgū, Jesúre buremurāya wiirigue ñajāa, ũmarē, nomedere ñeā, peresu iribu āñanayupu.

Felipe Samaria marārē buedea

⁴ ĩgū irasirimakū, Jesúre buremurā Jerusalērē wirirā, noó ĩgūsā waaró Marīpu masakare tauri kerere werenañurā. ⁵ Felipe wāikugu Samaria nikū āārīrī makāgue waa, iroque eja, iro marārē Jesucristoya kerere werenayupu. ⁶ ĩgū iri kerere weremakū pérā, ĩgū Marīpu turaro merā iri ĩmumakū ĩārā, ĩgū puro nerēnañurā ĩgū wererire ōārō pémurā. ⁷ Wárā wātēa ñajāsūnerārē tauyupu. Wātēa gapu ĩgūsāguere āārīnerā buro gaguinírī merā wiriñurā. Wárā dupu buarārē, waamasīmerādere tauyupu. ⁸ Irasirimakū ĩārā, iri makā marā buro usuyañurā.

⁹ Iri makārē sugu Simón wāikugu yé āārīyupu. ĩgū yoaripoe yéa iririkurire irigorenamakū ĩārā, Samaria marā ĩāgukanokōāñurā. “Yu masītarinugāgū āārā”, ārī werenayupu ĩgūsārē. ¹⁰ Irasirirā āārīpererā iri makā marā oparā, oparā āārīmerāde ĩgūrē: “Ī ĩmugasigue marā Opu irirosū turari opagu āārīkumi”, ārī gūñadiñurā.

¹¹ ĩgū sōo gapu merā wári yéa iririkurire irimakū ĩārā, wárā masaka ĩgūrē buremuñurā. ¹² Felipe gapu Samaria marārē: “Marīpu āārīpererā Opu āārīmi. ĩgū magū Jesucristo marīrē taugu āārīmi”, ārī wereyupu. ũma, nome, ĩgū wererire pé buremumakū ĩāgū, ĩgūsārē deko merā wāiyeyupu. ¹³ Simōde Jesúre: “Buremua yu”, ārīmakū pégu, Felipe ĩgūdere wāiyeyupu. Pupu Felipe merā waagorenayupu. Felipe Marīpu turaro merā iri ĩmumakū ĩāgū, ĩāgukanokōāyupu.

¹⁴ Jesús buedoregu beyenerā Jerusalēgue āārīrā: “Samaria marā Marīpuyare ōārō buremunugāñurā”, ārīrī kerere pérā, Pedro, Juārē ĩādorera iriñurā. ¹⁵ Iroque ejarā, Jesúre buremurārē Marīpue sērēbosañurā, Ōāgū deyomarīgūrē bokatīrīñeāburo, ārīrā. ¹⁶ ĩgūsā marī Opu Jesúre buremunugādero puru, ĩgū wāi merā dita wāiyesūñurā. Ōāgū deyomarīgū ĩgūsārē ejabiriyupu dapa. ¹⁷ Irasirirā Pedrosā ĩgūsāya mojōrī merā Jesúre buremunugānerāya dipu weka ñapeoñurā. ĩgūsā ñapeomakū, Ōāgū deyomarīgū ĩgūsāguere ejayupu.

¹⁸ Pedrosā ñapeomakū, Ōāgū deyomarīgū ejamakū ĩāgū, Simón gapu ĩgūsā turarire gāāmegū, niyeru merā wajaridūadiyupu. Āsū ārīyupu:

¹⁹ —Iri turarire sīka yudere! Yu ñapeorāguere Ōāgū deyomarīgū ejamakū iridūakoa, ārīyupu.

²⁰ ĩgū irasū ārīmakū, Pedro ĩgūrē yujuyupu:

—M_u Marīp_u turari sīrīrē: “Niyeru merā wajarig_ukoa” ārī gūñarī waja, m_uya niyeru, m_u merāta béosūrokoa. ²¹ Marīp_u iūrōrē m_u gūñarī diaye āārībea. Irasirig_u g_ua irirosū irimasībirikoa. ²²⁻²³ M_u ñerō iririre iripautariadi āārā. Irasirig_u m_u ñerō iririre b_ujawere, m_u gūñarīrē gorawayuka! Marīp_ure sērēka, m_u ñerō gūñarīrē kātiburo, ārīg_u. Gajipoe irig_u irire kātibukumi m_u ĩgūrē sērēmakū, ārīyup_u.

²⁴ Irasū ārīmakū pég_u, Simón ĩgūsārē ārīyup_u:

—M_usā Marīp_ure sērēbosaka, y_ure m_usā ārādea waabirikōāburo, ārīrā, ārīyup_u.

²⁵ Pedrosā, Jesús irimakū ĩādeare, ĩg_u buemakū pédeare iri makā marārē were odo, Jerusalēgue goedujáañurā. Goedujáarā, wárā masakare Samaria nikū āārīrī makārī marādere Jesúya kerere werewāgāñurā.

Felipe Etiopíamurē weredea

²⁶ P_ur_u sug_u Marīp_ure wereboeg_u Felipere āsū ārīyup_u:

—Jerusalén merā āārīnugāwāgārī maa, Gaza wāik_uri makā buari maague waaka! Iri maa masaka marīrōgue āārīwāgāa, ārīyup_u.

²⁷ ĩg_u irasū ārīmakū pé, Felipe iri maague buag_u, sug_u Etiopíamurē boka-jayup_u. ĩg_u iri nikū marā opo dokam_u, āārīpereri igoya niyerure korerimasū āārīyup_u. ĩg_u Jerusalēgue Marīp_ure buremug_u ejadi āārīyup_u. ²⁸ Irogue ejadi ĩg_uya nikūgue goedujáagu, ĩg_uya tūrūdiru caballua tūādiru wekague doagu, Isaías Marīp_uya kerere weredupiyudi gojadea pūrē bueg_u iriyup_u. ²⁹ ĩg_u bueripoe Ōāg_u deyomarīg_u Felipere:

—Iriru p_uroweya waaka! ārīyup_u.

³⁰ ĩg_u irasū ārīmakū pé, Felipe iriru p_uro ũmawāgā, Etiopíamu Isaías gojadea pūrē buemakū péyup_u. ĩg_u irire buemakū pég_u:

—¿M_u buerire pémasīrī? ārī sērēñayup_u.

³¹ ĩg_u gap_u y_uñyup_u:

—¿Nasiri pémasībukuri, y_u gajig_u y_ure i irasū ārīduaro yáa, ārīg_u marīkeremakū? M_urīñajāka, irire y_ure buebu, ārīyup_u Felipere.

³² ĩg_u bueri āsū ārīyuro:

Ovejare ñeā wējēderosūta ĩg_udere ñeā wējērākuma. Oveja majīgūrē ĩg_uya poarire ĩg_usā peramakū, ĩg_u gaguinībiriderosūta ĩi masakude gaguinībirikumi.

³³ Masaka ĩgūrē buridarākuma. ĩg_u ñerō iribirikeremakū, neō sug_u ĩgūrē: “Waja opabemi”, ārībirikuma.

Irasirirā, ĩg_u i nikūgue āārīripoe ĩg_uya nikū marā ĩgūrē ñerō iri, wējērākuma. ĩg_usā ñerō irideare neō sug_u werepeomasībirikumi, ārī gojadea āārīyuro.*

³⁴ Irire bue odo, Felipere sērēñayup_u:

—Wereka y_ure! ¿Noārē gojagu iriyuri Isaías, ĩg_u basi, o gajig_uguere?

³⁵ Felipe āsū ārī y_uñyup_u ĩgūrē:

—Iri Jesúre ārī gojadea āārā, ārīyup_u. Irasirig_u Jesúyare ĩg_u òārō iridea kerere wereyup_u ĩgūrē. ³⁶ Irasū wereniwāgārā, ditarugue ejañurā. Iri ditarure ĩāg_u, Etiopíamu Felipere:

—Īāka! Deko āārā. ¿M_u y_ure wāiyemakū òāgorabukuri? ārīyup_u.

³⁷ Felipe gap_u ĩgūrē:

—M_u Jesucristore òārō buremumakū, murē deko merā wāiyeg_ura, ārīyup_u. Etiopíamu ĩgūrē ārīyup_u doja:

* 8:33 Is 53.7-8

—Jesucristore buremua yu. Īgūta Marīpu magū āārīmi, āriyupu.

³⁸ Irasirigu Etiopíamu Īgūya tūrūdiru wejatugure dujupídore, Īgūsā pērā dijinugā, ditarugue ñumuwija, Felipe Īgūrē deko merā wāiyeyupu. ³⁹ Īgūrē wāiye odo, ñumuwāgāriripoe gūñaña marīrō merā Ōāgū deyomarīgū Felipere gajirogue āīākōāyupu. Etiopíamu Īgūrē dupaturi ĩānemobirikeregu, Īgūrē waadeare gūña, buro usuyari merā Īgūya makāgue dujáakōāyupu. ⁴⁰ Felipe gapu Ōāgū deyomarīgū Īgūrē āiadero puru, Azote wāikuri makāgue ejayupu. Irogue eja, makārīku Jesúya kerere weregorenagū, Cesarea wāikuri makāgue weretūnujayupu.

9

Saulo Jesúre buremunugādea (Hch 22.6-16; 26.12-18)

¹ Felipe buegorenaripoe Saulo gapu Jesúre buremurārē ĩaturigu: “Wējēpeokōāgura”, ārīrīrē piribirisā, paía opu purogue waa, āsū āriyupu:

²—Yure papera pū amubosaka, Damascogue waaburire. Iri pūrē marī nerērī wiiri marā oparārē wiabu yáa. Iri makā marā Jesúre buremurārē ūma, nomerē, noó yu bokajarārē ñeā āirigura Jerusalēgue peresu iribu, ārī sērēyupu Saulo paía opure. ³ Iri pūrē sīadero puru, Saulo gajirā merā Damascogue waakōāyupu. Īgū iri makā ejabu iriripoe gūñaña marīrō ūmugasigue merā buro kūmijūrō Īgū purore gosesiridijuyuro. ⁴ Irasū waamakū, Saulo yebague meémejāgū, āsū ārī werenímakū péyupu:

—Saulo, ¿nasirigu yure ñerō yári mu?

⁵ Īgū irasū ārīmakū pégu: “¿Noā āārīrī mu?” āriyupu.

—Yu Jesús, mu ñerō iriguta āārā. Mu yure ñerō irigu, mu basita ñerō yáa, āriyupu.

⁶ Īgū irasū ārīmakū, Saulo buro güi naradari merā:

—Yu Opu, ¿naásūpero gapu yu irimakū gāāmerī? āriyupu.

Īgū irasū ārīmakū, Īgūrē:

—Wāgānugā, makāgue waaka! Irogue sugu yu mūrē iridoreburire weregukumi, āriyupu Jesús Saulore.

⁷ Saulo merā waanerāde Jesús werenírīrē pérā gaka, werenímasībiriñurā. Irire pékererā, Jesús gapure neō ĩābiriñurā. ⁸ Saulo yebague oyadi wāgānugāja, ĩāpāgū, neō ĩābiriñurā. Irasirirā Īgū merāmarā Īgūrē tūāwāgāñurā Damascogue waarā. ⁹ Irogue eja, urenugora koye ĩābiri, neō baabiri, iiribiri iriyupu.

¹⁰ Damascoguere sugu Jesúre buremugū Ananías wāikugu āārīyupu. Kērō irirosūgue Jesús Īgūrē wereníyupu:

—¿Ananías, āārīrī mu?

—Yu Opu, oōta āārā, ārī yujyupu.

¹¹ Īgū irasū ārīmakū, Jesús Īgūrē:

—Wāgānugāka! “Diyema maa” wāikuri maague waaka! Iri maague waagú, Judaya wiigue ñajāa, sugu Tarsomūrē Saulo wāikugure sērēñaka! Dapagorare Īgū yure sērēgū yámi. ¹² Īgūdere neāgue kērō irirosū āārīrī merā ĩmuabu. Mu Īgū puru ñajāa, Īgūya dipurure ñapeori merā dupaturi Īgūya koye ĩāburire ĩmuabu. Mu wāidere ĩmuabu Īgūrē, āriyupu Jesús Ananíare.

¹³ Īgū irasū ārīmakū pégu, āsū āriyupu:

—Yu Opu, Īgū mūrē buremurārē Jerusalēgue āārīrārē ñerō iriadeare wārā masaka yure wereama. ¹⁴ I makā marādere mūrē buremurārē āārīpererā mu wāi merā Marīpure sērērārē peresu iribu, paía oparā: “Āsū irika!” ārī iriudea pū merā ejāayupu, ārī wereyupu.

15 Īgũ irasũ ārīkeremakũ, Jesús gapu:

–Īgũ purogue waaka! Īgũ yu beyesũdi āārĩmi. Irasirigu yaa kerere gaji nikũ marārē, Īgũsā oparārē, Israel bumarādere weregukumi. 16 Irire weregorenagũ, buro ñerō tarigukumi. Yu basi Īgũrē weregura, ārĩyupu.

17 Īgũ irasũ ārĩmakũ pé, Ananías Judaya wiigüe waa, iri wiigüe ñajãa, Saulore bokaja, Īgũya dipurure ñapeo, āsũ ārĩyupu:

–Yaagu Saulo, péka yure! Marĩ Opu Jesúta murē maague deyoadi yure iriuami, murē dupaturi koye iāburo, ārĩgũ. Ōāgũ deyomarĩgũdere opatariburo, ārĩgũ, iriuami, ārĩyupu.

18 Īgũ irasũ ārĩripoeta Sauloya koyeguere waaĩ natũrĩ irirosũ deyori tuyadea yurisiridijakōāyuro. Ōārō iākōāyupu doja. Irasirigu wāgānugã, deko merã wāĩyesũadi dujayupu. 19 Puru baa, turakōāyupu. Iri makāguere yoaweyaripoe Jesúre buremurã merã dujayupu dapa.

Saulo Damasco marārē Jesúyare buenugãdea

20 Iro āārĩgũ, judío masaka nerērĩ wiirigüe waa, iroguē āārĩrārē: “Jesús, Marĩpu magũ āārĩmi”, ārĩ werenayupu. 21 Īgũ weremakũ pérã, āārĩpererã péguka, Īgũsā basi āsũ ārĩ gãme werenĩñurã:

–Ĩ Jerusalēgue Jesúre buremurārē Īgũ wãĩ merã Marĩpũre sērērārē wējēdoredita āārĩmi. Dapagorare i makāguedere ōō marārē Jesúre buremurārē ñeāgũ aarigũ iriañumi Jerusalēgue ãã, paía oparāguere wiabu, ārĩñurã.

22 Īgũsā irasũ ārīkeremakũ, Saulo gapu umariku judío masakare, Damascogue āārĩrārē gũiro marĩrō ōārō merã: “Jesús diayeta Marĩpu iriudi, Cristo āārĩmi”, ārĩ werenayupu. Īgũ irasũ ārĩ weremakũ pérã, Īgũrē: “Ārĩkatogu yámi ĩ”, ārĩmasĩbiriñurã.

Saulo judío masakare duriwāngãdea

23 Yoadero puru, surāyeri judío masaka Saulore Īgũsā wējēburire werenĩmurã nerēñurã. 24 Irasirirã umariku, ñamariku makã turo Īgũsā utã koeri merã weadea sārĩrō makāpurore koreñañurã Īgũrē wējēduarã. Saulo gapu Īgũsā Īgũrē wējēduarire masĩkōāyupu. 25 Irasirirã su ñami Jesúre buremurã wári puui merã Īgũrē iri sārĩrōma gobegüe yótaudijuñurã. Āsũ irisã, Saulo iri makārē wiriyupu.

Saulo Jerusalēgue goedujáadea

26 Puru Jerusalēgue goedujayupu doja. Iroguē ejagu, Jesúre buremurã merã āārĩduadiyupu. Īgũsā gapu Īgũrē gũigorañurã. “Jesúre buremugũ āārĩbemi ĩ”, ārĩñurã. 27 Īgũsā irasirimakũ iāgũ, Bernabé gapu Saulore Jesús buedoregu beyenerã puro āāyupu. Iroguē eja, Īgũsārē Saulo maague waagũ Īgũ Jesúre iādeare, Jesús Īgũ merã wereniadeare, Īgũ Damascogue Jesúya kerere gũiro marĩrō merã wereadeadere Īgũsārē wereyupu. 28-29 Īgũ irasũ ārĩ wereadero puru, Saulo Īgũsā merã āārĩnugāyupu. Irasirigu Īgũsā merã Jerusalēgue gũiro marĩrō marĩ Opu Jesúya kerere weregorenayupu. Iri kerere weregorenagũ, surāyeri judío masaka, griego ya merã werenirārē were, Īgũsā merã gãme wereniyupu. Īgũsā gapu Īgũ wererire péduabirisã, Īgũrē wējēduadiñurã. 30 Irasirirã Īgũsā wējēduamakũ iārã, Jesúre buremurã gapu Īgũrē Cesarea wāĩkuri makāguē ãã, iroguē eja, Īgũya makã Tarsogue iriukōāñurã pama.

31 Īgũ iroguē waadero puru, āārĩpererã Jesúre buremurã Judea marã, Galilea marã, Samaria marã siñajãrĩ merã dujañurã. Ōāgũ deyomarĩgũ iritamurō merã buremunemoñurã. Jesúyare goepeyari merã iritayañurã. Gajirã wárã Īgũrē buremunugãñurã.

Pedro Enearē taudea

³² Pedro āārīpereri makārī marārē Jesúre b̄remurārē iāgorenagū waagú, Lida wāīkuri makāguedere ejayup̄. ³³ Irogue eja, suḡ Eneas wāīkuḡure bokajayup̄. Su mojōma pere gaji mojō ɱreru p̄rēbejari bojorigora īgūya wiiguere d̄p̄ b̄adi peyayup̄. ³⁴ Pedro īgūrē ārīyup̄:

–Eneas, Jesucristo ɱrē tauḡakumi. Wāgānugā, ɱ peyaderore āmu durip̄ka!

Īgū irasū ārīmakūta, Eneas wāgānugākōāyup̄. ³⁵ Āārīpererā Lida marā, Sarón marāde īgūrē iārā, iripoegue īgūsā b̄remunadeare piri, Jesús gar̄re b̄remunugāñurā.

Pedro Dorcare masūdea

³⁶ Gaji makā Jope wāīkuri makāgue sugo nomeō Jesúre b̄remugō “Tabita” wāīkugo āārīyup̄. Griego ya merā “Dorcas” wāīkuyup̄. Igo ōārīrē irigo, boporārē ōārō iritamugō āārīyup̄. ³⁷ Iripoere Pedro Lidague āārīripoe igo p̄rīrik̄ kōmoakōāyup̄. Igo kōmoadero p̄r̄, īgūsā irinaderosūta igo merāmarā igoya d̄p̄ darore koeñurā. Koe odo, ūmarōma taribugue p̄ñurā. ³⁸ Jope, Lida p̄rogā āārīyuro. Irasirirā Jope marā Jesúre b̄remurā Pedro Lidague āārīmakū p̄rā, ūma p̄rārē īgū p̄rogue iriñurā. Irogue ejarā, īgūrē:

–Mumurō merā Jopegue waaka! ārīñurā.

³⁹ Īgūsā irasū ārīmakū p̄ḡ, mata Pedro īgūsā merā Jopegue waayup̄. Irogue ejarā, īgūrē Dorcas boadeo peyari taribugue siiu ɱrīñurā. Īgū iri taribugue ejamakū, wapiweyarā nome Pedro p̄ro nerēnugāñurā. Orerāta, igo īgūsārē surī eabosadeare īmuñurā īgūrē. ⁴⁰ Pedro iri taribugue āārīrārē āārīpererārē wiriadoreyup̄. Īgūsā wiriadero p̄r̄, ñadukupuri merā ejamejāja, Marīp̄re s̄r̄eyup̄. S̄rē odo, boadeore gāmenugā iā:

–Tabita, wāgānugāka! ārīyup̄.

Īgū irasū ārīmakūta, koye iāpā, Pedrorē iāgōta wāgādoayup̄. ⁴¹ Pedro igoya mojōgue ñeā, tūāwāgūnū, p̄r̄ wapiweyarā nomerē gajirā Jesúre b̄remurādere siiumu, īgūsārē wiayup̄ igore. ⁴² Āārīpererā Jope marā igore īgū masūdea kerere p̄p̄reakōñurā. Irasirirā wārā Jesúre b̄remunugāñurā. ⁴³ Pedro yoaripoe Jopeguere suḡ Simón wāīkuḡ, waimurā gasirire āmurīmasūya wiiguere āārīyup̄.

10*Cornelio Pedrorē siiudoredea*

¹ Cesareaguere Cornelio wāīkuḡ wārā surara, “Italiano” wāīkuri bumarā op̄ āārīyup̄. ² Cornelio, āārīpererā īgūya wii marā merā Marīp̄re goepeyari merā b̄remuñurā. Irasiriḡ judío masaka boporārē iritamugū wari niyeru sīnayup̄. Ɛɱr̄rik̄ Marīp̄re s̄r̄enayup̄. ³ Sun̄ ñamika tres āārīmakū, k̄rō irirosūgue suḡ Marīp̄re wereboeḡ deyoa, īgū p̄ro ñajāmakū iāyup̄. Ñajāa, īgūrē:

–Cornelio, ārīyup̄.

⁴ Cornelio b̄ro güiri merā īgū ditare iā:

–Ȳ Op̄, ¿ñeēnorē gāāmerī? ārīyup̄.

Īgū irasū ārīmakū, Marīp̄re wereboeḡ īgūrē ārīyup̄:

–Marīp̄ ɱ s̄r̄erīrē p̄emi. ɱ boporārē niyeru s̄r̄idere iāmi. ⁵ Irasiriḡ Simón Pedro wāīkuḡre siiudoreḡ, Jopegue iriuka ɱyarā ūmarē! ⁶ Īgū gajiḡ Simón wāīkuḡ waimurā gasirire āmurīmasūya wiiguere āārīmi. Iri wii wādiya t̄ro āārā, ārīyup̄.

⁷ Marĩpũre wereboegu irasũ arĩ odo, waadero pũrũ, Cornelio ĩgũrẽ moãboerã pẽrãrẽ, gajigu surara ĩgũrẽ iritamugũrẽ Marĩpũre goepeyari merã bũremugũrẽ siiuyupũ. ⁸ ĩgũsãrẽ siiu, ãarĩpereri Marĩpũre wereboegu ĩgũrẽ wereadeare wereyupũ. Were odo, ĩgũsãrẽ Jopegue iriukõãyupũ.

⁹ ĩgũsã waadeanũ gajinũ gapũ goeripoe ãarĩmakũ, Jopegue ejamurã iriripoe Pedro ĩgũ ãarĩrĩ wii wekague Marĩpũre sêrẽgũ murĩayupũ. ¹⁰ ĩgũ irogue ãarĩgũ bũro ɥaboa, baadũadiyupũ. Iri wii marã ĩgũsã baari ãmuripoe kẽrõ irirosũ waasũ, ɥmũgasi tũpãmakũ ĩãyupũ. ¹¹ Irasũ tũpãmakũ, suñe surĩro irirosũ deyori gasiro wapikũri tũrori sũadea gasiro miẽ, yebague دچارimakũ ĩãyupũ. ¹² Iri gasiro poekaguere ãarĩpererã waimurã: paarã, yebague sĩgũwãgãrã, wãrã sãñañurã. ¹³ Marĩpũ ĩgũrẽ:

—Pedro, wãgãnũgã, ĩsãrẽ wẽjẽ baaka! arĩyupũ.

¹⁴ ĩgũ irasũ arĩmakũ:

—Yũ Opũ, yũ ĩgũsãnorẽ neõ baañabea. Ñerãrẽ, mũ gũare baadorebirinerãrẽ neõ baabea, arĩyupũ.

¹⁵ Marĩpũ ĩgũrẽ dupaturi arĩnemoyupũ doja:

—Yũ: “Õãrã ãarĩma”, arĩrãrẽ, ĩgũsãrẽ: “Ñerã, baaya marĩrã ãarĩma”, arĩbirikõãka! ¹⁶ Ƴrea ĩgũrẽ irire ĩmuadero pũrũ, iri gasirore ɥmũgasigue ãimurĩãkõãyupũ doja. ¹⁷ Pedro: “¿Naásũ arĩdũaro irikuri iri yũre ĩmuadea?” arĩ gũñarikipoe Cornelio iriuanerã ĩgũ ãarĩrĩ wii makãpũro: “¿Simõya wii noogue ãarĩrĩ?” arĩ sêrẽñarã ejañurã. ¹⁸ Irogue eja, iri wii marãrẽ: “¿Õõta ãarĩrĩ, Simón Pedro wãikũgu?” arĩ oeñurã. ¹⁹ Pedro ĩgũ ĩãdeare gũñagũ iriyupũ dapa. ĩgũ irire gũñaripoe Õãgũ deyomarĩgũ ĩgũrẽ:

—Īãka! Ƴma ɥrerã ãmarã yãma murẽ. ²⁰ Murĩgora dijapurumuka! “¿Naásũ waarokuri yũre?” arĩ, neõ gũñarikũro marĩrõ ĩgũsã merã waaka! Yũ ĩgũsãrẽ iriuabũ murẽ, arĩyupũ Pedrore.

²¹ ĩgũ irasũ arĩmakũ pẽgu, Pedro dija, ĩgũsãrẽ:

—Yũta ããrã mũsã ãmagũ. ¿Nasirirã aarari? arĩyupũ.

²² ĩgũsã ĩgũrẽ arĩñurã:

—Surara opũ Cornelio wãikũgu gũare iriuami. ĩgũ õãrĩrẽ irigu, Marĩpũre goepeyari merã bũremugũ ãarĩmi. ãarĩpererã judío masaka ĩgũrẽ: “Õãgũ ãarĩmi”, arĩ ĩãma. Sugũ Marĩpũre wereboegu murẽ ĩgũya wiigue waadoregũ siiudoreayupũ. Mũ ĩgũ pũro waamakũ, mũ wererire pẽgũkumi. Irasirirã murẽ siiurã aarirã iriabu, arĩñurã.

²³ ĩgũsã irasũ arĩmakũ pẽgu, Pedro: “Ñajãrika! Õõ kãrĩka dapagã ñamirẽ!” arĩyupũ. Gajinũ gapũ ĩgũsã merã waakõãyupũ. Gajirãde Jope marã Jesũre bũremurã ĩgũsã merã wapikũwãgãñurã.

²⁴ Gajinũ gapũ Cesareaguere ejañurã. Cornelio gapũ, ĩgũyarãrẽ, ĩgũ merãmarãdere ĩgũya wiigue siiu neõ, Pedrore yũyupũ. ²⁵ Pedro ĩgũya wii ejamakũ, Cornelio makãpũrogue bokatĩrĩgũ wiria, ñadũkũpuri merã ejamejãyupũ ĩgũrẽ bũremugũ. ²⁶ ĩgũ irasirimakũ ĩã, Pedro gapũ ĩgũrẽ tũãwãgũnũ:

—Wãgãnũgãka! Yũde mũ irirosũta masakũ ããrã, arĩyupũ.

²⁷ ĩgũya wiigue weretamu ñajãrã, Pedro wãrã masaka irogue nerẽanerãrẽ bokajayupũ. ²⁸ Irasũ bokajagũ, ĩgũsãrẽ arĩyupũ:

—Gũa judío masaka ãarĩrã, judío masaka ãarĩmerãya wiiriguere ñajãrã, Moisés gũare pídeare tarinũgãbukoa. Mũsã irire õãrõ masã. Marĩpũ gapũ gajĩ bumarãrẽ: “Ñerã ãarĩma”, arĩdorebirami yũre. ²⁹ Irasirigũ mũ iriuanerã yũre

siurimakū, “Waabea”, ārīrō marīrō mata aarabū. Dapagora yū òōgue ejasīā, musārē: “¿Nasiribu yure siuari?” ārī sērēñaduakoa, ārīyupū.

³⁰ Cornelio ĩgūrē ārīyupū:

–Wapikurinū taria i horanota tres āārīmakū, i wii yū bere, Marīpure sērēripoe gūñaña marīrō sugū ūmū surīro buro goseriñe sāñagū deyoa: ³¹ “Cornelio, Marīpū mū sērērīrē pémi. Mū boporārē iritamurīdere ĩāmi”, ārīmi yure. ³² “Muyarā ūmarē iriuka, Jopegue Simón Pedro wāikugure siudoregū. ĩgū gajigū Simón wāikugū waimurā gasirire āmugúya wiigūe wādiya turo āārīrī wiigūe āārīmi. ĩgū mū puro ejagū, murē weregukumi”, ārī weremi yure. ³³ Irasirigū mata yaarā ūmarē murē siudoregū iriuabū. Irasirigū mū gūa puro òārō aarayo. Marī āārīpererā òōrē Marīpū ĩūrō āārā. Irasirirā āārīpereri murē Marīpū weredorerire mū gūare weremakū péduakoa, ārīyupū Cornelio Pedrore.

Pedro Cornelioya wii āārīrārē weredeā

³⁴ ĩgū irasū ārīmakū pégu, Pedro āsū ārī werenugāyupū ĩgūsārē:

–Yū dapagoragueta pémasīa. Diayeta āārā. Marīpū marī āārīpererārē surosū ĩāmi. ³⁵ Irasirigū āārīpereri bumarā ĩgūrē buremu, òārīrē irirānorē ĩābéobirikumi. ³⁶ Marīpū ĩgūya kerere judío masakare pídi āārīmí. “Jesu-cristo merā siñajārī bokarākuma”, ārīdi āārīmí. ĩgūta āārīpererā Opū āārīmi. ³⁷ Āārīpereri gūa judío masaka āārīrī nikūgue waadeare òārō masīkoa musā. Juan masakare bue, ĩgūsārē deko merā wāiyemi. ĩgū irasiriadero puro, Jesús Galileague buenugāmi. ³⁸ Idere masīkoa musā. ĩ Jesús Nazaretmurē Marīpū Ōāgū deyomarīgū merā ĩgūrē turarire sídi āārīmí. Marīpū ĩgū merā āārīnīkōādi āārīmí. Irasirigū Jesús masakare òārīrē irigorenami. Noó ĩgū waaró āārīpererā wātī doreri irirārē taumi. ³⁹ Gūa judío masaka āārīrī nikūgue Jerusalēguedere āārīpereri ĩgū irideare ĩābū. Irogue ĩgūrē curusague pábiatú wējēma. ⁴⁰ ĩgūsā wējēkeremakū, urenū waaró merā Marīpū gapū ĩgūrē masūkōādi āārīmí. ĩgūrē masū, puro gūare deyoamakū irimi, ĩgū dupaturi okarire masīburo, ārīgū. ⁴¹ Jesús āārīpererā masakare deyoabiridi āārīmí. Gūa ditare deyoami. ĩgū deyoamakū, gūa ĩgū merā baa, iirībū. Iripoegueta Marīpū gūare beyedi āārīmí, Jesúre ĩgū masūadire ĩāmurārē. ⁴² Marīpū Jesúreta masaka āārīpererā okarārē, boanerādere: “Ōārārē taugūkoa, ñerā gapure wajamoāgūkoa!” ārī beyebure pídi āārīmí. Irire masakare weredoremi gūare Jesús. ⁴³ Āārīpererā Jesúre buremurārē Marīpū ĩgūsā ñerō irideare kātīgukumi, ārīrīrē gojanerā āārīmā āārīpererā Marīpūya kerere weredupiyunerā, ārī wereyupū Pedro Cornelioya wii nerēanerārē.

Judío masaka āārīmerāde Ōāgū deyomarīgūrē opanugādea

⁴⁴ Pedro werenírīrē pérāguere Ōāgū deyomarīgū dijijayupū. ⁴⁵⁻⁴⁶ ĩgū ejadero puro, ĩgūsā gajirā ya merā werenímasībiriideare werenínugā, usuyari merā Marīpure: “Ōātarigū āārā mū”, ārī buremuñurā. ĩgūsā irasū ārīmakū pérā, Pedro merā irogue ejanerā judío masaka Jesúre buremurā pégukakōāñurā. “Marīpū Ōāgū deyomarīgūrē iriumi judío masaka āārīmerādere”, ārīñurā. ⁴⁷ Irasirigū Pedro ĩgū merāmarārē ārīyupū:

–Marīpū Ōāgū deyomarīgūrē marī judío masakare iriuderosūta ĩsādere iriumi. Irasirirā ĩgūsā Ōāgū deyomarīgūrē opamakū ĩārā, marī ĩgūsārē deko merā wāiyebirikōārā, ārīmasīña máa. ⁴⁸ Irasirirā: “Musā Jesucristore buremurā ĩgūyarā āārā”, ārī wāiyeka ĩgūsārē! ārī wereyupū Pedro ĩgū merāmarārē.

Īgūsārē wāīyeadero pꝛꝛꝛ, Pedrosārē: “Yoaweyaripoe dujaka gꝛꝛa merā dapa!” ārīñurā.

11

Pedro Jerusalén marārē Jesúre bꝛemurārē weredea

¹ Jesús buedoregꝛꝛ beyenerā, gajirā ĩgūrē bꝛemurā Judeague āārīrā: “Judío masaka āārīmerāde Marīpꝛꝛyare bꝛemuma”, ārīrī kerere péñurā. ² Pedro Cesareague āārādi Jerusalēgue dujajamakū ĩārā, iro marā judío masaka Jesúre bꝛemurā ĩgūrē āsū ārī werewꝛꝛa, sērēñañurā:

³ —¿Nasirigꝛꝛ judío masakū āārīkeregꝛꝛ, judío masaka āārīmerāya wiigue ñajāa, ĩgūsā merā baáari?

⁴ ĩgūsā irasū ārīmakū, Pedro āārīpereri ĩgūrē iroque waadeare āsū ārī wereyupꝛꝛ:

⁵ —Yꝛꝛ Jopegue āārīgū, Marīpꝛꝛe sērēripoe kērō irirosū waabu yꝛꝛe. Ūmꝛꝛgasigue suñe suríro irirosū deyori gasiro wapikꝛꝛi tꝛꝛori suadea gasiro miē, yꝛꝛ pꝛꝛo dijarimakū ĩābu. ⁶ Yꝛꝛ iri gasiro poekaguere: “¿Ñeéno āārīrī?” ārī, ōārō ĩāgū, āārīpererā waimurā: paárā, makāñuu marā, yebague sīgūwāgārā, wúrā sāñamakū ĩābu. ⁷ Yꝛꝛ ĩgūsārē ĩānīripoe Marīpꝛꝛ yꝛꝛe: “Pedro, wāgāñugāka! ĩgūsārē wējē baaka!” ārīmakū pébu. ⁸ Yꝛꝛ gapꝛꝛ ĩgūrē yꝛꝛꝛꝛ: “Baabea yꝛꝛ Opꝛꝛ. Gajirā waimurā gꝛꝛa judío masaka baaya marīrā āārīma. Neō suñarō ĩgūsānorē baañabi āārīkubu”, ārību ĩgūrē. ⁹ Yꝛꝛ irasū ārīmakū, Marīpꝛꝛ ūmꝛꝛgasigue āārīgū dupaturi ārīmi doja: “Yꝛꝛ baadorerārē: ‘Baaya marīrā āārīma’”, ārībirikōaka! ārīmi yꝛꝛe. ¹⁰ Ūrea ĩgū irire ĩmuadero pꝛꝛꝛ, iri gasirore āārīpererā merā ūmꝛꝛgasigue āīmꝛꝛīākōāmi doja. ¹¹ Irasiripoeta ꝛꝛerā ūma Cesarea marā yꝛꝛe siiudorerā iriuanerā yꝛꝛ āārīrī wiiguere ejama. ¹² Ōāgū deyomarīgū yꝛꝛe: “ĩgūsā judío masaka āārīmerā merā waabea’, ārī gūñabita waaka!” ārīmi. Irasirigꝛꝛ yꝛꝛ Jope marā Jesúre bꝛemurā su mojōma pere gaji mojō suru pērēbejarā merā waa, Cesareaguere eja, gꝛꝛa āārīpererā Cornelioya wiigue ñajābu. ¹³ Gꝛꝛa iro ñajājamakū, Cornelio gꝛꝛare: “Sugꝛꝛ Marīpꝛꝛe wereboegꝛꝛ yaa wii ñajājamakū ĩābu. ĩgū yꝛꝛe: ‘Jopegue ūma mꝛꝛyarārē iriuka, Simón Pedro wāikꝛꝛgꝛꝛe siiudoregꝛꝛ!’ ārīmi”, ārī weremi. ¹⁴ “ĩgū mꝛꝛē Marīpꝛꝛyare weremakū bꝛemugū, mꝛꝛ, mꝛꝛyarā āārīpererā ōārō tarirākoa. Ūmꝛꝛgasiguere Marīpꝛꝛ merā ōārō ꝛꝛꝛyari bokarākoa’, ārī weremi yꝛꝛe Marīpꝛꝛe wereboegꝛꝛ”, ārīmi Cornelio. ¹⁵ Irasirigꝛꝛ yꝛꝛ ĩgūsārē werenugāripoe Ōāgū deyomarīgū marīrē neōgora ĩgū dijjaderosūta ĩgūsāguere dijjami. ¹⁶ Irasirimakū ĩāgū, Jesús ārīdeare gūñabokabu. Āsūta ārīmi: “Juan mꝛꝛsārē deko merā wāīyedi āārīmī. Yꝛꝛ gapꝛꝛ mꝛꝛsārē Ōāgū deyomarīgū merā wāīyegꝛꝛkoa, ĩgū mꝛꝛsā merā āārīnīkōāburo, ārīgū”. ¹⁷ Marīpꝛꝛ marīrē iriuderosūta Ōāgū deyomarīgūrē iriumi, judío masaka āārīmerādere, marī Opꝛꝛ Jesucristore ĩgūsā bꝛemumakū. ĩgū irasirimakū ĩāgū, Marīpꝛꝛe: “Irasiribirikōāka ĩgūsārē!” ārīmasībiribu yꝛꝛ, ārī wereyupꝛꝛ Pedro iro āārīrārē.

¹⁸ ĩgū wereadero pꝛꝛꝛ, toeperea:

—Marīpꝛꝛ judío masaka āārīmerādere ĩgūsā ñerō irideare bujawere, piri-doremi, ĩgūsāde ūmꝛꝛgasigue ĩgū merā ōārō ꝛꝛꝛyari bokaburo, ārīgū, ārī, ꝛꝛꝛyari sīñurā Marīpꝛꝛe.

Antioquía marā Jesúre bꝛemudea

¹⁹ Estebārē wējēadero pꝛꝛꝛ, Jesúre bꝛemurārē ñerō iriñurā. Irasirirā surāyeri Feniciague, gajirā Chipre ñugārōgue, gajirā Antioquíague duriwāgāñurā. ĩgūsā iroque ejarā, Jesúya kerere wereñurā judío masaka

ditare. ²⁰ Surāyeri Jesúre b̄remurā Chipre marā, Cirene marā āārīñurā. Īgūsā Antioquíague eja, judío masaka āārīmerārē Jesúya kerere wereñurā. “Jesús, marīrē tauḡu, āārīpererā Op̄u āārīmi”, ārī wereñurā Īgūsārē. ²¹ Marīp̄u irasū ārī wererārē ōārō iritamuyup̄u. Irasirirā Īgūsā weremakū pérā, iro marā wárā Jesúre b̄remun̄gāñurā. Īgūsā dupiyuro b̄remudeare pirikōāñurā.

²² “Īgūsāde Jesúre b̄remuma”, ārīrī kerere pérā, Jerusalén marā Jesúre b̄remurā Bernabére Antioquíague iriuñurā: “¿Naásū waáari?” ārī ĩāgū waaka!” ārīrā. ²³ Irasiriḡu irogu eja, Marīp̄u Īgūsārē Īgū iritamuadeare ĩā, b̄ro us̄uyari merā:

—Marī Op̄u Jesúre ōārō b̄remun̄ika! Īgūrē b̄remurīrē neō piribirikōāka! ārī wereyup̄u Īgūsārē. ²⁴ Bernabé Ōāgū deyomarīgūrē opatariḡu, ōāgū, Jesúre ōārō b̄remugū āārīyup̄u. Irasirirā Īgū weremakū pérā, wárā masaka Jesúre b̄remuñurā.

²⁵ P̄u Bernabé Antioquíague āārādi Saulore Tarsogue āārīgūrē āmagū waayup̄u. ²⁶ Īgūrē bokaja, Īgūsā pērāgueta Antioquíague goedujaja, Jesúre b̄remurā merā su bojorigora iri makāguere āārīñurā. Iroguere wárā masakare Jesúyare bueñurā. Iripoe merāta iro marārē Jesúre b̄remurārē: “Cristoyarā, Cristiano āārīma”, ārī wāiyep̄uroriñurā.

²⁷ Bernabé, Saulo merā Antioquíague āārīripoe gajirā Jerusalén marā Marīp̄uya kerere weredupiyurā iroguere waañurā. ²⁸ Suḡu Īgūsā merā, Agabo wāikuḡu āārīyup̄u. Īgū irogu eja, Ōāgū deyomarīgū masīrī sīrī merā iro marārē:

—Āārīpereroguerē masaka ūaboarākuma, ārī wereyup̄u Īgūsārē. Claudio wāikuḡu romano marā op̄u ñajādero p̄u Agabo Īgū ārīdea waayuro. ²⁹ Īgū irasū ārīmakū pérā, Antioquía marā Jesúre b̄remurā āsū ārīñurā:

—Marī Judeague āārīrārē Jesúre b̄remurārē marī niyeru oparire, marī sīrō bokatiūrō iriurā! ārīñurā. ³⁰ Irasirirā niyeru neeō, Bernabé, Saulo merā: “Jesús buedoreḡu beyenerārē iritamurārē wiaka!” ārī iriuñurā.

12

Santiagore wējēdea, Pedrore peresu iridea

¹ Iripore Herodes wāikuḡu Judea marā op̄u, surāyeri Jesúre b̄remurā Jerusalēgue āārīrārē ñerō irin̄gāyup̄u. ² Irasiriḡu Īgūyarā surarare Santiago Juan tīgūrē sareri majī merā wējēdoreyup̄u. ³ Īgūrē wējēmakū ĩārā, judío masaka us̄uyañurā. Herodes Īgūsā us̄uyamakū ĩāgū, Pedrore ñeādore, peresu iriyup̄u. Irasiriripoe p̄a wemasārī morēña marīrī baari bosenu pascua bosenu āārīyuro. ⁴ Īgūrē peresu iriadero p̄u, wapik̄uri bu surarare gorawayu koredoreyup̄u. Iri burik̄u wapik̄urā dita āārīñurā. “Pascua bosenu p̄u, āiwiuḡura masaka ĩūrōgue Īgūrē wējēdorebu”, ārī gūñadiyup̄u Herodes. ⁵ Irasirirā Pedrore surara ōārō koreníkōāñurā. Īgū irogu āārīripoe Jesúre b̄remurā gap̄u Marīp̄ure b̄ro sērēbosaníkōāñurā.

Marīp̄u Pedrore peresugue āārīgūrē taudea

⁶ Herodes Pedrore masaka ĩūrōgue Īgūrē āiwiuburi ñamirē pērā surara watopegue peda kōmeda merā s̄asūadi kārīyup̄u. Gajirā surara pērā makāp̄uro wiriarore koreñurā. ⁷ Āārīpererā kārīripoe gūñaña marīrō suḡu Marīp̄ure wereboeḡu Pedro āārīrī taribugue deyoayup̄u. Irasiro iri taribu poekague ōārō boyosiriakōāyuro. Marīp̄ure wereboeḡu Pedroya dukare tūkare, Īgūrē yobeyup̄u.

–Murĩgora wāgānugāka! āriyupũ. Īgũ irasũ āĩmakũta, Pedroya mojõrĩrẽ ĩgũsā kõmedari suadea kuradijakõāyuro. ⁸ Marĩpũre wereboegũ ĩgũrẽ:

–Yujatũka! Mũya gubu surĩre sãñaka! āriyupũ.

Īgũ irasũ āĩmakũ pégũ, yujatũ, ĩgũya gubu surĩre sãñayupũ. Īgũ sãña odomakũ, āriyupũ doja:

–Wekamañe surĩrore sãñaka! Náka, yũ merã! āriyupũ.

⁹ Īgũ irasũ āĩmakũ pégũ, Pedro ĩgũrẽ tuyawiriayupũ. “¿Diayeta Marĩpũre wereboegũ yũre āiwiriagu irikuri? Gajipoe irigu kēgũ iribukoa”, āri gũñayupũ.

¹⁰ Marĩpũre wereboegũ, Pedro merã surara korerã āārĩpũrorirãrẽ tari, pũru gajirãrẽ tari, iri wii ñajãpũroriri kõme makãpũrogue ejañurã. Iro ĩgũsã eja-makũ, iri makãpũro basi tũpãkõāyuro. Iri makãpũrore tariwiria, yoawayaro waa, Marĩpũre wereboegũ dederiakõāyupũ. Pedro sugata dujayupũ pama.

¹¹ Marĩpũre wereboegũ dederiadero pũru, Pedro ĩgũrẽ waadeare õārõ pémasĩ:

–Diayeta Marĩpũ yũre wijatadoregũ, ĩgũrẽ wereboegũre iriuañumi Herodes yũre ñerõ iribirikõāburo, āriġũ, gaji āārĩpereri judío masaka yũre ñerõ iridũarire kãmutadoregũ, āri gũñayupũ.

¹² Irire gũñawāgã, Maríaya wiigũe ejayupũ. Igo, Juan Marcos wãikũgu pago āārĩyupo. Iri wiiguere masaka wárã nerẽ, Marĩpũre sērēbosarã iriñurã ĩgũrẽ.

¹³ Irogue ejagu, Pedro iri wii tũro ñajãri makãpũrore doteyupũ. Īgũ dotemakũ pégo, sugo Rode wãikũgo iri wii marãrẽ moãboego: “¿Noã āārĩri?” āri ĩãgõ waayupo. ¹⁴ Īgũ werenĩrĩrẽ pémasĩ, makãpũrore tũpãbeota usayari merã ũmañajãa, iro nerēanerãrẽ: “Pedro makãpũro āārĩġũ kárinami”, āri wereyupo.

¹⁵ Igo irasũ āĩmakũ pérã, igore: “Mũ irasũ āĩmoãmakõāgõ yáa”, āri, igo wererire bũremubiriñurã.

Igo gapũ ĩgũsãrẽ: “Diayeta ārã yũ”, āriyupo.

“Iro merẽ Pedroya yujupũrã āārĩkoa”, āriñurã.

¹⁶ Pedro gapũ makãpũrore dotegũ iriyupũ dapa. Irasirimakũ waa, iri makãpũrore tũpã, ĩgũ iro nímakũ ĩārã, gũkakõāñurã. ¹⁷ Īgũ gapũ ĩgũya mojõ merã irikeo, ĩgũsãrẽ toedoreyupũ. Pũru wiigũe ñajãja, ĩgũ peresu āārĩġãrẽ Marĩpũ ĩgũrẽ āiwiriadeare wereyupũ ĩgũsãrẽ:

–Irire wereka, Santiagore, gajirã Jesũre bũremurãrẽ! āri were odo, gajirogue waakõāyupũ.

¹⁸ Pũru boyoripoe peresu korerã Pedro marĩmakũ ĩārã: “¿Naásũ waáyuri?” āri gãme gaguiniñurã ĩgũsã basi. ¹⁹ Irasirigu Herodes ĩgũyarã surarare Pedrore ãmadoreyupũ. ĩgũsã bokabirimakũ ĩãgũ, Pedrore koreadinerãrẽ bũro sērēña, ĩgũsã yujubirimakũ, ĩgũsãrẽ wējẽdoreyupũ. Pũru Judeare wiri, Ceseareague āārĩġũ waayupũ Herodes.

Herodes boadea

²⁰ Iripoere Herodes Tiro, Sidón wãikũri makãrĩ marã merã bũro guayupũ. Iri makãrĩ marã baari, Herodeya nikũ marã duadea āārĩyuro. Irasirirã, ĩgũ guamakũ ĩārã: “Gũare baari duabiribukumĩ”, āri, ĩgũ pũrogue irire ãmurã waañurã. Irogue eja, Herodeya wii koregũ Blasto wãikũgũre: “Iritamuka gũare!” āriñurã. Īgũ: “Jáũ”, āĩmakũ pérã: “Herodere werenĩbosaka, ĩgũ gũa merã guanemobirikõāburo, āriġũ!” āriñurã ĩgũrẽ. ²¹ Irasirigu Herodes ĩgũsã merã werenĩdũarinũ ejamakũ, opũ sãñarĩ surĩre sãña, masaka ĩũrõ opũ doarogue doa, ĩgũsãrẽ wereniyupũ. ²² Īgũ irasũ werenĩmakũ pérã, masaka gaguiniñurã:

–Ĩĩ õõ werenĩgũ masakũ āārĩbemi. Ūmũgasigue marã Opũ āārĩmi, āriñurã.

²³ Īgūsā irasū ārīmakū pégu, Herodes ĩgūsārē: “Masakuta āārā yu”, ārībiriypu. Irasirigu Marīpura bremubiri waja, mata Marīpura wereboegu Herodere pūrīrikamakū iriypu. Irasirigu Herodes beka baaweasū boakōāyupu. ²⁴ Iri irasū waadero pu, Jesúre bremurā Marīpura kerere āārīpereroguerē weregorenañurā. Wārā masaka irire péñurā. ²⁵ Bernabé, Saulo merā Jerusalégue gajirā Jesúre bremurārē iritamu odo, Antioquíague gāme dujāñurā. Juan Marcos wāikugude ĩgūsā merā waayupu.

13

Bernabé, Saulo merā Jesúya kerere buenugādea

¹ Antioquíaguere Jesúre bremurā watopegue surāyeri Marīpura kerere weredupiyurā, gajirā masakare buerimasā āārīñurā. Bernabé ĩgūsā merāmu āārīypu. Gajigu Simón wāikugu āārīypu. Īgūrēta masaka: “Nīgū” ārī wāīyeñurā. Gajigu Lucio wāikugu Cirenemu āārīypu. Gajigu Manaén wāikugu, Herodes Galilea marā opu dagu merā suro merā masādi āārīypu. Gajigu Saulo āārīypu. ² Sunu ĩgūsā bere, Marīpura sērēripoe Ōāgū deyomarīgū ĩgūsārē wereypu:

—Bernabére, Saulore beyepíka! ĩgūsā yare moāboemurā, yu beyesūnerā āārīma, ārīypu.

³ Īgū irasū ārīmakū pérā, ĩgūsā bere, Marīpura sērē odo, ĩgūsāya dipure ñapeo, seretu iriñurā.

Bernabé, Saulo merā Chipre marārē buedea

⁴ Puru Bernabé, Saulo merā Ōāgū deyomarīgū ĩgūsārē iriuderosūta Seleucia wāikuri makāgue waa, irogue eja, doódiru merā Chipre wāikuri nugūrōgue waañurā. ⁵ Iri nugūrōma makā Salamina wāikuri makārē eja, judío masaka nerērī wiirigue Marīpura kerere wereñurā. Juan Marcode ĩgūsārē iritamugorenayupu. ⁶ Puru iri nugūrōrē tariwerewāgā, Pafos wāikuri makāgue ejañurā. Irogue ejarā, sugu judío masakure yé āārīgūrē bokajañurā. Īgū Barjesús wāikugu āārīypu. Griego ya merā Elimas wāikuyupu. Iri makā marārē: “Ūmugasigue marā Opura kerere weredupiyurimasū āārā yu”, ārīkatogorenayupu. ⁷ Sergio Paulo wāikugu merāmu āārīypu. Sergio Paulo iri nugūrō marā opu, wāri masīgū āārīypu. Īgū Marīpura kerere péduagu, Bernabé, Saulore siudoreypu. ⁸ Irasirirā ĩgūsā ĩgū purogue wererā waañurā. Elimas, yé āārīgū gapu Sergio Paulo Jesúre bremumakū gāmebiriyupu. Irasirigu ĩgūsā wererire kāmudaduadiypu. ⁹ Irasirimakū, Saulo Ōāgū deyomarīgūrē opatarigu, ĩgūrē buro ĩayupu. Saulota, “Pablo” wāikuyupu. ¹⁰ Āsū ārīypu:

—Mu ārīkatorikugu, ñegū, āārīpereri ōārō iririre kāmudaduagu, wātī irirosū āārā. Marī Opura diayemarē gorawayuduagu āārā. ¹¹ Mu irasiriri waja marī opu murē wajamoāgukumi. Irasirigu mu koye ĩābi dujaguko. Marī opu murē wajamoārōpa abe gosesiririre ĩābirikoa, ārīypu Pablo ĩgūrē. Īgū irasū ārīrī merāta ĩgūrē naītīākōāyuro. Neō koye ĩābi dujayupu. Irasirigu ĩgūrē tūāwāgābure āmayupu. ¹² Īgū irasū waamakū ĩāgū, Sergio Paulo marī opu Jesúya buerire pégukakōāyupu. Irasirigu Jesúre bremuyupu.

Pablo, Bernabé merā Pisidia nikūma makā Antioquia wāikuri makāgue ejadea

¹³ Puru Pablo ĩgū merāmarā merā Pafogue āārānerā wiri taribuja, Perge wāikuri makāgue ejañurā. Iri makā Panfilia wāikuri nikūgue āārīyuro. ĩgūsā Pergegue ejamakū, Juan Marcos gapu ĩgūsārē iro pí, Jerusalégue gāme dujāakōāyupu doja. ¹⁴ Puru Pergegue āārānerā gaji makā Antioquia wāikuri

makãgue waañurã. Iri makã Pisidia wãikuri nikũgue ããrĩyuro. Irogue eja, judío masaka siñajãrĩnu* ããrĩmakũ ĩgũsã nerẽrĩ wiiguet† ñajãa, doañurã. ¹⁵ Iri wii marã oparã Moisés gojadeare, Marĩpũya kerere weredupiyunerã gojadeare bueadero purũ, Pedrosãrẽ siiu:

–Guayarã, masakare wereduarã, wereka, ĩgũsãrẽ õãrõ ããrĩrikuburo, ãrĩrã! ãrĩñurã.

¹⁶ ĩgũsã irasũ ãrĩmakũ pégu, Pablo wãgãnuã, ĩgũya mojõ merã irikeo, ĩgũsãrẽ wereyupũ:

–Musã Israel bumarã, gajirã ĩgũsã irirosũ Marĩpũre buremurã, õõ ããrĩã, yũ wererire õãrõ péka! ¹⁷ Marĩpũ, gũa judío masaka Israel bumarã buremugũ, gũa ñekũsãmarãrẽ beyedi ããrĩmi. Irasirigu iripoegue ĩgũsã Egiptogue ããrĩrãrẽ wãrã masãporemakũ iridi ããrĩmi. Purũ iri nikũgue ããrĩrãrẽ ĩgũ turaro merã ãiwiridi ããrĩmi. ¹⁸ ĩgũsã Egiptore wiridero purũ, cuarenta bojorigora masaka marĩrõgue waagorenanerã ããrĩmã. Irogue ĩgũsã ĩgũ dorerire tarinugãkeremakũ, Marĩpũ ĩgũsãrẽ õãrõ koredi ããrĩmi. ¹⁹ Purũ ĩgũsã Canaán nikũgue ejamakũ, iri nikũ marãrẽ su mojõma pere gaji mojõ peru pẽrẽbejari buri marãrẽ Marĩpũ béosã, gũa ñekũsãmarãrẽ pídi ããrĩmi iro ããrĩdoregu. ²⁰ Marĩpũ ĩgũsãrẽ iri nikũgue pídero purũ, cuatrocientos cincuenta bojorigora ããrĩnerã ããrĩmã. ĩgũsã irogue ããrĩmakũ, Marĩpũ ĩgũsãrẽ doremurãrẽ pídi ããrĩmi. ĩgũsã Samuel wãikugũ Marĩpũya kerere weredupiyudi ĩgũ ããrĩnugãripoegue doretũnunerã ããrĩmã. ²¹ Gũa ñekũsãmarã Samuere: “Sugu gũa opu gããmekoa”, ãrĩ sãrẽmakũ pégu, Marĩpũ ĩgũsã opu ããrĩbure Saũre pídi ããrĩmi. Saúl, Cis wãikugũ magũ, Benjamĩya bumũ ããrĩdi ããrĩmi. ĩgũ cuarenta bojorigora ĩgũsã opu ããrĩdi ããrĩmi. ²² Purũ Marĩpũ Saũre Israel bumarã opu ããrĩrĩrẽ béo, David wãikugũre ĩgũsã opu ããrĩbure pídi ããrĩmi. Æsũ ãrĩdi ããrĩmi ĩgũrẽ: “Davire Isaĩ magũrẽ bokabũ. Bũro usuyãa ĩgũ merã. Æãrĩpereri yũ gããmerĩrẽ irigukumi”, ãrĩdi ããrĩmi. ²³ “Sugu David parãmi ããrĩturiagu, musãrẽ Israel bumarãrẽ taugũ aarigukumi”, ãrĩ weredi ããrĩmi Marĩpũ gũa ñekũsãmarãrẽ. Irasirigu ĩgũ ãrĩderosũta Jesũre iriudi ããrĩmi. ²⁴ Jesũs masakare buenugãburi dupiyuro Juan ããrĩpererã Israel bumarãrẽ: “Musã ñerõ irideare bujawere, musã gũñarĩrẽ gorawayuka! Musã irasirimakũ ĩãgũ, musãrẽ deko merã wãiyegukoa”, ãrĩ buedi ããrĩmi. ²⁵ ĩgũ buetũnuburi dupiyuro ĩgũsãrẽ ãrĩdi ããrĩmi: “Musã yũre: ‘Gũare taugũ ããrĩmi’, ãrĩ gũñadãa. Æãrĩbea yũ. Yũ purũ gajigu aarigukumi. Yũ gapũ ubu ããrĩgũ, ĩgũrẽ neõ sũropebirikoa”, ãrĩdi ããrĩmi.

²⁶ Yaarã, Abraham parãmerã ããrĩturiarã, gajirã ĩgũsã irirosũ Marĩpũre buremurã õõ ããrĩrãde õãrõ péka! Marĩpũ marĩrẽ: “Taugũra”, ãrĩ kere iriudi ããrĩmi. ²⁷ Jerusalén marã, ĩgũsã oparãde Jesũs marĩrẽ taugũre ĩãmasĩbirinerã ããrĩmã. Siñajãrĩnuriku Marĩpũya kerere weredupiyunerã gojadeare buekererã, neõ pémasĩbirinerã ããrĩmã. Pémasĩbirisã, Jesũre wẽjẽdorerã, Marĩpũya werenĩrĩ gojadea pũgue ãrĩderosũta irinerã ããrĩmã. ²⁸ Jesũs ĩgũ ñerõ irideare bokabirikererã, Pilatore: “Wẽjẽka ĩgũrẽ!” ãrĩ sãrẽñurã. ²⁹ Irasirirã iripoegue Marĩpũya kerere weredupiyunerã gojadea pũgue ãrĩderosũta Jesũre ããrĩpererire iri odo, ĩgũrẽ curusague boadire ãĩdiju, masãgobe ãtãyegue mádea gobegue pínerã ããrĩmã. ³⁰ ĩgũrẽ wẽjẽkeremakũ, Marĩpũ gapũ boadiguere masũdi ããrĩmi. ³¹ ĩgũ masãdero purũ, wãrinurĩ deyoadi ããrĩmi ĩgũ merãmarãrẽ. Dupiyurogue ĩgũsã ĩgũ merã Galileague wiri, Jerusalẽgue wapikugorenarã waanerã ããrĩmã. Dapagorare ĩsãta ĩgũ masãdire ĩãnerã, ĩgũyare werema guayarãrẽ.

* **13:14** Judío masaka siñajãrĩnu, sãbado ããrã. † **13:14** Judío masaka nerẽrĩ wii, sinagoga wãikuri wii ããrã. Irogue ĩgũsã siñajãrĩnu ããrĩmakũ nerẽ, Marĩpũya werenĩrĩ gojadea pũrẽ buenama.

32-33 'Irasirirã yu, yu merãmu Bernabé musãrê Jesúya kerere wererã aaribú. Iripoegue Marĩpu ãgũ Jesús merã õãrõ iriburire weredi ããrĩmĩ guã ñekúsãmarãrê. ãgũ ãrĩderosũta guare ãgũsã parãmerã ããrĩturiarãrê irasiridi ããrĩmĩ Jesúre boadiguere masũgũ. Salmos wãĩkuri gojadea pũgue ãsũ ãrĩ gojasũdero ããrĩbú: “Yu magũ ããrã mu. Dapagã murê masãmakũ yãa”, ãrĩdi ããrĩmĩ Marĩpu. 34 Gaji pũgue Marĩpu ãsũ ãrĩdi ããrĩmĩ, Jesúre boadiguere masũburire, ãgũ dũpu boabiriburire: “Iripoegue yu Davire: ‘Õãrõ irigũra’, ãrĩderosũta murê irigũkoa”, ãrĩdi ããrĩmĩ. 35 Gaji Salmos pũ David ãgũ gojadea pũgue ãsũ ãrĩ gojadi ããrĩmĩ: “Mu dorerire õãrõ iridiya dũpũre neõ boadobirikoa”, ãrĩ gojadi ããrĩmĩ. 36 Diayeta werea. David okagu, Marĩpu gããmederosũta ãgũ ããrĩdeapoe marãrê iritamunĩkõãdi ããrĩmĩ. ãgũ boadero pũru, ãgũ ñekúsãmarã darãrê yãaderogueta gajirã ãgũrê yãanerã ããrĩmã. ãgũrê yãadero pũru, ãgũya dũpu boakõãyuro. 37 Jesús Marĩpu masũdiya dũpu gapũ neõ boabiridero ããrĩbú. 38-39 Musã ããrĩpererã Jesúya kerere yu weremakũ, õãrõ péka! ãgũ merã marĩ ñerõ irideare kãtiri bokarãkoa. ãgũrê bũremurãnorê ãgũsã ñerõ irideare Marĩpu kãtigũkumi. Moisés doreri iriri merã neõ kãtiri bokabirikoa. 40 Irasirirã musã dapagora marã õãrõ pémasĩka! Musã õãrõ pémasĩbirimakũ, iripoegue marã Marĩpũya kerere weredupiyunerã gojaderosũta musãdere waarokoa. 41 ãsũ ãrĩ gojanerã ããrĩmã Marĩpũya werenĩrĩ gojadea pũgue:

Õãrõ péka, yũre bũridarimasã! Musã okarinũrĩrê musãrê gajino bũro goerire ãmũgũra. Gajirã musãrê irire weremakũ pékererã, bũremubirikoa.

Irasirirã musã bũremubiridea waja béosũrãkoa, ãrĩ gojanerã ããrĩmã, ãrĩ wereyupu Pablo Antioquía marãrê. 42 Pablosã irire were odo, wiriamakũ, judío masaka ããrĩmerã iri wiigue nerẽanerã ãgũsãrê:

—Gaji siñajãrĩnu ããrĩmakũ, guare irireta werenemoka doja! ãrĩ sêrẽñurã. 43 Irasirirã iri wii nerẽanerã wiriamakũ, wãrã judío masaka, judío masaka irirosũ bũremurãde Pablosã wererire bũremusiã, ãgũsãrê tũyañurã. Irasirirã Pablosã ãgũsãrê: “Marĩpu musãrê bũro maĩrĩ merã ããgũrê bũremurĩrê neõ piribirikõãka!” ãrĩñurã.

44 Gaji semana siñajãrĩnu ããrĩmakũ, wãrã iri makã marã Marĩpũya kerere pémurã iri wiigue nerẽñurã doja. 45 ãgũsã wãrã nerẽmakũ ããrã, judío masaka Pablore bũro ããturiñurã. Irasirirã ñerõ werenĩrĩ merã Pablo wererire: “Diaye ããrĩbea”, ãrĩñurã. 46 ãgũsã irasũ ããrĩmakũ pérã, Pablo, Bernabé gũiro marĩrõ merã ãgũsãrê ãrĩñurã:

—Marĩpu dorederosũta guã musãrê judío masakare ãgũya kerere werepũroriadabu. Musã gapũ irire neõ gããmebea. Marĩpu pũro perebiri okari opaburidere gããmebea. Irasirirã guã judío masaka ããrĩmerã gapũre iri kerere wererãkoa. 47 ãsũta doredi ããrĩmĩ Marĩpu ãgũya werenĩrĩ gojadea pũguere:

Musãrê judío masaka ããrĩmerãrê yaa kerere weredoregu píũgũkoa. Irasirigu ãgũsãrê ããrĩpererã i nikũ marã musã irire weremakũ pérãnorê taugũkoa perebiri peamegue waabonerãrê, ãrĩdi ããrĩmĩ Marĩpu, ãrĩ wereñurã. ã

48 ãgũsã irasũ ããrĩmakũ pérã, judío masaka ããrĩmerã bũro usũyari merã: “Marĩpũya kere gapũ õãrĩ ããrã”, ãrĩñurã. Irasirirã Marĩpu beyesũnerã, ãgũ pũrogo perebiri okari ãgũ sũsumurã, Jesúre bũremuñurã. 49 Irasirirã Marĩpũyare ããrĩpererogue iri nikũ marãrê weregorenãñurã. 50 Irasirimakũ ããrã, surãyeri judío masaka Pablosãrê ñerõ werenĩñurã. ãgũsã wererire pérã, gajirã wãro niyeru oparã judío masaka iririkũrere bũremurã nome Pablosã merã guañurã. Iri makã marã oparãde ãgũsã merã guañurã. Irasirirã ãgũsãrê

ã 13:41 Hab 1.5 ã 13:47 Is 49.6

ñerō irinugā, ĩgūsāya nikūrē béowiukōãñurā. ⁵¹ Irasirirā Pablo, Bernabé ĩgūsāya gubu suríre tuadea nikūwerare mojēbéoñurā, iri makā marā ĩgūsā ñerī iriri waja ĩmurā. Irasiri odo, Iconiogue waakōãñurā. ⁵² ĩgūsā waakeremakū, Jesúre bñremurā gapu irogue ããrĩrā Ōãgū deyomarĩgūrē opatari, bñro usuyari merā dujañurā.

14

Pablo, Bernabé merā Iconiogue ejadea

¹ Pablo, Bernabé merā Iconiogue eja, judío masaka nerērī wiigüe ñajāa, Jesúya kerere wereñurā. ĩgūsā weremakū pérā, judío masaka, gajirā judío masaka ããrĩmerāde wárā Jesúre bñremunugãñurā. ² Judío masaka Jesúyare péduamerā gapu, Jesúre bñremurārē ñerō wereníñurā. Judío masaka ããrĩmerārē, Jesúre bñremurā merā guamakū iriñurā. Irasirirā judío masaka ããrĩmerā Jesúre bñremurārē ñerō gũñañurā. ³ ĩgūsā irasū gũñamakū ĩārā, Pablosā gapu yoaripoe irore duja, güiro marĩrō merā: “Marĩpu masakare bñro maĩrĩ merā ĩāmi”, ãrĩ bueñurā. ĩgūsā buemakū, Marĩpu ĩgüyare: “Diayeta buema”, ãrĩgū, ĩgū turaro merā iri ĩmurĩrē ĩgūsā irimakū iritamuyupu. ⁴ Irasirirā iri makā marā dukawariñurā. Surāyeri judío masaka buerire gããmerā, gajirā Pablosā buerire gããmerā dujañurā. ⁵ Jesúya kerere gããmemerā: judío masaka, judío masaka ããrĩmerāde, oparā merā nerē, Pablosārē ñerō ãrĩ, ütāyeri merā dea wējēduañurā. ⁶⁻⁷ ĩgūsā irasū wējēduarire pérā, Pablo, Bernabé merā Licaonia nikūgue duriwāgãñurā. Irogue eja, iro marārē Jesúya kerere buegoreñañurā. ĩgūsā irasū buegorenarā, iri nikū ããrĩrĩ makārĩ Lистра, Derbe wãĩkuri makãrĩgue ejañurā.

Listrague Pablöre ütāyeri merā deadea

⁸ Listrague eja, sugu neō deyoagugüeta waamasĩbiridire iro doagure boka-jañurā. ⁹ Irasirigü irogue doagu, Pablo buemakū péyupu. ĩgū pémakū, Pablo su diayeta ĩāyupu ĩgūrē. “Ī Jesúre bñremumi. ‘ĩgū yure taumasĩmi’, ãrĩ gũñakumi”, ãrĩ gũñayupu Pablo ĩgūrē ĩãgū. ¹⁰ Irasirigü turaro merā:

—Wãgãñugãka! ãrĩyupu ĩgūrē.

ĩgū irasū ãrĩmakū pégu, pariwãgãñugã waayupu. ¹¹ Pablo ĩgūrē irasirimakū ĩārā, Licaonia marā ĩgūsā ya merā ãsū ãrĩ gaguinĩñurā:

—Marĩ bñremurā ãmarõgue ããrãnerā ãma irirosū deyorā marĩ puogüe dijajama, ãrĩ gaguinĩñurā.

¹² Irasirirā Bernabé: “Marĩ bñremurā opu Zeus wãĩkugu ããrĩmi”, ãrĩ wãĩyeñurā. Pablo gapure ĩgūsārē werepuoridi ããrĩmakū: “Marĩ bñremugū Hermes wãĩkugu ããrĩmi”, ãrĩ wãĩyeñurā. ¹³ Iri makā ñajārō turo Zeure bñremurĩ wii ããrĩyuro. Sugu paĩ iri wiire koregu wekuare, goori ĩgū ãmuadeare ãĩwãgãyupu. ĩgū, iro marā merā wekuare wējē soepeoduadiyupu Pablosārē bñremudugü. ¹⁴ ĩgūsā irasū iriduamakū ĩārā, Pablosā ĩgūsāya suríre yegue, iro ããrĩrā watopegue ãmawãgã, ãsū ãrĩ gaguinĩñurā:

¹⁵ —Músã guare, ¿nasirimurā irasū yáři? Guade músã irirosũta masaka ããrã. Gua músãrē Marĩpuya kerere ãsū ãrĩ wererã aaribú. Keori weadeare béokõãka! Marĩpu okagu gapure bñremuka! ĩgūta ãmugasi, i nikū, dia, ããrĩpererã i ãmugue ããrĩrãrē iridi ããrĩmi. ¹⁶ Iripoegüe ããrĩpereri buri marārē ĩgūsā gããmerō irimakū kãmutabiridi ããrĩmi. ¹⁷ Masaka ĩgūrē bñremubirikeremakū, marĩrē õãrõ irigu, ĩgū õãrõ ããrĩrikurire ĩmumi ããrĩpererārē. Irasirigü deko merēmakū yámi. Marĩ oterire dukakumakū yámi

marĩ baaburire sĩgũ. Irasirigu usuyari merã ããrĩmakũ yámi marĩrẽ, ãrĩñurã Pablosã ĩgũsãrẽ.

¹⁸ ĩgũsã irasũ ãrĩmakũ pékererã, Pablosãrẽ buremudũarã, wekũare wějẽ soepeoduadiñurã dapa. Pablosã gapũ ĩgũsãrẽ: “Iropata irika! Iririre pirikõãka!” ãrĩmakũ pérã, irire pirikõãñurã pama.

¹⁹ Pũũ gajirã judío masaka, Antioquía marã, Iconio marãde Listrague ejañurã. Irogue ejarã, Pablore ñerõ wereniñurã. ĩgũsã irasũ ãrĩmakũ pérã, iro marãde ĩgũ merã gua, ĩgũrẽ ütãyeri merã deañurã. Dea odo: “Ĩĩ kũmoakõãmi”, ãrĩ, iri makã tũrogue tũãwãgã meépibéokõãñurã. ²⁰ ĩgũsã irasirikeremakũ, Jesúre buremurã gapũ ĩgũ pũro nerējañurã. ĩgũsã nerẽjamakũ, wãgãñugã, ĩgũsã merã makãgue dujáakõãyũpũ doja. Gajinũ gapũ Bernabé merã Derbegue waayũpũ.

²¹ Irogue eja, Jesúya kerere wereñurã. ĩgũsã weremakũ pérã, wárã iro marã Jesúre buremuñurã. Irire were odo, Listrague goedujãañurã. Iro eja, Iconiogue waañurã. Pũũ Pisidiana makã Antioquíague ejañurã. ²² Iri makãrĩgue weregorenarã, Jesúre buremurãrẽ õãrõ ããrĩrikũmakũ iriñurã. “Jesúre buremurĩrẽ neõ piribirikõãka! Marĩpũ ĩgũyarãrẽ doreroguerẽ waadũarã, õõguere wári poyari merã ããrĩrãkoa”, ãrĩ bueñurã ĩgũsãrẽ.

²³ Pũũ iri makãrĩkũ marãrẽ Jesúre buremurãrẽ iritamumurãrẽ beyeñurã. Beye odo, bere, ãsũ ãrĩ sërẽñurã Marĩpũre ĩgũsã buremugãrẽ:

—Gũa Opũ, ĩĩsã mũyarãrẽ iritamuka! ãrĩñurã.

Pablo, Bernabé merã Siria nikũma makã Antioquíague dujáadea

²⁴ ĩgũsã Pisidia nikũgue weregorenadero pũũ, Panfilia nikũgue ejañurã. ²⁵ Iri nikũma makã Pergere Marĩpũya kerere were odoadero pũũ, Atalia wãĩkũri makãgue waañurã. ²⁶ Iri makã ããrãnerã Antioquíague dujáarã, doódiru merã waañurã. Iripoegue iri makã marã Jesúre buremurã Pablosãrẽ iriupũrorirã, Marĩpũre ĩgũsãya ããrĩburire ãsũ ãrĩ sërẽbosanerã ããrĩmã: “Gũapũ, mũ maĩrĩ merã ĩĩsãrẽ mũyare buegorenamakũ, õãrõ koreka!” ãrĩ sërẽnerã ããrĩmã. Irasirirã Pablo, Bernabé merã ĩgũsã buedoreadeare buepeo, iri makãrẽ goeñurã doja. ²⁷ Irasirirã iri makãrẽ goejarã, gajirã Jesúre buremurã merã nerẽ, ããrĩpereri ĩgũsã Marĩpũ turari merã iriadeare, Marĩpũ judío masaka ããrĩmerãdere Jesúre buremumakũ iriadeare wereñurã ĩgũsãrẽ. ²⁸ Yoaripoe iroguere Jesúre buremurã merã ããrĩñurã.

15

Jerusalẽgue Jesúre buremurã nerẽdea

¹ Pablo, Bernabé Antioquíague ããrĩripoe gajirã Judea nikũ marã irogue eja, Jesúre buremurãrẽ ãsũ ãrĩ buenãgãñurã.

—Moisés dorederosũta ããrĩpererã mũsãya dũpũma gasirogãrẽ wiiribiri-makũ, Marĩpũ mũsãrẽ taubirikumi, ãrĩñurã. ² ĩgũsã irire ãrĩmakũ pérã, Pablosã ĩgũsã merã bũro gãme guaseoñurã. Irasirirã Antioquía marã Jesúre buremurã Pablore, Bernabé, gajirã iro marãdere Jerusalẽgue waamurãrẽ beyeñurã. ãsũ ãrĩñurã: “Jerusalẽgue waaka! Jesús buedoregũ beyenerãrẽ, ĩgũsãrẽ iritamurãdere: ‘¿Judea marã buerire diayeta ããrĩrĩ?’ ãrĩ sërẽñarã waaka!” ãrĩ iriñurã.

³ Irasirirã Jesúre buremurã ĩgũsãrẽ iriuadero pũũ, Pablo, Bernabé merã Fenicia nikũ waa, pũũ Samaria nikũrẽ tariwãgã, judío masaka ããrĩmerã ĩgũsã ñekũsãmarã buremunadeare piri, Marĩpũya gapũre buremunãgãrĩ kerere wererã iriñurã Jesúre buremurãrẽ. Irire pérã, ããrĩpererã bũro mũsãyãñurã.

4 Pablosã Jerusalëgue ejamakũ ìãrã, Jesúre b̄remurã, Jesús buedoregũ beyenerã, ìgũsãrẽ iritamurãde òãrõ us̄yari merã bokatĩrĩñurã. Irasirirã Pablo, Bernabé merã ããrĩpereri ìgũsã Marĩpũ turari merã irideare wereñurã. 5 Iroguere surãyeri fariseo bumarã Jesúre b̄remurã ããrĩñurã. Pablosã were-makũ pékererã, ìgũsã gapũ wãgãñugã, ãsũ ãrĩñurã:

—Judío masaka ããrĩmerã Jesúre b̄remurã, ìgũsãya dupũma gasirogãrẽ wi-iriburo. “Moisés doredeare irika musãde!” ãrĩrõ gããmea ìgũsãrẽ, ãrĩñurã.

6 Ìgũsã irasũ ãrĩmakũ pé, Jesús buedoregũ beyenerã, gajirã ìgũsãrẽ iritamurã nerẽ, irire ãmudũarã werenĩñurã. 7 Ìgũsã yoaripoe wereniãdero purũ, Pedro wãgãñugã, wereyupũ ìgũsãrẽ:

—Yaarã, òãrõ péka yũre! Iripoegue, yũ musã merã ããrĩgũrẽ Marĩpũ beyedi ããrĩmĩ, yũre ìgũya kerere judío masaka ããrĩmerãrẽ weredoregũ. Irasirigũ ìgũ masakare tauri kerere werea, Jesúre b̄remuburo, ãrĩgũ. 8 Marĩpũ ããrĩpererã gũñarĩrẽ masĩgũ, judío masaka ããrĩmerãrẽ Jesúre b̄remurãrẽ: “Yaarã ããrĩma”, ãrĩ ìmubu, ìgũsãdere Òãgũ deyomarĩgũrẽ iriumi marĩrẽ iriuderosũta. 9 Irasirigũ marĩrẽ ìgũsã merã surosũ ìãmi. Ìgũsã Jesúre b̄remumakũ, ìgũsãdere ìgũsã gũñarĩgue òãrõ ããrĩrikũmakũ yãmi. 10 Marĩpũ Moisére doreri pídeare marĩ ñekũsãmarã bokatĩũbirinerã ããrĩmã. Marĩde ìgũsã irirosũ bokatĩũbirikererã, ¿nasirimurã Jesúre b̄remurãrẽ judío masaka ããrĩmerãrẽ irire iridorebukuri? ¿Nasirimurã Marĩpũ judío masaka ããrĩmerãrẽ ìgũyarã ããrĩmakũ iririre: “Iro ããrĩbea”, ãrĩ gũñabukuri? 11 ãsũ gapũ gũñarõ gããmea. Marĩ Opũ Jesús marĩrẽ maĩrĩ merã, Marĩpũ marĩrẽ taumi. Irasirigũ marĩrẽ taurosũta judío masaka ããrĩmerãdere taumi, ãrĩyupũ Pedro ìgũsãrẽ.

12 Ìgũ irasũ ãrĩmakũ pérã, ããrĩpererã toepereakõãñurã. Irasirirã Pablo, Bernabé merã judío masaka ããrĩmerã watopegue Marĩpũ turari merã ìgũsã iri ìmudeare weremakũ òãrõ péñurã. 13 Ìgũsã irire were odoadero purũ, Santiagode wereyupũ:

—Yaarã, péka yũre! 14 Marĩpũ judío masaka ããrĩmerãrẽ ìgũyarã ããrĩñugãmakũ neõ irideare weresiami Simón Pedro musãrẽ. 15 Marĩpũya kerere weredupiyunerã werederosũta waabũ judío masaka ããrĩmerãrẽ. Marĩpũya werenĩrĩ gojadea pũgue ãsũ ãrĩ gojanerã ããrĩmã ìgũ ãrĩdeare gojarã: 16 Purũ Daviya bumarã ìgũsã oparã ããrĩdea pereadero purũgue dupaturi ìgũ parãmi ããrĩturiagure ìgũsã Opũ sóogura doja. Irasirigũ ìgũyarãrẽ ìgũsã òãrõ ããrĩrikũmakũ irigũkoa.

17-18 Irasirirã ããrĩpererã judío masaka ããrĩmerã yũ beyenerã, yũre ìgũsã Opũre b̄remurãkuma, ãrĩmi Marĩpũ masakare irire masĩdoregũ, ãrĩ gojanerã ããrĩmã.*

19 Irasirigũ ãsũ gũñãa yũ. Judío masaka ããrĩmerãrẽ Jesúre b̄remunũgãrãrẽ wári: “ãsũ irika!” ãrĩ garibobirikõãrõ gããmea marĩrẽ. 20 Irasirirã marĩ ìgũsãrẽ ãsũ ãrĩ gojarã: “Keori weadea purõ baari pídeare baabirikõãka! Nome merã ñerõ iribirikõãka! Nomedede ãma merã ñerõ iribirikõãka! Waimurã wãñugũ biu wẽjãnerãya díkuri díre baabirikõãka! Díre iiribirikõãka!” ãrĩ gojarã! 21 Iripoegueta marĩ nerẽrĩ wiirigue siñajãrĩñũrikũ Marĩpũ Moisére doreri pídeare masaka buema. Irasirirã ããrĩpereri makãrĩ marã iri dorerire masĩkuma. Irasirirã yũ ãrãdea ditare gojarã! ãrĩyupũ Santiago ìgũsãrẽ.

Judío masaka ããrĩmerãrẽ gojadea

22 Irasirirã Jesús buedoregũ beyenerã, ìgũsãrẽ iritamurã, gajirã ããrĩpererã Jesúre b̄remurã merã Santiago ãrãdeare: “Irasũta irirã!” ãrĩ, ìgũsã merãmarã

* 15:17-18 Am 9.11-12

pērārē beyeñurā Antioquíague Pablo, Bernabé merā waamurārē. Irasirirā Judare, Silare beyeñurā. Judata, “Barsabás” wāikuyupɯ. Īgūsā Jesúre bɯremurā watopegue āārīrā oparā irirosū āārīrā āārīñurā. ²³ Pɯɯ Īgūsā gojadea pūrē Īgūsā merā iriuñurā. Āsū ārī gojañurā:

Gɯa, Jesús buedoregɯ beyenerā, gɯare iritamurā, gajirā Jesúre bɯremurā ōōgue āārīrā ōādorea mɯsārē.

Āārīpererā judío masaka āārīmerā Antioquíague, Siriague, Ciliciague āārīrārē Jesúre bɯremurārē ōādorea.

²⁴ Gajirā gɯa merāmarā mɯsā pɯrogue ejarā, mɯsārē garibogoreñañurā. Mɯsāya dɯɯɯma gasirogārē wiiridore: “Āārīpereri Moisés doredeare irika!” ārīgoreñañurā. Gɯa gapɯ Īgūsārē irire: “Buerā waaka!” āribiradibɯ.

²⁵ Irasirirā gɯa āārīpererā nerē, gɯa merāmarā Judas, Silas wāikurārē beyeabɯ mɯsā pɯrogue iriumurā. Īgūsā marī mañrā Pablo, Bernabé merā waarākuma. ²⁶ Masaka Pablosārēta Jesucristo marī Opɯya kerere gūiro marīrō merā buemakū wējēboyaunanerā āārīmá. Mérōgā tarinerā āārīmá.

²⁷ Judasā mɯsā pɯrogue ejarā, gɯa gojadeare wererākuma. ²⁸ Ōāgū deyomarīgū gɯare gūñarī sīrōsūta: “Gaji dorerire pībirikoa mɯsārē”, ārī gūñáa. Irasirirā i doreri ditare pírākoa: ²⁹ “Keori weadea pɯro baari pídeare baabirikōāka! Díre iiribirikōāka! Waimarā wūnugū biu wējēanerāya díkuri díre baabirikōāka! Nome merā ñerō iribirikōāka! Nomedē ūma merā ñerō iribirikōāka!” I gɯa dorerire irirā, ōārīrē irirākoa mɯsā. Iropata āārā mɯsārē gɯa weredɯari, ārī gojañurā Jesúre bɯremurā Jerusalēgue āārīrā.

³⁰ Iri pūrē goja odo, Pablosārē: “Ōārō waaka!” ārī seretuñurā. Pɯɯ Pablosā Antioquíague waañurā. Irogue eja, Jesúre bɯremurārē siiu need, iri pūrē wiañurā. ³¹ Iri pūrē bue odo, ōārī Īgūsā were gojadeare ñārā, bɯro ɯsɯyañurā.

³² Judas, Silas merā Marīpɯya kerere weredupiyurā āārīñurā. Irasirirā Jesúre bɯremurārē Marīpɯ Īgūsārē weredoredeare wereñurā. Īgūsā weremakū pérā, Jesúre bɯremurā gapɯ ɯsɯya, ōārō gūñaturari merā dujañurā. ³³ Judas iroguere yoaweyaripoe āārī: “Dujáagɯ yáa”, ārī seretuyupɯ iro marārē. Irasū ārīmakū pé: “Ōārō waaka! Bɯro siñajārī merā dujáaka Jerusalēgue. Ōāburo iro marā, mɯsārē iriuanerā”, ārī dujuñurā. Īgūsā irasū ārādero pɯɯ, Judas, gajirā merā Jerusalēgue dujáakōāyupɯ doja. ³⁴ Silas gapɯ: “Ōōgue dujagɯra”, ārī gūñasīā, Antioquíague dujakōāyupɯ dapa. ³⁵ Pablo, Bernabé merā yoaweyaripoe iroguere dujañurā. Irasirirā wárā gajirā merā iro marārē bue, marī Opɯ Jesúya kerere wereregoreñañurā.

Dupaturi Pablo Jesúya kerere buegorenagū waadea

³⁶ Mérōgā pɯɯ Pablo Bernabére wereyupɯ:

—Náka, āārīpereri makārī marī Opɯ Jesúya kerere marī buegorenadea makārī marārē: “¿Naásū āārīrikuri?” ārī, ñāgorenarā! ārīyupɯ.

³⁷ Īgū irasū ārīmakū pégɯ, Bernabé gapɯ Juan Marcove āiadaɯadiyupɯ.

³⁸ Dupiyurogue Juan Marcos Īgūsā merā Panfiliague āārīgú, Īgūsā moārīrē bokatīūbiridea waja Pablo dupaturi Īgūrē āiadaɯabiriyupɯ. Irasirigɯ Bernabére: “Īgūrē āiabirimakūdere ōārōkoa”, ārīyupɯ. ³⁹ Irasirirā Īgūsā basi irire bɯro gāme guaseo, dukawariakōāñurā. Irasirigɯ Bernabé gapɯ Juan Marcove āiayupɯ, doódiru merā Chipre nɯgūrōgue waagú. ⁴⁰ Pablode Silare beyeyupɯ Īgū merā waabure. Īgūsā buerā waaburi dupiyuro Jesúre bɯremurā Īgūsārē: “Marī Opɯ mɯsārē maīgū ōārō koreburo”, ārī sērēbosa, iriuñurā. ⁴¹ Irasirirā Siria nikū, Cilicia nikūdere tariwāgā, Jesúre bɯremurārē Īgūyare bue, ōārō gūñaturamakū iriñurā Īgūsārē.

16

Timoteo, Pablo, Silasãrẽ wapikũwãgãdea

¹ Pũũ Pablo, Silas merã Derbegue, Listrague ejañurã. Irogue ejarã, Timoteore Jesúre bũremugũrẽ bokajañurã. Ìgũ pagode Jesúre bũremugõ, judío masako ããrĩyupo. Pagũ gapũ griego masakũ ããrĩyupũ. ² Jesúre bũremurã Lистра marã, Iconio marãde Timoteore: “Õãgũ ããrĩmi”, ãrĩ ããñurã. ³ Irasirigũ Pablo Timoteore ãgũrẽ wapikũbure ããadũayupũ. Judío masaka iri nikũ marã gapũ Timoteo pagũ griego masakũ ããrĩrẽ masĩñurã. Irasirigũ Pablo ãgũsã merã guamakũ iridũabi, Timoteoya dũpũma gasirogãrẽ wiiriyupũ judío masaka irinarõsũ irigũ. ⁴ Pũũ Pablo, Timoteo merã waa, ãgũsã gojadea pũmarẽ Jesúre bũremurãrẽ ãgũsã ejari makãrĩ marãrẽ wereñurã. Iri pũ Jerusalẽgue Jesús buedoregũ beyenerã, ãgũsãrẽ iritamurã: “Ãsũ irika!” ãrĩ gojadea pũ ããrĩyuro. ⁵ ãgũsã irire weremakũ pérã, Jesúre bũremurã: “Jáũ”, ãrĩ, gũñaturari merã Jesúre bũremunemoñurã. Gajirãde ãmũrikũ Jesúre bũremubirinerã, bũremunemowãgãñurã.

Pablo kẽrõgue irirosũ Macedoniamũrẽ ããdea

⁶⁻⁷ Pũũ Pablosã Asia nikũgue Jesúya kerere buerã waadũarãrẽ Õãgũ deyomarĩgũ waadorebiriyupũ. Irasirirã ãgũsã Frigia nikũrẽ taria, Galacia nikũdere taria, Misia nikũ tũroque eja, Bitinia nikũgue waadũadiñurã. Õãgũ deyomarĩgũ gapũ iroguedere waadorebiriyupũ. ⁸ Irasirirã Misia nikũ tũrore tariwãgã, Troas wãĩkũri makãgue buajañurã. ⁹ Irogue iri ñamirẽ Pablo kẽrõgue irirosũ sugũ Macedonia nikũmũ ãgũ pũro nímakũ ããyupũ. “Gũare Macedonia marãrẽ iritamugũ aarika!” ãrĩ siũyupũ. ¹⁰ Pablo kẽrõ irirosũ waadeare gũare weremakũ pérã: “Marĩpũ iri nikũ marãrẽ ãgũya kerere weredoregũ iriugũ irikumi marĩrẽ”, ãrĩ gũña, gũayare ãmu, Macedoniague waakõãbũ. ((Yũ Lucas i pũrẽ gojabude ãgũsã merã waabũ.))

Pablo, Silas merã Filipogue waadea

¹¹ Irasirirã Troague ããrãnerã doódiru merã Samotracia wãĩkũri nũgũrõgue taribuja, gajinũ gapũ Neápoligue waabũ. ¹² Iri makãrẽ taria, Filipino romano marãya makãgue ejabũ. Iri makãta Macedonia nikũma makãrĩrẽ doreri makã ããrĩbũ. Iroguere yoaweyaripoe ããrĩbũ. ¹³ Judío masaka siñajãrĩnũ ããrĩmakũ, ãgũsã Marĩpũre sãrẽrã nerẽnarõrẽ ãmarã waarã, iri makã tũro, dia wekague waabũ. Irogue eja, iro nerẽanerã nomerẽ Jesúya kerere were doanĩbũ. ¹⁴ Iroguere sugo Tiatira wãĩkũri makãmo, Lidia wãĩkũgo õãrĩ surĩ diari surĩre duarimasõ ããrĩmó. Marĩpũre bũremugõ ããrĩmó. Irasirigũ Marĩpũ igore Pablo wererire õãrõ pémasĩrĩ merã pé bũremumakũ irimi. ¹⁵ Irasirigũ Pablo igore, igoya wii marã ããrĩpererãrẽ deko merã wãiyemi. Ìgũ wãiyeadero pũũ, ãsũ ãrĩmo:

–Mũsã yũre: “Diayeta Jesúre bũremugõ ããrĩmo”, ãrĩ gũñarã, yaa wiigue dujaka! ãrĩmo gũare.

Igo irasũ ãrĩmakũ pérã, igoya wiigue dujabũ.

¹⁶ Sunũ iro marã Marĩpũre sãrẽrã nerẽnarõgue dupaturi waarã, wãtĩ ñajãsũdeore bokajabũ. Igo gajirãrẽ moãboego ããrĩmó. Irasirigo wãtĩ masĩrĩ sĩrĩ merã masakare: “Ãsũ waarokoa mũsãrẽ”, ãrĩboka, wãro niyeru wajatabosamo igo oparãrẽ. ¹⁷ Igo gũa noó waaró gũa merã waagó, ãsũ ãrĩ gaguinĩmo:

–Ìgũsã Marĩpũ ããrĩpererãrẽ doregũre moãboerimasã ããrĩma. Marĩpũ marĩrẽ tauri kerere werema mũsãrẽ, ãrĩ gaguinĩmo.

¹⁸ Wãrinũrĩ gũare garibomakũ, Pablo gãmenũgã, wãtĩ igoguere ããrĩgũrẽ ãsũ ãrĩmi:

—Jesucristo wāi merā, ĩgũ turari merā mūrē: “Iгоре iropata wirika!” ārĩmi. ĩgũ irasũ ārĩmakũta, wātĩ igore wiriakõāmi.

¹⁹ Wātĩ igore wiriadero p̄r̄r̄, masakare: “Āsũ waarokoa”, ārĩ weremasĩbiri, igo oparārē niyeru wajatanemobosabirimo pama. Irasirirā, igo oparā gapu Pablo, Silare ñeā, iri makā marā oparā p̄r̄roque āĩāma. ²⁰ P̄r̄r̄ weresārĩrē beyerimasā p̄r̄roque ĩgūsārē āĩja, āsũ ārĩma:

—Īsā judío masaka āārĩma. Marĩya makā marārē gariborā yāma. ²¹ ĩgūsā marĩrē buerā, marĩ romano marā iririk̄r̄ire iridorebema. Irasirirā ĩgūsā buerire gāāmebea. ĩgūsā doreridere irimasĩbea, ārĩma.

²² ĩgūsā irasũ ārĩmakũ pérā, masaka wārā iroque āārĩrā Pablosā merā guama. Weresārĩrē beyerimasā gapu Pablosāya surĩre túweadore, yuku merā tārādorema. ²³ ĩgūsārē b̄r̄ro tārā odo, peresu irima. ĩgūsārē korebure õārõ iāduripídorema. ²⁴ Irasiriḡu ĩgūsārē koreḡu gapu iri wii dekoma taribugue ĩgūsārē ĩgūsāya guburire taboa majĩrĩma goberiḡue s̄adobo, õārõ biadobokõāyur̄u.

²⁵ P̄r̄r̄ ñami deko āārĩmakũ, Pablosā Marĩp̄r̄e s̄erē, bayapeoñurā. ĩgūsā irasũ bayamakũ, gajirā peresugue āārĩrā péñurā. ²⁶ ĩgūsā bayaripoe gũñaña marĩrõ nikũ b̄r̄ro ñomeyuro. Irasiriro iri wiide b̄r̄ro gāmeña, suro merā āārĩpereri iri wiima makāp̄r̄rori t̄p̄p̄ereakõāyuro. Peresugue āārĩrārē ĩgūsā kõmedari merā s̄adeadaride kurakõāyuro. ²⁷ Irasũ waamakũ, ĩgūsārē koreḡu yobe, iri wiima makāp̄r̄rori toyomakũ ĩāgũ: “Peresu āārānerā duriwiri-apereakõāñuma”, ārĩ gũñayur̄u. Irasiriḡu ĩgũya sareri majĩrē āĩ, ĩgũ basi sareboad̄uaḡu iriadiyur̄u. ²⁸ ĩgũ irasirimakũ ĩāgũ, Pablo ĩgũrē gaguinĩyur̄u:

—M̄u basi ñerõ neõ iribirikõāka! Āārĩp̄r̄ekõāa ḡua, ārĩyur̄u.

²⁹ ĩgũ irasũ ārĩmakũ péḡu, s̄iāgodore, Pablosā p̄r̄ro ùmawāgā, ĩgūsāya guburi p̄r̄ro naradari merā ejamejāyur̄u. ³⁰ P̄r̄r̄ ĩgūsārē āĩwiu, āsũ ārĩ s̄erēñayur̄u:

—¿Nasiriḡukuri, yu Marĩp̄r̄u yure taumakũ gāāmegũ? ³¹ Pablosā ȳjuñurā:

—Marĩ Op̄u Jesucristore b̄remuka! M̄ya wii marāde ĩgũrē b̄remuburo. M̄sā ĩgũrē b̄remumakũ ĩāgũ, Marĩp̄r̄u m̄sārē tauḡukumi, ārĩñurā.

³² Irasũ ārĩ odo, ĩgũya wii marādere Jesúya kerere wereñurā. ³³ Ñami deko p̄r̄r̄ ĩgūsārē koreadi ĩgūsāya kāmire koeyur̄u. ĩgũ koe odoadero p̄r̄r̄, Pablosā ĩgũrē, ĩgũya wii marādere deko merā wāiyēñurā. ³⁴ ĩgūsārē wāiyeadero p̄r̄r̄, Pablosārē ĩgũya wiiḡue āĩa, baari ejoyur̄u. ĩgũ, ĩgũya wii marā merā Marĩp̄r̄e b̄remusĩā, b̄r̄ro us̄yayñurā.

³⁵ Boyoripoe oparā surarare iriñurā, peresu wii koreḡure Pablosārē wiu-dorerā. ³⁶ Iri wii koreḡu irire péḡu, Pablosārē ārĩyur̄u:

—Oparā m̄sārē wiridoreañurā. Irasirirā gũiro marĩrõ us̄yari merā wirika! ārĩyur̄u.

³⁷ ĩgũ irasũ ārĩmakũ péḡu, Pablo gapu ārĩyur̄u surarare:

—Oparā ḡua ñerõ irideare bokabirikererā, masaka wārā ĩũrõ ḡuare tārādoreama. ĩgūsā, ḡua romano marā āārĩkeremakũ, tārādoreama. P̄r̄r̄ peresu iriama. ¿Dapague ḡuare masaka ĩābero wiud̄uari? Āārĩbea. ĩgūsā basita wiurā aariburo ḡuare, ārĩyur̄u Pablo.

³⁸ ĩgũ irasũ ārĩmakũ pérā, surara Pablo ārādeare oparārē wererā waañurā. Pablo, Silas romano marā āārĩma, ārĩrĩ kerere pérā, oparā gũigorañurā.

³⁹ Irasirirā Pablosā p̄r̄ro ejarā, āsũ ārĩñurā:

—Kátika, gwa musārē peresu iriadeare! Irasū āri odo, ĩgūsārē peresugue āārānerārē wiu: “Gwaya makārē wirika!” āriñurā. ⁴⁰ Irasirirā Pablosā peresugue āārānerā wiria, Lidiaya wiigugue waañurā. Irogue eja, Jesúre bremurā nerēanerārē bokajarā, ōārō gũñaturanemomakū iriñurā. Pwra waakōāñurā.

17

Tesalónica marā Pablo, Silas merā guadea

¹ Pablo, Silas merā waarā, Anfípoltre, Apoloniare taria, Tesalónicague ejañurā. Iri makāguere judío masaka nerērī wii āārīyuro. ² Irogue eja, Pablo iri wiigugue waayupw ĩgū gaji makārīrē irinaderosūta. Ũre semana judío masaka siñajārīñurī āārīmakū, iro marārē Marīpwyaare werenayupw. ³ Āsū āri bueyupw:

—Marīpw iriudi, Cristo āārīmi. Marī ñerō iridea waja ñerō taridi āārīmī. ĩgū boadero pwra, Marīpw gapw ĩgūrē masūdi āārīmī marī ōārō āārīburire. Ĩ Jesús yw āsū āri weregw, ĩgūta Cristo āārīmi marīrē taugw. Āsūta āri werea, Marīpwya kerere ĩgūsā gojadea pūguere, āri wereyupw.

⁴ ĩgū irasū ārīmakū pérā, surāyeri judío masaka ĩgū wererire: “Diayeta āārā”, āri bremuñurā. Irasirirā Pablosā merā waañurā. Gajirā wārā griego masaka Marīpwre bremurīmasā, oparā nomede, Pablo wererire pérā, bremuñurā. Irasirirā ĩgūsāde ĩgūsā merā waañurā. ⁵ Gajirā judío masaka irasirimakū ĩārā, Pablosārē ĩāturi, wārā ñerā moāmerārē siu need: “Pablo ĩgū merāmarā merā ñerō irigw yāmi”, āri gaguinīrā waaka i makā marārē, āri iriuñurā. Irasū āri gaguinīrā, āārīpererā iri makā marārē Pablosā merā guamakū iriñurā. Irasirirā Jesúre bremugū Jasón wāikugwya wiima makāpwrore turaro merā tūākoro, ñajāa, Pablosārē āmadiñurā masakaguere wiaduarā. ⁶ ĩgūsārē bokabirisīā, Jasōrē, gajirā Jesúre bremurādere ñeā tūāwāgā, iri makā marā oparā pwroque āia, irogue eja, gaguinīñurā:

—Pablosā āārīpererogue masakare gariborā iriama. Dapagorare marīya makārē ejasiamā. ⁷ Ĩ Jasón ĩgūsārē ĩgūya wiigugue ñajādoreami. Ĩsā āārīpereri marī romano marā opw dorerire tarinugāma. “Gajigw musā Opw, Jesús wāikugw āārīmi”, āri buema masakare, āri gaguinīñurā oparārē.

⁸ ĩgūsā irasū āri gaguinīmakū pérā, āārīpererā iri makā marā, ĩgūsā oparāde Pablosā merā guañurā. “¿Naásū waáari?” āri gaguinīsirikōāñurā. ⁹ Irasirirā oparā Jasōrē, ĩgū merāmarādere peresu waadoremerā: “Dupaturi Pablosārē iritamubirikōāka!” āri, niyeru wajaridore, wiukōāñurā.

Pablo, Silas merā Bereague ejadea

¹⁰ Pwra iri ñamita Jesúre bremurā Pablosārē Bereague iriukōāñurā. Irogue eja, judío masaka nerērī wiigugue waañurā. ¹¹ Judío masaka Berea marā gapw Tesalónica marā nemorō Jesúya kerere ōārō péduañurā. Irasirirā irire: “¿Diayeta āārīrī?” āri masīduarā, ũmurikw Marīpwya werenīrī gojadea pūmarē buenikōāñurā. ¹² Irasirirā wārā Jesúre bremuñurā. Gajirā griego masakade, iri makā marā oparā nomede bremuñurā. ¹³ Pablo, Berea marārē Marīpwyaare wereri kerere pérā, Tesalónica marā judío masaka ejañurā. Irore eja, Berea marārē kere āri, Pablosā merā guamakū iriñurā. ¹⁴ ĩgūsā irasirimakū ĩārā, Jesúre bremurā Pabllore mumurō merā dia wādiya turogue iriuñurā. ĩgū merāmarā gapw Silas, Timoteo merā Bereague dujañurā. ¹⁵ Pabllore āiwāgānerā Atenas wāikuri makāgue eja, ĩgūrē irogue pí, Bereague gāme dujāakōāñurā doja. Irogue dujajarā, Pablo ĩgū: “Murīgora Silas, Timoteode ōogue aariburo”, āri kere iriadeare wereñurā ĩgūsārē.

Pablo Atenague āārīdea

¹⁶ Pablo Atenague Silas, Timoteore yúgu, iri makā marā keori weadeare wári opamakū ĩāgū, buro bujawereyupu. ¹⁷ Irasirigu judío masaka nerērī wiigue ĩgūsā merā werenígū waayupu. Iroguere gajirā judío masaka āārīmerā Marīpure buremurā āārīñurā. ĩgūsā merādere wereníyupu. Ūmuriku iri makā marā ĩgū bokajarā merā wereníyupu. ¹⁸ Gajirā ūmade Epicúreos wāikuri bumarāyare buerimasā, gajirā Estoicos wāikuri bumarāyare buerimasā Pablo merā wereníñurā. ĩgū weremakū pérā, āsū ārī gāme sērēñañurā:

—¿Naásū ārī weredugū yári, ĩi iropa werenígū? ārīñurā.

Pablo Jesúyare, ĩgū masā murīadeare weremakū pérā, gajirā āsū ārīñurā:

—Gajiro marā ĩgūsā buremurāyare weregu irikumi, ārīñurā. ¹⁹ Irasirirā ĩgūsā nerērō Areópago wāikurogue Pablöre āiñurā. Iroguere āija, ĩgūrē ārīñurā:

—Gua maama bueri mu wererire masidukoa. ²⁰ Mu bueri gajirosū āārā. Irasirirā gu: “¿Naásū ārīduaro yári iri?” ārī masidukoa, ārīñurā Pablöre.

²¹ Āārīpererā Atenas marā, gajiro marā iri makā ejanerāde maama bueri ditare wereníduañurā.

²² Irasirigu Pablo Areópagogue ĩgūrē āijadero puru, wāgānugā, āsū ārī wereyupu ĩgūsārē:

—Keori weadeare musā āārīpererā oārō buremua. Irire masía yu. ²³ I makā musāya makārē naagorenagū, musā buremurōrē ĩābu. Sugu musā buremugūrē sīdea sopeorogue gojatúdeadere ĩābu. “Ūmugasigue marā Opu marī masīña marīgūrē buremurō āārā”, ārī gojatúdeare ĩābu. Musā ĩgūrē masībirikeremakū, ĩgūrēta werea yu musārē, ārīyupu Pablo. Irasū ārī odo, ārīnemoyupu doja:

²⁴ —Marīpu i ūmurē āārīpereri iridi āārīmí. Ūmugasi, i nikū Opu āārīmí. Masaka iridea wiirire āārībemi. ²⁵ Marī iritamurērē gāamebemi. ĩgū gapu marērē iritamumi. Marī āārīrikurire, āārīpereri gajinodere sīmi. Okari opamakū yámi. Yujūāimākū yámi marērē.

²⁶ Marīpu sugu ūmū merāta āārīpereri buri marā āārīmakū iridi āārīmí, ĩgūsārē i nikū āārīpereroguerē āārīburo, ārīgū. “Ōopa yoaripoe okarākuma ĩgūsā āārīrōguere”, ārī pídi āārīmí. ²⁷ Marīpu: “Yure āmarā bokaburo”, ārīgū, irasiridi āārīmí. ĩgūrē marī bokaburo, ārīgū, yoarogue āārībemi. Marī merāta āārīmí. ²⁸ Marīpu marērē āārīmakū yámi. ĩgū marīmakū marībukuyo. Marī okari, marī irimasīrī, marī āārīrikurire sīgū āārīmí. Musā bayarire gojarimasāde āsū ārī gojanerā āārīmá: “Marīde ūmugasigue marā Opu pūrā āārā”, ārī gojanerā āārīmá. ²⁹ Irasirirā marī ĩgū pūrā āārīrā, keori masaka weadeare ĩgūsā gūñarō merā irideare: “Marīpu irirosū āārīmí”, ārī gūñabirikōārā! Marīpu, masaka oro, plata, ūtāyeri merā keori weadea irirosū āārībemi. ³⁰ Marīpu iripoegue marā ĩgūrē masīmerā ĩgūrē buremubirimakū irasū ĩākōādi āārīmí. Irasirigu, dapaguere pama marērē āārīpererā i nikūgue āārīrārē: “Musā ñerō irideare bujawereka! Musā gūñarērē gorawayuka!” ārīmí. ³¹ Puru Marīpu āārīpererā ñerārē wajamoārīnu ejamakū, ĩgū beyedi Jesús merā āārīpererā i nikūgue āārīrārē diayeta irigukumi oārārē beye, ñerā gapure béobu. Jesús boadero puru, Marīpu ĩgūrē masūgū, ĩgū beyedi āārīrērē ĩmudi āārīmí āārīpererārē, ārī wereyupu Pablo Atenas marārē.

³² ĩgū Jesús boadigue masādeare weremakū pérā, gajirā ĩgūrē ubu burikōāñurā. Gajirā gapu:

—Dupaturi ire mu weremakū péduakoa doja, ārīñurā.

³³ Pablo ĩgūsārē piri waakōāyupũ. ³⁴ Gajirā, ĩgũ wererire pēnemoduarā ĩgũ merā waañurā. Irasirirā Jesúre b̄remunugāñurā. ĩgūsā merā sugũ Dionisio wāikũgũ Areópogogue oparā merā nerērĩmasũ āārĩyupũ. Gajigo Dámaris wāikũgode gajirā merā Jesúre b̄remunugāyupo.

18

Pablo Corintogue ejadea

¹ Pũrũ Pablo Atenague āārādi waa, Corinto wāikũri makāgue ejayupũ. ² Irogue judío masakũ Aquila wāikũgũre Ponto nikũmũrē bokajayupũ. Aquila, ĩgũ marāpo Priscila merā Italia nikũgue āārĩnerā āārādima. ĩgūsā irogue āārĩripoe romano marā opũ Claudio wāikũgũ āārĩpererā judío masakare Romarē wiridoremakũ, Aquila ĩgũ marāpo merā Corintogue ejanerā āārĩmá. ĩgūsā irogue āārĩmakũ, Pablo ĩgūsārē ĩāgũ waayupũ. ³ ĩgũde ĩgūsā moārĩkarĩnorēta moāgũ āārĩyupũ. Irasirigũ dujakōāyupũ ĩgūsā merā moābu. ĩgūsā surĩ gasiri merā wiiri irirā āārĩñurā. ⁴ Pablo, judío masaka siñajārĩnũrikũ ĩgūsā nerērĩ wiigüe waa, judío masakare, judío masaka āārĩmerādere Jesúya kerere werenayupũ, ĩgūsā iri kerere: “Diayeta āārā”, ārĩ gũñaburo, ārĩgũ.

⁵ Timoteo, Silas merā Macedoniague āārānerā Pablo pũrogue ĩgūsā ejadero pũrũ, Pablo surĩ gasiri merā wiiri moārĩrē piri, ũmũrikũ judío masakare Jesúya kerere diaye ārĩrĩ merā bueyupũ:

–Jesús āārĩmi marĩ yoaripoe yúdi. ĩgũta Marĩpũ iriudi, Cristo āārĩmi, ārĩyupũ.

⁶ ĩgũ irasũ ārĩ buekeremakũ, judío masaka gapũ ĩgũrē péduabirĩñurā. Irasirigũ ĩgūsā ñerō werenĩrĩ merā ĩgũrē werewũamakũ pégu, Pablo ĩgūsārē: “Buenemobirikoa”, ārĩ ĩmugũ ĩgũya surĩre iroma nikũ tuadeare pásiri, āsũ ārĩyupũ:

–Marĩpũ dorederosũta musārē bueabu. Musā gapũ yũre péduabea. Irasirirā musā péduabiri waja perebiri peamegue waarākoa. Irasirigũ yũ musārē bueadeare pirigũkoa. Dapagorare judío masaka āārĩmerārē buegu waagũra, ārĩyupũ.

⁷ Irasũ ārĩ, iri wiigüe āārādi wiria, Ticio Justo wāikũya wiigüe waayupũ. ĩgũya wii judío masaka nerērĩ wii tũro āārĩyuro. ĩgũ Marĩpũre b̄remugũ āārĩyupũ. ⁸ Nerērĩ wii opũ Crispo wāikũgũ, āārĩpererā ĩgũya wii marāde Jesúre b̄remunugāñurā. Gajirā Corinto marāde wárā Jesúya kerere pérā, ĩgũrē b̄remunugāñurā. Irasirirā deko merā wāĩyesũñurā, ĩgūsā Jesúre b̄remurĩrē ĩmurā. ⁹ Su ñami Pablöre kērōgue irirosũ marĩ Opũ ĩgũrē āsũ ārĩ wereyupũ:

–Gũibirikōāka! Neō piriro marĩrō yaa kerere buenĩkōāka i makā marārē! ¹⁰ Yũ, mũ merā āārā. Irasirirā masaka m̄rē ñerō irimasĩbema. I makārē wárā yaarā āārĩma, ārĩyupũ.

¹¹ Irasirigũ Pablo iro marā merā su bojori gaji bojori deko āārĩyupũ Marĩpũya kerere buegu.

¹² Iripoere romanomũ Galión wāikũgũ Acaya nikũ marā opũ āārĩripoe judío masaka suro merā nerē, Pablöre ñeā, Galión pũrogue āija, ¹³ āsũ ārĩñurā:

–Ĩ masakare: “Āsũ gapũ irika, Marĩpũre b̄remurā!” ārĩ buegu, i nikũma doreri gapũre béodoremi, ārĩñurā Galiōrē.

¹⁴ ĩgūsā irasũ ārĩmakũ, Pablo ĩgūsārē werebu iriripoeta Galión gapũ judío masakare ārĩyupũ:

–ĩgũ ñerō iriadero pũrũ tamerārē yũ péboakuyo musā judío masaka weresārĩrē. ¹⁵ Musā dorerire tarĩngāmakũ, musā basi āmuka! Ire masĩbea yũ. Irasirigũ irire: “Irasũta irika!” ārĩmasĩbirikoa, ārĩyupũ.

16 Irasũ arĩgũta ĩgũyarã surarare Pablore weresãrãrẽ béowiudoreyupũ.
17 Irasirimakũ ĩãrã, ããrĩpererã iri wii ããrĩrã Sóstenẽrẽ judío masaka nerẽrĩ wii opure ñeã, Galión ĩũrõ páñurã. ĩgũsã pámakũ ĩãgũ, Galión gapũ: “ĩgũsã gããmerõ iriburo”, arĩ ĩãkõãyupũ.

Pablo Antioquíague goedujáa, dupaturi buegorenadea

18 Pablo Corintogue yoaripoe ããrĩyupũ dapa. Pũrũ Jesúre bũremurãrẽ: “Waagú yáa”, arĩ odo, doódiru merã Priscila, Aquila merã Siriana makãgue waakõãñurã. ĩgũ doódiru merã waaburi dupiyuro Cencreague ããrĩgũ, Marĩpũre: “Ásũ irigũra mũrẽ bũremugũ”, arĩderosũta ĩgũya poarire wũũapeokõãdoreyupũ. 19 Pũrũ ĩgũsã merã waa, Efeso wãĩkũri makãgue eja, Priscila, Aquilare píkõã, judío masaka nerẽrĩ wiigue waayupũ. Iri wiigue eja, judío masaka iro nerẽanerã merã Marĩpũyare wereyupũ. 20 ĩgũ irasũ weremakũ pérã, ĩgũrẽ: “Yoaripoe dujaka gũa merã!” arãdiñurã. ĩgũ gapũ: “Dujabea mũsã merã”, 21 arĩgũta ĩgũsãrẽ seretuyupũ:

—Jerusalẽgue bosenu ĩãgũ waagú yáa. Marĩpũ gããmemakũ dupaturi ĩãgũ dujaribukoa mũsãrẽ, arĩyupũ.

Irasũ arĩ odo, Efesogue ããrãdi doódiru merã waakõãyupũ. 22 Irasirigu Cesareare tariwãgã, Jerusalẽgue eja, iro marã Jesúre bũremurãrẽ õãdoregũ ejayupũ. Pũrũ Antioquíague waayupũ doja. 23 Irore yoaweyaripoe ããrĩ, pũrũ Galaciana makãrĩgue Frigiana makãrĩrẽ dupaturi eja, iri makãrĩ marãrẽ Jesúre bũremurãrẽ bue, ĩgũsãrẽ õãrõ usũyari merã ããrĩrikũmakũ iriyupũ.

Apolos Efesogue buedea

24 Iripoere judío masakũ Apolos wãĩkũgũ, Alejandría wãĩkũri makãmũ Efesogue ejayupũ. ĩgũ õãrõ weregũ, Marĩpũya werenĩrĩ gojadeare masĩgũ ããrĩyupũ. 25 Gajirã ĩgũrẽ marĩ Opũ Jesúya kerere weresianerã ããrĩmã. Irasirigu usũyari merã Jesús irideare diaye arĩrĩ merã wereyupũ. Irasirikeregũ, Juan masakare deko merã wãĩyedeã ditare masĩyupũ. 26 Gũiro marĩrõ judío masaka nerẽrĩ wiigue ããrĩrãrẽ buenũgãyupũ. ĩgũ buerire péanerã Priscila, Aquila ĩgũsãya wiigue ĩgũrẽ ãã, iroque õãrõ diaye arĩrĩ merã wereñurã ĩgũ Marĩpũyare masĩbirire. 27 Pũrũ Apolos Acayague waadũamakũ, Jesúre bũremurã ĩgũrẽ su pũ gojabosañurã. Irasirirã Jesúre bũremurãrẽ Acayague ããrĩrãrẽ: “Apolore õãrõ bokatĩrĩñeãka!” arĩrĩ pũrẽ ĩgũ merã iriuñurã. Irasirigu Apolos iroque ejamakũ, Marĩpũ ĩgũsãrẽ maĩgũ, ĩgũ merã õãrõ iritamuyupũ. 28 Irasirigu Apolos ããrĩpererã ĩũrõ judío masakare õãrõ turari merã:

—Marĩpũ iriudi, mũsã yoaripoe yúdi, Cristo ããrĩmi. ĩgũta Jesús ããrĩmi, arĩyupũ. Irasirirã Marĩpũya werenĩrĩ gojadeã pũrẽ keoro weremakũ pérã, judío masaka: “Diaye ããrĩbea”, arĩmasĩbiriñurã.

19

Pablo Efesogue buedea

1 Apolos Corintogue ããrĩripoe Pablo gapũ ãtãyuku watopegue taria, Efesogue eja, wãrã Jesúre bũremurãrẽ bokajayupũ. 2 Bokaja, ĩgũsãrẽ sãrẽñayupũ: —¿Mũsã Jesúre bũremurã, Õãgũ deyomarĩgũrẽ bokatĩrĩñeãrĩ? arĩyupũ.

ĩgũrẽ yũjũñurã:

—“Õãgũ deyomarĩgũ ããrĩmi”, arĩmakũ, neõ pébiribũ gũa.

3 Pablo ĩgũsãrẽ sãrẽñayupũ doja:

—¿Noãya buerire pédero pũrũ, deko merã wãĩyeri mũsãrẽ? arĩyupũ. ĩgũsã gapũ yũjũñurã:

—Juãya buerire gũa pédero pũrũ, gũare wãĩyema, arĩñurã.

⁴ Pablo àsũ ãrĩyupũ doja:

—Juan masakare ìgũsã ñerĩ irideare bujawere, gũñarĩrẽ gorawayurãrẽ wãiyedi ããrĩmĩ. Irasũ wãiyekeregu: “Yu puru aaribure buremuka!” ãrĩ buedi ããrĩmĩ. Irasũ ãrĩgũ: “Jesúre Marĩpu iriudire buremuka musã!” ãrĩgũ iridi ããrĩmĩ, ãrĩyupũ Pablo.

⁵ Ìgũ irasũ ãrĩmakũ pérã, marĩ Opũ Jesús wãĩ merã wãiyesũñurã ìgũrẽ buremurĩrẽ ìmurã. ⁶ Puru Pablo ìgũsãya dipu weka ìgũya mojõrĩ merã ñapeomakũ, Õãgũ deyomarĩgũ dijjayupũ ìgũsãrẽ. Ìgũ dijjamakũ, gaji masã ya werenĩrĩ merã ìgũsã werenĩmasĩbirideare werenĩñurã. Marĩpu ìgũsãrẽ weredorerire wereñurã. ⁷ Ìgũsã ããrĩpererã pe mojõma pere su gubu peru pẽrẽbejarãgora ããrĩñurã.

⁸ Pablo iri makãguere urerã abe ããrĩgũ, judío masaka nerẽrĩ wiigüe ñajãa, gũiro marĩrõ Marĩpu marĩ Opũ ããrĩrĩ kerere masakare werenayupũ. Irire gũñaturari merã weremakũ pérã: “I diayeta ããrã”, ãrĩñurã. ⁹ Gajirã gapũ Marĩpuyare péduamerã, ìgũ wererire buremubiriñurã. Irasirirã masaka péurogue marĩ Opũya bueri: “Ñegorãa”, ãrĩ wereñurã. Ìgũsã irasũ ãrĩmakũ pégu, Pablo gapũ Jesúre buremurãrẽ siiu wiria, Tiranno wãikũgũya bueri wiigüe waayupũ. Iroguere ãmarikũ masakare buenayupũ. ¹⁰ Pe bojorigora bueyupũ ìgũsãrẽ iri wiigüere. Ìgũ irasũ buemakũ, ããrĩpererã Asia nikũ marã judío masaka, judío masaka ããrĩmerãde marĩ Opũyare péperekãñurã.

¹¹ Pablo iri makãgue ããrĩmakũ, Marĩpu ìgũ turari merã ìgũrẽ wãri iri ìmurĩrẽ irimakũ iriyupũ. ¹² Irasirimakũ ìãrã, masaka surĩ gasiri, Pabloya dupũ pẽrẽadea gasirire pũrĩrikurã puro ããñañurã. Ìgũsã ããrĩmakũ, pũrĩrikurã iri gasirire moãña, tarinañurã. Wãtẽa ñajãsũnerãde irire moãña, wirisũnañurã.

¹³⁻¹⁴ Iripoere gajirã judío masaka wãtẽãrẽ béowiugorenarã iriñurã. Ìgũsã Esceva wãikũgũ pũrã su mojõma pere gaji mojõ peru pẽrẽbejarãgora ããrĩñurã. Esceva paía opu ããrĩyupũ. Ìgũ pũrã Pablo irirosũta marĩ Opũ Jesús wãĩ merã wãtẽãrẽ béowiuduarã, àsũ ãrĩñurã:

—Jesús, Pablo weredi wãĩ merã dorea musãrẽ. Wirika musã ñajãdire! ãrĩ béowiuadiñurã. ¹⁵ Ìgũsã irasũ ãrĩkeremakũ, wãtĩ masakũguere ñajãdi àsũ ãrĩyupũ:

—Jesúre, Pablore masĩa. Musã gapure masĩbea. ¿Niísãno ããrĩrĩ musã? ãrĩyupũ.

¹⁶ Ìgũ irasũ ãrĩmakũta, wãtĩ ñajãsũdi gapũ pari meébeja, buro turaro merã ìgũsã ããrĩpererãrẽ ñeã, tarinũgãyupũ. Ìgũsãrẽ pá, kãmitú, ìgũsãya surĩre yeguepeokãyupũ. Irasirirã surĩ marĩrã, kãmikurãgue ãmawiriañurã. ¹⁷ Ìgũsã irasũ waadea kerere pérã, ããrĩpererã Efeso marã, judío masaka, judío masaka ããrĩmerãde péguka, buro gũñurã. Irasirirã marĩ Opũ Jesús wãĩrẽ õãrõ goepeyari merã buremuñurã pama.

¹⁸ Irasirirã wãrã dupiyuro Jesúre buremunũgãnerã gapũ ìgũsã ñerõ irideare masaka péurogue weretarirã ejañurã. ¹⁹ Ìgũsã merã wãrã yéa ããrĩrã ããrĩñurã. Irasirirã ìgũsã bayirima gojadea papera turirire iroguẽ ãña, masaka ìũrõ irire soebéokãñurã. ããrĩpereri iri wajakũdeare ìgũsã keoñamakũ, cincuenta mil niyeru koeri wajakũadiyuro. ²⁰ Ìgũsã irasirimakũ ìãdero purũ, ãmarikũ wãrã masaka Marĩpũya kerere pérã, ìgũ turari merã Jesúre buremunũgãñurã.

²¹ Irasũ waadero purũ, Pablo àsũ ãrĩ gũñayupũ: “Macedonia nikũ waapurori, iri nikũrẽ taria, Acaya nikũdere taria, Jerusalẽgue waagura. Iro merãta Romarẽ ìãgũ waagura”, ãrĩ gũñayupũ. ²² Irasirigũ ìgũ waaburi

dupiyuro pērã ĩgūrẽ iritamurãrẽ Erasto, Timoteore iriuyupũ Macedoniague. Pablo gapũ sugũta dujayupũ dapa Asiaguere.

Efeso marã Pablo merã gua, gaguinídea

²³ Pablo Efesogue ããrĩripoe gajirã iro marã bũro werenĩrĩ merã ĩgūrẽ ĩãturiñurã, masaka wárã Jesúre bũremumakũ ĩãrã. ²⁴ Sugũ plata wãĩkũri kũme merã moãrĩmasũ Demetrio wãĩkũgũ Pablöre ĩãturiwãgũyupũ. ĩgũ plata merã iro marã bũremugõ Artemisa wãĩkũgo bũremurĩ keorĩ wiirigãrẽ weanayupũ. ĩgũ, gajirã moãrã merã ĩgũsã weadeare masakare duarã, wáro wajatanañurã. ²⁵ Irasirigũ Demetrio ĩgũ merã moãrãrẽ, gajirã ĩgũ irirosũ plata moãrãrẽ siu neeõ, ãsũ ãrĩyupũ:

–Yũ merãmarã, õãrõ péka! Irire masĩa mũsã. Marĩ weadeare duari merã wáro wajata, õãrõ ããrĩkõãa. ²⁶ Pablo buedeaderẽ masĩa. ãsũ ãrĩ buegorenami: “Masaka bũremurã keori weadea, turari oparã irirosũ ããrĩbea. Æmũgasigue marã Opũ irirosũ neõ ããrĩbea, keori weadea ããrã”, ãrĩ buemi. Irire pãrã, wárã masaka õõ marã, ããrĩperero Asia marãde ĩgũ buedeare: “Diayeta ããrã”, ãrĩ gũñama. ²⁷ I marĩrẽ bũro goea. Marĩya moãrĩ wajamarĩãkõãburo yáa. Marĩ bũremugõ Artemisaya wiide ubu ããrĩrĩ wii dujakõãrokoa. Dapagueta ããrĩperero Asia marã bũremuadima igore. Masaka Pablo wererire bũremurã sõõ gapũ merã igore bũremunemobirikuma pama, ãrĩyupũ Demetrio ĩgũsãrẽ.

²⁸ ĩgũ irasũ ãrĩmakũ pãrã, bũro guari merã:

–Artemisa, Efeso marã bũremugõ turago ããrĩmo, ãrĩ gaguinĩpũroriñurã.

²⁹ ĩgũsã gaguinĩmakũ, gajirã wárã Efeso marã: “¿Naásũ waari?” ãrĩ pẽmasĩbirikererã, ĩgũsãde gaguinĩpereakõãñurã. Irasũ gaguinĩrãta Gayore, Aristarcore ñeã, iri makã marã nerẽrõgue ĩgũsãrẽ tũãwãgãñurã. Gayo, Aristarco Macedonia marã, Pablöre wapikũwãgãnerã ããrĩñurã. ³⁰ ĩgũsãrẽ ñeãmakũ ĩãgũ, Pablo gapũ masaka wárã watopegue ĩgũsãrẽ weregũ waadũadiyupũ. Jesúre bũremurã gapũ waadorebirĩñurã. ³¹ Gajirã iri nikũ marã oparãde, Pablo merãmarã ĩgũrẽ: “Gũa mũrẽ dorea: ‘ĩgũsã nerẽrõgue waabirikõãka!’ ” ãrĩ kere iriũñurã.

³² Iroque nerẽanerã bũro gaguinĩrã iriñurã dapa. “¿Nasirĩã marĩ õõgue nerẽrĩ?” ãrĩmasĩmerã ĩgũsã gããmerõ gaguinĩmirẽkõãñurã. ³³ Irasirirã judío masaka ĩgũsãyagure Alejandro wãĩkũgũre gaguinĩrã ĩũrõgue túmeénũñurã ĩgũsãrẽ weredorerã. Irasirigũ ĩgũ gapũ ĩgũya mojõ merã irikeo: “Iropata gaguinĩka, toeaka!” ãrĩdũadiyupũ. “Gũa judío masaka ñerõ iribea”, ãrĩ weredũadiyupũ. ³⁴ ĩgũ judío masakũ ããrĩrĩrẽ ĩãmasĩrã, ããrĩpererã suro merã pe hora gaguinĩñurã:

–Artemisa, Efeso marã bũremugõ turago ããrĩmo, ãrĩ gaguinĩñurã.

³⁵ ĩgũsã bũro gaguinĩmakũ ĩãgũ, sugũ iri makã marã oparãrẽ iritamugũ masakare toedore, ãsũ ãrĩyupũ:

–Mũsã, Efeso marã õãrõ péka! Artemisa, marĩ bũremugõ turago ããrĩmo. Igore bũremurĩ wiire, igo keori Æmũgasigue dijarideaderẽ korerã ããrã marĩ. Irire ããrĩperero marã õãrõ masĩma. ³⁶ “I diaye ããrĩbea”, ãrĩmasĩbema. Irasirirã iropata gaguinĩka, toeaka! Gaguinĩnemobirikõãka pama! Diaye gũñaka mũsãde! Noó gããmerõ pẽmasĩrĩ marĩrõ gajinorẽ iribirikõãka! ³⁷ ĩĩsã mũsã ñeãnerã marĩ bũremurĩ wiirimarẽ neõ yajabirama. Marĩ bũremugõrẽ ñerõ neõ ãrĩ werenĩbirama. ĩgũsã ñerõ iribirikeremakũ, ĩgũsãrẽ ñeã, õõgue ãriayo. ³⁸ Demetrio, ĩgũ merã moãrã ĩgũsãrẽ weresãduarã, weresãrĩrẽ beyerimasã pũroque waaburo. Iroque i nikũ marã oparã ĩũrõgue ĩgũsãrẽ weresãdeare ãmumasĩma. ³⁹ Oparã i makã marãrẽ siu neeõmakũ ĩãrã, gajino sãrẽduarã, werenĩrã aarika! ⁴⁰ Dapagã mũsã guari merã gaguinĩadea kerere marĩ oparã

pérã: “Marĩrẽ tarinũgãduarã yáma”, ãrĩ weresãbukuma. Irasirirã marĩ buru gaguiniádea waja marĩrẽ weresãmakũ neõ yujumasĩbiribukoa, ãrĩyuru oparãrẽ iritamugũ ãgũsarẽ. ⁴¹ Irire were odo: “Iropata ããrã. Waaka masãya wiirigue!” ãrĩyuru.

20

Pablo Macedoniague, Greciague ejadea

¹ ãgũsarẽ irasũ ãrĩ gaguinĩmirẽdero rurũ, Pablo gapũ Jesũre burumurãrẽ siiu neõ, ãgũsarẽ õãrõ ããrĩrikudoregũ, wereyuru. Were odo, mojõ ñeã, ãgũsarẽ seretu, Macedoniague waakõãyuru. ² Irogue eja, iroma makãrĩ marãrẽ Jesũre burumurãrẽ ãgũ werenĩrĩ merã õãrõ gũñaturamakũ iriyuru. Rurũ Greciague waayuru. ³ Irore urerã abegora ããrĩyuru. Rurũ Siria nikũgue doódiru merã taribujabu iriripoe judío masaka: “Murẽ ñerõ iriduarã iriama”, ãrĩrĩ kerere péyuru. Irasirigũ: “Maa merã Macedoniagueta dujáagura doja”, ãrĩ gũñayuru. ⁴⁻⁵ Gũ, ãgũ merã waaburi dupiyuro gajirã ãgũ merãmarã Troas wãikuri makãgue waa, gũare yũñurã. Ìsãkũ ããrĩmã: Sópater wãikugũ Bereamũ, Pirro wãikugũ magũ ããrĩmĩ. Gajirã Tesalónica marã pãrã Aristarco, Segundo wãikurã ããrĩmã. Gajigũ Derbemũ Gayo wãikugũ, gajigũ Timoteo, gajirã Asia marã Tíquico, Trófimo ããrĩmã. ⁶ ãgũsarẽ yuripoe gũ gapũ pã wemasãrĩ morẽña marĩrĩ baari bosenu rurũ, Filipogue ããrãnerã doódiru merã su mojõma nurĩ taribuja, Troague ejabu. Irogue ãgũsarẽ bokaja, ãgũsarẽ merã su semana dujabũ.

Troague Pablo naadea

⁷ Siñajãrĩnũ ããrĩmakũ, gajirã Jesũre burumurã merã pãrẽ dukawa baamurã nerẽbũ. Pablo gajinũ gapũ waabu ããrĩsã, yoaripoe buemi ãgũsarẽ. Ñami deko ããrĩmakũ bue odobirimi dapa. ⁸⁻⁹ Gũ nerẽrĩ taribu, ure kaya wekama taribu, siãgori wãri opari taribu ããrĩbũ. Pablora iro ããrĩrã pãripoe sugũ maamũ Eutico wãikugũ ventanague doami. Pablo ãgũsarẽ yoaripoe buemakũ, ãgũrẽ wuja ejayuro. Irasirigũ kãrĩtari, yebague yuridijakõãmi. ãgũ yuridijamakũ ããrã, ãgũ rurũ waa, kõmoadiguere ããwãgũ doboma. ¹⁰ ãgũsarẽ irasũ irimakũ ããgũ, Pablo dijari, maamurẽ pábũ ããwãgũnũ, ãgũsarẽ weremi:

–Gũkabirikõãka! Okami dapa, ãrĩmi.

¹¹ ãgũ irasũ ããrĩmakũ, maamũ kõmoadigue ããrĩkeregũ, masãkõãmi. ãgũ masãmakũ ããgũ, Pablo dupaturi murĩa, pãrẽ dukawa, ãgũsarẽ merã baami. ãgũ irasiriadero rurũ, yoaripoe buenemomi doja. Boyoburo dupiyurogã ãgũsarẽ bue odo, wiriakõãmi. ¹² ãgũ wiriadero rurũ, irogue nerẽanerã Eutico kõmoadigue masãdire usuyari merã ãgũya wiigue ãããma.

Pablosã Troas ããrãnerã Miletogue waadea

¹³ Pablo gũare ããrĩderosũta doódiru merã ãgũ dupiyuro Asogue waabu. ãgũ gapũ ãgũ waadũaderosũta maague waami. ¹⁴ Asogue gũare bokaja, gũ merã doódirugue ñajãa, Mitilenegue waami. ¹⁵⁻¹⁶ Gajinũ iro merã waarã, Quío wãikuri nũgũrõ bokatĩũrõgue ejabu. Gajinũ waarã, Samogue ejabu doja. Iro merã waa, Trogilio wãikurogue kãrĩbũ. Pablo, Pentecostés bosenu dupiyuro Jerusalẽguere ejadũagũ, gũare: “Asiare yoaripoe ããrĩdũabirikoa yũ”, ãrĩmi. “Irasirirã Efesore diayeta taria, Miletogue waapurumurã!” ãrĩmi. Irasirirã gajinũ gapũ waa, Miletogue ejabu.

Pablo Efeso marã Jesũre burumurã oparãrẽ weredea

¹⁷ Pablo Miletogue ããrĩgũ, Efeso marã Jesũre burumurã oparãrẽ kere iriumi ãgũ rurũ aaridoregũ. ¹⁸ ãgũsarẽ ãgũ rurũ ejamakũ, ãgũsarẽ ãrĩmi:

–Asiague ejagu, musã merã neõgora yu irideare õãrõ masãa musã. ¹⁹ Musã merã ããrĩgũ, marĩ Opuyare iribũ. Irasirigu musãrẽ neõ tarinugãbiribũ. Masaka Jesũre buremubirimakũ iãgũ, orebũ. Judío masaka yure wẽjẽduakeremakũ, musãrẽ buebũ. ²⁰ Musã nerẽrõgue, musãya wiiriguedere ããrĩpereri musã õãrõ ããrĩrikuburire buebũ. ²¹ Judío masakare, judío masaka ããrĩmerãdere irireta buebũ. “Õãrõ péka! Musã ñerõ iririre piri, Marĩpuyaya gapure õãrõ irinugãka! Marĩ Opũ Jesũre buremuka!” ãrĩ buebũ. ²² Irasirigu dapagorare Õãgũ deyomarĩgũ dorederosũta Jerusalẽgue waagũ yãa. Irogue yure ãsũ waarokoa, ãrĩmasĩbirikoa dapa. ²³ Yu ejadea makãrĩku Õãgũ deyomarĩgũ ãsũ ãrĩmi yure: “Mu irogue waamakũ, masaka murẽ peresu iri, ñerõ tarimakũ irirãkuma”, ãrĩmi. Iri ditare masãa. ²⁴ Irire masĩkeregu, gũibeã. Yaa okaridere maĩbeã. Marĩpũ masaka ããrĩpererãrẽ maĩrĩ merã iãmi, ãrĩrĩ kerere marĩ Opũ Jesús weredoremi yure. I ditare ãgũ yure moãrĩ pídeare iripeodũãã.

²⁵ Yu musã merã ããrĩgũ, Marĩpũ ãgũyarãrẽ doreri kerere weregorenabũ. Dapagorare musã neõ dupaturi yure iãnemobirikoa. Irire masãa yu. ²⁶⁻²⁷ Irasirigu dapagãrẽ irire wereã musãrẽ. ããrĩpereri Marĩpuyare ãgũ yure weredoredeare werebũ musãrẽ. Irasirirã musã ããrĩpererã irire: “Neõ pébeã yu”, ãrĩmasĩbirikoa. Perebiri peamegue waamakũ, ãgũsã pẽduabirideã waja ããrĩrokoa. Yaa waja ããrĩbirikoa. ²⁸ Irasirirã Marĩpuyare õãrõ pẽduripĩka! Musã Jesũre buremurãrẽ, Õãgũ deyomarĩgũ musãrẽ koredorerãdere: “Õãrõ péka musãde!” ãrĩ wereka! ãgũ magũ boagu dí beodeã merã Marĩpũ ãgũsãrẽ ãgũyarã ããrĩmakũ iridi ããrĩmĩ. Irasirirã ãgũsãrẽ õãrõ koreka, oveja korerã ãgũsãyarã ovejare õãrõ korederosũta! ²⁹ Yu waadero purũ, gajirã ãrĩkatorimasã, makãnũũ marã diayẽã ovejare wẽjẽduarã irirosũ musã puro ejarãkuma. ãgũsã bueri merã musãrẽ dukawarimakũ iridũarãkuma. ³⁰ Purũguere gajirã musã merãmarãta musãrẽ Jesũre buremurãrẽ ãrĩkatorãkuma ãgũsã buerire pẽdorerã. ³¹ Irasirirã õãrõ pẽmasĩka! Ñre bojorigora ãmurĩ, ñamirĩ oreri merã musã ããrĩpererãrẽ werebũ. Irasirirã yu weredeare gũñanĩkõãka!

³² Dapagorare Marĩpũre sãrẽbosagũra musãrẽ koreburo, ãrĩgũ. ãgũ musãrẽ maĩrĩ merã iãrĩ kerere buerã, õãrõ ããrĩrikũrãkoa. Ñmurĩku ãgũ turari merã musãrẽ ãgũrẽ buremunemomakũ yãmi. Musãrẽ ãgũyarãrẽ ããrĩpererãrẽ õãrĩrẽ sĩgũkumi ãgũ iripoegue ãrĩderosũta. ³³ Yu musã merã ããrĩgũ, musãya niyerure, musãya surĩdere: “Yure sĩka!” neõ ãrĩbiribũ. ³⁴ Yu basi moãdeã waja merã, yu gããmerĩrẽ, yu merãmarã gããmerĩdere bokabũ. Irire õãrõ masãa musã. ³⁵ Marĩ moã wajatadeã merã gajino opamerãrẽ iritamurõ gããmeã. Ire musãrẽ iri ãmubũ: “ãsũ iririkũka musãde!” ãrĩgũ. Marĩ Opũ Jesús ãrĩdeare gũñaka! ãsũ ãrĩyupũ: “Sugũ gajino sĩgũ gapũ ãgũ sĩrĩrẽ ñeãgũ nemorõ usayami”, ãrĩ weremi Pablo Efeso marã Jesũre buremurãrẽ.

³⁶ Irasũ ãrĩ odo, Pablo ãgũsã merã ñadukũpuri merã ejamejã, Marĩpũre sãrẽmi. ³⁷⁻³⁸ Sãrẽ odo: “Musã dupaturi neõ iãnemobirikoa yure”, ãgũ ãrĩdeare gũñarã, burõ bujawereri merã dujama. Irasirirã ããrĩpererã ãgũrẽ pãbũã, orema. Purũ ãgũrẽ perague tũyabuajama gũã doódiru merã waamakũ ãtũyarã.

21

Pablo dupaturi Jerusalẽgue waadeã

¹ Gũã Efeso marãrẽ Jesũre buremurãrẽ seretu odo, doódiru merã Cos wãĩkũri nũgũrõgue diaye waakõãbũ. Gajinũ Rodas wãĩkũri nũgũrõrẽ taria, Pátara

wāikuri makāgue ejabu. ² Irogue eja, doódiru Feniciague waaburidirure bokaja, iriru merā waabu doja. ³ Waa, Chipre wāikuri nūgūrōrē tariarā, iri nūgūrō kúgaru dujamakū ĩābu. Irore taria, Siria nikūrē eja, Tiro wāikuri makāma perague ejabu. Irogue doódirure moārā iriruma doebirire píma. ⁴ Irogue eja, Jesúre buremurārē bokaja, su mojōma pere gaji mojō peru pērēbejarinurī ĩgūsā merā āārībú. ĩgūsā Ōāgū deyomarīgū masīrī sīsūnerā āārīsīā, Pablōre: “Jerusalēgue waabirikōāka mūrē wējērī!” ārī werema. ⁵ ĩgūsā irasū ārīkeremakū, su mojōma pere gaji mojō peru pērēbejarinurī puru, waakōābu. Gha waamakū, āārīpererā Jesúre buremurā, ĩgūsā marāposā nome, ĩgūsā pūrā iri makā turogue gware ĩātuyarā ejama. Irasirirā gha āārīpererā ĩgūsā merā perague buāa, iroma ĩmiparogue ñadakupuri merā ejamejāja, Marīpūre sērēbu. ⁶ Puru ĩgūsārē pábua seretu odo, doódiru merā waakōābu. ĩgūsā gapu ĩgūsāya wiirigue majākōāma.

⁷ Irasirirā gha Tirore āārānerā waa, Tolemaida wāikuri makāgue ejabu. Irogue eja, Jesúre buremurārē ōādore, sunu ĩgūsā merā āārībú. ⁸ Gajinu gapu Pablo gha merā maague waami, Cesarea wāikuri makāgue waagú. Irogue eja, Felipe wāikugu Jesúya kerere weregorenaguya wiigue waa, ĩgū merā āārībú. Felipe Jesúre buremurā su mojōma pere gaji mojō peru pērēbejarā baari guerenerā watope āārīdi āārīmí. ⁹ Felipe pūrā wapikurā nóome, marāpu marīrā nome āārímá. ĩgūsā Marīpu weredorederosūta ĩgūya kerere wereturirā nome āārímá. ¹⁰ Gha irore yoaweyaripoe āārādero puru, Agabo wāikugu Marīpuya kerere weredupiyugu Judeague āārādi gware ĩāgū ejami. ¹¹ ĩgū gha puru eja, Pablōya yūjūwēñarīdare āi, ĩgū basi ĩgūya guburire, ĩgūya mojōrīrē suami. Sua odo, gware ārīmi:

—Āsū ārīmi Ōāgū deyomarīgū yure: “Idare opagu Jerusalēgue ejamakū, mu basi ida merā suaderosūta judío masaka suarākuma ĩgūrē. Sua odo, judío masaka āārīmerārē ĩgūrē wiarākuma”, ārīmi yure, ārī weremi Agabo gware.

¹² ĩgū irasū ārīmakū pérā, gha Cesarea marā merā Pablōre: “Jerusalēguere waabirikōāka!” ārī werebu. ¹³ Pablo gapu gware ārīmi:

—¿Nasirimurā iropa ore, yure buro bujaweremakū yári? Jerusalēgue ĩgūsā yure sua, peresu irimakū ōārokoa. Marī Opu Jesúya kerere weredeā waja yu boamakū ōārokoa. Ñerō yure āārīkeremakū waagura, ārīmi.

¹⁴ Irasirirā gha ĩgūrē: “Waabirikōāka!” ārānerā pirikōābu pama. Āsū ārību:

—Marī Opu ĩgū gāāmerōsūta iriburo, ārīkōābu.

¹⁵ Puru gwayare āmu, Jerusalēgue waakōābu. ¹⁶ Irogue waamakū, gajirā Cesarea marā Jesúre buremurā gha merā waama. ĩgūsā merāmu Mnasón wāikugu Chipremu āārīdi, yoaripoe Jesúre buremugū āārīmí. Irasirirā Jerusalēgue eja, ĩgūya wiigue ĩgū merā āārībú.

Pablo Santiagore ĩāgū ejadea

¹⁷ Gha Jerusalēgue ejamakū, iro marā Jesúre buremurā usuyari merā bokatīrīma. ¹⁸ Gajinu Pablo gha merā Santiagore ĩāgū waami. ĩgū puruguere āārīpererā Jesúre buremurā oparā, nerēnerā āārímá. ¹⁹ Pablo ĩgūsārē ōādore odo, judío masaka āārīmerārē āārīpereri Marīpu ĩgū merā irideare weremi. ²⁰ ĩgū weremakū pérā, Marīpūre: “Ōātaria mu”, ārī, usuyari sīma. Puru āsū ārīma Pablōre:

—Gwayagu, ire ōārō masīa mu. Wārā judío masaka Jesúre buremukererā, āārīpererā: “Moisés doredeare iriro gāāmea dapa”, ārīma. ²¹ Gajirā masaka āsū ārī werewhama mūrē: “ĩgū judío masaka āārīmerā āārīrōgue āārīgú, judío masaka irogue āārīrārē Moisés doredeare iridorebemi. ĩgūsā pūrārē

Īgūsāya dupuma gasirogārē wiiridorebemi. Marī judío masaka iririkurire iridorebemi”, āri werewhama. ²² Īgūsā m̄h oōrē ejayup̄h, āriī kerere pérā, nerē, m̄h turirākuma. Iro tamerārē, ¿nasirigukuri m̄h? ²³ Āsū irika! Oōrē wapikurā ūma āārīma. “Marīp̄hure b̄remurā, āsū irirāra!” āriīnerā āārīma. ²⁴ Īgūsā merā Marīp̄hya wiigie waaka! M̄hde Īgūsā irirosūta irika! Moisés doredeare irirā waamurā yāma. Irasiriḡh Marīp̄h iūrōrē Īgūsā iriri wajare wajaribosaka! M̄h irasiriadero p̄h, Īgūsāya poarire w̄hadorerākuma. M̄h irasirimakū iārā, āārīpererā masaka m̄hde werewhadeare: “Ārīkatorā iriñuma”, āriīrākuma. “Īgūde Moisés doredeare oārō iriḡh āārīmi”, āriīrākuma. ²⁵ Judío masaka āārīmerārē Jesúre b̄remurārē ḡh gojadea p̄rē iriusiab̄h. Āsū āri gojab̄h: “Keori weadea p̄ro baari pídeare, waimurā w̄nugū biu wējēanerāya díkuri díre baabirikōāka! Díre iribirikōāka! Nome merā ñerō iribirikōāka! Nomedē ūma merā ñerō iribirikōāka!” āri gojab̄h ḡh, āriīma Pablōre.

Marīp̄hya wiigie judío masaka Pablōre ñeādea

²⁶ Irasiriḡh Pablo gajin̄h gap̄h wapikurā ūma merā Marīp̄h iūrō Moisés doredeare iriḡh waayup̄h. P̄h Marīp̄hya wiigie ñajāa, Pablo paire āriyup̄h: “Su semana d̄yāa, ḡh Moisés doredeare iri odoburo. Ḡh odorin̄h āārīmakū, ḡhak̄h waimurā ejorārē āriīrākoa. Marīp̄h iūrō Īgūsārē wējē soepeoka! āriīrā!” āriyup̄h.

²⁷ Īgūsā Moisés doredeare iri odoburipoe Asia marā judío masaka Pablōre Marīp̄hya wiigie āārīgūrē iāñurā. Irasirirā gajirārē iri wii āārīrārē Īgū merā guamakū iri, Pablōre ñeā, āsū āri gaguinīñurā:

²⁸ —Ḡhayarā Israel bumarā, ḡhare iritamuka! Īta āārīmi, āārīpereroguerē marīrē ñerō āri werenígorenagū. “Judío masaka ñegorama. Moisés doredea wajamáa. I wiide ñegorāa”, āri buegorenami masakare. Gajire griego masakare i wiigie āiñajāgū ñerō iriḡh yāmi i wiire, āriñurā.

²⁹ Pablo iro dupiyuro Trófimo merā makāgue āārīmakū iānerā āārīsīā, Pablo Īgūrē Marīp̄hya wiigie āiñajāgū irikumī, āri gūñañurā. Trófimo Efesom̄h judío masak̄h āārībi āārīyup̄h. Irasiriro Īgūnorē iri wiiguere ñajāmasīña marīyuro.

³⁰ Pablōre weresā gaguinīmakū pérā, iri makā marā āārīpererā b̄ro guañurā. Irasirirā ūmañajāa, Pablōre ñeā t̄āwiria, iri wii makāp̄rorire mata biakōañurā. ³¹ Īgūsā Pablōre wējēmurā iriripoe gajirā surara op̄guere wererā waañurā. Īgū p̄rogue eja: “Āārīpererā Jerusalén marā nerē, b̄ro guarī merā gaguinīrā iriama”, āri wereñurā. ³² Īgūsā irasū ārīmakū pégh, surara op̄ Īgūyarā surarare, Īgūsārē dorerādere siu neō, Īgūsā merā Pablōre wējēd̄harā p̄rogue ūmawāgāyup̄h. Īgūsā ejamakū iārā, Pablōre pánerā piriñurā. ³³ Surara op̄ Pablo p̄rogue eja, Īgūyarā surarare Īgūrē ñeādore, pe kōmeda merā s̄hadoreyup̄h. Īgūsā s̄ha odomakū iāgū, surara op̄ masakare s̄rēñayup̄h:

—¿Níno āārīrī Ī? ¿Nasiriari, Īgū m̄h s̄h irasirimakū? āri s̄rēñayup̄h.

³⁴ Īgū irasū ārīmakū, masaka gap̄h: “Āsū iriami”, āri, gajirā gajirosū, gajirā gajirosū gaguinīmirēkōañurā. Īgūsā irasū gaguinīmakū, surara op̄ neō diaye pébiriyup̄h. Irasiriḡh Īgūyarā surara āārīrī wiigie Pablōre āiādoreyup̄h.

³⁵⁻³⁶ Īgūsā irogue Īgūrē āiāmakū iārā, wārā masaka: “Wējēkōāka Īgūrē!” āri gaguinī, t̄yañurā. Irasirirā surara Īgūsāya wii makāp̄ro m̄rīaro ejarā, Pablōre āikōā m̄rīñañurā, masaka Īgūrē wējērī, āriīrā.

Pablō masakare: “Neō ñerō iribeaȳh”, āri weredea

³⁷ Iri wiigie eja, Īgūrē peresu irimurā iriripoe surara op̄re:

—Ȳh, m̄h merā werenídhakoa, āriyup̄h.

Pablo griego ya merã werenímakũ pégu, surara opu gapu arĩyupu:

—¿Mu griego yare masĩrĩ? ³⁸ ¿Sõõ ããrãdi, Egiptomu meta ããrĩrĩ mu? Ìgũ romano marã oparã merã gãmekẽadũagu, wãrã cuatro mil wējērĩmasãrẽ siu need, masaka marĩrõgue ãĩayupu. ¿Ìgũ meta ããrĩrĩ mu?

³⁹ Ìgũ irasũ arĩmakũ pégu, Pablo yujyupu:

—Yu, Ìgũ meta ããrã. Judío masakũ ããrã. Tarso, Cilicia nikũ ããrĩrĩ makã deyoabu. Ubu ããrĩrĩ makãmu ããrĩbea. Irasirigu murẽ sērẽa. Ìsã masaka merã werenídoreka yure! arĩyupu.

⁴⁰ Ìgũ irasũ arĩmakũ pégu, surara opu: “Jã, wereníka!” arĩyupu. Irasirigu Pablo murĩrogue murĩnugã, Ìgũya mojõ merã masakare toeburo, arĩgũ, irikeoyupu. Ìgũ irasirimakũ ããrã, toekõãñurã. Ìgũsã toemakũ, Pablo hebreo ya merã wereyupu Ìgũsãrẽ:

22

¹ —Yaarã, yu irideare musãrẽ weremakũ, õãrõ péka! arĩyupu Pablo.

² Ìgũ hebreo ya merã werenímakũ pérã, masaka toepereakõãñurã. Irasirigu Pablo Ìgũsãrẽ ãsũ arĩ wereyupu:

³ —Yu judío masakũta ããrã. Cilicia nikũ Tarso wãĩkuri makãgue deyoabu. Iro deyoadi ããrĩkeregu, õõ Jerusalén masãbu. Gamaliel wãĩkũgu buemi yure. Irasirigu marĩ ñekũsãmarãrẽ Moisés doreri pídeare õãrõ masĩa. Irasirigu musã irirosũta yude Marĩpu doredeare õãrõ yãa. ⁴ Iripoeguere Jesúre buremurãrẽ ñerõ iriunabu. Surãyerire wējẽdorebu. Ëmarẽ, nomedere ñeã, peresu iriunabu. ⁵ Paía opu, ããrĩpererã judío masaka oparã yu arĩrĩrẽ: “Irasũta iriunami”, arĩ weremasĩma musãrẽ. Ìgũsãta yure su pũ gojabosama marĩyarã Damasco marãrẽ Jesúre buremurãrẽ ñeãdorerã. Irasirigu iri pũ merã Jesúre buremurãrẽ ñeãgũ waadibu, õõ Jerusalẽgue Ìgũsãrẽ ãĩja peresu iribu.

Pablo Ìgũ Jesúre buremunugãdeare werede

⁶ Goeripoe ããrĩmakũ, yu Damascogue ejabu iriripoe gũñaña marĩrõ ãmũgasi buro kũmijũrõ yu purore gosesiribu. ⁷ Irasũ waamakũ, yebague meémejã, puru ãsũ arĩ werenímakũ pébu. “Saulo, ¿nasirigu yure ñerõ yári mu?”

⁸ Ìgũ irasũ arĩmakũ pégu: “¿Noã ããrĩrĩ mu?” arĩ sērẽñabu. Ìgũ gapu: “Yu, Jesús Nazaretmu mu ñerõ irigũta ããrã”, arĩmi yure. ⁹ Yu merã ããrĩnerã iri gosesirire ãgũkakõãma. Irire ããkererã, Jesús yure werenímakũ pébirima. ¹⁰ Puru: “Yu Opu, ¿nasirigukuri yu?” arĩ sērẽñabu Ìgũrẽ. Ìgũ yure yujami: “Wãgãnugã, Damascogue waaka! Irogue sugũ ããrĩpereri yu murẽ iridoreburire murẽ weregũkumi”, arĩmi. ¹¹ Buro kũmijũrõ waadea yaa koyere neõ deyomarĩmakũ irikubu. Irasirirã yu merãmarã yaa mojõgue ñeã, Damascogue ãĩãma.

¹² Yu iro ejadero puru, Ananías wãĩkũgu, Marĩpũre buremugũ, Moisés doredeare õãrõ irigu yure ããgũ ejami. Ìgũ iro marã judío masaka ããrĩpererã buremugũ ããrĩmĩ. ¹³ Ìgũ yu puru ejanugãja: “Yaagu Saulo, mu dupaturi koye ããgũkoa doja”, arĩmi. Ìgũ irasũ arĩmakũta, dupaturi ããbu doja. Irasirigu Ananías yu puru nímakũ õãrõ ããbu. ¹⁴ Yu ããmasĩadero puru, yure arĩmi doja: “Iripoeguere Marĩpu marĩ ñekũsãmarã buremudi murẽ beyesiadi ããrĩmĩ, Ìgũ dorerire õãrõ iribure, Ìgũ magũrẽ ñerĩ opabire ããbure, Ìgũ werenĩrĩrẽ pébure. ¹⁵ Irasirigu ããrĩpererã masakare mu ããdeare, mu pédeare weregorenagũkoa. ¹⁶ Dapagorare yoaripoe yũbirikõãka! Wãgãnugã, deko merã wãĩyedoreka, mu marĩ Opu Jesúre buremurĩrẽ Ìmugũ! Marĩpũre: ‘Jesúre buremua, irasirigu yu ñerõ irideare kãtika!’ arĩ sērẽka, mu ñerõ irideare kãtiburo, arĩgũ!” arĩmi Ananías yure.

Pablo judío masaka ããrĩmerãrẽ Marĩpu Ìgũrẽ buedoredeare werede

17 Puru Damascogue aãrãdi i makã Jerusalëgue dujajagu, Maripuya wiigüe ïgürë sërëgü waabu. Irogue kërõ irirosü waaríre ïãbu. 18 Irogue Jesús yure deyoa, weremi: “Jerusalén marã yaare mu weremakü peduabema. Irasirigu murigora gajirogue waaka!” arimi. 19 Igü irasü arimakü pégu, ïgürë aribu: “Yu Opu, Jerusalén marã yu irideare õãrõ masima. Yu judío masaka nerëri wiirigüe aãrãrãrë murë buremurãrë ñeã pá, peresu iribu. 20 Muya kerere weredi Estebãrë ïgüsã wëjëmakü, ïgürë wëjërãya suri wekamarë korebosabu. ‘Õãrõ irirã, wëjëma’, arí güñabu”, arí werebu yu Opure. 21 Yu irasü arimakü pégu, yu Opu weremi: “Yoarogue waaka! Judío masaka aãrimerãrë buedoregu iriugura murë”, arimi, arí wereyupu Pablo ïgüsãrë.

Surara opu Pablo merã werenídea

22 Pablo: “Yu Opu Jesús judío masaka aãrimerãrë buedoregu iriugura”, aririrë pérã, buro guari merã gaguinírã:

–Dapagorare ñi aãrñemobirikõáburo. Dapagorata boaburo, arí gaguinírã.

23 Irasü arí gaguinírã, ïgüsãya suri wekamarë wëjäsiri, niküwera merã meésirínurã. 24 Irasirimakü ïãgü, surara opu ïgüyãrãrë Pablöre ïgüsãya wiigüe aãñãadoreyupu. Pablöre: “¿Nasirirã masaka murë guari merã gaguinírí?” arí masiduagu ïgürë tãrãdoreyupu. 25 Irasirirã ïgürë sua, tãrãmurã iriripoe Pablo gapu ïgü puro nígürë surarare doregure ariyupu:

–Yu romano marãya nikümü aãrã. Irasirirã weresãrãrë beyerimasü yure: “Asü iriami ñerõ irigu”, arí weresãbirikeremakü, ubugorata tãrãmasíbea müsã yure, ariyupu.

26 Igü irasü arimakü pégu, surarare doregu ïgü opure weregu waayupu:

–Õãrõ pémasíka! “Romano marãya nikümü aãrã yu”, arãmi. Irasirigu ñerõ iribirikõãka ïgürë! ariyupu.

27 Igü irasü arimakü, surara opu Pablöre sërëñagü waayupu:

–¿Diayeta romano marãya nikümü aãrírí mu? Wereka yure!

Pablo gapu ïgürë:

–Ïgüta aãrã, arí yujuyupu.

28 Surara opu ïgürë ariyupu:

–Yu romanomu aãrñduagu wãro niyeru wajaribu.

Pablo ïgürë ariyupu doja:

–Yu tamerã romanoma makãgue deyoabu. Irasirigu deyoagugeta romanomu aãrñdi aãrã yu.

29 Igü irasü arimakü pérã, ïgürë tãrãboanerã güi wiriakõãñurã. Surara opu Pablo romanomu aãrñrãrë pégu, kõmedari merã ïgürë sua tãrãdoreadeare güñagü, güiyupu.

Pablo judío masaka oparã puro aãrñdea

30 Irasirigu gajinu gapu judío masaka Pablöre weresãdeare masiduagu, paía oparãrë, gajirã aãrñpererã judío masaka oparãrë siiu neeoyupu. ïgüsã nerëmakü ïãgü, Pablöre ïgüsã suadea kõmedarire kura, aï, ïgüsã iürõ doboyupu.

23

1 Pablo judío masaka oparãrë ïãbokatíñugãja, asü ariyupu:

–Yaarã, yu okaro bokatíürõ Maripu iürõ õãrõ aãrñrikua, arí péñãa. Irasirigu güñarikuro marñrõ aãrñkõãa.

2 Igü irasü arimakü pégu, paía opu Ananías Pablo werenírãrë peduabi ïgü puro aãrñrãrë ïgüya disire padoreyupu. 3 Irasirigu Pablo Ananías asü ariyupu:

—Marĩpu murẽ wajamoãgukumi gajirãrẽ mu yure pãdoreri waja. Mu irika-torikugũ ããrã. Yure: “Moisẽs doredeare tarinugãa”, ãrĩ ããkeregũ, mu gapũ iri dorerire tarinugãa, gajirãrẽ yure pãdoregũ, ãrĩyupũ.

⁴ Irasũ ãrĩmakũ pãrã, iro ããrĩrã ãsũ ãrĩñurã Pablõre:

—Ñerõ ãrĩ werenĩbirikõãka paĩa opũre Marĩpu beyedire!

⁵ Ìgũsã irasũ ãrĩmakũ pãgũ, Pablo ãrĩyupũ doja:

—Yaarã, yũ masĩbirakubũ Ìgũ paĩa opũ ããrĩrĩrẽ. Masĩgũ irasũ ãrĩbiriboakuyo. Marĩpũya werenĩrĩ gojadea pũguere: “Musãya makã marã opũre ñerõ ãrĩ werenĩbirikõãka!” ãrĩ gojasũdero ããrĩbũ.

⁶ Irogue ããrĩrã: Saduceo bumarã, gajirã fariseo bumarã ããrĩñurã. Irasirigũ Ìgũsãrẽ Ìãgũ, Pablo busũro werenĩyupũ:

—Yaarã, yũde fariseota ããrã. Fariseo bumũ magũta ããrã. Irasirirã masaka boanerã masãrĩrẽ yũ bũremurĩ waja yure wajamoãduakoa, ãrĩyupũ.

⁷ Ìgũ boanerã masãrĩrẽ weremakũ pãrã, fariseo, saduceo bumarã merã gãme guaseonugãñurã. Irasirirã iri wiigue suro merã ããrãnerã ããrĩkererã, gãme dukawariakõãñurã. ⁸ Saduceo bumarã: “Masaka boanerã masãbirikuma. Marĩpũre wereboerã marĩkuma. Masaka boanerã yũjũpũrãrĩde marĩkoa”, ãrĩ wererã ããrĩñurã. Fariseo bumarã gapũ ããrĩpereri irimarẽ bũremurã ããrĩñurã. ⁹ Irasirirã irimarẽ gãme guaseo, bũro gaguinĩnugãñurã. Irasirirã surãyeri fariseo bumarã Moisẽs doredeare buerimasã wãgãnugã, wereñurã:

—Masakũ boadi, o Marĩpũre wereboegũ diayeta ñĩ merã werenĩakumi. Irasirirã Ìgũrẽ ñerõ iriami, neõ ãrĩmasĩbea. Ìgũrẽ wajamoãrã, Marĩpũre ñerõ irirã iribukõãa marĩ, ãrĩñurã.

¹⁰ Ìgũsã bũro gaguinĩmakũ Ìãgũ, surara opũ gapũ Pablõre gũisãyupũ. “Ìgũrẽ ñeã, tũãwẽjãsiribẽokõãbukuma”, ãrĩgũ, Ìgũyarã surarare: “Pablõre ããka, dupaturi marĩ ããrĩrĩ wiigue!” ãrĩ iriuyupũ.

¹¹ Iri ñamita marĩ Opũ Jesús Pablõre deyoa, wereyupũ:

—Gũñaturaka! Gũbirikõãka! I makã Jerusalén marãrẽ yaa kerere wereaderosũta Roma marãdere weregũ waaka! ãrĩyupũ.

Judío masaka Pablõre wẽjẽduadea

¹² Gajinũ gapũ surãyeri judío masaka Pablõre wẽjẽduarã nerẽ, ãsũ ãrĩñurã:

—Dapagã merã neõ baabiri, iirĩbirikõãrã! Ìgũrẽ wẽjẽmerã ãamerãta boarã! Ìgũrẽ wẽjẽbirimakũ, Marĩpu marĩrẽ wajamoãburo, ãrĩñurã.

¹³ Irasũ ãrĩ werenĩrã cuarenta nemorõ ããrĩñurã. ¹⁴ Pũrũ paĩa oparã, gajirã judío masaka oparã pũrogue wererã waañurã:

—“Dapagã merã neõ baabirikõãrã! Ìgũrẽ wẽjẽmerã ãamerãta boarã! Ìgũrẽ wẽjẽbirimakũ, Marĩpu marĩrẽ wajamoãburo”, ãrãbũ, ãrĩñurã. ¹⁵ Irasirirã musã, musã merãmarã oparãde ãrĩkatori merã kere iriuka surara opũguere! “Ñamigã Pablõre dupaturi Ìgũ irideare weremakũ pãduakoa”, ãrĩka Ìgũrẽ! Surara opũ iri kerere pãgũ, Pablõre õõgue ããwãgãridoregukumi. Irasirirã maague yũrã, Ìgũ õõrẽ ejaburo dupiyuro Ìgũrẽ wẽjẽmurã, ãrĩñurã.

¹⁶ Pablo tĩgõ magũ gapũ Ìgũsã irasũ ãrĩ werenĩmakũ pãyupũ. Irasirigũ Pablõre surara ããrĩrĩ wiigue ããrĩgũrẽ weregũ waayupũ. ¹⁷ Pablo irire pãgũ, sugũ surarare siiu wereyupũ:

—Ñĩ maamũ mu opũre gajino weredũayupũ. Irasirigũ Ìgũ pũrogue ããka! ãrĩyupũ.

¹⁸ Ìgũ irasũ ãrĩmakũ pãgũ, surara Pablo tĩgõ magũrẽ Ìgũ opũ pũrogue ããja, ãrĩyupũ:

—Pablo peresugue ããrĩgú yure ñi maamũrẽ mu pũro iriuami. Īgũ murẽ gajino weregu aarigú iriami, ãrĩyupũ.

¹⁹ Īgũ irasũ ãrĩmakũ pẽgu, surara opũ maamũrẽ ĩgũya mojõrẽ ñeã tũãwãgã, masaka pẽberogue sẽrẽñayupũ:

—¿Naásũ ãrĩbu iriari mu yure?

²⁰ Maamu gapũ ĩgũrẽ ãrĩyupũ:

—Judío masaka oparã murẽ ĩgũsã pũrogue Pablõre ãĩadorerãkuma. Murẽ ãsũ ãrĩ wereníama: “Ñamigãrẽ dupaturi Pablõre sẽrẽñadũakoa ĩgũ irideare õãrõ masĩmurã”, ãrĩkatorãkuma. ²¹ Irasirigu ĩgũsãrẽ yujubirikõãka! Ūma cuarenta nemorõ maague Pablõre wẽjẽmurã duriri merã yúsíama. “Dapagã merã neõ baabirikõãrã! ĩgũrẽ wẽjẽmerã ñamerãta boarã! ĩgũrẽ wẽjẽbirimakũ, Marĩpũ marĩrẽ wajamoãburo”, ãrãma, ãrĩ wereyupũ maamu surara opũre.

²² Īgũ irasũ ãrĩmakũ pẽgu, surara opũ gapũ:

—Waaka doja! Irire gajirãrẽ neõ werebirikõãka! ãrĩyupũ ĩgũrẽ.

Surara opũ Pablõre Félix pũrogue iriudea

²³ Maamu waadero pũrũ, opũ pẽrã ĩgũyarã surarare dorerãrẽ siu wereyupũ:

—Yaarã surarare doscientos gubu merã waamurãrẽ, setenta caballu weka peyamurãrẽ, doscientos sareri yuku oparãdere Cesareague waamurãrẽ ĩgũsãyare ãmudorerã waaka! ĩgũsã ãmu odomakũ, dapagã ñami nueve ããrĩmakũ, ĩgũsãrẽ siuaka! ²⁴ Pablo peyamurã caballuadere ãmubosaka! Irasirigu õãrõ waagũkumi. Õãrõ pírá waaka, ĩgũrẽ opũ Félix pũro Cesareague! ãrĩyupũ surara opũ ĩgũ dokamarãrẽ.

²⁵ Irasũ ãrĩ odo, Félire su papera pũ ãsũ ãrĩ gojayupũ:

²⁶ Yũ, Claudio Lisias, murẽ opũ Félire yũ bũremugãrẽ õãdorea.

²⁷ Judío masaka ñi Pablo wãĩkũgure ñeã, wẽjẽadima. Īgũ romano marã nikũmũ ããrĩrĩrẽ masĩgũ, yũ gapũ ĩgũrẽ ĩgũsã wẽjẽboadire yaarã surara merã wijatagũ ejabũ. ²⁸ Irasirigu ĩgũrẽ ĩgũsã weresãdeare masĩdũagũ judío masaka oparã pũro ãĩjabũ. ²⁹ Judío masakaya doreri ditare ĩgũ tarinũgãdea waja ĩgũsã weresãmakũ pẽgu, ĩgũrẽ peresu iribiribu. Ñeeno waja wẽjẽmasĩña marĩbũ ĩgũrẽ. ³⁰ Irasirigu judío masaka ĩgũrẽ wẽjẽkõãrã, ãrĩrĩ kerere pẽgu, mu pũrogue iriua. ĩgũrẽ weresãnerã mu pũrogueta waa, murẽ weresãrã waaburo, ãrĩbũ ĩgũsãrẽ. Iropata ããrã, ãrĩ gojayupũ surara opũ Félire.

³¹ Irasirirã surara ĩgũsã opũ doreaderosũta iri ñami merã Pablõre Antĩpatris wãĩkũri makãgue ãĩãñurã. ³² Gajinũ gapũ surara gubu merã waanerã iro merãta ĩgũsã ããrĩrĩ wiigue gãme dujãakõãñurã. Caballua weka waanerã dita Pablõre Cesareague ãĩ tariañurã. ³³ Pũrũ Cesareague Pablõre ãĩja, surara opũ ĩgũ iriudea pũrẽ Félire wiañurã. Irasirirã Pablõre Félix pũrogueta píköãñurã.

³⁴ Félix iri pũrẽ bueña odo, ãsũ ãrĩ sẽrẽñayupũ:

—¿Díi nikũmũ ããrĩrĩ ñi?

—Cilicia nikũmũ ããrĩmi, ãrĩ yujũñurã.

³⁵ Félix Pablõre ãrĩyupũ:

—Murẽ weresãnerã õõrẽ ejamakũ, mu wererire pẽgũra, ãrĩyupũ.

Irasũ ãrĩ odo, opũ Herodes dagũya wiigue Pablõre pí, ĩgũyarã surarare koredoreyupũ.

24

Pablõre Félix ñũrõ weresãdea

¹ Su mojõma nũrĩ tariadero pũrũ, paía opũ Ananías Cesareague waayupũ. Īgũ merã gajirã judío masaka oparã, gajigu masakare werenĩbosarimasũ

Tértulo wāikugude opu Félire Pablöre weresārā waañurā. ² Pablöre ĩgūsā nerērōgue āĩjamakū, Tértulo ĩgūrē Félire āsū āĩ weresānugāyupu:

—Gua opu, wári masĩrĩ merā guare i nikū marārē doregu āārā mu. Mu doreri merāta i nikū oārĩ gorawayuro yāa. Gāmekēārō marĩrō oārō āārĩkōāa. ³ Irasirirā gua āārĩperero marāgue mu merā oārō usuyāa. ⁴ Yoaripoe mu merā werenĩbirikoa. Irasirigu yu mu merā mérōgā werenĩmakū péka dapa! ⁵ Gua ire weredukoa murē. ĩ Pablo wāikugu guare garibotarimi. Āārĩpereri nikūgue judío masakare guari merā gaguini, ĩgūsā basi gāme dukawarimakū irigorenami. “Nazarenos” wāikuri bumarā opu āārĩmi. ⁶ Marĩpuya wiire ĩgū ñerō iridukamakū ĩārā, ĩgūrē peresu irimurā ñeābu, gua judío masakaya dorerire ĩgū tarinugārĩ waja ĩgūrē wajamoāduarā. ⁷ Gua irasiridukamakū ĩāgū, surara opu Lisias wāikugu gapu gua puro eja, ĩgūrē turaro merā ēmakōāmi. ⁸ Puru Lisias, gua ĩgūrē weresānerārē mu purogue iriuami. ĩgū irasū āĩmakū pérā, oōgue aarabu. Mu basita ĩgūrē sērēñagū, āārĩpereri gua ĩgūrē weresārĩrē diayeta āĩma, āĩgukoa, āĩyupu Tértulo Félire.

⁹ Gajirā judío masaka iro āārĩrāde: “Tértulo diayeta werenĩmi”, āĩñurā. ¹⁰ ĩgūsā irasū āĩmakū pégu, opu Félix Pablöre mojō merā irikeo, were-doreyupu. Pablo āĩyupu ĩgūrē:

—Wári bojori i nikū marārē mu dorerire oārō masīa yu. Irasirigu yaamarē usuyari merā murē weregura. ¹¹ Pe mojōma pere su gubu peru pērēbejarinurĩta taria, yu Jerusalēgue Marĩpue buremugū ejadero puru. Irire diaye masīduagu, gajirārē sērēñaka! ¹² Yu iri makāgue āārĩmakū, yure weresānerā yu gajirā merā guaseomakū neō ĩābirama. Marĩpuya wiire, judío masaka nerērĩ wiiriguedere, noó gajiro iri makā marārē gua gaguinĩmakū iribirabu. ¹³ Irasirirā yure weresānerā: “Āsū iriami, irasirigu waja opami”, āĩmasībema. ¹⁴ Murē gaji gapure weregura. Gua ñekūsāmarā Marĩpue, Moisés doreri pídeare, Marĩpuya kerere weredupiyunerā gojadeare buremuderosūta yu buremua. Irire buremukeregu, Jesús buedeadeare buremua. Yure weresānerā: “Jesús bueadea āĩkatori āārā”, āĩ werenĩma. ¹⁵ ĩgūsā: “Marĩpu āārĩpererā masaka boanerārē oārārē, ñerādere masūgukumi”, āĩ gūñarōsūta yude gūñāa. ¹⁶ Irasirigu yu Marĩpu ĩūrō, masaka ĩūrōdere yu turaro bokatĩūrō oārō iridukoa.

¹⁷ Yaa makā Jerusalērē yu wiriadero puru, wári bojori gajirogue naagorena, puru irogueta dujāabu. Irogu eja, yaarā boporārē niyeru sīgū ejabu. Irogu āārĩgū, Marĩpu ĩūrō waibure soepeodudibu ĩgūrē buremugū. ¹⁸ Marĩpuya wiigue waa, ĩgū ĩūrō Moisés doredeare yu iriripoe judío masaka Asia marā yure bokajama. Yu merā gajirā masaka mérāgā āārĩmā. Neō ĩgūsārē gua gaguinĩmakū iribiribu. ¹⁹ Judío masaka Asia marā yu Marĩpuya wiigue irideare ĩānerā, yure: “Ñerō iriami”, āĩ weresāduarā, oōgue mu ĩūrōgue weresārā aariburo. ²⁰ ĩgūsā aaribirimakū, judío masaka oparā oōgue āārĩrā yu ĩgūsā oparārē wereadeare péanerā: “Āsū āārā”, āĩ weresāduarā, weresāburo. ²¹ I tamerārē yure weresāmasīma. Yu ĩgūsā merā āārĩgū, buro turaro merā: “ ‘Boanerā masārākuma’, āĩdea waja yure wajamoāduakoa”, āĩbu ĩgūsārē, āĩ wereyupu Pablo Félire.

²² ĩgū irasū āĩmakū pégu, Félix gapu Jesúre buremurā iririkurire oārō masīsīā, āsū āĩyupu Pablöre:

—Iropata pégura. Surara opu Lisias ejadero puru, murē yu iriburire weregukoa, āĩyupu.

²³ Irasũ arĩ odo, Pablöre koregure: “Peresugue õãrõ koreka ãgũrẽ! Iri wiigueta naáa ããrĩkõãburo. ãgũ merãmarã ãgũrẽ iritamudũamakũ kãmutabirikõãka!” arĩyupũ.

²⁴ Yoaweyaripoe tariadero purũ, Félix ãgũ marãpo judío masako Drusila wãikũgo merã eja, Pablöre ãiridoreyupũ, Jesucristore ãgũ buremurĩrẽ were-makũ pẽduarã. ²⁵ Pablo ãgũsãrẽ ãsũ arĩyupũ: “Marĩpũ masakare diayemarẽ irimakũ, ãgũsã basi ñerõ iridũarire iribirimakũ gããmemi. I ãmũ peremakũ, Marĩpũ ããrĩpererã ñerãrẽ wajamoãgũkumi”, arĩ weremakũ, Félix gapũ pẽgũka, gũi, “Waaka!” arĩyupũ ãgũrẽ:

—Gajipoe yũre gajino moãrĩ marĩmakũ siiugũra doja murẽ, arĩyupũ.

²⁶ Félix irasũ arĩkeregũ: “Pablo yũre niyeru sĩburo”, arĩgũ, ãgũ merã werenĩgũ wãri ãgũrẽ siiunayupũ. “Gajipoe irigũ niyeru sĩmakũ ãgũrẽ wiubukoa”, arĩ gũñadiyupũ. ²⁷ Pe bojori purũ, Porcio Festo wãikũgu Félire gorawayugũ, opũ ñajãyupũ. Irasirigũ Félix gapũ ãgũ opũ ããrĩrĩrẽ wirigũ, judío masaka merã õãrõ ããrĩduagũ, Pablöre peresuguetã ããrĩdorekõãyupũ dapa.

25

Pablo, Festo merã werenídea

¹ ðrenũ ãgũ opũ ããrĩrĩ ñajãdero purũ, Festo Cesareague ããrãdi, Jerusalẽgue waayupũ. ² ãgũ irogue ejadero purũ, paía oparã, gajirã judío masaka oparã Pablöre ãgũsã weresãdeare Festoguere wererã waañurã. ³ ãgũ purũ eja, turaro merã: “Gũare iritamuka! Pablöre õõ Jerusalẽgue ãiridoreka!” arĩ sãrẽñañurã. ãgũsã ãgũrẽ maague aarigũre: “Wẽjẽkõãrã!” arĩ ãmuyusiadiñurã. ⁴ Festo gapũ ãgũsãrẽ yũjũyupũ:

—Pablo Cesareague peresu ããrĩmi dapa. Mẽrõgã purũ irogue goe-dujáagũkoa doja. ⁵ Pablo ñerõ iririkũgu ããrĩmakũ ããrã, mũsã oparã Cesareague yũ merãta waa, ãgũrẽ weresãrã waaburo, arĩyupũ.

⁶ Irasirigũ Festo su semana pere, gajĩ semana ãrenũ waaró merã Jerusalẽgue ããrãdi Cesareague goedujãakõãyupũ. ãgũ dujajadero purũ, gajinũ gapũ weresãrĩrẽ beyeri wiigũ waayupũ. Iro eja, opũ doarogue doa, Pablöre ãiridoreyupũ. ⁷ Pablo irogue ejamakũ ããrã, judío masaka Jerusalén merã aaranerã ãgũ purũ waa ejanũgã, ãgũrẽ wãri ñerĩ weresãdiñurã. Irasũ arĩ weresãkererã: “Ãsũ irimakũ ããbũ”, neõ ããrĩmasĩbiriñurã. ⁸ Purũ Pablo ãgũ irideare wereyupũ:

—Judío masaka dorerire, Marĩpũya wiima dorerire, romano marã opũ doreridere neõ tarinũgãbiribũ yũ, arĩyupũ.

⁹ Festo gapũ judío masaka merã õãrõ ããrĩduagũ, Pablöre sãrẽñayupũ:

—¿Jerusalẽgue waadũakuri? Irogue mũ irideare yũre weremakũ, ãgũsã murẽ weresãdeare weremakũ pẽduakoa, arĩyupũ.

¹⁰ ãgũ irasũ arĩmakũ, Pablo yũjũyupũ:

—Yũ õõ romano marãrẽ weresãrĩrẽ beyerogue ããrĩsiáa. Irasirigũ Jerusalẽguere waadũabirikoa. Õõta yũre irire beyero gããmea. Judío masakare neõ ñerõ iribiribũ. Mũ irire õãrõ masĩkoa. ¹¹ Yũ ñerõ iridi tamerã: “Yũre wẽjẽbirikõãka!” arĩbiriboakuyo. ãgũsã yũre arĩkatori merã weresãdea ããrĩmakũ, neõ sugũ opũguere wiamasĩña mãa. Yũ irideare romano marã opũre beyemakũ gããmekoa, arĩyupũ Pablo Festore.

¹² ãgũ irasũ arĩmakũ pẽgũ, Festo ãgũ merãmarã merã werenĩ odo, Pablöre arĩyupũ doja:

—Mũ irideare romano marã opũre weredũamakũ, ãgũ purũgũ iriugũra murẽ, arĩyupũ.

Pablo, opu Agripare weredea

¹³ Yoaweyaripoe puru Festo opu ñajãdero puru, Judea marã opu Agripa wãikugu, ìgũ tígõ Berenice merã Cesareague Festore òãdorerã waañurã.

¹⁴ Agripa irore yoaripoe ããrĩmakũ, Festo Pablore ìgũsã irideare wereyupu ìgũrẽ:

–Òõrẽ sugu ããrĩmi Félix peresu iridi. ¹⁵ Yu Jerusalẽgue ããrĩmakũ, paía oparã, gajirã judío masaka oparã ìgũrẽ yure weresãrã ejama. “Ìgũ ñerõ iridea waja wẽjẽdoreka!” ãrĩ sërẽma yure. ¹⁶ Yu gapu: “Gua romano marã ubugorata gajirãrẽ neõ wẽjẽdorebea. Irasirirã sugu masakure weresãnerã ìgũsã weresãdi merã weresãrĩrẽ beyerimasũ ìũrõ gãme werenĩbirikererã: ‘Wẽjẽkõãka!’ ãrĩmasĩbema”, ãrĩ yujubu. ¹⁷ Irasirigu ìgũrẽ weresãnerã yu merã òõgue ìgũsã ejadero puru, yooboro marĩrõ gajinu gapu weresãrĩrẽ beyeri wiigue waabu. Iro eja, opu doarogue doa, ìgũsã weresãdire ãiridorebu. ¹⁸ Ìgũ yu puro ejamakũ ìãrã, ìgũrẽ weresãnerã wãgãnugãma. Ìgũsã wãgãnugãmakũ ìãgũ: “Ìgũ ñerĩ irideare wãri weremurã yãma”, ãrĩ gũñadibu. Ìgũsã gapu: “Ìgũ ñerĩ irimakũ ìãbu”, ãrĩ neõ weremasĩbirima. ¹⁹ Judío masaka buremurĩ ditare weresãma. “Jesús wãikugu boa, puru masãdi ããrĩmĩ”, ìgũ ãrĩdea waja weresãma ìgũrẽ. ²⁰ Nasirimasĩbirisĩã, ìgũrẽ sërẽñabu: “¿Jerusalẽgue mude yu merã waadukuri? Irogu yu merã waasĩã, mu irideare wereaso yure”, ãrĩbu ìgũrẽ. ²¹ Yu irasũ ããrĩmakũ pẽgu: “Iroguere waadukuri, Romano marã opu gapu yu irideare weregu waadukoa”, ãrĩmi. Irasirigu yu gapu ìgũrẽ òõta pikõãbu dapa. “Yu murẽ iriumakũ, romano marã opu Augusto puro waagukoa mu”, ãrĩbu ìgũrẽ, ãrĩ wereyupu Festo Agripare.

²² Agripa Festore ãrĩyupu:

–Yude ìgũ weremakũ pẽdukoa.

–Jãu, ñamigãta ìgũrẽ pẽdukoa mu, ãrĩyupu.

²³ Gajinu gapu Agripa, ìgũ tígõ Berenice merã iri makã marã nerẽrĩ taribugue waañurã. Irogu ñajãrã, oparã sãñarĩ surĩ merã ñajãñurã. Gajirã surara oparã, iri makã marã oparãde ìgũsã merã ñajãñurã. Ìgũsã nerẽadero puru, Festo Pablore ãiridoreyupu. ²⁴ Pablo ìgũsã purogue ñajãjamakũ, Festo iro ããrĩrãrẽ ãrĩyupu:

–Opu Agripa, ããrĩpererã i taribugue nerẽanerã òãrõ pẽka yure! Wãrã judío masaka Jerusalén marã, i makã marãde ñrẽ weresãma yure. “Wẽjẽkõãka ìgũrẽ!” ãrĩ gaguinĩma. ²⁵ Ìgũsã irasũ ãrĩkeremakũ, yu gapu ìgũsã ìgũrẽ wẽjẽrõ gããmea, ãrĩrĩ wajare bokabiribu. Irasirigu opu Augustore ìgũ irideare weregu waadukoa, ãrĩmakũ: “Ìgũ purogue iriugura”, ãrĩ gũñabu. ²⁶ Yu gapu ìgũrẽ ìgũsã weresãdeare òãrõ masĩbirisĩã, opu Augustore irimarẽ gojabiribu dapa. Irasirigu ìgũrẽ ãiridoreabu, ìgũ irideare musã pẽuro weredoregu. Opu Agripa, ìgũ irideare weremakũ mu pẽadero puru, ìgũrẽ sërẽña, puru yu òãrõ gojagukoa pama marĩ opu Augustore. ²⁷ Sugu masakure ìgũ ñerõ irideare masĩbirikererã, marĩ opu Augusto purogue iriumasĩña máa. Ìgũrẽ weresãdeare òãrõ masĩbirikererã ìgũrẽ iriurã, ubugorata iriubukoa, ãrĩyupu Festo Agripare.

26*Pablo Agripare weredea*

¹ Irasirigu Agripa Pablore:

–Wereka yure mu irideare! Ìgũsã murẽ weresãdeare mu yujumakũ pẽdukoa, ãrĩyupu.

Ìgũ irasũ ããrĩmakũ pẽgu, Pablo ìgũya mojõrẽ soemu, ìgũ irideare werenugãyupu:

²—Opu Agripa, dapagorare mu yure weredoremakū, buro usuyáa. Irasirigu yu irideare, judío masaka yure weresādeare āārīpererire murē weregura. ³Gua judío masaka iririkurire gua gāme werenírdere ōārō masíkoa. Irasirigu bopoñarī merā yu weremakū, ōārō péka!

Pablo Jesúsre bñremuburi dupiyuro ĩgū āārīrikudeare werede

⁴Āārīpererā judío masaka yaa nikū marā, Jerusalén marāde yu majĭgūgueta ĩgūsā merā āārīdeare masīma. ⁵Yu maamuguetā fariseo bumu āārīdi āārībú. Murē irire wereduarā, weremasīma. Āārīpererā gua judío masaka watopeguere fariseo bumarā gua bñremurīrē gajirā nemorō ōārō yāma. ⁶Marīpu gua ñekūsāmarārē masaka boanerārē masūgura, ārīdeare yu bñremurī waja yure weresārā ōogue iriuma wajamoāburo, ārīrā. ⁷Gua judío masaka, Israel bumarā pe mojōma pere su gubu peru pērēbejari buri marāgora, Marīpu marī boadero puru masūburire usuyari merā yúa. Irasirirā ūmurī, ñamirī Marīpue bñremuníkōāa. Opu Agripa, gua irire yúkeremakū, surāyeri judío masaka weresāma yu irire bñremurī waja. ⁸Musā gapu, ¿nasirirā Marīpu boanerārē masūburire bñremuberi?

Pablo Jesúsre bñremurārē ĩgū ñerō iriunadeare werede

⁹Iripoegue Jesús Nazaretmurē bñremurārē yu bokatīūrō ñerō iridūadibu. ¹⁰Jerusalēguere paía oparā dorero merā wārā Jesúsre bñremurārē peresu iribu. Irasirigu oparā ĩgūsārē wējēdoremakū, yude neō kāmūtābiribu. ¹¹Āārīpereri ĩgūsā nerērī wiirigue ñajāa, Jesúsre bñremurārē ñerō iriunabu, ĩgūrē bñremurīrē piriburo, ārīgū. ĩgūsā merā buro guabu. Gaji makārīguedere irasūta ñerō irigorenabu.

Pablo Jesúsre bñremunūgādeare werede

¹²Irasirigu Damascogue Jesúsre bñremurārē ñerō irigu waadibu, paía oparā yure: “Gua dorero merā waaka!” ārīmakū pégu. ¹³Opu Agripa, yu maague waamakū, āsū waabu. Goeripoe āārīmakū, ūmugasigue abe ūmumu gosero nemorō gosesiribu yu puro, yu merā waanerā purudere. ¹⁴Gua āārīpererā yebague meémejābu. Sugū yure hebreo ya merā werenímakū pébu. “Saulo, ¿nasirigu yure ñerō yari mu? Mu yure ñerō irigu, mu basita ñerō yáa”, ārīmi yure. ¹⁵ĩgū irasū ārīmakū pégu, yu gapu: “¿Noā āārīrī mu?” ārī sērēñabu. Marī Opu gapu āsū ārīmi: “Yu, Jesús, mu ñerō iriguta āārā. ¹⁶Wāgānūgāka! Yu murē deyoa, yure moāboegu āārīburo, ārīgū. Irasirigu mu yure ĩādeare, purugue yu murē ĩmuburidere gajirārē weregukoa. ¹⁷Yu murē judío masaka āārīmerārē buebure iriugura. Judío masaka, judío masaka āārīmerāde murē ñerō irimakū wijatagura. ¹⁸Yu murē judío masaka āārīmerārē buedoregu iriugukoa, yaa kerere masīburo, ārīgū. Irasirirā ñerīrē pirirākuma. Koye ĩāpāmerā, naītīārōgue āārīrā irirosū āārībirikuma. Boyorogue āārīrā irirosū āārīrākuma. Wātī ĩgūsā opu āārībirikumi pama. Marīpu gapu ĩgūsā Opu āārīgukumi. Irasirigu, ĩgūsā yure bñremumakū ĩāgū, Marīpu ĩgūsā ñerī irideare kātīgukumi. ĩgūsārē ĩgūyarā āārīmakū irīgukumi”, ārīmi Jesús yure.

Pablo, Jesús dorerire yñjudea

¹⁹Opu Agripa, ūmugasigue Jesús yure werenídeare tarinūgābiribu. ²⁰Irasirigu Damasco marārē ĩgūya kerere wereruroribu. Puru Jerusalén marārē, āārīpererogue Judea marārē werebu. Judío masaka āārīmerādere werebu. “Musā ñerō irideare bujawere, musā gūñarīrē gorawayuka! Marīpu gāāmerī gapure irika! Irasirirā musā gūñarī gorawayuadeare ĩmurākoa”, ārī buebu ĩgūsārē. ²¹Yu irire buedea waja judío masaka Marīpuya wiigue yu āārīgūrē ñeā wējēduarā irima. ²²ĩgūsā irasirikeremakū, Marīpu gapu

yure iritamunikōāmi. Irasirigu āārīpererā oparārē, ubu āārīrādere yu ĩgūya kerere wererire neō piribea. Iripoegue Moisés, gajirā Marīpuya kerere weredupiyunerā, puryue āsū waarokoa, ārīdeare werea. Āsū ārī gojanerā āārīmá: ²³ “Cristo, Marīpu iriudi buro ñerō tarigakumi. ĩgū boadero pury, ĩgūta masāpuryori, neō dupaturi boabirikumi. Irasirigu ĩgū masakare taugu āārīrērē judío masakare judío masaka āārīmerādere masīmakū irigakumi”, ārī gojanerā āārīmá, ārī wereyupu Pablo Agripare.

Pablo Agripare: “Jesúre buremuka!” ārī weredea

²⁴ ĩgū irasū ārīripoeta Festo gaguiníyupu:

—Pablo, mirēgū yáa. Wári buetarisīā, mirērīmasū waáa, ārīyupu.

²⁵ Pablo gapu Festore ārīyupu:

—Yu opu, mirēbea. Yu wereri diayeta āārā. Irasirigu ire goepeyaro merā werea. ²⁶ Opu Agripa gapu, yu wereri āārīpererire ōārō masīkumi. Irire masīa yu. Irasirigu ĩgūrē güiro marīrō werea. Yu Jesúyare weregu, yayerogue werebea, ārīyupu Pablo Festore. Irasū ārī odo, āsū ārīyupu Agripare:

²⁷ —Opu Agripa, Marīpuya kerere weredupiyunerā gojadeare buremua mu. Mu irire buremurērē masīa yu, ārīyupu.

²⁸ Agripa ĩgūrē yujuyupu:

—Iropagā werekeregu, ¿yure Jesúre buremumakū iriduari? ārīyupu.

²⁹ ĩgū irasū ārīmakū pégu, Pablo yujuyupu ĩgūrē:

—Jesúyare wári, o mérōgā weregu, musā āārīpererārē yu irirosū ĩgūrē buremumakū gāāmea. Marīpuguerē irire sērēbosáa. Yu peresugue āārīgū irirosū musā āārīmakū tamerārē gāāmebea, ārīyupu.

³⁰⁻³¹ ĩgū irasū ārīmakū pérā, Agripa, Festo, Berenice gajirā ĩgūsā merā doanerāde wāgānugā, gaji taribugue waa, ĩgūsā basi āsū ārī gāme wereníñurā:

—ĩgūrē i waja wējērō gāāmea, ārīrī máa. I waja peresu iriro gāāmea, ārīrīde máa, ārī gāme wereníñurā.

³² Irasirigu Agripa āsū ārīyupu Festore:

—Pablo romano marā opure yu irideare weredukoa, ĩgū ārībirimakū, marī ĩgūrē peresugue āārīgūrē wiukōāboakuyo, ārīyupu.

27

Pablöre Romague iriudea

¹ Irasirirā Pablöre, gajirā peresu āārīrādere doódiru merā Italia nikūma makā Romague gu merā iriuma. Julio wāikugu surara opudere iriuma ĩgūsārē koredorerā. ĩgūsā romano marā opu Augusto wāikuguyarā surara āārīmá. ² Gua Adramitio wāikuri makā marāya doódiru Asia nikūma perague waadiru merā waabu. Gajigu Aristarco wāikugu Macedonia nikūma makā Tesalónica wāikuri makāmude gu merā waami. ³ Gajinu gapu Sidón wāikuri makāma perague ejabu. Irogue ejadero pury, Julio Pablöre bopoñarī merā ĩā, ĩgūrē ĩgū merāmarā puro naadoregu iriumi, ĩgūsā ĩgū gāāmerērē siburo, ārīgū. ⁴ Gua iri makāgue āārānerā doódiru merā waamakū, buro mirū guare gajipārēgue wējāputaribujubu. Irasirirā Chipre wāikuri nugūrō kúgapu dujamakū taribu. Iro gapu mirū wējāpubiriweyabu. ⁵ Ciliciare, Panfliadere taribu. Pury Licia nikūma makā Mira wāikuri makāgue ejabu.

⁶ Gua irogue ejamakū, surara opu gajiru doódiru bokajami. Iriru Alejandriague aaradiru, Italiague waaburidiru āārībú. Irasirigu guare irirugue ñajādoremi. ⁷ Iriru merā waarā, mirū guare buro wējāpu kāmutamakū, yoaripoe yoobobu. Buro ñerō tariri merā waa, Gnido wāikuri makā bokatīūrō

ejabũ. Irore gũa tarimakũ, mirũ dupaturi bũro wẽjãpubũ. Gũa waaderoguere ejamasĩbiribũ. Irasirirã Creta wãikũri nũgũrõgue waa, Salmón wãikũri ñorõrẽ tariadero pũrũ, mirũ gũare neõ wẽjãputaribujubiribũ pama. ⁸ Iri nũgũrõ tũro taria, gariboretarianerãgue “Õãrĩ pera” wãikũrogue ejabũ. Iri pera Lasea wãikũri makã pũrogue ããrĩbũ.

⁹ Gũa yoaripoe yooboadea waja puibũ waaburo mérõgã dũyabũ. Irasirigu Pablo doódiru moãrãrẽ weremi:

¹⁰ –Péka! Marĩ dapagora waamakũ, iru doódiru, doebiride dederibukoa. Marĩdere mirĩboama goegorãa, ãrãdimi.

¹¹ Ìgũ irasũ ãrĩkeremakũ, surara opũ Pablo wererire pébirimi. Doódiru opũ, iriru wejatugũ wereri gapũre bũremũmi. ¹² Ìgũsã ejadea pera gapũ puibũ tamumakũ, ñegorayuro. Irasirirã: “Fenice wãikũri makãgue waakõãdorea. Gajipoe irirã iroque puibũ tamubukoa”, ãrĩma. Fenice, Creta nũgũrõma makã abe ñajãrõ gapũ ããrĩrĩ makã ããrĩyuro. Iri makãma pera gapũre mirũ wẽjãpubiriweyayuro.

Wádiyague bũro mirũ waadea

¹³ Irasirirã sur gapũ mirũ wẽjãpuweyamakũ ìãrã, doódiru moãrã: “Õãrĩnũ ããrĩrokoa”, ãrĩ gũñadima. Gũa irirure ñajãa, Creta nũgũrõ tũro waabũ Fenicegue waadũarã. ¹⁴ Mérõgã pũrũ bũro mirũ nordeste wãikũri aaribũ. ¹⁵ Irasiriro gũaya doódirure mirũ wẽjãpubéokõãbũ. Mirũ iro wẽjãpumakũ gãme goroamasĩbiri, mirũ wẽjãpuro gapũta waabũ. ¹⁶ Gũa Cauda wãikũri nũgũrõgã tũrogue ejamakũ, mirũ wẽjãpubiriweyabũ. Irasirirã gũa bũro moãtarianerãgue doódirumarũ médiru kũmagãrẽ õãrõ tũãmu suapeobũ. Iriru wádiru mirĩmakũ, ìgũsã ñajãburidirugã ããrĩbũ. ¹⁷ Irirugãrẽ suapeo odo, wádirure pũgubudari merã suanemoma mirũ merã waarĩri, ãrĩrã. Pũrũ gũi, Sirte wãikũri ìmiparo miẽgue marĩrẽ mirũ ããrĩrĩ, ãrĩrã, ìgũsã mirũ ñeãrĩ gasiri suatúdea gasirire kuradijũkõãma. Ìgũsã kuradijuadero pũrũ, mirũ wẽjãpuro gapũta waabũ. ¹⁸ Gajinũ gapũ mũrãrõta bũro mirũ wẽjãpumakũ ìãrã, iriruma doebirire diague béobũ. ¹⁹ Gajinũ gapũdere iriruma ããrĩrĩrẽ diague béobũ. ²⁰ Yoaripoe ñĩpirinũrĩ ããrĩmakũ, abe ãmũmũ, neñũkãde neõ deyomarĩma. Bũro mirũ wẽjãpubũ dapa. Irasirirã: “Iro diaye waakõãa”, ãrĩ masĩña marĩbũ gũare. “Mirĩ boakõãrãkoa”, ãrĩ gũñabũ.

²¹ Irasirigu yoaripoe gũa baabirimakũ ìãgũ, Pablo gũa watopegue ããrãdi wãgãnũgã, ããrĩpererãrẽ ãrĩmi:

–Mũsã yũ Cretague weredeare pémakũ õãgorabukuyo. Marĩ iro wirimerã, irure poyanorẽ, doebiridere dedeubiriboakuyo. ²² Irasirirã dapagorare yũ weremakũ péka! Gũñaturaka! Gũibirikõãka! Neõ sugũ boabirikoa. Iru doódiru dita dederirokoa. ²³ Yũ Marĩpũyagũ ããrã. Ìgũrẽ bũremua. Dapagã ñami ìgũrẽ wereboegũ yũre deyoami. ²⁴ Æsũ ãrãmi: “Pablo, neõ gũibirikõãka! Mũ romano marã opũre mũ irideare weregũkoa. Marĩpũ mũrẽ maĩrĩ merã ìãgũ, mũ sãrẽaderosũta mũrẽ, mũ merãmarã irugue ããrĩrãdere taugũkumi”, ãrãmi. ²⁵ Irasirirã gũñaturaka! Marĩpũ ìgũrẽ wereboegũ yũre ãrãaderosũta waamakũ irigũkumi, ãrĩ bũremua. ²⁶ Irasiriro marĩrẽ nũgũrõgue mirũ wẽjãpumeétũrokoa, ãrĩ weremi Pablo.

²⁷ Su ñami, pe semana gũa Cretare wiriadero pũrũ, wádiya Adria wãikũdiya mirũ bũro wẽjãpuro gapũta waabũ dapa. Ñami deko ããrĩmakũ, doódiru moãrã: “Marĩ nikũgue ejarã irisuyua”, ãrĩma. ²⁸ Irasirirã pũgubudague kõmerũrẽ suatúdiyu keoñama. Ìgũsã keoñamakũ, treinta y seis metrogora ãkũãbũ. Mérõta waa, dupaturi keoñamakũ, veintisiete metrogora ãkũãbũ. ²⁹ Irasirirã ñami ããrĩyomakũ, ãtãyerigue meétuabukoa, ãrĩ gũirã, ãsũ irima. Wapikũri majĩ kõme

majĩrĩpare iriyaburigue pũgubudari merã suatúdeare wejaturu gapũ meéyoma irirure tũãñeãpauburo, ãrĩrã. Irasiri odo: “Murĩgora boyoro gããmeadãa”, ãrĩ gũñarikũma. ³⁰ Iri ñamita irirure moãrã gapũ duridũarã irima. Irasiri gaji kũme majĩrĩrẽ wejadupiyuro gapũ meéyomurã yãa, ãrĩkato, doódirumarũ médirugãrẽ ãĩdiju, iriru merã duridũarã irima. ³¹ Īgũsã duridũamakũ ĩãgũ, Pablo surara opũre ĩgũyarã suraradere weremi:

—Īsã iru moãrã médirugã merã waamakũ, mũsã ããrĩpererã taribirikoa, ãrĩmi.

³² Īgũ irasũ ãrĩmakũ pérã, surara gapũ médirugã ĩgũsã suadeadarire dítítã, diague béokõãma.

³³ Boyoburi dupiyuro Pablo ĩgũsãrẽ baadoregũ, ãsũ ãrĩmi:

—Pe semanagora waãa, mũsã baamerãta bũro gũñarikũro. ³⁴ Irasirigu taridũarã baaka! ãrĩ, bũro sãrẽa. Neõ sugũ mũsã dederibirikoa. Mũsãya poadaride neõ dederibirikoa, ãrĩmi.

³⁵ Irasũ ãrĩ odo, Pablo pãrẽ ãĩ, ããrĩpererã ĩũrõ Marĩpure: “Mũ merã usuyãa”, ãrĩ, irire dukawa baami. ³⁶ Īgũ baamakũ ĩãrã, ĩgũsãde ããrĩpererã gũñatura baama. ³⁷ Gũa irirugue ããrĩrã ããrĩpererã doscientos setenta y seis gora ããrĩbũ. ³⁸ Irasirirã ĩgũsã ããrĩpererã baayapi, pũrũ irirugue ããrĩrĩ, wãri trigore diague béoma, kãrãwãridiru dujaburo, ãrĩrã.

Doódiru ĩmparogue soemũrĩbeja mirĩdea

³⁹ Boyoripoe doódiru moãrã nũgũrõrẽ ĩãboka: “Ãsũ wãĩkũri nũgũrõ ããrã”, ãrĩ ĩãmasĩbirima. Dupatũgũguere ĩmparo ããrĩmakũ ĩãrã: “Sõõ bũanumuarã! Gajipoe irirã iro majãbukoa”, ãrĩma. ⁴⁰ Irasirirã kũme majĩrĩrẽ ĩgũsã suadeadarire ditimeédijubéokõãma. Iri odo, wejadupabu wejaturi ĩgũsã suadeadarire kurama. Pũrũ iriru wejadupiyuro gapũ ããrĩrĩ surĩ gasirore ãĩwãgũnúma mirũ ãĩaburo, ãrĩrã. Irasiriro ĩmparo pũro gapũ numuabũ. ⁴¹ Numua, wejadupiyuro gapũ ĩmparo ãkũãberogue soemũrĩbejabũ. Neõ soebumasĩña marĩbũ. Iriru wejaturu gapũ makũrĩ pagari meétuamakũ waariakõãbũ.

⁴² Irasũ waamakũ ĩãrã, surara gapũ ãrĩma:

—Iru mirĩmakũ, marĩ peresu irianerã bánumuã, duriakõãbukuma. Irasirirã ĩgũsãrẽ wẽjẽpeokõãrã! ãrĩ werenĩma ĩgũsã basi.

⁴³ Īgũsã opũ gapũ Pabloure taudũagu: “Neõ sugure wẽjẽbirikõãka! ããrĩpererã bámasĩrã mata nũgũrõ tũroque bánumuaka!” ãrĩmi. ⁴⁴ “Gajirã taboa majĩrĩ merã, gaji iriruma waariadea majĩrĩ merã payanumuaka!” ãrĩmi. Irasirirã ããrĩpererã iri merã bánumuã, õãrõ tariperekõãbũ.

28

Pablo, Malta wãĩkũri nũgũrõrẽgũe ejadea

¹ ããrĩpererã tũroque majãnũgãdero pũrũ iri nũgũrõrẽ ĩãmasĩbũ. Malta wãĩkũri nũgũrõ ããrĩdero ããrĩbũ. ² Iri nũgũrõ marã masaka gũare õãrõ irima. Deko merẽmakũ, gũare bũro yũsakubũ. Irasirirã gũare peame diubosa, sũmadorema. ³ Pablode pea bojoñajãri seagu waa, seatĩãmi. Īgũ seatĩãripoe ãña ĩgũ sead-eague ããrãdi peame asiri gũiwirigu, Pabloure ĩgũya mojõgue kũrĩmeésiami. ⁴ Īgũrẽ kũrĩmeésiamakũ ĩãrã, iri nũgũrõ marã ĩgũsã basi ãsũ ãrĩ gãme werenĩma:

—Īĩ masakare wẽjẽdi ããrĩkumi. Īgũ dia wãdiyare tariadi ããrĩkeremakũ, marĩ bũremugõ masakare wajamoãdorego ĩgũrẽ okadorebirikumo, ãrãdima.

⁵ Pablo gapu añarē peamegue wējāsiri meépeokōāmi. Neō pūrīsūbirimi.
⁶ Irasirimakū iārā, iro marā gapu: “Bijiakōārokoa”, ārīma. Īgūrē bijibiri-
 makū iārā: “Gūñaña marīrō kōmoakōāgukumi”, ārīma doja. Yoaripoe Īgū
 pūrīsūbirimakū iārā: “Īi sugu ūmugasigue marā opu āārīkumi”, ārīma.

⁷ Gha majādero puro iri nūgūrō marā opu Publio wāikuya nikū āārībú. Ghare
 Īgūya wiigie siiuami. Irasirirā gha urenū Īgū merā āārīmakū, ghare oārō irimi.
⁸ Publio pagu nimakuri yojo merā sīrīgū Īgū kārīrōgue peyami. Irasirigu Pablo
 Īgūrē Īgū waa, Īgūya taribugue ñajāa, Marīpure sērē odo, Īgūya mojōrī merā
 Īgū weka ñapeo, taumi. ⁹ Īgūrē taumakū iārā, āārīpererā gajirā iri nūgūrō
 marā pūrīrikurā Pablo puro ejama. Īgūsā ejamakū Īgū, Pablo Īgūsādere taumi.
¹⁰ Īgū irasirimakū iārā, wari gajino sīma, ghare Īgūsā bremurīrē ĩmurā. Puru
 gha waaburi dupiyurogā āārīpereri gha gāāmerī, gha baaburidere doódirugue
 durisābosama.

Pablo Romague ejadea

¹¹ Gha iri nūgūrōgue urerā abe āārādero puru, doódiru Alejandriague
 aaradiru merā waabu doja. Iri iri nūgūrōgue puibu tamudero āārībú.
 Iri ru wejadupiyurore pērā masaka bremurā Cástor, Pólux wāikurā keori
 weadea āārībú. ¹² Gha iri iri merā waa, Siracusa wāikuri makāma perague
 ejabu. Irore urenū āārībú. ¹³ Iri makārē wiriwāgā, iri nūgūrō turo taria,
 Regio wāikuri makāgue ejabu. Gajinu gapu gha waaripoe gha puru gapu
 mirū wējāpuwāgāribu. Irasirirā gajinu gaputa Puteoli wāikuri makāgue ejabu.
¹⁴ Iroque gajirā Jesúre bremurārē bokajabu. Īgūsā ghare: “Su semana
 gha merā dujaka!” ārīmakū pērā, su semanagora Īgūsā merā dujabu. Puru
 Romague waarā, maa merā waabu. ¹⁵ Gajirā Roma marā Jesúre bremurā
 gha waarī kerere pērā, Apio wāikuri makāgue ghare bokatīrīrā ejama. Iri
 makā doebiri duari makā āārībú. Puru maague yoaweyaro waaripoe naarā
 kārīrī wiiri, ure wii āārīrōgora gajirā ghare bokatīrīrā ejama. Īgūsā bokatīrīrā
 ejamakū Īgū, Pablo usuyari merā Marīpure: “Murē usuyari sīa”, ārī, siñajā
 gūñaturakōāmi. ¹⁶ Romague gha ejadero puru, surara opu peresu āārīrārē
 Pablo merā āānerārē iro marā peresu āārīrārē korerā opure wiame. Pablo
 gapure: “Suguta āārīdhamakū oārokoa”, ārī, sugu surara Īgūrē korebure pīmi.

Pablo Roma marārē buedea

¹⁷ Urenū puru Pablo judío masaka oparārē iro āārīrārē siiu neōmi. Īgūsā
 nerēperemakū Īgū, āsū ārīmi:

—Yaarā, yu marīyarārē, marī ñekūsāmarā iriunadeadere
 tarinūgābirikeremakū, Jerusalén marā yure ñeā, romano marā oparāguere wia,
 yure peresu irima. ¹⁸ Romano marā oparā gapu yure sērēña wiudhadima
 wējērō gāāmea, ārīrī bokabirisīā. ¹⁹ Marīyarā judío masaka gapu neō yure
 wiudhabirima. Īgūsā irasirimakū Īgū: “Romano marā opure yu irideare
 weredorerā iriuka!” ārī sērēbu. Iri sērēgū, yu gapu marīyarārē: “Ñerō
 irima”, ārī weresābiribu. ²⁰ Irasirigu musārē ire werebu siiuabu. Marī judío
 masaka yoaripoe yúdi, marīrē taugu, Jesucristo āārīmi. Yu Īgūrē bremurī
 waja peresugue i kōmeda merā sāsūdi āārā, ārī weremi Pablo judío masaka
 oparārē.

²¹ Īgūsā Īgūrē ārīma:

—Neō su papera pū, marīyarā Judea marā, mūyamarē gojadea pūrē ñeābea.
 Īgūsā oōgue naarā ejanerāde murē neō ñerō ārī weresābirima. Gajirāde: “Ñerō
 irimi”, ārī werebirima ghare. ²² I ditare masīa. Āārīpererogue marā masaka

mu merāmarārē: “Īgūsā bueri ñegorāa”, ārī wereníma. Irasirirā mu buerire péduakoa, ārīma.

²³ Irasirirā sunu irire wereníburinurē beye odo, waakōāma. Puru irinu ejamakū ĩārā, wārā masaka Pablo āārīrī wiigue ejama. Irasirigū boyoripoe āārīmakū, ĩgūsārē buenugādi, bueneākōāmi. Marīpu ĩgūyarārē doreri kerere buemi. Moisés gojadeare, Marīpuya kerere weredupiyunerā gojadeadere buemi, Jesúre buremuburo, ārīgū. ²⁴ Surāyeri ĩgū buerire buremuma. Gajirā gapu neō péduabirima. ²⁵ Irasirirā surosū gūñabiri, wirianokōāma. Īgūsā wiriaripoe Pablo ārīmi:

–Ōāgū deyomarīgū Marīpuya kerere weredupiyugū Isaías merā marī ñekūsāmarārē diayeta weredi āārīmí. Āsū ārī weredi āārīmí:

²⁶ Masakare āsū ārī weregū waaka: “Ĕmurikū musā yaare pékererā: ‘Irasū ārīduaro irikoa’, ārī neō pémasībea. Ĕmurikū yu ōārō iririre ĩākererā: ‘Irasū ārīduaro irikoa’, ārī neō ĩāmasībea”, ārī wereka ĩgūsārē!

²⁷ Yaa werenírīrē pémerā diayeta pémasībema. Irasirirā gānipūrī pémerā, koye ĩāpāmerā irirosū āārīma. Irasū āārīmerā ĩāmasī, ōārō pémasībukuma. Irasirirā yu pémasīrī sīrīrē oparā yure buremubukuma. Irasirigū ĩgūsārē tauboakuyo, ārīdi āārīmí.*

²⁸ Irasirirā musā yure péduabiri waja dapagora merā Marīpu masakare tauri kerere judío masaka āārīmerā gapure wererā waarākoa. Īgūsā gapu pérākuma, ārīmi Pablo judío masaka ĩgū puro nerēanerārē.

²⁹ ĩgū irasū ārīmakū pérā, ĩgūsā basi buro gāme turi wiriama.

³⁰ Pe bojorigora Pablo iro marā ĩgūrē wayudea wiigue āārīmí. ĩgū iri wiigue āārīrī waja ĩgūsārē niyeru merā wajarinami. Iri wiigue āārīgú, ĩgūrē ĩārā ejanarārē usuyari merā bokatīrīñeānami. ³¹ Güiro marīrō Marīpu ĩgūyarārē doreri kerere, Jesucristoya keredere buenami. Neō sugū ĩgūrē: “Buebirikōāka!” ārībirima.

Iropata āārā.

Lucas

ROMANOS

Pablo Roma marārē òãdoredea

¹ Yũ Pablo, Jesucristore moãboegũ ããrã. Marĩpũ yũre ìgũ masakare tauri kerere buedoregũ beyepĩmi.

² Iripoegue Marĩpũ ìgũyare weredupuyunerãrē iri kerere weredi ããrĩmĩ. Irasirirã irire ìgũya werenĩrĩ gojadea pũgue gojanerã ããrĩmã. ³ Ìgũsã gojadea, Marĩpũ magũ marĩ Opũ Jesucristoya kere ããrã. Ìgũta i ùmũguere marĩ irirosũ dupũkũgũ deyoagũ, David parãmi ããrĩturiagũ ããrĩdi ããrĩmĩ. ⁴ Ìgũ, Òãgũ deyomarĩgũrē opagũ ããrĩmi. Ìgũ boadero pũrũ, Marĩpũ ìgũ turari merã ìgũrē masũdi ããrĩmĩ ããrĩpererãrē: “Diayeta yũ magũ ããrĩmi”, ãrĩ ìmugũ. ⁵ Ìgũta gũare òãrõ irigũ, Jesucristo merã ìgũyare weredoregũ pĩmi, ããrĩpereri buri marārē ìgũrē bũremurãno ìgũ dorerire iriburo, ãrĩgũ. ⁶ Mũsãdere Jesucristoyarã ããrĩburo, ãrĩgũ, beyedi ããrĩmĩ.

⁷ Irasirigũ yũ mũsãrē Marĩpũ beyenerãrē ããrĩpererã Roma marārē òãdoredea. Marĩpũ ããrĩnĩgũ, marĩ Opũ Jesucristo mũsãrē òãrõ iritamũ, siuñajãrĩ merã ããrĩrikũmakũ iriburo.

Pablo: “Romague waadũakoa”, ãrĩ gojadea

⁸ Ire mũsãrē wererũrorigũra. ããrĩperero marã masaka, mũsã Jesucristore bũremurĩrē werenĩperekõãma. Irire pégũ, Jesucristo iritamurĩ merã Marĩpũre mũyari sĩa. ⁹ ããrĩpereri yũ turari merã Marĩpũ yũre dorerosũta masakare ìgũ magũya kerere werea. Irasirigũ ìgũrē sērērikũ, mũsãya ããrĩburire sērēbosanĩkõãa. Marĩpũ irire masĩmi. ¹⁰ Irasirigũ Marĩpũre: “Mũ yũre Romague iriudũagũ, yũ waaburire ãmuyuka!” ãrĩ sērēnãa. ¹¹ Mũsã pũro ejagũ, gũñaturari merã Jesũre bũremunemoburo, ãrĩgũ, ìgũyare weredũakoa, Òãgũ deyomarĩgũ yũre iritamurõsũta mũsãdere iritamuburo, ãrĩgũ. ¹² Marĩ Jesũre bũremurã ããrã. Irasirirã mũsã, yũ ìgũrē bũremumakũ ìãrã, nemorõ gũñaturarãkoa. Yũde, mũsã ìgũrē bũremumakũ ìãgũ, gũñaturagũkoa.

¹³ Yaarã, yũ mũsã pũro waadũarire masĩmakũ gããmekoa. Gajero marã masaka yũ Jesũya kerere weremakũ pérã, ìgũrē bũremuma. Irasirigũ mũsãya makã marãdere irire wererũ waadũakoa, ìgũsãde ìgũrē bũremuburo, ãrĩgũ. ¹⁴ Marĩpũ yũre ããrĩpererãrē iri kerere weredoremi. Paga makãrĩ marārē, mutã makãrĩ marārē, masĩrãrē, masĩmerãdere weredoremi. ¹⁵ Irasirigũ mũsãya makã marārē Jesũre bũremumerãrē ìgũya kerere bũro weredũakoa.

Jesũya kerere pérã, ìgũrē bũremunũgãrãkuma, ãrĩ gojadea

¹⁶ Masaka iri kerere pérã, ìgũrē bũremunũgãrãkuma. Irasirigũ Marĩpũ ããrĩpererã Jesũre bũremurãrē ìgũ turari merã taugũkumi, perebiri peamegue waabirikõãburo, ãrĩgũ. Judío masaka, judío masaka ããrĩmerãde iri kerere pé, ìgũrē bũremumakũ, Marĩpũ ìgũsãrē taugũkumi. Irasirigũ yũ, gũyasĩrĩrĩ marĩrõ gũñaturari merã iri kerere werea.

¹⁷ Iri kere ãsũ ãrã. Marĩpũ Jesucristore bũremurã direta: “Òãrã ããrĩma”, ãrĩ ìãmi. Marĩpũya kerere gojadea pũguedere ãsũ ãrĩ gojasũdero ããrĩbũ: “Marĩpũ irasũ bũremurãrē: ‘Òãrã ããrĩma’, ãrĩ ìãmi. Irasirirã ìgũ merã ããrĩnĩkõãrãkuma”, ãrĩ gojasũdero ããrĩbũ.

Masaka ìgũsã ñerĩ iriri merã waja opama, ãrĩ gojadea

¹⁸⁻¹⁹ Marĩpũ masakare ìgũyamarē òãrõ masĩmakũ yãmi. Ìgũ irire masĩmakũ irikerepũrũ, ñerĩrē yãma. Irasirirã Marĩpũya diayemarē masĩmerã dujama.

Irasirigu Marĩpu ãmugasigue ããrĩgũ ããrĩpererã diayemarẽ irimerãrẽ, ñerõ irirãrẽ ãgũ burõ wajamoãburire masĩmakũ yámi. ²⁰ Marĩpu deyomarĩgũ ããrĩkererũ, ãgũ neõgorague i ãmurẽ ããrĩpereri iridea merã ãgũ perebiri turarire, ãgũyamarẽ masĩsũa. Irasirirã masaka ãgũrẽ: “Masĩbirisĩã, waja opabea”, ãrĩmasĩbirikuma.

²¹ Marĩpuyamarẽ masĩkererã, ãgũrẽ: “Õãtaria mũ”, ãrĩ burẽmubema. ãgũ õãrõ irikererũ, ãgũrẽ: “Õãa”, ãrĩ, usuyari sĩbema. Irasirirã ãgũyare pẽmasĩmerã dujama. Ñerĩ direta gũñarĩ opama. Irasiro ãgũsã gũñarĩguere naĩtĩãrõ irirosũ ããrã. ²² “Gũna masĩã ããrã”, ãrĩkererã, Marĩpuyare neõ pẽmasĩmerã waama. ²³ Irasirirã Marĩpu ããrĩnĩgũ gapure burẽmubema. Purugue boaburi gapure: masaka keorire, mirã, waimurã paárã, pĩrũa keori ãgũsã weadeare burẽmuma.

²⁴ Irasirigu Marĩpu ãgũsãrẽ ãgũsã ñerĩrẽ uribejari direta irinaburo, ãrĩgũ, beõmi. Irasirirã gũyasĩũrõ ñerĩrẽ gãme irinĩkõãma. ²⁵ Marĩpuya diayema gapure burẽmubema. ãrĩgatori direta õãrõ pẽma. Irasirirã Marĩpu ããrĩpereri i ãmumarẽ iridi gapure burẽmumerã, ãgũ iridea gapure burẽmuma. ãgũsã ãgũrẽ burẽmubirikererũ, marĩ gapũ ãgũrẽ: “Õãtaria mũ”, ãrĩ, usuyari sĩnĩkõãrõ gããmea. Irasũta irirã!

²⁶ ãgũsã burẽmubiri waja Marĩpu ãgũsãrẽ beõmi, ãgũsã gããmerõ gũyasĩũrõ ñerĩrẽ iriburo, ãrĩgũ. Irasirirã nome ãmarẽ marãpũkũdũabema. Nome basita gãme marãpũkũdũarã irirosũ ããrĩma. Irasirirã ãgũsã nome seyaro ñerõ yáma. ²⁷ Ñmade irirosũta yáma. Nomerẽ marãpokũdũabema. Ñma basita gãme marãpokũdũarã irirosũ ããrĩma. ãgũsã ãma seyaro ñerõ yáma. Irasirirã ãgũsã basita ñerõ iriri waja ãgũsãya dupũrere poyanorẽma.

²⁸ ãgũsã Marĩpũre masĩdũabiri waja ãgũsãrẽ beõmi, ñerĩ gũñarĩ direta opaburo, ãrĩgũ. Irasirirã noõ gããmerõ ñerĩrẽ irinĩkõãma. ²⁹ ããrĩpereri ñerĩrẽ iririkũma. Ñma nome merã, nome ãma merã ñerõ iririkũma. Ñetariro iririkũma. Gajerãyare burõ gããmema. Gajerãrẽ ñerõ iridũama. Gajerã gajino opamakũ ããrã, ãgũsãrẽ ããturima. Gãmewẽjẽrikurã, gãmekẽãrikurã, ãrĩgatorikurã, ñerõ ããrĩrikurã, burõ kerekurã ããrĩma. ³⁰ Gajerãrẽ ãrĩgatori merã ñerõ ãrĩ werenĩma. Marĩpũre gããmemerã dooma. Gajerãrẽ ããmũrikũma. “Gajerã nemorõ ããrã”, ãrĩ gũñarã: “Õãrõ yáa”, ãrĩ weregorenama. Gajerosũperi ñerĩ iririre iribokadũama. ãgũsã pagũsãmarãrẽ tarinũgãrikũma. ³¹ Õãrĩrẽ pẽmasĩdũabema. Gajerãrẽ: “Ãsũ irirãra”, ãrĩdeare neõ keoro iribema. Neõ sugunorẽ maĩrĩ merã ããbema. ãgũsãrẽ gajerã ñerõ irideare neõ kãtimasĩbema. Gajerãrẽ bopoñabema. ³² Marĩpu irasirirãrẽ: “Wajamoãgũra”, ãrĩderosũta irigũkumi. Perebiri peamegue beõgũkumi. ãgũsãrẽ beõburire masĩkererã, ñerĩrẽ neõ piribema. Gajerã ãgũsã irirosũ ñerĩrẽ irimakũ ããrã, õãrõ usuyari merã ããma.

2

Ñerĩ irirãrẽ Marĩpu diayeta wajamoãgũkumi, ãrĩ gojadea

¹ Irasirirã gajerãrẽ werewũarã ãgũsã irirosũ irikererã, mũsã basita werewũarã yáa. ãgũsãrẽ: “ãgũsã ñerõ iriri waja, waja opama”, ãrĩrã, mũsã basita: “Gũnde waja opãã”, ãrĩrã irirosũ ããrã yáa. ² Marĩpu ñerĩ irirãrẽ: “ãgũsã ñerĩ iriri waja, wajamoãgũra”, ãrĩgũ, diayeta ãrĩgũ yámi. Irire masĩa marĩ. ³ Mũsã gajerãrẽ: “Ñerõ yáma”, ãrĩ werewũarã, ãgũsã irirosũ irikererã: “Marĩpu gũna gapure wajamoãbirikumi”, ¿ãrĩ gũñarĩ? Irire irasũ ãrĩ gũñabirikõãka! Marĩpu mũsãdere mũsã ñerõ iriri waja, wajamoãgũkumi.

4 Musā ñerĩ irirã: “Marĩpu guare buro bopoñarĩ merã ãgũ, mata wajamoãbemi”, ãrĩ gũñabirikõaka! Õãrõ pémasĩka! Musā ñerõ iririre bujaweremakũ ãduagu, musã gũñarĩre gorawayumakũ ãduagu, mata wajamoãbemi. 5 Mata wajamoãbirikeregu, musã ãgũre neõ pébirimakũ ãgũ, ñerõ iririre neõ piridubirimakũ ãgũ, musã merã guanemomi. Irasirigu purugue ããrĩpererã ñerãre ãgũ wajamoãrĩnu ejamakũ, musãre buro wajamoãgukumi. ãgũ irasirimakũ ããrã, ããrĩpererã: “Diayeta ãgũsãre wajamoãgũta yãmi”, ãrĩ masĩrãkuma. 6 Irinurẽ Marĩpu masakakure ãgũsã irideare ãã beye, keoro wajarigukumi. 7 Õãrĩre irinĩrã gapu: Marĩpu merã ããrĩduarã: “Musã õãrõ yãa”, ãrĩmakũ péduarã, ãgũ purugue perebiri okarire opaduarã ããrĩma. Irasirigu ãgũsãre perebiri okarire sũgukumi, ãgũ merã ããrĩnikõãburo, ãrĩgũ. 8 ãgũsã gããmerõ irirã gapu diayemarẽ iridubema. Ñerĩ direta iridubama. Irasirigu Marĩpu ãgũsã merã gua, buro ãgũsãre wajamoãgukumi. 9 ããrĩpererã ñerĩ irirã ñerõ tari, buro gũñarĩkũrãkuma. Judío masakare waapurorirokoa. Judío masaka ããrĩmerãdere irasũta waarokoa. 10 Marĩpu ããrĩpererã õãrĩ irirã gapure: “Õãrõ yãma”, ãrĩ ããgũkumi. ãgũsãre ãgũ merã õãrõ ããrĩmakũ irigukumi. Irasirigu siuñajãrĩ opamakũ irigukumi. Judío masakare irire iripurorigukumi. Judío masaka ããrĩmerãdere irasũta irigukumi.

11 Marĩpu marĩ ããrĩpererãre: judío masakare, judío masaka ããrĩmerãdere sũrosũta ããmi. 12 Judío masaka ããrĩmerã, Marĩpu Moisére doreri pídeare opabirikererã ñerĩ irimakũ ããgũ, Marĩpu ãgũsãre perebiri peamegue béogukumi. Judío masaka ãgũ doreri pídeare oparãde ñerĩ irimakũ ããgũ, ãgũsãdere irire tarĩngãrĩ waja, wajamoãgukumi. 13 ãgũ Moisére doreri pídeare pékererã irire iribirimakũ ããgũ, ãgũsãre: “Õãrã ããrĩma”, ãrĩ ããbemi. Irire irirã gapure: “Õãrã ããrĩma”, ãrĩ ããmi. 14 Judío masaka ããrĩmerã Marĩpu Moisére doreri pídeare opabirikererã õãrõ irirã, Marĩpu dorederosũta yãma. Irasirirã ãgũsã basi Marĩpu doredeare oparã irirosũ irire yãma. 15 Marĩpu ãgũsã gũñarĩgue ãgũ doredeare masĩmakũ iridi ããrĩmĩ. Irasirirã ãgũ dorederosũta irirã, irire masĩrã irirosũ yãma. Õãrõ irirã, o ñerõ irirã, ãgũsã gũñarĩ merã ãgũsã irideare masĩma. Ñerĩre irianerã: “Waja opãa”, ãrĩ gũñama. Irasũta õãrĩre irianerãde: “Waja opabea”, ãrĩ gũñama.

16 Irasirigu Marĩpu ããrĩpererã ñerãre wajamoãrĩnu ejamakũ, Jesucristore: “ããrĩpererã gũñarĩre, ãgũsã gajerã ããberogue irideare ãã beyeka!” ãrĩgũkumi. Irasirigu Jesucristo ñerĩ gũñarĩ oparãre, ñerĩ iririkũrãre: “Wajamoãgũra”, ãrĩgũkumi. Õãrĩ gũñarĩ oparãre, õãrõ iririkũrãre: “Wajamoãbirikõa”, ãrĩgũkumi. Marĩpu masakare tauri kerere buegu, irireta buea yu.

Marĩpu Moisére doreri pídeamarẽ gojadea

17 Musã gapu: “Gua judío masaka Marĩpu Moisére doreri pídeare buremusĩã, gajerã nemorõ Marĩpuyarã ããrã”, ãrĩ gũñadãa. 18 Gajire ãsũ ãrĩ gũñãa: “Gua Marĩpu gããmerĩre, ãgũ Moisére doreri pídeare masĩrã ããrĩsĩã, õãrĩ direta beyemasĩã. 19 Irasirirã koye ããmerãre tũãdupuyuwãgãrã irirosũ Marĩpuyare masĩmerãre buemasĩã. Naĩtĩãrõgue ããrĩrãre sĩãgoro irirosũ diayema iririre masĩmerãre diayema gapure ãgũsãre iridorea. 20 Marĩpu Moisére doreri pídeare opasĩã, diayema iririre õãrõ masĩã. Irasirirã masĩmerãre, majĩrã irirosũ ããrĩrãre buerimasã ããrã”, ãrĩ gũñadãa musã. 21 Gajerãre irasũ ãrĩ buekererã, ¿nasirirã musã basi bueberi? “Yajabirikõaka!” ãrĩ buekererã, ¿nasirirã yajari musã? 22 “Gajigu marãpo, gajego marãpu merã ñerõ iribirikõaka!” ãrĩ buekererã, ¿nasirirã irasũ yãri? Masaka buremurĩ keori

weadeare dookererã, ¿nasirirã ìgüsã buremurĩ wiirimarẽ yajari, irire opa-
murã? ²³ “Marĩpũ Moisére doreri pídeare opasĩã, gajerã nemorõ ããrã”, ãrĩ
gũñakererã, iri dorerire tarinũgãrã, gajerãdere ìgũrẽ buremubirimakũ irirã
yáa. ²⁴ Marĩpũya werenĩrĩ gojadea pũgue musã irasiririre ãsũ ãrĩ gojasũdero
ããrĩbú: “Musã judío masaka, judío masaka ããrĩmerãrẽ Marĩpũre ñerõ ãrĩ
werenĩmakũ yáa”, ãrĩ gojasũdero ããrĩbú.

²⁵ Musã judío masaka Marĩpũ Moisére doreri pídeare irirã, musãya dupũma
gasirogãrẽ* wiirisũnerã ããrĩmakũ õãgorãa. Marĩpũ musãrẽ: “Yaarã ããrĩma”,
ãrĩ ìãmi. Irire tarinũgãrã, musãya dupũma gasirogãrẽ wiirisũbirinerã irirosũ
ããrã. ²⁶ Judío masaka ããrĩmerã irasũ wiirisũbirinerã ããrĩkererũ, Marĩpũ
Moisére doreri pídeare irimakũ: “Yaarã ããrĩma”, ãrĩ ìãgũkumi. Judío
masakadere ìgüsã irire irimakũ, irasũta ãrĩ ìãgũkumi. ²⁷ Judío masaka
ããrĩmerã gapũ ìgüsãya dupũma gasirogãrẽ wiirisũbirinerã ããrĩkererã, Marĩpũ
doredeare irirã, musãrẽ judío masakare iri doredeare oparãrẽ musã irire
tarinũgãrĩ waja: “Waja opama”, ãrĩrãkuma. ²⁸ Sugũ judío masakũ irasũ
wiirisũdi: “Marĩpũyagũ ããrã”, ãrĩ gũñakererũ, Marĩpũre buremubi, diayeta
Marĩpũyagũ, judío masakũgora ããrĩbemi. ²⁹ Marĩpũyarã gapũ irasũ wi-
irisũnerã dita ããrĩbema. Oãgũ deyomarĩgũ ìgüsãya gũñarĩgue õãrĩ merã
gorawayumakũ iridero pũrũ, ìgüsã Marĩpũyarã, judío masakagora ããrĩma.
Masaka ìgüsãrẽ: “Õãrã ããrĩma”, ãrĩ ìãbirikererũ, Marĩpũ gapũ: “Õãrã
ããrĩma”, ãrĩ ìãmi.

3

¹ Musã, yũ irasũ ãrĩmakũ pérã: “¿Gũã judío masaka, gũaya dupũma
gasirogãrẽ wiirisũnerã ããrĩrĩ wajamarĩkuri?” ¿ãrĩ gũñarĩ? ² Gũã judío
masaka ããrĩmakũ õãgorãa. Marĩpũ gũare wãri õãrĩrẽ sídi ããrĩmĩ. Irasirigũ
gũare ìgũya kerere pípuroridi ããrĩmĩ, irire gajerãrẽ weredoregũ. ³ Yũ irasũ
ãrĩmakũ pérã: “Judío masaka surãyeri Marĩpũ ìgüsãrẽ: ‘Ãsũ irigũra’, ãrĩdeare
buremubirimakũ, irire iribirikumĩ” ¿ãrĩ gũñarĩ? ⁴ Neõ irasũ ãrĩ gũñabirikõãka!
Ããrĩpererã masaka ãrĩgatokerepũrũ, Marĩpũ gapũ neõ ãrĩgatobemi. ìgũya
werenĩrĩ gojadea pũgue ãsũ ãrĩ gojasũdero ããrĩbú:

Gũapũ, mũ werenĩrĩ merã masakare mũ diayema iririre masĩmakũ yáa. Mũ
ãrĩderosũta keoro irimakũ, neõ sugũ masakũ mũrẽ: “Diaye iribemi”,
ãrĩmasĩbirikumĩ, ãrĩ gojasũdero ããrĩbú.*

⁵ Gajerã irire pérã, ãsũ ãrĩmoãmabokuma: “Gũã ñerõ iriri merã Marĩpũ diaye
iriri masakare masĩmakũ yáa. Gũã irasirikerepũrũ, Marĩpũ gũare wajamoãgũ,
diaye iribemi”, ãrĩbokuma. ⁶ Neõ irasũ ããrĩbea. ìgüsã irasũ ãrĩrĩ keoro ããrĩmakũ,
Marĩpũ neõ sugũnorẽ ìgüsã ñerõ irikererũ, wajamoãbiribokumi.

⁷ Gajerã idere ãrĩmoãmabokuma: “Gũã ãrĩgatori merã Marĩpũ ãrĩgatobi
ããrĩrĩrẽ masakare masĩmakũ yáa. Irasirirã ìgũrẽ: ‘Õãtarimi’, ãrĩ buremuma.
Gũã irasirikerepũrũ, Marĩpũ gũare wajamoãgũ, diaye iribemi”, ãrĩbokuma.

⁸ Ãsũ ãrĩbokuma doja: “Gũã ñerĩ irimakũ, gajerã Marĩpũ õãgũ ããrĩrĩ gapũre
masĩnemorãkuma”, ãrĩbokuma. Surãyeri gũare ñerõ gũñarĩ merã: “Pablosãde
irasũta ãrĩ buema”, ãrĩ werenĩma. ìgüsã irasũ ãrĩrĩ waja Marĩpũ ìgüsãrẽ
wajamoãgũ, diayeta irigũkumi.

Ããrĩpererã masaka waja oparã dita ããrĩma, ãrĩ gojadea

* **2:25** Gn 17.1-14: Iripoegue Marĩpũ Abrahãrẽ ìgũ pũrã ãmarẽ: “Yaarã ããrĩburo”, ãrĩgũ, ìgüsãya dupũma
gasirogãrẽ wiiridoredi ããrĩmĩ. Pũrũ iri dorerire Moisére pídi ããrĩmĩ. Irasirirã judío masaka Abraham
parãmerã ããrĩturiarã iri dorerire irirã, ìgüsã pũrã ãmarẽ su mojõma pere gaji mojõ ureru pẽrẽbejarinarĩ
waarõ merã ìgüsã deyoadero pũrũ irasũ yãma. * **3:4** Sal 51.4

⁹ ¿Naásũ arĩ gũñarĩ? ¿Marĩpu iũrõ marĩ judío masaka, gajerã nemorõ õãrã ããrĩrĩ? Neõ irasũ ããrĩbea. Marĩ ããrĩpererã judío masaka, judío masaka ããrĩmerãde ñerõ irirã ããrĩsĩã, waja oparã dita ããrã. Irire yu musãrẽ weresiabu.

¹⁰ Marĩpuya werenĩrĩ gojadea pũgue ãsũ arĩ gojasũdero ããrĩbũ:
Neõ sugũno õãgũ mámi. Neõ marĩgorakõãmi.

¹¹ Neõ Marĩpuayare pémasĩgũ mámi. Neõ sugũno ãgũrẽ masĩduagu mámi.

¹² ããrĩpererã Marĩpuayare irituyamerã, dedirimurã dita ããrĩma. Neõ sugũno õãrĩrẽ irigu mámi. Neõ marĩgorakõãmi.✧

¹³ Masãgobe toyori gobe ãrĩwiurosũ ãgũsã ñerĩ werenĩrĩ ããrã. ãrĩgatorikuma.
ãña disigue nima opagu irirosũ pũrĩrõ werenĩma.✧

¹⁴ Ñerĩ diretta werenĩ, gajerãrẽ dojama. Buro turirikuma.✧

¹⁵ Masakare wẽjẽbéoduari directa opasurima.

¹⁶ Noó ãgũsã waaró masakare poyanorẽ, ãgũsãrẽ ñerõ tarimakũ yáma.

¹⁷ Gajerãrẽ siuñajãrĩ merã ããrĩmakũ neõ iribema.✧

¹⁸ Marĩpure gopeyari merã buremubema. Irasirirã ãgũrẽ gũibema, arĩ gojasũdero ããrĩbũ.✧

¹⁹ Marĩ ire masĩa. ããrĩpererã Moisés doreri guã judío masakare: “ãsũ irika!” arĩ pídeare iripeobirisĩa: “Waja opabea”, arĩmasĩbema. Irasirirã ããrĩpererã judío masaka, judío masaka ããrĩmerãde waja opasĩa, Marĩpu wajamoãsumurã dita ããrĩma. ²⁰ Neõ sugũ masakũ Moisés doredeare iripeomasĩbemi. Irasirigu: “Marĩpu yure: ‘Õãgũ ããrĩmi’, arĩ ãgũkumi”, arĩmasĩbirikumi. Marĩpu iri dorerire pídea merãta marĩrẽ: “Ñerã ããrã”, arĩ masĩmakũ yámi.

Marĩ Jesucristore buremurĩ merã tausũrãkoa, arĩ gojadea

²¹⁻²² Daporare Marĩpu marĩrẽ ire masĩmakũ yámi. Marĩ Jesucristore buremumakũ, ãgũ Moisére doreri pídeare iripeobirikerepuu, marĩrẽ: “Õãrã, waja opamerã ããrĩma”, arĩ ããmi. Irasirigu marĩ ããrĩpererãrẽ Jesucristore buremurãrẽ sũrosũta ããmi. ãgũ irasũ arĩ ããburire Moisés, gajerã ãgũyare weredupuyurimasãde ãgũya kerere gojadea pũgue gojanerã ããrĩmã.

²³ Marĩ ããrĩpererã ñerĩ irirã dita ããrã. Irasirirã, Marĩpu: “Yu merã õãrõ ããrĩrãkoa”, arĩdeare marĩ basi neõ bokabirikoa. ²⁴ Marĩ irasũ ããrĩkerepuu, Marĩpu marĩrẽ maĩgũ ãgũ magũ Jesucristore iriudi ããrĩmĩ, marĩ ñerĩ iridea wajare wajaribosadoregu. Irasirigu, marĩrẽ Jesucristore buremurãrẽ: “Waja opamerã ããrĩma”, arĩ ããmi. ²⁵ Marĩpu Jesucristore ããrĩpererã masakare ãgũsã ñerĩ iridea wajare wajaridoregu, ãgũrẽ iriudi ããrĩmĩ. Irasirigu, Jesucristo boagu dí béodea merã ãgũrẽ buremurãrẽ ãgũsã ñerĩ iridea wajare kãtidi ããrĩmĩ. Bopoñagũ ããrĩsĩã, iripoegue marãdere ãgũsã ãgũ: “ãsũ irigũra”, arĩdeare buremudea merã ãgũsã ñerõ iridea wajare kãtidi ããrĩmĩ. Irire irigu, ãgũ diaye irigu ããrĩrĩrẽ ããmi. ²⁶ Marĩpu dapora marãdere Jesús marĩ ñerĩ iridea wajare wajaribosadea merã ãgũrẽ buremurãrẽ: “Õãrã, waja opamerã ããrĩma”, arĩ ããmi. Irasirigu marĩrẽ ãgũ diaye irigu ããrĩrĩrẽ masĩmakũ yámi.

²⁷ Irasirirã Marĩpu iũrõ marĩ basita: “Õãrã ããrã, ãgũ Moisére doreri pídeare iripeorã yáa”, arĩmasĩbea. ãsũ gapu arĩ masĩa. Marĩpu, Jesúsre marĩ buremumakũ, marĩrẽ: “Õãrã ããrĩma”, arĩ ããmi. ²⁸ Ire masĩa. Marĩpu Moisére doreri pídeare marĩ irimakũ meta marĩrẽ: “Õãrã ããrĩma”, arĩ ããmi. Marĩ Jesúsre buremumakũ, marĩrẽ: “Õãrã ããrĩma”, arĩ ããmi.

²⁹⁻³⁰ ¿Marĩpu judío masaka directa Opũ ããrĩrĩ? Neõ irasũ ããrĩbemi. Judío masaka, judío masaka ããrĩmerãdere ãgũ sugũta ããrĩpererã Opũ ããrĩmi.

✧ 3:12 Sal 14.1-3; 53.1-3 ✧ 3:13 Sal 5.9; 140.3 ✧ 3:14 Sal 10.7 ✧ 3:17 Is 59.7-8 ✧ 3:18 Sal 36.1

Irasirigu, ĩgũsã Jesũre bũremumakũ: “Õãrã, waja opamerã ããrĩma”, ãrĩ ĩãmi.
³¹ Irasirirã marĩ Jesũre bũremurã, ¿Marĩpũ Moisére doreri pídeare béorã yári?
 ããrĩbea. Marĩ ĩgũrẽ bũremurã Marĩpũ dorerire nemorõ irinemowãgãrãkoa.

4

Pablo, Abraham Marĩpũre bũremudeare gojadea

¹ Irasirirã, ¿naásũ ãrĩrãkuri Abrahãrẽ, marĩ ñekũ ããrĩpũroridire? ¿Naásũ waayuri ĩgũrẽ? ² Marĩpũ Abrahãrẽ: “Õãrõ irigu ããrĩsĩã, õãgũ ããrĩmi”, ãrĩ ĩãbodi ããrĩkerepũrũ, Abraham ĩgũ basi: “Marĩpũ ĩũrõ õãrõ yãa”, neõ ãrĩmasĩbiriunadi ããrĩmĩ. ³ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Abraham Marĩpũre bũremumakũ, Marĩpũ ĩgũrẽ: ‘Õãgũ ããrĩmi’, ãrĩ ĩãdi ããrĩmĩ”, ãrĩ gojasũdero ããrĩbũ.

⁴ ãsũ ããrã. Sugũ gajino moãdire wajarirã, irasũ sĩkõãrã meta irikuma. ĩgũ moãdea waja wajarirã irikuma. ⁵ Marĩpũ gapũ irasiribemi. Ñerãrẽ, ĩgũsã õãrĩrẽ iribirikerepũrũ, ĩgũrẽ bũremumakũ: “Waja opamerã ããrĩma”, ãrĩ ĩãmi. Irasirigu, marĩ ĩgũrẽ bũremumakũ: “Yũ ĩũrõ õãrã ããrĩma”, ãrĩ ĩãmi. ⁶ Iripoeguemu Davide yũ ãrĩrõsũta gojadi ããrĩmĩ. Marĩpũ masaka iririre ĩãgũ: “Õãrã ããrĩma”, ãrĩ ĩãgũ meta ããrĩmi. ĩgũrẽ bũremurã direta: “Õãrã ããrĩmã”, ãrĩ ĩãgũ ããrĩmi. Irasirirã ĩgũ merã õãrõ usuyama. ⁷ Irire ãsũ ãrĩ gojadi ããrĩmĩ David:

Marĩpũ dorerire tarinũgãrãrẽ ĩgũsã ñerõ iridea wajare ĩgũ kãtimakũ, õãrõ usuyama.

⁸ Marĩpũ ĩgũsã ñerõ iridea wajare: “Neõ gũñabirikoã”, ãrĩmakũ, õãrõ usuyama, ãrĩ gojadi ããrĩmĩ David.*

⁹ Judío masaka ĩgũsãya dupũma gasirogãrẽ wiirisũnerã dita usuyabirikuma. Judío masaka ããrĩmerãde usuyarãkuma. Abrahãrẽ dupaturi gũñaka! ĩgũ Marĩpũre bũremumakũ, Marĩpũ ĩgũrẽ: “Õãgũ, waja opabi ããrĩmi”, ãrĩ ĩãdi ããrĩmĩ. ¹⁰ ¿Naásũ ããrĩmakũ, Marĩpũ Abrahãrẽ: “Õãgũ ããrĩmi”, ãrĩ ĩãyuri? ĩgũya dupũma gasirogãrẽ wiiridero pũrũ, ¿ĩgũrẽ irasũ ãrĩ ĩãyuri? ããrĩbea. ĩgũ irire iriburi dupuyurogueta: “Õãgũ ããrĩmi”, ãrĩ ĩãsiadi ããrĩmĩ. ¹¹ Marĩpũ ĩgũrẽ: “Õãgũ ããrĩmi”, ãrĩ ĩãdero pũrũ, ĩgũrẽ irasũ wiiridoredi ããrĩmĩ, ĩgũyagu ããrĩrĩrẽ ĩmudoregu. Irasirigu dupuyurogue ĩgũrẽ: “Õãgũ ããrĩmi”, ãrĩ ĩãdeare diaye masĩmakũ iridi ããrĩmĩ. Sugũ Abraham bũremuderosũta Marĩpũre bũremumakũ, Marĩpũ ĩgũrẽ: “Õãgũ ããrĩmi”, ãrĩ ĩãmi. Irasirigu Abraham ããrĩpererã Marĩpũre bũremurã ñekũ ããrĩpũroridi ããrĩmĩ, ĩgũsãya dupũma gasirogãrẽ wiirisũbirikerepũrũ.

¹² ããrĩpererã ĩgũsãya dupũma gasirogãrẽ wiirisũnerã Marĩpũre bũremurã, diayeta Abraham parãmerã ããrĩma. Abraham irasũ wiirisũburi dupuyuro Marĩpũre bũremuderosũ ĩgũsãde bũremurã, diayeta Abraham parãmerã ããrĩma.

Marĩpũ, Abraham ĩgũrẽ bũremumakũ: “ãsũ irigũra”, ãrĩdeare gojadea

¹³ Marĩpũ Abrahãrẽ: “I nikũrẽ mũrẽ, mũ parãmerã ããrĩturiarãdere sĩgũra”, ãrĩdi ããrĩmĩ. ĩgũ doredeare irimakũ ĩãgũ meta irasũ ãrĩdi ããrĩmĩ. ĩgũrẽ bũremumakũ: “Õãgũ ããrĩmi”, ãrĩ ĩãdi ããrĩmĩ. Irasirigu ĩgũrẽ: “I nikũrẽ sĩgũra”, ãrĩdi ããrĩmĩ. ¹⁴ Marĩpũ ĩgũ doredeare irirã direta: “Sĩgũra”, ãrĩdeare sĩmakũ, marĩ ĩgũrẽ bũremurĩ wajamarĩbokuyo. Irasũ ããrĩmakũ, ĩgũ Abrahãrẽ: “Sĩgũra”, ãrĩdea ubu ããrĩrĩta ããrĩyuwarikũkõãbokuyo. ¹⁵ Marĩpũ Moisére doreri pídeare

* 4:8 Sal 32.1-2

masīkererā, irire tarinugārā, wajamoāsūrākuma. Iri doreri marīmakū, irire neō tarinugārī marībokuyo.

¹⁶ Irasirigū Marīpū ĩgūrē b̄remurā direta ĩgū Abrahārē ārīderosūta sīgukumi. ĩgū doreri pídeare irirā direta: “Sīgura”, ārībirikumi. Abraham Marīpūre b̄remuderōsū b̄remurāno ĩgū parāmerā āārīturiarā āārīma. Irasirigū Marīpū Abrahārē ārīdeare ĩgūsārē āārīpererārē wajamarīrō sīgukumi. Abraham, marī āārīpererā Marīpūre b̄remurā ñekū āārīdi āārīmī. ¹⁷ Marīpū ĩgūya werenírī gojadea pūgue Abrahārē āsū ārīdi āārīmī: “Murē wári buri marā ñekū āārībure píbu”, ārīdi āārīmī. Marīpū irasū ārīmakū pégu, Abraham ĩgūrē b̄remudi āārīmī. Irasirigū Marīpūre b̄remugū, ĩgū ĩūrō marī ñekū āārīdi āārīmī. Marīpū boanerārē masūgū āārīmi. ĩgū werenírī merā dupuyurogue marīdeare āārīmakū irimasīmi.

¹⁸ Marīpū Abrahārē: “M̄ parāmerā āārīturiarā wárā āārīrākuma”, ārīripoere Abraham gapū pūrā marīdi āārīmī. Pūrā marīkeregū: “Marīpū ĩgū yare ārīderosūta irigukumi”, ārī b̄remudi āārīmī. Irasirigū Abraham wári buri marā ñekū waadi āārīmī. ¹⁹ ĩgū cien bojori opakeregu, ĩgū marāpode búro āārīkerepū, Marīpūre b̄remusīā: “Neō pūrākūbirikoa”, ārī gūñabiridi āārīmī. Āsū gapū ārī gūñadi āārīmī: “Ḡare pērāguereta pūrākūboadero tarikerepū, Marīpū ĩgū yare ārīderosūta irigukumi. Yū irire masīa”, ārīdi āārīmī. ²⁰ “Marīpū ārīderosūta irigukumi”, ārī b̄remurīrē neō piribiridi āārīmī. Irasirigū gūñatura, Marīpūre b̄remunemodi āārīmī. “Marīpū turatarigū āārīmi”, ārī, us̄yari sīdi āārīmī. ²¹ Irasirigū Abraham: “Marīpū yare ārīderosūta diayeta ĩgū turari merā iriyuwarikugukumi. Yū irire ōārō masīa”, ārī b̄remudi āārīmī. ²² ĩgū b̄remumakū, Marīpū ĩgūrē: “Ōāgū āārīmi”, ārī ĩādi āārīmī.

²³ Irire Marīpūya werenírī gojadea pūguere gojasūdero āārībú. Iri Abrahāyama direta gojadea meta āārīdero āārībú. ²⁴⁻²⁵ Marīpū Abrahārē: “Ōāgū āārīmi”, ārī ĩāderosūta marīdere: “Ōārā āārīma”, ārī ĩāburire gojadea āārīdero āārībú. Irasirigū Marīpū, marī ĩgūrē b̄remumakū, marīdere: “Ōārā āārīma”, ārī ĩāmi. Marī ñerī irīdea waja Marīpū Jesúre ĩgūrē wējēmurāguere wiadi āārīmī, marīrē boabosaburo, ārīgū. Marī Opū Jesús boadero pū, Marīpū marīrē ōārā, waja opamerā āārīmakū iribu, ĩgūrē masūdi āārīmī.

5

Marīpū ĩūrō waja opamerā āārā, ārī gojadea

¹ Marī Opūre Jesucristore marī b̄remumakū, Marīpū marīrē: “Ōārā, waja opamerā āārīma”, ārī ĩāmi. Irasirigū Marīpū, Jesús marī ñerī irīdea waja boabosadea merā marīrē ĩgū merā siuñajārī opamakū iridi āārīmī. ² Marī Jesucristore b̄remurā, Marīpū marīrē maīgū merā ōārō āārā. Pūrgue Marīpū ĩgū irirosū marīrē ōārā āārīmakū irigukumi. Irasirirā gūñaturari merā, ōārō us̄yari merā ĩgū ōārō iriburire yúa. ³ Gajire masīa. Marī ñerō tarirā, Marīpūre marīrē iritamugūrē gūñaturanemorākoa. Irasirirā marī ñerō tarikereerā, us̄yamasīa. ⁴ Marī ĩgūrē gūñaturari merā ñerō taririre bokatīūmakū, Marīpū marīrē: “Ōārō yáma”, ārīgukumi. Irasirirā, ĩgū marīrē ōārō iriburire gūñaturari merā yúa. ⁵ Marīpū marīrē Ōāgū deyomarīgūrē iriudi āārīmī marī merā āārīdoregu. Irasirigū Ōāgū deyomarīgū merā marīrē ĩgū maīrīrē opatarimakū yámi. Irasirirā: “Marīpū marīrē: ‘Ōārō iritamugura’, ārīdeare keoro irigukumi”, ārī masīa.

⁶ Marī basi peamegue waaburire tarimasībirimakū, Marīpū marīrē tauripoe ejamakū, Cristo marī ñerārē boabosadi āārīmī. ⁷ Marī gapū sugū boaboadeare boabosabirikoa, ĩgū diayemarē irigū āārīkerepū. Gajipoe irirā sugū ōāgū

gapure boabosabokoa. ⁸ Marĩpu gapu marĩ ñerã ããrĩkerepuru ĩgũ marĩrẽ buru maĩrĩrẽ masĩmakũ iribu, Cristore iriudi ããrĩmĩ. Irasirigu Cristo marĩya ããrĩburire boabosadi ããrĩmĩ. ⁹ Cristo boagu ĩgũya dí béodea merã Marĩpu marĩrẽ waja opamerã ããrĩmakũ iridi ããrĩmĩ. ĩgũ irasiridero nemorõ ĩgũ ããrĩpererã ñerãrẽ wajamoãrĩnu ejamakũ, Cristo merãta marĩrẽ taugukumi. ¹⁰ Marĩ Marĩpure gããmemerã ããrĩkerepuru, ĩgũ magũ marĩrẽ boabosadea merã ĩgũ merã siuñajãrĩ opamakũ iridi ããrĩmĩ. ĩgũ irasiridero nemorõ Cristo marĩrẽ boabosa, dupaturi okadea merã marĩrẽ ĩgũ merã siuñajãrĩ oparãrẽ taugukumi. ¹¹ I gaji ããrĩnemoa. Marĩpu, marĩ Opu Jesucristo merã marĩrẽ ĩgũ merã siuñajãmakũ irideare gũñarã, ĩgũ merã buru usuyãa.

Adán, irasũ ããrĩmakũ Cristo iridea

¹² Āsũ ããrã. Neõgoraguere Adán ñerĩ iripuroridi ããrĩmĩ. ĩgũ ñerĩ irideade waja boadi ããrĩmĩ. ĩgũ suguya waja merãta ããrĩpererã ĩgũ parãmerã ããrĩturiarãde ñerĩ iri, boamurã dita ããrĩma. ¹³ Marĩpu Moisére ĩgũ doreri pĩburi dupuyurogueta masaka ñerĩ irisianerã ããrĩmã. ĩgũsã ñerĩ irikerepuru iri doreri marĩmakũ, Marĩpu ĩgũsãrẽ: “Iri dorerire tarinugãrĩ waja, waja opama”, ãrĩbiridi ããrĩmĩ dapa. ¹⁴ Irasũ ããrĩkerepuru, Adán parãmerã ããrĩturiarã Moisés ããrĩdeapoegue ããrĩnerãde boanerã ããrĩmã. ĩgũsã Marĩpu doredeare Adán tarinugãderosũ iribirikererã, ĩgũsã ñerĩ iridea waja boanerã ããrĩmã. Adán i mũrẽ ããrĩpurorigu, Marĩpu doredeare tarinugãpuroridi ããrĩmĩ. Jesucristo gapu i mũnguere aarigũ, Marĩpu dorerire tarinugãbiripuroridi ããrĩmĩ.

¹⁵ Marĩ Adán tarinugãdeare, Marĩpu marĩrẽ maĩgũ õãrõ irideare masĩa. Adán suguya waja merãta masaka ããrĩpererã boamurã dita ããrĩma. Marĩpu gapu marĩrẽ maĩgũ, marĩrẽ taubure Jesucristore iriudi ããrĩmĩ. Irasirigu Jesucristo sugũ ããrĩkeregu, ããrĩpererãya ããrĩburire wajamarĩrõ boabosadi ããrĩmĩ. Irasirigu Marĩpu Jesucristo merã marĩrẽ wãro õãrĩ iridi ããrĩmĩ. ¹⁶ Adán Marĩpu doredeare suñarõ tarinugãdeade waja merãta ããrĩpererã masaka waja opama. Marĩ wãri ñerĩ irikerepuru, Marĩpu marĩrẽ maĩgũ, wajamarĩrõ Jesucristore iriudi ããrĩmĩ, marĩ ñerõ iridea wajare taudoregu. Irasirigu Jesús merã marĩrẽ waja opamerã ããrĩmakũ iridi ããrĩmĩ. ¹⁷ Adán sugũ Marĩpu doredeare tarinugãdeade waja merãta marĩ ããrĩpererã boamurã dita ããrã. Marĩpu gapu marĩrẽ buru maĩgũ Jesucristore iriudi ããrĩmĩ, marĩrẽ boabosadoregu. Irasirigu Jesucristo sugũ marĩrẽ wajamarĩrõ boabosadea merã Marĩpu marĩrẽ: “Õãrã, waja opamerã ããrĩma”, ãrĩ ããmi. ĩgũ irasiridero nemorõ Jesucristo merã ĩgũ irasũ ãrĩ ããrãrẽ maama okari opamakũ irigukumi, ĩgũ turari merã ĩgũyare iriburo, ãrĩgũ.

¹⁸ Adán, Marĩpu doredeare tarinugãdeade waja merãta masaka ããrĩpererã ñerĩrẽ iriwekabejama. Irasirĩã Marĩpu wajamoãsũmurã dita ããrĩma. Jesucristo diayema irigu marĩ ñerĩ iridea waja boabosadea merã gapu Marĩpu marĩrẽ: “Õãrã, waja opamerã ããrĩma”, ãrĩ ããmi, ĩgũ merã ããrĩnĩkõãburo, ãrĩgũ. ¹⁹ Āsũ ããrã. Adán, Marĩpu doredeare tarinugãdeade waja merãta masaka ããrĩpererã ñerĩrẽ irirã dita ããrĩma. Jesucristo Marĩpu dorerire iridea merã ããrĩpererã ĩgũrẽ buremurãnorẽ waja opamerã ããrĩmakũ iridi ããrĩmĩ. Irasirigu Marĩpu ĩgũsãrẽ: “Õãrã ããrĩma”, ãrĩ ããmi.

²⁰ Marĩpu ĩgũ dorerire pĩdi ããrĩmĩ, marĩrẽ iri dorerire tarinugãrĩrẽ masĩnemomakũ iribu. Wãri ñerĩ marĩ irikerepuru, Marĩpu gapu marĩrẽ buru maĩgũ, marĩ ñerĩ iriro nemorõ Jesucristo merã marĩrẽ õãtariro iridi ããrĩmĩ. ²¹ Marĩ ããrĩpererã ñerĩ iridea waja boamurã dita ããrĩunanerã ããrĩbã. Irasũ ããrĩkerepuru, Marĩpu marĩrẽ maĩgũ, bopoñarĩ merã ããsãã, marĩ Opu Jesucristo

boabosadea merã marĩrẽ waja opamerã ããrĩmakũ iridi ããrĩmĩ, ĩgũ puro perebiri okarire opadoregu.

6

Cristo merã õãrõ ããrĩrã, waja opamerã ããrĩrĩmarẽ gojadea

¹ Marĩpũ marĩrẽ bopoñamakũ ĩãrã, ¿naásũ ãrĩrãkuri? Marĩrẽ ĩgũ bopoñanemomakũ ĩãduarã, ¿ñerĩrẽ irinemorãkuri? ² Irasũ neõ ããrĩbea. Marĩ Jesucristo marĩrẽ boabosadi merã boanerã irirosũ ããrã. Irasirirã, boanerã ñerĩrẽ neõ irinemomasĩmerã irirosũ ñerĩrẽ irinemobirikõãrõ gããmea. ³ Mũsã ire masĩa. Marĩ deko merã wãiyesũrã, marĩ Jesucristoyarã ããrĩrĩrẽ ĩmubũ. Marĩ ĩgũyarã ããrĩsĩa, ĩgũ boamakũ, marĩde ĩgũ merã boanerã irirosũ waanerã ããrĩbũ. ⁴ Marĩ wãiyesũrã, ĩgũ boadero pũrũ yáasũmakũ, marĩde ĩgũ merã yáasũnerã irirosũ waanerã ããrĩbũ. Marĩpũ ãmugasigue ããrĩgũ ĩgũ turari merã ĩgũrẽ masãgũ, marĩdere ĩgũ merã masãnerã irirosũ ããrĩmakũ iridi ããrĩmĩ, ĩgũ merã maama okarire opaburo, ãrĩgũ.

⁵ Marĩ Cristoyarã ããrĩsĩa, ĩgũ boaderosũta marĩde ĩgũ merã boanerã irirosũ waanerã ããrĩbũ. Irasirirã, ĩgũ boadigue masãderosũta marĩde masãrãkoa. ⁶ Āsũ masĩa. Cristo curusague boamakũ, marĩ ñerĩ direta iririkũnerã ĩgũ merã curusague boanerã irirosũ waanerã ããrĩbũ. Irasiro marĩ ñerĩrẽ ãaribejari, marĩrẽ tarinũgãmasĩbirikoa pama. ⁷ Masaka boadero pũrũ, ĩgũsã ñerĩ iririkũrere neõ irinemobirikuma.

⁸ Marĩ Cristo merã boanerã irirosũ ããrĩrã: “Ĩgũ merã õãrõ ããrĩnĩkõãrãkoa”, ãrĩ bũremua. ⁹ Idere õãrõ masĩa. Cristo boadero pũrũ, Marĩpũ ĩgũrẽ masũ, dupaturi okamakũ iridi ããrĩmĩ. Irasirigũ Cristo dupaturi neõ boabirikumi pama. Boari neõ dupaturi ĩgũrẽ tarinũgãmasĩbirikoa. ¹⁰ ĩgũ suñarõta boari merã marĩ ñerĩ iridea wajare boa, wajaripeokõãdi ããrĩmĩ. ĩgũ boadero pũrũ, Marĩpũ ĩgũrẽ masũ, dupaturi okamakũ iridi ããrĩmĩ. ĩgũrẽ masũ, dupaturi okamakũ iridero pũrũ, Marĩpũ gããmerõsũta irigũ Marĩpũ merã õãrõ ããrĩnĩkõãmi. ¹¹ Irasirirã mũsã ãsũ ãrĩ gũñaka! “Gũa Opũ Jesucristo merã gũa boanerã irirosũ ããrĩsĩa, gũa ñerĩrẽ iriunaderosũ irinemobirikoa”, ãrĩ gũñaka! “Irasirirã ĩgũyarã ããrĩsĩa, Marĩpũ gããmerõsũta iri, ĩgũ merã õãrõ ããrĩnĩkõãrã!” ãrĩ gũñaka!

¹² Irasirirã mũsãya dupũ boaburi dupũ merã ñerĩrẽ neõ irinemobirikõãka, mũsã ñerĩrẽ ãaribejari mũsãrẽ tarinũgãbirikõãburo, ãrĩrã! ¹³ Mũsãya mojørĩ, mũsã gũñarĩ, ããrĩpereri mũsãya dupũgue ããrĩrĩ merã ñerĩrẽ iribirikõãka! Mũsã Cristo merã boanerã dupaturi okarã irirosũ ããrã. Irasirirã ãsũ gapũ irika! ããrĩpereri mũsãya dupũgue ããrĩrĩrẽ Marĩpũre wiaka, ĩgũ gããmerõsũta õãrĩ direta irimurã! ¹⁴ Marĩ irire irasirimakũ, marĩ ñerĩ iridũari marĩrẽ tarinũgãmasĩbirikoa. Marĩpũ marĩrẽ: “Yũ Moisére doreri pídeare iribirimakũ, mũsãrẽ béogũra”, ãrĩbemi. Āsũ gapũ marĩrẽ yãmi. ĩgũ marĩrẽ maĩgũ ããrĩsĩa, marĩrẽ iritamumi, ĩgũ doredeare iriburo, ãrĩgũ.

Marĩ, Cristore moãboerã ããrĩrĩmarẽ gojadea

¹⁵ Marĩpũ marĩrẽ maĩmakũ ĩãrã: “Marĩ, Marĩpũ doreri pídea merã ããrĩbea. Irasirirã ñerĩrẽ irirã!” ¿ãrĩrĩ? Irire neõ ãrĩbirikõãrã! ¹⁶ Mũsã ire õãrõ masĩa. Marĩ sugũ dorerire irirã, ĩgũyarã ĩgũrẽ moãboerã ããrĩrãkoa. ĩgũ marĩ opũ ããrĩgũkumi. Iri irirosũta marĩ ñerĩ iridũari, marĩ opũ, marĩrẽ doregũ irirosũ ããrĩrokoa. Irasirirã marĩ ñerĩ iririre pirimerã, Marĩpũ merã perebiri okari bokabirikoa. ĩgũ doreri gapũre irirã ĩgũrẽ moãboerã diayemarẽ irinĩrãkoa. ¹⁷⁻¹⁸ Iripogũe ñerĩ iridoregũyarã ĩgũrẽ moãboerã irirosũ mũsã ñerĩ iridũarire irinerã ããrĩbũ. Marĩpũ mũsãrẽ ĩgũya buerire pẽmasĩmakũ iridero pũrũ, ĩgũ

doreri gapure musā òārō irituyáa. Irasirirā ñerī iridoreguyarā ĩgūrē moāboerā irirosū neō āārībea pama. ĩgūrē wirinerā irirosū āārīrā, Marĩpũre moāboerā ñajānerā āārā, diayema gapure irimurā. Irasirirā irire gũñarā: “Mũ guare irasiridea òātaria”, ārī, Ʃsuyari sīka ĩgūrē! ¹⁹ Yũ ire musārē pēmasĩmakũ gāāmegũ, masaka ĩgūsā gũñarī merā wererosū werea. Iripoegue āārĩpereri musāya dupugue āārĩrī merā ũmarikũ ñerī direta irinĩkōānerā āārībũ. Daporare āārĩpereri musāya dupugue āārĩrĩrē Marĩpũre wiaka, ĩgūrē moāboerā diayema direta irimurā! Irasirirā ĩgũ gāāmerī direta iririkũrākoa.

²⁰ Iripoegue musā ñerī iridũari direta irirā, Marĩpũre moāboerā ĩgũ gāāmerī direta iriro gāāmekoa, ārĩbirinerā āārībũ. ²¹ Musā ñerĩrē irasirirā, ¿ñeéno òārĩrē bokari? Dapora musā ñerī iriunadeare gũñarā, bũro gũyasĩrĩa. Iri ñerĩrē musā iridea waja perebiri peamegue waabokuyo. ²² Iripoegue marĩ ñerī direta iridoregure moāboerā irirosū āārĩunanerā āārībũ. Daporare Marĩpũ marĩrē wiudero pũrũ, ĩgūrē moāboerā āārā. Irasirirā ĩgũ gāāmerĩrē iriwāgārā, ĩgũ pũro perebiri okarire opamurā āārā. ²³ Ñerī irirāno, ĩgūsā ñerī iriri waja, perebiri peamegue waarĩre wajatarākuma. Marĩpũ, marĩ Opũ Jesucristore bũremurā gapure wajamarĩrō ĩgũ pũro perebiri okari opaburire sĩgũkumi.

7

Mojōsiarima keori merā weredea

¹ Yaarā, musā Marĩpũ Moisére doreri pídeare òārō masĩa. Sugũ masakũ ĩgũ okarinũrī direta iri dorerire irimasĩmi. ² Marĩpũ doreri pídea āsũ ārā. Sugo nomeō igo mojōsiadero pũrũ, igo marāpũ okaripoere igo ĩgũ merā āārĩnĩkōākumo. ĩgũ boamakũ, igo marāpũ dagũ merā āārĩdea perekoa. Gajigũ merā mojōsiamasĩkumo doja. ³ Igo marāpũ okakerepũrũ gajigũ merā marāpũkũgo, ĩgũ merā ñerō irigo Marĩpũ dorerire tarinũgāgō irikumo. Igo marāpũ boadero pũrugue dita gajigũ merā marāpũkũmasĩkumo. Irasirigo ĩgũ merā ñerō irigo meta irikumo. Marĩpũ dorerire tarinũgābirikumo.

⁴ Yaarā, musāde āsũta āārā. Iripoegue Marĩpũ Moisére doreri pídea merā āārĩnerā āārībũ. Jesucristo boamakũ, ĩgũ merā boanerā irirosū āārĩsĩā, daporare iri doreri pídea merā āārĩbea. Jesucristo boa, masārī merā Marĩpũ marĩrē ĩgũyarā āārĩmakũ iridi āārĩmĩ, ĩgũ gāāmerĩrē iriburo, ārĩgũ. ⁵ Iripoeguere marĩ ñerĩrē Ʃaribejari direta iriunanerā āārībũ. Marĩpũ Moisére doreri pídeare masĩdero pũrũ, iri dorerire tarinũgā, āārĩpereri marĩya dupũma merā ñerĩrē Ʃaribejanemonerā āārībũ. Irasirirā perebiri peamegue waamurā dita āārĩnerā āārībũ. ⁶ Daporare pama marĩ Cristo merā boanerā irirosū āārĩsĩā, Marĩpũ Moisére doreri pídea merā āārĩbea. Irire tariwerenerāgue āārā. Irasirigũ Marĩpũ, Őāgũ deyomarĩgũ merā marĩrē maama okarire opamakũ yámi, ĩgũ gāāmerĩrē iridoregũ.

Marĩrē ñerī irimakũ iriri marĩguere āārĩrĩmarē weredea

⁷ Irasirirā, Marĩpũ Moisére doreri pídeare: “Ñegorāa”, ¿ārĩrākuri? Neō irasũ ārĩbirikōārā! Irita yũ ñerī iririkũrere masĩmakũ iribũ. Iri doreri pídea āsũ ārā. “Gajerāyare bũro Ʃaribejabirikōāka!” Irasirigũ, iri doreri marĩmakũ, yũ gajerāyare Ʃaribejarire masĩbiribokuyo. ⁸ Iri doreri: “Āsũ iribirikōāka!” ārĩdeare masĩdero pũrũ, iri yũre āārĩpereri ñerĩrē Ʃaribejamakũ iribũ. Iri doreri marĩmakũ: “Iri tarinũgāgũ irikoa”, ārĩmasĩbiribokuyo. ⁹ Yũ iri dorerire masĩburi dupuyuro: “Yũ, Marĩpũ merā òārō āārĩkōāgũ irikoa”, ārĩ gũñadibũ. Iri dorerire masĩdero pũrũ, irire tarinũgāgũ: “Ñerō irigũ irikoa, Marĩpũ merā òārō āārĩbirikoa”, ārĩ masĩbũ pama. ¹⁰ Marĩ iri dorerire irirā, Marĩpũ merā òārō āārĩkōābokoa. Yũ gapũ irire iripeomasĩbirisĩā, ñerī iridea waja, waja opagũ,

perebiri peamegue waabodi dujabu. ¹¹ “Marĩpu dorerire irigu, ĩgũ merã õãrõ ããrĩkõãgũ irikoa”, ãrĩ gũñakerepuru, yu ñerĩ ñaribejari, yure Marĩpu dorerire tarinugãmakũ iribu. Irasirigu iri dorerire tarinugãsiã, ñerĩ iridea waja, waja opagu peamegue waabodi dujabu.

¹² Irasũ ããrĩkerepuru, Marĩpu Moisére doreri pídea õãrĩ ããrã. Diayema doreri ããrã. Marĩpu irire pídi ããrĩmĩ marĩrẽ iritamubu. ¹³ Iro tamerãrẽ Marĩpu doreri õãrĩ ããrĩkerero, ¿marĩrẽ peamegue waabonerã dujamakũ irikuri? Neõ irasũ ããrĩbirikoa. Marĩ ñerĩ iriri gapu marĩrẽ peamegue waabonerã dujamakũ iribu. Irasiriro Marĩpu ĩgũ õãrĩ doreri pídea merã marĩ ñerõ iririre: “Ñegorãa”, ãrĩ masĩsũa.

¹⁴ Ire masĩa marĩ. Marĩpu ĩgũ dorerire Õãgũ deyomarĩgũ merã Moisére pídi ããrĩmĩ. Irasiriro õãrĩ dita ããrã. Marĩ gapu marĩ ñerĩrẽ ñaribejari merã ñerĩ iridoregure duasũnerã irirosũ ããrã. Irasirirã ñerĩrẽ iririkurã ããrã. ¹⁵ Õãrĩrẽ iridũakererã, iribea. Ñerĩrẽ iridũabirikkererã, irinĩkõãa. Marĩ irasiririre pémasĩbea. ¹⁶ “Ñerĩrẽ iridũabirikkoa”, ãrĩkererã, irikõãa. Irasirikkererã: “Ñerĩrẽ iridũabirikkoa”, ãrĩrã, Marĩpu dorerire: “Õãrĩ ããrã”, ãrĩ masĩa. ¹⁷ “Marĩ ñerĩrẽ dupaturi iribea pama”, ãrĩkererã, ñerĩrẽ irirã, marĩ basi meta irire yãa. Marĩguere ñerĩ ããrĩrĩ gapu marĩrẽ irire irimakũ yãa. ¹⁸ Marĩ ñerĩrẽ ñaribejari merã ñerĩ direta irirã yãa. Irasirirã: “Marĩguere õãrĩ máa”, ãrĩ masĩa. Marĩ õãrĩrẽ iridũakererã, bokatĩũbea. ¹⁹ Marĩ õãrĩ iridũakererã, iribea. Ñerĩ iridũabirikkererã, iri gapure yãa. ²⁰ Irasirirã marĩ basi: “Ñerĩrẽ dupaturi iribirikkoa”, ãrĩkererã, irikõãa doja. Marĩguere ñerĩ ããrĩrĩ gapu marĩrẽ irire irimakũ yãa.

²¹ Irasiriro ãsũ waãa marĩrẽ. Õãrĩrẽ marĩ iridũakererepuru, marĩguere ñerĩ ããrĩrĩ marĩrẽ ñerĩ direta irimakũ yãa. ²² Marĩ basi marĩ gũñarĩgue: “Marĩpu dorerire iridũakoa”, ãrĩ gũñãa. ²³ Iri dorerire iridũakererepuru, marĩ ñerĩ iridũari gapu marĩ gũñarĩgue õãrĩ iridũarire tarinugãa. Irasirirã marĩ basi iri ñerĩ iridũarire tarinugãmasĩbea.

²⁴ Marĩ basi ñerĩ iridũarire tarinugãmasĩmerã, buro bujawereri merã: “¿Noã marĩrẽ ñerĩ iridea wajare taugũkuri, Marĩpu merã õãrõ ããrĩburo, ãrĩgũ?” ãrĩ gũñãa. ²⁵ Marĩpu dita Jesucristo marĩ Opũ merã marĩrẽ taumasĩmi. Irasirirã Marĩpure: “Õãtaria mu”, ãrĩ, usuyari siã. Irasirirã marĩ gũñarĩgue: “Marĩpu dorerire iridũakoa”, ãrĩ gũñãa. “Gua Opũ ããrã mu”, ãrã ĩgũrẽ. Marĩ irasũ ãrĩkerepuru, marĩ ñerĩrẽ ñaribejari, marĩrẽ ñerĩrẽ iridoregũ irirosũ ããrĩkõãa dapa.

8

Õãgũ deyomarĩgũ iritamurĩ merã õãrõ ããrĩrĩmarẽ gojadea

¹ Dapora Marĩpu marĩrẽ Jesucristoyarãrẽ ñerĩrẽ ñaribejarire piri, Õãgũ deyomarĩgũ dorerosũ irirãrẽ: “Wajamoãgũra”, ãrĩrĩno neõ máa. ² Õãgũ deyomarĩgũ, marĩ Jesucristoyarã ĩgũ dorerosũ irimakũ, marĩ ñerĩ iririkurire pirimakũ yãmi. Irasirigu marĩrẽ, perebiri peamegue waabonerãrẽ Marĩpu merã õãrõ ããrĩmakũ yãmi. ³ Marĩ ñerĩ iriri direta ñaribejasĩã, Marĩpu Moisére doreri pídeare neõ iripeomasĩbirinerã ããrĩbũ. Irasirigu Marĩpu gapu ĩgũ magũrẽ iriudi ããrĩmĩ, marĩ ñerĩ iridea wajare boa, wajaribosadoregũ. ĩgũ ñerĩrẽ iribirikeregũ, marĩ ñerĩ iridea waja, waja oparã irirosũ dupakugũ, marĩrẽ boabosadi ããrĩmĩ, marĩ ñerĩ iridea waja oparire wajarigu. ⁴ Marĩpu, marĩrẽ ĩgũ dorerire iriburo, ãrĩgũ, irasiridi ããrĩmĩ. Irasirirã marĩ ñerĩ iririre ñaribejabea. Õãgũ deyomarĩgũ dorerosũ irirã yãa.

⁵ Ñerĩ iririre Ɂaribejarã, iri direta gũña, iridɁama. Õãgũ deyomarĩgũ dorerosũ irirã gapɁ, ĩgũ gããmerĩ direta gũña, iridɁama. ⁶ Ñerĩ direta gũña, iridɁarã, perebiri peamegue waarãkuma. Õãgũ deyomarĩgũ gããmerĩ direta gũña, iridɁarã gapɁ MarĩpɁ merã perebiri okari oparãkuma. Irasirirã siuñajãĩ merã ããrĩrãkuma. ⁷ Ñerĩ direta gũña, iridɁarã, MarĩpɁre iãturirã ããrĩma. ĩgũ dorerire iridɁabiri, irire neõ irimasĩbema. ⁸ Irasirirã ñerĩ iriri direta Ɂaribejarã, MarĩpɁre ɁɁuyamakũ irimasĩbema.

⁹ MɁsã gapɁ ñerĩ iriri direta Ɂaribejabea. Õãgũ deyomarĩgũ mɁsãguere ããrĩmi. Irasirirã ĩgũ turari merã ĩgũ dorerosũ yãa. Õãgũ deyomarĩgũrẽ opamerã gapɁ, Cristoyarã ããrĩbema. ¹⁰ Marĩ ñerõ iridea waja marĩya dupɁ boaburi dupɁ ããrĩkerepɁɁ, Cristo marĩguere ããrĩmakũ, MarĩpɁ marĩrẽ: “Õãrã, waja opamerã ããrĩma”, ãrĩ iãmi. Irasiriro marĩya dupɁ boakerepɁɁ, marĩya yɁɁpũrã ɁmɁgasigue okanĩkõãrokoa. ¹¹ MarĩpɁ, Õãgũ deyomarĩgũ merã Jesu-cristore boadiguere masũ, dupaturi okamakũ iridi ããrĩmĩ. Õãgũ deyomarĩgũ marĩguere ããrĩmakũ, MarĩpɁ Jesucristore masũdita marĩya dupɁ boadero pɁɁ, marĩdere masũ, maama okari opamakũ irigukumi.

¹² Yaarã: “MarĩpɁ marĩrẽ irasũta irigukumi”, ãrĩ masĩrã, ñerĩ iririre Ɂaribejabirikõãrã! ¹³ Ñerĩ iriri direta Ɂaribejarã, perebiri peamegue waarãkoa. Õãgũ deyomarĩgũ turari merã marĩ ñerĩrẽ Ɂaribejarire pirirã, MarĩpɁ merã perebiri okarire oparãkoa.

¹⁴ Õãgũ deyomarĩgũ dorerosũ irirãno, MarĩpɁ pũrã ããrĩma. ¹⁵ MarĩpɁ marĩrẽ Õãgũ deyomarĩgũrẽ iriudi ããrĩmĩ. ĩgũ marĩrẽ MarĩpɁ pũrã ããrĩmakũ yãmi. ĩgũ merã MarĩpɁ marĩrẽ wajamoãburire gũiderosũ dupaturi gũibeaa. Irasirirã ĩgũ iritamurĩ merã gũiro marĩrõ MarĩpɁre: “YɁpɁ”, ãrĩ masĩa. ¹⁶ Õãgũ deyomarĩgũ marĩ gũñarĩgue marĩrẽ: “Diayeta MarĩpɁ pũrã ããrã”, ãrĩ masĩmakũ yãmi. ¹⁷ Irasirirã marĩ ĩgũ pũrã ããrĩsĩã: “Ããrĩpererire yɁ pũrãrẽ sĩgura”, ãrĩdeare Cristo merã irire oparãkoa. Marĩ Cristoyarã ããrĩsĩã, ĩgũ i ɁmɁgue ñerõ tariderosũ marĩde ñerõ tarikererã, pɁɁgue ɁmɁgasigue ĩgũ ããrĩrõsũta ĩgũ merã õãrõ ããrĩrãkoa.

¹⁸ Dapora marĩ i ɁmɁgue ñerõ tarikererã, pɁɁgue ɁmɁgasigue MarĩpɁ marĩrẽ õãrĩ sĩburire gũñarã: “BɁro ñerõ taribea”, ãrĩ masĩa. ¹⁹ SunɁ MarĩpɁ marĩrẽ: “Īsã yɁ pũrã ããrĩma”, ãrĩ, õãrĩrẽ sĩgukumi. ĩgũ marĩrẽ sĩburire ããrĩpereri ĩgũ i ɁmɁma iridea, masaka gajinorẽ bɁro iãɁarã irirosũ yũro yãa.

²⁰ Iripoegue Adán ñerĩrẽ iripɁroridea waja i ɁmɁma poyakõãdero ããrĩbũ. Iri gããmerõ poyabiridero ããrĩbũ. MarĩpɁ dorederosũ poyadero ããrĩbũ. IrasirikeregɁ, pɁɁgue õãrĩ gorawayugukumi. ²¹ IrasirigɁ MarĩpɁ, i ɁmɁma boapereburi ããrĩkerepɁɁ, marĩrẽ ĩgũ pũrãrẽ õãrã gorawayurosũ, i ɁmɁma ããrĩpererire õãrĩ dita gorawayugukumi doja. ²² Ire marĩ masĩa. Adán ñerĩrẽ iripɁroridero pɁɁ, daporaguedere ããrĩpereri i ɁmɁma MarĩpɁ iridea, nomeõ majĩgũ nijĩwãgũgõ pũrĩsũrõsũ ããrã. ²³ I ĩgũ iridea irirosũta marĩde poyari merã ããrã. Marĩ ĩgũyarã ããrĩnugãmakũ, Õãgũ deyomarĩgũrẽ marĩrẽ sidi ããrĩmĩ. Daporare bɁro ñerõ tarikererã, pɁɁgue ĩgũ marĩrẽ: “YɁ pũrã ããrĩma”, ãrĩ, boabiri dupɁre maama dupɁre sĩburire ɁɁuyari merã yũa. ²⁴ “MarĩpɁ marĩrẽ: ‘TaugɁra’, ãrĩderosũta taugukumi”, ãrĩ yũmasĩa. ĩgũ marĩrẽ taudero pɁɁ, marĩ irire yũderosũ neõ yũnemobirikoa. ²⁵ Marĩ gajinorẽ iãbirikererã gũñaturari merã: “Īãrãkoa”, ãrĩ yũrosũ, MarĩpɁ pɁɁgue ĩgũ marĩrẽ tauburire gũñaturari merã yũro gããmea.

²⁶ Marĩ MarĩpɁre: “¿Naásũ sērẽrõ gããmerĩ?” ãrĩ masĩbirimakũ, Õãgũ deyomarĩgũ marĩrẽ iritamumi. IrasirigɁ, marĩ MarĩpɁre keoro sērẽmasĩbirimakũ,

Õägũ deyomarĩgũ marĩya ããrĩburire Marĩpũre õãrõ sërëbosami. Masaka werenĩrõsũ sërëbemi. Marĩrë burõ bopoñarĩ merã, õãrõ masĩrĩ merã sërëbosami. ²⁷ Marĩpũ gããmerõsũta Õägũ deyomarĩgũ marĩ ïgũyarã ããrĩburire sërëbosami. Irasirigũ Marĩpũ, ããrĩpereri marĩ gũñarĩrë masĩpeogu, Õägũ deyomarĩgũ marĩrë sërëbosaridere õãrõ masĩmi.

Jesucristo turari merã ñerĩrë tarinũgãmasĩa, ãrĩ gojadea

²⁸ Idere marĩ masĩa. Marĩpũ ïgũ gããmederosũta marĩrë beyedi ããrĩmĩ. Irasirigũ ããrĩpereri marĩrë ïgũrë maĩrãrë waaburire ãmumi õãrĩ direta iribu. ²⁹ Neõgoragueta Marĩpũ marĩrë ïgũyarã ããrĩmurãrë masĩsiadi ããrĩmĩ. Marĩ neõ deyoaburo dupuyurogueta beyesiadi ããrĩmĩ, marĩrë ïgũ magũ irirosũ ããrĩburo, ãrĩgũ. Irasirigũ ïgũ magũ marĩ tĩgũ ããrĩmĩ. Marĩ ïgũ pagũpũrã wãrã ããrã. ³⁰ Neõgoragueta Marĩpũ ïgũyarã ããrĩmurãrë: “Yũ pũrã ããrĩma”, ãrĩ beyesiadi ããrĩmĩ. Irasirigũ marĩrë ïgũ beyenerãrë Jesũre buremunũgãdoregu siiu: “Õãrã, waja opamerã ããrĩma”, ãrĩ ïãmi. ïgũ marĩrë irasũ ãrĩ ïãrãrë ãmũgasigue ïgũ ããrĩrõsũta ïgũ merã õãrõ ããrĩmakũ irigũkumi.

³¹ Marĩ irire masĩrã, ¿naásũ ãrĩrĩ? Æsũ ãrã. Marĩpũ marĩrë iritamumakũ, gajerã marĩrë ïãturikererã, neõ poyanorëmasĩbema. ³² Marĩpũ marĩ ñerĩ iridea waja boabosabure ïgũ magũ Jesucristore iriudi ããrĩmĩ. “Yũ magãrë maĩsĩã, iriubea”, ãrĩbiridi ããrĩmĩ. Irasirigũ ïgũ magũrë iriudi ããrĩsĩã, ããrĩpereri marĩya ããrĩburire õãrĩ direta sĩgũkumi. ³³ Marĩpũ marĩrë ïgũ beyenerãrë: “Õãrã, waja opamerã ããrĩma”, ãrĩ ïãmakũ, gajerã marĩrë: “Ñerã ããrĩma”, neõ ãrĩ weresãmasĩbema.

³⁴ Cristo marĩ ñerĩ iridea wajare boabosa, masã, ãmũgasigue marĩadi ããrĩmĩ. Irasirigũ Marĩpũ diaye gapũ doami. Marĩya ããrĩburire sërëbosanĩkõãmi. Irasirirã gajerã Marĩpũre marĩrë: “Ïsã ñerĩ iridea waja ïgũsãrë wajamoãka!” neõ ãrĩmasĩbema. ³⁵ Cristo marĩrë burõ maĩmakũ, gajerã ïgũrë: “Neõ maĩnemobirikõãka ïgũsãrë!” ãrĩmasĩbirikuma. Marĩ ñerõ tarikerepũrũ, marĩ diasaro pëñakerepũrũ, gajerã marĩrë ñerõ irikerepũrũ, marĩ uaboakerepũrũ, surĩ marĩrã ããrĩkerepũrũ, goero marĩrë ããrĩkerepũrũ, gajerã marĩrë wëjẽkerepũrũ, Cristo marĩrë maĩgũ marĩ merã ããrĩnĩkõãmi. ïgũ marĩrë maĩrĩrë neõ piribirikumi. ³⁶ Marĩpũya werenĩrĩ gojadea pũgue marĩ waaburire ãsũ ãrĩ gojasũdero ããrĩbũ:

Gua mayarã ããrĩrĩ waja gajerã guare ãmarikũ wëjẽduanĩkõãma. Ovejare wëjẽmurã wëjẽrõgue ãĩãrã irirosũ guare yãma, ãrĩ gojasũdero ããrĩbũ.✧

³⁷ Marĩ gapũ ñerõ tarikkererã, Cristo marĩrë maĩgũ iritamurĩ merã, marĩ ããrĩpereri ñerĩrë tarinũgãa. Irasirirã ïgũ merãta gũñaturanemoa. ³⁸ Irasirigũ ire õãrõ masĩa. Marĩpũ marĩrë burõ maĩmi. Marĩ Opũre Jesucristore iriugu, ïgũ marĩrë maĩrĩrë masĩmakũ iridi ããrĩmĩ. Marĩ boamakũ, o marĩ yoaripoe okamakũ, marĩrë maĩgũ marĩ merã ããrĩnĩkõãmi. Marĩpũre wereboerã, masaka oparã, wãtëa oparãde Marĩpũre marĩrë maĩrĩrë pirimakũ irimasĩbema. Marĩrë gajino irimakũ, Marĩpũ marĩrë maĩgũ marĩ merã ããrĩmĩ. Daporama ããrĩrĩ, pũrũma ããrĩburide Marĩpũre marĩrë maĩrĩrë pirimakũ irimasĩbirikoa. ³⁹ Marĩ ãmarõgue waamakũ, o ãkũãrõgue waamakũ, marĩrë maĩgũ marĩ merã ããrĩmĩ. Gajinode Marĩpũ iridea ããrã. Irasiriro iride ïgũrë marĩrë maĩrĩrë pirimakũ irimasĩbea. Marĩrë marĩ Opũ Jesucristoyarãrë ïgũ maĩrĩ neõ perebirikoa.

9

Israel bumarã Marĩpũ beyenerã ããrĩma, ãrĩ gojadea

✧ 8:36 Sal 44.22

¹ Y_u, Cristore b_uremug_u a_ãrĩg_u, diayeta werea m_us_ãr_e. A_ãrĩgatobea. O_ãg_u deyomarĩg_ude y_u mer_ã a_ãrĩg_u, y_u a_ãrĩr_e: “Diayeta a_ãr_ã”, a_ãrĩ masĩmak_u y_ãmi. ² Yaar_ã Israel bumar_ã Cristore b_uremubirimak_u ĩ_ãg_u, b_uro b_ujawerer_i mer_ã g_uñarik_ua. ³ ĩg_us_ã ĩg_ur_e b_uremumak_u g_ããmeg_u, y_u gap_u gorawayud_uad_ãa: “Perebiri peamegue wajamo_ãs_ubokuma”, a_ãrĩg_u. Y_u ĩg_us_ãr_e irasiribosagu Cristore dukawarinug_ãjag_u, ĩg_ur_e ne_o dupaturi ĩ_ãnemobiribokoa. ⁴ ĩg_us_ã, Israel par_ãmer_ã a_ãrĩturiar_ã a_ãrĩma. Marĩp_u ĩg_us_ãr_e: “Y_u p_ur_ã a_ãr_ã”, a_ãrĩdi a_ãrĩmĩ. ĩg_u gosewasiriri mer_ã ĩg_us_ã watope a_ãrĩdi a_ãrĩmĩ. ĩg_us_ãr_e: “Y_u, m_us_ã Op_u a_ãr_ã. M_us_ã, yaar_ã a_ãr_ã”, a_ãrĩdi a_ãrĩmĩ. ĩg_us_ãr_e ĩg_u dorerire masĩburo, a_ãrĩg_u, Moisére irire pídi a_ãrĩmĩ. “Yaa wiigue y_ure b_uremur_ã, a_ãs_u irika!” a_ãrĩ pídi a_ãrĩmĩ. “M_us_ã par_ãmer_ã a_ãrĩturiar_ãr_e o_ãr_o iritamug_ura”, a_ãrĩdi a_ãrĩmĩ. ⁵ Israel p_ur_ã pe moj_oma pere su gubu peru p_er_ebejar_ãgora, g_ua ñek_us_ãmar_ã a_ãrĩner_ã a_ãrĩm_ã. Cristode marĩ iriros_u dupakug_u deyoag_u ĩg_us_ã par_ãmi a_ãrĩturiag_u, Israel bum_uta a_ãrĩdi a_ãrĩmĩ. ĩg_u a_ãrĩperer_ã, a_ãrĩpereri Op_u a_ãrĩmĩ. Irasirir_ã ĩg_ur_e: “O_ãtaria m_u”, a_ãrĩ, us_uyari s_ĩn_ĩr_ã! Iras_uta irir_ã!

⁶ Israel bumar_ã a_ãrĩperer_ã diayeta Marĩp_uyar_ãgora a_ãrĩbema. Irasirig_u Marĩp_u Israel bumar_ãr_e: “Yaar_ãr_e a_ãs_u irig_ura”, a_ãrĩdeare ĩg_us_ãr_e a_ãrĩperer_ãr_e iribirimak_u ĩ_ãg_u: “Marĩp_u ĩg_u a_ãrĩderos_uta iribemi”, a_ãrĩ g_uñabea y_u. ⁷ Israel bumar_ã, ĩg_us_ã ñek_u Abraham par_ãmer_ã a_ãrĩturiar_ã a_ãrĩkerep_ura, Marĩp_u ĩg_us_ãr_e a_ãrĩperer_ãr_e: “Diayeta y_u p_ur_ã a_ãrĩma”, a_ãrĩ ĩ_ãbemi. Irasirig_u Abrah_ãr_e: “M_u mag_u Isaac par_ãmer_ã a_ãrĩturiar_ã dita diayeta m_u par_ãmer_ã a_ãrĩturiar_ã a_ãrĩr_ãkuma”, a_ãrĩdi a_ãrĩmĩ. ⁸⁻⁹ Marĩp_u Abrah_ãr_e ĩg_u mag_u Isaac deyoaburire wereg_u, a_ãs_u a_ãrĩdi a_ãrĩmĩ: “Gaji bojori ipapoeta aarig_ura doja. Iripoeta m_u mar_ãpo Sara majĩg_ur_e p_ur_ãkugokumo”, a_ãrĩdi a_ãrĩmĩ. Irasirig_u Marĩp_u a_ãrĩderos_uta Abraham mag_u deyoadi a_ãrĩmĩ. Irasirir_ã marĩ ire mas_ãa. Abraham par_ãmer_ã deyoaturaw_ãg_ãr_ã a_ãrĩperer_ã Marĩp_u p_ur_ã a_ãrĩbema. Marĩp_u a_ãrĩdeare b_uremur_ã dita diayeta Abraham par_ãmer_ã a_ãrĩturiar_ã, Marĩp_u p_ur_ã a_ãrĩma.

¹⁰ Gaji a_ãs_u a_ãr_ã. Isaac, Rebeca mer_ã mar_ãpok_udero p_ura, igo ũma p_er_ãgue p_ur_ãk_udeo a_ãrĩm_o. ĩg_us_ã pag_u Isaac, g_ua ñek_u a_ãrĩdi a_ãrĩmĩ. ¹¹⁻¹³ ĩg_u p_ur_ã deyoaburi dupuyuro, ĩg_us_ã o_ãrĩr_e, o ñerĩr_e iriburi dupuyuro Marĩp_u ĩg_us_ã pago a_ãrĩbore a_ãs_u a_ãrĩdi a_ãrĩmĩ: “ĩg_u tĩg_u ĩg_u pag_um_ur_e mo_ãboeg_ukumi”, a_ãrĩdi a_ãrĩmĩ. ĩg_u igore irire a_ãrĩderos_uta ĩg_uya werenĩrĩ gojadea p_ugue a_ãs_u a_ãrĩ gojas_udero a_ãrĩb_u: “Jacore beyeb_u. Esau gap_ure beyebirib_u”, a_ãrĩ gojas_udero a_ãrĩb_u. Irasirig_u Marĩp_u Jacore beyederos_uta ĩg_uyar_ã a_ãrĩmur_ãr_e beyeg_u, ĩg_us_ã gajino iriburi dupuyuro ĩg_u g_ããmederos_uta ĩg_us_ãr_e: “Yaar_ã a_ãrĩma”, a_ãrĩdi a_ãrĩmĩ.

¹⁴ Irire p_er_ã, ĩna_ãs_u gap_u a_ãrĩr_ãkuri marĩ? “Sug_u gajino iriburi dupuyuro Marĩp_u ĩg_ur_e beyeg_u, diaye iribemi”, ĩ_ãrĩr_ãkuri? Iras_u a_ãrĩbirik_oãr_ã! Marĩp_u diayeta irig_u a_ãrĩmĩ. ¹⁵ Iripoegue Marĩp_u Moisédere a_ãs_u a_ãrĩdi a_ãrĩmĩ: “Y_u bopoñarĩ mer_ã ĩ_ãduar_ãr_e bopoñarĩ mer_ã ĩ_ãg_ura. Y_u maĩrĩ mer_ã ĩ_ãduar_ãr_e maĩg_ura”, a_ãrĩdi a_ãrĩmĩ. ¹⁶ Irasirir_ã ire mas_ãa. Marĩp_u, ĩg_u bopoñaduar_ãr_e bopoñarĩ mer_ã ĩ_ãmi. Masaka ĩg_ur_e bopoñadoremak_u meta, ĩg_us_ã o_ãr_o irimak_u meta ĩg_us_ãr_e bopoñarĩ mer_ã ĩ_ãmi. ¹⁷ Marĩp_u ĩg_uya werenĩrĩ gojadea p_ugue a_ãs_u a_ãrĩdi a_ãrĩmĩ Egipto mar_ã op_ure, fara_or_e: “Y_u g_ããmer_os_uta m_ur_e Egipto mar_ã op_u a_ãrĩbure píbu, m_u mer_ã y_u turarire a_ãrĩperer_ãr_e ĩmubu. A_ãrĩperero mar_ãr_e, y_u turag_u a_ãrĩrĩr_e masĩdoreg_u, irasirib_u”, a_ãrĩdi a_ãrĩmĩ. ¹⁸ Irasirig_u ĩg_u bopoñaduar_ãr_e bopoñarĩ mer_ã ĩ_ãmi. ĩg_u dorerire p_eduamer_ãr_e nemor_o p_eduabirimak_u y_ãmi.

19 Y_u irasũ arĩrĩrẽ pérã, musã àsũ arĩbokoa: “Marĩp_u ìgũ basita masakare ìgũ dorerire péduabirimakũ irikereg_u, ¿nasirig_u ìgũsãrẽ wajamoãgukuri? ¿Nasirisĩã, ìgũ gããmerõ irasiririre kãmutamasĩbokuri marĩ?” arĩ pũrĩwisi sêrẽñabokoa. 20 Irire irasũ arĩbirikõãka! Marĩ masaka ubu aãrĩrã, Marĩp_u irinerã aãrã. Irasirirã ìgũrẽ: “¿Nasirig_u y_ure irasũ yãri mu?” arĩ pũrĩwisi sêrẽñamasĩbea. Diarisoro irisoro weagore: “¿Nasirigo y_ure irasũ yãri mu?” arĩberosũta marĩde Marĩp_ure irasũ arĩmasĩbea. 21 Sorori weago diari merã igo iridũaro irikumo. Irasirigo õãrĩ soro iridũago, õãrĩ soro irikumo. Iri diari merãta ubu aãrĩrĩ sorodere iridũago, ubu aãrĩrĩ soro irikumo. Igo diari merã irirosũta Marĩp_ude masakare ìgũ iridũarosũta yãmi.

22 Marĩp_u peamegue ìgũ bêomurãrẽ, ìgũsãrẽ ìgũ turari merã buro wajamoãburire masĩdoreg_u, ìgũsã ñerõ iririre gũñatura, mumurõ marĩrõ ìgũsãrẽ wajamoãbemi. 23 Marĩ ìgũ bopoñarĩ merã ìãrã gap_ure ìgũ õãtarig_u aãrĩrĩrẽ masĩburo, arĩgũ, ìgũsãrẽ irasirig_u yãmi. Neõgoragueta marĩrẽ ãmugasingue ìgũ aãrĩrõsũta ìgũ merã õãrõ aãrĩmurãrẽ beyedi aãrĩmĩ. 24 Marĩrẽ beyeg_u, surãyeri judío masaka watopegue aãrĩrãrẽ, gajerã judío masaka aãrĩmerã watopegue aãrĩrãdere beyedi aãrĩmĩ, ìgũyarã aãrĩburo, arĩgũ. 25 Marĩp_uya werenĩrĩ gojadea pũgue ìgũya kerere weredupuyudi Oseas, judío masaka aãrĩmerãyamarẽ àsũ arĩ gojadi aãrĩmĩ:

Marĩp_u àsũ arĩmi: “Yaarã aãrĩbirinerãrẽ: ‘Yaarã aãrĩma’, arĩgukoa. Y_u maĩbirinerãrẽ: ‘Y_u maĩrã aãrĩma’, arĩgukoa”, arĩmi.

26 Marĩp_u: “Musã, yaarã meta aãrã”, arĩdea nikũ marãrẽ: “Y_u okanígũ pũrãta aãrã”, arĩsũrãkuma, arĩ gojadi aãrĩmĩ.✧

27-28 Isaiás, Israel bumarã gap_ure àsũ arĩ gojadi aãrĩmĩ: “Marĩ Op_u ìgũ arĩderosũta i ãm_u marãrẽ mumurõ merã diayeta wajamoãgukumi. Irasirirã Israel bumarã wãdiyama ìmipayeri irirosũ wãrã aãrĩkererã, mërãgã tausũrãkuma”, arĩ gojadi aãrĩmĩ. 29 Ìgũta idere arĩ gojadi aãrĩmĩ doja:

Marĩ Op_u aãrĩpererã nemorõ turag_u, marĩ ñekũsãmarã aãrĩturiarãrẽ mërãgãrẽ taubirimakũ, marĩ judío masaka aãrĩpererã bêosũbonerã aãrĩbú. Sodoma marãrẽ, Gomorra marãrẽ bêoderosũta marĩdere bêobodi aãrĩmĩ, arĩ gojadi aãrĩmĩ.✧

Judío masaka Jesucristoya kerere buremubiridea

30 Irire pérã, ¿naásũ arĩrãkuri? Àsũ aãrã. Judío masaka aãrĩmerã Marĩp_u merã ìgũsã õãrõ aãrĩburire ãmabirikererã, ìgũsã Jesucristore buremurĩ merã irire bokama. Irasirig_u Marĩp_u ìgũsãrẽ: “Õãrã aãrĩma”, arĩ ìãmi. 31 Judío masaka gap_u: “Marĩp_u Moisére doreri pídeare marĩ irimakũ, marĩrẽ: ‘Õãrã, waja opamerã aãrĩma’, arĩ ìãgukumi”, arĩ gũñadima. Irasũ arĩ gũñakererã, iri dorerire iripeomasĩbirisĩã, Marĩp_u merã õãrõ aãrĩbema. 32 ¿Nasirirã Marĩp_u merã õãrõ aãrĩberi? Jesucristore buremurõ marĩrõ ìgũsã basi Marĩp_u Moisére doreri pídeare iridea merã gap_u, Marĩp_u merã õãrõ aãrĩduadima. Irasirirã Cristore Marĩp_u iriudire burenumerã, Marĩp_u p_uroque neõ waabirikuma. Ìgũsã ãtãye, maa deko píadeayegue gubu tũameémejãnerã irirosũ aãrĩrãkuma. 33 Marĩp_uya werenĩrĩ gojadea pũgue Marĩp_u ìgũ magũrẽ iriburire àsũ arĩ gojasũdero aãrĩbú:

Sug_u y_u iriubure ãtãye irirosũ aãrĩgũrẽ Jerusalégue pígura. Ìgũrẽ burenumerã, iri yegue gubu tũameémejãrã irirosũ aãrĩrãkuma. Irasirirã y_u p_uroque neõ ejabirikuma. Ìgũrẽ buremurã gap_u: “Ìgũrẽ ubugorata buremukub_u”, arĩbirikuma. Y_u p_uro ejarãkuma, arĩ gojasũdero aãrĩbú.✧

10

¹ Yaarã, yu Israel bumarãrẽ Marĩpu ãgũ tauburire buro gããmea. Irasirigu ãgũrẽ ãgũsãya ããrĩburire buro sërẽbosáa. ² Diayeta ãgũsã Marĩpu gããmerĩrẽ buro iridũakererã, ãgũ gããmerĩrẽ õãrõ pémasĩbema. ³ Marĩpu marĩrẽ Jesucristore bũremurĩ merã: “Õãrã ããrĩma”, ãrĩ ããrĩrẽ masĩbema. Irasirirã ãgũsã basi õãrĩrẽ iridũakererã, Marĩpu Jesucristore bũremudoregũ iriudire bũremubema. Irasirigu Marĩpu ãgũsãrẽ: “Õãrã ããrĩma”, ãrĩ ããrĩbemi. ⁴ Cristo ããrĩpereri Marĩpu Moisére doreri pídeare iripeodi ããrĩmĩ. Irasirigu Marĩpu ããrĩpererã Cristore bũremurãnorẽ: “Õãrã, waja opamerã ããrĩma”, ãrĩ ããrĩmi.

⁵ Moisés ãsũ ãrĩ gojadi ããrĩmĩ: “Marĩ, Marĩpu dorerire ããrĩpereri iripeomakũ, Marĩpu marĩrẽ: ‘Õãrã, waja opamerã ããrĩma, yu merã õãrõ ããrĩrãkuma’, ãrĩ ããrĩgũkumi”, ãrĩ gojadi ããrĩmĩ. ⁶ Marĩpu marĩrẽ: “Õãrã, waja opamerã ããrĩma”, ãrĩ ããrĩ gapũ ãsũ ããrã. Marĩ Cristore bũremumakũ, Marĩpu marĩrẽ: “Õãrã ããrĩma”, ãrĩ ããrĩgũkumi. Irasirirã ãsũ ãrĩ gũñabirikõãka: “¿Noã Cristore ãmũgasigue ããrĩgũrẽ ããrĩjugukuri marĩrẽ taudoregũ?” ãrĩ gũñabirikõãka! Cristo i ãmũguere marĩrẽ taugũ ejasiadi ããrĩmĩ. ⁷ Irasirirã doja: “¿Noã, boanerã ããrĩrõgue ãkũãrĩ gobegue dijagũkuri Cristore siiu marĩribu?” ãrĩ gũñabirikõãka! Marĩ basi irire irimasĩña máa. ãgũ boa, masã, marĩyasiadi ããrĩmĩ. ⁸ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũya kerere mũsã pésiáa. Irire mũsãya disi merã werenía. Mũsãya gũñarĩgue: ‘Diayeta ããrã iri’, ãrĩ gũñãã”, ãrĩ gojasũdero ããrĩbũ. Irire, marĩrẽ Jesucristo tauri kerere diayeta bũremua. Irasirirã masakare irireta werea. ⁹ Irasirirã marĩya disi merã: “Jesús, yu Opũ ããrĩmĩ”, ãrĩ werenĩmakũ, marĩya gũñarĩgue: “ãgũ boadero pũru, Marĩpu ãgũrẽ masũdi ããrĩmĩ”, ãrĩ bũremumakũ, Marĩpu marĩrẽ perebiri peamegue waabonerãrẽ taugũkumi, ãgũ merã õãrõ ããrĩnikõãburo, ãrĩgũ. ¹⁰ Marĩpu, marĩ Jesucristore bũremumakũ, marĩrẽ: “Õãrã, waja opamerã ããrĩma”, ãrĩ ããrĩmi. Marĩ gajerãrẽ: “Jesucristo yũre taugũ ããrĩmĩ, ãgũrẽ bũremua”, ãrĩ weremakũ, marĩrẽ peamegue waabonerãrẽ ãgũ taumurã ããrĩmakũ yãmi.

¹¹ Marĩpũya werenĩrĩ gojadea pũgue: “Neõ sugũ ãgũrẽ bũremugũ: ‘ãgũrẽ ubogorata bũremukubũ’, ãrĩbirikumi”, ãrĩ gojasũdero ããrĩbũ. ¹² Marĩpu, ããrĩpererã Opũ ããrĩmĩ. Irasirigu judío masakare, judío masaka ããrĩmerãdere sũrosũta ããrĩmi. Irasirigu ããrĩpererãrẽ ãgũrẽ bũremurĩ merã sërẽrãrẽ õãrĩrẽ wãri sũgũkumi. ¹³ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Yũ Opũ, yu ñerõ irideare yũre kãtika!” ãrĩ sërẽrãno tausũrãkuma. Peamegue wajamoãsũbirikuma”, ãrĩ gojasũdero ããrĩbũ. ¹⁴ Irasũ ããrĩkererũ, marĩ Opũre: “Diayeta marĩrẽ taugũ ããrĩmĩ”, ãrĩ bũremumerã, ãgũrẽ sërẽmasĩbema. ãgũya tauri kerere pémerã, ãgũrẽ bũremumasĩbema. ãgũya kerere ãgũsãrẽ weregũ marĩmakũ, irire masĩbirikuma. ¹⁵ Marĩpu ãgũya kerere weremurãrẽ iriubirimakũ, irire wererã waabirikuma. ãgũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũya õãrĩ kerere, ãgũ merã õãrõ siuñajãrĩ opari kerere wererã ejamakũ ããrã, marĩ buro mũsũyãã”, ãrĩ gojasũdero ããrĩbũ.

¹⁶ Iri Marĩpu masakare tauri kere ããrĩkererũ, wãrã péduabema. Isaías ãsũta ãrĩ gojadi ããrĩmĩ: “Gũã Opũ, ãgũsã gũã wererire péduabema”, ãrĩ gojadi ããrĩmĩ. ¹⁷ Irasirirã Cristoya kerere weremakũ péduripirã, ãgũrẽ bũremurãkuma.

¹⁸ Irasirigu ire sërẽñadũakoa mũsãrẽ. ¿Israel bumarã iri kerere pébiriyuri? Pénerã ããrĩmã. Marĩpũya werenĩrĩ gojadea pũguedere irasũta ãrĩ gojasũdero ããrĩbũ:

Marĩpuyare wererimasã ããrĩpererogue marãrẽ ĩgũya kerere wererã waama. Irasiriro ĩgũsã wereri i ũmu ããrĩpererogue seyakõãa, ãrĩ gojasũdero ããrĩbũ.*

19 Dupaturi musãrẽ sërẽñaduakoa doja. ¿Israel bumarã pékererã, õãrõ pémasĩbiryuri? Pémasĩnerã ããrãdima. Yũ irire werenemogũ, Moisés ãrĩdeare werepũrorigũra. Æsũ ãrĩ gojadi ããrĩmĩ:

Marĩpũ Israel bumarãrẽ ãsũ ãrĩmi: “Ubu ããrĩrãrẽ, yaare pémasĩmerãrẽ yaarã ããrĩmakũ irigũra. Yũ irasirimakũ ĩãrã, musã gapũ ĩgũsãrẽ ĩãturĩãrãkoa. Irasirigũ musãrẽ ĩgũsã merã guamakũ irigũakoa”, ãrĩmi, ãrĩ gojadi ããrĩmĩ Moisés.*

20 Pũrũ Isaiãde: “Irasũ ãrĩbokoa”, ãrĩ, gũiri marĩrõ ãsũ ãrĩnemopeodi ããrĩmĩ:

Æsũ ãrĩmi Marĩpũ: “Yũre ãmamerã gapũ yũre bokama. Irasirigũ yũre masĩmerãrẽ yũre masĩmakũ iribũ”, ãrĩmi, ãrĩ gojadi ããrĩmĩ Isaiã.*

Judío masaka ããrĩmerã Marĩpuyarã ããrĩburire weregũ irasũ ãrĩ gojadi ããrĩmĩ.

21 Israel bumarã gapũre ãsũ ãrĩ gojadi ããrĩmĩ: “Æsũ ãrĩmi Marĩpũ: ‘Ëmurikũ yũ merã õãrõ ããrĩduarã aarika!’ ãrãdibu ĩgũsãrẽ. ‘ĩgũsã gapũ yũ dorerire tarinũgãrã, yũre péduabirima’, ãrĩmi”, ãrĩ gojadi ããrĩmĩ Isaiã.

11

Marĩpũ Israel bumarãrẽ beyedamarẽ gojadea

1 Irasirigũ musãrẽ ire sërẽñagũra. ¿Marĩpũ Israel bumarãrẽ: “Yaarã ããrĩma”, ãrĩdero pũrũ, ĩgũsãrẽ béokõãyuri? Béobiridi ããrĩmĩ. Yũde Israel bumũ, Abraham parãmi ããrĩturiagũta Benjamĩya bumũ ããrã. 2 Iripoegue Marĩpũ Israel bumarãrẽ ĩgũyarã ããrĩburo, ãrĩgũ, beyedi ããrĩmĩ. ĩgũ irasũ beyenerãrẽ béobemi. Musã Marĩpũya kerere weredupuyudi Elías ĩgũrẽ: “Israel bumarã waja opama”, ãrĩdeare masĩkoa. Irire Marĩpũya werenĩrĩ gojadea pũgue ãsũ ãrĩ gojadi ããrĩmĩ: 3 “Yũ Opũ, Israel bumarã mũya kerere weredupuyurimasãrẽ wějẽkõãma. Mũrẽ sĩdea soepeorore tuũmeedijukõãma. Irasirigũ ĩgũsã watope yũ sugũta mũrẽ bũremua. Yũ irasũ ããrĩmakũ ĩãrã, yũdere wějẽduama”, ãrĩ gojadi ããrĩmĩ. 4 ĩgũ irasũ ãrĩmakũ pégũ, Marĩpũ ãsũ ãrĩ yũjudi ããrĩmĩ: “Mũ, sugũta ããrĩbea. Yaarã siete mil ããrĩma. ĩgũsãrẽ iritamubũ. Irasirirã yũre õãrõ bũremuma. Baal wãikũgũ keori weadeare neõ bũremubema. Irasirigũ mũrẽ wějẽduarãrẽ gũibirikõãka!” ãrĩdi ããrĩmĩ. 5 Elías ããrĩripoe Marĩpũ ĩgũ beyenerãrẽ iritamuderosũta daporadere Israel bumarã watopere surãyeri ĩgũ beyenerãrẽ iritamumi. Irasirirã ĩgũrẽ bũremuma. ĩgũsãrẽ bopoñarĩ merã ĩãsiã, beyedi ããrĩmĩ. 6 ĩgũsã iririkũrere ĩãgũ meta beyedi ããrĩmĩ. ĩgũsãrẽ bopoñagũ beyedi ããrĩmĩ. ĩgũsã õãrõ iriadero pũrũ ĩgũsãrẽ beyegũ, bopoñagũ meta iribokumi. ĩgũsã õãrĩrẽ iridea waja ããrĩbokuyõ.

7 Æsũ ããrã. Israel bumarã ĩgũsã iriri merã, Marĩpũ ĩgũsãrẽ: “Õãrã ããrĩma”, ãrĩ ĩãmakũ gããmekererã, ĩgũsã Marĩpũ merã õãrõ ããrĩburire neõ bokabema. Irasirirã Marĩpũyare neõ pémasĩmerã dujama. Marĩpũ beyenerã gapũ ĩgũ merã õãrõ ããrĩma. 8 Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ ĩgũrẽ gããmemerãrẽ ĩgũyare pémasĩbirimakũ yãmi. Irasirirã diayemarẽ pékererã, pémasĩbema. ĩgũ iririre ĩãkererã, ĩãmasĩbema. Daporaguedere irasũta ããrĩnĩkõãma”, ãrĩ gojasũdero ããrĩbũ.

9 Davide ãsũ ãrĩdi ããrĩmĩ Marĩpũre: Israel bumarã bosenuĩ irirã ñerõ yãma. Irasirigũ, ĩgũsã ñerĩrẽ iriri merã ĩgũsãrẽ wajamoãsumurã ããrĩmakũ irika!

* 10:18 Sal 19.4 * 10:19 Dt 32.21 * 10:20 Is 65.1

10 Īgūsārē pémasīmerā, koye iāmerā irirosū waamakū irika! Ɔmurikū nukūrī ūūmarā sūgū pūrīsūrā irirosū ñerō tarimakū irika! ārīdi āārīmī David Marīp̄re.*

Marīp̄re judío masaka āārīmerārē tauḡukumi, ārī gojadea

11 Gaji m̄sārē sērēñanemogura. ƆJudío masaka Jesucristore b̄remubirimakū, Marīp̄re Īgūsārē béopeokōāyuri? Béopeobiridi āārīmī. Īgūsā Cristore irasū b̄remubirimakū, daporare judío masaka āārīmerā gap̄u Marīp̄re taumurā āārīma. Īgūsārē Īgūyarā waamakū yāmi, judío masakade Īgūsārē iākūī, Īgūsāde Cristore b̄remuburo, ārīgū. 12 Judío masaka Cristore b̄remubirisīā, Marīp̄re Īgūsārē: “Yū pūrārē ōārī sīgura”, ārīdeare opabema. Irasirirā judío masaka āārīmerā gap̄u Cristore b̄remurā, irire oparākuma. P̄r̄u judío masaka Cristore b̄remumakū, āārīpererārē i ūm̄u marārē nemorō ōārō waarokoa.

13 Daporare m̄sārē judío masaka āārīmerārē wereḡura. Jesucristo ȳre m̄sārē judío masaka āārīmerārē Īgūya kerere weredoreḡu p̄imi. Ire wereḡu, ubugora iriḡu meta yāa. 14 Īgūyare wereḡu, gajipoe iriḡu surāyeri yaarārē judío masakare m̄sārē iākūīmakū iribokoa, Īgūsāde Jesucristore b̄remuburo, ārīgū. Īgūrē b̄remurā, tausūrākuma Īgū merā ōārō āārīmurā. 15 Marīp̄re judío masakare Cristore b̄remumerārē béomakū, gajerā gap̄u Īgū merā siuñajārī opama. Judío masakade Īgūrē b̄remumakū, ōātarirokoa. Īgūsā boanerāgue masānerā irirosū Marīp̄re merā perebiri okarire oparākuma. 16 Āsū āārā. Pā iriri merā suru irip̄roriduru Marīp̄re sīmakū, āārīpereri iri pā iriri Marīp̄re ya āārā. Yukū n̄gūrī Marīp̄re ya āārīmakū, iriḡu d̄p̄uride Īgūya āārā. Ḡuā ñekū Abraham, iriḡu n̄gūrī irirosū āārīdi āārīmī. Marī Jesucristore b̄remurā Abraham parāmerā āārīturiarā āārā. Irasiriḡu Marīp̄re Īgūrē: “Yaaḡu āārīmī”, ārī iāderosūta marīdere: “Yaarā āārīma”, ārī iāmi.

17 Judío masaka olivoḡu d̄p̄uri irirosū āārīma. Īgūsā irasū āārīkerep̄ur̄u, su d̄p̄urire ditibéoderosū Marīp̄re surāyeri Īgūsārē béodi āārīmī. P̄r̄u iri d̄p̄uri āārīderore gajiḡu olivo makān̄um̄ma d̄p̄urire puriñeātuadoreḡu, wī-iri, puñeātuurosū iridi āārīmī. Irasiriderosū m̄sārē judío masaka āārīmerārē Īgūyarā ñajāmakū iridi āārīmī. Irasirirā m̄sā judío masaka āārībirikererā, āārīpereri Marīp̄re Abraham parāmerā āārīturiarārē ōārīrē sīgura, ārīdeare m̄sāde ñeānerā āārībú. 18 M̄sārē Īgū irasirimakū: “Ḡuā judío masaka nemorō ōārā āārā”, ārī gūñabirikōāka! Ire gūñaka! Judío masaka olivoḡu Marīp̄re otedi irirosū āārīma. M̄sā gap̄u iriḡugue Īgū āitúdea d̄p̄uri irirosū āārā. Irasiriḡu judío masaka merā m̄sārē iritamumi. M̄sā merā meta Īgūsārē iritamumi.

19 M̄sā judío masaka āārīmerā gap̄u āsū ārībokoa: “Surāyeri judío masakare, olivoḡu d̄p̄urire ditibéoderosū Marīp̄re Īgūsārē béodi āārīmī. Irasū béoḡu, gaji d̄p̄urire iriḡugue Īgū āitúderosū marīrē pídi āārīmī, Īgūyarā āārīmurārē”, ārībokoa m̄sā. 20 Irasūta āārā. Īgūsā Jesucristore b̄remubiridea waja Marīp̄re Īgūsārē béodi āārīmī. Irasiriḡu m̄sādere Cristore b̄remubirimakū, Īgūyarā āārīmakū iribiribodi āārīmī. Irasirirā: “Ḡuā judío masaka nemorō ōārā āārā”, ārī gūñabirikōāka m̄sā! Irasū ārīmerāta Marīp̄re ōārō goepeyari merā b̄remuka! 21 P̄rorima d̄p̄uri irirosū judío masaka Marīp̄re ya āārīp̄rorinerā āārīmā. M̄sā gap̄u Īgūsā p̄r̄u Īgūyarā waanerā āārībú. Irasiriḡu Marīp̄re Īgūyarā āārīp̄rorinerā Īgūrē b̄remubirimakū, Īgūsārē béodi āārīmī. M̄sā Īgūrē b̄remubirimakū, Īgūsārē béoderosūta m̄sādere béoḡukumi. 22 Marīp̄re ōārō iriḡu bopoñarīrē, Īgū turari merā wajamoārīrē pémasīka! Īgūrē b̄remumerārē wajamoāḡukumi. Irasirikereḡu, m̄sā piriro

* 11:10 Sal 69.22-23

marĩrõ ãgũrẽ bũremunĩmakũ, musãrẽ õãrõ irigukumi. ãgũrẽ bũremubirimakũ, ñerĩ dupũrire ãgũ ditibéoderosũta musãdere béogukumi. ²³ Judío masaka ãgũ béosũnerã Jesucristore bũremumakũ, ãgũsãrẽ yukũ dupũrire ditibéodeare dupaturi iriguguetã ãĩtũro irirosũ irigukumi, ãgũyarã ñajãmakũ irigũ. ãgũ sugũta ãgũ turari merã irire irimasĩmi. ²⁴ Musã judío masaka ããrĩmerã olivo makãnúmũma dupũri irirosũ ããrã. Judío masaka gapũ ãgũ beyepũrorinerã ããrĩmã. Olivogũ Marĩpũ otedi irirosũ ããrĩma. Musã irigugue ãgũ ãĩtũdea dupũri irirosũ ããrã. Irasirigũ Marĩpũ musãrẽ ãgũyarã ñajãmakũ iridi ããrĩmĩ. Musãrẽ irasirikeregũ, judío masakare ãgũ beyepũrorinerã gapũre musã nemorõ ãgũyarã dupaturi ñajãmakũ irimasĩmi.

Pũrugue Israel bumarãrẽ Marĩpũ taugukumi, ãrĩ gojadea

²⁵ Yaarã, masaka iripoegue masĩbirideare, Marĩpũ ãgũ gũñaderosũta iriburire weregũra musãrẽ: “Gũã judío masaka nemorõ masĩpeokõã”, ãrĩ gũñabirikõãburo, ãrĩgũ. Wãrã judío masaka Marĩpũyare pémasĩturabema dapa. Marĩpũ judío masaka ããrĩmerãrẽ: “Bũremurãkuma”, ãrĩnerãkũta Cristore bũremudero pũrũ, judío masakade bũremurãkuma. ²⁶ ãgũsã irasũ bũremumakũ, ããrĩpererã Israel bumarãrẽ Marĩpũ ãgũsã peamegue waabonerãrẽ taugukumi. ãgũya werenĩrĩ gojadea pũgue ãsũ ãrĩ gojasũdero ããrĩbũ:

Jerusalẽgue, Siõn wãĩkũri makãgue, judío masakaya makãgue ãgũsãrẽ taubu aarigukumi. ãgũsãrẽ Jacob parãmerã ããrĩturiarãrẽ ãgũsã ñerĩrẽ béogukumi.✧

²⁷ Marĩpũ ãsũ ãrĩmi: “ãgũsãrẽ ñerĩrẽ béogũ, yũ ãgũsãrẽ ãrĩdeare irigukoa”, ãrĩ gojasũdero ããrĩbũ.✧

²⁸ Inũguere wãrã judío masaka Jesucristoya kerere péduamerã, Marĩpũre ãĩturirã ããrĩma. ãgũsã irasũ ããrĩmakũ, musã judío masaka ããrĩmerã gapũ Cristore bũremunũgãbũ. Irasirigũ Marĩpũ judío masaka ñekũsãmarã ãgũ beyenerã ãgũsã ããrĩmakũ, ãgũsãrẽ ããrĩturiarãdere maĩmi. ²⁹ “ãgũsãrẽ õãrĩrẽ sĩgũra”, ãrĩ gũñadeare gorawayubemi. ãgũ ãrĩderosũta ãgũ beyenerãrẽ õãrĩrẽ diayeta sĩgukumi. ³⁰ Iripoeguere musãde Marĩpũ dorerire tarinũgãnerã ããrĩbũ. Inũguere judío masaka Marĩpũ dorerire ãgũsã tarinũgãmakũ ããrĩgũ, musã gapũre bopoñarĩ merã ããrĩmi. ³¹ Daporare judío masaka ãgũ dorerire tarinũgãrã ããrĩma. ãgũsã irasũ ããrĩkerepũrũ, Marĩpũ musãrẽ bopoñarĩ merã ããrĩõsũta, ãgũsãdere bopoñarĩ merã ããrĩmi. ³² ãsũ ããrã. Marĩpũ ããrĩpererã masakare ãgũ dorerire ãgũsã tarinũgãmakũ, ãgũsãrẽ peresu irigũ irirosũ iridi ããrĩmĩ, pũrugue ãgũ ããrĩpererãrẽ bopoñarĩ merã ããrĩrẽ masĩburo, ãrĩgũ.

³³ Marĩpũ marĩrẽ bopoñatarigũ, turatarigũ, ããrĩpererire masĩpeogũ ããrĩmi. Irasirirã marĩ ãgũ gũñarĩrẽ, ãgũ iriburire õãrõ pémasĩbea. ³⁴ ãsũ ãrĩ gojasũdero ããrĩbũ Marĩpũya werenĩrĩ gojadea pũgue: “Masaka marĩ Opũ gũñarĩrẽ õãrõ pémasĩbema. Irasirirã ãgũrẽ: ‘ãsũ irika!’ ãrĩ weremasĩbema. ³⁵ Marĩpũre gajino sĩ, pũrũ: ‘Marĩrẽ wajamomi’, neõ ãrĩmasĩbema”, ãrĩ gojasũdero ããrĩbũ. ³⁶ Marĩpũ ããrĩpererire iridi ããrĩmĩ. ãgũ turari merã ããrĩpererire ããrĩmakũ iridi ããrĩmĩ. Irasiriro ããrĩpereri ãgũya dita ããrã. Irasirirã ããrĩpererã ãgũrẽ: “Õãtaria mũ”, ãrĩ, usũyari sĩnĩkõãrã! Irasũta irirã!

12

Marĩpũ dorerire irinĩkõãka! ãrĩ gojadea

1 Yaarā, Marīpu marīrē buro bopoñarī merā ĩāmi. Irasirirā marīrē ĩgūrē buremurā waibu sīunaderosūta daporare marī basita sīrō gāāmea. Irasirirā marī okaro bokatiūrōpā ĩgūyarā āārīrā ĩgū dorerire ōārō irinīkōārā! ĩgūrē marī merā usuyamakū gāāmerā, irasirirākoa. Āsū iriro gāāmea marīrē ĩgūrē buremurārē. 2 I ũmu marā ĩgūsā ñerī iririkurire neō irinemo-birikōārā! Āsūpero gapu ārīrā! Marīpure: “Gua gūñarīrē ōārī gapure gor-awayuwāgānīkōāka!” ārīrā! ĩgū marīrē gorawayumakū, marī ĩgū gāāmerīrē: “Āsū āārā”, ārī masīrākoa. ĩgū gāāmerī, ōārī dita āārā. Iri, ñerī marīrī āārā. Marī ĩgū gāāmerīrē irirā, ĩgūrē usuyamakū irirākoa.

3 Marīpu yure ōārō irigu, musārē ĩgūya kerere weredoregu beyedi āārīmī. Irasirigu musārē āārīpererārē āsū ārī weregura. Neō sugu irimasībirikeregu: “Yu irikōāmasīa”, ārī gūñabirikōārō gāāmea. Marī irimasīrī direta: “Diaye irimasīa”, ārī gūñarō gāāmea. Irasirirā marī masakakū āsū ārī gūñarā: “Marīpu yure irimasīrī pīdeare ĩgūrē yu buremurō oparosūta yu bokatiūrō irimasīa”, ārī gūñarā! 4 Sugu masakaya dupu āsū āārā. Su dupu āārīkerero, wāri opāa. Wāri āārīkerero, surosū moābea. 5 ĩ irirosūta marī Jesucristore buremurā wārā āārīkererā, ĩgū merā āārīrā suguya dupu irirosū āārā. Irasirirā marī āārīpererā su dupuma moārō irirosū yāa.

6 Irasirigu Marīpu marīrē maīgū, marī masakakure gajerosūperi dita marī irimasīburire pīdi āārīmī. Irasirirā irire ōārō iriro gāāmea. Marīrē ĩgūya kerere weretaudoregu pīmakū, marī ĩgūrē buremurō oparosūta ĩgūyare gajerārē ōārō weretauro gāāmea. 7 Marīrē gajerārē iritamudoregu pīmakū, ĩgūsārē ōārō iritamurō gāāmea. Gajerārē ĩgūyare buedoregu pīmakū, ĩgūsārē ōārō buero gāāmea. 8 Marīrē gajerārē gūñaturamakū irimurārē pīmakū, irire ōārō iriro gāāmea. Marīrē gajerārē ĩgūsā gāāmerīrē sīmurārē pīmakū, gajinorē sīrā ōārō usuyari merā sīrō gāāmea. Marīrē gajerārē doremurārē pīmakū, ōārō merā dorero gāāmea. Marīrē gajerārē bopoñarī merā iritamumurārē pīmakū, ĩgūsārē iritamurā usuyari merā iritamurō gāāmea.

Jesucristore buremurā āsūpero āārīdorea, ārī gojadea

9 Gajerārē maīrā, diayeta maīka! Ñerīrē dooka! Ōārī gapu direta iriwāgānīka! 10 Musā Jesucristore buremurā, sugu pūrā gāme maīrōsūta musā merāmarā merā gāme maīka! ĩgūsāya āārīburire musāya nemorō gūñaka! Buemurī merā ōārō gāme iritamuka!

11 Marī Opu dorerire irirā, neō tébori marīrō ōārō usuyari merā irika!

12 “Marīpu ōārō iritamugakumi yure”, ārī, usuyari merā ĩgū iritamuburire yūka! Irasirirā ñerō tarirā, Marīpure piriro marīrō surosū gūñaturari merā buemunīkōāka! ĩgūrē irasū sērēnīkōāka!

13 Jesucristore buremurā gajino gāāmemakū ĩārā, musā opari merā ĩgūsārē iritamuka! Musāya wiirigue ejarārē ōārō bokatiūrīneāka!

14 Musārē ñerō irirārē ĩgūsāya āārīburire Marīpure sērēbosaka! “ĩgūsā yure ñerō iriri waja ĩgūsārē wajamoāka!” ārī sērēbirikōāka!

15 Gajerā usuyamakū ĩārā, ĩgūsā merā musāde usuyaka! Gajerā oremakū ĩārā, musāde ĩgūsā merā oreka!

16 Gajerā merā surosū usuyari merā āārīrikaka! “Yu gajerā nemorō ōāgū āārā”, ārī gūñabirikōāka! Ubu āārīrā merādere ōārō āārīrikaka! “Masītarinugāgū āārā yu”, ārī gūñabirikōāka!

17 Gajerā musārē ñerō irikerepuru, ĩgūsārē ñerō iri gāmibirikōāka! Ñerī gapure irirono irirā, āārīpererā masaka ĩūrōrē ōārī gapure irika! 18 Āārīpererā merā musā ōārō āārīrikaburosūta musā bokatiūrō ōārīrē irika! 19 Yaarā yu maīrā, gajerā musārē ñerō irikerepuru, ñerō iri gāmibirikōāka! Musā

basi ĩgŭsŕrē wajarŕkubirikŕŕka! Marĩpu gapu musŕrē ñerŕ irinerŕrē wajamoŕgukumi. ĩgŭya werenĩrĩ gojadesa pũgue ŕsũ ŕrĩ gojasũdero ŕŕrĩbũ: “Marĩ Opu ŕsũ ŕrĩmi: ‘Yu gapu, masaka ñerŕ iridea waja ĩgŭsŕrē wajamoŕgũ ŕŕrŕ. ĩgŭsŕrē diayeta wajamoŕgura’, ŕrĩmi”, ŕrĩ gojasũdero ŕŕrĩbũ. ²⁰ Gaji ŕsũ ŕrĩ gojasũdero ŕŕrĩbũ: “Murē ĩaturigu ŕaboamakũ ĩŕgũ, baari ejoka! ĩgũ ñemesibusũmakũ ĩŕgũ, iiriri tĩŕka! Mu irasirimakũ, ĩgũ murē ñerŕ irideare guyasĩrĩgukumi”. ²¹ Irasirirŕ musŕrē ñerŕ irinerŕrē ñerŕ iri gŕmibirikŕŕka! Ñerĩ gapure irirono irirŕ, ĩgŭsŕrē ŕŕrŕ irika! Irasiriri merŕ ñerĩ iririre tarinugŕrŕko.

13

¹ Marĩpu dita i ŕmu marŕ oparŕrē sŕomi. ĩgũ pĩnerŕ ŕŕrĩma. Irasirirŕ ŕŕrĩpererŕ ĩgŭsŕrē ŕŕrŕ yujuka! ² Sugũ oparŕrē tarinugŕgũno, Marĩpu pĩnerŕrē tarinugŕgũ yŕmi. Marĩpu ĩgŭsŕrē tarinugŕrŕrē wajamoŕgukumi. ³ Oparŕ, ŕŕrŕ irirŕrē gũimakũ iribema. Ñerŕ irirŕ gapure gũimakũ yŕma. Gũimerŕta ŕŕrĩrikuduarŕ, ŕŕrŕ irika! Irasirimakũ, oparŕ musŕrē: “ŕŕrŕ yŕa”, ŕrĩrŕkuma. ⁴ Marĩpu ĩgŭsŕrē musŕya ŕŕrĩburire iritamudoregu pĩdi ŕŕrĩmĩ. Irasirirŕ ñerŕ irirŕ gũika! Oparŕ, ñerĩ irirŕrē wajamoŕrŕ, Marĩpu dorero irirŕta yŕma. Marĩpu ñerŕ irirŕrē wajamoŕdoregu oparŕrē pĩdi ŕŕrĩmĩ. ⁵ Irasirirŕ oparŕ marĩrē doremakũ, burumurĩ merŕ ĩgŭsŕ dorerire ŕŕrŕ yujuro gŕŕmea. Wajamoŕrĩ, ŕrĩrŕ dita yujubirikŕŕrŕ gŕŕmea. “Marĩpu ĩũrŕ ĩgũ gŕŕmerĩrē iriduarŕko”, ŕrĩ gũnarĩ merŕ ĩgŭsŕ dorerire ŕŕrŕ yujuro gŕŕmea. ⁶ Oparŕ ĩgŭsŕ moŕrĩrē ŕŕrŕ irirŕ, Marĩpure moŕboerŕ irirosũ ŕŕrĩma. Irasirirŕ ĩgŭsŕ wajasearopŕ keoro wajarika!

⁷ ŕŕrĩpererŕ oparŕ dorerosũta keoro irika! ĩgŭsŕ wajaseamakũ wajarika! ĩgŭsŕ gajinorē irimurŕ wajaseamakũde wajarika! Irasirirŕ musŕ oparŕrē burumuka! ĩgŭsŕrē gopeyari merŕ ĩŕka!

⁸ Neŕ gajerŕrē wajamorĩrē opabirikŕŕka! ĩgŭsŕrē wajamorĩrē oparŕno irirŕ, maĩrĩ gapure opaka! Sugũ ĩgũ bokajagunorē maĩrĩ merŕ iritamugũno, Marĩpu doreri pĩdeare keoro irigu yŕmi. ⁹ ŕsũ ŕrŕ Marĩpu doreri pĩdea: “Gajigu marŕpo merŕ, nomede gajego marŕpu merŕ ñerŕ iribirikŕŕka! Masakare wŕjŕbŕobirikŕŕka! Yajabirikŕŕka! Gajerŕyamarē ŕrĩgatori merŕ werebirikŕŕka! Gajerŕyare ŕaribejabirikŕŕka!” ŕrĩ werea. Gaji ĩgũ doreri pĩdea ŕsũ ŕrŕ: “Mu basi maĩrŕsũta mu purŕ ŕŕrĩrŕdere maĩka!” ŕrĩ werea. Musŕ gajerŕrē maĩrŕ, Marĩpu doreri pĩdea ŕŕrĩpererire irirŕ yŕa. ¹⁰ Gajerŕrē maĩgũno, ĩgŭsŕrē neŕ ñerŕ iribemi. Irasirigu ĩgŭsŕrē maĩgũno, Marĩpu doreri pĩdeare iripeogu yŕmi.

¹¹ I ŕŕrĩpererire gũŕka! Irasirirŕ pŕmasĩka! Kŕrĩrŕ irirosũ ŕŕrĩbirikŕŕka! Marĩ iripoegue Jesucristoya kerere burumurŕrorirŕ, ŕmugŕsigue marĩ waaburi dŕyataria, ŕrŕdibu. Daporare marĩ masĩa. Jesucristo dupaturi aariburo mŕrŕ dŕyŕa. ¹² Irasiriro boyomurĩriro irirosũ ŕŕrŕ. Irire masĩrŕ, ñerĩrē masaka naĩtĩŕrŕgue iririre pirirŕ! ŕŕrĩrē boyorogue masaka ĩũrŕ iriri gapure irirŕ! Marĩ irasirirŕ, Marĩpu turari merŕ ñerĩ iririre pirikŕŕrŕko. ¹³ Irasirirŕ masaka ŕmu merŕ deyorogue ŕŕrĩrē irirŕ irirosũ irirŕ! Bosenurĩ ŕŕrĩmakũ, mejŕ, gainĩbirikŕŕrŕ! Nome merŕ ñerŕ iribirikŕŕrŕ! Nomede ŕma merŕ ñerŕ iribirikŕŕburo. Gajerŕ merŕ gŕme guaseobirikŕŕrŕ! Gajerŕyare ububirikŕŕrŕ! ¹⁴ ŕsũ gapu ŕŕrĩrikurŕ! Marĩ Opu Jesucristo iritamurĩ merŕ ĩgũ irirosũ ŕŕrŕ ŕŕrĩrikurŕ! Marĩ ñerĩ ŕaribejarire iriduarire pirikŕŕrŕ!

14

Marĩ Jesucristore burumurŕ gŕme werewŕabirikŕŕrŕ gŕŕmea

¹ Sugu Jesucristore buremuturabi aarĩkeregũ, ĩgũ musã merã aarĩduamakũ, ĩgũrẽ werewuaro marĩrõ ñeãka! ĩgũrẽ ñeãrã, Marĩpuyare masĩbirimakũ ĩãrã, ĩgũ merã guaseobirikõãka! ² Gajerã surãyeri Jesucristore buremurã: “Marĩ aarĩpereri baamakũ õãgorãa”, arĩma. Gajerã gapũ Jesucristore buremuturamerã: “Marĩ waibũ diĩ baarã, Marĩpũ dorerire tarinũgãbokoã”, arĩ gũñama. Irasirirã oteri direta baarikũma. ³ Aarĩpererire baagũ, oteri direta baagũre irasũ ĩãbéobirikõãburo. Oteri direta baagũde aarĩpererire baagũre: “Irasũ baamakũ ñegorãa”, arĩbirikõãburo. Marĩpũ aarĩpereri baagũdere: “Yaagũ aarĩmi”, arĩ ĩãsiadi aarĩmĩ. ⁴ Marĩ gajigũre moãboegũre: “Ñerõ yãa”, arĩmasĩbirikoa. ĩgũ opũ dita irasũ arĩmasĩmi. Marĩ Jesucristore buremurãde irasũta aãrã. Irasirirã marĩ gajerã Jesucristore buremurãrẽ: “Ñerõ yãa”, arĩmasĩbirikoa. Marĩpũ ĩgũsã Opũ aarĩmi. ĩgũ sugũta ĩgũsãrẽ: “Õãrõ yãa, o ñerõ yãa”, arĩmasĩmi. ĩgũ turagũ aarĩsĩã, ĩgũyarãrẽ ĩgũrẽ õãrõ buremuturamakũ irigũkumi.

⁵ Gaji werenemogũra musãrẽ. Surãyeri: “Sunũta gajinũrĩ nemorõ Marĩpũre buremurõ gããmea”, arĩ gũñama. Gajerã gapũ: “Aarĩpererinũrĩ sũrosũ, Marĩpũya aãrã”, arĩ gũñama. Irasirirã masakakũ: “Marĩpũ yũre ãsũ irimakũ gããmemi”, arĩ gũñarõ gããmea. ⁶ Sugu: “Irinũno direta nerẽ, Marĩpũre buremudorea”, arĩ gũñagũ, Marĩpũre buremubu irasũ arĩ gũñami. Gajigũ aarĩpererire baagũde Marĩpũre: “Yũ baari, mũ sĩdea aãrã”, arĩ, usuyari sĩmi. Irasirigũ ĩgũde Marĩpũre buremugũta aarĩmi. Gajigũ gajinorẽ baabide Marĩpũre buremumi. ĩgũde Marĩpũre: “Yũ baari, mũ sĩdea aãrã”, arĩ, usuyari sĩmi.

⁷ Marĩ okarã, boarãde marĩ basi: “Ãsũ irigũra”, arĩmasĩña mãã. ⁸ Marĩ, Jesucristoyarã marĩ okarinũrĩrẽ ĩgũyare irimurã aãrã. Marĩ boadero pũruguedere ĩgũyarã aarĩnikõãrãkoa. Irasirigũ marĩ okamakũ, marĩ boamakũdere Cristo marĩ Opũta aarĩnikõãgũkumi. ⁹ Irasũta aãrã. Cristo boa, pũru masãdi aarĩmĩ aarĩpererã okarã, boanerã Opũ aarĩbu.

¹⁰ Iro merẽ, ĩnasirirã musã gajerã Jesucristore buremurãrẽ: “Ñerõ yãma”, arĩ werewuari? ĩNasirirã ĩgũsãrẽ irasũ ĩãbéokõãrĩ? Cristo marĩ aarĩpererãrẽ ĩgũ diaye nĩdoregũkumi marĩ irideare werebu. Irasirirã gajerã Jesucristore buremurãrẽ: “Ñerõ yãma”, arĩ werewuabirikõãrõ gããmea. ¹¹ Marĩpũya werenĩrĩ gojadea pũgue ãsũ arĩ gojasũdero aarĩbũ:

Ãsũ arĩmi marĩ Opũ: “Yũ okagũ aãrã. Yũ werenĩrĩ diayeta aãrã. Aarĩpererã yũ ĩũrõ ñadũkũpuri merã ejamejãrãkuma. Aarĩpererã yũre: ‘Mũ, gũã Opũ õãgũ, turagũ aãrã’, arĩrãkuma”, arĩ gojasũdero aarĩbũ.*

¹² Irasirirã, Marĩpũ marĩ irideare sãrẽñamakũ, marĩ masakakũ aarĩpereri marĩ irideare wererãkoa.

Neõ musã iriri merã gajerã Jesucristore buremurãrẽ ñerĩ irimakũ iribirikõãka!

¹³ Irasirirã gãme werewuanemobirikõãrã! Ãsũ gapũ arĩ gũñarã! “Gũã iriri merã gajerã Jesucristore buremurãrẽ ñerĩ irimakũ iridũabirikoa”, arĩ gũñarã! ¹⁴ Yũ, marĩ Opũ Jesucristore buremugũ, ãsũ õãrõ masĩã. Aarĩpereri Marĩpũ baari pĩdea õãgorãã yũre. Gajigũ gapũ: “Yũ irire baamakũ, ñegorãã”, arĩ gũñamakũ, ĩgũrẽ diayeta ñegorãã. ¹⁵ I diayeta aãrã. Gajigũ Jesucristore buremugũ, ĩgũ baabirire musã baamakũ ĩãgũ: “Iri Marĩpũ baadorebiridea aãrã”, arĩ gũñakeregũ, musãrẽ ĩãkũĩ, baabokumi. Irasũ baagũ: “Ñerõ iriabũ”, arĩ gũñarikũbokumi. Irasirirã, ĩgũ baabirire dupaturi baarã, ĩgũrẽ maĩrã

* 14:11 Is 45.23

meta yáa. Cristo ĩgũdere boabosadi aãrĩmĩ. Irasirirã m̄sã baari merã gajigũ Cristore b̄remugũrẽ poyanorẽbirikõãka! ¹⁶ Irasirirã: “Ḡua ãsũ iriri õãgoráa”, ãrĩ gũñakerep̄u, gajerã gap̄u m̄sãrẽ: “Ñerõ yáma”, ãrĩ werewuamakũ pérã, dupaturi irire irinemobirikõãka! ¹⁷ Marĩp̄u ĩgũyarãrẽ doreri: baa, iiriri meta aãrã. I gap̄u aãrã. Diayemarẽ irinĩrĩ, ĩgũ merã siuñajãrĩ opari, us̄yari merã aãrĩrĩ aãrã. Irire Õãgũ deyomarĩgũ iritamurĩ merã irisũa. ¹⁸ Suḡu irasũta Cristoyare õãrõ irigũ Marĩp̄ure us̄yamakũ yámi. Masakade ĩgũ õãrõ irimakũ ĩãrã, ĩgũrẽ: “Õãrõ yámi”, ãrĩrãkuma.

¹⁹ Marĩp̄u merã siuñajãrĩ opamurã, marĩ basi gãme iritamumurã irasiriro gããmea. Irire irirã, Jesucristore b̄remunemowãgãnrãkoa. ²⁰ Marĩp̄u Jesucristore b̄remurãnorẽ ĩgũ merã õãrõ aãrĩmakũ yámi. Irasirirã, m̄sã baari merã Marĩp̄uyare ĩgũsã irire pirimakũ iribirikõãka! Diayeta aãrĩpereri Marĩp̄u baari pídea õãrĩ dita aãrã. Gajigũ ĩgũ baabirire m̄sã baamakũ ĩãgũ: “Iri Marĩp̄u baadorebiridea aãrã, irire baagũ ñerõ iribokoa”, ãrĩ gũñakeregũ, m̄sãrẽ ĩãkũĩ, baagũ ñerõ iribokumi. Irasirirã m̄sã irire baarã, ĩgũrẽ ñerõ irimakũ iribokoa. M̄sã irasiriri ñegorãa. ²¹ Gajigũ Jesucristore b̄remugũrẽ marĩ iriri merã ĩgũrẽ ñerĩ irimakũ iribokoa, ãrĩrã, ãsũpero iriro gããmea. ĩgũ waibu dí baabirimakũ ĩãrã, irire baabirikõãrõ gããmea. Iguí deko pãmudeare ĩgũ iirĩbirimakũ ĩãrã, irire iirĩbirikõãrõ gããmea. ĩgũrẽ Jesucristore b̄remuturabirimakũ iribirikõãrõ gããmea. ²² “Marĩp̄u ĩũrõ yu iriri õãgoráa”, ãrĩ b̄remugũno irimarẽ gajerã b̄remuturamerãrẽ guaseobirikõãburo. Suḡu: “Marĩp̄u ĩũrõ ñerõ iribea, waja opabea, diayeta yáa”, ãrĩ gũñagũ, us̄yari merã aãrĩgukumi. ²³ Gajigũ gap̄u: “Iri baarire baagũ, ñerõ iribokoa”, ãrĩ gũñarikukeregũ irire baagũ, waja opami. Irasirirã: “Marĩ ãsũ irirã, ñerõ iribokoa”, ãrĩ gũñarikukererã irire irirã, waja opãa. Aãrĩpereri marĩ irasiriri, ñerĩ iriri aãrã.

15

Gajerãya aãrĩburidere gũñarõ gããmea, ãrĩ gojadea

¹ Marĩ Jesucristore b̄remurã, ĩgũrẽ b̄remuturamerãrẽ iritamurõ gããmea. Marĩya aãrĩburi direta iribirikõãrõ gããmea. ² Marĩ masakaku marĩ p̄uro aãrĩrãya aãrĩburire gũñarõ gããmea, ĩgũsãde Jesucristore b̄remunemowãgãburo, ãrĩrã. ³ Cristode ĩgũyama direta iribiridi aãrĩmĩ. Marĩp̄uya gap̄ure iridi aãrĩmĩ. Irasiriro ĩgũrẽ waadeare Marĩp̄uya werenĩrĩ gojadea p̄igue ãsũ ãrĩ gojasũdero aãrĩbũ: “M̄rẽ ñerõ werenĩrã, yuguerẽ ãrĩmeétuma”. ⁴ Aãrĩpereri iripoegue Marĩp̄uya werenĩrĩ gojadea marĩrẽ buedorero gojasũdero aãrĩbũ. Irire buerã, gũñatura, õãrõ yujupũrãkũrãkoa. Irasirirã ñerõ tarirã, Marĩp̄u iritamuburire us̄yari merã yúa. ⁵ Marĩp̄u marĩrẽ gũñatura, õãrõ yujupũrãkũmakũ irigũ, Jesucristo gããmerõsũta m̄sãrẽ suḡu p̄urã irirosũ s̄rosũ aãrĩrikũmakũ iriburo. ⁶ Irasirirã m̄sã aãrĩpererã suro merã Marĩp̄ure marĩ Op̄u Jesucristo Paḡure: “Õãtaria m̄”, ãrĩ, us̄yari s̄rãkoa.

Jesucristo judío masaka aãrĩmerãrẽ tauburire gojadea

⁷ Jesucristo ĩgũ marĩrẽ ñeãderosũta marĩde gajerãrẽ õãrõ gãme bokatĩrĩñeãrõ gããmea, aãrĩpererã Marĩp̄ure: “Õãtaria m̄”, ãrĩburo, ãrĩrã. ⁸ M̄sãrẽ ire werea. Marĩp̄u ḡua ñekũsãmarãrẽ ĩgũ: “Ãsũ irigũra”, ãrĩdeare diaye iridi aãrĩmĩ. Irasirigũ Jesucristo judío masakare iritamugũ i ùmuguerẽ aaridi aãrĩmĩ. ĩgũ irasiriri merã ĩgũ Paḡu ãrĩdeare iri ĩmupeodi aãrĩmĩ. ⁹ Irasũ aãrĩmakũ, judío masaka aãrĩmerã: “Marĩp̄u ḡuadere bopõñagũ õãtarimi”, ãrĩdoregũ, aaridi

ãārĩmĩ. Marĩp̄ya werenĩrĩ gojadea pũgue gojaderosũta irasiridi ãārĩmĩ. Āsũ
ãrĩ gojasũdero ãārĩbũ:

Marĩp̄re ãsũ ãrĩmi: “Judío masaka ãārĩmerã watopegue m̄rẽ ʘs̄yari s̄gura.
“Turatarigũ ãārã”, ãrĩ bayapeogura m̄rẽ”, ãrĩmi, ãrĩ gojasũdero ãārĩbũ.✧

10 Gajeroguedere ãsũ ãrĩ gojasũdero ãārĩbũ:

M̄sã judío masaka ãārĩmerã Marĩp̄yarã judío masaka merã ʘs̄yaka! ãrĩ
gojasũdero ãārĩbũ.✧

11 Gajeroguedere ãsũ ãrĩ gojasũdero ãārĩbũ:

Āārĩpererã judío masaka ãārĩmerã Marĩp̄re: “Õãtaria m̄”, ãrĩ, ʘs̄yari s̄buro.
Āārĩperero marã masaka: “Īgũ turatarigũ ãārĩmi”, ãrĩburo, ãrĩ gojasũdero
ãārĩbũ.✧

12 Isaĩade ãsũ ãrĩ gojadi ãārĩmĩ David pagũ, Isaĩ wãĩkugure gojagu:

Isaĩ parãmi ãārĩturiagu aarigũkumi. Irasũ aarigũ, judío masaka ãārĩmerã Op̄
ãārĩgũkumi. Īgũsã Īgũrẽ: “Ḡare taubu ãārĩmi”, ãrĩ b̄remurãkuma, ãrĩ
gojadi ãārĩmĩ.✧

13 Marĩp̄ marĩrẽ Īgũ õãrõ iriburire ʘs̄yari merã yũmakũ irigũ, m̄sãrẽ Īgũrẽ
b̄remurãrẽ ʘs̄yari, siũñajãrĩ s̄nemoburo. Irasirirã m̄sã Īgũrẽ deyomarĩgũ
iritamurĩ merã nemorõ ʘs̄yari merã yũrãkoa.

14 Yaarã m̄sã, yũ p̄ñamakũ, Jesucristore b̄remurã, gajerã merã õãrõ
ãārĩrikua. Cristoyare õãrõ masã. Irasirirã m̄sã basi irire õãrõ gãme
weremasã. **15** M̄sã irasũ masĩkerep̄rũ, i papera pũguere gũiro marĩrõ irire
gojãa, m̄sã masĩdeare kãtibirikõãburo, ãrĩgũ. Marĩp̄ yũre õãrõ irigũ, m̄sãrẽ
Jesucristoyare buedoregũ pími. **16** Īgũ yũre irasũ pímakũ, paĩa Marĩp̄re
gajino s̄rõ irirosũta yũ judío masaka ãārĩmerãrẽ Īgũrẽ wiadũakoa, Īgũyarã
ãārĩburo, ãrĩgũ. Irasirigũ Īgũsãrẽ Jesucristoya kerere buea. Yũ irasũ buemakũ
p̄rã, Jesũre b̄remurãkuma. Īgũsã irasũ b̄remumakũ Īgũ, Marĩp̄ Īgũsãrẽ:
“Õãrã ãārĩma”, ãrĩ Īgũkumi. Īgũrẽ deyomarĩgũ Īgũsãrẽ Marĩp̄yarã waamakũ
irigũkumi. Irasirigũ Marĩp̄ Īgũsãrẽ: “Yaarã ãārĩma”, ãrĩ ñeãgũkumi.

17 Yũ Jesucristore b̄remugũ, Īgũ iritamurĩ merã Marĩp̄ yũre pídeare
õãrõ yãa. Irasirigũ yũ moãrĩ merã õãrõ p̄ñãa. **18** Irasirigũ Jesucristo
yũ merã iridea direta m̄sãrẽ weregura. M̄sã judío masaka ãārĩmerãrẽ
Marĩp̄re b̄remumakũ gããmesãgũ, yũre iritamumi. Irasirigũ yũ bueri
merã, yũ iriri merã m̄sã judío masaka ãārĩmerãrẽ Marĩp̄re b̄remumakũ
irimi. **19** Yũ, Marĩp̄ turari merã iri ĩmurĩ merã, Īgũrẽ deyomarĩgũ irita-
murĩ merã m̄sãrẽ buebũ. Irasũ buegũ, Jesucristo masakare tauri kerere
Jerusalén merã buep̄rori, p̄rũ ãārĩpererogue buegorena, p̄rũ Ilĩrico wãĩkuri
nikũgue iri kerere buetũnubũ. **20** Gajerã buesũña marĩrõgue Jesucristo-
yare masĩmerãrẽ b̄ro buedũari merã buebũ. Irasũ buegũ, gajerã Īgũsã
buedeaguere buewekapeobiribũ. **21** Irasũ buegũ, Marĩp̄ya werenĩrĩ gojadea
pũgue gojasũderosũta iribũ. Āsũ ãrĩ gojasũdero ãārĩbũ Cristore masĩbirinerã
masĩburire:

Īgũya kerere neõ p̄birinerã weresũrãkuma. Īgũyare neõ p̄birinerã õãrõ
p̄masĩrãkuma, ãrĩ gojasũdero ãārĩbũ.✧

Pablo Īgũ Romague waaburire gojadea

22 Yũ gajĩ makãrĩ marãrẽ buegorenasã, wãri m̄sãrẽ Īgũrẽ waadũakeregũ,
waamasĩbiribũ dapa. **23** Dapagueta iri makãrĩguere yũ moãrĩ peoa. Irasirigũ
iripoegueta m̄sã p̄rogue waadũanĩdi ãārĩsã, p̄rũ weya irogue waagura,
m̄sã merã ãārĩbũ. **24** Irasirigũ Espaãague waagũ, m̄sã p̄ro eja, m̄sãrẽ Īgũ,

✧ **15:9** 2 S 22.50; Sal 18.49 ✧ **15:10** Dt 32.43 ✧ **15:11** Sal 117.1 ✧ **15:12** Is 11.10 ✧ **15:21** Is 52.15

usuya, musã merã mérõgã ããrĩ, puru musã yure iritamurĩ merã tariagura. ²⁵ Daporare Jerusalẽgue waapuroribu yãa dapa. Iro marãrẽ Jesucristore b̄remurãrẽ iritamugũ, niyeru ãĩabu yãa. ²⁶ Jesucristore b̄remurã Macedonia, Acaya marã Jerusalẽgue ããrĩrãrẽ boporãrẽ gũña, niyerure neeõ, iriudhama ãgũsarẽ iritamurã. Irasirigũ irogue iri niyerure ãgũsarẽ sãgũ waabu yãa. ²⁷ Judío masaka ããrĩmerã Macedonia, Acayague ããrĩrã, judío masaka Jerusalẽgue ããrĩrãrẽ gũñama ãgũsarẽ iritamumurã. ãgũsarẽ irasũ gũñarĩ õãgorãa. Judío masaka, judío masaka ããrĩmerã gapure Jesucristoya kerere wererurorima. Irasirirã judío masaka ããrĩmerã Jesucristore b̄remurã, Marĩpu judío masakare: “Sĩgura”, ãrĩdeare ãgũsarẽ ñeãma. Irasirirã judío masaka ããrĩmerã ãgũsarẽ opari merã judío masakare boporãrẽ iritamurõ gããmea. ²⁸ Irasirigũ Jerusalén marãrẽ iri niyerure yũ sã odoadero purũ, Espanyague waagũ, musãrẽ ããtariagura. ²⁹ Yũ musã purogue waagũ, Jesucristoya kerere musãrẽ wererurorima. Irasirirã musã iri merã õãrõ yũpurũrãkurãkoa.

³⁰ Yaarã, musã marĩ Opure Jesucristore b̄remua. Õãgũ deyomarĩgũ marĩrẽ gãme maĩmakũ yãmi. Irasirigũ yũ musãrẽ ãsũ irimakũ gããmea. Yure iritamurã, yaa ããrĩburire Marĩpure sãrẽbosaka, yũ moãrĩmarẽ! ³¹ ãgũrẽ yaa ããrĩburire ãsũ sãrẽbosaka! Judea nikũ marã Jesũre b̄remumerã yure ãgũsarẽ ñerõ iridhamakũ, Marĩpu yure iritamuburire sãrẽka! Jerusalén marãrẽ iri niyerure yũ sãmakũ, ãgũsarẽ irire usuyari merã õãrõ ñeãburire sãrẽka! ³² Musã irasũ sãrẽmakũ, Marĩpu gããmemakũ, usuyari merã musã puro waagũkoa. Irasirigũ musã merã usuya, siuñajãgũkoa. ³³ Marĩpu marĩrẽ siuñajãrĩ merã ããrĩmakũ irigũ, musã ããrĩpererã merã ããrĩburo. Irasũta ããrĩburo.

16

Pablo Romague ããrĩrãrẽ õãdoreri gojadea

¹ Gũa merãmo Jesucristore b̄remugõ Febe wãĩkũgo musã purogue waabo yãmo. Igo Cencrea wãĩkũri makãgue Jesucristore b̄remurãrẽ iritamugõ ããrĩmo. ² Musã Jesucristore b̄remurã usuyari merã igore bokatĩrĩñeãka! Marĩrẽ Jesucristore b̄remurãrẽ irasũta õãrõ bokatĩrĩñeãrõ gããmea. Igo wãrãrẽ iritamudeo ããrĩmo. Yũdere iritamumo. Irasirirã, igõ gajino gããmemakũ iritamuka!

³ Aquila, ãgũ marãpo Priscilade õãburo. Jesucristoyare yũ buemakũ, ãgũsarẽ yure buetamuma. ⁴ Gajerã yure wẽjẽduamakũ, ãgũsarẽ yure iritamurĩ waja ãgũsarẽdere mérõ wẽjẽboyama. ãgũsarẽ yure irasũ õãrõ iritamurĩrẽ yũ dita Marĩpure usuyari sãbea. Judío masaka ããrĩmerã Jesucristore b̄remurã ããrĩpererã Marĩpure usuyari sãma. ⁵ Jesucristore b̄remurã Aquilaya wiigũ nerẽnarãde õãburo. Yũ maĩgũ Epenetode õãburo. ãgũta Asiaguere Cristore b̄remupurorinugãdi ããrĩmĩ. ⁶ Marĩade õãburo. Igo musã merã b̄ro moãyupo. ⁷ Yaarã Andrónico, Juniade õãburo. Peresu yũ ããrĩmakũ, ãgũsarẽ yũ merã ããrĩmã. Yũ Cristore b̄remuburi dupuyuro ãgũsarẽ gapũ b̄remunugãsianerã ããrĩmã. Jesús buedoregũ pĩnerã ãgũsarẽ: “Diayeta õãrã ããrĩma”, ãrĩ werenĩma.

⁸ Amplias yũ maĩgũ Jesũre b̄remugũ õãburo. ⁹ Urbano õãburo. ãgũde gũa merã moãmi, Jesucristoya kerere masakare buegũ. Yũ maĩgũ Estaquide õãburo. ¹⁰ Apelede õãburo. ãgũ diayeta Jesucristore õãrõ b̄remumi. ãgũ iririkũrĩrẽ ããrĩ: “Cristore õãrõ b̄remugũ ããrĩmĩ”, ãrĩ masã. Aristóbulo yũ wii marãde õãburo. ¹¹ Gajigũ yaagũ judío masakũ Herodiõde õãburo. Narcisoya wii marã marĩ Opũ Jesũre b̄remurãde õãburo. ¹² Trifena, Trifosa õãburo. ãgũsarẽ nome marĩ Opũ Jesũyare moãma. Gũa maĩgõ Pérsidade õãburo. Igõde marĩ Opũ Jesucristoyare b̄ro moãmo. ¹³ Rufode õãburo. ããrĩpererã ãgũrẽ:

“Jesucristore òãrõ b̄remumi”, ãrĩĩãma. Īgũ pagode òãburo. Igo, ȳpo irirosũta ȳre òãrõ irimo. ¹⁴ Asíncrito, Flegonte, Hermes, Patrobas, Hermas, gajerã Jesúre b̄remurã ĩgũsã merã ããrĩãde òãburo. ¹⁵ Filólogo, Julia, Nereo, ĩgũ pagumode Olimpas, gajerã Jesúre b̄remurã ĩgũsã merã ããrĩãde òãburo.

¹⁶ Mũsã gãme òãdorerã, òãrõ us̄yari merã, b̄remurĩ merã páb̄na òãdoreka! ããrĩpererã Jesucristore b̄remurã mũsãrẽ òãdoreri iriuma.

¹⁷ Yaarã mũsã Jesucristore b̄remurã, surãyeri mũsã watopegue ããrĩã ĩgũsã iriri merã mũsãrẽ ñerõ irimakũ, mũsãrẽ gãme dukawarimakũ iridũama. Irasirirã, mũsãrẽ Jesúyare buedeare goroweodũama. Irasirirã irasũ ããrĩãrẽ wapikũbirikõãka! ¹⁸ Īgũsã, marĩ Opũ Jesucristo dorerire irirã meta ããrĩãma. Ñerĩrẽ ĩgũsã us̄ribejari direta irirã ããrĩãma. Īgũsã òãrõ péma òãrĩ werenĩrĩ merã pémasĩturamerãrẽ ãrĩgatoma. Īgũsã irasũ ãrĩgatoma, ĩgũsãrẽ òãrõ p̄tuyama. Irasirirã ãrĩgatorimasãrẽ wapikũbirikõãka! ¹⁹ ããrĩpererã masaka mũsã Jesucristoyare òãrõ iririre masĩsiamã. Irasirigũ yũ mũsã merã b̄ro us̄yãã. Yũ mũsãrẽ òãrĩ gap̄re masĩmakũ gããmekoa. Neõ ñerĩ tamerãrẽ gããmesãbirikoa. ²⁰ Marĩpũ marĩrẽ òãrõ siuñajãrĩ merã ããrĩmakũ irigũ, mérõgã pũũ wãtẽã opũ Satanãrẽ béogũkumi, mũsãrẽ neõ tarinũgãnemobirikõãburo, ãrĩgũ. Marĩ Opũ Jesucristo mũsãrẽ òãrõ iritamunikõãburo.

²¹ Timoteo yũ merã Jesucristoya kerere weretamugorenagũ mũsãrẽ òãdoremi. Yaarã Lucio, Jasón, Sosípater mũsãrẽ òãdorema.

²² Yũ, Tercio wãikũgũ i pũrẽ Pablõre gojabosãã. Īgũ ȳre gojadorerire gojatúa. Irasirigũ ȳde Jesucristore b̄remugũ, mũsãrẽ Jesucristore b̄remurãrẽ òãdorea.

²³ Yũ Pablo, Gayoya wii ããrã. Īgũya wiigue Jesucristore b̄remurã nerẽnama. Īgũde mũsãrẽ òãdoremi. Erasto, i makã marã oparãrẽ niyeru duripĩboerimasũ mũsãrẽ òãdoremi. Cuartode Jesucristore b̄remugũ mũsãrẽ òãdoremi.

²⁴ Marĩ Opũ Jesucristo mũsãrẽ ããrĩpererãrẽ òãrõ iritamuburo. Irasũta iriburo.

Pablo us̄yari merã gojatũnudea

²⁵ Daporare Marĩpũre: “Òãtaria mũ”, ãrĩ, us̄yari s̄rã! Marĩpũ, marĩ Opũ Jesucristoya kere merã marĩrẽ ĩgũrẽ nemorõ b̄remumakũ yãmi. Yũ iri kerere, Marĩpũ ĩgũ Cristo merã marĩrẽ tauri kerere wereã mũsãrẽ. Neõgoragueta Marĩpũ ĩgũ masakare: “Taugũra”, ãrĩdea ããrĩsiadero ããrĩbũ. Irasũ ããrĩkererũ, ããrĩpererã masaka gapũ irire masĩbirinerã ããrĩã. ²⁶ Daporare Marĩpũyare weredupuyunerã gojãdea kere merã ĩgũ marĩrẽ: “Taugũra”, ãrĩdeare marĩ masĩa pama. Marĩpũ ããrĩnĩgũ ĩgũ dorerosũta ããrĩpereri buri marãrẽ iri kerere, masaka iripoegue masĩbirideare masĩmakũ yãmi. ããrĩpererã masakare ĩgũrẽ b̄remu, ĩgũ dorerire iriburo, ãrĩgũ, irasũ yãmi. ²⁷ Marĩpũ sugũta ããrĩãmi. Īgũ sugũta ããrĩpererire masĩpeogũ ããrĩãmi. Irasirirã Jesucristo iritamurĩ merã ĩgũrẽ: “Òãtaria mũ”, ãrĩ b̄remunikõãrã! Irasũta irirã!

Iropãta ããrã.

Pablo

1 CORINTIOS

Pablo Corinto marârê õãdoredea

¹ Y_u Pablo, Sóstenes merã m_usârê õãdoredea. Marĩp_u gããmederosũta Jesucristo y_ure ãgũyare buedoreg_u beyepĩmi. Sóstenes Jesũre b_uremugũ, marĩyaguta ããrĩmi. ² Y_u ãgũ merã m_usã Corinto marârê gojáa. M_usã Jesucristore b_uremurã, ãgũ merã õãrõ ããrĩsĩã, Marĩp_uyarã ããrã. Marĩp_u m_usârê, gajerã ããrĩpererogue marã marĩ Op_u Jesucristore: “Iritamuka y_ure!” ãrĩ sêrêrêrê siiudi ããrĩmi ãgũyarã ããrĩburo, ãrĩgũ. Jesucristo ãgũsã Op_u ããrĩmi. Irasũ ããrĩmakũ, marĩdere marĩ Op_uta ããrĩmi. ³ Marĩp_u ããrĩngũ, marĩ Op_u Jesucristo m_usârê õãrõ iritamu, siuñajãrĩ merã ããrĩrik_umakũ iriburo.

Marĩp_u Jesucristo merã m_usârê õãrõ iritamumi, ãrĩ gojadea

⁴ Ëm_urik_u y_u Marĩp_ure ãs_uyari sĩnikõãa Jesucristo iridea merã ãgũ m_usârê õãrõ iritamumakũ ããgũ. ⁵ M_usã Cristo merã õãrõ ããrĩmakũ, Marĩp_u m_usârê ãgũyamarê ããrĩpereri õãrĩrê sĩdi ããrĩmi. Irasirig_u m_usârê õãrõ pemasĩrĩ merã ãgũyare gajerãrê weremakũ, irire masĩmakũ yãmi. ⁶ Marĩp_u irire sĩgũ, y_u m_usârê: “Cristo õãrõ iritamug_ukumi”, ãrĩderosũta irire iridi ããrĩmi. ⁷ Irasirirã marĩ Op_u Jesucristo dupaturi aariburire yũrã Marĩp_u sĩrĩrê opapeokõãa. ⁸ I ãm_u peremakũguedere ãgũ turari merã m_usârê Jesucristore b_uremunĩmakũ irig_ukumi. Irasirig_u marĩ Op_u Jesucristo dupaturi aarimakũ, marĩrê waja opamerã ããrĩmakũ irig_ukumi. ⁹ Marĩp_u, ãgũ: “Ãsũ irig_ura”, ãrĩdeare keoro irig_u ããrĩmi. ãgũta m_usârê beyedi ããrĩmi, ãgũ magũ Jesucristo marĩ Op_u merã õãrõ ããrĩburo, ãrĩgũ.

Pablo Corinto marârê Marĩp_uyarãrê: “Gãme dukawaribirikõãka!” ãrĩ gojadea

¹⁰ Yaarã, y_u marĩ Op_u Jesucristo dorederosũta m_usârê ãsũ ãrĩ wereg_ura. S_urosũ gũñarĩ merã werenĩka! M_usã werenĩrĩ merã gãme dukawaribirikõãka! Ës_uyari merã werenĩ, s_urosũ gũñarĩ merã ããrĩrik_uka! ¹¹ Yaarã, Cloéya wii marã y_ure m_usã gãme werenĩ guaseorire werema. ¹² M_usã ãsũ ãrĩ gãme guaseoyuro: “G_ua Pabloyarã ããrã”, ãrĩ guaseoyuro. Gajerã: “Apoloyarã ããrã”, gajerã: “Pedroyarã ããrã”, gajerã: “Cristoyarã ããrã”, ãrĩ gãme guaseoyuro. ¹³ Irasũ ãrĩ gãme guaseobirikõãka! Marĩ Cristore b_uremurã ããrã. Irasirirã ãgũ sug_uyarãta ããrã. Gãme dukawarimasĩña máa. Y_u, m_usãya ããrĩburire curusague boabosabirib_u. M_usã, y_u wãĩ merã wãĩyesũbirib_u. ¹⁴ Y_u Marĩp_ure: “Õãa” ãrĩ, ãs_uyari sĩa. Y_u m_usârê deko merã wãĩyebirib_u. Crispo, Gayosã direta wãiyeb_u. ¹⁵ Irasirirã m_usã: “G_ua Pablo wãĩ merã wãĩyesũnerã ããrã”, ãrĩmasĩbea. ¹⁶ Gajerãrê Estéfanya wii marãdere wãiyeb_u, ãrĩ gũñab_u. Gajerãgue tamerãrê wãiyeb_u, ãrĩmasĩbirikoa. ¹⁷ Cristo y_ure wãiyedoreg_u pĩbirimi. ãgũ masakare tauri kere gap_ure weredoreg_u pĩmi. Irire y_ure pĩg_u, masĩrĩmasã werenĩrõsũ werenĩdorebirimi. Y_u, ãgũsã irirosũ werenĩmakũ, masaka Cristo curusague boabosadeare pemasĩbiribokuma. Irasirirã ãgũ tauburire neõ masĩbiribokuma.

Cristo merã Marĩp_u turarire, ãgũ masĩrĩrê masĩsũa, ãrĩ gojadea

¹⁸ Jesucristore b_uremumerã peamegue béosũmurã, ãgũ curusague boadea kerere pérã: “Pemasĩmerãya bueri ããrã”, ãrĩma. Marĩ ãgũ tausũmurã gap_ure i kerere pémakũ, Marĩp_u ãgũ turari merã marĩrê ãgũrê b_uremumakũ yãmi. ¹⁹ Marĩp_uya werenĩrĩ gojadea pũgue ãsũ ãrĩ gojasũdero ããrĩb_u:

I ũmũ marã masĩĩmasã ĩgũsã masĩĩrẽ ubu ããĩĩrĩ dujamakũ irigũra. Gajinorẽ ĩmabéogũ irirosũ ĩgũsã pémasĩĩrẽ ĩmagũra, ãĩĩdi ããĩĩmĩ Marĩpũ.✱

²⁰ Irasirirã: “Masĩpeokõãã”, ãĩĩrã, ubu ããĩĩrã dujama. Gajerã ĩgũsã gũñarõ buerimasãde irasũta dujama. I ũmũmarẽ õãrõ werenĩmasĩĩrãde irasũta dujama. I ũmũmarẽ: “Õãrõ masĩa”, ãĩĩkererũpũ, Marĩpũ gapũ ĩgũsã masĩĩrẽ ubu ããĩĩrĩ dujamakũ yãmi. ²¹ Marĩpũ masĩgũ ããĩĩsĩã, i ũmũ marãrẽ ĩgũsã masĩĩ merã ĩgũrẽ masĩmakũ iribiridi ããĩĩmĩ. ãsũ gapũ ãĩĩdi ããĩĩmĩ. Jesucristoya kerere buremurãrẽ: “Taugũra”, ãĩĩdi ããĩĩmĩ. ĩgũrẽ buremumerã gapũ iri kerere pérã: “Pémasĩmerãya bueri ããã”, ãĩĩma.

²² Judío masaka iri kerere buremumerã: “Marĩpũ turari merã gajino iri ĩmumakũ ĩãrãgue buremurãkoa”, ãĩĩma. Judío masaka ããĩĩmerã griego masakade i ũmũma ĩgũsã masĩĩ direta masĩĩdũama. ²³ Gũã gapũ Jesucristo curusague boadiya kerere werea. Judío masaka iri kerere pérã: “Ĩgũ gũare taugũ meta ããĩĩmĩ”, ãĩĩma. Judío masaka ããĩĩmerãde iri kerere pérã: “Pémasĩmerãya bueri ããã”, ãĩĩma. ²⁴ Marĩ gapũ Marĩpũ beyenerã ããĩĩsĩã, iri kerere pérã: “Marĩpũ masĩgũ, turatarigũ ããĩĩsĩã, Cristo iridea merã marĩrẽ peamegue waabonerãrẽ taugũkumi”, ãĩĩ masĩa. Marĩ judío masaka, judío masaka ããĩĩmerãde Cristore buremurã ããĩĩsĩã, irire masĩa. ²⁵ Cristore buremumerã gapũ Marĩpũ ĩgũ masĩĩ merã, ĩgũ turari merã iririre ãsũ ãĩĩ gũñama: “Ubu ããĩĩrĩ ããã”, ãĩĩ gũñama. ĩgũsã irasũ ãĩĩ gũñakererũpũ, Marĩpũ masĩĩ gapũ masaka masĩĩ nemorõ õãĩĩ ããĩĩtarinũgãĩĩ ããã. ĩgũ turari gapũ, masaka turari nemorõ ããã.

²⁶ Yaarã, Marĩpũ mũsãrẽ ĩgũyarã ããĩĩdoregũ siuburo dupuyuro mũsã ããĩĩrikũdeare gũñaka! Mũsã i ũmũ marã masĩĩmasã, dorerimasã, oparã pũrã irirosũ ããĩĩrã mérãgã ããĩĩnerã ããĩĩbũ. ²⁷ Marĩpũ, i ũmũ marã masĩĩrẽ gũyasiũrõ taridoregũ, ĩgũsã pémasĩĩmerã ããĩĩma, ãĩĩrã gapũre beyedi ããĩĩmĩ. Irasũ ããĩĩmakũ, i ũmũ marã oparãrẽ gũyasiũrõ taridoregũ, ubu ããĩĩrã gapũre beyedi ããĩĩmĩ. ²⁸ Ubu ããĩĩrã gapũre, masaka ĩãdũãña marĩrã gapũre beyedi ããĩĩmĩ ĩgũyarã ããĩĩburo, ãĩĩgũ. Oparã irirosũ ããĩĩrã gapũre ubu ããĩĩrã dujaburo, ãĩĩgũ, irasiridi ããĩĩmĩ. ²⁹ Irasirigũ neõ sugũ masakũ: “Yũ gajerã nemorõ masĩĩtarinũgãgũ ããĩĩmakũ ĩãgũ, Marĩpũ yũre beyedi ããĩĩmĩ”, ãĩĩmasĩĩbirikumi. ³⁰ Mũsãrẽ Marĩpũ basita Jesucristo merã õãrõ ããĩĩmakũ iridi ããĩĩmĩ. Irasirigũ Marĩpũ Cristo merã marĩrẽ ĩgũyare masĩĩmakũ yãmi. ĩgũ merã marĩrẽ: “Õãã, waja opamerã ããĩĩma”, ãĩĩ ĩãmi. Irasirirã marĩ ĩgũyarã, peamegue waabonerã ĩgũ tausũnerã ããã. ³¹ Irasiriro Marĩpũya werenĩrĩ gojadea pũgue ãsũ ãĩĩ gojasũdero ããĩĩbũ: “Neõ sugũ: ‘Gajerã nemorõ masĩĩtarinũgãgũ ããã’, ãĩĩbirikõãburo. Irasũ ãĩĩrõno irigũ marĩ Opũ gapũre: ‘Turatarigũ ããĩĩsĩã, marĩrẽ õãĩĩtariro iridi ããĩĩmĩ’, ãĩĩburo”, ãĩĩ gojasũdero ããĩĩbũ.

2

Cristo curusague boadea kerere gojadea

¹ Yaarã, yũ mũsã pũrogue Marĩpũya kerere, masaka masĩĩbirideare buegũ ejagũ, masĩĩmasã diasari werenĩrĩ merã buerosũ buebiribũ. ² Yũ mũsã merã ããĩĩgũ: “Jesucristoya kerere, irasũ ããĩĩmakũ ĩgũ curusague boadea direta buegũra”, ãĩĩ gũñabũ. ³ Irasirigũ mũsã merã ããĩĩgũ, ubu ããĩĩgũ irirosũ péñabũ. “Gajipoe irigũ yũ iri kerere õãrõ buemasĩĩbiribokoa”, ãĩĩgũ, gũĩ naradari merã ããĩĩkubũ. ⁴ Yũ mũsãrẽ iri kerere buremumakũ gããmegũ, masĩĩmasã werenĩrõsũ buebiribũ. Irasirirã, Marĩpũ turari, Õãgũ deyomarĩgũ iritamurĩ merã yũ mũsãrẽ iri kerere buemakũ pérã: “Diayeta ããã”, ãĩĩ

✱ 1:19 Is 29.14

buremubu. ⁵ “Masaka masĩrĩ merã ĩgũsã guare buemakũ buremua”, ãrĩ gũñamakũ gããmebiribu. “Marĩpu, ĩgũ turari merã guare Jesucristoya kerere buremumakũ yámi”, ãrĩ gũñamakũ gããmegũ, irasũ buebu musãrẽ.

Marĩ Őãgũ deyomarĩgũ iritamurĩ merã Marĩpũre masĩa, ãrĩ gojadea

⁶ Gũa musãrẽ Jesucristore òãrõ buremurĩ oparãrẽ buerã, Marĩpu wáro masĩrĩ sĩrĩ merã buea. Iri masĩrĩ i ùmũma meta ããrã. Irasũ ããrĩmakũ, i ùmũ marã masakare dorerãya meta ããrã. I ùmũma ĩgũsã basi masĩrĩ pereakõãrokoa. ⁷ Gũa, Marĩpu ĩgũ masĩrĩ merã irideare, neõgorague masaka ĩgũsã masĩbirideare buea. I ùmũ iriburo dupuyuro, Marĩpu: “Ãsũ irigũra”, ãrĩ gũñasiadi ããrĩmĩ. Irasirigũ marĩrẽ tauburire, marĩ ùmũgasigue ĩgũ merã ããrĩnĩburire gũñasiadi ããrĩmĩ. ⁸ ããrĩpererã i ùmũ marã masakare dorerã gapũ Marĩpu òãrõ gũñadeare pẽmasĩbirinerã ããrĩmã. Irire òãrõ pẽmasĩrãno ããrĩrã, marĩ Opũ Jesucristo òãtarigure curusague pábiatú wẽjẽbiribonerã ããrĩmã. ⁹ Ãsũ ãrĩ gojasũdero ããrĩbũ Marĩpũya werenĩrĩ gojadea pũgue:

Marĩpu ĩgũrẽ maĩrãya ããrĩburire òãrõ ãmuyusiadi ããrĩmĩ. I ĩgũ òãrĩ ãmubosadea, ĩgũsã neõ ĩãbiridea, pẽbiridea, neõ mérõgã gũñabiridea ããrã, ãrĩ gojasũdero ããrĩbũ.*

¹⁰ Marĩpu ĩgũ irideare, marĩ masĩbirideare Őãgũ deyomarĩgũ merã marĩrẽ masĩmakũ yámi. Őãgũ deyomarĩgũ Marĩpu gũñarĩrẽ masĩgũ ããrĩpererire masĩpeokõãmi.

¹¹ Gajigũ masakũ gũñarĩrẽ marĩ neõ masĩbea. ĩgũ basi ĩgũ gũñarĩrẽ masĩmi. ĩgũ irirosũta Őãgũ deyomarĩgũ suguta Marĩpu gũñarĩrẽ masĩmi. ¹² Marĩrẽ i ùmũma direta gũñabirikõãburo, ãrĩgũ, Marĩpu marĩrẽ Őãgũ deyomarĩgũrẽ sidi ããrĩmĩ ĩgũ irirosũ gũñaburo, ãrĩgũ. Marĩrẽ maĩgũ, Őãgũ deyomarĩgũ merã ããrĩpereri ĩgũ sĩdeare masĩburo, ãrĩgũ, irasiridi ããrĩmĩ. ¹³ Irasirirã gũa musãrẽ Marĩpũyare buerã, Őãgũ deyomarĩgũ masĩrĩ sĩrĩ merã buea. Gũa basi masĩrĩ merã buebea. Irasirirã, Őãgũ deyomarĩgũ guare buedorerosũta ĩgũrẽ oparãrẽ buea.

¹⁴ Őãgũ deyomarĩgũrẽ opamerã, Marĩpu Őãgũ deyomarĩgũ masĩrĩ sĩrĩrẽ gããmebema. Irire gããmemerã: “Ubu ããrĩrĩ ããrã”, ãrĩma. Őãgũ deyomarĩgũ iritamurĩ merãta marĩ ĩgũyare pẽmasĩa. ĩgũrẽ opamerã gapũ ĩgũyare neõ pẽmasĩbema. ¹⁵ Marĩ Őãgũ deyomarĩgũrẽ oparã, ĩgũ iritamurĩ merã ããrĩpereri ñerĩrẽ, òãrĩrẽ ĩã beyemasĩa. Őãgũ deyomarĩgũrẽ opamerã gapũ, marĩ ĩgũrẽ oparã iririre neõ ĩã beyemasĩbirikuma. ¹⁶ Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Neõ sugũ marĩ Opũ gũñarĩrẽ masĩgũ mámi. Neõ sugũno ĩgũrẽ buemasĩbirikumĩ”, ãrĩ gojasũdero ããrĩbũ. Marĩ gapũ Őãgũ deyomarĩgũrẽ oparã ããrĩsĩã, marĩ Opũ Cristo gũñarĩrẽ masĩa.

3

Marĩpũyarã ĩgũrẽ moãboerã ããrĩma, ãrĩ gojadea

¹ Yaarã, yũ Őãgũ deyomarĩgũ doreri irirãrẽ buerosũ musãrẽ buebiribu. I ùmũ marã Őãgũ deyomarĩgũrẽ opamerã irirosũ musã ããrĩmakũ ĩãgũ, irasiribu. Cristoyare musã buremuturabirimakũ ĩãgũ, majĩrãgãrẽ buerosũ musãrẽ buebu. ² Irasirigũ, majĩrãgã baari baamasĩmerã, ùpĩku dita mirĩrã irirosũ musã ããrĩmakũ ĩãgũ, diasabiri direta musãrẽ buebu. Daporadere musã diasari buerire pẽmasĩbea dapa. ³ Musã, Őãgũ deyomarĩgũrẽ opamerã irirosũ gãme uburikũrã, gãme ĩãduamerã, gãme dukawaridũarã yãa. Irasirirã i ùmũ marã

* 2:9 Is 64.4

Īgūsā noó gāāmerō iriduarosū yáa. ⁴ Mūsā: “Y_u Pabloyagu āārā”, gajigu: “Y_u Apoloyagu āārā”, āī werenía. Irasū āīrā, i ū_{mu} marā masaka Óāgū deyomarīgūrē opamerā irirosū werenía.

⁵ G_{ua} Apolos merā, ¿nasirirā āārīrī mūsā ĩāmakū? G_{ua} Marīpure moāboerā āārā. G_{ua} ĩgū iridorederosūta yáa. Irasirirā g_{ua} Jesucristoya kerere weremakū pérā, mūsā ĩgūrē b_uremunugāb_u. ⁶ Y_u neōgoraguere mūsārē buerurorib_u. Irasirig_u sug_u oteri yerire oteg_u irirosū irib_u. Irasiridero p_ur_u, Apolos mūsārē buenemogū, oterire koreg_u irirosū iridi āārīmí. Marīp_u gap_u oteri purimakū irirosū mūsārē Jesúre b_uremunugāmakū iridi āārīmí. ⁷ Irasirirā oteri yerire oterimasā, korerimasāde ubu āārīrā āārīma. Marīp_u gap_u iri oterire purimakū irig_u āārīmí. ĩgū sug_uta irire irimasīmi. ⁸ Oteruroridi, p_ur_u iri oteadeare koredi ĩgūsā suro merā moāboerimasā āārīma. Marīp_u ĩgūsā moāderopā ĩgūsārē keoro wajarigukumi. ⁹ G_{ua} Marīpuyarā ĩgūrē moāboerā āārā. Mūsā guayarā āārībea. Marīpuyarā āārā. Irasirirā mūsā ĩgūya pooere otedea irirosū āārā.

Irasū āārīmakū, mūsā ĩgū wári wii irimūrīri wii irirosū āārā. ¹⁰ Wii irimerēgū borari keoro n_up_urorig_u irirosū, y_u, Marīp_u iritamurō merā mūsārē Jesucristoyare keoro buerurorib_u. P_ur_u gajerā mūsārē buenemorā, iri wiire peomūrīārā irirosū irirākuma. Iri wiire odorā irirosū mūsārē buenemorā, gopeyari merā keoro buero gāāmea.

¹¹ Marīp_u Jesucristore sug_ureta pídi āārīmí masakare tauburo, āīgū. Irasirig_u y_u mūsārē bueg_u, Jesucristo masakare tauri kerere buerurorib_u. Neō sug_uno iri kerere gorawayumasībirikumi. ¹² Jesucristoyare ōārō keoro buenemorā, oro, plata, gaji wajapari ūtāyeri merā wii irirā peomūrīārā irirosū irirākuma. Gajerā gap_u piriri yuku merā, tá merā, mijī pū merā tiāmūrīārā irirosū irirākuma. ĩgūsā irirosū gajerā mūsārē buenemorā, ubu āārīrīrē, mata pererinerē buerākuma. ¹³⁻¹⁴ I ū_{mu} peremakū, Jesucristo masakare ĩgūsā buedeare: “I mūsā buedea ōāb_u, i ōābirib_u”, āī weregukumi. Oro, plata, wajapari ūtāyeri merā iridea gap_u peamegue soemakū ūjūbirikoa. Yuku, tá, pūrī merā iridea gap_u ūjūperekōārokoa. Irasirig_u, gajinerē peamegue soeg_u, ¿díi ūjūrokuri, díi ūjūbirikuri? āī beyerosū, Jesucristo ĩgūsā ōārō, ñerō buedeare beyegukumi. Ōārō keoro buedire keoro wajarigukumi. ¹⁵ Ōārō keoro buebiridi gap_ure wajaribirikumi. Gajino ūjūrōsū ĩgū buedea waja, wajataboadea perekōārokoa. ĩgū wajatabirikereg_u, peamegue waabirikumi. Tausūgukumi. Wii ūjūmakū duriwiriag_u irirosū mérōgā tarigukumi.

¹⁶ ¿Mūsā masīberi? Óāgū deyomarīgū marīguere āārīmí. Irasirirā Marīp_uya wii irirosū āārā. ¹⁷ ĩgūya wii irirosū āārīrā, ĩgūyarā āārā. Irasirig_u Marīp_u ĩgūyarārē poyanorērānorē poyanorēgukumi.

¹⁸ Mūsā basi péwisibirikōāka! “Y_u i ū_{mu} marā buerire masītarinugāgū āārā”, āībirikōāka! Irire masīmerā irirosū āārīka! Irasirimakū, Marīp_u diayeta ōārō masīrā dujamakū irigukumi. ¹⁹ I ū_{mu} marā ĩgūsā masīrī, Marīp_u ĩāmakū ubu āārīrī āārā. Marīp_uya werenīrī gojadea pūgue āsū āī gojasūdero āārībú: “Marīp_u gap_u masīrīmasā: ‘Āsū irirāra’, āī gūñaderosū iriduarire iribirimakū yámi”, āī gojasūdero āārībú. ²⁰ Gajeroguedere āsū āī gojasūdero āārībú: “Marī Op_u, i ū_{mu} marā masīrīmasā gūñarīrē masīmi. Irire masīgū: ‘Ubu āārīrī āārā iri’, āī ĩāmi”, āī gojasūdero āārībú. ²¹ Irasirirā mūsārē bueg_ure: “Gajig_u nemorō ōārō buemi”, āībirikōāka! Marīp_u āārīpereri mūsāya āārīburire sīsiadi āārīmí. ²² Irasirig_u y_ure, Apolore, Pedrore iriumi mūsā ōārō āārīburire buedoreg_u. Irasū āārīmakū, i ū_{mu}ma, mūsāya āārīburire sīdi āārīmí. Dapora

musã ããrĩburire, musã boadero purugue ããrĩburidere sĩdi ããrĩmĩ. I ããrĩpereri musãya ããrã. ²³ Irasũ ããrĩmakũ, musã Cristoyarã ããrã. Cristo Marĩpuyagu ããrĩmi. Irasirirã musã Cristo merã Marĩpuyarã ããrã.

4

Pablo, Jesucristo ĩgũyare buedoregu pĩnerã moãrĩrẽ gojadea

¹ Musã guare: “Cristore moãboerimasã ããrĩma”, ãrĩ gũñarõ gããmea. Guare Marĩpuyaya kerere, masaka masĩbirideare buedoregu pídi ããrĩmĩ. ² Moãrĩmasã ĩgũsã opu dorerire keoro irirã irirosũ gua Cristore moãboerimasãdere ĩgũ dorerire keoro iriro gããmea. ³ Musã yure: “Marĩ Opuyare õãrõ buemi, o õãrõ buebirimi”, ãrĩmakũ, neõ bujawerebirikoa. Gajerã masaka, yu buerire: “Keoro ããrã, o keoro ããrĩbea”, ãrĩmakũdere neõ bujawerebirikoa. Yu baside yu buerire: “I gapure õãrõ buebu, i gapure õãrõ buebiribu”, ãrĩmasĩbirikoa. ⁴ Yu buedeare gũñagũ: “Ñerõ buekubu”, ãrĩ gũñabea. Irasirigu: “Yu ñerõ buede waja, waja opãa” ãrĩmasĩbea. Marĩ Opu suguta yu buerire: “Õãgorãa, o õãbea”, ãrĩ masĩmi. ⁵ Irasirirã marĩ Opu i umugue dupaturi aariburo dupuyuro gajerãrẽ: “ĩgũ doredersũ keoro iribema”, ãrĩ werewuabirikõãka! ĩgũ dupaturi aarigũ, ããrĩpererãrẽ ĩgũsã iridea gajerã masĩbirideare masĩmakũ irigukumi. ĩgũsã gũñarĩgue: “Ãsũ iridũakoa”, ãrĩ gũñadeadere masĩmakũ irigukumi. Irasirigu Marĩpu õãrõ irirãrẽ: “Õãrõ iribu”, ãrĩgukumi. ĩgũsã õãrõ irideropã ĩgũsãrẽ keoro irigukumi.

⁶ Yaarã, musãya ããrĩburire gua Apolos merã iririkurire werebu, musãde gua irirosũta iriburo, ãrĩgũ. Marĩpuyaya werenĩrĩ gojadea pũgue ĩgũ dorerire tarinugãbirikõãburo, ãrĩgũ, musãrẽ irire werebu. Irasirirã musã guare ĩãkũirã: “Guare buegu gapu, musãrẽ buegu nemorõ masĩtarinugãmi”, ãrĩbirikoa. ⁷ Musã gajerã nemorõ masĩtarinugãrã ããrĩbea. ããrĩpereri musã oparĩ, Marĩpu musãrẽ sĩdea dita ããrã. ĩgũ sĩdea ããrĩkerepuru, iro tamerãrẽ, çnasirirã musã basi: “ĩgũyare masĩpeokoa”, ãrĩrĩ? ĩgũ musãrẽ masĩrĩrẽ sĩbirimakũ, neõ masĩbiribokoa. ĩgũ musãrẽ masĩmakũ iridea direta masĩa.

⁸ Musã i gapure ãsũ ãrĩ gũñadãa: “Gua ããrĩpereri opãa. Marĩpuyare masĩpeokõãa”, ãrĩ gũñadãa. Irasirirã gua musãrẽ ĩgũyare buenemomakũ gããmebea. Musã oparã irirosũ: “ããrĩpereri masĩtarinugãrã ããrã”, ãrĩ gũñadãa. Musã diayeta oparã irirosũ ããrĩpereri masĩtarinugãrã ããrĩmakũ õãtaribokoa. Irasirirã gua musãrẽ buerãde musã merã oparã irirosũ ããrĩbokoa. ⁹ Yu ãsũ ãrĩ pẽnãa: “Marĩpu guare Jesucristoyare buedoregu pígu, ããrĩpererã nemorõ ubu ããrĩrã irirosũ ããrĩdoregu pídi ããrĩmĩ”, ãrĩ pẽnãa. Irasirirã gua wẽjẽbẽosũmurã irirosũ ããrã. ããrĩpererã i umu marã masaka, Marĩpuyare wereboerã ĩũrõ gua ñerõ taria. ¹⁰ Jesucristoya kerere gua buemakũ, masaka guare: “Pemasĩmerã ããrĩma”, ãrĩma. Musã gapu musã basi: “Gua Cristoyare pẽmasĩpeorã ããrã”, ãrĩkoa. Gua, musã ĩãmakũta ubu ããrĩrã ããrã. Musã gapu: “Gua oparã irirosũ ããrã”, ãrĩkoa. Masaka gua gapure ubu ĩãbẽokõãma. Musã gapure gopeyari merã ĩãma. ¹¹ Gua neõgoragueta ñerõ taripurorimarĩrĩnerã, daporaguedere irasũta ããrĩkõãa. Ũaboãa, ñemesibua, surĩ opabea. Jesucristore burenumerã guare buro ñerõ iribirama. Gua buegorenasĩa, wiiri opabea. ¹² Irasũ ããrĩmakũ, guaya ããrĩburire, gua baaburidere, gua basi moãpoyãa. Gajerã guare ñerõ werenĩmakũ, gua gapu Marĩpuyare ĩgũsãya ããrĩburire sẽrẽbosãa. Gajerã gua noó waaró guare ñerõ irimakũ, ubu pẽnakõãa. ¹³ Gajerã guare ñerõ ãrĩ werewuamakũ, gua gapu ĩgũsãrẽ amuduarã, ĩgũsãrẽ õãrõ merã werea. I umumarẽ ĩgũsã gããmebirire ĩgũsã bẽodea irirosũ guare ĩãma. Neõgoragueta guare doopurorinerã, daporaguedere irasũta doonĩkõãma.

¹⁴ Irire gojagu, musārē guyasīrīdoregu meta yáa. Yu musārē maīgū, yu pūrārē irirosū werea. ¹⁵ Wárā gajerā diez mil gora musārē Cristoyare buebonerā āārīkererū, ĩgū masakare tauri kerere bueroridi suguta āārīmi. Iri kerere musārē bueroridi yuta āārā. Yu iri kerere buemakū pérā, musā ĩgūrē bremunugābu. Irasirigu yu musāpu irirosū āārā. ¹⁶ Irasirigu musārē: “Yu iririkurire, majīrā ĩgūsā pagure ĩākūrōsū ĩākūtuyaka!” ārī werea.

¹⁷ Musā irire irimakū gāāmegū, Timoteore musā pūroge iriua. ĩgū yu buedi yu magū irirosū, yu maīgū āārīmi. Marī Opū gāāmerōsū keoro iriníkōāmi. Yu Cristore bremugū iririkurire musārē gūñamakū irigakumi musāde irasūta iriburo, ārīgū. Irasirigu, āārīpererā Cristore bremurārē āārīpererogē āārīrārē yu buederosūta musārē buegukumi. ¹⁸ Surāyeri musā watope āārīrā: “Pablo guā pūro aaribirikumi”, ārī gūñāñurā. Irasirirā ĩgūsā basi: “Guā gajerā nemorō masītarinugārā āārā”, ārī, gūñāñurā. ¹⁹ Yu gapū āsū ārī gūñāa: “Marī Opū gāāmemakū, mata musā pūroge waagura”, ārī gūñāa. Iroge ejagu, masītarinugārā āārā, ārī werenīrārē ĩāgura. Iri direta ĩābirikoa. “¿Diayeta ĩgūsā marī Opū turari merā ĩgūyare irirāta yāri?” ārī ĩāgukoa. ²⁰ Marīpu ĩgūyarārē doreri āsū āārā. Marī ĩgūyare werenikererā irire marī iribirimakū, marī werenīrī wajamāa. ĩgū turari merā ĩgūyare irimakū gāāmemi. ²¹ ¿Ñeēnorē gāāmekuri musā? ¿Musā pūroge musā ñerō iriri waja musārē turigu waamakū gāāmekuri, o musā ōārō iriri waja gapure usuyari merā musārē weregu waamakū gāāmekuri?

5

Ñerō irigure béoka! ārī gojadea

¹ Gajerā āsū ārī kere werema yure. Sugū musā merāmu ĩgū búamorēta marāpokūayupu. Irire pégu, pégukakōābu. Gajerā Marīpure masīmerā āārīkererā, irasūgora ñerō iribema. ² ĩgū ñerī irigu musā merā āārīkererū, musā gapū: “Guā gajerā nemorō ōārā āārā”, ārī gūñadāa. Irasū gūñarōno irirā, ĩgū ñerī iriri gapure buro bujawereri merā gūñaka! Irasirirā, ĩgū ñerō iririre piribirimakū ĩārā, ĩgūrē béokōāka! Musā merā nerēdorebirikōāka! ³ Yu gapū musā pūroge āārībirikeregu, yu gūñarī merā musā merā āārīgū irirosū āārā. Irasirigu yu gūñarīgue musārē: “ĩgū ñerō irigure béokōārō gāāmea”, ārī gūñasiāa. ⁴ Irasirirā musā, marī Opū Jesucristoyarā, ĩgū dorero merā nerēka! Yude, yu gūñarī merā musā merā nerēgū irirosū āārīgukoa. Marī Opū Jesúde ĩgū turari merā musā merā āārīgukumi. ⁵ Musā irasū nerērā, ĩgū ñerō irigure béokōāka, wātēa opu Satanás ĩgū gāāmerō ĩgūrē iriburo, ārīrā! Irasirigu ñerō tarigu, ĩgū ñerō iririre pirigukumi. Marī Opū Jesús i ũmugue dupaturi aarīgū, ĩgūrē taugukumi.

⁶ ĩgū ñerō irigure béomerā: “Guā gajerā nemorō ōārā āārā”, ārī gūñabirikōāka! Musā ĩgū ñerō iririre ubu ĩākōārā, āārīpererā musāde ĩgū ñerō iririre pērēbejarākoa. ¿Musā āsū ārī wererire masīberi? “Pārē irirā, mérōgā pā wemasārī poga merā trigo pogare morēkuma. Pūru iri wemasāseyakōākoa”, ārī werea. Iri poga wemasāseyarosūta ñerīde musāguere ōārō seyakōārokoa. ⁷ Irasirirā ĩgū ñerī irigure béoka, gajerāde ñerō iriri, ārīrā! Guayarā, judío masaka pascua bosenu irimurā pā wemasāmakū iriri pogare béokuma. Irire béorosūta musā ñerī iririre béoka, ñerīrē opamerā āārīmurā! Pascua bosenu āārīmakū, judío masaka ovejare wējekuma ĩgūsā ñerī iridea wajare Marīpure béodorerā. Oveja boaderosūta Cristo marī ñerō iridea waja boabosadi āārīmī Marīpu marīrē: “Ñerī marīrā āārīma”, ārī ĩāburo, ārīgū. ⁸ Irasirirā marī ñerī

iririkudeare pirikõārõ gããmea. Ñerĩre iriro marĩrõ ãārĩrõ gããmea. Irigatori marĩrõ, diayema õārõ werenĩrĩ merã ãārĩrõ gããmea.

⁹ Yũ musãrẽ iripoegue gojadea pũgue ãsũ ãrĩ gojabũ: “Nomerẽ ñerõ gãmebirarikurãrẽ wapikubirikõãka!” ãrĩ gojabũ. ¹⁰ Yũ irasũ gojagũ: “Ãārĩpererã ñerõ iririmasã i ãmũgue ãārĩrãrẽ neõ wapikubirikõãka!” ãrĩgũ meta iribũ. I ãmũguere noó musã waaró Jesúre bũremumerã ãārĩma. Nomerẽ ñerõ gãmebirarikurã, gajerãyare bũro gããmerã, yajarimasã, keori weadeare bũremurĩmasã wãrã ãārĩma. Ìgũsã ãārĩpererogue ãārĩmakũ, Ìgũsãno marĩrõgue waamasĩña máa. ¹¹ Æsũ gapũ ãrĩ gojabũ: “Surãyeri musã merã ãārĩrã: ‘Jesúre bũremua’, ãrĩkererã ñerĩ iririkumakũ ìãrã, Ìgũsãrẽ wapikubirikõãka!” ãrĩ gojabũ. “Irasirirã nomerẽ ñerõ gãmebirarikurãrẽ, gajerãyare bũro gããmerãrẽ, keori weadeare bũremurãrẽ, gajerãrẽ ñerõ kere wererãrẽ, mejãrikurãrẽ, yajarikurãrẽ wapikubirikõãka! Irasiririkurãno merã neõ baabirikõãka!” ãrĩ gojabũ. ¹²⁻¹³ Marĩpũ Jesúre bũremumerãrẽ Ìgũsã ñerõ iridea waja wajamoãgũkumi. Irasirigũ yũ musãrẽ: “Wajamoãka Ìgũsãrẽ!” ãrĩbea. Musã tamerã musã merã ãārĩrãrẽ Ìgũsã ñerõ irimakũ ìãrã, Ìgũsãrẽ wajamoãka! Marĩpũya werenĩrĩ gojadea pũgue gojaderosũta irika! Æsũ ãrĩ gojasũdero ãārĩbũ: “Sugũ musã merã ãārĩgũ ñerõ irimakũ ìãrã, Ìgũrẽ beokõãka!” ãrĩ gojasũdero ãārĩbũ. Irasirirã musã merã ãārĩgũrẽ Ìgũ bũamorẽ ñerõ irigure beokõãka!

6

Jesúre bũremurã gãme weresãrĩrẽ gojadea

¹ Musã basi gãme guaseorã, ¿nasirirã weresãrĩrẽ beyerimasã Jesúre bũremumerã pũroque ãmudorerã waari? Jesúre bũremurãrẽ musã merãmarãrẽ weresãduarã, gajerã Jesúre bũremurãrẽ irire ãmudorerã waaró gããmea. ² ¿Ire musã masĩberi? I ãmũ peremakũ, marĩ Jesúre bũremurã Marĩpũyarã ãārĩsĩã, Jesús merã i ãmũ marãrẽ dorerã ãārĩrãkoa. Irasirirã Ìgũsãrẽ doremurã daporadere marĩ gãme guaseorire ãmudoremasĩa. ³ ¿Idere masĩberi musã? Marĩ Jesús merã Marĩpũre wereboerã ãmũgasigue ãārĩrãrẽ dorerãkoa. Irasirirã Ìgũsãrẽ doremurã ãārĩsĩã, i ãmũmadere ãmudoremasĩa. ⁴ ¿Nasirirã i ãmũmarẽ gãme guaseorã, Marĩpũyare masĩmerã pũroque irire ãmudorerã waari? ⁵ Musãrẽ gũyasĩrĩburo, ãrĩgũ, ire gojáa. ¿Musã watopeguere neõ sugũ masĩgũ, musã guaseorire ãmũgũno marĩgorakõãrĩ? ⁶ Musã merãmũ masĩgũno gapũre ãmudorerono irirã, gajigũ Jesúre bũremugũrẽ weresãduarã, Jesúre bũremumerã pũroque ãmudorerã wããa.

⁷ Irasiriro, musã gãme guaseorã, musã basi ãmũmasĩmerã, Jesúre bũremumerã pũroque irire ãmudorerã waamakũ õãbea. Ìgũsãrẽ weresãrõno irirã, gajerã Jesúre bũremurã musãrẽ diaye iribirideare, musãrẽ yajadeare irasũ ìãkõãmakũ nemorõ õãboakuyo. ⁸ Musã Jesúre bũremurã ãārĩkererã, gajerã musãyarãrẽ diaye irimerã, musãde Ìgũsãyare yajarã yãa.

⁹ ¿Ire musã masĩberi? Ñerõ iririkurã Marĩpũ Ìgũyarãrẽ doreroguerẽ waabirikuma. Ire pẽwisibirikõãka! Æma nomerẽ ñerõ gãmebirarikurã, keori weadeare bũremurĩmasã, gajigũ marãpore ãma marãpokurã, gajego marãpũ merã ñerõ iririkurã, ãma seyaro Ìgũsã dupũri merã ñerõ iririkurã, nomede Ìgũsã seyaro ñerõ iririkurã Marĩpũ pũroguere neõ waabirikuma. ¹⁰ Irasũ ãārĩmakũ, yajarimasã, gajerãyare bũro gããmerĩmasã, mejãrikurã, gajerãrẽ ñerõ kere wererimasã, ãrĩgatori merã gajerãyare yajarimasã neõ Marĩpũ pũroque waabirikuma. ¹¹ Iripoeguere musã surãyeri irasiririkurã ãārĩnerã ãārĩbũ. Irasiririkurã ãārĩkererũ, Marĩpũ musã ñerĩ oparire koedi ãārĩmĩ Ìgũyarã

ãārĩmakũ irigũ. Irasirigũ musārē: “Õārã, waja opamerã ãārĩma”, ãrĩ ããmi. Marĩ Opũ Jesucristo iridea merã, Õãgũ deyomarĩgũ musãguere ãārĩrĩ merã irasũ ãrĩ ããmi.

Marĩya dupũ merã õãrõ iridorea, ãrĩ gojadea

¹² Masaka surãyeri ãsũ ãrĩ werenĩma: “Marĩ iridũarire noó gããmerõ irimasĩã”, ãrĩ werenĩma. Irasũta ããrã, ãrĩrõ tamerã. Yũ iridũari gajerãrẽ iritamubirimakũ ããgũ, irire iribea. Irasirigũ irire piridũagu, pirikõãrõ gããmea.

¹³ I masaka werenĩrĩ diayeta ããrã. ãsũ ãrĩ werenĩma: “Baari, marĩya paruma ããrĩburi ããrã. Marĩya paru, baari baasãdiru ããrã”, ãrĩ werenĩma. Marĩpũ gapũ i pe wãirẽ peremakũ irigũkumi. Irasiriro baari, marĩya paru irasũ ããrĩkõãrõ yãa. ãsũ gapũ ããrã. Marĩpũ, marĩya dupũ irigũ, ñerĩrẽ ãaribejaburi dupũre iribiridi ããrĩmĩ. Marĩ Opũ Jesucristo gããmerĩ gapũre iriburi dupũ ããrã. ãgũta marĩ merã ããrĩgũ marĩya dupũ Opũ ããrĩmi irire õãrõ iribu. ¹⁴ Marĩpũ ãgũ turari merã marĩ Opũ Jesucristo boadero pũrũ, ãgũya dupũre masũdi ããrĩmĩ. ãgũrẽ masũderosũta marĩ boadero pũrũ, marĩya dupũdere masũgũkumi.

¹⁵ ¿Ire musã masĩberi? Marĩ Cristoyarã ããrĩmakũ, marĩya dupũ, ãgũya dupũma ããrĩrĩ irirosũ ããrã. Marĩ irasũ ããrĩrã, nomeõ ãma merã ñerõ iririkũrimasõ merã ñerõ irimakũ õãbirigorakõãa. Irasirirã irinorẽ neõ iribirikõãdorea. ¹⁶ ¿Idere musã masĩberi? Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Õmũũ, nomeõ merã marãpokũgũ, pẽrã ããrĩkererã, Marĩpũ ããmakũ su dupũ irirosũta ããrĩrãkuma”, ãrĩ gojasũdero ããrĩbũ. Irasirigũ sugũ ñegõ merã marãpokũmakũ, ãgũya dupũ igoya dupũ merã ããrĩrõ, su dupũ irirosũta ããrã. ¹⁷ Irasũta sugũ marĩ Opũ Jesucristore bũremugũ ãgũ merã pẽrã ããrĩkererã, su dupũ irirosũta ããrĩma. Irasirirã su gũñarĩta opama.

¹⁸ Irasirirã ãma nomerẽ gãmebirarire neõ iribirikõãka! Gaji marĩ ñerõ iririre irirã, marĩya dupũguere ñerõ iribea. Õma ãgũsã marãposã nome ããrĩmerã nomerẽ gãmebirarã gapũ ãgũsã basi ãgũsãya dupũre ñetariro irirã yãma. Cristoya dupũguere ñerõ irirã irirosũ yãma. ¹⁹ ¿Musã ire masĩberi? Marĩpũ marĩrẽ Õãgũ deyomarĩgũrẽ sĩdi ããrĩmĩ. Irasirigũ Õãgũ deyomarĩgũ marĩguere ããrĩmakũ, marĩya dupũ ãgũya wii irirosũ ããrã. Irasiriro marĩya dupũ marĩya dupũgora ããrĩbea. ²⁰ Marĩpũ marĩrẽ bũro maĩgũ, Jesucristore iriudi ããrĩmĩ marĩ ñerĩ iridea wajare wajaridoregũ. ãgũyarã ããrĩburo, ãrĩgũ, irasiridi ããrĩmĩ. Irasirirã marĩ ãgũ wajarinerã ããrĩsĩã, marĩya dupũ merã Marĩpũ gããmerõsũta iriro gããmea gajerãde ãgũrẽ bũremuburo, ãrĩrã.

7

Mojõsiarimarẽ gojadea

¹ Daporare musã yũre sãrẽña gojadeare yũjũgũra. Marãpokũbirimakũ, marãpokũbirimakũ, õãgorãa. ² Irasũ ããrĩkererũ, ããrĩpererogũre ãma nomerẽ gãmebirari ããrã. Irasirirã ãma ãgũsãkũ marãpokũro gããmea, gajerã nome merã ñerõ iriri, ãrĩrã. Nomedede ãgũsãkũ marãpokũro gããmea, gajerã ãma merã ñerõ iriri, ãrĩrã. ³ Marãpokũgũ ãgũ marãpo merã õãrõ ããrĩrikũro gããmea. Igode marãpũ merã õãrõ ããrĩrikũro gããmea. ⁴ Marãpokũgore igoya dupũ igoya dita ããrĩbea. Igo marãpũ gããmerõsũta ãgũ merã ããrĩrõ gããmea. Igo marãpũdere ãgũya dupũ ãgũya dita ããrĩbea. ãgũ marãpo gããmerõsũta igo merã ããrĩrõ gããmea. ⁵ ãsũ iriburo. Igo marãpũ igo merã ããrĩdũamakũ yũjũburo. ãgũde igore yũjũburo. ãgũsã Marĩpũre sãrẽmurã: “Irikũnrĩ marĩ iririkũrinorẽ iribirikõãrã”, ãrĩ ãmuadero pũrũ merẽ irasũ iribirikõãburo. Marĩpũre sãrẽ

odoadero puru, dupaturi ĩgŭsā āārĭrikuderōsŭta āārĭburo doja. ĩgŭsā irasiribirimakŭ, wātĭ ĩgŭsārē gajerā merā ñerō irimakŭ iribokumi.

⁶ Yŭ mŭsārē ire dorerigora irirosŭ werenĭgŭ meta yāa. Mŭsā irasŭ irimakŭ ōārokoa, ārĭgŭ, irasŭ ārā. ⁷ Yŭ āsŭ ārĭ gŭñāa. Āārĭpererā mŭsā yŭ irirosŭta marāpo marĭrā āārĭmakŭ gāāmeadikoa. Marĭpu gapu marĭ āārĭpererārē sŭrosŭ pĭbiridi āārĭmĭ. Surāyerire marāpo marĭmurārē, o marāpu marĭmurārē pĭdi āārĭmĭ. Gajerā gapure marāpokumurārē, o marāpukumurārē pĭdi āārĭmĭ.

⁸ Irasirigŭ mŭsā marāpo marĭrārē, marāpu marĭrārē, wapiweyarā nomerē āsŭ ārā. Yŭ irirosŭ mŭsā marāpokubirimakŭ, o marāpukubirimakŭ ōāgorāa. ⁹ Ŭma, nome merā āārĭduarire nŭgāmerāno marāpokuburo. Nomedē irasŭta iriburo. ĩgŭsā marāpokumakŭ, marāpukumakŭ ōāgorāa. Irasirirā ĩgŭsā nome merā, ũma merā āārĭduari direta gŭñanĭbirikuma.

¹⁰ Marāpokurārē, marāpukurārē yŭ āsŭ dorea. I yŭ doreri āārĭbea. Marĭ Opu ire doredi āārĭmĭ. Āsŭ ārĭ doredi āārĭmĭ: “Nomeō igo marāpure béobirikōāburo”. ¹¹ Nomeō igo marāpure béogo, gajigure marāpukubirikōārō gāāmea. Igo marāpu āārĭdi merā āmubeo, sugota āārĭkōārō gāāmea. Ŭmŭde ĩgŭ marāpore béobirikōārō gāāmea. ĩgŭde ĩgŭ marāpo āārĭdeo merā āmubi, marāpo marĭgŭta āārĭkōārō gāāmea.

¹² Gajerārē yŭ gŭñarĭrē weregura marĭ Opu weredoredea āārĭbirikererŭ. Āsŭ ārā. Sugŭ Jesŭre bŭremugŭ, Jesŭre bŭremubeore marāpokudero puru, igo ĩgŭ merāta dujadŭamakŭ, igore béobirikōārō gāāmea. ¹³ Nomeōde Jesŭre bŭremugō Jesŭre bŭremubire marāpukugo, igo merā ĩgŭ dujadŭamakŭ, ĩgŭrē béobirikōārō gāāmea. ¹⁴ Sugŭ Jesŭre bŭremubi marāpo Jesŭre bŭremugō āārĭmakŭ ĩāgŭ, Marĭpu ĩgŭrē: “Yaagŭ irirosŭ āārĭmĭ”, ārĭ ĩāmi. Irasŭta sugo Jesŭre bŭremubeo marāpu Jesŭre bŭremugŭ āārĭmakŭ ĩāgŭ, Marĭpu igore: “Yaago irirosŭ āārĭmo”, ārĭ ĩāmi. ĩgŭ irasŭ ĩābirimakŭ, ĩgŭsā pŭrā Jesŭre bŭremumerā pŭrā irirosŭ āārĭbokuma. Irasirigŭ ĩgŭsā pŭrādere Jesŭre bŭremurā pŭrā irirosŭ ĩāmi. ¹⁵ Jesŭre bŭremubi gapu ĩgŭ marāpo Jesŭre bŭremugōrē béodŭagu, béoburo. Irasŭta Jesŭre bŭremubeo igo marāpu Jesŭre bŭremugŭrē béodŭago, béoburo. Marĭpu marĭrē gajerā merā gāmekēārō marĭrō ŭsuyari merā āārĭmakŭ gāāmemi. Irasirirā ĩgŭsā béodŭamakŭ ōāgorāa. ¹⁶ Jesŭre bŭremugō, igo marāpu Jesŭre bŭremubire: “Yŭ merā āārĭgŭ, bŭremugukumi”, ārĭmasĭña māa. Irasŭta Jesŭre bŭremugŭ, ĩgŭ marāpo Jesŭre bŭremubeore: “Yŭ merā āārĭgō, bŭremugokumo”, ārĭmasĭña māa.

¹⁷ Āsŭ iriro gāāmea marĭrē āārĭpererā marĭ Opu Jesucristoyarārē. Marĭpu marĭrē Jesŭre bŭremunŭgādoregu siideapoe ĩgŭ marĭrē: “Āsŭ irika!” ārĭ pĭderosŭta iriwāgārō gāāmea. Yŭ irire āārĭperero marārē Jesŭre bŭremurārē dorea. ¹⁸ Marĭpu sugure ĩgŭya dupama gasirogārē* wiirisŭdire siiumakŭ, irasŭta dujaro gāāmea. Irasŭta wiirisŭbire siiumakŭ, wiirisŭbita dujaro gāāmea. ¹⁹ Daporare wiirisŭnerā āārĭrĭ, wiirisŭbirinerā āārĭrĭde wajamāa. Marĭpu dorerire marĭ iriri gapu wajakutarinŭgāa. ²⁰ Irasirirā Marĭpu marĭrē masakakure siideapoe ĩgŭ marĭrē pĭderosŭta iriwāgārō gāāmea.

²¹ Marĭpu mŭsārē siideapoe surāyeri gajerārē moāboerimasā āārĭbŭ. Irasŭ āārĭkererā, mŭsā moāboerimasā āārĭrĭrē gŭñarikubirikōāka! Gajipoe mŭsā oparā mŭsārē wiudŭamakŭ, wirika! ²² Marĭpu mŭsārē marĭ Opu Jesucristore bŭremudoregu siudi āārĭmĭ. Irasirirā surāyeri mŭsā gajerārē moāboerimasā

* **7:18** Gn 17.1-14: Iripoegue Marĭpu Abrahārē ĩgŭ pŭrā ũmarē: “Yaarā āārĭburo”, ārĭgŭ, ĩgŭsāya dupama gasirogārē wiiridoredi āārĭmĭ. Puru iri dorerire Moisére pĭdi āārĭmĭ. Irasirirā judĭo masaka Abraham parāmerā āārĭturiarā iri dorerire irirā, ĩgŭsā pŭrā ũmarē su mojōma pere gaji mojō ũreru pērēbejarinarĭ waaró merā ĩgŭsā deyoadero puru irasŭ yāma.

ãārīkererã, daporare Jesucristoyarã ĩgũ wiunerã irirosũ ããrã ĩgũyare irimurã. Mũsã gajerãrẽ moãboerimasã ãārībirikererã, daporare Jesucristore moãboerã ããrã. ²³ Marĩpũ marĩrẽ ĩgũyarã ãārīburo, ãrĩgũ, ĩgũ magũ Jesucristo boagu dí béodea merã wajaridi ãārĩmĩ. Irasirirã masakare moãboerã irirosũ ãārībirikõãka! Masaka gããmerĩnorẽ iribirikõãka! Marĩpũ gããmerĩ gapure irika! ²⁴ Irasirirã, Marĩpũ mũsãrẽ Jesucristore buremunugãdoregu siudeapoe mũsãrẽ píderosũta ĩgũ merã õãrõ ãārĩnĩkõãka!

²⁵ Daporare mũsã marãpo marĩrãrẽ, marãpũ marĩrãdere wereduakoa. I yũ weréburi marĩ Opũ weredoredea ãārĩbea. Irasũ ãārībirikererũ, yũ basi gũñarĩ merã mũsãrẽ weregũra. Marĩ Opũ yũre bopoñarĩ merã ĩãĩã, yũre iritamumi. Irasirirã mũsã yũ wererire: “Irimakũ õãgorãa”, ãrĩ masĩrãkoa. ²⁶ Daporare marĩrẽ wãri ñerõ tariri ããrã. Irasirirã mũsã ãārīrikũrosũta dujamakũ õãgorãa. ²⁷ Marãpokũrã, marãpokũrã gãme béobirikõãka! Marãpo marĩrã, marãposã nome ãmabirikõãka! ²⁸ Yũ mũsãrẽ irire werekererũ, mũsã marãpokũrã, Marĩpũ dorerire tarinũgãrã meta yãa. Nomeõde marãpokũgo, Marĩpũ dorerire tarinũgãgõ meta yãmo. Irasũ ãārīkererũ, marãpokũrã, marãpokũrã gapũ ĩgũsã okarinũrẽ poyari merã ãārĩrãkuma. Irasirigũ yũ irire: “Poyari merã ãārĩbokuma”, ãrĩgũ: “Marãpo marĩrã, marãpũ marĩrã ãārĩkõãka!” ãrã mũsãrẽ.

²⁹ Yaarã, yũ mũsãrẽ irasũ ãrĩgũ, ãsũ ãrĩduagu yãa. Marĩ i ãmũgue ãārīrikũri pereburo mérõ duyãa. Irasirirã daporare marãpo marĩrã Marĩpũyare õãrõ moãrõsũta marãpokũrãdere õãrõ moãrõ gããmea. Marãpokũrã nome de irasũta Marĩpũyare õãrõ iriro gããmea. ³⁰ Marĩ orekererã, bũjaweremerã irirosũ ãārĩrõ gããmea. Uũyakererã, uũyari merã bosenũ irimerã irirosũ ãārĩrõ gããmea. Gajino wajarikererã: “I yaa ãārĩnĩkõãrokoa”, ãrĩ gũñabirikõãrõ gããmea. Irasirirã, marĩrẽ Marĩpũyare õãrõ iriro gããmea. ³¹ I ãmũma marĩ ĩãrĩ perewãgãrõ yãa. Irasirirã i ãmũmarẽ iridũarire bũro gũñarikũbirikõãrõ gããmea.

³² Yũ mũsãrẽ gũñarikũro marĩrõ ãārĩmakũ gããmea. Marãpo marĩgũ, marĩ Opũyare õãrõ gũñami. Irasirigũ ĩgũrẽ uũyamakũ gããmegũ, ĩgũyare õãrõ yãmi. ³³ Marãpokũgu gapũ ĩgũ marãpo õãrõ uũyari merã ãārĩmakũ gããmegũ, i ãmũmarẽ gũñami. ³⁴ Irasirigũ marĩ Opũ gããmerĩrẽ, ĩgũ marãpo uũyamakũ gããmerĩ gapũdere gũñami. Nomedere irasũta ããrã. Marãpũ marĩgõ marĩ Opũyare õãrõ gũñamo. Igo gũñarĩ merã Marĩpũyago õãrõ ãārĩduago, ĩgũ gããmerõsũta iridũamo. Marãpokũgo gapũ igo marãpũ õãrõ uũyari merã ãārĩmakũ gããmegõ, i ãmũmarẽ gũñamo.

³⁵ Yũ mũsãrẽ õãrõ waaburo, ãrĩgũ, marĩ Opũ gããmerĩ direta keoro iridoregu ire gojãa. Mũsãrẽ marãpokũrẽ, marãpokũrẽ kãmutagu meta yãa.

³⁶ Sugũ ĩgũ magõ búro waamakũ ĩãgũ, ãsũ ãrĩbokumi: “Yũ magõrẽ õãrõ iribirikõa. Igo marãpokũmakũ õãbokõa”, ãrĩbokumi. Irasũ ãrĩgũ nome-sukõãburo. Irasiriri, ñerõ iriri ãārĩbea. ³⁷ Gajigũ gapũ: “Nomesuro gããmekõa”, ãrĩbiribokumi. ãsũ gapũ ãrĩbokumi: “Yũ magõ marãpokũbirikõãburo”, ãrĩbokumi. ĩgũ irasũ ãrĩmakũ, igore õãrõ waabokõa. ĩgũ irasũ iridũari õãgorabokõa. ³⁸ Magõrẽ marãpokũdoregu, õãrõ irigũ yãmi. Irota marãpokũdorebi gapũ nemorõ õãrõ iritarinũgãgũ yãmi. Daporare marĩrẽ wãri ñerõ tariri ããrã. Irasiriro marãpokũbirimakũ, marãpokũbirimakũ nemorõ õãa.

³⁹ Marĩpũ marĩrẽ doreri ãsũ ãrã. Marãpokũgo igo marãpũ okamakũ, ĩgũ merã ãārĩnĩkõãburo. ĩgũ boadero pũrugue, gajigũ igo suyugure marãpokũmasĩgokumo ĩgũ Jesũre buremugũ ãārĩmakũ. ⁴⁰ Yũ gapũ ãsũ ãrĩ gũñãa. Igo dupaturi marãpokũbeo, nemorõ uũyabokumo. Yũde, gajerã

m̄sārē buerimasā irirosū Ōāgū deyomarīgūrē opáa. Irasirigū irire werea m̄sārē.

8

¿Keori weadea p̄ro baari pídeare baamakū ōākuri? ārī gojadea

¹ Dapora m̄sā: “¿Keori weadea p̄ro baari pídeare baamakū ōākuri?” ārī sērēñadeare ȳjuḡura. M̄sā irire masīa. Īgūsā b̄remurī weadea neō wajamāa. Irasirirā: “Ḡua tamerā ōārō masīa”, ārī gūñarā, gajerārē masītarinuḡad̄uarā irirosū yāa. Gajerārē maīrā, āsū gap̄u iriro gāāmea. Nemorō Īgūsārē Marīp̄uyare b̄remunemomakū iriro gāāmea. ² Suḡu: “Masīpeokōāa”, ārīgūno, ōārō masībemi. Wári d̄uyāa Īgū masībiri. ³ Marīp̄u Īgūrē maīgū gap̄ure masīmi. “Yaagū āārīmi, Īgūrē masīa”, ārīmi.

⁴ Irasirigū ȳ m̄sārē keori weadea p̄ro baari pídea baarire wereḡura. Diayeta āārā. Īgūsā b̄remurī weadea neō wajamāa. Gajigū, Marīp̄u irirosū āārīgū neō mámi. Īgū suḡuta āārīmi. ⁵ Gajerā masaka Īgūrē b̄remumerā wārā gajerānorē b̄remuma. Ūmarōgue āārīrārē, i ūm̄gue āārīrārē b̄remuma. “Marī b̄remurā, marī oparā āārīma”, ārī b̄remuma. ⁶ Marīp̄u suḡuta āārīpererire iridi āārīmi. Irasirirā marī Īgūyarā āārīsīā, Īgū dorerire irimurā āārā. Irasū āārīmakū, Jesucristo suḡuta marī Op̄u āārīmi. Īgū merā Marīp̄u āārīpererire iridi āārīmi. Īgū merā marīdere Īgūyarā āārīmakū iridi āārīmi. Irasirirā Īgū merā āārīnīkōārākoa.

⁷ Ȳ wereri diaye āārīkerep̄ur̄u, surāyeri Jesúre b̄remurā irire masībema. Iripoegue keori weadeare b̄remunerā āārīsīā, daporadere iri keori weadea p̄ro baari pídeare baarā: “Marī b̄remunerā keori weadeare b̄remurā yāa”, ārī gūñadima. Irasirirā ōārō masīmerā irire baarā: “Ñerō irirā yāa”, ārī gūñadima. Irasū gūñakererā, irire baakōāma. ⁸ Marī irire baarā, Marīp̄u merā nemorō ōārō āārīmasībirikoa. Gajerā nemorō ōārā waabirikoa. Irire baamerāde, gajerā nemorō ñerā waabirikoa. ⁹ Irasū āārīkerep̄ur̄u, ōārō pémasīka! M̄sā noó gāāmerō baarā, gajigū Jesúre b̄remuturabire ñerō irimakū iribirikōāka! ¹⁰ Āsū āārā. “Īgūsā b̄remurī keori weadea neō wajamāa”, ārī masīa. Irasirirā iri keori weadeare b̄remurīmasā baarogue baarā: “Ōābea”, ārī gūñabea. Jesúre b̄remuturabi gap̄u, m̄sā irogue baamakū Īgū: “Irogue baarā, Marīp̄ure b̄remubema”, ārī gūñabokumi. Irasū ārī gūñakeregū, m̄sārē ĩākūī, Īgūde baakōābokumi. Irasū baagū: “Ñerō irigū yāa”, ārī gūñabokumi. Īgū irasū gūñamakū, m̄sā Īgūrē ñerō irimakū irirākoa. ¹¹ M̄sā ōārō masīrā irogue baarā, gajigū ōārō masībi gap̄ure ñerō irimakū iribokoa. Cristo Īgūdere boabosadi āārīmi. Irasirirā m̄sā baari merā Cristoyaḡure poyanorēbokoa. ¹² Irasū āārīmakū, gajigū ōārō masībire: “Irire baamakū ñegorāa”, ārī gūñakeregū irire baamakū irirā, Cristodere ñerō irirā yāa. ¹³ Irasirigū ȳ baari merā gajigū Cristoyaḡure ñerō irimakū iribokoa, ārīgū, iri baarire neō dupaturi baabirikoa.

9

Jesús buedoregū pídi Īgū wajatarimarē gojadea

¹ Jesucristo ȳre Īgūyare buedoregū pídi āārīmi. Irasirigū ȳde gajerā Īgū buedoregū pínerā irirosūta irimasīa. Ȳde marī Op̄u Jesúre ĩādita āārā. Irasū āārīmakū, ȳ m̄sārē Īgūya kerere buemakū pérā, Īgūrē b̄remunuḡāb̄u. ² Gajerā ȳre: “Īgū Jesús buedoregū pídi meta āārīmi”, ārī werew̄akererep̄ur̄u, m̄sā gap̄u irasū ārībea. Ȳ buemakū pérā, m̄sā Jesúre b̄remub̄u. Irasirirā Īgūrē b̄remurā āārīsīā, ȳre: “Īgū Jesús buedoregū pídi āārīmi”, ārī masīa.

3 Yure werewuarārē āsū ārī yujugura. 4 Y_u musārē bueri waja, musā yure baari ejo, iiriri tīāmakū ñeāmasīa. 5 Gajerā Jesús buedoreg_u pīnerā, ĩgū pagupūrā, Pedrosā buegorenarā, ĩgūsā marāposā nomerē āīānama. ĩgūsā irirosūta y_ude Jesucristore buremugōrē marāpokug_u āīānabokoa. 6 ¿Naāsū gūñarī musā? Gajerā Jesús buedoreg_u pīnerā musārē buerā, ĩgūsā baaburire moā wajatabema. ¿Nasirirā y_u, Bernabé musārē buerā, g_ua baaburire wajataduarā, moāduumasībirikuri? 7 Surara ĩgū baaburi waja ĩgū basi wajaribirikumi. ĩgū surara moārī waja ĩgū oparā gap_u irire wajaribosakuma. Iguidari otedi, ĩgū otedea dukare tea, baamasīkumi. Ovejare koreg_ude, ĩgūsāya ũpīkure bipi, iirīmasīkumi. 8 Y_u musārē irasū ārīgū, masaka gūñarī merā werebea. Y_u ārīrōsūta Marīp_u doreri gojadea pūgue āsū ārī gojasūdero āārībú: 9 “Wek_u trigo yeri gasirire ĩgūya guburi merā kura koro, trigore baad_ug_u baaburo. ĩgūya disi túsārī berore túsābirikōāka!” ārī gojasūdero āārībú. Marīp_u irire doreg_u, wek_uayama direta ārīgū meta iridi āārīmí. 10 Irire doreg_u, g_ua ĩgūya kerere buerāya āārīburire ārīgū iridi āārīmí. Āsū āārā. Sug_u oteburore āmukumi. P_ur_u gajig_u iro otedea dukare seakumi. Irasirirā iri otedea dukare dukawaburire gūñarā, pērāgueta oārō moākuma. 11 G_ua musārē Marīp_uya werenírīrē buerā, oterimasū ĩgū oteri yerire oteg_u irirosū irib_u. Oterimasū ĩgū moārī waja, ĩgū otedea dukare seamasīkumi ĩgūya āārīburire. Irasiriro, g_ua musārē bueri waja, musā g_uaya āārīburire gajino g_uare sīmakū oābokoa. 12 Musā g_uare sībirikererā, gajerā buerā musārē sērēmakū, ĩgūsā gap_ure sīyuro. G_ua gap_u ĩgūsā nemorō sērēmasīa musārē bueri waja.

G_ua musārē: “Sīka!” ārībonerā āārīkererā, neō irasū ārībea. “ĩgūsā Cristoya kerere péduabiribokuma g_ua ĩgūsārē gajinorē sērēmakū”, ārī gūñab_u. Irasirirā g_ua gāāmerīrē opabirikerep_ur_u, musārē neō sērēbirib_u. 13 Musā ire masīa. Marīp_uya wiigue moārīmasā, Marīp_ure buremurā waib_u díi āiri sīdeare baama ĩgūsā iroque moārī waja. Iri wiima waimurārē wējē sopeoro p_uro moārāde irireta baama. 14 I irirosūta marī Op_u ĩgūya kerere wererāya āārīburire āsū ārīdi āārīmí: “ĩgūsā moārī merā ĩgūsā baaburire wajata baaburo”, ārīdi āārīmí. 15 Irasū āārīkerep_ur_u, y_u gap_u musārē: “Sīka!” neō ārībirib_u. Daporadere gojag_u, musārē gajino sērēgū meta gojāa. Ŭaboari merā boakereg_u, musārē buedea waja neō wajaseabirikoa. Irasirig_u wajamarīrō musārē us_uyari merā buea. Y_u musārē buedea waja merā neō wajata baabirikoa.

16 Marīp_u yure ĩgū masakare tauri kerere weredoreg_u pídi āārīmí. Irasirig_u y_u iri kerere wereg_u: “Gajerā nemorō masītarinugāgū āārā”, neō ārī gūñabea. Iri kerere werebi, b_uro b_ujawereri merā ñerō taribokoa. 17 Iri kerere y_u basi y_u gūñarī merā bueg_u, wajatabokoa. Marīp_u yure dorederosūta iri kerere bueg_u, ĩgū yure pídea gap_ure irig_u yāa. ĩgū yure píderosūta iriro gāāmea. Gaji gap_ure neō irimasīña máa. 18 Irasirig_u Jesucristoya kerere bueg_u, y_u bueri waja musārē: “Wajarika!” ārī sērēbuno āārīkereg_u, irire neō sērēbirib_u. Y_u irasirimakū, y_u wajatari āsū āārā: “Jesucristo ĩgūrē buremurārē taug_ukumi”, ārīrī kerere wajamarīrō bueg_u, oārō us_uyari merā āārā. Irita āārā y_u wajatari.

19 Masakare moāboeg_u neō āārībirikereg_u, āārīpererārē moāboeg_u irirosū irig_u yāa, ĩgūsā Jesucristoya kerere péburo, ārīgū. Wārā ĩgūrē buremumakū gāāmegū, irasū yāa. 20 Irasirig_u yaarā judío masaka merā āārīgú, ĩgūsā oārī iririkurosūta yāa, ĩgūsā Jesús buremumakū gāāmegū. Āsū āārā. ĩgūsā Moisés dorere buremuma. Y_u Moisés doreri direta buremugū āārībirikereg_u, ĩgūsā merā āārīgú, ĩgūsā iririkurosūta yāa, y_u buerire pémakū gāāmegū. 21 Moisés dorere buremumerā merā āārīgú, ĩgūsā oārī iririkurosūta yāa, ĩgūsāde Jesús buremumakū gāāmegū. Irasirikereg_u, Cristore buremusīa, Marīp_u

dorerire tarinugābea. ²² Jesúre b̄remuturamerā merā āārīgū, ĩgūsā ōārī iririkurosūta yāa, ĩgūsāde Jesúre b̄remunemoburo, āārīgū. “M̄sā nemorō Jesúre b̄remugū, ĩgūyare masīpeogu āārā”, neō āārībea ĩgūsārē. Irasirigu āārīpererā ōārī iririkurosūta yāa: “Surāyeri yu buerire pērā, tausūrākuma”, āārīgū. ²³ I āārīpererire irasū yāa: “Jesucristo ĩgūrē b̄remurārē taugukumi”, āārī kerere ĩgūsā ōārō p̄buro, āārīgū. ĩgūsā iri ōārī kerere b̄remumakū ĩāgū, yu ĩgūsā merā b̄uro us̄yāa.

²⁴ M̄sārē i keori merā āsū āārī werea. Ūma birarimasā, āārīpererā ūmakererā, wajataperebirikuma. Ūmaturagu dita wajatakumi. Irasirirā, wajatadugū b̄uro ūmaderosūta m̄sāde Marīp̄u gāāmerīrē ōārō irika, ĩgū sīburire wajatamurā! ²⁵ Āārīpererā ūma biramurā ĩgūsā ūmaburi dupuyuro ōārō ūma buekuma. Āārīpereri ĩgūsāya dup̄are poyanorērīrē pirikōākuma. Olivo wāik̄dima pūrī merā iridea berore wajataduarā, irasū ūma buekuma. P̄ru gajerārē ĩmurā, wajatadiya dipurugue iri berore peokuma. Iri bero mata boakōākoa. Marīde Marīp̄uyare ōārō buero gāāmea. N̄erīrē pirikōā, ĩgū gāāmerī gap̄are iriro gāāmea, ĩgū sīburire wajatamurā. ĩgū sīrī neō boabirikoa. ²⁶ Irasirigu yu gap̄u, ūma birarimasū ĩgū noō gāāmerō ūmagū irirosū iribeā. Yu gāāmerō irimoāmabea. Marīp̄uyare masīsā, ĩgū gāāmerīrē irigu yāa. ²⁷ Irasirigu yu iriduarire, yu uaribejarire iribeā. Yu iriduarire irimakū, gajerārē Marīp̄uyare buedi āārīkerer̄u, Marīp̄u ȳre: “Ōārō irib̄u”, āārībiribokumi.

10

Keori weadeare b̄remubirikōāka! āārī gojadea

¹ Yaarā, m̄sārē irire masīmakū gāāmea. Marīp̄u, guā n̄ekūsāmarā merā āārīdi āārīmī ĩgūsārē Egiptogue āārīrārē āi wiugu. ĩgū iriudea mikāyebō merā ĩgūsārē dupuyudi āārīmī. Āārīpererā ĩgūrē t̄yarā, dia wādiya, deko diidiya wāik̄diya dekogue, bojori maā ĩgū iridea maague taribujanerā āārīmā. ² ĩgūsā Moisés merā mikāyebō doka, dia wādiyare taribujanerā āārīmā. Iro taribujarā, āārīpererā ĩgū merā wādiya dekogue wāiyesūrā irirosū waanerā āārīmā. Iri merā ĩgūyarā āārīrīrē ĩmunerā āārīmā. ³ ĩgūsā āārīpererā Marīp̄u sīdea ūm̄ugasima baarire baanerā āārīmā. ⁴ Āārīpererā Marīp̄u ūtāyegue deko wiridoredeare iirīnerā āārīmā. Cristo iri ūtāye irirosū āārīdi āārīmī. ĩgūta okari sīdi āārīmī. Irasirigu ĩgūta ĩgūsārē wapik̄uwāgādi āārīmī. ⁵ Marīp̄u ĩgūsārē ōārō iritamukerep̄ru, wārā ĩgū dorerire tarinugānerā āārīmā. ĩgūsā irasirimakū ĩāgū, Marīp̄u ĩgūsārē ĩāsuyubiridi āārīmī. Irasirigu ĩgūsārē masaka marīrōgue boamakū irīdi āārīmī ĩgū dorerire tarinugādea waja.

⁶ Āārīpereri ĩgūsārē waadea kere, marīrē ĩgūsā iriderosū n̄erīrē iribirikōāburo, āārī keori pīdea āārā. ⁷ Irasirirā, keori weadeare surāyeri ĩgūsā b̄remuderosū b̄remubirikōāka! Keori weadeare ĩgūsā b̄remudeare Marīp̄uya werenīrī gojadea pūgue āsū āārī gojasūdero āārībū: “Masaka baa, iirī odo, bosenu irinugānerā āārīmā”, āārī gojasūdero āārībū. ⁸ P̄ru surāyeri ūma nomerē n̄erō iri gāmebiranerā āārīmā. ĩgūsā iriderosū iribirikōārō gāāmea marīrē. ĩgūsā n̄erō iriri waja, sunarē veintitrés mil masaka boanerā āārīmā. ⁹ Gajipoe gajerā: “Marīp̄u guare ōārō korebemi”, āārī werew̄uanerā āārīmā. ĩgūsā āārīderosū āārībirikōārō gāāmea marīrē. ĩgūsā n̄erō werenīrī waja ĩgūsārē āāna kūrī wējēnerā āārīmā. ¹⁰ Gajipoe gajerā ĩgūsā Marīp̄u irideare n̄erō āārī werew̄uamakū, Marīp̄ure wereboegu ĩgūsārē wējēdi āārīmī. ĩgūsā āārīderosū āārībirikōārō gāāmea marīrē.

11 Marĩrẽ inu marãrẽ i ãmu pereburo mérõgã duyawãgãriro yáa. Irasirigu Marĩpu ãgũya werenĩrĩ gojadea pũgue gũa ñekũsãmarãrẽ ãgũ wajamoãdeare gojadoredi ããrĩmĩ, ãgũsã iriderosũ ñerõ iribirikõãburo, ãrĩgũ. 12 Sugũ: “Yũ tamerã Marĩpũre õãrõ bũremusiã, ñerõ iribirikoa”, ãrĩ gũñagũno, õãrõ pémasĩka, iripoegue marã iriderosũ ñerĩrẽ iriri, ãrĩgũ! 13 Gajipoere marĩ ããrĩpererã sugũ duyaro marĩrõ ñerĩrẽ iriduarã, wãtĩ ñerĩ ãrĩmesãsũrã, ñerõ tarirã ããrã. Irasũ ããrĩkererũ, Marĩpu gapũ ãgũ ãrĩderosũta marĩrẽ iritamunĩkõãmi ñerĩrẽ tarinũgãburo, ãrĩgũ. Marĩ ñerĩrẽ tarinũgãnemomasĩbirimakũ ããgũ, gaji ñerĩrẽ tau kãmutagũkumi marĩrẽ poyanorẽrĩ, ãrĩgũ. Irasirigu marĩrẽ ãgũ merã gũñaturamakũ irigũkumi ñerĩrẽ iribirikõãburo, ãrĩgũ.

14 Yaarã yũ maĩrã, yũre péka! Neõ keori weadeare bũremubirikõãka! 15 Mũsã õãrõ pémasĩrã ããrĩmakũ, irire mũsãrẽ werea. Irasirirã yũ ãrĩrĩrẽ: “Diayeta ããrã”, ãrĩ masĩa. 16 Marĩ nerẽ bokatĩrĩrã Marĩpũre: “Õãa”, ãrĩ, usũyari sĩ odo, igui deko iirĩripare iirĩa. Irasũ iirĩrã: “Cristo boagũ, marĩ ñerĩ iridea wajare ãgũ dí béodea merã wajaribosadi ããrĩmĩ”, ãrĩ ãmua. Pãrũrẽ marĩ dukawa baarã: “Cristo ãgũya dupũ curusague boadea merã marĩrẽ ãgũyarã ããrĩmakũ iridi ããrĩmĩ”, ãrĩ ãmua. 17 Marĩ wãrã ããrĩkererã, suru pãrũrẽ dukawa baarã, ããrĩpererã marĩ Cristoyarã su dupũta irirosũ ããrã. Irasirirã sugũyarãta ããrã.

18 Gũayarã Israel marã Moisés dorederosũta iririre gũñaka! Marĩpũre bũremurã, ãgũya wiigue waibũre ããa wẽjẽ soema. Wẽjẽ soe odo, Marĩpu iũrõ díire baama. Irasũ baarã: “Marĩpũyarã ããrã”, ãrĩ ãmuma. 19 Yũ ire irasũ ãrĩgũ: “Keori weadea wajakũa, irasiriro iri keori weadea pũro waibũ díĩ pídea, gaji waibũ díĩ nemorõ ããrã”, ãrĩgũ meta yáa. 20 ãsũ gapũ ãrĩ werea. Marĩpũre masĩmerã, keori weadea pũro waibũ díĩ píra, Marĩpũre bũremubema. Wãtẽa gapũre bũremurã yáma. ãgũsã irasũ bũremumakũ, ãgũsã bũremurĩ wiigue mũsã ãgũsã merã baarã: “Wãtẽayarã ããrã”, ãrĩ ãmurã irirosũ yáa. Mũsã irasirimakũ, neõ gããmebea. 21 Marĩ Opũ Jesucristoyarã ããrĩsĩã, ãgũrẽ bũremurã nerẽ bokatĩrĩrã, igui deko iirĩripare iirĩ, pãrũrẽ dukawa baãa. Gajerã ãgũsã keori weadeare bũremurã iirĩri, waibũ díĩ ãgũsã baari, wãtẽaya ããrã. Irasirirã marĩ Opũ Jesúyare baarã, wãtẽayare baamasĩbea. Irasũta wãtẽayare baarã, Jesúyare baamasĩbea.

22 Marĩ Opũ ãgũyarãrẽ ãgũ direta bũremumakũ gããmemi. Irasirirã marĩ wãtẽãrẽ bũremurã, marĩ ãgũrẽ guamakũ iribokoa. ãgũ guamakũ, marĩ ãgũrẽ tarinũgãmasĩbirikoa. Marĩrẽ wajamoãburire kãmutamasĩbirikoa.

Marĩpu gããmerĩ direta irika! ãrĩ gojadea

23 Masaka surãyeri ãsũ ãrĩ werenĩma: “Marĩ iriduarire noó gããmerõ irimasĩa”, ãrĩ werenĩma. ãgũsã irire irasũ ãrĩkererũ, ããrĩpereri marĩ iriduarire irirã, gajerãrẽ iritamurã meta yáa. Noó marĩ gããmerõ irirã, gajerãrẽ Marĩpũre bũremunemomakũ iribiribokoa. 24 Marĩya ããrĩburi direta gũñabirikõãrõ gããmea. Gajerãya ããrĩburidere gũñarõ gããmea.

25 Irasirirã baari duarogue baarire wajariã, noó gããmerõ wajari baaka! “¿I baari keori weadea pũroge pídea ããrĩrĩ?” ãrĩ sãrẽñabirikõãka: “Irire baarã, ñerõ irirã yáa”, ãrĩ gũñarĩ, ãrĩrã! 26 Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “ããrĩpereri i ãmuma, marĩ Opũya ããrã”, ãrĩ gojasũdero ããrĩbũ. Irasirirã ããrĩpereri ãgũ baari pídeare baamasĩa.

27 Jesúre bũremubi mũsãrẽ baadoregũ siiumakũ, waaduarã waaka! Baarã waarã, mũsãrẽ ãgũ ejorire baaka! “¿I baari, keori weadea pũroge pídea ããrĩrĩ?” ãrĩ sãrẽñabirikõãka: “Irire baarã, ñerõ irirã yáa”, ãrĩ gũñarĩ, ãrĩrã!

28 Gajigũ iro ããrĩgũ ãsũ ãrĩbokumi mũsãrẽ: “I baari, keori weadea pũroge

pídea díí ããrã”, ãrĩbokumi. Īgũ irasũ ãrĩmakũ, iri díire baabirikõãka! Īgũ, musã baamakũ: “Ñerĩrẽ irirã yáa”, ãrĩ gũñabokumi. Īgũ irasũ ãrĩ gũñabirikõãburo, ãrĩrã, irire baabirikõãka! ²⁹ Yũ irire ãrĩgũ, Īgũ gũñarĩrẽ werenígũ yáa. Musã gũñarĩrẽ wereníbea.

Musã gapũ ãsũ ãrĩ sērēñabokoa yũre: “¿Nasirirã, gajigu diaye gũñabiri waja, gũa iridũarire gorawayubokuri? ³⁰ Gũa baarire Marĩpũre: ‘Õãã’, ãrĩ, usũyari sĩmakũ, gajigu gũa baarire werewũamasĩbemi”, ãrĩbokoa musã yũre. ³¹ Yũ gapũ ãsũ ãrĩ werea musãrẽ. Musã baa, iirirã, gajinorẽ irirãde, Marĩpũ gããmerĩ direta irika, gajerãde ĩgũrẽ: “Õãtarigu ããrĩmi”, ãrĩ bũremuburo, ãrĩrã! ³² Neõ musã iriri merã judío masakare, judío masaka ããrĩmerãrẽ, Marĩpũyarãdere ñerõ irimakũ iribirikõãka! ³³ Yũ irirosũ irika! ããrĩpereri yũ iriri merã masaka ããrĩpererãrẽ õãrõ iridũãã. Irasirigu õãrõ yũ ããrĩburi direta gũñabea. Gajerãya ããrĩburi gapũre õãrõ gũñãã, ĩgũsãde Jesucristore bũremuburo, ãrĩgũ. ĩgũrẽ bũremumakũ, ĩgũsãrẽ taugũkumi, peamegue waabirikõãburo, ãrĩgũ.

11

¹ Irasirirã yũ Cristore iritũyarusũta musãde yũre iritũyaka!

Jesúre bũremurã nerẽrõgue nome iririmarẽ gojadea

² Yãarã, yũre musã gũñamakũ, ããrĩpereri yũ buedeare keoro irimakũ ĩãgũ, musãrẽ: “Õãrõ yáa”, ãrĩ, usũyari merã werea. ³ Gaji musãrẽ masĩmakũ gããmea. Cristo, ããrĩpererã ãma dipuru ããrĩmi. Ũmãũ, marãpore igo dipuru ããrĩmi. Marĩpũ, Cristo dipuru ããrĩmi. ⁴ Musã Marĩpũre bũremurã nerẽmakũ, sugũ Marĩpũre sērẽgũ, Marĩpũ ĩgũrẽ weredoredeare weregũ, ĩgũya dipurure bũñabirikumi. ĩgũya dipurure bũñagũ, gũyasĩũrõ irigu iribokumi. Cristore ĩgũ Opũre gopeyari merã bũremubiribokumi. ⁵ Nomeõ gapũ Marĩpũre sērẽgõ, Marĩpũ igore weredoredeare werego, igoya dipurure bũñakumo. Igoya dipurure bũñabeo, gũyasĩũrõ irigo iribokumo. Marãpũre igo dipurure gopeyari merã bũremubiribokumo. Poari pera wũñabéodeo irirosũ ããrĩbokumo. ⁶ Igoya dipurure bũñadũabirimakũ, diayeta igoya poarire pera wũñabéokõãrõ gããmea. Igoya poarire pera wũñabéodũabeo: “Gũyasĩũgorãã”, ãrĩgõ, igoya dipurure bũñaburo. ⁷ Ũmãũ gapũ Marĩpũ irirosũ opũ ããrĩsãã, ĩgũya dipurure bũñabirikõãburo, Marĩpũ yũ Opũ ããrĩmi, ãrĩ ĩmubu. Nomeõ gapũ igoya dipurure bũñaburo, ãmãũ yũ opũ ããrĩmi, ãrĩ ĩmubo. ⁸ Neõgoraguere Marĩpũ ãmãũrẽ irigu, nomeõya gõã merã iribiridi ããrĩmĩ. Nomeõ gapũre ãmãũya gõã merã iridi ããrĩmĩ. ⁹ Irasirigu ãmãũrẽ irigu, nomeõrẽ iritamubure iribiridi ããrĩmĩ. Nomeõ gapũre, ãmãũrẽ iritamubore iridi ããrĩmĩ. ¹⁰ Irasirirã musã Marĩpũre bũremurã nerẽrõguere, nome ĩgũsãya dipure bũñaro gããmea. Irasũ bũñarã, ãmãũ dorerire õãrõ yũjũrere ĩmurãkuma. ĩgũsã irasiririre Marĩpũre wereboerã ĩãrãkuma. ¹¹ Irasũ ããrĩkererũ, marĩ Jesucristore bũremurã gãme iritamua. Ũma, nome iritamurĩ marĩrõ ããrĩmasĩbirikuma. Nomedede ãma iritamurĩ marĩrõ ããrĩmasĩbirikuma. ¹² Diayeta ããrã. Marĩpũ nomeõrẽ ãmãũya gõã merã iridi ããrĩmĩ. Ide diayeta ããrã. Ũma, nome merã deyoama. Irasirirã ããrĩpererã masaka: ãma, nome de Marĩpũ irinerã ããrĩma.

¹³ I ããrĩpereri diayeta ããrĩmakũ, ¿musã basi naásũ gũñarĩ? Musã Marĩpũre bũremurã nerẽrõgue, nomeõ igoya dipurure bũñabeota, Marĩpũre sērẽmakũ ¿õãrĩ, o õãberi? ¹⁴ Ũmãũ poañapu ãmamakũ gũyasĩũgorãã. ããrĩpererã masaka irire masĩma. ¹⁵ Nomeõ poañapu ãmagõ ããrĩmakũ: “Õãgorãã”, ãrã. Igo poañapu ãmamakũ, igoya dipuru bũñaro irirosũ ããrã. ¹⁶ Yũ werenĩrĩrẽ: “Irasũ ããrĩbea”, ãrĩ guaseodũagũnorẽ ãsũ ãrĩ weregũra. Marĩ Jesúre bũremurã, gajerã Marĩpũyarãde irire irasũ dita yáa.

Marĩ Opũ Jesucristo boadeare gũñarã, ïgũ nerẽ baadorederosũ keoro iribiri-dea

¹⁷ Dapora musãrẽ gaji gojáa. Irire gojagu, yũ musãrẽ: “Õãrõ irirã yáa”, ãrĩbea. Musã nerẽrã, õãrõ iriboanerã, ubu gapũ poyanorẽayuro. ¹⁸ Irasirigũ ãsũ ãrĩ werepũrorigũra musãrẽ. Musã nerẽrã, gãme guaseo dukawariayuro. Gajerã yũre irire weremakũ pégu: “Diayeta ããrĩkoa”, ãrĩ gũñáa. ¹⁹ Musã gãme dukawarirã, ãsũ ãrĩ gũñakoa: “Marĩrẽ gãme dukawariro gããmea. Irasirirã, ¿noã gapũ Jesucristoyarãgora ããrĩrĩ? ãrĩ masĩrãkoa”, ãrĩkoa. ²⁰ Irasirirã musã gãme dukawariri waja, musã marĩ Opũ Jesucristo boadeare nerẽ gũñarã, ïgũ buerã merã baatũnugũ dorederosũ keoro iirĩ, baabea. ²¹ Musã nerẽ baarã, surãyeri noó gããmerõ baapũrorikõãa. Gajerã ãboama. Gajerã mejãma. ²² Musã noó gããmerõ iirĩ, baadũarã, ¿nasirirã musãya wiirigue baa, iirĩberi? Musã Marĩpũyarã ããrĩkererã, noó gããmerõ baa, iirĩrã, musã nerẽrĩrẽ wajamarĩrõsũ irirã yáa. Musã watopegue ããrĩrã baari opamerãrẽ gũyasĩũrõ tarimakũ irirã yáa. Musã irasiriri kerere pégu, ¿naásũ ãrĩ weregũkuri yũ musãrẽ? “Õãrõ irirã yáa”, ãrĩbirikoa.

Marĩ Opũ Jesucristo ïgũ buerã merã baatũnudeare gojadea

²³⁻²⁴ Marĩ Opũ Jesucristo yũre buedeare yũ musãrẽ werebũ. Iri ãsũ ããrã. ïgũrẽ wẽjẽdũarãguere ïgũrẽ Judas ïmuburi dupuyuro ma ñamita marĩ Opũ Jesucristo pãrũrẽ ãrĩ, Marĩpũre: “Mũrẽ ãsũyari sĩa”, ãrĩ, irirure pea, ïgũ buerãrẽ: “I yaa dupũ ããrã”, ãrĩ gueredi ããrĩmĩ. “Irasirirã yũ musã merã dapora iriaderosũ nerẽ, pãrũrẽ baarikũ, yũ musãrẽ boabosarire gũñaka!” ãrĩdi ããrĩmĩ. ²⁵ ïgũsã baa odoadero pũru, pãrũrẽ ããrĩderosũta iirĩripare ãrĩ, ãsũ ãrĩdi ããrĩmĩ: “Yũ musãrẽ boabosagu yaa dí béori merã Yũpũ musãrẽ: ‘Õãrõ irigũra’, ãrĩdeare iriyuwarikũgũkumi. Irasirirã musã nerẽ, iirĩripare iirĩrikũ, yũ dí béobosarire gũñaka!” ãrĩdi ããrĩmĩ. ²⁶ ïgũ ããrĩderosũta irirã, marĩ nerẽrã, pãrũrẽ baarikũ, iirĩripare iirĩrikũ: “Marĩ Opũ Jesucristo marĩrẽ boabosadi ããrĩmĩ”, ãrĩ ïmurãkoa. Irire irinĩkõãrõ gããmea. ïgũ i ãmũgue dupaturi aarimakũ, irire irinemobirikoa.

Marĩ Opũ Jesucristo boadeare gũñarã, ãsũ iridorea, ãrĩ gojadea

²⁷ Marĩ Opũ Jesucristo boadeare marĩ nerẽ gũñaripoe Marĩpũre bũremurĩ marĩrõ merã pãrũrẽ baa, iirĩripare iirĩgũno ñerõ irigũ yámi. Jesucristo marĩrẽ boabosagu dí béodeare ubu ããrĩrĩ irirosũ gũñami. ²⁸ Irasirirã pãrũrẽ baa, iirĩripare iirĩburi dupuyuro masakakũ marĩ irideare: “Ñerõ irikubũ”, ãrĩ gũñapũroriro gããmea. ²⁹ Marĩ Opũ Jesucristoya dupũ ããrĩrĩrẽ pémasĩrõ marĩrõ merã pãrũrẽ baa, iirĩripare iirĩmakũ, Marĩpũ marĩrẽ wajamoãgũkumi. ³⁰ Musã irire pémasĩbiridea waja wãrã musã merãmarã pũrĩrikũrã, turamerã ããrĩma. Surãyeri boakõãsiama. ³¹ Marĩ baa, iirĩburi dupuyuro marĩ irideare: “Ñerõ irikubũ”, ãrĩ gũñapũrorimakũ, marĩ Opũ marĩrẽ wajamoãbirikumi. ³² Marĩ Opũ gapũ marĩrẽ ïgũyarãrẽ marĩ ñerĩ iririre piriburo, ãrĩgũ, wajamoãmi. Irasirigũ ïgũrẽ bũremumerãrẽ peamegue waadore, marĩ gapũre ïgũsã merã wajamoãbirikumi.

³³ Irasirirã yaarã, musã nerẽ baarã, suro merã baamurã gajerãdere yúka! ³⁴ ãboagũno ïgũya wiigue baaburo. Irasirimakũ, musã õãrõ nerẽ baamakũ, Marĩpũ musãrẽ wajamoãbirikumi. Gajire musã pũroguẽ waagũ, õãrõ were ãmũgũra.

12

Õãgũ deyomarĩgũ Marĩpũyare marĩrẽ irimasĩmakũ iririre gojadea

¹ Yaarã, Õägũ deyomarĩgũ Marĩpuyare marĩrẽ irimasĩmakũ irigũ ããrĩmi. Yũ irire musãrẽ õãrõ masĩmakũ gããmea. ² Musã ire õãrõ masĩsiãa. Jesucristore bũremuburi dupuyuro keori weadeare bũremutũyanerã ããrĩbũ. Iri keori weadea okari opabea. Neõ werenĩbea. ³ Irasirigũ daporare yũ musãrẽ ire masĩmakũ gããmea. Neõ sugũ Õägũ deyomarĩgũ iritamurĩ merã weregũ: “Jesũre ñerõ waanaburo”, ãrĩmasĩbirikumi. Gajigũ Õägũ deyomarĩgũ iritamurĩ marĩrõ merã weregũ: “Jesũs marĩ Opũ ããrĩmi”, neõ ãrĩmasĩbirikumi.

⁴ Õägũ deyomarĩgũ Marĩpuyare marĩrẽ irimasĩmakũ iriri, wãri ããrã. Īgũ sugũta irire sigũ ããrĩmi. ⁵ Marĩ Opũ Jesucristo marĩrẽ moãdoreri, wãri ããrã. Īgũ sugũta irire moãdoregũ ããrĩmi. ⁶ Marĩpuyare iriri, sũrosũ ããrĩbea. Marĩpũ sugũta marĩ ããrĩpererãrẽ Īgũyare õãrõ irimasĩmakũ irigũ ããrĩmi. ⁷ Marĩpũ Õägũ deyomarĩgũrẽ marĩ masakakũre sĩrĩ merã Īgũ marĩ merã ããrĩrĩrẽ ĩmumi, ããrĩpererã Jesucristore bũremurãrẽ gãme iritamuburo, ãrĩgũ. ⁸ Õägũ deyomarĩgũ surãyerire õãrõ masĩrĩ merã Marĩpuyare weremakũ yãmi. Gajerãdere õãrõ pẽmasĩrĩ merã Īgũyare weremakũ yãmi. ⁹ Gajerãrẽ: “Marĩpũ iritamurĩ merã marĩ õãrõ irimasĩa”, ãrĩ bũremumakũ yãmi. Irasũ ããrĩmakũ, gajerãrẽ Īgũ turarire sĩmi pũrĩrikũrãrẽ tauburo, ãrĩgũ. ¹⁰ Gajerãrẽ Īgũ turari merã iri ĩmurĩrẽ irimasĩmakũ yãmi. Gajerãrẽ Marĩpũ Īgũsãrẽ weredorerire õãrõ weremasĩmakũ yãmi. Gajerãrẽ: “Wãtĩ turari merã, o Õägũ deyomarĩgũ turari merã ãsũ yãmi ĩĩ”, ãrĩ masĩrĩrẽ sĩmi. Gajerãrẽ gajĩ masã ya werenĩrĩ merã Īgũsã dupuyurogũ werenĩmasĩbirideare werenĩmasĩmakũ yãmi. Gajerãrẽ, iri werenĩrĩrẽ masĩbirikererã, Õägũ deyomarĩgũ iritamurĩ merã: “Ãsũ ãrĩduaro yãa ĩ”, ãrĩ masĩmakũ yãmi. ¹¹ Õägũ deyomarĩgũ marĩ masakakũre gajerosũperi dita Īgũ sĩduarire sĩmi. Īgũ sugũta Marĩpuyare marĩ irimasĩburire sigũ ããrĩmi.

Marĩ Cristoyarã ããrĩrã su dupũta irirosũ ããrã, ãrĩ gojadea

¹² Marĩya dupũma wãri ããrã. Wãri ããrĩkerero, su dupũta ããrã. Cristode irasũta ããrĩmi. Marĩ Īgũrẽ bũremurã wãrã ããrĩkererã, su dupũta irirosũ ããrã. ¹³ Mũrãrõta marĩ Īgũrẽ bũremurã ããrĩpererã: judĩo masaka, judĩo masaka ããrĩmerã, gajerãrẽ moãboerã, moãboemerãde wãrã ããrĩkererã, Õägũ deyomarĩgũ sugũ merãta wãĩyesũbũ. Irasirigũ marĩrẽ su dupũta irirosũ ããrĩmakũ yãmi. Irasirirã marĩ ããrĩpererã Õägũ deyomarĩgũrẽ opãa.

¹⁴ Marĩya dupũma ããrĩrĩ su wãĩta ããrĩbea. Wãri ããrĩkõãa. ¹⁵ Marĩya gubu werenĩrĩ gubu ããrĩrõ ãsũ ãrĩbokoa: “Mojõ ããrĩbea. Irasiriro mũya dupũma ããrĩbea”, ãrĩbokoa. Marĩya gubu irasũ ãrĩkerero, marĩya dupũmata ããrã. ¹⁶ Marĩya gãmipũ werenĩrĩ gãmipũ ããrĩrõ ãsũ ãrĩbokoa: “Koyeru ããrĩbea. Irasiriro mũya dupũma ããrĩbea”, ãrĩbokoa. Marĩya gãmipũ irasũ ãrĩkerero, marĩya dupũmata ããrã. ¹⁷ Marĩya dupũ, koyeru dita ããrĩmakũ, ¿nasirisĩã, pẽbokuri marĩ? Marĩya dupũ, gãmipũ dita ããrĩmakũ, ¿nasirisĩã, gajinorẽ wĩĩbokuri marĩ? ¹⁸ Marĩpũ marĩya dupũre irigũ, ããrĩpereri Īgũ gããmerõsũta keoro iridi ããrĩmĩ. ¹⁹ ããrĩpereri marĩya dupũgue ããrĩrĩno su wãĩta ããrĩmakũ, marĩya dupũ marĩbokuyo. ²⁰ ãsũ ããrã. Marĩya dupũgue ããrĩrĩ wãri ããrĩkererũ, su dupũta ããrã. ĩ irirosũta marĩ Jesũre bũremurã wãrã ããrĩkererã, su dupũta irirosũ ããrã.

²¹ Irasiriro koyeru, mojõrẽ: “Mũrẽ gããmebea”, ãrĩmasĩbirikoa. Dipuru, guburire: “Mũrẽ gããmebea”, ãrĩmasĩbirikoa. ²² ãsũ gapũ ããrã. Gajĩ marĩya dupũgue ããrĩrĩ, turabiri ããrĩkererũ, marĩ gapũ irire bũro gããmea. ²³ Gajĩ marĩya dupũgue ããrĩrĩrẽ: “Ubu ããrĩrĩ ããrã”, ãrĩ gũñãa. Irasirirã irire õãrõ deyoburo, ãrĩrã, õãrõ ãmua. Gajĩ marĩ gũyasĩrĩsãrĩrẽ surĩ sãña kãmutãa masaka ĩãbirikõãburo, ãrĩrã. ²⁴ Gajĩ marĩya dupũgue ããrĩrĩrẽ õãrĩ deyori gapũre ãmubea.

Marĩpu marĩya dupugue ããrĩrĩrẽ ããrĩpererire õãrõ ãmudi ããrĩmĩ, su duputa õãrõ dupakuburo, ãrĩgũ. Irasirigu: “Ubu ããrĩrĩ ããrã”, marĩ ãrĩrĩ gapure õãrõ gããmemakũ yámi. Irasirirã marĩ neõ gajigu Jesúyagure: “Ubu ããrĩgũ ããrĩmi, irasirirã ãgũrẽ gããmebea”, ãrĩbirikõãrõ gããmea. ²⁵ Æsũta ããrĩdoredi ããrĩmĩ, Marĩpu marĩya dupu suro merã iritamuburo, ãrĩgũ. ²⁶ Marĩya dupugue ããrĩrĩ su wãĩ ñerõ tarimakũ, gajide ããrĩpereri ñerõ taria. Su wãirẽ õãrõ ãmumakũ: “Marĩya dupu ããrĩperero õãrõ ããrã”, ãrĩ gũñáa.

²⁷ Yu irire ãrĩgũ, ãsũ ãrĩduagu yáa. Marĩ Cristore buremurã ãgũya dupu irirosũ ããrã. Irasirirã marĩ masakaku ãgũya dupugue ããrĩrã irirosũ ããrã. ²⁸ Irasirigu Marĩpu marĩ Jesúre buremurãrẽ gãme iritamuburire pígu, ãsũ pídi ããrĩmĩ. Jesucristo buedoregu pínerãrẽ pípuroridi ããrĩmĩ. Puru Marĩpu gajerãrẽ ãgũ weredorerosũ weremurãrẽ pídi ããrĩmĩ. Puru gajerãrẽ ãgũyare buemurãrẽ pídi ããrĩmĩ. Gajerãrẽ ãgũ turaro merã iri ãmumurãrẽ, gajerãrẽ pũrĩrikurãrẽ tau-murãrẽ, gajerãrẽ masakare iritamumurãrẽ, gajerãrẽ dorerimasã ããrĩmurãrẽ, gajerãrẽ gaji masã ya merã ãgũsã dupuyurogue neõ werenĩmasĩbirideare werenĩmasĩmurãrẽ pídi ããrĩmĩ. ²⁹ Irasirigu marĩ ããrĩpererãrẽ sũrosũ irimurãrẽ píbiridi ããrĩmĩ. Irasirirã marĩ ããrĩpererã Jesucristo buedoregu pínerã meta ããrã. Marĩ ããrĩpererã Marĩpu weredorerosũ wererã meta ããrã. Marĩ ããrĩpererã Marĩpuyare buerã meta ããrã. Marĩ ããrĩpererã Marĩpu turaro merã iri ãmumurã meta ããrã. ³⁰ Marĩ ããrĩpererã pũrĩrikurãrẽ taumasĩrã meta ããrã. Marĩ ããrĩpererã gaji masã ya werenĩrĩ merã werenĩmasĩrã meta ããrã. Marĩ ããrĩpererã ãgũsã werenĩrĩrẽ péadero puru: “Æsũ ãrĩduaro yáa”, ãrĩ wererã meta ããrã. ³¹ Irasirirã Õãgũ deyomarĩgũ Marĩpuyare irimasĩrĩ sĩrĩrẽ gããmekã musã! Yu musãrẽ i ããrĩpereri nemorõ õãrĩrẽ weregura.

13

Gãme maĩrĩmarẽ gojãdea

¹ Marĩ gaji masã ya werenĩrĩrẽ werenĩmasĩkererã, Marĩpure wereboerã ya werenĩrĩrẽ werenĩmasĩkererã, gajerãrẽ maĩbirimakũ, marĩ werenĩrĩ waja-marĩbokoã. Kõme majĩ pábiramakũ busũrosũ marĩ werenĩrĩ busukõãbokoa. ² Marĩpu marĩrẽ weredorerosũ õãrõ weremasĩkererã, gajerãrẽ maĩbirimakũ, marĩ wereri wajamarĩbokoã. Æãrĩpererire masĩkererã, Marĩpuyare masaka dupuyurogue masĩbirideã ããrĩpererire pémasĩkererã, gajerãrẽ maĩbirimakũ, marĩ masĩrĩ wajamarĩbokoã. Marĩpure buremurĩ marĩrẽ ãgũ sĩrĩ merã buúrure gajerogue waadoremãsĩkererã, gajerãrẽ maĩbirimakũ, marĩ buremurĩ merã iriri wajamarĩbokoã. ³ Marĩ opari ããrĩpereri boporãrẽ sĩkererã, ãgũsãrẽ maĩbirimakũ, marĩ iriri wajamarĩbokoã. Marĩpuyare marĩ irideã waja marĩya dupure masaka soekerepuru, marĩ gajerãrẽ maĩbirimakũ, Marĩpu marĩrẽ: “Õãrõ iribu”, ãrĩbiribokumi.

⁴ Marĩ gajerãrẽ maĩrã, mata ãgũsã merã guaña máa. ãgũsãrẽ bopoñarĩ merã õãrõ yáa. ãgũsãrẽ ãturiña máa. “ãgũsã nemorõ õãgũ ããrã”, ãrĩmasĩña máa. “ãgũsã nemorõ masĩtarĩngãgũ ããrã”, ãrĩmasĩña máa. ⁵ Marĩ gajerãrẽ maĩrã, ãgũsãrẽ buremurĩ merã keoro wereã. Marĩya ããrĩburi direta gũñabeã. ãgũsãya ããrĩburidere gũñáa. ãgũsãrẽ guari merã wereña máa. ãgũsã marĩrẽ ñerõ irimakũ, yoaripoe ãgũsã merã guanĩña máa. ⁶ Gajerãrẽ maĩrã, ãgũsã ñerõ irimakũ ããrã, usuyamasĩña máa. Diayema gapure ãgũsã irimakũ ããrã, usuyáa. ⁷ Marĩ gajerãrẽ maĩrã, ãgũsã ñerõ irimakũ ããrã, masakare neõ kere werebeã. Gajerã ãgũsãrẽ werewuakerepuru, marĩ ãgũsãrẽ buremurĩrẽ neõ piribirikoa. “Purugue ãgũsãde õãrĩ gapure irirãkuma”, ãrĩ gũñáa. ãgũsã iriri merã marĩ ñerõ tarikererã, ãgũsãrẽ maĩsĩã, neõ piribeã.

⁸ Marĩ gāme maĩrĩ neõ perebirikoa. Marĩpũ weredorerosũ wereri gapũ pererokoa. Gaji masã ya merã marĩ werenĩrĩde pererokoa. Marĩpũyare masĩrĩ merã õãrõ wereride, pũrugue pererokoa. Iri irasũ waamakũ, marĩ masĩdero nemorõ ããrĩpererire masĩrãkoa. ⁹ Daporare marĩ ããrĩpereri Marĩpũyare masĩbea. Īgũ weredorerosũta Īgũ masĩrĩ sĩrĩ merã werekererã, ããrĩpereri Īgũyare weremasĩbea. ¹⁰ Pũrugue Jesucristo Marĩpũyare masĩpeogu aarimakũ, marĩ masĩbirideare masĩpeorãkoa.

¹¹ Yũ majĩgũ ããrĩgũ, majĩrã irirosũ gũñarĩ marĩrõ werenĩ, Īgũsã irirosũta iriunabũ. Yũ bũgũro waagũ, majĩrã irirosũ ããrĩdeare pirikõãbũ. ¹² Daporare Marĩpũyare marĩ õãrõ masĩbea. Diuru bũgũru merã marĩ ãñnamakũ õãrõ deyomarĩrõ irirosũ ããrã. Õãrõ deyobea. Pũru õãrõ deyorogue Marĩpũre ĩãrãkoa. Daporare marĩ Īgũrẽ sĩrũgã masĩa. Pũru Marĩpũ marĩrẽ masĩpeorosũta marĩde masĩpeorãkoa.

¹³ Daporare ure wãĩ ããrã: Marĩpũre bũremurĩ, Īgũ marĩrẽ õãrõ irigũkumi, ãrĩ usũyari, marĩ gāme maĩrĩ ããrã. Iri ure wãĩ neõ perebirikoa. Gāme maĩrĩ gapũ gaji nemorõ õãrĩ ããrã.

14

Gaji masã ya werenĩrĩ merã marĩ werenĩmasĩbirikererã werenĩrĩmarẽ gojadea

¹ Gajerãrẽ maĩnemoka! Irasũ ããrĩmakũ, Marĩpũyare Ōãgũ deyomarĩgũ mũsãrẽ irimasĩrĩ sĩrĩrẽ gããmekã! ããrĩpereri Īgũ irimasĩrĩ sĩrĩrẽ gũñarã, gaji nemorõ Marĩpũ weredorerosũ weremasĩrĩ gapũre bũro gããmekã! ² Sugũ gaji masã ya werenĩrĩ merã werenĩmasĩbirikeregu werenĩmakũ, Marĩpũ dita Īgũ werenĩrĩrẽ pėmi. Masaka gapũ Īgũ werenĩrĩrẽ pėbema. Ōãgũ deyomarĩgũ turari merã Marĩpũyare masĩña marĩdeare werenĩmi. ³ Marĩpũ weredorerosũ weregu gapũ masakare weremi. Īgũ wereri pėrãrẽ Jesucristore bũremunemomakũ yãmi. Īgũ wereri merã Īgũsãrẽ õãrõ ããrĩrikumakũ, õãrõ yũjũpũrãkũmakũ yãmi. ⁴ Gaji masã ya werenĩrĩ merã werenĩmasĩbirikeregu werenĩgũ Īgũ basi Jesucristore bũremunemogũ yãmi. Marĩpũ weredorerosũ weregu gapũ gajerã Jesucristore bũremurãrẽ Īgũrẽ bũremunemomakũ irigu yãmi.

⁵ Gaji masã ya werenĩrĩ merã mũsã werenĩmasĩbirideare ããrĩpererã mũsã werenĩmasĩmakũ gããmea yũ. Iri nemorõ Marĩpũ weredorerosũ mũsã weremakũ bũro gããmea. Marĩpũ weredorerosũ weregu gapũ, gaji masã ya werenĩrĩ merã werenĩgũ nemorõ masakare iritamugũ ããrĩmi. Irasũ ããrĩkerepũrũ, gaji masã ya werenĩrĩrẽ pėgu: “Āsũ ãrĩduaro yãa”, ãrĩ weremakũ õãgorãa. Īgũ irasũ ãrĩ weregu, Jesucristore bũremurãrẽ Īgũrẽ bũremunemomakũ irigu yãmi. ⁶ Yaarã, yũ mũsã pũrogue waagũ, gaji masã ya werenĩrĩ merã werenĩgũ, mũsãrẽ iritamubiribokoa. Marĩpũ Īgũyare yũre masĩmakũ irideare weregu, Īgũya diayema kerere masĩrĩ merã weregu, Īgũ yũre weredorerire weregu, Īgũyare mũsãrẽ buegu, mũsãrẽ iritamubokoa.

⁷ Keori merã mũsãrẽ weregũra. Tėrėdirure keoro puribirimakũ, o arpa wãĩkũro bũapũtėrõde keoro bũapũtėbirimakũ, iri wãĩ bayari ããrĩkoa, ãrĩmasĩña mãa. ⁸ Surara gãmewėjėrã waaburi dupuyuro sugũ Īgũsã merãmũ puridirure keoro puribirimakũ, gajerã surara Īgũsã mojõkũburire ãmubirikuma. ⁹ Mũsãde irasũta ããrã. Mũsã gaji masã ya werenĩrĩ merã werenĩmakũ pėrã: “Āsũ ãrĩrã irikuma Īgũsã”, ãrĩmasĩbirikumã. Irasirirã mũsã ubugorata werenĩmoãmakõãrã irikoa. ¹⁰ I ãmũguere wãri buri marã ããrĩma. Īgũsã basi Īgũsã werenĩrĩrẽ pėmasĩma. ¹¹ Yũ gaji masã ya werenĩrĩ merã werenĩgũrẽ pėbi: “Gajeromũ ããrĩmi”, ãrĩ gũñagũkoa. Īgũde yũ gaji masã ya werenĩrĩ merã werenĩmakũ

pébi yure: “Gajeromu aarĩmi”, ari gũñagukumi. ¹² Irasũta aarã musãdere. Musã Õãgũ deyomarĩgũ turaro merã irimasĩrĩ sĩrĩrẽ gããmea. Irasirirã gajerã Jesucristore buremurãrẽ ãgũrẽ buremunemomakũ irimasĩrĩrẽ burõ gããmekã!

¹³ Irasirigũ sugũ gaji masã ya werenĩrĩ merã werenĩmasĩbirikeregu werenĩgũno Marĩpure: “Yũ werenĩrĩrẽ gajerãrẽ: ‘Åsũ arĩduaro yãa’, ari weremakũ iritamuka yure!” ari sërëburo. ¹⁴ Yũ gaji masã ya werenĩrĩ merã werenĩmasĩbirikeregu werenĩrĩ merã Marĩpure sërëgũ, Õãgũ deyomarĩgũ gũñarĩ sĩrĩ merã sërëa. Irasũ sërëkeregu, gũñarĩ merã yũ sërëadeare: “Åsũ arĩduaro irikoa”, ari pëmasĩbirikoa. ¹⁵ Irasirirã asũ iriro gããmea. Õãgũ deyomarĩgũ turari merã gaji masã ya werenĩrĩ merã Marĩpure sërëõ gããmea. Irasũ aarĩmakũ, pëmasĩrĩ merã marĩ ya werenĩrĩ merã Marĩpure sërëõ gããmea. Õãgũ deyomarĩgũ turari merã gaji masã ya werenĩrĩ merã Marĩpure bayapeoro gããmea. Irasũ aarĩmakũ, pëmasĩrĩ merã marĩ ya werenĩrĩ merã Marĩpure bayapeoro gããmea. ¹⁶ Marĩ Õãgũ deyomarĩgũ turari merã gaji masã ya werenĩrĩ merã Marĩpure usuyari sĩkerepurũ, marĩ merã aarĩrã pëbiribokuma. ãgũsã irire pëmerã: “Irasũta aarã”, ari, marĩ merã Marĩpure usuyari sĩbiribokuma. ¹⁷ Marĩ gaji masã ya werenĩrĩ merã Marĩpure usuyari sĩrĩ õãgorãa. Irasũ aarĩkerepurũ, marĩ merã aarĩrã gapũ marĩ werenĩrĩrẽ pëbirimakũ, marĩ ãgũsarẽ Jesucristore buremunemomakũ iribirikoa. ¹⁸ Gaji masã ya werenĩrĩ merã werenĩmasĩbirikeregu werenĩrĩrẽ yuta musã aarĩpererã nemorõ werenĩa. Irire irisĩã, Marĩpure usuyari sĩa. ¹⁹ Irasũ aarĩkeregu, Jesũre buremurã nerëõgue gaji masã ya werenĩrĩ merã wãri musã pëbirire yũ weremakũ musãrẽ õãbirikoa. Musã pëmasĩrĩrẽ yũ mërĩgã weremakũ gapũ, musãrẽ õãrokoa.

²⁰ Yaarã, majĩrã pëmasĩmerã irirosũ gũñabirikõãka! Murã irirosũ õãrõ pëmasĩrĩ merã gũñaka! Ñerõ iriri gapure majĩrãgã gũñamerã irirosũ aarĩka! ²¹ Marĩpureya werenĩrĩ gojadea pũgue asũ ari gojasũderõ aarĩbũ: “Marĩ Opũ asũ arĩmi: ‘Gajero marãrẽ ãgũsã ya werenĩrĩ merã i makã marãrẽ weredoregũra. Yaare ãgũsarẽ irasũ weredorekerepurũ, i makã marã yure neõ buremubirikuma’, arĩmi marĩ Opũ”, ari gojasũderõ aarĩbũ. ²² Irasirigũ Marĩpure gajero marãrẽ ãgũsã ya werenĩrĩ merã ãgũrẽ buremurãrẽ weredoregũ, ãgũsã ãgũrẽ buremubirire imumi. ãgũrẽ buremurã gapure irasiribemi. ãgũyare ãgũ weredorerosũ wererã merã ãgũsarẽ weremi. ²³ Irasirirã musã Jesũre buremurã nerëõgue gaji masã ya werenĩrĩ merã werenĩmasĩbirikererã werenĩrĩrẽ musã aarĩpererã werenĩbokoã. Musã irasũ werenĩmakũ, Marĩpureyare masĩmerã, gajerã Jesũre buremumerãde ñajãjabokuma. Musã irasũ werenĩrĩrẽ përa, musãrẽ: “Niãrĩmasã aarĩma”, arĩbokuma. ²⁴ Musã aarĩpererã Marĩpure weredorerosũ weremakũ Marĩpureyare masĩbi, Jesũre buremubide ñajãri pëgũ, ãgũ ñerõ irideare masĩgukumi. Irasirigũ ãgũ ñerĩ irideare bujaweregukumi. ²⁵ ãgũ gũñarĩgue ñerõ: “Ñerĩrẽ gũñayo yũ”, ari pëmasĩgukumi. Irasirigũ ñadukupuri merã ejamejã, Marĩpure: “Yũ Opũ aarã”, ari buremugukumi. Irasũ aarĩmakũ: “Marĩpure diayeta musã merã aarĩmi”, ari masĩgukumi.

Musã nerërã, gopepyari merã õãrõ keoro irika! ari gojadea

²⁶ Yaarã, musãrẽ asũ ari werea. Musã nerëmakũ, surãyeri Marĩpure bayapeoma. Gajerã Marĩpureyare buema. Gajerã Marĩpure ãgũyare ãgũsarẽ masĩmakũ irideare werema. Gajerã gaji masã ya werenĩrĩ merã werenĩmasĩbirikererã werenĩma. Gajerã iri werenĩrĩrẽ: “Åsũ arĩduaro yãa”, ari werema. Irasirirã aarĩpereri irire musã Jesũre buremurã õãrõ keoro

irika, musā ĩgūrē b̄remunemoburosūta! ²⁷ Irasirirā gaji masā ya werenírĩ merā werenímasĩbirikererā werenírā, pērā, o ɱrerā wereníburo. Sugɱ werení odoadero pɱɱ, gajigɱ wereníburo. Pɱɱ gajigɱ ĩgūsā werenírĩrē: “Āsū ārĩɱuaro yáa”, ārĩ wereburo. ²⁸ Musā nerēmakū, ĩgūsā werenírĩrē: “Āsū ārĩɱuaro yáa”, ārĩ werebu marĩmakū, gaji masā ya merā wereníbirikōāburo. ĩgūsā seyaro ĩgūsā gũñarĩgue Marĩpɱ merā wereníburo. ²⁹ Marĩpɱ weredorerosū wererāde, pērā, o ɱrerā wereburo. Irasū keoro weremakū pērā, gajerā ĩgūsā wererire: “Diayeta Marĩpɱya kereta āārā”, ārĩburo. ³⁰ Musā nerērōgue sugɱ weremakū, Marĩpɱ gajigɱ irogue doagɱ weredoremakū, werepɱroriadi gapɱ toeburo. ³¹ Musā irasū irirā, musā āārĩpererā Marĩpɱ weredorerosū weremasĩrākoa. Sugɱ werepɱroriadi were odoadero pɱɱ, gajigɱ werewāgānaburo. Irasirimakū, āārĩpererā pé, ōārō yɱɱpūrākɱrākuma. ³² Marĩpɱ weredorerosū wererā musā wereburi dupuyuro: “¿Naásū āārĩmakū irire wererākuri?” ārĩ gũñapɱroriro gāāmea. ³³ Marĩ nerēmakū, Marĩpɱ marĩrē keoro irimakū gāāmemi. Noó gāāmerō iriro marĩrō ɱɱyari merā nerēmakū gāāmemi. Āārĩpererogue Jesúre b̄remurā nerērārē irasū dita irimakū gāāmemi.

³⁴ Jesúre b̄remurā nerēmakū, nome wereníbirikōāburo. Nomerē werenídoreri máa. Wereníonorē irirā, Marĩpɱya werenírĩ gojadea p̄gue dorederosūta ōārō péro gāāmea. ³⁵ Jesúre b̄remurā nerēmakū, sugo nomeō werenígō, gɱyasĩūrō iribokumo. Irasirigo igo gajino ōārō pébiradeare masĩɱuago igoya wiigue igo marāpɱre sērēñaburo.

³⁶ Ire musā masĩka! Musā Marĩpɱya kerere werepɱrorinerā āārĩbea. Irasū āārĩmakū, musā dita ĩgũyare b̄remurā āārĩbea. Gajerāde ĩgūrē b̄remurā āārĩma. ³⁷ Sugɱ musā merāɱu: “Yɱ Marĩpɱ weredorerosū weregɱ āārā”, ārĩ gũñagū, o gajigɱ: “Yɱ Ōāgū deyomarĩgū irimasĩrĩ sĩrĩrē opáa”, ārĩ gũñagū, i yɱ musārē gojarire: “Marĩ Opɱ doreri āārā”, ārĩ masĩgɱkumi. ³⁸ Yɱ gojarire: “Marĩ Opɱ doreri āārĩbea”, ārĩmakū, ĩgūrē: “Marĩpɱyare weregɱ āārĩbemi”, ārĩka!

³⁹ Yaarā, Marĩpɱ weredorerosū weremasĩrĩrē b̄ro gāāmea musā! Musā merāmarārē ĩgūsā gaji masā ya merā werenímasĩbirikererā werenímakū: “Werenímerāta!” ārĩbirikōāka! ⁴⁰ Musā nerērā, noó gāāmerō iribirikōāka! Goepeyari merā āārĩpereri musā iririre ōārō keoro irika!

15

Cristo masādeare gojadea

¹ Yaarā, yɱ musārē iripoegue werede, Jesucristo masakare tauri kerere daporare gũñamakū gāāmea. Musā irire pērā, b̄remubɱ. Daporadere irire b̄remuníkōāa. ² Musā iri kerere b̄remusĩā, peamegue waamurā meta āārā. Iri kerere musārē yɱ weredeare b̄remurĩrē piribirimakū, Marĩpɱ musārē taugɱkumi. Musā iri kerere b̄remubirinerā, diayeta tausũbiribokoa.

³ Yɱre buedeare musārē weretaubɱ. Iri bueri, gaji bueri nemorō ōātaria. Āsū āārā. Marĩpɱya werenírĩ gojadea p̄gue gojaderosūta Cristo marĩ ñerō iridea waja marĩrē boabosadi āārĩmĩ. ⁴ ĩgū boadero pɱɱ, ĩgūrē yāanerā āārĩmā. Pɱɱ Marĩpɱya werenírĩ gojadea p̄gue gojaderosūta ɱrenɱ waaró merā Marĩpɱ ĩgūrē masūdi āārĩmĩ. ⁵ ĩgūrē masūdero pɱɱ, Cristo Pedore deyoayurɱ. Pɱɱ ĩgū buedoregɱ pĩnerā, pe mojōma pere su gubu peru pērēbejarārē deyoayurɱ. ⁶ Pɱɱ suñarō wárā quinientos masaka nemorō ĩgūrē b̄remurārē deyoayurɱ. Wárā ĩgūrē ĩānerā okama dapa. Gajerā boasianerā

ããrĩmá. ⁷ Pũũ Santiagore deyoayupũ. Iro pũũ ããrĩpererã ãgũ buedoregu pĩnerãrẽ deyoayupũ.

⁸ ããrĩpererã gajerãrẽ ãgũ deyoadero pũũ, yũdere deyoatũnumi pama. Majĩgũgã keoro deyoabigã deyoadi irirosũ yũ ããrĩkeregũ, Jesúre bũremutũyáa. ⁹ ãgũ yũre deyoaburi dupuyurogue ãgũrẽ bũremurãrẽ ñerõ irigorenabũ. Irasirigũ gajerã Jesús buedoregu pĩnerã ããrĩpererã dokague ããrã. Masaka yũre: “ãgũ Jesús buedoregu pĩdi ããrĩmi”, ãrĩmakũ: “Yũ Jesús buedoregu pĩbodi ããrĩbiradibũ”, ãrĩ gũñáa. ¹⁰ Irasũ ããrĩkerepũũ, Marĩpũ yũre õãrõ iritamumi. Irasirigũ Jesucristo yũre ãgũyare buedoregu pĩmi. Marĩpũ yũre ubugora õãrõ iritamugũ meta yámi. Yũ ããrĩpererã gajerã Jesucristo buedoregu pĩnerã nemorõ moãa. Yũ gũñarĩ merã irasiribea. Marĩpũ yũre õãrõ iritamugũ, yũ merã ããrĩnkõãmi. Yũre ãgũ iritamurĩ merã õãrõ moãmakũ yámi. ¹¹ Yũ bueri, gajerã Jesucristo buedoregu pĩnerã bueri irirosũta ããrã. Gũã ããrĩpererã Jesucristo boa, masãdea kerere buea. I kerere pãrã, mũsã ãgũrẽ bũremunũgãbũ.

Boanerã masãburire gojadea

¹² Gũã, Cristo boa, masãdeare buekerepũũ, gajerã mũsã merã ããrĩrã: “Boanerã neõ masãbirikuma”, ãrĩma. ¿Nasirirã irasũ ãrĩrĩ ire? ¹³ Boanerã masãburi marĩmakũ, Cristode masãbiribodi ããrĩmĩ. ¹⁴ Cristo masãbirimakũ, gũã bueri neõ wajamarĩbokoã. Mũsã ãgũrẽ bũremurĩde wajamarĩbokoã. ¹⁵ Marĩpũ boanerãrẽ masũbi, Cristodere masũbiribodi ããrĩmĩ. ãgũ irasũ iribirimakũ, gũã: “Marĩpũ Cristore masũdi ããrĩmĩ”, ãrĩrã, ãrĩgatorã iribokuyo. ¹⁶ “Boanerã masãbirikuma”, ãgũsã ãrĩrĩ diaye ããrĩmakũ, Cristode masãbiribodi ããrĩmĩ. ¹⁷ Cristo masãbirimakũ, ãgũrẽ mũsã bũremurĩ wajamarĩbokoã. Irasirirã mũsã ñerĩ iridea waja, waja opakõãbokoã dapa. ¹⁸ Diayeta i irasũ ããrĩmakũ, Cristore bũremurã boanerã, ãgũrẽ bũremubirinerã peamegue waamurã irirosũ ããrĩbokuma. ¹⁹ Marĩ Cristore bũremurã: “Marĩ okarinũrĩ dita ãgũ merã õãrõ ããrĩrãkoã. Marĩ boadero pũũ masãburire masĩña máa”, ãrĩ gũñarã, ããrĩpererã masaka nemorõ boporã ããrĩbokoã.

²⁰ “Cristo boadero pũũ, masãdi ããrĩmĩ”, ãrĩrĩ gapũ diaye ããrã. Marĩ ããrĩpererã masaka boadero pũũ masãburi dupuyuro masãpũroridi ããrĩmi. ²¹ ãsũ ããrã. Neõgorague ããrĩpũroridi Adán ñerĩ iripũroridea waja marĩ masaka ããrĩpererã boamurã dita ããrã. Pũũ Jesucristo õãrĩrẽ iripeodea waja marĩ boadero pũũ masãrãkoã. ²² Marĩ masaka ããrĩpererã Adán parãmerã ããrĩturiarã ããrĩrĩ waja boamurã dita ããrã. Cristoyarã marĩ ããrĩmakũ, marĩ boadero pũũ, Marĩpũ marĩ ããrĩpererãrẽ masũgũkumi. ²³ Marĩpũ marĩrẽ keoro masũgũkumi. Cristo masãsiadi ããrĩmĩ. Pũũ ãgũ i ãmũgue dupaturi aarimakũ, marĩ ãgũyarã ããrĩsĩã, masãrãkoã. ²⁴ Irasũ waamakũ, i ãmũ pereakõãrokoã. Irinũrẽ Cristo ããrĩpererã ñerãrẽ: oparãrẽ, dorerãrẽ, turarãrẽ béogũkumi. ãgũ irasiriadero pũũ, ãgũ Pagũre ãgũ ããrĩpererã Opũ ããrĩrĩrẽ wiagũkumi. ²⁵ ãgũ wiaburi dupuyuro Marĩpũ Cristore ããrĩturirã ããrĩpererãrẽ béogũkumi. ãgũsãrẽ béoburi dupuyuro Marĩpũ gããmederosũta Cristo ããrĩpererã Opũ ããrĩgũkumi. ²⁶ ããrĩpererã ãgũrẽ ããrĩturirãrẽ béodero pũũ, boaridere peremakũ irigũkumi. ²⁷ Marĩpũ ãgũya werenĩrĩ gojadea pũgue ããrĩderosũta Cristore ããrĩpererãrẽ doregu, ããrĩpererire opagũ ããrĩmakũ iridi ããrĩmĩ. Irasũ ããrĩrõ: “Marĩpũ weka doregu Cristo ããrĩmĩ”, ããrĩduaro meta yáa. Marĩputa ããrĩpererire, ããrĩpererãrẽ Cristo dokague pĩdi ããrĩmĩ. ²⁸ Marĩpũ ãgũrẽ irasiri ododero pũũ, Cristo Marĩpũ magũ ãgũ ããrĩpererãrẽ doregu, ããrĩpererire opagũ ããrĩrĩrẽ Marĩpũre wiagũkumi. Irasirigũ Marĩpũ ããrĩpererĩ, ããrĩpererã Opũ ããrĩgũkumi.

29 Gaji aãrã. “Boanerã masãbirikuma”, Ìgüsã ãrìkerepuru, ¿nasirirã gajerã masaka boanerãya ããrìburire wãiyebosayuri? Ìgüsã: “Boanerã masãbirikuma”, ãrìrã, Ìgüsãya ããrìburire wãiyebosabiribokuma.

30 Gũa: “Boanerã masãrãkuma”, ãrì bueri waja ùmũrikũ gajerã gũare ñerõ iridũama. Gũare Ìgüsã ñerõ iridũakerepuru, boanerã masãburire masĩsĩã, irire bueníkõãa. 31 Yaarã, i diayeta aãrã. Marĩ Opũ Jesucristore mũsã bũremumakũ Ìãgũ, yũ bũro usuyãa. Ide diayeta aãrã. Æmũrikũ: “Masaka yũre wẽjẽkõãrãkuma”, ãrì péñãa. 32 Yũ Jesucristoya kerere bueri waja Efesoguere makãnúũ marã yéa bũro guarã irirosũ ããrìrã, yũre ñerõ irima. “Boanerã masãbirikuma”, Ìgüsã ãrìrã diaye ããrìmakũ, yũ irogue bueri waja ñerõ taridea wajamarìbokuyo. “Boanerã masãbirikuma”, Ìgüsã ãrìrã diaye ããrìmakũ, marìde gajerã irirosũ ãsũ ãrì werenìbokoa: “Nãka baa, iirirã! Ñamigã boakõãbokoa. Irasirirã marì boaburi dupuyuro marì gããmerõ irirã!” ãrìbokoa.

33 Gajerã ãrìgatorire pébirikõãka! Masaka ãsũ ãrì werewũakuma: “Ñerãrẽ wapikũrã, mũsã õãrõ iririkũrere pirikõãrãkoa”. 34 Irasirirã mũsã dupuyurogue gopeyari merã keoro iriderosũta irika doja! Ñerìrẽ irinemobirikõãka! Mũsã surãyeri Marĩpũre masìbea. Mũsarẽ gũyasìrdoregu irasũ ãrã.

Boanerã masãburire gojanemodea

35 Gajipoe sugũ ãsũ ãrì sërẽñabokumi: “¿Nasiri boanerã masãrãkuri? ¿Naásũperi dupũ oparãkuri?” ãrìbokumi. 36 Irasũ sërẽñagũ pémasìbi ããrìmi. Marì oteri yeri otedero pũrũ, iri yeri puriburi dupuyuro yeba poekague boakõãkoa. Boa, pũrũ puri wirikoa. Boabirimakũ, neõ puri wirimasìbirikoa. 37 Marì oterã, puridiguere ãi otebea. Dupayeri direta otea. Iri yeri trigo yeri ããrìrõ, o gaji yeri ããrìrõ ããrìkoa. 38 Iri yerire marì otedero pũrũ, Marĩpũ gapũ Ìgũ gããmederosũta iri yerire purimakũ yãmi. Irasirigũ ojodũka yerire ojodũkañũ waamakũ yãmi. Trigo yerire trigo sari waamakũ yãmi. Irasũ dita yãmi Marĩpũ. 39 ããrìpererã okari oparã sũrosũ dupũkũrã ããrìbema. Masakaya dupũ, waimũrãya dupũ irirosũ ããrìbea. Mirãya dupũ, waaiya dupũ irirosũ ããrìbea. 40 Æmarõ marãya dupũ, i ùmũ marãya dupũ irirosũ ããrìbea. Æmarõ marã õãrì dupũ opama. I ùmũ marã, ùmarõ marã irirosũ ããrìbirikererã, Ìgüsãde õãrì dupũ opama. 41 Abe ùmũmũ kũmijũrì merã asimi. Ñamimũ irirosũ boyobemi. Neñukãde gajerosũperi gosema. Neñukãrẽ marì Ìãmakũ, gajerã sìrũgã goserã deyoma. Gajerã bũro goserã deyoma.

42 Marì boanerã masãrã ãsũ ããrìrãkoa. Marì boamakũ yáadero pũrũ, marìya dupũ boarokoa. Pũrũ masãrã, gaji dupũ neõ boabiri dupũ oparãkoa. Irasirirã neõ dupaturi boabirikoa. 43 Marìya dupũre yáamakũ, boanerãya dupũ boari dupũ, turabiri dupũ daro ããrã. Marĩpũ marìrẽ masũmakũ, marìya dupũ õãrì dupũ, turari dupũ ããrìrokoa. 44 Marìya dupũre yáamakũ, marìya dupũ i ùmũma dupũ ããrã. Marì boanerã masãmakũ, marìya dupũ ùmũgasima dupũ ããrìrokoa. Irasirirã ãsũ ãrì masã. Daporare marì i ùmũma dupũre opãa. Pũrũ ùmũgasima dupũre oparãkoa.

45 Marĩpũya werenìrì gojadea pũgue ãsũ ãrì gojasũdero ããrìbũ: “Marĩpũ Ìgũ iripũroridi Adãrẽ okarire sidi ããrìmi”, ãrì gojasũdero ããrìbũ. Adãn pũrũmũ Jesucristo gapũ perebiri okarire sìgũ ããrìmi. 46 Marì i ùmũma dupũre oparũgoria. Pũrũguere ùmũgasima dupũre oparãkoa. 47 I ùmũgue ããrìpũroridi Adãn, nikũ merã irisũdi ããrìmi. Ìgũ pũrũmũ marì Opũ Jesucristo gapũ ùmũgasiguemũ ããrìmi. 48 Adãn nikũ merã iridea dupũ dupũkũderosũ marì ããrìpererã nikũ merã iridea dupũ dupũkũ. Irasũ ããrìmakũ, ùmũgasiguemũ Jesucristoyarã ããrìsĩã, Ìgũya dupũ irirosũ

dupukurākoa. ⁴⁹ Adán nikū merā irisūdi āārīmí. Marī ĩgū irirosū dupukua. Puru ũmugasiguemu Cristo irirosū dupukurākoa.

⁵⁰ Yaarā, musārē ire werea. Marīrē i ũmuma dupu merā ũmugasigue Marīpu ĩgūyarārē dorerogue neō waamasīña máa. I ũmuma boaburi dupu merā ũmugasigue p rebiri okari āārīrōguere neō waamasīña máa. ⁵¹⁻⁵² Masaka masībirideare daporare musārē weregura. Jesucristo i ũmugue dupaturi aariburi dupuyuro āārīpererā ĩgūyarā boabirikuma. Jesucristo aaripoe Marīpure wereboegu puridiru puritūnugukumi. Irasū puriadero puru, mata kārī yoberā irirosū marī āārīpererā Jesucristore bāremurā gorawayurākoa. Marī boanerā gaji dupu boabiri dupu merā masārākoa. Irasirirā neō dupaturi boabirikoa. Okarāde gaji dupu boabiri dupu oparākuma. ⁵³ Marīpu marīya dupu p reburi dupu gorawayugukumi, p rebiri dupu opaburo, ārīgū. Marīya dupu boaburi dupu gorawayugukumi, neō boabiri dupu opaburo, ārīgū. ⁵⁴ Marīya dupu p reburi dupu, neō p rebiri dupu gorawayumakū, marī boaburi dupu, neō boabiri dupu gorawayumakū, Marīpaya werenírī gojadea pūgue ārīderosūta waarokoa. Āsū ārī gojasūdero āārībú iri pūguere: “Marīpu boarire béokōāmi, dupaturi marīrē neō boabirikōāburo, ārīgū. ⁵⁵ Marī boakōārākoa, ārī gūidea preakōāa”, ārī gojasūdero āārībú. ⁵⁶ Marī űerō iridea waja boamurā dita āārā. Marīpu Moisére doreri pídea merā marī űerō irideare masīa. ⁵⁷ Irasū āārīkerepuru, Marīpu marī Opu Jesucristo iridea merā marīrē peamegue waabonerārē taumi. Irasirirā Marīpure: “Ōātaria mu”, ārī, usuyari sīa.

⁵⁸ Irasirirā, yaarā yu maírā, musārē āsū ārī weregura. Musā marī Opu Jesucristore bāremurīrē neō piribirikōāka! Gajerā musārē ĩgūyare béodoremakū, neō béobirikōāka! Ūmuriku ĩgū moādorere oārō irinikōāka! Ire marī masīa. ĩgū merā marī oārō āārīrā ĩgū marīrē moādorere irimakū, marī moārī, ubu āārīrī neō āārībea.

16

Corinto marā gajerā Jesúre bāremurārē niyeru sīburi neeōrīrē gojadea

¹ Daporare musārē niyeru neeō, musā gajerā Jesúre bāremurārē sīburi weregura. Yu gajerā Jesúre bāremurārē Galacia nikūgue āārīrārē dorederosūta musāde irika! ² Semanariku siuñajārīnu* āārīmakū, āārīpererā musā gajerā Jesúre bāremurārē sīburi niyerure dukawa duripíka! Mérōgā oparā mérōgā dukawa duripíka! Waawayaro oparā waawayaro dukawa duripíka! Irasirirā, yu musā pūrogu ejamakū, musā sīburi opasiarākoa. ³ Yu musā pūrogu ejagu, musā beyenerārē Jerusalēgue iriugukoa. Papera pūgue āsū ārī gojagukoa: “Īsā āārīma Corinto marā beyenerā”. Irasū ārī goja odo, ĩgūsā merā iri pūrē, musā duripí neeōdea niyerure iriugukoa, Jesúre bāremurā Jerusalēgue āārīrārē sīdoregu. ⁴ Musā yure: “Īgūsā merā waamakū gāāmea”, ārīmakū, ĩgūsā yu merā waarākuma.

Pablo ĩgū Corintogue waaburire gojadea

⁵ Yu musā pūrogu waagú, Macedonia nikūgue waapurorigukoa. Irore tariwāgā, musā puro waagukoa. ⁶ Gajipoe irigu yoawayaripoe musā merā āārīgukoa, o gajipoe irigu puibre āārīpeogu, āārīpeokōābokoa. Irasirirā musā yu gajerogue waaburire iritamumasīrākoa. ⁷ Yu musārē ĩārī dita ĩātariaduabirikoa. Irasirigu marī Opu gāāmemakū, yoaripoe musā merā āārīgukoa. ⁸ Pentecostés bosenu āārīmakū, oō Efesogueta taugukoa dapa.

* **16:2** Jesúre bāremurāya siuñajārīnu, domingo āārā. Domingo āārīmakū, Jesús boadigue masādi āārīmí. Irasirirā, domingo āārīmakū, ĩgūrē bāremurā nerēnama.

⁹ Ōōguere wári moārī āārā. Marī Opuya kerere péduarā wárā āārīma. Irasū āārīmakū, yu irire weremakū kāmuduarāde wárā āārīma.

¹⁰ Timoteo musā purogue ĩgū ejamakū, ĩgūrē ōārō merā bokatīrī, ōārō usuyari merā ñeāka! Musā irasirimakū, ĩgū musā merā bujawereri marīrō āārīgukumi. ĩgū yu irirosū marī Opuyare moāmi. ¹¹ Irasirirā ĩgūrē irasū ĩābéomerāta ōārō merā ĩgūrē iritamuka! Musā irasirimakū, ĩgū yu purogue ōārō usuyari merā goedujarīgukumi. Gajerā Jesúre buremurā merā gha ĩgūrē yúrā yáa. Irasirirā, ĩgū ōōgue aariburire iritamuka!

¹² Apolore marīyagu Jesúre buremugūrē musārē ĩāgū waamakū buro gāameadibu. Irasirigu ĩgūrē gajerā Jesúre buremurā merā waadoreadibu. Yu waadorekerereru, ĩgū daporare waadubemi. Puru ĩgūrē gajino iriri marīmakū, musā purogue waagukumi.

Pablo Corinto marārē ōādoretūnudea

¹³ Ōārō pémasīka! Jesucristore buremurīrē neō piribirikōāka! Güiri marīrō ōārō gūñaturarā āārīka! Marīpu turari merā ōārō āārīrikuka! ¹⁴ Āārīpereri gajinorē irirā, gajerārē maīrī merā irika!

¹⁵ Yaarā, musā masīa. Acaya nikūguere Estéfanos wāikuguya wii marā, gajerā iro marā Jesúre buremupuroriburi dupuyuro ĩgūrē buremupurorinerā āārīma. ĩgūsā, gajerā Jesúre buremurārē ōārō iritamunikōāma. ¹⁶ ĩgūsā irirosū irirārē ōārō ĩgūsā dorerire irituyaka! Gajerā ĩgūsā merā Jesucristoyare moātaturārē musā ōārō ĩgūsā dorerire irituyamakū gāamea yu. ¹⁷ Musā merāmarā Estéfanos, Fortunato, Acaico yu purogue ejasiana. ĩgūsā yu merā āārīmakū, buro usuyáa. ĩgūsā musā yure iritamuboadere iritamuma. ¹⁸ Yure ōārō yujupūrākumakū yáma. Musādere irasūta iriñurā. Musārē gajerā péroque ĩgūsā irirosū irirārē: “Ōārō irirā yáma”, ārī werero gāamea.

¹⁹ Asia nikū marā Jesúre buremurā musārē ōādorema. Aquila, Priscila, gajerā Jesúre buremurā ĩgūsāya wiigue nerēnarāde musārē buro ōādorema. ²⁰ Ōō marā Jesúre buremurā āārīpererā musārē ōādorema. Usuyari merā gāme bokatīrī, ōārō merā mojō ñeānaka!

²¹ Yu Pablo, yu basi: “Musārē ōādorea”, ārī gojáa.

²² Marī Opure Jesucristore maībino wajamoāsūburo. “Gha Opu aarika!”

²³ Marī Opu Jesucristo musārē ōārō iritamuburo. ²⁴ Marī āārīpererā Jesucristoyarā āārā. Irasirigu yu musā āārīpererārē buro maīa. Āsū āārā. Irasūta āārīburo.

Iropāta āārā.

Pablo

2 CORINTIOS

Pablo Corinto marãrẽ õãdoredea

¹ Yũ Pablo, marĩyagũ Timoteo merã mũsã Marĩpũyarã Corinto marãrẽ, irasũ ããrĩmakũ ããrĩpererã Acaya nikũgue ããrĩrãrẽ õãdoredea. Marĩpũ gããmederosũta Jesucristo yũre ìgũyare buedoregũ pĩmi. ² Marĩpũ ããrĩnĩgũ, marĩ Opũ Jesucristo mũsãrẽ õãrõ iritamũ, siuñajãrĩ merã ããrĩrikũmakũ iriburo.

Pablo ìgũ ñerõ tarideare gojadea

³ Marĩpũ, marĩ Opũ Jesucristo Pagũ marĩrẽ bopoñarĩ merã ìãmi. Ìgũ sugũta marĩrẽ gũñaturamakũ irigũ ããrĩmi. Irasirirã ìgũrẽ: “Õãtaria mũ”, ãrĩ, usũyari sĩrã! ⁴ Marĩ ñerõ taririkũ, Marĩpũ marĩrẽ gũñaturamakũ yãmi. Irasirirã gajerã ñerõ tarimakũ ìãrã, Marĩpũ marĩrẽ gũñaturamakũ iriderosũ marĩde ìgũsãrẽ gũñaturamakũ irimasĩa. ⁵ Marĩde Cristoyarã ããrĩsĩã, ìgũ ñerõ tariderosũ burõ ñerõ taria. Marĩ ñerõ tariro nemorõ Marĩpũ Cristo merã marĩrẽ iritamugũ õãrõ gũñaturamakũ irigũkumi. ⁶ Gũa Marĩpũ mũsãrẽ taurire gũñaturaburo, ãrĩrã, ñerõ taria. Gũa ñerõ tarimakũ, Marĩpũ gũare iritamumi gũñaturari merã tariburo, ãrĩgũ. Mũsã, gũa irirosũ ñerõ tarimakũ, Marĩpũ mũsãdere iritamumasĩmi gũñaturari merã tariburo, ãrĩgũ. ⁷ Gũa ire masĩa. Gũa ñerõ tarirosũ mũsãde gũa merã ñerõ taria. Irasũ ñerõ tarimakũ, Marĩpũ gũare gũñaturamakũ irirosũ mũsãdere õãrõ gũñaturamakũ yãmi. Irasirirã mũsã gũñaturari merã ñerõ tariburire gũa masĩa.

⁸ Gũayarã, Asia nikũgue gũare waadeare mũsãrẽ masĩmakũ gããmea. Gũa iroguere ããrĩrã burõ ñerõ tarirã: “I ñerõ taririre neõ bokatĩũbirikoa. Boarãkoa. ⁹ Wẽjẽbéokõãrãkuma”, ãrĩ gũñadibũ. Marĩpũ direta gũa gũñaturaburire irasũ ñerõ taribũ. Irasirirã: “Marĩ basi neõ iritamumasĩbirikoa. Marĩpũ boanerãrẽ masũgũ sugũta marĩrẽ taumasĩmi”, ãrĩ gũñaturabũ. ¹⁰ Gũare burõ wẽjẽduakererũgũ, Marĩpũ gũare taumi. Irasirirã: “Daporadere, pũruguedere taugũkumi”, ãrĩ bũremua. ¹¹ Irasirirã mũsã gajerã merã Marĩpũre gũaya ããrĩburire sãrẽbosarosũta ìgũ gũare iritamumakũ ìãrã, wãrã ìgũrẽ: “Pablosãrẽ õãrõ iritamubũ”, ãrĩ, usũyari sĩrãkuma.

Pablo ìgũ Corintogue waadũadideare gojadea

¹² Gũa irideare gũñarã, usũyari merã ãsũ ãrĩ gũñãa: “Gũa i ãmũguere Marĩpũ ìũrõ ãrĩgatori marĩrõ gopeyari merã masakare buebũ”, ãrĩ gũñãa. Mũsãdere irasũta iribũ. Gũa masĩrĩ merã buebiribũ. Marĩpũ gũare maĩgũ ìgũ turari merã iritamumi. ¹³ Gũa mũsãrẽ gojarã, pẽmasĩma õãrõ dita gojabũ, õãrõ pẽmasĩmakũ gããmerã. ¹⁴ Irasirirã gũa mũsãrẽ gũñarã: “Gũayamarẽ ìgũsã pẽmasĩturabirideare pũrugue õãrõ pẽmasĩrãkuma”, ãrĩ gũñãa. Irasirirã, marĩ Opũ Jesús dupaturi aarimakũ, gũa mũsã iridea merã usũyarosũta, mũsãde gũa iridea merã usũyarãkoa.

¹⁵⁻¹⁶ Irasũ ãrĩ gũñagũ, Macedonia nikũgue waagũ mũsãrẽ ìãgũ waapũroridũadibũ. Irasirigũ mũsãrẽ ìãtariwãgã, gãme dujari, mũsãrẽ dupaturi ìãbokuyo. Pea yũre mũsã ìãrĩ merã usũyamakũ iridũagũ, irasiridũadibũ. Mũsã, irasirimakũ, yũ Judea nikũgue waaburire iritamubokuyo. ¹⁷ “Yũ mũsã pũro waagũra”, ãrĩkeregũ, ejabirimakũ ìãrã: “Pablo, gajerã masaka ìgũsã gããmerõ irirosũ iriañumi”, ¿ãrĩ gũñarĩ? “Ìgũ ãrĩderosũ iribirañumi”, ¿ãrĩ gũñarĩ? ¹⁸ Marĩpũ ìgũ: “Ãsũ irigũra”, ãrĩdeare yãmi. Gũade: “Ãsũ irirãkoa”, ãrĩdeare: “Iribirikoa” ãrĩrã meta yãa. Irire masĩmi Marĩpũ. ¹⁹ Yũ, Silvano, irasũ ããrĩmakũ Timoteo, Marĩpũ magũ Jesucristoyare

m̄sārē wereb̄u. Marīp̄u: “Ȳu magū merā āsū iriḡura”, ārīgū, diayeta iriḡuno āārīmi. “Īgū merā āsū iriḡura”, ārī, p̄aru: “Iribirikoa”, ārīgū meta yāmi. ²⁰ Irasiriḡu āārīpereri Marīp̄u masakare: “Āsū iriḡura”, ārīdeare Jesucristo Īgū magū merā iripeokōādi āārīmī. Īgū irasirimakū ĩārā, marī Jesucristoyarā Marīp̄ure: “Irasūta āārā, m̄u magū Jesucristo merā iridea oātaria”, ārī, m̄uyari s̄ia. ²¹ Ḡuare, irasū āārīmakū m̄sādere Cristore piriro marīrō b̄uremurā, ĩgū merā oārō āārīmakū iriḡu, Marīputa āārīmi. Īgūta marīrē beyepīdi āārīmī Cristoyarā āārīdoreḡu. ²² Irasiriḡu marīrē ĩgūyarā āārīrīrē masīmakū iridoreḡu, Oāgū deyomarīgūrē marī merā āārīmakū iridi āārīmī. Irasiriḡu āārīpereri Īgū marīrē s̄iburire ĩgū merā masīmakū yāmi.

²³ Marīp̄u ȳu wererire, ȳu gūñarīrē masīmi. Irasiriḡu ȳu m̄sā p̄rogue Corintoguere waabirideare diayeta wereḡura. M̄sā ñerō iridea waja turid̄uabi, m̄sā p̄rogue waabirib̄u, m̄sārē b̄ujaweremakū iribokoa, ārīgū. ²⁴ Ḡu m̄sārē b̄uro doreri merā: “Jesucristore b̄uremurā āsūpero gap̄u iriro gāāmea”, ārīrā meta āārā. Piriro marīrō m̄sā ĩgūrē oārō b̄uremua. Irasirirā, m̄sārē ĩgū merā nemorō m̄uyamakū gāāmerā, oārō iritamud̄uāa.

2

¹ Iro dupuyuro ȳu m̄sārē ĩāgū ejaḡu, ȳu wereri merā m̄sārē b̄ujaweremakū irib̄u. Irasiriḡu: “‘Dupaturi ĩgūsārē b̄ujaweremakū iribokoa’, ārīgū, daporare ĩgūsārē ĩāgū waabea”, ārī gūñabu. ² M̄sārē b̄ujaweremakū iriḡu, ȳude b̄ujawerebokoa. Marī basi gāme b̄ujaweremakū irirā, gāme m̄uyamakū irimasīña marībokoa. ³ Irasiriḡu irin̄ugue m̄sārē su pū gojab̄u ȳu m̄sā p̄rogue waaburi dupuyuro iririre āmudoreḡu. Irire āmuburi dupuyuro ȳu m̄sārē ĩāgū waamakū, ȳure m̄uyamakū iriboanerā, ȳure b̄ujaweremakū iribokoa. Ȳu āsū ārī gūñāa: Ȳu m̄sā merā m̄uyamakū, m̄sāde ȳu merā m̄uyarākoa. Irasiriḡu m̄sā merā b̄ujawered̄uabi: “Waabea dapa”, ārī gojab̄u. ⁴ M̄sārē irire gojaḡu, b̄uro gūñarikuri merā, oārō ȳujpūrākuri marīrō merā, b̄uro oreri merā m̄sārē gojab̄u. M̄sārē b̄ujawereburo, ārīgū meta gojab̄u. Ȳu m̄sārē b̄uro maīrīrē masīmakū irid̄uaḡu, gojab̄u.

Ñerō iridi irideare kātika! ārī gojadea

⁵ Suḡu m̄sāyaḡu ĩgū ñerō iridea merā ȳure b̄ujaweremakū irimi. Ȳu di-reta irasū iribirimi. M̄sādere āārīpererārē b̄ujaweremakū iridi āārīmī. Īgū ȳure m̄sā nemorō b̄ujaweremakū irikerep̄aru: “Īgūrē b̄uro wajamoāka!” ārīgū meta yāa. ⁶ M̄sā nerēnarōgue: “Īgū ñerō iridea waja marī merā neō nerēnemobirikōāburo”, ārīdeare irisiayuro. Irasiriḡu ȳu m̄sārē: “Iropāta ĩgūrē wajamoāka!” ārī gojāa. ⁷ Īgū ñerō irideare b̄ujawerekereḡu, ĩgūrē m̄sā wajamoānemomakū, b̄uro b̄ujawereri merā dujabokumi. Irasirirā ĩgū ñerō irideare kāti, ĩgūrē iritamuka, gūñaturari merā āārīburo, ārīrā! ⁸ Irasiriḡu ȳu m̄sārē: “Dupaturi ĩgūrē oārō bokatīrīñeāka, m̄sā dupuyurogue maīderosūta ĩgūrē maīrīrē masīburo, ārīrā!” ārī gojāa. ⁹ Iro dupuyuro m̄sārē gojaḡu: “¿Diayeta ȳu dorerire irirākuri?” ārī masīduaḡu gojab̄u. ¹⁰ M̄sā ĩgū ñerō irideare kātirosūta, ȳude irire kātia. Ȳure ñerō iribirikerep̄aru, m̄sārē iritamud̄uaḡu: “Īgū ñerō irideare kātia. Cristo marī ñerō irideare kātigu ĩūrō, irasū yāa”, ārī gojāa. ¹¹ Marī ĩgū ñerō irideare kātimakū ĩāgū, wātēa op̄u Satanás marīrē ñerō iridored̄uaḡu marīrē tarin̄ugāmasībirikumi. Īgū marīrē ñerī irimakū gāāmerīrē oārō masīa.

Pablo: “Troague āārīgū gūñarikub̄u”, ārī gojadea

¹² Y_u Troas wāikuri makāgue Jesucristoya kerere buegu ejamakū, marī Op_u Jesucristo wārā irogue āārīrārē iri kerere péduamakū iridi āārīmí. ¹³ Irasū āārīkerepuru, marīyagu Titore bokabirisīā, buro bujawere gūñarikabu. Irasirigu iro marārē: “Waagú yáa”, ārī, Macedonia nikūgue ĩgūrē āmagú waabu.

Cristoyarā wātī ñerō iridorerire tarinugāmasīma, ārī gojadea

¹⁴ Y_u gūñarikukeregu, Marīpure: “Mu yare ōārō iritamunía”, ārī, usuyari sīa. Marī Jesucristoyarā āārīmakū, Marīpu marīrē ĩgū iritamurī merā āārīpereri wātī ñerō iridorerire tarinugāmasīmakū yámi. Marī Jesucristoya kerere bueri merā masakare ĩgūyamarē masīmakū yámi. Sūrōrī āārīpererogue sūrō seyaro irirosū āārīpererogue marārē masīmakū yámi. ¹⁵ Āsū āārā. Marīpu, marī Jesucristoya kerere were, ĩgūyare irituyamakū ĩāgū, ōārī sūrōrī ĩgūrē sīdea soemurī merā usuyarosū, marī merā usuyami. Sūrōrīrē ĩgū ĩūrō soemumakū sūrō seyarosū, marī noó waaró marī Jesucristoyarā āārīrīrē ĩgū taumurārē, peamegue waamurādere masīmakū yámi. ¹⁶ Peamegue waamurā Jesucristoya kerere marī weremakū pérā, ĩgūrē gāāmebiri waja irogue wajamoāsūburire masīma. Jesucristo taumurā gapu iri kerere marī weremakū pé buremurā, Marīpu puro ĩgū merā āārīburire masīma. Marī basi iri kerere ōārō weremasībea. Marīpu iritamurī merā irire ōārō weremasīa. ¹⁷ Wārā gajerā Marīpu yare buegorenarā, niyeru direta wajataduma. G_{ua} gapu ĩgūsā irirosū iribebea. G_{ua} Cristore moāboerā, Marīpu iriunerā ĩgū ĩūrō ĩgū weredoredeare gopeyari merā werea.

3

Marīpu Jesucristo iridea merā: “Ōārō irigura musārē”, ārīrīrē gojadea

¹ G_{ua} musārē irire ārīrā, dupaturi g_{ua} basi ōārō werenírā meta yáa. Gajerā buerimasā musā puro ejaburi dupuyuro ĩgūsā buenerārē su papera pūgue ĩgūsā buerire: “Keoro āārā”, ārīrīrē gojadoreñurā. Irasirirā musā puro ejarā, iri pūrē musārē wiañurā. Musā g_{ua}re masīsiáa. Irasirirā g_{ua} ĩgūsā irirosū musārē iri pūnorē iriubea. Irasū āārīmakū gajerogue buerā waamurā, musārē iri pūnorē gojabosadorebea. ² G_{ua} iri pūnorē gāāmebea. Musā, g_{ua} Jesucristoya kerere weremakū pérā, ĩgūrē buremu, ĩgūyare irinugābu. Masaka, musā irasirimakū ĩārā, g_{ua} buerire: “Keoro āārā”, ārī masīrākuma. G_{ua}de g_{ua} gūñarīgue musārē: “Diayeta Jesucristore buremu, ĩgūyare irituyarā yáma”, ārī masīa. Musā irasiriri merā masaka g_{ua}re: “Ōāgorama”, ārī masīrākuma. G_{ua}yamarē gojadea pū merā masīrōsū irire masīrākuma. ³ Jesucristo, g_{ua} ĩgūya kerere weremakū, musārē ĩgūrē buremu, ĩgūyare irituyamakū iridi āārīmí. Irasirirā masaka musā ĩgūyare iririre ĩārā, ĩgūyarā musā āārīrīrē gojadea pū merā masīrōsū masīrākuma. Irasirirā musā Cristo gojadea pū irirosū āārā. Irire masīdoregu, papera pūgue gojadi merā gojabiridi āārīmí. Marīpu okanīgū gāāmerōsūta Ōāgū deyomarīgū turari merā musāya gūñarīgue: “Īgū iritamurī merā g_{ua} āsū āārīrikua”, ārī masīmakū yámi. Irasirigu, iripoegue Marīpu Moisére ĩgū dorerire pídeare ūtā majīrīgue gojaderosū iribiridi āārīmí. ⁴ G_{ua} Cristo iritamurī merā Marīpure gūñaturasīā, musārē irire gojāa. ⁵ “G_{ua} masīrī merā i moārīrē yáa”, neō ārīmasībea. Marīpu iritamurī merāta Jesucristoya kerere werea. ⁶ Irasirigu g_{ua}re iri kerere, ĩgū masakare: “Ōārō irigura musārē”, ārīrīrē ōārō buemakū yámi. Iri kere, iripoegue Marīpu Moisére ĩgū doreri pídea irirosū āārībea. Marīpu Jesucristo iridea merā, Ōāgū deyomarīgū iritamurī merā marīrē ĩgū merā ōārō āārīmakū iriri kere āārā. Neō sugū ĩgū dorerire iripeogu mámi. Irasirirā marī irire iripeobiri

waja peamegue waamurã dita ããrĩbokoã. Õãgũ deyomarĩgũ iritamurĩ merãta Marĩpu merã õãrõ ããrĩmasĩa.

⁷ Marĩpu Moisére ĩgũ doreri pídeare ütã majĩrĩgue gojagu, ĩgũ ããrĩrõgue gosewasiriri waamakũ iridi ããrĩmĩ. Irasiriro Moiséya diapu Marĩpu gosewasiriri merã kũmijũdero ããrĩbũ. Iri gosewasiriri peredijakerepuru, Israel bumarã ĩgũrẽ ĩãmeétumasĩbirinerã ããrĩmã. Marĩpu buro gosewasiriri merã deyoa, Moisére iri doreri pídea ããrĩkerepuru, iri doreri, masakare ĩgũsã irire iripeomasĩbiri waja peamegue waamurã dita ããrĩmakũ iridero ããrĩbũ. ⁸ Irasirigu Marĩpu iri doreri merã iridea nemorõ, ĩgũ Õãgũ deyomarĩgũ iritamurĩ merã marĩrẽ ĩgũ merã õãrõ ããrĩmakũ iriri õãtaria. ⁹ Marĩpu, masaka Moisére ĩgũ doreri pídeare iripeobiri waja ĩgũsãrẽ: “Wajamoãgura”, ãrĩkerepuru, õãgoradero ããrĩbũ. Iri nemorõ, Marĩpu Jesucristo iridea merã marĩrẽ: “Õãrã, waja opamerã ããrĩma”, ãrĩ ĩãrĩ, õãtaria. ¹⁰ Irasiriro Marĩpu Moisére ĩgũ doreri pídea õãrĩ ããrĩkerepuru, Jesucristoya kere gapu, iri nemorõ õãtaria. Iri kere, iri dorerire ubu ããrĩrĩ dujamakũ yãa. ¹¹ Marĩpu buro gosewasiriri merã Moisére ĩgũ dorerire pikerepuru, iri pereburi ããrĩdero ããrĩbũ. Jesucristo ĩgũ iridea merã marĩrẽ tauri kere gapu õãtaria. Neõ ubu ããrĩrĩ ããrĩbirikoa. Neõ perebirikoa.

¹² Irasirirã gua irire masĩsĩa, güiro marĩrõ merã pémasĩma õãrõ musãrẽ Jesucristoya kerere werea. ¹³ Iri kere, Marĩpu Moisére ĩgũ doreri pídea perederosũ neõ perebirikoa. Irasirirã gua iri kerere wererã, Moisés iriderosũ irirã meta yãa. Moisés Marĩpu merã ããrĩdero puru, ĩgũya diapu Marĩpu gosewasiriri merã kũmijũdero ããrĩbũ. Israel bumarã iri gosewasiriri peredijarire masĩrĩ, ãrĩgũ, ĩgũya diapure surĩro gasiro merã buhadi ããrĩmĩ. ¹⁴ Moisés irasirimakũ, iri gosewasiriri peredijarire masĩbiriderosũ, Marĩpu doreri ĩgũrẽ pídeare: “Ãsũ ãrĩdũaro irikoa”, ãrĩ pémasĩbirinerã ããrĩmã. Daporaguedere Israel bumarã irire buerã, pémasĩbema dapa. Cristoyarã dita irire pémasĩma. ¹⁵ Daporaguedere Israel bumarã Marĩpu Moisére ĩgũ doreri pídeare bukererã, pémasĩrĩ marĩrõ buema. ¹⁶ Sugu masakũ marĩ Opure buremunugãmakũ, marĩ Oputa ĩgũyare pémasĩmakũ yãmi. ¹⁷ Marĩ Opu, Õãgũ deyomarĩgũ merã suguta ããrĩmi. Irasirirã, Õãgũ deyomarĩgũ marĩ merã ããrĩmakũ: “Marĩpu Moisére ĩgũ doreri pídeare marĩ tarinugãdea waja marĩrẽ wajamoãgukumi”, ãrĩ güñabea. ¹⁸ Irasirirã marĩ Opuyarã ããrĩsĩa, marĩ Opu õãtarigu ããrĩrĩrẽ masĩa. Gajerãde marĩ ĩgũyarã ããrĩrĩrẽ masĩma. Irasirigu marĩrẽ ĩgũ õãgũ ããrĩrõsũ ããrĩmakũ gããmegũ, ããrĩpereri marĩ okarinũrĩrẽ gorawayumakũ yãmi. Marĩ Opu, Õãgũ deyomarĩgũ merã suguta ããrĩmi. ĩgũta marĩrẽ irasũ yãmi.

4

¹ Marĩpu guare bopoñarĩ merã ĩãgũ, guare Jesucristoya kerere weremurãrẽ pídi ããrĩmĩ. Irasirirã piriro marĩrõ güñaturari merã masakare iri kerere werea. ² Guyasĩũrõ iririre, masaka ĩãberogue ñerĩ iririre doogorãa. ãrĩgatori merã buebea. Marĩpuya werenĩrĩrẽ gorawayuro marĩrõ buea. Marĩpu ĩũrõ diayema ããrĩrĩ direta pémasĩma õãrõ masakare werea, ããrĩpererã guare: “Keoro buema”, ãrĩburo, ãrĩrã. ³ Peamegue waamurã dita Marĩpu Jesucristo iridea merã masakare tauri kerere gua wererire pémasĩbema. ⁴ ĩgũsã Jesucristore buremubiri waja, wãtĩ i mũma marã ñerã opu ĩgũsãrẽ iri õãrĩ kerere pémasĩbirimakũ yãmi. Koye ĩãmerã sĩãgorire ĩãmasĩmerã irirosũ ããrĩmakũ yãmi. Irasirirã Cristo õãtarigu ããrĩrĩrẽ ĩãmasĩbema. Cristo, Marĩpu ããrĩrĩkerire opagu, Marĩputa ããrĩmi. ⁵ Gua Jesucristoya kerere wererã, masaka guare õãrõ güñaburo, ãrĩrã meta yãa. ĩgũsãrẽ: “Jesucristo marĩ Oputa ããrĩmi. ĩgũrẽta buremurõ gããmea”, ãrĩ werea. Guyamarẽ wererã: “Jesús guare maĩgũ

Īgūyare weredoredea merā gwa musārē moāboerā irirosū musārē iritamurā yāa”, āri werea. ⁶ Neōgoraguere āārīperero i ūmugue naītīārō āārīmakū, Marīpu: “Boyori waaburo”, ārīrī merāta boyori waamakū iridi āārīmī. Īgūta iriderosū marīya gūñarīgue boyori āārīmakū yāmi. Irasirīgu marīrē Īgū ōātarīgu āārīrīrē masīmakū yāmi. Marī Jesucristo ōātarīgu āārīrīrē masīrā, Marīpu ōātarīgu āārīrīdere masīa.

Jesucristore b̄remurā Marīpu merā ōārō āārīma, āri gojadea

⁷ Gwa Marīpu ōātarīgu āārīrīrē masīrā, diiarisoro ubu āārīrī soro, ōātariri opari soro irirosū āārā. Irasirirā gajerā, gwa Marīpuya kerere weremakū pérā: “Marīpu turatarīgu iritamurī merāta marīrē Īgūyare werema Īgūrē b̄remuburo, ārīrā”, āri gūñarākuma. ⁸ Gwa noó waaró ñerō tarikerepu, Marīpu iritamumi, gajerā gware Īgūyare wererire pirimakū iribirikōāburo, ārīgū. Irasirirā: “¿Naásū waarokuri?” āri gūñarikukererā: “Marīpu marīrē iritamubirikumi”, āri gūñabea. ⁹ Gajerā gware ñerō irikerepu, Marīpu gware koregu neō béowāgābemi. Īgūsā gware wējēduarā pámeépikerepu, Marīpu Īgūsārē gware wējēdorebemi. ¹⁰⁻¹¹ Jesús i nikūgue āārīmakū, masaka Īgūrē wējēma. Irasirirā gwa Īgūyarā āārīrī waja āārīpereri gwa okarinurīrē āārīpererogue gwa noó waaró guadere wējēduama. Marīpu gapu Jesúre dupaturi okamakū iridi āārīmī. Irasirīgu, gwa boaburi dupare opakerepu, gware Jesús okari sīrīrē opamakū yāmi gajerā irire masīburo, ārīgū. ¹² Irasirirā gwa Jesúya kerere wereri waja gajerā gware wējēma goero āārīkerepu, masā gapu iri kerere b̄remurā, Marīpu puero perebiri okari opamurā āārā.

¹³ Marīpuya werenīrī gojadea pūgue āsū āri gojasūdero āārībú: “Yū Marīpue b̄remubu. Irasirīgu Īgūyare werebu”. Gwade irasūta b̄remua. Irasirirā Īgūyare werea. ¹⁴ Ire masīa. Marīpu, marī Opu Jesúre boadiguere masūdi āārīmī. Īgūrē masūderosūta marī Jesúyarā āārīmakū, marīdere masūgukumi. Irasirīgu marīrē Īgū puogwe āimurīagukumi Īgū merā āārīdoregu. Gwa irire masīsīa, musārē Īgūyare werea. ¹⁵ Irasirirā musārē iritamuduarā masā ōārō āārīburire i āārīpererire irirā ñerō taria. Wārā gajerādere gwa wererire pérā Marīpu Jesús merā ōārō iririre masīmakū gāāmerā, irasū yāa. Irire masīrā, Īgūrē: “Ōātarīa mu”, āri, usuyari sīrākuma.

¹⁶ Irasirirā gwa ñerō tarikererā, piriro marīrō gūñaturari merā masakare Īgūyare werea. Ūmarīku gwaya dupuma turari perewāgākerepu, Marīpu gware gūñaturamakū yāmi. ¹⁷ Irasirirā gwa Jesúya kerere wereri waja gwa daporare ñerō taririre, Marīpu puogwe gware iriburire āsū āri gūñāa: “Marī ñerō tariri, pereburi āārā. Marīpu puogwe nemorō ōārī iriburi gapu neō perebirikoa. Buro usuyari merā Īgū puero āārīnīkōārākoa”. ¹⁸ Daporare gwa i nikūmarē Īārīrē gūñarikubea. Ūmugasima Īāña marīrīrē, irogwe Marīpu merā āārīburire gūñāa. Gwa daporare i nikūmarē Īārī, pereakōārokoa. Ūmugasima Īāña marīrī gapu āārīnīkōārokoa.

5

¹ Marī ire masīa. Marīya dupu, marīya wii irirosū āārā. Wii irirosū marīya dupu boamakū, Marīpu gaji wii marīrē sīrōsū gaji dupu ūmugasima dupare sīgukumi. Iri dupu, masaka iridea dupu meta āārīrokoa. Irasiriro neō boabiri dupu āārīrokoa. ² Marī i nikūma dupare oparā yujpūrākaturabiri, bujawereri merā ñerō taria. Maama wii marī ōārō āārīburi wiire buro opaduarosū, ūmugasima dupare buro gāāmea. ³ Surīro maamañerē sāñaduarosū iri dupare gāāmea. Surī marīrā āārīduamerā irirosū, dupu marīrā āārīduabea. ⁴ I nikūma dupare oparā yujpūrākaturabiri, gūñarīku, ñerō taria. Ñerō tarikereerā, marīya dupu, boaburi dupare béoduarā meta yāa. Maama dupu,

neõ boabiri dupu gapure buro opaduaa. Iri dupure oparã, Marĩpu puo igũ merã aãrĩnikõãrãkoa. ⁵ Marĩpu marĩrẽ maama dupure opamurã aãrĩmakũ iridi aãrĩmĩ igũ puo õãrõ aãrĩburo, ãrĩgũ. Marĩrẽ irire masĩburo, ãrĩgũ, Õãgũ deyomarĩgũrẽ marĩ merã aãrĩdoregu sĩdupuyudi aãrĩmĩ.

⁶ Irasirirã Marĩpũre gũñaturanĩkõãa. Ire masĩa. Marĩ i nikũma dupukurã, marĩ Opũ puo aãrĩbea. ⁷ Igũrẽ iãbirikererã: “Diayeta igũ ãrĩderosũta irigukumi”, ãrĩ buremurĩrẽ neõ piribeã. ⁸ Gũñaturari merã marĩya aãrĩburire ãsũ ãrĩ gũñãa: “Marĩ boarã, i nikũma dupure bẽorã, marĩ Opũ puo buro usuyari merã aãrĩrãkoa. Irire buro gããmeã marĩ”. ⁹ Irasirirã marĩ Opũre marĩ merã usuyamakũ iriduarã, i nikũgue aãrĩrã, o igũ puo gũ ããrĩrã, igũ gããmerĩrẽ iriduaa. ¹⁰ Marĩ Cristo puo waamakũ, marĩ aãrĩpererãrẽ igũ diaye nĩdoregukumi marĩ i nikũgue aãrĩrã irideare werebu. Irasirigũ, marĩ õãrĩ irideare, o ñerĩ irideare keoro weregukumi. Marĩ, igũ irasiriburire masĩrã, igũ gããmerĩrẽ iriduaa.

Marĩpu merã õãrõ aãrĩrĩmarẽ gojãdea

¹¹ Irasirirã gopeyari merã marĩ Opũ Jesucristore buremua. Gũã masakare igũsã igũrẽ buremumakũ gããmerã, igũyare wereã. Marĩpu gũã iririre masĩmi. Yũ, musãdere gũã iririre: “Õãrõ yãma”, ãrĩ masĩmakũ gããmeã. ¹² Yũ musãrẽ gojagũ, dupaturi guayamarẽ: “Õãgorãã”, ãrĩ gojagũ meta yãã. Gũãre õãrõ masĩ, usuyari merã gũñaburo, ãrĩgũ, musãrẽ gojãã. Gajerã buerimasã: “Gajerã nemorõ õãrã aãrã”, ãrĩ gũñarã, masaka iũrõ direta õãrã irirosũ aãrĩma. Igũsã aãrĩrikuri gapure pẽmasĩbema. Gũãre: “Keoro buebema”, ãrĩ werewuamakũ, musã igũsãrẽ õãrõ yũjurãkoa. ¹³ Gajerã gũã iririre iãrã: “Niãsũrã yãma”, ãrĩ iãkerekuru, niãsũrã meta yãã. Marĩpu gããmerĩrẽ irirã, irasũ yãã. Pẽmasĩrĩ merã musãrẽ iritamurã yãã. ¹⁴ Cristo suguta marĩ aãrĩpererãrẽ maĩgũ marĩ ñerĩ iridea waja marĩrẽ boabosadi aãrĩmĩ. Irasirirã marĩ aãrĩpererãrẽ igũ merã boanerã irirosũ dujabũ. Gũã irire gũñarã: “Diayeta aãrã”, ãrĩ gũñãã. Irasirirã igũyare piriro marĩrõ yãã. ¹⁵ Aãrĩpererã marĩ ñerĩ iridea waja marĩrẽ boabosadi aãrĩmĩ, marĩ gããmerõ irinemobirikõãburo, ãrĩgũ. Marĩ õãrõ aãrĩburire marĩrẽ boabosa, masãdi aãrĩmĩ igũ gããmerĩrẽ iridoregu. ¹⁶ Irasirirã igũrẽ masĩsĩã, i umũ marã igũrẽ masĩmerã gajerãrẽ werewuuri merã iãrã irirosũ neõ iãbeã. Iripoeguere yũ igũrẽ: “Ubu aãrĩgũ, i nikũmata aãrĩmĩ”, ãrĩ iãunabu. Dapora gapure igũrẽ masĩa. ¹⁷ Marĩ Cristoyarã ñajãmakũ, Marĩpu marĩrẽ maama aãrĩrikurire opamakũ iridi aãrĩmĩ. Irasirirã marĩ igũyarã aãrĩburi dupuyuroge aãrĩrikũunaderosũ neõ aãrĩbeã.

¹⁸ Marĩpu marĩrẽ iri aãrĩpererire irasiridi aãrĩmĩ. Iripoeguere marĩ, Marĩpu merã õãrõ aãrĩburiunerã aãrĩbũ. Irasirigũ Marĩpu, Cristo boari merã marĩrẽ igũ merã õãrõ aãrĩmakũ iridi aãrĩmĩ. Aãrĩpererã irasũ aãrĩmakũ gããmegũ, gũãre igũya kerere weredoregu pĩdi aãrĩmĩ. ¹⁹ Iri kere ãsũ ãrã: “Marĩpu, Cristo boari merã aãrĩpererã i umũ marãrẽ igũ merã õãrõ aãrĩburire pĩdi aãrĩmĩ. Igũsã ñerõ iridea wajare peremakũ iridi aãrĩmĩ”. Irasirigũ aãrĩpererãrẽ igũ merã õãrõ aãrĩmakũ gããmegũ, guare iri kerere weredoregu pĩdi aãrĩmĩ. ²⁰ Irasirirã Cristore wereboerã igũ iriunerã aãrã. Gũã igũyare wererã, Marĩpu igũ basi masakare wereboderosũta gũã igũsãrẽ ãsũ ãrĩ wereã: “Cristore wereboerã igũyare wererã yãã. Irasirirã musãrẽ: ‘Marĩpu merã õãrõ aãrĩka!’ ” ãrĩ wereã. ²¹ Cristo neõ ñerĩ iribirikerekuru, Marĩpu, marĩ ñerĩ iridea waja marĩrẽ wajamoãboderosũ igũrẽ iridi aãrĩmĩ marĩrẽ Cristoyarã aãrĩdoregu. Igũ gããmerõsũta igũ irirosũ marĩrẽ diaye irirã aãrĩdoregu, irasiridi aãrĩmĩ.

6

¹ Gwa Marĩpũyare moãrã ããrĩsĩã, turaro merã musãrẽ: “Marĩpũ Cristo merã musãrẽ õãrõ iritamudeare ubu ããrĩrĩrẽ irirosũ ããbẽbirikõãburo, ãrĩrã, ãgũyare irinikõãka!” ãrĩ werea. ² Marĩpũ ãgũya werenĩrĩ gojadea pũgue ãsũ ãrĩdi ããrĩmĩ: Yũ musãrẽ: “Õãrõ iritamugũra”, ãrĩdeare iriripoe ããrĩmakũ, musã sãrẽrĩrẽ pãbu.

Yũ tauripoe ããrĩmakũdere musãrẽ iritamubũ, ãrĩdi ããrĩmĩ.*
 Irasirirã gwa wererire õãrõ pãka! Daporare masaka Marĩpũre: “Yũre iritamuka!” ãrĩ sãrẽrãrẽ ãgũ pãdũaripoe ããrã. Daporare ãgũrẽ: “Yũre tauka!” ãrĩ sãrẽrãrẽ ãgũ taudũaripoe ããrã, ãrĩ werea.

³ Gwa Marĩpũyare buerire ñerõ werenĩrĩ, ãrĩrã, gwa neõ sugũnorẽ ñerõ iribea, ãgũyare piribokumi, ãrĩrã. ⁴ ããrĩpereri gwa iriri merã Marĩpũre moãboerã ããrĩrĩrẽ gajerãrẽ masĩmakũ gããmerã, ãsũ gapũ yãa. ãgũyare buegorenarã, ñerõ taririre, gwa gããmerĩrẽ opabirire, ñerõ guare waarĩe õãrõ merã gãñatura, bokatĩũa. ⁵ Gajipoere gajerã guare tãrãma. Peresugue biadoboma. Gajipoere wãrã masaka nerẽ, guari merã gainĩma guare wẽjẽdũarã. Gajipoere bũro poyari merã moãbũ. Kãrĩrõ marĩrõ, ãaboari merã moãbũ.

⁶ Gwa Marĩpũre moãboerã ããrĩrĩrẽ masakare masĩmakũ gããmerã, idere yãa. ãgũsãrẽ ãgũyare buerã, õãrĩ direta iridũari merã, diayema ããrĩrĩ masĩrĩ merã, bopoñarĩ merã, iritamudũari merã, Õãgũ deyomarĩgũ guaguere ããrĩrĩ merã, diaye maĩrĩ merã, ⁷ diayema ããrĩrĩrẽ wereri merã, Marĩpũ turari merã buea. Sugũ masakũ ãgũ mojókũri merã ãgũ merã gãmekẽãdũagũre kãmuta tarinũgãgũ irirosũ gwa diayema iriri merã ñerĩrẽ kãmuta tarinũgãa. ⁸ Gwa masakare buemakũ, surãyeri guare bũremurĩ merã ããma. Gajerã guare bũremubema. Surãyeri guare õãrõ werenĩma. Gajerã guare ñerõ werenĩma. Diayema ããrĩrĩrẽ gwa werekererũ: “ãrĩgatori merã buema”, ãrĩma. ⁹ Gajerã guare ããmasĩkererã: “Ubu ããrĩrã ããrĩma”, ãrĩsĩã, ããmasĩmerã irirosũ ããma. Gwa noõ waarõ gajerã guare wẽjẽdũakererũ, okãa dapa. Guare bũro wajamoãkererã, wẽjẽbema. ¹⁰ Gwa bũjawereri merã ããrĩkererã, usũyanikõãa. Boporã ããrĩkererã, gwa buerire pãrãrẽ wajaparire opamakũ irirosũ yãa. Wãri i ãmũmarẽ opabirikererã, Marĩpũ merã ããrĩpereri õãrĩrẽ opãa.

¹¹ Guayarã Corinto marã, gwa musãrẽ gojarã, gwa gãñarĩrẽ diayeta gojãa. Musãrẽ gwa bũro maĩrĩrẽ masĩmakũ gããmea. ¹² Gwa musãrẽ maĩrĩrẽ neõ piribea. Musã gapũ guare maĩturabea. ¹³ Irasirigũ sugũ ãgũ pũrãrẽ wererosũ, musãrẽ ãsũ ãrĩ weregũra. Yũ musãrẽ diaye maĩrõsũta yũdere maĩka!

Marĩpũ okanĩgũ marĩ merã ããrĩmĩ, ãrĩ gojadea

¹⁴ Cristore bũrenumerã merã sũrosũ ããrĩbirikõãka! Sugũ õãrĩrẽ irigũ, ñerĩrẽ irigũ merã õãrõ gãmesũribemi. Boyorogue ããrĩrã irirosũ Marĩpũre masĩrã, naĩtĩãrõgue ããrĩrã irirosũ Marĩpũre masĩmerã gãme wapikũmasĩbema. ¹⁵ Cristo, wãtãa opũ merã sũrosũ gãñabemi. Cristore bũremugũ, Cristore bũremubi merã sũrosũ gãñarĩrẽ opabemi. ¹⁶ Marĩpũre bũremurĩ wii ãgũ ããrĩrĩ wii, masaka ãgũsã bũremurĩ keori weadeare pĩburi wii ããrĩbea. Marĩ, Marĩpũ okanĩgũya wii irirosũ ããrĩsĩã, ãgũ direta bũremua. ãgũya wiigũ ããrĩrõsũta marĩ merã ããrĩmĩ. ãgũya werenĩrĩ gojadea pũgue irire ãsũ ãrĩ weredi ããrĩmĩ: Yũ ãgũsã merã ããrĩgũ, ãgũsã watopegue ããrĩnĩkõãgũkoa. Yũ ãgũsã Opũ ããrĩgũkoa. ãgũsã, yaarã ããrĩrãkuma, ãrĩdi ããrĩmĩ.*

¹⁷ Irasirigũ marĩ Opũ ãsũ ãrĩnemodi ããrĩmĩ:

* 6:2 Is 49.8 * 6:16 Lv 26.12; Ez 37.27

Ñerō iririkurārē wapikunemobirikōāka! Īgūsā ñerī iririre iribirikōāka! Īgūsā irirosū ñerī iribirimakū, yu musārē oārō bokatīrīñeā, wapikunikōāgukoa.✧

18 Yu, Musāpu āārīgukoa. Musā yu pūrā āārīrākoa, ārīdi āārīmī marī Opu āārīpererā nemorō turagu.✧

7

1 Yaarā yu maīrā, musārē ire werea. Marī, i Marīpu ārīdeare pérā, āārīpereri ñerō iririre, ñerī gūñarīdere pīrīrā! Irasirirā goepeyari merā ĩgūrē buremu, ĩgū gāāmerī direta irinīrā!

Pablo, Corinto marā gūñarī gorawayudeare gojadea

2 Guare maīka! Gua musārē neō poyanorēbiribu. Gua bueri merā musārē ñerō irimakū iribiribu. Neō sugunorē musā merāmūrē ārīgatori merā ĩgūyare āīabiribu. 3 Yu irire irasū ārīgū: “Musā guare ñerō werenīdea waja opāa”, ārīgū meta yāa. Gua musārē buro maīrī merā gūñanía. Yu irire musārē weresiabu. Irasirirā marī okarā, o boarā, suro merāta āārīnīrākoa. 4 Yu, musā oārō iriri kerere pégu: “Diayeta yāma”, ārī gūñāa. Irasirigu ñerō tarikeregu, gūñatura, buro usuyāa.

5 Gua Macedonia nikūgue ejarāgueta neō siuñajārī bokabiribu. Noó waarō ñerō taribu. Gajerā gua merā gāme guaseodhama. Musārē gua buenerārē gūñarā, buro gūñarikubu. 6 Marīpu, bujawereri merā āārīrārē gūñaturamakū irigu gapu Tito gua pūrogu ejarī merā guare gūñaturamakū irimi. 7 ĩgū gua pūrogu ejarī direta usuyabiribu. Musā ĩgūrē gūñaturamakū irideare ĩgū were-makū pérā, buro usuyabu. Musā yure ĩaduarire, musā yure werewhadeare bujawereri merā āārīrīrē, musā yure gūñarikurire guare weremi. Yu irire pégu, buro usuyanemobu.

8 Yu musā ñerō irideare musārē gojadupuyudea pū merā yoaweyaripoe bujaweremakū iribu. Irasirigu: “Yu gojabirimakū oāboyo”, ārī gūñabu. Irasū ārī gūñakeregu, daporare: “Yu irire gojamakū oāgorabu”, ārī gūñāa. 9 Irasirigu daporare usuyagu, musā bujaweredere usuyagu meta yāa. Yu musārē go-jadea pūrē buedero puru, musā ñerō irideare gūña, Marīpu gāāmerōsūta bujawereyuro. Musā gūñarīrē gorawayu, ñerō iririre pīriyuro. Iri gapu yure usuyamakū yāa. Musārē bujaweremakū irikeregu, neō poyanorēbiribu.

10 Marī ñerō irideare gūñarā, Marīpu gāāmerōsūta bujawere, marī gūñarīrē gorawayu, ñerī iririre pīrīrā, peamegue waabonerā tausūrākoa. Gajerā i ũmu marā Jesúre burenumerā gapu ĩgūsā ñerō irideare bujawerekererā, ĩgūsā gūñarīrē neō gorawayubema. Ñerī iririre pīribema. Irasirirā peamegue waa-murā āārīma. 11 Musā gapu musā ñerō irideare gūñarā, Marīpu gāāmerōsūta bujawereyuro. Irasirirā musā iririre goepeyari merā gūñanugāyuro. Musā ñerō irideare pīrīrē gajerārē buro masīmakū gāāmeyuro. Musā ñerō irideare gūñariku, buro bujawere, gūiyuro. Irasirirā yure buro ĩadwayuro. Ñerī irigure wajamoāyuro, ĩgū ñerō irideare dupaturi iribirikōāburo, ārīrā. Āārīpereri musā irasiriri merā musā daporare diaye irirā āārīrīrē guare ĩmua. 12 Irasirigu yu musārē gojadupuyugu, ñerō iridire ĩgū ñerō irididere iritamudhagu iribu. Musādere iritamubu, iri pūrē gojabu, Marīpu ĩūrō guare musā oārō gūñarīrē masīburo, ārīgū. 13 Irasirirā musā guare gūñaturamakū yāa.

Irasū āārīmakū musā Titore oārō bokatīrīñeārā ĩgūrē usuyamakū iriyuro. Gua irire pérā, musā merā usuyadero nemorō usuyanemobu. Musā ĩgūrē oārō āārīrikumakū iriyuro. 14 Tito musā pūro waaburi dupuyuro yu musā

✧ 6:17 Is 52.11 ✧ 6:18 2 S 7.14; 1 Cr 17.13; Is 43.6; Jer 31.9

merã usuyarire ãgũrẽ werebũ. Ñgũ irogue ejamakũ, yũ ãrĩderosũta ãgũrẽ õãrõ iriyuro. Irasirigũ yũ ãgũrẽ weredeare gũyasĩrĩbea. Gũa mũsãrẽ diayema ããrĩrĩ direta wererosũta gũa Titore mũsãyamarẽ weredeade diayeta ããrĩbũ. ¹⁵ Mũsã pũrogue ãgũ ejamakũ, ããrĩpererã bũremurĩ merã ãgũrẽ õãrõ bokatĩrĩñeãyuro. Goepeyari merã ãgũ dorerire iriyuro. Mũsã irasirideare gũñagũ, mũsãrẽ maĩdero nemorõ maĩnemomi. ¹⁶ Yũ, mũsã õãrõ iririre masĩsĩã, “Õãrõ yãma”, ãrĩ, bũro usuyãa.

8

Gajerãrẽ ãgũsã gããmerĩrẽ sĩburimarẽ gojadea

¹ Gũayarã, gũa mũsãrẽ ire masĩmakũ gããmea. Marĩpũ Jesũre bũremurĩ buri marãrẽ Macedonia nikũgue ããrĩrãrẽ õãrõ iritamumi. ² Ñgũsã bũro ñerõ tarik-ererã, gajerãrẽ iritamuma. Bũro bopokererã, ãgũsãya niyerure maĩrõ marĩrõ, bũro usuyari merã ãgũsãrẽ sĩburire neeõnama. ³ Ñgũsã gããmerõ ããrĩpereri ãgũsã sĩrõ bokatĩũrõ sĩkererã, sĩnemonama. Yũ, ãgũsã irasirideare masĩa. Irasirigũ mũsãrẽ irire werea. ⁴ Marĩpũyarãrẽ boporãrẽ iritamudũarã, ãgũsãrẽ sĩdũarire gũare: “Ãĩabosaka!” ãrĩ sẽrẽma. ⁵ Irasũ ãrĩrã, gũa gũñadero nemorõ õãrõ yãma. Niyerure ãgũsã sĩburire neeõburi dupuyuro marĩ Opũre: “Mũ gããmerĩ direta iridũakoa”, ãrĩma. Pũrũ gũare: “Marĩpũ gããmerõsũta mũsã dorerire irirãra” ãrĩma. ⁶ Ñgũsã irasirideare ããrã, gũa Titore mũsã pũro Corintogue waadorebũ. Iro dupuyuro mũsã pũrogue ããrĩgũ, boporãrẽ iritamuburire niyerure sẽrẽ, neeõnũgãdi ããrĩmĩ. Irasirirã, mũsã õãrõ irinũgãderosũta irire odonũburo, ãrĩrã, ãgũrẽ iriua. ⁷ Mũsã Marĩpũyare ããrĩpererire õãrõ yãa. Ñgũrẽ diayeta bũremua. Ñgũya kerere ãgũ masĩrĩ sĩrĩ merã keoro buea. Ñgũ gããmerõsũta gajerãrẽ õãrõ iritamudũãa. Gũare bũro maĩa. Irasirirã mũsã i ããrĩpererire õãrõ irirosũta mũsã boporãrẽ sĩburi neeõrĩdere õãrõ irika!

⁸ Yũ irire mũsãrẽ irasũ ãrĩgũ, turaro merã: “Ñgũsãrẽ niyeru sĩka!” ãrĩgũ meta yãa. Macedonia marã boporãrẽ õãrõ iritamudeare werea, ãgũsã irirosũ mũsãde diayeta maĩrĩ merã boporãrẽ iritamudũarire masĩdũagũ. ⁹ Ire mũsã masĩa. Marĩ Opũ Jesucristo marĩrẽ bũro maĩgũ, marĩrẽ õãrõ iritamudi ããrĩmĩ. ããrĩpereri ãmũgasiguema õãrĩrẽ opagũ ããrĩkereru, marĩya ããrĩburire i nikũguere aarigũ, bopogu irirosũ aaridi ããrĩmĩ, marĩrẽ ããrĩpereri ãmũgasiguema õãrĩrẽ opaburo, ãrĩgũ.

¹⁰ Irasirigũ yũ mũsãrẽ: “Ãsũ irimakũ õãgorabokoa”, ãrĩ gũñarĩrẽ weregũra. Mũsã gapũ si bojori merã gaji makã marã dupuyuro boporãrẽ niyeru sĩburire usuyari merã neeõpũrorisiabu. ¹¹ Irasirirã mũsã usuyari merã neeõpũroriderosũta daporare sĩyuwarikũka! Wãro oparã, wãro sĩka! Mẽrõgã oparã, mẽrõgã sĩka! ¹² Usuyari merã mũsã sĩdũaropã sĩmakũ, Marĩpũ mũsã merã usuyagũkumi. Wãro opamerãrẽ wãro sĩdorebemi.

¹³ Yũ mũsãrẽ: “Boporãrẽ iritamuka!” ãrĩgũ, “Ñgũsã gapũ wãro oparã dujaburo, mũsã gapũ boporã dujaka!” ãrĩgũ meta yãa. ¹⁴ ããrĩpererã sũrosũ ããrĩrikũburo, ãrĩgũ, irire irasũ ãrã. Daporare mũsã opari merã ãgũsãrẽ iritamumasĩa. Pũrũgue mũsã gããmerĩrẽ opabirimakũ, ãgũsãde mũsãrẽ iritamumasĩrãkuma. Mũsã irasũ gãme sĩrã, mũsã gããmerĩrẽ opapeokõãrãkoa. ¹⁵ Marĩpũya werenĩrĩ gojadea pũgue marĩ gãme sĩrĩrẽ ãsũ ãrĩ gojasũdero

ãārĩbú*: “Wáro opadi gajigũ nemorõ opabirimi. Mérõgã opadide mérõgã opakeregũ, Ìgũ gããmerĩrẽ opapeokõãmi”, ãrĩ gojasũdero ãārĩbú.

Tito Ìgũ merãmarã merã Corintogũ waadea

¹⁶ Yũ mũsãrẽ bũro iritamudũarosũta Marĩpũ Titore mũsãrẽ iritamudũamakũ yámi. Irasirigũ Marĩpũre usũyari sĩa. ¹⁷ Tito, gũã Ìgũrẽ mũsã pũrogue waadoburi dupuyurogueta mũsãrẽ iritamugũ waadũasiadi ãārĩmĩ. Irasirigũ, gũã Ìgũrẽ waadoburĩ makũ pégũ: “Jáũ, waagũra”, ãrĩ yũjũmi.

¹⁸ Ìgũ merã gajigũ marĩyagũre iriua. ãārĩpererogue Jesúre bũremurĩ buri marã Ìgũrẽ: “Marĩpũ masakare Jesucristo iridea merã tauri kerere õãrõ buemi”, ãrĩ werenĩñurã. ¹⁹ Ìgũrẽta beyenerã ãārĩmã, niyerure boporã pũrogue gũã ãĩãmakũ gũare wapikũburo, ãrĩrã. Iri niyerure mũsã gajerã merã neeõdeare gũã boporãrẽ sĩmakũ Ìãrã: “Marĩ Opũ marĩrẽ õãrõ iritamugũ yámi”, ãrĩrãkuma. Marĩ Ìgũsãrẽ bũro iritamudũarire masĩrãkuma. ²⁰ Gũã iri niyerure wáro mũsã neeõdeare õãrõ kore, boporãrẽ keoro sĩrãkoa, gajerã gũare: “Keoro iribirima”, ãrĩ werewũabirikõãburo, ãrĩrã. ²¹ Gũã marĩ Opũ Ìũrõ, masaka Ìũrõdere diayemarẽ iridũãã.

²² Irasirirã Titosã merã gajigũ marĩyagũre iriua. Gũã, Ìgũ gajerãrẽ õãrõ iritamumakũ wári Ìãbũ. Irasirigũ daporare mũsã gajerãrẽ iritamudũarire pèsĩã, Ìgũ dupuyuro mũsãrẽ iritamudũadero nemorõ iritamugũ waadũami. ²³ Masaka Titoyamarẽ sērẽñamakũ, Ìgũsãrẽ ãsũ ãrĩ yũjũka: “Pablo merãmũ, Ìgũ merã moãgũ ãārĩmĩ mũsãrẽ iritamubu”, ãrĩka! Gajerã Ìgũ merã waamurãrẽ sērẽñamakũ, ãsũ ãrĩka: “Jesúre bũremurĩ buri marã iriuanerã ãārĩma. Cristoyare iriri merã gajerãrẽ Cristore: ‘Õãtarimi’, ãrĩ, usũyari sĩmakũ yáma”, ãrĩka! ²⁴ Irasirirã gũã Titosãrẽ: “Corinto marã mũsãrẽ õãrõ bokatĩrĩñeãrãkuma”, ãrĩ wererosũta õãrõ bokatĩrĩñeãka! Mũsã irasiririre péréã, Ìgũsãrẽ iriuanerã mũsã Ìgũsãrẽ maĩrĩrẽ masĩrãkuma.

9

Jesúre bũremurãrẽ niyeru sĩburi neeõrĩrẽ gojadea

¹ Yũ mũsãrẽ gojagũ: “Ìgũsã gajerã Jesúre bũremurãrẽ niyeru sĩburi neeõrĩrẽ masĩsĩama. Irasirigũ irire gojanemobea”, ãrĩ gũñãã. ² Yũ, gajerãrẽ mũsã iritamudũarire masĩsiãã. Irasirigũ usũyari merã Macedonia nikũ marãrẽ ãsũ ãrĩ werebũ: “Si bojorire Corinto marã Acaya nikũgue ãārĩrã, gajerã Jesúre bũremurãrẽ boporãrẽ iritamudũasiama”, ãrĩbũ. Irire péréã, wãrã Macedonia nikũ marãde mũsã irirosũ usũyari merã Ìgũsãrẽ iritamudũama. ³ Yũ Macedonia nikũ marãrẽ: “Corinto marã niyeru sĩrãkuma”, ãrĩderosũta waamakũ gããmea. Irasirigũ iri niyeru mũsã sĩdũarire yũ mũsã pũrogue ejaburi dupuyuro neeõ odosiaburo, ãrĩgũ, Titosãrẽ iriua. ⁴ Yũ Macedonia nikũ marã merã mũsã pũrogue ejagũ, mũsã sĩdũarire neeõ odobirimakũ Ìãgũ, gũyasĩrĩbokoa. Yũ Ìgũsãrẽ: “Corinto marã boporãrẽ sĩrãkuma”, ãrĩdero pũrũ mũsã sĩbirimakũ Ìãgũ, gũyasĩrĩbokoa. Mũsãde irasũta gũyasĩrĩbokoa. ⁵ Irasirigũ: “Yũ mũsã pũrogue ejaburo dupuyuro Titosãrẽ iriupũrorigũra”, ãrĩ gũñãã. Ìgũsã irogue ejarã, mũsãrẽ iritamurãkuma mũsã: “Sĩrãkoa”, ãrĩdeare iri odoburo, ãrĩrã. Irasirirã gũã mũsã pũrogue ejamakũ, gũã mũsãrẽ sĩdorero marĩrõ mũsã gajerãrẽ sĩdũarire bũro iritamudũari merã, neeõ odosiarãkoa.

⁶ Ire gũñaka! Méri yeri otedi, mérĩgã dũka seagũkumi. Wári yeri otedi, wári dũka seagũkumi. Iri irirosũ marĩ boporãrẽ mérõgã sĩmakũ, Marĩpũ

* **8:15** Exodo 16.13-18: Iripoegue Israel bumarã masaka marĩrõgue waagorenamakũ, ãmũrikũ Marĩpũ Ìgũsãrẽ manã wãikuri baari sidi ãārĩmĩ. Irasirigũ Marĩpũ dorederosũta Moisés Ìgũsãrẽ irire keoro seadoredi ãārĩmĩ, Ìgũsãkũ Ìgũsã baaburire opaburo, ãrĩgũ.

marĩrẽ meroḡã sīgukumi. Wáro marĩ sĩmakũ, wáro sīgukumi. ⁷ Irasirirã musã: “Õõpã sīgura”, ãrĩ gũñaderosũta sĩka! “Sĩdhabirikerepuru, yure sĩdorema. Irasirigũ sīgukoa”, ãrĩ gũñarõ marĩrõ sĩka! Marĩpu, usuyari merã sĩrãrẽ maĩmi. ⁸ ãrĩpereri õãrĩrẽ musãrẽ sĩmasĩmi musã gããmerĩrẽ opapeokõãburo, gajerãdere musã opari merã õãrõ iritamuníkõãburo, ãrĩgũ. ⁹ Marĩpuya werenĩrĩ gojadea pũgue irire ãsũ ãrĩ gojasũdero ããrĩbũ:

Õãgũ boporãrẽ wáro sĩmi. Īgũsãrẽ õãrõ iritamurĩ neõ perebirikoa.✧

¹⁰ Marĩpu, oterimasũrẽ oteri koyere ĩgũ oteburire opamakũ yãmi. Oterimasũ irire otedero paru, Marĩpu ĩgũ otedeare dukakũmakũ yãmi masaka baaburire. Irire irirosũ musãrẽ ããrĩpereri musã boporãrẽ sĩburire opamakũ irigukumi. Irire sĩdero paru, musã opadero nemorõ musã boporãrẽ sĩnemoburire opamakũ irigukumi. ¹¹ Marĩpu musãrẽ ããrĩpereri õãrĩrẽ opamakũ irigukumi gajerãrẽ wáro sĩburo, ãrĩgũ. Irasirirã gũa iri niyerure musã neeõdeare marĩyarã boporãrẽ sĩmakũ ĩãrã, Marĩpure usuyari sĩrãkuma. ¹² Musã ĩgũsãrẽ iritamurã, ĩgũsã gããmerĩ direta sĩrã meta yãa. Marĩpure: “Õãtaria, mu ĩgũsãrẽ guare sĩmakũ iriri”, ãrĩ, usuyari sĩmakũ yãa. ¹³ Musã ĩgũsãrẽ iritamumakũ ĩãrã: “Corinto marã Cristoyare õãrõ yãma. Guare wáro sĩrã, gajerãdere õãrõ sĩma”, ãrĩrãkuma. Irasirirã Marĩpure burõ usuyari sĩrãkuma. ¹⁴ ĩgũ musãrẽ õãrõ iritamurĩrẽ masĩrãkuma. Irasirirã musãrẽ burõ maĩrĩ merã musãya ããrĩburire ĩgũrẽ sërẽbosarãkuma. ¹⁵ Marĩpu Jesucristo merã marĩrẽ õãtariro iridi ããrĩmĩ. ĩgũ irasũ irideare marĩ werenĩrĩ merã wereduarã, werepeomasĩña mãa. Irasirirã ĩgũrẽ: “Õãtaria mu”, ãrĩ, usuyari sĩa.

10

Pablo ĩgũ Jesús buedoregũ pídi ããrĩrẽ gojadea

¹ Yũ Pablo musãrẽ gajĩ weregũra. Ire weregũ, Cristo turiro marĩrõ bopoñarĩ merã werederosũta musãrẽ wereduãa. Surãyeri musã puro ããrĩã, yure ãsũ ãrĩñurã: “Marĩ merã ããrĩgũ, turabi ubu ããrĩgũ irirosũ marĩrẽ weremi. Gajerogue ããrĩgũ, marĩrẽ burõ turari merã were gojami”, ãrĩñurã. ² Irasirigũ musãrẽ ãsũ ãrĩ werea. Yũ musã pũrogue ejamakũ, yure turaro merã weremakũ iribirikõãka! Gajerã musã watopegue ããrĩã guare: “I ũmu marã irirosũ ĩgũsã gããmerĩ direta irirã yãma”, ãrĩñurã. Irasũ ãrĩrãrẽ turaro doreri merã weregũra. ³ Gũa i ũmũgue ããrĩkererã, guare ĩãturirãrẽ wererã, i ũmu marã irirosũ iribeã. ⁴ I ũmu marã ĩgũsã turaro merã ĩgũsãrẽ ĩãturirãrẽ tarinũgãmurã werema. Gũa gapũ Marĩpu doreri merã ĩgũsãrẽ werea, ĩgũyare ãrĩgatori merã gũñarĩrẽ: “Diaye ããrĩbeã”, ãrĩ masĩburo, ãrĩã. ⁵ Iri doreri merã Marĩpuyare: “Diaye ããrĩbeã”, ãrĩrãrẽ diayema ããrĩrẽ masĩmakũ irimasĩa. “Masĩtaria”, ãrĩ gũñarãrẽ ããrĩpereri ĩgũsã gajerãrẽ Marĩpure masĩbirimakũ iririre pirimakũ irimasĩa. Iri doreri merã ããrĩpereri ĩgũsã gããmerõ gũñarĩrẽ pirimakũ irimasĩa, Cristo gapure gũña, ĩgũ gããmerĩ direta iriburo, ãrĩã. ⁶ Musã: “ĩgũ dorerire tarinũgãbirikoa”, ãrĩdero paru, iri dorerire tarinũgãgũnorẽ gũa wajamoãmasĩa.

⁷ Musã gajerãrẽ ĩãrã, ĩgũsã iririkuri direta ĩãrã yãa. ĩgũsã gũñarĩ gapure neõ ĩãmasĩbeã. “Cristoyagũ ããrã”, ãrĩgũno guadere: “Cristoyarã ããrĩma”, ãrĩ masĩdorea. ⁸ Yũ musãrẽ: “Marĩ Opu guare ĩgũyare buedoregũ pími”, ãrĩ werekeregũ, irire gũyasĩrĩbeã. Guare irasũ buedoregũ, musãrẽ iritamudoregũ pími. Musãrẽ poyanoredoregũ meta pími. ⁹ Yũ musãrẽ gojagũ, yũ gojari merã gũkamakũ iridũagũ meta yãa. ¹⁰ Surãyeri musã watopegue ããrĩã ãsũ ãrĩma: “Pablo marĩrẽ gojagũ, burõ turari merã doremi. Irasirikeregũ, marĩ merã ããrĩgũ, turabi ubu ããrĩgũ irirosũ marĩrẽ weremi”, ãrĩma. ¹¹ Irire irasũ

✧ 9:9 Sal 112.9

ārīgūnorē āsū āri weregura: “Gua gajerogue āārīrā, musārē: ‘Āsū irirāra’, āri gojaderosūta musā pūroge ejarā, irire irirākoa”.

¹² Surāyeri musā watopegue āārīrā īgūsā basi: “Marī gapu ōārō masīa, gajerā nemorō āārā”, āri gāme werenīma. Irasū āri werenikererā, masībema. Gua gapu īgūsā irirosū gua basi gua iririre neō werenīnabea. ¹³ Irasirirā gua musārē wererā, Marīpu guare buedoregu pīdea direta werea. Gajerārē īgū pīdeare irirā meta yāa. Īgūta guare pīmi musādere buedoregu. ¹⁴ Irasirirā, īgū guare buedoregu pīderosūta musārē Cristoya ōārī kerere buepurorirā ejabu. Iroge musārē buerā ejarā, īgū guare dorederosūta iribu. ¹⁵ Īgū guare buedoregu pīderosūta iririre wererā, keoro werea. Gajerā iririre: “Gua iriri āārā”, neō āribea. Musārē buerā, musārē Cristore buremunemomakū gāāmea. Musā buremunemomakū īārā, Marīpu guare dorederosūta irirā, gajerā musā pūroge āārīrādere buerākoa Cristore buremuburo, āārā. ¹⁶ Puru yoarogue marārē Marīpu Jesucristo merā masakare tauri kerere pémerārē buerā waarākoa. Gajerā iri kerere buederoguere buerā waa: “Gua bueri gapure pérā, Jesucristore buremunugāma”, āārīrā meta yāa.

¹⁷ Marīpuya werenīri gojadea pūgue āsū āri gojasūdero āārībú: “Neō sugu: ‘Gajerā nemorō masīgū āārā’, āribirikōāburo. Irasū āārīrōno irigu marī Opu gapure: ‘Turatarigu āārīsīā, marīrē ōātariro iridi āārīmī’, āriburo”, āri gojasūdero āārībú. ¹⁸ Sugu īgū basi: “Ōārō yāa”, āri werenīri wajamáa. Marī Opu: “Ōārō yāmi”, āri īāsūgū gapu diayeta ōārō irigu āārīmi.

11

Pablo ārīgatori merā buerimasāyamarē gojadea

¹ Daporare musārē mérōgā yaamarē ārīmoāmagū irirosū were gojagura. Yu irasū āri gojarire gariborero marīrō buemakū gāāmekoa. ² Marīpu musārē maīrōsūta yude buro maīa. Musā yu magō irirosū āārā. Cristo musā marāpu āārību irirosū āārīmi. Irasirigu, yu magō gajerā ūma merā neō űerō iribeo sugureta marāpukmakū gāāmegū irirosū, yu musārē Cristoyarā dita āārīmakū gāāmea. ³ Irasū gāāmekeregu: “Evare iripoegue waaderosū īgūsādere waabokoa”, āri gūñarikua. Wātī, pīrū irirosū deyoa, īgū masīri merā ārīgatomakū pégo, Marīpu dorerire tarinugādeo āārīmó. Īgū iriderosū gajerā musārē ārīgatomakū pérā, musā gūñarīgue Cristoya direta musā iriduarire piribokoa. ⁴ Musā āsū yāa. Gajerā musā puro ārīgatori merā buerā eja-makū, īgūsā buerire ōārō pésuyua. Īgūsā Jesúyamarē, Ōāgū deyomarīgū musā bokatīrīñeādiyamarē, Marīpu Jesús merā masakare tauri kerere gua musārē bueada irirosū īgūsā buebirikerepuru, īgūsā buerire pé buremua. ⁵ Īgūsā musārē buerā: “Gua gajerā Jesús buedoregu pīnerā nemorō masīa”, āri péñakuma. Yu gapu: “Jesús yure īgūyare buedoregu pīmi. Irasirirā yure masītarinugābema”, āri péñāa. ⁶ Yu ōārō wererimasū irirosū werebirikeregu, Marīpu werenīrē ōārō masīa. Yu masīrē, āārīpereri yu īgūyare iriri merā musārē masīmakū iribu.

⁷ Yu musārē Marīpu Jesús merā masakare tauri kerere buegu: “Niyeru sīka!” neō āri sērēbiribu. Ubu āārīgū irirosū moā wajata baabu, musārē Marīpuyare ōārō masīburo, ārīgū. ¿Yu irasiridea ōāberi? ¿Naāsū gūñarī? ⁸ Gajerā Jesúre buremurī buri marā yure niyeru sīma musārē bueburo, āārā. Īgūsā sīrē űeābu musārē iritamubu. Irire űeāgū, īgūsāya niyerure ēmawāgāgū irirosū péñabu. ⁹ Musā merā āārīgū, gajino yu gāāmerīrē opapeobirikeregu, musārē niyeru neō sērēbiribu. Marīyarā Macedonia nikū marā yu gāāmerīnorē āijama. Irasirigu musārē: “Niyeru sīka!” neō āri garibobiribu. Pūrugedere musārē

neõ garibobirikoa. ¹⁰ “Cristo weregu, diayeta weredi ããrĩmĩ”, ãrĩ masĩa. Īgũ diaye werederosũta yude musãrẽ niyeru sêrêbirideare diayeta werea. Neõ sugũ ããrĩperero Acaya nikũgue ããrĩgãno i musãrẽ yũ sêrêbirideare wererire: “Diaye werebemi”, ãrĩmasĩbirikumi. ¹¹ Musãrẽ yũ sêrêbirideare wererire pérã, ¿naásũ gũñarĩ musã? “Pablo guare maĩbirisĩa, irasũ ãrĩ weremi”, ¿ãrĩ gũñarĩ? Æãrĩbea. Musãrẽ maĩa. Marĩpũ irire masĩmi.

¹² Irasirigu yũ musãrẽ irinugãderosũta iriwãgãnikõãgũra. “Gajerã Jesús buedoregu pĩnerã nemorõ masĩa”, ãrĩgatorã musãrẽ bueri waja niyeru wajatadũama. Gũa gapũ ĩgũsã irirosũ wajatadũabea. Irasirirã ĩgũsã: “Gũade Pablosã irirosũta yãa”, neõ ãrĩmasĩbema. ¹³ “Jesús buedoregu pĩnerã ããrã”, ãrĩrã, ãrĩgatorã yãma. “Diayeta Jesús buedoregu pĩnerã ããrĩma”, ãrĩ gũñamakũ iridũarã ããrĩsĩa, masakare ãrĩgatorã. ¹⁴ Yũ gapũ ĩgũsã irasirimakũ ĩãkeregũ: “¿Nasirimurã irire irasũ yãri?” ãrĩ gũñabea. Wãtẽa opũ Satanãde Marĩpũre wereboegu irirosũ deyoami masaka ĩgũ ãrĩgatorire: “Diayeta ããrã”, ãrĩ gũñamakũ iridũagu. ¹⁵ Irasirirã ãrĩgatorĩ merã buerimasã wãtĩrẽ moãboerã ĩgũ irirosũ yãma. Ñerã ããrĩkererã, ĩgũsã irigatorĩ merã masakare: “Marĩpũre moãboerã ããrĩma, õãrõ yãma”, ãrĩ gũñamakũ iridũama. Daporare masaka ĩgũsãrẽ: “Õãrã ããrĩma”, ãrĩ gũñakererũ, pũrugũere ããrĩpererĩ ĩgũsã ñerõ iridea waja burõ wajamoãsũrãkuma.

Pablo, ĩgũ ñerõ tarideare gojadea

¹⁶ Dupaturi musãrẽ ire were gojagũra. Neõ sugũ yũre: “Niãrĩmasũ ããrĩmi”, ãrĩ gũñabirikõãka! Irasũ ãrĩ gũñarã: “Niãrĩmasũ irirosũ werenĩburo”, ãrĩka! Irasirigu mérégã yũ basi werenĩgũra. ¹⁷ Yũ irasũ werenĩgũ, niãrĩmasũ irirosũ werenĩgũ yãa. Marĩ Opũ yũre: “Irire wereka!” ãrĩbirimi. ¹⁸ Wãrã masaka i ãmũma direta gũñakererã, ĩgũsã iririre: “Õãrõ yãa”, ãrĩma. Yude ĩgũsã irirosũ musãrẽ yũ õãrõ iririre weregũra. ¹⁹ Musã basi: “Masĩtaria”, ãrĩkererã, niãrĩmasã irirosũ werenĩrã bueri gapũre gariborero marĩrõ péa. ¿Nasirirã ĩgũsãrẽ õãrõ péri? ²⁰ ĩgũsãrẽ moãboerãrẽ dorerosũ musãrẽ burõ dorekererũ, ãrĩgatorĩ merã musãyare ããkerekereũ, musãrẽ oparã irirosũ dorerã ĩgũsã gããmerĩ direta gũñakererũ, musãrẽ: “Ubu ããrĩrã ããrĩma”, ãrĩ ĩãbéokerekereũ, musãrẽ gũyasĩrĩmakũ iridũarã musãya wayupãrãrĩrẽ pákerekereũ, ããrĩpererĩ ĩgũsã irasiririre garibobirikoa musã. ²¹ Musãrẽ irasirirã, ñerõ irirã yãma. Gũa gapũ ĩgũsã irirosũ musãrẽ neõ irasiribirikoa.

Yũ ĩgũsã irirosũ musãrẽ ñerõ iribirikeregũ, niãrĩmasũ ĩgũ iririre: “Õãrõ yãa”, ãrĩ werenĩgũ irirosũ musãrẽ ãsũ ãrĩ weregũra. ²² ĩgũsã: “Hebreo masaka ããrã”, ãrĩma. Yude hebreo masakũta ããrã. “Israel bumarã ããrã”, ãrĩma. Yude Israel bumãta ããrã. ĩgũsã: “Abraham parãmerã ããrã”, ãrĩma. Yude Abraham parãmitã ããrã. ²³ ĩgũsã: “Cristore moãboerã ããrã”, ãrĩma. Yũ tamerã ĩgũsã nemorõ Cristore moãboegu ããrã. ĩgũyare õãrõ yãa. Yũ basi niãrĩmasũ irirosũ werenĩkeregũ, yũ õãrõ iririre ãsũ ãrĩ werenemogũra. Yũ Cristoyare irigu, ĩgũsã nemorõ moãtarinugãbũ. Cristoya kerere wererĩ waja ĩgũsã nemorõ peregũre biadobosũbũ. ĩgũsã nemorõ tãrãsũbũ. Wãri masaka yũre wẽjẽboyama. Irasirigu mérégã merã taribũ yũ boaboderore. ²⁴ Su mojõmagora judío masaka yũre ñeãma. ĩgũsã yũre ñeãrikũ, treinta y nueve gora tãrãnama. ²⁵ Urea gajerã yũre ñeã, yuku merã páma. Suñarõ masaka ãtãyerĩ merã yũre deama. Urea doóriduparu merã mirĩbũ. Suñarõ mirĩgũ, sunũ, su ñami taboa majĩ weka wãdiyaguere bá payanĩbũ. ²⁶ Yũ wãri makãrĩguere buegorenagũ waanabũ. Yũ buegorenamakũ, goetaribũ. Diarigue yũ mirĩrĩ, yũre yajari, yaa nikũ marã judío masaka, judío masaka ããrĩmerãde yũre ñerõ iridũari, makãrĩgue, masaka

marĩrõgue yũre wẽjẽduari, wádiyague mirĩboama goetaribu. “Mũ merãmarã ããrã”, ãrĩgatorãde yũre ñerõ irima goetarima. ²⁷ Cristoya kerere weregũ, bũro moã wajata baabũ. Irasũ moãgũ, ñerõ taribu. Wũja pũrĩkerepũ, irasũ moãnikõãbũ. Gajipoere ɥaboabũ. Ñemesibubũ. Gajipoere baabiritaunokõãbũ. Gajipoere bũro yũsamakũ, gaji surĩ sãñanemoburi marĩbũ.

²⁸ Irasũ ããrĩmakũ ãmũrikũ Jesũre bũremurĩ buri marãrẽ ããrĩpererogue ããrĩrãrẽ gũñarikũ. ²⁹ Irasirigũ sugũ gũñaturabi ããrĩmakũ ããgũ, yũ basi gũñaturabi irirosũ péñãã. Jesũre bũremugũrẽ ñerõ irimakũ irirã merã gua, Jesũre bũremugũrẽ gũyasĩrĩsãã. ³⁰ Mũsãrẽ yaamarẽ werenemogũ, yũ turabi ããrĩrĩrẽ masĩburo, ãrĩgũ, yũre waadeare weregũra. ³¹ Marĩ Opũ Jesús Pagũ, yũ mũsãrẽ ãrĩgatori marĩrõ merã yaamarẽ wererire masĩmi. Ñgũrẽta: “Turatarigũ ããrã”, ãrĩ, ɥũyari sĩnikõãrõ gããmea. ³² Yũ Damascogue ããrĩmakũ, iro marã opũ Areta wãikũgũ dokamũ yũre ñeãduadi ããrãdimi. Yũre ñeãduagũ, iri makã tũrogue ããgũã ãtã majĩrĩ merã weadea sãrĩrõma disipũrorikũ surarare koredoredi ããrĩmĩ. ³³ Yũ merãmarã gapũ puui wãri puui merã iri sãrĩrõ ããrĩrĩ gobegue yũre yõtaudijuma. Irasirigũ, ããgũã iritamurĩ merã yũre ñerõ iridũarãrẽ duriwãgãkõãbũ.

12

Pablo kẽrõ irirosũ ããgũ ããdeare gojadea

¹ Marĩ basi: “Õãrõ masĩa”, ãrĩ werenĩgorenarĩ wajamarĩkerepũ, marĩ Opũ Jesús kẽrõ irirosũ yũre ãmudeare, ããgũ yũre masĩmakũ irideare werenemogũra. ² Yũ Cristore bũremunũgãdero pũ, Marĩpũ yũre ãmũgasigue ããgũ ããrĩrõgue ããmũrĩãmi. Irogue ããmũrĩaderõ pũ, catorce bojorigora taria. Yũ dupũ merã, o yũ yũjũpũrã merãta iroguere waagũ waakuyo, masĩbirikoa. Marĩpũ dita masĩmi. ³⁻⁴ I gapũre masĩa. Yũre irogue ããmũrĩagũ, paraíso wãikũrogue ããmũrĩjami. Yũ dupũ merã, o yũ yũjũpũrã merãta yũre irogue ããagũ, ããagũkumi, masĩbirikoa. Marĩpũ sugũta irire masĩmi. Yũ irogue ããrĩgũ, ããgũ masaka iripoegue neõ masĩbirideare werenĩrĩrẽ pébũ. Iri, ããgũ neõ sugũ masakũre were-doreri meta ããrĩbũ. ⁵ Iroguere ããgũ yũre ããmũrĩadeare gũyasĩrĩrĩ marĩrõ mũsãrẽ weremasĩa. Yaama gapũre weregũ, gũyasĩrĩbokoa. Irasirigũ yũ turabi ããrĩrĩ direta werenemogũra. ⁶ Yũ basi yaamarẽ weredũamakũ, yũ werenĩrĩ diaye ããrĩbokoa. Niãrĩmasũ werenĩrĩ irirosũ ããrĩbiribokoa. Yaamarẽ weremasĩkeregũ, werebirikoa mũsã yũre: “Gajerã nemorõ õãmi”, ãrĩ gũñabirikõãburo, ããrĩgũ. Yũ iririkũrĩrẽ ããderõ pũ, yũ bueri gapũre péderõ pũ, mũsã yũre: “Õãgorami”, ãrĩ gũñamakũ gããmea.

⁷ Marĩpũ yũre ãmudea õãtaribu. Yũ irire gũñagũ: “Gajerã nemorõ masĩa”, ãrĩ gũñabokuyo. Marĩpũ gapũ irire gũñabirikõãburo, ããrĩgũ, wãtẽa opũ Satanás yaa dupũre pũrĩrikũmakũ iririre kãmutabiridi ããrĩmĩ. Iri pũrĩrĩ poraru ñãjãrõsũ pũrĩã. ⁸ Ʋrea yũ marĩ Opũre: “Yũre i pũrĩrĩrẽ tauka!” ãrĩ sẽrẽadibu. ⁹ ããgũ gapũ yũre ããsũ ããrĩmi: “Mũrẽ maĩsĩã, õãrõ iritamugũra. Yũ mũrẽ iritamurĩ neõ perebirikoa. ‘Turabea’, ãrĩ gũñagũnorẽ yũ turari merã õãrõ iritamua gajerã yũ turarire masĩnemoburo, ããrĩgũ”, ããrĩmi. Irasirigũ yũ turabi ããrĩrĩrẽ ɥũyari merã weregũkoa Cristo ããgũ turari merã yũre õãrõ iritamunikõãburo, ããrĩgũ. ¹⁰ Irasirigũ Cristoyagũ yũ ããrĩrĩrĩ waja pũrĩrĩrĩ merã turabi ããrĩsĩã, ɥũyari merã irire bokatĩũã. Gajerã yũre ñerõ werenĩkerepũ, yũ gããmerĩrẽ opabirikeregũ, gajerã yũre ñerõ irikerepũ, yũre ñerõ waakerepũ, ɥũyari merã irire bokatĩũã. ããsũ ããrã. Yũ, turari opabirimakũ, Cristo gapũ yũre ããgũ turarire opamakũ yãmi ñerõ taririre bokatĩũburo, ããrĩgũ. Irasirigũ ɥũyãã.

Pablo Corinto marãrẽ Jesũre bũremurãrẽ ããgũ gũñarikũrĩrẽ gojadea

11 Y_u basi yaamarē werenígū: “Niārīmasū irirosū werenígū iribu”, āri gūñáa. M_usā gap_u y_ure irasirimakū iribu. M_usā yaamarē òārō werenímakū, òāgorabokuyo. M_usā y_ure òārō wereníbirikerep_u, “Ubu āārīgú āārīmi”, ārīkerep_u: “Jesús buedoreg_u pínerā āārā”, ārīgatorā y_u nemorō āārībema. 12 Y_u m_usā p_uro āārīgú, m_usārē b_uro iritamud_uari merā, wári Marīp_u turari merā iririre iri ĩmub_u, diayeta Jesús buedoreg_u pídi āārīrīrē masīburo, ārīgū. 13 Gajerā Jesúre b_uremurī buri marārē, m_usādere s_urosū iribu. Yaa āārīburire m_usārē niyeru wajaseabiribu. M_usā péñamakū, ¿iri m_usārē ñegorari? Iri m_usārē ñemakū, m_usārē: “Irire kātika!” āri sērēa.

14 Pea m_usā p_uro eja_usiabu. Daporare dupaturi y_u irogue waaburire āmugú yáa. Irogue eja_u, m_usārē: “Niyeru y_ure síka!” āri sērēbirikoa. M_usāyare gāamebea. Cristoya gap_ure m_usā iritayanemomakū gāamea. Āsū āārā. Pag_usāmarā ĩg_usā pūrārē masūrā, ĩg_usā gāamerīrē sīma. Pūrā gap_u pag_usāmarārē ĩg_usā gāamerīrē sībema. 15 Irasirig_u m_usārē y_u pūrā irirosū āārīrārē iritamugū āārīpereri y_u oparire sīmakū òārokoo. M_usāya āārīburire, āārīpereri y_u turari merā m_usārē b_uro iritamud_uakoo. M_usārē y_u b_uro maīkerep_u: “Īg_usā gap_u y_ure sīrūgā maīma”, āri gūñáa.

16 Surāyeri m_usā watopegue āārīrā, y_u m_usārē sērēbirideare masīkererā, āsū ārīma: “Guare sērēbirikereg_u, ārīgatori merā guayare āiadi āārīmi”, ārīma. 17 ¿M_usā p_uro y_u iriunerā ārīgatori merā m_usāyare y_ure āriyuri? M_usā masīkoa. Neō gajino m_usāyare āaribirinerā āārīmá. 18 Irinugue Titore m_usā p_uro waadoreb_u. Gajig_u marīyag_ure ĩg_u merā iriubu. Tito m_usā merā āārīgú, ¿gajino m_usāyare ārīgatori merā āārī? M_usā masīkoa. Neō āābiridi āārīmí. Īg_u y_u irirosūta m_usārē iritamud_uagu āārīmi.

19 Gajipoe irirā, y_u m_usārē gojarire buerā: “Pablosā ĩg_usāyamarē wereri merā guare: ‘Òāgorama ĩg_usā’, āri gūñadorerā yáma”, āri gūñabokoo. Āārībea. Guā Cristoyarā āārā. Irasirirā Marīp_u ĩūrō m_usārē diayeta werea. Yaarā y_u maīrā, āārīpereri guā iriri merā m_usārē iritamud_uáa Cristoyare iritayanemoburo, ārīrā. 20 Y_u m_usārē gūñarik_ua. Gajipoe irirā, y_u m_usā p_uro eja_umakū, y_u gāamerōsū iribiribokoo. Irasirig_u y_ude m_usā gāamerōsū iribiribokoo. Gajipoe irirā gāme guaseorik_urā, gajerārē ĩaturirik_urā, mata guarik_urā, m_usāya āārīburi direta gūñarik_urā, gajerārē ñerō kere wererik_urā, ñerō āri werew_uarik_urā, “Gajerā nemorō āārā”, āri weregorenarā, m_usā nerērōgue noó m_usā gāamerō iririk_urā āārībokoo. Gajipoe irig_u irasū āārīrārē bokajabokoo, ārīgū, irasū āri gūñarik_ua. 21 Irasirig_u y_u m_usā p_uro dupaturi eja_umakū, Marīp_u m_usā ñerō iririk_uri waja y_ure guyasīūrō tarimakū iribokumi. Wārā m_usā iro dupuyurogue gūñarīgue ñerī opadeare, ũma nome merā, nome ũma merā ñerō irideare, m_usā noó gāamerō guyasīūrī ñerī irideare pirid_uaro marīrō iriwāgāmakū ĩāg_u, b_uro b_ujawereri merā oreg_uakoo.

13

Pablo: “Āsū irika!” āri òādoretūnudea

1 Dapora y_u m_usā p_uro waarí merā ũrea waarokoo. Irasirig_u m_usārē: “Marīp_uya werenīrī gojadea pūgue gojaderosūta āārīpererire iriro gāamea”, āri werea. Iri pūgue āsū āri gojasūdero āārībú: “Pērā, o ũrerā sug_u ñerō irideare ĩānerā oparāguere weresārō gāamea”, āri gojasūdero āārībú. 2 Iro dupuyuro y_u m_usā p_uro āārīgú, m_usā āārīpererā péurogue ñerō irirārē: “Wajamoāg_ura”, āri weresiabu. P_ur_u eja_u, m_usārē irireta wereb_u doja. Daporadere yoarogue āārīkereg_u, gopeyaro merā irireta were gojáa doja. Mérōgā p_ur_u m_usā p_uro dupaturi waagú, y_u werederosūta ñerō irirārē diayeta wajamoāg_ura pama.

³ Y_u irasirimakū ĩārā, ire masĩrākoa. Y_u musārē Cristo y_ure gũñarĩ sĩrĩ merā werea. Cristo turabi āārĩbemi. Ĩgũ turari merā musā watopegue ñerō irirārē wajamoāgukumi, Ĩgūsā ñerō iririre piriburo, ārĩgũ. ⁴ Diayeta āārā. Ĩgũ turari opabi irirosũ curusague pábiatūsũ, boadi āārĩmĩ. Irasũ boakeregũ, daporare Marĩpũ turari merā okami. Guade Ĩgũ āārĩderosũta turamerā āārā. Irasũ āārĩkererā, Cristoyarā āārĩsĩā, Marĩpũya turari merā okāa Ĩgũ turari merā musārē iritamumurā.

⁵ Irasirirā musā basi: “¿Diayeta Jesucristore piriro marĩrō bũremurĩ y_u?” ārĩ gũñaka! Diayeta musā Jesucristoyarā āārĩmakū, Ĩgũ musā merā āārĩmi. ⁶ Diayeta g_{ua} Jesucristoyarā, Ĩgũ buedoregũ pĩnerā āārĩrĩrē musārē masĩmakū gāāmea. ⁷ Irasirirā ñerō iribirikōāburo, ārĩrā, Marĩpũre musāya āārĩburire sērēbosāa. Ĩgũrē sērērā, musārē gũare oārō gũñadorerā meta yāa. Musā gũare oārō gũñabirikerepũrũ, Marĩpũre musāya āārĩburire sērēbosāa, Ĩgũ iritamurĩ merā oārĩrē iriburo, ārĩrā. ⁸ Marĩpũya, diayema āārĩrĩ āārā. Irasirirā Ĩgũyare keoro irimakū ĩārā, g_{ua} musārē: “Irire iribirikōāka!” neō ārĩmasĩbirikoa. “Diayema direta irika!” ārĩmasĩa. ⁹ Irasirirā musā oārō y_ujpũrākũturari merā Ĩgũyare keoro irimakū oāgorāa. G_{ua} bũro turari merā musārē: “Āsũ gapũ irika!” ārĩmasĩmerā, usuyāa. Marĩpũre musāya āārĩburire sērēbosanĩkōāa, Ĩgũyare keoro iriwāgānemoburo, ārĩrā. ¹⁰ Irasirigũ musā pũroque waaburi dupuyuro musārē i pũrē gojāa. Iroque ejagũ, musā ñerō iririre piribirimakū ĩāgũ, marĩ Opũ y_ure dorederosũta musārē bũro wajamoāgũra. Pirimakū ĩāgũ, wajamoābirikoa. Marĩ Opũ y_ure: “Y_u dorerosũta irika!” ārĩ pĩmi. Musā Ĩgũrē bũremunemomakū gāāmegũ, irasirimi. Musārē poyanorēmakū gāāmebemi.

¹¹ Yaarā, iropāta āārā y_u musārē gojari. Oārō āārĩrikũka! Y_u dorerire oārō y_ujpũrākũri merā keoro irika! Guaseori marĩrō suro merā gũña, oārō siuñajārĩ merā āārĩka! Irasirigũ Marĩpũ musārē siuñajārĩ sĩgũ, musārē maĩgũ musā merā āārĩgukumi. ¹² Musā merāmarā merā oārō merā gāme mojō ñeāka!

¹³ Āārĩpererā Jesũre bũremurā oōgue āārĩrā musārē oādorema.

¹⁴ Marĩ Opũ Jesucristo marĩrē oārō iritamugũ, Marĩpũ marĩrē maĩgũ, Oāgũ deyomarĩgũ marĩ merā āārĩnĩgũ āārĩpererā musā merā oārō āārĩburo.

Iropāta āārā.

Pablo

GÁLATAS

Pablo Galacia nikũ marãrẽ õãdoredea

¹⁻² Yũ Pablo, ããrĩpererã marĩyarã yũ merã ããrĩrã merã mũsãrẽ Galacia nikũgue ããrĩrãrẽ Jesũre bũremurãrẽ õãdore, gojáa. Jesucristo yũre ãgũyare buedoregũ beyepími. Irasũ ããrĩmakũ, Marĩpũ ãgũrẽ boadiguere masũdi yũre pídi ããrĩmí, ãgũ magũyare bueburo, ãrĩgũ. Masaka yũre beyepíbirima. ³ Marĩpũ ããrĩnĩgũ, marĩ Opũ Jesucristo mũsãrẽ õãrõ iritamũ, siuñajãrĩ merã ããrĩrikũmakũ iriburo. ⁴ Jesucristo, Marĩpũ gããmederosũta irigũ, ãgũ basi marĩ ñerĩ iridea waja boabosadi ããrĩmí, i ãmũ marã ñerĩ irirã irirosũ irinemo-birikõãburo, ãrĩgũ. ⁵ Irasirirã ãmũrikũ Marĩpũre: “Õãtaria mũ”, ãrĩ, mũyari sĩnikõãrã! Irasũta irirã!

Cristo sugũta marĩrẽ taugũ ããrĩmi, ãrĩ gojadea

⁶ Marĩpũ mũsãrẽ maĩgũ, Cristore bũremunũgãdoregũ siudi ããrĩmí mũsãrẽ peamegue waabonerãrẽ taubu. Mũsã gapũ, ãgũ irasirikerepũrũ, matagora ãgũ Cristo merã masakare tauri kerere bũremuduúrã irikoa. Gaji bueri gapũre tuyakoa. Mũsã irasiririre pégũ, bũro pégũkãa. ⁷ Gajerã mũsãrẽ, mũsã Cristoya kerere bũremunũgãdeare bũremuduúdererã: “Gaji ããrã marĩrẽ tauri kere”, ãrĩgato, werema. Marĩrẽ gaji tauri kere máa. Cristore bũremurĩ merãta marĩ tarimasĩa. ⁸ Gũa mũsãrẽ Marĩpũ Cristo merã marĩrẽ tauri kerere werebũ. “Gaji ããrã marĩrẽ tauri kere”, ãrĩgato, wererãrẽ Marĩpũ bũro wajamoãburo. Yũ, o Marĩpũre wereboegũ ãmũgasiguemũ mũsãrẽ irasũ ãrĩgato, weremakũdere wajamoãburo. ⁹ Mũsãrẽ ire weresiabũ. Weredi ããrĩkeregũ, dupaturi mũsãrẽ werenemodũakoa doja. Sugũ, gũa Marĩpũ Cristo merã marĩrẽ tauri kerere mũsãrẽ weredeare: “Diaye ããrĩbea, gaji ããrã marĩrẽ tauri kere”, ãrĩgato, weremakũ, Marĩpũ ãgũrẽ perebiri peamegue wajamoãburo.

¹⁰ Yũ ire wereregũ, Marĩpũ gããmerõsũta buea. Masaka yũre: “Õãrõ weremi”, ãrĩdoregũ meta buea. Irasũ ãrĩdoregũ tamerã Cristoyare iribiribokoa. ãgũrẽ moãboegũ meta ããrĩbokoa.

Pablo: “Jesucristoya kerere weredoregũ Marĩpũ yũre pími”, ãrĩ werede

¹¹ Yaarã, mũsãrẽ ire masĩmakũ gããmea. Yũ mũsãrẽ Marĩpũ Cristo merã marĩrẽ tauri kerere bueri, masaka ãgũsã basi ãgũsã gũñarĩ merã bueri meta ããrã. ¹² Iri kerere neõ sugũ masakũ yũre werebirimi. Neõ sugũ masakũ yũre irire buebirimi. Jesucristo ãgũ basi yũre irire masĩmakũ irimi.

¹³ Mũsã, yũ iripoegue judío masaka ãgũsã bũremurĩrẽ iririkũdeare péunakuyo. Yũ Marĩpũyarãrẽ Jesũre bũremurãrẽ ñerõ iridũari merã ãgũsãrẽ bũro ããturitũyaunabũ. ãgũsã Jesũre bũremurĩrẽ peodũagũ irasiriunabũ. ¹⁴ Yũ, judío masaka ãgũsã bũremurĩrẽ õãrõ iririkũunakubũ. Gajerã, yũ merãmarã nemorõ gũa ñekũsãmarã iririkũunadeare iritarinũgãunakubũ. ¹⁵ Yũ irasirikũkerepũrũ, Marĩpũ, yũ deyoaburi dupuyuro yũre beyesiadi ããrĩmí ãgũyagũ ããrĩburo, ãrĩgũ. Irasirigũ ãgũ yũre bũro maĩrĩ merã ãgũ gããmerõsũ iridoregũ siiumi. ¹⁶ ãgũ irasiriderosũta keoro ãgũ magũrẽ yũre masĩmakũ irimi, judío masaka ããrĩmerãrẽ ãgũ magũ merã ãgũsãrẽ tauri kerere weredoregũ. I yũre irasũ waadero pũrũ, gajerãrẽ: “¿Nasirigũkuri yũ?” ãrĩ sãrẽñagũ waabiribũ. ¹⁷ Jerusalégũ ããrĩrãrẽ Jesucristo yũ dupuyuro ãgũyare buedoregũ beyepĩnerãdere sãrẽñagũ waabiribũ. Ubu gapũ Arabia nikũgue diaye waakõãbũ. Pũrũ Damasco goedujãabũ doja.

18 Ƴre bojori tariadero puru, Jerusalégue Pedrore ĩāgũ waabu. Pe sem-anata ĩgũ merā āārĩbú. 19 Irogue āārĩgú, gajerā Jesucristo ĩgũyare buedoregũ beyepínerārē neō ĩābiribu. Marĩ Opũ Jesucristo pagũmũ Santiago direta ĩābu. 20 Marĩpu ĩūrō musārē gojáa. Yũ gojari, āārĩgatori meta āārā.

21 Jerusalégue āārĩdi Siria nikũgue, Cilicia nikũgue waabu. 22 Iripoere Judea nikũgue āārĩrā Jesucristore buremurĩ buri marā yũre ĩāmasĩbirima. 23 Yaa kere direta pénerā āārĩmá. ĩgũsārē yaamarē wererā āsũ ārĩ werenerā āārĩmá: “Sōō āārĩdeapoeguere marĩrē ñerō iridũari merā buro ĩāturitũyadi, marĩ Jesucristore buremurĩrē peodũadi daporague masakare: ‘Jesucristore buremuka!’ ārĩ weregorenagũ iriayupu”, ārĩ werenerā āārĩmá. 24 Irasirirā Judea nikũgue āārĩrā Jesucristore buremurā yũ ĩgũrē buremurĩrē pérā, Marĩpũre usũyari sĩnerā āārĩmá.

2

Jesús buedoregũ pínerā Pablore oārō bokatĩrĩñeādea

1 Catorce bojori puru, dupaturi Jerusalégue Bernabé merā waabu doja. Tito wāikũgũdere āāabu. 2 Marĩpu yũre irogue waadoremi. Irasirigũ irogue waabu. Iroguere eja, Jesúre buremurā oparā merā dita nerē, werenĩbu. Judío masaka āārĩmerārē Marĩpu Cristo merā marĩrē tauri kerere yũ buedeare ĩgũsārē werebu. Yũ neōgorague buenũgādeare, dapora yũ buerire: “Diaye āārā, oāgoráa”, ārĩ masĩburo, ārĩgũ, irasũ ārĩ werebu. Gajerā yũ buerire: “Wajamáa”, ārĩrĩ, ārĩgũ, irasũ ārĩ werebu. 3 Titodere, ĩgũ judío masakũ āārĩbirikerepũ: “Gũa judío masaka iririkũrosũ dupũma gasirogārē* wiiriro gāāmea”, neō ārĩbirima. 4 Irire dorebirikerepũ, gajerā ubu ārĩboerā gapũ: “Moisés doredorederosũta dupũma gasirogārē wiiriro gāāmea”, ārĩma. ĩgũsā Jesúre buremugatorā, irigatorimasā āārĩmá. Irasirirā, gũa judío masaka āārĩkererā Jesúre buremurā iririre ĩāmurā gũa nerērōgue gũa merā nerēnama. “Gũare peamegue waabonerārē tausũmurā, Jesucristore buremurō gāāmea. Moisés doredeare iriri merā tausũbirikoa”, ārĩmakũ ĩāma. Irire ĩārā: “Moisés doredeare irirā dita tausũrākuma, irasirirā ĩgũ doredeare irika!” ārĩma. Gũare irire buremudorerā, irasũ ārĩma. 5 ĩgũsā gũare irasũ dorekerepũ, neō ĩgũsā dorerire iribiribu. Gũa musārē Jesucristore buremurĩ merā dita tausũrākoa, ārĩrĩ kerere: “Diaye āārā”, ārĩ buremunĩmakũ gāāmea. Irasirirā ĩgũsā dorerire neō iribiribu.

6 Jesúre buremurā oparā yũre: “Āsũ gapũ wereka!” ārĩbirima. “Judío masaka āārĩmerārē: ‘Gũa ñekũsāmarārē Moisés iridoredeare iriro gāāmea’, ārĩ wereka!” ārĩbirima. ĩgũsārē masaka buremukerepũ, Marĩpu āārĩpererārē sũrosũ ĩāmi. Irasirigũ: “Īsā oparā, yũ nemorō āārĩma”, ārĩ gũñabiribu. “Marĩpu ĩgũsārē beyederosũta yũdere beyemi”, ārĩ gũñabu. 7 Oparā irasũ yũre: “Āsũ gapũ wereka!” ārĩrõno irirā, yũre ĩāmasĩ, āsũ ārĩma: “Mũde, Marĩpu judío masaka āārĩmerārē Jesucristoya kerere weredoregũ beyepídita āārā. Marĩpu Pedrore judío masakare iri kerere weredorederosũta mũdere iri kerere weredoreñumi”, ārĩma yũre. 8 Marĩpu Pedrore judío masakare Jesucristoya kerere weredoregũ iriudi āārĩmĩ. ĩgũta yũdere judío masaka āārĩmerā puro iri kerereta weredoregũ iriumi.

* 2:3 Gn 17.1-14: Iripoegue Marĩpu Abrahārē ĩgũ pũrā ũmarē: “Yaarā āārĩburo”, ārĩgũ, ĩgũsāya dupũma gasirogārē wiiridoredi āārĩmĩ. Pũrũ iri dorerire Moisére pídi āārĩmĩ. Irasirirā judío masaka Abraham parāmerā āārĩturiarā iri dorerire irirā, ĩgũsā pũrā ũmarē su mojóma pere gaji mojó ũgeru pērēbejarinũrĩ waaró merā ĩgũsā deyoadero purũ irasũ yāma.

⁹ Jerusalégue Jesúre b̄remurā ƿrerā oparā: Santiago, Pedro, Juan wāikurā āārīmā. Gajerā oparā nemorō āārīmā. Īgūsā yure Marīƿ Īgū maĩrī merā beyepídi yu āārīmakū ĩāmasī, yure, Bernabédere ōārō bokatīrī: “Marī s̄rosū moārākoa”, ārīma. “Musā Jesucristoya kerere judío masaka āārīmerārē wererā waaka!” ārīma. “Gua gapu judío masakare wererākoa”, ārīma. ¹⁰ Guare: “Bopoñarārē iritamuka!” ārīrī direta werema. I dita āārībú: “Yu ōārō irigura”, ārī, b̄ro gũñadea.

Pablo Pedrore Antioquíague werede

¹¹ ƿru gua Antioquía wāikuri makāgue āārīripoe Pedro ejami. Īgū irogu ejadero ƿru keoro iribirimakū ĩā, ĩgūguereta turaro merā werebu. ¹² Iro dupuyuro ĩgū irogu āārīgú, judío masaka āārīmerā Jesúre b̄remurā merā baa, āārīrikukōāyupu. Īgū irasiriripoe gajerā judío masaka Santiago iriunerā ejañurā. Īgūsā ejamakū ĩā, judío masaka āārīmerā merā āārādi āārīduúkōāyupu: “Yure turibokuma”, ārīgū. Irogu ejanerā judío masaka āārīmerārē: “Moisés dorederosūta dupuma gasirogārē wiiriro gāāmea”, ārī weregorenarā iriñurā. Irasirigu Pedro, Antioquía marā ĩgūsāya dupuma gasirogārē wiirisūbirinerā āārīmakū, ĩgūsā merā baa, āārīrikuaadi duúkōāyupu. ¹³ Īgū irasirimakū ĩārā, gajerā judío masaka Jesúre b̄remurā, ĩgū irirosūta irigatori merā iriñurā. Judío masaka āārīmerā merā āārīrikuanerā, ĩgūsā merā baanerā baanemobiriñurā. “Īgūsā merā baaduúmakū ōābea”, ārī masīkeregu, Bernabéde ĩgūsā irirosūta iriyupu. ¹⁴ Īgūsā: “Jesucristore b̄remurī merā dita tausūrākoa”, ārīrī kerere masīkererā, keoro iribirima. Irasirigu, irire ĩā, Pedrore āārīpererā Jesucristore b̄remurā ĩūrōgue b̄ro turaro merā āsū ārī werebu: “Mu judío masakū āārīkeregu, judío masaka āārīmerā irirosūta ĩgūsā merā baa, āārīkōābu. Mu irasirigu, Moisés marīrē judío masakare iridorederosū iribiribu. ¿Nasirigu judío masaka āārīmerā gapure: ‘Gua judío masaka iririkurire irika!’ ārīduari?” ārību ĩgūrē.

Āārīpererā Jesúre b̄remurā tausūrākuma, ārī gojadea

¹⁵ Gua neō deyoarāgueta judío masaka āārīsianerā āārībú. Gaji buri marā irirosū Marīƿ Moisére doreri pídeare tarinugābea. ¹⁶ Irasū āārīkererā, ire masīa. Marīƿ Moisére ĩgū doreri pídeare masaka irimakū meta ĩgūsārē: “Ōārā, waja opamerā āārīma”, ārī ĩāmi. Masaka Jesucristore b̄remumakū, Marīƿ ĩgūsārē: “Ōārā, waja opamerā āārīma”, ārī ĩāmi. Irasirirā guade Jesucristore b̄remunugābu. ĩgūrē b̄remumakū, Marīƿ guadere: “Ōārā, waja opamerā āārīma”, ārī ĩāmi. Marīƿ, iri doreri pídeare gua irimakū meta guare irasū ārī ĩāmi. Neō sugu masakū iri doreri pídeare iripeomasībemi. Irasirigu Marīƿ neō sugure: “Yu dorerire iripeokōāmi, irasirigu ĩgūrē: ‘Ōāgū āārīmi’, ārī ĩā”, ārībirikumi.

¹⁷ Irasirirā: “Gua Jesucristore b̄remumakū, Marīƿ guare: ‘Ōārā, waja opamerā āārīma’, ārī ĩāmi”, ārīrā: “Gua judío masakade Marīƿ Moisére doreri pídeare iripeobirikoa, irasirirā guade ñerō yāa”, ārī masīa. ¿Irire irasū ārī masīrā: “Jesucristore b̄remusīā, ñerō irikereƿru, ōāgorāa”, ārīrā yāri? Irire neō ārībea. Jesucristo guare ĩgūrē b̄remurārē ñerō siiu irigu meta āārīmi. ¹⁸ Irasirigu masakare āsū ārī werea. “Jesucristore b̄remumakū, Marīƿ musārē: ‘Ōārā, waja opamerā āārīma’, ārī ĩāmi” ārī werea. “Marīƿ Moisére ĩgū doreri pídeare musā irimakū, musārē: ‘Ōārā, waja opamerā āārīma’, ārī ĩāmi”, ārīgū meta yāa. ĩgūsārē: “Marīƿ Moisére doreri pídeare musā iriri merā Marīƿ ĩūrō waja opabirikoa”, ārīgū, yude waja opabokoa irire iripeobirisīā.

19 Iripoeguere: “Y_u, Marĩpu Moisére doreri pídeare irigu, ĩgũ ĩũrõ waja opabi ããĩgũkõ”, ãĩ gũñadibu. Irasũ ãĩ gũñakeregu, bokatĩũbirikubu. Waja opagu, peamegue waabodi ããĩbũ. Daporare: “Iri dorerire iriri merã Marĩpu merã õãrõ ããrã”, neõ ãĩ gũñanemobea. “Jesucristore b_uremusiã, Marĩpu merã õãrõ ããrĩ, ĩgũ gããmerĩrẽ yãa”, ãĩ masĩa. 20 Jesucristo Marĩpu magũ y_ure maĩgũ curusague boagu, y_u ñerõ iridea wajare wajaribosadi ããĩmĩ. Y_u ĩgũyagu ããĩsĩã, ĩgũ boaderosũta y_ude ĩgũ merã boadi irirosũ waadi ããĩbũ. Sugu boagu ĩgũ iriduarire neõ irinemomasĩbi irirosũ waadi ããĩbũ. Irasirigu Cristore b_uremusiã, y_u iriduarire piri, ĩgũ turaro merã ĩgũyare irigu yãa. 21 Y_u: “Marĩpu Cristo merã marĩrẽ õãrõ iritamudi ããĩmĩ”, ãĩ b_uremurĩrẽ piridubea. Marĩpu Moisére ĩgũ doreri pídeare marĩ iriri merã waja opabirimakũ, Cristo marĩ ñerõ iridea waja boabosadea wajamarĩbokuyo.

3

¿Moisés doredeare iriri merã, o Jesucristore b_uremurĩ merã Marĩpuyarã ããĩrĩ? ãĩ gojadea

1 M_usã Galacia marã pémasĩmerã irirosũ irirã yãa. ¿Nasirirã ãĩgatorimasã buerire pénu_gãrĩ? ĩgũsã buerire pésĩã, Jesucristoya diayema kerere b_uremurĩrẽ pirirã yãa. G_ua, m_usã p_urogue ããĩrã, m_usãrẽ Jesucristo curusague boadea kerere diaye wereb_u. Iri g_ua wererire m_usã õãrõ péb_u. 2 Irasirigu m_usãrẽ ire sãrẽñadubakõ. ¿M_usã Moisés doredeare iriri merã Õãgũ deyomarĩgũrẽ opanu_gãrĩ? ĩgũrẽ opabiribu. Jesucristoya kerere pérã, ĩgũrẽ b_uremun_ugãrã, Õãgũ deyomarĩgũrẽ opanu_gãb_u. 3 ¿Nasirirã daporare pémasĩmerã irirosũ irirã yãrĩ? M_usã Jesucristore b_uremurã Õãgũ deyomarĩgũ iritamurĩ merã Marĩpu dorerire irinu_gãb_u. ¿Nasirirã daporare ĩgũ iritamurĩ marĩrõ m_usã basi m_usã turari merã iri dorerire iripeoduarĩ? 4 ¿M_usã Jesucristore b_uremun_ugãripoe gajerã m_usãrẽ ñerõ tarimakũ irideare gũñaberi? Daporare ĩgũyã kerere b_uremuduúrã: “Ubugora irire b_uremub_u”, ¿ãĩ gũñarĩ? 5 Marĩpu m_usãrẽ ĩgũyag_ure Õãgũ deyomarĩgũrẽ iriudi ããĩmĩ. Õãgũ deyomarĩgũ m_usã merã ããĩmakũ, Marĩpu ĩgũ turari merã m_usã watopeguere wãri iri ĩmurĩrẽ irigu yãmi. M_usã Moisés doredeare irimakũ, ¿irasirigu yãrĩ? Iribemi. M_usã Jesucristoya kerere pé b_uremumakũ gap_u irasũ yãmi.

6 Abraham Marĩp_ure b_uremumakũ, Marĩpu ĩgũrẽ: “Õãgũ, waja opabi ããĩmĩ”, ãĩ ĩãdi ããĩmĩ. 7 Irasirirã m_usã ire masĩka! Abraham Marĩp_ure b_uremuderosũta b_uremurãno Abraham parãmerãgora ããĩma. 8 Marĩp_uyã werenĩrĩ gojadea pũgue judío masaka ããĩmerãdere ĩgũsã Marĩp_ure b_uremumakũ, Marĩpu ĩgũsãrẽ: “Õãrã, waja opamerã ããĩma”, ãĩ ĩãburire gojasiasũdero ããĩbũ. Marĩpu Abrahãrẽ irire wereg_u, ãsũ ãrĩdi ããĩmĩ: “Y_u, m_u merã ããĩpereri buri marãrẽ õãrõ irigu_ura”, ãrĩdi ããĩmĩ. 9 Abraham Marĩp_ure b_uremumakũ, Marĩpu ĩgũrẽ õãrõ iridi ããĩmĩ. Irasirigu daporadere ããĩpererã ĩgũrẽ b_uremurãnorẽ õãrõ yãmi.

10 “Moisés doredeare irimakũ, Marĩpu marĩrẽ: ‘Õãrã, waja opamerã ããĩma’, ãĩ ĩãgũkumi”, ãĩ gũñarãnorẽ Marĩpu wajamoãgũkumi. Marĩp_uyã werenĩrĩ gojadea pũgue irimarẽ ãsũ ãĩ gojasũdero ããĩbũ: “Ããĩpereri Moisés doredeare iripeomerãno wajamoãsũrãkuma”, ãĩ gojasũdero ããĩbũ. 11 Neõ sugu Moisés doredeare iripeomasĩgũ mámi. Irasirigu Marĩpu neõ sug_ure: “Y_u dorerire iripeokõami, irasirigu ĩgũrẽ: ‘Õãgũ ããĩmĩ’, ãĩ ĩãã”, ãĩbirikumi. Irire marĩ masĩa. Marĩp_uyã werenĩrĩ gojadea pũgue ãsũ ãĩ gojasũdero ããĩbũ: “Marĩpu ĩgũrẽ b_uremurãrẽ: ‘Õãrã, waja opamerã ããĩma’, ãĩ ĩãmi. Irasirirã ĩgũ merã õãrõ ããĩnĩkõãrãkuma”, ãĩ gojasũdero ããĩbũ. 12 Moisés doreri

gojadea pūgue: “Marĩpũ buremugũno Marĩpũ ĩũrũ waja opabi āārĩmi”, neũ ārĩ gojasũbirĩbũ. Āsũ gapũ ārĩ gojasũdero āārĩbũ: “Āārĩpereri Moisés doredeare iripeogũno, Marĩpũ merā õārũ āārĩnĩkõāgũkumi”, ārĩ gojasũdero āārĩbũ. Iri dorerire iripeobi gapũre Marĩpũ ĩgũrẽ: “Yũ ĩũrũ waja opami, yũ merā neũ õārũ āārĩbirikumi”, ārĩ ĩāgũkumi.

¹³ Irasirigũ, marĩ āārĩpererā Moisés doredeare iripeobirimakũ, Marĩpũ marĩrẽ: “Iri dorerire iripeobema”, ārĩgũ: “Waja opama”, ārĩdi āārĩmĩ. Irasirigũ Jesucristo curusague pábiatúsũgũ, waja opagũ irirosũ marĩrẽ wajamoãbodeare boa, wajaridi āārĩmĩ. Marĩpũya werenĩrĩ gojadea pūgue āsũ ārĩ gojasũdero āārĩbũ: “Sugũ yukũgue siasiusũadi, Marĩpũ wajamoãdoreadi āārĩmi”, ārĩ gojasũdero āārĩbũ. Jesucristo boari merā marĩ ñerũ iridea wajare taudi āārĩmĩ. ¹⁴ ĩgũ marĩ ñerũ iridea wajare boa, wajaribosadea merā Marĩpũ Abrahārẽ: “Irasũta irigũra”, ārĩderosũta judío masaka āārĩmerādere iridi āārĩmĩ. Irasirigũ ĩgũ ārĩderosũta marĩrẽ Jesucristore buremurārẽ: “Õārã, waja opamerā āārĩma”, ārĩ ĩã, Õāgũ deyomarĩgũrẽ sĩdi āārĩmĩ marĩ merā āārĩburo, ārĩgũ.

Marĩpũ: “Abraham merā āsũ irigũra”, ārĩdea

¹⁵ Yaarã, masaka ĩgũsã iririkũrĩre, su keori merā mũsārẽ weregũra. ĩgũsã: “Āsũ irirã!” ārĩ, oparã pũro papera āmukuma. ĩgũsã irire āmuadero pũrũ, neũ gajerã ĩgũsārẽ: “I pũrẽ beokõaka! Āsũ gapũ gojaka!” ārĩbirikuma. ¹⁶ Marĩpũ Abrahārẽ ĩgũ ārĩdea, i irirosũta āārã. Gajerã ĩgũ ārĩdeare neũ beomasĩbema. Āsũ ārĩ weredi āārĩmĩ ĩgũrẽ: “Mũ parãmi āārĩturiagu merā āārĩpereri buri marārẽ õārũ irigũra”, ārĩdi āārĩmĩ. “Mũ parãmerā āārĩturiarã merā õārũ irigũra”, ārĩbiridi āārĩmĩ. Ubu gapũ: “Mũ parãmi āārĩturiagu sugũ merãta irasirigũra”, ārĩdi āārĩmĩ. Irasũ ārĩgũ, Jesucristore ārĩgũ iridi āārĩmĩ. ¹⁷ Yũ mũsārẽ wereri āsũ ārĩdũaro yãa. Marĩpũ Abrahārẽ masakare ĩgũ õārũ iriburire weredi āārĩmĩ. Pũrũ cuatrocientos treinta bojori pũrũ, Marĩpũ ĩgũ doreri Moisére pídi āārĩmĩ. Irire pígu, Abrahārẽ: “Yũ irasirigũkoa”, ārĩdeare peremakũ iribiridi āārĩmĩ. ¹⁸ Marĩpũ, Moisés doredeare irirã direta: “Yũ merā õārũ āārĩrãkuma”, ārĩmakũ, ĩgũ Abrahārẽ ārĩdea wajamarĩbokuyo. Irasũ āārĩbea. Marĩpũ Abrahārẽ maĩgũ wajamarĩrũ ĩgũ: “Āsũ irigũra”, ārĩdeare keoro iridi āārĩmĩ. ((“Āārĩpererã mũ irirosũ yũre buremurārẽ yũ merā õārũ āārĩmakũ irigũra”, ārĩdi āārĩmĩ.))

¹⁹ Iro merẽ, ĩnasirigũ Marĩpũ ĩgũ dorerire Moisére píyuri? Masaka ñerũ irirã, waja oparã āārĩrĩrẽ ĩgũsārẽ masĩdoregũ irire pídi āārĩmĩ. Abraham parãmi āārĩturiagu Jesucristo aaripoeague Marĩpũ masakare: “Āsũ irika!” ārĩ pĩtũnudi āārĩmĩ. Jesucristo aarimakũ, Marĩpũ Abrahārẽ: “Mũ parãmi āārĩturiagu merā āārĩpereri buri marārẽ õārũ irigũra”, ārĩdea keoro waabũ. Marĩpũ ĩgũ dorerire ĩgũrẽ wereboerārẽ Moisére weredoredi āārĩmĩ. Irasirigũ Moisés irire pégu, masakare wereturiadi āārĩmĩ. ²⁰ Marĩpũ Abraham parãmi āārĩturiagu merā masakare õārũ iriburire gajerãgue merā Abrahārẽ were-dorebiridi āārĩmĩ. ĩgũ basita weredi āārĩmĩ. ((Irasiriro Abrahārẽ ĩgũ weredea gapũ, Moisére ĩgũ dorerire pídea nemorũ āārã.))

Pablo, Moisés doredeare weredea

²¹ Iro merẽ, Marĩpũ Abrahārẽ weredea, ĩgũ dorerire Moisére pídea nemorũ āārĩmakũ, ĩgũ dorerire Moisére pídea gapũ wajamarĩyuri? Irasũ āārĩbiridero āārĩbũ. Āsũ gapũ āārã. Masaka āārĩpereri Moisés doredeare iripeori merā Marĩpũ merā õārũ āārĩmasĩmakũ, Marĩpũ irire iripeorārẽ: “Õārã, waja opamerā āārĩma”, ārĩ ĩãbodi āārĩmĩ. ²² Marĩpũya werenĩrĩ gojadea pūgue irimarẽ āsũ ārĩ gojasũdero āārĩbũ: “Masaka āārĩpererã ñerũ irirã, waja oparã

ãārīma”, āri gojasũdero ãārībú. Irasirigu Marĩpu Abrahārē: “Mu parāmi ãārĩturiagu merā ãārĩpereri buri marārē õārõ irigura”, ārĩderosũta irigukumi. ãārĩpererē Jesucristore b̄remurārē: “Õārā, waja opamerā ãārīma”, āri ĩāgukumi.

²³ Marĩ Jesucristoya kerere pé, ĩgūrē b̄remuburi dupuyuro Marĩpu ĩgū dorerire Moisére pídea direta masĩnerā ãārībú. Irasirirā marĩ ñerõ iridea waja peresugue dobosũnerā marĩrē peresu iridi doreri direta masĩrā irirosũ ãārĩnerā ãārībú. ²⁴ Marĩpu ĩgū dorerire Moisére pídea merā marĩ iri dorerire iripeomerā ãārĩrĩrē masĩmakū iridi ãārĩmĩ. P̄ru Cristoyare masĩmakū iridi ãārĩmĩ ĩgūrē b̄remumakū, marĩrē: “Õārā, waja opamerā ãārīma”, āri ĩābu. ²⁵ Daporare Jesucristore b̄remua. Irasirirā ĩgūrē b̄remusĩā: “Marĩpu Moisére ĩgū doreri pídeare marĩ irimakū meta marĩrē: ‘Õārā, waja opamerā ãārīma’, āri ĩāmi”, āri masĩa.

²⁶ Irasirirā musā ãārĩpererā Jesucristore b̄remurĩ merā ĩgūyarā ãārĩsĩā, Marĩpu p̄rā ãārā. ²⁷ Musā ãārĩpererā deko merā wāiyesũnerā ãārībú musā Cristoyarā ãārĩrĩrē ĩmumurā. Irasirirā ĩgūyarā ãārĩsĩā, ĩgū irirosũ ãārĩrikua. ²⁸ Marĩ ãārĩpererā ĩgūyarā ãārĩsĩā, sugūyarāta ãārā. Irasirigu Marĩpu judío masakare, judío masaka ãārĩmerādere, moāboerimasārē, moāboemerādere, ũmarē, nomedere s̄rosũta ĩāmi. Irasiriro marĩrē Jesucristoyarārē dukawari masĩña máa. ²⁹ Marĩ Cristoyarā ãārĩsĩā, Abraham parāmerā ãārĩturiarā ãārā. Irasirigu Marĩpu Abrahārē: “M̄rē õārõ irigura”, ārĩderosũta marĩdere irigukumi. Marĩ Cristoyarā ãārĩmakū, marĩrē irasirigukumi.

4

¹ Musārē i keori merā wereduakoa. Sugu majĩgū ãārĩpereri ĩgū paguyare opaturiyabu ãārĩkeregu, majĩgū ãārĩsĩā, sugu moāboegu irirosũ ãārĩkumi. ² Gajerā ĩgūrē, ĩgūya ãārĩburidere ĩāduripĩbosakuma. Irasirigu, ĩgūsā doreri doka ãārĩkumi. Sunu ĩgū pagu, ĩgū boaburi dupuyuro ĩgūya ãārādeare ĩgū magūrē wiaburinuwrē werepĩkumi. “Inu ejamakū, ãārĩpereri yaa ãārĩdeare yu magūrē wiaka!” ārĩkumi. Irasirirā irinu ejamakū, ĩgūrē wiakuma pama. ³ Marĩde Jesucristore b̄remuburi dupuyuro marĩ ñekūsāmarā i ũmumarē buerire irituyarā, majĩgū ĩgū ãārĩderosũ marĩ ñekūsāmarā doreri doka ãārĩunanerā ãārībú. Irasirirā gajerārē moāboerā irirosũ ãārĩnerā ãārībú. ⁴ Irasũ ãārĩkerepuru, Marĩpu gapu ĩgū: “Āsũ irigura”, ārĩdeanu ejamakū, keoro ĩgū magūrē i ũmuguerē iriudi ãārĩmĩ. ĩgū iriumakū, sugo nomeõguere deyoadi ãārĩmĩ. ĩgū judío masaku ãārĩsĩā, Marĩpu doreri Moisére pídeare iridi ãārĩmĩ. ⁵ Marĩpu ĩgū magūrē, marĩ iri dorerire iripeobiri wajare boa, wajaribosadoregu iriudi ãārĩmĩ ĩgū p̄rā waaburo, ārĩgū.

⁶ Irasirigu Marĩpu marĩrē: “Yu p̄rā ãārĩsĩama”, ārĩgū, ĩgū magū Jesucristo merā Õāgū deyomarĩgūrē iriudi ãārĩmĩ. Irasirirā Õāgū deyomarĩgū iritamurĩ merā Marĩp̄re: “Ḡap̄u”, āri masĩa. ⁷ Marĩ, Marĩpu p̄rā ãārĩsĩā, moāboerimasā irirosũ ãārĩbea pama. Irasirirā ãārĩpereri Marĩpu ĩgū magū Cristo iridea merā marĩrē ĩgū p̄rārē s̄burire ñeārākoa.

Pablo Jesúre b̄remurārē Galaciague ãārĩrārē gūñarikudea

⁸ Iripoeguere musā Marĩp̄re masĩbirisĩā, gajerānorē b̄remunerā ãārībú. ĩgūsārē b̄remurā, ĩgūsā doreri doka ãārĩtuuyanĩrā irirosũ ãārĩnerā ãārībú. Marĩp̄gorare b̄remubirinerā ãārībú. ⁹ Dapora musā Marĩp̄re masĩa. ĩgū musārē masĩgū ĩgūrē masĩmakū iridi ãārĩmĩ. Musā ĩgūrē masĩsĩā, musā iripoegue ubu ãārĩrĩrē b̄remudeare b̄remuduúkdõanerā ãārībú. Irasirikererā, daporare Moisés doredeare iripeoduarā, musā ubu ãārĩrĩrē

buremurorideare buremurā irirosū irirā yáa. ¿Nasirirā irire irasirirā yári? ¿Nasirirā dupaturi moãboerimasā irirosū ããrĩduari doja? ¹⁰ Musãde, Marĩpu merā õãrõ ããrĩduarã, judío masaka bosenurĩ irinarõsũta iriadikoa. Iri bosenurĩrẽ irirã, siuñajãrĩnurikũ, abe deyoarikũ, gajinurĩ bosenurikũ, bojorikũ bosenurĩrẽ irikoa. ¹¹ Musã irasirimakũ pégu: “¿Yũ ãgũsãrẽ ubugora bueyuri?” ãrĩgũ, burõ musãrẽ gũñarikũa.

¹² Yaarã, yũ musãrẽ ãsũ irimakũ gããmea. Musã judío masaka ããrĩbirisĩã, Moisés doredeare iribirinerã ããrĩbũ. Yũde, judío masakũ ããrĩkeregũ, musã iriderosũta iri dorerire iribea. Irasirigũ dupaturi musãdere yũ irirosũ irimakũ gããmea. Marĩ Jesucristore buremusĩã, Marĩpu merã õãrõ ããrĩmasĩã. Yũ musãrẽ Jesucristoyare buemakũ, musã yũre neõ ñerõ iribiribũ. ¹³ Musã masĩã. Yũ, Jesucristo masakare tauri kerere musãrẽ buerurorigũ, pũrĩrikabũ. ¹⁴ Yũ pũrĩrikũmakũ musãrẽ diasagorabũ. Irasũ ããrĩkerepũrũ, musã yũre ããturi doobiribũ. Ubu gapũ Marĩpũre wereboegũre irirosũ õãrõ bokatĩrĩneãbũ. Jesucristore irirosũ yũre õãrõ iribũ. ¹⁵ Musã yũ merã usuyari opadea, ¿naásũ waãari? Ire yũ masĩã. Musã irasirimasĩrã, musãya koyere yũre wea sĩbokuyo yũre iritamumurã. ¹⁶ Yũ musãrẽ diayemarẽ weredeã waja daporare yũre: “Gũare ããturigũ irirosũ irigũ yãmi”, ¿ãrĩ ããrĩ?

¹⁷ Gajerã ããrĩgatori merã buerimasã gapũ musãrẽ burõ iritamudũarã irirosũ irikererã, õãrõ merã irirã meta ããrĩma. Musãrẽ gũa buerire iritũyarire piri, ãgũsã bueri gapũre iritũyadorerã yãma. ¹⁸ Gajerã musãrẽ iritamudũamakũ õãgorãã. ãgũsã musãrẽ iritamudũarã, õãrõ gũñarĩ merã iritamunĩkõãburo. Yũ musã merã ããrĩmakũ direta irasiribirikõãburo. ¹⁹ Musã yũ pũrã irirosũ ããrĩrãrẽ musãya ããrĩburire gũñagũ, dupaturi burõ pũrĩsũrĩ merã ñerõ tarigũ irirosũ ããrã. Sugo nomeõ pũrãkũburi dupuyuro pũrĩrĩ péñarõsũ péñakoa. Musã Jesucristo irirosũ ããrĩrikũmakũgue, irasũ poyarikũtũnugukoa. ²⁰ Yũ musã pũro musã merã burõ ããrĩduadikoa. Musãrẽ daporata turiro marĩrõ õãrõ pémasĩma õãrõ weredũadikoa. Weredũakeregũ, ñeeno merã werenĩumasĩbirikoa.

Pablo, Agar, Saraya keori merã weredeã

²¹ Musã, Moisés doredeare iridũakererã, ¿nasirirã iri dorerire õãrõ pémasĩberi? ²² Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Abraham pẽrã ãma pũrãkũdi ããrĩmĩ. Sugũre ãgũ marãpore moãboego Agar wãĩkũgo merã pũrãkũdi ããrĩmĩ. Gajigũre ãgũ marãpo diaye Sara merã pũrãkũdi ããrĩmĩ. Igo, moãboego meta ããrĩdeo ããrĩmó”, ãrĩ gojasũdero ããrĩbũ. ²³ Abraham marãpore moãboego magũ marĩ masaka deyoarosũta deyoadi ããrĩmĩ. Abraham marãpo magũ gapũ Marĩpũ Abrahãrẽ: “Mũ marãpo sugũ majĩgũ pũrãkũgokumo”, ããrĩderosũta deyoadi ããrĩmĩ.

²⁴⁻²⁵ ãgũsã pẽrã nomeya, pe keori irirosũ ããrã. Saraya: Abraham, Marĩpũ ããrĩrẽ ããrĩdeare buremuderosũta Jesucristore buremurãya keori irirosũ ããrã. Agarya: Marĩpũ Sinaĩ wãĩkũri buúrũgue Arabia nikũgue ãgũ dorerire Moisére pĩdeare irirãya keori irirosũ ããrã. Agar, moãboego ããrĩsĩã, igo magũde moãboegũ ããrĩdi ããrĩmĩ. Irasirirã Moisés doredeare irirã igo magũ irirosũ ããrĩma. Moãboerã irirosũ iri doreri doka ããrĩma. Daporare Jerusalén marã Moisés doredeare irirã, Agar magũ irirosũ ããrĩma. Irasirirã, moãboerã irirosũ iri doreri doka ããrĩma. ²⁶ Saraya: Jerusalén ãmũgasima makã marã Jesucristore buremurãya keori irirosũ ããrã. Sara, moãboego ããrĩbirimakũ, igo magũde, moãboegũ meta ããrĩdi ããrĩmĩ. Irasirirã marĩ Jesucristore buremurã, Sara magũ irirosũ ããrã. Moãboerã irirosũ Moisés doreri doka ããrĩrã meta ããrã. ²⁷ Marĩpũ ããrĩyã werenĩrĩ gojadea pũgue ãsũ ããrĩdi ããrĩmĩ:

“Nomeõ, mu pũrã marĩkerego, usuyaka! Sugo nomeõ, pũrãkũgo pũrĩrĩ pẽnarõsũ pẽnabirikerego, buro usuyaka! Mu pũrã marĩkerepũ, pũrũguere mu parãmerã ããrĩturiarã wárã ããrĩrãkuma. Gajego marãpũkũgo igo marãpũ merã ããrĩgõ parãmerã ããrĩturiarã nemorõ wárã ããrĩrãkuma”, ãrĩdi ããrĩmĩ Marĩpũ. ((Iri ãrĩdea ãsũ ãrĩduaro yáa. Jesucristore buremurã Sara parãmerã ããrĩturiarã ããrĩma. Igũsã, Moisés doredeare irirã nemorõ wárã ããrĩrãkuma.))^{*}

²⁸ Irasirirã yaarã, marĩ Sara magũ Isaac irirosũ ããrã. Marĩpũ pũrã Abrahãrẽ ãrĩderosũta Sara Isaare pũrãkũdeo ããrĩmó. Irasirigu Marĩpũ Igũ ãrĩderosũta marĩrẽ Jesucristore buremurãrẽ Igũ pũrã ããrĩmakũ iridi ããrĩmĩ. ²⁹ Iripoeguere Agar magũ marĩ masaka deyoaderosũta deyoadi, Sara magũ Ôãgũ deyomarĩgũ turari merã deyoadore iãturi, ñerõ iridi ããrĩmĩ. Daporadere irasũta ããrã. Moisés doredeare irirã, marĩrẽ Jesucristore buremurãrẽ iãturi, ñerõ irirã yáma. ³⁰ Marĩpũ Igũya werenĩrĩ gojadea pũgue Abrahãrẽ ãsũ ãrĩdi ããrĩmĩ: “Moãboego magũ mu sĩburire opabirikumi. Mu marãpo diaye moãboego ããrĩbeo magũ gapũ mu sĩburire opagukumi. Irasirigu moãboegore, igo magũ merãta béoka!” ãrĩdi ããrĩmĩ Marĩpũ. ³¹ Irasirirã yaarã, marĩ Jesucristore buremurã, Sara parãmerã ããrĩturiarã ããrã. Moãboego parãmerã ããrĩturiarã meta ããrã. Sara magũ Igũ pagũ sĩburire opaderosũta, marĩ Marĩpũ Igũ pũrãrẽ sĩburire oparãkoa.

5

Pablo: “Jesucristoyare buremurĩrẽ piribirikõãka!” ãrĩ gojadea

¹ Jesucristo marĩrẽ Moisés doreri doka ããrĩnerãrẽ taudi ããrĩmĩ. Marĩ ñerõ iridea wajare Igũ boari merã wajaribosadi ããrĩmĩ, Marĩpũ merã õãrõ ããrĩburo, ãrĩgũ. Irasirirã musã Marĩpũ pũrã ããrĩsĩã, Jesucristoyare gũñaturari merã buremunikõãka! ãrĩgatori merã buerimasã musãrẽ Moisés doredeare iridoremakũ, Igũsãrẽ pëbirikõãka! Iri dorerire irirã, moãboerã irirosũ ããrĩma. Irasirirã iri doreri doka neõ ããrĩnemobirikõãka!

² Ôãrõ péka yure! Yu Pablo, musãrẽ ire weregura. “Guaya dupũma gasirogãrẽ wiirirã, Marĩpũ merã õãrõ ããrĩrãkoa”, ãrĩ gũñabirikõãka! Musã irasũ ãrĩ gũñamakũ, musãrẽ Jesucristo boabosadea wajamarĩboyo. ³ Irasirigu gopeyari merã musãrẽ werea doja. Marĩpũ merã õãrõ ããrĩburire Igũsãya dupũma gasirogãrẽ wiirirãnorẽ Moisés doredeare ããrĩpererire iripeoro gããmea. ⁴ Musã: “Moisés doredeare irimakũ, Marĩpũ guare: ‘Ôãrã, waja opamerã ããrĩma’, ãrĩ iãgukumi”, ãrĩ gũñarã, Jesucristore pirirã yáa. Musã irasirirã, Marĩpũ musãrẽ maĩgũ õãrõ iritamurĩdere gããmebea. ⁵ Marĩ: “Ôãgũ deyomarĩgũ iritamurĩ merã Jesucristore buremumakũ, Marĩpũ guare: ‘Ôãrã, waja opamerã ããrĩma’, ãrĩ iãmi”, ãrĩ masĩa. ⁶ Irasiriro, marĩ Jesucristoyarã ããrĩmakũ, Marĩpũ iũrõ dupũma gasirogãrẽ wiirisũnerã ããrĩrĩ, wiirisũbirinerã ããrĩrĩde wajamãa. Marĩpũ iũrõ marĩ Jesucristore buremurã ããrĩrĩ gapũ wajakua. Igũrẽ buremusĩa, gajerãrẽ maĩa.

⁷ Musã Jesucristore buremunugãrã, Igũyare õãrõ iritũyanerã ããrĩbũ. Dapora gapure gajerã musãrẽ Igũya diayemarẽ õãrõ iritũyabirimakũ irirã yáma. ⁸ Igũsã musãrẽ irasirirã Marĩpũ gããmerĩ gapure irirã meta yáma. Marĩputa musãrẽ Jesucristore buremunugãdoregu siiudi ããrĩmi, Jesucristoyare õãrõ iritũyaburo, ãrĩgũ. ⁹ Masaka ãsũ ãrĩ werema: “Pãrẽ irirã, mérõgã pã wemasãrĩ poga merã trigo pogare morëkuma. Pũru iri wemasãseyakõãkoa”, ãrĩ werema. I irirosũ, ãrĩgatori merã buerimasã buerire surãyeri irire iritũyarã, pũrũgue

^{*} 4:27 Is 54.1

mʉsā āārīpererā āārgatori buerire iritʉyarākoa. ¹⁰ Yʉ gũñaturari merā marī Opʉ Jesucristore bʉremua. Mʉsāde, yʉ irirosū ĩgũrē bʉremua. Irasingʉ mʉsāya āārīburire āsū ārī gũñāa: “Īgūsā āārgatori merā buerimasā buerire iritʉyarire piri, dupaturi yʉ irirosū Jesucristoya diayemarē iritʉyarākuma doja”, ārī gũñāa. Marīpʉ, mʉsārē āārgatori merā buerā gapʉre wajamoōgʉkumi.

¹¹ Yaarā, gajerā yʉre āsū ārīma: “Pablo masakare: ‘Marīpʉ merā oārō āārīduarā, dupʉma gasirogārē wiirika!’ ārī buemi”, ārīma. Yʉ irire neō irasū ārī buebea. Yʉ irasū ārī buemakū, judío masaka gajerārē irire iridorerā yʉre ñerō iribiribokuma. Yʉ, Jesucristo ĩgũ curusague boari merā masakare tauri kere gapʉre buea. Yʉ irire bueri waja judío masaka yʉre ñerō tarimakū yāma.

¹² Yʉ, ĩgūsā āārgatori merā buerimasā mʉsārē dupʉma gasirogārē wiiridorerārē mʉsā pʉro neō āārīnemobirimakū gāāmea. Mʉsārē irasū wiiridoreduarā, ĩgūsā basi wiiri, pūrā marīrā dujaburo.

¹³ Yaarā, Marīpʉ mʉsārē Moisés doreri doka āārīburo, āārgũ meta siudi āārīmī. Irasirirā: “Gʉa gāāmerō ñerī ʉaribejarire irimakū oārokoa”, ārī gũñabirikōāka! Āsū gapʉ irika! Maīrī merā gāme iritamunika! ¹⁴ Mʉsā gajerārē diaye maīrā, Moisés doredeare āārīpererire irirā yāa. Irasūta ārī gojasūdero āārībú: “Mʉ basi maīrōsūta mʉ pʉro āārīrādere maīka!” ārī gojasūdero āārībú. ¹⁵ Irasirirā pémasīka! Mʉsā gāme ĩāturiduúmerā, pūrīsūrī sītīrī wereníduúmerā, mʉsā basi gāme dukawaripereakōārākoa.

Pablo: “Oāgũ deyomarĩgũ gāāmerĩrē irinĩka!” ārī weredea

¹⁶ Yʉ mʉsārē āsū ārī werea. Oāgũ deyomarĩgũ gāāmerĩrē irinĩka! Mʉsā irasirirā, mʉsā gāāmerō ñerī ʉaribejarire iribirikoa. ¹⁷ Marī ñerī ʉaribejari, Oāgũ deyomarĩgũ gāāmerī meta āārā. Irasirirā marī ñerī ʉaribejarire irirā, Oāgũ deyomarĩgũ gāāmerĩrē irirā meta yāa. Oāgũ deyomarĩgũ gāāmerī gapʉre irirā, marī gāāmerō ñerī ʉaribejarire iribirikoa. ¹⁸ Marī Oāgũ deyomarĩgũ marĩrē iridorerire irirā, Moisés doreri doka āārīrā meta āārā. “Marī Moisés doredeare irirā, Marīpʉ merā oārō āārīrākoa”, ārī gũñabea.

¹⁹ Masaka ĩgūsā ñerī ʉaribejarire irimakū, marī oārō ĩāmasā. ĩgūsā ñerī ʉaribejarire irirā, āsū yāma: ʉma, ĩgūsā marāposā nome āārīmerārē; nomede, ĩgūsā marāpʉsāmarā āārīmerārē ñerō gāmebiragorenama. Āārīpereri gʉyasīūrī, ñerō iririre yāma. Gʉyasīrīrō marīrō ñerō iririre taubéokōāma. ²⁰ Keori weadearē bʉremuma. Yéa iririre yāma. Gajerārē ĩāturi dooma. Gāme guaseoma. Gāme ĩāturima. Gajerā merā mata gua, sītīrī wereníma. ĩgūsāya āārīburi direta gũñama. ĩgūsā gāāmerī direta iriduarā, ĩgūsāya bumarārē gāme dukawarimakū yāma. ²¹ Gajerārē gajinorē ĩgūsā opamakū, ĩāturima. Masakare wējēbéoma. Mejārikʉrā āārīma. Bosenʉrīrē irirā, mejārā ñerīrē yāma. Irasū āārīmakū, wāri gajino ñerīdere yāma. Irasingʉ yʉ mʉsārē āārdersūta goepeyari merā werea doja. Iri ñerīrē irinĩgũno, Marīpʉ ĩgũyarārē dorerogʉre waabirikumi.

²² Oāgũ deyomarĩgũ gapʉ marĩrē ĩgũyare irimakū yāmi. Irasirirā ĩgũ iritamurī merā masakare maīa. ʉʉyari opāa. Siuñajārī merā āārīrikʉa. Gajerā marĩrē ñerō irikerepʉʉ, ĩgūsā merā guabea. Masakare bopoñarī merā ĩāa. ĩgūsārē oārō gũñarī merā iritamua. Piriro marīrō Marīpʉ gāāmerōsū gajerārē keoro oārō yāa. ²³ “Gajerā nemorō āārā”, ārī péñabea. Marī ñerī ʉaribejarire iridʉakererā, iribea. Oāgũ deyomarĩgũyare irirā, irasūta yāa. Gajigʉ irasirirānorē: “Irire irasiribirikōāka!” neō ārībemi. ²⁴ Marī Jesucristoyarā āārīsīā, marī ñerī ʉaribejarire piribʉ. Irasirirā marī gāāmerĩrē, marī ñerō iridʉarire iribea. ²⁵ Marī, Oāgũ deyomarĩgũ iritamurī merā Marīpʉ merā oārō

ããrĩrikua. Irasirirã Õãgũ deyomarĩgũ marĩrẽ iridorerire ïgũ iritamurĩ merã irinĩkõãrõ gããmea.

²⁶ Irasirirã marĩ: “Gajerã nemorõ ããrã”, ãrĩbirikõãrã! Marĩ werenĩrĩ merã gajerãrẽ gãme ïaturimakũ iribirikõãrã! Gajerã õãrõ ããrĩrikurire ïaturibirikõãka!

6

Pablo: “Musã Jesucristore b̄remurã gãme iritamuka!” ãrĩ gojadea

¹ Yaarã, sugũ Jesúre b̄remugũ ñerĩrẽ irimakũ ïãrã, musã Õãgũ deyomarĩgũ iridorerire irirã ïgũrẽ iritamuka, ïgũ iri ñerõ iririre piriburo, ãrĩrã! “Gua, ïgũ nemorõ ããrã”, ãrĩ gũñarõ marĩrõ õãrõ merã ïgũrẽ wereka! Irasũ iritamurã, õãrõ pémasĩka, musãde ïgũ irirosũta ñerĩrẽ iriri, ãrĩrã! ² Musã bujawererãnorẽ, gũñaturamerãnorẽ, ñerĩ uribejarire tarinugãmasĩmerãnorẽ iritamuka! Musã irasũ iritamurã, Jesucristo doredersũta irirãkoa.

³ Sugũ õãrĩrẽ iribirikeregũ: “Yũ õãrĩrẽ irigũ ããrã”, ãrĩ gũñagũ, ïgũ basi ãrĩgatogũ yámi. ⁴ Marĩ masakakũ: “¿Õãrõ irigũ yári?” ãrĩrã, marĩ basi marĩ iririre pémasĩrĩ merã gũñarõ gããmea. Irasiridero purũ, marĩ iriri õãrĩ ããrĩmakũ: “Gajerã nemorõ ããrã”, ãrĩ gũñarõ marĩrõ usuyari merã: “Yũ õãrĩrẽ yáa”, ãrĩ masĩrãkoa. ⁵ Irasirirã marĩ masakakũ, Marĩpũ ïũrõ ïgũ: “Yaare irirã, ãsũ irika!” ãrĩ pídeare õãrõ iriro gããmea.

⁶ Musã Jesúya kerere buerimasãrẽ iritamuka! ïgũsã musãrẽ bueri waja, musã õãrĩ oparire ïgũsãrẽ dukawaka, ïgũsã gããmerĩrẽ opaburo, ãrĩrã!

⁷ Musã basi ãrĩgatobirikõãka! Marĩpũre gopeyari marĩrõ merã: “Yũ ñerõ irimakũ, yũre wajamoãbirikumi”, ãrĩ gũñabirikõãka! Marĩ õãrĩ oterã, purugue õãrĩ dukare bokarosũ marĩ õãrĩ irirã, purugue õãrĩrẽ bokarãkoa. Ñerĩrẽ irirã, purugue ñerĩrẽ bokarãkoa. ⁸ Sugũ ïgũ ñerĩ uribejarire irinĩgũno, ïgũ ñerĩ iridea waja ñerĩrẽ bokagukumi. Perebiri peamegue wajamoãsũgukumi. Õãgũ deyomarĩgũ gããmerĩrẽ irigũ gapũ õãrĩrẽ bokagukumi. Marĩpũ purõ perebiri okari opagukumi. ⁹ Irasirirã Õãgũ deyomarĩgũ gããmerõsũ gariborero marĩrõ õãrĩrẽ irinĩkõãrã! Marĩpũ iriduarinũ ejamakũ, marĩrẽ õãrĩ iririre pirimerãrẽ õãrĩrẽ sĩgukumi. ¹⁰ Irasirirã noó waaró ããrĩpererã marĩ bokajarãnorẽ õãrĩrẽ irirã! Marĩyarãrẽ Jesucristore b̄remurãrẽ neõ piriro marĩrõ ïgũsãrẽ õãrĩrẽ irinĩkõãrã!

Pablo weretũnudea

¹¹ ïãka! Yũ basi musãrẽ ire gojadũakoa. Irasirigũ ï pagari gojari merã musãrẽ ãsũ ãrĩ gojagũ yáa. ¹² ïgũsã musãrẽ dupũma gasirogãrẽ wiiridorerimasã, ïgũsãrẽ gajerã judío masaka õãrõ gũñamakũ gããmerã, irasũ wiiridorema. Marĩ Jesucristo ïgũ curusague boadea merã masakare tauri kerere bueri waja judío masaka marĩrẽ turi, ñerõ yáma. Musãrẽ dupũma gasirogãrẽ wiiridorerimasã gapũ gajerã ïgũsãrẽ turi, ñerõ irimakũ gããmemerã, musãrẽ irasũ wiiridorema. ¹³ ïgũsã ïgũsãya dupũma gasirogãrẽ wiirisũnerã ããrĩkererã, ããrĩpereri Moisés doredeare iripeobema. Iri dorerire iripeobirikererã, gajerã judío masaka péuro: “Gua Moisés doredeare iridoremakũ, Galacia marã, gũa iridoredersũta irima”, ãrĩdũarã, musãrẽ irasũ wiiridorema.

¹⁴ Yũ tamerã ïgũsã irirosũ irasũ ãrĩrĩrẽ gajerã péuro neõ ãrĩbirikoa. Marĩ Opũ Jesucristo ïgũ curusague boari merã marĩ ñerõ iridea wajare wajaribosadea kere direta masakare weregũkoa. Jesucristo yũre yũ ñerõ iridea wajare taudi ããrĩmakũ, ï umũma ñerĩ uribejari iririre piribũ. I umũ marã yũre ïgũsã irirosũ ñerĩ uribejarire iridoremakũ, neõ iribeã. ¹⁵ Irasiriro, marĩ Jesucristoyarã ããrĩmakũ, Marĩpũ ïũrõ dupũma gasirogãrẽ wiirisũnerã ããrĩrĩ, wiirisũbirinerã ããrĩrĩde wajamãa. Marĩ Jesucristoyarã ñajãmakũ, Marĩpũ marĩrẽ maama

ããrĩrikurire opamakũ iridi ããrĩmĩ. Iri maama ããrĩrikurire opari dita wajakua. ¹⁶ Marĩpũ ããrĩpererãrẽ yũ Jesucristoyare buerire iritũyarãrẽ bopoñarĩ merã ãã, siuñajãrĩ merã ããrĩrikamakũ iriburo. Marĩpũ ããrĩpererãrẽ ããyarãrẽ irasiriburo.

¹⁷ Yũ Jesucristoyare buedea waja gajerã yũre pá, yaa dupũre kãmitú, ñerõ tarimakũ irima. ããsã irasiridea merã yũ Jesucristore moãboegũ ããrĩrĩrẽ masĩsũa. Irasirirã dapora merã neõ sugũ yũre garibonemobirikõãburo. Yũ buerire: “Diaye ããrĩbea”, ããrĩ, yũre ñerõ werenĩnemobirikõãburo.

¹⁸ Yaarã, marĩ Opũ Jesucristo mũsãrẽ ããrĩpererãrẽ õãrõ iriburo. Irasũta iriburo.

Iropãta ããrã.

Pablo

EFESIOS

Pablo Efeso marārē òãdoredea

¹ Y_u Pablo, musārē òãdoredea. Marĩp_u gããmederosũta Jesucristo y_ure ìgũyare buedoreg_u pími. Irasirig_u musārē Efeso marārē Marĩp_uyarārē Jesucristore b_uremurārē gojáa. ² Marĩp_u ããrĩnìgũ, marĩ Op_u Jesucristo musārē òãrò iritamu, siuñajãrĩ merã ããrĩrik_umakũ iriburo.

Marĩp_u, Cristo merã marĩrē òãrò iritamumi, ãrĩ gojadea

³ U_uyari sĩrã marĩ Op_u Jesucristo Pag_ure! Ìgũ marĩrē Cristoyarārē ããrĩpereri ùmugasimarē, marĩya y_ump_urãrĩma òãrĩrē sĩdi ããrĩmĩ. ⁴ I ùm_u iriburi dupuyuro marĩrē Cristoyarã ããrĩmurārē beyedi ããrĩmĩ Ìgũ Ìũrò òãrã, waja opamerã ããrĩburo, ãrĩgũ. ⁵ Neògoragueta Ìgũ marĩrē maìgũ Ìgũ gããmederosũta Jesucristo irideade merã marĩrē: “Y_u p_urã ããrĩmakũ irig_ura”, ãrĩ beyepĩsiadi ããrĩmĩ. ⁶ Marĩp_u marĩrē b_uro bopoñarĩ merã ìãsiã, Ìgũ magũ Ìgũ maìgũ merã marĩrē ìgũyarārē òãrò iridi ããrĩmĩ. Irasirirã Ìgũrē u_uyari sĩnìkòãrã! ⁷ Ìgũ magũ boag_u, Ìgũ dí béori merã marĩ ñerĩ irideade wajare wajaribosadi ããrĩmĩ. Irasirig_u Marĩp_u marĩrē b_uro maìgũ, marĩrē bopoñarĩ merã ìãgũ, marĩ ñerĩ irideade kãtidi ããrĩmĩ. ⁸ Marĩrē irire masĩburo, ãrĩgũ, ããrĩpereri masĩrĩ, pémasĩrĩdere sĩdi ããrĩmĩ. ⁹ Ìgũ iriburire marĩ dupuyurogue masĩbirideade marĩrē masĩmakũ iridi ããrĩmĩ. Irasirig_u marĩrē: “Y_u gããmeròsũta u_uyari merã ãsũ irig_ura”, ãrĩdeade masĩmakũ iridi ããrĩmĩ. ¹⁰ Ìgũ: “Ãsũ irig_ura”, ãrĩdeade iriripoe ejamakũ, ããrĩpereri irig_ukumi. Irasirig_u ããrĩpererã ùmugasi ããrĩrãrē, i nikũ ããrĩrãdere Cristore ìgũsã Op_u ããrĩmakũ irig_ukumi.

¹¹ Iripoegueta Marĩp_u g_uare Cristo merã òãrò ããrĩmurārē beyesiadi ããrĩmĩ Ìgũ sīg_ura, ãrĩdeade opaburo, ãrĩgũ. Ìgũ gããmederosũta i ããrĩpererire òãrĩ irig_ura, ãrĩdeade irisiadi ããrĩmĩ. ¹² G_uare Cristore b_uremup_urorinerārē irasiridi ããrĩmĩ. Ìgũ g_uare wãri òãrĩrē irimakũ ìãrã, Ìgũrē: “Òãtaria m_u”, ãrĩ, u_uyari sĩa. ¹³ Marĩp_u, Cristo merã masakare tauri kerere musãde péb_u. Iri diayema kerere pérã, Cristore b_uremunugãb_u. Irasirig_u Marĩp_u musārē Cristo merã òãrò ããrĩmakũ iridi ããrĩmĩ. Ìgũ iripoegue ãrĩderosũta Òãgũ deyomarìgũrē musārē iriudi ããrĩmĩ Ìgũ merã ìgũyarã ããrĩrĩrē masĩdoreg_u. ¹⁴ Irasirig_u Marĩp_u marĩrē ìgũyarārē tariweweremakũ iridero p_ur_u, Ìgũ iripoegue: “Sìg_ura”, ãrĩdeade sìg_ukumi. Òãgũ deyomarìgũ marĩ merã ããrìgũ, Marĩp_u marĩrē: “Sìg_ura”, ãrĩdeade marĩ opaburire masĩmakũ yãmi. Irasirirã Marĩp_ure: “Òãtaria m_u”, ãrĩ, u_uyari sĩnìkòãrã!

Pablo Marĩp_ure: “Cristore b_uremurārē m_uyare masĩburo”, ãrĩ sērēbosarire gojadea

¹⁵ Y_u musã òãrò iririk_urire masĩa. Musã marĩ Op_u Jesúre òãrò b_uremua. Musã ããrĩpererã gajerã Marĩp_uyarārē maĩa. ¹⁶ Irasirig_u y_u musārē gũñagũ, Marĩp_ure: “Òãtaria ìgũsã irasũ ããrĩmakũ”, ãrĩ, Ìgũrē musãya ããrĩburire sērēnìkòãa. ¹⁷ Marĩp_u, marĩ Op_u Jesucristo Pag_u òãtarimi. Irasirig_u y_u Ìgũrē musãya ããrĩburire ãsũ ãrĩ sērēbosãa: “G_up_u, Òãgũ deyomarìgũ masĩrĩ sika, ìgũsã m_uyamarē pémasĩrĩ merã masĩnemoburo, ãrìgũ!” ¹⁸ Marĩp_u, ìgũyarã ããrĩmurārē iripoegue ãrĩderosũta musārē Ìgũ beyepĩnerārē sìg_ukumi. Òãtaria Ìgũ musārē sĩburi. Irasirig_u y_u Marĩp_ure: “Ìgũsã gũñarìgue ìgũsãrē irire òãrò pémasĩmakũ irika!” ãrĩ sērēa. ¹⁹⁻²⁰ Gajidere musã òãrò pémasĩburire sērēbosãa.

Marĩpu ããrĩpererã nemorõ turagu ããrĩmi. Īgũ turari merãta marĩ Jesucristore bũremurãrẽ Īgũ merã õãrõ ããrĩmakũ yãmi. Īgũ iri turari merãta Cristo boadiguere masũ, ãmũgasigue Īgũ diaye gapũ doamakũ iridi ããrĩmĩ Īgũrẽ ããrĩpererã Opũ ããrĩdoregu. ²¹ Īgũrẽ irogue doamakũ irigu, ããrĩpererã ãmũgasi, i nikũgue turarãrẽ, dorerãrẽ, oparãrẽ, noó gajerãrẽ dorerãnorẽ doregu wekamũ ããrĩmakũ iridi ããrĩmĩ. Irasirigu Cristo ããrĩpererã dapora marã oparãrẽ, pũngue marã oparãdere doregu ããrĩmĩ. ²² Marĩpu ããrĩpererire, ããrĩpererãrẽ Cristo doka dujamakũ iridi ããrĩmĩ. Irasirigu Cristo, ããrĩpererã marĩ Īgũrẽ bũremurĩ bumarã Opũ, marĩ dipuru ããrĩmĩ. ²³ Marĩ Īgũrẽ bũremurĩ bumarã, sugũyarãta ããrĩsĩã, Īgũya dupũ irirosũ ããrã. Īgũ ããrĩpererogue marĩ ããrĩpererã merã ããrĩnĩgũ marĩrẽ ããrĩpereri Īgũyare opamakũ yãmi.

2

Marĩpu marĩrẽ maĩgũ taurimarẽ gojadea

¹ Iripoeguere Jesucristore bũremuburo dupuyuro mũsã ñerõ iririkũ, Marĩpu dorerire tarinũgãnerã ããrĩbũ. Irasirirã, Marĩpu ĩũrõrẽ boanerã irirosũ Īgũ merã õãrõ ããrĩbirinerã ããrĩbũ. ² Mũsã i ãmũ marã irirosũ ñerõ iriunanerã ããrĩbũ. Wãtẽa opũ dorerire iriunanerã ããrĩbũ. Īgũta i ãmũ marã ããrĩpererã Marĩpu dorerire tarinũgãrãrẽ doregu ããrĩmĩ. ³ Iripoeguere marĩ ããrĩpererã ñerĩ direta iriunanerã ããrĩbũ. Irasirirã marĩ noó gããmerõ iridũarire, ñerĩ gũñarĩrẽ iriunanerã ããrĩbũ. Irasirirã marĩde Marĩpũre bũro wajamoãsumurã ããrĩbonerã ããrĩbũ. Gajerã peamegue wajamoãsumurã irirosũ marĩde wajamoãsumurã ããrĩbonerã ããrĩbũ. ⁴ Marĩpu gapũ marĩrẽ bũro maĩgũ, bopoñarĩ opatarigu ããrĩmĩ. ⁵ Marĩ ñerõ iridea waja Īgũ ĩũrõrẽ marĩ boanerã irirosũ ããrĩkerepũ, marĩrẽ Cristo merã õãrõ ããrĩmakũ iridi ããrĩmĩ. Īgũ Cristore masũ, dupaturi okamakũ iriderosũta marĩdere Īgũ pũro perebiri okari sĩdi ããrĩmĩ. Irasirigu marĩrẽ bopoñarĩ merã ĩãsiã, taudi ããrĩmĩ.

⁶ Marĩpu Jesucristo boadiguere masũdi ããrĩmĩ. Masũ, ãmũgasigue Īgũ merã doamakũ iridi ããrĩmĩ ããrĩpererãrẽ doregu ããrĩburo, ãrĩgũ. Īgũrẽ masũderosũta marĩdere Cristoyarãdere masũ: “Ãmũgasigue doarã Īgũ merã dorerã ããrĩma”, ãrĩ ĩãdi ããrĩmĩ. ⁷ Īgũ, Jesucristo merã marĩrẽ wãro maĩrĩrẽ ĩmudi ããrĩmĩ. Pũngue ããrĩpererãrẽ Īgũ marĩrẽ bopoñarĩrẽ masĩmakũ gããmegũ, irasiridi ããrĩmĩ. ⁸ Marĩpu marĩrẽ bopoñagũ, Cristore bũremumakũ, marĩrẽ taudi ããrĩmĩ. Marĩ basi marĩ iridea merã neõ taribirikoa. Marĩpu marĩrẽ taudea: Īgũ marĩrẽ wajamarĩrõ sĩdea, Īgũ marĩrẽ iribosadea ããrã. ⁹ Marĩ õãrõ iririre ĩãgũ meta taudi ããrĩmĩ marĩrẽ. Irasirirã marĩ basi: “Yũ õãrõ iridea waja Marĩpu yare taumi”, ãrĩmasĩbirikoa. ¹⁰ Marĩ, Marĩpu irinerã ããrã. Īgũ marĩrẽ Jesucristoyarã ããrĩdoregu, irasiridi ããrĩmĩ. Iripoegue marĩ õãrõ iriburire gũñasiadi ããrĩmĩ. Irasirigu marĩrẽ Jesucristoyarãrẽ ire pídi ããrĩmĩ õãrĩrẽ iridoregu.

Marĩ, Jesucristo merã õãrõ usũyari opãa, ãrĩ gojadea

¹¹ Mũsã iripoegue ããrĩrikũdeare õãrõ gũñaka! Gũa mũsarẽ, judío masaka ããrĩmerãrẽ, mũsã ãmaya dupũma gasirogãrẽ wiiribiri waja: “Marĩpũyarã ããrĩbea”, ãrĩ ĩãturiunanerã ããrĩbũ. Gũa judío masaka gapũ irasũ wiirisũnerã: “Marĩpũyarã ããrã”, ãrĩ gũñakerepũ, iri wiiridea marĩrẽ Īgũyarã waamakũ iribea. ¹² Iripoeguere Marĩpu iriudi Cristore mũsã bũremubirinerã ããrĩbũ. Irasirirã mũsã Israel bumarã merã ããrĩbirinerã ããrĩbũ. Marĩpu Israel bumarãrẽ: “Īgũsarẽ õãrõ irigũra. Īgũsã Opũ ããrĩgũra. Yaarã ããrĩrãkuma”, ãrĩ pídeare opabirinerã ããrĩbũ. Irasirirã mũsã: “Marĩpu gũare taugũkumi”,

āriṃasībirinerā āārībú. Marĩḡ merā ōārō āārībirinerā āārībú. ¹³ Mũsā iripoegue Marĩḡḡ masībirinerā āārĩkererā, daporare mũsā Jesucristore bũremurā ĩḡũyarāta āārā. ĩḡũ boari, ĩḡũ dí béori merā Marĩḡḡ mũsārē ĩḡũrē masĩrā, ĩḡũyarā waamakũ iridi āārĩmĩ. ¹⁴ Gũa judío masaka, mũsā judío masaka āārĩmerā merā pe bumarā āārĩkererũ, Cristo iridea merā marĩrē sugũ pũrāta āārĩmakũ iridi āārĩmĩ. Irasirĩḡḡ marĩ basi gāme ĩaturideare pirimakũ iridi āārĩmĩ. Irasirĩḡḡ Cristo marĩrē ĩḡũyarārē siuñajāmakũ yāmi. ¹⁵ Cristo curusague boagũ: “Marĩḡḡ merā ōārō āārĩdũarā, āārĩpereri ĩḡũ Moisére doreri pídeare iripeoka!” ārĩdeare peremakũ iridi āārĩmĩ. Irasirĩḡḡ Cristo marĩrē ĩḡũyarārē pe bumarā āārĩnerārē su bumarāta āārĩmakũ iridi āārĩmĩ. Iri merāta marĩrē siuñajārĩ merā ōārō āārĩmakũ iridi āārĩmĩ. ¹⁶ ĩḡũ curusague boari merā marĩ pe bumarā gāme ĩaturideare pirimakũ iridi āārĩmĩ. Irasirĩḡḡ marĩrē pe bumarā āārĩnerārē, Marĩḡḡyarā ĩḡũ merā ōārō āārĩmakũ iridi āārĩmĩ.

¹⁷ Cristo, Marĩḡḡ merā marĩ ōārō āārĩburi kerere wereḡḡ aaridi āārĩmĩ. Mũsārē judío masaka āārĩmerā Marĩḡḡḡ masībirinerārē, gũare judío masaka Marĩḡḡ Moisére doreri pídea oparādere wereḡḡ aaridi āārĩmĩ, marĩ āārĩpererā Marĩḡḡ merā siuñajārĩ bokaburo, ārĩḡũ. ¹⁸ Irasirirā Cristo merā, irasũ āārĩmakũ Ōāḡũ deyomarĩḡũ iritamurĩ merā marĩ āārĩpererā judío masaka, judío masaka āārĩmerāde Marĩḡḡḡ marĩ merā āārĩmakũ ĩḡũrē sērēmasĩa. ¹⁹ Irasirirā daporare mũsā gajero marā irirosũ āārĩbea. Mũsāya nikũrē āārĩmerā irirosũ āārĩbea. Mũsā, gũa merā su makā marā irirosũ, Marĩḡḡyarāta āārā. Irasirirā sugũ pũrāta āārā marĩ.

²⁰ Mũsā, gũa merā Jesucristore bũremurā, Marĩḡḡ moārĩ wii irirosũ āārā. Iripoegue Marĩḡḡya kerere weredupuyurimasā ĩḡũyare gojapũrorinerā āārĩmā. Pũḡḡ Jesucristo buedoreḡḡ pínerā ĩḡũyare werenerā āārĩmā. Mũsā, ĩḡũsā gojadeare buedero pũḡḡ, ĩḡũsā weredeare pédero pũḡḡ, Jesucristore bũremunũḡābũ. Jesucristo, Marĩḡḡya wiima weanũpũroridea ũtāye irirosũ āārĩmĩ. Marĩḡḡyare gojapũrorinerā, Jesucristo buedoreḡḡ pínerā, gaji weanũdea ũtāyeri irirosũ āārĩma. ²¹ Jesucristo gajerādere ĩḡũrē bũremumakũ yāmi Marĩḡḡyarā āārĩburo, ārĩḡũ. ũtāyeri merā wiire peoturiamũrĩḡḡ keoro weanũrĩ wiire irirosũ irĩḡḡ yāmi. Irasirĩḡḡ marĩrē gajerā Marĩḡḡyarā merā ōārō gāmesurimakũ yāmi. Āārĩpererā marĩ, ĩḡũsā merā Marĩḡḡyarā āārĩsĩa, ĩḡũ āārĩrĩ wii irirosũ āārĩrākoa. ²² Irasũ āārĩmakũ mũsāde, gajerā Jesucristore bũremurā āārĩpererā merā Marĩḡḡyarā āārā. Irasirirā Marĩḡḡḡ moārĩ wii, ĩḡũ āārĩrĩ wii irirosũ marĩ āārā. Marĩḡḡḡ, Ōāḡũ deyomarĩḡũ merā marĩ merā āārĩmĩ.

3

Pablo judío masaka āārĩmerārē Jesucristoya kerere werede

¹ Yũ Pablo, Jesucristoya kerere mũsārē judío masaka āārĩmerārē werede waja peresugue āārā. Marĩḡḡḡ, Jesucristo merā mũsādere ĩḡũyarā āārĩmakũ yāmi. Irasirĩḡḡ yũ mũsāya āārĩburire sērēbosāa ĩḡũrē. ² Mũsā ire masĩsĩa. Marĩḡḡḡ mũsārē bopoñagũ, Jesucristoya kerere buedoreḡḡ yũre pími mũsā ōārō irĩḡḡ. ³ Marĩḡḡḡ, ĩḡũ Cristo merā iriburire, iripoegue marā masībirideare yũre masĩmakũ irimi. Mũsārē irire mérō gojasiabũ. ⁴ Yũ gojadeare buerā, Marĩḡḡḡ, ĩḡũ Cristo merā iriburire yũ masĩdeare mũsāde masĩrākoa. ⁵ Marĩḡḡḡ, ĩḡũ Cristo merā iriburire iripoegue marā gapũre masĩmakũ iribiridi āārĩmĩ. Dapora gũa gapũre Jesucristoyare wererimasārē, ĩḡũya kerere weredupuyurimasādere Ōāḡũ deyomarĩḡũ merā masĩmakũ yāmi. ⁶ Āsũ āārā Marĩḡḡḡ iriburi, iripoegue marā masībiridea. Gũa judío masaka, mũsā judío masaka āārĩmerāde

Marĩpu masakare tauri kerere buremumakũ, guare, musãdere Jesucristoyarã ããrĩmakũ yámi. Marĩrẽ sugũ pũrãta ããrĩmakũ yámi. Irasirigu Marĩpu judío masakare: “Ãsũ sĩgũra”, ãrĩpuroriderosũta marĩrẽ ããrĩpererã Cristoyarãrẽ õãrĩrẽ sĩgũkumi.

⁷ Marĩpu Jesucristoya kerere buedoregu yũre pídi ããrĩmĩ. Yũre õãrõ iri, ĩgũ turarire sĩdi ããrĩmĩ iri kerere õãrõ wereburo, ãrĩgũ. ⁸ ããrĩpererã gajerã Marĩpuyarã yũ nemorõ ããrĩma. Irasũ ããrĩkerepũrũ, Marĩpu yũre õãrõ iri, judío masaka ããrĩmerãrẽ Jesucristoya kerere buedoregu pími. Irasirigu: “Cristo õãtarigu ããrĩmi, ĩgũ marĩrẽ sĩburi õãtariri ããrã”, ãrĩ werea ĩgũsãrẽ. Ire neõ pémasĩbokajaya máa marĩrẽ. ⁹ Marĩpu yũre pígu: “Ãsũ taugũkoa judío masaka ããrĩmerãdere”, ãrĩ gũñadupuyudeare yũre weredoremi. ĩgũta ããrĩpereri i ãmũmarẽ iridi, iripoegue marãrẽ ĩgũ judío masaka ããrĩmerãrẽ Cristo merã tauburire werebiridi ããrĩmĩ. Daporague yũre weredoremi ããrĩpererã masakare irire masĩdoregu. ¹⁰ Marĩpu marĩrẽ Jesucristore buremurãrẽ su bumarã ĩgũyarãta ããrĩmakũ iririre ĩãrã, ãmarõ marã dorerã ĩgũrẽ wereboerã, wãtẽade, ĩgũ ããrĩpereri masĩpeogu ããrĩrĩrẽ masĩrãkuma. ĩgũsãrẽ irire masĩmakũ gããmemi Marĩpu.

¹¹ I ãmũ iriburo dupuyurogueta Marĩpu ĩgũ gããmederosũta marĩrẽ: “Yaarã ããrĩmurã ããrĩma”, ãrĩdeare marĩ Opũ Jesucristo merã iriyuwarikũdi ããrĩmĩ. ¹² Marĩ Cristore buremurã ĩgũ merã õãrõ ããrĩsĩã, gũiro marĩrõ gũñaturari merã Marĩpũre sãrẽmasĩã. ¹³ Yũ musãrẽ Jesucristoya kerere weredea waja peresugue poyari merã ããrã. Musã õãrõ ããrĩburire iri kerere werebũ. Irasirirã musã yũ poyarire gũñarã, bũjawereri merã ããrĩbirikõãka! Poyakeregu, Marĩpu musãrẽ õãrõ irideare gajerãrẽ masĩmakũ yáa.

Cristo marĩrẽ buru maĩgũ ããrĩmi, ãrĩ gojadea

¹⁴ Irasirigu Marĩpu, marĩ Opũ Jesucristo Pagũ ããrĩpereri irideare yũ gũñagũ, ĩgũ ĩũrõrẽ yaa ñadukũpuri merã ejamejã, ĩgũrẽ: “Õãtaria mũ”, ãrĩ, usuyari sĩa. ¹⁵ ĩgũta ããrĩpererã ĩgũyarã ãmũgasigue ããrĩrã, i nikũgue ããrĩrã Pagũ ããrĩmi. ¹⁶ ĩgũta turatarigu ããrĩmi. Irasirigu yũ musãya ããrĩburire ĩgũrẽ sãrẽbosãa musãguere Õãgũ deyomarĩgũ merã ĩgũ turarire opaburo, ãrĩgũ. ¹⁷ Musã Cristore buremumakũ, ĩgũ musãguere õãrõ ããrĩnĩkõãburo, ãrĩgũ, sãrẽa. Gaji sãrẽbosãa Cristo musãrẽ buru maĩrĩrẽ masĩsĩã, gajerãrẽ maĩburo, ãrĩgũ. ¹⁸ Irasirigu musãrẽ, ããrĩpererã gajerã ĩgũrẽ buremurãdere Cristo marĩrẽ buru maĩrĩrẽ pémasĩdoregu, sãrẽbosãa. Cristo marĩrẽ maĩrĩrẽ neõ keomasĩña máa. “Õõpã eyaro, yoaro, ãmarõ, ãkũãrõ ããrã”, neõ ãrĩ masĩña máa. ¹⁹ Cristo marĩrẽ maĩrĩrẽ marĩ neõ masĩpeobirikerepũrũ, yũ musãya ããrĩburire Marĩpũre sãrẽbosagu: “Ire ĩgũsãrẽ õãrõ masĩnemomakũ irika!” ãrĩ sãrẽa. Irasirirã marĩ ire masĩpeorã, Marĩpũyamarẽ masĩpeorãkoa.

²⁰ Irasirirã Marĩpũre: “Ãsũ iribosaka guare!” ãrĩ sãrẽmakũ, marĩ sãrẽrĩ nemorõ irimasĩmi. Marĩ basita: “Ãsũpero iriburo ĩgũ”, ãrĩ gũñamakũ, marĩ gũñarĩ nemorõ irimasĩmi. ĩgũ turagu ããrĩsĩã, ĩgũ turari marĩrẽ sĩdea merã irire iribosami. ²¹ Irasirirã Jesucristoyamarẽ, ĩgũrẽ buremurĩ bumarã marĩ ããrĩrĩrẽ masĩrã, ããrĩpererinũrĩ ããrĩpererã Marĩpũre: “Õãtaria mũ”, ãrĩ, usuyari sĩburo. ããrĩpererã dapora marã, purugue marãde neõ ĩgũrẽ usuyari sĩrĩrẽ piribirikõãburo. Irasũta ããrã.

4

Marĩ Cristoyarã Õãgũ deyomarĩgũ merã su bumarãta ããrã, ãrĩ gojadea

¹ Y_u marĩ Op_uya kerere weredea waja peresugue ããrĩgú, turaro merã ãsũ werea musãrẽ doja. Marĩp_u musãrẽ siiudi ããrĩmĩ ĩgũyarã ããrĩburo, ãrĩgũ. Irasirirã ĩgũ musãrẽ: “Ãsũ irika, yaarã ããrĩsĩã!” ãrĩdeare õãrõ irika! ² “Gajerã nemorõ ããrã”, ãrĩ gũñabirikõãka! Gajerãrẽ õãrõ merã irika! Guari marĩrõ gajerãrẽ bopoñarĩ merã ĩãka! Gajerã musãrẽ garibokerep_u, ĩgũsãrẽ maĩrĩ merã ĩãka! ³ Õãgũ deyomarĩgũ iritamurĩ, ĩgũ musãrẽ siuñajãrĩ píri merã suro merã õãrõ ããrĩrikuka! Musã irasũ ããrĩrẽ piriro marĩrõ ããrĩnikõãka! ⁴ Marĩ Jesucristoyarã su bumarã ããrĩsĩã, ĩgũya dup_u irirosũ ããrã. Õãgũ deyomarĩgũ sug_uta ããrĩgú, ĩgũ sug_u masak_u merã ããrĩrõsũ marĩ ããrĩpererã merã ããrĩmĩ. Marĩp_u marĩ ããrĩpererãrẽ ãmugasigue perebiri okari sĩbu, siiudi ããrĩmĩ. ⁵ Marĩ Op_u Jesucristo marĩ b_uremugũ sug_uta ããrĩmĩ. Marĩrẽ deko merã wãiyeride su wãita ããrã marĩ ĩgũyarã ããrĩrẽ ĩmuburi. ⁶ Marĩp_u sug_uta marĩrẽ iridi ããrĩmĩ. ĩgũta marĩ ããrĩpererã Op_u ããrĩmĩ. Marĩ ããrĩpererã merã ããrĩmĩ. Irasirig_u ĩgũ gããmederosũta marĩ ããrĩpererã merã ããrĩpererire õãrõ yãmi.

⁷ Marĩ su bumarã ããrĩkerep_u, Cristo marĩ ĩgũyarãrẽ masakak_ure Marĩp_uyare irimasĩburire dukawa pídi ããrĩmĩ. Irasirig_u ĩgũ dukawa píderosũta keoro marĩ gãme iritamumakũ yãmi. ⁸ Cristo ĩgũ i nikũgue aariburo dupuyuroguere ãsũ gojasũdero ããrĩbũ Marĩp_uya werenĩrĩ gojadea pũgue: ĩgũrẽ ĩaturirãrẽ tarinugãdero p_u, ãmugasigue m_urĩãkõãgukumi. Irasirig_u masakare i nikũgue ããrĩrãrẽ õãrĩrẽ sĩgukumi, ãrĩ gojasũdero ããrĩbũ.✧

⁹ ĩgũ ãmugasigue m_urĩarire ãrĩ gojadea, ãsũ ãrĩduaro yãa. Jesucristo ãmugasigue m_urĩaburi dupuyuro i nikũgue dijari, õõgue ããrĩdi ããrĩmĩ. ¹⁰ ĩgũta i nikũgue ããrĩdi, ãmugasigue Marĩp_u ããrĩrõgue m_urĩãkõãdi ããrĩmĩ. Irasirig_u ããrĩpererogue ããrĩgú, ããrĩpererãrẽ doreg_u ããrĩmĩ. ¹¹ Irasirig_u marĩ ĩgũyarãrẽ masakak_ure Marĩp_uyare irimasĩburire pídi ããrĩmĩ õãrõ gãme iritamuburo, ãrĩgũ. Surãyerire beyepídi ããrĩmĩ ĩgũyare buedoreg_u. Gajerãrẽ Marĩp_u were-doredeare wererimasã ããrĩmurãrẽ, ĩgũ masakare tauri kerere weregore-narĩmasã ããrĩmurãrẽ, ĩgũyarãrẽ korerimasã ããrĩmurãrẽ, ĩgũyarãrẽ buerimasã ããrĩmurãrẽ beyepídi ããrĩmĩ. ¹² Irasũ beyepídi ããrĩmĩ marĩ ĩgũyarã gãme iritamuburo, ãrĩgũ. Irasirirã marĩ ĩgũyarã su bumarã, ĩgũya dup_u irirosũ õãrõ turarã masãrõsũ ĩgũrẽ b_uremuturawãgãnemorãkoa.

¹³ Irasirirã marĩ ããrĩpererã s_urosũ Cristore b_uremurã, masã odorã irirosũ ããrĩpereri ĩgũ, Marĩp_u magũ ããrĩrẽrẽ nemorõ õãrõ masĩrãkoa. Irasirirã marĩde Cristo irirosũ ããrĩrikurãkoa. ¹⁴ Majĩrãgã irirosũ ããrĩrã meta, pémasĩrãkoa. Irasirirã marĩrẽ ãrĩgatomerãrẽ buemakũ pérã, diayema ããrĩrẽrẽ b_uremurĩrẽ pirimerã: “ĩgũsã maama bueri, diaye ããrã”, ãrĩ b_uremubirikoa. ¹⁵ Marĩ gãme maĩrĩ merã diayema ããrĩrẽrẽ werero gããmea. Irasirirã majĩrãgã masã pémasĩrõsũta marĩde marĩ Op_u Cristo marĩ dipuru ããrĩgú merã Marĩp_uyare õãrõ pémasĩrãkoa. ¹⁶ Marĩ ĩgũyarã su bumarã ããrĩsĩã, ĩgũya dup_u irirosũ ããrã. Sug_u masak_u turag_u masã, ããrĩpereri ĩgũya dup_uma merã õãrõ irimasĩmĩ. I irirosũ, Cristo marĩ masakak_ure: “Ãsũ iriburo”, ãrĩ dukawa pídeare irirã, marĩ ããrĩpererã õãrõ gãme iritamumasĩa. Irasirirã gãme maĩrã, gãme iritamurã, nemorõ turaro merã Cristoyare õãrõ iriwãgãnemorãkoa.

Marĩp_u Cristoyarãrẽ maama ããrĩrikurire opamakũ iridi ããrĩmĩ, ãrĩ gojadea

¹⁷ Irasirig_u y_u marĩ Op_u Cristo dorero merã musãrẽ ãsũ ãrĩ werea. Marĩp_ure masĩmerã gap_u noó gããmerõ gũñamoãmakõãma. ĩgũsã irirosũ neõ irinemobirikõãka! ¹⁸ ĩgũsã Marĩp_uyare péduabema. Irasirirã irire neõ pémasĩbirigorakõãma. ĩgũsãya gũñarĩguere b_uro naĩtĩãrĩ oparã irirosũ ããrĩma.

✧ 4:8 Sal 68.18

Irasirirã Marĩpũ merã õãrõ ããrĩburire ĩgũ sĩrĩrẽ neõ opabema. ¹⁹ Ñerĩrẽ irirã, neõ gũyasĩrĩbirigorakõãma. ããrĩpereri ñerĩ ãaribejarire neõ piridũaro marĩrõ ñerĩ direta iririkurã yãma. ²⁰ Cristoya bueri gapũ, musãrẽ ĩgũsã irirosũ ñerõ iririre iridoreri máa. ²¹ Musã ĩgũya diayema buerire pérã: “Jesús diayeta ãsũ ããrĩmi, diayema ããrĩrĩrẽ buemi”, ãrĩ masĩkuyo. ²² Iripoeguere musã ñerĩ ãaribejari iririre: “Õãgoráa”, ãrĩ gũñarã, musã basita ãrĩgatonerã ããrĩbũ. Iri ñerĩrẽ irirã, musã basita poyanorẽnerã ããrĩbũ. Irasirirã musã iripoegue ããrĩunaderosũta ããrĩnemobirikõãka! ²³ Musã ñerĩ direta gũñaunadeare pirikõãka! Õãrĩ gũñarĩ gapũre gorawayuro gããmea musãrẽ. ²⁴ Marĩpũ ĩgũ gããmederõsũta marĩrẽ maama ããrĩrikurire opamakũ iridi ããrĩmĩ ĩgũ irirosũ diayema irirã, ĩgũ ĩũrõ õãrã ããrĩburo, ãrĩgũ. Irasirirã, surĩro boari dariñe bẽo, maama surĩro õãrĩñe gorawayu sãñarã irirosũ, iripoegue ñerĩ iriunadeare piri, maama iririkurire gorawayu irika!

²⁵ Marĩ Cristoyarã ĩgũ dupũ irirosũ ããrĩrã, su bumarã ããrã. Irasirirã marĩ basi neõ gãme ãrĩgatonebirikõãrã! Marĩ merãmarãrẽ ãrĩgatoro marĩrõ diaye wererã!

²⁶ Gajerã merã guarã, ĩgũsãrẽ ñerõ iribirikõãka! Irinũ merãta ĩgũsã merã guarire pirikõãka! ²⁷ Wãtĩ musãrẽ gajerã merã guamakũ iririre kãmutaka! ²⁸ Yajarikũgũ ããrĩdi neõ dupaturi yajabirikõãburo. Õãrĩ moãrĩ gapũre moãburo, ĩgũ moã wãjatari merã gajerã boporãrẽ iritamubu.

²⁹ Neõ ñerõ werenĩrĩrẽ werenĩbirikõãka! Õãrĩ gapũ direta werenĩka! Musã werenĩrĩ merã gajerãrẽ iritamuka! Irasirirã musã õãrĩ werenĩrĩrẽ pérã, ĩgũsãde õãrõ ããrĩrikurãkuma. ³⁰ Marĩ ñerĩrẽ irirã, ñerõ werenĩrã, Õãgũ deyomarĩgũrẽ bũjoweremakũ irirãkoa. Irire iribirikõãka! Õãgũ deyomarĩgũ marĩrẽ: “Marĩpũyarã ããrã”, ãrĩ masĩmakũ yãmi. Irasirirã marĩ masĩa. Marĩpũ, Jesucristo merã marĩrẽ taurinũ ejamakũgue õãrõ taugorakõãgũkumi.

³¹ Irasirirã musã gajerã merã suyubirire, ĩgũsã merã guataririre, ñerõ gainĩrĩ merã gãme turirire, ñerõ ãrĩ buridarire pirikõãka! Irasirirã ããrĩpereri ñerõ iririre pirika! ³² ãsũ gapũ irika! Bopoñarĩ merã gãme õãrõ iritamuka! Marĩpũ marĩrẽ Cristo merã marĩ ñerĩ irideare kãtiderosũta musãde gajerã musãrẽ ñerõ irideare kãtika!

5

Marĩpũ pũrã ããrĩrã ãsũ ããrĩrikũro gããmea, ãrĩ gojãdea

¹ Musã Marĩpũ pũrã, ĩgũ maĩrã ããrã. Irasirirã ĩgũ irirosũ ããrĩrikũro gããmea. ² Cristo marĩrẽ maĩrõsũta musãde gajerãrẽ maĩka! ĩgũ marĩrẽ maĩgũ ĩgũ basita ĩgũrẽ wẽjẽdũarãguere wiadi ããrĩmĩ marĩrẽ boabosabu. ĩgũ boabosagũ, judío masaka oveja majĩgũrẽ wẽjẽ, Marĩpũ ĩũrõrẽ soepeosũdi irirosũ ããrĩdi ããrĩmĩ. Irasirigũ ĩgũ irasiriri merã Marĩpũre usũyamakũ iridi ããrĩmĩ.

³ Irasirirã Marĩpũyarã ããrĩrã, musã marãposã nome ããrĩmerãrẽ, marãpũsãmarã ããrĩmerãrẽ neõ ñerõ gãmebiragorenabirikõãka! ããrĩpereri gũyasĩũrĩ ñerõ iririre neõ iribirikõãka! Gajerãyare ãaribejabirikõãka! Neõ mérõgã ñerõ iririre iribirikõãka! ⁴ Gũyasĩũrõ werenĩrĩrẽ werenĩbirikõãka! Pérãmasĩmerã irirosũ werenĩmoãmabirikõãka! Ñerĩrẽ ãrĩ buridabirikõãka! ãsũpero gapũ werenĩka! Marĩpũre: “Õãrõ yãa mũ gũare”, ãrĩ, usũyari sĩka! ⁵ Ire õãrõ masĩka musã! Gajigũ marãpo merã ñerõ iririkurã, gajego marãpũ merã ñerõ iririkurã, gũyasĩũrõ ñerĩrẽ iririkurã, Marĩpũyarã ããrĩbema. Gajerãyare ãaribejarikurãde Marĩpũyarã ããrĩbema. ĩgũsã gajino gapũre Marĩpũre gããmerõ nemorõ gããmerã, keori weadeare bũremurã irirosũ yãma. Marĩpũ gapũre bũremubema. Irasirirã Marĩpũ ĩgũyarãrẽ doreroguere

neõ waabirikuma. Irogue Cristo merã neõ ããrĩbirikuma. ⁶ Gajerã musãrẽ ãgũsã ñerõ irideare: “Ãsũ irimakũ õãgorãa”, ãrĩgatorire pẽbirikõãka! Marĩpu, ãgũsã irasũ ñerõ iri, ãgũ dorerire tarinũgãrĩ waja ãgũsãrẽ perebiri peamegue wajamoãgukumi. ⁷ ãgũsã ñerĩ irirã merã neõ ñerĩrẽ iriwekabejabirikõãka!

⁸ Marĩ Opũyarã musã ããrĩburo dupuyuro ñerĩrẽ irirã, ãgũrẽ masĩmerã naĩtĩãrõgue ããrĩrã irirosũ ããrĩnerã ããrĩbũ. Dapora gapũre ãgũrẽ masĩrã ãgũyarã ããrĩsĩã, boyorogue ããrĩrã irirosũ ããrã. Irasirirã ãgũ iũrõ õãrĩrẽ iririkũka! ⁹ Boyorogue ããrĩrãno, õãrĩrẽ, Marĩpu dorerire, diayemarẽ irirãkuma. ¹⁰ Irasirirã marĩ Opũyare õãrõ bueka, ãgũrẽ usũyamakũ iririre irimurã! ¹¹ Ñerĩ iririkũrã, naĩtĩãrõgue ããrĩrã irirosũ ããrĩma. ãgũsã irirosũ neõ iribirikõãka! ãsũ gapũ irika! ãgũsã ñerõ iririre: “Ñegorãa”, ãrĩ wereka, ãgũsãrẽ irire masĩdorerã! Musã wererire pẽrã, boyorogue ããrĩrã irirosũ ñerõ irideare piri, õãrĩ gapũre irirã dujarãkuma. ¹² Masaka ããberogue ãgũsã ñerõ iriboedeare marĩ werenĩmakũ gũyasiũgorãa. ¹³ Boyorore ããrĩpereri ããmasĩsũa. Marĩ ãgũsã ñerõ iririre: “Ñegorãa”, ãrĩmakũ, ãgũsã ñerõ iririkũrere masĩrãkuma. ¹⁴ Irasirirã gajerã sugu ñerõ iririkũgunorẽ ãsũ ãrĩ werema:

Mũ pẽmasĩbi, kãrĩgũ irirosũ ããrã. Yobe, pẽmasĩka! Cristo merã õãrõ ããrĩbi, boanerã merã ããrĩgũ irirosũ ããrã.

Irasirigu wãgãnũgã, ãgũ merã õãrõ ããrĩka! Mũ irasirimakũ, Cristo mũrẽ boyorogue ããrĩmakũ irirosũ ãgũyare masĩmakũ irigukumi.

¹⁵ Irasirirã õãrõ pẽmasĩka, õãrĩrẽ irimurã! Marĩpũyare masĩmerã irirosũ iribirikõãka! ãgũya gapũre õãrõ masĩka! ¹⁶ Dapora marã masaka ñerĩ iririkũma. Irasirirã musã okarinũrĩrẽ Marĩpu gããmerĩ direta irika, gajerãde ãgũyare masĩburo, ãrĩrã! ¹⁷ Pẽmasĩmerã irirosũ iririkũbirikõãka! Marĩpu gããmerĩrẽ õãrõ pẽmasĩduaka, irire irimurã! ¹⁸ Irasirirã mejãbirikõãka! Mejãrã ãgũsã basita poyanorẽma. Mejãrõnorẽ irirã, Õãgũ deyomarĩgũrẽ opatarirã ããrĩka! ¹⁹ Musã ãgũrẽ opatarirã, Marĩpũya bayari merã musã basi gãme werenĩrãkoa. Salmos gojadea pũgue bayarire, gaji marĩ Opũre bũremu bayaridere ãgũrẽ bayapeorãkoa. Musãya yũjũpũrãrĩgue õãrõ usũyari merã bayapeorãkoa ãgũrẽ: “Õãtaria mũ”, ãrĩ bũremurã. ²⁰ Marĩpu ããrĩpererire marĩrẽ õãrõ yãmi. Irasirirã marĩ Opũ Jesucristoyarã ããrĩsĩã, ãgũ wã merã Marĩpũre: “Mũ iridea õãtaria”, ãrĩnĩkõãka!

Su wii marã Cristoyarã ãsũ ããrĩrõ gããmea, ãrĩ gojadea

²¹ Musã ããrĩpererã Cristore gopeyari merã bũremurã ããrĩsĩã, õãrõ gãme pẽ bũremuka!

²² Musã marãposã nomerẽ ãsũ ãrĩ weregũra. Cristo marĩ Opũre marĩ pẽ bũremurõsũta musã marãpũsãmarãrẽ õãrõ pẽ bũremuka! ²³ Cristo marĩrẽ ãgũyarãrẽ oparosũta, marãpũsãmarã musãrẽ ãgũsã marãposã nomerẽ opama. Cristo marĩrẽ ãgũrẽ bũremurĩ bumarãrẽ taudi ããrĩmĩ. Irasirigu ãgũ marĩ Opũ ããrĩmi. Marĩrẽ doregũ, marĩ dipuru ããrĩmi. Marĩ, ãgũya dupũ irirosũ ããrã.

²⁴ Irasirirã marĩ Cristore bũremurĩ bumarã ãgũrẽ pẽ bũremurõsũta musã marãpũkũrã nome musã marãpũsãmarãrẽ õãrõ pẽ bũremuka!

²⁵ Musã marãpũsãmarãdere weregũra. Cristo marĩrẽ ãgũyarãrẽ maĩgũ, marĩya ããrĩburire boabosadi ããrĩmĩ. Irasirirã marĩrẽ ãgũ maĩrõsũta musãde musã marãposã nomerẽ maĩka! ²⁶ Cristo marĩrẽ boabosadi ããrĩmĩ ãgũyarã ããrĩmakũ irigu. Irasirigu, marĩ ãgũ werenĩrĩrẽ bũremumakũ, deko merã gũrarire koebẽoro irirosũ marĩrẽ ñerĩ opamerã ããrĩmakũ iridi ããrĩmĩ. ²⁷ ãgũ irire irasirimakũ, marĩ ãgũ iũrõrẽ neõ mẽrõgã ñerĩ opamerã, gũrari marĩrã õãrõ deyorã irirosũ ããrĩrãkoa. ãgũyarã õãrã dita ããrĩrãkoa. Irasirigu: “Yaarã ããrĩma”, ãrĩ, usũyari merã marĩrẽ opagukumi.

28 Mʉsā marāpokurā mʉsā marāposā nomerē maīrō gāāmea. Sugʉ ĩgū marāpore maīgū, ĩgū baside maīmi. Irasirigʉ Cristo marīrē ĩgūya dupʉ irirosū āārīrārē maīrī merā korerosūta mʉsā marāposā nomerē maīrī merā ōārō koreka! 29-30 Neō marīya dupʉre ñerō waamakū gāāmebea. Marī basi marīya dupʉre korea. Marī Cristoyarā āārīrā ĩgūya dupʉ irirosū āārā. Irasirigʉ Cristo marīrē ōārō koremi. 31 Marīpʉya werenīrī gojadea pūgue āsū ārī gojasūdero āārībú: “Sugʉ ũmʉu nomeōrē marāpokugʉ, ĩgū pagʉsāmarārē wirigʉkumi ĩgū marāpo merā āārību. ĩgūsā pērā āārīkererā, Marīpʉ ĩūrōrē su dupʉta āārīrākuma”, ārī gojasūdero āārībú. 32 Iri gojadeare ōārō pémasīdʉamakū, diasagorāa marīrē. Irasū āārīkererʉ, yʉ irire: “Āsū ārīdʉaro yāa”, ārī werea. Cristoyarā Marīpʉ ĩūrōrē su dupʉta āārīma. 33 Gaji i marē mʉsārē ārī werenemogʉra doja. Mʉsā basi korerosūta mʉsā marāposā nomedere maīrī merā koreka! Mʉsā nomede mʉsā marāpʉsāmarārē ōārō gopeyaro merā pé bʉremuka!

6

1 Mʉsā majīrārē āsū weregʉra. Mʉsā marī Opʉre bʉremurā mʉsā pagʉsāmarārē ōārō yʉjʉka! Irasiriri, ōārī āārā. 2-3 Iripoegue Marīpʉ ĩgū pe mojōma dorerire pígu, su dorerire āsū ārī pídi āārīmī: “Mʉsā pagʉsāmarārē ōārō bʉremuka!” ārī pídi āārīmī. I dorerireta pígu, gajidere pídi āārīmī. “ĩgūsārē irasū bʉremurā, i nikūguere yoaripoe ũsʉyari merā āārīrākoa”, ārīdi āārīmī.

4 Mʉsā pagʉsāmarādere āsū ārī weregʉra. Mʉsā pūrārē bʉro turiri merā ĩgūsārē guamakū iribirikōāka! Āsū gapʉ irika! ĩgūsārē marī Opʉyare bueka, ĩgūrē bʉremuburo, ārīrā! ĩgūsā, ĩgū dorerire iribirimakū ĩārā, ĩgūsārē: “Āsū gapʉ irika!” ārī bueka! Irasirirā ĩgūsārē ōārā masāmakū irirākoa.

5 Moāboerimasādere āsū ārī weregʉra. Mʉsā i nikūgue āārīrārē mʉsā oparārē ōārō yʉjʉka! Ōārō bʉremurī, gopeyari merā moāboeka! Irasū moāboerā, Cristore moāboerā irirosū yāa. 6 Mʉsā oparā ĩūrō moārōsūta, ĩgūsā ĩāberoguedere moāka! ĩgūsā ĩūrō direta ōārō moārā, ĩgūsā mʉsārē: “Ōārō moāma”, ārī gūñamakū iriduarā dita āārībokoa. Irasirirā ĩgūsā ĩāberoguedere ōārō moāka! Cristore moāboerā irirosūta Marīpʉ gāāmerōsū ōārō merā moāka! 7 Mʉsā masakare moāboerā āārīkererā: “Cristore moāboerā irirosū āārā”, ārī gūñaka! Irasirirā ũsʉyari merā moāboeka mʉsā oparārē! 8 Irire masīsiāa mʉsā. Marī Opʉ Cristo marīrē ōārō moārākʉre ōārī wajatamakū irigʉkumi. Irasirigʉ moāboerimasā āārīrārē, āārīmerādere marī ōārō moāderopāta marīrē ōārī wajatamakū irigʉkumi.

9 Oparādere āsū ārī weregʉra. Mʉsārē moāboerārē ōārō irika! ĩgūsārē wajamoādʉari merā dorebirikōāka! Ire ōārō pémasīka! Marī Opʉ Cristo ũmʉgasigue āārīgú, mʉsā Opʉ āārīmī. ĩgūta mʉsārē moāboerā Opʉ āārīmī. Marī āārīpererā ĩgūrē moāboerā āārā. Irasirigʉ oparā āārīrārē, āārīmerādere sʉrosūta ĩāmi marī āārīpererārē.

Cristoyarā wātīrē tarinʉgārīmarē gojadea

10 Mʉsārē āsū ārī weretūnugʉra. Mʉsā, marī Opʉyarā āārīsīā, ĩgū merā ōārō āārā. Irasirirā ĩgūya turari merā ĩgūrē gūñaturaka! 11 Wātī ārīgatori merā mʉsārē ñerō iridoremakū, Marīpʉ iritamurī merā ĩgū ñerī ārīmesārīrē kāmataka! Sugʉ surara kāmutari kōme surīro sāñadi irirosū āārīka! 12 Marīrē Marīpʉ dorerire tarinʉgāmakū iriduarā, masakagora meta āārīma. Wārā ñerā: ũmarō marā, oparā, turarā, i ũmʉma ñerīrē iridorerā āārīma. Dey-omarīrā, masakare gūñarīgue ñerō iridorerā āārīma. 13 Irasirirā mʉsā,

surara ĩgũya kũme surĩro sãñadero pũru, ĩgũ merã gãmekẽãduarãrẽ kãmuta tarinũgãmasĩgũ irirosũ ããrĩka! Irasirirã, Marĩpu iritamurĩ merã wãtĩrẽ kãmuta tarinũgãrãkoa. ĩgũrẽ tarinũgãrã, gũñaturarã dujarãkoa.

¹⁴ Āsũ irika, wãtĩrẽ tarinũgãmurã! Marĩpuya werenĩrĩ diayema ããrĩrĩrẽ õãrõ pẽduripĩka! Irasirirã musã surara ĩgũya surĩrore yũjũwẽñarĩda merã õãrõ yũjũwẽñadi irirosũ ããrĩrãkoa. Marĩpu iritamurĩ merã diayema irika! Irasirirã musã surara ĩgũya koretibi kãmutari kũme surĩro sãñadi irirosũ ããrĩrãkoa.

¹⁵ Marĩpu masakare siuñajãrĩ sĩburi kerere weregorenarã waamurã õãrõ ãmuyuka! Irasirirã musã surara sapatu sãñadero pũru, ĩgũ waaburire õãrõ ãmu ododi irirosũ ããrĩrãkoa. ¹⁶ I ããrĩpererire iri odo, gajidere irika, wãtĩrẽ tarinũgãmurã! Musã Cristore bũremurĩrẽ neõ piribirikõãka! Irasirirã musã surara ĩgũ kãmutari kũmeti opagu, iriti merã gãrũyuku peame opari yukure kãmutagu irirosũ ããrĩrãkoa. Irasirigu wãtĩ musãrẽ bokatiũbirikumi musã Cristore bũremumakũ ĩãgũ. ¹⁷ “Cristo marĩrẽ taugũkumi”, ãrĩ gũñanĩkõãka! Irasirirã musã surara ĩgũya dipurugue kũme pero peyarusũ ããrĩrãkoa. Gajidere irika! Marĩpu werenĩrĩrẽ Õãgũ deyomarĩgũ musãrẽ masĩrĩ sĩrĩ merã wereka! Irasirirã musã surara ĩgũya sareri majĩ opagu irirosũ ããrĩrãkoa. Iri merã wãtĩrẽ tarinũgãrãkoa.

¹⁸ Irasirirã ãmuriku Õãgũ deyomarĩgũ gããmerõsũta Marĩpure sãrẽnĩkõãka! Õãrõ gũñaka! ĩgũrẽ sãrẽrĩrẽ neõ piribirikõãka! ããrĩpererã ĩgũyarãya ããrĩburidere sãrẽbosanĩkõãka! ¹⁹ Yũdere Marĩpure ãsũ ãrĩ sãrẽbosaka! “ĩgũ were-makũ iritamuka, ĩgũ mũyare gũiro marĩrõ õãrõ wereburo, ãrĩgũ”, ãrĩ sãrẽka! Irasirigu Marĩpu masakare Cristo merã tauburire yũ õãrõ weregũkoa ĩgũsã iripoegue masĩbirideare masĩburo, ãrĩgũ. ²⁰ Marĩpu yũre iriumi Cristoya kerere weredoregu. Yũ irire weredea waja peresugue ããrã. Irasirirã Marĩpure: “Irogue ããrĩgũ, gũiro marĩrõ mũyare wereburo”, ãrĩ sãrẽka!

Pablo, Efeso marãrẽ õãdoretũnudea

²¹ Tĩquico, marĩyagu marĩ maĩgũ, yũ merã ããrĩmi. ĩgũ marĩ Opũyare õãrõ iri-tamunĩkõãmi. Musã pũrogue ejagu, yũ iririre musãrẽ weregũkumi. Irasirirã musã yũre: “Irasũta iriñumi”, ãrĩrãkoa. ²² Irasirirã gũã ããrĩrikũrere musãrẽ weredorerã ĩgũrẽ iriua. ĩgũ irire weregu, musãrẽ mũyari merã ããrĩmakũ irigũkumi.

²³ Marĩpu ããrĩnĩgũ, marĩ Opũ Jesucristo ããrĩpererãrẽ musãrẽ siuñajãmakũ iriburo. Musãrẽ Cristore bũremurĩ merã õãrõ gãme maĩmakũ iriburo.

²⁴ Marĩpu ããrĩpererã marĩ Opũ Jesucristore maĩnĩrãrẽ õãrõ iriburo. Irasũta iriburo.

Iropãta ããrã.

Pablo

FILIPENSES

Pablo peresugue ããrĩgũ Filipos marãrẽ õãdoredea

¹ Yũ Pablo, Timoteo merã Jesucristore moãboerã ããrã. Irasirirã ããrĩpererãrẽ mũsãrẽ Filipos marãrẽ Jesucristore bũremurãrẽ õãdorea. Mũsã oparãdere, ãgũsãrẽ iritamurãdere õãdorea. ² Marĩpũ ããrĩnĩgũ, marĩ Opũ Jesucristo mũsãrẽ õãrõ iritamu, siuñajãrĩ merã ããrĩrikũmakũ iriburo.

Pablo Marĩpũre Jesũre bũremurãya ããrĩburire sãrẽbosadea

³ Yũ mũsãrẽ gũñarikũ, Marĩpũre yũ Opũre usũyari sãa. ⁴ Irasũ ããrĩmakũ, yũ mũsãya ããrĩburire sãrẽbosarikũ, Marĩpũre usũyari merã sãrẽa. ⁵ Mũsã neõgoragueta yũ Jesũya kerere weremakũ pé bũremunũgãdero pũrũ, yũre iritamunũgãbũ. Dapaguedere irasũta õãrõ iritamunĩkõãa. ⁶ Irasirigũ ire õãrõ masãa. Marĩpũ mũsãrẽ õãrĩrẽ iridũamakũ irinũgãdi irasirigũ yãmi. Mũsãrẽ ãgũ irinũgãderosũta Jesucristo i ãmũgue dupaturi aarimakũgue iriyuwarikũgũkumi. ⁷ Yũ mũsãrẽ ããrĩpererãrẽ õãrõ gũñarĩ merã gũñamakũ õãgorãa. Mũsãrẽ bũro maãa. Marĩpũ yũre iritamurõsũ mũsãdere iritamumi. Irasirirã, yũ oparãrẽ Jesũs masakare tauri kerere: “Diayeta ããrã”, ãrĩ weremakũ, mũsã yũre iritamubũ. Peresu yũ ããrĩmakũdere iritamubũ. Irasirirã marĩ suro merã Marĩpũ iritamurĩrẽ opãa. ⁸ Marĩpũ ire masĩmi. Jesucristo mũsãrẽ gũña maĩrõsũ yũde mũsãrẽ gũña maãa. ⁹ Marĩpũre mũsãya ããrĩburire ãsũ ãrĩ sãrẽbosãa. “Gũapũ, ãgũsã mũyare õãrõ masĩrĩ merã õãrõ pékũĩnũpeoburo, gajerãrẽ maĩdero nemorõ maĩnemoburo”, ãrĩ sãrẽbosãa. ¹⁰ Irire irasirirã: “Marĩpũ gããmerĩrẽ irirã, gajino nemorõ iririre irirã yãa”, ãrĩ, õãrĩrẽ beyemasĩrãkoa. Mũsã irire beyemasĩrã, Cristo i ãmũgue dupaturi aarimakũ, õãrĩrẽ irinĩnerã, waja opamerã ããrĩrãkoa. ¹¹ Jesucristo mũsãrẽ Marĩpũ gããmerĩ direta irimakũ irigũkumi. Irasirirã õãrĩrẽ irinĩnerã ããrĩrãkoa. Gajerã ãgũrẽ: “Marĩpũ õãtarigũ, turatarigũ ããrĩmi”, ãrĩ, bũremumakũ irirãkoa.

Pablo ãgũ Cristoyagũ ããrĩrẽ gojadea

¹² Yaarã, ire mũsã masĩmakũ gããmea. Daporare yũ peresugue ããrĩkererũ, Jesucristo masakare tauri kere gapũ pãnemosũa. ¹³ Irasirirã ããrĩpererã surara romano marã opũya wii korerã yũ Cristoyagũ ããrĩrĩ waja peresugue dobobiarire masĩperekõãma. ããrĩpererã gajerãde irire masĩma. ¹⁴ Yũ peresugue ããrĩkererũ marĩ Opũ Jesũre gũñaturari merã bũremumakũ ããrã, wãrã marĩyarãde gũñaturari merã ãgũrẽ bũremunemoma. Irasũ bũremurã, gũiro marĩrõ Marĩpũya kerere gajerãrẽ werema.

¹⁵ Surãyeri Cristoyare buerã ããrĩkererã, yũre ããturima. Masakare yũ buerire tũyabirimakũ iridũama. Gajerã gapũ õãrõ gũñarĩ merã Cristoyare buema. ¹⁶⁻¹⁷ Jesucristo masakare tauri kerere: “Diaye ããrã”, ãrĩ wereburire Marĩpũ yũre pídeare õãrõ masĩma. Irasirirã yũre maĩrã Cristoyare buema. Gajerã gapũ yũre ããturirã, masakare ãgũsã gapũre tũyamakũ gããmerã ãgũsãde Cristoyare buema. Yũ peresugue ããrĩmakũ, ãgũsã yũre bũjaweremakũ iridũarã, irasũ yãma. ¹⁸ ãgũsã yũre maĩbirikererũ õãrokoa. Õãrõ gũñarĩ marĩrõ Cristoyare buekererũ õãgorãa. Gajerã õãrõ gũñarĩ merã ãgũyare buemakũdere õãgorãa. ããrĩpererã ãgũsã Cristoyareta buerã yãma. Irasirigũ usũyãa. Irasũ usũyanĩkõãgũkoa.

¹⁹ Ire masãa. Marĩpũre yaa ããrĩburire mũsã sãrẽbosadea merã, Jesucristo yũre Õãgũ deyomarĩgũ sãdi iritamurĩ merã Marĩpũ yũre õãrõ tarimakũ irigũkumi. ²⁰ Marĩpũ iritamurĩ merã ãsũta irinĩkõãdũãa dapa. Yũ irideare

guyasĩrĩrõ marĩrõ gũñaduáa. Irasirigu doyarõ marĩrõ yu iriderosũta dapguedere masaka Cristore: “Õãtarigu, turatarigu ããrĩmi”, ãrĩ bũremumakũ irinĩkõãduáa. Boagu, o okagugora yu boari merã, o yu okari merã irasũta iridũakoa. ²¹ Yu okaro bokatĩũrõ Cristoyare irinĩkõãgũkoa dapa. Boagu, Cristo puro ĩgũ merã ããrĩmakũ õãtarirokoa. Yu okagu ããrĩdero nemorõ ããrĩgũkoa. ²² Okagu, marĩ Opũ Cristoyamarẽ irinemomasĩa. Irasirigu: “Boamakũ, o okamakũ õãgorarokoa”, ãrĩmasĩbirikoa. ²³ “Yu boadũakoa, o okadũakoa”, ãrĩ beyemakũ diasagorãa yure. Irasũ ããrĩkerepũ, boadũakoa Cristo puro ĩgũ merã ããrĩbu. Irasirigu: “Yu boamakũ õãtarirokoa”, ãrĩ gũñãa. ²⁴ Irasũ ããrĩkerepũ: “Okagu gapũ musãrẽ nemorõ iritamugũkoa, irasiriro gããmea”, ãrĩ gũñãa. ²⁵ Irire masĩgũ, musã merã yu ããrĩburidere masĩa. Musã merã ããrĩgũ, musãrẽ iritamugũkoa Cristoyare bũremunemoburo, ãrĩgũ. Irasirirã bũremurĩ merã nemorõ usuyarãkoa. ²⁶ Yu, musã pũrogu musã merã dupaturi ããrĩmakũ, usuyarãkoa. Irasirirã, Jesucristo yure iritamurĩrẽ masĩrã, ĩgũrẽ: “Turataria mũ”, ãrĩ, usuyari sĩrãkoa.

²⁷ I direta irika! Cristoya bueri ãrĩrõsũta ããrĩrikuka! Gũñaturarã ããrĩka! Irasirirã gãme dukawariro marĩrõ ĩgũ masakare tauri kerere suro gũñarĩ merã bueka, gajerã ĩgũrẽ bũremuburo, ãrĩrã! Yu musã puro ĩãgũ waabirimakũ, o yu ĩãgũ waamakũdere musã irasirimakũ gããmea. Musã suro gũñarĩ merã õãrõ ããrĩrikũmakũ pẽduáa. ²⁸ Musãrẽ ĩãturirãrẽ neõ gũibirikõãka! Musã gũibirimakũ ĩãrã, musã Marĩpũyarã ããrĩrẽ masĩrãkuma. Irasirirã, Marĩpũ ĩgũsãrẽ peamegue béoburire, ĩgũ musãrẽ tauburidere masĩrãkuma. Marĩpũ masakare ãsũta irire masĩmakũ yãmi. ²⁹ Marĩputa musãrẽ Cristore bũremudoregu pĩdi ããrĩmĩ. Irasũ ããrĩmakũ: “Cristoyare musã wereri waja ñerõ tarirãkoa”, ãrĩ pĩdi ããrĩmĩ. ³⁰ Irasirirã marĩ Cristoyarã ããrĩrĩ waja gajerã marĩrẽ ñerõ yãma. Musã merã yu ããrĩmakũ, yure ĩgũsã ñerõ irasirimakũ ĩãbu. Daporadere ĩgũsã yure irasiririre pẽkoa musã.

2

Cristo i mũngue marĩ irirosũ dupũkũgu ããrĩpererã Opũ ããrĩrĩmarẽ gojadea

¹ Cristo musãrẽ ĩgũyarãrẽ gũñaturamakũ yãmi. ĩgũ musãrẽ maĩgũ õãrõ yũpũrãkũri merã usuyamakũ yãmi. Õãgũ deyomarĩgũ musã merã ããrĩmi. Marĩpũ ĩgũ musãrẽ maĩrĩrẽ, ĩgũ musãrẽ bopoñarĩ merã ĩãrĩrẽ masĩmakũ yãmi. ² Irasirirã yure usuyari opatarimakũ irika! Sũrosũ gũñarĩ merã õãrõ ããrĩrikuka! Sũrosũ gãme maĩka! Sũrosũ õãrõ yũpũrãkũri merã õãrõ ããrĩka! ³ Musãyama direta gũñarĩkũri marĩrõ: “Gajerã nemorõ ããrã”, ãrĩ gũñarĩ marĩrõ masakare õãrõ irika! Gajerã gapure: “ĩgũsã nemorõ ããrĩbea”, ãrĩ gũñaka! Bũremurĩ merã ĩgũsãrẽ: “Gũa nemorõ õãrã ããrĩma”, ãrĩ gũñaka! ⁴ Musãya ããrĩburi direta gũñabirikõãka! Gajerãya ããrĩburidere gũñaka! Gãme iritamuka!

⁵ Jesucristo ĩgũyamarẽ gũñaderosũta musãde musãyamarẽ gũñaka! ⁶ ĩgũ Marĩpũ ããrĩrikũrĩre opakeregu, i mũngue aarĩgũ, Marĩpũre: “Yu mũngue ããrĩrikũrĩre piribirikoa”, ãrĩbiridi ããrĩmĩ. ⁷ Irasirigu ĩgũ Opũ ããrĩrĩrẽ piri, i mũngue aarĩgũ marĩ irirosũ dupũkũgu deyoa, moãrĩmasũ irirosũ ããrĩdi ããrĩmĩ. ⁸ Irasirigu marĩ irirosũ dupũkũgu ubu ããrĩgũ irirosũ waadi ããrĩmĩ. ĩgũ Pagũ ĩgũrẽ masakare boabosabu iriudeare masĩgũ, ĩgũ Pagũre yũyũgũ tarinũgãbiridi ããrĩmĩ. Curusague guyasĩũrõ boakeregu, ĩgũ Pagũre tarinũgãbiridi ããrĩmĩ. ⁹ ĩgũ irasirimakũ, Marĩpũ ĩgũrẽ: “ããrĩpererã Opũ ããrĩbure sóobũ, ĩgũ wãĩ yu ĩgũrẽ sĩdea wãĩ, ããrĩpererã gajerã wãĩ nemorõ ããrã”, ãrĩ pĩdi ããrĩmĩ. ¹⁰ Irasirirã ããrĩpererã mũngue marĩ, i nikũ marã, boanerã ããrĩrõgue ããrĩrãde Jesús wãĩrẽ

pérã, ñadukupuri merã ejamejã, ïgürë buremurākuma. ¹¹ ïgüsã ããrĩpererã: “Jesucristo marĩ Opũ ããrĩmi”, ãrĩrākuma. Irasirirã Marĩpũre buremurākuma.

Jesucristore buremurã ïgũyare iriro gããmea, ãrĩ gojadea

¹² Irasirirã yũ maĩrã, müsã merã yũ ããrĩmakũ, müsã Marĩpũ dorerire iriderosũta daporadere yũ yoarogue ããrĩmakũdere irire õãrõ irika! Marĩpũ müsãrẽ peamegue waabonerãrẽ taudi ããrĩmi. Irasirirã, ïgũ tausũnerã ããrĩsĩã: “Gajerã nemorõ ããrã”, ãrĩ gũñarõ marĩrõ gopeyari merã ïgũyare irinĩkõãka!

¹³ Æsũ ããrã. Marĩpũ müsãrẽ ïgũ gããmerĩrẽ iridũamakũ yãmi. Irasũ ããrĩmakũ, müsãrẽ iritamunĩkõãmi, ïgũ gããmerõsũta iriburo, ãrĩgũ. Irasirirã, ïgũ: “Æsũ irika!” ãrĩderosũta irimasĩa.

¹⁴ Æãrĩpererire gajerãrẽ guaseoro marĩrõ usũyari merã irika! ¹⁵ Mũsã Marĩpũ pũrã irasirirã, waja opamerã, ñerĩrẽ irimerã ããrĩrãkoa. I umũ marã ñerã, Marĩpũya diayemarẽ irimerã watopegue müsã ããrã. ïgüsã ñerã i umũ marã naĩtĩãrõgue ããrĩrã irirosũ ããrĩma. ïgüsã watopegue müsã Marĩpũyare irirã, neñukã naĩtĩãrõgue boyorosũ irirã yãa. ïgüsãrẽ müsã Marĩpũyarã ããrĩrẽ masĩmakũ yãa. ¹⁶ Irasirirã Cristore buremurã Marĩpũ merã perebiri okari opaburire ïgüsãrẽ wererã yãa. Yũ, müsã irire weremakũ ïãgũ: “Mũsãrẽ buegũ, ubugorata buebirikuyo”, ãrĩ masĩgũkoa. Cristo i umũgue dupaturi aarimakũ, müsã merã usũyagũkoa. ¹⁷ Yũ müsãrẽ Cristoyare bueri waja yũre ïgüsã wẽjẽduakererũ, usũyãa. Cristore müsã buremuturamakũ, ïgũyare irimakũ ïãgũ, Marĩpũ, müsã ïgürẽ gajinorẽ sĩrĩ merã usũyarosũ müsã merã usũyami. Irasirigũ yũde müsã merã usũyãa. ¹⁸ Mũsãde yũre usũyatamuka!

Pablo Timoteoyamarẽ, Epafroditoyamarẽ weredea

¹⁹ Marĩ Opũ Jesús gããmemakũ, mata Timoteore müsã pũrogue iriugũra müsã ããrĩrikũrere masĩbu. Mũsã õãrõ ããrĩrĩ kerere pẽgũgueta usũyagũkoa.

²⁰ Timoteo yũ irirosũta müsã õãrõ ããrĩburire bũro gũñami. Gajigũ ïgũ irirosũ müsã õãrõ ããrĩburire gũñagũ mámi. ²¹ Gajerã gapũ ïgüsã ããrĩburi direta gũñarikũma. Jesucristo gããmerĩ gapũre gũñabema. ²² Mũsã, Timoteo õãrõ irinĩrẽ masĩa. Sugũ, pagũ merã moãgũ irirosũ ïgũ yũ merã Jesucristoya kerere weretamumi. ²³ Irasirigũ: “Yũre waaburire õãrõ masĩadero pũrũ, ïgürẽ müsã pũrogue iriugũra”, ãrĩ gũñãa. ²⁴ ïgürẽ iriudũakeregũ: “Marĩ Opũ Jesús yũdere iriugũkumi, irasirigũ mata müsã pũrogue waagũkoa”, ãrĩ gũñãa.

²⁵ Idere ãrĩ gũñãa: “Epafroditodere müsã pũrogue iriugũra”, ãrĩ gũñãa. Mũsã ïgürẽ yũre iritamudorerã, yũ pũrogue iriunerã ããrĩbũ. ïgũ, yaagũ yũ merã moãgũ, Marĩpũyare yũre weretamugũ ããrĩmi. ²⁶ ïgũ müsãrẽ ããrĩpererãrẽ bũro ïãdũami. ïgũ pũrĩrikũdeare müsã masĩmakũ pẽgũ: “ïgüsã yũre gũñã, bũjawerekuma”, ãrĩ gũñarikũmi. ²⁷ Diayeta ããrã. ïgũ bũro pũrĩrikũmi. Mẽrõgã boaboyatarimi. ïgũ irasũ pũrĩrikũkererũ, Marĩpũ ïgürẽ bopoña, tarimakũ irimi. Yũdere: “ïgũ boamakũ bũro bũjawerebokumi”, ãrĩgũ, Marĩpũ bopoñarĩ merã ïãmi. Irasirigũ ïgürẽ tarimakũ irimi. ²⁸ Irasirigũ, ïgürẽ ïã, usũya, gũñaturaburo, ãrĩgũ, müsã pũrogue dupaturi bũro iridũari merã iriua. Mũsã usũyari kerere pẽgũ, yũde usũyagũkoa. ²⁹ ïgũ müsã pũro ejamakũ, ïgürẽ marĩ Opũ Jesũyagũre õãrõ usũyari merã bokatĩrĩñeãka! Gajerãrẽ ïgũ irirosũ ããrĩrãrẽ buremurĩ merã ïãka! ³⁰ ïgũ Cristoyare iridũagũ boakõãdimi. Mũsã yũre iritamumasĩbirire iridũagũ, irasũ waami. Irasirirã ïgürẽ õãrõ bokatĩrĩñeãka!

3

Pablo: “Æsũ ããrĩrikũka!” ãrĩ gojadea

1 Yaarã, daporare musã marĩ Opɔɔyarã ããrĩsĩã, usuyaka! Yɔ iro dupuyurogue musãrẽ gojadeare dupaturi musãrẽ gojamakũ õãgorãã, ãrĩ gũñãã. Ire dupaturi gojanemogũ, musãrẽ iritamugũ yãã. 2 Ñerõ irirãrẽ pémasĩka! Ìgũsã ñerã keoro buemerã ããrĩma. ããrĩpererãrẽ Ìgũsãya dupɔma gasirogãrẽ wiiridorema. 3 Irasũ wiiridorerã: “Iri merã Marĩpɔre bɔremusĩã, peamegue waabirikoa”, ãrĩ gũñadima. Marĩ gapɔ Õãgũ deyomarĩgũ iritamurĩ merã diayeta Marĩpɔre bɔremua. “Marĩ Jesucristoyarã ããrĩsĩã, peamegue waabirikoa”, ãrĩ usuyãã. 4 Irasũ ããrĩkerepɔru, yaamarẽ Ìgũsã irirosũ ãrĩduagu, Ìgũsãrẽ tarinugãkõãbokuyo. Gajerã ãsũta ãrĩ tarinugãkõãduama. Yɔ gapɔ Ìgũsã nemorõ ãrĩmasĩã. 5 ãsũ ãrã yɔre. Su mojõma pere gaji mojõ ɔreru pẽrẽbejanurĩ waarõ merã yɔ deyoadero pɔru, yaa dupɔma gasirogãrẽ wiirinerã ããrĩmã. Yɔ Israemu, Benjamĩya bumɔ ããrã. Yɔ pagusãmarãde hebreo masaka ããrĩnerã ããrĩmã. Irasirigũ hebreo masakuta ããrã. Moisés dorerire iripeodugũ fariseo bumɔ ããrĩbũ. 6 Iri dorerire tarinugãrõ marĩrõ iriunabũ. Neõ sugũ yɔre: “Iri dorerire keoro iribemi”, ãrĩmasĩbirimi. Irasirigũ Jesũre bɔremurã gapɔre: “Moisés dorerire bɔremubema”, ãrĩ gũña, Ìgũsãrẽ ñerõ iriunabũ. 7 Iripoeguere: “Yɔ ããrĩkɔrere õãgorãã”, ãrĩ gũñaunadibũ. Daporare: “Jesucristore bɔremusĩã, ããrĩpereri yɔ iripoegue iriunadeama wajamãã”, ãrĩ gũñãã.

8 Jesucristore yɔ Opɔre yɔ masĩmakũ õãtaria. “Gajino ããrĩpereri gapɔ wajamãã”, ãrĩ gũñãã. Irasirigũ, masaka gajino gããmebirire béorosũ iri ããrĩpereri yɔ iriunadeare béobũ. Cristore õãrõ masĩbu, Ìgũyagu ããrĩbu irasiribũ. 9 Jesucristo yɔ merã ããrĩnĩmakũ gããmea. Marĩpɔ Ìgũ Moisére doreri pídeare yɔ iridea merã yɔre: “Waja opabi, õãgũ ããrĩmi”, ãrĩ ìãbemi. Jesucristo gapɔre yɔ bɔremumakũ: “Waja opabi, õãgũ ããrĩmi”, ãrĩ ìãmi. Marĩ Ìgũrẽ bɔremumakũ, Marĩpɔ marĩrẽ waja opamerã õãrã ããrĩmakũ yãmi. 10 Irasirigũ Cristore õãrõ masĩduakoa. Cristo ñerõ tarikeregu, Marĩpɔ gããmerĩrẽ iridi ããrĩmĩ. Irasirigũ curusague boadi ããrĩmĩ. Ìgũ iriderosũta yɔde ñerõ tarikeregu, Marĩpɔ gããmerĩrẽ iriduakoa. Boagugue irire iriduakoa. Marĩpɔ Ìgũ turari merã Cristo boadiguere masũdi ããrĩmĩ. Irasirigũ iri turari merã Marĩpɔ gããmerĩrẽ iriduakoa. 11 “Marĩpɔ Ìgũ boanerãrẽ masũrĩnũ ejamakũ, Cristore masũderosũta, yɔdere masũgukumi”, ãrĩ gũñãã. Yɔre irasirimakũ bɔro gããmea.

12 Ìããrĩpereri irasũ ãrĩgũ: “Cristo irirosũ Marĩpɔ gããmerĩrẽ iripeosiãã”, ãrĩgũ meta yãã. Yɔ irasiribirikerepɔru, Cristo yɔre Ìgũyagu ããrĩmakũ irisiadi ããrĩmĩ. Irasirigũ Ìgũ irirosũ ããrĩduagu turaro merã Ìgũyare yãã. 13 Yaarã, yɔ musãrẽ irasũ ãrĩgũ: “Cristo irirosũ ããrĩgũ Ìgũyare iripeosiãã”, ãrĩgũ meta yãã. ãsũ gapɔ ãrĩgũ yãã. Yɔ iripoegue iriunadeare gũñabea. “Yɔ Opɔ, ¿naãsũ irimakũ gããmerĩ yɔre?” ãrĩgũ, bɔro Ìgũyare irituyãã. 14 Ũma birarimasũ ejapɔrorigu wajataduarosũ Ìgũyare bɔro iripeodũãã. Marĩpɔ Ìgũ gããmerĩ direta iriburo, ãrĩgũ, yɔre Jesucristoyagure ãmugasigue Ìgũ merã ããrĩdoregu siudi ããrĩmĩ. Irasirigũ irire bɔro iriduagu Cristoyare turaro merã yãã.

15 ããrĩpererã Cristore õãrõ bɔremurã yɔ ãrĩrõsũta gũñarõ gããmea. Musã yɔ weredeare péduabirimakũ, gajerosũ musã gũñamakũ, Marĩpɔ musãrẽ diaye gũñamakũ iritamugukumi. 16 Irasirirã Cristoyare marĩ irituyaderosũta õãrõ gũña, irituyarã!

17 Yaarã, musã ããrĩpererã yɔ iririkɔrere ìãkũtuyaka! Gajerã gũã irirosũ irirãrẽ Ìgũsã iriridere ìãkũĩka! 18 Yɔ musãrẽ wãri gajerã ñerõ iririre weresiabũ. Daporadere oreri merã Ìgũsãrẽta werea musãrẽ doja. Ìgũsã ñerõ iriri merã: “Cristo, marĩ ñerõ iridea waja curusague boabosadi ããrĩmĩ”, ãrĩ buerire

buremumerã ããrĩma. ¹⁹ Īgūsã purugue peamegue waadedirirākuma. Marĩpure buremumerã Īgūsã haribejari direta irirã yáma. Guyasĩrĩõ marĩrõ: “Marĩ iriri õãrĩ ããrã”, ãrĩtarinugãma. I ãmãma direta gũñama. ²⁰ Marĩ gapure marĩya makã ãmugasigue ããrã. Iroge merãta marĩrẽ taugũ marĩ Opũ Jesucristo dupaturi aarigukumi. Irasirirã Īgũ aariburire usuyari merã yúrã yáa. ²¹ Marĩrẽ Īgũ turari merã marĩya dupure ubu ããrĩrĩ dupure Īgũya dupũ irirosũ õãrĩ ãmugasima dupũ gorawayugukumi. Iri turari merã ããrĩpererãrẽ, ããrĩpererire doregukumi.

4

Marĩ Opũ Jesucristo merã usuyanikõãka! ãrĩ gojadea

¹ Irasirirã yaarã yũ maĩrã, burõ yũ gũñarã, yũre usuyamakũ irirã, neõ piriro marĩrõ gũnaturari merã marĩ Opũre buremunikõãka!

² Evodiare, Síntiquere ire weregura: “Musã Jesúyarã nome ããrã. Irasirirã musã gãme guaseorire piri, õãrõ sũrosũ gũnarĩ merã ããrĩrikũka!” ³ Yũ merãmũ, mudere yũ merã õãrõ moãgũrẽ weregura: “Īgūsã nomerẽ iritamuka!” Yũ, Clemente merã, gajerã yũ wapikũrã merã Jesús masakare tauri kerere were-makũ, Īgūsã nome guare õãrõ iritamuma. Īgūsã wãirẽ, Marĩpũ merã perebiri okari opamurã wãirẽ gojatũri pũgue gojatũsũnerã ããrĩma.

⁴ Musã marĩ Opũyarã ããrĩsĩã, Īgũ merã usuyanikõãka! Dupaturi werenemogura doja. Piriro marĩrõ usuyanikõãka! ⁵ Musã gajerãrẽ bopoñarĩ merã õãrõ iritamurĩrẽ ããrĩpererã masaka ããmasĩburo. Marĩ Opũ Jesucristo i ãmugue dupaturi aariburo mérõ dũyáa.

⁶ Musãrẽ gajerosũ waarĩre bujawereri merã gũnarikũbirikõãka! Āsũ gapũ irika! Āãrĩpereri musãrẽ waarĩre Marĩpure werepeokõãka! Musã gããmerĩrẽ Īgũrẽ sērẽka! Īgũrẽ sērẽrã: “Õãã”, ãrĩ, usuyari sĩka! ⁷ Musã irasirimakũ, Marĩpũ musãrẽ siuñajãrĩ merã ããrĩrikũmakũ irigukumi. Īgũ irasũ iriri õãtaria. Marĩ irire neõ pémasĩpeobirikoa. Marĩ Jesucristoyarã ããrĩmakũ, Marĩpũ Īgũ siuñajãrĩ sĩrĩ merã marĩrẽ õãrõ yũjũpũrãkũmakũ irigukumi. Irasũ ããrĩmakũ, marĩ gũnarĩguere õãrĩ gũnamakũ irigukumi.

Õãrĩ direta gũñarõ gããmea, ãrĩ gojadea

⁸ Yaarã, musãrẽ ire weretũnugura. Āãrĩpereri diayema ããrĩrĩrẽ, Marĩpũyare gopeyari merã buremurĩrẽ, diayemarẽ iririre, õãrĩrẽ, Marĩpũ: “Õãrĩ ããrã”, ãrĩ ããrĩrẽ, Īgũ ĩũrõ keoro iririre, Īgũrẽ: “Mũ iriri, õãtariri ããrã”, ãrĩ, usuyari sĩrĩrẽ gũñaka! I ããrĩpererire gũñaka irire irimurã!

⁹ Yũ musã merã ããrĩgũ, musãrẽ yũ buederosũta, yũ werederosũta, yũ iriderosũta irinikõãka! Musã irasirimakũ, Marĩpũ musãrẽ siuñajãrĩ merã ããrĩrikũmakũ irigũ musã merã ããrĩgukumi.

Filipo marã Pablore iritamudea

¹⁰ Musã yoadero purugue dupaturi yũre gũñarã, musã iritamurĩrẽ burõ usuyagũ, marĩ Opũ Jesucristore: “Õãã”, ãrĩ, usuyari sĩa. “Musã yũre kãtiakõãbũ”, ãrĩgũ meta yáa. Musã yũre iritamudũakererũ, iritamumasĩña marĩbũ. ¹¹ Musãrẽ irasũ ãrĩgũ: “Gajino yũ gããmerĩrẽ opabea”, ãrĩgũ meta yáa. Yũ opari merã usuyamasĩa. ¹² Gajinorẽ opabide, wãri opagũde õãrõ usuyari merã ããrĩmasĩa. Noó waaró õãrõ usuyari merã ããrĩmasĩa. Ũaboagũde, yapigũde, wãri opatarigũde, opabide usuyamasĩa. ¹³ Cristo yũre turamakũ irigũ merã ããrĩpererire yũ irasũ waarĩre bokatĩũmasĩa. ¹⁴ Yũ irasũ ããrĩkererũ, yũ ñerõ tariripoe musã yũre iritamurã, õãrõ iribũ.

¹⁵ M̄sã Filipo marã ire masĩa. Ȳ Macedonia nikũ m̄sãya nikũ ããrĩdi Jesús masakare tauri kerere wereḡ waagorenanugãmakũ, m̄sã dita ȳre iritamubũ. M̄sãrẽ ȳ Jesúyare buemakũ, us̄yari merã pébũ. Irasirirã ȳre iritamubũ. ¹⁶ M̄sã, ȳ Tesalónicague ããrĩmakũ, ȳre iritamunabũ. Irasirirã gajino ȳ gããmerĩrẽ iriunabũ. ¹⁷ Ȳ m̄sãrẽ gajino s̄iuro dita gããmegũ meta yáa. Marĩp̄ũ iũrõ gajerãrẽ m̄sã iritamudea merã nemorõ ĩgũya õãrĩ opanemomakũ gããmea. M̄sã irasũ iritamumakũ, Marĩp̄ũ m̄sãrẽ õãrõ iritamugukumi. ¹⁸ M̄sã ȳre ȳ gããmerĩ ããrĩpereri s̄ibũ. M̄sã Erafrodito merã ȳre iriudero p̄r̄ḡ, nemorõ ȳ gããmerĩ ããrĩpererire opáa. M̄sã ȳre s̄idea, Marĩp̄ũre s̄idea irirosũ ããrã. M̄sã irasiriri merã Marĩp̄ũre õãrõ us̄yamakũ yáa. ¹⁹ Marĩp̄ũ ȳ Op̄ũ ããrĩpereri m̄sã gããmerĩnorẽ m̄sãrẽ s̄igukumi. ĩgũ wári õãrĩ oparire Jesucristo merã m̄sãrẽ s̄igukumi. ĩgũ m̄sãrẽ s̄iburi õãtaria. ²⁰ Ĕmarikũ piriro marĩrõ marĩ Op̄ũ Marĩp̄ũre us̄yari s̄inirã! Irasũta irirã!

Pablo õãdoretũnudea

²¹ ããrĩpererã Marĩp̄ũyarã Jesucristore buremurã õãburo. Marĩyarã Jesúre buremurã ȳ merã ããrĩrã m̄sãrẽ õãdorema. ²² ããrĩpererã õõ marã Marĩp̄ũyarã m̄sãrẽ õãdorema. Marĩp̄ũyarã romano marã op̄ya wii ããrĩrãde b̄ro õãdorema.

²³ Marĩ Op̄ũ Jesucristo m̄sã ããrĩpererãrẽ õãrõ iritamuburo.

Iropãta ããrã.

Pablo

COLOSENSES

Pablo Colosas marãrẽ õãdoredea

¹ Yũ Pablo, marĩyagũ Timoteo merã mũsãrẽ õãdoredea. Marĩpũ gããmederosũta Jesucristo yũre ãgũyare buedoregũ pími. ² Irasirigũ mũsãrẽ Colosas marãrẽ Marĩpũyarãrẽ Jesũre gũñaturari merã bũremurãrẽ gojáa. Marĩpũ ããrĩnĩgũ mũsãrẽ iritamũ, siuñajãrĩ merã ããrĩrikũmakũ iriburo.

Pablo Jesũre bũremurãya ããrĩburire Marĩpũre sãrẽbosadea

³ Marĩpũre marĩ Opũ Jesucristo Pagũre mũsãya ããrĩburire sãrẽbosarikũ usũyari sĩa. ⁴ Gũa, mũsã Jesucristore bũremurĩ kerere, gajerãrẽ Marĩpũyarãrẽ ããrĩpererãrẽ maĩrĩ kerere pãbũ. ⁵ Iripoegue mũsã Jesucristo masakare tauri kerere õãrõ pãduripĩbũ. I diayema kerere pãrã: “Marĩpũ Jesucristo merã marĩrẽ taugũkumi. Marĩrẽ taugũ, ãmũgasigue ãgũ merã õãrõ ããrĩmakũ irigũkumi”, ãrĩ masĩbũ. Irasirirã Jesũre bũremurã, gajerãrẽ Marĩpũyarãrẽ maĩa. ⁶ ããrĩpererogue Jesũya kerere weremakũ pãrã, gajerãde mũsã iriderosũta Jesũre bũremunũgãma. Irasirirã ãgũyare irinũgãma. Mũsã iri kerere pãpurorirãgueta: “Marĩpũ marĩrẽ maĩsĩã, Jesũs merã marĩrẽ taugũkumi”, ãrĩ masĩbũ. Irasirirã: “Iri kere diayeta ããrã”, ãrĩ masĩa. ⁷ Gũa maĩgũ Epafras mũsãrẽ iri kerere weremi. ãgũ, gũare moãtamugũ, Cristore moãboegũ, ãgũyamarẽ mũsãrẽ weregũ ããrĩmi. Iri moãrĩrẽ neõ piribemi. ⁸ ãgũta gũare mũsã gajerã Jesũyarãrẽ Õãgũ deyomarĩgũ iritamurĩ merã maĩrĩ kerere weremi.

⁹ Irasirirã Epafras mũsãya kerere gũare weredeanũ merãta Marĩpũre mũsãya ããrĩburire sãrẽbosanerã, inũguedere ãsũ ãrĩ sãrẽbosanĩkõãa: “Gũapũ, ãgũsãrẽ Õãgũ deyomarĩgũ mũ gããmerĩrẽ masĩpeomakũ iriburo, mũyare pãmasĩpeomakũ iriburo”, ãrĩ sãrẽbosãa. ¹⁰ Marĩpũre mũsã marĩ Opũ Cristoyarã ããrĩsĩã, ãgũ gããmerõsũta õãrõ irinĩburire sãrẽbosãa. ãgũ gããmerĩrẽ irirã, õãrĩ direta irirãkoa. Marĩpũre masĩnemorãkoa. Mũsã irasirimakũ ããgũ, usũyagũkumi. ¹¹ Marĩpũre turatarigũre ãgũ turari merã mũsã õãrõ yũjũpũrãkũturarã ããrĩburidere sãrẽbosãa. Irasirirã, ñerõ tarikererã, ããrĩpereri mũsãrẽ waaburire gũñaturari merã, usũyari merã ããrĩrikũrãkoa. ¹² Marĩpũ marĩrẽ ãgũyarã ããrĩmakũ iridi ããrĩmi. Irasirigũ ãgũyarãrẽ: “Yũ gosewasiriri ããrĩrõgue ãsũ sĩgũra”, ãrĩdeare marĩrẽ opamurã ããrĩmakũ iridi ããrĩmi. Irasirirã, mũsã Marĩpũre: “Mũ gũare irasiriburi, õãtaria”, ãrĩ, usũyari sĩburidere ãgũrẽ sãrẽa. ¹³ ãgũta marĩrẽ naĩtĩãrõgue ããrĩrã irirosũ ããrĩnerãrẽ taudi ããrĩmi, wãtĩ doresũnerã ããrĩnemobirikõãaburo, ãrĩgũ. ãgũ magũrẽ ãgũ maĩgũrẽ marĩ Opũ ããrĩburo, ãrĩgũ, irasiridi ããrĩmi. ¹⁴ ãgũ magũ boari merã marĩ ñerõ iridea wajare taudi ããrĩmi. Irasirigũ marĩ ñerĩ irideare kãtidi ããrĩmi.

Cristo boagũ, marĩrẽ Marĩpũ merã siuñajãrĩ bokamakũ iridea

¹⁵ Marĩpũre ããrĩna mãa. Cristo ãgũ magũ, ãgũ Pagũ ããrĩrikũrere ãmudi ããrĩmi masakare. ãgũ magũ ããrĩpererã dupuyuro, ããrĩpereri dupuyuro ããrĩsiadi ããrĩmi. Irasirigũ ããrĩpererã Marĩpũ irinerã nemorõ Opũ ããrĩmi. ¹⁶ Cristo merã Marĩpũ ããrĩpererã ãmũgasigue, i nikũgue ããrĩrã, marĩ ããrãrẽ, marĩ ããmerãdere iridi ããrĩmi. Gaji marĩ ããrĩrẽ, marĩ ããbiridere iridi ããrĩmi. Oparãrẽ, dorerãrẽ, turarãrẽ, ãmũgasigue ããrĩrãrẽ, i nikũgue ããrĩrãdere ããrĩpererãrẽ iridi ããrĩmi. Irasiriro ããrĩpererã, ããrĩpereri ãgũ iridea ããrã. Irire irigu: “Yũ magũya ããrã”, ãrĩdi ããrĩmi. ¹⁷ Cristo ããrĩpererã, ããrĩpereri dupuyuro ããrĩsiadi ããrĩmi. Irasirigũ ãgũ turari merã ããrĩpererãrẽ, ããrĩpereridere i ãmũguere ãgũ

gãamerôsũta keoro ããrĩmakũ irinĩmi. ¹⁸ Marĩ ĩgũrẽ buremurĩ bumarã, ĩgũyarã ããrĩsĩã, ĩgũya dupũ irirosũ ããrã. Irasirigũ marĩ dipuru, marĩ Opũ ããrĩmi. ĩgũ boadero pũrũ, marĩ ããrĩpererã dupuyuro ãmũgasigue masã mũrĩapũroridi ããrĩmi ããrĩpererire, ããrĩpererãrẽ dorebu. ¹⁹ Marĩpũ ĩgũ gããmederosũta ĩgũrẽ ãsũ ãrĩdi ããrĩmi: “Yũ magũ, yũ irirosũta ããrĩburo”, ãrĩdi ããrĩmi. Irasirigũ Cristo ããrĩpereri Marĩpũ ããrĩrikũrere opami. ²⁰ Marĩpũ ããrĩpereri i ãmũmarẽ, ããrĩpererã i ãmũgue ããrĩrãdere ĩgũ merã õãrõ ããrĩmakũ gããmegũ, Cristore iri-udi ããrĩmi. ĩgũ gããmederosũta Cristo curusague boagũ dí béori merã ãmũgasi marãrẽ, i nikũ marãdere: “Yũ merã õãrõ ããrĩburo”, ãrĩgũ, irasiridi ããrĩmi.

²¹ Iripoegue mũsãde ñerĩrẽ iririkũsĩã, Marĩpũ merã õãrõ ããrĩburi, ĩgũrẽ ĩãturi, ñerõ gũñaunanerã ããrĩbũ. ²² Mũsã irasũ ããrĩkerekũrũ, Marĩpũ, Cristo boadea merã mũsãrẽ ĩgũ merã õãrõ ããrĩmakũ iridi ããrĩmi. Cristo, marĩ irirosũ dupũkũgũ ñerõ tari, boadi ããrĩmi. Irasirigũ Cristo boadea merã Marĩpũ mũsãrẽ ĩgũ pũroguẽ ĩgũyarã õãrã, waja opamerã ããrĩburire ãmudi ããrĩmi. ²³ Mũsã piriro marĩrõ gũñaturari merã Cristore buremumakũ, ĩgũ mũsãrẽ tauri kerere kãtibirimakũ, Marĩpũ mũsãrẽ ĩgũ pũroguẽ ĩgũ merã ããrĩmakũ irigũkumi. Iri kerere mũsã pẽdeare ããrĩperero i ãmũ marã pẽperekõãma. Yũ Pablode iri kerere weretamugũta ããrã.

Marĩpũ Pablode Jesũre buremurãrẽ iritamudoredea

²⁴ Cristo marĩ ĩgũyarã ããrĩburire curusague boagũ, bure ñerõ taridi ããrĩmi. Marĩ Cristore buremurĩ bumarã, ĩgũyarãta ããrĩsĩã, ĩgũya dupũ irirosũ ããrã. Irasirirã ĩgũyarã ããrĩrĩ waja ñerõ taria. Marĩ ñerõ tariburo dũyãa dapa. Irasirigũ yũde ĩgũrẽ buremurãrẽ iritamudũagũ, ñerõ taria. Ñerõ tarikeregũ, mũsũyãa. Pũrũgue marĩ ñerõ tariri pererokoa. ²⁵ Marĩpũ yũre Jesũre buremurãrẽ iritamubure, mũsãya ããrĩburire ĩgũya kerere mũsãrẽ werepeobure pími. ²⁶ Iripoeguere wãri buri marãrẽ iri kerere masĩpeomakũ iribiriunadi ããrĩmi. Dapora marãrẽ ĩgũyarãrẽ irire õãrõ masĩpeomakũ yãmi. ²⁷ Irasirigũ iri kerere iripoegue marã masĩbirideare mũsã judío masaka ããrĩmerãdere masĩmakũ gããmemi. Iri kere ãsũ ãrã: “Cristo ĩgũyarãguere ããrĩmi. Irasirirã ãmũgasigue ĩgũ õãtariro ããrĩrõgue ĩgũ merã ããrĩrãkuma”.

²⁸ Gũa Cristoyamarẽta werea. ããrĩpererãrẽ ĩgũyare pẽmasĩdorerã, ããrĩpereri Marĩpũ gũare masĩrĩ sĩrĩ merã buea. ĩgũ gããmerôsũta iridorerã, ĩgũ merã õãrõ ããrĩburo, ãrĩrã, werea. ²⁹ Irita ããrã yũ moãrĩ. Cristo turari sĩdero bokatĩũrõ masakare ĩgũyare bue, ĩgũsãya ããrĩburire Marĩpũre sẽrẽbosãa.

2

¹ Ire mũsã masĩmakũ gããmea. Mũsãya ããrĩburire, Laodicea marãya ããrĩburire, ããrĩpererã yũre ĩãmerãya ããrĩburidere bure gũña, Marĩpũre sẽrẽbosãa. ² ãsũ ãrĩ sẽrẽa Marĩpũre: “Gũapũ, ĩgũsãrẽ õãrõ yũjũpũrãkũmakũ irika! Õãrõ gãme maĩrĩ merã ããrĩrikũmakũ irika! ĩgũsãrẽ mũ magũyamarẽ õãrõ pẽmasĩmakũ irika! Mũ magũyamarẽ pẽmasĩrã, gũñaturari merã ããrĩrikũrãkuma. Iripoegue marã masĩbirideare õãrõ masĩrãkuma”, ãrĩ sẽrẽbosãa. ³ Cristo dita ããrĩpererire õãrõ masĩgũ, õãrõ pẽmasĩgũ ããrĩmi. ĩgũ dita marĩrẽ ĩgũyamarẽ masĩmakũ irigũ ããrĩmi. Irire masĩrã, õãtaririre masĩa. ⁴ Gajerã mũsãrẽ õãrõ pẽsuyuri werenĩrĩ merã ãrĩgatobokuma, ãrĩgũ, irire werea. ⁵ Yũ mũsã watopegue ããrĩbirikeregũ, mũsã merã ããrĩgũ irirosũ pẽñaã. Mũsãrẽ bure gũñaã. Mũsã Cristore gũñaturari merã õãrõ buremurĩrẽ mũsã õãrõ ããrĩrikũrere pẽgũ, mũsũyãa.

⁶ Irasirirã marĩ Opũ Jesucristore buremurã ĩgũrẽ mũsã buremunũgãderosũta: “Yũre iritamugũkumi”, ãrĩ buremunĩ, ãmũrikũ ĩgũ merã õãrõ ããrĩnĩkõãka! ⁷ ĩgũrẽ õãrõ masĩrã, ĩgũyare irirã ããrĩka! Gajerã

m̄sārē buederosūta piriro marīrō gūñaturari merā ĩgūrē b̄remunemoka!
 Ɛm̄arik̄u Marīp̄ure: “Ōãa”, ārī, ɯs̄yari s̄ika!

Jesúre b̄remurā Marīp̄u merā ōārō āārīr̄imarē gojadea

⁸ Ōārō pémas̄ika! Masaka ĩgūsā gāāmerō buerire, ĩgūsā ārīgatorire pébirikōāka! ĩgūsā iripoegue marā āārīrik̄udeare, ĩgūsā basi i ɯm̄umarē ĩgūsā gūñarīrē buema. Gajerārē Jesucristoyare buerā meta āārīma. ĩgūsā ĩgūyare pirimakū irid̄uarā, irasū buema. ⁹ Cristo, marī irirosū dup̄uk̄uḡu āārīgū āārīpereri Marīp̄u āārīrik̄urire opaḡu āārīmi. ¹⁰ M̄sā Cristoyarā āārīmakū, Marīp̄u m̄sārē ĩgū irirosū ōārā āārīmakū yāmi. Cristota ɯm̄ugasi marā, i nikū marā, deyorā, deyomarīrā āārīpererā oparā nemorō Op̄u āārīmi. Irasirirā ārīgatori merā buerārē pébirikōāka!

¹¹ Cristoyarā āārīsīā, dup̄uma gasirogārē wiirisūbirikererā, wiirinerā irirosū āārā. Masaka m̄sārē irasū āārīmakū iribirima. Marīp̄u gap̄u m̄sā Cristoyarā āārīmakū, m̄sārē ĩgū merā taudi āārīmī, m̄sā ñerī ɯaribejarire piriburo, ārīgū. ¹² M̄sā Cristoyarā āārīsīā, deko merā wāīyesūrā, Cristo boa, yāasūderosūta m̄sāde ĩgū merā boa, yāasūnerā irirosū waabu. Boanerā ñerīrē neō irinemomasībema. Irasirirā m̄sā wāīyesūrā, m̄sā iripoegue ñerō iriunadeare piririre ĩmurā iribu. M̄sā irasū wāīyesūmakū, Marīp̄u Cristo boadiguere masūderosūta m̄sādere ĩgū merā masūnerā irirosū āārīmakū iridi āārīmī. “Marīp̄u ĩgū turari merā Cristore masūdi āārīmī”, ārī b̄remumakū, m̄sārē irasiridi āārīmī ōārī gap̄ure iriburo, ārīgū. ¹³ Iripoeguere m̄sā ñerō iridea waja peamegue waabonerā āārīnerā āārībú. Marīp̄uyarā āārībirisīā, irasū āārīnerā āārībú. ĩgū dorerire opabirisīā, irire iribirinerā āārībú. Daporare pama Marīp̄u marīrē ĩgū merā irasū ōārō āārīn̄imurā āārīmakū yāmi. Cristo boadea merā irasū yāmi. ĩgū boadea merāta āārīpereri marī ñerī irideare k̄atidi āārīmī. ¹⁴ Iripoegue Marīp̄u ĩgū dorerire marīrē: “Āsū irika!” ārī pídi āārīmī. Marī iri dorerire tarin̄ugānerā āārīk̄erep̄u, Cristo curusague boadea merā marī ñerī iridea wajare k̄atipeokōādi āārīmī. ¹⁵ Irasū āārīmakū, Cristo curusague boari merā wātēa oparārē, ĩgūsārē dorerā turrārē tarin̄ugākōādi āārīmī. Irasiriḡu ĩgū ĩgūsārē tarin̄ugādeare gajerārē masīmakū iridi āārīmī.

Ɛm̄ugasimarē, Marīp̄uyare irit̄uyaka! ārī gojadea

¹⁶ Irasirirā gajerā m̄sārē dored̄uarā: “Irire baarā, irire iirīrā ñerīrē irirā yāa”, ārī werew̄uamakū irasū pékōāka! Bojorik̄u, abe deyoanarik̄u, semanarik̄u bosenūrī āārīr̄in̄urīrē ĩgūsā judío masaka irirosū m̄sā irid̄uabirimakū werew̄uaridere irasū pékōāka! ¹⁷ Iripoegue Marīp̄u marīrē ĩgū dorerire pídi āārīmī, ĩgū marīrē Cristo merā iritamuburire pémasīburo, ārīgū. Daporare Cristo iri dorerire iripeogu ejadigue āārīmī marī ñerō iridea wajare taubu. ¹⁸ ĩgūsā m̄sārē dored̄uarā: “Gajerā nemorō āārā”, ārī gūñakererā, masaka péurogue: “Gajerā nemorō āārībea”, ārī weregorenama. Marīp̄ure wereboerārē b̄remurā, ĩgūsārē: “Iritamuka ḡuare!” ārī s̄ērēma. “K̄ērō irirosū Marīp̄u ḡuare ĩmudeare ĩābu”, ārīmoāmarā: “Masītarin̄ugārā āārā”, ārī gūñadima. ĩgūsā basi gūñarōsū yāma. Irasirirā m̄sārē: “Gua irirosū iribirimakū, diayemarē iribea”, ārī werew̄uamakū irasū pékōāka! ¹⁹ ĩgūsā Cristore b̄remubema. Marī gap̄u ĩgūrē b̄remurī bumarā, ĩgūyarā āārīsīā, ĩgūya dup̄u irirosū āārā. ĩgūta marīrē doreḡu, marī dipuru āārīmi. Irasiriḡu, Marīp̄u gāāmerōsūta marīrē ĩgūya dup̄u irirosū āārīrārē gāme iritamu, ĩgūrē b̄remunemomakū yāmi.

20 Mũsã, Cristo boaderosũta ĩgũ merã boanerã irirosũ waanerã ããrĩsĩã, mũsãrẽ doredũarã i ãmũmarẽ ĩgũsã gũñarõsũ buerire bũremubirikõãka! Mũsã ñerõ iririre pirikererã, Cristoya buerire bũremukererã, ¿nasirirã ĩgũsã dorerire iridũari dapa? 21 ĩgũsã gããmerõsũ ãsũ ãrĩ buema: “Irinorẽ baabirikõãka! Irinorẽ ñeãbirikõãka!” ãrĩma. ĩgũsã irire irasũ ãrĩmakũ, ¿nasirirã ĩgũsã dorerire yujari? 22 ĩgũsã doreri: i ãmũma pereburi, masaka ĩgũsã gũñarĩ merã bueri ããrã. Irasiriwo wajamãa. 23 ĩgũsã dorerire irirã: “Marĩpũyare õãrõ masĩrĩ merã ĩgũrẽ bũremurã yãa”, ãrĩ gũñadima. ĩgũsã dupũre ñerõ tarimakũ irirã, “Goepeyari merã Marĩpũre bũremurã yãa”, ãrĩ gũñadima. ĩgũsã dorerire irirã, masaka pẽurogue: “Gajerã nemorõ ããrĩbea”, ãrĩ weregorenakererã, diayemarẽ irirã irirosũ iriadima. ĩgũsã dorerire irikererã, ĩgũsã ñerĩ ƚaribejarire piribema. Irasiriwo ĩgũsã doreri wajamãa.

3

1 Marĩpũ Cristore boadiguere masũderosũta mũsãdere ĩgũ merã masũnerã irirosũ ããrĩmakũ iridi ããrĩmĩ õãrĩ gapũre iriburo, ãrĩgũ. Irasirirã mũsã iro dupuyuro ñerĩ irideare piri, ãmũgasimarẽ Cristoyare gããmekã! Irogue Cristo ĩgũ Pagũ diaye gapũ doagũ ããrĩpererãrẽ doregũ ããrĩmĩ. 2 Ɣmũgasimarẽ gũñanĩka! I ãmũmarẽ gũñanĩbirikõãka! 3 Mũsã Cristoyarã ããrĩsĩã, ĩgũ boaderosũta mũsãde ĩgũ merã boanerã irirosũ waanerã ããrĩbũ. Irasirirã boanerã ñerĩrẽ neõ irinemomasĩmerã irirosũ mũsã iripoegue ñerõ iriunadeare piribũ. Daporare Cristo merã Marĩpũ pũrogue masaka ĩãberogue perebiri okari opamurã ããrã. 4 Irasirirã, Cristo marĩrẽ okari sĩgũ i ãmũgue dupaturi aarimakũ, ãmũgasigũ ĩgũ gosewasiri ããrĩrõgue ĩgũ merã waarãkoa.

Iro dupuyuro ñerĩ irideare pirika! ãrĩ gojadea

5 Irasirirã i ãmũma ñerĩ iririre pirikõãka! Neõ sugũ mojósiabirikeregũ, nomeõ merã ããrĩbirikõãka! Neõ sugo mojósiabirikerego, ãmũũ merã ããrĩbirikõãka! Ñerã seyaro ñerõ irirã irirosũ iribirikõãka! Ñerĩ ƚaribejarire iribirikõãka! Gajinorẽ opadũarã, bũro gããmebirikõãka! Masaka Marĩpũre gããmerõ nemorõ gajino gapũre gããmerã, keori weadeare bũremurã irirosũ yãma. 6 Iri ñerĩrẽ irirã, Marĩpũ dorerire tarinũgãrã ããrĩma. Irasirigũ ĩgũsãrẽ bũro wajamoãgũkumi. 7 Iripoeguere iri ñerĩrẽ irirã irirosũ mũsã ããrĩunanerã ããrĩbũ. 8 Dapora ããrĩpereri i ñerĩrẽ pirika! Guarire, sítĩrĩrẽ, gajerãrẽ ñerõ gũñarĩrẽ, gajerãrẽ ñerõ kere werenĩrĩrẽ, ñerĩ gũyasĩũrĩ werenĩrĩrẽ pirikõãka! 9 Gãme ãrĩgatobirikõãka! Mũsã Cristoyarã ããrĩsĩã, mũsã ĩgũyarã ããrĩburi dupuyurogue ããrĩrikũunaderosũ neõ ããrĩbea. Mũsã ñerĩ iririkũunadeare pirinerã ããrã. 10 Mũsã Cristoyarã ñajãmakũ, Marĩpũ mũsãrẽ maama ããrĩrikũire opamakũ iridi ããrĩmĩ. Irasirigũ mũsãrẽ ĩgũ õãgũ ããrĩrõsũ ããrĩmakũ yãmi. Mũsãrẽ ĩgũrẽ õãrõ masĩnemoburo, ãrĩgũ, irasũ yãmi. 11 Irasirirã marĩ Cristoyarã ããrĩrã: judío masaka, judío masaka ããrĩmerãde, dupũma gasirogãrẽ wiirisũnerã, wiirisũbirinerãde, gaji nikũ marã, masĩmerãde, moãboerimasã, moãboerimasã ããrĩmerãde, Marĩpũ ĩũrõrẽ sũrosũ ããrã. Cristo marĩ ããrĩpererã Opũ ããrĩmĩ. Irasirigũ ããrĩpererã ĩgũyarã merã ããrĩmĩ.

12 Irasirirã mũsã Marĩpũ beyenerã, õãrã, ĩgũ maĩrã ããrĩrã ãsũ ããrĩrikũka! Gajerãrẽ bopoñarĩ merã ĩãka! ĩgũsãrẽ õãrõ ƚsũyari merã iritamũka! “Gajerã nemorõ ããrã”, ãrĩ gũñabirikõãka! Mũsãrẽ ñerõ irikererũ, irasũ pẽnakõãka! Gũñaturaka! 13 Guarĩ marĩrõ gajerãrẽ bopoñarĩ merã ĩãka! Gajerã merã gãme turianerã, ĩgũsã mũsãrẽ ñerõ irideare ĩgũsãrẽ kãtika! Marĩ Opũ mũsã ñerĩ irideare kãtidi ããrĩmĩ. ĩgũ kãtiderosũta mũsãde mũsã merãmarã mũsãrẽ ñerõ irideare kãtika! 14 I doreri nemorõ mũsãrẽ: “Gajerãrẽ bũro maĩ bũremũka!”

ãrã. Musã irasirirã ããrĩpererã gajerã merã õãrõ ããrĩrãkoa. ¹⁵ Marĩpu marĩrẽ siuñajãrĩ merã ããrĩrikumakũ yãmi. Irasirirã musã merãmarã merã õãrõ ããrĩka! Marĩ ãgũyarã su bumarãta ããrã. Marĩpu marĩrẽ irasũ ããrĩmurãrẽ pídi ããrĩmĩ. Irasirirã ãgũrẽ: “Õãa”, ãrĩ, usuyari sĩnĩkõãka!

¹⁶ Cristoya kerere gũñanĩkõãka, irire masĩnemomurã! Õãrõ pẽmasĩrĩ merã ãgũyare gajerãrẽ bueka! Goepeyari merã wereka, ãgũsãde ãgũyare õãrõ iriburo, ãrĩrã! Irasirirã Salmos wãikuri gojadea pũgue Marĩpuya bayarire, gaji ãgũrẽ buremurĩ bayarire ãgũrẽ bayapeoka! Õãrõ gũña buremurĩ merã bayapeoka! Irasirirã Marĩpũre: “Õãa”, ãrĩ, usuyari sĩka! ¹⁷ Marĩ Opũ Jesús usuyaburosũta ããrĩpereri musã iririre, ããrĩpereri musã werenĩrĩrẽ õãrõ yũjũpũrãkuri merã irika! Irasirirã, Jesús iritamurĩ merã Marĩpũre: “Õãa”, ãrĩ, usuyari sĩka!

Pablo Jesũre buremurãrẽ: “Ãsũ irika!” ãrĩ gojadea

¹⁸ Musã marãpũkurã nome, Cristo marĩ Opũyarã nome ããrĩsĩã, musã marãpũsãmarãrẽ õãrõ yũjũka! ¹⁹ Musã marãpokurã, musã marãposã nomerẽ maĩ buremuka! ãgũsãrẽ turibirikõãka! ²⁰ Musã ãgũsã pũrãde ããrĩpereri musã pagusãmarã dorerire tarinũgãbirikõãka! Musã irasirimakũ, marĩ Opũ õãrõ usuyagũkumi. ²¹ Musã ãgũsã pagusãmarãde musã pũrãrẽ turi, ãgũsãrẽ guamakũ iribirikõãka, burewereri merã yũjũpũrãkuri, ãrĩrã! ²² Moãboerimasã, ããrĩpereri musã oparã i mũmũ marã dorerire yũjũka! ãgũsã ãũrõrẽ, ãgũsã ããberoguedere õãrõ moãka! ãgũsã musãrẽ õãrõ gũñaburire ãgũsã ãũrõ direta õãrõ moãmakũ õãbea. Musã, marĩ Opũre goepeyari merã buremurã ããrĩsĩã, musã oparãdere õãrõ merã yũjũka! ²³ ããrĩpereri musã iririre, õãrõ yũjũpũrãkuri merã irika! Masakare moãboekererã, diayeta marĩ Opũre Cristore moãboerã ããrã. Irasirirã musã oparãrẽ õãrõ moãboeka! Irasũ moãboerã, Cristore moãboerã irirosũ yãa. ²⁴ Musã irasirimakũ, Cristo musãrẽ wajariũgũkumi. ãgũyarãrẽ: “Ãsũ sĩgũra”, ãrĩdeare musãrẽ sĩgũkumi. Musã irire masĩa. Musã marĩ Opũre Cristore moãboerã ããrã. ãgũta musã Opũgora ããrĩmĩ. ²⁵ Marĩpu ñerõ irirãrẽ ãgũsã ñerõ iridea waja wajamoãgũkumi. ãgũsãrẽ ããrĩpererãrẽ sũrosũ ããgũ, keoro wajamoãgũkumi. Neõ sugũ tariwerebirikumi.

4

¹ Musã oparã, musãrẽ moãboerimasãrẽ diayemarẽ irika! ãgũsãrẽ õãrõ opaka! Ire musã masĩa. Musãde Opũ opãa. Musã Opũ mũmũgasigue ããrĩgũ Marĩpu ããrĩmĩ.

² Mũmũrikũ õãrõ gũña pẽmasĩ, Marĩpũre sãrẽnĩkõãka! ãgũrẽ: “Õãa”, ãrĩ, usuyari sĩka! ³ Marĩpũre guaya ããrĩburidere sãrẽbosaka! Gũa Cristoya kerere iripoegue marã masĩbirideare gajerãrẽ buedũakoa. Irasirirã Marĩpũre gũa ãgũsãrẽ iri kerere õãrõ bureburire sãrẽbosaka! Yũ iri kerere wereri waja daporare peresugue ããrã. ⁴ Irasirigũ Marĩpũre yaa ããrĩburire musã sãrẽbosamakũ gããmea. Marĩpũre ãgũ dorederosũta Cristoya kerere gajerãrẽ pẽmasĩma õãrõ yũ wereburire sãrẽbosamakũ gããmea.

⁵ Jesũre buremumerãrẽ pẽmasĩrĩ merã õãrõ irika! ãgũsãrẽ ãgũyare wereka! ãgũsã merã musã ããrĩrõpã ãgũsãrẽ õãrõ irika, ãgũsãde Jesũre buremuburo, ãrĩrã! ⁶ Gajerã merã weretamurã, õãrõ merã weretamuka! Õãrĩ direta werenĩka! Musã irasirirã gajerã ãgũsã Jesũyamarẽ musãrẽ sãrẽñamakũ, õãrõ masĩrĩ merã yũjũrãkoa ãgũsãrẽ.

Pablo õãdoretũnudea

⁷ Tíquico, maríyagu marí maígũ, Jesúre buremugũ aãrĩmi. Īgũ yu aãrĩrikurire musãrẽ weregakumi. Marí Opuyare buegu, yu merã moãgũ aãrĩmi. Neõ iri moãrĩrẽ piribemi. ⁸ Musã p̄rogue ĩgũrẽ iriua, ḡua aãrĩrikurire masĩ, musãrẽ gũñatura, usuyamakũ iriburo, arĩgũ. ⁹ Onésimo merã ĩgũrẽ iriua. Īgũde Jesúyare neõ piribemi. Musãya makãmũ, maríyagu marí maígũ aãrĩmi. Īgũsã p̄rã ḡua naásũ waadeare aãrĩpererire wererãkuma musãrẽ.

¹⁰ Aristarco yu merãmũ, yu merã peresugue aãrĩgũ musãrẽ õãdoremi. Marcote õãdoremi. Īgũ Bernabé pagumũ aãrĩmi. Musã p̄rogue ĩgũ ejamakũ, õãrõ merã ĩgũrẽ bokatĩrĩñeãka, yu musãrẽ werederosũta! ¹¹ Jesús wãikugũ, gajerã “Justo” wãiyedi musãrẽ õãdoremi. Īgũ, Marcos, Bernabé merã yure moãtamurã aãrĩma. Īsã urerãta gajerã judío masaka Jesúre buremurã watopeguere yure moãtamuma, masaka Marĩpu ĩgũyarãrẽ doreri kerere péburo, arĩrã. Īgũsã yure iritamurĩ merã gũñatura, usuyáa. ¹² Epafras musãya makãmude musãrẽ õãdoremi. Īgũ Cristoyagu ĩgũrẽ moãboegu aãrĩmi. Marĩp̄re s̄erẽgũ, turaro musãya aãrĩburire s̄erẽbosaníkõãmi. Marĩp̄re õãrõ gũñaturaní, ĩgũ gããmerõsũ iriburo, arĩgũ, irasũ s̄erẽbosami. ¹³ Īgũ Marĩp̄re musãya aãrĩburire turaro s̄erẽbosamakũ ãã. Laodicea marãya aãrĩburire, Hierápolis marãya aãrĩburidere turaro s̄erẽbosami. Īgũ irasirimakũ ããgũ, musãrẽ irire diaye werea. ¹⁴ Duturu Lucas, marí maígũ musãrẽ õãdoremi. Demade õãdoremi.

¹⁵ Õãburo marĩyarã Laodicea marã. Ninfa wãikugode õãburo. Jesúre buremurã igoya wiigue nerẽrãde õãburo. ¹⁶ I p̄rẽ yu gojadea p̄rẽ musã nerẽrõgue bue ĩmu odo, Laodicea marãdere iriuka, ĩgũsãde ĩgũsã nerẽrõgue bue ĩmuburo, arĩrã! Irasirirã ĩgũsãrẽ gajĩ yu gojadea p̄rẽ ñeãrã, musãde iri p̄rẽ bue ĩmuka! ¹⁷ ãsũ arĩka Arquipore: “Marí Op̄ Jesúyagu mũ aãrĩmakũ, mũrẽ ĩgũ moãrĩrẽ pídi aãrĩmĩ. Irasirigũ irire õãrõ moãyuwarikũka!” arĩka ĩgũrẽ!

¹⁸ Yu Pablo, yaa mojõ merã ire gojáa: “Musãrẽ õãdorea”. Peresugue yu aãrĩrĩrẽ gũña, Marĩp̄re yaa aãrĩburire s̄erẽbosaka! Õãrõ aãrĩka musã! Marĩpu musãrẽ õãrõ iritamuburo.

Iropãta aãrã.

Pablo

1 TESALONICENSES

Pablosã Tesalónica marãrẽ õãdoredea

¹ Yũ Pablo, yũ merãmarã Silvano, Timoteo merã musã Tesalónica marãrẽ Jesúre bñremurãrẽ õãdoredea. Musã Marĩpũyarã, marĩ Opũ Jesucristoyarã ããrã. Irasirigũ musãrẽ i papera pũrẽ gojáa. Marĩpũ ããrĩnĩgũ, marĩ Opũ Jesucristo musãrẽ õãrõ iritamu, siuñajãrĩ merã ããrĩrikũmakũ iriburo.

Pablo, Tesalónica marã Jesúre bñremurĩrẽ gojadea

² Gũa Marĩpũre musãya ããrĩburire sãrẽbosarã, musã õãrõ iririre gũñãa. Irasirirã ĩgũrẽ: “Mũ iritamurĩ merã õãrõ yãma”, ãrĩ, usũyari sĩnĩkõãa.

³ ĩgũrẽ sãrẽã, ãsũ ãrĩ sãrẽã: “Gũapũ, Tesalónica marã mũ magũ Jesucristore bñremusĩã, ĩgũyare õãrõ irirã yãma. Maĩrĩ merã gajerãrẽ õãrõ iritamuma. Marĩ Opũ Jesucristo dupaturi aariburire usũyari merã yúsĩã, ñerõ tarikererã gũñaturama. Irasirigũ ĩgũsãrẽ irire iriduúbirimakũ irika!” ãrĩ sãrẽã. ⁴ Gũayarã, Marĩpũ musãrẽ maĩmi. ĩgũta musãrẽ beyedi ããrĩmĩ, ĩgũyarã ããrĩburo, ãrĩgũ. Gũa irire masĩa. ⁵ Musãrẽ Jesús masakare tauri kerere wererã, gũa masĩrĩ merã werebiribũ. Õãgũ deyomarĩgũ turari merã gapũ musãrẽ iri kerere werebũ. Gũa musãrẽ õãrõ iritamudeare masĩsĩã, gũa iri kerere weremakũ pérã: “Diayeta ããrã”, ãrĩ masĩbũ.

⁶ Irasirirã, gũa irideare ĩãnerã ããrĩsĩã, gũa iriderosũ, irasũ ããrĩmakũ Jesucristo iriderosũ irirã dujabũ. Ñerõ tarikererã, Õãgũ deyomarĩgũ iritamurĩ merã Jesúya kerere usũyari merã pé, bñremunũgãbũ. ⁷ Musã irasirideare pérã, ããrĩpererã Jesúre bñremurã, Macedonia nikũ marã, õõ Acaya nikũ marã: “Marĩdere ĩgũsã irirosũta ããrĩrikũro gããmea”, ãrĩma. ⁸ Musã merãta ããrĩpererogue marã marĩ Opũ Jesúya kerere péperekõãñurã. Macedonia marã, Acaya marã dita iri kerere pérã meta iriñurã. ããrĩpererogue marã musã Marĩpũre bñremurĩrẽ masĩsiañurã. Irasirirã gũa ĩgũsãrẽ irire werenemobirikoa. ⁹ ĩgũsã gapũ gũa musã pũro ejamakũ, musã gũare õãrõ bokatĩrĩñeãdeare gajerãguere werema. Gaji musã keori weadeare bñremurĩrẽ pirikõã, Marĩpũ gapũre bñremu, ĩgũ gããmerĩ direta irinũgãdeare werema. ĩgũ diayeta Marĩpũ okanĩgũ ããrĩmi. ¹⁰ Musã, ĩgũ magũ Jesús ãmũgasigue ããrĩgũ i ãmũgue dupaturi aariburire õãrõ usũyari merã yúrã iriayuro. Marĩpũ Jesúre boadiguere masũdi ããrĩmĩ. Jesũta marĩrẽ peamegue bũro wajamoãsũbonerãrẽ taugũ ããrĩmi.

2

Pablo Tesalónicaque ĩgũ buedeare gojadea

¹ Gũayarã, musã ire õãrõ masĩa. Gũa musã pũro ããrĩrã, ubu ããrĩrĩrẽ irirã meta iribũ. Gũa buerire pérã, wãrã musã Jesúre bñremunũgãbũ. ² Gũa musã pũro waaburi dupuyuro Filipogue ããrĩbũ. Gũa irogue ããrĩmakũ, iro marã gũare ñerõ iri, ñerõ ãrĩ bñridama. Musã irire masĩa. Musãya makã marãde gũare ñerõ iridũakererũ, Marĩpũ gũare iritamumi. Irasirirã gũiro marĩrõ gũñaturari merã ĩgũ masakare tauri kerere musãrẽ werebũ. ³ Gũa musãrẽ: “Iri kerere bñremuka!” ãrĩ wererã, diayema ããrĩrĩrẽ bñremumakũ gããmebũ. Musãrẽ ñerõ iridũarã, ãrĩgatori merã buerire bñremumakũ iridũarã meta iribũ. ⁴ Marĩpũ ĩgũ gããmederosũta gũare ĩgũ masakare tauri kerere weremurãrẽ beyepĩdi ããrĩmĩ. Irasirirã, masaka gũa merã usũyaburo, ãrĩrã meta iri kerere werea. Marĩpũ gããmerĩ gapũre iridũarã, irire werea. ĩgũta

ãārīpereri marī gūñarīrē iāmasīgū ãārīmi. ⁵ Musā masīa. Għa musā puro ãārīrā, musārē òārō werenígatori merā għa gāāmerīrē irimakū iriduarā meta iribu. Musārē niyerure āiduarā ārīgatori merā wererā meta iribu. Marīpude irire masīmi. ⁶ Għa Marīpuya kerere wererā, musā għare: “Òārō buema”, ārīmakū iriduarā meta yāa. Gajerāde għare irasū ārīmakū neō gāāmebea. ⁷ Għa, Cristo buedoregħ beyepīnerā ãārīsīā, musārē: “Għare iritamuka!” ārībonerā ãārīkererā, neō irasū ārībiribu. Sugo pago igo pūrārē maīrī merā òārō korerosūta musārē maīrī merā òārō korebu. ⁸ Musārē bħro maīsīā, Marīpuya kerere òārō iriduari merā buebu. ãārīpereri għa irimasīrī merā musārē iritamubu. Musārē maīsīā, irasiribu. ⁹ Musā għayarā, għa musā merā ãārīrā bħro moādeare gūñakoa. Musārē Marīpuya kerere buerā: “Għare iritamuka!” ārīdħabirisīā, għa baaburire wajarimurā ũmħrī, ñamirī moābu.

¹⁰ Għa iririkurire musā masīa. Marīpude masīmi. Għa, musā Jesúre bħremurā merā ãārīrā, għa musārē òārō irirā, diayema iribu. Irasirirā gajerā għare: “Ñerō yāma, waja oparā ãārīma”, neō ārīmasībirima. ¹¹ Idere musā masīa. Sugħ pagħ ĩgū pūrārē òārō wereri merā ĩgūsārē gūñaturamakū irirosūta għa musādere ãārīpererārē irasiribu. ¹² Marīpu musārē ĩgūyarārē dorerogue ĩgū òārō gosewasirogħ musā ãārīmurārē beyedi ãārīmī. Irasirirā musārē ĩgūyarārē: “Īgūyare òārō irinīkōāka!” ārī werebu.

¹³ Għa musārē Marīpuya kerere weremakū pérā, musā: “I Marīpuya werenīrīgora ãārā”, ārī bħremubu. “Masakaya werenīrī meta ãārā”, ārību. Għa, musā irasirideare gūñarā, Marīpure ũsuyari sīnīkōāa. ĩgū musārē ĩgūya kerere bħremurārē iri merā musā gūñarīrē, musā iririre òārī gapure gorawayumakū yāmi. ¹⁴ Għayarā, musā Jesucristore bħremurā ãārīmakū ĩārā, musāya nikū marā musārē ñerō tarimakū iriañurā. Musārē waarósūta Judea nikū marādere Marīpuyarādere waaró iriayuro. ĩgūsā Jesucristore bħremurā ãārīmakū ĩārā, ĩgūsāya nikū marā judío masaka ĩgūsārē ñerō tarimakū iriañurā. Judío masaka Jesúre gāāmemerā ãārīsīā, ĩgūrē bħremurārē ñerō tarimakū iriañurā. ¹⁵ ĩgūsā ñekūsāmarā Marīpuya kerere weredupuyunerārē wējēderosū, marī Opħ Jesúdere wējēnerā ãārīmā. Għadere għa musāya makāgue ãārīmakū, ñerō iri, béowiuma. Marīpu, ĩgūsā irasirideare neō gāāmebemi. ĩgūsā ãārīpererārē gāāmebema. ¹⁶ Judío masaka ãārīmerārē peamegue waabirikōāburo, ārīrā, għa ĩgūsārē Jesúyare buedħamakū, judío masaka Jesúre gāāmemerā għare kāmūtadħadima. Għare ĩgūyare weredorebirima. Irasirirā ĩgūsā ñerō iririre nemorō irisīā, wáro waja opama. ĩgūsā daporata Marīpu bħro wajamoāsūmurā dujasīama.

Pablo Tesalónica marārē ĩgū dupaturi ĩāgħ waadħarire gojadea

¹⁷ Għayarā, għa musā purogħ ãārānerā wiridero pħrħ mérōgā tarikerepħrħ, musārē gūñanīkōā, dupaturi bħro ĩārā waadħadibu. ¹⁸ Wári għa musārē ĩārā waadħadibu. Yħ Pablo wári: “Irogħ waagħra”, ārīnadibu. Għa waadħarīkħ, wātī gapħ għa waadħarire kāmūtānami. ¹⁹⁻²⁰ Musāta għare ũsuyamakū irirā, għare musā òārō iriburimarē gūñaturamakū irirā ãārā. Irasirirā musārē ĩārā waadħadibu. Marī Opħ Jesucristo i ũmħgue dupaturi aarīmakū, musā òārō irideare gūñarā, għa ĩgūrē: “Īgūsāta ãārīma, għare bħro ũsuyamakū irīnerā. Għa mħyare buemakū pérā, mħrē bħremunħgāma. Mħyare òārō irītħyanīkōāma”, ārī wererākoa. Irasirirā musā merā bħro ũsuyāa.

3

¹⁻² Musāya kerere pédħarā bokatīūbirikubu. Irasirirā, Timoteore: “Īgūsārē ĩāgħ waaka!” ārī iriubu. “Għa gapħ Atenague dujarākoa”, ārību. Timoteo

marĩyagu, Marĩpure moãboegu, gwa merã Jesucristoya kerere buegu ããrĩmi. “Ìgũ Jesúyare buemakũ pérã, gũñaturari merã ìgũrẽ b̃remunemorãkuma”, ãrĩrã, ìgũrẽ iriubu. ³ Mũsã Jesucristore b̃remurĩ waja gajerã mũsãrẽ ñerõ iriañurã. Irasirirã, mũsã Jesúyare neõ piribirikõáburo, ãrĩrã, Timoteore mũsã p̃rogue iriubu. Marĩ Jesúre b̃remurĩ waja gajerã marĩrẽ ñerõ irirãkuma. Irire masĩa mũsã. ⁴ Iro dupuyuro gwa irogue mũsã merã ããrĩrã, irire ãsũ ãrĩ weresiabu: “Marĩ Jesúre b̃remurĩ waja ñerõ tarirãkoa”, ãrĩb̃. Gwa ãrĩderosũta gajerã marĩrẽ ñerõ irirã yãma. Mũsã irire masĩsiãa. ⁵ Irasirigũ, mũsãrẽ: “¿Jesúre gũñaturari merã b̃remuníkõãkuri?” ãrĩ s̃rẽña, mũsãya kerere péduagu bokatĩubirisĩã, Timoteore iriubu. “Gũñaturanerãrẽ gajipoe irigu wãtĩ ìgũsãrẽ Jesúya buerire b̃remuduúmakũ irikumi, gwa irire ubugora bueyo”, ãrĩ gũñarikabu. Irasirigũ Timoteore mũsã p̃rogue iriubu.

⁶ Daporare, Timoteo, mũsãrẽ ìãgũ ejadi õõguere goejasiami. Ìgũ õãrĩ mũsãyare kereku goejami. Mũsã piriro marĩrõ Jesúre õãrõ gũñaturari merã b̃remurĩrẽ, mũsã gãme maĩrĩrẽ, gware were goejami. Gware maĩrĩ merã gũñaníkõãyuro. Gwa mũsãrẽ ìãduarosũta, mũsãde gware burõ ìãduayuro. ⁷ Irasirirã, mũsã Jesúre b̃remurĩrẽ pérã, gwa ñerõ tarikererã, õãrõ ỹjupũrãkuri merã usuyãa. ⁸ Marĩ Opũ Jesúre mũsã b̃remunímakũ pérã, dapagueta siuñajãrĩ opãa. ⁹ Irasirirã mũsãrẽ gũñarã, Marĩpure burõ usuyari sĩa. Nasiri usuyari s̃ibokatĩũmasĩña máa. ¹⁰ Ëmurĩ, ñamirĩ Marĩpure: “Gwa ìgũsãrẽ ìãrã waaburire ãmubosaka!” ãrĩ, burõ s̃rẽã. Mũsãrẽ Jesúya kerere wereyuwarikurã waaduakoa, ìgũrẽ õãrõ b̃remunemoburo, ãrĩrã.

¹¹ Marĩpũ ããrĩnìgũ, marĩ Opũ Jesucristo gware iritamuburo. Gware mũsãrẽ ìãrã waaburire ãmu, iriuburo. ¹² Marĩ Opũ mũsãrẽ nemorõ gãme maĩwãgãnímakũ iriburo. Gwa mũsãrẽ maĩrõsũta mũsãde gajerã ããrĩpererãrẽ gãme maĩnemomakũ iriburo. ¹³ Mũsãrẽ ìgũrẽ piriro marĩrõ õãrõ gũñaturari merã b̃remunímakũ iriburo. Irasirirã, marĩ Opũ Jesús ããrĩpererã ìgũyarã merã i ãmugue dupaturi aarimakũ, Marĩpũ ããrĩnìgũ ìũrõgue ìgũ iritamurĩ merã ñerĩ marĩrã, waja opamerã ããrĩrãkoa.

4

Pablo Jesúre b̃remurãrẽ: “Marĩpũ gããmerĩ direta irika!” ãrĩ gojadea

¹ Daporare marĩ Opũ Jesús doreri merã mũsãrẽ ãsũ ãrĩ werea: “Gwa mũsãrẽ: ‘Ãsũ iriro gããmea’, ãrĩ buederosũta irika, Marĩpũ gããmerĩ direta irimurã! Daporare mũsã ìgũ gããmerĩrẽ irirã iriayuro. Irasirirã: ‘Irire nemorõ irinemoka!’ ” ãrĩ werea. ² Gwa buedeare mũsã masĩa. Irire buerã, marĩ Opũ Jesús doreri merã mũsãrẽ buebu.

³ Marĩpũ mũsãrẽ ñerĩ marĩrã ããrĩmakũ gããmemi. Irasirirã: marãpo marĩrã, marãpokurã, marãpũ marĩrã, marãpũkurã gãmebirabirikõãka! ⁴ Mũsãku ñerõ iri ìmurõ marĩrõ gopeyari merã mũsã marãposã nomerẽ opaka! Gajerã mũsã irasirimakũ ìãrã: “Õãrõ yãma”, ãrĩ ìãrãkuma. ⁵ Marĩpure masĩmerã irirosũ, nomerẽ ñerõ iridurari merã ãaribejabirikõãka! ⁶ Mũyagu marãpore gãmebirarã, igo marãpudere ñerõ irikoa. Irinorẽ iribirikõãka! Marĩpũ irasirirãnorẽ burõ wajamoãgũkumi. Gwa mũsãrẽ irire weresiabu. ⁷ Marĩpũ marĩrẽ ñerĩrẽ iriburo, ãrĩgũ meta beyepĩdi ããrĩmĩ. Ìgũ gããmerĩ direta iridoregu, marĩrẽ beyepĩdi ããrĩmĩ. ⁸ I buerire gããmemerã, gwa direta gããmemerã meta yãma. Marĩpudere gããmebema. Marĩpũ marĩrẽ ìgũ gããmerĩ direta iridoregu, Õãgũ deyomarĩgũrẽ iriudi ããrĩmĩ. Õãgũ deyomarĩgũ ñerĩ opabi ããrĩmĩ.

⁹ Mũsã sugũ pũrã irirosũ gãme maĩrĩ tamerãrẽ gojabea. Marĩpũ ìgũ basi mũsãrẽ gãme maĩdoresiadi ããrĩmĩ. ¹⁰ Mũsã irasũta iriayuro. Marĩpũ

m̄sārē dorederosūta āārīperero Macedoniague āārīpererā Jesúre buremurārē maīayuro. M̄sā gāme maīrī merā āārīkerepuru: “Nemorō gāme maīnemoka!” ārī werea. ¹¹ Gāme iāturo marīrō ōārō āārīrikuka! Gajerāya āārīrīnorē gūñariku, ĩgūsārē werewuabirikōāka! M̄sāyama āārīburi gapure gūña, ōārō moāriku, āārīkōāka! Ḡua m̄sā purogue āārīrā, ire m̄sārē weresiabu. ¹² M̄sā ōārō moārā, gajerārē baari sērēbirikoa. M̄sā moārī merā m̄sā baaburire oparākoa. M̄sā irasirimakū ĩārā, Jesúre buremumerā gopepyari merā m̄sārē ĩārākuma.

Pablo marī Op̄ dupaturi i ũm̄gue aariburire gojadea

¹³ Ḡuayarā, m̄sārē boanerā waaburire wered̄akoa, irire masīburo, ārīgū. Jesúre buremurā boarā, ĩgū merā āārīnīrā waarākuma. M̄sā irire masīrā, m̄sāyarā Jesúre buremurā boamakū, b̄uro b̄ujawerebirikoa. Jesúre buremumerā gapu, ĩgūsāyarā boamakū, b̄uro b̄ujawererākuma. ĩgūsā irirosū b̄uro b̄ujawerebirikoa. ¹⁴ Marī ire buremua. Jesús boadigue masādi āārīmī. ĩgū dupaturi i ũm̄gue aarimakū, ĩgūrē buremurā boanerārē Marīpu ĩgūrē masūderosūta ĩgūsārē masūgukumi. Masū odo, ĩgū āārīrōgue āīm̄riagukumi.

¹⁵ Marī Op̄ Jesús weredeare m̄sārē werea. Jesús dupaturi i ũm̄gue aarimakū, ĩgūrē buremurā boanerā masā, āīm̄riāsūrākuma. ĩgūsā puru, marī Jesúre buremurā okarāde āīm̄riāsūrākoa. ¹⁶ Āsū waarokoa. Marī Op̄ Jesús ĩgū basita ũm̄gasigue āārīdi b̄uro turaro werenīrī merā aarigukumi. ĩgū aarimakū, Marīpure wereboerā op̄de werenīgukumi. Marīp̄yaru puridirude b̄us̄urokoa. Irasū waamakū, Jesúre buremurā boanerā masāpurorirākuma. ¹⁷ ĩgūsā puru, marī okarāde Jesúre buremurā, ĩgūsā merā mikāyeborigue marīa, irogue Jesúre bokatīrīrākoa. ũm̄gasigue ĩgū merā āārīnīkōārākoa. ¹⁸ M̄sā basi irire gāme werenīka! Irasirirā gāme gūñaturamakū irirākoa.

5

¹ Irin̄u, iropā āārīmakū, Jesús dupaturi aarigukumi, ārīrī tamerā masīña máa. Irasiriḡu iri tamerārē gojabea. ² M̄sā masīsiáa. Suḡu yajarimasū ñami merā gūñaña marīrō yajaḡu ejarosū, Jesúde marī gūñabiriripoe ejaugukumi. ³ Jesúre buremumerā ĩgū dupaturi aariburi dupuyurogārē: “Ḡua güiro marīrō ōārō āārīkōāa”, ārī gūñarākuma. ĩgūsā irasū gūñaripoere ĩgūsārē wāri ñerī waarokoa. Sugo nomeō nijīpo āārīgō, majīgū nijīwāgūgō p̄rīsūrōsū, Jesúre buremumerā irasūta gūñaña marīrō b̄uro ñerō tarirākuma. Neō suḡu taribirikumi. ⁴ Masaka Jesúre buremumerā, naītīārōgue āārīrā irirosū āārīma. M̄sā gapu ĩgūsā irirosū āārībea. Irasirirā Jesús dupaturi i ũm̄gue aarimakū, yajarimasūrē ĩāḡukarā irirosū waabirikoa. ⁵ M̄sā āārīpererā Jesúyarā āārā. Irasirirā ũm̄u boyorogue āārīrā ĩāmasīrōsū Jesús aariburire masīa. Jesúre buremumerā gapu naītīārōgue āārīrā irirosū āārīma. Irasirirā ñami merā ĩāmasīberosū Jesús aariburire masībema. ⁶ Irasirirā ñami merā kārīrā irirosū āārībirikōārā marī! Jesús dupaturi aariburire gūñamerā, kārīrā irirosū āārīma. Marī gapu ĩgū aariburire pémasīrī merā gūñanīkōārā! Mejārā irirosū iribirikōārā! Diayema gapure irirā! ⁷ Masaka ñamirē kārīkuma. Mejārīmasā ñamirē mejākuma. ⁸ Marī Jesúyarā gapu ũm̄u boyorogue āārīrā irirosū āārā. Irasirirā ōārō pémasīrī merā diayemarē irinīkōārā!

Suḡu surara gāmewējērōgue waabu, ĩgūya koretibire kāmutaḡu, kōme surīrore sāñakumi. ĩgū irirosūta marīde Jesúre buremurī merā, marī gāme maīrī merā, wātīrē ĩgū marīrē irire pirimakū irid̄uarire kāmutarā! Surara ĩgūya dipurure kāmutaḡu, kōme perore peyakumi. ĩgū irirosūta marīde, Jesús marīrē tauḡu aariburire: “Diayeta aarigukumi”, ārī masīrī merā wātīrē ĩgū

marĩrẽ: “Irasũ waabirikoa”, aĩgatorire kãmutarã! ⁹ Marĩpũ marĩrẽ wajamoãbu meta beyepĩdi aãrĩmĩ. Marĩ ñerõ iridea wajare marĩ Opũ Jesucristo merã taubu, marĩrẽ beyepĩdi aãrĩmĩ. ¹⁰ Jesús ĩgũ merã aãrĩnikõãburo, aĩgũ, marĩrẽ boabosadi aãrĩmĩ, marĩ ñerõ iridea wajare wajarigũ. Irasirirã ĩgũ dupaturi aarimakũ, ĩgũrẽ bũremurã boanerã, marĩ okarãde ĩgũ merã aãrĩnikõãrãkoa. ¹¹ Irire gũñarã, mũsã irinĩrõsũ nemorõ gãme iritamũ, gũnaturamakũ irika! Irasirirã Jesũre bũremunemorãkoa.

Pablo Jesũre bũremurãrẽ weretũnudea

¹² Gũayarã, mũsãrẽ turaro merã ãsũ ãrĩ weredũakoa. Marĩ Opũya kerere mũsãrẽ wererãrẽ gopeyari merã ĩãka! Marĩ Opũ ĩgũsãrẽ mũsãrẽ õãrõ doreburo, aĩgũ, beyepĩdi aãrĩmĩ, mũsãrẽ õãrõ aãrĩrikũburire, õãrõ iririkũburire buedoregũ. ¹³ ĩgũsã mũsãrẽ irire buerã, marĩ Opũyare õãrõ irirã yãma. ĩgũsã irasirimakũ ĩãrã, ĩgũsãrẽ bũro bũremurĩ merã, bũro maĩrĩ merã ĩãka! Gãme turiro marĩrõ õãrõ aãrĩrikũka!

¹⁴ Gũayarã, gajĩ mũsãrẽ ãsũ ãrĩ weredũakoa doja. Moãdũamerãrẽ moãdoreka! Gũnaturamerãrẽ gũnaturamakũ irika! Jesũre bũremuturamerãrẽ iritamũka, ĩgũrẽ bũremunemoburo, aĩrã! Aãrĩpererã merã guaro marĩrõ bopoñarĩ merã õãrõ irika!

¹⁵ Mũsãrẽ gajerã ñerõ irimakũ, ĩgũsãrẽ gãmbirikoaka! Õãrĩ gapũre mũsãyarãrẽ, aãrĩpererã gajerãdere õãrõ irinĩkõãka!

¹⁶ Mũsã Jesũyarã aãrĩsĩã, usũyari merã aãrĩnikõãka! ¹⁷ Mũsã noó waaró, mũsã noó aãrĩrõ, Marĩpũre gũña, ĩgũrẽ mũsãya aãrĩburire sãrẽnikõãka! ¹⁸ Mũsãrẽ gajinũ ñerõ waamakũ, õãrõ waamakũdere Marĩpũre usũyari sĩnikõãka! Marĩpũ, marĩ Jesucristore bũremurãrẽ irire irimakũ gããmemi.

¹⁹ Õãgũ deyomarĩgũ, mũsã gũñarĩgue ĩgũ weremakũ, irire kãmutabirikõãka! ĩgũ dorerire õãrõ yũjũka! ²⁰ Sugũ Jesũre bũremugũ Õãgũ deyomarĩgũ masĩrĩ sĩrĩ merã, Marĩpũ weredoredeare weremakũ pãrã, irire doo bũridabirikõãka! ²¹ Ubu gapũ ĩgũsã weremakũ, õãrõ pãkũĩnũ, gũñaka! “¿Diayeta wereri?” ãrĩ masĩdũarã, irasirika! Õãrĩ bueri aãrĩmakũ, iri gapũre irika! ²² Noó ñerĩ aãrĩmakũ, irire iribirikõãka!

²³ Marĩpũ siuñajãrĩ merã aãrĩrikũmakũ irigũ mũsãrẽ õãrõ, ñerĩ marĩrõ, ĩgũ gããmerĩ direta iririkũmakũ iriburo. Mũsã ñerĩ opabirimakũ, mũsãya gũñarĩgue õãrĩ direta opamakũ, mũsãya dupũri merã ñerõ iribirimakũ iriburo. Mũsãrẽ waja opamerã aãrĩmakũ iriburo. ĩgũ irasirimakũ, marĩ Opũ Jesucristo dupaturi aarigũ, mũsãrẽ waja opamerã aãrĩmakũ bokajagũkumi. ²⁴ Marĩpũ mũsãrẽ ĩgũyarã aãrĩburo, aĩgũ, beyepĩdi, i aãrĩpereri ĩgũ mũsãrẽ: “Ãsũ irigũra”, ãrĩdeare diayeta irigũkumi.

Pablo õãdoretũnudea

²⁵ Gũayarã, mũsãde Marĩpũre gũaya aãrĩburire sãrẽbosaka!

²⁶ Aãrĩpererã iro marã Jesũre bũremurãrẽ, ĩgũ marĩrẽ maĩrõsũta maĩrĩ merã õãdoreka!

²⁷ Marĩ Opũ Jesucristo doreri merã i pũrẽ aãrĩpererã ĩgũrẽ bũremurãrẽ siu neeõ, bue ĩmũka!

²⁸ Marĩ Opũ Jesucristo mũsãrẽ õãrõ iritamuburo.

Iropãta aãrã.

Pablo

2 TESALONICENSES

Pablo Tesalónica marãrẽ õãdoredea

¹ Yũ Pablo, yũ merãmarã Silvano, Timoteo merã musã Tesalónica marãrẽ Jesúre buremurãrẽ õãdoredea. Musã Marĩpũyarã, marĩ Opũ Jesucristoyarã ããrã. Irasirigũ musãrẽ i papera pũrẽ gojáa. ² Marĩpũ ããrĩnĩgũ, marĩ Opũ Jesucristo musãrẽ õãrõ iritamu, siuñajãrĩ merã ããrĩrikũmakũ iriburo.

Pablo, Jesucristo ñerõ irirãrẽ wajamoãgũ aariburire gojadea

³ Gũayarã, musã Jesucristore buremudero nemorõ ãgũrẽ buremunemo, gãme maĩnemo iriayuro. Irasirirã gũa musãrẽ gũñarã, diayema irirã Marĩpũre usũyari sĩnĩkõãrõ gããmea. Gũa irasirimakũ õãrokoa. ⁴ Gũa noó waaró, musãyamarẽ gajerãrẽ Marĩpũyarãrẽ ãgũsã nerẽrõgue usũyari merã werea. Musã Jesúre buremurĩ waja masaka musãrẽ ñerõ irikerepũrũ, neõ ãgũrẽ buremuduúbea. Musãrẽ ñerõ waamakũdere gũñaturakõãa. Irire ãgũsãrẽ werea. ⁵ I merãta marĩ masãa. Musã Marĩpũyarã ããrĩrĩ waja gajerã musãrẽ ñerõ irikerepũrũ, gũñaturanĩkõãa. Irasirigũ Marĩpũ diayema irigũ musãrẽ: “Yaarãrẽ dorerogue aarika! Yaarã, õãrã ããrã”, ãrĩgũkumi.

⁶ Marĩpũ diayema irigũ ããrĩsã, musãrẽ ñerõ tarimakũ irinerãrẽ ñerõ tarimakũ irigũkumi. ⁷⁻⁸ Musãrẽ ñerõ tarinerãrẽ, gũadere õãrõ siuñajãrĩ bokamakũ irigũkumi. Marĩ Opũ Jesús aarirĩnũ ããrĩmakũ irasirigũkumi. Jesús ãmũgasigue merã aarigũ, ãgũrẽ wereboerã turarã merã, peame ãjũrĩ pũrã watopegue dijarigũkumi. ãgũya kerere pẽduamerãrẽ, Marĩpũre gããmemerãrẽ bũro wajamoãgũ aarigũkumi. ⁹ ãgũsã ñerõ iridea waja perebiri peamegue beosũrãkuma. Irasirirã, marĩ Opũ turagũ ããrĩrõgue neõ waabirikuma. ãgũ gosewasiririre neõ ããrõ marĩrõgue beodijusũrãkuma. ¹⁰ ãgũ aarirĩnũrẽ ãgũyarã ãgũrẽ buremurã ããrĩpererã ãgũrẽ ããrãkuma. ãgũrẽ ããrã: “Diayeta õãtarigũ, turatarigũ, ããrĩpererã oparã nemorõ Opũ ããrĩmĩ”, ãrĩ, ããgũka, bũro usũyarãkuma. Musãde, gũa musãrẽ ãgũyare buedeare buremusã, ãgũsã merã usũyarãkoa.

¹¹ Gũa irire gũñarã, Marĩpũre musãya ããrĩburire ãsũ ãrĩ sẽrẽbosãña: “Gũapũ, mũ ãgũsã yũ gããmerĩ direta irirã ããrĩburo, ãrĩgũ, ãgũsãrẽ beyepĩdi ããrĩbũ. Irasirigũ ãgũsãrẽ mũ gããmerõsũta ããrĩrikũmakũ irika! ãgũsã ããrĩpereri mũrẽ buremurĩ merã õãrõ iridũarire iriyuwarikũburo. ãgũsãrẽ mũ turari merã irasirimakũ irika!” ãrĩ sẽrẽbosãa. ¹² Musã irire irimakũ ããrã, gajerã, marĩ Opũ Jesúre gopeyari merã ããrãkuma. ãgũ musãrẽ: “Yaarã ããrĩma, õãrõ yãma”, ãrĩ ããgũkumi. Marĩpũ, marĩ Opũ Jesucristo musãrẽ iritamu, bũro maĩmakũ, irasũ waarokoa.

2

Pablo, ñegũ aariburire gojadea

¹ Gũayarã, daporare marĩ Opũ Jesucristo aariburire, ãgũ marĩrẽ neeõnũ, ãgũ pũroque ãĩmũrĩaburire weregũra. ² Gajerã musãrẽ: “Marĩ Opũ i ãmũgue dupaturĩ aarirĩnũ ejasiãa”, ãrĩmakũ gũñarikũbirikõãka! Irire pẽwisibirikõãka! Gajerã: “Irire Õãgũ deyomarĩgũ yũre irasũ ãrĩ wereami”, gajerã: “Sugũ gũare irasũ ãrĩ wereami”, gajerã: “Pablosã irasũ ãrĩ gojanerã ããrĩmã”, ãrĩbokuma. Irire pẽrã, gũñarikũbirikõãka! ³ ãrĩgatosũbirikõãka! Marĩ Opũ Jesús aariburinũ dupuyuro ãsũ waarokoa. Wãrã masaka Marĩpũ dorerire tarinũgãrãkuma. Irasiriripoe sugũ ñerõ iri, tarinũgãgũgora deyoagũkumi. ãgũta perebiri peamegue beosũbu ããrĩgũkumi. ⁴ ãgũ Marĩpũre ããturigũ, ããrĩpereri masaka

Marĩpũyare bũremurĩrẽ ñerõ arĩ werenĩgũkumi. Īgũ direta bũremumakũ gããmegũkumi. Irasirigũ Īgũrẽ bũremudoregũ: “Yũta ããrã, ãmũgasiguema mũsã Opũ”, ãrĩgũ, Marĩpũya wiigũe ñajãa, doanagũkumi.

⁵ Yũ, mũsã pũrogue ããrĩgũ, irire mũsãrẽ werebũ. ¿Mũsã irire gũñaberi? ⁶ Mũsã Īgũ ñegũ aariburire kãmutagũre masĩa. Īgũ aariburire kãmutanemobirimakũ aarigũkumi. ⁷⁻⁸ Īgũ wãri ñerĩ iriburire marĩ masĩbirikerepũrũ, ñerĩ Īgũ iririno ããrĩsiãa. Īgũ aariburire kãmutagũ gajerogue ãĩãsũgũkumi. Īgũrẽ ãĩadero pũrũ, ñegũ gapũ aarigũkumi. Īgũ ñerõ iriri masĩsũrokoa. Pũrũ marĩ Opũ Jesucristo dupaturi i ãmũgue aarigũ, puriri merã, Īgũ turari merã ñegũrẽ wẽjẽgũkumi. Īgũ gosewasiriri merã aarigũ, Īgũrẽ bẽodediugũkumi. ⁹ Ñegũ aarigũ, wãtẽa opũ Satanás iritamurĩ merã ejagũkumi. Irasirigũ wãtĩ turari merã wãri iri ĩmugũkumi. “Ɛmũgasiguema turari merã iri ĩmugũ yãa”, ãrĩgatogũkumi. ¹⁰ Wãri Īgũ ñerõ iriri merã perebiri peamegue waamurãrẽ Īgũ ãrĩgatorire bũremumakũ irigũkumi. Īgũsã Marĩpũya diayema ããrĩrĩrẽ bũremubirisĩa, iri ãrĩgatorire bũremurãkuma. Irasirirã tausũbirikuma. ¹¹ Īgũsã diayema ããrĩrĩrẽ bũremudũabiri waja, Marĩpũ Īgũsãrẽ irire masĩbirimakũ irigũkumi, ãrĩgatori gapũre bũremuburo, ãrĩgũ. ¹² Irasirirã ããrĩpererã Īgũsã Marĩpũya diayema ããrĩrĩrẽ bũremudũamerã ããrĩsiã, ñerõ iririre bũro iridũanemorãkuma. Irasirigũ Marĩpũ Īgũsãrẽ wajamoãdediugũkumi.

Pablo, Marĩpũ Īgũ beyenerãrẽ tauburire gojadea

¹³ Gũayarã, mũsã marĩ Opũ Jesús maĩrã, Marĩpũ beyenerã ããrã. Irasirirã gũa mũsãrẽ gũñarã, Marĩpũre usũyari sĩnĩkõãrõ gããmea. Neõgoragueta mũsãrẽ beyedi ããrĩmĩ peamegue waabonerãrẽ taugũ. Oãgũ deyomarĩgũ turari merã mũsãrẽ Īgũyarã ããrĩmakũ iribu, mũsã diayema ããrĩrĩrẽ bũremuburo, ãrĩgũ, beyedi ããrĩmĩ. Irasirirã tausũmurã ããrã. ¹⁴ Marĩpũ Īgũ tauri kerere gũa mũsãrẽ budea merã mũsãrẽ siiudi ããrĩmĩ, marĩ Opũ Jesucristo õãrĩ oparire Īgũ merã opaburo, ãrĩgũ.

¹⁵ Irasirirã piriro marĩrõ gũñaturaka! Gũa mũsã pũrogue ããrĩrã buedeare, irasũ ããrĩmakũ gũa mũsãrẽ gojadeare gũña, irire iritũyaka! ¹⁶⁻¹⁷ Marĩ Opũ Jesucristo basita, irasũ ããrĩmakũ Marĩpũ ããrĩngũ mũsãrẽ ããrĩpereri mũsã werenĩrĩ, mũsã iririkũre gũñaturari merã õãrõ ããrĩrikũmakũ iriburo. Marĩpũ marĩrẽ bopoñarĩ merã maĩgũ, perebiri gũñaturari opamakũ irigũ, Īgũ õãrĩ sĩburire: “Oparãkoa”, arĩ masĩmakũ irigũ ããrĩmĩ.

3

Pablo: “Gũaya ããrĩburire Marĩpũre sẽrẽbosaka!” arĩ gojadea

¹ Gũayarã, mũsãrẽ ãsũ arĩ gojatũnua. Gũaya ããrĩburire Marĩpũre sẽrẽbosaka! Mũsã, gũa marĩ Opũya kerere buedeare pé bũremubũ. Irasirirã, wãrã masaka mũsã iriderosũta gũa buerire pé bũremuburire, Īgũsã gũare õãrõ bokatĩrĩñeãburire Marĩpũre sẽrẽbosaka! ² Surãyeri masaka Jesũya kerere bũremubema. Irasirirã masaka diayema irimerã ñerã gũare ñerõ iribirikõãburo, ãrĩrã, Marĩpũre serebosaka! ³ Marĩ Opũ: “Ãsũ irigũra”, ãrĩderosũta mũsãrẽ gũñaturamakũ irigũkumi. Ñegũrẽ, mũsãrẽ Īgũ ñerõ iridũarire kãmutagũkumi. ⁴ Gũa mũsãrẽ iridorederosũta irirã irikoa. “Irire marĩ Opũ iritamurĩ merã õãrõ irinĩkõãrãkuma”, arĩ bũremua. ⁵ Marĩ Opũ Jesucristo, Marĩpũ mũsãrẽ maĩrĩrẽ masĩnemomakũ iriburo. Īgũ ñerõ tarigu gũñaturaderosũta mũsãdere gũñaturamakũ iriburo.

Pablo moãdoredea

⁶ Gɥayarã, Jesucristo marĩ Opɥ wãĩ merã ĩgũ dorero merã mɥsãrẽ werea. Gajerã Jesúre bɥremurã moãɥamerãrẽ, gɥa mɥsãrẽ buedeare iritɥamerãrẽ wapikɥnemobirikõãka! ⁷ Mɥsã masĩa. Mɥsãdere gɥa iriderosũta iriro gããmea. Gɥa mɥsã merã ããrĩrã, gajino iriro marĩrõ ããrĩbiribɥ. ⁸ Neõ sugɥre wajamarĩrõ sãrẽ, baabiribɥ. Mɥsãrẽ garibodɥamerã, ãmɥrĩ, ñamirĩ gɥa baaburire moã wajatabɥ. ⁹ Gɥa mɥsãrẽ bueri waja: “Gɥare baari ejoka!” ãrĩbonerã ããrĩkererã, neõ irasũ ãrĩbiribɥ. Mɥsãrẽ: “Ãsũ iriro gããmea”, ãrĩ ĩmudɥarã gɥa basi moã wajata baabɥ. ¹⁰ Gɥa mɥsã merã ããrĩrã, mɥsãrẽ ãsũ ãrĩbɥ: “Baaburi moã wajatadɥabino baabirikõãburo”, ãrĩbɥ. ¹¹ Gajerã mɥsã iriri kerere gɥare ãsũ ãrĩ werema: “Surãyeri ĩgũsã merã moãmerã ããrĩma. Moãbirikererã, wãri irimoãmarĩ merã gajerãrẽ garibogorenarã yãma”, ãrĩma. ¹² Gɥa marĩ Opɥ Jesucristo wãĩ merã ĩgũ dorero merã irasirirãnorẽ: “Irimoãmarĩrẽ iropãta irika! Mɥsã baaburire, mɥsã gããmerĩnorẽ moã wajataka!” ãrĩ werea.

¹³ Gɥayarã, gariborero marĩrõ õãrĩrẽ irinĩkõãka! ¹⁴ Gɥa dorerire i pũgue gojarire tarinɥgãgũnorẽ ĩãmasĩ, ĩgũrẽ gɥyasĩũrõ tariburo, ãrĩrã, wapikɥbirikõãka! ¹⁵ ĩgũrẽ wapikɥbirikererã, mɥsãrẽ ĩãturigɥre irirosũ ĩãbirikõãka! Mɥsã pagɥmɥrẽ wererosũ ĩgũrẽ wereka, õãrĩrẽ iriburo, ãrĩrã!

Pablo õãdoretĩnudea

¹⁶ Marĩ Opɥ ĩgũ basi marĩrẽ siuñajãrĩ merã õãrõ ããrĩrikɥmakũ irigɥ mɥsãrẽ ãsũ iriburo. Mɥsã noó waaró, mɥsãrẽ gajerosũ waamakũ, siuñajãrĩ sĩnĩkõãburo. Mɥsã ããrĩpererã merã ããrĩburo.

¹⁷ Yɥ Pablo, yɥ basita i õãdorerire gojáa. Yɥ mɥsãrẽ gojanarõsũta gojáa. Irasirirã mɥsã: “ĩgũta gojañumi”, ãrĩ ĩãmasĩrãkoa. ¹⁸ Marĩ Opɥ Jesucristo mɥsã ããrĩpererãrẽ õãrõ iritamuburo. Irasũta iriburo.

Iropãta ããrã.

Pablo

1 TIMOTEO

Pablo Timoteore ðãdoredea

¹ Y_H Pablo m_Hrē ðãdoredea. Jesucristo, Marĩp_H marĩrē peamegue waabonerãrē taug_H dorederosũta y_Hre pídi ããrĩmĩ ĩgũyare buedoreg_H. ĩgũrēta, ĩgũ marĩrē ðãrō iriburire yúrã yáa. ² M_H diayeta y_H magũ irirosũ ããrĩgũ ããrã. Irasirig_H m_Hrē ire gojáa. Marĩp_H ããrĩnĩgũ, marĩ Op_H Jesucristo m_Hrē iritamũ, bopoñarĩ merã ĩã, siuñajãrĩ merã ããrĩrik_Hmakũ iriburo.

Pablo ãrĩgatori merã buerire pédorebiridea

³ Y_H Macedonia nikũgue waagú, m_Hrē Efesogue dujadoreb_H, irore surãyeri ãrĩgatori merã buerãrē: “Iropãta bueka!” ãrĩ weredoreg_H. ⁴ ĩgũsãrē: “Iripoegue marã ĩgũsã basi ĩgũsã gũñarĩ merã kere wereunadeare, m_Hsã ñekũsãmarã iririk_Hunadeare gũñanĩbirikõãka!” ãrĩ wereka! Marĩ irire gũñanĩrã, iri merã gãme guaseo, Marĩp_H marĩrē iridorerire iribea. “Marĩp_H y_Hre iritamug_Hkumi”, ãrĩ b_Hremurĩ merãta ĩgũ marĩrē dorerire irimasãa.

⁵ Marĩp_H marĩrē: ñerĩrē opamerã, ĩgũ ĩũrō waja opamerã ããrã, ãrĩ gũñarã, diaye Jesucristore b_Hremurã ããrĩmakũ gããmemi. Irasirig_H ðãrĩrē doremi. Marĩ irasũ ããrĩrã, ĩgũrē, gajerãdere ðãrō maĩrãkoa. ⁶ Surãyeri irire t_Hyanemobema. Irasirirã gaji ubu ããrĩrĩrē gãme guaseoma. ⁷ Marĩp_H Moisére doreri pídeare gajerãrē buerimasã ããrĩduakererã: “I ãsũ ãrĩduaro yáa”, ãrĩ buekererã, ĩgũsã buerire pémasĩbema.

⁸ Marĩ masãa. Marĩp_H Moisére doreri pídeare diaye buemakũ ðãgoráa. Marĩp_H, masakare iri dorerire tarinugãrĩrē masĩdoreg_H, irire pídi ããrĩmĩ. ⁹ Iri dorerire buerã, ire masĩrō gããmea. Marĩp_H iri dorerire pígu, diayema irirãrē diayema iridoreg_H meta pídi ããrĩmĩ. Iri dorerire irimerã gap_Hre irire pídi ããrĩmĩ, diayema gap_Hre masĩburo, ãrĩgũ. Iri dorerire tarinugãrãrē, ñerãrē, ñerō iririk_Hrãrē, ĩgũrē b_Hremumerãrē, ĩgũya buerire gããmemerãrē, ĩgũsã pag_Hsãmarãrē wējērãrē, masakare wējebéorãrē, ¹⁰ nome merã ñerō irirãrē, ũma merã ñerō irirã nomerē, ũma seyaro ñerō irirãrē, nome seyaro ñerō irirãrē, masakare ñeã gajerãguere duarãrē, ãrĩgatorik_Hrãrē, ãrĩgatori merã: “Ãsũ irirãkoa”, ãrĩdeare irimerãnorē, ããrĩpererã ðãrĩ buerire kãmutaduarãrē iri dorerire pídi ããrĩmĩ. ¹¹ I ðãrĩ bueri, Marĩp_H masakare tauri kerere wereri ããrã. Marĩp_H ðãtarig_H y_Hre i kerere masakare weredoreg_H pídi ããrĩmĩ.

Pablo, Marĩp_H ĩgũrē bopoñarĩ merã ĩãrĩrē gojadea

¹² Y_H marĩ Op_H Jesucristore _Hsyari sãa. ĩgũ y_Hre: “Õãrō bueg_Hkumi”, ãrĩ gũñagũ ĩgũyarãrē iritamudoreg_H beyepídi ããrĩmĩ. Irasirig_H ĩgũ turarire y_Hre sĩdi ããrĩmĩ. ¹³ Iro dupuyurogue y_H Jesucristore ñerō werenĩ, ĩgũrē b_Hremurãrē ñerō iri: “Ĩgũ ðãbemi”, ãrĩnabu. Y_H ĩgũrē b_Hremubirisĩã, y_H ñerō iririre: “Ñerō irig_H irikoa”, ãrĩ gũñabirisĩã, irasirib_H. Irasirikerep_H, Marĩp_H y_Hre bopoñarĩ merã ĩãgũ, beyedi ããrĩmĩ. ¹⁴ Marĩ Op_H y_Hre b_Hro maĩgũ ðãrō irimi. ĩgũ y_Hre Jesucristore b_Hremumakũ, gajerãdere maĩmakũ irimi. Marĩrē Jesucristo merã ĩgũrē b_Hremumakũ, gajerãdere maĩmakũ irimi.

¹⁵ I y_H wereburi diayeta ããrã. ããrĩpererã irire b_Hremurō gããmea. Jesucristo ñerō irirãrē ĩgũsã ñerĩ iridea wajare taug_H, i ũm_Hguere aaridi ããrĩmĩ. Y_Hta ããrĩpererã nemorō ñerō iritarinugãdi ããrã. ¹⁶ Y_H irasũ ããrĩkerep_H, Marĩp_H y_Hre bopoñarĩ merã ĩãmi. Irasirig_H, Jesucristo y_Hre neō perebiri bopoñarĩrē masĩmakũ irimi. Gajerãrē Jesucristore b_Hremurãrē ĩgũ y_Hre bopoñarõsũta ĩgũsãdere bopoñarĩrē masĩmakũ irig_Hkumi. P_Hr_H ĩgũsãrē ĩgũ p_Hro perebiri

okari opamakū irigukumi. ¹⁷ Irasirirā Marīpure: “Ōātarigu, turatarigu āārā”, āri, usuyari sīnikōārā! Īgūta marī Opū āārīnikōāgukumi. Īgū neō boabirikumi. Īgū suguta Marīpū āārīmi. Deyomarīgū, masītarigu āārīmi. Irasūta āārīmi.

¹⁸⁻¹⁹ Timoteo, mū yū magū irirosū āārā. Irasirigu yū mūrē: “Āsū irika!” āri werea. Iro dupuyuro Marīpū marīyarārē mū iriburire mūrē weredoredi āārīmi. Irasirigu, Īgūsā mūrē: “Marīpūyare Īgū turaro merā āsū irigukoa”, āri werederosūta Īgūrē buremurīrē piriro marīrō gūñaturari merā irika! “Marīpū ĩūrō ñerō iridea waja opabea”, āri, ōārō gūñagū āārīka! Surāyeri: “Ñerīrē iribirikōārō gāāmea”, āri gūñakererā, ñerō irima. Irasirirā Jesūyare buremurīrē poyanorēma. ²⁰ I, Himeneorē, Alejandore irasūta waabū. Irasirigu Īgūsā pērārē wātēa opū Satanās Īgū gāāmerō iriburo, āriḡū, Jesūre buremurā merā āārīnemodorebiribū. Marīpure ñerō āri werenīnemobirikōāburo, āriḡū, irasiribū.

2

Marīpure sērērā āsū iriro gāāmea, āri gojadea

¹ Mūsārē āsū iridorepuroria. Āārīpererāya āārīburire Marīpure sērēbosaka! Īgūsārē ōārō iritamu, bopoñarī merā ĩāburo, ārīrā, Īgūsārē sērēbosaka! Īgūrē: “Mū merā usuyāa”, ārīka! ² Oparāya āārīburire, masakare dorerā āārīpererāya āārīburidere Marīpure sērēbosaka, ōārō doreburo, ārīrā! Īgūsā ōārō doremakū, gopeyari merā Marīpure buremu, Īgū gāāmerī direta iri, ōārō siuñajārī merā āārīrikurākoa. ³ Marī gajerāya āārīburire Marīpure sērēbosamakū ōāgorāa. Irire marī irimakū ĩāgū, Marīpū marīrē taugū usuyari merā marīrē ĩāmi. ⁴ Īgūta āārīpererā masakare perebiri peamegue waabirimakū gāāmemi. Diayema āārīrīdere masīmakū gāāmemi. ⁵ Īgū suguta Marīpū āārīmi. Jesucristo, Marīpū merā marī masakare ōārō āārīmakū āmubosagu suguta āārīmi. Īgū marī irirosū dupukugū āārīmi. ⁶ Īgū curusague boari merā āārīpererā masakare Īgūsā ñerī iridea wajare wajaribosadi āārīmi Īgūsārē taugū. Irasirigu Marīpū Īgū masakare irire masīmakū iriripoe ejamakū, iri kerere wererārē weredoremi āārīpererā masīburo, āriḡū. ⁷ Jesucristo judío masaka āārīmerārē iri kerere weredoregū, Īgūsārē Īgūrē buremurīrē, Īgūyama diaye āārīrīrē yure buedoregū pīmi. Irire diayeta mūrē werea. Āriḡatogu meta yāa.

⁸ Yū āārīperero marā ūmarē guaro marīrō, gāme guaseoro marīrō Marīpūyare ōārō irirārē mojōrī soemu, Marīpure sērēmakū gāāmea. ⁹ Nomerē, ūma merā ñerō irirā nome sāñarōsūpero sāñabirimakū gāāmea. Ōārō keoro Īgūsārē ejari surīre sāñaburo. Gajerā Īgūsārē: “Ōārō deyoma”, āri gūñamakū iriduarā, Īgūsāya poañapure wñapuwea nome āārīduarī direta gūñarikūbirikōāburo. Īgūsāya dupuridere oro merā, perla wāikuri yeri wajapari yeri merā iridea merā mamubirikōāburo. Wajapari surīdere sāñabirikōāburo. ¹⁰ Masaka Īgūsārē: “Ōārā āārīma”, āri gūñaburo, ārīrā, āsū gapū iriburo. Gajerā nome: “Marīpure buremua”, ārīrā nome irirosūta ōārīrē iriburo. ¹¹ Jesūre buremurā nerērōgue nerērārē Marīpūyare buerimasā bueripoere nome werenīrō marīrō buremurī merā pēburo. ¹² Mūsā nerērōgue nerēmakū, nome ūmarē buebirikōāburo. Īgūsārē dorebirikōāburo. Werenīrō marīrō buerimasā buerire pēburo. ¹³ Āsū āārā. Marīpū Adārē iripuroridi āārīmi. Pūru Evare iridi āārīmi. ¹⁴ Adán, wātī āriḡatosūdi meta āārīdi āārīmi. Eva gapū wātī āriḡatorire buremusīā, Marīpū dorerire tarinugādeo āārīmó.

¹⁵ Irasũ aãrĩkerepuru, igo pũrãkũdea merã* Jesũre buremu, gajerãrẽ maĩ, ñerõ iribiri, diayema gapure irirãno tausũrãkuma.

3

Jesũre buremurã oparãyamarẽ gojadea

¹ I yu wereburi diayeta aãrã. Sugu Jesũre buremurã opu aãrĩduagu, õãrĩ moãrĩrẽ iridũagu aãrĩmi. ² Irasiridũaguno ãsũ aãrĩburo. Masaka: “Ñerõ irigu aãrĩmi”, aãrĩsũña marĩgũ, sugoreta marãpokũgu, pẽmasĩrĩ merã iririkũgu, diayemarẽ irigu, masaka buremusũgũ, ãgũya wii gãmeñajãrã ejarãrẽ õãrõ bokatĩrĩñeãgũ, gajerãrẽ õãrõ buegu aãrĩburo. ³ Neõ mejãbi, gãmekẽãduabi, gajerã merã guaseobi, ñerõ iriri merã niyeru wajatadũabi aãrĩburo. Irasirirono irigu: masakare bopoñarĩ merã iritamugũ, niyerure uaribejabi aãrĩburo. ⁴ ãgũya wii marãrẽ õãrõ doremasĩgũ, ãgũ pũrãrẽ buremurĩ merã ãgũrẽ õãrõ yujũmakũ irigu aãrĩburo. ⁵ ãgũya wii marãrẽ doremasĩbi, Marĩpũre buremurĩ bumarãrẽ irota nemorõ koremasĩbirikumi. ⁶ Sugu Jesũre buremurã opu aãrĩduagu maama buremunũgãgũ aãrĩbirikõãburo. Maama buremunũgãgũ gajipoe irigu ãgũ: “Gajerã nemorõ aãrã yu”, aãrĩ gũñabokumi. Irasũ aãrĩ gũñagũ, wãtĩ gũñaderosũ gũñabokumi. Irasirigu Marĩpũ wãtĩrẽ wajamoãderosũ ãgũrẽ iribokumi. ⁷ Irasirigu Jesũre buremurã opu aãrĩbu Jesũre buremumerã: “Õãgũ aãrĩmi”, aãrĩsũgũ aãrĩburo. ãgũ õãrĩrẽ iribirimakũ ãrã, ãgũrẽ ñerõ werenĩbokuma. Wãtĩ ãgũrẽ ñerĩ iridorerire iribokumi.

Jesũre buremurã oparãrẽ iritamurãyamarẽ gojadea

⁸ Jesũre buremurã oparãrẽ iritamurãde masaka buremusũrã aãrĩburo. ãrĩgatori marĩrõ wererã, mejãmerã, ñerõ iriri merã niyerure wajatadũamerã aãrĩburo. ⁹ Jesũya diayema aãrĩrĩrẽ Marĩpũ marĩrẽ ãmudeare piriro marĩrõ buremurã: “Marĩpũ ãũrõ waja opabea”, aãrĩ gũñarã aãrĩburo. ¹⁰ ãgũsãrẽ sóoburi dupuyuro ãgũsã aãrĩrikũrere õãrõ ãburo. Pũru ãgũsã õãrõ aãrĩrikũrere ããdo: “Waja opabema”, aãrĩ, ãgũsãrẽ sóoburo. ¹¹ Jesũre buremurã oparãrẽ iritamurã nomede irasũta masaka buremusũrã aãrĩburo. Gajerãrẽ ñerõ kere aãrĩ weremerã nome, pẽmasĩrĩ merã irirã nome, õãrĩrẽ irinĩrã nome aãrĩburo. ¹² Sugu Jesũre buremurã oparãrẽ iritamugũ sugoreta marãpokũgu, ãgũ pũrãrẽ, gajerãrẽ ãgũya wii marãrẽ õãrõ doremasĩgũ aãrĩburo. ¹³ Jesũre buremurã oparãrẽ iritamurã õãrõ iritamumakũ ãrã, gajerã ãgũsãrẽ: “Õãrõ yãma”, aãrĩrãkuma. Irasirirã gũiro marĩrõ gũyasĩrĩrĩ marĩrõ gũñaturari merã ãgũsã Jesucristore buremurĩrẽ gajerãrẽ wererãkuma.

Jesũyamarẽ gojadea

¹⁴⁻¹⁵ Mata yu mu pũrogue waadũadãa. Waadũakeregu, gajipoe irigu waamasĩbiribokoa. Irasirigu i pũ merã mũrẽ: “Marĩpũ pũrã ãsũ iriburo”, aãrĩ were gojãa. Marĩpũ pũrã Jesũre buremurĩ bumarã Marĩpũ okanĩgũyarã aãrĩma. ãgũsãta Marĩpũya diayemarẽ buremurã, gajerãrẽ irire buerã aãrĩma. ¹⁶ Marĩ: “I diayeta aãrã”, aãrĩ masãa. Marĩpũya diayema, marĩ dupuyuro masĩbiridea, ãgũ marĩrẽ ãmudea õãtaria. I ãsũ aãrã:

Marĩpũ magũ marĩ irirosũ dupũkũgu deyoadi aãrĩmi. Õãgũ deyomarĩgũ: “ãgũ diayema irigu aãrĩmi”, aãrĩrẽ marĩrẽ masĩmakũ iridi aãrĩmi.

* **2:15** Génesis 3.15: Eva Marĩpũ dorerire tarinũgãdero pũru, Marĩpũ aãrĩnĩgũ pĩrũrẽ ãsũ ãrĩdi aãrĩmi: “Igo nomeõ mũrẽ ããduabirikumo. Dapagã merã igo parãmerã aãrĩturiarãde mu parãmerã aãrĩturiarãrẽ ããduabirikuma. Mu, sugu igo parãmerã aãrĩturiagũya gubure kũrĩmakũ, ãgũ gapũ mũya dipurure kũramutũgũkumi”, aãrĩdi aãrĩmi. Irasirigu Jesũs, Eva pũrãkũdi parãmerã aãrĩturiagũta, marĩ ãgũrẽ buremurãrẽ taugu aãrĩmi.

Marĩpũre wereboerã ĩgũrẽ ĩãnerã ããrĩmá. ĩgũyarã ĩgũya kerere ããrĩperero marãrẽ werenerã ããrĩmá. Irasirirã i ũmũguere masaka ĩgũrẽ bũremunerã ããrĩmá. Pũru Marĩpũ ũmũgasigue ĩgũrẽ ãĩmũrĩadi ããrĩmĩ.

4

Pablo Timoteore Jesũre bũremudinerã ĩgũrẽ bũremuduũrãymarẽ gojadea

¹ Ōãgũ deyomarĩgũ ire pemasĩma ōãrõ marĩrẽ weremi. I ũmũ pereburi dupuyuro surãyeri masaka Jesũre bũremudinerã ĩgũrẽ bũremuduũrãkuma. Wãtẽa ãrĩgatorire, wãtẽaya buerire pẽtũyarãkuma. ² Irigatorikarã irire buemakũ pẽrã: “Ōãrĩ bueri ããrã”, ãrĩ gũñarãkuma. Ārĩgatori merã buekererã, ĩgũsã basi: “Ñerõ irirã yáa”, neõ ãrĩ gũñabirikuma. ³ Masakare: “Marãpokũbirikõãka! I baarire baabirikõãka!” ãrĩma. Marĩpũ ããrĩpereri marĩ baaburire iridi ããrĩmĩ. Irasirirã marĩ Jesũre bũremurã diayemarẽ masĩrã, ĩgũrẽ: “Ōãa”, ãrĩ, ũsũyari sĩ odo, baarire baamasĩa. ⁴ Āãrĩpereri Marĩpũ iridea ōãrĩ ããrã. Irasirirã ĩgũ irideare: “Gããmebea”, ãrĩbirikõãrã! ĩgũrẽ: “Ōãa”, ãrĩ, ũsũyari sĩ odo, baaro gããmea. ⁵ Marĩpũ ĩgũ irideare: “Ōãa”, ãrĩ weresiadi ããrĩmĩ. Irasirirã marĩ baaburi dupuyuro ĩgũrẽ: “Ōãa”, ãrĩ, ũsũyari sĩmakũ, marĩ baarire ōãrĩ waamakũ yámi.

Pablo Jesũre moãboegũymarẽ weredeã

⁶ Mũ, i yũ weredeare Jesũre bũremurãrẽ buegũ, Jesucristore ōãrõ moãboegũ ããrĩgũkoa. Irasirigũ Marĩpũya werenĩrĩ marĩ bũremurĩrẽ, ĩgũyare ōãrĩ buerire mũ ōãrõ iritũyarire gũñaturari merã bũremunemogũkoa. ⁷ Masaka i ũmũmarẽ ĩgũsã basi ĩgũsã gũñarĩ merã kere wererire pẽbirikõãka! Iri Marĩpũya ããrĩbea. Marĩpũ gããmerĩ direta iritũyawãgãnĩka! ⁸ Marĩ ōãrõ moãpaumakũ ōãgoráa. I nemorõ Marĩpũ gããmerĩrẽ ōãrõ irimakũ ōãtaria. ĩgũ gããmerĩrẽ iripaurã, i ũmũguere marĩ ĩgũ merã ōãrõ ããrã. Pũru ũmũgasiguedere ĩgũ merã ããrĩrãkoa. ⁹ Iri yũ wereri diayeta ããrã. Āãrĩpererã irire: “Diayeta ããrã”, ãrĩ bũremurõ gããmea. ¹⁰ Irasirirã marĩ gajerãrẽ Marĩpũyare buerã, ñerõ tari, bũro moãa. Marĩpũ okanĩgũ marĩrẽ ōãrõ iriburire ũsũyari merã yúsĩa, irasũ yáa. ĩgũ ããrĩpererãrẽ taugũ ããrĩmĩ. Jesũre bũremurã direta taugũkumi ĩgũ pũro ããrĩburo, ãrĩgũ.

¹¹ Jesũre bũremurãrẽ iri ããrĩpereri yũ ãrĩrĩrẽ iridore, bueka! ¹² Gajerã, mũ maamũ ããrĩmakũ ĩãrã, mũrẽ pẽduabiribokuma. Irasirigũ, Jesũre bũremurãrẽ mũrẽ pẽburo, ãrĩgũ, ōãrĩrẽ werenĩka! Ōãrõ irinĩka! Gajerãrẽ maĩka! Jesũre bũremutũyanĩkõãka! Marĩpũ ĩũrõ ñerĩ marĩgũ ããrĩka! Mũrẽ ĩãkũlburo, ãrĩgũ, irasirika! ¹³ Yũ, mũ pũrogue ejaburo dupuyuro Jesũre bũremurã nerẽrãrẽ Marĩpũyare gojadea pũrẽ bue ĩmuka! ĩgũsãrẽ: “Āsũ ããrĩrikũka!” ãrĩ wereka! Marĩpũyare ōãrõ bueka, ĩgũsã irire masĩnemoburo, ãrĩgũ! ¹⁴ Iro dupuyuro Marĩpũ Jesũre bũremurã oparã mũrãrẽ mũrẽ weredoredi ããrĩmĩ. Irasirigũ, ĩgũsãya mojõrĩ merã mũrẽ ñapeomakũ, ĩgũ turarire sĩdi ããrĩmĩ, ĩgũ weredorederosũta mũ ĩgũyare irimasĩburo, ãrĩgũ. Irasirigũ, ĩgũ mũrẽ irimasĩrĩ sĩrĩrẽ kãtibirikõãka!

¹⁵ Irire gũña, irinĩka, ããrĩpererã mũ Marĩpũyare irimasĩnemowãgãrĩre ĩãburo, ãrĩgũ! ¹⁶ “¿Ōãrõ irigũ yãri?” ãrĩ gũñagũ, mũ iririkũrĩre, gajerãrẽ mũ buerire gũñaka! Ōãrĩ direta irinĩka! Irasirirã mũ, mũrẽ pẽnerãde tausũrãkoa.

5

Pablo Timoteore: “Jesũre bũremurãrẽ ãsũ irika!” ãrĩ gojadea

1 M̄urārē turibirikōāka! M̄upure m̄u ōārō irirosūta m̄urādere ōārō b̄uremurī merā wereka! M̄u pagupūrārē m̄u ōārō irirosūta maamarādere b̄uremurī merā wereka! 2 M̄upore m̄u ōārō irirosūta m̄urā nomedere ōārō b̄uremurī merā wereka! M̄u pagupūrā nomerē m̄u ōārō irirosūta nómmedere ñerō ɯaribejaro marīrō ōārō b̄uremurī merā wereka!

3 Wapiweyarā nome iritamusūña marīrārē iritamuka! 4 Wapiweyo pūrākudeo āārīmakū, parāmerākudeo āārīmakūdere ĩgūsā igore iritamuburo, igo ĩgūsārē masūdea waja. Irasū iritamurā, Marīp̄u ĩgūsāyarārē iritamudorederosūta irirā yáma. ĩgūsā irasiriri merā Marīp̄ure ɯɯyari merā ĩāmakū yáma. 5 Bopogo wapiweyo igoyarā marīgō: “Marīp̄u yure iritamugukumi”, ārī gūñamo. Irasirigo ɯmurī, ñamirī Marīp̄ure: “Iritamuka yure!” ārī sērēnikōāmo. 6 Gajego wapiweyo igo gāāmerī direta irimoāmagō, okago āārīkerego, boadeo irirosū Marīp̄u gāāmerīrē irimasībeo āārīmo. 7 Iri āārīpereri wapiweyarā nomerē iritamurīmarē yɯ m̄urē gojarire Jesúre b̄uremurārē wereka, gajerā ĩgūsārē: “Ñerō yáma, ĩgūsāyarārē iritamubema”, ārī werewɯabirikōāburo, ārīgū! 8 Suḡu ĩgūyarārē, ĩgūya wii marādere ōārō korebi: “Jesúre b̄uremubea”, ārīgū irirosū yámi. Jesúre b̄urenumerā nemorō ñerō iriḡu āārīmi.

9 Wapiweyarā nomerē iritamuburi dupuyuro, papera pūgue āsū āārīrā nomerē gojatúka! Búro, sesenta bojori nemorō opago, sugureta marāpukudeo āārīburo. 10 Masaka: “Igo ōārīrē irigo āārīmo”, ārīsūgō, igo pūrārē ōārō masūdeo, igoya wiire gāmeñajārā ejarārē ōārō bokatīrīñeāgō, moāboego irirosū Jesúre b̄uremurārē iritamugō, ñerō tarirārē iritamugō, āārīpererārē bopoñarī merā ĩāgō, gajino ōārīrē irinīgō āārīburo.

11 Wapiweyarā nome, nómeweya nome āārīmakū, i papera pūgue gojatúbirikōāka! ĩgūsā Cristoyare iriduaro nemorō ɯma merā āārīduarā, dupaturi marāpukuduabokuma. 12 Irasū ĩgūsā dupaturi marāpukurā, ĩgūsā: “Marāp̄u marīgō, Cristoya direta irigokoa”, ārīdeare iribiribokuma. Irire iribiridea waja, waja opabokuma. 13 ĩgūsā dupaturi marāpukumerā, tērikurā, gajerāya wiirigue gāmeñajāgorenarā, gajerārē ñerī kerere werenírā, gajerārē ĩgūsāyamarē sērēñarikurā, gajerā ĩgūsārē weredorebirideareta masakare weregorenarā dujabokuma. 14 Irasiriḡu: “ĩgūsārē, gajerā wapiweyarā nome m̄urārē iritamurōsū iritamubirikōārō gāāmea”, ārī werea. Dupaturi marāpuk̄u, pūrākuburo doja. ĩgūsāya wii marārē ōārō koreburo. ĩgūsā irasirimakū, ñegū marīrē ĩāturiḡu masakare ĩgūsārē: “Ñerīrē irirā yáma”, ārī werewɯamakū iribiribokumi. 15 Surāyeri wapiweyarā nome Cristoyare pirikōā, wātēa op̄u Satanáya gapure irituyasiama.

16 Jesúre b̄uremurā, ĩgūsāyarā wapiweyarā nome āārīmakū ĩgūsārē iritamuburo. Jesúre b̄uremurī bumarāguere ĩgūsārē iritamudorebirikōāburo. Irasirirā Jesúre b̄uremurī bumarā gajerā wapiweyarā nome iritamuña marīrā gapure iritamumasīma.

17 Jesúre b̄uremurā oparā m̄urā ĩgūsāyarārē ōārō dorerārē gajerārē b̄uremurō nemorō b̄uremurō gāāmea. ĩgūsā ōārō moārī waja ōārō wajariburo. Surāyeri Marīp̄uyare wererā, ĩgūsāyarārē buerā āārīma. 18 Marīp̄uya werenírī gojadea pūgue, suḡu moāgūrē marī wajariburire āsū ārī gojasūdero āārībú: “Wek̄u trigo yeri gasirire ĩgūya guburi merā kura koro, trigore baad̄uaḡu baaburo. ĩgūya disi túsārī berore túsābirikōāka!” ārī gojasūdero āārībú. Gajero āsū ārī gojasūdero āārībú: “Moāgūrē ĩgū moārī wajare wajariro gāāmea”.

19 Suḡuta Jesúre b̄uremurā opure: “Ñerīrē iriami”, ārī werewɯamakū pébirikōāka! Pērā o ɯrerā ĩgū irideare ĩānerā ĩgūrē werewɯarire péka! 20 Jesúre

buremurā nerērōgue āārīpererā péurogue ñerō irigure: “Irire neō irinemo-birikōāka!” ārī wereka, gajerā güirā, ĩgū irirosū iribirikōāburo, ārīgū!

²¹ Y_u, Marīp_u ĩūrō, Jesucristo ĩūrō, irasū āārīmakū Marīp_ure wereboerā ĩgū beyenerā ĩūrōguedere murē āsū ārī weregura. Y_u murē dorerire irig_u, āārīpererā Jesúre buremurārē buremurī merā surosū ĩāka! M_usā surāyeri ĩgūsārē ōārō irirosū, gajerā ĩgūsā watope marādere surosū ōārō irika!

²² Gajerārē Jesúre buremurā oparā āārīmurārē m_uya mojōrī merā ñapeo, ĩgūsārē sóoburi dupuyuro ĩgūsā āārīk_urire ōārō ĩāp_urorika! Ñerīrē irirārē sóogu, ĩgūsā irirosūta m_ude ñerō irig_u āārībokoa. Āārīpereri ñerīrē iribita āārīk_uka!

²³ M_u paru pūrīrī opag_u āārā. Irasirig_u irire kúkg_u, deko direta ĩiribirikōāka! Mérōgā iguí deko pāmudeadere ĩrīka!

²⁴ M_u Jesúre buremurā oparā āārīmurārē ĩgūsā āārīk_urire ĩāgū, ire ōārō masīka! Marīp_u ñerārē wajamoāburi dupuyuro surāyeri masaka ĩgūsā ñerīrē iririre marī ĩāmasīa. Gajerā gap_ure ĩgūsā ñerī iririre ĩāmasībea. Marīp_u āārīpererā ñerārē wajamoārīn_u āārīmakū, ĩgūsā ñerī irideare masīrākoa.

²⁵ Irasūta masaka ĩgūsā ōārī iririre ĩāmasīsūa. Gajerā ĩgūsā ōārīrē iririre daporare ĩāmasībirikererā, p_urgue masīrākoa.

6

¹ Moārīmasā Jesúre buremurā ĩgūsā oparā dorerire gopeyari merā iriburo. ĩgūsā irasirimakū ĩārā, gajerā Marīp_ure, marī bueridere ñerō ārī werenībirikuma. ² ĩgūsā oparā Jesúre buremurā āārīmakū: “ĩgūsā guare dore-birikōārō gāāmea”, ārī güñabirikōāburo. Irasū güñarōno irirā ĩgūsā dorerire buremurī merā iriburo. “Marī oparā Jesúre buremurā āārīmakū, ĩgūsārē maīa, irasirirā ĩgūsārē ōārō moāboerākoa”, ārī güñaburo. I y_u were gojarire Jesúre buremurārē bueka!

Marīp_ure buremurīmarē, ōārō āārīk_urimadere gojadea

³ Masakare ārīgatori merā buerā marī Op_u Jesucristoya diayema āārīrīrē buedeare buremubema. Marīp_uyare marī buremurīrē gāāmemerā āārīma.

⁴ “Gajerā nemorō masīa”, ārī güñakererā, diayemarē neō masībema. Pémasīmerā irirosū masaka werenīrīrē gāme guaseod_uarā āārīma. Irasirirā gajerārē gāme ĩāturi, gāme ĩād_uabiri, ñerō kere gāme ārī were, ñerō gāme güñamakū yāma.

⁵ Diaye güñamerārē gāme guaseonīmakū yāma. ĩgūsā diayema āārīrīrē masīmerā āārīmakū, ĩgūsārē: “Marīp_uyare irit_uyarā, wāro niyerure wajatarākoa”, ārī güñamakū yāma. ĩgūsānorē wapik_ubirikōāka!

⁶ Marī, Marīp_uyare buremurīrē ōārō irit_uyarā, wāri ōārī oparā irirosū āārā. I merā us_uyāa.

⁷ Marī i ām_uguere deyoarā, neō gajino merā deyoabirib_u. Boarāde neō gajinorē āābirikoa.

⁸ Irasirirā surī, baari marī dapora opari merāta us_uyaro gāāmea.

⁹ Gajerā gap_u wāri opad_uasīā, ĩgūsā ñerī irid_uarire pirimerā, pémasīrī marīrō ñerīrē _uaribejarā dujama. Irasirirā iri merā ĩgūsā basita poyanorēsīā, peamegue béosūrākuma.

¹⁰ Niyeru maīrī, masakare āārīpereri ñerīrē irin_ugāmakū iriri āārā. Surāyeri niyerure b_uro gāāmerā, Jesúyare buremuadideare piri, ĩgūsā basita b_uro b_ujawereri bokama.

Pablo Timoteore: “M_u Jesúre buremurīrē neō piribirikōāka!” ārī gojadea

¹¹ M_u tamerā Marīp_uyag_u i āārīpereri ñerīrē _uaribejabirikōāka! Diayema irig_u, Marīp_u gāāmerīrē irig_u, ĩgūyare: “Diaye āārā”, ārī buremug_u, gajerārē maīgū, ñerō tarikereg_u güñaturari merā Marīp_uyare irig_u, “Gajerā nemorō āārā”, ārī güñarō marīrō ĩgūsārē iritamug_u āārīka!

¹² Marīp_u murē siiudi āārīmī, ĩgū p_uro perebiri okari opaburo, ārīgū. Irasirig_u Jesucristore m_u

buremurĩrẽ wárã masaka péurogue werebũ. Iri okarire opabu, ñerõ tarikeregũ, ãgũrẽ buremurĩrẽ piribirikõãka! ¹³ Yũ, Marĩpũ ããĩpererãrẽ okari sĩgũ ãũrõ, Jesucristo ãgũyamarẽ Poncio Pilatore diaye weredi ãũrõ ire mũrẽ iridorea. ¹⁴ Jesucristo i ãmũguere dupaturi aarimakũguedere ñerĩ marĩgũ, masaka werewũasũña marĩgũ ãgũ doredeare gorawayuro marĩrõ irinĩkõãka! ¹⁵ Marĩpũ ãgũ: “Ãsũ irigũra”, ããĩdeare iririnũ ejamakũ, Jesucristore dupaturi iriugũkumi. ãgũ sugũta õãtarigũ, turagũ, ããĩpererã oparã nemorõ Opũ, ããĩpererã dorerã nemorõ Doregũ ããĩĩmi. ¹⁶ ãgũ sugũta neõ boabi ããĩĩmi. Boyorogue neõ sugũ masakũ ejamasĩberogue ããĩĩmi. Neõ sugũ masakũ ãgũrẽ ããĩĩdi, ãgũrẽ ããĩĩde mámi. Irasirirã neõ piriro marĩrõ ããĩpererinũrĩ ãgũrẽ: “Turataria mũ”, ããĩ buremurã! Irasũta irirã!

¹⁷ I ãmũmarẽ wári oparãrẽ ãsũ ããĩ wereka: “ ‘Gajerã nemorõ ããã’, neõ ããĩ gũñabirikõãka! Mũsã opari pereakõãrokoa. Irasirirã: ‘Yũ wári opari merã õãrõ ããĩgũkoa’, ããĩ gũñabirikõãka! ‘Marĩpũ yũre sĩrĩ merã õãrõ ããĩgũkoa’, ããĩ gũñaka!” ããĩka ãgũsãrẽ! Marĩpũ marĩrẽ ããĩpereri marĩ oparire sĩmi, iri merã mũyaburo, ããĩgũ. ¹⁸ Wári oparã õãĩrẽ iriburo. ãgũsã wári opari merã opamerãrẽ iritamuburo. ãgũsãrẽ iritamurã, ãgũsã oparire õãrõ merã sĩburo. ¹⁹ ãgũsã irasirirã, wári ãmũgasimarẽ opasiarãkuma. Irogue ããĩrĩrĩ neõ perebirikoa. Irasirirã irogue Marĩpũ merã perebiri okari opanĩkõãrãkuma.

Pablo Timoteore doretũnudea

²⁰ Timoteo, Marĩpũ mũrẽ weredoregũ pídeare piribirikõãka! Marĩpũre gããmemerã i ãmũma ubu ããĩrĩrĩ werenĩrĩrẽ, ãgũsã noó gããmerõ werenĩmoãmarĩdere pẽtũyabirikõãka! “Marĩ werenĩrĩ, masĩĩmasã werenĩrĩ ããã”, ããĩkererã, Marĩpũyare masĩrã irirosũ werenĩrã meta yãma. ²¹ Surãyeri ãgũsã werenĩrĩrẽ pẽtũyarã, Marĩpũyare ãgũsã buremuadideare pirinokõãma.

Marĩpũ mũrẽ õãrõ iritamuburo. Irasũta iriburo.

Iropãta ããã.

Pablo

2 TIMOTEO

Pablo Timoteore òãdoredea

¹ Y_u Pablo mure òãdorea. Marĩpu gããmederosũta Jesucristo yure beyepidi ããrĩmĩ. Marĩpu: “Jesucristore buremurã y_u merã òãrõ ããrĩrãkuma”, ãrĩdeare yure masakare buedoreg_u beyepidi ããrĩmĩ. ² M_u diayeta y_u magũ irirosũ ããrĩgũ ããrã. Irasirig_u mure ire gojáa. Marĩpu ããrĩnĩgũ, marĩ Op_u Jesucristo mure iritamu, bopoñarĩ merã ãã, siuñajãrĩ merã ããrĩrikumakũ iriburo.

Pablo Timoteore: “Masakare Cristoyare wereka!” ãrĩ gojadea

³ Y_u Marĩpure sërërik_u, mure gũñáa. Ëmurik_u, ñamirik_u ãgũrë: “Òãa”, ãrĩ, usuyari sĩ, muya ããrĩburire sërëbosanĩkõãa. Y_u ñekũsãmarã ãgũrë buremuderõsũta: “Y_u, ãgũ ããrĩ waja opabi ããrã”, ãrĩ masĩrĩ merã yude ãgũrë buremua. ⁴ Y_u, m_u pũrogue ããrãdi waamakũ m_u oredeare gũñanĩsĩã, mure ããrĩdoja, m_u merã bure usuyadug_u. ⁵ M_u Jesure diayeta buremurĩrë gũñáa. M_u ãgũrë buremuburi dupuyuro m_u ñekõ Loida, mupo Eunicede Jesure buremupũrorima. Daporare y_u òãrõ masĩa. ãgũsã ãgũrë buremurĩ oparosũta mude opáa.

⁶ Irasirig_u ire mure gũñamakũ iridũáa. Iro dupuyuro yaa mojõrĩ merã mure y_u ñapeomakũ, Marĩpu ãgũ turarire mure sĩmi, ãgũyare irimasĩburo, ãrĩgũ. Daporare ãgũ mure iridorederõsũta ãgũ turari merã ãgũyare iriwãgãnĩka!

⁷ Marĩpu marĩrë Òãgũ deyomarĩgũrë sĩmi. Òãgũ deyomarĩgũ marĩrë gũimakũ irig_u meta ããrĩmĩ. Marĩpuyare ãgũ turari merã irirã, masakare maĩrã, pemasĩrĩ merã irirã ããrĩmakũ irig_u ããrĩmĩ. ⁸ Irasirig_u marĩ Op_uyare gajerãrë wereg_u, gũyasĩrĩbirikõãka! ãgũyare gajerãrë y_u weredea waja peresugue ããrĩmakũ, yure gũyasĩrĩsãbirikõãka! M_u Marĩpu masakare tauri kerere wereri waja y_u irirosũ ñerõ tarig_u: “Òãrokõa”, ãrĩ gũñaka! Marĩpu mure turaro sĩrõpã irasirika! ⁹ Marĩpu marĩrë perebiri peamegue waabonerãrë taudi ããrĩmĩ. Òãrã ãgũyarã ããrĩburo, ãrĩgũ, marĩrë siuudi ããrĩmĩ. “Òãrĩrë yãma, irasirig_u ãgũsãrë siub_u”, ãrĩ gũñagũ meta siuudi ããrĩmĩ. ãgũ marĩrë Jesucristoyarãrë maĩgũ i ããrĩmĩ iriburi dupuyuro: “ãgũsãrë taugũra”, ãrĩ gũña, marĩrë beyedi ããrĩmĩ. ¹⁰ Irasirig_u Jesucristore marĩrë taugũre iriug_u, ãgũ marĩrë diayeta maĩrĩrë masĩmakũ iridi ããrĩmĩ. Jesucristo marĩrë ãgũrë buremurãrë perebiri peamegue waamurã ããrĩmakũ neõ iribiridi ããrĩmĩ. ãgũ marĩrë tauri kerere weredeare buremurĩ merã marĩrë Marĩpu pũro ãgũ merã ããrĩnĩburire masĩmakũ iridi ããrĩmĩ.

¹¹ Marĩpu yure iri kerere weredoreg_u beyedi ããrĩmĩ judío masaka ããrĩmerãrë Jesucristoyare buedoreg_u. ¹² Irire bueri waja y_u bure ñerõ taria. Ñerõ tarikereg_u, Jesure y_u gũñaturari merã buremugũrë masĩa. Irasirig_u peresugue ããrĩkereg_u, gũyasĩrĩrõ marĩrõ ããrĩkõãa. Jesuta turag_u, yure ãgũyare buedoreg_u pídi, yure òãrõ koreg_u ããrĩmĩ. Irasirig_u dupaturi aarigũ, ãgũ yure buedoredea merã: “ããrĩ irigũra”, ãrĩdeare iriyuwarikũgũkumi. Irire masĩa.

¹³ Y_u mure diayema buedeare: “ããrĩ iriro gããmea yure”, ãrĩ, Jesure buremurĩ merã, gajerãrë maĩrĩ merã irinĩkõãka! Marĩ Jesuyarã ããrĩsĩã, irasirimãsiã.

¹⁴ Òãgũ deyomarĩgũ marĩguere ããrĩgũ iritamurĩ merã Marĩpu mure ãgũyare kerere weredoredeare gorawayuro marĩrõ wereka!

¹⁵ M_u masĩsiãa. Y_u peresugue ããrĩmakũ ããrĩ, ããrĩpererã Asia nikũ marã Jesure buremurã yure béowãgãperekõãma. ãgũsã watope ããrĩnerãde Figelo,

Hermógenesāde béowāgākōāma. ¹⁶ Onesíforo gapu irasiribirimi. Marī Opu ĩgūya wii marārē bopoñarī merā ĩāburo. Wári Onesíforo yure gūñaturamakū irimi. Yu peresugue āārīmakū ĩāgū, yure gūyasīrīsābirimi. ¹⁷ Irasirigu Romague ejagu, yure āmaníkōādi āārīmī. Yure bokagugue āmuduúmi. ¹⁸ Marī Opu dupaturi aarigú, ĩgūrē bopoñarī merā ĩāburo. Efesoguedere ĩgū marīrē iritamudeare mu ōārō masīsíaa.

2

Pablo Timoteore ōārō iridorerimarē gojadea

¹ Mu, Jesucristoyagu diayeta yu magū irirosū āārīgú āārā. Irasirigu Jesucristo iritamurī merā ĩgūrē gūñaturari merā bāremuníkōāka! ² Yu wārā masaka péurogue buemakū mu pédeare Jesucristoyare gūñaturarārē bueturi-aka! Irasirirā ĩrire gajerārē keoro buemasīrākuma.

³ Surara ñerō tarikeregu gūñaturakumi. ĩgū irirosū mu Jesucristoyagu gajerā ĩgūyarā merā ñerō tarikeregu gūñaturaka! ⁴ Surara ĩgū opu gāāmerōsū doreri direta irikumi. Surara āārībi moārōsū iribirikumi. Irasirigu mu ĩgū irirosū marī Opu doreri direta irika! ⁵ I irirosū ũma birarimasāde gajerā nemorō ũmakeregu, oparā dorerire keoro iribi, ĩgūsā ĩgūrē sīboadeare wajatabirikumi. Irasirigu marī Opu dorerire ōārō irika, ĩgū ōārī sīburire wajatabu! ⁶ Pooere ōārō moāgū ĩgū moādea waja iri pooema oteri dukare opapurorikumi. Irasirigu ĩgū irirosū marī Opuyare ōārō moāgū, gajerārē ĩgūyare bueri waja ĩgū mūrē sīrīrē opaguko. ⁷ Yu wererire ōārō gūñaka! Mu irasirimakū, marī Opu i āārīpererire masīmakū irigukumi.

⁸ Jesucristore gūñaka! ĩgū, opu David parāmi āārīturiagu āārīmi. ĩgūta boadigue masādi āārīmī marīrē peamegue waabonerārē taugu. Iri marīrē tauri kerereta yu werea. ⁹ Iri kerere wereri waja ñerō taria. Masaka yure ñerō irigu irirosū kōme dari merā sia, peresugue biadoboma. ĩgūsā yure peresu irikerepuru, Marīpuya kerere āārīpererogue pésūrokoa. ¹⁰ Irasirigu yu ñerō tarikeregu, gūñaturaníkōāa, Marīpu beyenerā ĩgū merā ōārō āārīburo, ārīgū. ĩgūsāde marī irirosūta Jesucristoyarā āārīma. Irasirigu, ĩgūsāde peamegue waabirikōāburo, ārīgū, irasū yāa. ¹¹ I diayeta āārā: Marī Jesucristore bāremurī waja gajerā marīrē wējēmakū, ũmugasigue ĩgū merā āārīnīkōārākoa.

¹² Marī ñerō tarikererā gūñaturari merā marī ĩgūrē bāremurīrē pirimerā, ĩgūyarārē dorerogue ĩgū merā dorerā āārīrākoa. Marī Jesúsre masīkererā gajerārē: “ĩgūrē masībea”, ārīmakū, ĩgūde marīrē: “Musārē masībea”, ārīgukumi.

¹³ Marī, ĩgū: “Āsū irigura”, ārīdeare bāremubirikerepuru, ĩgū ārīdeare diayeta irigukumi. Āārīpereri ĩgū ārīrī, diayeta āārā. Neō ārīgatomasībirikumi.

Pablo Timoteore keoro buerimarē gojadea

¹⁴ I yu were gojarire mu buerārē gūñanīmakū irika! Marī Opu ĩūrōrē ĩgūsārē turaro merā āsū ārī wereka! Masaka werenírīrē musā gāme guase-ori wajamāa. ĩrire pérārē diaye gūñamerā dujamakū yāa. ¹⁵ Mu gapu Marīpu ĩūrō ĩgūya direta buro iridugū āārīka! ĩgūya diayema kerere pémasīrī merā gajerārē keoro bueka! ĩgū mūrē: “Ōārō yāmi”, ārī ĩāburo, ārīgū, ōārō moāgū ĩgū moādeare gūyasīrīberosū āārību, irasirika! ¹⁶ Masaka i ũmama ubu āārīrī werenírīrē pébirikōāka! ĩrire irasū werenírā nemorō ñerīrē iriwāgānemorākuma. ¹⁷ ĩgūsā bueri, dupare kāmīrō boawāgārō irirosū gajerārē poyanorēa. ĩgūsā watopere Himeneo, Fileto āārīma. ¹⁸ ĩgūsā

Marĩpũya diayemarẽ buebema. “Jesũre bũremurã boanerã ĩgũsã dupũ merã masã, mũrĩasianerã ããrĩmã, irasirirã i ãmũ peremakũ, ĩgũsã dupaturi masãbirikuma”, ãrĩ buema. Irasũ ãrĩrã, surãyeri Jesũre bũremurãrẽ ĩgũya diayema buerire bũremuduũmakũ yãma. ¹⁹ Marĩpũya werenĩrĩ, ĩgũ marĩrẽ pĩdea neõ gorawayubea. Wii neõ boabiriburi borari merã õãrõ nũdea wii irirosũ ããrã. Neõ perebirikoa. ãsũ ãrĩ gojasũdero ããrĩbũ: “Marĩ Opũ ĩgũyarãrẽ masĩmi. ããrĩpererã: ‘ĩgũyarã ããrã’, ãrĩrã ñerĩ iririre pirikõãburo”.

²⁰ I keori merã ãsũ ãrĩ weregũra. Sugũ wãri opagũya wiiguere wãri soropari ããrĩkoa. Bosenũ ããrĩmakũ oro merã irideapari, plata merã irideapari baarogue peokuma. Diiari merã irideaparire, o kooãre ubu ããrĩrĩnũrĩrẽ peokuma. ²¹ Marĩ õãrĩ pari irirosũ ããrĩduarã, ããrĩpereri ñerĩrẽ opamerã ããrĩnĩkõãrõ gããmea. Irasirirã, marĩ Opũyarã ĩgũ irisũnerã ããrĩsĩã, ããrĩpereri ĩgũ iridorerire õãrõ irirã ããrĩrãkoa.

²² Irasirigũ, maamarã ñerĩ ãaribejarire iribirikõãka! Diayemarẽ irinĩka! Jesũre bũremunĩka! Masakadere maĩka! Gajerã merã õãrõ ããrĩrikũka! Irasũta ããrĩpererã ñerĩ opamerã marĩ Opũre sãrẽnrĩã merã ããrĩka! ²³ Pemasĩmerã ubu ããrĩrĩrẽ gãme guaseorire pãbirikõãka! Mũ masĩa. ĩgũsã irasũ gãme guaseo, pũru gãme turirãkuma. ²⁴ Mũ, marĩ Opũre moãboegu ããrã. Irasirigũ gajerã merã gãme turibirikõãka! ãsũ gapũ ããrĩka! ããrĩpererã merã õãrõ ããrĩgũ, ĩgũsãrẽ õãrõ buegũ, bopoñarĩrẽ opagũ ããrĩka! ²⁵ Gajerã mũ buerire gããmebirimakũ, ĩgũsãrẽ bũremurĩ merã õãrõ wereka! Marĩpũ ĩgũsãrẽ ĩgũsã ñerĩ iririre bũjawere, õãrĩ gapũre gorawayumakũ irigakumi, ãrĩgũ, irasirika! Irasirirã diayema ããrĩrĩrẽ masĩnũgãrãkuma. ²⁶ Irire masĩrã, pemasĩrãkuma. Wãtĩ ĩgũsãrẽ ĩgũ gããmerĩrẽ iridorerire pirirãkuma.

3

Pablo Timoteore i ãmũ pereburi dupuyuro ñerõ waaburire gojadea

¹ Ire masĩka! I ãmũ pereburi dupuyuro wãri ñerĩ aarirokoa. ² Masaka ãsũ ããrĩrãkuma. ĩgũsãya ããrĩburi direta gũñarã, niyerure ãaribejarã: “Gajerã nemorõ ããrã”, ãrĩ werenĩrã, gajerãrẽ ñerõ turirã, Marĩpũre ñerõ ãrĩ werenĩrã, pagusãmarãrẽ tarinũgãrã, gajerã ĩgũsãrẽ sũkerepũru: “ĩgũsã guare õãrõ iriabũ”, neõ ãrĩ, usũyari sũmerã, gopeyari merã Marĩpũyare bũremumerã ããrĩrãkuma. ³ Gajerãrẽ maĩrĩ merã iritamumerã, bopoñarĩ merã iãmerã, ñerĩ kere wererã, ñerĩ ãaribejarire pirimasĩmerã, gajerãrẽ ñerõ tarimakũ irirã, ããrĩpereri õãrĩrẽ doorã ããrĩrãkuma. ⁴ ĩgũsã merãmarãrẽ ĩgũsãrẽ ñerõ iriduarãguere wiarã, pemasĩrĩ marĩrõ ĩgũsã noó gããmerõ irirã, “Masĩpeorã ããrã”, ãrĩ gũñarã ããrĩrãkuma. Marĩpũre gããmerõnorẽ irirã, ĩgũsã gããmerõ ãaribejarire iri, usũyarã ããrĩrãkuma. ⁵ Masaka iũrõ Marĩpũre bũremurã irirosũ irikererã: “Marĩpũ gããmerĩrẽ ĩgũ turari merãta irimasĩã”, ãrĩ gũñamerã ããrĩrãkuma. “Yũ basi irire irimasĩã”, ãrĩ gũñarãkuma.

ĩgũsãnorẽ neõ wapikũbirikõãka! ⁶ ĩgũsãno ãsũ yãma. Masakaya wiirigũe õãrõ werenĩgato, ñajãa, pemasĩmerã nomerẽ ĩgũsã ãrĩgatorire pé bũremumakũ yãma. ĩgũsã nome bũro ñerĩrẽ irirã nome ããrĩsĩã, ããrĩpereri ñerĩ ãaribejarire iriduarã ããrĩma. ⁷ Gajino buerire buenĩkererã, Marĩpũya diayema gapũre neõ pemasĩbema. ⁸ Iripoegue marã Janes, Jambres yãa ããrĩnerã Moisés weredeare pãduabiriderosũ, ĩgũsã ãrĩgatori merã buerã diayemarẽ neõ pãduabema. Ñerĩ direta gũñapausĩã, Jesũre bũremumerã ããrĩma. ⁹ Irasũ ããrĩkererã, wãrã masakare ĩgũsã ãrĩgatori merã buerire pé bũremumakũ irimasĩbirikuma. Moisére pãduabirinerã Janes, Jambres waaderosũ ĩgũsãdere waarokoa. Irasirirã, ĩgũsãrẽ ãrĩgatorikũrã, pemasĩmerã ããrĩrĩrẽ ããrĩpererã iãmasĩrãkuma.

Pablo Timoteore doretūnudea

¹⁰ M_u gap_u y_u buedeare oārō iriníkōāa. Y_u āārīrikurire, y_u: “Āsū irig_ura”, ārī gūñarīrē, Jesúre y_u b_uremurīrē, masakare bopoñarī merā y_u iritamurīrē, ĩgūsārē y_u maīrīrē, ñerō tarikereg_u y_u gūñaturarire m_u masīa. ¹¹ Jesucristoyare y_u iridea waja masaka y_ure ñerō irima. Buro ñerō tarib_u. Y_u Antioquiague, Iconiogue, Listrague āārīmakū, āārīpereri y_ure waadeare, iri makārī marā y_ure ñerō tarimakū irideare m_u masīa. Y_u ñerō taririk_u, marī Op_u gap_u y_ure iritamumi. ¹² I diayeta āārā. Āārīpererā Jesucristoyarā Marīp_u gāāmerīrē iriníd_uarānorē gajerā ĩgūsārē ñerō tarimakū irirākuma. ¹³ Ñerā, ārīgatorikurā, ĩgūsā ñerō iridero nemorō ñerō irinemonirākuma. Gajerārē ĩgūsā ārīgatorire pé b_uremumakū irirā, ĩgūsāde gajerā ārīgatorire pé b_uremurā āārīma.

¹⁴ M_u gap_u y_u m_urē buedeare iriníkōāka! M_u Marīp_uyare: “Diayeta āārā”, ārī b_uremudeare piriro marīrō b_uremunikōāka! M_u masīa m_urē buenerārē. ¹⁵ M_u majīgūgueta, Marīp_uyare werenīrī gojadeare masīnugāyuro. Irasirigu ĩgūyare masīgū: “Marīp_u Jesucristore b_uremurārē taumi, perebiri peamegue waabirikōāburo, ārīgū”, ārī masīa. ¹⁶ Āārīpereri Marīp_uyare werenīrī gojadea, ĩgū masīrī sīrī merā gojadea āārā. Iri gojadeare buerā, diayemarē marī masīa. Marī ñerō irideare: “Ñegorab_u”, ārī, “Oārī gap_ure iriro gāāmea”, ārī masīa. Irasirirā iri pūgue gojadeare buerā, diayemarē irimasīa. ¹⁷ Marīp_u ĩgūyarārē ĩgūyare oārō masīdoreg_u, ĩgūya werenīrī gojadeare marīrē pídi āārīmī, āārīpereri oārīrē irimasīburo, ārīgū.

4

¹ Jesucristo āārīpererā Op_u i ũm_uguere dupaturi aarig_ukumi. Irasū aarig_u, masaka okarārē, boanerādere: “¿Niísā waja oparā, niísā gap_u waja opamerā āārīrī?” ārī beyeg_ukumi, waja oparārē wajamoābu. Irasirigu ĩgū ĩūrō, Marīp_u ĩūrōdere turaro merā m_urē dorea. ² Marīp_uyare kerere masakare ĩgūsā péduamakū, péduabirimakūdere wereka! ĩgūsārē ĩgūsā ñerī irideare masī, piridoreg_u, iri kerere wereka, oārī gap_ure iriburo, ārīgū! Buro bopoñarī merā pémasīma oārō ĩgūsārē irire bueka! ³ Puruguerē masaka Marīp_uyare oārī buerire péduabirikuma. Irasirirā ĩgūsā gāāmerīrē irirā, ĩgūsā péduari direta buemurārē wārā amarākuma. ⁴ Marīp_uyare diayema āārīrīrē béo, masaka ĩgūsā basi ĩgūsā gūñarī merā wererire pétyarākuma. ⁵ M_u gap_u pémasīrī merā diayemarē iriníkōāka! Ñerō tarikereg_u, gūñaturaka! Oārō irid_uari merā Jesús masakare tauri kerere bueka, peamegue waabirikōāburo, ārīgū! Marīp_u m_urē moādoredeare oārō iri odonúkōāka!

⁶ Y_u Marīp_uyare iridea waja okanemosūbirikoa, y_u boaburo mérō d_uyáa, ārī péñáa. ⁷ Y_u Jesucristo y_ure buedoreg_u pídeare oārō bueyuwarikub_u. ĩgū y_ure iridorerire oārō iri odonúb_u. Ñerō tarikereg_u, ĩgūrē b_uremurīrē neō piribirib_u. ⁸ Irasirig_u dapora y_u diayema iridea waja marī Op_u y_ure y_u wajatadeare sīb_urire _us_uyari merā yúa. ĩgūta diayemarē irig_u masakare: “¿Niísā waja oparā, niísā gap_u waja opamerā āārīrī?” ārī beyerin_u āārīmakū, y_u wajatadeare sīg_ukumi*. Y_u direta sīb_urikumi. Āārīpererā ĩgū aariburire burō ĩād_uari merā, ĩgūrē maīrī merā yúrārē irire sīg_ukumi.

Pablo Timoteore iridorenemodea

* **4:8** Sug_u ũma birarimasū gajirā nemorō oārō ũmagū, olivo wāikudima pūrī merā iridea berore wajatakumi. Masaka iri berore ĩgūya dipurugue peokuma, gajerārē ĩgū wajatadeare ĩmumurā. I irirosū, sug_u Jesúre b_uremugū ĩgū diayema iridea waja ũmagasigue perebiri okari wajatag_ukumi. Iri ũmagasigue perebiri okari wajatari, i berore wajatari irirosū āārā.

⁹ Mũ aariró bokatĩũrõ yũre ãgũ aarika! ¹⁰ Demas i mũmarẽ gããmesĩã, yũre béo, Tesalónicague waakõãmi. Crescente Galacia nikũgue, Titode Dalmaciague marĩ Opũyare buerã waama. ¹¹ Lucas dita yũ merã ããrĩmi. Irasirigũ Marcore ãma, ãgũrẽ ãrĩka! ãgũ yũre iritamugũkumi, marĩ Opũyare õãrõ moãburo, ãrĩgũ. ¹² Yũ Tíquicore Efesogue iriubu. ¹³ Mũ õõgue aarigũ, yũ weka sãñarĩ surĩrore, Troas wãĩkũri makã Carpoya wiigũ yũ pídeañerẽ ãrĩka! Yaa papera tũrũrĩrẽ ãrĩka! Waimũrãya gasiri merã iridea tũrũrĩdere bũro gããmea. Irasirigũ iridere ãrĩka!

¹⁴ Alejandro kõme merã moãrĩmasũ yũre ñetariro irimi. ãgũ yũre irasirideade waja marĩ Opũ ãgũrẽ wajamoãgũkumi. ¹⁵ ãgũ marĩ buerire neõ gããmebirigorami. Irasirigũ ãgũrẽ pémasĩka!

¹⁶ Oparã yũre peresugũ biadoborã yũ irideare sãrẽñapũrorimakũ, neõ sugũ yũre iritamubirimi. ããrĩpererã yũre béowãgãperekõãma. Marĩpũ ãgũsã yũre irasirideare kãtiburo. ¹⁷ ãgũsã yũre béowãgãkererũ, marĩ Opũ yũre iritamumi. Yũre turari sĩmi, ãgũ masakare tauri kerere õãrõ wereburo, ãrĩgũ. ããrĩpererã judío masaka ããrĩmerã iri kerere péburo, ãrĩgũ, irasirimi. Ëõkaye yũre baabéobodire tariweremakũ irirosũ ñegũ yũre wẽjẽbéobodire tariweremakũ irimi. ¹⁸ Irasũ ããrĩmakũ, ããrĩpereri ñerã yũre ñerõ iriburire yũre tariweremakũ irigũkumi. Mũgasigũ ãgũyarãrẽ dorerogue waaburo, ãrĩgũ, yũre õãrõ koregũkumi. Marĩ Opũre: “Õãtarigũ, turatarigũ ããrã”, ãrĩ, mũyari sñĩkõãrã! Irasũta irirã!

Pablo õãdoretũnudea

¹⁹ Priscila, igo marãpũ Aquila, Onesíforoya wii marãde õãburo. ²⁰ Erasto Corintogue dujami. Trófimo pũrĩrikũakõãmi. Irasirigũ Miletogue ãgũrẽ píbu. ²¹ Mũ puibũ dupuyuro aaripurumuka! Eubulo, Pudente, Lino, Claudia, ããrĩpererã marĩyarã mũrẽ õãdorema.

²² Marĩ Opũ Jesucristo mũ merã ããrĩburo. Marĩpũ ããrĩpererãrẽ mũsãrẽ õãrõ iritamuburo. Irasũta irinikõãburo.

Iropãta ããrã.

Pablo

TITO

Pablo Titore òãdoredea

¹ Yũ Pablo, mũrẽ òãdoredea. Yũ Marĩpũre moãboegu ããrã. Jesucristo yũre ìgũya kerere buedoregu pími. Marĩpũ beyenerãrẽ ìgũrẽ òãrõ bũremumakũ gããmegũ, ìgũsãrẽ ìgũyare òãrõ irimakũ gããmegũ, yũre iriumi, ìgũya diayema kerere masĩburo, ãrĩgũ. ² Irasirirã iri kerere masĩrã, ìgũsã ùmũgasigue perebiri okari opaburire masĩma. Marĩpũ i ùmũrẽ iriburo dupuyuro: “Perebiri okari sĩgũra”, ãrĩdi ããrĩmĩ. Ìgũ ãrĩgatobi ããrĩsĩã, ìgũ ãrĩderosũta marĩrẽ sĩgũkumi. ³ Daporare Marĩpũ: “Ãsũ irigũra”, ìgũ ãrĩdeare iriripoe ejasiãa. Irasirigũ ìgũya kerere wererãrẽ weredoremi marĩrẽ irire masĩburo, ãrĩgũ. Ìgũ marĩrẽ taugũ, yũdere iri kerere weredoregu pími.

⁴ Tito, yũ mũrẽ gojãa. Yũ Jesũyare weremakũ pégũ, mũ ìgũrẽ bũremunugãbũ. Irasirigũ yũ magũ irirosũ ããrã. Daporare marĩ pẽrãgueta Jesũre bũremurã ããrã. Marĩpũ ããrĩnĩgũ, Jesucristo marĩrẽ taugũ mũrẽ òãrõ iritamu, siuñajãrĩ merã ããrĩrikũmakũ iriburo.

Pablo Titore Creta marãrẽ buedoredea

⁵ Yũ mũrẽ Creta wãĩkuri nũgũrõgue píwãgãribũ, mũrẽ Jesũre bũremurãrẽ yũ iripeobirideare òãrõ ãmupeokõãburo, ãrĩgũ. Irasirigũ iri nũgũrõma makãrĩrẽ waagorenagũ, iri makãrĩkũ yũ mũrẽ dorederosũta Jesũre bũremurãrẽ ìgũsã oparã ããrĩmurãrẽ sóoka! ⁶ Sugũ ìgũsã opũ ããrĩbure sóogu, ãsũpero ããrĩgũrẽ sóoka! Masaka: “Ñerõ irigũ ããrĩmi”, ãrĩ werewũasũña marĩgũrẽ, sugoreta marãpokũdire sóoka! Ìgũ pũrãde Jesũre bũremurãta ããrĩburo. Masaka ìgũ pũrãrẽ: “Ñegorama, ìgũsã pagũsãmarãrẽ tarinũgãgorama”, ãrĩ werewũasũña marĩrã ããrĩburo. ⁷ Sugũ Jesũre bũremurã opũ Marĩpũre moãboegu ããrĩmi. Irasirigũ masaka werewũasũña marĩgũ ããrĩburo. Ìgũ gããmerĩ direta gajerãrẽ iridorebino, mata gajerã merã guarikũbi, mejãbi, gãmekẽãduabi, ñerõ iriri merã niyeru wajataduabi ããrĩburo. ⁸ Ãsũ gapũ irigũ ããrĩburo. Ìgũya wi-igũ gãmeñajãrã ejarãrẽ òãrõ bokatĩrĩñeãgũ, òãrĩ gapũre gããmegũ, pẽmasĩrĩ merã iririkũgũ, diayemarẽ irigũ, Marĩpũyagũ, noó gããmerõ iriduarire iribi ããrĩburo. ⁹ Marĩpũya diayema kerere, marĩ ìgũrẽ buedea bũremurĩrẽ piribi ããrĩburo. Irasirigũ, ìgũde gajerã Jesũre bũremurãrẽ òãrĩ bueri merã ìgũsãrẽ Marĩpũyare gũñatura, òãrõ ããrĩrikũmakũ irigũkumi. Irire buegu, diayema buerire werewũarãrẽ òãrõ yũjũmasĩgũkumi, ìgũsãde diaye gũñanugãburo, ãrĩgũ.

¹⁰ Wãrã ããrĩma Marĩpũ dorerire tarinũgãrã. Ìgũsã noó gããmerõ werenĩmoãmarĩ merã masakare ìgũsã ãrĩgatorire bũremumakũ yãma. Judío masaka surãyari irasũgora yãma. ¹¹ Niyeru direta wajataduarã, ìgũsã gããmerõ buemoãmakõãma. Irasirirã wiiri marãrẽ poyanorẽma. Irasirigũ mũ ìgũsãrẽ kãmutakõãka! “Irire iropãta buenemoka!” ãrĩka ìgũsãrẽ!

¹² Iripoegue sugũ iro Creta nũgũrõmũ òãrõ wererimasũ ãsũ ãrĩ wereyupũ iro marãrẽ:

I nũgũrõ marã bũro ãrĩgatorikũma. Makãnúũ marã waimurã bũro goerã irirosũ ããrĩma. Baaparã, baari direta gũñarikurã, moãduamerã, bũro tãrikurã ããrĩma, ãrĩyupũ.

¹³ Ìgũ irasũ ãrĩgũ, diayeta ãrĩ werenĩdi ããrĩmĩ. Daporare Creta marã iripoegue iriderosũta yãma. Irasirigũ Tito, turaro merã ìgũsãrẽ wereka, Marĩpũya diayema buerire òãrõ gũñaturari merã bũremuburo, ãrĩgũ! ¹⁴ Ìgũsãrẽ

ōārō bueka, judío masaka noó gāāmerō gūñaboka, weremoāmadea kerere, Marīpuya diayema kerere gāāmemerā dorerire pémobirikōāburo, ārīgū!

¹⁵ Marīpuyare bremurārē ōārī gūñarī oparārē, āārīpereri gajino ĩgūsārē ñerīrē gūñamakū iribirikoa. Marīpuyare bremumerā gapure ñerī gūñarī direta oparārē, āārīpereri gajino ĩgūsārē ñerīrē gūñamakū yāa. Irasirirā ñerīrē irirā: “Ñerō iriakub_u y_u”, neō ārī bujawerebema. ¹⁶ “Marīpure masīa g_ua”, ārīkererā, ĩgūrē masībema. ĩgūsā ñerō iriri merā ĩgūrē masībema, ārī masīsūa. Gajerārē ĩāturi dooma. Marīp_u dorerire tarinugāgorama. Āārīpereri ōārīrē neō irimasīmerā, ñerāgora āārīma.

2

Keoro buedorerimarē gojadea

¹ Irasirig_u Marīpuya diayema āārīrīrē masakare keoro bueka!

² Āsū ārī wereka, m_urā ūmarē: “M_usā pémasīrī merā iririkurā, masaka bremusūrā, diayemarē irirā, Marīpure gūñaturari merā bremurā, gajerārē maīrā āārīka! M_usārē ñerō waamakū, gūñaturaníkōāka!” ārī wereka ĩgūsārē!

³⁻⁴ M_urā nomedere: “M_usā Marīpure gopeyari merā bremuka! Gajerārē ñerō ārī werew_uamerāta, wāro mejārīnorē iirīmerāta āārīka! Maamarā nomerē ōārīrē bueka, ĩgūsārē irire irimasīburo, ārīrā! M_usā irasū bue-makū péduripirā, ĩgūsā marāpusāmarārē, ĩgūsā pūrādere ōārō maīrākuma. ⁵ Diayemarē irirā, ōārī gūñarī oparā, ĩgūsāya wiirigue āārīrārē ōārō korerā, gajerārē iritamurā, ĩgūsā marāpusāmarārē tarinugāmerā āārīrākuma. Irasirirā ĩgūsā maamarā nome irire ōārō irimakū ĩārā, gajerā Marīpuya kerere ñerō werenīmasībirikuma. ‘Iri kerere bremurā ñerō yāma’, ārī masībirikuma”, ārī wereka ĩgūsārē!

⁶ Maamarā ūmadere: “M_usāde diayemarē irika!” ārī wereka! ⁷ M_u ōārī direta irika! M_u irasirimakū ĩārā, gajerāde ōārīrē irirākuma. Masakare gopeyari merā diayema āārīrīrē keoro bueka! ⁸ Ōārō pémasīrī merā werenīka, gajerā m_urē werew_uabirikōāburo, ārīgū. M_u werenīrē pérā, m_urē gāāmemerā: “I diaye āārībea”, ārīmasībirikuma. Irasirirā marīrē werew_uanerā g_uyasīrīrākuma. Marīrē ñerī werenīrī merā werew_uamasībirikuma.

⁹ Moāboerimasādere: “M_usā oparā dorerire tarinugābirikōāka! ĩgūsā dore-makū, āārīpereri ĩgūsā dorerire irika! ĩgūsārē m_usā merā _usuyamakū irika! ĩgūsā m_usārē doremakū: ‘Iribea’, ārībirikōāka! ¹⁰ ĩgūsā oparire neō ya-jabirikōāka! ĩgūsā oparire m_usā ōārō koremakū ĩārā: ‘Ōārō yāma’, ārīrākuma. Gajerāde m_usā ōārō iririre ĩārā, marīrē taug_u Marīpuyare buerire: ‘Ōārī āārā’, ārī gūñarākuma”, ārī wereka ĩgūsārē!

¹¹ Marīp_u marīrē maīgū āārīpererā i ūm_u marā ĩgūsā ñerō iridea wajare taud_uagu, Jesucristore iriudi āārīmī. ¹² Marīrē ĩgū gāāmebirinorē, i ūm_uma ñerō _uaribejarire piriburo, ārīgū, irasiridi āārīmī. Marī i ūm_ugue āārīrāde ōārō pémasīrī merā diayemarē irirā, Marīp_u gāāmerīrē irirā āārīrō gāāmea. ¹³ Marī Op_u turatarig_u marīrē taug_u Jesucristo dupaturi aariburire _usuyari merā yūrā yāa. ĩgū ārīderosūta aarigukumi marīrē ōārīrē irig_u aarigū. Ire marī masīsīā, ĩgū gāāmerīrē iriro gāāmea. ¹⁴ Marī ñerō iridea wajare wajaribosabu, ĩgūrē wējērārē kāmutarō marīrō boadi āārīmī. Irasirig_u āārīpereri marī ñerō iridea wajare taudi āārīmī, marīrē neō ñerīrē opabirikōāburo, ārīgū. Marīrē ĩgūyarā āārīburo, ōārīrē ōārō iriburo, ārīgū, irasiridi āārīmī.

¹⁵ M_u Jesúre bremurārē irire ōārō bueka, ōārīrē _usuyari merā iriburo, ārīgū! Marīp_u m_urē irire weredoredi āārīmī. Irasirig_u ĩgū dorero merā irire

iridũamerārē: “Āsũ irika!” āri wereka! Neõ sugũ masakũ, mũ weremakũ, mũrē irasũ iābēobirikōāburo.

3

Pablo Jesúre bũremurārē: “Āsũ irika!” āri gojadea

¹ Irogue marā Jesúre bũremurārē āsũ āri wereka: “Mũsā oparārē, mũsārē dorerārē tarinũgābirikōāka! Īgũsā dorerire õārõ péka! Õārõ iririre irirā āārĩka! ² Neõ sugũ masakũre ñerõ āri werewũabirikōāka! Masaka merā gāme turimerāta, Īgũsā merā õārõ mũyari merā āārĩrikũka! Gajerārē maĩri merā iritamuka! Āārĩpererārē bũremurĩ merā gũña maĩka!” āri wereka Īgũsārē!

³ Iripoegue marĩ Jesúre bũremubirisĩ, Marĩpũyare pémasĩbiri, Īgũ dorerire tarinũgā, ārĩgatorire bũremũ, dedirinerā āārĩbũ. Āārĩpereri noó gāāmerõ mũaribejarire, ñerĩ iridũarire pirimasĩbirinerā āārĩbũ. Gajerārē uburikũrā, Īgũsārē ñerõ irirā āārĩnerā āārĩbũ. Gajerā marĩrē iāturi doonerā āārĩmā. Marĩ baside gāme iāturi doonerā āārĩbũ. ⁴ Marĩ irasũ āārĩkerepũrũ, Marĩpũ marĩrē taugũ gapũ Īgũ marĩrē maĩrĩrē, Īgũ marĩrē iritamudũarire marĩrē masĩmakũ iridi āārĩmĩ. ⁵ Irasirigũ marĩrē taudi āārĩmĩ. Marĩ õārĩrē neõ iribirikerepũrũ, marĩrē bũro bopoñarĩ merā iāsĩā, marĩrē taudi āārĩmĩ, perebiri peamegue waabirikōāburo, ārĩgũ. Marĩ ñerĩ oparire koedi āārĩmĩ, Õāgũ deyomarĩgũ merā marĩrē majĩrā maama deyoarā irirosũ āārĩburo, ārĩgũ. Irasirigũ marĩrē maama okarire sĩdi āārĩmĩ Īgũ pũrā āārĩburo, ārĩgũ. ⁶ Õāgũ deyomarĩgũrē Jesucristo marĩ ñerõ iridea wajare taugũ merā marĩrē iriudi āārĩmĩ Īgũ turarire opatarikōāburo, ārĩgũ. ⁷ Irasirigũ marĩrē maĩgũ: “Õārā, waja opamerā āārĩma”, āri iādi āārĩmĩ. Irasirirā gũñaturari merā: “Īgũ marĩrē Īgũ pũrārē: ‘Ĕmũgasigue perebiri okarire sĩgũra’, ārĩdeare oparākoa”, āri masĩa.

⁸ Iri yũ mũrē wereri, diayema kere āārā. Irasirigũ Marĩpũre bũremurārē irire õārõ gũñaturari merā bueka, piriro marĩrõ õārĩrē irinĩkōāburo, ārĩgũ! I bueri õāgorāa. Irire péduripĩrānorē õārõ āārĩrikũmakũ iriri āārā. ⁹ Gajerā merā ubu āārĩrĩrē, gũ ñekũsāmarā iriunadea kerere, Marĩpũ Moisére doreri pídeare: “¿Naásũ ārĩdũaro yāri?” āri sērēñarĩrē gāme guaseobirikōāka! Irire gāme guaseori ñegorāa. Masakare õārõ āārĩrikũmakũ iriri āārĩbea.

¹⁰ Sugũ masakũ Jesúre bũremurĩ bumarārē gāme guaseo, dukawarimakũ irigũnorē: “Irire iribirikōāka!” āri wereka! Mũ suñarõ o péa Īgũrē wereadero pũrũ Īgũ pébirimakũ iāgũ, Jesúre bũremurā nerērõgue Īgũsā merā āārĩgũrē béowiuka! ¹¹ Īgũsārē gāme guaseo, dukawarimakũ iriri merā: “Ñegũ, waja opagũ āārĩmĩ”, āri masĩsũa.

Pablo iritamudoredea

¹² Yũ Artemarē o Tĩquicore mũ pũrogue iriugũkoa. Mũ pũro ejamakũ, Nicópolis wāĩkũri makāgue yũre bokatĩrĩgũ waapurumuka! Yũ: “Irogue puibũ tamugũkoa”, āri gũñāa. ¹³ Mũ iritamurõ bokatĩũrõ Zenas masakare werenĩbosarimasũrē, Apolodere iritamuka! Īgũsā gajerogue waaburi dupuyuro Īgũsā gāāmerĩrē sĩka, iri āārĩpererire opaburo, ārĩrā! ¹⁴ Mũ irasũ iritamumakũ iārā, marĩyarāde õārĩ iri, Īgũsā basĩ gāme iritamurākuma Īgũsā gāāmerĩrē opamurā. Irasirirā irimoāmamerāta āārĩrākuma.

Pablo õādoretĩnudea

¹⁵ Āārĩpererā yũ merā āārĩrā mũrē õādorema. Marĩyarā Jesúre bũremurārē marĩrē maĩrārē mũ pũro āārĩrārē õādoreka! Marĩpũ mũsārē āārĩpererārē õārõ iritamuburo.

Iropāta āārā.

Pablo

FILEMÓN

Pablo Filemórē ōādoredea

¹ Y_u Pablo, Jesucristoya kerere weredeadea waja peresugue āārā. Marīyagu Timoteo merā mūrē ōādoreade. Filemón, m_u g_ua maīgū, g_ua merā moāgū āārā. ² Y_u gajerā Jesúre b_uremurā m_uya wiigue nerērārē, marīyago Apia wāikugore, irasū āārīmakū Arquipodere ōādoreade. Arquipo g_ua merā moāmi, gajerā Jesucristoya kerere péburo, ārīgū. ³ Marīp_u āārīnīgū, marī Op_u Jesucristo m_usārē ōārō iritam_u, siuñajārī merā āārīrik_umakū iriburo.

Filemón gajerārē maīgū Jesúre b_uremugū āārīmi, ārī gojadea

⁴⁻⁵ Y_u Marīp_ure sērērik_u m_uya āārīburire sērēbosāa. Marī Op_u Jesúre m_u maīrīrē, īgūrē m_u b_uremurīrē, gajerā Marīp_uyarārē m_u maīrīrē pébu. Irasirig_u Marīp_ure: “Ōāa”, ārī, usuyari sīa. ⁶ M_u Jesúre b_uremusīā, īgūrē b_uremurīrē gajerārē werea, īgūsāde īgūrē b_uremuburo, ārīgū. Irasirig_u y_u Marīp_ure: “Īgūsārē wereg_u, āārīpereri Jesucristo marīrē ōārō iririre masīpeog_u waaburo”, ārī sērēa. ⁷ Yaag_u, m_u Marīp_uyarārē ōārō y_ujpūrāk_umakū irib_u. M_u īgūsārē maīrīrē pég_u, y_u m_u merā ōārō y_ujpūrāk_u, usuyāa.

Pablo Filemórē: “Onésimo mūrē moāboegure ōārō bokatīrīñēaka!” ārī sērēdea

⁸ Irasirig_u y_u Jesucristo buedoreg_u pídi āārīsīā, mūrē doremasīkereg_u: “Āsū iriro gāāmea, irasirig_u irire irika!” ārībirikoa. ⁹ Maīrī merā gap_u mūrē sērēduakoa. Y_u Pablo b_uguro āārā. Jesucristoya kerere weredeadea waja peresugue āārā. ¹⁰ Irasirig_u Onésimōyamarē mūrē sērēduakoa. Īgū, y_u peresugue āārīgū p_uro eja, y_u Jesúyare weremakū pég_u, īgūrē b_uremunugāmi. Irasirig_u y_u magū irirosū āārīmi.

¹¹ Jesúre b_uremuburi dupuyuro Onésimo mūrē ōārō moāboebirisīā, béowāgādi āārīmī. Dapora tamerārē marī pērāguereta iritamumi. Y_ure ōārō iritamugū yāmi. M_udere ōārō iritamugukumi. ¹² Irasirig_u daporare m_u p_uroque īgūrē y_u b_uro maīgūrē iriua. Īgūrē ōārō bokatīrīñēaka! ¹³ Y_u Jesucristoya kerere weredeadea waja peresu āārīripoe m_u y_ure iritamuboadeare iritamudoreg_u, ōōgue īgūrē y_u merā dujamakū gāāmeadāa. ¹⁴ Īgū, y_u merā dujamakū gāāmekereg_u, m_u gāāmerī direta iriduakoa. Irasirig_u m_u y_ure: “Jāu”, ārīmakū tamerārē y_u doreri meta āārīrokoa. M_u gāāmerōsū waarokoa. ¹⁵ “Gajipoe irig_u Onésimo mūrē béowāgāgū yoaripoe āārību meta waakumi. Dupaturi m_u merā ōārō āārīnīkōābu irasirikumi”, ārī gūñāa. Irasirig_u īgūrē y_u merā dujadorebirikoa. ¹⁶ Īgū mūrē moāboeg_u āārīkereg_u, daporare Jesúre b_uremumi. M_uya wereg_u irirosū āārīmi. Y_u īgūrē b_uro maīa. M_u gap_u y_u nemorō īgūrē maīrō gāāmea. “Y_ure moāboeg_u āārīkereg_u, Jesúre b_uremusīā, yaa wereg_u irirosū āārīmi, irasirig_u īgūrē b_uro maīa”, ārī gūñarō gāāmea.

¹⁷ Irasirig_u m_u y_ure: “Y_u merā moāgū āārīmi gajerā Jesúyare péburo, ārīgū”, ārī gūñagū, y_ure bokatīrīñēārōsūta Onésimorē ōārō bokatīrīñēaka! ¹⁸ Īgū gajino m_uyare royanorēdi, o mūrē wajamomakū, y_ure wereka! Y_u mūrē wajarigukoa. ¹⁹ Y_u Pablo, y_u basi ire mūrē ārī gojāa: “Y_u wajarig_ura”. Irire irasū ārī gojakereg_u, mūrē gaji gūñamakū irimasīa. Jesúyare y_u mūrē weremakū pég_u, īgūrē b_uremunugāb_u. Irasirig_u, y_u mūrē weredeadea waja y_ure wāro wajamogū irirosū āārā. ²⁰ Irasirig_u mūrē yaagure āsū ārī sērēa: “M_u marī Op_u Jesucristore b_uremugū āārīsīā, Onésimorē ōārō bokatīrīñēaka!” Marī Cristoyará āārā. Irasirig_u y_ure ōārō y_ujpūrāk_umakū irika!

²¹ I yu murē sērērīrē: “Irigukumi”, āĩ masĩa. Irasirigu ire murē gojáa. Idere masĩa. Yu sērērīrē nemorō mu òārō irigukoa. ²² Murē gojagu, gajidere sērēa. Yure wiuadero puu, musā puogue waadukoa. Irasirigu yu iroque ejaburi dupuyuro yu kārīburi taribure amuyuka! Marīpu musā ĩgūrē sērērīrē: “Jáa”, āĩmakū, musā puogue waagukoa.

Pablo Filemórē gojatūnudea

²³ Epafras murē òādoremi. Īgū Jesucristoya kerere weredeia waja yu merā peresugue āārīmi. ²⁴ Yu merā moārā Marcos, Aristarco, Demas, irasū āārīmakū Lucas murē òādorema.

²⁵ Marī Opū Jesucristo musārē òārō iritamuburo. Irasūta iriburo.

Iropāta āārā.

Pablo

HEBREOS

Marĩpu ĩgũ magũ Jesucristo merã weredeamarẽ gojadea

¹ Iripoegue Marĩpu ĩgũya kerere weredupiyunerã merã marĩ ñekũsãmarãrẽ werenũgãdi ããrĩmĩ. Yoaripoe wãri ĩgũ turari merã iri ĩmurĩ, ĩgũ weredoreri, kërõgue ĩmurĩ merã ĩgũsãrẽ ĩgũyare masĩmakũ iridi ããrĩmĩ. ² Dapagorare i ãmũ pereburi dupiyuro ĩgũ magũ Jesucristo merã marĩrẽ ĩgũyare weremi. Neõgoraguere Marĩpu ĩgũ magũ merã i ãmurẽ iridi ããrĩmĩ, ããrĩpereri ĩgũ gããmerõsũta ããrĩburo, ãrĩgũ. Irire iriburo dupiyuro ĩgũ magũrẽ pídi ããrĩmĩ, iri ããrĩpererire opabure. ³ Jesucristo, Marĩpu gosesiririre opagu, turatarigu, õatarigu, Marĩpu ããrĩrikurire opagu ããrĩmĩ. ĩgũ turaro doreri merã ããrĩpereri i ãmũmarẽ ããrĩnikõãmakũ yãmi. Marĩ ñerõ iridea wajare tau odo, pũru ãmũgasigue Marĩpu turatarigu diaye gapu eja doadi ããrĩmĩ, ããrĩpererãrẽ doregu ããrĩbu.

Marĩpu magũ, Marĩpũre wereboerã nemorõ turagu ããrĩmi, ãrĩ gojadea

⁴ Irasirigu Marĩpu magũ Jesucristo, Marĩpũre wereboerã nemorõ turagu ããrĩmi. Marĩpu ĩgũrẽ: “Maku, mũ yũ magũ ããrã”, ãrĩdi ããrĩmĩ. Angeles gapũre: “Yũre wereboerã ããrã”, ãrĩdi ããrĩmĩ. ⁵ ĩgũ magũrẽ ãsũ ãrĩdi ããrĩmĩ: Yũ magũ ããrã mũ. Dapagã merã mũ, yũ magũ ããrĩrĩrẽ masakare masĩmakũ yãa, ãrĩdi ããrĩmĩ.✧

Neõ sugũ ĩgũrẽ wereboegũre irasũ ãrĩbiridi ããrĩmĩ. ĩgũ magũyamarẽ ãsũ ãrĩdi ããrĩmĩ doja:

Yũ, ĩgũ pagũ ããrã. ĩgũ, yũ magũ ããrĩmĩ, ãrĩdi ããrĩmĩ.✧

Neõ sugũ ĩgũrẽ wereboegũre irasũ ããrĩbiridi ããrĩmĩ. ⁶ ĩgũ magũrẽ sugũ ããrĩgũrẽ i ãmũgue iriugu, ãsũ gapũ ãrĩdi ããrĩmĩ:

Ããrĩpererã yũre wereboerã, yũ magũrẽ ejamejã, bũremuburo, ãrĩdi ããrĩmĩ.✧

⁷ ĩgũrẽ wereboerãamarẽ ãsũ ãrĩdi ããrĩmĩ:

Yũre wereboerãrẽ mirũ wẽjãpu taurosũ, peame ãjũrĩ pũrã irirosũ waamakũ yãa, ãrĩdi ããrĩmĩ.✧

⁸ ĩgũ magũ gapũre ãsũ ãrĩdi ããrĩmĩ:

Mũ ããrĩpererã Opũ ããrĩnĩgũ ããrã. Mũyarãrẽ diayeta dorea.

⁹ Diayema iririre gããmea. Ñerõ iririre dooa. Irasirimakũ ĩãgũ, yũ mũpũ mũrẽ ããrĩpererã Opũ ããrĩbure beyebũ.

Irasirigu mũrẽ ããrĩpererã mũ merãmarã nemorõ usũyari merã ããrĩmakũ iribũ, ãrĩdi ããrĩmĩ.✧

¹⁰ Idere ãrĩdi ããrĩmĩ Marĩpu ĩgũ magũrẽ:

Mũ ããrĩpererã Opũ, neõgoragueta i nikũ, ãmũgasidere iribũ.

¹¹ Gajipoe i ãmũ mũ iridea pereakõãrokoa. Mũ gapũ ããrĩnĩkõãgũkoa. ããrĩpereri mũ iridea gapũ surĩro boarosũ, boapereakõãrokoa.

¹² Irasirigu surĩro bũgũñerẽ túwea béo, gajiñe maamañe gorawayurosũ, ããrĩpereri õãrĩ ditare gorawayugũkoa. Mũ gapũ neõ gorawayubirikoa. Mũrãrõta ããrĩnĩkõãgũkoa, ãrĩdi ããrĩmĩ.✧

¹³ Irasirigu ĩgũ magũrẽ ãsũ ãrĩdi ããrĩmĩ doja:

Yũ diaye gapũ doaka! Mũ doaripoe mũrẽ ĩãturĩrãrẽ mũ dorerire neõ tarĩnũgãnemobirimakũ irĩgũra, ãrĩdi ããrĩmĩ.✧

✧ 1:5 Sal 2.7 ✧ 1:5 2 S 7.14; 1 Cr 17.13 ✧ 1:6 Dt 32.43 ✧ 1:7 Sal 104.4 ✧ 1:9 Sal 45.6-7
✧ 1:12 Sal 102.25-27 ✧ 1:13 Sal 110.1

Īgūrē wereboerā gapure neō irasū ārībiridi āārīmí. ¹⁴ Āārīpererā Marīpure wereboerā deyomarīrā, Īgūrē moāboerā āārīma. Marīpu Jesucristo taurārē iritamudoregū Īgūsārē iriumi.

2

Marīpu Īgū masakare tauri kerere ōārō pémakū gāāmemi, ārī gojadea

¹ Irasirirā Marīpu magū Jesucristoya kerere marī pédeare irasū gūñanikōārō gāāmea, Īgūrē būremurīrē piriri, ārīrā. ² Iripoegue Marīpu Īgūrē wereboerārē Īgūya kerere weredoredi āārīmí. Irasirigū: “Nērō irirānorē, yu dorerire tarinūgārārē wajamoāgura”, ārīderosūta Īgūsārē diayeta wajamoādi āārīmí. ³ Marīpu masakare tauri kere ōātaria. Marī gapu irire pémerā, Īgū wajamoārīrē tausūbirikoa. Marī Opu Jesucristo iri kerere werepuroridi āārīmí. Īgū weredeare pérā: “Diayeta āārā”, ārī masīnerā āārīmá. Irasirirā marīdere wereturiamā, irire masīburo, ārīrā. ⁴ Marīpu gajī irinemodi āārīmí. Iri kerere wererārē Īgū turari merā wári iri Īmurīrē irimakū iridi āārīmí. Irasū āārīmakū Īgū gāāmederosūta Īgūsārē wári Ōāgū deyomarīgū iritamurī merā irimasīrīrē sīdi āārīmí, iri kerere weremakū pérā: “Diayeta āārā”, ārī masīburo, ārīgū.

Jesucristo, marī irirosū dūpukūgū deyoadi āārīmi, ārī gojadea

⁵ Marīpu Īgūrē wereboerārē: “I ūmū peredero puraguere oparā āārīrākoa mūsā”, ārī, neō píbiridi āārīmí. ⁶ Īgūyare weredupiyudi āsū gapu ārī gojadi āārīmí:

Gua Opu, masaka ubu āārīrā āārīkeremakū, ŷnasirigu Īgūsārē gūñarī mu? Īgūsā boamurā dita āārīkeremakū, ŷnasirigu Īgūsārē iritamurī mu?

⁷⁻⁸ Yoabiripoegāta Īgūsārē mūrē wereboerā doka āārīmakū iridi āārībú. Irasirikeregū, puraguere Īgūsārē oparā sóogu, mu turarire sību, Īgūsārē āārīpereri opaburo, ārīgū, ārī gojadi āārīmí.✧

Marīpu masakare irasū sīgū: “Āārīpererire dorerākuma”, ārī pídi āārīmí. Īgūsārē irire píkeremakū, āārīpererire dorebema dapa. ⁹ Marī Jesúyama gapure: “Āārīpererā Opu āārīmi”, ārī masīa. Yoabiripoegāta Īgūdere Marīpu Īgūrē wereboerā doka pídi āārīmí, āārīpererāya āārīburire boabosabure. Jesús marīrē boabosamakū, Marīpu Īgūrē maīgū, ōārō iritamudi āārīmí. Irasirigū Īgū boadigue masādero puru, Marīpu Īgūrē turarire sī, Opu sóodi āārīmí, āārīpererā Īgūrē būremuburo, ārīgū.

¹⁰ Marīpu Īgū gāāmederosūta āārīpereri i ūmūmarē iridi āārīmí. Āārīpereri Īgūya dita āārā. Īgū pūrā āārīpererā ūmūgasigue Īgū āārīrōgue Īgū merā āārīmakū gāāmemi. Irasirigū Īgū magū Jesúsre iriudi āārīmí, marīrē Īgū ñerō tariri merā taubure. Īgūrē iriudi āārīmí, marī Opu āārībure, marīrē ūmūgasigue āīmārīabure. ¹¹ Jesús marīrē taugū, Marīpuyarā āārīmakū iridi āārīmí. Irasirirā marī Īgūyarā āārīsīā, sugū pūrā irirosū, Jesús marī tīgū merā Marīpu pūrā āārā. Irasirigū Jesús marīrē: “Yu pagupūrā āārīma”, ārīgū, neō gūyasīrībemi. ¹² Marīpuya werenírī gojadea pūgue Jesús Īgū Pagure weredeare gojasūdero āārībú. Āsū ārīdi āārīmí Īgūrē:

Mu āārīrikurire, mūyamarē weregukoa yu pagupūrāguere. Īgūsā nerēnarōgue nerēmakū, Īgūsā merā: “Ōātaria mu”, ārī bayapeogukoa mūrē, ārīdi āārīmí.✧

¹³ Gajī ārīdi āārīmí doja:

Yude mūrē yu Opure būremuníkōāgura.✧

Idere ārīdi āārīmí doja:

Õõta ããrã Yurũ pũrã ïgũ yũre pínerã merã, ãrĩdi ããrĩmĩ.✠

14 Marĩ, Marĩpũ pũrã, dũpũkũrã ããrã. Irasirigũ Jesũde marĩ irirosũta dũpũkũgũ aaridi ããrĩmĩ. ïgũ curusague boari merã wãtĩrẽ, boarire gũirã opũre tarinũgã béodi ããrĩmĩ. 15 Jesũs ïgũrẽ irasũ tarinũgãgũ, marĩ boaburire gũinĩkõãnerãrẽ taudi ããrĩmĩ. 16 ãsũ ããrã. Jesucristo Marĩpũre wereboerãrẽ iritamugũ meta aaridi ããrĩmĩ. Marĩ, Abraham parãmerã gapũre ïgũ Marĩpũre bũremuderosũta bũremurãrẽ iritamugũ aaridi ããrĩmĩ. 17 Irasirigũ marĩ irirosũta dũpũkũgũ aaridi ããrĩmĩ, ïgũ boari merã marĩ ñerĩ iridea wajare wajaribosabu. I merã Marĩpũre: “Waja opamerã ããrĩma”, ãrĩ ïãmakũ iridi ããrĩmĩ. Paía opũ marĩya ããrĩburire Marĩpũre sãrẽbosarosũ, ïgũde marĩrẽ õãrõ sãrẽbosami. Irasirigũ marĩrẽ bopoñarĩ merã ïãgũ marĩrẽ õãrõ iritamunĩkõãmi. 18 Wãtĩ ïgũrẽ ñerõ iridoremakũ, Jesũs bũro ñerõ tarikeregũ, ïgũ dorerire iribiridi ããrĩmĩ. Irasirigũ wãtĩ marĩdere ñerĩ iridoremakũ ïãgũ, Jesũs marĩrẽ iritamumasĩmi, ñerĩ iribirikõãburo, ãrĩgũ.

3

Jesũs, Moisés nemorõ ããrĩmi, ãrĩ gojadea

1 Yaarã, mũsã Marĩpũ beyenerã, ïgũyarã ããrã. Irasirirã Jesucristore: “Bũremua mũrẽ”, ãrĩnerã ããrĩsĩã, ïgũrẽ õãrõ gũñanĩkõãka! Marĩpũ ïgũrẽ iriudi ããrĩmĩ, ïgũya kerere werebure, paía opũ irirosũ marĩya ããrĩburire sãrẽbosabure. 2 Marĩpũ ïgũrẽ beyepĩdi ããrĩmĩ irire iribure. Irasirigũ Moisés, Marĩpũ ïgũrẽ: “ãsũ iridoreka yaarãrẽ!” ãrĩ pídeare õãrõ iriderosũta Jesũde Marĩpũ ïgũrẽ pídea ããrĩpererire õãrõ iridi ããrĩmĩ. 3 Irasirirã Moisére bũremudero nemorõ Jesũs gapũre bũremurõ gããmea marĩrẽ. Iri ãsũ ããrã. Wiire: “Õãrĩ wii ããrã”, ãrĩ ïãrõ nemorõ iri wiire iridi gapũre: “Õãtarimi”, ãrĩ bũremurõ gããmea marĩrẽ. 4 Masaka gapũ wiiri irirã ããrĩma. Marĩpũ gapũ ããrĩpereri i ãmũmarẽ iridi ããrĩmĩ. 5 Moisés gapũ Marĩpũyarãrẽ doregũ, ïgũsãrẽ õãrõ iritamudi ããrĩmĩ. “ãsũ irika, Marĩpũre bũremurã!” ãrĩ weredi ããrĩmĩ, pũrũgue marã Marĩpũya kerere pémasĩburo, ãrĩgũ. 6 Cristo, Marĩpũ magũ gapũ Moisés nemorõ Marĩpũyarãrẽ õãrõ doregũ ããrĩmi. Irasirirã marĩ Marĩpũyarã, gũñaturarire piriro marĩrõ ïgũ tauburire usũyari merã yúnĩrã, ïgũya wii marã ããrã.

Marĩpũ ïgũyarãrẽ ïgũ merã õãrõ siñajãmakũ gããmemi, ãrĩ gojadea

7 Irasirigũ Õãgũ deyomarĩgũ ire ãsũ ãrĩ weredi ããrĩmĩ, Marĩpũya werenĩrĩ gojadea pũgue:

Dapagãrẽ mũsã Opũ mũsãrẽ weremakũ, péduamerã irirosũ ããrĩbirikõãka!

8 Õãrõ péka ïgũrẽ! Iripoegue Israel bumarãrẽ masaka marĩrõgue ããrĩrãrẽ ïgũ werekeremakũ, ïgũ dorerire tarinũgãma. “Marĩrẽ iritamumasĩbirikumi”, ãrĩrã, ïgũrẽ bũremubirima.

9 Irasirigũ ãsũ ãrĩmi: “Iroguere cuarenta bojorigora yũ turaro merã iririre iri ïmuadibũ ïgũsãrẽ iritamugũ. Yũ irasirikeremakũ: ‘ïgũ marĩrẽ iritamumasĩbirikumi’, ãrĩ gũñanama yũre.

10 Irasirigũ ïgũsã merã gua, ãsũ ãrĩbũ: ‘Yaa gapũre neõ gũñatũyabema. Yũ dorerire iridũabema’, ãrĩbũ.

11 Irasirigũ ïgũsã merã guagu, goepeyaro merã ãsũ ãrĩ werebũ: ‘Yũ merã õãrõ siñajãrĩ bokabirikoa mũsã yũre bũremubiri waja’”, ãrĩmi.✠

12 Irasirirã yaarã, õãrõ pémasĩka! Neõ sugũ mũsã watopemũ ñerõ gũña, bũremubi ããrĩbirikõãburo. Irasũ ããrĩgũno, Marĩpũ ããrĩnĩgũrẽ béogu

iribukumi. ¹³ Āsū gapu iriro gāamea. Umuriku musā basi Marīpuyare gāme werenika, ñerirē iriri, ārirā! Dapagā merā Marīpuya werenirī gojadea pūgue dorederosūta gāme werenika! “Ñerī gapure irirā, usuyáa gha”, āri gūñarā, musā basita ārikatorā yáa. Ñerirē irirā, Marīpu dorerire tarinugārākoa. ¹⁴ Cristore boremunugāderosūta marī okaro bokatiūrō boremunikōārā, ĩgū āārīrōgue ĩgū merā āārīrākoa.

¹⁵ Yu wererosūta Marīpuya werenirī gojadea pūgue āsū āri gojasūdero āārībú:

Dapagārē Marīpu musārē weremakū, ĩgūrē oārō péka! Iripoegue Israel bumarā ĩgū dorerire tarinugāderosū iribirikōāka! āri gojasūdero āārībú.✧

¹⁶ ĩgūsā Marīpuya werenirirē pékererā, ĩgū dorerire tarinugānerā āārīmá. Āārīpererā Egiptogue āārīrārē Moisés āiāsūnerā āārīkererā, Marīpu dorerire tarinugānerā āārīmá. ¹⁷ ĩgūsā tarinugādea waja cuarenta bojorigora Marīpu ĩgūsā merā guadi āārīmí. Masaka marīrōgue ĩgūsārē āārīdoredi āārīmí. Irogueta boanerā āārīmá. ¹⁸ ĩgū dorerire tarinugāmakū ĩāgū, gopepyaro merā ĩgūsārē āsū āri weredi āārīmí: “Yu merā oārō siñajārī bokabirimakū irigura”, ārīdi āārīmí. ¹⁹ Irasirirā ire masia marī. ĩgūsā Marīpure bremubiridea waja ĩgū merā oārō siñajārī bokabirinerā āārīmá.

4

¹ Marīpu iripoegue marārē: “Yu merā siñajārī bokarākoa”, āri píderosūta marīdere pídi āārīmí. Irasirirā marīde gopepyaro merā Marīpure yujuro gāamea, ĩgū merā oārō siñajārī bokamurā. ² Marīpu masakare tauri kerere iripoegue marā péderosūta marīde pébu. ĩgūsā gapu iri kerere pékererā, bremurī merā pébirinerā āārīmá. Irasirirā irire ubugorata péunanerā āārīmá. ³ Marī gapu Marīpure bremurā ĩgū merā oārō siñajārī bokarākoa. ĩgūrē bremumerā gapure āsū ārīdi āārīmí:

Yure bremubiri waja ĩgūsā merā guabu. Irasirigu ĩgūsārē gopepyaro merā āsū āri werebu: “Yu merā oārō siñajārī bokabirikuma”, ārīdi āārīmí.✧

I umurē iri odo, siñajādi āārīmí. Irasirigu masakadere ĩgū merā siñajāburire pídi āārīmí. ⁴ Gaji āsū āri gojasūdero āārībú, ĩgūya werenirī gojadea pūgue:

I umuma āārīpererire iripeo odogu, su mojōma pere gaji mojō peru pērēbejarinurī waaró merā ĩgū moārīrē piri, siñajādi āārīmí.✧

⁵ ĩgūrē bremumerā gapure āsū ārīdi āārīmí doja ĩgūya werenirī gojadea pūgue:

Yu merā oārō siñajārī bokabirikuma, ārīdi āārīmí.✧

⁶ Iripoegue marā, ĩgū masakare tauri kerere pépurorinerā, ĩgū dorerire tarinugādea waja ĩgū merā oārō siñajārī bokabirinerā āārīmá. Gajirā gapu ĩgūrē bremurā ĩgū merā oārō siñajārī bokarākuma. ⁷ Irasirigu Marīpu masakare ĩgū merā siñajāburire pígu: “Dapagorare yure oārō péka!” ārīdi āārīmí. Israel bumarā ĩgū dorerire tarinugādero puru, yoaripoe puru irire Davire gojadedi āārīmí. Irasirigu musārē dupaturi irire weregura doja. Āsū āri gojadi āārīmí David:

Dapagorare Marīpu musārē weremakū, oārō péka! ĩgūrē péduamerā irirosū āārībirikōāka! āri gojadi āārīmí.✧

⁸ Iripoegue David irire gojaburi dupiyuro Josué Israel bumarārē Marīpu ĩgūsārē sídea nikūgue ājadi āārīmí. Iro gapure siñajārī bokabirinerā āārīmá. Irasirigu Marīpu ĩgūyarārē gaji siñajārī síburire weredi āārīmí. ⁹ Irasirirā, Marīpu i umurē iri odo, ĩgū siñajāderosūta marī ĩgūyarāde ĩgū merā oārō siñajārī

bokarākoa. ¹⁰ Marīpu merā siñajārā, marī gāāmerō moārīrē piri, ĩgū gāāmerī gapure iripurorirā, ĩgū merā ōārō siñajānīkōārākoa, ĩgū i ūmumarē iri odo siñajāderosūta. ¹¹ Irasirirā ĩgūrē ōārō b̄remurō gāāmea, ĩgū merā siñajārī bokamurā. Iripoegue marā ĩgūrē b̄remubiridea waja ĩgū merā neō siñajārī bokabirinerā āārīmá. ĩgūsā iriderosū iribirikōārō gāāmea marīrē.

¹² Marīpuya werenírīrē pérā, ĩgū merā ōārō āārīnīkōāa. Sareri majī pe gapu usiri majī sareñajārō nemorō Marīpuya werenírī marīya yujpūrārīgue, marī gūñarīgue ñajārokoa. Irasirirā ĩgūya werenírīrē pérā, marīya yujpūrārīmarē marī gūñarīdere: “I gapu ōāgorāa, o i gapu ñegorāa”, ārī masīrākoa. ¹³ Marī masaka āārīpererā Marīpu irinerā dita āārā. ĩgū ĩāberogue neō āārībea. Āārīpereri marī āārīrikurire marī iririkurire masīmi. Irasirirā ōārī gūñarī oparā ōārō irirā, ĩgū ĩūrō marī irideare, marī gūñadeare weredoremakū, gūyasīrīrō marīrō weremasīrākoa.

Jesús paía opu nemorō āārīmi, ārī gojadea

¹⁴ Jesús, Marīpu magū, paía opu nemorō marīya āārīburire Marīpue sērēbosagu āārīmi. ĩgū Marīpu p̄rogue āārīmi. Irasirirā neō piri marīrō ĩgūrē b̄remunīkōārā! ¹⁵ Jesús paía opu nemorō, marī turamerārē bopoñarī merā ĩāgū marīrē iritamugū āārīmi. Wātī marīrē ñerīrē iridorerosūta Jesúdere āārīpereri ñerīrē iridoredi āārīmí. Jesús gapu ñerīrē neō iribiridí āārīmí. ¹⁶ ĩgū marīya āārīburire sērēbosagu āārīmakū ĩārā, Marīpue gūiri marīrō marī sērēmasīa. ĩgū āārīrōgue ĩgū merā āārīrā irirosū sērēmasīa. ĩgū marīrē maĭgū, marīrē bopoñarī merā ĩāsīa, marī ñerō tariripoere diayeta iritamugukumi.

5

¹ Marī ire masīa. Sugū paía opu, masaka watope Marīpu beyepísūdi āārīmi. Masakaya āārīburi āārīpererire Marīpue sērēbosagu āārīmi. Irasirigū Marīpue ĩgūsā sīduarire sībosagu āārīmi. “ĩgūsā ñerī iridea waja ĩgūsārē wajamoābirikōāka!” ārī sērēgū, Marīpu ĩūrō waibure wējē soepeobosagu āārīmi. ² Paía opu marī irirosūta ĩgū turari merā ĩgū ñerī iriduarire tau kāmutamasiḃemi. Irasirigū pémasīmerārē, ñerō irirārē bopoñarī merā ĩāmasīmi. ³ Turabi āārīsīā, gajirārē iribosarosūta ĩgū basi ñerō iridea waja Marīpu ĩūrō waibure wējē soepeomi.

⁴ Neō sugū ĩgū gāāmerō paía opu ñajāmasīḃemi. Marīpu gapu ĩgūrē beyepími, iripoeguem̄ Aarōrē ĩgū beyepíderosūta. ⁵ Cristode ĩgū gāāmerō paía opu ñajābiridí āārīmí. Marīpu ĩgūrē Opu pídi āārīmí. Āsū ārīdi āārīmí ĩgūrē: Ȳ magū āārā m̄. Dapagā merā m̄, ȳ magū āārīrē masakare masīmakū yāa, ārīdi āārīmí.✧

⁶ Gajirogue ĩgūya werenírī gojadea pūgue ĩgū magūrē āsū ārīdi āārīmí: Melquisedec paí āārīderosūta m̄ āārīnīkōāgukoa, ārīdi āārīmí.✧

⁷ Cristo i ūmugue āārīgú, b̄ro oreri gaguinírī merā Marīpue ĩgū turari merā ĩgū boaburire taumasīgūrē sērēdi āārīmí. ĩgū, Marīpu gāāmerī ditare iridūmakū ĩāgū, ĩgū sērērīrē pé, ĩgūrē gūñaturamakū iridí āārīmí. ⁸ Cristo, Marīpu magū āārīkeregū, b̄ro ñerō taridí āārīmí. Ñerō tarikeregū, Marīpu dorerire tarinugārō marīrō ĩgūrē ōārō yujuri merā irire iritariweredi āārīmí. ⁹ ĩgū curusague boagu, āārīpereri Marīpu ĩgūrē iridoredeare iripeodi āārīmí. Irasirigū āārīpererā marīrē ĩgūrē yujurārē taudi āārīmí, ĩgū p̄ro p̄rebiri okari opaburo, ārīgū. ¹⁰ Irasirigū Marīpu ĩgūrē: “Melquisedec paí āārīderosūta m̄ āārīnīkōāgukoa”, ārī pídi āārīmí, marīya āārīburire sērēbosabure.

Jesucristore b̄remurĩrē piriri, ārĩrā, ĩgũrē gũñaturanĩkõārõ gāāmea, ārĩ gojadea

¹¹ Cristo paía op̄u nemorõ āārĩrĩrē wári werenemod̄adāa. M̄sā pémasĩturabirimakū, irire weremasĩbirikoa. ¹² M̄sā yoaripoe Cristore b̄remub̄u. Irasirirā dapagoraguere gajirārē Marĩp̄uyare buerimasā āārĩbukoa. M̄sā irasũ āārĩbonerā, dapagoraguedere neõ buep̄rorirā irirosũta āārĩkõāa. Ōp̄ĩkũ mirĩrā, baari baagamasĩmerā, majĩrāgā irirosũta āārĩkõāa. Irasirirā gajirā buerimasā m̄sārē buep̄rorideare dupaturi buero gāāmea. ¹³ Ōp̄ĩkũ mirĩrā majĩrāgā irirosũ āārĩrāno, “I ñerĩ, i gap̄u õārĩ āārā”, ārĩ beyemasĩbema. ¹⁴ Baari buriri gap̄u m̄rā baari āārā. M̄rā āārĩrāno, õārõ buenerā, õārĩrē, ñerĩrē beyemasĩrāgue āārĩma.

6

¹ Irasirirā m̄rā pémasĩrā irirosũ Cristoyamarē õārõ pémasĩrā dujarā, irire buenemorõ gāāmea. Neõgorague ĩgũyare buep̄rorirā, marĩ ñerõ irideare b̄jawere, gũñarĩ gorawayurire bueb̄u, Marĩp̄u marĩrē perebiri peamegue béori, ārĩrā. Marĩ ñerõ iririk̄deare piri, Marĩp̄ure õārõ b̄remurĩdere bueb̄u. ² Gajidere, deko merā, Ōgũ deyomarĩgũ merā wāiyerire bueb̄u. Marĩ oparā ĩgũsāya mojørĩ merā marĩrē: “Marĩp̄u m̄rē iritamuburo”, ārĩ ñapeoridere bueb̄u. Boanerā masāburire, Marĩp̄u Cristore b̄remumerārē perebiri peamegue wajamoāburidere bueb̄u. ³ Irasirirā marĩ Cristore b̄remurā ĩgũyare buenemowāgānĩkõārākoa, Marĩp̄u gāāmemakũ ĩgũ iritamurĩ merā masĩnemorā.

⁴ Āsũ āārā. Masaka Jesucristoya kerere pémasĩkererā, Marĩp̄u ĩgũyarārē õārĩ sĩburire masĩkererā, Ōgũ deyomarĩgũrē opakkererā, ⁵ Marĩp̄u õārĩ werenĩrĩrē pékererā, i ũm̄u peredero p̄ur̄u ĩgũ turari merā iriburire masĩkererā, ⁶ iri gap̄ure gāāmemerā, neõ dupaturi ĩgũsā ñerõ irideare b̄jawereri merā pirimasĩbirikuma. Neõ dupaturi ĩgũsā gũñarĩrē õārĩ gap̄u gorawayumasĩbirikuma. Irasirirā Marĩp̄uyare gāāmebiri waja, Marĩp̄u magũ Cristore b̄remumerā, ĩgũrē dupaturi curusague pábiatú wējērā irirosũ āārĩrākuma. Gajirārē ĩgũrē masaka ĩūrõgue buridamakũ irirākuma. ⁷ Āsũ āārā. Marĩ, su pooema nikũ irirosũ āārā. Ōārĩ nikũrē ũmarĩkũ deko merēm̄makũ, sibi ñajānako. Irasiriro iri poe op̄u otedea õārõ puri dukakũkoa. Irasiriḡu iri poe op̄u dukare opakumi ĩgũbaaburire. Gajirā iri yebare õārĩ dukakũmakũ ĩārā: “Marĩp̄u õārõ dukakũmakũ irikumi”, ārĩkuma. Irasũta yámi Marĩp̄u ĩgũyare pérārē. Gajirā ĩgũsā ĩgũyare õārõ irimakũ ĩārā: “Marĩp̄u ĩgũsārē õārõ iritamumi, irasirirā õārõ yáma”, ārĩrākuma. ⁸ Iri poeere pora, ñerĩ tá dita puri dukakũmakũ, béokõārõ gāāmea. Irasũta yámi Marĩp̄u ĩgũyare pékererā irimerārē. Perebiri peamegue béogakumi ĩgũsārē wajamoāgũ.

Jesucristore b̄remurĩrē piriro marĩrõ marĩ ũm̄ugasigue waaburire yúro gāāmea, ārĩ gojadea

⁹ Ȳu, Marĩp̄u ĩgũsārē béoburire wereḡu, m̄sārē ȳu maĩrārē: “ĩgũ béosũmurā āārā”, ārĩgũ meta yáa. Marĩp̄u m̄sārē Cristo merā taudi āārĩmĩ, ĩgũyarā āārĩburo, ārĩgũ. Irasirirā m̄sā õārĩ yebague otedea õārõ dukakũrosũta õārĩrē yáa. Irire ȳu masĩa. ¹⁰ Marĩp̄u diayema iriḡu āārĩmi. Irasiriḡu ĩgũyare m̄sā õārõ iririre k̄tibirikumi. M̄sā ĩgũrē maĩsĩā, gajirā ĩgũyarārē iritamurĩdere k̄tibirikumi. ¹¹ Ȳu, m̄sā okaropa usuyari merā gajirārē iritamunĩmakũ gāāmea. Irasirirā Marĩp̄u ĩgũyarārē: “Ōārĩrē sĩgura”, ārĩdeare m̄sā yúrire, p̄ur̄ugue diayeta oparākoa. ¹² Irasiriḡu m̄sā Marĩp̄uyare téri merā irit̄yamakũ gāāmebea. Gajirā Marĩp̄u Jesucristo merā tauri kerere

buremurā ñerō tarikererā, Marĩpũre: “Diayeta yũre iritamugakumi”, āĩ buremuníkõāma. Īgũsā irasirimakũ ĩāgũ, Marĩpũ ĩgũyarārē: “Õārĩrē sīgũra”, āĩdeare ĩgũsārē sīgakumi. Irasirirā musāde ĩgũsārē ĩākũĩ, ĩgũsā irirosũta iriníkõāka!

¹³⁻¹⁴ Iripoegue Marĩpũ Abrahārē āsũ āĩ pídi āārĩmĩ: “Diayeta mure õārĩrē irigũra yũ āĩderosũta. Mu parāmerā āārĩturiarārē wārā āārĩmakũ irigũra”, āĩ pídi āārĩmĩ. Irasũ āĩ pígu, ĩgũ wāĩ merā wāĩpeodi āārĩmĩ. Gajigu ĩgũ nemorõ āārĩgũ neõ marĩmakũ, ĩgũ wāĩ merā wāĩpeodi āārĩmĩ. ¹⁵ Abraham, Marĩpũ ĩgũrē āĩ pídeare õārõ buremurĩ merā yũdi āārĩmĩ. Irasirigu Marĩpũ ĩgũ āĩderosũta ĩgũrē õārõ iridi āārĩmĩ. ¹⁶ Sugu masakũ gajirā péuro: “Diayeta āĩgũ yāa”, āĩgũ, ĩgũ nemorõ āārĩgũya wāĩ merā wāĩpeokumi. ĩgũ irasũ āĩ wāĩpeomakũ pérā: “Diayeta werekumi”, āĩ, ĩgũ merā neõ guaseomasĩbirikuma. ¹⁷ Irasirigu Marĩpũ Abrahārē: “Diayeta mure õārĩrē irigũra”, āĩ pígu, ĩgũ wāĩ merā wāĩpeodi āārĩmĩ. Marĩ ĩgũ irasũ wāĩpeo weredeare pérā: “Īgũ āĩderosũta diayeta irigũkumi”, āĩ masĩa. “Īgũ āĩdeare neõ gorawayubirikumi”, āĩ masĩa. Irasirigu irire marĩrē õārõ masĩburo, āĩgũ, Abrahārē āĩ pídeare weregu, ĩgũ wāĩ merā wāĩpeodi āārĩmĩ. ¹⁸ Marĩpũ neõ āĩkatobi āārĩmĩ. Irasirigu ĩgũ āĩ pídea merā, ĩgũ wāĩpeodea merā, ĩgũ āĩdea neõ gorawayubiriburire marĩrē masĩmakũ iridi āārĩmĩ. Marĩ irasirigũre masĩrā, marĩ ñerõ irideare piri, ĩgũ marĩrē tauburire gũñaturari merā yũa. “Irasũta irigũkumi”, āĩ masĩa. ¹⁹ Irasirigu Marĩpũ marĩrē ĩgũ õārõ iriburire yũrārē ũmugasigue ĩgũ merā āārĩmakũ irigũkumi. ĩgũ turatarigu āārĩsĩa, irire diayeta irigũkumi. Irire õārõ masĩa marĩ.

Āsũ āārā. Sugu paĩa opu Marĩpũ āārĩrĩ taribu poekague ñajāgũ, iri taribu makāpũro kāmulari gasiro tariñajāmi. Irasũ ñajāgũ, masakaya āārĩburire sērēbosami Marĩpũre. ²⁰ Marĩpũ āārĩrĩ taribugorogue ñajārõsũ Jesús ũmugasigue Marĩpũ āārĩrõgue ñajādi āārĩmĩ. Marĩ iroque ñajāburi dupiyuro ñajāsĩadi āārĩmĩ, paĩa opu nemorõ Marĩpũre marĩya āārĩburire sērēbosaníkõābu. Melquisedec paĩ āārĩderosũta āārĩnókõāgũkumi.

7

Melquisedec paĩ āārĩderosũta Jesús āārĩmĩ, āĩ gojadea

¹ Iripoegue Melquisedec wāĩkũgu Salem* wāĩkũri makā marā opu āārĩdi āārĩmĩ. ĩgũ paĩ āārĩgũ, masakaya āārĩburire Marĩpũre āārĩpererārē doregure sērēbosagu āārĩdi āārĩmĩ. Abraham gajirā oparārē wējē tarinũgāgũ ejadi goedujāamakũ, Melquisedec ĩgũrē bokatĩrĩgũ waadi āārĩmĩ. ĩgũrē bokatĩrĩgũ, Marĩpũre: “Gũapu, ĩrē õārõ irika!” āĩ sērēbosadi āārĩmĩ. ² Abraham gajirā oparārē wējē tarinũgāsĩa, ĩgũsāya āārĩdeare āĩadi āārĩmĩ. Irasirigu ĩgũ āĩdeare pe mojõma buri dukawa pí, subu sĩdi āārĩmĩ Melquisedere. “Melquisedec”, āĩrõ: “Opu diayeta irigu”, āĩduaro yāa. ĩgũ Salem marārē doregu āārĩdi āārĩmĩ. ĩgũyarārē õārõ siñajārĩ merā āārĩmakũ iridi āārĩmĩ. Irasiro: “Salem”, āĩrõ: “Siñajārĩ”, āĩduaro yāa. ³ Melquisedec pagũsāmarārē, ĩgũ ñekũsāmarārē ĩgũsā were gojatũdea neõ máa. ĩgũ deyoadeare, ĩgũ boadeare, ĩgũrē gorawayubure were gojatũdea neõ máa. Irasirigu ĩgũ, Marĩpũ magũ Jesucristo paĩ āārĩnókõāgũ irirosũ āārĩdi āārĩmĩ.

⁴ Irasirirā Melquisedere gũñaka! Ubu āārĩgũ meta āārĩdi āārĩmĩ. Marĩ ñekũ Abraham marĩya bumũ āārĩpũroridi āārĩkeremakũ, Melquisedec, Abraham nemorõ āārĩdi āārĩmĩ. Irasirigu Abraham Melquisedere, gajirā oparārē wējē tarinũgāsĩa, ĩgũsāya āārĩdea āĩdeare pe mojõma buri dukawa pí, subu sĩdi

* **7:1** Salem wāĩkũri makā, Jerusal'ēta āārĩyuro.

ãārĩmĩ. ⁵ Āsũ ãārã. Moisés dorederosũta ãārĩpererã gajirã Israel bumarã ĩgũsãyare, Levĩ parãmerã ãārĩturiarãrẽ paĩa ãārĩrãrẽ keoro sĩma. Abraham Levĩya bumarã ñekũ ãārĩdi ãārĩmĩ. ĩgũ ãārĩpererã gajirã Israel bumarã ñekũ ãārĩdi ãārĩmĩ. ĩgũ, ĩgũsã ñekũ ãārĩdi ãārĩkeremakũ, ĩgũsã gapũ Moisés dorederosũta irirã, Levĩ parãmerã ãārĩturiarã ditare sĩma. ⁶ Melquisedec gapũ Levĩ parãmi ãārĩturiagu ãārĩbiridi ãārĩmĩ. Abraham gapũ Marĩpu: “Õãrõ irigura”, ãrĩ písũdi ãārĩkeregũ, Melquisedere sĩdi ãārĩmĩ. Irasirigũ Melquisedec Abrahãrẽ: “Marĩpu murẽ õãrõ iriburo”, ãrĩdi ãārĩmĩ. ⁷ Irasirirã marĩ ire masĩa. Melquisedec Abrahãrẽ: “Marĩpu murẽ õãrõ iriburo”, ãrĩgũ, Abraham nemorõ ãārĩdi ãārĩmĩ. ⁸ Gajire masĩa. Paĩa, marĩ watope ãārĩrã, marĩ irirosũta masaka ãārĩma. Irasirirã boamurãta ãārĩma. Moisés dorederosũta irirãno, ĩgũsãyare pe mojõma buri oparire subu sĩma paĩare. Abraham Melquisedere sĩgũ, ãārĩnĩgũ irirosũ ãārĩgũrẽ sĩdi ãārĩmĩ. Marĩpũya werenĩrĩ gojadea pũgue Melquisedere: “Boakõãdi ãārĩmĩ”, ãrĩ gojadea neõ mãa. ⁹⁻¹⁰ Masaka Moisés dorederosũta irirã, ĩgũsãyare pe mojõma buri oparire subu sĩma, Levĩ parãmerã ãārĩturiarãrẽ paĩare. Iripoegue Levĩ deyoaburi dupiyuro Melquisedec Abrahãrẽ bokatĩrĩgũ waadi ãārĩmĩ. ĩgũ bokatĩrĩmakũ, Abraham ĩgũ ãĩdeare pe mojõma buri dukawa pí, subu sĩdi ãārĩmĩ Melquisedere. Levĩ, Abraham parãmi ãārĩdi ãārĩmĩ. ĩgũ parãmerã ãārĩturiarãde Abraham parãmerãta ãārĩnerã ãārĩmã. Irasirirã, Abraham Melquisedere sĩdea merã ĩgũsãde ĩgũrẽ sĩnerã irirosũ ãārĩnerã ãārĩmã. Irasirigũ Melquisedec ĩgũsã nemorõ ãārĩdi ãārĩmĩ.

¹¹ Marĩpu Israel bumarãrẽ ĩgũ dorerire pígu, Aarõn parãmerã ãārĩturiarã Levĩya bumarãrẽ: “Paĩa ãārĩma”, ãrĩ pídi ãārĩmĩ. Irasirirã ĩgũ dorederosũta paĩa waimurãrẽ wẽjẽ soepeo, Marĩpure masakaya ãārĩburire sãrẽbosanerã ãārĩmã. ĩgũsã irasiridega gapũ masakare Marĩpu ĩũrõ õãrã waamakũ irimasĩbea. Irasirigũ Marĩpu ĩgũsãrẽ gorawayubure Cristore iriudi ãārĩmĩ, paĩ ãārĩbure, marĩrẽ õãrã ãārĩmakũ iribure. Cristo gapũ Levĩya bumũ, Aarõn parãmi ãārĩturiagu ãārĩbemi. Melquisedec ãārĩderosũta paĩ ãārĩmĩ. ¹² Irasirigũ Marĩpu Cristore paĩare gorawayubure iriugu, ĩgũ iripoegue doredeadere gorawayudi ãārĩmĩ. ¹³⁻¹⁴ Marĩpu ĩgũ iripoegue dorederosũta Levĩya bumarã ditare paĩa sóounadi ãārĩmĩ. Marĩ Opũ Jesucristo gapũ Israel bumũ ãārĩkeregũ, Levĩya bumũ meta ãārĩmĩ. Judãya bumũ ãārĩmĩ. Marĩpu Moisére ĩgũ dorerire pígu, neõ Judãya bumarãrẽ: “Paĩa ãārĩrãkuma”, ãrĩbiridi ãārĩmĩ. Irire masĩa marĩ.

¹⁵ Irire masĩrã, idere õãrõ pẽmasĩa. Cristo, Marĩpu paĩ sóodi, gajirã paĩare gorawayugu, Melquisedec irirosũ ãārĩgũ ãārĩmĩ. ¹⁶ Marĩpu iripoegue dorederosũta Levĩya bumarã dita paĩa ñajãunanerã ãārĩmã. Jesucristo gapũ Marĩpu pídi gajirã paĩa irirosũ paĩ ñajãbiridi ãārĩmĩ. Marĩpu turari merã ãārĩnĩgũ ãārĩsĩa, paĩ ñajãdi ãārĩmĩ. ¹⁷ Marĩpu ĩgũ werenĩrĩ gojadea pũgue ĩgũ magũrẽ irire ãsũ ãrĩdi ãārĩmĩ:

Melquisedec paĩ ãārĩderosũta mũ ãārĩnĩkõãgũkoa, ãrĩdi ãārĩmĩ.✧

¹⁸ Marĩpu Moisére doreri pípurõrõidega marĩrẽ Marĩpu merã õãrõ ãārĩmakũ irimasĩbea. Irasirigũ Marĩpu iri dorerire bojepĩkõãdi ãārĩmĩ. ¹⁹ Marĩpu Moisére doreri pídea merã marĩ ĩgũ ĩũrõ õãrã neõ ãārĩmasĩbea. Irasirigũ Marĩpu Jesucristo merã marĩrẽ õãrã ãārĩmakũ iriburire pídi ãārĩmĩ. Irasirirã marĩ Cristore bũremurã, Marĩpu purõgue ñajãrã irirosũ ĩgũrẽ diayeta sãrẽmasĩa.

²⁰ Marĩpu Cristore paĩ sóogu: “Yũ wãĩ merã murẽ wãĩpeo píã”, ãrĩdi ãārĩmĩ.

²¹ Gajirã paĩa gapũre ĩgũ wãĩ merã wãĩpeo píbiridi ãārĩmĩ. Cristo gapũre wãĩpeo, paĩ pídi ãārĩmĩ. Āsũ ãrĩ weredi ãārĩmĩ Marĩpu Cristore:

Y_u, m_u Op_u āārā. Irasirig_u y_u wāi merā m_urē wāi_upeog_u, diayeta wereg_ura. Irasirig_u neō gorawayuro marīrō m_urē āsū ārī werea: “Melquisedec paī āārīderosūta m_u āārīnīkōāg_ukoa”, ārīdi āārīmī Marīp_u īgū magūrē.[✧]

²² Marīp_u irasū ārī wereg_u, īgū Jesucristo merā marīrē ōārā āārīmakū iriburire pīdi āārīmī. Iri īgū Moisére doreri pīp_uroridea nemorō, marī ōārō āārīburire pīdea āārā. ²³ Āārīp_urorinerā paīa boamakū, gajirā gorawayu űajānerā āārīmā doja. Irasirirā wārā paīa űajānerā āārīmā. ²⁴ Jesús gap_u irasū āārīnīkōāmi. Irasirirā īgūrē gorawayurā paīa neō máma. ²⁵ Irasirig_u Marīp_ure marīya āārīburire sērēbosanīkōāmi. Marīp_ure masīrāno, Jesúre b_uremurā āārīma. Irasirig_u āārīpererā marīrē īgūrē b_uremurārē taumasīmi, Marīp_u merā ōārō āārīnīkōāburo, ārīgū.

²⁶ Irasirig_u Jesús paīa op_u nemorō, āārīpereri marīya āārīburire keoro irita-mugū āārīmi. Īgūrēta marī b_uro gāāmea. Īgū ōātarig_u, neō űērīrē iribi, űērī opabi āārīmi. Irasirig_u Marīp_u īgūrē űērā watope āārīdire āi, űm_ugasigue āārīpererā gajirā nemorō Op_u pīdi āārīmī. ²⁷ Gajirā paīa oparā irirosū āārībemi. Īgūsā gap_u űm_urik_u waim_urārē wējē soepeo sērēbosama, Marīp_ure masaka űērī iridea waja īgūsārē wajamoābirikōāburo, ārīrā. Paīade īgūsā űērī iridea waja Marīp_u īūrō īgūsā basi waim_urārē wējē soepeop_urorima. P_ur_u gajirā űērī īgūsā iridea waja waim_urārē wējē soepeobosama. űm_urik_u irasirinama. Jesús gap_u paīa op_u nemorō āārīgū, marī űērī iridea waja waim_urārē wējē soepeobiridi āārīmī. Suñarōta marī āārīpererārē boabosadi āārīmī, marī űērī iridea wajare taug_u. ²⁸ Marīp_u Moisére doreri pīdea merā paīa oparā sóosūma. Īgūsā irasū sóosūkererā, ōārī ditare irimerā āārīma. Iri dorerire pīdero p_ur_u, Marīp_u īgū magū gap_ure īgū wāi merā wāi_upeo, paīa op_u nemorō sóodi āārīmī. Irasirig_u īgūrē sóog_u, īgū gāāmerōsūta ōārī iripeog_u āārīnīmakū iridi āārīmī.

8

Jesús marīya āārīburire Marīp_ure sērēbosag_u āārīmi, ārī gojadea

¹ Āārīpereri y_u m_usārē wererire pérā, ire ōārō pémasīka! Jesucristo paīa op_u nemorō āārīgū űm_ugasigue Marīp_u turatarig_u diaye gap_u doami īgūrē marīya āārīburire sērēbosabu. ² űm_ugasigue marī Op_u iridea wii īgūya wiigora āārā. Iri wii, masaka iridea wii meta āārā. Irasirig_u Jesucristo irogue marīya āārīburire Marīp_ure sērēbosag_u, iri wiigueta sērēbosami. ³ Marīp_u i nikū marā paīa oparārē sóog_u, īgū īūrō waim_urārē wējē soepeomurārē, gajino īgūrē sīmurārē sóomi. Irasirig_u Jesucristode īgūsā Marīp_ure gajino sīrā irirosū irig_u, īgū basi marīrē boabosadi āārīmī. ⁴ Jesucristo i nikūgue āārīgū, paī āārībiribukumi. Gajirā paīa Moisés dorederosūta Marīp_u īūrō īgūrē gajinorē sīrā āārīsīama. ⁵ I nikū marā paīa Marīp_uya wiig_ue īgū īūrō moāma. Iri wii i nikūma wii āārā. Marīp_uya wiigora űm_ugasigue āārā. Irasiro Marīp_uya wii i nikūma wii, űm_ugasima wii keori āārā. Moisés i nikūma wiire iriburo dupiyuro Marīp_u āsū ārīdi āārīmī īgūrē: “Y_u m_urē űtāūgue īmuderosūta yaa wiire irig_ukoa. Y_u dorederosūta yaa wiire keoro irika!” ārīdi āārīmī. ⁶ Jesús gap_ure: “Paīa op_u nemorō āārā m_u”, ārī pīdi āārīmī. Irasiro Jesús űm_ugasigue paī moārī, i nikū marā paīa moārī nemorō ōārī āārā. Iri_uog_ue Marīp_u masakare: “Moisére y_u doreri pīdeare iripeorārē ōārō irig_ura”, ārī werepīdi āārīmī. P_ur_u Jesucristore iriug_u: “Īgūrē b_uremurārē y_u merā ōārā āārīmakū irig_ura”, ārī werepīdi āārīmī. Irasiro īgū iri_uog_ue werepīdea nemorō ōārī āārā. Irasirig_u Jesucristo Marīp_u merā marī ōārō āārīburire āmubosag_u āārīsīā, paīa op_u nemorō āārīmī.

✧ 7:21 Sal 110.4

⁷ Moisére Marĩpu doreri pídea, marĩrẽ Marĩpu merã õãrõ ããrĩmakũ iribiridero ããrĩbú. Iri doreri marĩrẽ õãrõ irimakũ tamerãrẽ Marĩpu dupaturi gaji werepĩbiribodi ããrĩmí. ⁸ Īgũyarã, Israel bumarã ĩgũ doredeare iribiri waja ĩgũsãrẽ ãsũ ãrĩdi ããrĩmí ĩgũya werenĩrĩ gojadea pũgue:

Y_u musã Op_u, ãsũ ãrã: “Õãrõ péka! Musã Israel bumarãrẽ, Judáya bumarãdere purũguere gaji maama werepĩgũkoa.

⁹ Iri, y_u musã ñekũsãmarãrẽ iripoegue werepídea irirosũ neõ ããrĩbirikoa. Y_u basi ĩgũsãrẽ Egipto nikũgue ããrĩrãrẽ õãrõ koreri merã wiub_u. Wiu: ‘Y_u dorerire irimakũ, musãrẽ õãrõ irigũra’, ãrĩ werepĩb_u. Y_u irasũ ãrĩdeare ĩgũsã gap_u tarinũgãma. Īgũsã tarinũgãrĩ waja ĩgũsãrẽ béob_u, ĩgũsã gããmerõ iriburo, ãrĩgũ.

¹⁰ Irasirigũ purũguere Israel bumarãrẽ ãsũ ãrĩ weregũra: Y_u dorerire ĩgũsãrẽ gũña pémasĩmakũ irigũkoa. Y_u dorerire ĩgũsãrẽ iridũamakũ irigũkoa. Irasirigũ y_u, ĩgũsã Op_u ããrĩgũkoa. Īgũsã, yaarã y_u ditare bũremurã ããrĩrãkuma.

¹¹ Neõ sug_u ĩgũyarãrẽ ĩgũ merãmarãrẽ, ĩgũ pagũpũrãrẽ: ‘Marĩ Op_ure masĩka musã!’ ãrĩ buebirikuma. ããrĩpererã y_ure masĩrãkuma. Majĩrã, irasũ ããrĩmakũ murã y_ure masĩrã dita ããrĩrãkuma.

¹² Irasirigũ ĩgũsã ñerĩ irideare kãtigũkoa. Īgũsã ñerĩ irideare neõ gũñanemobirikoa. Īgũsãrẽ wajamoãbirikoa”, ãrĩdi ããrĩmí Marĩpu Israel bumarãrẽ.✧

¹³ Irasũ ãrĩ weregũ, maama werepĩri merã iripoegue ĩgũ masakare werepĩpurorideare peremakũ iridi ããrĩmí. Gajino bũgure béo gorawayurosũ, maama merã ĩgũ werepĩpurorideare gorawayudi ããrĩmí.

9

Marĩpũre bũremurĩ wiimarẽ gojadea

¹ Iripoegue Marĩpu Moisére ĩgũ dorerire pípurorigũ, masaka ĩgũrẽ bũremuburidere pídi ããrĩmí. Irasirigũ ĩgũsãrẽ ĩgũrẽ bũremuburi wii i nikũma wiire iridoredi ããrĩmí. ² Iri wii waimurã gasiri merã ĩgũsã iridea wii, pe taribu opari wii ããrĩdero ããrĩbú. Ñajãnũgãpuroriri taribu Marĩpũya taribu wãikũdero ããrĩbú. Iri taribure sããgori yuk_u peodi, irasũ ããrĩmakũ baari peyaro ããrĩdero ããrĩbú. Iri peyaro weka Marĩpũ ĩũrõ pã duparu peyadero ããrĩbú. ³ Iri taribu korema taribu surĩro gasiro merã kãmutadea taribu ããrĩdero ããrĩbú. Iri taribu Marĩpu ããrĩrĩ taribugora wãikũdero ããrĩbú. ⁴ Iri taribugue ñajãrõ purõ sãrõrĩ soemurõ oro merã iridero ããrĩdero ããrĩbú. Iri taribu poekague oro merã õmabiadea kũma, Marĩpu ĩgũ doreri gojadea ãtã majĩrĩ opari kũma ããrĩdero ããrĩbú. Gaji soro oro merã iridea soro Marĩpu masakare ejodea maná wãikũri poga oparisoro, irasũ ããrĩmakũ Aarõyagũ tuadi ñasãtuadi iri kũmague ããrĩdero ããrĩbú. ⁵ Marĩpu iri kũma bũũari majĩ weka pẽrã ĩgũrẽ wereboerã kẽdupũrikurã keori weadea merã ĩgũ iri taribugue ããrĩrĩrẽ ĩmudi ããrĩmí. Īgũsãya kẽdupũri merã iri kũma bũũari majĩrẽ sãẽ kãmutadero ããrĩbú. Iri bũũari majĩ, Marĩpu masakare: “Īgũsã ñerõ iridea waja wajamoãbirikoa”, ãrĩdeare keori ããrĩdero ããrĩbú. Dapagorare ããrĩpereri iri wiimarẽ werenemomasĩbirikoa.

⁶ Iri wiimarẽ ãmu ododero purũ, ãmurikũ paía ããrĩpuroriri taribure ñajãunanerã ããrĩmá Marĩpu ĩũrõ ĩgũsã moãrĩrẽ irirã. ⁷ Paía op_u dita gaji taribuguerẽ ñajãunadi ããrĩmí. Bojorikũ iri taribuguerẽ suñarõta waimurã díre ãĩ ñajãunadi ããrĩmí. Dí marĩrõ neõ ñajãbiridi ããrĩmí. Īgũ basi ñerĩ iridea waja,

✧ 8:12 Jer 31.31-34

irasū āārīmakū masaka ĩgūsā masīña marīrō ñerō iridea waja iri díre āi ñajādi āārīmí, Marīp̄ure: “Wajamoābirikōāka ḡuare! Ḡua ñerō irideare kātika!” āri sērēgū. ⁸ I āārīpereri merā Ōāgū deyomarīgū marīrē ire pémasīmakū yāmi. Iri wii āārīdeapoe masaka Marīp̄ure buremurā, ĩgū āārīrī taribugue ñajābirinerā āārímá. ⁹ I āārīpereri Marīp̄u ĩgūrē buremurī wiimarē pídeare marī buesīā: “Dapagoraguere marī ĩgūrē buremurī āsū ārīduaro yāa”, āri pémasīa. Iro dupiyuro paía gajino Marīp̄ure sīrī, waimurārē wējē soepeori, masakare: “Marīp̄u ĩūrō waja opamerā āārā ḡua”, neō āri masīmakū iribiridero āārībú. ¹⁰ Āsū āārā. Marīp̄u Moisére doreri pídea ĩgū masakare baadoreri, iiridoreri, ĩgū ĩūrō koedoreri dita āārā. ĩgūsāya ȳj̄p̄ūrārīma āārībea. Irasiriro iri doreri marīrē ōārā waamakū iribeā. Marīp̄u iri dorerire masaka ĩgūsā iriburire pídi āārīmí. Irire Jesucristo merā gorawayuburo dupiyuro pídi āārīmí.

¹¹ Cristo gap̄u paía op̄u nemorō āārīgū aarisiadi āārīmí. Irasirigū ĩgū boadea merā marīrē ōārō iridi āārīmí. Marīp̄u ĩūrō marī ñerī iridea wajare peredoregū, Marīp̄u āārīrōgue ūmugasima wiigūe ñajādi āārīmí. I nikūma wiire ñajābiridi āārīmí. Ūmugasima wii, i nikūma wii nemorō ōātariri wii, masaka iridea wii meta āārā. ¹² Irasirigū Cristo, Marīp̄u āārīrōgue ūmugasima wiigūe suñarōta ñajādi āārīmí. Irogue ñajāgū, paía oparā i nikūma wiigūe Marīp̄u āārīrī taribuguerē cabraya díre, wekua majīrāya díre āi ñajāderosū āi ñajābiridi āārīmí. ĩgū basi marī ñerī iridea waja boagu, ĩgūya dí merā Marīp̄u āārīrōgue ñajādi āārīmí, marīrē Marīp̄u merā ōārō āārīnīkōāburo, ārīgū. ¹³ Paía oparā cabraya, wekūya dí merā, wekūgo majīgōrē ĩgūsā soedea nitī merā masakare ĩgūsā ñerī iridea waja Marīp̄uya wiigūe ñajāmasīmerārē wēāsiripeoma. ĩgūsārē wēāsiripeomakū, Marīp̄u ĩūrō ñerīrē opamerā duja, Marīp̄uya wiigūe dupaturi ñajāmasīma doja. ¹⁴ Paía oparā wekūya dí merā, cabraya dí merā masakare iritamuma. Cristo gap̄u ĩgūsā nemorō ĩgūya dí merā marīrē ōārō iritamutarigū yāmi. ĩgū ñerī marīgū, Ōāgū deyomarīgū āārīnīgū iritamurī merā ĩgū basi Marīp̄ure wiadi āārīmí curusague boabu. Paía waimurā Marīp̄ure wia, ĩgū ĩūrōrē soepeorosū ĩgū basi irasū wiadi āārīmí. Irasirigū marīrē Marīp̄u merā neō ōārō āārībonerārē taudi āārīmí, Marīp̄u okanīgū dorerire ōārō irimasīburo, ārīgū. Irasirigū marī gūñarīgūe: “Marīp̄u ḡuare wajamoāgukumi ḡua ñerō iridea waja”, āri gūñarikunemobirimakū iridi āārīmí.

¹⁵ Irasirigū Jesucristo, Marīp̄u ĩgū beyenerārē maama werepīderosūta iridi āārīmí marīrē taubu. Marīrē taugū, Marīp̄uyarā ĩgū merā ōārō āārīnīmakū iridi āārīmí. Irasirirā Marīp̄u ĩgūyarārē sīburire oparākoa. Moisés doreri dita āārīmakū, marī ñerī iridea waja, waja oparā dita āārībukoa dapa. Cristo marīrē curusague boabosadi āārīmí, marī ñerī iridea waja, waja opabonerārē taubu. ¹⁶⁻¹⁷ Āsū āārā. Sugū masakū ĩgū boaburo dupiyuro ĩgūyarārē: “Ȳu opari m̄sārē dujarokoa”, ārīkumi. Irasirigū ĩgū boaburo dupiyuro sībirikumi dapa. ĩgū boadero p̄u, ĩgūyarārē: “M̄sārē dujarokoa”, ārīderosūta ĩgū opadeare āīkuma.

¹⁸ Irasiriro Marīp̄u masakare: “Āsū irigūra”, āri werepīp̄uroridea, waimurārē wējē, ĩgūsāya dí béoro marīrō wajamarīdero āārībú. Waimurārē wējē, ĩgūsāya díre béodero p̄u, Marīp̄u dorerire diayeta irinerā āārímá. ¹⁹ Irasirigū Moisés, Marīp̄u ĩgū doreri pídeare masakare werepeodi āārīmí. P̄u cabraya díre, wekua majīrāya díre deko merā morēdi āārīmí. Morē odo, hisopo wāīkudi dup̄u merā oveja poarire diari merā ñimudea merā tūrādi āārīmí. Iri dup̄u merā díre yosa, Marīp̄u dorerire ĩgū gojadea pū weka, āārīpererā masaka wekadere wēāsiripeodi āārīmí. ²⁰ P̄u ĩgūsārē

āsū ārīdi āārīmí: “Marĩpu marĩrē ĩgũ doreri pídea, i dí merā diaye āārĩmakũ masĩa. I díre ĩārā, diayeta ĩgũ ārĩderosũta ĩgũ marĩrē iriburire masĩa. Irasirigu Marĩpu: ‘Yũ dorerire õārõ irika!’ ārĩmi”, ārīdi āārīmí Moisés. ²¹ Pũũ masakare ĩgũ iriderosũta Marĩpure bũremurĩ wii wiamũrā gasiri merā ĩgũsā iridea wiire, āārĩpereri iri wiigüe āārĩrdere wēāsiripeodi āārīmí. ²² Āsũ āārā. ĩgũ dorederosũta Marĩpure bũremurĩ wiimarē dí merā wēāsirimakũ, Marĩpu irire: “Yũ ĩũrõ õārĩ āārā”, ārĩ ĩādi āārīmí. Irasũ wēāsiribirimakũ: “Õārĩ āārā”, ārĩ ĩābiribodi āārīmí. Irasirigu dí béoro marĩrõ, marĩ ñerĩ iridea wajare marĩrē kātimasĩbirikumi.

Jesucristo, ĩgũ boari merā marĩ ñerõ iridea wajare taudi āārīmí, ārĩ gojadea

²³ Irasirirā i nikũma wiire, iri wiigüe āārĩrdere paía: “Marĩpu ĩũrõ õārĩ āārā”, ārĩrā, waimũrā dí merā wēāsiripeonerā āārĩmá. I nikũma wii, ũmũgasima wii keori dita āārĩdero āārĩbũ. Irasiro ũmũgasima wiire, iri wiigüe āārĩrdere: “Marĩpu ĩũrõ õārĩ dita āārā”, ārĩ, waimũrā dí nemorõ Cristoya dí merā wēāsiripeoro gāamea. ²⁴ Irasirigu Cristo marĩya āārĩburire Marĩpure sērēbosagu, Marĩpure bũremurĩ wii masaka iridea wiire ñajābiridi āārīmí. Iri wii, ũmũgasima wii keori āārĩdero āārĩbũ. Marĩpuya wiigora ũmũgasigüe āārā. Irasirigu Cristo ũmũgasima wiigüe ñajādi āārīmí, Marĩpu ĩũrõ marĩya āārĩburire sērēbosabu.

²⁵ Bojoriku sugũ paía opu i nikũma wiigüe, Marĩpu āārĩrĩ taribugüe waimũrā dí merā ñajānadi āārīmí. Cristo gapũ marĩrē boabosagu, suñarõta ũmũgasima wiigüe, Marĩpu āārĩrdõgüe ĩgũya dí merā ñajādi āārīmí. ²⁶ Paía opu dí merā ñajānaderosũ irigu, i ũmũ āārĩnũgādeapoegueta boa, masādi tamerā irasũta boa, masānikõābodi āārīmí. Suñarõta i ũmũ pererĩnũ ejaburi dupiyuro i nikũguere deyoadi āārīmí, ĩgũ suñarõta boari merā marĩ āārĩpererā ñerĩ iridea wajare béobu. ²⁷ Āārĩpererā marĩde suñarõta boarākoa. Marĩ boadero pũũ, Marĩpu ĩgũ ĩũrõrē marĩrē nĩdoregũkumi ĩgũrē bũremurārē õārõ iri, ĩgũrē bũremubirinerārē wajamoābu. ²⁸ Marĩ suñarõta boarosũ, Cristode suñarõta boadi āārīmí. Irasirigu ĩgũ boari merā wārā masaka ñerõ iridea wajare béobosadi āārīmí. Irasiri odo, ũmũgasigüe mũrĩa, pũũ i nikũgüe dupaturi aarigũkumi doja. Irasũ aarigũ, masaka ñerõ iridea wajare béogu aarigũ meta irigũkumi. ĩgũrē usũyari merā yũrārē taugũ aarigũkumi, ũmũgasigüe ĩgũ merā āārĩburo, ārĩgũ.

10

¹ Marĩpu Moisére ĩgũ doreri pídea, pũũgüe ĩgũ Cristo merā masakare õārõ iriburi keori dita āārĩdero āārĩbũ. Cristo masaka ñerĩ iridea wajare béodi āārīmí. Marĩpu Moisére doreri pídea gapũ ĩgũsā ñerĩ iridea wajare béomakũ irimasĩbiridero āārĩbũ. Irasiro iri dorederosũta paía bojoriku Marĩpu ĩũrõ waimũrārē wējē soepeorire irinakeremakũ, masaka ñerĩ iridea wajare béomakũ irimasĩbiridero āārĩbũ. ĩgũsārē Marĩpu ĩũrõ õārā āārĩmakũ irimasĩbiridero āārĩbũ. ² Iri doreri masakare õārā āārĩmakũ irimasĩmakũ, suñarõta waimũrā wējē soepeori merāta ĩgũsā ñerĩ iridea wajare béosũbonerā āārĩmá. “Waja opamerā āārā”, ārĩ gũñabonerā āārĩmá. Irasirirā, Marĩpu ĩũrõ ĩgũsā waimũrā wējē soepeorire pirikõābonerā āārĩmá. ³ Āsũ gapũ āārĩdero āārĩbũ. Marĩpu, bojoriku ĩgũsā waimũrārē wējē soepeodea merā ĩgũsā ñerõ irideare gũñamakũ iridi āārīmí. ⁴ Irasirirā wekũaya dí, cabraya dí merā marĩ ñerĩ iridea wajare neõ béomasĩbea.

⁵ Irasirigu Cristo i nikũguere aariburo dupiyuro ĩgũ Pagũre āsũ ārīdi āārīmí:

Mu ìürõ ìgùsã waimurãrê wêjê soepeorire, gajino ìgùsã murê sîrîdere gããmebea. Irasirigu yure dupakugu deyoamakû irigukoa, ìgùsã ñerõ iridea waja ìgùsãrê boabosadoregu.

⁶ Masaka ìgùsã ñerõ irideare kãtidoreduarã, mu ìürõ ìgùsã waimurãrê wêjê soepeorire, gajino ìgùsã murê sîrîdere usuyari merã ìãbea.

⁷ Irasirigu yu ãsũ ãrîbu: “Mu, yu Opu ããrã. Irasirigu muya werenîrî gojadea pûgue gojaderosûta mu gããmerîrê irigu waagura”, ãrîdi ããrîmî Cristo ìgũ Pagure.*

⁸ Irire ãrîgũ, ire ãrîpuroridi ããrîmî Marîpuru: “Mu ìürõ ìgùsã waimurãrê wêjê soepeorire, gajino ìgùsã murê sîrîdere gããmebea. ìgùsã irasũ iririre usuyari merã ìãbea”, ãrîdi ããrîmî Marîpu dorederosũ ìgùsã irikeremakũ. ⁹ Puru ãsũ ãrînemodi ããrîmî: “Mu, yu Opu ããrã. Irasirigu mu gããmerîrê irigu waagura”, ãrîdi ããrîmî. Irasirigu Marîpu ìgũ masakare waimurãrê wêjê soepeodoredeare béodi ããrîmî. Irire béogu: “Cristo boari merã gapu masakare ìgùsã ñerî iridea wajare taugura”, ãrî werepîdi ããrîmî. ¹⁰ Jesucristo, Marîpu gããmederosûta ìgũ basita Marîpuru wiadi ããrîmî, marî ããrîpererãrê suñarõta boabosagu. Irasirigu ìgũ boari merã Marîpu marîrê ìgũyarã õãrã, waja opamerã ããrîmakũ iridi ããrîmî.

¹¹ ããrîpererinurî Marîpu ìürõ judío masaka paía waimurãrê wêjê soepeoníkõãma. Irasirikeremakũ, marî ñerî iridea wajare neõ béomakũ irimasîbea.

¹² Jesucristo gapu suñarõta marîrê boabosadi ããrîmî, marî ñerî iridea wajare béobu. Irire irasiri odo, umugasigue Marîpu diaye gapu doadi ããrîmî marî Opu ããrîgũ. ¹³ Iroguere doagu, ìgũrê ìaturirãrê Marîpu tarinugãbosaburire yúgu yámi.

¹⁴ ìgũta suñarõta boari merã ìgũyarãrê õãrã, waja opamerã ããrînimakũ iridi ããrîmî. ¹⁵ Jesucristo irasũ irideare Õãgũ deyomarîgũ marîrê: “Irasûta ããrã”, ãrî masîmakũ yámi. ãsũ ãrî weredi ããrîmî:

¹⁶ Musã Opu ãsũ ãrîmi: “Puruguerere yaarãrê ãsũ ãrî weregura: ‘Yu dorerire ìgùsãrê iridumamakũ irigukoa. Yu dorerire gũña pémasîmakũ irigukoa.’”.*

¹⁷ Idere ãrînemomi: “Ìgùsã ñerõ irideare dupaturi neõ gũñanemobirikoa”, ãrîmi, ãrî weredi ããrîmî Õãgũ deyomarîgũ.*

¹⁸ Irasirirã marî ñerî irideare Marîpu kãtisûnerã ããrã. Dupaturi marî ñerî iridea wajare waimurã wêjê soepeorire gããmenemobea.

Marîpu ããrîõgue ñajãrã irirosũ marîya ããrîburire ìgũrê sêrêrõ gããmea, ãrî gojadea

¹⁹ Irasirirã dapagorare marî umugasigue Marîpuya wiigue ìgũ ããrîrî taribugoragure ñajãrã irirosũ güiro marîrõ ìgũrê diaye sêrêmasîa. Jesucristo marîrê boabosagu dí béodea merã irasirimasîa. ²⁰ Jesucristo boaburi dupiyuro Marîpu ããrîrî taribugoraguerere paía opu dita iri taribu makãpuro kãmutari gasirore tariñajãdi ããrîmî, masakaya ããrîburire Marîpuru sêrêbosabu. Jesucristo gapu ìgũ boadea merã Marîpu merã marî õãrõ ããrîrîrê kãmutadeare béodi ããrîmî. Irasirirã dapagorare marî Jesucristo marîrê boabosadea merã Marîpu ããrîõguere ñajãrã irirosũ marîya ããrîburire Marîpuru diaye sêrêmasîa. ²¹ Jesucristo paía opu nemorõ paí ããrîgũ Marîpu ããrîõgue marîya ããrîburire sêrêbosagu ããrîmî. Iroguere ìgũ marîrê Marîpuyarãrê õãrõ doregu ããrîmî. ²² Irasirirã diaye gũñarî merã, buremurîrê neõ piriro marîrõ merã Marîpu ããrîõgue ñajãrã irirosũ marî ìgũrê diaye sêrêrõ gããmea. Cristo ìgũ boadea merã marîrê waja opamerã ããrîmakũ iridi ããrîmî: “Ñerî iridea waja, waja oparã ããrã gu”, ãrî neõ gũñarikunemobirikõãburo, ãrîgũ.

* 10:7 Sal 40.6-8 * 10:16 Jer 31.33 * 10:17 Jer 31.34

Irasirirā gurari marĩrĩ deko merā marĩya dupure túkoenerā irirosũ Marĩpu ĩũrõ õārā āārā. ²³ Marĩpu marĩrē: “Taugura”, ārĩderosũta irigukumi. Irasirirā marĩrē ĩgũ ārĩdeare b̄remup̄roriderosũta piriro marĩrõ õārõ usuyari merā b̄remuwāgānĩkõārā! ²⁴ Gajirā Jesũre b̄remurādere gũñarā! Irasirirā gāme iritamurā! Gāme maĩrĩ merā õārõ irirā! ²⁵ Piriro marĩrõ merā Marĩpu yare nerē buerā! Surāyeri marĩ merā nerē buemerā irirosũ iribirikõārā! Marĩ Op̄u i nikũguere dupaturi aariburo mérõ d̄uyāa. Irasirirā irire masĩrā, gāme iritamurõ gāāmea ĩgũrē b̄remunemomurā.

²⁶ Marĩpu marĩrē Jesũya kerere: “Diayeta āārā”, ārĩ masĩmakũ iridero p̄pu, marĩ ñerĩ irid̄harire piriro marĩrõ iriwāgānĩkõārā, marĩ ñerõ iridea waja Jesucristo ĩgũ boadea merā marĩrē taudeare béobukoa. Irire béomakũ, dupaturi ĩgũ marĩrē boabosari neõ máa. ²⁷ Marĩ ĩgũ taudeare béomakũ ĩāgũ, Marĩpu āārĩpererā ĩgũrē ĩaturirārē b̄ro wajamoāgũ, marĩdere ĩgũsā merā p̄rebiri peamegue béogukumi. Irasirirā marĩrē gajirā ĩgũyare béonerā merā ĩgũ wajamoāburire b̄ro gũiri merā āārĩbukoa. ²⁸ Iripoegue marā Moisés dorerire tarin̄gāgũrē wajamoānerā āārĩmā. ĩgũ ñerõ irideare p̄rā, o urerā ĩā, ĩgũrē weresādero p̄pu, Marĩpu dorederosũta neõ bopoñarĩ merā ĩārõ marĩrõ ĩgũrē wējēnerā āārĩmā. ²⁹ ¿Naásũ gũñarĩ m̄sā? ĩgũrē wajamoādero nemorõ Marĩpu magũrē ĩaturiḡnorē b̄ro wajamoāgukumi. ĩgũ magũya dí béodea merā Marĩpu marĩrē: “Õārā, waja opamerā āārĩma”, ārĩ ĩādi āārĩmĩ. Iripoegue irire werepĩdi āārĩmĩ. Irasiriḡu Jesucristoya dí béodeare: “Wajamāa”, ārĩrārē, Õāgũ deyomarĩgũrē Marĩpu marĩrē maĩrĩrē masĩmakũ iriḡure ñerõ werenĩrārē b̄ro wajamoāgukumi. ³⁰ Marĩ Op̄u ārĩdeare masĩa marĩ. Āsũ ārĩdi āārĩmĩ: “Ȳu āārā, waja oparārē wajamoābu. ĩgũsā ñerĩ iridea waja ĩgũsārē wajamoāgura”, ārĩdi āārĩmĩ. Āsũ ārĩnemodi āārĩmĩ doja: “Yaarā iririre ĩāgũ, ĩgũsārē diayemarē iriḡura”, ārĩdi āārĩmĩ. ³¹ Marĩpu okanĩgũ masakare wajamoārĩ b̄ro goeri āārā.

³² M̄sā iripoegue āārĩdeare gũñaka! Marĩpu m̄sārē Jesucristoya kerere masĩn̄gāmakũ iridero p̄pu, gajirā m̄sārē ñerõ tarimakũ irinerā āārĩmā. Irasirikeremakũ, m̄sā gap̄u ĩgũrē b̄remurĩrē neõ piribirinerā āārĩbũ. ³³ Masaka ĩũrõ gajirā surāyeri m̄sārē ñerõ werenĩ, ñerõ iribiranerā āārĩmā. Gajipoe m̄sā merāmarārē gajirā ñerõ iribiramakũ ĩārā, ĩgũsārē béobiri, m̄sāde ĩgũsā merā ñerõ iribirasũnerā āārĩbũ. ³⁴ Surāyeri m̄sā merāmarā peresugue āārĩmakũ ĩārā, bopoñarĩ merā ĩā, ĩgũsārē iritamunerā āārĩbũ. Gajirā m̄sāyare ēmakeremakũ, usuyari merā: “Õārokoa”, ārĩnerā āārĩbũ. I nikũma nemorõ õārĩ p̄rebiriburire ũmagasiguere m̄sā opaburire masĩnerā āārĩbũ. Irasirirā m̄sā oparire ĩgũsā ēmamakũ, b̄jawerebirinerā āārĩbũ. ³⁵ Irasirirā Jesucristore gũñaturanĩkõāka! ĩgũrē b̄remurĩrē neõ piribirikõāka! ĩgũrē b̄remurā, wāri õārĩrē wajatarākoa. ³⁶ M̄sārē õārõ gũñaturari merā Marĩpu gāāmerĩrē irinĩkõārõ gāāmea. Irasirirā, ĩgũ: “Õārĩrē s̄iḡura”, ārĩdeare oparākoa.

³⁷ Marĩpu āsũ ārĩdi āārĩmĩ ĩgũya werenĩrĩ gojadea pũgue:

Mérõ d̄uyāa ȳu iriudi i ũm̄guere dupaturi aariburo. Yooboro marĩrõ ejagukumi.

³⁸ ĩgũrē b̄remurārē: “Õārõ irirā, yaarā āārĩma”, ārĩ ĩāa. Ȳu merā āārĩnĩkõārākuma. ĩgũrē b̄remurĩrē pirirā gap̄ure suyubiriko, ārĩdi āārĩmĩ Marĩpu.✧

³⁹ Marĩ gap̄u ĩgũrē b̄remurĩrē pirirā irirosũ āārĩbea. Irasirirā p̄rebiri peamegue waamurā āārĩbea. Marĩ Jesucristore b̄remua. Irasirirā ĩgũ taunerā, ĩgũ p̄ro waamurā āārā.

✧ 10:38 Hab 2.3-4

11

Marĩpũre bũremurĩmarẽ gojadea

¹ Marĩpũre bũremurã: “Ìgũ marĩrẽ: ‘Òãrĩrẽ sĩgũra’, ãrĩdeare diayeta sĩgũkumi”, ãrĩ bũremua. Irire ãbirikererã, ãrã irirosũ: “Diayeta ããrã, ãgũ ãrĩdeare oparãkoa”, ãrĩ bũremua. ² Iripoeguere marĩ ñekũsãmarã ãgũrẽ bũremumakũ, ãgũsãrẽ: “Òãrã ããrĩma”, ãrĩ ããdi ããrĩmĩ.

³ Marĩpũre bũremurĩ merã: “Ìgũ werenĩrĩ merã i ãmũma ããrĩpereri ããrĩmakũ iridi ããrĩmĩ. Irasirigũ iro dupiyuro neõ marĩdeare i ãmũmarẽ ããrĩpereri marĩ dapagora ããrĩrẽ iridi ããrĩmĩ”, ãrĩ masĩa.

⁴ Iripoeguemu Abel Marĩpũre bũremusiã, ãgũ ãũrõ oveja majĩgũrẽ wẽjẽ soepeogu, ãgũ ãgũ Caĩn sĩdea nemorõ sĩdi ããrĩmĩ. Marĩpũ, Abel ãgũrẽ bũremurĩrẽ ããgũ, ãgũ sĩdeare: “Òãgorãã”, ãrĩdi ããrĩmĩ. Irasirigũ ãgũrẽ: “Òãgũ ããrĩmĩ”, ãrĩ ããdi ããrĩmĩ. Abel iripoegue boadi ããrĩkeremakũ, ãgũ Marĩpũre bũremurĩ merã irideare marĩde gũñãã. Irasirirã ãgũ bũremuderosũta marĩdere Marĩpũre bũremurõ gããmea.

⁵ Enoc Marĩpũre bũremusiã, boabiridi ããrĩmĩ. ãgũ boabirikeremakũ, Marĩpũ ãgũrẽ ãĩmũrĩãkõãdi ããrĩmĩ. Masaka ãgũrẽ ãmakererã, neõ bokabirinerã ããrĩmã. Marĩpũya werenĩrĩ gojadea pũgue ãsũ ãrĩ gojasũdero ããrĩbũ: “Marĩpũ Enorẽ ãĩmũrĩaburi dupiyuro ãsũyari merã ããdi ããrĩmĩ”. ⁶ Marĩpũre marĩ bũremumerã ãgũrẽ ãsũyamakũ irimasĩbea. ãgũrẽ sãrẽgũno: “Diayeta ãgũ Marĩpũgora ããrĩmĩ”, ãrĩ gũñarõ gããmea. “Marĩ ãgũrẽ bũremurĩ merã sãrẽrĩrẽ õãrõ pãmi”, ãrĩ gũñarõ gããmea. Marĩ irire gũñamerã ãgũrẽ sãrẽmasĩbea.

⁷ Noẽ Marĩpũre bũremusiã, Marĩpũ ãgũrẽ: “Mũ neõ ããbirideã merã i nikũ marãrẽ ãgũsã yũre bũremubiri waja bũro wajamoãgũra”, ãrĩdeare bũremudi ããrĩmĩ. Irasirigũ, Marĩpũ dorederosũta wãdiru doõdiru iridi ããrĩmĩ, ãgũyarã merã dia mirĩburire taribu. Marĩpũre bũremusiã, i nikũ marãrẽ ãgũsã ãgũrẽ bũremubirire masĩmakũ iridi ããrĩmĩ. Marĩpũ, ãgũrẽ bũremumakũ: “Òãgũ ããrĩmĩ”, ãrĩ ããdi ããrĩmĩ.

⁸ Abraham Marĩpũre bũremusiã: “Gaji nikũ yũ mũrẽ sĩburi nikũgue waaka!” ãrĩmakũ pãgu, ãgũrẽ yũjudi ããrĩmĩ. “Irogue waagũ irikoa”, ãrĩmasĩbirikereru, ãgũya nikũrẽ wiriwãgãdi ããrĩmĩ. ⁹ Marĩpũ ãgũrẽ: “Iri nikũrẽ sĩgũra”, ãrĩdeare bũremugũ, iri nikũgue eja, ããrĩmejãjadi ããrĩmĩ. Iro ããrĩmejãjakeregu, gaji nikũmu irirosũ surĩ gasiri merã iridea wiiri merã naaunadi ããrĩmĩ mũrãrõ ããrĩbirisĩã. Marĩpũ ãgũ magũ Isaare, ãgũ parãmi Jacore: “Iri nikũrẽ sĩgũra mũsãdere”, ãrĩmakũ, ãgũsãde Abraham irirosũta iri nikũgue naaunanerã ããrĩmã. ¹⁰ Abraham iri nikũrẽ naagũ, makãrĩ iribiridi ããrĩmĩ. Gaji makãgue Marĩpũ ããrĩrĩ makãgue ãmũgasigue ãgũ waaburire yũgu iridi ããrĩmĩ. Iri makã Marĩpũ iridea makã neõ perebiri makã ããrã.

¹¹ Abraham marãpo Sara pũrã marĩdeo Marĩpũre bũremusiã, búrogora ããrĩkerego: “Marĩpũ ãrĩderosũta yũre irigũkumi”, ãrĩ bũremurĩ merã pũrãkũdeo ããrĩmõ. ¹² Irasirigũ Abraham bũgũrogora ããrĩkeregu, Sara merã majĩgũrẽ pũrãkũdi ããrĩmĩ. ãgũ parãmerã ããrĩturiarã wãrã ããrĩnerã ããrĩmã. Neñũkãrẽ, ãmpa yerire keo bokatĩũña marĩrõ irirosũ ãgũsãrẽ keo bokatĩũmasĩña mãã.

¹³ ããrĩpererã, Marĩpũ ãgũsãrẽ: “Sĩgũra”, ãrĩdeare neõ opamerãgue boanerã ããrĩmã. Irire opabirikererã, gũnaturari merã: “Marĩpũ ãgũ ãrĩderosũta pũrgue sĩgũkumi gũare”, ãrĩ, ãgũrẽ bũremunĩkõãnerã ããrĩmã. Irasirirã gajirãrẽ: “Gaji nikũ marã irirosũ i nikũgue naarã dita ããrã”, ãrĩ werenerã ããrĩmã. ¹⁴ ãgũsã irirosũta irire ãrĩrãno, gaji nikũ, ãgũsãya nikũ ããrĩburire ãmarã yãma. Irire õãrõ masĩa marĩ. ¹⁵ Marĩ ñekũsãmarã: “Gaji nikũ marã ããrã”, ãrĩrã, ãgũsã

béowāgādea nikūrē gūñabirinerā āārīmá. Irasū ārī gūñarā, goedujáakōābonerā āārīmá. ¹⁶ I nikū nemorō ũmugasigue ōārī nikū gapure: “Buro waadukoa”, ārī gūñanerā āārīmá. Irasirigu Marĩpu ĩgūsā ĩgūrē: “Gua Opu āārĩmi”, āĩmakū pégu, guyasĩrĩrĩ marĩrō: “Īgūsā Opu āārā”, ārĩdi āārĩmĩ. Īgū purō ĩgūsāya makā āārĩburore āmubosasiadi āārĩmĩ.

¹⁷ Marĩpu Abrahārē: “¿Diayeta yure buremugū yári?” ārī gūñagū, ĩgūrē: “Yu ĩūrō mu magū Isaare wējē soepeoka!” ārĩdi āārĩmĩ. Abraham gapu Marĩpure buremusĩā: “Neō yu magū sugū āārĩgūrē wējē soepeobirikoa”, ārĩbiridi āārĩmĩ. ¹⁸ Iro dupiyurogue Marĩpu ĩgūrē: “Mu magū Isaac merā mu parāmerā āārĩturiarārē opagukoa”, ārĩsūdi āārĩkeregū, Abraham Marĩpure: “Yu magūrē neō wējē soepeobirikoa”, ārĩbiridi āārĩmĩ. ¹⁹ Abraham: “Marĩpu ĩgū turari merā boanerārē masūmasĩsĩā, yu magūrē wējēkeremakū, masūgukumi”, ārī gūñadi āārĩmĩ. Irasirigu, Marĩpu Abrahārē kāmutaḡu: “Mu magūrē wējēbirikōāka!” ārĩdi āārĩmĩ. Irasirirā ire masĩa. Abraham ĩgū magūrē boadigue masādi irirosū dupaturi opadi āārĩmĩ.

²⁰ Isaac Marĩpure buremusĩā, ĩgū pūrā Jacore, Esaúre: “Purugue Marĩpu musārē ōārō irigukumi”, ārĩdi āārĩmĩ.

²¹ Jacob Marĩpure buremusĩā, ĩgū boaburo dupiyurogā ĩgū tuadi merā tuawāgānugāja, Marĩpure sērē buremudi āārĩmĩ. Irasirigu ĩgū magū José pūrārē: “Marĩpu musārē ōārō iritamuburo”, ārĩdi āārĩmĩ.

²² José Marĩpure buremusĩā, ĩgū boaburo dupiyurogā ĩgū pūrārē āsū ārī weredi āārĩmĩ: “Marĩ parāmerā āārĩturiarā Egiptogue āārĩrā puru wirirākuma”, ārĩdi āārĩmĩ. “Irore wirirā, yaa gōārĩrē āĩaburo, ĩgūsā ejari nikūgue yāamurā”, ārĩdi āārĩmĩ.

²³ Moisés pagusāmarā Marĩpure buremusĩā, Moisés deyoadero puru, ĩgū ōāgū āārĩmakū ĩārā, urerā abegora ĩgūrē duripínerā āārĩmá. Egipto marā opu: “Israel bumarā majĩrā ũmarē wējēburo”, ārī doregu āārĩdi āārĩmĩ. Moisés pagusāmarā gapu: “Marĩpu marĩrē iritamugukumi”, ārī gūñarā, iri dorerire gūiri marĩrō tarinugānerā āārĩmá. ²⁴ Puru Moisés Egipto marā opu magō masūdi āārĩkeregū, Marĩpure buremusĩā: “Igo magū āārĩmi”, ĩgūsā ārĩmakū péduabiridi āārĩmĩ. ²⁵ Āsū gapu iridhadi āārĩmĩ. Marĩpuyarā Israel bumarā merā ñerō taridhadi āārĩmĩ. Egipto marā merā wári opakeregū, ĩgūsā merā āārĩduabiridi āārĩmĩ. Īgūsā ñerĩ iriri gapu iridhadi āārĩmĩ. ²⁶ Irasirigu ñerō tarikeregū, Egipto marā opari nemorō Cristo Marĩpu iriubuyarā merā ñerō tariburire suyudi āārĩmĩ. Purugue Marĩpu ĩgūrē ōārĩrē sĩburire masĩgū, ĩgūsā merā ñerō taridhadi āārĩmĩ. ²⁷ Moisés Marĩpure buremusĩā, Egipto marā opu ĩgū merā guamakū ĩāgū: “Marĩpu yure iritamugukumi”, ārī, irore āārĩdi gūiri marĩrō wiridi āārĩmĩ. Irasirigu Marĩpu deyomarĩgūrē ĩāgū irirosū ĩgū: “Marĩpu iritamurĩ merā āsū irigura”, ārĩrĩrē neō gorawayuro marĩrō iridi āārĩmĩ.

²⁸ Moisés Marĩpure buremusĩā, Israel bumarārē Egiptogue āārĩrārē āĩwiuburi dupiyuro pascua wāĩkuri bosenu iripuroridi āārĩmĩ. Irasirigu Marĩpu dorederosũta Moisés Israel bumarārē oveja majĩrārē wējēdore, ĩgūsāya dí merā makāpurorire wūkādoredi āārĩmĩ. Irire ĩāgū, Marĩpure wereboegu Egipto marā masā tĩrā ũmarē wējēgū, Israel bumarā masā tĩrā gapure wējēbiridi āārĩmĩ. ²⁹ Israel bumarā Marĩpure buremusĩā, dia wādiya deko diidiya deko dukawanugādea maa bojoñajāri maarē taribujanerā āārĩmá. Īgūsā irasū taribujamakū ĩārā, Egipto marā gapu ĩgūsārē tuya taribujanerā, mirĩ boakōānerā āārĩmá.

³⁰ Israel bumarā Marĩpure buremusĩā, Jericó turoma sārĩrōrē ũtā majĩrĩ merā iridea sārĩrōrē su mojōma pere gaji mojō peru pērēbejarinurĩ iri makārē ĩgūsā gāmegorodero puru, iri sārĩrō meémejādero āārĩbú. ³¹ Iro dupiyuro iri

makāmo ūma merā ñerō irideo, Rahab wāikugo Marīpure buremusiā, Israel bumarā iri makārē iādurirā ejarārē iritamudeo āārīmó. Irasirigo iri makā marā Marīpu dorerire tarinugārā merā boabirideo āārīmó.

³² ¿Ñeonorē werenemogukuri yu? Gajirā Marīpure buremurā: Gedeón, Barac, Sansón, Jefté, David, Samuel irideare, irasū āārīmakū Marīpuya kerere weredupiyunerā irideare weregū, werepeobiribukoa. ³³ Īgūsā Marīpure buremusiā, gaji nikūgue āārīrī makārī marārē gāmewējē, tarinugānerā āārīmá. Īgūsāyarā masakare diaye dorenerā āārīmá. Marīpu: “Musārē oārō iri-tamugura”, ārīderosūta Īgūsārē oārō iritamudi āārīmí. Ēōkayea Īgūsārē baabonerārē disirire biamakū irinerā āārīmá. ³⁴ Surāyeri peame buro asirogue béosūkererā, ūjūbirinerā āārīmá. Gajirā, sareri majīrī merā sare wējēduamakū, tarinerā āārīmá. Turamerā āārīkererā, Marīpure buremusiā, turarā waanerā āārīmá. Irasirirā gaji nikū marā Īgūsārē iāturirārē gāmewējē tarinugānerā āārīmá. ³⁵ Surāyeri nome Īgūsāyarā boanerāgue dupaturi okamakū iānerā āārīmá.

Gajirā Marīpure Īgūsā buremurīrē piridubiri waja peresugue buro ñerō iribirari merā boanerā āārīmá. Īgūsā purugue masā, Marīpu merā ūmugasigüe oārō āārīburire gāamesiā, Īgūrē buremurīrē piridubirinerā āārīmá. ³⁶ Gajirā Marīpure buremurā, buridari merā buro tārāsūnerā āārīmá. Gajirā Īgūsāya guburi, mojōrīrē kōme dari merā sua, peresugue biadobosūnerā āārīmá. ³⁷ Gajirā ūtāyeri merā dea wējēsūnerā āārīmá. Gajirā Īgūsāya dupure wiiri merā wiritá wējēsūnerā āārīmá. Gajirā sareri majīrī merā wējēsūnerā āārīmá. Gajirā surí marīrā, oveja gasiri, cabra gasiri merā surīkurā waagorenanerā āārīmá. Buro boporo tarinerā āārīmá. ³⁸ I nikūgue āārīkererā, i nikū marā ñerā irirosū neō āārībirinerā āārīmá. Oārā āārīnerā āārīmá. Surāyeri wiiri marīrā, masaka marīrōgue, ūtāyukugue waagorenanerā āārīmá. Ūtāyukugue āārīrī goberigüe, yebague āārīrī goberiguedere kārīgorenanerā āārīmá. ³⁹ Marīpu Īgūrē buremurārē āārīpererārē: “Oārō yāma”, ārī iādi āārīmí. Īgūrē oārō buremukererā, Īgū āārīpereri Īgūsārē: “Āsū irigura”, ārīdeare Īgūsā boaburi dupiyuro bokabirinerā āārīmá dapa. ⁴⁰ Marīpu āsū ārī gūñasiadi āārīmí: “Īgūsārē, purugue marā yure buremurādere suro merā yu merā oārō āārīmakū irigura”, ārīdi āārīmí. Īgū ārīderosūta irigukumi. Irasiriro Īgū iro dupiyuro iridero nemorō, Īgū Jesucristo merā iridea Īgūsārē, marīdere oātariro āārīrokoa.

12

Jesúre iākūi gūñanídorerimarē gojadea

¹ Iripoegüe marā wārā yu werenerā Īgūsā iridea merā Īgūsā Marīpure buremurīrē ĩmunerā āārīmá. Irasirirā marī, Īgūsā iānīgāmegorosūrā irirosū sugū ūma birarimasū oārō ūmaduagu āārīpereri nukūrīrē pirirosū, oārō iriduarā āārīpereri ñerō iririre piriro gāamea. Irire pirirā, Marīpu gāāmederosūta oārī gapure gūñaturari merā iriwāgānīkōārō gāamea. ² Irasirirā Jesúre iākūi gūñanīkōārā! Īgūta marīrē Marīpure buremunugāmakū iridi, marīrē piriro marīrō Īgūrē buremuwāgānīkōāmakū irigū āārīmí. Buro poyari merā ñegū irirosū curusague boagu, gūyasīrībodi āārīkeregu, Īgū purugue usuyaburire masīsā, gūyasīrībiridi āārīmí. Masā marīadero puru, dorebu Marīpu diaye gapu doadi āārīmí.

³ Irasirirā Jesús waadeare gūñaka! Ñerā Īgūrē buro ñerō tarimakū irinerā āārīmá. Irasirirā musāde ñerō tarirā, oārō yujupūraku, piriro marīrō Īgūrē gūñaturanīkōāka! ⁴ Ñerā ñerīrē iridorerire musā tarinugāduamakū iārā,

musārē wējēñabema dapa. ⁵ ¿Marĩpu musārē ĩgũ pũrārē weredeare kãtiakõãrĩ? ĩgũya werenĩrĩ gojadea pũgue ãsũ ãrĩdi ããrĩmĩ:

Y_u magũ, y_u m_u Op_u, m_urē õãrõ iriburo, ãrĩgũ, wajamoãrĩrē pémasĩka! M_urē: “Ñerĩrē iropata irika!” ãrĩmakũ pégu, bujawerebirikõãka!

⁶ ãsũ ããrã. Y_u maĩrãrē: “Ñerĩrē irimerãta!” ãrĩ, pũrĩrõ páro irirosũ werea. Y_u pũrã ããrĩpererãrē wajamoãa õãrõ iridoreg_u, ãrĩdi ããrĩmĩ.*

⁷ Marĩpu musārē wajamoãmakũ ĩãrã, ĩgũrē õãrõ y_ujuka! Sugu pag_u ĩgũ magũ ñerõ irimakũ ĩãgũ, ĩgũrē wajamoãkumi. Irasũta Marĩpu, marĩ ñerõ irimakũ ĩãgũ, marĩrē ĩgũ pũrārē pũrĩrõ páro irirosũ weregukumi õãrõ iriburo, ãrĩgũ.

⁸ Marĩpu ããrĩpererã ĩgũ pũrārē ĩgũsã ñerõ iridea waja pũrĩrõ páro irirosũ weremi. ĩgũ werebirimakũ, musã ĩgũ pũrã ããrĩbiribukoa. Pag_u marĩrã, ñerõ irisĩã bokasũnerã irirosũ ããrĩbukoa. ⁹ Marĩ majĩrã ããrĩmakũ, marĩ pag_usãmarã marĩ ñerõ iriri waja pũrĩrõ páro irirosũ weremakũ, ĩgũsãrē buremub_u. Irasirirã marĩ pag_usãmarãrē buremurĩ merã y_ujuro nemorõ, Marĩpu ãmugasigue ããrĩgũrē buremurĩ merã õãrõ y_ujuro gããmea. ĩgũrē buremurã, ĩgũ merã õãrõ ããrĩrãkoa. ¹⁰ Marĩ ñerõ irimakũ, marĩ pag_usãmarã ĩgũsã gããmerõsũ yoabiripoe wajamoãma. Marĩpu gap_u diayema merã wajamoãmi, marĩrē ĩgũ irirosũ õãrã ããrĩmakũ irig_u. ¹¹ Diayeta ããrã. Marĩpu marĩrē wajamoãmakũ, usuyabea. Marĩ bujawerekererã, ĩgũ marĩrē wajamoãdero p_ur_u, marĩ ĩgũrē õãrõ y_ujurã, diayema iririre iri, ĩgũ merã siñajãrĩ oparãkoa.

Marĩpu werenĩrĩrē péduabirimakũ gogorãa marĩrē, ãrĩ gojadea

¹² Irasirirã musã Marĩp_ure buremuturamerã ããrĩbirikõãka! ĩgũrē õãrõ gũñaturanemoka! ĩgũyare piriro marĩrõ õãrõ irituyaka! ¹³ Õãrõ diayema irika! Gajirã Marĩp_ure gũñaturamerã, musã irasirimakũ ĩãkũĩrã, gũñaturari merã ĩgũyare irituyarãkuma.

¹⁴ ããrĩpererã masaka merã gãmekẽãrõ marĩrõ õãrõ ããrĩrikuka! Ñerõ iriro marĩrõ ããrĩka! Ñerĩ marĩrã dita marĩ Op_u Jesucristore ĩãrãkuma. ¹⁵ Õãrõ pémasĩka! Marĩpu musārē iritamurĩrē: “Gããmebirikoa”, ãrĩbirikõãka! Ñerĩ tá puri masã, õãrĩ oteri gap_ure poyanorẽrokoa. Musãde ñerĩrē irirã, gajirãrē poyanorẽrãkoa. Irasirirã ñerĩrē iribirikõãka! ¹⁶ Sugu ĩgũ marãpo ããrĩbeo merã, neõ sugo igo marãpu ããrĩbi merã ñerõ iribirikõãburo. Marĩpuyadere gããmemerã irirosũ neõ ããrĩbirikõãka! Iripoeguemu Esáú Marĩpuyare gããmebiridi ããrĩmĩ. ĩgũ masã tĩgũ ããrĩsĩã, ĩgũ paguyare ĩgũ boadero p_ur_u opabu ããrĩkereg_u, sunu buro ñaboa, baari merã ĩgũ pagumãrē ĩgũ opabodeare gorawayudi ããrĩmĩ. ¹⁷ ĩgũ irasiridero p_ur_u waadeare masã musã. Esáú, ĩgũ pag_u ĩgũrē: “Y_u sĩburi merã õãrõ ããrĩgukoa”, ãrĩburire péduakeremakũ, ĩgũ pag_u gap_u ĩgũrē: “M_u pagumãrē sĩsiabu irire”, ãrĩdi ããrĩmĩ. ĩgũ irasũ ãrĩmakũ pégu, Esáú buro orerĩ merã ĩgũ pag_ure: “Sĩka yãre!” ãrĩ sērẽkereg_u, ĩgũ pag_u ĩgũrē sĩmakũ neõ irimasĩbiridi ããrĩmĩ.

¹⁸ Marĩpu ĩgũ dorerire Moisére pímakũguere marĩ ñekũsãmarã Israel bumarã Marĩpu ããrĩrõgue ejanugãmakũ gogoradero ããrĩbú. Dapagorare musã gap_ure irasũ ããrĩbea. Marĩpu ĩgũ dorerire Moisére pígu, Sinaí wãikudi ããrĩgũ ããrĩdi ããrĩmĩ. Irasiriro irogue ĩgũsã ejanugãburipoe iri ããrĩgũguere peame buro ããrĩrõ, naĩtĩãrõ, ĩĩmikãyebori, mirũ buro wējãpuro ããrĩdero ããrĩbú. ¹⁹⁻²⁰ Irogue puriduru buro busumakũ pénerã ããrĩmã. P_ur_u Marĩpu ĩgũsãrē werenĩmakũ pénerã ããrĩmã. Marĩpu goero merã ãsũ ãrĩdi ããrĩmĩ ĩgũsãrē: “Iri ããrĩrē ñapeorãnorē ããrĩyeri merã dea wējẽka, o sareri majĩ merã sare wējẽka!” ãrĩdi

* 12:6 Job 5.17; Pr 3.11-12

ããrĩmĩ. “Waimurãdere irasũta irika!” ãrĩdi ããrĩmĩ. Ĩgũ irasũ ãrĩ werenĩmakũ pãrã, gũiri merã Moisére: “Iropata guare wereburo”, ãrĩ, buru sãrẽnerã ããrĩmã. ²¹ Moisés ããrĩpererire ùtãũguere goero ããrĩrĩrẽ ĩãgũ: “Buru gũiri merã naradagu yãa”, ãrĩdi ããrĩmĩ.

²² Musã gapu iripoegue marã Sinai wãikudi ùtãũgue ejanugãnerã irirosũ ããrĩbea. Æmugasigue Marĩpu ããrĩrõgue Siõn wãikudi ùtãũgue marĩjarosũ diaye ĩgũ merã werenĩmasĩa. Irogue Marĩpu okanĩgũya makã, Jerusalén wãikuri makã ããrã. Iroguere Marĩpure wereboerã wãrãgora ããrĩma. ²³ Ĩgũsã usuyari merã nerẽrã, Marĩpure: “Oãtaria mu”, ãrĩ buremuma. Irogue Marĩpu pũrãde ùmugasima gojadea pũgueta ĩgũsã wãirẽ gojatúsũnerã nerẽma. Marĩpu ããrĩpererã iririre: “I gapu õãa, i gapu õãbea”, ãrĩ weregu ããrĩmĩ. Marĩde ĩgũ merã õãrõ ããrã. Irasirirã irogue marã merã nerẽrãsũta ããrã. Marĩpu ĩgũsãrẽta ñerĩ opamerã ããrĩmakũ irisiadi ããrĩmĩ. ²⁴ Marĩ Jesũre buremurã ããrã. Iripoegue Marĩpu marĩrẽ: “Oãrõ irigura”, ãrĩ werepĩdi ããrĩmĩ. Ĩgũ irasũ ãrĩ werepĩderosũta Jesús iridi ããrĩmĩ. Ĩgũya díre bẽo boadea merã marĩrẽ taudi ããrĩmĩ. Iripoeguemu Abel ĩgũya dí bẽodeare ĩãgũ, Marĩpu ĩgũrẽ wẽjẽdire wajamoãdi ããrĩmĩ. Jesucristoya dí bẽodea gapure ĩãgũ, marĩrẽ waja opamerã ããrĩmakũ iridi ããrĩmĩ. Irasiriro Cristo dí bẽodea, Abel dí bẽodea nemorõ wajakua.

²⁵ Irasirirã õãrõ pẽmasĩka! Marĩpure wereguere pẽdũamerã irirosũ ããrĩbirikõãka! Iripoegue i nikũmu Moisés Marĩpure weremakũ pãrã, wãrã irire pẽdũabirinerã ããrĩmã. Ĩgũsã irire pẽdũabirideia waja Marĩpu ĩgũsãrẽ wajamoãdi ããrĩmĩ. Ĩgũsã nemorõ Cristore pẽdũamerã gapure buru wajamoãgukumi. Cristo ùmugasiguemu Marĩpure weregu ããrĩmĩ. ²⁶ Iripoegue Marĩpu ĩgũ dorerire Moisére pigu, ĩgũ werenĩrĩ merã nikũ ñomemakũ iridi ããrĩmĩ. Dapagorare ãsũ ãrĩmi: “Sunu i nikũ ñomemakũ irigu, suñarõta gajino irinemogura. I nikũ dita ñomemakũ iribi meta ããrĩguko. Æmugasiguedere ñomemakũ irigura”, ãrĩmi. ²⁷ “Sunu i nikũ ñomemakũ irigu, suñarõta gajino irinemogura”, ãrĩgũ: “Ããrĩpereri yu irideare bẽoguko”, ãrĩgũ yãmi. Ĩgũyarãrẽ doregu ããrĩrĩ gapure bẽobirikumi. Irasiriro ĩgũ irideare bẽomakũ, ĩgũyarãrẽ doregu ããrĩrĩ dita dujarokoa. ²⁸ Marĩpu ĩgũyarãrẽ dorerogue marĩrẽ ĩgũ merã ããrĩmakũ irigukumi. Irasirirã ĩgũyarãrẽ doregu ããrĩrĩrẽ bẽosũbirimakũ ĩãrã, Marĩpure: “Mu merã usuyãa”, ãrĩrõ gããmea. Irasirirã buremurĩ, gopeyaro merã ĩgũyare irituyaro gããmea. Irasũ irirã, marĩ ĩgũrẽ usuyamakũ irirãkoa. ²⁹ Peame ùjũrõ goerosũ Marĩpu goero wajamoãgũ ããrĩmĩ. Irasirirã ĩgũrẽ gopeyaro merã buremurã!

13

Marĩpu suyuri ditare iriro gããmea, ãrĩ gojadea

¹ Marĩ Jesucristore buremurã sugu pũrã irirosũ ããrã. Irasirirã gãme maĩrĩrẽ neõ piribirikõãka! ² Musã puro ejarãrẽ õãrõ merã musãya wiirigue ñajãridoreka! Irire kãtibirikõãka! Iripoegue gajirã irasirirã, Marĩpure wereboerãrẽ ĩgũsãya wiigue ñajãdorenerã ããrĩmã. “Marĩpure wereboerã ããrĩma”, ãrĩmasĩbirinerã ããrĩmã.

³ Peresugue ããrĩrãrẽ bopoñarĩ merã gũñaka! Ĩgũsã merã peresugue ããrĩrã irirosũ pẽñaka! Gajirã ñerõ tarirãdere bopoñarĩ merã gũñaka! Ĩgũsã merã musãde ñerõ tarirã irirosũ pẽñaka! Iritamuka ĩgũsãrẽ!

⁴ ããrĩpererã marãpokurã, marãpokurã gãme gopeyari merã ĩãburo. Æma ĩgũsã marãposã nome merã õãrõ ããrĩrikũburo. Nomede ĩgũsã marãpusãmarã merã õãrõ ããrĩrikũburo. Marãpu marĩrã, marãpokurãde gajirã ùma merã ñerõ

irimakũ ãgũ, marãpo marĩrã, marãpokurãde gajirã nome merã ñerõ irimakũ ãgũ, Marĩpu ãgũsarẽ wajamoãgukumi.

⁵ Niyerure maĩbirikõãka! Mũsã opari merã usuyaka! Marĩpu ãsũ ãrĩdi ããrĩmĩ: “Mũsarẽ neõ béobirikoa. Mũsã merã ããrĩnĩgukoa mũsarẽ iritamubu”, ãrĩdi ããrĩmĩ. ⁶ Irasirirã gũñaturari merã ãsũ ãrĩ masĩa:

Marĩ Opũ yũre iritamugũ ããrĩmĩ. Neõ sugũ masakũ yũre ñerõ iridũarire gũibe, ãrĩ masĩa.✠

⁷ Mũsarẽ õãrõ siiu, Marĩpũya kerere werenerãrẽ gũñaka! ãgũsã okaro bokatĩũrõ õãrõ ããrĩrikũdeare gũñaka! Irasũ gũñarã, Jesucristore ãgũsã bũremuderosũta mũsãde bũremuka!

⁸ Jesucristo marĩrẽ iritamugũ, neõ gorawayubirikumi. Iripoegue, dapagoradere, pũruguedere ãgũ ããrĩderosũta ããrĩnĩkõãgukumi. ⁹ Gajirã gajirosũ buerire pẽnemobirikõãka, Marĩpũya diayema buerire béori, ãrĩrã! ãgũsã marĩrẽ: “Ire baaka! I gapũre baabirikõãka!” ãrĩ buemoãmakõãma. Iri buerire tũyamakũ marĩrẽ iritamubea. Marĩpũyare marĩrẽ gũñaturamakũ iribe. Marĩpu dita ãgũ marĩrẽ maĩrĩ merã marĩrẽ gũñaturamakũ yãmi.

¹⁰ Iripoegue Marĩpũya wiigue paĩa waimũrãrẽ wẽjẽ soepeonerã ããrĩmã. Irasirikererã, iri merã masakare ãgũsã ñerõ iridea wajare neõ taumasĩbirinerã ããrĩmã. Jesucristo gapũ ãgũ boari merã marĩ ñerõ iridea wajare taudi ããrĩmĩ.

¹¹ Paĩa opũ waimũrã wẽjẽ, Marĩpu ããrĩrĩ taribugorague ãgũsãya díre ãrĩ ñajãdi ããrĩmĩ. Irogue Marĩpũre masaka ãgũsã ñerõ iridea wajare: “Béoka!” ãrĩ sërẽbosadi ããrĩmĩ. ãgũ wẽjẽnerã waimũrãya dupũri gapũre makã tũrogue soebéokõãdi ããrĩmĩ. ¹² Irire iriderosũta Jesũdere makã tũrogue wẽjẽbéonerã ããrĩmã. Irasirikeremakũ, ãgũya dí béori merã marĩrẽ waja opamerã ããrĩmakũ iridi ããrĩmĩ. ¹³ Jesús makã tũrogue curusague boari: “Gũyasĩũgorã”, ãrĩsũdero ããrĩbũ. ãgũ boamakũ, masaka ãgũrẽ turi, bũridanerã ããrĩmã. ãgũrẽ irasiriderosũta masaka marĩdere turi, bũridakeremakũ, piriro marĩrõ ãgũrẽ tũyaro gããmea. ¹⁴ I nikũgue marĩ ããrĩburi makã máa. Gaji makã, marĩ pũrugue ããrĩburi makãrẽ ãmũgasima makãrẽ yũrã yãa. ¹⁵ Irasirirã Jesucristo iritamurĩ merã Marĩpũre bũremurã, iro dupiyuro ãgũrẽ gajino sũnaderosũ, dapagorague ãgũrẽ usuyari sĩnĩkõãrã! ãgũrẽ: “Gũapũ, õãtarigũ ããrã”, ãrĩ bũremurã!

¹⁶ Gajirãrẽ õãrõ irika! Mũsã oparire opamerãrẽ guereka! Irire kãtibirikõãka! Mũsã irasirirã, Marĩpũre sĩrã irirosũ irirãkoa. ãgũrẽ usuyamakũ irirãkoa.

¹⁷ Mũsã oparãrẽ õãrõ péka! ãgũsã dorerire bũremurĩ merã iritũyaka! Marĩpu pídi ããrĩmĩ, ãgũsarẽ mũsarẽ õãrõ koredoregũ. Irasirirã mũsarẽ ãgũyare õãrõ buenĩkõãma, ãgũrẽ bũremurĩrẽ piribirikõãburo, ãrĩrã. Pũrugue Marĩpu ãgũsarẽ: “Wereka yũre! ¿Naásũ bueri?” ãrĩ sërẽñamakũ, ãgũrẽ yũjarãkuma. Irire masĩsĩã, õãrõ buedũama. Irasirirã ãgũsã buerire mũsã õãrõ pémakũ, usuyari merã moãrãkuma. Mũsã pébirimakũ gapũ bũjawererãkuma. Mũsã ãgũsarẽ tarinũgãrã, õãrõ ããrĩrikũbirikoa.

¹⁸ Mũsã Marĩpũre sërẽrã, gũaya ããrĩburire sërẽbosanĩka! Gũa õãrĩ ditare iridũãa. Marĩpu iũrõ: “Õãrĩrẽ irirã, waja opamerã ããrã”, ãrĩ péñãa. ¹⁹ Yũre Marĩpũre sërẽbosarã, ãsũ ãrĩ sërẽka: “Mérõgã pũrũta ãgũ gũa pũrogue dupaturĩ aariburire ãmuka!” ãrĩ sërẽka!

Õãdoretĩnudea

²⁰ Marĩpu marĩrẽ ãgũ merã õãrõ siñajãrĩ sĩgũ marĩ Opũ Jesucristo boadiguere masũdi ããrĩmĩ. Jesucristo ovejare korerimasũ irirosũ marĩrẽ õãrõ koregũ ããrĩmĩ. Iripoegue Marĩpu marĩrẽ: “Õãrõ irigũra”, ãrĩ werepídi ããrĩmĩ. ãgũ werepĩdeare Jesús boagũ ãgũya dí béodea merã marĩrẽ iriyuwarikũdi ããrĩmĩ.

Irire neõ béobirikumi. ²¹ Irasirigũ Marĩpũ mũsãrẽ iritamunĩkõãburo. Iri iritamunĩrĩ merã ããrĩpereri õãrĩrẽ, ãgũ gããmerĩ ditare irimakũ iriburo. ãgũ gããmerõsũta Jesucristo merã marĩ ããrĩpererãrẽ irasiriburo. Irasirirã Cristore: “Õãtaria mũ”, ãrĩ bũremunĩkõãrã! Irasũta irirã!

²² Yaarã, i pũgue yũ mũsãrẽ: “Ãsũ irika!” ãrĩ gojarire õãrõ merã péka! Yũ mũsãrẽ wãrigora gojabodi ããrĩkeregũ, mériãgã were gojabũ. Irasirirã irire õãrõ bueka! ²³ Idere mũsãrẽ weregũra. Marĩyagũ Timoteore peresugue ããrãdire wiuañurã. Dapagorare ãgũ aarimakũ, yũ ãgũ merã mũsãrẽ ããgũ waagũra.

²⁴ Mũsã oparãrẽ, gajirã Jesucristore bũremurãrẽ ããrĩpererã iro ããrĩrãrẽ õãdorea gũa. Gũa merãmarã Italia marã mũsãrẽ õãdorema.

²⁵ Marĩpũ mũsã ããrĩpererãrẽ õãrõ iritamuburo. Irasũta iriburo. Iropata ããrã.

SANTIAGO

Santiago Marĩpũyarã ããrĩpererogue waasirinerãrẽ gojadea

¹ Yũ Santiago i pũ merã mũsãrẽ õãdorea. Yũ Marĩpũre, irasũ ããrĩmakũ marĩ Opũ Jesucristore moãboegũ ããrã. Mũsãrẽ Israel bumarãrẽ pe mojõma pere su gubu peru pẽrẽbejari buri marãrẽ ããrĩpererogue waasirinerãrẽ gojáa.

Marĩpũ masĩrĩ sĩrĩmarẽ gojadea

² Yaarã, mũsãrẽ wári gajirosũperi ñerĩ waamakũ, gajipoe gũñaña marĩrõ ñerõ tarirã, õãrõ usuyari merã ããrĩnĩkõãka! ³ Mũsã ire masĩa. Ñerõ tarirã: “Marĩpũ yũre iritamugũkumi”, ãrĩ bũremurĩrẽ pirimerã, gũñaturari merã ãgũrẽ bũremunemorãkoa. ⁴ Mũsãrẽ Marĩpũre bũremurĩrẽ neõ piriro marĩrõ gũñaturanĩkõãrõ gããmea. Gũñaturanĩrã, õãrõ pemasĩrã, Marĩpũ ãgũ masĩrĩ sĩrĩrẽ oparã ããrĩrãkoa.

⁵ Mũsã masĩrĩrẽ opamerã, Marĩpũre sãrẽka! Mũsã sãrẽmakũ pẽgũ, mũsãrẽ sĩgũkumi. Neõ turĩro marĩrõ merã ããrĩpererã ãgũrẽ sãrẽrãrẽ wári masĩrĩ sĩgũkumi. ⁶ Irasirirã irire sãrẽrã: “¿Yũre sĩgũkuri?” ãrĩ gũñamerãta bũremurĩ merã sãrẽka! Sugũ: “¿Yũre sĩgũkuri, o sĩbirikuri?” ãrĩ gũñarikũgũ, dia wãdiyama makũrĩ gorawayuro irirosũ ãgũ gũñarĩrẽ gorawayunakumi. ⁷ Irasirigũ: “¿Yũre sĩgũkuri, o sĩbirikuri?” ãrĩ gũñagũ: “Marĩ Opũre sãrẽrĩrẽ opagũkoa”, neõ ãrĩ gũñabirikõãburo. ⁸ Sunũrẽ gajirosũ, gajinũrẽ gajirosũ gũñami. Irasirigũ: “Ãsũ irigũra”, ãrĩ gũñabirisĩã, keoro neõ irimasĩbemi.

⁹ Sugũ ubu ããrĩgũ ããrĩkeregũ, Jesũre bũremusĩã, Marĩpũ iũrõrẽ ubu ããrĩgũ meta ããrĩmi. ãgũyagũ ããrĩmi. Irasirigũ usuyaburo. ¹⁰ Gajigũ wári doe-biri opagũ, ãgũya doebiri peremakũ ããkeregũ, Jesũre bũremusĩã, usuyaburo. Marĩpũ iũrõrẽ ãgũya doebiri ubu ããrĩrĩ ããrã. Tá goori irirosũ pererokoa. ¹¹ Abe mũrĩja, bũro asimakũ, tá ñãña, iri gooride ñãñidijakoa. Iri goori õãrĩ ããrĩkerero, pereakõãkoa. Ãsũta waakoa doebiri opagũre. ãgũ moãrĩ merãta boakumi.

Ñerõ taririre, irasũ ããrĩmakũ ñerõ iridũarire gojadea

¹² Jesũre bũremugũ ñerõ tarikeregũ: “Marĩpũ yũre iritamugũkumi”, ãrĩ bũremurĩrẽ piribi, usuyami. ãgũ gũñaturari merã tariweredero pũrũ, Marĩpũ ãgũrẽ: “Õãrõ irimi”, ãrĩgũkumi. Irasirigũ ãgũrẽ ãmũgasigue perebiri okari sĩgũkumi*. ããrĩpererã ãgũrẽ maĩrãrẽ: “Iri okarire sĩgũra”, ãrĩdi ããrĩmi. ¹³ Sugũ ñerĩrẽ iridũagũ: “Marĩpũ yũre ñerõ iridũamakũ yãmi”, ãrĩ gũñabirikõãburo. Marĩpũ neõ ñerĩrẽ iridũabemi. Irasũ ããrĩmakũ, neõ marĩrẽ ñerõ iridũamakũ iribemi. ¹⁴ Ãsũ gapũ ããrã. Masaka ãgũsã ñerĩ ãaribejari gũñarĩrẽ piribirimakũ, iri gũñarĩ ãgũsãrẽ ñerõ iridũamakũ yãa. ¹⁵ Irasirirã ãgũsã ñerĩ ãaribejari gũñarĩrẽ pirimerã, pũrũ iri ñerĩ ãaribejarire irirãkuma. Iri ñerĩ iririre pirimerã, pũrũ perebiri peamegue waarãkuma.

¹⁶ Yaarã yũ maĩrã, diayeta gũñaka! “Marĩpũ yũre ñerõ iridũamakũ yãmi”, neõ ãrĩ gũñabirikõãka! ¹⁷ Marĩpũ ãmũgasigue ããrĩgũ marĩrẽ õãrĩ, diayema ditare sĩmi. ãgũ abe ãmũmũrẽ, ñamimũrẽ, neñukãdere iridi ããrĩmi. Neõ gorawayubemi. Irasirigũ ãgũ ããrĩderosũta ããrĩnĩkõãgũkumi. ¹⁸ ãgũ gããmederosũta

* **1:12** Sugũ ãma birarimasũ gajirã nemorõ õãrõ ãmagũ, olivo wãikũdima pũrĩ merã iridea berore wã-jatakumi. Masaka iri berore ãgũya dipurugue peokuma, gajirãrẽ ãgũ wãjatadeare ãmurã. I irirosũ, sugũ Jesũre bũremugũ ñerõ tarikeregũ: “Marĩpũ yũre iritamugũkumi”, ãrĩ bũremurĩrẽ piribi, ãmũgasigue perebiri okari wãjatagũkumi. Iri ãmũgasigue perebiri okari wãjatari, i berore wãjatari irirosũ ããrã.

Īgūya kere diayema āārīrī merā marīrē Īgūyarā āārīmakū iridi āārīmí, Īgū pūrā āārīpūrōriburo, ārīgū.

Marīpuya kerere pérā, Īgū dorerosūta irika! ārī gojadea

¹⁹ Yaarā yu maīrā, ire masīka! Mūsā āārīpererārē Marīpuya kerere oārō péro gāāmea. Gajirā mūsārē weremakū pérā, oārō gūña odorāgue Īgūsārē wereka! Mata guabirikōāka! ²⁰ Sugū noó gāāmerō guagu, Marīpū gāāmerīrē iribemi. ²¹ Irasirirā āārīpereri mūsā ñerō gūñarīrē, ñerī iririre pirikōāka! Marīpuya kerere mūsā pédeare buremurī merā oārō irika! Īgūya kerere pémakū, Īgū turari merā mūsārē peamegue waabonerārē taugukumi.

²² Īgūya kere pédeare oārō irika! Iri kerere pékererā, irire irimerā, mūsā basi ārīkatori merā: “Oārō yāa”, ārī gūñarākoa. ²³ Mūsā Marīpuya kerere pékererā, irire irimerā, sugū masakū Īgūya diapure diuru merā āññagū irirosū āārā. ²⁴ Īgūya diapure āññadero pūrū, gajirogue waa, Īgū deyorire mata kātīakōākumi. Irasirirā, Īgū kātīderosūta Marīpuya kerere péadero pūrū, mata kātīkōāka. ²⁵ Gajigū gapū Marīpuya kere pédeare gūñanīgū, kātībirikumi. Irasirirā, Īgū irirosū irirā, marī pédeare kātībirikoa. Marīpū dorerire irinīrākoa. Irasirigū Marīpū marīrē marī iriri merā mūyamakū irigukumi. Īgū doreri keoro āārā. Irire marīrē pídi āārīmí, iri merā Īgū gāāmerīrē irimasīburo, ārīgū.

²⁶ Sugū: “Marīpūre buremua”, ārī gūñakeregū, gajirārē werewuarire, Īgūsārē ñerō werenīrē piribirimakū, Īgū: “Marīpūre buremua”, ārīrī wajaamá. Īgū basita ārīkatogu yámi. ²⁷ Marī diayeta Marīpū āārīnīgūrē buremurā, āsū iriro gāāmea. Pagūsamarā marīrārē, wapiweyarādere Īgūsā ñerō tarimakū ĩārā, Īgūsārē iritamurō gāāmea. I ūmū marā ñerī irirā irirosū iribirikōārō gāāmea.

2

Masakare surosū ĩāka! ārī gojadea

¹ Yaarā, mūsārē Jesucristo marī Opū oātārigure buremurā masakare surosū ĩārō gāāmea. Surāyeri masakare oārō irirā, gajirādere oārō irika! ²⁻³ Mūsārē i keori merā weregura. Wári doebiri opagu oro merā iridea mojōsūrī tūsārī berorīre opagu oārī surī sāññagū, mūsā Jesúre buremurā nerērōgue aarimakū ĩārā, Īgūrē oārō merā: “Oō, i oārī doaripērōgue doaka!” ārībukoa. Gajigū bopogu boaro daro surīro sāññagū aarimakū ĩārā, Īgū gapure oārō bokatīrīñeābiribukoa. Gajipoe irirā Īgūrē: “Irota dujaka!” o “Oō yebague doaka!” ārībukoa. ⁴ Mūsā Īgūsārē surosū ĩāmerā, ñerō gūñarī merā: “Wári doebiri opagu, bopogu nemorō āārīmi”, ārīrā yāa.

⁵ Yaarā yu maīrā, yure péka! Marīpū i ūmūgue: “Boporā āārīma”, masaka ārīrārē beyedi āārīmí, Īgūrē wáro buremurī opamurārē. Īgūrē maīrārē: “Sīgura”, ārīdeare Īgūyarārē dorerogue opaburo, ārīgū, Īgūsārē beyedi āārīmí. ⁶ Marīpū boporārē beyekeremakū, mūsā gapū Īgūsārē buremubea. Doe-biri oparā gapū mūsārē buro poyari merā moādorenama. Īgūsāta mūsārē weresārīrē beyerimasā pūroguere weresāmūrā āñwāgānama. ⁷ Mūsā: “Jesús oāgūyarā āārīma”, ārīsūrā āārā. Doe-biri oparā gapū Īgūyamarē ñerō werenīrā āārīma.

⁸ Marīpū marīrē doregū Īgū dorerire gojadea pūgue āsū ārīdi āārīmí: “Mū basi maīrōsūta mū pūro āārīrādere maīka!” Mūsā i dorerire irirā, oārīrē irirā yāa. ⁹ Mūsā gajirārē surosū ĩāmerā ñerō irirā yāa. Marīpū doreri gojadea pūgue irasirirārē āsū ārī gojasūdero āārībú: “Marīpū dorerire tarinūgārā āārīma”. ¹⁰ Sugū āārīpereri Marīpū dorerire irikeregū, su wāirē tarinūgāgū, ñerō iridea wajare opami. Irasirigū āārīpereri Marīpū dorerire tarinūgāgū

irirosū āārīmi. ¹¹ Marīpu āsū ārīdi āārīmi: “Gajigu marāpo merā ñerō iribirikōāka!” Gajidere ārīdi āārīmi: “Masakare wējēbirikōāka!” Irasirigu sugu, gajigu marāpo merā ñerō iribirikeregu, masakare wējēgū, Marīpu dorerire tarinugāgū āārīmi. Ñerō iridea waja, waja opami. ¹² Marīpu ĩgū dorerire marīrē pīdi āārīmi, iri merā ĩgū gāāmerīrē irimasīburo, ārīgū. ĩgū masakare ĩgūsā ñerō iridea waja, wajamoāgū āārīmi. ĩgū dorerire marī irideare: “Ōāgorabu”, marī iribirideare: “Ñegorabu”, ārī beyegakumi. Irasirirā ĩgū dorerire irika! ĩgū gāāmerōsūta werenika! ¹³ Marīpu ĩgū āārīpererā ñerārē peamegue wajamoārīna ejamakū, masakare bopoñarī merā ĩāmerārē bopoñarī merā ĩābirikumi. Gajirārē bopoñarī merā ĩārā gapure bopoñarī merā ĩāgukumi. ĩgūsārē wajamoābirikumi.

Jesúre b̄remurīrē, irasū āārīmakū ōārī iririre gojadea

¹⁴ Yaarā, ire péka! Sugu ōārīrē iribi: “Jesúre b̄remua”, ārīrī wajamáa. Irire ārīrī merā dita tausūbirikumi. Peamegue waagukumi. ¹⁵ Jesúre b̄remugū, o Jesúre b̄remugō, surí gorawayumerā, baari mērōgā opamakū ĩārā, ¿nasirirākuri musā? ¹⁶ ĩgūsārē: “Ōārō waaburo musārē. Ōārī surí bokarā, baayapirā waaka!” ārīrā, ĩgūsā gāāmerī gapure sibirimakū, musā ārīrī neō wajamáa. ¹⁷ I irirosū āārā. Sugu: “Jesúre b̄remua”, ārīgū, ōārī gapure iribirimakū, ĩgū: “Jesúre b̄remua”, ārīrī neō wajamáa.

¹⁸ Gajipoe irigu ya wererire péduabi gapu yare āsū ārībukumi: “Sugu Jesúre b̄remurī opami. Gajigu gapu Jesúre b̄remubirikeregu, ōārīrē yámi”, ārībukumi. ĩgū irasū ārīmakū pégu, ya ĩgūrē āsū ārībukoa: “Masaka sugu ōārī iririre neō ĩābirikererā, ĩgūrē: ‘Jesúre b̄remugū āārīmi’, ārīmasībirikuma. Gajigu gapu ĩgū ōārī iriri merā gajirārē ĩgū Jesúre b̄remugū āārīrē masīmakū yámi”, ārībukoa. ¹⁹ Musā: “Marīpu suguta āārīmi”, ārī b̄remua. Musā irasū ārī b̄remumakū ōāgorāa. Wātēa ōārīrē neō irimerāde irire b̄remuma. ĩgūsā Marīpu āārīkureire masīma. Irasirirā ĩgūrē güirā, naradama. ²⁰ Musā pémasīmerā āārā. Irasirigu ire musārē werenemogura, pémasīdoregu. Sugu: “Jesúre b̄remua”, ārīgū ōārī gapure iribirimakū, ĩgū: “Jesúre b̄remua”, ārīrī neō wajamáa. Jesúre b̄remugū meta āārīmi.

²¹ Iripoeguema marī ñekū Abraham irideare güñaka! “¿Diyeta ĩgū yare b̄remurī?” ārīgū, Marīpu ĩgū magū Isaare ütāyeri merā iridea soepe- orogue wējē soepeoredi āārīmi. Irasirigu Abraham Marīpu dorederosūta ĩgū magūrē āi wējēbu iridi āārādimi. Marīpu ĩgū dorerire Abraham tarinugābirimakū ĩāgū, ĩgūrē: “Mu magūrē wējēbirikōāka!” ārīdi āārīmi. Irasirigu ĩgūrē: “Diyeta yare b̄remumi, ōāgū āārīmi”, ārī ĩādi āārīmi. ²² Irasirirā musā ire masīa. Abraham Marīpure b̄remusīā, ĩgū dore- deare iridi āārīmi. Irasū āārīmakū ĩgū doredeare irisīā, Marīpure b̄remurī opatarigu dujadi āārīmi. ²³ Irasiriro Marīpuya werenīrī gojadea pūgue Abraham irideare gojaderosūta waadero āārībú. Āsū ārī gojasūdero āārībú: “Abraham Marīpure b̄remudi āārīmi. ĩgū b̄remumakū ĩāgū: Marīpu ĩgūrē: ‘Ōāgū āārīmi’, ārī ĩādi āārīmi”, ārī gojasūdero āārībú. Irasū āārīmakū, Marīpu ĩgūrē: “Abraham, ya merāmu āārīmi”, ārīdi āārīmi.

²⁴ Irasirirā Abrahāyamarē güñarā, musā ire masīa. Sugu: “Marīpure b̄remua”, ārīgū, ōārī gapure iribirimakū ĩāgū, Marīpu ĩgūrē: “Ōāgū āārīmi”, ārī ĩābemi. Gajigu gapu diyeta Marīpure b̄remugū ōārīrē yámi. Irasirimakū ĩāgū, Marīpu ĩgūrē: “Ōāgū āārīmi”, ārī ĩāmi. ²⁵ Gaji iripoeguemo ūma merā ñerō irideo Rahab wāikugo irideare güñaka! Josué iriunerā igoya makāgue ĩādurirā ejamakū, ĩgūsārē iritamudeo āārīmó. Igoya makā marā ĩgūsārē boka wējērī,

ãrĩgõ, igoya wiigue Ìgūsārē duúdeo ãārĩmó. Pũru Ìgūsã duri dujariri maarē Ìmudeo ãārĩmó. Igo Marĩpũyarārē iritamurĩ merã Marĩpũre igo bũremurĩrē Ìmudeo ãārĩmó. Irasirimakũ Ìãgũ, Marĩpũ igore: “Õãgõ ãārĩmo”, ãrĩ Ìãdi ãārĩmĩ. ²⁶ Æsũ ãārã. Masaku yũjũpũrã marĩmakũ, Ìgũya dũpũ okabirikoa. Sugu: “Marĩpũre bũremua”, ãrĩgũ, õãrĩ gapũre iribi, diayeta Marĩpũre bũremubemi. Irasiriro Ìgũ: “Marĩpũre bũremua”, ãrĩrĩ neõ wajamãa. Yũjũpũrã marĩrĩ dũpũ, boari dũpũ irirosũ ãārã.

3

Marĩya disi wiririre gojadea

¹ Yaarã, ire musã masĩa. Marĩpũ gua Ìgũyare buerimasã buerire, gajirã moãrĩmasã iriri nemorõ Ìã beyegũkumi. Ìgũyare keoro buebirimakũ Ìãgũ, gajirã nemorõ gũare wajamoãgũkumi. Irasirirã musã watopegue ããrĩrã mérãgã dita gajirãrē buerimasã ããrĩburo. ² Marĩ ããrĩpererã wãri õãrõ iribirire yãa. Sugu ñerĩ neõ werenĩbi: õãgũ Marĩpũ gããmerĩ ditare irigũ ããrĩmi. Gaji ñerõ iriridere neõ iribemi. Ìgũ ñerĩ werenĩrĩ Ìgũya disi wiririre kãmutamasĩgũ, ããrĩpereri Ìgũya dũpũgue ããrĩrĩ merã gaji ñerõ iriridere kãmutamasĩmi.

³ Marĩ werenĩrĩmarē keori merã weremakũ i irirosũ ãārã. Marĩ kõme berore caballuya disire túsãkoa. Irasirirã i berogã merã, Ìgũ wãgu waibũ ããrĩkeremakũ, tũãgãmenú, marĩ waadũaro waamakũ irikoa. ⁴ Doódirude irasũta ãārã. Iriru wãdiru ããrĩkeremakũ, mirũ bũro wējãpukeremakũ, wejatugu mérĩ majĩgã merã dita iriru waaróre wejatukumi. ⁵ Marĩ werenĩrĩ irasũta ãārã. Marĩya nediru médirugã ããrĩkeremakũ, marĩya disi wãri: “Masĩtaria”, ãrĩ werenĩrĩ wiria. Æsũ ãārã. Peame marĩ mérĩmegã diiukeremakũ, wãri makãnũurē ãjũmakũ irikoa. ⁶ Irasiriro marĩya disi nediru merã ñerĩ werenĩrĩ, i peame irirosũ ãārã. Marĩya dũpũgue, marĩya nediru su wãĩgã ããrĩkeremakũ, marĩ ñerĩ werenĩrĩ marĩrē ããrĩpereri gajirosũperi ñerĩrē irimakũ irikoa. Irasiriro peame gajinorē ãjũwãgã, poyanorẽrõ irirosũ, marĩ ñerĩ werenĩrĩ, marĩ i ãmũgue okarinũrĩrē õãrõ ããrĩrĩrē poyanorẽmakũ yãa. Marĩ ñerĩ werenĩrã, wãtĩ ñerĩ iridorerire irirã yãa. ⁷ Masaka Ìgūsãyarã ejorãrē kãmutarosũ ããrĩpererã makãnũu marã waimũrãrē, wũrãrē, pĩrũãrē, dia marãrē kãmutamasĩma. Neõgoraguedere Ìgūsãnorē kãmutamasĩsianerã ããrĩmã. ⁸ Ìgūsãrē kãmutamasĩkeregũ, neõ sugu masakũ Ìgũ basi Ìgũ werenĩrĩrē kãmutamasĩbemi. Irasirirã marĩ ñerĩrē werenĩdũabirikererã, ñerĩ werenĩa. Æña kũrĩmakũ Ìgũya nima merã masakare wējẽrõ irirosũ, marĩ ñerĩ werenĩrĩ merã gajirãrē ñetariro yãa.

⁹ Marĩ werenĩrĩ merã Marĩpũ marĩ Opũre: “Õãtaria”, ãrĩ, usũyari sĩa. Marĩ werenĩrĩ merãta masakare: “Ñerõ waaburo Ìgūsãrē”, ãrĩ werenĩa. Marĩpũ marĩ masaka ããrĩpererãrē Ìgũ irirosũ ããrĩmakũ irikeremakũ, marĩ gãme ñerõ werenĩa. ¹⁰ Su disita õãrĩ werenĩrĩ, irasũ ããrĩmakũ ñerĩ werenĩrĩ wiria. Yaarã, irasiribirikõãrõ gããmea. ¹¹ Deko wiriri gobere õãrĩ wiriro, ñerĩ wiribirikoa. ¹² Yaarã, musã ire masĩa. Higuera, igui dũkakũbirikoa. Iguigu, higuera dũkakũbirikoa. Misõrĩ deko wiriri gobere moãkũri dekode wiribirikoa. Marĩde i irirosũ õãrĩ ditare werenĩrõ gããmea.

Diayema masĩrĩ Æsũ ããrã, ãrĩ gojadea

¹³ Musã watopegue sugu õãrõ masĩgũ ããrĩgũno, õãrĩrē irinĩkõãburo. “Gajirã nemorõ masĩtarinũgãa”, ãrĩbi, Ìgũ masĩrĩ merã õãrĩrē iriburo. Irasirimakũ Ìãrã, gajirã Ìgũrē: “Õãrõ masĩmi”, ãrĩrãkuma. ¹⁴ Musã gajinorē oparãrē bũro ubu Ìãturirã, Ìgūsã nemorõ ããrĩdũarã, musãya ããrĩburi ditare iridũarã:

“Masītarinugāa”, āri gūñabirikōāka! Mūsā irasū āri gūñarā, ārikatorikurā, diayema āārīrīrē keoro werenírā meta yāa. ¹⁵ Mūsā: “Masītarinugāa”, āri gūñarī, Marīpū gūñarī sīrī āārībea. I ūmū marā gūñarī, wātīya āārā. ¹⁶ Masaka gajirārē ubu iāturi, ĩgūsāya āārīburi ditare iriduarā, gāme guaseonírā āārīma. Āārīpereri gajirosūperi ñerīrē yāma. ¹⁷ Marīpū masīrī sīrī oparā gapū oārā āārīma. Gāme guaseodūamerā, gajirārē iritamurā, gajirā wererire būremurī merā pérā, bopoñarī merā ĩārā, oārīrē irirā, masakare surosū ĩārā, irikatoro marīrō irinírā āārīma. ¹⁸ Gajirā merā oārō āārīduarā, gāmekēārō marīrō oārō siñajārī merā āārīmakū iriduarā, diayema iririre irinírā āārīma.

4

I ūmūmarē gāāmerā, Marīpūre gāāmebema, āri gojadea

¹ ¿Nasirirā gāme guaseo, gāmekēārī mūsā? Āsū āārā. Mūsā gūñarīgue mūsā ñerīrē iriduarī, oārīrē iriduarī merā gāmekēārī irirosū āārā. ² Gajinorē mūsā gāāmea. Irasirirā irire opabirisīā, masakare wējēa, ĩgūsāyare ēmaduarā. Gajigū gajinorē opamakū ĩārā, ĩgūrē ubu iāturia. Irasirirā ĩgūyare opabirisīā, gāme guaseo, gāmekēāa. Mūsā Marīpūre sērēbirisīā, mūsā gāāmerīrē opabea. ³ Gajipoere gajinorē sērēkererā, ñerō gūñarī merā sērēa. Mūsā basi mūsā ñerī ūaribejari ditare iriduarā sērēa. Irasirigū Marīpū mūsā sērērīrē sībemi. ⁴ Mūsā sugo nomeō marāpūkūgo āārīkeregō gajigūre gāāmegō irirosū āārā. ¿Mūsā ire masīberi? Sugū i ūmū marā ñerīrē irirā irirosū iridūagu, Marīpūre gāāmebemi. I ūmū marā ñerīrē irimakū ĩāgū: “Īgūsā irirosū irigūra”, āri gūñagū, Marīpūre iāturigū dujami.

⁵ Marīpūya werenírī gojadea pūgue irire āsū āri gojasūdero āārībú: “Marīpū Ōāgū deyomarīgūrē marīrē pídi āārīmí marī merā āārībure. Ōāgū deyomarīgū marīrē maīgū, marī ñerīrē iridūamakū gāāmebemi”, āri gojasūdero āārībú. Iri gojadea ubu āārīrī meta āārā. Āārīrōma āārā. ⁶ Irasirigū Marīpū marī ñerīrē irinemobirikōāburo, ārīgū, marīrē bopoñarī merā ĩā, oārō iritamumi. Irasiriro ĩgūya werenírī gojadea pūgue āsū āri gojasūdero āārībú: “‘Gajirā nemorō āārā’, āri gūñagūrē Marīpū iritamubemi. ‘Yū ubu āārīgū āārā, yure iritamuka!’ ārīgū gapūre oārō iritamumi”, āri gojasūdero āārībú. ⁷ Irasirirā Marīpū dorerire būremurī merā irika! Wātī dorerire iribirikōāka! Mūsā ĩgūrē pébirimakū ĩāgū, mūsārē piri, duriwāgākōāgukumi. ⁸ Marīpū pūroque ĩgūrē: “Yū merā āārīka!” āri ejanūgārā irirosū irika, ĩgūrē masīnemoduarā! Irasirimakū ĩāgū, mūsā pūroque ejanūgāgū irirosū irigukumi mūsārē iritamunemobu. Mūsā ñerō irirā āārā. Irasirirā ñerō iririre pirika! Mūsā Marīpūyare irirā, o i ūmū marā irirosū irirā: “Ōāgorāa”, āri gūñadāa. Ire irasū āri gūñabirikōāka! I ūmū marā irirosūta ñerīrē irimakū, ñegorāa. Marīpūya ditare irimakū, oāa. ⁹ Mūsā ñerō iririre gūñarā, ūsuyari merā būrirono irirā, būjawereri merā oreka! Mūsā ñerō iririre gūyasīrīrī merā, būjawereka! ¹⁰ Marī Opūre: “Mū ĩūrōrē yū ñegū, ubu āārīgū āārā, irasirigū yure iritamuka!” āri sērēka! Mūsā irasū āri sērēmakū: “Mūrē iritamugūra, yaagu, oāgū āārā”, āri ĩāgukumi.

Mūsā Jesúre būremurā mūsā basi gāme werewūabirikōāka! āri gojadea

¹¹ Yaarā, mūsā Jesúre būremurā mūsā basi gāme werewūabirikōāka! Gajirārē ñerī werenírā, o ĩgūsārē werewūarā, Marīpū marīrē gāme maĩdoredeare tarinūgārā yāa. Irire tarinūgārā: “Iri doreri oābea”, ārīrā irirosū yāa. Irasirirā Marīpū dorerire: “Ōābea”, āri werewūarā: “Yū Marīpū nemorō doremasīa”, ārīrā irirosū yāa. ¹² Marīpū sugūta masakare ĩgū

dorerire pídi ããrĩmĩ. Īgũ suguta Īgũsã iririre ĩã beyemasĩmi. Masakare taumasĩmi, o peamegue béomasĩmi. Irasirirã musã gapu: “Gajirã masakare werewamasĩa”, ãrĩ gũñabirikõãka!

Ñamigãgue marĩ iriburire masĩbirimarẽ gojadea

¹³ Dapagore gajire weremakũ, õãrõ péka! Musã surãyeri: “Dapagã, o ñamigã gaji makãgue su bojori moã, wãro niyeru wajatarãkoa”, ãrĩ werenía. Irasũ ãrĩ werenĩrãrẽ ãsũ ãrĩ weregura. ¹⁴ Musãrẽ ñamigãgue waaburire neõ masĩbea. Marĩ i ãmũgue okari, ĩimikã boyoripoe duji, mérõgã puru perero irirosũ ããrã. Marĩ i ãmũgue ããrĩ, mérõgã puru boakõãrãkoa. ¹⁵ Irasirirã musãrẽ ãsũ ãrĩ werenĩrõ gããmea: “Marĩpu gããmemakũ, okarãkoa ire, o gajire irimurã”. ¹⁶ Musã gapu: “Marĩ masĩa, irasirirã marĩ gããmerõ ãsũ irirãkoa”, ãrĩ werenía. Iri ããrĩpereri musã irasũ ãrĩ werenĩrĩ, ñegorãa. ¹⁷ Irasirirã: “Marĩ ãsũ irirã, õãrĩrẽ irirãkoa”, ãrĩ masĩkererã, irire irimerã, ñerĩrẽ irirã yãa.

5

Wãri doebiri oparãrẽ waaburire gojadea

¹ Musã wãri doebiri oparã yare péka! Musã ñerõ tarirãkoa. Irasirirã ire gũña, buru bujawereri merã gaguinĩ oreka! ² Musãya doebiri boakõãrokoa. Musãya surĩre burua baarãkuma. ³ Musã niyeru koeri, oro, plata merã iridea koeri musã duripídea gurawijiakõãrokoa. Irasũ waamakũ, musã niyerure maĩsĩã, duripídeare masĩsũrokoa. I niyeru musã maĩrĩ, peame gajinorẽ soebéorosũ musãrẽ poyanorẽmakũ irirokoa. Dapagore musã, i ãmu pererĩnu ejaburo dupiyuro, wãro niyerure duripírã yãa. Iri duripĩri waja buru wajamoãsũrãkoa. ⁴ Musãya pooerire moãnerãrẽ wajaribea. Irasirirã musãrẽ: “Gũare musã ãrãderosũta wajarika!” ãrĩ gaguinĩma. Īgũsã irasũ ãrĩ gaguinĩrĩrẽ marĩ Opu Īgũrẽ wereboerãrẽ doregu pémi. ⁵ Musã i ãmũgue okarã, wãri doebiri opãa. Musã opari merã musã gããmerĩ ditare yãa. Musã irasiriri waja wajamoãsũrãkoa. Wekure Īgũsã wẽjẽburi dupiyuro õãrõ baa, diĩkũgu irirosũ ããrã. ⁶ Musã ñerõ irimerãrẽ: “Ñerõ yãma”, ãrĩ, peresugue ãĩwãgã: “Wẽjẽka!” ãrã, musã Īgũsãrẽ iririre kãmutamasĩña marĩrõ.

Jesucristo i ãmũgue dupaturi aariburire marĩrẽ õãrõ yũro gããmea, ãrĩ gojãdea

⁷ Irasirirã yaarã, marĩ Opu Jesucristo i ãmũgue dupaturi aariburire gũñaturari merã õãrõ yũka! Pooe opu Īgũ otedea dukakuburire õãrõ yũkumi. Īgũya pooere otedero puru, deko merẽburire, irasũ ããrĩmakũ Īgũ otedea puri, masãburire õãrõ yũkumi. ⁸ Musãde Īgũ irirosũta õãrõ yũka! Marĩ Opu dupaturi aariburo mérõ duyãa. Irasirirã gũñaturari merã Īgũrẽ buremurĩrẽ neõ piriro marĩrõ merã Īgũ aariburire õãrõ yũnĩkõãka!

⁹ Yaarã, Marĩpu musãrẽ wajamoãrĩ, ãrĩrã, gãme turibirikõãka! Īgũ ããrĩpererã ñerãrẽ wajamoãgũ aariburo mérõ duyãa. ¹⁰ Yaarã, iripoegue marãrẽ marĩ Opuya kerere weredupiyunerãrẽ gũñaka! Marĩ Opuyare weredeã waja gajirã Īgũsãrẽ ñerõ irinerã ããrĩmã. Īgũya kerere weredupiyunerã gapu ñerõ tarik-ererã, Īgũyare wereduúbirinerã ããrĩmã. Īgũsãrẽ ñerõ irirãrẽ ñerõ iribirinerã ããrĩmã. Irasirirã musãde Īgũsã iriderosũta irika! ¹¹ Ñerõ tarikkererã marĩ Opure buremurĩrẽ neõ piribirinerãrẽ gũñarã: “Marĩ Opu õãrõ iritamunerã, usuyari bokanerã ããrĩma”, ãrĩ gũñãa. Iripoeguemu Job wãĩkũgu ñerõ taridea kerere musã pébu. Īgũ buru ñerõ tarikeregu, marĩ Opure buremurĩrẽ piribiridi ããrĩmĩ. Irasirigũ Īgũ ñerõ taridero puru, marĩ Opu Īgũrẽ maĩgũ Īgũrẽ bopoñarĩ

merā ĩāsĩā, wári ōārĩrē iridi āārĩmĩ. Irasirirā, ĩgũ marĩdere maĩrĩrē, ĩgũ marĩdere bopoñarĩ merā ĩārĩrē mʉsā masĩa.

¹² Yaarā, gaji yʉ wererire goepeyari merā ōārō péka! Mʉsā gajirārē wererā, āsũ ārĩ werebirikōāka: “ʉmʉgasima merā āsũ irigʉra”, o “I nikũma merā āsũ irigʉra”, ārĩbirikōāka! Mʉsā gajirārē wererā, ārĩkatori marĩrō su diayeta wereka! Gajinorē irianerā: “Iriabu”, ārĩka! “Āsũ irirāra”, ārĩrā, irika! “Āsũ iribirikoa”, ārĩrā, iribirikōāka! Marĩpʉ wajamoābirikōāburo, ārĩrā, irasirika!

¹³ Mʉsā ñerō tarirā, Marĩpʉre: “Iritamuka yʉre!” ārĩ sērēka! ʉsʉyari merā āārĩrā, bayapeori merā ĩgũrē: “Ōātaria mʉ”, ārĩ, ʉsʉyari sĩka! ¹⁴ Sugʉ pũrĩrikʉgʉ, Jesúre bʉremurā oparārē siiuburo. ĩgʉsā ĩgũrē ʉye merā piupeo, marĩ Opʉre: “Jesús, ĩ mʉrē bʉremugũrē tauka!” ārĩ sērēbosarākuma. ¹⁵ ĩgʉsā marĩ Opʉre bʉremurĩ merā sērēmakũ, marĩ Opʉ ĩgũrē taugʉkumi. Irasirigʉ ĩgũrē pũrĩrĩ marĩgũ dujamakũ irigʉkumi. Pũrĩrikʉadi ñerō iridi āārĩmakũ, Marĩpʉ ĩgũ ñerō irideare kātigʉkumi. ¹⁶ Irasirirā mʉsā ñerō irideare gāme weretarika! Irasũ āārĩmakũ, Marĩpʉre mʉsāya āārĩburire gāme sērēbosaka! Irasirika, Marĩpʉ mʉsārē pũrĩrĩ marĩrā āārĩburo, ārĩrā! Ōārĩrē iririkʉgʉ bʉro bʉremurĩ merā gajirāya āārĩburire Marĩpʉre sērēbosamakũ, Marĩpʉ ĩgũ sērērōsũta irigʉkumi. ¹⁷ Iripoeguemʉ Marĩpʉya kerere weredupiyudi Elías wāĩkʉgʉ marĩsũta masakʉ āārĩdi āārĩmĩ. ĩgũ āārĩdeapoegue marā ñerō irimakũ ĩāgũ, Marĩpʉre: “Deko merēbirimakũ irika!” ārĩ, bʉro bʉremurĩ merā sērēdi āārĩmĩ. Marĩpʉ ĩgũ sērērĩrē pé, ʉre bojori gaji bojori dekogora, ĩgʉsāya nikũrē deko merēbirimakũ iridi āārĩmĩ. ¹⁸ Pʉrʉ Marĩpʉre: “Deko merēmakũ irika doja!” ārĩ sērēdi āārĩmĩ. ĩgũ sērēmakũ, deko merēdero āārĩbú. Irasũ waamakũ, ĩgʉsāya nikũrē dupaturi oteri puri dukakũdero āārĩbú.

¹⁹ Yaarā, sugʉ mʉsā merāmʉ diayema āārĩrĩrē irinemobirimakũ ĩārā, dupaturi Marĩpʉyare irimakũ irirā, ĩgũrē ōārō irirā irikoa. ²⁰ Ire masĩka! Mʉsā sugʉ ñerō irigʉre ĩgũ ñerō iririre pirimakũ irirā, ĩgũrē ōārō irirā irikoa. Marĩpʉ ĩgũrē peamegue waabodire taugʉkumi. ĩgũ wári ñerĩ irideare kātigʉkumi.

1 SAN PEDRO

Pedro Jesúre bɔremurã waasirinerãrẽ gojadea

¹ Yɔ Pedro mɔsãrẽ òãdorea. Jesucristo yɔrẽ ìgũyare buedoregɔ beyemi. Irasirigɔ mɔsãrẽ, mɔsãya nikũrẽ wiri, gajirogue Ponto, Galacia, Capadocia, Asia, Bitinia wãikuri nikũgue waasirinerãrẽ i pũrẽ gojáa. ² Marĩpɔ ããrĩnĩgũ dupiyurogue mɔsãrẽ: “Yaarã ããrĩma”, ãrĩderosũta beyedi ããrĩmĩ. Òãgũ deyomarĩgũ merã mɔsãrẽ ìgũyarã ããrĩmakũ iridi ããrĩmĩ, Jesucristo gããmerĩrẽ iriburo, ãrĩgũ. Jesucristo dí béori merã ñerĩrẽ koesũnerã ããrĩburo, ãrĩgũ, irasiridi ããrĩmĩ. Mɔsãrẽ òãrõ iritamu, siñajãrĩ merã ããrĩdero nemorõ ããrĩrikɔmakũ iriburo.

Jesúre bɔremurã Marĩpɔ merã òãrõ ããrĩnĩburire gojadea

³ Marĩpɔrẽ, marĩ Opɔ Jesucristo Pagɔrẽ: “Òãtaria mɔ”, ãrĩ, ɔsɔyari sĩrã! Ìgũ marĩrẽ bɔro bopoñasĩã, Jesucristore boadiguere masũrĩ merã marĩrẽ dupaturi deyoarã irirosũ ìgũ pũrã ñajãmakũ iridi ããrĩmĩ. Irasirigɔ ìgũ merã marĩ òãrõ ããrĩnĩkõãburire masĩmakũ yãmi. ⁴ Irasirirã, ìgũyarãrẽ: “Òãrĩrẽ sĩgɔra”, ãrĩdeare marĩ opaburire ɔsɔyari merã yũrã yãa. Ìgũ marĩrẽ sĩburi: ìgũ ãmɔgasigue òãrĩ opari, neõ pereburi, boaburi meta ããrã. ⁵ Marĩpɔ marĩrẽ ìgũrẽ bɔremurãrẽ ìgũ turari merã koremi. Irasirigɔ, i ãmɔ peremakũ, ìgũ marĩrẽ peamegue waabonerãrẽ: “Taugɔra, yɔ merã ããrĩnĩkõãrãkuma”, ãrĩdeare iriyuwarikurire masĩmakũ irigɔkumi.

⁶ Marĩ mérõgã i ãmɔgue ããrĩrõpa wãri gajirosũperi ñerõ tarikererã, ãmɔgasigue Marĩpɔ marĩrẽ sĩburire gũñarã, bɔro ɔsɔyari merã ããrã. ⁷ Ñerõ tarikererã, marĩ diayeta Marĩpɔrẽ òãrõ bɔremunĩrĩ, oro nemorõ wajakɔa. Oro wajakɔkerero, pereburi ããrã. Masaka irire peamegue soekuma òãrĩ oro dita dujaburo, ãrĩrã. Irasũta marĩ ñerõ tariri merã diayeta Marĩpɔrẽ òãrõ bɔremunĩrã dujarãkoa. Irasirigɔ, Jesucristo dupaturi aarĩmakũ, Marĩpɔ marĩrẽ: “Òãrõ iribɔ, irasirirã yɔ pɔro yɔ merã ããrĩnĩkõãrãkoa”, ãrĩgɔkumi.

⁸⁻⁹ Mɔsã Jesucristore ìgũ i ãmɔgue ããrĩmakũ ìãbirinerã ããrĩkererã, ìgũrẽ maĩa. Dapagoradere ìgũrẽ ìãbirikererã, gũñaturari merã ìgũrẽ bɔremua. Mɔsã ìgũrẽ irasũ bɔremunĩmakũ, Marĩpɔ mɔsãrẽ peamegue waabonerãrẽ tarimakũ irigɔkumi. Irasirirã mɔsã Marĩpɔ pɔrogue waaburire gũñarã, irogue eja, ɔsɔyarosũ bɔro ɔsɔyãa. I ɔsɔyari oparire werenĩrĩ merã weremasĩña mãa.

¹⁰ Iripoegue Marĩpɔya kerere weredupiyunerã ìgũ mɔsãrẽ òãrõ iritamugũ tauburire werenerã ããrĩmã. Irire werekererã, pémasĩbirinerã ããrĩmã. Irasirirã irire masĩduarã, bue, gũñamanerã ããrĩmã. ¹¹ Òãgũ deyomarĩgũ Cristo ìgũsãrẽ iriudi iritamurĩ merã Cristo ñerõ tari, boadigue masã, ãmɔgasigue mɔrĩã, pɔrɔ ããrĩpererã Opɔ ããrĩburire weredupiyunerã ããrĩmã. Irasirirã: “¿Noã irasũ waagɔkuri, ñããsũ ããrĩmakũ irasũ waarokuri?” ãrĩ masĩduarã, irire bue, gũñamanerã ããrĩmã. ¹² Marĩpɔ ìgũsã masĩmakũ gããmegũ, ìgũsãrẽ ãsũ ãrĩdi ããrĩmĩ: “Mɔsã ããrĩripoe i irasũ waabirikoa dapa. Pɔrɔ marã gapɔ irire ìãrãkuma”, ãrĩdi ããrĩmĩ. Dapagorare Marĩpɔ marĩrẽ tauri kerere wererã ìgũsã iripoegue weredeareta mɔsãrẽ werema. Òãgũ deyomarĩgũ Marĩpɔ ãmɔgasigue merã iriudi iritamurĩ merã mɔsãrẽ irire werema. Marĩpɔ Jesucristo iridea merã marĩrẽ taurire Marĩpɔrẽ wereboerãde bɔro masĩduama.

Marĩpɔ marĩrẽ ñerĩ marĩrã ããrĩdoremi, ãrĩ gojadea

¹³ Irasirirã mɔsã iriburire òãrõ pémasĩrĩ merã gũñaka! Jesucristo i ãmɔgue dupaturi aarĩmakũ, Marĩpɔ mɔsãrẽ òãrõ iritamugũ mɔsã peamegue

waabonerārē tauburire gũñaníkõãka! Irire gũñarā, bũro usuyari merā yúka! ¹⁴ Iripoegue musā Marĩpũre masĩburi dupiyuro ñerõ uaribejarire iriunaderosũta dapagorare neõ irinemobirikõãka! Majĩrā ĩgũsā pagusāmarā dorerire tarinũgāmerā irirosũ Marĩpũ dorerire tarinũgābirikõãka! ¹⁵ Marĩpũ musārē ĩgũyarā āārĩdoregũ siudi, ñerĩ marĩgũ āārĩmi. Irasirirā, ĩgũ irirosũ musāde ñerĩ marĩrāta õārĩ ditare irika! ¹⁶ Marĩpũya werenĩrĩ gojadea pũgue irasũta ārĩ gojasũdero āārĩbũ. Āsũ ārĩdi āārĩmĩ: “Yũ õāgũ, ñerĩ marĩgũ āārā. Irasirirā musāde ñerĩ marĩrā āārĩka!” ārĩdi āārĩmĩ.

¹⁷ Marĩpũ āārĩpererārē surosũ ĩāgũ, ĩgũsā irideare: “Iri õābũ, iri õābiribũ”, ārĩ weregũ āārĩmi. Irasirirā ĩgũrē: “Gũapũ”, ārĩrā, i ũmũgue musā āārĩrõpa gopepyari merā ĩgũyare irika! ¹⁸ Musā ñekũsāmarā Marĩpũyare iribirinerā āārĩmā. Musā ĩgũsā iriderosũ iriri wajamāa. Irasirigũ Marĩpũ musārē ĩgũsā iriderosũ iriunanerārē taudi āārĩmĩ ĩgũyare iriburo, ārĩgũ. Musā ire masĩa. Marĩpũ marĩrē taugũ, marĩ ñerõ iridea wajare wajaribosadi āārĩmĩ. Irasũ wajaribosagũ, niyeru, oro merā wajaribosabiridi āārĩmĩ. Niyeru, oro pereburi āārā. ¹⁹ Irasirigũ iri wajakũro nemorõ marĩ ñerĩ iridea wajare wajaribosadi āārĩmĩ. ĩgũ magũ Cristo boagũ dí béodea merā gapũ marĩ ñerĩ iridea wajare wajaribosadi āārĩmĩ. Oveja majĩgũ masaka Marĩpũre bũremurā wējē soepeobu õāgũ āārĩderosũta Cristo õāgũ ñerĩ marĩgũ āārĩmi. ²⁰ Marĩpũ i ũmarē ĩgũ iriburo dupiyurogueta Cristo ĩgũ boagũ dí béoburire masĩsiadi āārĩmĩ. Ipapoere i ũmũ pereburi dupiyuro Cristore i ũmũgue iriudi āārĩmĩ, ĩgũya dí béori merā musārē iritamuburo, ārĩgũ. ²¹ Irasirirā Cristo iritamurĩ merā Marĩpũre bũremua. Marĩpũ Cristore boadiguere masũ, ũmũgasigue āĩmũrĩa, āārĩpererā Opũ sóodi āārĩmĩ. Irasirirā Marĩpũre: “Gũare õārõ irigũ āārĩmĩ”, ārĩ bũremu, ĩgũ merā õārõ āārĩnĩburire õārõ masĩa.

²² Cristoya diayema kerere pé bũremusĩa, musā ñerĩ iririkũre pirinerā āārĩbũ. Dapagorare diayeta musāyarārē maĩmasĩa. Irasirirā musāya yũjũpũrārĩ, āārĩpereri musā turari merā gāme maĩka! ²³ Musā Marĩpũya werenĩrĩrē bũremurā, dupaturi deyoarā irirosũ waabũ. Irasirirā ĩgũ pũrā waabũ. Marĩ pagusāmarā merā deyoa, pũrũ boakõārākoa. Iri irirosũ āārĩbea Marĩpũ pũrā waamakũ. ĩgũya werenĩrĩ, perebiri werenĩrĩ āārā. Irasirirā iri werenĩrĩ merā ĩgũ pũro ĩgũ merā āārĩnĩkõārākoa. ²⁴ ĩgũya werenĩrĩ gojadea pũgue āsũ ārĩ gojasũdero āārĩbũ:

Āārĩpererā masaka tá irirosũ āārĩma. ĩgũsā õārĩ oparide tá goori irirosũ āārā. Tá masā, boakõāa. Gooride boakõāa. Iri irirosũta marĩ masakade boarākoa.

²⁵ Marĩ Opũ werenĩrĩ gapũ neõ perebirikoa. ĩgũ ārĩderosũta waarokoa. Āārĩpereri ĩgũ: “Āsũ irigũra”, ārĩdeare iriyuwarikũgũkumi, ārĩ gojasũdero āārĩbũ.*

Iri õārĩ bueri, musārē ĩgũsā werede, Jesucristo marĩrē tauri kerere bueri āārā.

2

¹ Irasirirā āārĩpereri gajirosũperi ñerĩ iririre: ārĩkatorire, irikatorire, gajirā gajino opamakũ ĩaturirire, gajirārē ñerõ ārĩ werewuarire pirika! ²⁻³ Musā, marĩ Opũ musārē õārõ iririre sĩrũ masĩsiāa. Irasirirā neõ deyoarāgā õpĩkũrē gāāmerõsũ musāde marĩ Opũyare diayemarē bũro gāāmeke! Irire gāāmerā, ĩgũrē bũremunemorākoa. Musā irasirimakũ, musārē taugũkumi.

Cristo masakare okari sĩgũ ũtāye irirosũ āārĩmi, ārĩ gojadea

* 1:25 Is 40.6-8

⁴ Cristo marĩrē okari sīgũ suye ũtāye masaka ĩgũsā bėoadeaye irirosũ āārĩgũ āārĩmi. ĩgũsā ĩgũrē gāamebirikeremakũ, Marĩpũ ĩgũ Pagũ gapũ ĩgũrē: “Ōātarigũ, āārĩpererā Opũ āārĩmi”, ārĩ beyedi āārĩmĩ. Irasirirā ĩgũrē: “Ōāgũ āārĩmi”, ārĩ bũremua. ⁵ Marĩde Cristo merā okari oparā ũtāyeri irirosũ āārā. Marĩpũ, sugũ ũtāyeri merā wii irigũ irirosũ marĩ merā irigũ yāmi. Irasirigũ marĩrē ĩgũyarārē ĩgũya wiima irirosũ āārĩmakũ yāmi. ĩgũyarā paía ĩgũrē bũremurā, ĩgũ dorederosũta gajino sĩma. Marĩrē ĩgũsā irirosũ āārĩmakũ yāmi, Jesucristo iritamurĩ merā ĩgũrē ũsuyari sĩburo, ārĩgũ. Irasirirā ĩgũyare irirā, ĩgũrē ũsuyamakũ irirākoa. ⁶ Marĩpũ ĩgũya werenĩrĩ gojadea pũgue āsũ ārĩdi āārĩmĩ: Yũ beyedire yaa wiima weanũpũroridea ũtāye irirosũ āārĩgũrē Jerusalėgue pĩgũra. ĩgũ, yũ beyedi ōātarigũ, āārĩpererā Opũ āārĩmi. ĩgũrē bũremurāno, bũro ũsuyarākuma. “Ubugorata ĩgũrē bũremukubũ”, ārĩ gũñabirikuma, ārĩdi āārĩmĩ.*

⁷ Mũsāde ĩgũrē bũremurā: “Ōātarigũ āārĩmi”, ārĩ ĩāa. ĩgũrē bũremumerā gapũre Marĩpũya werenĩrĩ gojadea pũgue āsũ ārĩ gojasũdero āārĩbũ: Marĩpũ beyedi suye ũtāye wii iririmasā bėoadeaye irirosũ āārĩkeremakũ, Marĩpũ gapũ ĩgũrē iri wiima weanũpũroridea ũtāye irirosũ āārĩmakũ iridi āārĩmĩ. Irasirigũ ĩgũrē āārĩpererā Opũ pĩdi āārĩmĩ, ārĩ gojasũdero āārĩbũ.*

⁸ Gaji Marĩpũya werenĩrĩ gojadea pũgue āsũ ārĩ gojasũdero āārĩbũ: Marĩpũ beyedire bũremumerā, iri ũtāyegue gubutũameėmejānerā irirosũ āārĩma. Irasirirā Marĩpũ pũroque neŃ waabirikuma, ārĩ gojasũdero āārĩbũ.*

ĩgũya kerere bũremubiri waja ũtāyegue gubutũameėmejānerā irirosũ āārĩma. Marĩpũ pũroque ejabirikuma. ĩgũsārē irasũ waaburire Marĩpũ iripoeguetā: “Irasũ waarokoa”, ārĩsiadi āārĩmĩ.

Marĩpũyarā āsũ āārĩma, ārĩ gojadea

⁹ Mũsā gapũ Marĩpũ pũrā ĩgũ beyenerā āārā. Marĩ Opũyarā paía irirosũ ĩgũyare moārā, Marĩpũya bumarā ĩgũ ĩũrŃ ñerĩ marĩrā ĩgũyarā āārā. Mũsārē naĩtĩārŃ āārĩrā irirosũ ĩgũyare neŃ masĩbirinerārē masĩdoregũ siudi āārĩmĩ. Irasirigũ mũsārē boyorogue āārĩrā irirosũ irire ōārŃ masĩrā āārĩmakũ iridi āārĩmĩ. Mũsārē ĩgũ ōārŃ irideare gajirārē weredoregũ, irasiridi āārĩmĩ. ¹⁰ Mũsā iro dupiyurogue Marĩpũ pũrā āārĩbiribũ. Dapagorare Marĩpũ pũrā āārā pama. Mũsā iro dupiyurogue bopoñarĩ merā ĩāsũña marĩbũ. Dapagorare mũsārē Marĩpũ bopoñarĩ merā ĩāmi.

Marĩpũyare irirā āārĩka! ārĩ gojadea

¹¹ Yaarā yũ maĩrā, mũsā i ũmũrē naagorenarĩmasā mũsāya makāgue āārĩmerā irirosũ, Marĩpũ pũro waamurāta āārā. Irasirigũ mũsārē ire turaro werea. Mũsā ñerĩ ũaribejarire iribirikŃāka! Mũsārē ñerŃ irimakũ iridũarā irirosũ mũsā ñerĩ ũaribejari mũsārē ñerŃ irimakũ iridũaro yāa. ¹² Marĩpũre masĩmerā watopegue āārĩrā ōārŃ irirā āārĩka, mũsārē werewũari, ārĩrā! Mũsā irasirimakũ mũsārē werewũadũakererā, Marĩpũ ĩgũsārē ĩgũyare masĩmakũ iriripoe mũsā ōārŃ iririre ĩānerā āārĩsĩā, ĩgũrē: “Ōāgũ, turagũ āārĩmi”, ārĩ bũremurākuma.

¹³ Marĩ Opũre bũremusĩā, āārĩpererā i nikũ marā oparārē ōārŃ merā yũjũka! I nikũ marā oparā opũ āārĩgũdere yũjũka! ¹⁴ ĩgũ dokamarā oparādere yũjũka! ĩgũsārē ĩgũ doreri tarinũgārārē wajamoāmũrārē pĩdi āārĩmĩ. ĩgũ dorerire irirārē: “ŌārŃ iriabũ mũsā”, ārĩdoregũ pĩdi āārĩmĩ. Irasirirā ĩgũsārē yũjũka!

15 Marĩpu, musã õãrõ irimakũ gããmemei. Musã irasirimakũ ããrã, pémasĩmerã musãrẽ werewuadukererã, werewuamasĩbema.

16 Musã, Marĩpu tausũnerã ããrĩsã, gajirãrẽ moãboerimasãgora ããrĩbea. Marĩpu tausũnerã ããrĩkererã, “Gũare doreri máa. Irasirirã gũã gããmerõ ñerĩrẽ irirãkoa”, ãrĩ gũñabirikõãka! Æsũ gapu irika! “Marĩpure moãboerã ããrã gũã”, ãrĩ gũñaka! Irasũ ãrĩ gũñarã, ãgũ dorerire irika! 17 Æãrĩpererã masakare bũremurĩ merã ããka! Marĩyarãrẽ Jesũre bũremurãrẽ maĩka! Marĩpure goepeyari merã bũremuka! I nikũ marã opũdere bũremurĩ merã ããka!

Cristo ñerõ tarĩgu ãgũ bokatĩũderosũ musãde bokatĩũka! ãrĩ gojadea

18 Moãboerimasã, õãrõ bũremurĩ merã musã oparãrẽ yũjuka! Musãrẽ õãrõ irirã ditare yũjubirikõãka! Musãrẽ turaro merã dorerãdere yũjuka! 19 Musã ñerõ iribirikeremakũ, musã oparã musãrẽ wajamoãbukuma. Musã, Marĩpu ãũrõ diayemarẽ iridũamakũ, ãgũsã wajamoãrĩrẽ bokatĩũmakũ, Marĩpu musãrẽ: “Õãrõ yãma”, ãrĩ ããgũkumi. 20 Musã ñerõ iriri waja gapu ãgũsã musãrẽ wajamoãmakũ, irire musã bokatĩũkeremakũ, Marĩpu musãrẽ: “Õãrõ yãma”, ãrĩ ããbirikumi. Musã õãrõ irikeremakũ ãgũsã musãrẽ wajamoãmakũ, musã õãrõ merã guaro marĩrõ bokatĩũmakũ, Marĩpu musãrẽ: “Õãrõ yãma”, ãrĩ ããgũkumi. 21 Irasiriburo, ãrĩgũ, Marĩpu musãrẽ ãgũyarã ããrĩdoregũ siudi ããrĩmĩ. Cristode musãya ããrĩburire ñerõ tarimi, musãde ãgũ iriderosũ iritayaburo, ãrĩgũ. 22 ãgũ neõ suñarõ ñerõ iribirimi. Gajirãrẽ ãrĩkatori merã neõ werenĩbirimi. 23 Masaka ãgũrẽ turimakũ, ãgũsãrẽ neõ turi gãmibirimi. ãgũrẽ ãgũsã ñerõ irikeremakũ: “Musãrẽ ñerõ irigũra”, neõ ãrĩbirimi. ãgũ Pagu gapure: “Yũpu diayemarẽ irigũ, yũre ñerõ irirãrẽ diayeta wajamoãgũkumi. ãgũgue ãmugũkumi”, ãrĩ gũñadi ããrĩmĩ. Irasirirã marĩdere ãgũ ãrĩderosũ ãrĩrõ gããmea. 24 Cristo, marĩ irirosũ dũpũkũgũ ãgũ basi marĩ ñerĩ iridea wajare wajaribosagu curusague boami. Marĩ okaropa ñerĩ iririre piri, Marĩpũya diayema gapure iriburo, ãrĩgũ, boami. ãgũ marĩrẽ peamegue waabonerãrẽ taugũ, bũro kãmikũ, bũro ñerõ tarimi. 25 Oveja dederinerã irirosũ musãde peamegue dederibonerã ããrĩbũ. Dapagorare Cristore bũremusã, ãgũyarã ããrã. Irasirigũ ovejare koregũ irirosũ Cristo musãrẽ koremi. Musã õãrõ ããrĩrikũburo, ãrĩgũ, musãrẽ õãrõ koremi.

3

Mojõsũanerã ãsũ irika! ãrĩ gojadea

1-2 Moãboerimasãrẽ yũ werederosũta musã marãposã nomerẽ weregũra. Musã marãpũsãmarãrẽ õãrõ merã yũjuka! ãgũsã dorerosũ irika! Surãyeri musã marãpũsãmarã Marĩpũya kerere bũremumerã ããrĩma. Irasirirã ãgũyare musã ãgũsãrẽ werebirikererã, ãgũyare õãrõ iririkũka! Õãrĩ ditare irika! Musã marãpũsãmarã musãrẽ dorerire bũremurĩ merã yũjuka! Musã irasirimakũ ããrã, ãgũsãde Marĩpũya kerere bũremubukuma. 3 Musãya dũpũre wãri mamarikũbirikõãka! Musãya dũpũre gajirãrẽ ããsuyumakũ iribirikõãka! Musãrẽ: “Õãrõ deyoma”, ãrĩ ããmakũ iribirikõãka! Irasirirã musãya poãñapure wũnapuwea mamuanerã nome, oro merã iridea dari bũyanerã nome, wãjapari surĩ sãñanerã nome ããrĩdũari ditare gũñarikũbirikõãka! 4 Æsũ gapu ããrĩka, õãrã, õãrõ deyorã nome ããrĩdũarã! Õãrĩ gũñarĩ oparã nome, gajirãrẽ turiro marĩrõ goepeyaro merã weretamurã nome, siñajãrĩ merã ããrĩrikũrã nome ããrĩka! Õãrõ ããrĩrikũri, dũpũre mamarĩ õãrõ deyori pereburosũ neõ perebirikoa. Musã õãrõ ããrĩrikũri, Marĩpu ãũrõrẽ õãtariri ããrã. 5 Iripoeguere Marĩpũyarã nome ãsũta ããrĩunanerã ããrĩmã. ãgũsã nome: “Marĩpu ãrĩderosũta

yare òãrò irigukumi”, ãrĩ buremurã, Ìgūsã marãpusãmarã dorerire òãrò yujunerã ããrĩmá. ⁶ Æsũta Sara igo marãpure Abrahãrẽ òãrò merã yujudeo ããrĩmó. Irasirigo Ìgũrẽ: “Yũ opu”, ãrĩunadeo ããrĩmó. Irasirirã musã òãrò irirã, gũiro marĩrò ããrĩrikurã, Sara ããrĩderosũ ããrĩrãkoa.

⁷ Æsũta musã marãpokurãde musã marãposã nomerẽ pémasĩrĩ merã òãrò irika! Nome, marĩ ãma irirosũ turarã ããrĩbema. Irasirirã Ìgūsãrẽ buremurĩ merã iritamuka! Marĩpu musãrẽ bopoña, Ìgũ puro perebiri okari sĩburosũta nomedere bopoña, perebiri okari sīgukumi. Irasirirã musã marãposã nomerẽ òãrò koreka! Marĩpu musã sērērĩrẽ yujuburosũta Ìgūsã nomerẽ òãrò irika!

Òãrò Ìgūsã irikeremakũ, gajirã Ìgūsãrẽ ñerò iririre weredeã

⁸ I merã musã ããrĩpererãrẽ weretũnugũra. Suro merã òãrò ããrĩrikũka! Musã merãmarãrẽ bopoñarĩ merã Ìãka! Sugũ pũrã irirosũ gãme maĩrikũka! Òãrò merã gãme iritamuka! “Gũã, gajirã nemorò ããrĩbea”, ãrĩ gũñaka!

⁹ Gajirã musãrẽ ñerò irimakũ, Ìgūsãrẽ gãmibirikõãka! Musãrẽ Ìgūsã ñerò ãrĩ werenĩmakũ, Ìgūsãrẽ ñerò ãrĩ gãmibirikõãka! Æsũ gapũ irika! Ìgūsãya ããrĩburire Marĩpure sērēbosaka! Marĩpu musãrẽ òãrò iribu, irire irimurãrẽ pídi ããrĩmĩ.

¹⁰ Marĩpũya werenĩrĩ gojadeã pũguere ãsũta ãrĩ gojasũdero ããrĩbũ: Musã okaropa òãrò usuyari merã ããrĩduarã, neò ñerò werenĩbirikõãka! Neò ãrĩkatobirikõãka!

¹¹ Æãrĩpereri ñerĩ iririre pirikõãka! Òãrĩ gapũre irika! Gãme Ìãturiro marĩrò siñajãrĩ merã ããrĩrikũka! Irire burò gããmekã!

¹² Diayemarẽ irirãrẽ marĩ Opu irasũ korenikõãmi. Ìgūsã Ìgũrẽ sērērĩrẽ irasũ pénikõãmi. Ñerò irirã gapũre gããmebemi, ãrĩ gojasũdero ããrĩbũ.✠

¹³ Òãrĩ ditare iridũamakũ, ¿noã musãrẽ poyanorēbukuri? ¹⁴ Diayemarẽ musã irikeremakũ, gajirã musãrẽ ñerò irimakũ, Marĩpu gapũ musãrẽ òãrò yãmi. Irasirirã usuyãã. Musãrẽ ñerò iridũarãrẽ gũibirikõãka! Ìgūsã musãrẽ iriburire gũñarikũbirikõãka! ¹⁵ Æsũ gapũ irika! Cristore: “Gũã Opu ããrĩmĩ”, ãrĩ buremuka! Musãrẽ: “¿Nasirirã Cristore buremurĩ?” ãrĩ sērēñarãnorẽ pémasĩrĩ merã òãrò yujũka! Ìgūsã musãrẽ sērēñaburo dupiyuro Ìgūsãrẽ yujuburire òãrò gũñayuka! Irasirirã Ìgūsãrẽ Cristo musãrẽ tauburire òãrò yujũrãkoa. ¹⁶ Turiro marĩrò òãrò buremurĩ merã Ìgūsãrẽ yujũka! Òãrò irika! Irasirirã: “Marĩpu Ìũrò waja opabeã”, ãrĩ gũñarãkoa. Cristore musã buremurã Ìgũyare òãrò irirã ããrĩmakũ gajirã musãrẽ: “Ñerò yãma”, ãrĩ werewũanerã Ìgūsã musãrẽ werewũadeã diaye ããrĩbirimakũ Ìãrã, gũyasĩrĩrãkuma. ¹⁷ Marĩ ñerò iriri waja gajirã marĩrẽ ñerò tarimakũ iribukuma. Marĩpu gããmemakũ, marĩ òãrò iriri waja gajirã marĩrẽ ñerò tarimakũ iriri gapũ òãgorãã.

¹⁸ Irasũta Cristo òãgũ ããrĩkeregũ, ñerò tarimi. Suñarõta ããrĩpererã ñerĩ iridea wajare boa, wajaribosadi ããrĩmĩ. Marĩ ñerã ããrĩmakũ, marĩya ããrĩburire ñerò tarimi, marĩrẽ Marĩpũyarã waamakũ iribu. Ìgũ, marĩ irirosũ dupũkũgũ ããrĩsĩã, Ìgũya dupũgorã tamerã boakõãmi. Ìgũ boakeremakũ, Ìgũya yujupũrã merã okakõãdi ããrĩmĩ. ¹⁹ Irasirigũ Ìgũya yujupũrã merã boanerã Ìgūsã peresu irisũnerã ããrĩrõgue waa, Ìgūsãya yujupũrãrĩrẽ Marĩpũyare weredi ããrĩmĩ. ²⁰ Ìgūsã iripoeguere Marĩpu dorerire tarinũgãunanerã ããrĩmã. Noé ããrĩdeapoeguere Ìgũ wãdiru doódirure dooripoe Marĩpu Ìgũrẽ buremumakũ gããmedi ããrãdimi. Irasirigũ: “Gajipoe irirã yare buremubukuma”, ãrĩ, Ìgūsãrẽ yoaripoe yũdi ããrãdimi. Ìgūsã gapũ neò buremubiriunanerã ããrĩmã. Irasirigũ Marĩpu Ìgūsãrẽ wajamoãdi ããrĩmĩ. Noé Ìgũya wii marã merã dita: su mojõma pere gajĩ mojõ ureru pērēbejarã dia mirĩrĩrẽ tariweredi ããrĩmĩ. ²¹ Marĩpu i

✠ 3:12 Sal 34.12-16

nikūrē miūgū ĩgūsārē taudea, marĩrē deko merā wāiyeri irirosū āārā. Irasiriro marĩ peamegue waabonerārē tauburire ĩmua. Deko merā marĩrē wāiyemakū, marĩya dupure gurarire koerosū āārĩbea. Marĩ wāiyesūrā, Marĩpure: “Gware mu ĩūrō ñerĩ marĩrā āārĩmakū irika!” ārĩ sērēa. Irasirirā, Jesucristo masādea merā marĩ peamegue waabonerā tarimurā āārā. ²² Jesucristo masādero puru, umugasigue murĩadi āārĩmĩ. Irasirigu Marĩpu diaye gapu doami ĩgū merā dorebu. ĩgū Marĩpure wereboerā nemorō, umarō marā oparā nemorō, āārĩpererā dorerā nemorō doregu āārĩmi.

4

Marĩpu iritamurĩ merā ĩgūyare irimasĩrākoa, ārĩ weredea

¹ Jesucristo, marĩ irirosū dupukugu ñerō tarimi. Irasirirā: “ĩgū ñerō tarikeregu Marĩpu gāāmerĩrē iriderosū marĩde ñerō tarikererā Marĩpu gāāmerĩrē irirākoa”, ārĩ gūñarō gāamea. Marĩde, ĩgū ñerō tariderosū ñerō tarirā, ñerō iririre pirikōāa. ² Irasū pirirā, i umu marĩ āārĩrōpa dupaturi ñerĩ waribejarire iribirikoa. Marĩpu gāāmerĩrē irinĩrākoa. ³ Iripoegue, Marĩpure masĩmerā ñerĩrē iridwarire iriderosūta musāde ñerĩrē iriunanerā āārĩbú. Irasirirā gwayĩrĩrō marĩrō ñerĩrē iririkurā, ñerĩ waribejarire iririkurā, mejārikurā, bosenuĩ irirā mejā, gaguinĩrikurā āārĩnerā āārĩbú. Marĩpu dorerire tarinugārā keori weadeare buremunerā āārĩbú. Irasirirā iropata iri ñerĩrē irika! ⁴ Dapagorare irire murārōta irirā gapu musā iri ñerĩrē ĩgūsā merā iribirimakū ĩārā, ĩāgukakōāma. Irasirirā musārē ĩāturi, ñerō werenĩma. ⁵ Marĩpu ĩgūsārē: “Musā irasū ñerĩ irideare werepeoka!” ārĩgukumi. ĩgūta okarārē, boanerādere: “Ire irimakū ōāgorabu, iri gapure irimakū ōābiribú”, ārĩ beyebu āārĩmi. ⁶ I umurē āārĩpererā masaka boamurā dita āārĩkeremakū, Marĩpu ĩgūya kerere wererārē ĩgūsārē irire weredoredi āārĩmĩ, boadero puru ĩgū irirosū ĩgū puro okanĩkōāburo, ārĩgū.

⁷ Āārĩpereri i umuma pereburo mérō dyanugāwāgārisiāa. Irasirirā ōārō pēmasĩrĩ merā diayemarē irinĩkōāka! Irasirirā Marĩpure buremurĩ merā sērērākoa. ⁸ Āārĩpereri gajino iriri nemorō diayeta gāme maĩka! Neō gāme maĩduúbirikōāka! Marĩ gajirārē maĩrā, marĩrē ĩgūsā ñerō irikeremakū, mata ĩgūsā ñerō iriadeare kātiakōākoa. ⁹ Musā merāmarā musāya wiirigue eja-makū, ōārō usuyari merā ĩgūsārē bokatĩrĩñeāka! ¹⁰ Marĩpu ĩgūyarākure ĩgūyare irimasĩburire pídi āārĩmĩ. Irasirirā iri merā ōārō gāme iritamuka! Marĩpu musākure musā ĩgūyare irimasĩburire pídea merā ĩgū gāāmerōsū gāme iritamurā, ōārō gāme iritamurā yāa. ¹¹ Irasirirā Marĩpureyare wererā, ĩgū weredorederosūta wereka! Gajirārē iritamurāde ĩgū turari sĩrō bokatĩūrō iritamuka! Āārĩpereri musā iririre Marĩpure masaka usuyari sĩburosū irika! Jesucristo iritamurĩ merā irasirika! Marĩpure āārĩpererinurĩ buremuka! Marĩ āārĩpererā ĩgūrē: “Ōātarigu, turatarigu āārā”, ārĩ, usuyari sĩrā! Irasūta irirā!

Jesúre buremurĩ waja ñerō taririre gojadea

¹² Yaarā yu maĩrā, musā Jesúre buremurĩ waja ñetariro tarirā, diayeta ĩgūrē buremurĩrē masĩsūa. Irasirirā: “¿Nasiriro yare irasū waari? Gajirosū waakoa”, ārĩ gukabirikōāka! ¹³ Āsū gapu irika! Ñerō tarirā: “Cristo ñerō tariderosū gwade ñerō taria”, ārĩ usuyaka! Irasirirā Cristo dupaturi i umugue ĩgū goesiriri merā, ĩgū turari merā aarimakū ĩārā, burō usuyarākoa. ¹⁴ Cristoyarā musā āārĩrĩ waja gajirā musārē ñerō ārĩ buridamakū, musārē ñerō werenĩmakūdere ire masĩka! Marĩpureyagu Ōāgū deyomarĩgū musā merā āārĩmi. ĩgū turatarigu musārē iritamumi. Irasirirā usuyāa. ¹⁵ Masakare

wējēbéorimasā, yajarimasā, noó waaró ñerō iririmasā, gajirārē ĩgūsāyamarē sērēñarikurā ñerō tarirākuma. ĩgūsā irirosū iribirikōāka! Ōārī iridea waja merā gapu ñerō tarimakū ōāgorāa. ¹⁶ Cristoyarā musā āārīrī waja gajirā musārē ñerō tarimakū irirā yāma. ĩgūsā irasirimakū, gūyasīrībirikōāka! Ubu gapu Marīpure: “Mu guare Jesucristoyarā āārīmakū iridi āārā, irasirirā mūrē usuyari sīa”, ārīka!

¹⁷ Marīpu marīrē ĩgūyarārē marī irideare: “I gapure irimakū ōāgorabu, i gapure irimakū ōābiribu”, ārī beyeripoe ejasiāa. Āārīpererārē marīrē ĩgūyarārē marī irideare irasū ārī beyepurorigukumi. ĩgūyarārē irasū beyepurorigu, ħnasirigukuri ĩgūyarā āārīmerā gapure? ĩgūya kerere gāāmebiri waja ĩgūsārē buro wajamoāgukumi. ¹⁸ Marīpuya werenīrī gojadea pūgue āsū ārī gojasūdero āārībú: “Ōārā Marīpuyarā buro ñerō taridero puru, Marīpu ĩgūsārē tau, ĩgū puro āāgukumi. Ñerā ĩgūrē gāāmemerā gapu ñetariro tarirākuma. Peamegue waadederirākuma”, ārī gojasūdero āārībú. ¹⁹ Irasirirā Marīpu gāāmerōsū marī ñerō tarirā, ōārī iririre irinikōārō gāāmea. Marīya āārīburire Marīpure marīrē iridire wiaro gāāmea. Āārīpereri ĩgū: “Musārē ōārō irigura”, ārīdeare diayeta irigukumi. Irasirirā ĩgūrē: “Mu gāāmerō yure irika!” ārīrō gāāmea.

5

Pedro, Jesúre b̄remurā iriburire gojadea

¹ Dapagorare musārē Jesúre b̄remurā oparā mūrārē weregura. Yude Jesúre b̄remurārē doregu āārā. Cristo ñerō tarimakū ĩābu. ĩgū goesiri merā, ĩgū turari merā dupaturi i ūmague aarimakū, yude āārīpererā ĩgūrē b̄remurā merā ĩāgukoa. ² Marīpuyarā oveja irirosū āārīma. Musā ĩgūyarārē dorerā ovejare korerā irirosū āārā. Irasirirā Marīpu musārē ĩgū pīnerārē ĩgūyarārē ōārō koreka! Marīpu gāāmerōsū ōārō yujupūrākuri merā ĩgūsārē koreka! ĩgūsārē korerā: “Niyerure wajatarākoa”, ārī gūñabirikōāka! ³ ĩgūsārē korerā, pūrīrō merā dorebirikōāka! Ōārō iririkuka! Irasirirā musā iririkurire ĩākūirā, ĩgūsāde ōārō iririkurākuma. ⁴ Musā irasū ōārō iririkurā, Cristo marīrē āārīpererā korerā Opu dupaturi i ūmague aarigú, musārē: “Ōārō iribu”, ārīgukumi. Irasirirā, ĩgū puro goesirirogue ĩgū ōātariri siburire* wajatarākoa. Iri neō perebirikoa.

⁵ Yu musā oparārē wererosū musā maamarādere weregura. “Mūrārē b̄remurī merā yujuka!” ārī werea. Irasirirā musā Jesúre b̄remurā āārīpererā: “Gajirā nemorō āārā”, ārī gūñarō marīrō gāme iritamuka! Marīpuya werenīrī gojadea pūgue āsū ārī gojasūdero āārībú:

“Gajirā nemorō āārā”, ārī gūñagūrē Marīpu iritamubemi. “Yu ubu āārīgú āārā, yure iritamuka!” ārīgū gapure ōārō iritamumi, ārī gojasūdero āārībú.*

⁶ Irasirirā: “Gajirā nemorō āārā”, ārī gūñabirikōāka! Marīpu turagu musārē doremakū, yujuka! Musā irasirimakū, Marīpu ĩgū: “Āsū irigura”, ārīrīnu ejamakū, masaka ĩūrō musārē: “Yu maīrā, yu iritamurā āārīma”, ārī ĩmugukumi. ⁷ Marīpu buro maīrī merā musārē koremi. Irasirirā āārīpereri musā gūñarikurire ĩgūrē wereka! ĩgū musārē iritamugukumi.

* **5:4** Sugū ūma birarimasū gajirā nemorō ōārō ūmagū, olivo wāikadima pūrī merā iridea berore waja takumi. Masaka iri berore ĩgūya dipurugue peokuma, gajirārē ĩgū wajatadeare ĩmurā. I irirosū, sugū Jesúre b̄remugū ñerō tarikeregu: “Marīpu yure iritamugukumi”, ārī b̄remurīrē piribi, ūmagasigue perebiri okari wajatagukumi. Iri ūmagasigue perebiri okari wajatari, i berore wajatari irirosū āārā.

✧ **5:5** Pr 3.34

⁸ Ōārō pémasĩrĩ merã diaye gũñaka! Wātĩ m̄sārē ĩaturigu m̄sārē ñerĩ irimakũ iriduagu ěōkaye guagu waibure baaduagu āmagorenagu irirosũ m̄sārē poyanorēduagu āmagorenami. ⁹ Ire masĩa. M̄sã ñerō tarirosũta āārĩpererogue gajirã Jesúre b̄remurã ñerō tarirã yáma. Irasirirã ñerō tarikererã, wātĩrē neō yujubirikōāka! Jesús gapure gũñaturaníkōāka! Īgūrē b̄remurĩrē neō piribirikōāka! ¹⁰ M̄sã i ūm̄ague āārĩrōpa dita ñerō tarirãkoa. P̄ru Marĩpu m̄sārē gũñaturarã, ōārã, turarã āārĩmakũ irigukumi. Marĩputa neō piriro marĩrō marĩrē iritamunígũ Jesucristore b̄remunugãdoregu siudi āārĩmĩ, marĩrē Īgũ merã Īgũ gosesirogue āārĩnókōāburo, ārĩgũ. ¹¹ Irasirirã Īgūrē: “M̄ turatarigu, āārĩpererã Op̄u āārã”, ārĩ, us̄yari s̄nĩrã! Irasũta irirã!

Pedro ōādoretũnudea

¹² Silvano iritamurĩ merã i pũguere yu m̄sārē mérĩgã gojáa. Īgũ, yu ĩāmakũ, Jesúre b̄remugũ marĩyagu diayemarē irigu āārĩmĩ. Irasirigu Īgũ iritamurĩ merã m̄sārē gũñatura, us̄yamakũ irigu, Marĩpu marĩrē diayeta maĩgũ āārĩmĩ, ārĩgũ, i pũrē m̄sārē gojáa. Marĩpu marĩrē maĩrĩrē masĩrã Īgūrē irasũ b̄remuníkōāka!

¹³ Babilonia marã Jesúre b̄remurã m̄sārē ōādorema. Īgūsãde, m̄sã irirosũta Marĩpu beyenerã āārĩma. Marcos yu magũ irirosũ āārĩgũde m̄sārē ōādoremi. ¹⁴ M̄sã merãmarãrē bokatĩrĩrã, maĩrĩ merã, ōārō us̄yari merã mojō ñeãka!

Marĩpu āārĩpererã m̄sārē Jesucristoyarãrē ōārō siñajãrĩ merã āārĩrikumakũ iriburo. Irasũta iriburo.

Iropata āārã.

Pedro

2 SAN PEDRO

Pedro Jesúre bɔremurãrẽ gojadea

¹ Yɔ Simón Pedro, Jesucristore moãboegɔ, Ìgũ buedoregɔ pídi, mɔsãrẽ i pũrẽ gojáa. Marĩ Opɔ Jesucristo marĩrẽ taugɔ diayemarẽ irigɔ ããrĩmi. Irasirigɔ Marĩpɔ Jesucristo merã gɔare iriderosũta mɔsãdere Ìgũrẽ bɔremumakũ iridi ããrĩmi. Marĩ Jesucristore bɔremurĩ opamakũ oãtaria. ² Mɔsã Marĩpɔre, irasũ ããrĩmakũ marĩ Opɔ Jesúre masĩa. Irasirigɔ Marĩpɔ Ìgũ mɔsãrẽ oãrõ iritamurĩrẽ, Ìgũ mɔsãrẽ siñajãrĩ sĩrĩrẽ masĩnemomakũ iriburo.

Jesucristoyarã ãsũ ããrĩma, ãrĩ gojadea

³ Marĩpɔ marĩrẽ Ìgũrẽ masĩmakũ iridi ããrĩmi. Irasirigɔ Ìgũ turari merã marĩrẽ ããrĩpereri oãrĩrẽ sĩdi ããrĩmi Ìgũ merã oãrõ ããrĩ, Ìgũ gããmerĩrẽ iriburo, ãrĩgũ. Ìgũ oãtarigɔ, ããrĩpereri oãrõ irigɔ marĩrẽ siudi ããrĩmi, Ìgũyarã ããrĩdoregɔ. ⁴ Ìgũ oãgũ, oãrõ irigɔ ããrĩsĩã, marĩrẽ: “Yɔ turari merã mɔsãrẽ wãri oãtaririre irigɔra”, ãrĩdi ããrĩmi. Irasirigɔ Ìgũ ãrĩderosũta marĩrẽ yãmi, Ìgũ irirosũ oãrĩrẽ iriburo, ãrĩgũ. Marĩrẽ i ãmɔma ñerĩrẽ ɔaribejarire piriburo, ãrĩgũ, irasirimi. ⁵ Ìgũ marĩrẽ irasirimakũ ããrã, mɔsã Jesúre bɔremurã ããrĩpereri mɔsã turari merã ire irinemoka! Oãrĩ irika! Oãrĩ irirã, oãrõ pémasĩrĩ merã irika! ⁶ Pémasĩrĩ merã irirã, mɔsã ñerõ iridɔarire iribirikõãka! Ñerõ iridɔarire irimerã ñerõ tarikererã, Marĩpɔre gũñaturanikõãka! Irasũ gũñaturanirã, Marĩpɔre bɔremurĩ merã Ìgũ gããmerĩrẽ iririkuka! ⁷ Ìgũ gããmerĩrẽ iririkurã, sugɔ pũrã irirosũ mɔsã basi gãme iritamuka! Gãme iritamurã ããrĩpererã gajirãdere maĩ bɔremuka!

⁸ Mɔsã irasiriwãgãrã, oãrõ irirãkoa. Irasirirã marĩ Opɔ Jesucristore masĩrã, Ìgũ gããmerĩrẽ oãrõ irinirãkoa. Ubu ããrĩrĩrẽ iribirikoa. ⁹ Sugɔ oãrõ iriwãgãbi gapɔ koye ããbi, o koye oãrõ ããjabi Ìgũ waaburire masĩbi irirosũ ããrĩmi. Marĩpɔyare masĩbi: “Ìgũyare iriro gããmea”, ãrĩ gũñabemi. Ìgũ ñerõ iridea wajare Marĩpɔ koebéodeare gũñabemi. ¹⁰ Yaarã, ire péka! Marĩpɔ mɔsãrẽ siiu, beyedi ããrĩmi, Ìgũyarã ããrĩburo, ãrĩgũ. Irasirirã Ìgũyarã ããrĩsĩã, Ìgũ gããmerĩrẽ neõ piriro marĩrõ merã iridɔarã ããrĩka! Irasiridɔarã, Ìgũyarã ããrĩmerã ñerĩrẽ iririkurã irirosũ neõ ããrĩbirikoa. ¹¹ Marĩpɔ Ìgũ gããmerĩrẽ marĩ irimakũ ããgũ, marĩ Opɔ marĩrẽ taugɔ Jesucristo Ìgũyarãrẽ perebiri dorerogue marĩrẽ oãrõ bokatĩrĩneã: “Oõ, yɔ merã oãrõ ããrĩnikõãka!” ãrĩ ñajãdoregukumi.

¹² Mɔsã yɔ wererire masĩsiãa. Irasũ ããrĩmakũ, diayema ããrĩrĩrẽ mɔsã pédeare piriro marĩrõ oãrõ yãa. Mɔsã irire masĩkeremakũ, yɔ wererire kãtiri, ãrĩgũ, gũñanĩmakũ irigɔra. ¹³⁻¹⁴ Marĩ Opɔ Jesucristo yɔre: “Mérõgã dɔyãa mɔ boaburo”, ãrĩ weresiãmi. Irasirigɔ yɔ okaro ejatuario mɔsãrẽ: “Ãsũ irika!” ãrĩ weredeare mɔsãrẽ gũñamakũ irigɔra. “Irasiriro gããmekoa yɔre”, ãrĩ gũñãa. ¹⁵ Irasirigɔ yɔ boadero pɔrɔ, yɔ weredeare neõ kãtibirikõãburo, ãrĩgũ, ããrĩpereri yɔ iridɔaropã merã mɔsãrẽ irire gojapĩgɔra.

Gɔa Jesucristo Ìgũ turagɔ ããrĩrĩrẽ ããbɔ, ãrĩ gojadea

¹⁶ Gɔa marĩ Opɔ Jesucristo turarire, irasũ ããrĩmakũ Ìgũ dupaturi i ãmɔgue aariburire mɔsãrẽ weresiãbɔ. Irire wererã, sugɔ masakũ Ìgũ gããmerõ gũñaboka weredeare wererã meta iribɔ. Gɔa basi Ìgũ turagɔ ããrĩrĩrẽ ããbɔ. Irasirirã ire mɔsãrẽ werebɔ. ¹⁷ Marĩpɔ ããrĩngũ Jesucristo turatarigɔ, gosirigɔ ããrĩrĩrẽ gɔare ãmumakũ ããbɔ. Irire ãmugũ, ãmugasiãue merã ãsũ ãrĩ werenĩmi: “Ì yɔ magũ, yɔ maĩgũ ããrĩmi. Ìgũ merã bɔro ɔsɔyãa”, ãrĩmi.

18 Umugasigue merã irasũ arĩ werenírĩrẽ pérã, ùtãũ wekague marĩ Opũ Jesũs merã aãrĩbũ. Irigugue aãrĩgũta umugasiguema gosesiriri merã ìgũ deyomakũ ìãbũ.

19 Gũa irire ìãnerã aãrĩsĩã: “Marĩpũya kerere weredupiyunerã gojadea diayeta aãrã”, arĩ masĩa. Irasirirã musã ìgũsã gojadeare õãrõ péka! ìgũsã gojadea musãrẽ sĩagodiru irirosũ aãrã. Naĩtĩãrõgue sĩagodiru merã marĩ waarõre sĩagowãgãrã irirosũ ìgũsã gojadea merã Marĩpũyare masĩa. Irasirirã Jesucristo dupaturi aarimakũguedere irire bueníkõãka! ìgũ neñukãmu boyodiru õãrõ boyoro irirosũ aãrĩgũ, marĩrẽ maama umurẽ píbu aãrĩmi. Irasirigu aarigũ, marĩrẽ Marĩpũyare masĩbirideare õãrõ masĩmakũ irigukumi. 20 I gapũre masĩpũrorika! Marĩpũya kerere weredupiyunerã ìgũya werenírĩ gojadea pũgue ìgũyare gojarã, ìgũsã masĩrĩ merã ìgũsã basi gũñarĩ merã gojarã meta irinerã aãrĩmã. 21 ìgũsã Marĩpũya kerere weredupiyudea, ìgũsã gããmerõ ìgũsã gũñarĩ merã werede meta aãrã. I ìgũsã weredupiyudea, Marĩpũ ìgũsãrẽ weredorede aãrã. Irasirirã ìgũsã Marĩpũyarã, Õãgũ deyomarĩgũ iritamurĩ merã Marĩpũyare were, irire gojanerã aãrĩmã.

2

Arĩkatori merã buerimasãyamarẽ gojadea (Jud 4-13)

1 Iripoegue Israel bumarã surãyeri: “Marĩpũya kerere weredupiyurimasã aãrã”, arĩkatonerã aãrĩmã. ìgũsã iriderosũta dapagoradere arĩkatori merã buerimasã musã pũro aarirãkuma. Musãrẽ masĩña marĩrõ diayema aãrĩbirire buerãkuma. Marĩ Opũ Jesucristore ìgũsã ñerõ iridea waja ìgũ boari merã wajaribosadire: “Gũa Opũ aãrĩbemi”, arĩrãkuma. ìgũsã irasiriri waja gũñaña marĩrõ Marĩpũ ìgũsãrẽ peamegue béogukumi. 2 ìgũsã arĩkatori merã buerire pérã, ìgũsã ñerĩ naribejari iririre ìãrã, wãrã musã watopegue aãrĩrã ìgũsãrẽ ìãkũĩrãkuma. ìgũsãrẽ ìãkũĩmakũ ìãrã, gajirã musã Jesũre buremurã watopegue aãrĩmerã Jesũyamarẽ ñerõ arĩ werenírãkuma. 3 Arĩkatori merã buerimasã niyerure burõ gããmesĩã, musãrẽ arĩkatori bueri merã musã ìgũsãrẽ niyeru sĩmakũ irirãkuma. Iripoegue Marĩpũ gapũ: “Ìgũsã irasiriri waja ìgũsãrẽ wajamoãgũra”, arĩsiadi aãrĩmĩ. Irasirigu ìgũ arĩderosũta ìgũsãrẽ peamegue béogukumi.

4 Irasirigu yũ musã masĩdeare dupaturi gũñamakũ iridũãã. Iripoegue Marĩpũ ìgũrẽ wereboerã aãrãdinerã ìgũsã ñerõ irimakũ peamegue peresu iribéodi aãrĩmĩ. Naĩtĩãrõgue kõmedari merã siadobobéodi aãrĩmĩ. Aãrĩpererã ñerãrẽ wajamoãrĩnũ ejamakũ, ìgũsã ñerõ iridea waja ìgũsãrẽ wajamoãgoragukumi. 5 Noé aãrĩdeapoegue marãrẽ ìgũsã ñerõ iridea waja ìgũsãrẽ wajamoãdi aãrĩmĩ. Irasirigu i nikũ aãrĩperero miũgũ, ìgũsãrẽ mirĩboaperemakũ iridi aãrĩmĩ. Noé ditare, marãpo, ìgũ pũrã ùma urerã, ìgũsã marãposã nomerẽ taudi aãrĩmĩ. Noé masakare: “Diyemarẽ irika!” arĩ weregu aãrĩdi aãrĩmĩ.

6 Marĩpũ Sodoma, Gomorra wãĩkari makãrĩ marãdere wajamoãdi aãrĩmĩ. ìgũsã ñetariro iriri waja ìgũsãya makãrĩrẽ peame merã soebéogu, nitĩ poga dita dujamakũ iridi aãrĩmĩ. Pũrugue gajirã ñerãrẽ wajamoãburire masĩburo, arĩgũ irasiridi aãrĩmĩ. 7 Iri makãrĩ marãrẽ wajamoãgũ, Lot diayema irigu ditare taudi aãrĩmĩ. Lot Sodomamũ, gajirã ìgũya makã marã Marĩpũ dorerire irimerã ñerĩ iririkumakũ ìãgũ, burõ gariboredi aãrĩmĩ. 8 ìgũ õãgũ, ìgũsã watope aãrĩgũ, umuriku ìgũsã ñerõ iririre ìãgũ, ìgũsã ñerõ werenírĩrẽ pégu, ìgũya yajũpũrãgue burõ bajawereri merã poyadi aãrĩmĩ. 9 Irasirirã, iripoegue

marã waadeare marĩ masĩsĩã, idere masĩa. Marĩ Opũ ĩgũrẽ gããmerãrẽ ñerõ tarimakũ taumasĩmi. Ñerã gapũre: “Wajamoãgũra”, ãrĩdeare pídi ããrĩmĩ. Irasirigũ ããrĩpererã ñerãrẽ wajamoãrĩnũ ejamakũ, ĩgũsãrẽ wajamoãgũkumi.

¹⁰ Gajirã ñerã nemorõ ñerĩ ãaribejari iririkũrãrẽ, ĩgũ Opũ ããrĩrĩrẽ gããmemerãrẽ wajamoãgũkumi. ĩgũsã mũsãrẽ ãrĩkatori merã buerã noó gããmerõ yãma. “Gajirã nemorõ õãrõ masĩa”, ãrĩ gũñama. Gũiri marĩrõ turari oparãrẽ ñerõ ãrĩ buridama. ¹¹ Marĩpũre wereboerã gapũ ãrĩkatori merã buerimasã nemorõ turarã ããrĩkererã, Marĩpũ ĩũrõ neõ ñerõ ãrĩ buridari merã turari oparãrẽ: “Ñerã ããrĩma”, ãrĩ weresãbema.

¹² Ærĩkatori merã buerimasã gapũ waimũrã pẽmasĩmerã iririkũrosũ noó gããmerõ iridũari ditare yãma. ĩgũsã pẽmasĩbirideare ñerõ werenĩma. Masaka waimũrãrẽ ñeã, wẽjẽkuma. Ærĩkatori merã buerimasã, waimũrã irirosũ boamurã dita ããrĩma. Boadero pũrũ peamegue bẽosũrãkuma. ¹³ Irasirirã gajirãrẽ ñerõ tarimakũ iriri waja, ñerõ tarirãkuma. Ʋmũrĩ, masaka ĩũrõgue noó gããmerõ ĩgũsã ñerĩ ãaribejarire iri, Ʋsũyama. Mũsã merã bosebaarã, ñerõ gũyasĩũrĩ iririkũrã ããrĩma.

¹⁴ Nomerẽ ĩãrã, ĩgũsã merã ñerõ iridũama. ĩgũsã merã ñerõ iririre neõ piribema. Marĩpũyare gũñaturamerãrẽ ĩgũsã irirosũ ñerõ iridũamakũ yãma. ĩgũsã burõ opadũarire: “Æsũ irirãra opamurã”, ãrĩ gũñarã ããrĩma. Irasirirã Marĩpũ wajamoãsũmurã ããrĩma. ¹⁵ Diayemarẽ piri, iripoeguemũ Balaam iriderosũ ñerõ yãma. Balaam, Beor wãĩkũgũ magũ ããrĩdi ããrĩmĩ. ĩgũ ñerĩ iriri merã niyerure wajatadũagũ ããrĩdi ããrĩmĩ. ¹⁶ ĩgũ irasiribu maague waamakũ, ĩgũyago burra ĩgũrẽ turideo ããrĩmõ. Marĩpũ ĩgore masako irirosũ werenĩmakũ iridi ããrĩmĩ. Igo werenĩmakũ pẽgũ, Balaam ĩgũ pẽmasĩbi irirosũ iriboadeare pirikõãdi ããrĩmĩ.

¹⁷ Masaka deko ããrĩrĩ gobegue deko bokarãkoa, ãrĩ gũñama. Ærĩkatori merã buerimasã gapũ deko ããrĩrĩ gobegue deko marĩrõ irirosũ ããrĩma. ĩmĩkãyebori mirũ wẽjãpuri merã eja, otederogue deko merẽrõ marĩrõ tariaro irirosũ neõ masakare iritamubema. Irasirigũ Marĩpũ: “ĩgũsãrẽ ãsũ wajamoãgũra”, ãrĩderosũta gajiro nemorõ naĩtĩãrõgue ããrĩnĩmakũ irigũkumi. ¹⁸ Ærĩkatori merã buerimasã werenĩrĩ, ĩgũsã: “Masĩtarĩngãã”, ãrĩrĩ neõ wajamãã. Jesũre burẽmunũgãrãrẽ ñerõ iririkũrã iririre piriwãgãrãrẽ: “Marĩ noó gããmerõ irimakũ õãgorãã”, ãrĩ buema. Irire irasũ ãrĩ buerã, Jesũre burẽmunũgãrãrẽ ñerõ ãaribejarire dupaturi iridũamakũ yãma. ¹⁹ ĩgũsãrẽ: “Marĩ noó gããmerõ irimasĩa”, ãrĩ buema. Irasũ ããrĩkeremakũ, ĩgũsã ñerõ ãaribejari, ĩgũsãrẽ ñerõ irimakũ yãã. Ñerõ iririre neõ pirimasĩbema. Irasirirã ñerõ iridoregũre moãboerã, ĩgũ doreri ditare irirã irirosũ ããrĩma. ²⁰ Marĩ Opũ Jesucristore marĩrẽ taugũre masĩnũgãrã i ãmũma ñerĩrẽ pirikõãma. Iri ñerĩrẽ piridero pũrũ, dupaturi piriro marĩrõ irinemomakũ, ñegorakoa. ĩgũsã Jesucristore masĩburo dupiyuro ĩgũsã ããrĩpũroridero nemorõ ñerõ dujama. ²¹ Ñerĩrẽ irasiririkũrãrẽ diayeta Jesucristoyare diayema iririre masĩbirimakũ õãbukuyo. Marĩpũ doreri ĩgũsãrẽ ĩgũ pídeare masĩdero pũrũ irire gããmemerã, ñetariro dujama. ²² Irasirirã dupaturi ñerĩrẽ piriro marĩrõ irinemorã, masaka ãrĩnarõsũ irirã yãma. Æsũ ãrĩnama: “Diayẽe doka, pũrũ ĩgũ dokadeareta baakumi doja. Irasũ ããrĩmakũ yesede guua, pũrũ ñerĩ sóoberogue oyakumi doja”, ãrĩma.

3

Marĩ Opũ Jesucristo dupaturi i ãmũgue aariburire gojadea

¹ Yaarã yu maĩrã, musãrẽ su pũ gojasiabu. Yu iri dupiyurogue gojadea pũ, irasũ ããrĩmakũ i pũ merã musãrẽ: “Ãsũ irika!” ãrĩrĩrẽ õãrõ gũñamakũ iridũagu yáa. ² Iripoegue marã õãrã Marĩpũya kerere weredupiyunerã gojadeare, irasũ ããrĩmakũ marĩ Opũ marĩrẽ taugũ dorerire gũñaka! Iri dorerire gũa ãgũ buedoregũ pínerã musãrẽ buebu.

³ Ire gũñapũrorika! I ãmũ pereburi dupiyuro masaka Marĩpũyare buridarãkuma. Ñerõ haribejarire iririkũrãkuma. ⁴ Buridari merã: “Cristo: ‘Dupaturi aarigũra’, ãgũ ãrĩdea, ¿naásũ waari? Marĩ ñekũsãmarã boanerã ããrĩmã. Neõgorague i ãmũ ããrĩnũgãdero pũru, ããrĩpereri mũrãrõta ããrĩnĩkõãa. Irasirigũ Cristo neõ aaribirikumĩ”, ãrĩrãkuma. ⁵ I gapũre neõ gũñadũabema. Iripoeguere Marĩpũ i nikũ, ãmũgasire ããrĩmakũ iridi ããrĩmĩ. ãgũ werenĩrĩ merã doredersũta deko ããrĩrõgue nikũ deyoamakũ iridi ããrĩmĩ. Irasũ ããrĩmakũ deko merã i nikũ ããrĩmakũ iridi ããrĩmĩ. ⁶ Pũru deko merãta i nikũrẽ miũdi ããrĩmĩ. Irire miũgũ, i nikũma ããrĩdeare peremakũ iridi ããrĩmĩ. ⁷ Dapagorare ãgũ werenĩrĩ merã dorerosũta ãmũgasi, i nikũ ããrĩnĩmakũ yãmi. Pũrugũere ããrĩpererã ñerãrẽ wajamoãrĩnũ ejamakũ, i ããrĩpererire peame merã peremakũ irigũkumi. Irinũ ããrĩmakũ, ñerãrẽ peamegue béogũkumi ãgũsãrẽ wajamoãgũ.

⁸ Yaarã yu maĩrã, i gapũre gũñaka! Marĩ: “Mil bojori tariri yoataria”, ãrĩ gũñãa. Marĩ Opũ gapũ gũñamakũ, mil bojori tariri, sunũ tariro irirosũ ããrã. Sunũ tariride mil bojori tariri irirosũ ããrã ãgũrẽ. ⁹ Surãyeri masaka marĩ Opũ ãgũ: “Dupaturi aarigũkoa”, ãrĩdeare gũñarã: “Yoobotarimi, aaribirikumĩ”, ãrĩ gũñama. ãgũsã irasũ gũñarĩ diaye ããrĩbea. Masakare bopoñarĩ merã ããsãã, mata aaribirikumĩ. Neõ sugũ masakare peamegue waamakũ gããmebemi. ããrĩpererã ãgũsã ñerõ iririre burjawere, gũñarĩrẽ gorawayumakũ gããmemi. Irasirigũ aaribemi dapa.

¹⁰ Marĩ Opũ dupaturi i ãmũgue aarirĩnũ ããrĩmakũ, yajarimasũ gũñãña marĩrõ yajagũ aarigũ irirosũ gũñãña marĩrõ aarigũkumi. ãgũ aarimakũ, burũ burũ merã ãmũgasi pereakõãrokoa. I ãmũma ãjũperekõãrokoa. Nikũ, irasũ ããrĩmakũ ããrĩpereri i nikũgue ããrĩrĩ ãjũperekõãrokoa.

¹¹ Marĩpũ i ããrĩpereri peremakũ iriburire pérã, marĩ ñerõ iririre piri, Marĩpũ gããmerĩ gapũre iriro gããmea marĩrẽ. ¹² Marĩ Opũ dupaturi i ãmũgue aarirĩnũrẽ yũrãta Marĩpũ gããmerĩrẽ iriri merã ãgũ aarimakũ iriyuwarikũpurumurã! Irinũrẽ ãmũgasima ãjũperekõãrokoa. I ãmũgue ããrĩrĩ ãjũ sebeberekõãrokoa. ¹³ Marĩ gapũ Marĩpũ ãgũ: “Maama ãmũgasi, maama nikũrẽ irigũra”, ãrĩdersũta ãgũ iriburire yúa. ãgũ maama dita iriadero pũrugũere õãrã diayema irirã dita ããrĩrãkuma.

¹⁴ Irasirirã musã yu maĩrã, marĩ Opũ aariburire yũrãta, burũ iridũari merã õãrĩ ditare irika! Irasirimakũ, ãgũ aarigũ, musãrẽ ãgũ merã õãrõ siñãjãrĩ oparã, Marĩpũ ãũrõ ñerĩ marĩrã, waja opamerãrẽ bokajagũkumi. ¹⁵ Musã ire masĩka! Marĩ Opũ masakare bopoñarĩ merã ããgũ, ãgũsã peamegue waabirimakũ gããmegũ, mata aaribirikumĩ. ãgũsã ñerõ iririre burjowereri merã gũña, ãgũrẽ burmunũgãmakũ yãmi. Marĩyagu Pablo marĩ maĩgũ, Marĩpũ masĩrĩ sĩrĩ merã ãsũta musãrẽ gojadi ããrĩmĩ. ¹⁶ ããrĩpereri ãgũ gojadea pũgue marĩ Opũ dupaturi aariburimarẽ gojadi ããrĩmĩ. Irire marĩ pémasĩdũamakũ diasagorãa marĩrẽ. Marĩpũyare masĩmerã, irasũ ããrĩmakũ ãgũyare gũñaturamerã: “Pablo gojadea ãsũ ãrĩdũaro yáa”, ãrĩ buerã, keoro buebema. ãrĩkatori merã buema. Gaji Marĩpũya werenĩrĩ gojadea pũgue gojadeare buerãde irasũta yãma. Irasiriri waja peamegue béosũrãkuma.

¹⁷ Yaarã yu maĩrã, yu musãrẽ ãrĩkatori merã buerimasã iririre weresiabu. Irasirirã ñerã musãrẽ ãrĩkatori merã buerire pémasĩka! ãgũsã Marĩpũ dorerire

irimerã irirosũ ããrĩbirikõãka! Irasũ ããrĩmakũ, mʘsã ãgũyare gũñaturari merã bʘremurĩrẽ neõ piribirikõãka! ¹⁸ Marĩ Opʘ Jesucristo marĩrẽ taugʘ gapʘre, irasũ ããrĩmakũ ãgũ marĩrẽ maĩrĩ gapʘre masĩnemoka! Dapagorare, pʘrʘguedere neõ piriro marĩrõ marĩãgũrẽ bʘremunikõãrã! “Õãtaria mʘ”, ãrĩrã ãgũrẽ! Irasũta ãrĩrã!

Iropata ããrã.

Pedro

1 SAN JUAN

Juan Jesucristoyamarē gojadea

¹ Gha musārē Jesucristoyamarē gojáa. Neōgoragueta i ūmu āārīburi dupiyuro āārīsiadi āārīmi. I ūmugue deyoadero puru, ĩgūrē guaya koye merā ĩā, ĩgū werenírīrē pébu. ĩgū āārīrīrē ĩāmasī, guaya mojōrī merā ĩgūrē moññabu. ĩgū marīrē Marīpu merā āārīnīmākū irigu Marīpuya werenírīrē weregu āārīmi.

² ĩgū, Marīpu merā āārīnīgū, i ūmugue deyoadi āārīmi, marīrē Marīpu merā āārīnīmākū iribu. ĩgū deyoadero puru, guare ĩgū Pagu merā perebiri okarire sīgū āārīrīrē masīmākū irimi. Gha ĩgūrē ĩāsīā, gha ĩādeare musārē werea. ³ Gha Marīpu merā, irasū āārīmākū ĩgū magū Jesucristo merā oārō āārā. Irasirirā gha ĩā, pédeare musārē werea, musāde gha irirosūta Marīpu merā, Jesucristo merā oārō āārī, gha merādere oārō āārīburo, āārā. ⁴ Irireta gha musārē gojáa, buro usuyari opaburo, āārā.

Marīpu āārīrī, boyorigora āārā, ārī gojadea

⁵ Jesucristo guare ĩgūya kere buedeare musārē werea. Āsū ārīmi: “Marīpu āārīrī, boyorigora āārā. ĩgūguere naītīārī neō máa. Irasirigu oārī ditare opagu, ñerīrē neō opabi āārīmi”. ⁶ Ñerīrē irirā naītīārōgue āārīrā irirosū āārīma. Marī, ĩgūsā irirosū ñerīrē iririkukererā, “Marīpu merā oārō āārī, oārō yāa”, āārā, ārīkatorā yāa. Diayemarē iribea. ⁷ Marīpu oārī ditare irigu irirosū marī oārīrē iririkurā, boyorogue āārīrā irirosū āārā. Irasirirā, Marīpu merā oārō āārīrā, marī baside oārō āārīrā yāa. Jesucristo, Marīpu magū curusague boagu ĩgūya dí béodea merā marī ñerī opari āārīpererire koeníkōāmi.

⁸ Marī ñerīrē irirā: “Ñerīrē irirā meta āārā”, āārā, marī basita ārīkatorā yāa. Diayema āārīrīrē masībea. ⁹ Marī ñerō irideare Marīpure weretaripeomākū, ĩgū ārīderosūta diayemarē irigu āārīsiā, marī ñerō irideare kātipeokōāgukumi. Āārīpereri marī ñerī oparire koepeokōāgukumi. ¹⁰ Marīpu: “Āārīpererā masaka ñerīrē irirā āārīma”, ārīdi āārīmi. Irasirirā marī: “Neō ñerīrē iribea”, āārā: “Marīpu ārīkatogu āārīmi”, āārā irirosū āārā. ĩgū werenírīrē gāāmemerā irirosū āārā.

2

Juan: “Cristo ĩgū Pagure marīya āārīburi sērēbosami”, ārī gojadea

¹ Yaarā, musā yu pūrā irirosū āārā. Yu musārē ire gojáa, ñerīrē iribirikōāburo, ārīgū. Marī ñerō irimakū, Jesucristo diayemarē irigu ĩgū Pagure marīya āārīburi āsū ārī sērēbosami: “ĩgūsā ñerō irideare kātika, ĩgūsārē wajamoābirikōāka!” ārīmi. ² Jesucristo ĩgū boari merā marī ñerō iridea wajare marīrē wajaribosadi āārīmi. Marī ñerō iridea waja ditare wajaribosabiridi āārīmi. Āārīpererā i ūmu marārē ĩgūsā ñerō iridea wajare wajaribosadi āārīmi.

³ Marīpu dorerire marī irirā: “Marīpure diayeta masīa”, ārī masīa. ⁴ Sugu Marīpu dorerire iribi: “Yude Marīpure masīa”, ārīgū, ārīkatogu yāmi. Diayema āārīrīrē masībemi. ⁵ Marīpu dorerire irigu gapu Marīpure buro maīmi. Irasirigu: “Yu Marīpu merā oārō āārā”, ārī masīmi. ⁶ Irasirirā marī: “Marīpu merā oārō āārā”, āārā, Jesucristo ĩgū iririkuderōsūta iriro gāāmea.

Juan, Marīpu dorerimarē gojadea

⁷ Yaarā, yu musārē dapagora gojari, maama doreri meta āārā. I doreri, musā Jesúsya kerere buremunugādeapogue pédeata āārā. Irasirirā musā iri

dorerire pésiabu. ⁸ Iri doreri: “Gãme maĩka!” ãrã. Irasiro iro doreri, iripoeguema doreri ããrĩkerero, maama doreri irirosũ ããrã. Iri dorerire irimerã naĩtĩarõgue ããrĩrã irirosũ ããrĩma. Iro dupiyuro musã iri dorerire iribirinerã ããrĩbũ. Dapagorare Cristo irirosũ musãde irire irirã yãa. Irasirirã naĩtĩarõgue ããrĩrã irirosũ ããrĩbea. Boyorogue ããrĩnũgãrã irirosũ irirã yãa.

⁹ Sugu gajigu ĩgũyagure ĩãturi dookeregu: “Marĩpu dorerire irigu ããrã”, ãrĩgũ, naĩtĩarõgue ããrĩgũ irirosũ ããrĩmi dapa. ¹⁰ Gajirãrẽ ĩgũyarãrẽ maĩgũ gapu boyorogue ããrĩgũ irirosũ ããrĩmi. ĩgũguere neõ ñerĩ opari ĩgũrẽ ñerõ irimakũ iriri máa. ¹¹ Gajirãrẽ ĩgũyarãrẽ ĩãturi doorikugu gapu naĩtĩarõgue waagorenagũ irirosũ ñerĩrẽ iririkugu ããrĩmi. ĩgũ ñerĩrẽ iririkuri waja, koye ĩãbi ĩgũ waaburore masĩbi irirosũ Marĩpu dorerire neõ masĩbi ããrĩmi.

¹² Yu musãrẽ yu pũrã irirosũ ããrĩrãrẽ gojãa. Marĩpu, Jesucristo ĩgũ boari merã musã ñerõ iridea wajare wajaribosari merã musã ñerĩ irideare kãtidi ããrĩmĩ. Irasirigu musãrẽ gojãa. ¹³ Musã pagusãmarã, musã Cristore neõgoragueta ããrĩdire masĩa. Irasirigu musãdere gojãa. Musã maamarã, wãtĩrẽ tarinũgãnerã ããrã. Irasirigu musãrẽ gojãa.

¹⁴ Musã Marĩpure masĩa. Irasirigu musãrẽ yu pũrã irirosũ ããrĩrãrẽ gojãa. Musã pagusãmarã, musã Cristore neõgoragueta ããrĩdire masĩa. Irasirigu musãrẽ gojãa. Musã maamarã, Marĩpure gũñaturarã ĩgũ werenĩrĩrẽ gããmerã, wãtĩrẽ tarinũgãnerã ããrã. Irasirigu musãrẽ gojãa.

¹⁵ I ãmũrẽ, i ãmũma ñerĩrẽ maĩbirikõãka! Sugu i ãmũmarẽ maĩgũno, Marĩpure maĩbemi. ¹⁶ I ãmũma ãsũ ããrã. Masaka noó gããmerõ ñerĩ uaribejari, gajinorẽ ĩã burõ gããmerĩ, gajirã nemorõ opari merã usuyari ããrã. Iri Marĩpuyama ããrĩbea. I ããrĩpereri i ãmũma dita ããrã. ¹⁷ I ãmũ pereburo yãa. ããrĩpereri masaka ĩgũsã i ãmũma ñerĩ uaribejaride pereakõãrokoa. Marĩpuya gapu neõ perebirikoa. Irasirirã, Marĩpu gããmerĩrẽ irirã ĩgũ merã ããrĩnĩkõãrãkuma.

Juan: “Diayema ããrĩrĩ, diayema ããrĩbiri ããrã”, ãrĩ gojadea

¹⁸ Musã yu pũrã irirosũ ããrĩrã, i ãmũ pereburo mérõ dũyãa. I ãmũ pereburo dupiyuro Cristore ĩãturigu aarigukumi. Musã irire pésiabu. Dapagoradere gajirã Cristore ĩãturirã wãrã ããrĩsiamã. Irasirirã marĩ i ãmũ pereburo mérõ dũyarire masĩa. ¹⁹ ĩgũsã Cristore ĩãturirã marĩ merã ããrĩnerã ããrĩkererã, marĩyarã diaye ããrĩbema. Irasirirã ããrĩpererã marĩrẽ béo wiriamã. ĩgũsã irasirimakũ ĩãrã, masĩa. ĩgũsã marĩyarã ããrĩnerã, marĩ merã dujabonerã ããrĩmã.

²⁰ Cristo musãrẽ Õãgũ deyomarĩgũrẽ sĩsiadi ããrĩmĩ masĩrĩ opadoregu. Irasirirã musã ããrĩpererã Õãgũ deyomarĩgũ merã Jesucristoya kere diayema ããrĩrĩrẽ masĩa. ²¹ Irasirigu yu musãrẽ gojagu: “Diayema ããrĩrĩrẽ masĩbea musã”, ãrĩ gojagu meta yãa. Musã diayema ããrĩrĩrẽ masĩsĩa: “Jesucristoya kere, diayema ããrĩrĩ, neõ ãrĩkatori kere meta ããrã”, ãrĩ masĩa. Irasirigu musãrẽ gojãa.

²² ãrĩkatorikurã gapu ãsũ ãrĩma: “Jesús, Marĩpu iriudi Cristo ããrĩbemi”, ãrĩma. Irire irasũ ãrĩrã Cristore ĩãturirã ããrĩma. ĩgũrẽ Marĩpu magũ ããrĩrĩrẽ burẽmubirisĩa, ĩgũ Pagũdere burẽmubema. ²³ Noó: “Jesús, Marĩpu magũ ããrĩbemi”, ãrĩrãno ĩgũ Pagũ merãdere õãrõ ããrĩbema. “Jesús, Marĩpu magũ ĩgũ iriudi Cristo ããrĩmĩ”, ãrĩrã gapu ĩgũ Pagũ merãdere õãrõ ããrĩma.

²⁴ Irasirirã, Jesucristoya kerere musã burẽmunũgãdeapogue pédeare õãrõ gũñaduripĩka! Irire gũñaduripĩrã, Jesucristo merã, ĩgũ Pagũ merãdere neõ piriro marĩrõ õãrõ ããrĩnĩkõãrãkõa. ²⁵ Jesucristo marĩrẽ ãsũ ãrĩ weresiami: “Yu merã perebiri okari sĩgũkoa musãrẽ”, ãrĩmi.

²⁶ Gajirā mʊsārē ārkatori merā buedɥama. Irasirigɥ mʊsārē irire gojáa, ĩgʊsā ārkatorire péri, ārĭgʊ. ²⁷ ĩgʊsā mʊsārē irasū ārkatokeremakū, Jesucristo gapɥ mʊsārē Ōāgʊ deyomarĭgʊrē sĭsiadi āārĭmĭ masĭrĭ opadoregɥ. Irasirigɥ Ōāgʊ deyomarĭgʊ mʊsā merā āārĭnĭsĭā, neō ārkatori marĭrō āārĭpereri diayema āārĭrĭrē mʊsārē masĭmakū yāmi. Irasirimakū ĭārā: “Gajirā gɥare diayema āārĭrĭrē buemakū gāāmea”, ārĭbirikōādorea. Irasirirā, Ōāgʊ deyomarĭgʊ mʊsārē buerosūta Cristo merā ōārō āārĭnĭkōāka!

²⁸ Irasirigɥ yɥ mʊsārē yɥ pūrā irirosū āārĭrārē: “Cristo merā ōārō āārĭnĭkōāka!” ārĭ werea. Marĭ irasirirā, Cristo i ũmɥgue dupaturi aarimakū, neō gūiri marĭrō ĩgʊ ĩūrōrē gɥyasĭrĭrĭ marĭrō gūñaturari merā ĩgʊrē ōārō bokatĭrĭñeārākoa. ²⁹ Jesucristo Marĭpɥ magʊ diayemarē irigɥ āārĭrĭrē mʊsā masĭa. Irasirirā, āārĭpererā diayemarē irirāno Marĭpɥ pūrā āārĭma. Idere mʊsā masĭa.

3

Mʊsā Marĭpɥ pūrā āārā, ārĭ gojadea

¹ Marĭpɥ marĭrē maĭtarimi. Irasirigɥ marĭrē: “Yɥ pūrā āārĭma”, ārĭmi. Irasirirā ĩgʊ pūrā āārā marĭ. I ũmɥ marā ñerā Marĭpɥre masĭbema. Irasirirā marĭdere ĩgʊ pūrādere masĭbema. ² Yaarā yɥ maĭrā, yɥ mʊsārē werea. Marĭpɥ pūrā āārā marĭ. Pɥrɥgue marĭ āārĭburire marĭ ōārō masĭbea dapa. Cristo dupaturi aarimakūgue diayeta irire masĭrākoa. ĩgʊ aarimakū ĭārā: “Āsūta āārĭmi”, ārĭ masĭrākoa. Irasirirā, Cristo aarimakūgue, marĭ ĩgʊ irirosū āārĭrākoa. ³ ĩgʊ irirosū āārĭburire gūñarāno: “ĩgʊ irirosūta ōārĭrē iriro gāāmea marĭrē”, ārĭrā, ñerĭ iririre piri, ōārĭ gapɥre irirā yāma.

⁴ Āārĭpererā ñerĭrē irirā, Marĭpɥ dorerire tarinɥgārā āārĭma. Ñerō iriri, Marĭpɥ dorerire tarinɥgārĭ āārā. ⁵ Jesucristo marĭ ñerō iridea wajare poremakū iribu i ũmɥgue aaridi āārĭmĭ. ĩgʊrē ñerĭ opari neō máa. Mʊsā irire masĭa. ⁶ Irasirirā āārĭpererā ĩgʊ merā ōārō āārĭnĭrā, ñerĭrē irinĭrā meta āārĭma. Ñerĭrē irinĭrā gapɥ ĩgʊrē neō masĭbiri, ĩgʊ āārĭrikuridere masĭbema. ⁷ Yaarā, yɥ pūrā irirosū āārĭrā, ōārō pémasĭka! Gajirā mʊsārē ārkatomakū, ĩgʊsārē pébirikōāka! Sugɥ diayemarē irigɥno, Jesucristo irirosū ōāgʊ āārĭmi. ⁸ Ñerĭrē irinĭgʊ wātĭyagɥ āārĭmi. Wātĭ neōgoragueta ñerĭrē irinɥgādi āārĭmi. Irasirigɥ Marĭpɥ magʊ Jesucristo wātĭ ñerĭ iririre béogɥ i ũmɥgue aaridi āārĭmĭ.

⁹ Marĭpɥ ĩgʊ pūrārē ĩgʊ irirosū āārĭrikumakū iridi āārĭmĭ. Irasirirā ñerĭrē irinĭbema. Marĭpɥ pūrā āārĭsĭā, ñerĭ ditare irinĭmasĭbema. ¹⁰ Marĭpɥ pūrārē, wātĭ pūrādere āsū ĭāmasĭa. Wātĭ pūrā, Marĭpɥ pūrā irirosū āārĭbema. Diayemarē irinĭmerā, gajirā ĩgʊsāyarārē maĭmerā, Marĭpɥ pūrā āārĭbema.

Gāme maĭdoredea

¹¹ “Marĭrē gāme maĭrō gāāmea”, ārĭ bueri, mʊsā Jesúya kerere bɥremunɥgādeapogue pédeata āārā. ¹² Irasirirā marĭ Caĭn iripoeguemɥ iriderosū iribirikōārā! Caĭn wātĭyagɥ āārĭsĭā, ĩgʊ pagɥmɥrē wĕjĕbéokōādi āārĭmĭ. ¿Nasirigɥ ĩgʊrē wĕjĕyuri? ĩgʊ ñerĭrē irinĭdi āārĭmĭ. ĩgʊ pagɥmɥ gapɥ diayemarē irinĭdi āārĭmĭ. ĩgʊ irasū iriri waja, Caĭn ĩgʊrē ĭāturi doo, wĕjĕbéokōādi āārĭmĭ.

¹³ Yaarā, i ũmɥ marā ñerō iririkɥrā marĭ ōārĭrē iriri waja marĭrē ĭāturi doomakū ĭārā: “¿Nasiro irasū waāari yɥre?” ārĭ gūñabirikōāka!

¹⁴ Iripoeguere marĭ peamegue waamurā dita āārĭnerā āārādibɥ. Dapagora gapɥre marĭyarārē maĭsĭā: “Marĭpɥ marĭrē ĩgʊ āārĭrōgue waamurā āārĭmakū iridi āārĭmĭ”, ārĭ masĭa. Sugɥ gajigɥ ĩgʊyagɥre maĭbino, peamegue waabu āārĭmi dapa. ¹⁵ ĩgʊsāyarārē ĭāturi doorāno Marĭpɥ ĩūrōrē masakare wĕjĕbéorā

irirosū āārīma. Masakare wējēbéorā Marīpū merā perebiri okari opamerā āārīma. Irire mūsā masīa. ¹⁶ Jesucristo marīya āārīburire marīrē boabosadeare gūñarā, ĩgū marīrē buro maīrīrē masīa. Irasirirā marīde marīyarārē maīrā, ĩgūsāya āārīburire boamurā āārīkererā, ĩgūsārē iritamurō gāamea. ¹⁷ Sugu wāri ĩgū āārīburire opagu gapu ĩgūyagure bopogure ĩakeregu, ĩgūrē bopoña sībi, Marīpū maīrōsū maībemi. ¹⁸ Yaarā yu maīrā: “Marī gajirārē maīa”, ārī werenīrā, ĩgūsārē iritamurō gāamea. ĩgūsārē iritamurā, marī ĩgūsārē diaye maīrīrē masīmakū yāa.

Marīpū ĩūrō güiro marīrō āārīrīrē gojadea

¹⁹ Gajirārē maīrā: “Marī diayeta Marīpū pūrā āārā”, ārī masīa. Irasirirā, ĩgū ĩūrō güiro marīrō āārīmasīa. ²⁰ Marī basi: “Nērō iriakubu, irasirigu waja opakoa”, ārī gūñarikakeremakū, Marīpū āārīpererire masīgū, marī nemorō marī āārīrikurire masīmi. Irasirigu marīrē oārō āārīrikumakū irimasīmi. ²¹ Yaarā yu maīrā: “Marīpū ĩūrō marī ñerī iridea wajare opabea”, ārī gūñarā, ĩgū ĩūrō güiro marīrō gūñaturari merā āārīmasīa. ²² Irasū āārīmakū ĩgū dorerire ĩgū gāamerīrē marī irimakū ĩagū, ĩgūrē marī sērērīrē sīgukumi. ²³ ĩgū marīrē doregu, āsū ārīmi: “Yu magū Jesucristore buremuka! Irasū āārīmakū, ĩgū mūsārē dorederosūta gāme maīka!” ārīmi. ²⁴ Marī ĩgū dorerire irirā, ĩgū merā oārō āārīnīkōāa. ĩgūde marīguere āārīnīkōāmi. ĩgū marīrē Ōāgū deyomarīgūrē sīsiami. Irasirigu ĩgū marīguere āārīnīrīrē Ōāgū deyomarīgū merā marīrē masīmakū yāmi.

4

“Marīpū weredorederosūta wererā āārā”, ārīrāyamarē masīdorea, ārī gojadea

¹ Yaarā yu maīrā, mūsārē werea. Dapagorare i ũmurē wārā: “Marīpū weredorederosūta wererā āārā”, ārīkererā, ārīkatorā āārīma. Irasirirā, āārīpererā mūsā masīmerā mūsā pūroge buerā ejamakū, mata ĩgūsā buerire buremubirikōāka! ĩgūsā buerire pérā: “¿Diayeta Marīpū buedoreri āārīrī? ¿Ōāgū deyomarīgūrē oparā āārīrī irasū ārī wererā?” ārī gūñaka! ² Ōāgū deyomarīgūrē oparāno, āsū ārīma: “Jesucristo marī irirosū dupukugu i ũmugure aaridi āārīmī”. Mūsā, ĩgūsā irire irasū ārīmakū pérā: “Ōāgū deyomarīgūrē oparā, Marīpū dorederosūta werema”, ārī masīrākoa. ³ “Jesús marī irirosū dupukugu i ũmugure aaridi āārīmī”, ārīrīrē buremumerā gapu Ōāgū deyomarīgūrē opabema. Cristore ĩaturigure doreguta ĩgūsādere doremi. Mūsā, Cristore ĩaturigu aariburire pésiabu. Dapagoradere ĩgūrē doreguta i ũmugure āārīsiami.

⁴ Mūsā yu pūrā irirosū āārīrā, Marīpuyarā āārā. Ōāgū deyomarīgū mūsāguere āārīmi. Wātī ĩgūyarārē i ũmugue āārīrārē doregu āārīmi. Ōāgū deyomarīgū gapu, wātī nemorō turagu āārīmi. Irasirirā, ārīkatori merā wererā wererire buremubiri, ĩgūsārē tarinugāsiabu. ⁵ Ārīkatori merā wererā i ũmu marā āārīma. I ũmuma ditare werema. Gajirā i ũmu marā ĩgūsā irirosū āārīrāta ĩgūsā wererire péma. ⁶ Marī gapu Marīpuyarā āārā. Marīpūre masīrāno, marī wererire péma. Gajirā ĩgūyarā āārīmerā gapu, marī wererire pébema. Irasirirā marī āsū ārī masīa: “Marīpuyarā āārīrāno, Ōāgū deyomarīgū dorederosūta diayema āārīrīrē wererārē péma. Marīpuyarā āārīmerā gapu, wātī dorederosūta ārīkatori merā wererārē péma”, ārī masīa.

Marīpū diayeta āārīpererārē maīgū āārīmi, ārī gojadea

⁷ Yaarā yu maīrā, mūsārē werea. Marī gāme maīmakū, Marīpūta irasirimakū yāmi. Irasirirā marī gāme maīrā! Gajirārē maīrāno, Marīpū pūrā, ĩgūrē

masĩrã ããrĩma. ⁸ Marĩpũ diayeta ããrĩpererãrẽ maĩgũ ããrĩmi. Irasirirã gajirãrẽ maĩmerãno ïgũrẽ masĩbema. ⁹ Marĩpũ ïgũ magũ sugũ ããrĩgũrẽ i ãmũgue iriudi ããrĩmĩ, marĩrẽ ïgũ merã perebiri okarire opaburo, ãrĩgũ. ïgũrẽ iriugũ, ïgũ marĩrẽ maĩrĩrẽ masĩmakũ iridi ããrĩmĩ. ¹⁰ ïgũ marĩrẽ maĩrĩ, marĩ ïgũrẽ maĩrĩ irirosũ meta ããrã. ïgũ gapũ marĩrẽ diayeta maĩsĩã, ïgũ magũrẽ iriudi ããrĩmĩ, ïgũ boari merã marĩ ñerõ iridea wajare wajaribosadoregũ. Irasirigũ iri merã marĩ ñerõ irideare kãtimi.

¹¹ Yaarã yũ maĩrã, mũsarẽ werea. Marĩpũ marĩrẽ maĩmakũ ïãrã, marĩde gãme maĩrõ gããmea. ¹² Neõ sugũ masakũ Marĩpũre ïãdi mámi. ïgũrẽ ïãbirikeremakũ, marĩ gãme maĩmakũ, marĩ merã ããrĩníkõãmi. Irasirigũ, ïgũ maĩrõsũta marĩrẽ gajirãrẽ õãrõ maĩmakũ yãmi. ¹³ Marĩpũ Õãgũ deyomarĩgũrẽ marĩrẽ sĩdi ããrĩmĩ. Irasirirã, Õãgũ deyomarĩgũ merã Marĩpũ marĩ merã ããrĩnĩrẽ, marĩde ïgũ merã ããrĩnĩrẽ masĩã. ¹⁴ Gũã, Marĩpũ magũrẽ ïãnerã ããrĩsĩã, gajirãrẽ: “Marĩpũ ïgũ magũrẽ iriudi ããrĩmĩ, i ãmũ marãrẽ ïgũsã ñerõ iridea wajare taudoregũ”, ãrĩ werea. ¹⁵ “Jesús, Marĩpũ magũ ããrĩmĩ”, ãrĩrãno, Marĩpũ merã ããrĩnĩma. ïgũde ïgũsã merã ããrĩníkõãmi.

¹⁶ Irasirirã: “Marĩpũ marĩrẽ maĩmi”, ãrĩ masĩã. “ïgũta marĩrẽ maĩmi”, ãrĩ bũremua. ïgũ diayeta ããrĩpererãrẽ maĩgũ ããrĩmi. Sugũ gajirãrẽ maĩgũno, Marĩpũ merã ããrĩnĩmi. Marĩpũde ïgũ merã ããrĩníkõãmi. ¹⁷ Irasirigũ ïgũ marĩ merã ããrĩnĩsĩã, ïgũ maĩrõsũta marĩrẽ gajirãrẽ õãrõ maĩmakũ yãmi. ïgũ ããrĩpererã ñerãrẽ peamegue wajamoãrĩnũ ejamakũ, marĩrẽ gũiri marĩrõ ããrĩburo, ãrĩgũ, irasũ yãmi. Marĩ gũiri marĩrõ ããrĩrã, Jesucristo i ãmũgue ããrĩgũ Marĩpũ merã õãrõ ããrĩderosũta marĩde ïgũ merã õãrõ ããrã. ¹⁸ Marĩpũre maĩrã, ïgũ marĩrẽ maĩrĩrẽ masĩrã, gũiri marĩrõ ããrã. Irita marĩrẽ neõ gũibirimakũ yãã. Sugũ: “Marĩpũ yũre wajamoãgũkumi”, ãrĩ gũñagũno, gũimi. ïgũrẽ õãrõ maĩbi, ïgũ ïgũrẽ bũro maĩrĩrẽ masĩbi ããrĩmi.

¹⁹ Marĩpũ, marĩ ïgũrẽ maĩburi dupiyuro marĩrẽ maĩpũroridi ããrĩmi. Irasirirã marĩde ïgũrẽ maĩã. ²⁰ Sugũ masakũ gajigũre ïgũyagũre ïãturi doogũ: “Yũde Marĩpũre maĩã”, ãrĩgũ, ãrĩkatogũ ããrĩmi. Gajigũre ïgũ ïãgũrẽ maĩbi, Marĩpũre ïgũ ïãbire maĩmasĩbemi. ²¹ Jesucristo i doreri marĩrẽ pími: “Marĩpũre maĩrã, gajirãdere maĩrõ gããmea”, ãrĩmi.

5

Marĩpũ pũrã ããrĩrã ñerĩ iririre piri, õãrĩ gapũre yãma, ãrĩ gojadea

¹ “Jesús, Marĩpũ magũ ïgũ iriudi Cristo ããrĩmi”, ãrĩ bũremurãno, Marĩpũ pũrã ããrĩma. Marĩpũre maĩrãno, ïgũ pũrãdere maĩma. ² Marĩ, Marĩpũre maĩrã, ïgũ dorerire irirã, ïgũ pũrãdere maĩã. Irire marĩ masĩã. ³ Marĩpũre maĩrã, ïgũ dorerire irirã yãã. ïgũ dorerire irimakũ diasãbea. Nũkũrĩrẽ ãũmarõ irirosũ ããrĩbea. ⁴ Irasirirã ããrĩpererã Marĩpũ pũrã i ãmũma ñerĩ iririre piri, irire irinĩbema. Marĩ Jesucristore bũremurĩ merã i ãmũma ñerĩ iririre piri, õãrĩ gapũre irimasĩã. ⁵ “Jesús, Marĩpũ magũ ããrĩmi”, ãrĩ bũremurã dita i ãmũma ñerĩ iririre piri, õãrĩ gapũre irimasĩma.

Marĩpũ magũyamarẽ gojadea

⁶ Jesucristo i ãmũgue ããrĩgũ, deko merã wãĩyesũmi. Pũrũ boagũ, ïgũya dí béomi. Irasirirã marĩ, ïgũ deko merã wãĩyesũdeare, ïgũya dí béodeadere masĩrã: “Jesús, Marĩpũ magũ ããrĩmi”, ãrĩ masĩã. ïgũ deko merã wãĩyesũdea ditare masĩrĩ merã irire masĩbea. Õãgũ deyomarĩgũ marĩrẽ i Jesucristoyamarẽ masĩmakũ yãmi. ïgũta marĩrẽ diayema ããrĩrĩrẽ masĩmakũ irigũ ããrĩmi.

7 Ɔmugasiguedere: “Jesús, Marĩpu magũ ããrĩmi”, ãrĩ wererã, Ɔrerã ããrĩma. Marĩpu, ĩgũ magũ, Ɔãgũ deyomarĩgũ ããrĩma. ĩgũsã Ɔrerã ããrĩkererã, sugũta ããrĩmi. 8 I nikũguedere Ɔãgũ deyomarĩgũ marĩrẽ Jesús, Marĩpu magũ ããrĩrĩrẽ masĩmakũ yámi. Irasũ ããrĩmakũ, marĩ Jesús deko merã wãĩyesũdeare, ĩgũya dí béodeadere masĩrĩ merã: “Jesús, Marĩpu magũ ããrĩmi”, ãrĩ masĩa. Iri merã marĩ òãrõ masĩa. 9 Masaka marĩrẽ ĩgũsã ĩãdeare weremakũ pérã, ĩgũsã wererire b̄remua. Marĩpu marĩrẽ wereri gapure, masaka wereri nemorõ b̄remurõ gããmea. Irasirirã, ĩgũ magũyamarẽ wererire b̄remurõ gããmea. 10 Marĩpu magũrẽ b̄remurãno, ĩgũyamarẽ wererire: “Diayeta ããrã”, ãrĩ gũñama. ĩgũ magũyamarẽ wererire: “Diaye ããrĩbea”, ãrĩ gũñarã gapure: “Marĩpu ãrĩkatogũ ããrĩmi”, ãrĩrã irirosũ ããrĩma. 11 Marĩpu ĩgũ magũyamarẽ ãsũ ãrĩ weredi ããrĩmĩ: “Yũ magũrẽ b̄remurãrẽ yũ p̄uro p̄erebiri okarire opamurã ããrĩmakũ iribũ”, ãrĩdi ããrĩmĩ. 12 ĩgũ magũrẽ b̄remurĩ oparãno, ĩgũ p̄uro i p̄erebiri okarire oparãkuma. ĩgũrẽ b̄remurĩ opamerã gapure iri okarire opabirikuma.

Juan gojatũnudea

13 Yũ musãrẽ Marĩpu magũrẽ b̄remurãrẽ irire gojáa, Marĩpu p̄uro p̄erebiri okari opaburire masĩburo, ãrĩgũ.

14 Marĩpure ĩgũ gããmerõsũta marĩ s̄erẽmakũ, ĩgũ marĩrẽ pémi. Irasirirã irire masĩrã, gũiro marĩrõ gũñaturari merã ĩgũrẽ s̄erẽmasĩa. 15 Irasũ s̄erẽrã, ĩgũ marĩrẽ p̄erire, marĩ s̄erẽrõsũta ĩgũ s̄iburidere masĩa.

16 Musã, sugũ musãyagure ñerĩ irimakũ ĩãrã, ĩgũya ããrĩburire Marĩpure s̄erẽbosaka! “Ĩgũ ñerõ iridea, ĩgũrẽ peamegue béomakũ iriri ããrĩbea”, ãrĩ masĩrã, ĩgũya ããrĩburire s̄erẽbosaka! Irasirigũ Marĩpu ĩgũrẽ ĩgũ p̄uro p̄erebiri okari opabu ããrĩmakũ irigukumi. Gaji ñerõ iriri gapure, masakare peamegue béomakũ iriri ããrã. Sugũ masakũ irireta irimakũ ĩãrã: “Ĩgũya ããrĩburire Marĩpure s̄erẽbosaro gããmea”, ãrĩbea yũ musãrẽ. 17 ããrĩpereri ñerõ iriri, Marĩpu dorerire tarinũgãrĩ ããrã. Irasũ ããrĩkerero, ããrĩpereri ñerĩ iriri, masakare peamegue béomakũ iribebe. Marĩpu ããrĩpereri ñerĩ iririre: “Neõ kãtibiriko”, ãrĩbemi.

18 Ire marĩ masĩa. Marĩpu magũ marĩrẽ ĩgũ Pagũ p̄urã ããrĩrãrẽ òãrõ koreri merã iritamumi. Irasirirã marĩ ñerĩrẽ irinĩbea. Wãtĩ marĩrẽ ñerõ iridũakeregũ, marĩrẽ poyanorẽmasĩbemi.

19 Marĩ, Marĩpu p̄urã ããrã. Wãtĩ ããrĩpererã i Ɔmũ marã ñerãrẽ doregũ ããrĩmi. Irire masĩa marĩ.

20 Gajidere masĩa. Marĩpu magũ marĩrẽ pémasĩrĩ s̄ĩgũ, i Ɔmũgue aaridi ããrĩmĩ: “Marĩpu diayeta ããrĩnĩgũ ããrĩmi”, ãrĩ masĩburo, ãrĩgũ. Jesucristo merã òãrõ ããrĩnĩsĩã, ĩgũ Pagũ merãdere òãrõ ããrĩnĩkõãrã yáa. Jesucristo diayeta Marĩpu ããrĩmi. ĩgũta marĩrẽ ĩgũ p̄uro p̄erebiri okari s̄ĩgũ ããrĩmi.

21 Irasirigũ musãrẽ yũ p̄urã irirosũ ããrĩrãrẽ werea. Gajirã masaka b̄remurã keori weadeare b̄remubirikõãka! Marĩpu ditare b̄remuka! Irasũta iriro gããmea.

Iropata ããrã.

Juan

2 SAN JUAN

Juan gāme maĩrĩmarẽ gojadea

¹ Yũ buguro, murẽ Marĩpu beyedeore mũ pũrãdere i pũrẽ gojáa. Yũ musãrẽ diayeta maĩa. Yũ dita musãrẽ maĩbea. Aãrĩpererã musã pũro aãrĩrã Jesúya diayema aãrĩrĩrẽ masĩrã musãrẽ maĩma. ² Marĩ ĩgũya diayema aãrĩrĩrẽ marĩya yũjũpũrãrĩgue masĩa. ĩgũ neõ piriro marĩrõ marĩ merã aãrĩnĩsĩã, marĩrẽ irire masĩmakũ yámi. Irasirirã gũa musãrẽ maĩa. ³ Marĩpu aãrĩnĩgũ, ĩgũ magũ Jesucristo marĩ Opũ merã musãrẽ õãrõ iritamu, bopoñarĩ merã ĩã, siñajãrĩ merã aãrĩrikũmakũ iriburo. Irire irigũ, diayema aãrĩrĩ, maĩrĩ merã irasiriburo.

⁴ Surãyeri mũ pũrã Marĩpu marĩrẽ dorederosũta Jesúyare irirã aãrĩma, aãrĩrĩ kerere pégu, bũro usuyabu. ⁵ Dapagora murẽ ire gojagũra. Marĩ gāme maĩrõ gāamea. I yũ gojari, maama doreri aãrĩbea. I doreri, marĩ Jesúre bũremunũgãdeapoegue masĩdeata aãrã. ⁶ Marĩ gāme maĩrã, Marĩpu dorederosũta yáa. I doreri, musã Jesúre bũremunũgãdeapoegue pédeata aãrã. Aũũ aãrã. Gajirãrẽ maĩnĩkõãka!

Wárã aĩrikatorikũrã aãrĩma, aĩrĩ gojadea

⁷ I mũngũguere wárã aĩrikatorikũrã waagorenama. “Jesucristo marĩ irirosũ dũpũkũgũ i mũngũguere aaridi aãrĩmĩ’, aĩrĩrĩ, diaye aãrĩbea”, aĩrĩma. ĩgũsãta aĩrikatorikũrã, Cristore ĩaturirã aãrĩma. ⁸ Irasirirã õãrõ pémasĩka musã! ĩgũsã aĩrikatorire bũremubirikõãka! ĩgũsã aĩrikatorire bũremurã, musã Marĩpũyare iridea waja ĩgũ musãrẽ wajariburire dedeubukoa. ĩgũsã aĩrikatorire bũremubirimakũ, musã ĩgũyare iridea waja musãrẽ wajariburire sĩpeogukumi.

⁹ Sugũ Cristo buedeare béo, ĩgũ gāãmerõ gajire buegũno, Marĩpu merã õãrõ aãrĩbemi. Cristo buedeare bũremugũ ĩgũyare iritũyagũ gapũ Marĩpu merã õãrõ aãrĩmi. Irasũ aãrĩmakũ, ĩgũ magũ Cristo merã õãrõ aãrĩmi. ¹⁰ Irasirirã, sugũ Cristo buedeare buebi, gaji buerire buegũno musã pũro ejamakũ, ĩgũrẽ bokatĩrĩsẽrẽ, musãya wiigue ñajãdorebirikõãka! ¹¹ Musã ĩgũrẽ bokatĩrĩñeãrã, ĩgũrẽ iritamubukoa. Irasirirã ĩgũrẽ iritamurã ĩgũ irirosũ ñerõ irirã aãrĩbukoa.

Juan gojatũnudea

¹² Yũ gaji wári musãrẽ weredũakeregũ, i pũguere gojabirikoa. Yũ basita musã pũroque musã merã werenĩgũ waagũkoa. Marĩ basi weretamurã, õãrõ usuyari merã aãrĩrãkoa.

¹³ Mũ pagũmo pũrã murẽ õãdorema. Igede Marĩpu beyedeota aãrĩmo.

Iropata aãrã.

Juan

3 SAN JUAN

Juan, Gayo wāikuguyamarē gojadea

¹ Y_u bu_guro, m_urē Gayore diayeta y_u maīgūrē i pūrē gojáa.

² Ire gojáa m_urē y_u maīgūrē. Y_u m_uya āārīburire Marīp_ure sērēbosáa. M_u Marīp_u merā ōārō āārīrōsūta āārīpereri m_uyare ōārō waaburire, pūrīrī marīrō merā m_u āārīburire sērēbosáa. ³ Gajirā Jesúre b_uremurā y_u p_uro ejarā, m_u āārīrikurire y_ure werema. “Jesúyare irinígū, i diayema āārīrīrē iriwāgāgū yámi”, ārī werema. Īgūsā irire weremakū pégu, buro usuyáa. ⁴ Jesúre b_uremurā y_u buerā ĩgūya diayema āārīrīrē irinirā yáma, ārīrī kerere pégu, usuyataria. Y_u i kerere péri, āārīpereri gaji nemorō y_ure usuyamakū yáa.

⁵ M_u Jesúre b_uremurārē ōārō iritamunígū iriayuro. Gajiro marā m_u ĩmasīmerā āārīkeremakū, ĩgūsārē ōārō iritamugū iriayuro. ⁶ Īgūsā guare, Jesúre b_uremurā nerēnarōgue gajirārē m_u maīrīrē werema. Irasirigu, ĩgūsā m_u p_uro ejarārē ĩgūsā gajirogue ōārō waaburire iritamuka! M_u ĩgūsārē iritamugū, ōārō irigukoa. Marīp_u marīrē irasirimakūta gāamemi. ⁷ Īgūsā Jesucristoya kerere werewāgārā, Jesúre b_uremumerārē: “Guare iritamuka!” neō ārī sērēbema. ⁸ Irasirirā marī Jesúre b_uremurā ĩgūsārē iritamurō gāamea. Īgūsārē iritamurā, marī ĩgūsā merā moārā yáa, gajirā Jesúya diayema āārīrīrē péburo, ārīrā.

Diótfes ñerō irideare gojadea

⁹ Y_u m_usārē Jesúre b_uremurā iroque āārīrārē su pū gojab_u. Diótfes gap_u m_usārē doredug_u āārīsīā, gu_u m_usārē: “Āsū irika!” ārī weredeare péduabirayup_u. ¹⁰ Y_u m_usā p_uro ejarārē waagú, ĩgūrē m_usā péurogue ĩgū irideare: ĩgū guare ñerō kere ārīdeare, ĩgū ārīkatodeare weregura. ĩgū i ditare iribirayup_u. Jesúya kerere wererā waagorenarārē bokatīrīñeābirayup_u. Gajirā m_usā merāmarā ĩgūsārē bokatīrīñeāduamakū ĩāgū: “Bokatīrīñeābirikōāka!” ārāyup_u. ĩgūsārē bokatīrīñeārārē Jesúre b_uremurā nerēnarōgue ñajādobirayup_u.

¹¹ M_u, y_u maīgū, ñerō irirārē ĩākūlībirikōāka! Ōārō irirā gap_ure ĩākūlīka! Ōārīrē irirā Marīp_uyarā āārīma. Ñerīrē irirā gap_u Marīp_ure masībema.

Demetrio ōārō irideare gojadea

¹² Āārīpererā: “Demetrio ōāgū āārīmi”, ārīma. Irasirirā masaka ĩgū iririre ĩārā: “Marīp_u dorederosūta Jesúyare yámi”, ārīma. Guade: “Īgū ōārō irigu āārīmi”, ārā. M_usā masā. Gu_u diayeta werea.

Juan Gayore gojatūnudea

¹³ Y_u gaji wári m_urē wered_uakereg_u, i pūguere gojabirikoa. ¹⁴ Mérōgā p_uru m_urē ĩāgū waad_uakoa. Irasirigu m_u p_uro ejarārē waagú, m_u merā werenígukoa.

¹⁵ Ōārō siñajārī opaka! Ōō marā marī merāmarā Jesúre b_uremurā m_urē ōādorema. Āārīpererā iroque āārīrā marī merāmarā ōāburo.

Iropata āārā.

Juan

SAN JUDAS

Judas Jesúre buremurãre gojadea

¹ Yu Judas*, Santiago pagumu Jesucristore moãboegu musãrẽ i pũrẽ gojáa. Marĩpu musãrẽ maĩgũ beyedi aãrĩmĩ, ĩgũyarã aãrĩburo, aãrĩgũ. Jesucristo musãrẽ koremi, ĩgũrẽ buremurĩrẽ piribirikõãburo, aãrĩgũ. ² Marĩpu musãrẽ buru bopoña, maĩrĩ merã ĩãburo. Musãrẽ siñajãrĩ sĩburo.

Ãrĩkatori merã buerimasãyamarẽ gojadea

(2 Pe 2.1-17)

³ Marĩpu marĩrẽ peamegue waabonerãrẽ taurire musãrẽ, yu maĩrãrẽ buru gojaduadibu. Irire gojaduakeregu, dapagorare gaji gapure gojaro gããmea, aãrĩ gũñãa. Marĩpu aãrĩpererã ĩgũyarãrẽ Jesucristoya kerere: “Ãsũ aãrã, irire neõ gorawayubirikõãka!” aãrĩ pídi aãrĩmĩ. Marĩ ĩgũyarã iri kerere buremua. Gajirã aãrĩkatori merã buerimasã gapu iri kerere gorawayuduma. Irasirigu yu musãrẽ: “Īgũsã aãrĩkatori merã buerire pãbirikõãka!” aãrĩ gojáa. Īgũsãrẽ: “Marĩpu guare pídea diayeta aãrã, musã bueri gapu aãrĩkatori merã bueri aãrã”, aãrĩka! ⁴ Īgũsã ñerã, masĩña marĩrõ musã puro ejanerã musã merã aãrĩma. Īgũsã aãrĩkatori merã: “Marĩpu marĩ ñerõ irideare kãtimi, irasirirã noõ gããmerõ irimasã”, aãrĩ buema musã, ĩgũsã ñerĩ iririkurire: “Õãa”, aãrĩ gũñaburo, aãrĩrã. “Jesucristo marĩrẽ doregu, marĩ Opu sugu aãrĩgũ aãrĩbemi”, aãrĩ buema. Iripoegue Marĩpu ĩgũya werenĩrĩ gojadea pũgue ĩgũsã irirosũ aãrĩkatori merã buerãrẽ: “Wajamoãgura”, aãrĩdi aãrĩmĩ.

⁵ Irasirigu yu musã masĩdeare dupaturi gũñamakũ iriduaãa. Iripoegue Marĩpu guã ñekũsãmarã Israel bumarãrẽ Egiptogue aãrĩrãrẽ wiudi aãrĩmĩ. Īgũsãrẽ wiukeregu, ĩgũrẽ buremumerã gapure wẽjedi aãrĩmĩ. ⁶ Marĩpure wereboerã aãrãdinerãdere gũñaka! Īgũsã Marĩpu doreri pídeare tarinugãnerã aãrĩmã. Īgũsãrẽ ĩgũ aãrĩdorederore aãrĩduabirinerã aãrĩmã. Irasirigu Marĩpu ĩgũsãrẽ kõmedari merã naĩtĩãrõgue suapikõãdi aãrĩmĩ. Īgũ aãrĩpererã ñerãrẽ wajamoãrĩnu ejamakũ, ĩgũsãrẽ buru wajamoãgukumi. ⁷ Iripoegue Sodoma, Gomorra wãĩkuri makãrĩ marã, irasũ aãrĩmakũ iri makãrĩ puro aãrĩrĩ makãrĩ marãde, Marĩpure wereboerã aãrãdinerã irirosũ ñerõ irinerã aãrĩmã. Ūma, nome merã ñerõ irinerã aãrĩmã. Irasũ aãrĩmakũ ũma seyaro ñerõ irinerã aãrĩmã. Nomedede irasũta irinerã aãrĩmã. Irasirigu, ĩgũsã ñerõ iridea waja Marĩpu ĩgũsãrẽ soebéodi aãrĩmĩ. Aãrĩpererã ĩgũsã iriderosũ ĩgũ dorerire tarinugãrã perebiri peamegue wajamoãburire masĩburo, aãrĩgũ, irasiridi aãrĩmĩ.

⁸ Īgũsã Marĩpu dorerire tarinugãderosũ, aãrĩkatori merã buerimasã musã watope aãrĩrã ñerõ yãma. Īgũsã kãrõgue ĩãrĩ merã ĩgũsã ñerõ iriduarire: “Õãa”, aãrĩ gũñama. Irasirirã ĩgũsã ñerõ iriri merã ĩgũsãya dupure poyanorẽma. Marĩ Opu dorerire tarinugãma. Turari oparãrẽ ñerõ werenĩma. ⁹ Marĩpure wereboerã opu Miguel wãĩkugu iriderosũ iribema. Miguel Moiséya dupu darore aĩaduagu, wãtĩ merã gãme guaseodi aãrĩmĩ. Irasirikeremakũ, Miguel gapu neõ suñarõ ñerõ werenĩrĩ merã wãtĩrẽ: “Iropata irika! Peamegue waaka!” aãrĩ turibiridi aãrĩmĩ. Ãsũ gapu aãrĩdi aãrĩmĩ: “Yu Opu murẽ: ‘Iropata irika!’ aãrĩburo”, aãrĩdi aãrĩmĩ. ¹⁰ Aãrĩkatori merã buerimasã musã watope aãrĩrã

* 1:1 Mt 13.55; Mr 6.3: I pũ gojadi Judas Iscariote meta aãrĩyupu. ĩgũ tĩgũ Santiago wãĩkuyupu. Peamasãya merã gajirã Santiagore “Jacobo” wãiyenerã aãrĩmã.

gapu ĩgūsā masĩbirideare ñerō werenĩrĩ merā werema. Waimurā pemasĩmerā iririkurosū ĩgūsā noó gāāmerō iriduarĩ ditare yāma. Irasirirā peamegue beosũrākuma.

¹¹ ĩgūsāta neō usuyari bokabirikuma. Caĩn wāĩkugu Marĩpuyare buremubi, ĩgū pagumurē ĩāturi, wējēderosū ñerō yāma. Balaam wāĩkugu ĩgū niyeru wajataburire, Marĩpuyarāya āārĩburi nemorō gũñasĩā, ĩgūsārē ārĩkatori merā buederosū ñerō yāma. Gajigu Coré wāĩkugu ĩgūya bumarā oparā Marĩpu pĩnerārē tarinugādi āārĩmĩ. ĩgū tarinugārĩ waja Marĩpu ĩgūrē wajamoāgū, boamakū iridi āārĩmĩ. Ārĩkatori merā buerimasā, Coré iriderosū ñerō yāma. Irasirigu Marĩpu ĩgūrē wajamoāderosū ĩgūsādere wajamoāgukumi.

¹² Musārē ārĩkatori merā buerimasā, musā Jesúre buremurā nerē, bosebaaripoe buremurĩ marĩrō noó gāāmerō yāma. Musā merā baa, iirirā, ĩgūsāyama ditare gũñama. Ñerā oveja korerimasā ovejare baari ejomerā irirosū yāma. ĩĩmikāyebori mirū wējāpuri merā otederogue deko merērō marĩrō tariaro irirosū neō musārē iritamubema. Yuku dukakaripoe bugu yuku dukamarĩ yuku irirosū yāma. Masaka irigure nugūrĩgue merāta duadero puru ñaipereakōākoa. Irigu irirosū āārĩma. Ōārō iririre neō irimasĩbema. ¹³ ĩgūsā ñerō guyasĩrĩ iririkuri, sũmu gurarikurire makũrĩ pámujuĩpĩdea irirosū āārā. Neñukā ĩgūsā keoro waanarogue merā yuridijanerā irirosū āārĩrā, gajirārē diaye buerire tuyamakū neō iribema. Irasirigu Marĩpu: “ĩgūsārē āsũ wajamoāgura”, ārĩderosũta gajiro nemorō naĩtĩārogue āārĩnĩmakū irigukumi.

¹⁴ Iripoeguema Enoc wāĩkugu Adán parāmerā āārĩturiagu āārĩdi āārĩmĩ. Adán merā marĩ keopurori, Enoguere keotũnumakū, āārĩpererā Adán parāmerā āārĩturiarā su mojōma pere gajĩ mojō peru pērēbejari burigora masāporewāgānerā āārĩmā. Marĩpu ārĩkatori merā buerimasārē ĩgū wajamoāburire Enorē weredoredi āārĩmĩ. Irasirigu Enoc āsũ ārĩ weredupiyudi āārĩmĩ: “Péka yure! Marĩ Opu wārā ĩgūyarā merā aarigukumi.

¹⁵ Āārĩpererā masaka ĩgūsā irideare ĩā beyegu aarigukumi. Āārĩpererā ñerārē āārĩpereri ĩgūsā ñerĩ iridea waja, irasũ āārĩmakū āārĩpereri ĩgūrē ñerō werenĩdea waja ĩgūsārē wajamoāgū aarigukumi”, ārĩdi āārĩmĩ Enoc iripoeguere.

¹⁶ Irasirirā ārĩkatori merā buerimasā wajamoāsũrākuma. Āārĩpererārē werewuarikurā, gajirā iririre: “Ōābea”, ārĩ gũñarā āārĩma. ĩgūsā ñerĩ uaribejari ditare yāma. “Masĩtarinugāa”, ārĩ weregorenama. ĩgūsāya ditare gāāmesārā, gajirārē ōārō werenĩkatoma.

Judas Jesúre buremurārē gojanemodea

¹⁷ Musā yu maĩrā, marĩ Opu Jesucristo buedoregu pĩnerā musārē buedeare gũñaka! ¹⁸ ĩgūsā musārē āsũ ārĩnerā āārĩmā: “I ũmu pereburi dupiyuro masaka noó gāāmerō Marĩpuyare buridarākuma. Marĩpure gāāmemerā, ñerĩ uaribejarire irirākuma”. ¹⁹ Irire irasirirā Jesúre buremurārē gāme dukawarimakū yāma. ĩgūsā iriduarire irirā Ōāgū deyomarĩgūrē neō opabema.

²⁰ Musā yu maĩrā gapu, ōārĩ Jesúyare buremurĩrē neō piribirikōāka! Gũñaturanĩkōāka! Ōāgū deyomarĩgū iritamurĩ merā Marĩpure sērēka!

²¹ Marĩpu musārē maĩgūrē piribirikōāka! Marĩ Opu Jesucristo marĩrē bopoñarĩ merā ĩāgū ũmugasigue perebiri okari sĩgukumi. Irasirirā ĩgū sĩburire: “Oparākoa”, ārĩ gũñaturari merā yúka!

²² Gajirā Jesúyare: “¿Diayeta āārĩrĩ?” ārĩ buremuturamerārē bopoñarĩ merā ĩāka! ĩgūsārē Jesúyare: “Diayeta āārā”, ārĩ wereka! ²³ Wii ũjũrĩ wii poekague āārĩrārē taurā irirosū ĩgūsārē iritamuka, peamegue waabonerārē

waabirikõãburo, ãrĩrã! Gajirãrẽ ñerõ irimakũ, bopoñarĩ merã ããka! Ìgũsã ñerĩ iriri gapure dooka, Ìgũsãrẽ ããkũĩrĩ, ãrĩrã! Surĩro gurarikũrore gããmemerã irirosũ Ìgũsã ñerĩ iririre gããmebirikõãka, irire pẽrẽrĩ, ãrĩrã!

Judas Marĩpũre bũremurĩmarẽ gojadea

24-25 Marĩpũ sugũ ããrĩgũ, marĩ Opũ Jesucristo merã marĩ peamegue waabonerãrẽ taugũ ããrĩmi. Ìgũ turari merã marĩrẽ koremasĩmi, ñerĩrẽ iribirikõãburo, ãrĩgũ. Irasũ ããrĩmakũ Ìgũ pũroguere marĩ ñerĩ opamerã õãrõ usũyari merã ããrĩmakũ irimasĩmi. Irasirirã ããrĩpererã Ìgũrẽ: “Mũ õãtarigũ, turatarigũ, ããrĩpererãrẽ doregũ, gũã Opũ ããrã”, ãrĩburo. “Neõgoragueta ããrĩnkõãdi ããrĩmĩ. Dapagoradere ããrĩnkõãmi. Pũrũguedere irasũta ããrĩnkõãgũkumi”, ãrĩburo. Marĩde irasũta ãrĩrã!

Iropata ããrã.

Judas

EL APOCALIPSIS

Jesucristo Juārē i ūmwa waaburire werede

¹ I papera pū Marīpwa ĩgū mērōgā pwa iriburire Jesucristore wereri pū āārā. Jesucristoyarārē irire masīdoregwa ĩgūrē weredi āārīmī. Jesucristo sugwa Marīpwa wereboegwa iriudi āārīmī ywa irire weredoregwa. Ywa Juan, Jesucristore moāboegwa āārā. ² Irasirigwa i pūguere āārīpereri ywa ĩādeare, ywa pédeare, Marīpwa kerere, Jesucristo ywa weredeade gojáa.

³ I pūgue gojaderosū waaburo, mērō dwayáa. I pūrē gajirārē buerāno uswayari bokarākuma. Marīpwa kerere i pūgue gojadeare buemakū péduripírānode uswayari bokarākuma.

Juan su mojōma pere gaji mojō peru pērēbejari makārī marārē Jesucristore bremurārē gojadea

⁴ Ywa, mwsā Asiague āārīrārē su mojōma pere gaji mojō peru pērēbejari makārī marārē Jesucristore bremurārē gojáa. Marīpwa mwsārē ōārō iritamuburo. Mwsārē ĩgū siñajārī sīrīrē opaka! Marīpwa neōgoragueta āārīsiadi āārīmī. Dapagoradere āārīnīkōāmi. Pwaguedere irasūta āārīnīkōāgukumi. Opwa doarogue doami. ĩgū diaye, Ōāgū deyomarīgū su mojōma pere gaji mojō peru pērēbejari turari* opagwa āārīmī. ĩgūde mwsārē ōārō iritamuburo.

⁵ Jesucristode mwsārē ōārō iritamuburo. ĩgū Marīpwa kerere diayeta werewa āārīmī. ĩgū āārīpererā boanerā masāburi dupiyuro boadigue masāpwroridi, neō dupaturi boabi āārīmī. Irasirigwa, i ūmague āārīrā āārīpererā masaka oparārē doregwa āārīmī. Marīrē maīgū ĩgūya dí béori merā marī ñerī iridea wajare taudi āārīmī. ⁶ Irasirigwa marīrē oparā āārīmakū iridi āārīmī. Irasū āārīmakū marīrē paía masakaya āārīburire Marīpwa sērēbosarā āārīmakū iridi āārīmī, ĩgū Paguyare iriburo, ārīgū. Irasirirā ĩgūrē: “Ōātarigwa, āārīpererā nemorō turagwa āārā mwa”, ārī bremurā! Irasūta āārīburo.

⁷ Mwsā ōārō pémasīka! Jesucristo ĩmīkāyeborigue dijarīgukumi. ĩgū dijari-makū, āārīpererā ĩārākuma. ĩgūrē curusague pábiatú wējēnerāde ĩārākuma. I ūmwa marā āārīpereri buri marā, ĩgū aarimakū ĩārā, ĩgū ĩgūsārē wajamoāburire gūñarā, orerākuma. Irasūta waarokoa.

⁸ Marīpwa marī Opwa āārīpererā nemorō turagwa āsū ārīmi: “Ywa neōgoragueta āārīpereri i ūmamarē iridi, pwaguedere i āārīpererire peremakū iribu āārā”, ārīmi. “I ūmwa āārīburo dupiyuro āārīsiabu. Dapagoradere irasūta āārīnīkōā. Pwaguedere irasūta āārīnīkōāgukoa”, ārīmi.

Juan kērō irirosū Jesucristore ĩādea

⁹ Ywa Juan, mwsāyagwa Jesucristore bremugū āārīsīā, mwsā irirosūta ywa ñerō taria. Marīpwa, marī Opwa āārīmī. Marī ñerō tarimakū, Jesucristo marīrē gūñaturamakū yāmi. Ywa Patmos wāīkari nūgūrōgue peresu āārībú. Marīpwa kerere Jesucristo weredeare gajirārē ywa buede waja iroque āārībú. ¹⁰ Irinwa siñajārīnwa āārīmakū, Ōāgū deyomarīgū ĩgū turaro merā kērō irirosū ywa ĩmumi. Irasū waaripoe ywa pwrpwr gapwa turaro werenírī, suru puriduru turaro bwsro irirosū bwsmakū pébwa. ¹¹ Turaro werenígū ywa āsū ārīmi:

–Ywa neōgoragueta āārīpereri i ūmamarē āārīmakū iridi āārā. Yuta pwaguedere i āārīpererire peremakū iribu āārā. Dapagora āārīpereri mwa

* **1:4** “ōāgū deyomarīgū su mojōma pere gaji mojō peru pērēbejari turari opagwa āārīmī”, ārīrō: “ōāgū deyomarīgū āārīpereri turari opagwa āārīmī”, ārīduaro yāa. Iri pūgue “su mojōma pere gaji mojō peru pērēbejari”, ārīrō: “āārīpereri”, ārīduaro yāa.

ĩārĩrē, papera pũgue gojatúka! Pũru iri pũrē Asiague ãārĩrãrē yũre buremurãrē iriuka! Ĩgũsã su mojõma pere gaji mojõ peru pẽrẽbejari makãrĩ marã ãārĩma. Efeso marã, Esmirna marã, Pẽrgamo marã, Tiatira marã, Sardis marã, Filadelfia marã, Laodicea marã ãārĩma, ãrĩmi.

¹² Ĩgũ werenĩrĩ busumakũ pẽgu, gãmenugãbu Ĩgũrē ĩãbu. Irasũ gãmenugã ĩãgũ, su mojõma pere gaji mojõ peru pẽrẽbejari sĩãgori yukure oro merã iridea yukure ĩãbu. ¹³ Iri yuku watopegue sugũ masakũre ĩãbu. Ĩgũ yoaro surĩro ĩgũya guburigue ããrĩdijimejãrĩnerē sãñami. Ĩgũya koretibire oro merã iridea yũjũwẽñarĩdare suatũadi ããrĩmĩ. ¹⁴ Ĩgũya poari õãrõ boreri ããrĩbũ. Ĩgũya koye peame ãjãrĩ pũrã irirosũ goesiribu. ¹⁵ Ĩgũya guburi bronce wãĩkũri kõme tímudea irirosũ goesiribu. Ĩgũ werenĩrĩ wãri ãtãdupabu irirosũ busubũ. ¹⁶ Ĩgũya mojõ diayema mojõ gapũ su mojõma pere gaji mojõ peru pẽrẽbejarãgora neñukã opami. Ĩgũya disire sareri majĩ pe gapũ õãrõ usiri majĩ wiribu. Ĩgũya diapu abe ãmũmũ kũmijũrõsũ goesiribu.

¹⁷ Irasirigũ yũ Ĩgũrē ĩãgũka, kõmogũ irirosũ Ĩgũya guburi pũro meẽmejãbu. Yũ meẽmejãmakũ ĩãgũ, Ĩgũya mojõ diayema mojõ merã yũre ñapeo, ãsũ ãrĩmi:

–Gũibirikõãka! Yũ neõgoragueta ããrĩpereri i ãmũmarē ããrĩmakũ iridi, pũruguedere i ããrĩpererire peremakũ iribu ããrã. ¹⁸ Okanĩgũ ããrã. Iripoegue boabũ. Dapagorare okanĩkõãa. Masakare boadoregũ, ĩgũsãrē boanerã ããrĩrõgue waadoregũ ããrã. ¹⁹ Dapagora ããrĩrĩ, pũrugue waaburidere mũ ĩãrĩrē gojatúka! ²⁰ Yũ masakare neõ dupiyuro werebirideare, mũ ĩãrĩrē weregũra. Ĩgũsã su mojõma pere gaji mojõ peru pẽrẽbejarã neñukã, yaa mojõ diayema mojõ gapũ yũ oparã, yũre buremurãrē yaare wererã keori irirosũ ããrã. Iri su mojõma pere gaji mojõ peru pẽrẽbejari sĩãgori yuku oro merã iridea yuku, yũre buremurĩ buri marã keori irirosũ ããrã, ãrĩmi yũre.

2

Jesucristo Juãrē Efeso marãrē gojadoredea

¹ Jesucristo irire ãrĩ odo, ãsũ ãrĩnemomi:

–Efeso marã yũre buremurãrē, ĩgũsãrē yaare weregũdere ãsũ ãrĩ gojaka!

Yũ, yaa mojõ diayema mojõ gapũ su mojõma pere gaji mojõ peru pẽrẽbejarã neñukãrē opagu, su mojõma pere gaji mojõ peru pẽrẽbejari sĩãgori yuku watope waagorenagũ ããrã. ² Yũ, ããrĩpereri mũsã iririre masĩpeokõãa. Mũsã bũro moãrĩrē, ñerõ tarikererã mũsã yũre gũñaturarire, ñerãrē mũsã ĩãduabirire masĩa. Gajirã ĩgũsã basi: “Jesús buedoregũ beyenerã ããrã”, ãrĩkererã, keoro buebema. Mũsã ĩgũsã iririre ĩãrã: “Ãrĩkatori merã buema”, ãrĩ masĩa. ³ Yaare mũsã moãrĩ waja ñerõ tarikererã, yũre neõ piribea. Irire gariborero marĩrõ yãa.

⁴ Mũsã õãrõ irikeremakũ, gajire mũsãrē ãsũ ãrĩ weregũra. Mũsã yũre neõgorague maĩnugãderosũ iribea. ⁵ Irasirirã dapagorare mũsã ñerõ waadeare gũñaka! Mũsã ñerĩ iririre bũjawereka! Mũsã gũñãrĩrē gorawayuka! Õãrĩ gapũre irika doja, mũsã iripũroriderosũta! Mũsã ñerĩ iririre piribirimakũ ĩãgũ, mũsãyagu sĩãgodire ãĩkõãgũra. ⁶ Mũsã yũre neõgorague maĩnugãderosũ iribirikererã, i õãrĩ gapũre iribu. Nicolaita wãĩkũri bumarã ñerõ iririre mũsã neõ gããmebea. Yũde irire neõ gããmebea.

⁷ Mũsã gãmipũrĩ oparã, Õãgũ deyomarĩgũ yũre buremurĩ buri marãrē wererire õãrõ pẽka! ãsũ ãrĩmi Õãgũ deyomarĩgũ yũre buremurãrē: “Ããrĩpererã Jesũre buremurĩrē pirimerãrē ãmũgasigue paraĩso wãĩkũrogue

Marĩpuyaya pookemũ dukare baadoregura”, ãrĩmi. Irigũ perebiri okari sĩdi* ããrã. I ããrĩpererire gojaka, yaarã Efesogue ããrĩrãrẽ! ãrĩmi yũre Jesucristo.

Juan Esmirna marãrẽ gojadea

⁸ Jesucristo irire ãrĩ odo, ãsũ ãrĩnemomi:

—Esmirna marã yũre bũremurãrẽ, ĩgũsãrẽ yaare weregũdere ãsũ ãrĩ gojaka!

Yũ neõgorague ããrĩpereri i ãmũmarẽ ããrĩmakũ iridi, purũguere i ããrĩpererire peremakũ iribu ããrã. Yũ boa, dupaturi masãgũ ããrã. ⁹ Yũ, ããrĩpereri mũsã ñerõ taririre, boporã ããrĩrĩrẽ masĩpeokõãa. Irasũ boporã ããrĩkererã, Marĩpuyare masĩsĩã, wãri ãmũgasima õãrĩrẽ opãa. Gajire yũ masĩa. Gajirã mũsãrẽ ĩaturirã mũsãrẽ ñerĩ kere ãrĩma. ĩgũsã: “Gũa judío masaka ããrĩsĩã, Marĩpuyarã ããrã”, ãrĩma. Irasũ ãrĩkererã, ĩgũyarã ããrĩbema. Wãtẽa opu Satanãrẽ bũremurĩ bumarã ããrĩma. ¹⁰ Mũsã ñerõ tariburire gũibirikõãka! Wãtĩ mũsãrẽ yũre bũremurĩrẽ pirimakũ iridũagu surãyeri mũsãrẽ peregũe biadobomakũ irigũkumi. Pe mojõma nũrĩta ñerõ tarirãkoa. ĩgũrẽ bũremurã mũsãrẽ wẽjẽkeremakũ, yũre bũremurĩrẽ neõ piribirikõãka! Purũ yũ pũrogu mũsãrẽ yũ merã perebiri okarire sĩgũkoa.

¹¹ Mũsã gãmipũrĩ oparã, Õãgũ deyomarĩgũ yũre bũremurĩ buri marãrẽ wererire õãrõ pẽka! ãsũ ãrĩmi Õãgũ deyomarĩgũ yũre bũremurãrẽ: “Ããrĩpererã yũre bũremurĩrẽ pirimerã, perebiri peamegue neõ waabirikuma”, ãrĩmi. Irasirigũ iri ããrĩpererire gojaka, yaarã Esmirnague ããrĩrãrẽ! ãrĩmi yũre.

Juan Pẽrgamo marãrẽ gojadea

¹² Jesucristo irire ãrĩ odo, ãsũ ãrĩnemomi doja:

—Pẽrgamo marã yũre bũremurãrẽ, ĩgũsãrẽ yaare weregũdere ãsũ ãrĩ gojaka!

Yũ sareri majĩ, pe gapũ usiri majĩrẽ opagũ ããrã. ¹³ Mũsã ããrĩrõrẽ masĩpeokõãa. Satanãs mũsãya makã marã opu ããrĩmi. ĩgũsã Satanãrẽ bũremukeremakũ, mũsã gapũ yũre bũremua. ĩgũsã mũsã merãmũ Antipare Marĩpuyaya kerere õãrõ weredire wẽjẽma. ĩgũrẽ wẽjẽmakũ ĩãkererã, mũsã yũre bũremurĩrẽ neõ piribea.

¹⁴ Mũsã yũre bũremurĩrẽ piribirikeremakũ, gajino mũsãrẽ ãsũ ãrĩ weregũra. Surãyeri mũsã merãmarã Balaãya buedeare iritũyama. Iripoegue Balaam ãsũ ãrĩdi ããrĩmĩ, Israel bumarãrẽ ĩaturirã opu Balac wãĩkũgũre: “Israel bumarãrẽ tarinũgãduagu, ĩgũsãrẽ mũsã merã gãmesurimakũ irika, mũsã irinarĩrẽ iritũyaburo, ãrĩgũ!” ãrĩdi ããrĩmĩ. Irasirirã Israel bumarã ĩgũsã merã gãmesurirã, keori weadea pũro baari pĩdeare baanerã ããrĩmã. Ñerõ gãmebiranerã ããrĩmã. ¹⁵ ĩgũsã irirosũta gajirã mũsã merãmarã Nicolaita wãĩkũri bumarã buerire iritũyama. Iri buerire neõ piridũabema. Yũ gapũ irire neõ gããmebea. ¹⁶ Irasirirã mũsã ñerĩ iririre bũjawereka! Mũsã gũñarĩrẽ gorawayuka! Mũsã gorawayubirimakũ ĩãgũ, gũñaña marĩrõ mũsã pũrogu waa, yaa disigue sareri majĩ opari majĩ merã mũsãrẽ wajamoãgũra.

¹⁷ Mũsã gãmipũrĩ oparã, Õãgũ deyomarĩgũ yũre bũremurĩ buri marãrẽ wererire õãrõ pẽka! ãsũ ãrĩmi Õãgũ deyomarĩgũ yũre bũremurãrẽ: “Ñerõ iridorerãnorẽ tarinũgãgũrẽ manã wãĩkũri ãmũgasima baarire sĩgũra. Ætãye

* **2:7** Sugũ ãma birarimasũ gajirã nemorõ ãmagũ, olivo wãĩkũdima pũrĩ merã iridea berore wãjatakumi. Masaka iri berore ĩgũya dipurugue peokuma, gajirãrẽ ĩgũ wãjatadeare ĩmumurã. I irirosũ, sugũ Jesũre bũremugũ masaka ĩgũrẽ wẽjẽkeremakũ, Jesũre bũremurĩrẽ neõ piribi, ãmũgasigue perebiri okari wãjatagũkumi. Iri ãmũgasigue perebiri okari wãjatari, i berore wãjatari irirosũ ããrã.

boreriyedere sīgura ĩgūrē. I ũtāye maama wāĩrē yu gojatúdeaye āārĩrokoa. Gajirā iri wāĩrē neō masĩbirikuma. Iri ũtāyere āĩgũ dita masĩgukumi”, āārĩmi. Irasirigu iri āārĩpererire gojaka, yaarā Pérgamogue āārĩrārē! āārĩmi yure.

Juan Tiatira marārē gojadea

¹⁸ Jesucristo irire ārĩ odo, āsũ ārĩnemomi doja:

–Tiatira marā yure b̄remurārē, ĩgūsārē yaare weregudere āsũ ārĩ gojaka!

Yu, Marĩpu magũ āārā. Yaa koye peame ũjũrĩ pũrā irirosũ gosea. Yaa guburi bronze wāĩkuri kōme tĩmudea irirosũ gosea. ¹⁹ Yu āārĩpereri m̄sā iririre masĩpeokōāa. M̄sā yure maĩrĩ, yure b̄remurĩ, gajirārē iritamurĩ, ñerō tarikererā m̄sā yure gũñaturarire masĩa. Neōgoraguere m̄sā ōārō iridero nemorō dapagorare ōārō irirā yāa.

²⁰ M̄sā ōārō irikeremakũ, gajino m̄sārē āsũ ārĩ weregura. Jezabel wāĩkugo: “Marĩpu yare werego āārā”, ārĩkatogo m̄sā watopegue āārĩmo. M̄sārē igo ñerō buemakũ pékererā, igore: “Gua merā āārĩbirikōāka!” neō ārĩbea. Igo ārĩkatori merā buego, yure moāboerārē ñerō gāmebiramakũ yāmo. Keori weadea puero baari pídeare ĩgūsārē baamakũ yāmo. ²¹ Irinugue igore, igo ñerō iririre bujawere, gorawayudoreadibu. Igo gapu neō gorawayudubemo. Igo ñerō gāmebirarire neō piridubemo. ²² Irasirigu igore, igo merā ñerō irinerādere pũrĩrikumakũ irigura. Igo merā ñerō irideare ĩgūsā bujawere, piribirimakũ, ĩgūsārē buro ñerō tarimakũ irigukoa. ²³ Igo pũrādere wējēgura. Yu irasũ irimakũ ĩārā, āārĩpererā yure b̄remurā: “Īgũ marĩ gũñarĩrē, marĩ uaribejaridere masĩpeokōāmi”, ārĩrākuma. “Āārĩpereri marĩ iririkurire ĩā, keoro irigukumi. Ñerō irirārē wajamoāgukumi. Ōārō irirā gapure ōārō irigukumi”, ārĩ masĩrākuma. ²⁴ Surāyeri m̄sā Tiatira marā igoya buerire, wātēa opu Satanáyama yayeridere gāāmebea. Irasirigu yu m̄sārē gajino dorenemobirikoa. ²⁵ I ditare dorea m̄sārē. Yu buerire m̄sā masĩdeare neō mérōgā piribirikōāka! Yu m̄sā puero aarimakūguedere ōārō irinĩkōāka!

²⁶ Yu m̄sā puero aarigũ, ōārĩrē irirārē, yu dorerire irinĩrārē i ũmu marārē dorerā āārĩmakũ irigura. ²⁷ Yu yure, opu sóoderosũta, yude m̄sārē, oparā sóogura. Irasirirā kōmegũ merā, sorori diari merā weadea sororire pámutũrōsũ i ũmu marārē turaro merā dorerākoa. Irasirirā m̄sā dorerire neō tarinugābirikuma. ²⁸ Yu gajidere āsũ irigura. Neñukāmu boyodiru ōārō boyoro irirosũ āārĩgũ, m̄sārē maama perebiri ũmu pígukoa. ²⁹ M̄sā gāmpũrĩ oparā, Ōāgũ deyomarĩgũ yure b̄remurĩ buri marārē wererire ōārō péka! ārĩ gojaka, yaarā Tiatirague āārĩrārē! ārĩmi yure.

3

Juan Sardis marārē gojadea

¹ Jesucristo irire ārĩ odo, āsũ ārĩnemomi doja:

–Sardis marā yure b̄remurārē, ĩgūsārē yaare weregudere āsũ ārĩ gojaka!

Yu, Ōāgũ deyomarĩgũ su mojōma pere gaji mojō peru p̄rēbejari turari* opāa. Irasũ āārĩmakũ, su mojōma pere gaji mojō peru p̄rēbejarā neñukādere opāa. Āārĩpereri m̄sā iririre masĩpeokōāa. M̄sā: “Marĩpu yare ōārō yāma”, ārĩsũrā āārā. Irasũ āārĩkererā, boanerā irirosũ, ĩgũyare neō koero iribebea. ² Irasirirā ōārō pémasĩka! M̄sā ōārĩ iriri d̄yarigārē piriro marĩrō ōārō irika! Irire iribirimakũ, m̄sā ōārĩ iriri pereakōārokoa. Yu, m̄sā iririre

* **3:1** “ōāgũ deyomarĩgũ su mojōma pere gaji mojō peru p̄rēbejari turari opagu āārĩmi”, ārĩrō: “ōāgũ deyomarĩgũ āārĩpereri turari opagu āārĩmi”, ārĩduaro yāa. Iri pũgue “su mojōma pere gaji mojō peru p̄rēbejari”, ārĩrō: “āārĩpereri”, ārĩduaro yāa.

ĩaa. Yꞥꞥũ ĩũrõguere õãrõ iripeobea. ³ Yꞥꞥũyare gajirã mꞥsãrẽ buedeare gũñaaka! Irireta dupaturi iritꞥyaka doja! Mꞥsã ñerĩ iririre pirika! Irasũ iribirimakũ, gũñaña marĩrõ yajarimasũ aarirõsũ, gũñaña marĩrõ mꞥsãrẽ wajamoõgũ aarigũkoa.

⁴ Irasũ ããrĩkeremakũ, surãyeri mꞥsã watopere ñerõ irirãrẽ ĩãkũĩbema. Marĩꞥyare iritꞥyarã ããrĩsĩã, ĩgũsãya surĩ guraritũmerã irirosũ ããrĩma. Irasirirã ñerõ iridea wajare opamerã, boreri surĩ sãñarã yꞥ merã waagorenarãkuma. ⁵ ããrĩpererã piriro marĩrõ Marĩꞥyare irirã irasũta surĩ õãrõ boreri sãñarã yꞥ ꞥꞥro ããrĩrãkuma. Yꞥ merã perebiri okari opamurã wãirẽ gojatũri ꞥũgue ĩgũsã wãirẽ gojatũdeare neõ koebirikoa. Koeronorẽ irigũ, Yꞥꞥũ, ĩgũrẽ wereboerã ĩũrõguere: “Yaarã ããrĩma”, ãrĩgũkoa. ⁶ Mꞥsã gãmipũrĩ oparã, Õãgũ deyomarĩgũ yꞥre bꞥremurĩ buri marãrẽ wererire õãrõ ꞥeka! ãrĩ gojaka, yaarã Sardigue ããrĩrãrẽ! ãrĩmi yꞥre.

Juan Filadelfia marãrẽ gojadea

⁷ Jesucristo irire ãrĩ odo, ãsũ ãrĩnemomi doja:

–Filadelfia marã yꞥre bꞥremurãrẽ, ĩgũsãrẽ yaare weregũdere ãsũ ãrĩ gojaka!

Yꞥ ñerĩ opabi, diayeta weregũ ããrã. Yꞥ, iripoeguemꞥ opꞥ David dorederosũ turari merã doregũkoa. Iri turaro merã doreri, sawire opari irirosũ ããrã. Irasirigũ, yꞥ tũꞥãmakũ neõ gajigũ biamasĩberosũ, yꞥ iridoremakũ kãmutamasĩbemi. Yꞥ biamakũdere neõ gajigũ tũꞥãmasĩberosũ, yꞥ iridorebirimakũ irimasĩbemi. ⁸ Yꞥ ããrĩpereri mꞥsã iririre masĩꞥeokõãa. Mꞥsã mërõgã turari opakerrerã, yaa buerire õãrõ iritꞥyãa. Gajirã, mꞥsã yaarã ããrĩrĩ waja mꞥsãrẽ ñerõ iridũakeremakũ: “Jesũre masĩbea”, neõ ãrĩbea. Irasirigũ yꞥ mꞥsãrẽ su makãꞥꞥro tũꞥãnũmakũ, neõ sugũ biamasĩberosũ, yꞥ mꞥsãrẽ yaamarẽ iridoremakũ, mꞥsãrẽ kãmutamasĩbemi. ⁹ Gajirã mꞥsã ꞥꞥro ããrĩrã: “Gũã judío masaka ããrĩsĩã, Marĩꞥyarã ããrã”, ãrĩkererã, ĩgũyarã ããrĩbema. ãrĩkatorimasã, wãtẽa opꞥ Satanãrẽ bꞥremurĩ bumarã ããrĩma. Irasirigũ ĩgũsãrẽ mꞥsãya guburi ꞥꞥro bꞥremurĩ merã ejamejãjamakũ irigũra. Yꞥ irasirimakũ ĩãrã, yꞥ mꞥsãrẽ maĩrĩrẽ ĩãmasĩrãkuma. ¹⁰ Yꞥ mꞥsãrẽ: “Neõ piriro marĩrõ yaare irika!” ãrĩdeare õãrõ irirã yãa. Irasirigũ, ããrĩpererã i ãmũgue ããrĩrã iririkũrere ĩãbu, ĩgũsãrẽ ñerõ tarimakũ irigũ, mꞥsãrẽ õãrõ koregũra.

¹¹ Mërõ dꞥyãa, yꞥ i ãmũgue dupaturi aariburo. Irasirirã yaare mꞥsã masĩdeare neõ kãtibirikõãka! Piriro marĩrõ irire irinĩkõãka, mꞥsã wãjataburire ãmarĩ, ãrĩrã! ¹² Õãrõ yaare iritariwere, irire pirimerãnorẽ Yꞥꞥũ ꞥꞥroguere ããrĩmakũ irigũra. ĩgũsã ĩgũya wiima borari ããrĩrõsũ ĩgũ ꞥꞥro ããrĩnĩkõãrãkuma. Yꞥꞥũ wãirẽ ĩgũsãguere gojagũkoa, ĩgũyarã ããrĩrĩrẽ ĩmubu. ĩgũya makã wãidere gojagũkoa. ĩgũya makã, maama makã Jerusalén wãĩkũa. Iri makã ãmũgasigue merã دچارiri makã ããrĩrokoa. Yũde ĩgũsãrẽ yꞥ wãĩ, maama wãirẽ gojagũkoa. ¹³ Mꞥsã gãmipũrĩ oparã, Õãgũ deyomarĩgũ yꞥre bꞥremurĩ buri marãrẽ wererire õãrõ ꞥeka! ãrĩ gojaka, yaarã Filadelfiague ããrĩrãrẽ! ãrĩmi yꞥre.

Juan Laodicea marãrẽ gojadea

¹⁴ Jesucristo irire ãrĩ odo, ãsũ ãrĩnemomi doja:

–Laodicea marãrẽ yꞥre bꞥremurãrẽ, ĩgũsãrẽ yaare weregũdere ãsũ ãrĩ gojaka!

Yꞥ ãrĩrõsũta irigũ ããrã. Irasirigũ diayeta weregũ, Yꞥꞥũya kerere keoro weregũ ããrã. Yꞥꞥũ, yꞥ merã ããrĩpereri i ãmũmarẽ iridi ããrĩmi.

¹⁵ Yꞥ ããrĩpereri mꞥsã iririre masĩꞥeokõãa. Mꞥsã yꞥre bꞥremumerã, õãrõ

buremurā āārībea. Mérōgā yure buremurī opáa. Irasirigū yū mūsārē irasū āārīnemobirimakū gāāmea. ¹⁶ Yū, mūsā mérōgā buremurī oparire doogoráa. Irasirigū gajino ñerīrē dokabéodūagū irirosū mūsārē béodūagū āārā. ¹⁷ Yū mūsārē irasū iridūakeremakū, mūsā gapū āsū ārī werenía: “Wári opáa”, āārā. “Āārīpereri ōārō waáa, āārīpereri gūa gāāmerīrē opakōāa”, āārā. Irasū ārīkererā, yū iūrō neō gajino opamerā, boporā, surí marīrā, koye iāmerā irirosū āārā. Mūsā buremurī opamerā āārīrīrē masībea. ¹⁸ Irasirigū mūsārē: “Wári oparā āārā”, ārī péñarārē āsū ārī weregūra. Oro peamegue soe āmuadea yū oparire wajarika, wári opamurā! Iri ōārī oro oparā irirosū āārīrā, yure ōārō buremurī oparākoa. Surí boreri yū oparidere wajarika, surí marīrō āārībukoa, ārīrā! Mūsā irire sāñarā irirosū āārīrā, mūsā ñerī iri-deare pirirā, gūyasīrīrō marīrō āārīrākoa. Irasū āārīmakū, koye piuri kúdere wajarika, ōārō iāmurā. Mūsā irire piuanerā irirosū āārīrā, Marīpūyare ōārō iāmasīrākoa.

¹⁹ Mūsārē āārīpererā yū maīrārē ñerīrē irinemobirikōāburo, ārīgū, pūrīrō páro irirosū werea. Irasirirā yaare buro gāāmekā! Mūsā ñerī iri-deare bujawere, irire pirika! ²⁰ Ōārō péka! Yū mūsā merā āārīdūagū, sugū makāpuro ejanūgā oenīgū irirosū āārā. Sugū yure pégu, ōārō merā makāpuro tūpāsóogu irirosū āārīmi. Irasirigū yū ĩgū merā ōārō usūyaníkōāgūkoa. ĩgūde yū merā usūyanīgukumi. ²¹ Ōārīrē iritariwererānorē yū doaro tūrogoe doamakū irigūra, yū merā doreburo, ārīgū. Yū ōārīrē iritariwere, Yūpū merā Opū doarogoe doarosū, yūde ōārīrē irirārē irogoe doamakū irigūra. ²² Mūsā gāmpūrī oparā, Ōāgū deyomarīgū yure buremurī buri marārē wererire ōārō péka! ārī gojaka, yaarā Laodiceague āārīrārē! ārīmi Jesucristo yure.

4

Juan ūmūgasigūe Marīpūre buremurārē iādea

¹ Pūru ūmūgasigūe iāmu, tūpādea makāpurore iābu. Puriduru turaro busuro irirosū werenīpūroridi dupaturi turaro werenīrī busurore pébu. Āsū yure ārīmi:

—Ōōgue mūrīrika! Pūrugue yū waamakū iriburire mūrē ĩmugūra. Yū ārīderosūta waarokoa, ārīmi.

² ĩgū irasū ārī wereadero pūru, mata Ōāgū deyomarīgū ĩgū turari merā yure ūmūgasigūe āīmārīāmi. Irogoe mūrījagū, sugū Opū doarogoe doagūre iābu.

³ ĩgū, jaspe, cornalina wāīkuri yeri ūtāyeri goserosū ōārō gosesirigū āārīmi. Ōārō gosesiriri bero, esmeralda wāīkuriye irirosū gosesiri bero dekogue doami. ⁴ ĩgū doaro tūrore su bero veinticuatro oparā doari āārīrī berore iābu. Iri doariguere veinticuatro gora oparā mūrā doama. Boreri surí sāñama. ĩgūsā peyari berorīde oro berorī āārībú. ⁵ Opū doarogoe merā bupu miā, buro pámi. Iro doaro diaye su mojōma pere gajī mojō peru pērēbejari sīāgori yuku āārībú. Iri yukukata, Ōāgū deyomarīgū turari keori āārībú. ⁶ Gajī iro doaro diaye dia wādiya diumajī gosesirirosū āārībú. Ōārō deko sūridiya irirosū āārībú.

Iro doaro pūro gajirā wapikurā okarā āārīmā. ĩgūsāya diapure, ĩgūsāya pūpūpūre wári koye opama. ⁷ Yū iāpūroridi, ēōkaye irirosū deyogu āārīmī. ĩgū pūpūmū, wekū irirosū deyogu āārīmī. ĩgū pūpūmū, masakū irirosū diapukūgū āārīmī. ĩgūsā ūrerā pūpūmū, gapān ĩgū kēdūpūri sēēgū irirosū deyomi. ⁸ ĩgūsā wapikūragueta su mojōma pere gajī mojō suru pērēbejari kēdūpūri oparā

ãārĩmá. Īgūsāya kēdupuri pe gapugeta wári koye opabu. Ɛmuriku, ñamiriku bayama. Āsū ārĩ bayama:

“Ōāgū, ōāgū, ōāgū Marĩpu ãārĩpererā nemorō turagu, marĩ Opu ãārĩmi.✧

Īgū neōgoragueta ãārĩsiadi ãārĩmĩ.

Dapagoradere irasūta ãārĩníkōāmi.

Puruguedere irasūta ãārĩníkōāgukumi”, ārĩ bayanama.

⁹ Irasū bayarā, Marĩpu turarire bayarā irima. Īgūrē ãārĩpererinurĩ ãārĩnīgūrē: “Buro usuyáa mu merā”, ārĩ buremurā irima. ¹⁰ Īgūsā irasū baya buremumakū ĩārā, veinticuatro oparā murā, ĩgū doarogue doagu diaye ñadukupuri merā ejamejā, ĩgūrē buremuma. Īgū ãārĩpererinurĩ ãārĩnīgū ãārĩmi. Irasū buremurā, ĩgūsā peyari berorire ĩgū diaye meépeo, āsū ārĩma:

¹¹ “Mu, gua Opu turatarigu, ōātarigu ãārā. Gua buremugū ãārĩkōāgūta yáa.

Murē irasūta buremuníkōārō gāamea. Āārĩpererire iridi ãārā. Mu gāamerōsūta i ãārĩpererire iribu”, ārĩma Marĩpure.

5

Jesucristo oveja majĩgū irirosū ãārĩgū su papera tūrūrē kuraburi

¹ Marĩpure Opu doarogue doagure ĩgūya diayema mojō gapu papera tūrūrē opagure ĩābu. Iri tūrū, pe gapu gojadea tūrū, su mojōma pere gajĩ mojō peru pērēbejarigora ōārō wītābiadea tūrū ãārĩbú. ² Marĩpure wereboegu turagudere ĩābu. Īgū buro busuro merā āsū ārĩ sērēñami:

—¿Noā ãārĩrĩ, gajirā nemorō ōāgū i papera tūrū wītābiadeare kurabu? ārĩmi.

³ Ɛmugasigue, i nikūgue, i nikū poeka boanerā ãārĩrōguedere neō sugu iri tūrūrē kura, iri tūrūma gojadeare ĩāgū mámi. ⁴ Irasirigu iri tūrūrē kurabure ĩgūsā bokabirimakū ĩāgū, yu buro orebu. ⁵ Yu irasū oremakū ĩāgū, sugu, oparā murā watopemu āsū ārĩmi yure:

—Iropata oreka! Iripoeguemu opu David parāmi ãārĩturiagu iri tūrūrē su mojōma pere gajĩ mojō peru pērēbejarigora wītābiadeare kuramasĩmi. Īgū Judáya bumu, ēōkaye irirosū turatarigu ãārĩmi. Īgūrē ĩaturirārē tarinugādi ãārĩmi, ārĩ weremi yure.

⁶ Īgū irasū ārĩmakū pégu, Opu doarogue doagu diaye Jesucristo oveja majĩgū irirosū ãārĩgū nímakū ĩābu. Īgū wapikurā okarā, oparā murā watopegue ními. Oveja majĩgū wējēsūdi dupaturi okagu irirosū deyogu ãārĩmĩ. Su mojōma pere gajĩ mojō peru pērēbejari kúsari, irikuta koyedere opami. Iri kúsari, koye: Ōāgū deyomarĩgū turari, ĩgū masĩpeori keori ãārā. Marĩpu, Ōāgū deyomarĩgūrē ãārĩperero i nikūguere iriudi ãārĩmi. ⁷ Jesucristo oveja majĩgū irirosū ãārĩgū, Opu doaro purogue ejagu, iro doagure ĩgūya diayema mojō gapu opadea tūrūrē āmi. ⁸ Īgū irire āimakū ĩārā, wapikurā okarā, veinticuatro oparā murāde ĩgū oveja majĩgū irirosū ãārĩgū diaye ĩgūsāya ñadukupuri merā ejamejā, ĩgūrē buremuma. Īgūsākū arpa wāikuri buaputērĩrē, oro merā iridea paridere opama. Iri pari sūrōrĩ utariripari dita ãārĩbú. Iri sūrōrĩ Marĩpuyarā ĩgūrē sērēdea ãārĩbú. ⁹ Irasū ĩgūrē buremurā, maama bayarire āsū ārĩ bayapeoma: Mu wējēsūdi ãārā. Boagu, muya dí béori merā masaka ñerĩ iridea wajare wajaribosabu, ĩgūsā Marĩpuyarā ãārĩburo, ārĩgū. Āārĩpereri buri marārē, ĩgūsā ya werenirārē, ãārĩpererogue ãārĩpereri nikū marārē ĩgūsā ñerō iridea wajare wajaribosabu. Irasirigu iri tūrūrē āi, wītābiadeare kura-masĩa.

✧ 4:8 Is 6.2-3

¹⁰ Marĩpuyarārē: oparā, paía masakaya āārĩburire ĩgūrē sērēbosarā āārĩmakū iribu, ĩgū dorerire iriburo, ārĩgū. Irasirirā i ũmu āārĩpererogue āārĩrārē dorerākuma, ārĩma.✠

¹¹ Puru ũmugasigue ĩāmu, Marĩpue wereboerā wārā werenĩmakū pébu. Opu doaro, irasū āārĩmakū wapikurā okarā, veinticuatro oparā murā turo nígoroama. ĩgūsārē keo bokatĩũna marĩbu. ¹² Turaro merā āsū ārĩ bayapeoma: Oveja majĩgū, ĩgūsā wējēdi, dupaturi okagu, ōātarigu āārĩmi. Irasirirā ĩgūrē: “Āārĩpererārē doregu, āārĩpererire opagu, masĩpeogu, turatarigu, marĩ goepeyari merā buremugū, gosesiriri merā deyogu, ōātarigu āārĩmi”, ārĩ, usuyari sĩburo, ārĩma.✠

¹³ Puru gajirā bayapeomakū pébu. ĩgūsā āārĩpererā Marĩpu irinerā āārĩmā: ũmugasigue āārĩrā, i nikūgue āārĩrā, i nikū poeka boanerā āārĩrōgue āārĩrā, dia wādiyague āārĩrā āārĩmā. Āārĩperero i ũmuguerē āārĩrā āārĩmā. Āsū ārĩ bayapeoma:

Opu doarogue doagure: “Ōātarigu, marĩ goepeyari merā buremugū, gosesiriri merā deyogu, turatarigu āārĩmi”, ārĩ buremuburo.

Irasū āārĩmakū, oveja majĩgū irirosū āārĩgūdere irasūta piriro marĩrō āārĩpererinurĩ buremuburo, ārĩma.

¹⁴ ĩgūsā irasū ārĩmakū pérā, wapikurā okarā: “Irasūta ārĩburo”, ārĩma. Irasirirā veinticuatro oparā murā ñadukupuri merā ejamejā, ĩgūrē āārĩnĩgūrē āārĩpererinurĩ usuyari sĩma.

6

Jesucristo oveja majĩgū irirosū āārĩgū papera tūrū wĩtābiadeare kurawāgādea

¹ Puru Jesucristo oveja majĩgū irirosū āārĩgū papera tūrū ĩgū āidea tūrū wĩtābiapuroriderore kuramakū ĩābu. ĩgū kuradero puru, sugu, wapikurā okarā watopemu yure: “ĩāgū aarika!” ārĩmakū pébu. Irasū ārĩgū, bupu buru buremuburo werenĩmi.

² ĩgū irasū ārādero puru, caballu boregure ĩābu. ĩgū weka peyagu sĩrĩturore opami. Marĩpu ĩgūrē opu peyari berore sĩmi. Irasirigu ĩgūrē ĩāturirārē gāmekēā tarinugāgū āārĩsĩā, dupaturi gāmekēā tarinugāgū waami doja.

³ Puru Jesucristo oveja majĩgū irirosū āārĩgū gajiro wĩtābiaderore kurami doja. ĩgū kuradero puru, gajigu wapikurā okarā watopemu yure: “ĩāgū aarika!” ārĩmakū pébu. ⁴ ĩgū irasū ārādero puru, gajigu caballu diagu wirimi. Marĩpu ĩgū weka peyagure turarire sĩmi. Iri turari merā i ũmugue āārĩrārē ĩgūsā basi siñajārĩ opanemobirimakū irimi. Wārĩ majĩ sareri majĩrē ĩgūrē sĩmi. Irasirigu ĩgūsārē gāmewējēmakū irimi.

⁵ Puru Jesucristo oveja majĩgū irirosū āārĩgū gajiro wĩtābiaderore kurami doja. ĩgū kuradero puru, gajigu wapikurā okarā watopemu yure: “ĩāgū aarika!” ārĩmakū pébu doja. ĩgū irasū ārādero puru, gajigu caballu ñĩgūrē ĩābu. ĩgū weka peyagu nukurĩ keorore opami. ⁶ Puru wapikurā okarā watopegue sugu āsū ārĩ werenĩmakū pébu:

—Baari pereakōārokoa. Irasirirā masaka trigo yerire su kilota, sunu moārĩ waja merā wajarirākuma. Sunu moārĩ waja merā cebada yeridere ure kilota wajarirākuma. Uye, igui deko* gapure peremakū iribirikōāburo, ārĩmi.

✠ **5:10** Ex 19.6; Ap 1.6; 20.6 ✠ **5:12** Jn 1.29; 1 Co 5.7 * **6:6** Masaka olivo wāikudima dukare aceitunas wāikurĩ dukare bipirā, uye opakuma ĩgūsā baaburire. Iguida dukare kurabipirā, igui deko opakuma ĩgūsā irĩburire. Irasirigu sugu wapikurā okarā watopeguemu: “uye, igui deko gapure peremakū iribirikōāburo”, ārĩgū: “Olivo wāikurĩ yuku, iguidarire poyanorēbirikōāburo”, ārĩ werenĩmi.

⁷ Pɔrɔ Jesucristo oveja majĩgũ irirosũ ããrĩgũ gajiro wĩtãbiaderore kurami. Ĩgũ kuradero pɔrɔ, gajigũ wapikũrã okarã watopemũ yũre: “Ĩãgũ aarika!” ãrĩmakũ pébũ. ⁸ Ĩgũ irasũ ãrĩmakũ pégũ, diiaweya borewijigũ caballure ĩãbũ. Ĩgũ weka peyagũ masakare boamakũ irigũ ããrĩsĩã: “Boari” wãikũmi. Ĩgũ pɔrɔ gajigũ “Boanerã ããrĩrõ” wãikũgũ aarimĩ. Jesucristo oveja majĩgũ irirosũ ããrĩgũ ĩgũsã pẽrãrẽ ããrĩperero i nikũguere surãyeri masakare wẽjẽdoremi. Gãmwẽjẽrĩ merã, ɔaboari merã, pũrĩrikari merã, waimũrã makãnũũ marã guarã merã, surãyeri masakare wẽjẽburire pími. ããrĩpererã masaka wapikũri buri dukawa, keomakũ, su bumarã keoropa ããrĩrãrẽ wẽjẽdoremi.

⁹ Pɔrɔ Jesucristo oveja majĩgũ irirosũ ããrĩgũ gajiro wĩtãbiaderore kurami doja. Ĩgũ kuradero pɔrɔ, Marĩpũre sĩdea soepeoro doka, Jesucristore bũremurã wẽjẽsũnerãya yũjũpũrãrĩrẽ ĩãbũ. Ĩgũsã ĩgũya kerere weredeã waja, irasũ ããrĩmakũ ĩgũyare piribirideã waja wẽjẽsũnerã ããrĩmã. ¹⁰ Ĩgũsã turaro merã Marĩpũre ãsũ ãrĩma:

—Gũũ Opũ, mũ ããtarigũ, ñerĩ marĩgũ ããrã. Mũ: “Ãsũ irigũrã”, ãrĩdeare diayeta irigũ ããrã. ¿Naásũ ããrĩmakũ i mũũ marãrẽ wajamoãgũkuri, ĩgũsã gũare wẽjẽdeã waja? ãrĩma.

¹¹ Pɔrɔ ĩgũsãrẽ boreri surĩ, yoarire sĩmi. ãsũ ãrĩmi:

—Siñajãka dapa! Gajirã mũsãyarã Jesucristore bũremurã ĩgũya kere wereri waja mũsã irirosũ wẽjẽsũrãkuma. ĩgũsãrẽ wẽjẽpeoburo mërõ dũyãã, ãrĩmi.

¹² Pɔrɔ Jesucristo oveja majĩgũ irirosũ ããrĩgũ gajiro wĩtãbiaderore kuramakũ ĩãbũ doja. Irore kuramakũ, nikũ bũro ñomebũ. Abe mũmũũ goero ñĩgũ waami. Kó surĩro ñĩrõ sãñarõ irirosũ deyogũ waami. Abe ñamimũ goero diiagũ, dí irirosũ deyogũ waami. ¹³ Neñukãde mũmũgasigue ããrãnerã, nikũgue yuridijakõãma. Yũkũbũ dukare mirũ bũro wẽjãpu bura dijurosũ yuridijama.

¹⁴ Irasiriro papera pũrẽ tũrãbéo dedeurosũ, mũmũgasi dederiakõãbũ. ããrĩpereri ãtãyuku, mũgũrĩde gajirogue waabũ. ¹⁵ Irasũ waamakũ ĩãrã, i mũũ marã oparã ãtãyukuma goberigue, ãtãyeri watopegue durirã waama. Gajirã: surara oparã, wãri doebiri oparã, turari merã dorerã, ããrĩpererã moãrĩmasã, moãrĩmasã ããrĩmerãde irogueta duriadima. ¹⁶ Irasũ durirã, ãtãyukure, ãtãyeridere ãsũ ãrãdima:

—Gũũ weka yuridijarikõãka! Kãmutaka, Opũ doarogue doagũ gũare bokabirikõãburo. Kãmutaka, oveja majĩgũ irirosũ ããrĩgũ gũare bũro wajamoãbirikõãburo. ¹⁷ Ĩgũ gũare wajamoãrĩnũ ejasiãã. ¿Noã bokatĩũbukuri ire? ãrĩ gaguinĩma.

7

Israel bumarãya diapuserorire Marĩpũ wãĩ tuusũnerãyare weredeã

¹ Pɔrɔ wapikũrã Marĩpũre wereboerãrẽ ĩãbũ. Sugũ norte gapũ, gajigũ sur gapũ, gajigũ abe mũrĩriro gapũ, gajigũ abe ñajãrõ gapũ nĩma, mirũ wẽjãpubirimakũ irimurã. Irasiriro i nikũgue, dia wãdiyaguedere neõ mirũ wẽjãpubiribũ. Neõ sugũ yukure mirũ wẽjãpubiribũ. ² Ĩgũsã i nikũrẽ, dia wãdiyadere poyanorẽdoresũnerã ããrĩmã. Pɔrɔ gajigũ Marĩpũre wereboegũre ĩãbũ doja. Ĩgũ abe mũrĩriro gapũ aarimĩ. Marĩpũ okanĩgũya wãĩ tuuyariñerẽ opami. Gajirã Marĩpũre wereboerã wapikũrãrẽ turaro merã ãsũ ãrĩ werenĩmi:

³ —I nikũ, dia wãdiya, yukure poyanorẽbirikõãka dapa! Marĩ Opũre moãboerãrẽ ĩgũsãya diapuserorire ĩgũ wãĩ tuuadero pɔrɔ, irire poyanorẽka! ãrĩmi.

⁴ Puru ĩgũ werenímakũ pébu. Āsũ ārĩmi: “Ciento cuarenta y cuatro mil masaka Israel parāmerā āārĩturiari buri marā ĩgũsāya diapuserorire Marĩpu wāĩ tuusũnerā āārĩmá”, ārĩmi. ⁵ ĩgũsā āārĩnerā āārĩmá: Judáya bumarā doce mil, Rubēya bumarā doce mil, Gadya bumarā doce mil, ⁶ Aserya bumarā doce mil, Neftalíya bumarā doce mil, Manaséya bumarā doce mil, ⁷ Simeōya bumarā doce mil, Levíya bumarā doce mil, Isacarya bumarā doce mil, ⁸ Zabulōya bumarā doce mil, Joséya bumarā doce mil, Benjamíya bumarā doce mil āārĩnerā āārĩmá.

Wárā surí boreri sãñarãyare weredeá

⁹ Puru wárā masakare ĩābũ. Surãyeri āārĩpereri buri marā, ĩgũsā ya werenírã, āārĩpererogue āārĩpereri nikũ marā āārĩmá. ĩgũsā, Marĩpu, Opũ doarogue doagu diaye, Jesucristo oveja majĩgũ irirosũ āārĩgũ diaye níma. ĩgũsārē keo bokatĩũña marĩbũ. Surí borerire sãñama. Mujĩ pũrĩrē opama. ¹⁰ ĩgũsā āārĩpererã turaro merā āsũ ārĩ gaguiníma:

Marĩpu marĩrē taugu āārĩmi. ĩgũ, Opũ doarogue doagu āārĩmi. Jesucristo oveja majĩgũ irirosũ āārĩgũde marĩrē taugu āārĩmi, ārĩma.

¹¹ Āārĩpererã Marĩpure wereboerã Opũ doaro turo, irasũ āārĩmakũ oparã murã, wapikurã okarã turo nígoroama. Marĩpure irogue doagure buremurã, ĩgũ diaye ñadukupuri merã ejamejã, ĩgũsāya diapurire yebague moomejãma. ¹² Āsũ ārĩma:

Marĩ Opure: “Ōātarigu, gosesiriri merã deyogu, masĩpeogu āārã, gũa mu merã usuyáa”, ārĩ, usuyari sĩrã!

“Mu, gũa gopeyari merã buremugũ, turatarigu, āārĩpererãrē doregu āārã”, ārĩrã ĩgũrē!

Āārĩpererinurĩ irasũ ārĩnírã! Irasirirã: “Irasũta ārĩburo”, ārĩ buremuma ĩgũrē.

¹³ Puru sugũ, oparã murã watopemu yure sērēñami:

—¿Ñeémarãno āārĩrĩ ĩsã surí boreri sãñarã? ¿Noógue aarayuri? ārĩmi.

¹⁴ ĩgũ irasũ ārĩmakũ pégu, yũ gapũ ĩgũrē yũjubũ:

—Yũ opũ, mu masĩkoa, ārĩbũ.

Yũ irasũ ārĩmakũ pégu, āsũ ārĩmi:

—I mũmu marã bũro ñerõ tariripoere ĩgũsãde ñerõ tarima. ĩgũsã Jesucristo oveja majĩgũ irirosũ āārĩgũya dí béori merã ĩgũsāya suríre koe, boreri surí waamakũ irinerã irirosũ āārĩma. Irasũ āārĩrã, Jesucristore ĩgũsārē boabosa, ĩgũya dí béodire buremusiã, Marĩpu ĩũrõrē ñerĩrē opamerã āārĩma. ¹⁵ Irasirirã, Marĩpu, Opũ doarogue doagu diaye níma, ĩgũ gããmerõsũ irimurã. Ūmurĩkũ, ñamirĩkũ ĩgũya wii mũmugasima wiigũe ĩgũrē buremuma. ĩgũ, ĩgũsã merã irasũ āārĩnĩkõãmi ĩgũsārē koregu. ¹⁶ Irasirirã neõ dupaturi uaboanemobirikuma. Neõ ñemesibusũnemobirikuma. Neõ abe mũmũ ĩgũsārē bũro asinemobirikumi. Gaji asiri ĩgũsārē neõ ñerõ tarimakũ irinemobirikoa. ¹⁷ Oveja majĩgũ irirosũ āārĩgũ, ĩgũ doarogue doagu diaye nígũ, ovejare korerimasũ irirosũ ĩgũsārē koregũkumi. Perebiri okari sĩrĩ deko* wiriri gobegue āāgũkumi. Irasirirã

* **7:17** San Juan 11.25: Jesús ārĩmi: —Yũ boanerãrē masãmakũ irigu, ĩgũsārē okari sĩgũ āārã. Yure buremugũ boadigue āārĩkoregu, okagũkumi, ārĩmi. San Juan 14.6: Jesús ārĩmi doja: —Yũ dita Yũpu purogue waarĩ maa irirosũ āārã. Yũ diayema āārĩrĩrē masakare masĩmakũ irigu, ĩgũsārē okamakũ irigu āārã. Yũ merãta Yũpu purogue waarãkuma, ārĩmi. Irasirigu Jesús deko wiriri gobema perebiri okarire sĩrĩ deko irirosũ āārĩmi. ĩgũ merã ĩgũrē buremurã ĩgũ Pagũ pũro i perebiri okarire opamurã āārĩma.

usuyari merā āārīnīkōārākuma. Marīpu āārīpereri ĩgūsā kódeko wiririre niūgukumi. Irasirirā neō dupaturi bujawereri merā āārībirikuma.

8

Papera tūrūrē wītābiatūnudea, sārōrī soemudiru oro merā irideare weredea

¹ Jesucristo oveja majīgū irirosū āārīgū, su mojōma pere gaji mojō suru pērēbejari papera tūrūrē wītābiadeare kura odoadero puṛu, iri tūrūrē wītābiatūnuderore kurami. Irore kuramakū, āārīperero ūmugasigue gajino neō buṣubiriakōābu. Su hora deko irasū waabu. ² Puṛu su mojōma pere gaji mojō peru pērēbejarā Marīpue wereboerārē ĩgū puṛo nīmakū ĩābu. ĩgūsākure puririduparure sīmi. ³ Puṛu gajigu Marīpue wereboegu sārōrī soemudiru oro merā iridirure opagu, Marīpue sīdea soepeoro puṛogue waa ejanugājami. ĩgū irogue nīmakū, wáro sārōrīrē sīma. Iri sārōrī, āārīpererā Marīpuyarā ĩgūrē sērēdea merā morē soemuburi āārībú. Irasirigu, Marīpu, Opu doarogue doagu diaye, oro merā iridea soepeorogue irire soemumi. ⁴ Iri sārōrī, soepeoro weka poósiri peo soemumakū, Marīpu puṛogue ĩmīkā, ĩgūyarā ĩgūrē sērēdea merā mārīākōābu. ⁵ Puṛu Marīpue wereboegu i soepeoroma peamerē ĩgū soemudirugue āi poósā odo, i nikūgue poómeédijukōāmi. ĩgū irasū poómeédijumakūta, bupu miā, buṛo pámi. Irasū āārīmakū, nikūde ñomebu.

Marīpue wereboerā puririduparure puridea

⁶ Puṛu su mojōma pere gaji mojō peru pērēbejarā Marīpue wereboerā ĩgūsāya puririduparure āmurā irima.

⁷ Āārīpuroorigu Marīpue wereboegu ĩgūyarure purimi. ĩgū puriadero puṛu, deko yeri yusari yeri peame merā, dí merā morērī yeri nikūgue yuribu. Iri yeri yurimakūta, i nikū ūjūākōābu. I nikū deko ejaburogora ūjūtūnubu. Yukude, tá yasaride iropata ūjūbu.

⁸ Puṛu gajigu Marīpue wereboegu ĩgūyarure purimi doja. ĩgū purimakū, wádi ūtāū irirosū deyodi, peame merā ūjūnīdi, dia wádiyague mirūa dijabu. Irasiriro i nikū ūjūderopata wádiyama deko, dí poyakōābu. ⁹ Irasirirā āārīpererā wádiya marā ure bu dukawamakū, su bumarā boakōāma. Doóriduparu wádiyague āārīrīde, iropata ūjūbu.

¹⁰ Pērā Marīpue wereboerā ĩgūsāya puririduparu puriadero puṛu, gajigu Marīpue wereboegu ĩgūyarure purimi doja. ĩgū purimakū, wágu neñukāmu sīāgori turu ūjūrī irirosū deyogu ūjū, mutādi nikūguere dijijami. ĩgū diariguere, deko wiriri goberiguere deko ejaburogora meémejāmi. ¹¹ ĩgū: “Sūĩgū” wāĩkumi. Deko ĩgū meémejādero ejatuaru sārī deko waabu. Irasū waadero puṛu, iri dekore iirirā, wārā masaka boama.

¹² Urerā Marīpue wereboerā ĩgūsāya puririduparu puriadero puṛu, gajigu Marīpue wereboegu ĩgūyarure purimi doja. ĩgū purimakū, abe ūmumu, ñamimude deko ejaburogora poyanorēma. Neñukāde iropata poyanorēma. Irasirigu abe, ūmurē wapikuri horagora neō boyobirimi. Namidere wapikuri horagora abe ñamimu, neñukā neō boyobirima.

¹³ Puṛu ūmarōgue ĩāmugū, gapáu wúwāgāgūrē ĩābu. ĩgū turaro merā āsū ārī werenīmakū pébu:

—Ayó! Ayó! Ayó! Gajirā urerā Marīpue wereboerā ĩgūsāya puririduparure puribema dapa. ĩgūsā irire puriadero puṛu, ñetariro waarokoa i nikūgue āārīrārē, ārīmi.

9

¹ Pɥɥ wapikurã Marĩpɥe wereboerã ĩgũsãya puririduparu puriadero pɥɥ, gajigu Marĩpɥe wereboegu ĩgũyarure purimi doja. ĩgũ purimakũ, neñukãmu irirosũ deyogu ãmugasigue ããrãdi i nikũgue yuriadire ĩãbɥ. Buro ãkũãrĩ gobema sawire ĩgũrẽ sĩma. ² ĩgũ iri gobere tũpãmakũ, wãri peamema ĩĩmikã wiribɥ. Iri ĩĩmikã abe ãmumurẽ tuúbiatobɥ. Irasiriro ãmarõgue naĩtĩãrõ waabɥ. ³ Poreroa, ĩĩmikã watopegue ããrãnerã, i nikũgue wúdijarima. Korebaba irirosũ toarã ããrĩmã. ⁴ Marĩpɥ ĩgũsãrẽ táre, yukure, gaji otedeare poyanorẽdorebirimi. “Ĩgũsãya diapuserorire yɥ wãĩ tuuña marĩãno ditare ñerõ tarimakũ irirãkoa”, ãrĩmi. ⁵ ĩgũsãrẽ toawẽjẽdorebirimi. Su mojõmarã abegora ĩgũsãrẽ buru pũrĩmakũ iridoremi. Irasirirã korebaba toari pũrĩrõsũ ĩgũsãrẽ pũrĩmakũ irima.

⁶ ĩgũsãrẽ pũrĩripoere masaka buru boadɥadima. ĩgũsã boadɥakeremakũ, boamasĩña marĩbɥ.

⁷ Poreroa, caballua gãmekẽãburi dupiyuro ãmu odoanerã irirosũ deyoma. ĩgũsãya dipure oparã peyari berorí, oro merã iridea berorí irirosũ deyorire peyama. ĩgũsãya diapuri masakaya diapu irirosũ deyobɥ. ⁸ ĩgũsãya poari, nomeya poañapu irirosũ ããrĩbú. ĩgũsãya guika, eõkayea guika irirosũ ããrĩbú. ⁹ ĩgũsãya koretibirire kõme merã iridea kãmutari suríro sãñanerã irirosũ ããrĩmã. ĩgũsã wúmakũ, ĩgũsãya kẽdupuri buru busubɥ. Wãrã caballua tũrũrĩduparure ĩgũsã gãmewẽjẽrõgue mumurõ merã tũãwãgãrã irirosũ busubɥ. ¹⁰ Korebaba irirosũ ĩgũsãya pore merã toarã, masakare su mojõmarã abegora pũrĩmakũ irima. ¹¹ Poreroa opɥ, buru ãkũãrĩ gobe opɥ ããrĩmi. ĩgũ Marĩpɥe wereboegu ããrĩdi ããrãdimi. Hebreo ya merã “Abadón” wãikumi. Griego ya merã “Apolión” wãikumi. “Apolión”, ãrĩrõ: “Ñerõ poyanorẽrĩmasũ”, ãrĩduaro yãa.

¹² Poreroa masakare ñerõ pũrĩmakũ iriadero pɥɥ, ñerõ taripɥoridea pereakõãbɥ. Iri pɥɥ, pero ñerõ tariri dɥyãa dapa.

¹³ Pɥɥ su mojõmarã Marĩpɥe wereboerã ĩgũsãya puririduparu puriadero pɥɥ, gajigu Marĩpɥe wereboegu ĩgũyarure purimi doja. ĩgũ purimakũ, sugu werenĩmakũ pẽbɥ. Marĩpɥ ĩũrõ ĩgũsã ĩgũrẽ sĩdea soepeoro, oro merã iridea soepeorogue ĩgũ werenĩrĩ busubɥ. Iri soepeoroma wapikuri kúsari watopegue ĩgũ werenĩrĩ busubɥ. ¹⁴ Irasũ werenĩgũ, puriduru puriadire ãsũ ãrĩmi:

–Wapikurã Marĩpɥe wereboerã ããrãdinerãrẽ wiuka! ĩgũsã dia wãdiya Eufrates wãikudiyague sɥadobosũnerã ããrĩma, ãrĩmi.

¹⁵ Irasũ ãrĩmakũ pẽgɥ, Marĩpɥe wereboegu ĩgũsã wapikurãrẽ wiumi, wãrã masakare wẽjẽmurãrẽ. Irasirigu Marĩpɥ ĩgũsãrẽ: “I hora, inɥ, ĩĩ abe, i bojori ããrĩmakũ, wiusũrãkuma”, ãrĩderosũta keoro waabɥ. Irasirirã ããrĩpererã i nikũgue masakare ure bu dukawamakũ, su bumarãrẽ wẽjẽrã waama. ¹⁶ ĩgũsã merã wãrã surara caballua weka peyarã ããrĩmã. “Ĩgũsã ããrĩpererã doscientos millones surara ããrĩma”, ãrĩrĩrẽ pẽbɥ.

¹⁷ Yɥ kërõsũgue caballuare, ĩgũsã weka peyarãdere ĩãbɥ. ãsũ deyoma: ĩgũsãya koretibirire kõme merã iridea kãmutari suríro sãñanerã ããrĩmã. Iri kãmutari surí, diari, yasari, boreri surí deyobɥ. Irasiriro peame ãjũrĩ, ãtãye jacinto wãikuriye, azufre wãikuri poga irirosũ deyori ããrĩbú. Caballuaya dipu eõkayea dipu irirosũ deyobɥ. ĩgũsãya disirigue peame, ĩĩmikã, azufre wãikuri poga ãjũrĩ ĩĩmikãde wiribɥ. ¹⁸ Irasirirã caballua ĩgũsãya disi wiriri: peame, ĩĩmikã, azufre ãjũrĩ merã ããrĩpererã masakare ure bu dukawamakũ

su bumarārē wējēma. ¹⁹ Īgūsāya disi wiriri merā, Īgūsāya pore merā wējēma. Īgūsāya pore yuwari, āña dipu irirosū deyobu. Iri merā masakare kāmítúma.

²⁰ Gajirā masaka peame, ĩmíkā, azufre ɛ́jírī merā boamerā gapu irire waamakū ĩakererā, Īgūsā ñerō iririre neō piribirima. Wātēārē buremurīrē neō piribirima. Īgūsā buremurā keori weadea: oro, plata, bronce, ɛ́tāyeri, yuku merā irideare buremurīrē neō piribirima. Iri keori weadea neō ĩābiri, neō pébiri, neō naabiri āārīkeremakū, Īgūsā irire soebuima. ²¹ Irasū āārīmakū, Īgūsā masakare wējēdeare, Īgūsā yéa āārīrā irideare, Īgūsā kōābiradeare, Īgūsā yajadeadere neō bujawerebirima. Iri āārīpererire neō piribirima.

10

Marīpuru wereboegu papera tūrūgārē opadea

¹ Puru gajigu turagu Marīpuru wereboegu ɛ́mugasigue merā ĩmíkāyebo dekogue dijarimakū ĩābu. Īgūya dipuru wekare buida āārībá. Īgūya diapu abe ɛ́mumu irirosū goesiribu. Īgūya ñigārī peame irirosū gosebū. ² Īgūya mojogue papera pū kuradea tūrūgārē opami. Īgūya diayema gubu merā dia wádiyague tápími, kúgapama gubu merā níkūgue tápími. ³ Irogue nígū, turaro ēōkaye gaguinírosū gaguiními. Īgū irasū gaguinímakū, su mojōma pere gaji mojō peru pērēbejarā bupua wereníma. ⁴ Īgūsā wereníadero puru, Īgūsā wereníadeare gojanugābu. Yu gojanugāmakū, sugu ɛ́mugasigue āārīgú yure āsū ārī weremi:

—Bupua wereníadeare gajirārē werebirikōāka! Irire gojabirikōāka! ārīmi.

⁵ Puru yu wádiyague, níkūgue nímakū ĩādi, Īgūya diayema mojōrē ɛ́mugasigue soemumi. ⁶ Irasū soemugū, Marīpuru okanígū, ɛ́mugasi, i níkū, dia wádiya āārīpererā irogue āārīrārē iridi wāi merā wāipeo, āsū ārīmi:

—Ī ɛ́mu pereakōāa. Iropata āārā. ⁷ Su mojōma pere gaji mojō suru pērēbejarā Marīpuru wereboerā Īgūsāya puririduparure purisíama. Gajigu Īgūyarure purimakū, Marīpuru Īgū: “Āsū irigura”, ārīdeare, iripoegue marā masībirideare iriyuwarikugukumi. Irasiriro iri, Īgūrē moāboerārē, Īgūya kerere weredupiyunerārē Īgū: “Āsū irigura”, ārīdea keoro waarokoa, ārīmi.

⁸ Īgū irasū ārādero puru, ɛ́mugasigue āārīgú yure werenídi, dupaturi āsū ārī wereními:

—Sīi Marīpuru wereboegu, wádiyague, níkūgue nígū purogue waaka! Īgūya mojogue papera pū kuradea tūrūgārē opami. Iri pūgārē āika! ārīmi. ⁹ Īgū irasū ārīmakū pégu, Īgū purogue waabu. Īgūrē yu papera pūgārē sērēmakū pégu, āsū ārī yujumi yure:

—Āi, baaka! Mu baamakū, mume irirosū oārō misōrokoa. Muya paru gapu, puru buro sūirokoa, ārīmi.

¹⁰ Īgū irasū ārīmakū pégu, iri pūgārē Īgūrē āi, baabu. Yu baamakū, mume irirosū misōbu. Baa odoadero puru, yaa paruguere sūirō péñabu. ¹¹ Puru āsū ārīmi yure:

—Dupaturi wári buri marārē, wári níkū marārē, Īgūsā ya werenírārē, Īgūsā oparādere Marīpuru Īgūsārē: “Āsū irigura”, ārīdeare weregu waaka! ārīmi.

11

Pērā Marīpuryare wererimasā weredea

¹ Puru Marīpuru yure keodi, tuadi irirosū deyodire sīmi. Sī odo, yure āsū ārīmi:

—Igu merā yaa wiire keogu waaka! Iri wiimarē yu ĩūrō Īgūsā yure sīdea soepeorodere keoka! Iri wiiguere masakare yure buremurādere: “¿Níisāku āārīrī?” ārī keoka! ² Iri wii taroma gapure keobirikōāka! Iri gajiro marā

masakare wiadea nikū āārā. Īgūsā cuarenta y dos abegora yaa makārē* poyanorēgorenarākuma. ³ Irasirigū yaare weremurārē pērā iriugura. Yoaripoe mil doscientos sesenta narīgora yaare wererākuma. Īgūsā bujawereri ĩmurā, kó surí sãñanerā āārīrākuma, ārīmi.

⁴ Īgūsā pērā Marīpuyare weremurā, pegū olivo wāikuri yuku, irasū āārīmakū pegū sīāgori yuku irirosū āārīma. Marīpū i nikū Opū ĩūrō nīma. ⁵ Īgūsārē ĩaturirā Īgūsārē ñerō iriduamakū, Īgūsāya disigue peame ũjūrī pūrā wiriri merā Īgūsārē soe wējēpeokōārākuma. Irasirirā āārīpererā Īgūsārē ñerō iriduārārē iri merā boamakū irirākuma. ⁶ Īgūsā Marīpuyare wererīnūrērē deko merēdorebirimakū merēbirikoa. Irasū āārīmakū dekore dí poyadoremakū dí poyarokoa. I nikū āārīpererogue āārīrārē āārīpereri gajirosūperi ñerō taridorerākuma. Īgūsā iriduaro pa ñerō tarimakū irirākuma.

⁷ Marīpuyare were odomakū, buro ũkūārī gobegue āārīgú, ñegū gajirosū deyogu wirigukumi, Īgūsā pērā merā gāmekēābu. Īgūsārē gāmekēā, Īgūsārē tarinugā, wējēkōāgukumi. ⁸ Īgūsārē wējēadero purū, Īgūsāya dupuri dari wári makāma maague oyarokoa. Iri makā, marī Opure Jesucristore Īgūsā curusague pábiatú wējēdea makā āārā. Iri makā marā ñerā āārīrā, Sodoma marā, Egipto marā ñerā āārīnerā irirosū āārīma. ⁹ Urenū gajinū dekogora Īgūsāya dupuri dari iri maarē oyarokoa. Āārīpereri nikū marā, āārīpereri buri marā, Īgūsā ya werenirā Īgūsāya dupuri darire ĩārākuma. Gajirārē iri dupuri darire yáadorebirikuma. ¹⁰ Īgūsā pērā okarā, i ũmū marā masakare buro ñerō tarimakū irinerā āārīma. Īgūsā boamakū ĩārā, usuyarākuma. Bosenu iri, gajinorē gāme sīrākuma.

¹¹ Īgūsā boadero purū, urenū gajinū deko purū, Marīpū Īgūsārē masū, dupaturi okamakū irimi doja. Īgūsā wāgānugāmakū ĩārā, āārīpererā buro güima. ¹² Purū sugū ũmugasigue āārīgú Īgūsā pērārē turaro merā āsū ārī werenimākū péma:

—Ōogue marīrika musā! ārīmi.

Īgū irasū ārīmakū pérā, ĩimikāyebō merā marīākōāma. Īgūsā marīāmakū, Īgūsārē ĩaturirā ĩāma. ¹³ Īgūsā marīaripoe nikū buro ñomebū. Iri makāma wiiri wári mirūadijabū. Wārā siete mil masaka boama. Gajirā duparā gapū buro güima. “Marīpū ũmugasigue āārīgú turatarigū āārīmi”, ārīma.

¹⁴ I āārīpereri irasū waadero purū, pero ñerō tariri waasiabū. Irasū waak-eremakū, mérōgā purū masaka dupaturi ñerō tarirākuma doja.

Marīpure wereboegu puriduru puritūnudea

¹⁵ Purū su mojōma pere gajī mojō suru pērēbejarā Marīpure wereboerā Īgūsāya puririduparure puriadero purū, gajigū ĩgūrē wereboegu ĩgūyarure purimi. Īgū purimakū, ũmugasigue āārīrā turaro merā āsū ārī werenīma: Dapagorare Marīpū, ĩgū iriudi Cristo merā āārīpererā i ũmū marārē doregū

ñajāmi. Īgū doreri neō perebirikoa, ārīma.✱

¹⁶ Irasū ārīmakū pérā, Marīpū diaye oparā doarigue doarā veinticuatro oparā mūrā Marīpū ĩūrō ñadukūpuri merā ejamejāja, ĩgūsāya diapure yebague moomejā, ĩgūrē buremu, ¹⁷ āsū ārīma:

Gua Opū, āārīpererā nemorō turagu āārā. Mū merā usuyāa. I ũmurē iriburo dupiyuro āārīsiabū. Dapagoradere āārīnīkōāa. Puruguedere irasūta āārīnīkōāgukoa. Mū turari merā masakare dorenugāa. Irasirirā mūrē usuyari sīa.

* 11:2 Marīpuya makā, Jerusal'eta āārā. ✱ 11:15 Ex 15.18; Dn 2.44; 7.14, 27

18 I ũmu marã murẽ gããmemerã, mu merã guatarima. Mu ïgũsarẽ wajamoãrĩnu, irasũ ããrĩmakũ boanerãdere mu wajamoãripoe ejasiáa. ããrĩpererã muyarã gapure õãrĩrẽ sïgukoa.✠

Muya kerere weredupiyurimasãrẽ, murẽ õãrõ goepeyari merã buremurãrẽ, oparãrẽ, ubu ããrĩrãdere õãrĩrẽ sïgukoa. I ũmu marãrẽ poyanorẽã gapure béoripoe ejasiáa, ãrĩma.✠

19 ïgũsã irasũ ãrãdero puru, Marĩpuya wii ũmugasigue ããrĩrĩ wii makãpuro tũpãsũbu. Iri wii poekague su kũmarẽ ããrĩbu. Iri kũma, Marĩpu masakare wererĩri gojadesa opari kũma ããrĩbũ. Iri kũmarẽ ããmakũta, bupu miã, buru pámi. Irasũ ããrĩmakũ, i nikũ ñomebu. Wãri deko yeri yusari yeri nikũgue yuribu.

12

Nomeõya, irasũ ããrĩmakũ pĩrũ irirosũ deyoõya kerere weredeã

1 Puru ũmugasigue gajirosũperi buru goeri deyoamakũ ããrĩbu. Irasũ waaripoe sugo nomeõrẽ ããrĩbu. Igoya surĩro abe ũmumu irirosũ gosesiribu. Abe ñamimu weka nímo. Opu peyari berore, pe mojõma pere su gubu peru pẽrẽbejarã neñukã opari berore peyamo. 2 Igo pũrãkuburo mérõgã duyabu. Irasirigo igo nijĩwãgũgõ pũrĩrõ merã gaguinimo. 3 Puru gaji ũmugasigue deyoamakũ ããrĩbu. Wãgu pĩrũ diiagu diakẽã irirosũ deyoõgure ããrĩbu. ïgũ su mojõma pere gaji mojõ peru pẽrẽbejari dipu opagu ããrĩmĩ. Dipuku, oparã peyari berorĩre peyami. Pe mojõma kũsari opagu ããrĩmĩ. 4 ũmugasigue ããrĩrã neñukãrẽ ure bu dukawamakũ, su bumarãrẽ ããrĩya pore merã wẽjãsiri meedijumi. ïgũ, nomeõ pũrãkubo puro ními, majĩgũ deyoamakũ baabu. 5 Mérõgã puru, majĩgũrẽ pũrãkumo. Ñĩ majĩgũta ããrĩpereri nikũ marã opu ããrĩbu ããrĩmĩ. Wãri turari merã, opu kõme merã iridea yuku opagu masakare dorebu ããrĩmĩ. Puru Marĩpu ããrĩrã doaro puruõgure ããrĩrẽ ããrĩmĩ. 6 Nomeõ masaka marĩrõ Marĩpu ããrĩrã duriwãgãkõãmo. Irogu ignore mil doscientos sesenta ñarĩgora baari sími.

7 Puru ũmugasigue gãmewẽjẽrĩ waabu. Marĩpura wereboerã opu Miguel wãĩkugu, ããrĩrã Marĩpura wereboerã, pĩrũ merã gãmekẽãma. Pĩrũ, ããrĩrã merã Miguesã merã gãmekẽãmi. 8 Miguesã pĩrũrẽ tarinũgãma. Irasirigu pĩrũ, ããrĩrã merã ũmugasiguere ããrĩrõ neõ bokanemobirimi. 9 Irasirigu Marĩpu pĩrũrẽ béokõãmi. ããrĩrã wãgu pĩrũ, neõgoraguere deyoadi, Satanás wãĩkugu, wãtĩ ããrĩmĩ. ããrĩrã ããrĩpererã i ũmu marã masakare ããrĩrãrẽ ããrĩmĩ. Marĩpu ããrĩrẽ, ããrĩrã merã i nikũgue béodijumi.

10 Puru sugu ũmugasigue ããrĩgũ turaro merã ããrĩ ããrĩ werenĩmakũ pẽbu:

–Marĩpu marĩrẽ tauri, ããrĩrã turari merã marĩ opu ããrĩrã, ããrĩrã iriudi Cristo marĩrẽ doreri ejasiáa. Irasirigu Marĩpu wãtĩrẽ ũmugasigue ããrĩdire i nikũgue béodijumi. ũmarĩku, ñamirĩku wãtĩ Marĩpura, marĩyarã Jesũre buremurãrẽ: “Ñerõ irirã ããrĩma”, ããrĩ werenĩgũ iriadimi. 11 Marĩyarã wãtĩrẽ tarinũgãma. Jesucristo oveja majĩgũ irirosũ ããrĩgũrẽ, ããrĩrã dí béori merã ããrĩrãrẽ tauri buremusiã, irasirima. Jesũya kerere weredeã waja gajirã ããrĩrãrẽ wẽjẽduakeremakũ, ããrĩrã okarire maĩbirima. Neõ pĩrũ marĩrõ ããrĩrãrẽ kerere werenĩã, wãtĩrẽ tarinũgãma. 12 Irasirirã musã ũmugasigue ããrĩrã ããrĩpererã usuyaka! Wãtĩrẽ nikũgue béodijusũadi ããrĩmĩ. Musã i nikũ ããrĩrãrẽ, dia wãdiyague ããrĩrãrẽ wãtĩrẽ dijajamakũ, musãrẽ ñetarĩro waanũgãbu. ããrĩrãrẽ wajamoãburo mérõ duyãa. Irire masĩmi. Irasirigu guatarikõãmi, ããrĩ werenĩ.

¹³ Irasirigũ pĩrũ, nikũgue béodijumakũ ããgũ, majĩgũ pagore nurũtayawãgãmi. ¹⁴ Marĩpũ gapũ igore gapãũ kẽdupurire sĩmi. Iri merã igo, pĩrũrẽ masaka marĩrõgue wũ duriwãgãmo. Irogue ure bojori gaji bojori dekogora Marĩpũ igore baari sĩmi. ¹⁵ Igo irogue ããrĩmakũ ããgũ, pĩrũ igore miũduagũ, wãro dekore dokabéomi. ¹⁶ Irasirikeremakũ, i nikũ gapũ igore iritamubũ. Pĩrũya disi wiriri dekore yeteoma, uju ãĩpeokõãbũ. ¹⁷ Irasũ waamakũ ããgũ, pĩrũ igo merã guatarimi. Irasirigũ igo parãmerã ããrĩturiarã merã gãmewẽjẽgũ waami. Ìgũsã, Marĩpũ dorerire irirã, Jesucristoya diayema buerire neõ pirimerã ããrĩma. ¹⁸ Pĩrũ dia wãdiya tũro eja, irogue yũmi.

13

Pẽrã gajirosũ deyorãyare gojadea

¹ Pũrũ gajirosũ deyogũ dia wãdiyague ããrãdi wãgãpamakũ ããbũ. Ìgũ su mojõma pere gaji mojõ peru pẽrẽbejari dipu, pe mojõma kũsari opagũ ããrĩmĩ. Ìgũya kũsarigue oparã peyari berorire peyami. Ìgũya dipure Marĩpũre ñerõ doori wãĩ gojatúdea ããrĩbũ. ² Ìgũ, yé dorogũ guagũ irirosũ deyomi. Buguya guburi irirosũ opagũ ããrĩmĩ. Ëõkaye irirosũ disikũgũ ããrĩmĩ. Pĩrũ Ìgũ turarire sĩmi Ìgũrẽ. Irasũ sĩgũ, Ìgũrẽ opu doarogue dobomi, Ìgũ irirosũta masaka wãrãrẽ doreburo, ããrĩgũ. ³ Gajirosũ deyogũ dipuru su dipuru kãmĩrõkũri dipurusũ deyobũ. Iri kãmĩrõ Ìgũrẽ wẽjẽboyadea kãmĩrõ, yaridea kãmĩrõgue ããrĩbũ. Irire ããrã, i mũmũ marã ããrĩpererã ããgũkakõãma. Irasirirã Ìgũrẽ: “Turagũ ããrĩmi”, ããrĩ, Ìgũyare iritũyama. ⁴ Pĩrũ Ìgũ turarire gajirosũ deyogũre sĩmakũ ããrã, masaka pĩrũrẽ: “Õãtarigũ ããrĩmi”, ããrĩ bũremuma. Gajirosũ deyogũdere ããrĩ ããrĩ bũremuma:

—Neõ gajigũ mũ irirosũ turagũ mámi. Gajigũ mũrẽ neõ tarinũgãmasĩbemi, ããrĩma.

⁵ Pĩrũ dorederosũta gajirosũ deyogũ: “Yũ, gajirã nemorõ ããrĩtarinũgãgũ ããrã”, ããrĩ weregorenami. Marĩpũre ñerõ ããrĩ doogorenami. Masakare cuarenta y dos abegora doremi. Marĩpũ Ìgũrẽ: “Iropata irika!” ããrĩmakũgue duúmi. ⁶ Irasirigũ masakare doregũ, ããrĩ irimi. Marĩpũre, Ìgũ wãĩrẽ, Ìgũ ããrĩrõrẽ, ããrĩpererã Ìgũ pũro ããrĩrãdere ñerõ ããrĩ doomi. ⁷ Marĩpũyarã merã gãmewẽjẽ, Ìgũsãrẽ tarinũgãmi. ããrĩpererogue ããrĩpereri buri marãrẽ, Ìgũsã ya werenĩrãrẽ, ããrĩpereri nikũ marãrẽ doremi. Marĩpũ Ìgũrẽ: “Iropata irika!” ããrĩbirimi dapa. Irasirigũ ñerĩrẽ irimi. ⁸ ããrĩpererã i nikũ marã Marĩpũyarã ããrĩmerã gajirosũ deyogũre bũremuma. Marĩpũ Ìgũ i mũmũrẽ iriburo dupiyuro Ìgũyarã ããrĩmurã Ìgũ merã perebiri okari opamurã wãĩrẽ su papera pũgue gojatúsiadi ããrĩmĩ. Iri pũ Jesucristo oveja majĩgũ irirosũ ããrĩgũ wẽjẽsũdiya pũ ããrã.

⁹ Gãmipũrĩ oparã, ire péka! ¹⁰ Peresugue waaró gããmea, ããrĩsũnerã irogue waarãkuma. Sareri majĩ merã gajirãrẽ wẽjẽrã, sareri majĩ merã wẽjẽsũrãkuma. Iri irasũ waaripoe Marĩpũyarã ããrĩrã gũñaturari merã Ìgũrẽ bũremurĩrẽ neõ piribirikõãrõ gããmea.

¹¹ Pũrũ gajigũ gajirosũ deyogũre ããrĩ doja. Nikũ poekague ããrãdi wiri mũrĩrĩmi. Ìgũ oveja majĩgũ irirosũ pe kũsa opagũ ããrĩmĩ. Irasũ ããrĩkeregũ, pĩrũ irirosũ werenĩmi. ¹² Gajirosũ deyogũ ããrĩpũroriadiya turarire opami. Iri turari merã ããrĩpererã i nikũ marãrẽ gajirosũ deyogũ ããrĩpũroriadiye wẽjẽsũboyadi kãmĩrõ yarisũadiye bũremumakũ irimi. ¹³ Wãri deyorumurĩrẽ iri Ìmumi. Masaka Ìũrõ peame mũmũgasigue ããrãdeare nikũgue dijarimakũ irimi. ¹⁴ Ìgũ, gajirosũ deyogũ ããrĩpũroriadiya turari Ìgũrẽ sĩrĩ merã wãri deyorumurĩrẽ iri Ìmumi. Iri merã masakare ããrĩkatomi: “Ì Ìmũsã bũremugũ ããrĩmi”,

ārīgū. Irasirigū ĩgūsārē gajirosū deyogū āārīpūroriadi keorire weadoremi. Gajirōsū deyogū āārīpūroriadi sareri majī merā saresūadi āārīkeregū okami. ¹⁵ Gajirosū deyogū pūrū aaradi, gajirosū deyogū āārīpūroriadiya turari merā ĩgū keori weadeare okamakū irimi. Irasirigū iri keori weadeare masakū irirosū werenīmakū, āārīpererā irire b̄remumerārē wējēmakū irimi. ¹⁶ Āārīpererārē ĩgūsāya diayema mojō gapure, o ĩgūsāya diapuserorire gajino gojatūdoremi. Ūbu āārīrārē, oparārē, wāri doebiri oparārē, boporārē, moāboerimasārē, moāboerimasā āārīmerārē, āārīpererārē irasū gojatūdoremi. ¹⁷ Gojatūsūna marīrā neō wajarimasībiri, neō duamasībiri. Iri gojatūdea, gajirosū deyogū āārīpūroriadi wāi, o ĩgū wāi keori āārā.

¹⁸ Irire oārō pémasīrō gāamea. Pémasīrā, gajirosū deyogū wāi keorire masīburo. ĩgū wāi keori, masakū wāi keori, seiscientos sesenta y seis āārā.

14

Marīpū taunerā ciento cuarenta y cuatro mil masaka ĩgūrē bayadea

¹ Pūrū Jesucristo oveja majīgū irirosū āārīgūrē ūtāū Sión* wāikūdigue nīgūrē ĩābū. ĩgū merā ciento cuarenta y cuatro mil masaka āārīmā. ĩgūsā, ĩgū wāirē, ĩgū Pagū wāidere ĩgūsāya diapuserorire gojatūsūnerā āārīmā. ² Pūrū ūmūgasigue merā b̄ro b̄sūdi jaririre pébū. Wādibu ūtāmu irirosū, b̄ro bupu páro irirosū b̄sūbū. Wārā arpa wāikūri b̄apūtērō irirosū b̄sūbū. ³ ĩgūsā ciento cuarenta y cuatro mil masaka, Marīpū, Opū doarogue doagū diaye, irasū āārīmakū wapikūrā okarā, oparā mūrā ĩūrō bayama. Maama bayarire bayama. ĩgūsā dita iri bayarire masīma. ĩgūsā i nikū marā watopegue āārīrā, Marīpū tausūnerā āārīmā. ⁴ Neō ĩgūsā suñarō nome merā ñerō iribirinerā, neō sugo nomeōrē marāpokūbirinerā āārīmā. Jesucristo oveja majīgū irirosū āārīgūyare irituyama. I nikū marā masaka watopeguere Marīpū tausūnerā āārīmā. ĩgūsā Marīpūyarā, irasū āārīmakū Jesucristo oveja majīgū irirosū āārīgūyarā āārīpūrōrirā āārīnerā āārīmā. ⁵ ĩgūsā watopere neō sugū āārīkatogū māmī. Marīpū ĩūrōrē ñerīrē opamerā āārīma.

Ĥrerā Marīpūre wereboerā weredeā

⁶ Pūrū gajigū Marīpūre wereboegū ūmarōgue wūgūre ĩābū. ĩgū āārīpererā i nikūgue āārīrārē Marīpū masakare tauri kerere wererimasū āārīmī. Āārīpererogue āārīpereri nikū marārē, āārīpereri buri marārē, ĩgūsā ya werenīrārē iri kerere weregū āārīmī. Iri kere, neō gorawayubiri, perebiri kere āārā. ⁷ Turaro merā āārīmi:

—Marīpūre gopeyari merā āsū ārī b̄remuka: “Turatarigū, oātariḡū āārīmī”, ārīka! ĩgū āārīpererā ñerārē peamegue béoripoe ejasiáa. ĩgū ūmūgasire, i nikūrē, dia wādiyare, āārīpereri deko wiriri goberidere iridi āārīmī. Irasirirā ĩgūrē b̄remuka! āārīmi.

⁸ ĩgū pūrūmū, gajigū Marīpūre wereboegū āsū ārīmi doja:

—Wāri makā Babilonia wāikūri makā pereakōābū. Iri makā marā āārīnerā āārīpereri nikū marārē ñerō irimakū irima. Masaka ĩgūsārē ĩākūrā, mejārīkūrā igui deko pāmudeare turaro ūaribejarosūta ĩgūsā ñerī iriridere turaro ūaribejama, āārīmi.

⁹⁻¹⁰ Pērā Marīpūre wereboerā irasū ārādero pūrū, gajigū Marīpūre wereboegū turaro merā āsū ārīnemomi doja:

—Āārīpererā gajirosū deyogūre, ĩgū keori weadeare ejamejā b̄remurārē ĩgūsāya diapuserorire, o ĩgūsāya mojōrīrē ĩgū wāi gojatūsūnerārē Marīpū

* 14:1 Jerusalén, Sión wāikūdigue āārīyuro.

buro wajamoāgukumi. Īgūsā merā buru guagu, turaro wajamoānīgukumi. Azufre wāikuri poga buru asiri ūjārī, peame merā ñerō tarimakū irigukumi. Īgūrē wereboerā, Jesucristo oveja majīgū irirosū āārīgū ĩūrō, ĩgūsārē wajamoāgukumi. ¹¹ Iri peame irasū ĩimikakunīkōārokoa. Neō yaribirikoa. Īgūsārē irasū pūrīnīmakū irirokoa. Āārīpererā gajirosū deyogure, ĩgū keori weadeare ejamejā buremurārē, ĩgū wāi gojatúsūnerārē irasū pūrīnīrokoa. Ūmurī, ñamirī pūrīnīkōārokoa, ārīmi.

¹² Irasirirā musā Marīpuyarā, ĩgū dorerire irirā, Jesúre buremurīrē neō pirimerā āārīrā, gūñaturaka!

¹³ Puru sugu ūmugasigue āārīgū werenīmakū pébu doja. Yure āsū ārīmi:

—Ire gojaka: “Marī Opure buremurā boadero puruguedere usuyari bokarākuma”, ārīmi. Ōāgū deyomarīgūde: “Irasūta āārā”, ārīmi. “Īgūsā turaro moārīrē pirikōā, siñajārākuma. Ūmugasigue ĩgūsā waamakū, Marīpu ĩgūsā ōārō irideare gūñagukumi. Irasirigu ĩgūsārē ōārō irigukumi”, ārīmi Ōāgū deyomarīgū.

I nikūma otedea dukakarimarē weredeā

¹⁴ Puru ĩimikāyebo boreri yebore ĩābu. Iri yebo weka sugu masakū doami. Īgūya dipurugue oro merā iridea berore peyami. Duka diti āiri usiri berore opami. ¹⁵ Puru gajigu Marīpure wereboegu Marīpuya wiigugue āārādi wirijami. ĩimikāyebo weka doagure turaro merā āsū ārī gaguinīmi:

—Muya usiri bero merā i nikūma otedea dukare diti āikōāka! Irire diti āiripoe ejasiāa. Duka boresiabu, ārīmi.

¹⁶ Irasū ārīmakū pégu, ĩimikayebu weka doadi ĩgūya usiri bero merā i nikūma otedea dukare wāji āimi.

¹⁷ Puru gajigu Marīpure wereboegu ūmugasigue āārīrī wii Marīpuya wiigugue āārādi wirijami. Īgūde duka diti āiri usiri berore opami. ¹⁸ Puru gajigu Marīpure wereboegu Marīpure sīdea soepeoro purogue āārādi wirijami. Īgū peame opu āārīmī. Irasū wirijagu, duka diti āiri usiri bero opagure turaro merā āsū ārīmi:

—Muya usiri bero merā i nikūma igui tōrīrē diti āika! Iri igui ñīsiabu, ārīmi.

¹⁹ Īgū irasū ārīmakū pégu, ĩgūya usiri bero merā i nikūma igui tōrīrē wiiritā āimi. Irire āi, igui karabipiri gobe miēgue sāmi. Iri gobegue karabipiri, Marīpu ĩgūrē gāāmemerārē buru wajamoārō irirosū āārā. ²⁰ Makā turogue iri igui karabipisūbu. Igui karabipisāripoere iri gobeguere wáro dí wiribu. Iri dí merā wádiya, caballuya disire túsārī berogue mirītuúnujābu. Trescientos kilómetros yoadiya waabu.

15

Marīpure wereboerā masakare ñerō tarimakā iritūnuburire weredeā

¹ Puru ūmugasigue gajirosūperi buru goeri deyoamakū ĩābu doja. Su mojōma pere gaji mojō peru pērēbejarā Marīpure wereboerārē ĩābu. Marīpu ĩgūsārē masakare wajamoātūnudoregukumi. Irasirirā, ĩgū wajamoādoregu pīnerā āārīmá. Iri wajamoārī merā Marīpu i ūmu marā merā guari pererokoa.

² Puru dia wádiyare ōārō deko suridiya peame merā morēadiya irirosū āārīdiyare ĩābu. Iriya turo nīrārē, gajirosū deyogu dorerire iribiri, ĩgū keori weadeare buremubirinerārē ĩābu. Īgūsā gajirosū deyoguya wārē gojatūdorebirinerā āārīmá. Irogue nīrā, arpa wāikuri buaputērīrē opama. Iri buaputērī Marīpu sīdea āārībú. ³ Īgūsā Marīpure moāboegu Moiséya bayarire,

Jesucristo oveja majīgũ irirosũ ããrīgũya bayaridere bayapeoma. Āsũ ãrĩ bayama:

Gua Opu, mu ããrĩpererã nemorõ turagu ããrã. ããrĩpereri mu iridea õãtaria. Irire ĩãrã, ĩãgukakõãa. Mu ããrĩpererã i nikũ marã Opu ããrã. Ārĩkatori marĩrõ, diayemarẽ õãrõ yãa.

⁴ ããrĩpererã murẽ güirākuma. ããrĩpererã murẽ: “Turatarigu ããrĩmi”, ãrĩrākuma. Mu dita ñerĩ marīgũ ããrã.

ããrĩpereri nikũ marã mu pũrogue eja, mu ĩũrõ ñadukũpuri merã ejamejã, murẽ bũremurākuma. Mu diayema irideare ĩãnerã ããrĩsĩã, irire irasũ irirākuma, ãrĩ bayama.

⁵ Pũru Marĩpũya wii, ãmũgasigue ããrĩrĩ wii tũpãmakũ ĩãbũ. Iri wii poekague Marĩpũ ããrĩrĩ taribu ĩgũ doreri gojadea majĩrĩ ãtã majĩrĩ ããrĩbũ. ⁶ Iri wii poekague ããrãnerã, su mojõma pere gaji mojõ peru pẽrẽbejarã Marĩpũre wereboerã wirijama. ĩgũsã Marĩpũ wajamoãdoregu pĩnerã ããrĩmã. ĩgũsãkũ masakare ñerõ tarimakũ iriburire opama. ĩgũsã boreri, gũrari marĩrĩ suri, bũro goesiriri suri sãñarã ããrĩmã. ĩgũsãya koretibirire oro merã iridea yũwũñarĩdarire suatũanerã ããrĩmã. ⁷ ĩgũsã wirijamakũ, wapikũrã okarã merãmu ĩgũsãkũ Marĩpũre wereboerãrẽ oro merã irideaparire sĩmi. Iripari Marĩpũ ããrĩnĩgũ bũro wajamoãburi õãrõ uturibũ. ⁸ ĩgũ iriparire ĩgũsãrẽ sĩmakũ, Marĩpũya wii poekague ĩgũ goesiriri merã, ĩgũ turari merã ĩĩmikãkũseyakõãbũ. Irasũ ĩĩmikãkũseyamakũ, iri wiire neõ sugũno ñajãmasĩbirimi. Marĩpũre wereboerã ĩgũ wajamoãdoregu pĩderosũta ĩgũsã masakare wajamoãtũnuadero pũrugue dupaturi iri wiire ñajãmasĩrākuma doja. ĩgũ wajamoãburo dupiyuro ñajãmasĩña mãa dapa.

16

Juan Marĩpũ masakare wajamoãburire gojadea

¹ Pũru Marĩpũya wii ãmũgasigue ããrĩrĩ wiigue ããrĩgũ turaro merã werenĩmakũ pẽbũ. Su mojõma pere gaji mojõ peru pẽrẽbejarã Marĩpũre wereboerãrẽ ãsũ ãrĩmi:

—Marĩpũ wajamoãdoredeare irirã waaka! Irasirirã mũsãya parimarẽ nikũgue pĩsiridijurã waaka! ãrĩmi.

² Irasũ ãrĩmakũ pẽgu, ããrĩpũrorigu Marĩpũre wereboegu ĩgũ oparipamarẽ nikũgue pĩsiridijumi. ĩgũ irasirimakũ, gajirosũ deyogu wãĩ gojatũsũnerã, ĩgũ keori weadeare bũremurã ñerõ kãmikũ, bũro pũrĩsũma.

³ ĩgũ irasũ pĩsiridijuadero pũru, gajigu Marĩpũre wereboegu ĩgũ oparipamarẽ dia wãdiyague pĩsiridijumi. ĩgũ irasirimakũ, deko, dí poyabũ. Boadiya dí irirosũ ããrĩbũ. Irasũ waamakũ, wãdiyague ããrĩrã boapereakõãma.

⁴ Pẽrã pĩsiridijuadero pũru, gajigu Marĩpũre wereboegu ĩgũ oparipamarẽ diarigue, deko wiriri goberigue pĩsiridijumi. ĩgũ irasirimakũ, diari, wiriri goberima deko, dí poyabũ. ⁵ Pũru gajigu Marĩpũre wereboegu ããrĩpererogue dekore doregu ãsũ ãrĩmakũ pẽbũ:

—Gua Opu, mu ñerĩ marīgũ ããrã. Dapagoradere irasũta ããrĩnĩkõãa. Iripoeguedere irasũta ããrĩnĩkõãbũ. Irasirigu wajamoãgũ, diayeta irigu yãa. ⁶ Gajirosũ deyogũyarã, mũyarãrẽ, mũya kerere weredupiyunerãrẽ wẽjẽrã dí bẽomakũ irima. ĩgũsã dí bẽomakũ iridea waja, deko dí poyamakũ iribu ĩgũsãrẽ ĩĩrĩdoregu, ãrĩmi.

⁷ ĩgũ irasũ ãrãdero pũru, Marĩpũre sĩdea soepeoro pũrogue sugũ werenĩmakũ pẽbũ doja:

–Irasũta ããrã. Gua Opu, mu ããrĩpererã nemorõ turagu ããrã. Īgũsãrẽ keoro wajamoãdoregu, diayeta irigu yãa, ãrĩmi.

⁸ Ærerã Marĩpure wereboerã Īgũsã opariparimarẽ písiridijuadero puru, gajigu Marĩpure wereboegu Īgũ oparipamarẽ písiridijumi doja. Abe umumu weka písiridijumi. Īgũ irasirimakũ, abe buro asimi. Īgũ asiri merã masakare soemi. ⁹ Īgũsã buro ujũrĩ merã wajamoãsũkererã, Īgũsã ñerõ iririre bujawerebirima. Īgũsã gũñarĩrẽ neõ gorawayubirima. Irasirirã, Marĩpure Īgũsãrẽ wajamoãgũrẽ ñerõ doo werenĩma. “Õãgũ ããrĩmi”, neõ ãrĩ buremubirima.

¹⁰ Wapikurã Marĩpure wereboerã Īgũsã opariparimarẽ písiridijuadero puru, gajigu Marĩpure wereboegu Īgũ oparipamarẽ písiridijumi doja. Gajirosũ deyogu, opu doarogue písiridijumi. Īgũ irasiriadero puru, gajirosũ deyoguyarã ããrĩrõgue naĩtĩãrõ waabu. Irasirirã Īgũyarã masaka ñerõ pũrĩmakũ, Īgũsãya nedearẽ buro sirĩtu kũrĩdiuma. ¹¹ Īgũsãrẽ ñerõ pũrĩkeremakũ, ñerõ kãmikakererã, Marĩpure umugasigue ããrĩgũrẽ ñerõ doo werenĩma. Īgũsã ñerõ iriri gapure bujawerebirima. Irasirirã ñerĩrẽ neõ piribirima.

¹² Su mojõmarã Marĩpure wereboerã Īgũsã opariparimarẽ písiridijuadero puru, gajigu Marĩpure wereboegu Īgũ oparipamarẽ Eufrates wãikũdiya wãdiyague písiridijumi. Īgũ irasirimakũ, iriya bojomejãkõãbu. Abe murĩriro marã oparã Īgũsãyarã surara gãmewẽjẽrã waarã taribujaburore irasũ irimi.

¹³ Puru urerã wãtẽãrẽ tárua irirosũ deyorãrẽ iãbu. Sugu tárua, pĩrũya disigue wirimi. Gajigu, gajirosũ deyoguya disigue wirimi. Gajigu: “Æmugasigue marã Opuyare weregu ããrã”, ãrĩkatoguya disigue wirimi. ¹⁴ Īgũsã urerã wãtẽa, tárua irirosũ deyorã deyoromurĩrẽ iri imuma. Irasirirã ããrĩperero marã oparãrẽ neõma, Marĩpu merã gãmewẽjẽdorerã. Īgũsã gãmewẽjẽrĩnu, Marĩpu ããrĩpererã nemorõ turaguyan* ããrĩrokoa.

¹⁵⁻¹⁶ Ærerã wãtẽa ããrĩperero marã oparãrẽ hebreo ya merã Armagedón wãikurogue siiu neõma. Iro dupiyuro Jesús ãsũ ãrĩdi ããrĩmi: “Ire õãrõ pẽmasĩka musã! Yajarimasũ gũñaña marĩrõ aarirõsũ yude gũñaña marĩrõ aarigũkoa. Sugu yu aariburore õãrõ yũgũno, yaare irituyagu, Marĩpu iũrõ waja opabi usuyagukumi. Õãrõ yobegũno suriro sãñadi irirosũ ããrĩgũkumi. Masaka iũrõ suriro marĩgũ gũyasĩrĩgũ irirosũ ããrĩbirikumi”, ãrĩdi ããrĩmi.

¹⁷ Su mojõma pere gaji mojõ suru pẽrẽbejarã Marĩpure wereboerã Īgũsã opariparimarẽ písiridijuadero puru, gajigu Marĩpure wereboegu Īgũ oparipamarẽ ĩmikãyebori wekague písiridijumi doja. Īgũ irasiriadero puru, Marĩpuya wii umugasigue ããrĩrĩ wii poekague Īgũ Opu doarogue doagu turaro merã ãsũ ãrĩ werenĩmi:

–Iropata ããrã. Æãrĩpereri iri odosiabu, ãrĩmi.

¹⁸ Īgũ irasũ ãrĩmakũ, bupu miã, buro busuro, páro, goero nikũ ñomebu. I nikũgue masaka Īgũsã ããrĩnũgãdero puru, i nikũ iropa neõ ñomebiribu. ¹⁹ Irasũ ñomemakũ, wãri makã Babilonia wãikuri makãrẽ urema yeteomakõãbu. Paga makãrĩ i nikũ ããrĩrĩ makãrĩ dijakõãbu. Marĩpu Babilonia wãikuri makã marãrẽ gũñami Īgũsãrẽ wajamoãbu. Īgũsã ñerĩrẽ iriri waja Īgũsã merã buro guami. Irasirigu Īgũsãrẽ buro wajamoãmi. ²⁰ Æãrĩpereri nũgũrĩ, ãtãyukude dederidjakõãbu. ²¹ Irasũ ããrĩmakũ, masaka weka deko yusari yeripa dijaribu. Surãyeri deko yeri cuarenta kilo nukũrĩ yeri ããrĩbũ. Īgũsã weka irasũ dujirimakũ, Marĩpu Īgũsãrẽ buro wajamoãmakũ iãrã, Īgũrẽ ñerõ doo werenĩma masaka.

* **16:14** “Īgũsã gãmewẽjẽrĩnu, Marĩpuyan”, ãrĩrõ: “Marĩpu Īgũsãrẽ tarinũgãrĩnu, ããrĩpererã ñerãrẽ wajamoãrĩnu ããrĩrokoa”, ãrĩduaro yãa.

17

Ūma merā kōābirarimasōrē wajamoādea

¹ Puru su mojōma pere gaji mojō peru pērēbejari parire oparā Marīpure wereboerā merāmu yu purogue eja, āsū ārīmi:

—Īgū aarika! Paga diari weka doagore ūma merā kōābirarikugore Marīpu wajamoāburire murē ĩmugukoa. ² I ūmu marā oparā igo merā űerō gāmebirarikuma. Irasū āārīmakū, i nikū marā, mejārikurā ĩgui deko pāmudeare burō haribejarosūta ĩgūsā igo merā űerō gāmebirarire burō haribejama, ārīmi.

³ Īgū irasū ārādero puru, Ōgū deyomarīgū yure kērōgue irirosū gajinorē ĩmakū irimi. Irasirigu Marīpure wereboegu masaka marīrōgue yure āārīmi. Irogue igo nomeōrē ĩābu. Igo gajirosū deyogu diiagu weka peyamo. Īgūya dūpugue wāri wāi gojatūsūdero āārībū. Iri wāi, Marīpure doo werenīri āārībū. Su mojōma pere gaji mojō peru pērēbejari dipukugu, pe mojōmagora kūsarikugu āārīmi. ⁴ Nomeō diiāñiweyari surīrore sāñamo. Igoya surīro oro, wāro wajapari ūtāyeri, perla wāikuri yeri merā mamudeañe āārībū. Igoya mojōgue ĩirīripa oro merā irideapare opamo. Iripa igo űetariro iridea ūtariripa, igo ūma merā űerō kōābirari oparipa āārībū. ⁵ Igoya diapuserore igo wāi gojatūsūbu. Marī iri wāirē ōārō pēmasībea. Āsū ārī gojatūsūbu: “Wāri makā Babiloniamo, āārīpererā ūma merā kōābirarikurā, irasū āārīmakū āārīpereri űetariro iririkurā pago āārīmo”, ārī gojatūsūbu. ⁶ Puru igo mejāmakū ĩābu. Wārā Marīpurarā Jesūya kerere wererā wējēsūnerāya dí merā irasū waamo. Mejārā ūsyarosū igo ĩisā wējēsūnerārē ĩāgō, ūsyamo. Yu igore ĩāgū, ĩāgukakōābu. ⁷ Irasirigu Marīpure wereboegu yure ārīmi:

—¿Nasirigu ĩāgukari? Mu masībirideare murē masīmakū irigura. Igo nomeōrē, igo peyagudere weregura. Igo peyagu, gajirosū deyogu āārīmi. Su mojō pere gaji mojō peru pērēbejari dipukugu, pe mojōma kūsarikugu āārīmi. ⁸ Īgū gajirosū deyogu mu ĩādi, dupiyurogue āārīdi āārīmi. Dapagorare mami. Puru burō ūkūārī gobegue āārādi wiri, dupaturi deyoagakumi doja. Īgū wiri-adero puru, peamegue béosūgakumi. I ūmu marā ĩgū deyoamakū ĩāgukakōā, ĩgūrē burēmurākuma. I ūmu āārīburo dupiyuro Marīpu su papera pūgue ĩgū merā perebiri okari opamurā wāirē gojatūdi āārīmi. Īgū gojatūbirinerā gajirosū deyogure burēmurā āārīma. Gajirosū deyogu dupiyurogue āārīdi, dapagorare mami. Puru dupaturi deyoagakumi doja. Irasirirā masaka ĩgū deyoamakū ĩārā, ĩāgukakōārākuma.

⁹ Dapagorare yu wererire ōārō masīduarā, ōārō pēmasīri merā gūñarō gāāmea. Gajirosū deyoguya dipu, su mojōma pere gaji mojō peru pērēbejari dipu, ūtāyuku irirosū āārā. Iri ūtāyuku weka peyamo, ūma merā kōābirarikugo. ¹⁰ Iri diputa, oparā irirosū āārā. Su mojōmarā oparā béosūsīama. Gajigu ĩgūsā puru āārīgū opu āārīmi dapagorare. Īgū puru gajigu gapu opu űajāgakumi. Īgū yoaweyaripoeta opu āārīgukumi. ¹¹ Irasirigu gajirosū deyogu dupiyuro āārīdi, dapagorare marīgū, ĩgūsā su mojōma pere gaji mojō peru pērēbejarā oparā puru opu āārīgukumi. Īgūsā oparā merāmu āārīmi. Puru peamegue béosūgakumi.

¹² Gajirosū deyoguya kūsari, mu ĩādea, pe mojōmarā oparā irirosū āārā. ĩgūsā oparā űajābema dapa. Puru oparā űajārā, yoaweyaripoe oparā āārīrākuma. Irasirirā gajirosū deyogu merā dorerākuma. ¹³ ĩgūsā pe mojōmarā oparā surosū gūñarā āārīrākuma. Irasirirā gajirosū deyogure: “Gure doregu āārīka!” ārī, ĩgūsā opu pīrākuma. ¹⁴ Irasirirā Jesucristo oveja majīgū irirosū āārīgū merā gāmewējērā waarākuma. Jesucristo oveja majīgū irirosū āārīgū

gapu ĩgūsārē tarinugāgukumi. ĩgū āārĩpererā oparā nemorō Opu, āārĩpererā dorerā nemorō Doregu āārĩmi. ĩgūrē neō béobirinerā Marĩpu siiu, beyenerā ĩgū merā āārĩrākuma, ārĩmi Marĩpure wereboegu yure.

¹⁵ Puru Marĩpure wereboegu ire yure werenemomi doja:

–Igo kōābirarikugo paga diari weka doamo. Iri diari mu ĩādea: wári makārĩ marā, wári buri marā, ĩgūsā ya werenĩrā, wári nikū marā irirosū āārā. Igo, ĩgūsā wekamo, ĩgūsārē dorego āārĩmo. ¹⁶ Gajirosū deyogu, irasū āārĩmakū pe mojōmarā oparā, ũma merā kōābirarikugore doo, igoyare ēmapeo, surĩ marĩgō béorākuma. Irasirirā, igoya diire baa, puru dɔyarire soebéokōārākuma. ¹⁷ Puru ĩgūsā pe mojōmarā oparā surosū gūñarā, gajirosū deyogure ĩgūsā opu pĩrākuma. Marĩpu ĩgū gāāmerōsūta ĩgūsārē irasirimakū irigukumi. Irasirigu gajirosū deyogu ĩgūsā opu āārĩgukumi. Marĩpu āārĩpereri ĩgū iripoegue ārĩderosūta iriyuwarikadero puru, gajirosū deyogure béogukumi. ¹⁸ Igo, mu ĩādeo, wári makā Babilonia wāikuri makā irirosū āārĩmó. Iri makāta āārĩpererā i ũmu marā oparārē doreri makā āārā, ārĩmi Marĩpure wereboegu yure.

18

Babilonia marārē wajamoādea

¹ Puru gajigu Marĩpure wereboegure ũmugasigue merā دچارimakū ĩābu. Wári turari opami. ĩgū gosesiriri āārĩperero i nikūguere ōārō boyoro waabu.

² Turaro merā āsū ārĩ gaguinĩmi:

–Babilonia wári makā pereakōāa. Dapagorare wātēa iri makā darore āārĩma. Gajirā ñerā deyomerāde, irasū āārĩmakū āārĩpererā mirā masaka doo, baaya marĩrā iri makā darore biadobosūanerā āārĩma. ³ Iri makā pereburi dupiyuro āārĩpereri nikū marā, mejārikurā igui deko pāmudeare buro ɔaribejarosū i makā marā merā ñerō gāmebirarire buro ɔaribejanerā āārĩmá. I ũmu marā oparā, i makā marā merā ñerō gāmebirarikunerā āārĩmá. I makā marā wári gajinorē wajapari wajarinerā āārĩmá. Irasirirā i ũmu marā duarimasā ĩgūsārē dua, wári wajatanerā āārĩmá, ārĩmi.

⁴ Puru gajigu ũmugasigue āārĩgú āsū ārĩ werenĩmakū pébu:

–Yaarā, iri makā marā merā āārĩbirikōāka! ĩgūsā ñerō iririre ĩākūĩbirikōāka! Musā, ĩgūsā merā gāmesurirā, musāde ĩgūsā merā wajamoāsūrākoa. ⁵ ĩgūsā wári ñerō yāma. Marĩpu ũmugasigue āārĩgú, ĩgūsā wári ñerĩ iririre masĩmi. ⁶ Gajirārē ĩgūsā ñerō iridero nemorō ĩgūsārē ñerō iriburo. Gajirārē ĩgūsā ñerō tarimakū iridero nemorō ĩgūsārē ñerō tarimakū iriburo. ⁷ ĩgūsā gajino wajaparire gāāmerā, wajarima. “Gajirā nemorō āārā”, ārĩ gūñadima. ĩgūsā irasiriropa ĩgūsārē wári ñerō tari, buro ñerō waamakū iriburo. ĩgūsā basi: “Gua i ũmu marā oparā āārā. Boporā āārĩbea. Irasirirā neō ñerō taribirikoa”, ārĩ gūñadima. ⁸ Irasiriropo sunu ĩgūsārē gūñaña marĩrō wajamoāburinu āārĩrokoa. Boari, pũrĩrikuri, kó oreri, ɔaboari āārĩrokoa. Iri makā soebéosũrokoa. Marĩpu āārĩpererā Opu iri makā marārē wajamoāgū turatarigu āārĩmi.

⁹ Iri makā ũjũ ĩĩmikakumakū ĩārā, i ũmu marā oparā buro bujawereri merā orerākuma. ĩgūsā iri makā marā wajaparire opari merā ɔsuya, ĩgūsā merā ñerō gāmebirarā āārĩnerā āārĩmá. ¹⁰ Iri makā ũjũmakū ĩārā, buro güiri merā yoarogue ĩũ nĩrā, āsū ārĩrākuma:

–Ayó, bopori makā āārā Babilonia. Wári makā, turari makā āārādabu. Gūñaña marĩrō merā iro marā wajamoāsūma, ārĩrākuma.

¹¹ I ũmu marā doebiri duarimasā iri makā ũjũmakū ĩārā, buro bujawereri merā orerākuma. Iri makā peremakū ĩārā, ĩgūsāya doebirire wajarirā

marĩmakũ ĩārã, ðujaritia orerãkuma. ¹² Ĩgũsã ãĩwãgã duadũarire: orore, platare, wajapari ùtãyerire, perla wãĩkũri yeridere wajarirã marĩrãkuma. Gaji ĩgũsã ãĩwãgã duadũarire: wãro wajapari surĩre, oparã sãñarĩ ðiaañiweyari surĩre, seda wãĩkũri dari merã suadea surĩre, ðiari surĩdere wajarirã marĩrãkuma. Gaji ĩgũsã ãĩwãgã duadũarire: yukũ sũrõrĩ yukũre, marfil wãĩkũri merã irideare, wajapari yukũ merã irideare, bronce merã irideare, hierro merã irideare, mármol merã irideare wajarirã marĩrãkuma. ¹³ Gaji ĩgũsã ãĩwãgã duadũarire: canela wãĩkũri, gaji baari usũrimakũ iririre, incienso, mirra wãĩkũri sũrõrĩrẽ, gaji sũrõrĩdere wajarirã marĩrãkuma. Gaji: igui deko pãmudeare, uyere, trigo pogare, trigo yerire, wekũare, ovejare, caballuare, ĩgũsã tũãrĩduparure, moãboerimasã opamurãrẽ wajarirã marĩrãkuma. Irasirirã doebiri duarimasã bũro bũjawererãkuma. ¹⁴ Irasirirã, iri makã ùjũadero purũ, ãsũ ãrĩrãkuma:

–Ñetariro waabũ ĩgũsãrẽ. ããrĩpereri ĩgũsã maĩdea, ĩgũsã õãrĩ wajapari opadea pereakõãbũ. I ããrĩpereri dupaturi neõ marĩrokoa, ãrĩrãkuma.

¹⁵ ĩgũsã iri makã marãrẽ doebiri duarimasã wãro wajataunanerã ããrĩmã. Irasirirã, iri makã marã wajamoãsumakũ ĩārã, bũro gũiri merã yoarogue ĩũ nĩrãkuma. Ðujaritia ore, ¹⁶ ãsũ ãrĩrãkuma:

–Ayó, ñetariro waabũ i makã wãri makã. Iri makã marã õãrĩrẽ opaunadima. Nomeõ õãrĩ surĩro, wajapari ðiaañiweyariñerẽ sãñadeo irirosũ ããrãdima. Oro, wajapari ùtãyeri, perla wãĩkũri yeri mamudea surĩrore sãñadeo irirosũ ããrãdima. ¹⁷ Gũñaña marĩrõ wãri doebirikũri opadea makã pereakõãbũ, ãrĩrãkuma.

ããrĩpererã doóriduparu merã naarã, iri duparu oparã, ĩgũsãyarã ùma, gajirã ðia wãdiyague moã wajatarãde iri makãrẽ yoarogue ĩũ nĩrãkuma. ¹⁸ Iri makã ùjũ ĩĩmikakumakũ ĩārã, ãsũ ãrĩ gaguinĩrãkuma:

–I makã irirosũ ããrĩrĩ makã, neõ gaji makã máa, ãrĩrãkuma. ¹⁹ Irasũ bũjawererã, ĩgũsãya ðipu weka nikũwera mápeorãkuma. Ðujaritia ore, ãsũ ãrĩrãkuma:

–Ayó, ñetariro waabũ i makã daro. Õãrĩ makã ããrãdibũ. ããrĩpererã marĩ doóriduparu oparã ðia wãdiyague naarã iri makãma doebiri merã õãrõ wãjatadibũ. Gũñaña marĩrõ iri makã pereakõãbũ, ãrĩrãkuma.

²⁰ Mũsã ùmũgasigue ããrĩrã gapũ, iri makã béosũmakũ ĩārã, usũyaka! Mũsã Marĩpũyarã, Jesús buedoregũ beyenerã, ĩgũyare weredupiyunerã ããrĩpererã usũyaka! Iri makã marã mũsãrẽ ñerõ tarimakũ irima. ĩgũsã irasiridea waja, Marĩpũ ĩgũsãrẽ wajamoãmi.

²¹ Purũ turagũ Marĩpũre wereboegũ wãriye trigo yeri ĩgũsã oeri ùtãyere ãĩwãgũ, ðia wãdiyague meéyo, ãsũ ãrĩmi:

–I ye ùtãye meébiaderosũta wãri makã Babilonia wãĩkũri makã béodijusũrokoa. Mũsã iri makãrẽ neõ dupaturi ĩãbirikoa. ²² Iri makã béodijusũdero purũ, neõ bayarire péña marĩrokoa. Arpa wãĩkũri buaputẽrĩrẽ, tẽrẽ duparure, puririduparudere neõ dupaturi péña marĩrokoa. Irore moãnerã dupaturi neõ moãnemobirikuma. Trigo yeri ùtãyeri merã ĩgũsã oedeade neõ péña marĩrokoa. ²³ Iri makãrẽ neõ suru sããgodĩru boyobirikoa. Mojõsuarã bosenu irirã usũyari merã ĩgũsã werenĩrĩrẽ neõ dupaturi péña marĩrokoa. Iri makã marã doebiri duarimasã, gajirã i ùmũ marã nemorõ oparã ããrĩmã. Iri makã marã yéa iriri merã ããrĩperero marãrẽ ĩgũsã ãrĩkatorire bũremumakũ irima.

²⁴ Marĩpũya kerere weredupiyunerãrẽ, gajirã ĩgũyarãdere, irasũ ããrĩmakũ i ùmũgue ããrĩpererã masaka wẽjẽsũnerãrẽ i makã marã wẽjẽnerã ããrĩmã, ãrĩmi yũre turagũ Marĩpũre wereboegũ.

19

¹ Babilonia béodijusũdero p̄r̄u, ãmugasigue wárã turaro merã ãsũ ãrĩ werenímakũ pébu:

Aleluya, Marĩp̄re us̄yari s̄rã! Ìgũ marĩrẽ taugũ ããrĩmi. Ìgũrẽ b̄remurã! Turatarigũ ããrĩmi.

² Masakare keoro wajamoãgũ, diayeta irigũ ããrĩmi. Iri makã Babilonia, nomeõ ãma merã kõãbirarikugo irirosũ ããrĩbũ. Iri makã marãrẽ ìãkũĩrã, i ãmũ marã ñerõ irima.

Irasirigũ Marĩp̄u, Ìgũrẽ moãboerãrẽ Ìgũsã wějẽdea waja iri makã marãrẽ wajamoãmi, ãrĩma.✠

³ Dupaturi ãsũ ãrĩma doja:

Aleluya, Marĩp̄re us̄yari s̄rã! Iri makã neõ piriro marĩrõ ãjã ñimikãkũnĩkõãrokoa, ãrĩma.✠

⁴ Veinticuatro oparã m̄rã, wapik̄rã okarã merã ejamejãja, Ìgũsãya diapuserorire yebague moomejã, Marĩp̄re Op̄u doarogue doagure ãsũ ãrĩ b̄remuma:

–Irasũta ããrã. Aleluya, Marĩp̄re us̄yari s̄rã! ãrĩma.

⁵ P̄r̄u Op̄u doaro p̄ro ããrĩgũ ãsũ ãrĩmi:

Marĩ Op̄re us̄yari s̄ka! ããrĩpererã Ìgũrẽ moãboerã goepeyari merã Ìgũrẽ b̄remurã: oparã, ubu ããrĩrã irasũ irika! ãrĩmi.✠

Jesucristore b̄remurã mojõs̄ari bosen̄rẽ us̄yarãkuma, ãrĩ werede

⁶ P̄r̄u yũ wárã masaka werenímakũ pébu. Ìgũsã wádibu ãtãmu irirosũ, b̄ro bupu páro irirosũ b̄s̄ma. ãsũ ãrĩma:

Aleluya, Marĩp̄re us̄yari s̄rã! Ìgũ marĩ Op̄u, turatarigũ, dapagorare ããrĩpererãrẽ doregũ ñajãsiami.✠

⁷ Us̄yarã! Yuj̄p̄rãrĩgũ wári us̄yari merã ããrĩrã! Marĩp̄re: “Õãtaria m̄”, ãrĩ, us̄yari s̄rã! Jesucristo oveja majĩgũ irirosũ ããrĩgũ Ìgũrẽ b̄remurã merã ããrĩnugãrĩn̄, Ìgũ mojõs̄ari bosenu ejasiãa. Ìgũrẽ b̄remurã, Ìgũ merã mojõs̄abo, iri bosen̄rẽ õãrõ ãmuyudeo irirosũ ããrĩma.✠

⁸ Ìgũsã õãrĩ surĩ, ḡrari marĩrĩ, b̄ro gosesiriri surĩ Marĩp̄u Ìgũsãrẽ s̄dea sãñarã ããrĩma. Iri surĩ, Marĩp̄yarã õãrĩrẽ iridea irirosũ ããrã, ãrĩma.✠

⁹ P̄r̄u Marĩp̄re wereboegu ȳre ãrĩmi:

–Ire gojaka: “Jesucristo oveja majĩgũ irirosũ ããrĩgũ mojõs̄ari bosen̄rẽ Ìgũ siiunerã us̄yarã ããrĩma”, ãrĩ gojaka! ãrĩmi.

Ȳre ãrĩnemomi doja:

–Diayeta ããrã yũ wereri. I Marĩp̄ya werenĩrĩ ããrã, ãrĩmi.

¹⁰ Irasũ ãrĩmakũ pégu, ñaduk̄puri merã ejamejã, Ìgũrẽ b̄remubu iriadibu. Yũ ejamejãmakũ ìãgũ, ãsũ ãrĩmi:

–Irire irasiririkõãka! M̄, m̄yarã Jesúre b̄remurã Ìgũ diaye weredeare irit̄yarã irirosũta ȳde Marĩp̄re moãboegu ããrã. Irasirigũ Marĩp̄u gap̄re ejamejã, b̄remuka!

Jesús diaye weredeare wereturiarã Õãgũ deyomarĩgũ iritamurĩ merã wererosũta, Marĩp̄u weredoredeare wereturiarã werema.

Juan, caballu boregũ weka peyagũyare werede

¹¹ P̄r̄u ãmugasĩ tũpãmakũ ìãbu. Iro caballu boregũ ããrĩmĩ. Ìgũ weka peyagũ* ãsũ wãik̄mi: “Ìgũ ãrĩrõsũta keoro irigũ, diaye irigũ ããrĩmi”. Ìgũ masakare Ìgũsã ñerõ iriri waja wajamoãgũ, Ìgũrẽ ìãturirã merã gãmewějẽgũ, diayeta

✠ 19:2 Dt 32.43; 2 R 9.7 ✠ 19:3 Is 34.10 ✠ 19:5 Sal 115.13 ✠ 19:6 Sal 93.1; 97.1; 99.1 ✠ 19:7 Ef 5.23-32 ✠ 19:8 Ap 7.14 * 19:11 Caballu boregũ weka peyagũ, Jesucristota ããrĩmi.

yámi. ¹² Īgūya koye peame ūjūrī pūrā irirosū gosebū. Īgūya dipurure wári oparā peyari berorí peyami. Īgū wāirē Īgūrē gojatúsūdero āārībú. Iri wāirē Īgū dita masīmi. ¹³ Īgū sāñarīñe yoariñe dí merā dibuadeañe āārībú. Īgū āsū wāikūmi. “Marīpuya werenírīrē weregū” wāikūmi. ¹⁴ Īgūyarā surara ūmugasigue marā Īgūrē tūyama. Caballua borerā weka peyama. Ōārī surí boreri, gūrari marīrī suríre sāñarā āārīmá. ¹⁵ Īgūya disigue sareri majī usiri majī wiribū. Iri majī merā i nikū marārē tarinūgāgūkumi. Īgū turari merā, kōme merā iridea yukū merā Īgūsārē doremakū, neō sugū Īgūrē tarinūgāgūno bokatīūbirikumi. Marīpū āārīpererā nemorō turagū i ūmū marā ñerā merā guatarimi. Irasirigū caballu boregū weka peyagū, sugū Īgū turari merā igui kūrābipisārōsū Īgūsārē Īgū turari merā wajamoāgūkumi. ¹⁶ Īgūya suríro, Īgūya ñugādere i wāirē gojatúsūdero āārībú: “Īgū āārīpererā oparā nemorō Opū, āārīpererā dorerā nemorō Doregū āārīmi”, ārī gojatúsūdero āārībú.

¹⁷ Pūru Marīpūre wereboegū abe ūmūmūgue nígūrē iābū. Āārīpererā mimua ūmarōgue wūrārē turaro merā āsū ārīmi:

—Nerērā aarika! Marīpū baari āmurīrē baarā aarika! ¹⁸ Wári nikū marā oparāya díre baarākoa. Surara oparā, surara turarā, caballua, Īgūsā weka peyarāya díre baarākoa. Āārīpererāya díre: moāboerā, moāboerā āārīmerā, oparā, ubu āārīrāya díre baarā aarika! ārīmi.

¹⁹ Pūru gajirosū deyogūre, i ūmū marā oparā Īgūsāyarā surara merā nerēnerārē iābū. Īgūsā nerēnerā āārīmá, caballu boregū weka peyagū merā, Īgūyarā surara merā gāmewējēmurā. ²⁰ Caballu boregū weka peyagū gapū gajirosū deyogūre peresu irimi. Gajigū: “Ūmugasigue marā Opūyare weregū āārā”, ārī ārīkatodidere peresu irimi. Īgū ārīkatodi gapū gajirosū deyogū iūrō deyoromurīrē iridi āārīmí. Īgū deyoromurīrē iridea merā gajirosū deyogū wāi gojatúsūnerārē, Īgū keori weadeare būremurārē Īgū ārīkatorire pémakū iridi āārīmí. “Yū wereri ūmugasigue marā Opūya āārā”, ārī ārīkatodi āārīmí. Caballu boregū weka peyagū Īgūsā pērārē peresu iriadero pūru, Īgūsārē okarārēta peamegue béomi. Iri peame dia wádiya irirosū wári peame azufre wāikūri poga merā ūjūrīme āārībú. ²¹ Pūru Īgūsāyarā surara dūyarārē sareri majī Īgūya disigue wiriri majī merā wējēmi. Irasū Īgū wējēadero pūru, mimua Īgūsāya dūpurima díre baayapitariakōāma.

20

Mil bojorigora Cristo Īgūyarā merā masakare doregūkumi, ārī gojadea

¹ Pūru gajigū Marīpūre wereboegū ūmugasigue merā dijarimakū iābū. Būro ūkūārī gobema sawire, wárida kōmedadere opami. ² Irasū dijarigū, pīrūrē ñeāmi. Īgū pīrū neōgoraguere deyoadi, Satanás wāikūgū, wātī āārīmi. Īgūrē ñeā, kōmeda merā sūami, mil bojorigora peresu iribu. ³ Sūa odo, būro ūkūārī gobegue béodijumi, i ūmū marārē mil bojorigora ārīkatobirikōāburo, ārīgū. Irasū béodiju odo, iri gobema makāpūrore sawi merā bia, wītābiatokōāmi. Irasirigū mil bojori tariadero pūru, dupaturi Īgūrē mérīñurīgāta wiugūkumi dapa.

⁴ Pūru oparā doarigue doarārē iābū. Marīpū Īgūsārē masaka irideare: “I gapū oābū, i gapū oābiribū”, ārī weremurārē pídi āārīmí. Gajirādere iābū. Īgūsā Jesúya kerere, Marīpūyare weredea waja Īgūsāya dipure diti béosūnerā āārīmá. Gajirosū deyogūre, Īgū keori weadedere neō būremubirinerā āārīmá. Īgūsāya diapuserorire, o mojōrīrē Īgū wāirē gojatúdorebirinerā āārīmá. Irasirirā gajirā Īgūsārē wējēnerā āārīmá. Īgūsārē wējēdero pūru masā, dupaturi

okarā āārīnerā āārīmá. Mil bojorigora Cristo merā dorenerā āārīmá. ⁵⁻⁶ Iri masārī, āārīpererori masārī āārā. Āārīpererā masāpererirā, Marīpererā buro usuyarā āārīrākuma. Neō dupaturi boabiri, perebiri peamegue waabirikuma. Marīpererā, irasū āārīmakū Cristo iūrō paía āārīrākuma. Mil bojorigora Cristo merā masakare dorerā āārīrākuma. Iri mil bojori tariadero pererā, gajirā boanerā masārākuma.

Wātēa opa béosūgukumi, āārī gojadea

⁷ Iri mil bojori tariadero pererā, wātēa opa peresugue āārīgū wiusūgukumi. ⁸ Īgū wiriadero pererā, āārīpererō i ūmā marārē āārīkatogu waagukumi. “Náka, gāmewējērā”, āārīgū, Gog wāikuro marārē, Magog wāikuro marādere āārīkatogu waagukumi. Irasirirā, Īgū āārīkatorire pérā, Īgūsāyarā surarare siu neōrākuma gāmewējēmurā. Dia wādiyama ĩmipa yerire keo bokatīūña marīrō irirosū, Īgūsāyarā surarare keo bokatīūña marīrokoa. Wārāgora āārīrākuma.

⁹ Irasirirā i nikū āārīpereroguerē āārīseyanugā, Marīpererā āārīrī makā Īgū maīrī makārē kāmūtabianugājarākuma. Īgūsā irasū kāmūtabianugājadero pererā, Marīpererā Īgūsārē ūmūgasima peame merā soepeogukumi. ¹⁰ Irasū waadero pererā, wātērē Īgūsārē āārīkatodire perebiri peamegue béogukumi. Iri peame, dia wādiya irirosū āārīrī peame azufre merā ūjūrīme āārā. Irogue gajirosū deyoguerē, gajigū: “Ūmūgasiguerē marā Opuyare wererū āārā”, āārīkatodire béosiami. Irogue āārīrā, ūmūrī, űnamirī neō pererō marīrō buro pūrīrikurākuma.

Masakare wajamoātūnurīmarē gojadea

¹¹ Pererā wāro opa doarō borerore ĩābū. Iro doarogue doagudere ĩābū. Īgū iūrōrē i nikū, ūmūgaside dederipereakōābū. Neō deyobiribū. ¹² Pererā boanerā iro doarogue doagū iūrō nímakū ĩābū. Ubu āārīrā, oparāde āārīmá. Irogue Īgūsā nīripoeta Marīpererā Īgū gojadea pūrīrē tūpāmi. Iri pūrīgū masaka irideare gojatúdea āārībū. Gaji pū Īgū merā perebiri okari opamurā wāirē gojatúdea pū āārībū. Irasirigū iri pūrīgū gojatúdeare ĩā odo, boanerārē Īgūsā irideare keoro wajarimi. ¹³ Dia wādiyaguerē mirīnerā, boanerā āārīrōgū āārīnerāde Īgū iūrō āārīmá. Irasirigū Marīpererā, opa doarogue doagū āārīpererārē Īgūsā irideare keoro wajarimi. ¹⁴ Pererā boarire, boanerā āārīrōdere perebiri peamegue béokōāmi. Iri peame, wādiya irirosū āārīrī peame āārībū. Irasirirā irogue béosūrāno dupaturi boarā irirosū dujama. Marīpererā merā neō āārībirikuma. ¹⁵ Irasirirā āārīpererā Marīpererā merā perebiri okari opamurā wāirē gojatúdea pūgū gojatúsūña marīnerā perebiri peamegue béosūma.

21

Ūmūgasi, i nikūde maama dita gorawayurimarē gojadea

¹ Pererā yū Juan, ūmūgasi, i nikūde maama āārīrīrē ĩābū. Āārīpereridea dari ūmūgasi, i nikū dederidijapereakōābū. Dia wādiya marībū pama. ² Neō űnerī marīrī makā, ūmūgasi Marīpererā peroguerē āārīrī makā dijarimakū ĩābū. Iri makā, maama makā, Jerusalén wāikuri makā āārībū. Ōārō deyori makā, mojósuabo igo marāpererā suyuburo, āārīgō, surīro ōārō sñādeo irirosū āārībū. Marīpererā āārīrī i makārē āmuyudi āārīmī. ³ Pererā opa doarō pererā āārīgū, turaro merā āārīrī werenīmakū pébū:

—Ōārō péka! Dapagora Marīpererā masaka watope āārīmi. Īgūsā merā āārīgukumi. Īgūsā Īgūsāyarā āārīrākuma. Īgūta Īgūsā merā āārī, Īgūsā opa āārīgukumi. ⁴ Āārīpererā Īgūsāya kódeko wiririre niūgukumi. Boari, bājawereri, kó oreri, pūrīrikuride neō marīrokoa. I ūmūma āārīrāde āārīpererā pereakōābū, āārīmi.

⁵ Puru Maripu, Opu doarogue doagu āsū ārīmi:

—Āārīpererire maama dita gorawayumakū yāa, ārīmi.

Puru āsū ārīmi doja:

—Yu ārīrīrē gojaka! Yu ārīrī diayeta āārā. Irasiro yu ārīrōsūta waarokoa, ārīmi.

⁶ Puru yure āsū ārīmi doja:

—Iropata āārā. Yu neōgoraguere āārīpereri i ūmumarē āārīmakū iridi, i āārīpererire peremakū iribu āārā. Yure gāāmerā, nemesiburā buro iiriduarā irirosū āārīma. Irasirigu ĩgūsārē perebiri okari sīrī deko*, ūmawiuroma dekore tīāgukoa. Wajamarīrō iri dekore iirīrākuma. ⁷ Āārīpererā nērō tarikererā yure buremuduūmerārē āārīpereri yu: “Sīgura”, ārīdeare sīgukoa. ĩgūsā Opu āārīgukoa. ĩgūsā, yu pūrā āārīrākuma. ⁸ Gajirā gapu masakare gūisīā, yaare pirirā, yure buremumerā, nētariro irirā, wējērīmasā, ūma, nome merā, nome ūma merā nērō kōābirarikurā, yēa āārīrā iririkurā, keori weadeare buremurā, āārīpererā ārīkatorikurā peamegue waarākuma. Iro dia wādiya irirosū āārīrī peame azufre merā ūjūrīme āārā. Irogu waarā, yu merā neō āārībirikuma. Irasirirā dupaturi boarā irirosū dujarākuma, ārīmi.

Maama makā Jerusalēmarē weredeā

⁹ Puru sugu Marīpure wereboegu yu purogue ejami. ĩgū su mojōma pere gaji mojō peru pērēbejari pari opanerā merāmu, Marīpu masakare wajamoādoregu pīnerā merāmu āārīmī. Āsū ārīmi yure:

—Īāgū aarika! Jesucristo oveja majīgū irirosū āārīgū mojōsuabore† ĩmugukoa murē, ārīmi. ¹⁰ Irasirigu Ōāgū deyomarīgū, kērō irirosūgue yure Marīpuya makārē ĩāmakū irimi. Ūmadi ūtāū wekague yure āīmārīa, irogu Marīpuya makārē Jerusalērē neō nērī marīrī makārē, Marīpu purogue ūmugasigue merā dijariri makārē ĩmumi. ¹¹ Marīpu goesiriri merā, jaspe wāikuriye, wajapariye, ōārō deko sūririye irirosū deyoriye goesirirosū goesiribu. ¹² Iri makā turo wāri sārīrō ūmarī sārīrō āārībū. Iri sārīrōrē pe mojōma pere su gubu peru pērēbejarigora makāpurori āārībū. Iri makāpuroriku sugu Marīpure wereboegu koremi. Iri makā makāpuroriguere Israel bumarā pe mojōma pere su gubu peru pērēbejari buri marā wāirē gojatūsūbu. ¹³ Iri sārīrōrē abe murīriro gapu ure makāpuro āārībū. Sur gapu ure makāpuro, norte gapu ure makāpuro, abe najārō gapu ure makāpuro āārībū. ¹⁴ Iri sārīrō pe mojōma pere su gubu peru pērēbejari paga ūtā majīrī weka peyabu. Iri ūtā majīrīku Jesucristo oveja majīgū irirosū āārīgū buedoregu beyenerā wāirē gojatūsūbu.

¹⁵ Marīpure wereboegu yure weregu keodi oro merā iridire opami. Iri makārē, iri makāma makāpuroridere, iri sārīrōdere keobu irimi. ¹⁶ ĩgū keodi merā iri makārē keo odomakū, dos mil doscientos kilómetros yoari makā, iropata eyari makā, iropata ūmarōde āārībū. ¹⁷ Puru iri makāma sārīrōrē keomi. “Sesenta y cinco metros āārā”, ārīmi. Marī masaka keorosūta keomi.

¹⁸ Iri sārīrō jaspe wāikuri ūtāye merā iridea sārīrō āārībū. Iri makā oro merā iridea makā āārībū. Iri oro gajino morēña marīrī, ōārō deko sūriri irirosū deyobu. ¹⁹ Iri sārīrō doka āārīrī ūtā majīrīrē āārīpereri wajapariyeri

* **21:6** San Juan 11.25: Jesús ārīmi: —Yu boanerārē masāmakū irigu, ĩgūsārē okari sīgū āārā. Yure buremugū boadigue āārīkeregu, okagukumi, ārīmi. San Juan 14.6: Jesús ārīmi doja: —Yu dita Yupu purogue waarī maa irirosū āārā. Yu diayema āārīrīrē masakare masīmakū irigu, ĩgūsārē okamakū irigu āārā. Yu merāta Yupu purogue waarākuma, ārīmi. Irasirigu Jesús perebiri okarire sīrī deko irirosū āārīmī. ĩgūrē buremurā ĩgū Pagu puro i perebiri okarire opamurā āārīma. † **21:9** Jesucristo oveja majīgū irirosū āārīgūrē buremurā maama makā Jerusalēn marā āārīmurā ĩgū mojōsuabo irirosū āārīma.

merã mamudea ããrĩbú. ããrĩpũroriri majĩ jaspe wãĩkũriye ããrĩbú. Iriye pũrũma majĩ zafiro wãĩkũriye ããrĩbú. Peye pũrũma majĩ ágata wãĩkũriye, urreye pũrũma majĩ esmeralda wãĩkũriye ããrĩbú. ²⁰ Wapikũriyeri pũrũma majĩ ónice wãĩkũriye ããrĩbú. Su mojõma pũrũma majĩ cornalina wãĩkũriye, su mojõma pere gaji mojõ suru pẽrẽbejari pũrũma majĩ crisólito wãĩkũriye ããrĩbú. Su mojõma pere gaji mojõ peru pẽrẽbejari pũrũma majĩ berilo wãĩkũriye ããrĩbú. Su mojõma pere gaji mojõ urreu pẽrẽbejari pũrũma majĩ topacio wãĩkũriye ããrĩbú. Su mojõma pere gaji mojõ wapikũdiru pẽrẽbejari pũrũma majĩ crisoprasa wãĩkũriye ããrĩbú. Pe mojõma pũrũma majĩ acinto wãĩkũriye ããrĩbú. Pe mojõma pere su gubu suru pẽrẽbejari pũrũma majĩ amatista wãĩkũriye ããrĩbú. ²¹ Iri sãrĩrõrẽ pe mojõma pere su gubu peru pẽrẽbejari makãpũrori, perla merã iridea seri ããrĩbú. Iri serikũ suye perlaye merã iridea dita ããrĩbú. Iri makã deko waarĩ maa, oro gajino morẽña marĩrĩ merã iridea maa, õãrõ deko sũriri irirosũ deyori maa ããrĩbú.

²² Iri makãrẽ Marĩpũya wiire iãbiribũ. Iri makã ããrĩpererogue Marĩpũ tũratarigũ, irasũ ããrĩmakũ Jesucristo oveja majĩgũ irirosũ ããrĩgũde ããrĩrõ ããrĩbú. Irasiriro iri makã ããrĩperero Marĩpũya wii irirosũ ããrĩbú. ²³ Iri makã abe ãmũmũ, ñamimũde boyoro gããmebea. Marĩpũ goesiriri merã õãrõ boyoa. Jesucristo oveja majĩgũ irirosũ ããrĩgũde iri makãrẽ sããgodiru irirosũ boyomi. ²⁴ Irasirirã i ãmũ marã Marĩpũ taunerã iri makãma boyori merã ããrĩrãkuma. I ãmũ marã oparã iri makãgue ãgũsã õãrĩ oparire sãrã ããjarosũ Marĩpũre: “Õãtaria mũ”, ãrĩ, urreyari sãrãkuma. ²⁵ ãmũrẽ iri makãma makãpũrori tũpãdea ããrĩrokoa. Iroguere neõ ñami marĩrokoa. ²⁶ Wãri nikũ marã ãgũsã õãrĩ oparire iri makãgue sãrã ããjarosũ Marĩpũre bũremurã ejarãkuma. ²⁷ Ñerĩ ããrĩrĩ gapũre iri makãguere neõ ããñajãbirikuma. Ñerõ iririkũrã, ãrĩkatorikũrãde neõ iri makãguere ñajãbirikuma. Jesucristo oveja majĩgũ irirosũ ããrĩgũ merã perebiri okari opamurã ãgũya gojadea pũgue ãgũsã wãĩ gojatúsũnerã ããrĩma. ãgũsã dita iri makãguere ñajãrãkuma.

22

¹ Pũrũ Marĩpũre wereboegũ diare yũre ãmumi. Iriyama deko perebiri okari sãrĩ deko* ããrĩbú. Õãrõ deko sũridiya, diumajĩ irirosũ ããrĩbú. Marĩpũ, Jesucristo oveja majĩgũ irirosũ ããrĩgũya doaro doka wiribũ. ² Iri makã dekoma maa, wãri maague ãmayobũ. Iriya pe gapũ tũrorire perebiri okari sãrĩ yukũ níbũ. Iri yukũ aberikũ dukakũ. Su bojorire, pe mojõma pere su gubu peru pẽrẽbejarigora dukakũ. Irigũma pũrĩ i ãmũ marã masaka pũrĩrikũrĩre tauri pũrĩ ããrã. ³ Irasiriro neõ pũrĩrĩ marĩrokoa. Iri makãgue Marĩpũ, Jesucristo oveja majĩgũ irirosũ ããrĩgũya doaro ããrĩrokoa. ãgũyarã ãgũrẽ bũremurãkuma. ⁴ ãgũya diapure ããrãkuma. ãgũsãya diapuserorire ãgũ wãrẽ tuuyasũrã ããrĩrãkuma. ⁵ Iroguere ñami neõ marĩrokoa. Irasirirã iro ããrĩrã sããgoriduparure, abe boyoridere gããmebirikuma. Marĩpũ boyori merã ããrĩrãkuma. ãgũ merã neõ piriro marĩrõ dorenĩrãkuma.

Jesucristo i ãmũgue dupaturi aariburo mérõ dũyãa, ãrĩ gojadea

⁶ Pũrũ Marĩpũre wereboegũ yũre ãrĩmi:

* **22:1** San Juan 11.25: Jesús ãrĩmi: –Yũ boanerãrẽ masãmakũ irigũ, ãgũsãrẽ okari sãgũ ããrã. Yũre bũremugũ boadigue ããrĩkeregũ, okagũkumi, ãrĩmi. San Juan 14.6: Jesús ãrĩmi doja: –Yũ dita Yũpũ pũrogue waarĩ maa irirosũ ããrã. Yũ diayemarẽ masakare masãmakũ irigũ, ãgũsãrẽ okamakũ irigũ ããrã. Yũ merãta Yũpũ pũrogue waarãkuma, ãrĩmi. Irasirigũ Jesús perebiri okarire sãrĩ deko, perebiri okarire sãrĩ yukũ irirosũ ããrĩmi. ãgũ merã ãgũrẽ bũremurã ãgũ Pagũ pũro i perebiri okarire opamurã ããrĩma.

—Y_u wereri diaye ārīrī āārā. Irasiri_{ro} y_u ārīrōsūta waarokoa. Marīp_u īgūya kerere weredupiyurārē īgūyare masīmakū irig_u āārīmi. Īgūrē wereboeg_ure iriumi īgūrē moāboerārē mērōgā p_uru waaburire masīdoreg_u, ārīmi.

⁷ Irasirig_u Jesús āsū ārīmi:

—Mērōgā p_uru aarig_ukoa. Irasirirā, Y_up_uya kere i papera pūgue gojadeare irit_uyarā us_uyarākuma, ārīmi.

⁸ Y_u Juan, i āārīpererire pé, iāb_u. Irasirig_u irire pé, iādero p_uru, y_ure īmuadi Marīp_ure wereboeg_uya guburi p_uro ñaduk_upuri merā ejamejājab_u īgūrē b_uremubu. ⁹ Y_ure īgū gap_u ārīmi:

—Irire irasiribirikōāka! M_u, m_uyarā Marīp_uya kerere weredupiyurā, āārīpererā i papera pūma dorerire irirā irirosūta y_ude Marīp_ure moāboeg_u āārā. Irasirig_u Marīp_u gap_ure ñaduk_upuri merā ejamejā, b_uremuka! ārīmi.

¹⁰ P_uru y_ure ārīnemomi:

—I pūgue: “Āsū waarokoa”, ārī gojadea keoro waaburo, mērō d_uyāa. Irasirig_u, Marīp_uya kere i pūgue gojadeare duúrogue opabirikōāka! Yayeri āārībea. ¹¹ Irasirirā ñerā i kerere péduamerā m_urārōta īgūsā gāamerō irinīkōāburo. Ñerīrē iririkurāde m_urārōta ñerīrē irinīkōāburo. Ōārō irirā gap_u m_urārōta ōārō irinīkōāburo. Marīp_u gāamerīrē iririkurāde m_urārōta irire irinīkōāburo, ārīmi.

¹² P_uru Jesús āsū ārīmi:

—Āsūta āārā. Gūñaña marīrō aarig_ura. Masakak_ure y_u sīburire opāa. Īgūsā iriderosūta īgūsārē keoro sīg_ura. ¹³ Y_u neōgoraguere āārīpereri i ūm_umarē āārīmakū iridi, i āārīpererire peremakū iribu āārā. Y_u i ūm_urē iriburo dupiyuro āārīsiab_u. Iri pereadero p_uru, āārīnīkōāg_ukoa, ārīmi.

¹⁴ ‘Āārīpererā īgūsā ñerī irideare pirirā us_uyarākuma. Surí koe odo, g_urari marīrī sāñanerā irirosū āārīma. Irasirirā iri makāma makāp_urorire tariñajārākuma. Iri makāma yuk_u p_urebiri okari sīrī yuk_u dukare baarākuma.

¹⁵ Gajirā ñerō iririmasā gap_u iri makāgue ñajābirikuma. Īgūsā yéa āārīrā iririkurā, ūma, nome merā, nome ūma merā ñerō kōābiririkurā, wējērīmasā, keori weadeare b_uremurā, ārīkatorikurā āārīma.

¹⁶ Y_u Jesús, y_ure wereboeg_ure iriub_u, m_usā y_ure b_uremurārē i papera pūmarē werebure. Op_u David parāmi āārīturiag_u āārā. Neñukām_u boyodiru ōārō boyoro irirosū āārīg_u, maama p_urebiri ūm_urē pīg_u āārā, ārīmi.

¹⁷ Ōāg_u deyomarīg_u, irasū āārīmakū Jesucristo oveja majīg_u irirosū āārīg_uyarāde īgū mojōsuabo irirosū āārīrā īgūrē āsū ārīma: “Aarika!” ārīma. Āārīpererā irire ārīmakū pérāde: “Aarika!” ārīburo. Ñemesiburā iirīduarā, p_urebiri okari sīrī dekore iirirā aariburo. Wajamarīrō iri dekore iirīrākuma.

¹⁸ Y_u Juan, āārīpererā Marīp_uya kere i pūgue gojadeare pérārē gopepyari merā āsū ārī wereg_ura: “I pūgue gojadeare gaji bueri merā morēsōo werenemorārē Marīp_u wajamoāg_ukumi. I pūgue wajamoāburire gojaderosūta īgūsārē wajamoāg_ukumi. ¹⁹ Gajirā Marīp_uya kere i pūgue gojadeare gorawayurārē āsū irig_ukumi. Īgūsārē p_urebiri okari sīrī yuk_u dukare sīboadeare sībirikumi. Irasirirā Marīp_u merā neō ñerī marīrī makāgue āārīnīkōābirikuma. Irire i pūgue gojasūa”, ārīmi.

²⁰ Jesús irire wereg_u, āsū ārīmi:

—Irasūta āārā. Mērō d_uyāa y_u aariburo, ārīmi.

Irasūta waaburo. G_ua Op_u Jesús aarika!

²¹ Marī Op_u Jesús m_usā āārīpererārē ōārō iritamuburo. Irasūta āārīburo.